

3 1761 04665294 7













(80) 541

P. PAPINII STATII  
LIBRI QUINQUE  
**S I L V A R U M.**

EX VETUSTIS EXEMPLARIBUS

RECENSUIT

ET

NOTAS ATQUE EMENDATIONES

ADJECIT

*JER. MARKLANDUS*

COLL. SÜ. PETRI CANTABRIG. SOCIUS.

Non potest sublime quidquam et in arduo positum contingere  
*mens*, quamdiu apud se est. desciscat oportet a solito. et  
efferatur, et mordeat frenos, et rectorem rapiat suum  
eoque ferat, quo per se timuisset escendere.

*Seneca de Tranquill. Animi. c. XV.*

EDITIO AUCTIONE INDICIBUSQUE INSTRUTA.

---

D R E S D A E,

L I B R A R I A W A G N E R I A.

L O N D I N I

PROSTAT APUD TREUTTEL & WURTZ, TREUTTELII FIL. & RICHTER, SOHO SQUARE N<sup>o</sup>. 30.

MDCCCXXVII.

4796  
17/8/10

6



REVERENDO ADMODUM PRAESULI

ET ERUDITISSIMO VIRO

**D N O. F R A N C I S C O H A R E,**

S. T. P.

**E P I S C O P O A S A P H E N S I,**

S. D.

**J E R. M A R K L A N D U S.**

**C**UI studiorum meorum primitias olim detuli, eidem proyectum eorum adprobare jam cupio: Tibi nimirum, **CLARISSIME VIR**, qui de literis longo usu et experientia iudicium rectum ferre didicisti. Hinc Te in summum ordinem literatorum hujus saeculi adscivit eruditorum consensus: quam dignitatem non solum tueri et ornare, verum etiam augere optime intelligis. Hinc etiam Te in sacros

Ecclesiae honores (et majora Tibi indies ominamur) evexit REX prudentissimus: unde jam ex superiore loco religioni isti propugnare possis, quam ex aequo tam feliciter antehac defendisti. Post haec tam magna meritis Tuis collata, cum munusculo meo irridebor, qui tanto Tibi adstruere gestio Poëtae opusculum, P. PAPINII STATHI SILVAS: quae tamen viris cordatis semper gratae fuerunt; et erunt, donec eruditioni, candori, benevolentiae et humanitati (ex quibus constant) suus manebit honos: ideo et Tibi gratae erunt. Hoc solum excusat et deprecatur infelix Poëta, quod in ea tempora incideret in quibus necesse erat *adulari*: quam fortunae ejus et saeculi culpam si illi remiseris, nullo alio nomine quemquam offendet vates mitissimus. Sed ex hac praecipue sententia Tibi ILLUSTRIS PRAESUL, se commendatum vult Statius, quod \* qui BONA FIDE DEOS COLIT, AMAT ET SACERDOTES. Hoc igitur, sive munusculum, sive debitum, accipias rogo, conatibus meis (opinor) illustratum; quibus si vel minimum adprobationis contuleris Tu, conferes forte quantum merentur; certe, quod maxime cupiunt. Vale.

LONDINI. Idibus April. A. D. 1728.

---

\* Praef. Lib. V. Silvarum.



## L E C T O R I S.

**LIBUIT** experiri quid efficere possem in restituendis Statii Silvis. Et primo quidem pedetentim et timide et quasi Rem Sacram tacturus accessi; veritus nempe huic Luco immittere securim post labores Gronovii, Gevartii, Barthii, Domitii, Morelli, Crucei, Tiliobrogae, et aliorum;

motusque verenda.

Majestate loci, si *robora* sacra ferirem

In mea credebam redituram membra *securim*.

Lucanus III, 429.

Postea, deprehenso uno vel altero loco in quo iis quoque humanitus aliquid acciderat, audacior factus, ad cetera eorum examinanda, et simul diligentem Poëtae ipsius lectionem me accinxi: ex qua hoc statim assecutus sum, ut vix decem versus perpetuos in ulla harum Eclogarum me adhuc intellexisse non sine admiratione, perspicerem. Hinc enim obturbabat *Latinitas*, falsa vel suspecta; illinc, *sensus* nullus, crebrae *absurditates*, *contradictiones* non paucae, *mos* et *compositio* minime *poëtica*: denique, οὐδὲν ὑγιές. Atrox, inquires, accusatio. et est sane: sed manedum, Lector; et nisi in Notis veram praestitero, non intercedo quo minus impudentissimis et mendacissimis mortalium me adceseas.

His igitur difficultatibus magis incensus, denuo adortus sum: hoc fine, ut ad *sensum* et *propositum* Auctoris quoquo modo pervenirem: sperans fore, (quod in aliis Auctoribus solenne noveram) ut, si rem providissem, verba et verae lectiones non invitae sequerentur; diversae quidem illae, attamen a Vulgatis non multum discrepantes; calami saltem ductibus, et literarum apicibus adludentibus. At, Dii boni, quantum in hac quoque parte falsus fui! Statim enim deprehendi, non cum punctis et apicibus et minutiis hisce criticis rem mihi futuram; sed debellanda esse *monstra horrenda, informia, ingentia*, et (ut ille ait) quibus omne *lumen ademtum*. Non enim leviter aut more solito in his Silvis grassatae sunt ignorantia et depravatio: sed penitus, et in imas medullas descendit pestis, non sine ferro et cautere

extirpanda. Notatis igitur nonnullis locis quae non intellexi, et de quibus siluerant Interpretes, lectioni Statianae diligentius incubui; experturus scilicet, an lucem aliquam sibi ipsi foeneraret Vates obscurissimus. Hoc tandem modo sese primum aperuit; donec aliud ex alio arripiens, et Statium sibi ipsi comparans, adblandiente profectu, in hanc persuasionem devenerim, ut ex *Quingentis* locis quae non intellexeram, jam non restent *Quadraginta* de quibus desperem.

Et illa quidem facile tolerari et tolli potuerunt librariorum errata, quae nascebantur ex positione vocis alicujus pro diversa ejusdem quantitatis et quae ab eadem litera inciperet. Planius loquar. Obvium fuit, saltem non adeo difficile, SENSU necessario postulante, et LITERIS *praeceuntibus*, pro *et fervent compita flammis*, substituere *effulgent*; pro *verbere crudo, crebro*; pro *docto numine, dextro*; pro *admirante Fortuna, adversante*; pro *serenam, sedentem*; pro *munera cessant, munera censûs*; pro *Sic tota cum veste ruit, Sicut erat cum veste ruit*; pro *pudor inde novae mentis, ingenuae mentis*; pro *aut, atria*; pro *illi, hilari*; pro *cura, cultu*; quae omnia (et multo plura possem) ex duobus prioribus libris harum Silvarum excerpti: haec, inquam, et similia non multum forte negotii facessent attento lectori, et qui sensui inhaeret, et mentem Auctoris et vestigia subsequitur: quid vero dices, cum inveneris *lecto pro furto; domus alta pro Venus alma; mensas pro nymphas; curvatus pro nudatus; bibit pro tulit; Discite pro Virite; Libertas pro Nobilitas; post crimina formae pro discrimina; carmen vitae pro limine*; et haec omnia (quae itidem ex duobus prioribus libris desumpta sunt) a viris doctis aut transmissa aut, quod aequè miraberis, defensa et explicata? Quid denique, cum ad illa monstra veneris, *peraravit auro pro decoravit; vadosae Africae pro dolosae; Rusticus pro Troasin; perpetuis fastis pro centenîs fastis; Atque tibi moresque tuos pro Meque habitus moresque tuos; fossa pro campo; oculis pro lacrimis; iterum oculis pro rogis; metas pro turmas; Silva una pro Si conjunx; vexo tecum pro verso Phoebos*; et, ut uno exemplo omnia portenta complectar, quid, cum ex hisce duobus versiculis Lib. IV. 3. v. 20.

Hic scenis populi vias gravatas  
Et campis iter omne detinentes,

ut nunc vulgo leguntur, et a Viris Doctissimis explicati fuerunt; cum ex his, inquam, *decem* vocibus, *sex*, et in nonnullis Editionibus *septem* depravatas probavero? Habebisne fidem, Lector, his miraculis? an potius paratus eris *non credere etiamsi credideris*?

Atque hoc loco destinaram aliquid dicere de *mendis Statianis*, et exemplis ex MSS. et antiquis auctoribus prolatis originem hujusmodi errorum detegere: sed diffundente se latius materia, et in capita plura surgente, commodius visum est hic omittere; praesertim cum in Notis plerumque, quando opus est,



hoc facturum sim. Interea de conditione harum Silvarum sic habet: Scripti earum Codices rarissimi sunt. duos habuit Barthius; (unum literis capitalibus exaratum, qui utinam exstaret) neutro eorum nisi perpauca horis uti illi licuit, propter flammam mansioni ejus injectam; quibus tamen elapsos illos suspicatus est. Alium laudat Justus Zinzerlingius, Promuls. Critica: alium, Lipsianum, Bernartius in Notis passim: alium Gebhardus Lib. III. Curar. Juvenilium; Senensis vero et Medicei Excerptis utebatur Gronovius; et postea, uno Joannis Rhodii, Chartaceo; altero Archiepiscopi Saltzburgensis, Membranaceo. Nic. Heinsius ex MSS. (non dicit quibus) nonnulla loca emendat. Fr. Tiliobroga mentionem facit Codicis Puteanei, alterius Nic. Fabri, unius P. Petavii. Facile vero fieri potest, ut aliquot ex his qui diversis nominibus a viris doctis appellantur, sint unus tantum idemque Codex, titulum cum possessore mutans. Extat tamen in Bibliotheca Christianiss. Regis Galliae Codex satis antiquus harum Silvarum, prout me monuit a peregrinationibus redux Vir Eruditissimus *Thomas Bentleius* LL. D. tam suo quam patris nomine bene jam notus et olim noscendus. Hujus collationem ex majore parte ipse Lutetiae commorans absolverat; sed infortunio meo schedas Romae reliquerat: et longius processerat prelum quam ut commode et mature ἀντιβολῇν Parisiis possem accersere: in quo tamen operam suam amice praestare paratus erat vir benevolentissimus. Si vero hujus Codicis aliquando compos fuero, et si tanti videbitur, Curas Secundas huic operi non pigebit impendere.

Ex his vero Libris, quos supra memoravi, in locis difficilioribus et manifesto depravatis raro quidquam aut multum auxilii; saepius nullum. Ex qua conspiratione possum concludere, aut menda Statiana admodum vetusta esse, aut Codices ex quibus profluxerunt quotquot extant harum Silvarum exemplaria, non fuisse valde vetustos. hos vero non adeo vetustos fuisse hinc colligo, quod pleraeque depravationes ejus generis sunt, ut vix proficisci potuerint nisi a libris minuto caractere seu *literis Longobardicis* (ut vulgo dicuntur) conceptis: hoc vero scribendi genus ante saeculum a Christo nato *octavum* vel *nonum* non obtinuisse norunt eruditi. Ex hujusmodi Codice vel Codicibus transcripta esse quotquot extant Silvarum exemplaria admodum verisimile est, quia plurimae voces in alias demigrarunt similitudine ductum calami. ita *bibit* pro *tulit*: quoniam calami ductus in utroque vocabulo iidem paene sunt, si isto caractere scribatur; magis diversi si literis Uncialibus concipiantur voces BIBIT, TULIT. Idem dicendum de *tibi* pro *bibe* Silv. V, 2. Sic *turbes* pro *tingas*, cum *tur* et *tin* idem sint, *b* vero et *g* saepissime pervertantur. Ita *terrae* pro *cervae*, cum *t* et *c* simillimae sint, et nisi sensu vix dignoscendae: dissimiliores aliquanto, si capitalibus scribas, TURBES, TINGAS, TERRAE, CERVAE. In singulis paginis exempla hujusce generis habebis; cum perpetuo commutetur *a* in *u*; *e* in *i*;



*a* in *u* et *c*; *u* in *i*: et hac omnes vice versa. sic *r* in *i* et *t* et *s*: *c* in *s* et *l*: *te* in *a* coaluit; unde pro *serenam* restitui *serentem*, hoc est, *sedentem*. contra *et* pro *a*; unde pro *bile feret*, feci *fera*. Sed hujusce generis praecipua est restitutio loci Silv. II, 6. v. 27.

Nec Paris Oebalios talis visurus amores  
Rusticus invisas dejecit in aequora pinus.

ubi probo scribi debere, *Troasin invisas* pro *Rusticus*. Vide autem initium et progressum hujus mendi. ultima syllaba *in* amissa erat in voce proxime sequente, *invisas*, ut saepe fit. inde *troas* ceperunt pro *ticus*, cum literarum differentia in isto caractere minima sit, et nisi peritis vix dignoscenda. adjecerunt deinde vel ex voce praecedente, vel ex ingenio, syllabam *rus*: et sic concinnarunt vocem *rusticus*, quae absurda est et falsa.

Infinitum esset si omnia in hanc rem dicenda exsequeretur: desinam igitur, si prius notavero aliud mendorum genus ex hac praecipue scriptione et caractere profluens: hoc est, cum *totae voces*, non literae tantum una et altera, pro aliis substituuntur. non quin et antiquioribus Libris, et literis majusculis scriptis, hoc usuvenerit; sed non tam frequenter, nec tam facili erroris occasione. Quippe interdum Interpolatores, interdum festinantes Librarii, quorum lucro erat Libros quam celerrime transcribere, cum nacti essent Exemplar aliquod, vel literis minusculis et Abbreviationibus, vel Vetustate aut multo usu et manuum tractatione obscurius, non semper Fidei litabant; sed posthabita Veteri et vera Lectione, cui indagandae aliquod temporis forte esset insumendum, aliam de suo benigni impingebant; de sensu securi, modo ne violaretur Metrum, et Exemplarium suorum Venustas. Hoc autem semel admissio, saepe accidit ut reliqua pars versus immutanda esset, ut Sensum inductitiae voci congruentem haberet: quo pacto, error unus Interpolatoris vel Librarii ansam dedit duobus vel tribus aliorum in eodem versu. Huic Scribarum festinationi, vel Interpolatorum audaciae, reffero, quod Silv. I, 2. pro *vota precesque* vulgo legitur *dona*: et tale aliquid accidisse suspicor I, 3. v. 21. ubi Anio fluvius dicitur *Saxeus*. Hinc etiam venit *partem* pro *noctem*; *Libertas* pro *Nobilitas*; *nube* pro *laude*; *fateor* pro *pariter*; *Moribus* pro *Fascibus*: hinc *carmine* pro *numine*; *carmen* pro *limine*; *carmina* pro *tempora*; *carmina* pro *munera*; *jugera* pro *munera*; *vulnera* pro *munera*; *funera* pro *vulnera*; *vulnera* pro *murmura*; *funera* pro *fulmina*; *pulvere* pro *fulgure*; *pectora* pro *lumina*: quae omnia loca restitui ex hac certissima Regula, quod hinc stabant Sensus et Elegantia et Usitata Mutatio, illinc plerumque Absurditas. Quippe notandum est in hac parte, Non solum apud Statium, sed et ceteros omnes poetas, voces *munera*, *vulnera*, *nomina*, *limina*, *lumina*, *flamina*, *flumina*, *fulgura*, *fulmina*, *funera*, *numina*, *murmura*, *carmina*, *tempora*, *germina*, *gramina*, et similia trisyl-

laba dactylica; saepe in MSS. Codd. pro se invicem substitui. nec dubito quin Aeneid. XII, 518. ubi nunc legitur,

piscosae cui circum flumina Lernaë  
Ars fuerat, pauperque domus; nec nota potentum  
MUNERA,

Virgilius scripserit LIMINA; ut apud Martialem Epigr. XII, 18.

Dum per LIMINA te POTENTIORUM etc.

et Claudianum in Pr. Cons. Stilich. I, 42.

nullis haerere POTENTUM

LIMINIBUS;

et alios sine numero locos in utriusque generis scriptoribus. et quod propius est, Servius videtur pro varia lectione invenisse *munia*; inter quam vocem et *limina*, detractâ literâ *l*, utpote initio versus, parum est differentiae; cum ductus calami fere iidem sint in *munia* et *imina*; et has voces *munera* et *limina* alibi commutatas saepe observavi. Nam Georg. IV. 520. pro *munere* legendum esse *nomine*, extra omnem controversiam positum puto, post ea quae dixi ad Silv. III, 3. v. 87. Sic *limina* et *moenia* commutantur in MSS. apud Ovid. Met. VI, 600. et XIV, 456. *lumina* et *tempora* Ibide v. 32. *pectore* et *lumine* Seneca Herc. Fur. v. 219. *tempora* et *moenia* Horatio Art. Poët. v. 140. *sanguine* et *litore* Sil. Italico V, 273. Idem X, 133. de An-nibale,

Ni leto det cuncta virum, jungatque parenti  
CORPORA, et excidat miseros cum stirpe penates:

ita in omnibus, opinor, legitur: sensus vero et Oppositio plane postulant, *jungatque parenti* PIGNORA, id est, *natos*. Propertius IV, 4. de Tarpeia:

Dixit, et incerto permisit BRACHIA somno:

ita vulgo legitur. Sed an aliquis unquam intellexit quid sit *permittere* BRACHIA somno? certe legendum vel LUMINA, vel quod propius est, PECTORA; ut apud Nostrum Silv. III, 2. *quos nunc ego* PECTORE somnos, *Quosve queam perferre dies?* Ita apud Rutilium Numatianum Itinerar. I, 229.

Praesidet exigui formatus imagine saxi

Qui pastorali NOMINA fronte gerit:

loquitur de *Castro Inui*, oppido in Italia; cujus oppidi praestes erat *Inuus*, idem qui *Pan*. jam vero quid est *gerere* NOMINA *pastorali fronte*? Lege:

Qui pastorali CORNUA fronte gerit:

ita enim fingebatur *Pan* vel *Inuus*: Macrobius Saturnal. I, 22. *Ergo Inui CORNUA barbaeque proluxa demissio naturam lucis ostendunt* etc. Nemini dubium esse potest quin ita scripserit Rutilius: et si istud poëma editurus essem, sine haesitatione in contextum reciperem CORNUA pro NOMINA. Sic *tempora* et *munera* commutantur Manilio IV, 205. *nomina* et *praemia* Ovid.



Fast. V, 205 *gurgite* et *litore* Claudiano in Rufin. I, 186. *omine* et *pectore* Catullo de Nupt. Pel. et Thet. ad finem. Val. Flaccus II, 324.

Venus ipsa volens dat TEMPORA jungi,

Dum vires utero, maternaque sufficit aetas:

de *connubiis* loquitur; unde patet eum scripsisse, *dat* FOEDERA *jungi*: cujus phraseos vide exempla apud Cl. Burmannum ad Ovid. Met. VII. 403. et ubique occurrit. Possem tibi, credo, (nec ex Poëtis solum) *Quadringenta* hujusmodi mutationum exempla proferre: haec pauca adduxi, ne nimium mireris quando in contextu hujus editionis legeris *munera* pro eo quod erat *vulnera*, Epiced. Patr. v. 45. vel *munera* pro *carmina* Epiced. Puer. v. 14. vel *vulnera* pro *funera* ibid. v. 46. et hujusmodi nonnulla. Ubi enim res erat manifestae Veritatis et summae Necessitatis, admisi in Contextum (cur enim mihi negaretur, quod nisi aliis concessum antehac foret, vix duos versus continuos in his Silvis potuisses intelligere?) non aliorum solum, sed etiam meas Conjecturas: in hac parte secutus consilium summi magistri, Gronovii. „Cur „enim (inquit Ille, Praefat. ad Senecam) tantus labor insumitur eruendae „doctrinae Veterum; et operibus redintegrandis, si nullus inde ad *Ipsos* red- „eat fructus? Quid juvat toties novare Editiones, ut eadem corruptelae in „singulis maneant? Itaque sit saepenumero, ut lector in facilibus intellectu, si „bono consilio adsumta e Criticorum scriptis (quae omnibus evolvere non „semper vacat) genuina manus Auctori reddita esset, quia vulgatum retinetur „ulcus, crucietur; potiorum partem aut non perceptam aut male, transeat; et „nihil quod imitari tuto possit, inveniat.“ Haec Ille, optima sane, et utilis- sima si adhibeatur Judicium; cui, quantum valui, intendi: et hoc tempera- mentum secutus sum, Ut si in vulgata lectione aliquid sit *Absurdi*, vel *Falsi* vel *Inelegantis*; contra vero, in Conjectura sive mea, sive alius cujuspiam, *ratio*, *Auctoritas* ipsius Statii et optimorum Scriptorum, una cum *Minima* vel *Usi- tata Discrepantia* a vulgari scriptura; istud ejiciam, hoc in Contextum adsu- mam. Atqui, dicunt, si hoc semel concedatur, actum est de Antiquitate, et pro Statio legemus Nescio Quem. Immo, respondeo, pro Nescio Quo leges Statium. Si enim Tu, levi vel usitata mutatione vocum, ex eo quod Absur- dum erat vel non intelligendum, efficere potes Sensum perspicuum et vivi- dum, Filium poematis et sermonem apte connexum praecedentibus et subse- quentibus, Numeros aequabiles, et ceteris ejusdem Poëtae pares et similes; denique, cui nihil ab ulla parte objici possit; statim exclamabo, *εὖρηκας*, atque hoc, non isto modo, Poëtam scripsisse credam. Quid enim si Centum Codices consentiant in hoc Virgilii loco Aeneid. VII, 593.

Multa Deos AURASQUE pater testatus inanes,

Frangimur heu ventis, inquit, ferimurque procella:

anne ideo dubitares in Contextum admittere, ex Conjectura,

Multa Deos ARASQUE pater testatus inanes?

Praesertim cum in isto nullus sit sensus; et ipse alibi eandem sententiam iisdem fere verbis proferat, Aeneïd. XII, 496.

*Multa Jovem et laesi testatus foederis ARAS:*

quem locum exscribit perpetuus ejus imitator Sil. Italicus XVII, 87.

castas polluti foederis ARAS

*Testatus:*

Et VI, 692.

pollutas foederis ARAS

Deceptumque Jovem.

Quis tam inepte fautor Veterum Lectionum, ut non hoc concedat? nemo certe; nisi si quis tam durus reperiri queat, ut fateatur se Vetera et Falsa quam Recentia et Vera malle: cujus Sinisteritatem pro Judicio suspicere, nae esset indicium mentis infirmae, et Veritatis Numine parum contactae. „Re-  
„vereor sane (ut Ille ait, ad Livium XXIV, 25.) Veteres Libros; ita tamen ut  
„illorum scripturam nunquam praevertam ei quam ipsos auctores reliquisse  
„credibile est.“ Quando igitur in textum admitto *Parthenopeque* pro *Major*  
*et inde, Si conjunx* pro *Silva una, Meque habitus moresque* pro *Atque tibi mo-*  
*resque, lacrimis* pro *oculis, decoravit* pro *peraravit*, et Centum alia ejusdem  
audaciaezet veritatis; scito, Lector, me adeo non petere veniam, ut etiam tibi  
imputem. Atque utinam pari Certitudine (paene Mathematica) in ceteris  
difficilibus locis versari potuissem! omnia uno ordine habuissem, Catienis  
mille ducentis reclamantibus. Quid enim refert a qua parte veniat, modo  
venerit, Veritas? eadem est Dea, sive a me et Cruceo, sive ab Heinsio et  
Gronovio in lucem proferatur. nisi nobismetipsis tam maligni, et iniqui judi-  
ces esse volumus, ut quod ab aliis profectum pro *Vero* statim amplectere-  
mur; id, quia nostrum est, inter *Dubia* rejiciamus. quae quidem Diffidentia  
a Judicio et vero Profectu aequae longe remota est, ac Oppositum ejus *phil-*  
*avria*. *Haec* semper sibi applaudit; et, licet *fallatur*, rem bene gestam au-  
tumat: *Illa* semper pendet et fluctuat etiam in *veris*. certe autem tam pec-  
cat qui *Nihil* credit quam qui *Omnia*: et si ab alterutro perire necesse sit,  
felicior videtur sors *Copiâ* quam *fame* pereuntium. Sed mediam viam insi-  
stit Judicium; neque ultra Verum progreditur, neque citra deficit.

Non tamen mihi in hac parte Conjecturali, quae cuique maxime ad-  
blanditur, semper indulsi: sed ubicumque erat dubitationi locus, Conjecturam  
ad imam paginam plerumque detrusi: unde petas licet, si non ipsum Statium,  
Sensum tamen vulgato potiore, et cujus in Notis rationem reddam; quas  
quia non otium aut animus tibi forte fuerit consulendi, statui hoc pacto de-  
cidere cum deliciis et fastidio tuo. Extra hos fines si me evagantem un-  
quam deprehenderis, injicias, quaeso, manum, et in viam reducas; leniter  
tamen et sine acerbitate, prout decet Musarum non Duelli et Discordiae sa-  
cris operatos. neque enim, si calculum recte ponas, tanti sunt allucinationes



meae ut propterea Tu Humanitatem exuas; et longe ante tibi denuntio, si me errantem coargueris ex *Ratione Rei* et *Veterum Auctoritatibus*, (quomodo tecum ago,) me primo intuitu manus daturum, et fassurum sine flagro et verberibus, quae procul amoventor a *Liberalibus Disciplinis*; in quibus quicumque Ingenue versatur, *Civis Romanus* est. Et quid si ego erraverim? quis hoc a me exigit, aut quando promisi futurum, ut nunquam fallerer? an si *decem* locis (ut Gronovii verbis utar) *ter* excidissem, malles Tu *septies* falsa et obscura lectione torqueri, quam *tres* mihi lapsus et monstrare et condonare? non, opinor; si Hominem te memineris. Neve haec gratis dicta putes, hac occasione stuporem meum ultro agnosco; qui alio Opusculo (Epist. Critic. p. 39.) in loco L. Flori II, 2. pro, *Africam et Syrtes omnium IMPERIA GENTIUM, insularum litora replevit*, legebam, *Syrtes et omnium IN EO MARI JACENTIUM insularum litora*; cum verum esset, *Syrtes et omnium INTERJACENTIUM insularum litora*; prout me comiter monuerunt Summi Viri Franciscus Hare et Ricardus Bentleius, et Eruditus Vir Daniel Walterus, Tutor olim meus: quibus viris praestantissimis, et hoc, et multis aliis nominibus, obstrictum me profiteri gaudeo. Idem dictum volo de loco Ciceronis de Nat. Deor. III, 35. ubi pro *vi timpanitis rogo illatus est*, legebam, *in triumphantis toga elatus est*: quod falsum est, cum de Dionysio *Siculo* sermo fiat, cui non competit *toga*, quae *Romanorum* est. Sed ad rem.

De prioribus harum Sylvarum Editoribus parum dicam, ne eorum existimationem vero, aut mei ipsius falso Iudicio laedam. Hoc solum audebo dicere, eos nimis negligenter huic operi adsiluisse; dum unum quemvis locum arripientes in quo aliqua esset Codicum aut Editionum discrepantia, huic Uni catervatim incubuerunt, de Decem obscurioribus securi, et ne verbum quidem facientes. Quid aliud quam Negligentes (viros alias acutissimos) dixeris, qui Centies forte relegerint locum Auctoris, in quo Matres in luctu dicuntur *ferre cineres et carmina oculis*; vel ubi infans dicitur *implicare gemitum* alicui; vel ubi Tithonia dicitur *spargere* aliquem *flagello*; vel ubi *lamugo* dicitur *carpere genas*; vel ubi *Tibris* et *Lucanus* *ager* dicuntur *torquere aquas*: qui haec, inquam, et Ter centum talia relegere potuerint et edere, sine ulla vel sensus explicatione, vel Absurditatis mentione? Atque haec est Statii in his Silvis sors; ea Editorum securitas. Nimirum, illis non videtur suboluisse de tam prodigiosa horum librorum depravatione; et *Mendorum Consensum* pro *Sanitate* acceperunt. Ni ita se haberet, quomodo fieri potuit ut tot Absurditatibus acquiesceret (non dico Gevartius et Barthius, sed) summus ille Gronovius, sine ulla vel suspicionis suae mentione? Nec hoc dico ut mea majoris aestimentur, aut ut famae et meritis illius detrahā; (quorum neutrum aut in animo aut in potestate mea situm est) sed ut hinc perspicias quam diversae res sint *Linguam Latinam* et *Poëtas Latinos* optime et accurate intelligere: quorum istud, si cuiquam morta-



lium, Gronovio contigit; hoc, (*accurate dico*) vix uni et alteri, quod sciam, (vivos enim praetereo, utpote quos Libitina nondum sacraverit) praeter Nic. Heinsium, verum Phoebi alumnum, et Calliopes sinu innutritum: qui aliud agens paene plura loca, certe difficiliora, in his Silvis restituit, quam omnes alii simul sumti (Gronovio excepto) qui ex professo insudarunt huic operi. nec dubito quin multo plura lateant in margine Exemplaris ejus; quod a Burmanno aliquoties citatum video, Not. ad Ovidium; et meminit Graevius in Epist. ad Bentleium, Not. ad Horat. Carm. I, 23. v. 5. Nec tamen hoc Gronovio vitio vertendum duxerim; non hercle magis quam quod *Gallus* vel *Britannus* non fuerit; non magis quam quod *Spectandus nigris oculis nigroque capillo* forte non fuerit. Hoc enim donum est Naturae, et illis solis contigit quos *Nascentes placido lumine viderit* Melpomene. Multo altiora et forte utiliora novit et excoluit Vir ille vere Maximus; quorum innumera specimina exhibet in praeclara *Diatribae in Statii Silvas*: in quo tamen opere multa ad poetarum locos spectantia mutasset, sat scio, Heinsius, si ad illius judicium res fuisset exigenda. Interea, inde se solari potest Gronovius, quod hoc (nescio an dicam *infortunium*) commune habuerit cum Viris in aliis Eruditionis partibus longe summis. Hinc etiam se tueri potest, quod haec *DIA-TRIBE primum ejus tentamen, et opus juvenile* fuit: juvenile quidem illud, sed GRONOVII juvenis, et quale non perfectius elaborare potuerint multi qui hisce literis totam aetatem impenderunt. etiam errores istius Viri quiddam eruditius habent quam aliorum *διορθώματα*. Et in universum, hoc quasi ex Phoebi tripode effatum sume, *Nunquam interituram esse veram eruditionem, donec Gronovii opera legentur.*

At periculosum erat a tanto Viro dissentire. Erat quidem: sed, ut puto, ducem Rationem sequebar; cujus rei, Tu, Lector, constitutus es Judex. Et quid facerem? hinc, ut mihi videbatur, stetit Veritas; illinc, Gronovius. anne difficilis electio? Gronovio certe, quantumvis magno, major Veritas. Nec cupiam unquam fraudi fuit a quopiam cum Ratione dissensisse; praesertim in his Studiis; in quibus non ad Formulam adstringimur, et idem Jus est Maevio quod Titio. absit modo Livor, et Petulantia; quorum causas procul habeo. Etiam ab ipso Heinsio saepissime in hoc opere dissentio: nec tamen propterea vel de Illo pejus, vel de meipso melius existimo.

Moles hujus Voluminis obstitit quo minus ederem praeclaram hanc Gronovii Diatriben, (cujus exemplaria jam rariora sunt) et simul *Papinianas Lectiones* Jani Casperii Gevartii, cultissimum opus, et eruditis bene notum. et licet Gevartius in Re Critica nihil fuerit ad Gronovium, feliciter tamen in hoc opere versatus est, et Statium luculenter explicavit, et non raro emendavit: ut proinde multum illi debeant Papinianae Litterae. Barthii Editionem Statii nondum vidi: septem tamen vel octo emendationes (quae in Edit. Varior. occurrebant) parvas quidem, sed indubitatas, admisi. Bernartius,



Morellus, Cruceus, quicquid contulerint, suis locis memorabitur. Hi omnes (et alii aliquot) ediderunt has Silvas. Janus Parrhasius, (monente Barthio) Argumento Praefat. in Lib. I. Claudiani *de Raptu Proserpinae*, pollicetur Commentaria in Silvas; quod et facit Politianus Epist. VI, 1. ubi etiam testatur se publice *praelegisse* hos libros. Jos. Scaliger. in Propertii Lib. II. p. 185. edit. Patisson. memorat se enarrasse totos quinque libros Silvarum Ludovico Castanaco, Equiti Regio. Sed privatae, opinor, hae Scaligeri, non publicae, aut scriptis commissae Praelectiones; quod tamen innuere videtur Barthius. Alii quoque multi lucem et sanitatem huic Opusculo obiter contulerunt: ut sane dubitem, an inter omnia Antiquorum Scripta ullus sit libellus qui tot medicas manus experta sit. quippe in Contextu hujus editionis habes certissimas Emendationes Virorum ad minimum *quadraginta* in Re Litteraria Principum. Nec tamen, ut mihi videtur, dimidiam partem mendorum abstulerunt, aut locorum difficilium explicarunt. unde magno emerim scire, quibus rationibus sibi ipsis imposuerint Airi in aliis Vactoribus perspicacissimi; vel quo modo interpretaturi fuerint Ter centum loca quae ex his Silvis possem proponere, et quorum illi nullam rationem habuerunt.

Cum primum hoc opus adgressus eram, ad manus fuerunt Editiones (Libri enim MSS. in Britannia nulli) quae vulgo habentur praestantissimae, Aldi an. MDII. Gronovii, Gevartii, Bernartii, Crucei, Grasseri, Veenhusii, et aliae minorum gentium: Tiliobrogae quoque Variantes Lectiones Veteris Codicis, qui in plerisque cum Edit. Rom. consentit. Gronovii Diatribe suppeditavit Lectiones Codicum Senensis et Florentini, et Editionum Rom. et Aldinae et Venetae MCCCCXC. De quibus libris ait, (Praefat. ad Diatriben) *Se summa cum diligentia eos contulisse, cum religione et fide optima citare.* Anno 1653. Idem edidit Statium, et una cum illo *Reliqua ad Silvas*: haec praebant varietates nonnullas optimas duorum aliorum Codicum, *Rhodiani* et *Saltzburgensis*. Excussi quoque Notas omnium quotquot nancisci poteram, qui in hunc Auctorem scriptitarunt.

Tandem maximo beneficio, et quod multorum MSS. instar habuit, me mactavit praeclarissimus et in his Studiis summus Vir Franciscus Hare, Episcopus Asaphensis; qui ex Bibliotheca Illustrissimi Comitis Sunderlandiae Editiones Parmensem et Romanam mihi impetravit; hanc, Anni MCCCCLXXV; illam, MCCCCLXXIII: utramque ex diversis Codicibus, Parmensem ex optimis expressam, prout testatur N. Heinsius alicubi ad Claudianum, et res ipsa fidem fecit. Quippe hujus solius ope nonnulla loca restitui, quae, absque hac foret, nulla Conjectura assequi posset. Sic Glauc. Ated. v. 193. pro VOLVENTEM Parm. TERGENTEM; quod verum est. Herc. Surrent. v. 16. pro DUCTAVIT *scopulos* Parm. DIVISIT: et ibid. v. 152. pro ADDISCIS Parm. ADSCISES; unde feci ADSCISCIS. Ita pro GERES restitui PATER, ex Parmensi,



quae habet GETAE: pro RARAM *quietem*, NAVAM: pro NITIDAS *speculas* Parm. VIDES; unde feci VIGILES: pro LABENTE *manu* restitui TREPIDANTE: pro FISSA *buxo*, FOEDA: pro CYDA LABOR *nomenque fuit*, Epiced. Patr. v. 94. loco notissimo, Parmensis CICALIBEN *nomenque fuit*; unde feci, CURA LYRE, *nomenque fuit*. Epiced. Puer. ad fin. pro EXERCERE *genas*, Parm. EXCEPERE, unde feci EXCEPISSE. Hae sunt egregiae restitutiones, huic libro debitae. mitto multas alias, quas per totum opus sparsas videbis. Liber ipse est in *Folio*, (quemadmodum loquuntur) Characterem nitidissimo, et opinor, ad scripturam Codicum unde desumptus est, accedente. Magni eum fecit Heinsius: passim citat, et ex illo Statii loca emendat. Mihi hoc praecipue nomine gratus fuit, quod nulli antea Editorum, quantum novi, hunc vidisse contigerat: et magis magisque gratus, postquam Conjecturas meas ab illo confirmatas comperissem; quam voluptatem multis in locis cepi. Ad finem hujus Editionis legitur haec notabilis Epigraphe: „P. Papinii Statii liber qnt9 explicat: quãq non „desint qui velint epistolam quae scribitur Abascantio Priscillae Marito non „esse principium quinti, sed interpositam in quarto; et silvas solum in li- „bros quatuor esse divisas. quod quidem constare videtur ex his verbis poë- „tae: Quare plura in Quarto Silvarum quam in prioribus. Correctum p. d. „(opinor, *per dominum*) Franciscum Puteolanum: et vere, ultra impressio- „nem Venetiis factam, in III millibus locis emendatum, SS. Catullum et Sil- „vas: ut tu Lector ambobus exemplaribus experiri poteris: itaque nullo mō „intelligi possit: et caetera. Impressum Parmae per me Stephanum Coral- „lum. Anno Christi MCCCCLXXIII. secundo Cal. Septembris.“ Franciscus hic Puteolanus (ut hoc obiter addam) praeceptor fuit viri magis noti, Philippi Beroaldi, prout disco ex Gevartio Papin. Lect. III, 6. Idem, opinor, est Puteolanus, cujus meminit Politianus, Epistolar. II, 14. Hinc vero patet, antiquiorem hac Parmensi fuisse Venetam aliam, quam forte innuit Gevartius Papin. Lect. I, 13. ubi citat Principem Edit. Venetam ad confirmandam Lectionem NYMBO pro THYMBRA; cum tamen THYMBRA sit in Veneta anni MCCCXC, ut notat Gronovius Praefat. Diatribes: et proinde necesse sit aliam esse Venetam illa vetustiore. Immo *trium* Venetarum antiquiorum mentionem invenio; unius nempe, An. 1483. apud Cl. Fabricium Bibliotheca Latin. Lib. II. cap. 16. et Supplement. p. 712. Alterius, An. 1475. apud Gronovium *Reliq. ad Statii Silvas*. Tertiae, Parmensi vetustioris, in Epigraphe modo adducta. Erravi igitur siquando Parmensem omnium antiquissimam dixerim. Cum de hac Veneta Editione quaererem, admonitus eram illam servari in Bibliotheca Celsissimi DUCIS DEVONIAE, egregii Literarum fautoris: a quo (interventu Nobilissimi cujusdam Amici) thesaurum hunc impletravi: quorum adeo Humanitati et comitati utinam pares gratias referre possem. Et jam video, omnia quae de praestantia Edit. Parm. praedicaveram, ad hanc potiori jure transferenda esse. quippe Parmensis ex hac plane expressa fuisse videtur, mutatis nonnullis (et frequente in pejus) vel ex



aliis Codicibus, vel forte ex libitu correctoris, Francisci Puteolani; et quaecumque egregia habet Parmensis, haec quoque habet; et multa praeterea, quae in *Addendis* videas: adeo ut absque hac omnino manca fuisset nostra Editio. Liber est pulcherrimus, in *Folio*: in eodem volumine continentur *Catullus*, *Tibullus* et *Propertius*. Uno anno Parmensem praecessit, impressus Venetiis An. 1472. Non dubito quin haec sit omnium antiquissima harum Silvarum Editio: certe, omnium rarissima est; neque mentionem ejus alibi invenio praeterquam in obscuro isto angulo Editionis Parmensis; istius quoque perquam rarae.

Romana quoque Editio, licet ab aliis praeflorata, nonnihil novi ex suo contulit, et lectiones Parmensis et Venetae Editt. confirmavit; quod passim videbis. Huic praefuit Domitius Calderinus, ex scriptis in diversos Auctores bene notus, et, ut illo aevo, vir sane doctissimus. Multa ille Statio feliciter restituit; in multis pueriliter erravit. hoc tamen nomine maxime culpandus, quod si quid non intellexerit, statim mutavit; etiam absurde nonnunquam; saepe etiam, quod valde suspicor, nulla mentione facta. Utilis tamen Editio, quod diversorum Codicum scripturam repraesentet; cum jam paene certus sim, Domitium, quando istam evulgaret, non vidisse aut Parmensem, aut libros ex quibus Parmensis expressa fuit: de quo aliquando incertus eram.

Sed dudum ante nactos hos libros suspicatus eram, quod postea verum comperi, non multum auxilii exspectandum esse a duobus vel tribus exemplaribus quibusvis. quippe altius adactum erat vulnus; et post omnia quae invenire potui a Viris doctis restituta vel e Libris vel Ingenio, restabant adhuc paene innumera quae nullo modo erant intelligenda. His igitur incumbere, haec premebam, et omnes strophas vertebam. et interdum Veritas primo discursu sese ingerebat; aliquando res erat morosioris disquisitionis. In summa: si quid in his rebus Certi sit, paene ausim in me recipere et praestare, Te jam legere posse Statii Silvas plus quam *Tercentum* locis restitutas ex Conjectura; partim *Sensu* praeceunte et necessario postulante has emendationes, partim *Literis* et *Calami ductibus* ad veras Lectiones ducentibus: adeo ut jam non restent *Quadraginta* loca de quibus desperem. Juveniliter nimis dictum hoc tibi forte videbitur: spondeo, dictum esse citra Affectationem aut Jactantiam; quarum occasiones, ut mihi videtur, ab his Studiis longissime excluduntur. bene enim scio, quo pretio haec et omnia hujusmodi aestimanda sunt: quae tunc demum tolerabilia fieri incipiunt, cum ab animo simplici et candido proficiuntur. sin minus, reponenda sunt inter Flacci *nugas* quae *seria ducunt in mala*.

Nonnulla in his Silvis depravatissima puto, et sine aliis exemplaribus nunquam restituenda, utpote forte mutila: velut hoc Epiced. Phileti v. 64.

Seu Lucanus ager, seu Tibridis impetus altus  
In dextrum torsiſſet aquas.

Arb. Ated. v. 69.

Et ſecrete palam, qui digeris ordine vitam.

Ad Uxor. v. 48.

Et quamquam ſaevi fecerunt Maenada planetus.

Ad Marcell. v. 83.

proavitaque toto  
Rura abiſſe mari.

Et 102.

nec enim Tiryntius almae  
Pectus amicitiae.

Quae omnia, (praeter iſtud Epiced. Phileti, de quo omnes tacent) ſummi Viri Gronovius et Gevartius ſaniſſima putant, et explicare conantur. ego non poſſum mihi in tantum imponere; ſimpliciter fateor me non intelligere iſta loca. quod utinam facerent omnes qui Veterum Auctorum Editiones procurant. et ſane facere debent, et facerent, niſi puderet fateri ſe aliquid non intelligere. qua diſſimulatione nihil Studiis eſt damnoſius. Hinc enim Lector non adeo eruditus (qui plures numero) cum in tale aliquid inciderit, incuſat primo ſtuporem ſuum, per quem non intelligit quod caeteros omnes putat intelligere; cum tamen forte ejusmodi ſit quod nemo unquam aut intellexit aut intellecturus eſt. ſtatim ſequitur *Incertitudo* in Studiis; et hanc excipit *Deſperatio*; et noviſſime, *Contemptus*. Fideliter igitur indicavi (certe volui) omnia loca de quibus mihi non liquet. et nonnullis interdum forte opitulari poſſem, niſi taederet conjecturis indulgere in locis quae tribus vel quatuor modis reſingi poſſint: cum ea ſola pro certis habeam ad quae unus tantum eſt aditus. Si quid tamen hujusmodi incideret, fidei Editoris erat Lectorem monere; nec monere ſolum, ſed et remedium tentare: nec enim ferendus eſſet Medicus qui Aegreto tantum diceret, *Aegrotus es*, abſque ulteriore cura aut conatu eum ſanandi. Tentavi igitur: et interdum forte verum vidi; ſaepeius, opinor, peccavi.

De ipſo Statio omnia ſunt vulgata: nec quidquam novi habui, niſi ut refellerem opinionem magnorum virorum qui ſtatuunt eum victum fuiſſe in Agone Capitolino in commiſſione *Thebaïdos* ſuae: quod nec minimum veriſimilitudinis habere, nec ab eorum Argumentis probari, doceo ad Epiced. Patr. v. 231. De *Ἀρξία* et *Tumore*, quae Statio ſaepe obji-ciuntur, aptior erit alius dicendo locus. Notandus obiter fuit eorum error qui *Sellium* ſeu *Epirotam* faciunt Noſtri Patrem; cum ille plane fuerit *Neapolitanus*; Gens vero *Papinia*, ex *Velia* Lucaniae oppido.

Reſtat a te petam, Lector, ut ignoſcas longitudini Noſtarum, cui aliquoties forte nimis induſi ubi per ſe perſpicua res fuit. Atque utinam Exemplorum numerus multis in locis circumcideretur. Sed hanc Garrulita-



tem mox (si nihil interpellat, et si Eruditioribus tanti videbitur) compensabo brevitate Notarum et Emendationum in *Propertium*, cui jam cum maxime incumbo: et proxima foetura excludet *Statii Thebaïda* et *Achilleïda*; quas cum Libris MSS. collatas edere destino. in quam rem Viros Eruditos exoratos velim, ut mihi transmittere dignentur si quid huic proposito accommodum penes se habeant. reddam vicem, si reposcant; reddam, et si non reposcant.

De *Virgilii Aeneïde*, quibusdam in locis, (praecipue p. 302. Col. 1.) liberius quam mos est, opinatus sum. Hujus opinionis audaciam expavet eruditus quidam Amicus meus: cujus causâ, et ut quod censeo sine ambagibus proferam, addo, Plurima esse in isto poëmate, quae, si ego (pessimus omnium poëta) versus scriberem, nollem in meis conspici. et licet numero infinita ultra humanae imitationis metus in illo emineant, nonnulla tamen sunt contradictoria, multa languida, exilia, nugatoria, spiritu et majestate Carminis Heroïci defecta: quae si Perfecti Operis signa sunt, sit per me quantumlibet perfecta Virgilii *Aeneïs*. Et de *Georgicis* quidem quantum vult concedo; de *Aeneïde* vero, renuo nego. Non solus ita censeo; immo hoc sensisse videtur Ipse Virgilius, optimus certe sui judex; aut quare *flammis aboleri jussit* hoc opus? Sed et solus, ita censebo, donec Sensus Communis et Rerum Notiones animo haerebunt. Impudentiam vel Dementiam meam miraris? quod dixi, praestare paratus sum; et in hanc rem, non mediocrem Silvam jam in mundo habeo; cujus specimen in Notis passim videbis. O Virgili, quale te numen habere dicerem, si sic omnia scripsisses quemadmodum multa in Secundo, Quarto, et Sexto Libris! Et tu quidem sic omnia scripsisses, si tibi permisissent Tempus et male feriati Homines: sed nunc pars minima es Ipse Tui. Vale, Lector, et, si minus recte de his rebus sentiam, docere me vel redarguere, si tanti sit, ne dedigneris.

---

## EPIMETRUM.

EDITORIS DRESDENSIS.

Rogatus ab librario honestissimo, ut Statii Marklandiani, primum Londini typis Bowyerianis a. 1728. impressi, denuo recudendi curam in me susceperem, quamquam variis negotiis distractus, eo minus tamen eius precibus deesse volui, quo magis librum egregium ab omnibus, quotquot sunt, philologis saepius quaeri quam acquiri constabat, cuius rei causam Fredericus Augustus Wolfius in *Analectorum fasciculo IV. p. 375.* exposuit, ita ut mirum videretur, Britannorum Sosiorum neminem hoc opus fructuosissimum typis instaurare voluisse. In quo curando quid egerim, paucis iam accipe, lector benevole! Primum, ut par erat, errores quosdam typographicos a Marklando vel indicatos \*) vel neglectos correxi, seduloque cavi, ne novi accederent, licet facile concedere velim, in observationibus potissimum elegantissime quidem at iisdem minutissime impressis remansisse, quae oculos quamvis omnia rimantes laterent. Tum „Addenda et Mutanda“ in *Animadversionibus* suo quaeque loco inserui, uncinis, quibus ea inclusa sunt, addita sigla EX ADD. et ne lector ulla vel minima re fraudetur, hic subjicere libet verba quae Marklandus illis *Addendis* praemisit: „Notae in duas priores Libri „Primi eclogas paene absolvebantur antequam in manus meas venerunt Editiones Parmensis et Romana: universae autem, antequam nactus eram „praestantissimam Editionem Venetam. Libuit igitur hic adjicere notabiliores „varietates istarum editionum, et praeterea, si quid ab aliis adnotatum, „aut a me ipso Omissum vel Erratum, postea deprehenderim.“ Ubi, quod

\*) Ingratum vero quam maxime accidit, ut horum ipsorum nonnulli a me sero animadverterentur, quamobrem eos hic afferro lectoremque, ut hanc mihi negligentiam, cuius culpam ipse optime sentio, condonet precor. P. 183. col. 2. l. 4. pro *plerumque* lege *saepc.* — P. 191. c. 1. l. 42. l. *genitore.* — c. 2. l. 14. deleatur *bene.* — P. 200. c. 1. l. 21. l. *senusque ex ordine.* — P. 203. c. 2. l. 30. l. *ILLI.* — P. 206. c. 2. l. 1. pro *Macrobium* l. *Quintilianum* VI. 3. — P. 211. c. 2. l. 27. l. *debuerit.* — P. 215. c. 2. l. 17. l. *esset.* — P. 226. c. 1. l. 34. l. *UVIDI.* — P. 227. c. 2. l. 7. l. *caedem.* — P. 228. c. 2. l. 57. l. *duobus.* — P. 235. c. 1. l. 51. l. *togatum.* — P. 237. c. 1. l. 4. l. *scrutetur undas arbor, et simul non tangat?* — Haec omnia ipsius Marklandi jussu corrigenda.



non semel factum erat, Marklandus nonnulla animadversionis verba deleri atque in eorum locum alia substitui voluerat, illis servatis haec adjeci. Unum Addendum, quod non suo loco sed in fine reliquorum a Marklando erat positum, ego quoque in finem notarum rejeci, quum non statim istam *τρίτην φροντίδα* editoris clarissimi animadvertissem. — Tum Marklandus in fine praefationis farraginem variarum lectionum collegerat, quas a futuro *Silvarum* editore in suam editionem recipi voluit; quod viri praestantissimi consilium sequi non dubitavimus, et omnes illas lectiones in textum intulimus, ita tamen, ut sicubi hoc factum esset lectorem paucis verbis ima in pagina additis hac de re adverteremus, et quid antea lectum fuisset, uncinis inclusum et literis ED. DR. notatum, indicaremus. Marklandus autem illis lectionibus haec praemisit: „Si quis hos *Silvarum libros* posthac editurus sit, „consilium do ut in Contextum admittat haec quae sequuntur, partim ex „libris, partim ex certissima emendatione.“ Marklandus quum in priore editione nullum nisi auctorum indicem dedisset, duos indices elaboravimus, quorum numeri editionem Dresdensensem sequuntur, cujus summis paginis numeros libri Londinensis adscripsi, ne crebrae commentarii Marklandiani laudationes secundum paginas factae nunc prorsus inutiles redderentur. Singulari autem fortuna accidit, ut editioni ita a nobis adornatae auctarium haud vulgare adjicere liceret. Intercedente enim *Francisco Passovio*, qui Vir mea laude longe superior humanitate ipsi propria literarum promovendarum nullam occasionem praetermittit, accuratam spero collationem codicis Rehdigeriani nactus sum. Is codex, cujus ope Cirin, quae male Virgilio tribuitur, paullo emendatiorem, quam, nunc legitur aliquando edam, quod ut fieri possit, insignis *Augusti Wellaueri* Viri Doctiss. liberalitas effecit, omnium quotquot noti sunt codicum MSS. harum *Silvarum* primum tenet ordinem, quod jam *Handius* collatione hujus codicis quamquam admodum manca usus intellexit (v. *Stadium Handianum* Vol. I. p. XXV. sq.), ejusque apographo nobis concesso eo majores virorum doctorum gratias Passovius promeruit, quo pauciores hucusque adhibiti sunt ad *Statii Silvas* emendandas libri Manuscripti. De ipso codice plura dicere non attinet, quum et *Handius* l. l. et nuperrime *Fredericus Jacobus* in Praefatione ad *Lucilii Aetnam* a se editum de eo disseruerint; et de collatione hoc notandum restat, verba literis cursivis, ut ajunt, impressa a codice Rehdigerano abesse. Ubi verbi alicuius una alterave litera typis iisdem exarata est, lector memento, in *MSto* illis literis punctum subscriptum fuisse, indicaturum, eas fuisse delendas. Interposui vero nonnullas observationes *Passovii*, ab hoc in programme academico a. MDCCCXVIII. edito prolatas.

En jam ipsam collationem ad hanc, quam manu teris, lector, editionem Dresdensensem factam:



## LIBER PRIMUS.

[Inscriptio deest.] Praefat. lin. 3. voluptate fluxerunt — 5. pro congregatos — 6. (post ENIM vacuum spatium) auctoritate — quo adhuc — 9. Batrochomiomachiam — 15. [*habuerunt recte legitur PASSOVIUS.*] — 16. et in singulis — 17. quamvis mimeone verum — 21. quam dedicaverat opus tradere visum. — 25. epithalamium tuum. — scibis — 26. mehercles CCLXXII. [deest] et fortasse exametros — 29. vendicat — 30. et def. — 32. Gallico est Valenti — 34. claudi etrusci — 35. suam — 36. uti creditur — 37. habent ex voluptatibus.

I. vers. 1. superimposito sedes gemmata coloso — 2. latum — per auras — 6. Effigere — qualem non f. — 7. Renus — 10. Iden — 11. discissis — 15. Nunc — equos — 18. altior — 20. raptos — 23. adsectae. — 25. Discit et e vultu — 27. captis — 33. superfulgens — 34. palatia — 37. pugnes lavium — vulgo. (Post hunc versum legitur: Vastimulis accendit equum vacat.

— 38. grevat — 39. accendit — 41. pateant — 42. qui — themes edidit — 43. Et tergo demisa clamis — 46. mutatus — 51. Aenea — crimen tegit — 52. Nunc et adrasteus — 54. Cillarus — mutavit — 56. sufficiunt, vix esa pondere toto — 57. laborant. — 58. Subgenio — 64. continuus — montis — 65. fingit — 68. verberare crudo — 71. At primum — 73. trepidans — 77. Immortale. — 78. auctor — 79. Rumuleae — 81. si modo nostra — 82. profundo — 83. et — 84. caedant — 85. quem traderis ausus — 86. Pelleo — 87. Mirata — 91. nubiferas — haut — 92. colii — horror — 94. hoc — 100. Munere peleae — 103. Ora terens tua — 106. vivet — 107. jura.

II. Epithalamion in Stellam et violentillam. — 2. movens — 4. elicone — 7. elegea — 9. fultura

11. duxit — 12. Lumine — 13. cetuque — 14. vultusque — 18. manilia — te geticus umbra — 23. dominis — 25. violentillaeque — 26. caedant — 32. Noctis — promissaque — 36. petito — 37. Contingit — 38. vino — 40. si traneos — 41. pisea — 45. tritonis — 46. vatis — 48. lu-

mina — 49. errato jocunda — 51. quae — 52. thalamo — 56. Imperat — 59. Fessa — 60. deprenso repserunt — 63. t. sic voce profatur voce — 67. at quondam — 68. virum — 72. forma — 73. Protinus et — 74. ego me — 79. leniter — 82. attonito — 84. vulnera fodi — 86. ipsa — 87. abideni — 89. Praeulsi [Vratislaviensis: *praeulsi*: alii transpositis litteris *praelusi*, et hinc recentiores, *praeluxi*, quod recepit Handius, nec male. Sed vocabulum longe exquisitius et leviter tantum obscuratum latet in Vratislaviensi, PRAEFULSI, quod, antiquioribus haud quaquam ignoratum, v. *Rhet. ad Herenn.* 3, 19. *Virg. Aen.* 8, 553. haec tamen aetas in deliciis habuisse videtur: usi sunt eo *Sil. Ital.* 4, 326. 499. 5, 263. *Tacit. Ann.* 3, 76. 13, 44. alii: gemellum est Statianum et ipsum *praeifulgurare*, *Theb.* 7, 502. *Valer. Flacc.* 3, 119. Errores vero librariorum subnati erant e commutatis inter se characteribus E et F, de qua multorum mendorum origine multi monuerunt ad *Propertii* locum nondum persanatum, 5, 11, 31. Hic enim, spreto *Scaligeri* emendatione, diu revocari debebat, quod plures codices praebent: VERSA Numantinos

regna lequuntur avos. PASSOVIUS.] — 91. durare — 93. quotiens — 94. merere <sup>sic</sup> jam mater — 95. Indulget — ire piusque — 100. externa — 101. proh — 103. Finierat: tenera — 105. vultum

— 106. quod — 116. quantumque — 119. flammigeras — 121. Hinc — 122. Seres — 123. Angustum spoliare — 127. Hinc — 128. hinc vincla monilia — 131. Daphnes — littora — 142. amiceos — 143. laetaque — 144. Geminato (m. s. Gemmato) — 145. nitidos domus a. P. — 147. viridis — 154. s. demissa v. — 160. Idaliasque — ericinaque — 161. recliven — 169. clara o —

172. non docta — 173. dedicere — 174. Nunc — et — 175. Auronii — 176. movit — 180. Dacaeque et g. — 183. gentes — jugali — 186. Aethere — 189. sic — 192. si — 193. coepisset — 194. tacitoque — honores — 195. Conjugii — dona — 197. vatis — 202. Quod — coeptique laboris — 203. nitidae sic — 204. Annus in — 207. fontis — 209. celestum in munere clare —

212. Adjuvat — 213. amicleis — 214. ideas — 215. Tampe — 218. mariti — 220. Lethous — 222. Hic — 223. parnasis honos — 231. et fulgent — 234. teriturus — 235. Hinc — hinc i. questus — 236. T. verosque v. — 237. posse reclivis — 238. intanctum — 242. nosce luet — 243. lacus — 244. jubet, et a m. s. rubet. — 250. praecipui — 251. opus — 252. choo-philites — 262. Reptasti vinclum: c. — 263. Sebethos — 264. Nec sibi — Naidis — 268. decumum — 273. ac tu — 276. longe viridis — 277. tarda<sup>e</sup> hecquē.

III. Villa Tiburtina M. maurilii Vopisci. 2. insertos — 6. Nemeac — 8. Piseumque — annum — 9. Ipa — tecum — 16. A. manus artemque locis — 20. Ipa autem — 24. annus — 25. servat — 26. fluviorum optare q. — 27. Sesciacos — 28. audacis victos — 30. Nunquam — 31. Chalcida — 35. Auratasve — 39. teque — 40. tacentis — 41. turbine in illo — 42. Mox s. et nigros mutantia — 45. Quaque — 50. aere minori — 54. deferentes aerca — 56. superatque — 57. gradus [quid, ad marg. adscr.] nunc — 58. tricornis — 60. Festa — 62. ignaro — 63. ubi demet — 64. aggero mensas — 67. Martia — 68. An solum — 69. aethenos deducat — 70. Anienem — 71. N. s. arcano — 75. sulphureos — 76. Egeriae — 77. thoris — 78. Taigeta — 79. Quod in — 81. Alcioni — 83. Thelegoni caedant — 85. caedant — 86. artesque superbae — 88. caedant jam te quae solibus artis — 89. Avia — 91. sanusque nitor — 94. Gargeticus — 100. Alcidem — 102. tollis — 104. Seu tua non alia — 109. detectus.

IV. Soteria Rutuli Gallici — 3. cadit — 4. est coelo dives g. — 8. Exivit — 10. questu — 11. rogatae — 13. Certant — noseque — 18. Tarenti — 21. Dircesne — 23. Quis caneris docto nec — 26. piplea — 27. potius — 29. quam — 43. tristis — 49. reverentia fudit a — 57. oblivio — 59. Apollineos — 60. tanti precidem — 61. Hunc — 62. Hinc altigaudens — 64. Tendatis — ne — 65. laudavit — arces — 66. phoebeiam — 71. illi quoque — 74. Permeruit — 75. Permixtum — 76. Galathea — 77. per novem — 83. promissa — 85. tantas — 86. (Post hunc versum ad margin. inseritur hic alia manu scriptus: Attollam cantum, gaudet trasimenus et alpes) — 90. preces vel det quae m. n. — 91. urbem — 92. tancti — 93. admirante — 94. Nunc — rapiemus — 97. patotio pueri sonuere ministro — 99. Verba — 102. Dictami — 103. Spuma tui; — benigne — 105. Amphirisiaco — carpsit. — 108. Poconio mostrantque — 109. lactiferas — 110.

rapuerunt — 111. deos — valentior — 112. auxilium — acte — 113. Thelephus emonia — metueris — 115. coetus — 116. ardue, m. s. ardua — 117. timbre<sup>e</sup> q. omnis — 118. heret — 120. Auguror — 121. furentis — 122. recepta m. s. receptat — 129. thauros.

V. Balneum Claudii Etrusci. — 1. elicon — 2. totiens — 4. tegees honore — 8. thebe — 10. ciatos atque etiam enumerare labora — 11. chelim — 12. gemmatia — 13. vittis hederisque — 14. Fronde — 15. avertite — 17. qualis, emend. quales — 21. berecintidos — 22. caedat — 23. septennaque — 24. tibrimque — 25. praeceps Almon — 27. Martia — 28. Crescit et in humero — 29. carmine nulli — 34. tharsos — caristos — 35. onix — quaeriturque — 37. Pupura — frigiae — sinados — 38. cruentavit — lucentibus athis — 39. Quoque tyri niveas — 41. Sinada destinctum — lumina — 42. Efulgent — 43. animoque — 47. nusquam tenus esa notabis — 48. Aera et (altera m. sed) — 52. fundum summo — 56. echate — deprehensa — 57. crepantis — voluunt ipocausta vaporum — 61. dispiciet — 65. melius.

VI. Klendae Decembres Saturnales def. — 3. Jam nos — kalendis — 4. exsoluta — 7. beatam — 8. partem — 9. vovebat — 10. vellaria linea pluebant. — 11. Hunc (altera m. corr. Nunc) — eurus — 12. ponticus — 13. Feeundis — idimes — 14. Damascos — 15. quo — cannos — 16. cadet — 17. gaioli laigunculique — 19. perustus — 20. Pregnantes cariatides — 21. hias —

22. plyas — 23. Qualis — 24. serenam — 26. latis — minatur — 29. species — 34. Ideos — 35. saeviorque — 38. nescit — 42. tardum — 43. vestitur — 46. vocare — 47. possit — 49. quisquis inest — 50. dulcis — 51. strepitus — 55. fasim — 56. Termodonticas — 57. pumilionum — 58. brevis statim peracta — 61. quam — 65. propitioribus — 70. timentes — 71. Illic — 74.



graegale sulphur — 76. Immensae — 77. Quas iulus — fasis — 85. caerulea — 86. nintes — 89. Colluet — 96. tuaque. — Explicit Liber Silvrum (sic) Primus Incipit Secundus.

## LIBER SECUNDUS.

Praef. Statius meliori suo salutem dicit. lin. 2. in iudicio litterarum — 3. trado — liber (haec voces omissae, ab eadem manu lineae suprascriptae sunt.) — 5. expectet — 6. gratissima infantia — 8. Jam non tibi — ut sis — 13. paenae — 14. Polli — 16. psitacum — 18. mansutus — amphitheatro — 20. adversum quoque nostrum — 22. de amisso puero — 23. quae ipsi de debeo — 25. laturus accepto excludit — 26. rarissima — 27. consuleremus — 30. exametros — sint — 32. si minus.

I. 3. etiam nunc — 5. urba medetia saevus — 6. Consero — plantus — 7. chelim surdaque et averteris — 10. virguine — 14. latiare — 15. Liberate — 16. Jamque — 19. solemnia — 21. et def. — 24. aurire — 26. victis (corr. vittis) — 27. versa — 28. lyra et diu — 30. levis — precor jam f. — 34. tu — 37. querens — 46. implecti — 48. Hybleis umixta — 50. bonis heu lactea colla — 51. Brachia quae et — 58. ferat — timentem — 63. habitusque — 64. atque ipsos — postes — 65. in tanti — quis mora — 67. fateor — 69. si te plus alter — 74. loquutus — 78. quaerere — raptum se — 79. hac — 84. animis sanare datum — 88. Elegisse — 89. hemonium — 90. senior — 91. claro — 92. orantis — 93. acetes — 95. dictis — 96. victas pietate — 97. funera — 98. bacchae — 99. securi patris tristis regnabat — 100. aecham — 101. alieno in robore — 104. mutas etiam nunc murmure — 107. improbus — 110. catheratis curvatus — 113. hylam — gratus — 116. Fregisset — 118. ulixis — 123. verba infigere — 125. sed adhuc — mixta — 130. augusta — arctare — 131. Enormes — sinus — 132. lege — 135. cessant — 138. augues — 142. Aeditus Eolia — 145. et — 151. Reliquias — 155. Excedit — 158. loquor —

159. rogus a. c. — 161. palam est indique loquores — 162. Arsuras — comas — 165. arte — 167. juxta — quodam — 170. Dummodo — 172. lambis — 175. praecavia flere — 176. flammineo — milvius — 178. formaque a voce meretur — 179. isdmiacos — 182. Recisum — avidus bibit — ofelten — 184. cerbarus — 185. nulla assurgentibus — 188. assendisse — 189. virgo — 191.

effigies — blessi — 193. similem — 194. Hunc tibi — 196. timidae — 201. blessi — 204. multasque — 205. Prosit et obtunso — 206. Post hunc versum desunt vs. 207. usque ad 2, 35. Librarius haec notavit ad marg.: *Hic deficiunt 64. carmina, quae sunt in fine hujus libri*; ubi et vere legitur. — 207. pueri — 208. Hinc — 218. Quicquid inter ortus — 219. in mensis — umbris — 222. Affugit et immunis fati non — 223. meruitve ille mori. — 226. sonet — 227. libes — astro — 229. nam def. — 230. durae — 233. perisse.

II. 2. tyrrenae — honorata — 3. vila — 4. promio — 5. prelis — una — 18. ambrachias — gimnade — 15. unum — 19. corus — 20. Symodoce — galethea — 22. inocui — larius — 23. solo — 30. crepit — 34. baccheides — 35. Cumen — lieo — 37. piplea — 38. sed et — 39. Melpomone — 40. immersa — 44. locive — 46. Aspicit — 54. erant — violes et l. — 60. methiniei — 62. secuntur — 63. terraeque — 68. Aereaeque ad Istmiacis — 71. curarum — 76. illinc — 77. Armiger ac magni — 78. circumflua Nessis — 79. omne — euboea — 81. proculque — 82. limam — 83. Una tamen cunctis — diectis — 84. partenopem directo — 85. grais — delecta — 87. Sinnade — 88. Pertiboles — 89. distinguitur aerea — 90. cessum — licurgi — 92. numadum — 93. fluctus spectare — 94. calchidicas — 95. grata — grata — 98. raris — 100. lieo — 104. 105. desunt, sed margini serius adscripti — 107. foelix — 109. vincant — 110. Aula dicaraheique — isti — 111. terampnei — 112. His ubi pierias — 113. gargeticus auctor — 114. chelim — 115. iambom — 116. sirem — 118. rapidi — 119. Obtrepere — 120. chelim — 122. eufrate supra — 125. tuto s. o. — 126. repelles — 127. dubio — 128. Deprehendet — 131. tu-

mentis — 133. erit — 134. Dripiunt — 136. adscite — 139. jactantur — 140. Et tua — placidamque — 142. pupem — 143. Discite — 147. mirus — longae praecordia curae — 148. vescere minae — 151. avidique — 154. docuit.

III. Athedii — 2. lacus quae robore — 3. Incurvata nodis, reddit — 6. dicite causas — 9. et tamen unam — 10. Ifoloem silvis et — 12. belligerum jamque et nemus — 14. subit ibi domum victa — 18. credit — 20. imminet — 21. avertit — 22. vestia — 25. semperque — 26. Deerescit — loquuta — 29. levaque — 30. Naiados adversa — 31. diem pariter — 33. Sic tota cum veste ruit — 34. lacus — 35. feceret — praeda — 38. bromium — et humida tela — 41. niveamque adgescit — 45. declivis ama *et* def. — 47. Estuat — 50. in tesa — 51. Ut Jovis ut phoebe frondes ut d. — 53. animata — 55. scrutatur — 60. Stirpe lacus, illam jam — 66. quies *nec* iniquam (corr.

unquam) *ve* potentia — 67. nec medius — 69. quod degeris — 74. helisia — 77. blessi.

IV. Psitacus ejusdem. (semper Psitacus) 10. non soli — 14. Et — 15. convivium — 18. dimittere — 23. adicite — 24. aereae — 27. Vinceret aspectu: gelidi — 29. loquutus — 31. verba: 32. Tam facilis quo — 33. ac — 35. gramine — 36. Sicaniisque crocis — 37. Gaudet —

V. *Imp.* def. — 1. monstrata — 6. Incertaeque — lasso — 7. docte — 10. foveae caeco — 12. clausas — portas — 13. nafas placidi — 14. Tum — 15. totas — limina — 16. Ac non te — 18. protinus — 23. animamque — 25. [Hic versus abest, serius tamen margini ab eadem manu adscriptus.] fores — 28. libycasque in litore.

VI. 1. minus — 3. accedere natos — 6. gemitus. ad te tamen at procul — 8. Famulum quia r. — 10. famulum genus ut sepium. — 12. Libertas — 13. dicesque — 14. genus heu — 15.

verse — 20. rogos — marone — 21. habitusque — 22. cupientis — 24. Optaret — 28. invitas — 30. canentem — 31. tethis — 33. deprehendit — 34. en — 37. hesperos — 38. vultus — 39. qualis d. post crimina — 40. vident torvaeque — 42. casside visus — 43. Parthenopeus — errore — 48. pudor unde natae mentis — 50. Carmine quo potasse queam — 54. procedere — 57. ulixis — 62. venusina — 65. dextrum (sic) — 66. messisque — 67. Cretaque fere eireneque et quae — 70. modo carmen a. — 71. tentabat — 72. trieterica — 77. et invidia mortemque amplexa — 79. fossoros — 81. p. saevis durum — 82. saevius — 83. plantu genetrix — 87. silicem — phariaeque — 88. gramina sucos — 89. hos tamen — 90. sectia — 92. valavit — 96. saevis — 97. doleri — 98. carpsitque — 99. clarosque — 100. illic — 104. habiture — 105. amor.

VII. Genethliacon Lucani ad Oppiam. — 2. isthme — 3. concitavit — 7. bassaridis rorator — 8. evantiae s. — 11. recentior — 14. patet aut — recipit — 16. thesbiaeis — 36. protinus — 49. tardi — ulixis — 52. canis — 53. exeris — 55. laudes — 57. Et sedes — 59. proferetur — 60. fluminibus Rheni vagantis — 62. Huc — 63. Iocunda — 67. Quo — dulcis — 71. cruuenta — 77. duxit — 79. Quid — 81. carminum — 82. genitalibus — 83. tuo — 88. Festis — presonabo — 89. scaevae — 90. data fata *longa* — 92. scaeva — 93. gnatum — 96. prementis — 97. tethis — 106. intende — 108. levatum — 110. respicis — 111. merito — reclusi — 115. Pompei — 116. Tu magnasacer — 117. vocentum — 125. figura — 130. incubatque — 134. *Jam Dulces lascivae.*

Explicit liber secundus silvarum Incipit tertius.

### LIBER TERTIUS.

Praef. lin. 2. non habeo diu probandam — 5. expaveris, quotiens — 6. penetrati — altius se literas — 9. auctorem — 12. libellum — 13. jocundissimum i. meum — 15. poteram — 17. *ex* — 18. amantissimum — Jerinus — 20. petisset — quoscunque — 24. est equidem securus — 25. ut qui persuadere — 26. scias hanc destinationem — 27. meae *et*

I. 1. tirinthie — 3. celeris — 5. Graisque — 7. *ab* — conscendens — 8. tuve — 9. Luminis — 11. Alcide — 12. O felix — 13. Adsparsum — hirtaque dimissus — 16. Ditarit — ti-



rone — 18. angusti bisseño — 19. attulit artes — 22. vicisse — 23. agros — 26. austruque — succinta — 30. f. venies ager antraque — 34. immitte — 38. toris — 42. post armina — 43. Thespius — totiens — 46. instrictus aevo — 48. dolores. — 53. gracubiti — hiserione — 54. anhelantis — 58. terget — 60. echateidas — 69. Augustasque — gravatis — 70. defendimus ab arbore — 72. *deest* — 80. quere — 82. sacri — 84. servatoresque — 88. coitusque 88. coepere — 90. blandisque virum — 92. dicarchei — 94 nutantia — 97. erant — 99. tibi — 100. oras — 102. indignus — 103. talis — 105. limina — 106. templumque tuis conatibus dignas — 108. aethereus — 109. templo. — 111. exesus — 112. ardeo — 115. amphioncae steterit — 117. formatur — tela — 118. cedere — 120. invida — 121. Primo tectura hiemes — 128. ditiesque caprae — 132. flommeus — celat. — 139. ardes — 142. ismos — 143. nemees — 144. puniceis — 145. *et* humentibus — 148. fixam — 149. limo numenque euphora — 151. Addisces — 155. dignata — 156. praecedere — 157. libicas — 158. *his* — 160. degenerabit — 162. forsan hinc — 163. laetus — 164. ipse — Post 172. statim sequitur 171. — 178. direptet — 179. Certatum — 180. tempus — 182. priscumque — 183. solisque

II. vers. 4. Consilium que levis — obsterpat — 6. dubio — alto — 13. caeruleum ponti Nereides — 15. quae — 17. freta — 19. qua — 27. <sup>i</sup>sipera — 28. reponet — 30. explorent primos g. a. molorchos — 35. Hinc — hinc — 37. adhuc patris quotiens — 42. eobo — 43. aequora mundi — 44. <sup>que</sup>nimbos ac — 45. Altius — boream — 51. J. ecce meum — 52. quamvis omnis movet horror — 56. Saevus ubi e p. — 60. nisi . . . carinae — 66. Jussit — 74. tethis — 76. plias — 81. Quaque

<sup>a</sup>super — 84. facilis — 85. torta — 87. Quos — moras — 96. Foenix — 97. timbreaque — 100. Nunquam — 101. Et si foroneis olim — 103. multisono — 106. lumina — 110. stagnante — 111. terampnei — 112. leteus — 114. prosternit — 115. dignatur — 117. emathios — 118. hibleo — 123. his — armis — 124. numine — 128. iubat — 129. Ac — vastos — 131. nociva — 133. mea litora p. — 134. Incumbens — 136. heu fratrem — 137. zeuma — 138. idimes — 139. Qua — qua — suco — 140. vadis, ubi g. — 142. busta — 143. Quaeve

III. Consolatio ad Claudium et Ruscum. — vers. 3. vitata — 14. cordis — 15. conscius unquam — 18. Leviter implicitos — 21. nigrasque — 22. letheo — 23. auras — 25. Felix et n. — 27. Tergeminis — 34. superbas — 40. Ignotum similis — ignem — 49. feruntur — 50. Alteriusque premunt — 53. Imperim — 55. iniusse — orbita lucis. — 57. scaevi — 59. barbarcis — 61. quo — 64. gradu — 65. Caesarium — 67. vir dum — 68. Panditur hic annus: — victus — 70. Invictus — 71. Hinc — 72. iussuque — 73. utque — 76. surrexit in artus — 77. sevir demissus — 78. transmittit — nepoti — 81. vino — 83. totiens — 85. praecessaque — 87. parteque p. omnis — 88. impendi — 89. adbauriferis — 91. Vertitur — 96. nubibus — 99. ite animeque — 108. genitalia — 109. vincere — 111. genus — 112. haud quanquam — 113. famae — 119. cessatum a s. — 124. F. o si longa — 129. Pubentesque — 130. Aut tibi — 132. maternosque — iunxistis — 134. Collectaeque — 138. *nutu* — temperet — 140. Idimei — 141. iutricis — 143. populos deduxit — 145. celso — honore — 155. repedunt — 157. Errabit — 159. levique — 164. longa — 168. Nec est — captis — 169. datis — 171. Latino — 179. alter — 180. Litora qui — 181. gemens — 182. cui — 184. placavimus — 185. orbat — 191. licii — 192. coniunx — 194. hoc — 204. morituraque — 213. sic — 214. M. eque tua — 215. sancit

IV. Capilli flavi crini — vers. 4. sors — 5. conca — 11. Premeret atque alio clusum — 13. nube — 18. Ausoniis — 21. id alios — 27. aras — 31. vultusque — 38. platino — 39. toto tam — 40. lanus — 41. Sangarlusque — 43. Malla et a. — 47. veteresque — 48. orbis — 50. prior — 58. *murrasque* — *portat* def. — 61. totiens — 65. *ne prima* def. — 66. Carperet — 68. haud illi — lenire — 70. Leviter aut ullo — 73. dulcis — 80. lumina — 81. nunc solus crinis ad oras — 82.



— [22. hic versus deest, eiusque vice vacuum spatium.] 24. Cesis pillea sicca de — 25. lucidere  
 mappe — 27. ruenti — 28. Primorum globus — cattanorum — 29. eulicina — 30. Bullarum  
 — 31. halice — 32. cenipheis — 33. colearum — 34. grave — 35. lucanice — 36. axifo-  
 rumve caserisve — 37. nitidantis aspronitri — 38. Vuel — pstitiis inis recoctum — 39. lucosa  
 ceno — 40. nec — 41. Cutellum — 43. patinas in orbe — 47. mihi — 49. Inlatam — dissere  
 — 50. doni salutem — 53. gripe — 54. me — quod — lepori — 55. endecasyllabos remitas.  
 Explicit. Liber Quartus. Silvarum. §. Incipit Quintus. §.

## LIBER QUINTUS.

Praef. Statius Abascanto suo. salutem. — lin. 3. pars et def. — 6. unus et turba — 7. ociosus —  
 Priscillam — 11. conmitor — 12. propiorem usum amicitiae — 13. invenisse

I Epicedion in uxorem suam Proscillam — vers. 2. aurumve def. — 11. coniunx — 12. peremni —  
 14. invieto — 15. aut — 17. volveris — 19. Nigra — 20. sindere — 21. laxare — 26. tergeret — 32.  
 habetne — 33. genetrix si pelea fertur — 34. Titonida — 35. errores aut exaciatia — 36. af-  
 fringere — 37. flectis — 38. humanas proprior — 40. documeta — 46. seu — 47. animaque  
 — 50. redemita — 51. Laudantur proavi — 52. falsoque — 53. vere — 59. miceneo — 60.  
 babillonos — 61. Ludorumque — 64. munusque minoribus horror — 65. emixta et def. — 66. et ma-  
 iora — 69. exaperet — 74. donum — 76. vanamque — 77. succintaque — 81. quid Aretos — 82.  
 ferrique rogatae — 83. ille iubatis — 84. tractabile ipsis — 91. refugo — thile — 92. iam  
 lassas pilla attollentia — 93. fumosa — penna — 94. dominis — 95. qui — maniplos — 96. Inter-  
 missus eques — 97. tibuni — 99. praenosee — 100. nubifero libyae — 101. interprete — 102.  
 N. excelsis — 104. giro — 105. cursu — 106. velut — 107. linquit taumantida — 110. coniunx  
 — cenae — 111. effuso — 112. donum — 113. ausonio — 114. Quem — 115. cuius — 119. ces-  
 cente — 122. aderile movet velud apula coniunx — 123. parti — sabino — 129. durata — 131.  
 lacus — 132. in def. — 134. Vibrantem — 135. Aetenus — 138. qui — 139. nullamve — 141.  
 sceva proturbet — 146. sceva larem def. — 148. minimo rapide — 149. annubilat — 152. raridee  
 153. et mille spoliata — aure — 155. laeti — 156. tenduntur — 162. artis — 164. Lumina —  
 165. duris — 168. ceto — 171. Obtunsaeque — 172. unum illum — 176. si — 177. possim — 179.  
 scevo — plantu — 181. ordine montis — 183. omni pridem te flore — 184. alte — 186. cum l. c.  
 — 188. Inquietus — videri — 190. niteat — 191. signet — 195. tristis mora — 198. scaevo  
 — 205. erectae — 207. ducis mirandaque — 210. stipato — 213. palestinis — 214. Corsiacaque  
 — cynameaque — et — 216. coniunx — 220. Noctis — 221. fundente — 222. nascitur — 223. ge-  
 nitus — cibebe — 224. ideos — annus — 226. coniunx — 227. regi — 229. nil poterunt levi —  
 230. Siccatum — 233. tolo — 234. aut — 236. tunc — 237. Assiduo — 238. hec — 239. Protinus  
 — 243. utrunque — 245. augusta faselos — 246. imensi — 247. in modicos — lactissime — 252.  
 placidus vocat (corr. locat) — 256. laxare — 257. preternere — 258. ibi

II. Laudes Crispini veti dolani filii. — vers. 1. Cura — turhena — 3. Et — 4. limina guttas — 5.  
 egeas — 7. quear — 9. duce — 10. Auspitiū — 11. Amplesus: etiamne — propinqui — 18. Tur.nali  
 trabeque et ramis ac paupere — 21. quales per iugera — 22. et def. — 23. stemate — 24. demer-  
 ritos — 25. accuunt pl. illum esse volentem — 29. tunicaque — 32. araxen — 37. Bolanumque ac  
 illi — 39. exorto — 40. sucepta — 41. Armoenii — 43. Metiri — 44. Tot rerum — verendus —  
 46. ipsa mirum — 48. nemee — 49. Cleoneusque — 52. sibi — 54. quatusque negantem — 55.  
 fessusque — thilen — 56. quatusque potentes — 58. tibi talia — 61. alio — 63. tenor — 64. Hec —  
 nanque hastus — 65. Occiduo et geminam — 68. corripuit — efrena — 69. seu — 70. experat —  
 74. Luxurie — tenens — 75. domos — credere — 78. suos — 81. mestoque — 84. ire — 85. cri-  
 nenique — 88. Excitat illa die scaevo — 90. proprie — 92. auctore — 93. fatis — 94. scaevas —  
 97. sed crescent — 99. sodales — 100. Immer te — pallerent — 101. succintaque — 102. vibraret —  
 103. quanquam — 105. tella — 106. pavetis — 107. Haud nunquam — 108. Dardaniusque senex



— 110. nec te — 111. prompteq — 112. secuntur — 113. in l. — 114. Quia tyrrena — 115. Tendentem *in* cursu — nuda — 117. stupui armatumque — 118. ego — 120. elissam — 121. levio — 123. Archades ogigio — metas — 125. magno — 128. acceaque — 129. eques — 130. Quis tibi — 131. Nubigeras — arma — 133. Arctosne def. — 134. libye — armis — 137. Hister et umbroso — pauc — 138. solidum — sub idis — 139. ponetis idimes — 140. magne — 145. A. vitae specula — 146. Aspicias — 147. ditavit — 148. vacantibus — 149. tibraca — 150. theucros victrigia — parentis — 151. pyreo — narrabit — 152. fidens optate — 153. vias — subillis — 154. et ipse latus sic — assint — 157. menociaes quippe et — nobis — 158. *est* def. — 159. hic notis — 160. Et mihi se questus — 163. absontem — 165. Omnia — 166. ciugitque — 168. Si quis ab — 174. munia — 175. Unde puer — 180. Cassida

III. vers 1. lementabile — 2. Heliso defunte — sinistre — 3. moveri — 4. cyrram — 5. corricia — 6. montrabat — 8. hederis — 10. Certe ego — 12. merso — 13. *menti* def. — 14. attonite — sonantem — 18. inmotus — 19. omissus — tendes — 20. Fulgentisque — 22. phœbum — 23. notique — 25. Consilia — 26. Moenium — 27. sonans — 28. magnam — 29. caelo — 30. eliconide — 32. hausit — 34. sitim — 35. labente — nunc — 36. acclivis — 38. Stellatus — 40. infestae — 41. Hic — 42. ditis nec si tibi — 43. odoratos — 44. Inferni cum l. loci, sed c. pl. — 45. summe hos def. — vulnera — 46. vari — 48. aereamque — 52. lucum — solemnia — 53. deest. — 54. vis nuda — 55. fossa — 56. chorus et fr. — 57. ligarem — 58. madens oculis — 59. Praecinerem genitum — 61. Atque tibi moresque — 62. Fros et magniloquio — 69. Maior alis forsitan superos — 71. erat — 77. supremo — 79. hemonio — 80. certis — morte c. — 82. Tirene — nantis — 83. adhibeto — rauco — 84. dure — philomena — 85. Nata — funere cuncto — 86. Eliadum — dixit. — 88. fida — 90. plangat — 91. eliconia — 92. Quis labor — scaero — campos — 94. Cidaliben — 96. domos — 98. qui — tenere — 99. leones — 100. omnibus utro — 101. vis lata — 102. vincere — ceu — 104. semirutos subito de pulvere — 105. sepultum — 107. monicie quicquam praestatus arte — 108. Doctaque — cravit. — 109. fama — 110. tenens — probabas — 112. totiens praestat sed tempora seris — 114. gregis araque — 115. speciemque — utroque — 117. Ne — 118. extentis — 119. infantia legit amictus. — 120. datum — 121. Protinus — 122. puerique chelim sumisit et hora — 123. iam tum mihi bl. — 125. et a. — 127. sele gravis qua — 129. Maior at inde suum — 130. Meonidem — 132. Persus — 133. ubi — 134. Protinus — reperis — 135. festina sed ut dux — 136. deest — 138. pugnae — 139. totiens — 140. clausere theramne — 141. Sin proune — 142. gramine — 143. primi — 144. totiens laxata — 146. Hic — 147. moresque def. — 149. equus — 150. Meonides — 151. Ascreus — 153. Obscus — alcmon — 154. saltusque ingressa — 155. fomidata — calchide — 156. doctus — 157. batriade — 160. sociosque — 161. Versibus — 163. lunanus — damni — 166. tyrreni — 167. proprio — 168. crine — 170. ad te permissus — 171. et aperta domos — 174. portarumque — caneant — 177. Intruis — 178. apertae — 180. Cernit — per arma probatur — 181. Monstratis aliis persagumque — 182. calchidicum — 183. Cur frigii lateat coma — 184. succincti — 186. Hibernas — 187. alchemenium — zeumate — 188. populos in pontica frenant — 190. orico. — 191. certassent — 194. Eacidem — stringebat — 195. erinis — 196. phlegreaque — 198. sumpserat — 200. Sinerat — 202. Concinis — 205. pio ne summa incendia tamen — 206. impedere — 207. monte — 209. lucos inotaque tempe — 210. descendere — 211. tatum — 213. Sed decus hoc — 215. quotiens — patrem — 218. Nota — 219. Quamvis illa dies — nom — 221. pius ipse — 222. Ceditur — achates — 223. hausti — 226. calchidice — corone — 228. cocpisset — 231. Nam quod — quersus — 232. qua dulce parentis — 233. Tarpei carperet te — 237. Monstrabat — 239. meme — 241. Conubia — certe si iungere — 242. et sentit habetque — 244. Et pharios alie — 245. Migdoniosque — 247. ville lucrumque — 251. tristem — 253. Non minus crinisque — 255. Non sunt opillas cuius — 256. theucros — senex o def. — 258. labe — 259. premisit — 263. novit — 267. elisia quamvis — 269. Tentantemque vivos —

271. Sic chelim odrisiam — 272. thessalicis admetus in oris — 273. Silva una retro filaccida retulit — 275. sic — 276. quacunque — 277. Aut vos — aeternaue Juno — 278. auferre — 280. Centaurus idreque — scilleaque — 281. saevilem — 282. supremus — 285. laeteis — 286. erinis — 288. qua parte — 289. *in* def. monstrat — 293. nec non

IV. Somnus — vers. 1. Primine — 2. solis egerem — 6. aellinata — 8. aetcae — revisent — 9. totiens — 10 sparsit — 13. nuquam — 14. At nunc heus — 15. tendens ultroque somne — 17. precatur — 19. leviter

V. Epicion in puerum suum. — vers. 1. Te — 2. neo — 8. *lacertis* def. — 12. palantibus — 14. cineremque — crimina — 17. restrinxit — papillas — 20. crudelis — 1. malas — 24. cum *in* def. . . . . terdana luce parata — 25. Acclivis cui nul . . . narus in o. v. — 26. Discordesque in . . . singultantia v. — 29. victatus — 31. ramis nec eburno p. c. — 32. incertam — 33. Scindo chelim — in laudabile — 35. habituque nes . . . — 37. Eaciden — placidum manabat — 38. quotiens blando — 43. Vulneribusque summa — 45. reddite — *saevaeque* exolvite gratis — 46. cum nostra domus ego funera mestus — 47. Increpitans qui damna — aliena repone — 48. tristia — serva — 49. absumpte — 50. men — 51. Reperit — ~~nox~~ — 52. mestum — 53. aduro iusto si vulnere tare — 55. si busta — 56. taeui minus fortasse — 57. Dicor — 58. rependis — 62. plantus — fugentia — 63. Fulmina demneus — obstet — 66. puppe — 67. Edituas doctumque — 68. lingua summum s. — 70. Aspexi ac vinctum — 71. Poscentemque — 74. dodi heu m. n. — 75. Rideres ingratus — 76. perderet . . . — 77. horridus . . . — 80. Concupii primo gemitum qui protinus — 81. Implicuit fixitque mihi — 82. *questusque* def. vulnera — resolvam — 83. vestra — 84. blandoque sinu iam iamque . . . — 85. Excaepere — accercere — 86. tenebo — 87. a — P. Papinii Statii Silurum. Liber, Quintus Et Ultimus Feliciter. Explicit SIT DEO LAUS. P. T. C. S. Eß.

Scribebam Dresdae Ipsi Cal. Januar. A. MDCCCXXVII.

JULIUS SILLIG.



## TITULI SINGULARUM ECLOGARUM.

### L I B. I.

- I. Equus maximus Domitiani.
- II. Epithalamion Stellae et Violantillae.
- III. Villa Tiburtina Manlii Vopisci.
- IV. Soteria Rutilii Gallici.
- V. Balneum Claudii Etrusci.
- VI. Calendae Decembres.

### L I B. II.

- I. Glaucias Atedii Melioris delicatus.
- II. Villa Surrentina Pollii Felicis.
- III. Arbor Atedii Melioris.
- IV. Psittacus Melioris.
- V. Leo mansuetus Imperatoris.
- VI. Consolatio ad Flavium Ursum de amissione pueri delicati.
- VII. Genethliacon Lucani.

### L I B. III.

- I. Hercules Surrentinus Pollii Felicis.
- II. Propempticon Metio Celeri.
- III. Lacrimae Claudii Etrusci.

- IV. Capilli Flavii Earini.
- V. Ad Claudiam Uxorem.

### L I B. IV.

- I. xvii Consulatus Imp. Aug. Germanici Domitiani.
- II. Eucharisticon ad Imp. August. Germanicum Domitianum.
- III. Via Domitiana.
- IV. Ad Victorium Marcellum Epistola.
- V. Carmen Lyricum ad Sept. Severum.
- VI. Hercules Epitrapezios Nonii Vindiciis.
- VII. Lyricum ad Maximum Junium.
- VIII. Ad Julium Menecratem, ob prolem.
- IX. Risu Saturnalitius, ad Plotium Gryphum.

### L I B. V.

- I. Abascantii in Priscillam pietas.
- II. Protrepticon ad Crispinum.
- III. Epicedion in Patrem suum.
- IV. Ad Somnum.
- V. Epicedion in Puerum suum.



P. P A P I N I I S T A T I I  
S I L V A R U M

L I B E R P R I M U S.

---

A D S T E L L A M.

**D**IU multumque dubitavi, Stella juvenis optime, et in studiis nostris eminentissime qua parte voluisti, an hos libellos, qui mihi subito calore et quadam festinandi voluptate fluxerant, cum singuli de sinu meo *prodiissent*, congregatos ipse dimitterem. Quid 5 enim? \*\*\*\* quoque autoritate editionis onerari, quum adhuc pro Thebaide mea (quamvis me reliquerit) timeo? Sed et Culicem legimus, et Batrachomyomachiam etiam agnoscimus: nec quisquam est illustrium poëtarum, qui non aliquid operibus suis stilo re-10 missiore praeluserit. Quid? quod haec serum erat continere, cum illa vos certe quorum honori data sunt, haberetis. Sed apud ceteros necesse est multum illis pereat ex venia, cum amiserint,

---

Lin. 6. Vulg. Quid enim OPORTET HUIUS quoque. 6. QUOD adhuc. 10. L. operibus SERIIS.



15quam solam habuerunt, gratiam celeritatis. nullum enim ex illis  
 biduo longius tractum; quaedam et singulis diebus effusa: quam-  
 vis metuo, ne verum istuc versus quoque ipsi de se probent.  
 Primus libellus sacrosanctum habet testem: sumendum enim erat  
 20a Jove principium. Ceterum hos versus, quos in Equum Maxi-  
 mum feci, indulgentissimo Imperatori, postero die quam dedica-  
 tum erat opus, tradere jussus sum. Potuisti illud (dicet aliquis)  
 et ante vidisse. Respondebis illi tu, Stella carissime, qui Epi-  
 25thalamion tuum, quod mihi injunxeras, seīs biduo scriptum. Au-  
 dacter mehercule; sed tamen cclxxii hexametros habet. At for-  
 tasse tu pro collega mentieris. Manlius certe Vopiscus, vir eru-  
 ditissimus, et qui praecipue vindicat a situ literas jam pene fu-  
 30gientes, solet ultro quoque nomine meo gloriari, et villam Ti-  
 burtinam suam descriptam a nobis uno die. Sequitur libellus  
 Rutilio Gallico Valenti dedicatus: de quo nihil dico, ne videar  
 defuncti testis occasione mentiri. Nam Claudii Hetrusci testimo-  
 35nium est, qui Balneolum a me suum intra moram cenae recepit.  
 In fine sunt Calendae Decembres; quibus utique creditur: no-  
 ctem enim illam felicissimam habent, et voluptatibus publicis  
 inexpertam.

---

Lin. 21. Vulg. DEDICAVÉRAT. 26. ET fortasse. 35. L. EXTAT, qui. 36 L. CREDETUR.

I.

EQUUS MAX. DOMITIANI.

QUAE superimposito moles geminata colosso  
 Stat Latium complexa forum? Caelone peractum  
 Fluxit opus? Siculis an conformata caminis  
 Effigies, lassum Steropem Brontemque reliquit?  
 An te Palladiae talem, Germanice, nobis 5  
 Effinxere manus, qualem modo frena tenentem  
 Rhenus et attoniti vidit domus ardua Daci?  
 Nunc age, fama prior notum per saecula nomen  
 Dardanii miretur equi, cui vertice sacro  
 Dindymon, et caesis decrevit frondibus Ida: 10  
 Hunc neque divisus cepissent Pergama muris,  
 Nec grege permixto pueri innuptaeque puellae,  
 Ipse nec Aeneas, nec magnus duceret Hector.  
 Adde, quod ille nocens, saevosque amplexus Achivos;  
 Hunc mitis commendat eques: juvat ora tueri 15  
 Mixta notis belli, placidamque gerentia pacem.  
 Nec veris majora putes; par forma decorque,  
 Par honor; exhaustis Martem non altius armis  
 Bistonius portat sonipes, magnoque superbit  
 Pondere; nec tardo raptus prope flumina cursu 20  
 Fumat, et ingenti propellit Strymona flatu.  
 Par operi sedes: hinc obvia limina pandit

V. 11. Vulg. DISCISSIS COEPISSENT. [18. ALTIUS; hoc ex Markl. jussu recepinus, cum antea legeretur  
 AMPLIOR. ED. DR.] 20. L. TANTO. 23. L. FISUS. ibid. Vulg. ADVERTAE.



Qui fessus bellis, adscitae munere prolis  
 Primus iter nostris ostendit in aethera Divis.  
 Discitur e vultu quantum tu mitior armis; 25  
 Qui nec in externos facilis saevire furores  
 Das Cattis Dacisque fidem: te signa ferente  
 Et minor in leges iret gener, et Cato castris.  
 At laterum passus hinc Julia tecta tuentur,  
 Illinc belligeri sublimis regia Pauli. 30  
 Terga Pater, blandoque videt Concordia vultu.  
 Ipse autem puro celsum caput aëre septus  
 Templa superfulges, et prospectare videris  
 An nova contemptis surgant pallatia flammis  
 Pulchrius: an tacita vigilet face Troicus ignis, 35  
 Atque exploratas jam laudet Vesta ministras.  
 Dextra vetat pugnas: laevam Tritonia virgo  
 Non gravat, et sectae praetendit colla Medusae,  
 Ceu stimulis accendat equum. nec dulcior usquam  
 Lecta deae sedes; nec si, Pater, ipse teneres. 40  
 Pectora, quae mundi valeant evolvere curas,  
 Et quis se totis Temese dedit hausta metallis.  
 It tergo demissa chlamys: latus ense quieto  
 Securum; magnus quanto mucrone minatur  
 Noctibus hibernis, et sidera terret Orion. 45  
 At sonipes, habitus animosque imitatus equestres,  
 Acrius attollit vultus, cursumque minatur:  
 Cui rigidis stant colla jubis, vivusque per armos  
 Impetus; et tantis calcaribus ilia late  
 Suffectura patent. vacuae pro cespite terrae 50  
 Aerea captivi crinem terit ungula Rheni.

Hunc et Adrastæus visum extimuisset Arion;  
 Et pavet aspiciens Ledaëus ab aede propinqua  
 Cyllarus: hic domini nunquam mutabit habenas  
 Perpetuus frenis; atque uni serviet astro. 55  
 Vix sola sufficiunt, insessaque pondere tanto  
 Subter anhelat humus: nec ferro aut aere laborat  
 Sed Genio; teneat quamvis aeterna crepido,  
 Quae superingesti portaret culmina montis,  
 Caeliferique attrita genu durasset Atlantis. 60  
 Nec longae traxere morae: juvat ipsa labores  
 Forma Dei praesens; operique intenta juvenus  
 Miratur plus posse manus. strepit ardua pulsu  
 Machina continuo: septem per culmina montes  
 It fragor, et magnae vincit vaga murmura Romae. 65  
 Ipse loci custos, cujus sacrata vorago  
 Famosique lacus nomen memorabile servant,  
 Innumeros aeris sonitus, et verbere crebro  
 Ut sensit mugire forum, movet horrida sancto  
 Ora situ, meritaque caput venerabile quercu. 70  
 Ac primum ingentes habitus, lucemque coruscant  
 Expavit majoris equi; terque ardua mersit  
 Colla lacu trepidus: laetus mox praeside viso;  
 Salve, magnorum proles genitorque deorum,  
 Auditum longe numen mihi! nunc mea felix, 75  
 Nunc veneranda palus, cum te prope nosse, tuumque  
 Immortale jubar vicina sede tueri  
 Concessum. semel autor ego, inventorque salutis  
 Romuleae; tu bella Jovis, tu praelia Rheni,  
 Tu civile nefas, tu tardum in foedera montem; 80

V. 55. PERPETUIS. 57. LABORANT. 64. CONTINUUS. *ibid.* L. MULTUS. 65. FINGIT. [67. FAMOSIQUE—  
 SERVANT; antea legebatur FAMOSUSQUE — SERVAT. *ED. DR.*] 68. CRUDO.



Longo Marte domas. quod si te nostra tulissent  
 Saccula, tentasses, me non audente, profundos  
 Ire lacus; sed Roma tuas tenuisset habenas.  
 Cedat equus, Latiae qui contra templa Diones,  
 Caesarai stat sede fori; [*quem tradere es ausus* 85  
*Pellaeo Lysippe duci, mox Caesaris ora*  
*Aurata cervice tulit*] vix lumine fesso  
 Explore quam longus in hunc despectus ab illo.  
 Quis rudis usque adeo, qui non, ut viderit ambos,  
 Tantum dicat equos, quantum distare regentes? 90  
 Non hoc imbriferas hyemes, opus, aut Iovis ignem  
 Tergeminum, Aeolii non agmina carceris horret,  
 Annorumve moras: stabit dum terra, polusque,  
 Dum Romana dies. huc et sub nocte silenti,  
 Cum Superis terrena placent, tua turba relicto 95  
 Labetur caelo, miscebitque oscula juxta:  
 Ibit in amplexus natus, fraterque paterque  
 Et soror: una locum cervix dabit omnibus astris.  
 Uterè perpetuum populi magnique senatus  
 Munere: Apellae cuperent te scribere cerae, 100  
 Optassetque novo similem te ponere templo  
 Atticus Elei senior Jovis; et tua mitis  
 Ora Taras, tua sidereas imitantia flammis  
 Lumina, contempto mallet Rhodos aspera Phoebus.  
 Certus ames terras, et quae tibi templa dicamus 105  
 Ipse colas: nec te caeli juvet aula; tuosque  
 Laetus hūc dono videas dare tura nepotes.

## II.

## EPITHALAMION STELLAE ET VIOLANTILLAE.

U N D E sacro Latii sonuerunt carmine montes?  
 Cui, Paean, nova plectra moves, humeroque comanti  
 Facundum suspendis ebur? procul ecce canoro  
 Demigrant Helicone deae, quatiuntque novena  
 Lampade solennem thalamis coëuntibus ignem, 5  
 Et de Pieriis vocalem fontibus undam.  
 Quas inter vultu petulans Elegia propinquat,  
 Celsior assueto; divasque hortatur, et ambit  
 Alternum factura pedem; decimamque videri  
 Se cupit, et medias fallit permixta sorores. 10  
 Ipsa manu nuptam genitrix Aeneïa ducit  
 Lumina demissam, et dulci probitate rubentem:  
 Ipsa toros, et sacra parat; cinctuque Latino  
 Dissimulata deam, crinem vultumque genasque  
 Temperat, atque nova gestit minor ire marita. 15  
 Nosco diem causasque sacri: te concinit iste  
 (Pande fores) te, Stella, chorus: tibi Phoebus et Evan  
 Et de Maenalia volucer Tegeaticus umbra  
 Serta ferunt: nec blandus Amor nec Gratia cessat  
 Amplèxum niveos optatae conjugis artus 20  
 Floribus innumeris et olenti spargere nimbo.  
 Tu modo fronte rosas, violis modo lilia mixta



Excipis, et dominae niveis a vultibus obstas.  
 Ergo dies aderat Parcarum conditus albo  
 Vellere, quo Stellae Violantillaeque professus 25  
 Clamaretur Hymen. cedant curaeque metusque,  
 Cessent mordaces obliqui carminis astus,  
 Fama tace: subiit leges, et frena momordit  
 Ille solutus amor: consumpta est fabula vulgi,  
 Et narrata diu viderunt oscula cives. 30  
 Tu tamen attonitus (quamvis data copia tantae  
 Sortis) adhuc optas, permissaque numine dextro  
 Vota paves. Pone o dulcis suspiria vates,  
 Pone, tua est: licet expositum per limen aperto  
 Ire, redire, gradu: jam nusquam janitor, aut lex, 35  
 Aut pudor: amplexu tandem satiare petitae  
 Conjugis, et duras pariter reminiscere noctes.  
 Digna quidem merces, et si tibi Juno labores  
 Herculeos, Stygiis et si concurrere monstros  
 Fata darent, si Cyaneos raperere per aestus. 40  
 Hanc propter tanti Pisaea lege trementem  
 Currere, et Oenomai fremitus audire sequentis.  
 Nec si Dardania pastor temerarius Ida  
 Sedisses, haec dona forent: nec si alma per auras  
 Te potius prensa veheret Tithonia biga. 45  
 Sed quae causa toros inopinaque gaudia vati  
 Attulit, hic mecum dum fervent agmine postes  
 Atrique, et multa pulsantur limina virga,  
 Hic, Erato jucunda, doce: vacat apta movere  
 Colloquia, et docti norunt audire Penates. 50

V. 27. [MORDACES. Ita reposui; antea MENDACES. ED. DR.] 32. [SORTIS; antea NOCTIS. ED. DR.] Vulg.  
 PROMISSA. 36. PETITO. 41. TUTUM. [TANTI; antea IUSTUM. ED. DR.] 45. L. PRESSA.

Forte serenati qua stat plaga lactea caeli,  
 Alma Venus thalamo, pulsa modo nocte, jacebat,  
 Amplexu duro Getici resoluta mariti.  
 Fulcra, torosque deae tenerum premit agmen Amorum:  
 Signa petunt, quas ferre faces, quae pectora figi 55  
 Imperet; an terris saevire, an malit in undis,  
 An miscere deos, an adhuc vexare Tonantem.  
 Ipsi animus nondum; nec cordi fixa voluntas:  
 Fusa jacet stratis, ubi quondam conscia culpae  
 Lemnia repserunt deprenso vincula furto. 60  
 Hic puer e turba volucrum, cui plurimus ignis  
 Ore, manuque levi nunquam frustrata sagitta,  
 Agmine de medio, tenera sic dulce profatus  
 Voce: (pharetrati pressere silentia fratres:)  
 Scis ut, mater, ait, nulla mihi dextera segnis 65  
 Militia; quemcunque hominum divumque dedisti,  
 Uritur: at tandem lacrimis et supplice dextra  
 Et votis precibusque viri concede moveri,  
 O genitrix; duro nec enim ex adamante creati,  
 Sed tua turba sumus. clarus de gente Latina 70  
 Est juvenis, quem patritiis majoribus ortum  
 Nobilitas gavisa tulit; praesagaque formae  
 Protenus e nostro posuit cognomina caelo.  
 Hunc egomet tota quondam (tibi dulce) pharetra  
 Improbis, et densa trepidantem cuspide fixi. 75  
 Quamvis Ausoniis multum gener ille petitus  
 Matribus, edomui victum, dominaeque potentis  
 Ferre jugum, et longos jussi sperare per annos.  
 Ast illam summa leviter (sic namque jubebas)



Lampade, parcentes, et inertī strinximus arcu. 80  
 Ex illo quantos juvenis premat anxius ignes.  
 Testis ego, attonitus quantum me nocte dieque  
 Urgentem ferat: haud ulli vehementior unquam  
 Incubui, genitrix, iterataque vulnera fixi.  
 Vidi ego et immiti cupidum decurrere campo. 85  
 Hippomenem, nec sic meta pallebat in ima:  
 Vidi et Abydeni juvenis certantia remis  
 Brachia, laudavique manus, et saepe natanti  
 Praeluxi: minor ille calor, quo saeva tepebant  
 Aequora. tu veteres, juvenis, transgressus amores: 90  
 Ipse ego te tantos stupui durasse per aestus,  
 Firmavique animos, blandisque madentia plumis  
 Lumina deterſi. quoties mihi questus Apollo  
 Sic vatem moerere suum! jam, mater, amatos:  
 Indulge thalamos. noster comes ille piusque 95  
 Signifer armiferos poterat memorare labores,  
 Claraque facta virū et torrentes sanguine campos;  
 Sic tibi plectra dedit, mitisque incedere vates  
 Maluit, et nostra laurum subtexere myrto.  
 Hic juvenum lapsus, suaque, haud extrema, revolvit 100  
 Vulnera. pro quanta est Paphii reverentia, mater,  
 Numinis! hic nostrae deflevit fata Columbae.  
 Dixerat; et tenera matris cervice pependit  
 Blandus, et admotis tepefecit pectora pennis.  
 Illa refert, vultu non aspernata rogari: 105  
 Grande quidem, rarumque viris quos ipsa probavi.  
 Pierius votum juvenis capit: hanc ego, formae

V. 80. Vulg. INERM. 86. IPSA. 89. PRAELUSI. 91. SUPERESSE. [98. SIC. ita Marklandi iussu scriptum. Antea  
 HINC. ED. DR.] 100. EXTERNA. 105. L. ROGANTEM. 107. Vulg. CUPIT.

Egregium mirata decus, cui gloria patrum  
Et generis certabat honos, tellure cadentem  
Excepi, fovique sinu; nec colla genasque 110  
Comere, nec pingui crinem deducere amomo  
Cessavit mea, nate, manus: mihi dulcis imago  
Prosiluit. celsae procul aspice frontis honores,  
Suggestumque comae; Latias, metire, quid ultra  
Emineat matres: quantum Latonia nymphas 115  
Virgo premit, quantumque egomet Nereïdas exto.  
Haec et caeruleis mecum consurgere digna  
Fluctibus, et nostra potuit considerare concha:  
Et si flammiferas potuisset scandere sedes  
Hasque intrare domos, ipsi erraretis, Amores. 120  
Huic quamvis census dederim largita beatos,  
Vincit opes animo. queritur jam Seras avaros  
Augustum spoliasse nemus, Clymeneaque deesse  
Germina, nec virides satis illachrymare sorores:  
Vellera Sidonio jam pauca rubescere tabo, 125  
Raraque longaevis nivibus crystallæ gelari.  
Huic Hermum, fulvoque Tagum decurrere limo,  
(Nec satis ad cultus) huic Inda monilia Glaucum,  
Proteaue, atque omnem Nereïda quaerere jussi.  
Hanc si Thessalicos vidisses, Phoebe, per agros, 130  
Erraret Daphne securo: in litore Naxi  
Theseum juxta foret haec conspecta cubile,  
Gnosida desertam profugus liquisset et Evan.  
Quod nisi me longis placasset Juno querelis,  
Falsus huic pennas et cornua sumeret aethrae 135  
Rector, in hanc vero cecidisset Juppiter auro.

V. 123. Vulg. SPOLIARE.



Sed dabitur juveni, cui tu, mea summa potestas  
 Nate, cupis: thalami quamvis juga ferre secundi  
 Saepe neget moerens. ipsam jam cedere sensi,  
 Inque vicem tepuisse viro. Sic fata, levavit 140  
 Sidereos artus; thalamique egressa superbum  
 Limen, Amyclaeos ad frena citavit olores.  
 Jungit Amor, laetamque vehens per nubila matrem  
 Gemmato temone sedet. Jam Tybridis arces  
 Iliacae: pandit nitidos Venus alma Penates, 145  
 Claraque gaudentes plauserunt limina cygni.  
 Digna deae sedes, nitidis nec sordet ab astris.  
 Hic Libycus, Phrygiusque silex, hic dura Laconum  
 Saxa virent: hic flexus onyx, et concolor alto  
 Vena mari, rupesque nitent, quis purpura saepe 150  
 Oebalis, et Tyrri moderator livet aheni.  
 Pendent innumeris fastigia nixa columnis;  
 Robora Dalmatico lucent satiata metallo:  
 Excludunt radios silvis decussa vetustis  
 Frigora; perspicui vivunt in marmore fontes. 155  
 Nec servat Natura vices: hic Sirius alget,  
 Bruma tepet; versumque domus sibi temperat annum.  
 Exultat visu, tectisque potentis alumnae  
 Non secus alma Venus, quam si Paphon aequore ab alto,  
 Idaliasve domos, Erycinave templa subiret. 160  
 Tunc ipsam solo reclinem affata cubili:  
 Quonam hic usque sopor, vacuique modestia lecti,  
 O mihi Laurentes inter dilecta puellas?  
 Quis morum, fideique modus? nunquamne virili

V. 145. Vulg. DOMUS ALTA. 150. L. purpura CEDIT. 152. L. SPLENDENT. 160. Idaliasque, et, Erycinave.  
 162. L. PUDOR.

Submittere jugo? veniet jam tristior aetas: 165  
 Exerce formam, et fugientibus utere donis.  
 Non ideo tibi tale decus, vultusque superbos,  
 Meque dedi, viduos ut transmittare per annos  
 Ceu non cara mihi: satis, o, nimiumque, priores  
 Despexisse procos. at enim hic tibi sanguine toto 170  
 Deditus, unam omnes inter miratur amatque,  
 Nec formae, nec stirpis egens: nam docta per urbem  
 Carmina, qui juvenes, quae non didicere puellae?  
 Hunc et bisenos (sic indulgentia pergat  
 Praesidis Ausonii) cernes attollere fasces 175  
 Ante diem: certe jam nunc Cybeleia novit  
 Limina, et Euboïcae carmen legit ille Sibyllae.  
 Jamque parens Latius (cuius praenoscere mentem  
 Fas mihi) purpureos habitus, juvenique curule  
 Indulgebit ebur: Dacas (quae gloria major) 180  
 Exuvias, laurosque dabit celebrare recentes.  
 Ergo age, junge toros, atque otia deme juventae.  
 Quas ego non mentes, quae non face corda jugavi?  
 Alituum pecudumque mihi, durique ferarum  
 Non renuere greges: ipsum in connubia terrae 185  
 Aethera, cum pluviis rarescunt nubila, solvo:  
 Sic rerum series, mundique revertitur aetas.  
 Unde novum Trojae decus, ardentumque deorum  
 Raptoem, Phrygio si non ego juncta marito?  
 Lydus unde meos iterasset Tybris Iulos? 190  
 Quis septemgeminæ posuisset moenia Romae  
 Imperii Latiale caput, nisi Dardana furto  
 Cepisset Martem, nec me prohibente, sacerdos?



His mulcet dictis, tacitumque inspirat amorem  
 Connubii. redeunt animo jam vota precesque, 195  
 Et lacrimae, vigilesque viri prope limina questus,  
 ASTERIS et, vati totam cantata per urbem;  
 Asteris ante dapes, nocte Asteris, Asteris ortu,  
 Quantum non clamatus Hylas. jamque aspera coepit  
 Flectere corda libens, et jam sibi dura videri. 200  
 Macte toris, Latios inter placidissime vates,  
 Qui durum permensus iter coeptosque labores,  
 Prendisti portus. tumidae sic transfuga Pisae  
 Amnis, in externos longe flammatus amores,  
 Flumina demerso trahit intemerata canali; 205  
 Donec Sicanios tandem prolatus anhelu  
 Ore bibat fontes: miratur dulcia Naïs  
 Oscula, nec credit pelago venisse maritum.  
 Quis tibi tunc alacri, caelestum munere, clare  
 Stella, dies? quanto salierunt pectora voto 210  
 Dulcia cum dominae dexter connubia vultus  
 Annuit? ire polo, nitidosque errare per axes  
 Visus. Amyclaeis minus exultavit arenis  
 Pastor, ad Idaeas Helena veniente carinas:  
 Thessala nec talem viderunt Pelea Tempe, 215  
 Cum Thetin Aemoniis Chiron accedere terris  
 Erecto prospexit equo. quam longa morantur  
 Sidera! quam segnis votis Aurora maritis!  
 At procul ut Stellae thalamos sensere parari  
 Latōus vatū pater, et Semeleius Evan; 220  
 Hic movet Ortygia, movet hic rapida agmina Nysa;

Huic Lycii montes, gelidaeque umbracula Thymbrae,  
 Et, Parnasse, sonas; illi Pangea resultant,  
 Ismaraque, et quondam genialis litora Naxi.  
 Tunc caras iniere fores, comitique canoro 225  
 Hic chelyn, hic flavam maculoso nebrida tergo,  
 Hic thyrsos, hic plectra, ferunt: hic enthea lauro:  
 Tempora, Minoa crinem premit ille corona.  
 Vixdum emissa dies, et jam socialia praesto  
 Omina; jam festa fervet domus utraque pompa: 230  
 Fronde virent postes, effulgent compita flammis,  
 Et pars immensae gaudet celeberrima Romae.  
 Omnis honos, cuncti veniunt ad limina fascēs:  
 Omnis plebejo teritur praetexta tumultu:  
 Hic Eques, hic juvenum coetu stola mixta laborat. 235  
 Felices utrosque vocant: sed in agmine plures  
 Invidere viro. Jamdudum poste reclinis  
 Quaerit Hymen thalamis intactum dicere carmen,  
 Quo vatem mulcere queat: dat Juno verenda  
 Vincula, et insigni geminat Concordia taeda: 240  
 Hic fuit ille dies: noctem canat ipse maritus,  
 Quantum nosse licet. Sic victa sopore doloso  
 Martia fluminea posuit latus Ilia ripa:  
 Non talis niveos strinxit Lavinia vultus,  
 Cum Turno spectante rubet; non Claudia talis 245  
 Respexit populos mota jam virgo carina.  
 Nunc opus, Aonidum comites, tripodumque ministri,  
 Diversis certare modis: eat enthea vittis  
 Atque hederis redimita cohors, ut pollet ovanti  
 Quisque lyra. sed praecipue qui nobile gressu. 250



Extremo fraudatis epos, date carmina festis  
 Digna toris. hunc ipse, Coe plaudente, Philetas  
 Callimachusque senex, Umbroque Propertius antro  
 Ambissent laudare diem; nec tristis in ipsis  
 Naso Tomis, divesque foco lucente Tibullus. 255  
 Me certe non unus amor, simplexque canendi  
 Causa trahit: tecum similes junctaeque Camoenae  
 Stella mihi, multumque pares bacchamur ad aras,  
 Et sociam doctis haurimus ab amnibus undam.  
 At te nascentem gremio mea prima recepit 260  
 Parthenope, dulcisque solo tu gloria nostro  
 Reptasti. nitidum consurgat ad aethera tellus  
 Euboïis, et pulchra tumeat Sebetos alumna:  
 Nec tibi sulfureis Lucrinae Naïdes antris,  
 Nec Pompeiani placeant magis otia Sarni. 265  
 Eia age, praeclaros Latio properate nepotes,  
 Qui leges qui castra legant, qui carmina ludant.  
 Acceleret partu decimum bona Cynthia mensem:  
 Sed parcat Lucina precor. tuque ipse parenti  
 Parce, puer; ne mollem uterum, ne stantia laedas 270  
 Pectora. cumque tuos tacito Natura recessu  
 Formarit vultus, multum de patre decoris,  
 Plus de matre feras. At tu, pulcherrima forma  
 Itolidum, tandem merito possessa marito,  
 Vincla diu quaesita fove. sic damna decoris 275  
 Nulla tibi; longae virides sic flore juventae  
 Perdurent vultus, tardeque haec forma senescat.

## III.

## VILLA TIBURTINA MANLI VOPISCI.

**C**ERNERE facundi Tibur glaciale Vopisci,  
 Si quis, et inserto geminos Aniene penates,  
 Aut potuit sociae commercia noscere ripae,  
 Certantesque sibi dominum defendere villas;  
 Illum nec calido latravit Sirius astro, 5  
 Nec gravis aspexit Nemees frondentis alumnus:  
 Talis hiems tectis, frangunt sic improba solem  
 Frigora, Pisaeoque domus non aestuat anno.  
 Visa manu tenera tectum scripsisse Voluptas;  
 Tunc Venus Idaliis unxit fastigia succis, 10  
 Permulsitque comis, blandumque reliquit honorem  
 Sedibus, et volucres vetuit discedere natos.  
 O longum memoranda dies! quae mente reporto  
 Gaudia! quam lassos per tot miracula visus!  
 Ingenium quam mite solo! quae forma beatis 15  
 Arte manus concessa locis! non largius usquam  
 Indulsit Natura sibi. nemora alta citatis  
 Incubuiere vadis; fallax responsat imago  
 Frondibus, et longas eadem fugit unda per umbras.  
 Ipse Anien (miranda fides) infraque, superque 20  
 Saxeus, hic tumidam rabiem, spumosaque ponit  
 Murmura, ceu placidi veritus turbare Vopisci  
 Pieriosque dies, et habentes carmina somnos.  
 Litus utrumque domi: nec te mitissimus amnis



Dividit; alternas servant praetoria ripas 25  
 Non externa sibi, fluviumve obstare queruntur.  
 Sestiacos nunc fama sinus, pelagusque natatum  
 Jactet, et audaci junctos delphinas ephebo:  
 Hic aeterna quies, nullis hic jura procellis,  
 Nusquam fervor aquis. datur hic transmittere visus, 30  
 Et voces, et pene manus. sic Chalcida fluctus  
 Expellunt fluvii: sic dissociata profundo  
 Bruttia Sicanium circumspicit ora Pelorum.  
 Quid primum, mediumve canam; quo fine quiescam?  
 Auratasne trabes, an Mauros undique postes, 35  
 An picturata lucentia marmora vena  
 Mirer, an emissas per cuncta cubilia nymphas?  
 Huc oculis, huc mente trahor. venerabile dicam  
 Lucorum senium? te, quae vada fluminis infra  
 Cernis? an ad silvas quae respicis, aula, jacentes? 40  
 Qua tibi tota quies, offensaque turbine nullo  
 Nox silet, aut teneros invitant murmura somnos.  
 An quae graminea suscepta crepidine fumant  
 Balnea, et impositum ripis argentibus ignem?  
 Quique vaporiferis junctus fornacibus amnis 45  
 Ridet anhelantes vicino flumine nymphas?  
 Vidi artes, Veterumque manus, variisque metalla  
 Viva modis. labor est auri memorare figuras,  
 Aut ebur, aut dignas digitis contingere gemmas.  
 Quicquid et argento primum vel in aere Myronis 50  
 Lusit, et enormes manus est experta colossos.

---

V. 32. L. DISPELLUNT REFUGI. 37. Vulg. LYMPHAS. 40. TACENTES. 42. [AUT; antea ET. Illud Marklando iubente repositum. ED. DR.] NIGROS IMITANTIA. 45. QUAEQUE. 50. [L. argento MENTOR. 51. L. ZEUXIDIS AUT VARIO manus est experta COLORE.

Dum vagor aspectu, visusque per omnia duco,  
 Calcabam necopinus opes: nam splendor ab alto  
 Defluus, et nitidum referentes aëra testae  
 Monstravere solum; varias ubi picta per artes 55  
 Gaudet humus superare novis asarota figuris.  
 Expavere gradus. Quid nunc ingentia mirer,  
 Aut quid partitis distantia tecta trichoris?  
 Quid te, quae mediis servata penatibus, arbor,  
 Tecta per et postes liquidas emergis in auras? 60  
 Quo non sub domino saevas passura bipennes?  
 Et nunc ignarae fors an vel lubrica Naïs  
 Vel non abruptos tibi debet Hamadryas annos.  
 Quid referam alternas gemino super aggere nymphas,  
 Albentesque lacus, altosque in gurgite fontes? 65  
 Teque per obliquum penitus quae laberis amnem,  
 Marcia, et audaci transcurris flumina plumbo?  
 Non solum Ioniis sub fluctibus Elidis amnem  
 Dulcis ad Aetnaeos deducit semita portus.  
 Illis ipse antris Anienus fonte relicto, 70  
 Nocte sub arcana glaucos exutus amictus,  
 Huc illuc fragili prosternit pectora musco:  
 Aut ingens in stagna cadit, vitreasque natatu  
 Plaudit aquas: illa recubat Tiburnus in umbra,  
 Illic sulfureos cupit Albula mergere crines. 75  
 Haec domus, Aegeriae Nemoralis abjungere Phoeben,  
 Et Dryadum viduare choris argentia possit  
 Taygeta, et silvis arcessere Pana Lycacis.  
 Quod ni templa darent alias Tirynthia sortes,

V. 56. Vulg. SUBERANTQUE. 58. L. ATRIA? quid PARIBUS. 62. IGNARO. 63. DEMET. 64. MENSAS. 67. MARTIA.  
 68. AN. 69. DEDUCAT.



Et Praenestinae poterant migrare sorores. 80  
 Quid bifera Alcinoi laudem pomaria? vosque,  
 Qui nunquam vacui prodistis in aethera, rami?  
 Cedant Telegoni, cedant Laurentia Turni  
 Jugera, Lucrinaeque domus, litusque cruenti  
 Antiphatae: cedant vitreae juga perfida Circes 85  
 Dulichiis ululata lupis, arcesque superbi  
 Anxuris, et sedes Phrygio quas mitis alumno  
 Debet anus: cedant quae te, jam solibus arctis,  
 Antia nimbose revocabunt litora bruma.  
 Scilicet hic illi meditantur pondera mores: 90  
 Hic premitur fecunda quies, virtusque serena  
 Fronte gravis, sanusque decor, luxuque carentes  
 Deliciae, quas ipse suis digressus Athenis  
 Mallet deserto senior Gargettius horto.  
 Haec per et Aegeas hiemes, Pliadumque nivolum 95  
 Sidus, et Oleniis dignum petiisse sub astris.  
 Si Malcae credenda ratis, Siculosque per aestus  
 Sit via, cur oculis sordet vicina voluptas?  
 Hic tua Tiburtes Faunos chelys, et juvat ipsum  
 Alciden, dictumque lyra majore Catillum: 100  
 Seu tibi Pindaricis animus contendere plectris,  
 Sive chelyn tollas Heroa ad robora, sive  
 Liventem Satiram nigra rubigine turbes:  
 Seu tibi non alta splendescat Epistola cura.  
 Digne Midae, Croesique bonis, et Perside gaze, 105  
 Macte bonis animi! cujus stagnantia rura  
 Debit et flavis Hermus transcurrere ripis,

Et limo splendente Tagus. sic docta frequentes

Otia; sic omni detersus pectora nube

Finem Nestoreae precor egrediare senectae.

110

## IV.

## SOTERIA RUTILII GALLICI.

**E**STIS, io Superi, nec inexorabile Clotho

Volvit opus: videt alma pios Astraea, Jovique

Conciliata redit; dubitataque sidera cernit

Galicus. Es caelo, Dis es, Germanice, cordi,

Quis neget? erubuit tanto spoliare ministro

5

Imperium Fortuna tuum. stat proxima cervix

Ponderis immensi, damnosaque fila senectae

Exuit, atque alios melior revirescit in annos.

Ergo alacres, quae signa colunt urbana, cohortes,

Inque sinum quae saepe tuum fora turbida questum

10

Confugiunt leges, urbesque ubicunque togatae

Quae tua longinquis implorant jura querelis,

Certent laetitia; nosseque ex ordine collis

Confremat, et sileant pejoris murmura famae:

Quippe manet, longumque aevo redeunte manebit,

15

Quem penes intrepidae mitis custodia Romae.

Nec tantum induerint fatis nova saecula crimen,

Aut instaurati peccaverit ara Terenti.

Ast ego nec Phoebum (quanquam mihi surda sine illo

---

V. 109. Vulg. DETECTUS. 3. CADIT. [10. QUESTUM; hoc pro QUESTU auctoritate Marklandi reposui, ut et vs. seq. LEGES pro LEGESQUE. ED. DR.] 13. ita MSS. Vulg. NOSTERQUE.



Plectra) nec Aonias decima cum Pallade divas, 20  
 Aut mitem Tegeae, Dircesye hortabor alumnum;  
 Ipse veni, viresque novas animumque ministra,  
 Qui caneris: dextro nec enim sine numine tantus  
 Ausoniae decora ampla togae, centumque dedisti  
 Judicium mentemque, viris. licet enthea vatis 25  
 Excludat Pimplea sitim, nec conscia detur  
 Pirene, largos potior mihi gurgēs in haustus  
 Qui rapitur de fonte tuo: seu plana solutis  
 Qua struis orsa modis, seu qua tibi dulcis in artem  
 Frangitur, et nostras curat facundia leges. 30  
 Quare age, si Cereri sua dona merumque Lyaeo  
 Reddimus, et dives praedae, tamen accipit omni  
 Exuvias Diana tholo, captivaeque tela  
 Bellipotens; nec tu, quando tibi, Gallice, majus  
 Eloquium, fandique opibus sublimis abundas, 35  
 Sperne coli tenuiore lyra. vaga cingitur astris  
 Luna, et in oceanum rivi cecidere minores.  
 Quae tibi sollicitus persolvit praemia morum  
 Urbis amor? quae tum Patrumque Equitumque notavi  
 Lumina, et ignarae plebis lugere potentes? 40  
 Non labente Numa timuit sic curia felix,  
 Pompeio nec celsus eques, nec femina Bruto.  
 Hoc illud; tristes invitum audire catenas,  
 Parcere verberibus, nec qua jubet alta potestas  
 Ire, sed armatas multum sibi demere vires, 45  
 Dignarique manus humiles, et verba precantum;  
 Reddere jura foro, nec proturbare curules,

V. 23. Vulg. DOCTO — CARMINE. [29. QUA — QUA, Antea CUM — CUM. Illud Marklandus reponi iussit.  
 ED. DR.]

Et ferrum mulcere toga. sic itur in alta  
 Pectora, sic mixto reverentia se dat amori.  
 Ipsa etiam cunctos gravis inclementia fati 50  
 Terruit, et subiti praeceps juvenile pericli,  
 Nil cunctante malo. non illud culpa senectae,  
 (Quippe ea bisseis vix dum orsa excedere lustris)  
 Sed labor intendens, animique in membra vigentis  
 Imperium, vigilesque suo pro Caesare curae, 55  
 Dulce opus. hinc fessos penitus subrepsit in artus  
 Insidiosa quies, et pigra oblivia vitae.  
 Tunc Deus, Alpini qui juxta culmina dorsi  
 Signat Apollineo sanctos cognomine lucos  
 Respicit, heu tanti pridem securus alumni 60  
 Perpressusque moras: Huc mecum, Epidauria proles,  
 Huc, altis gaudens; datur aggredienda facultas  
 Ingentem recreare virum: teneamus adorti  
 Tendentes jam fila colos: nec fulminis atri  
 Sit metus; has ultro laudabit Juppiter artes: 65  
 Nam neque plebeiam, aut dextro sine numine cretam  
 Servo animam. atque adeo, breviter, dum tecta subimus,  
 Expediam. genus ipse suis, praemissaque retro  
 Nobilitas: nec origo latet, sed luce sequente  
 Vincitur, et magno gaudet cessisse nepoti. 70  
 Prima togae virtus: illa quoque clarus, et ingens  
 Eloquio: mox innumeris exercita castris,  
 Occiduas, primasque domos, et sole sub omni  
 Promeruit jurata manus. nec in otia pacis  
 Permissum laxare animos, ferrumque recingi: 75

V. 49. Vulg. FIDIT. 57. FIGRAE. 59. APOLLINEOS SANCTO. 61. PRAEGRESSUSQUE. 62. HINC ALTI. 63. TEX-  
 TENUS. 64. TENDATIS. 65. LAUDARIT. 74. PERMERUIT.



Hunc Galatia vicens ausa est incessere bello:  
 Hunc quoque perque novem timuit Pamphylia messes,  
 Pannoniusque ferox, arcuque horrenda fugaci  
 Armenia, et patiens Latii jam pontis Araxes.  
 Quid geminos fascēs, magnaeque iterata revolvam 80  
 Jura Asiae? velit illa quidem ter habere, quaterque  
 Hunc sibi; sed revocant fasti majorque curulis,  
 Nec permissa semel. Libyci quid mira tributi  
 Obsequia, et missum media de pace triumphum  
 Laudem, et opes quantas nec qui mandaverat ausus 85  
 Expectare fuit? gaudet Trasimēnus et Alpes  
 Cannensesque animae: primusque insigne tributum  
 Ipse palam lacera poscebat Regulus umbra.  
 Non vacat Arctoas acies, Rhenumque rebellem,  
 Captivaeque preces Veledae, et (quae maxima nuper 90  
 Gloria) depositam Dacis pereuntibus arcem  
 Pandere; cum tanti, lectus, rectoris habenas  
 Gallice, Fortuna non adversante, subisti.  
 Hunc igitur (si digna loquor) rapiamus iniquo  
 Nate, Jovi. rogat hoc Latiae pater inclytus urbis: 95  
 Et meruit (neque enim frustra mihi nuper honora  
 Carmina patritio pueri sonuistis in ostro)  
 Si qua salutifero gemini Chironis in antro  
 Herba, tholo quodcunque tibi Trojana recondit  
 Pergamus, aut medicis felix Epidaurus arenis 100  
 Educat; Idaea profert quam Creta sub umbra  
 Dictamni florentis opem, quoque anguis abundat

[V. 83. PERMISSA; hoc Marklandus reponi iussit pro PROMISSA. ED. DR.] 84. L. JUSTUM. 85. Vulg. opes  
 TANTAS? nec. 88. L. PLAUBEAT. 91. URBEM. 93. L. ADVERSANTE [et ita repositum, cum antea legeretur  
 ADMIRANTE. ED. DR.] 94. RAPIEMUS.

Spumatu. jungam ipse manus, atque omne benignum  
 Virus, odoriferis Arabum quod doctus in arvis,  
 Aut Amphrysiaco pastor de gramine carpsi. 105  
 Dixerat: inveniunt positos jam segniter artus,  
 Pugnantemque animam. ritu se cingit uterque  
 Paeonio, monstrantque simul, parentque volentes;  
 Donec letiferas vario medicamine pestes,  
 Et suspecta mali ruperunt nubila somni. 110  
 Adjuvat ipse ~~Deos~~, morboque valentius omni  
 Occupat auxilium. citius non arte refectus  
 Telephus Aemonia; nec quae metuentis Atridae  
 Saeva Machaonio coëerunt vulnera succo.  
 Quis mihi, tot questus inter populique patrumque, 115  
 Sit curae, votique locus? tamen ardua testor  
 Sidera, teque, pater vatum Thymbraee, quis omni  
 Luce mihi, quis nocte timor; dum postibus haerens  
 Assiduus, nunc aure vigil, nunc lumine, cuncta  
 Aucupor. immensae veluti connexa carinae 120  
 Cymba minor, cum saevit hyems, pro parte, furentes  
 Parva receptat aquas, et eodem volvitur Austro.  
 Nectite nunc laetae candentia fila sorores,  
 Nectite: nemo modum transmissi computet aevi,  
 Hic vitae natalis erit. tu Troïca dignus 125  
 Saecula, et Euboïci transcendere pulveris annos,  
 Nestoreosque situs. Qua nunc tibi pauper acerra  
 Digna litem? nec si vacuet Mevania valles,  
 Aut praestent niveos Clitumna novalia tauros,  
 Sufficiam. sed saepe Deis hos inter honores 130  
 Cespes, et exiguo placuerunt farra salino.

V. 103. Vulg. BENIGNE. 111. [DEOS; antea DEUS, ED. DR.] VALENTIOR. 115. COETUS. 120. AGGUROR.



## V.

## BALNEUM CLAUDII ETRUSCI.

**N**ON Heliconæ gravi pulsata chelys entheæ plectro,  
 Nec lassata voco toties mihi numina Musas.  
 Et te, Phoebe, choris, et te dimittimus Evan:  
 Tu quoque muta ferae, volucer Tegeæ, sonoræ  
 Terga premas: alios poscunt mea carmina coetus. 5  
 Nædas undarum dominas, regemque coruscæ  
 Ignis, adhuc fessum, Siculaque incude rubentem  
 Elicuisse satis. paulum arma nocentia, Thebæ,  
 Ponite; dilecto volo lascivire sodali.  
 Junge puer cyathos, sed ne numerare labora, 10  
 Cunctantemque intende chelyn: discede, laborque,  
 Curaque, dum nitidis canimus gemmantia saxis  
 Balnea; dumque procax, myrtis ederisque soluta  
 Fronte, verecundo Clio mea ludit Etrusco.  
 Ite, deæ virides, liquidosque advertite vultus, 15  
 Et vitreum teneris crinem redimite corymbis,  
 Veste nihil tectæ: quales emergitis altis  
 Fontibus, et visu Satyros torquetis amantes.  
 Non vos quæ culpa decus infamastis aquarum  
 Sollicitare juvat: procul hinc, et fonte doloso 20  
 Salmacis, et viduæ Cebrenidos arida luctu  
 Flumina, et Herculei prædatrix cedat alumni.  
 Vos mihi quæ Latium, septenaque culmina Nymphae  
 Incolitis, Tybrimque novis attollitis undis,

V. 4. MSS. TUQUE INIMICA. Vulg. TU QUOQUE MUTA ferae [quod seriore Marklandi auctoritate nunc repositum est. ED. DR.] L. TU QUOQUE AMICA. 10. ATQUE enumerare.

Quas praeceps Anien, atque exceptura natatus 25  
 Virgo juvat, Marsasque nives et frigora ducens  
 Marcia, praecelsis quarum vaga molibus unda  
 Cessit, et innumero pendens transmittitur arcu,  
 Vestrum opus aggredimur; vestra est quam carmine molli  
 Pando domus. non unquam aliis habitastis in antris 30  
 Ditius. ipsa manus tenuit Cytherea mariti,  
 Monstravitque artes: neu vilis flamma caminos  
 Ureret, ipsa faces volucrum succendit Amorum.  
 Non huc admissae Thasos, aut undosa Carystos;  
 Moeret onyx longe, queriturque exclusus ophites: 35  
 Sola nitet flavis Nomadum decisa metallis  
 Purpura, sola cavo Phrygiae quam Synnados antro  
 Ipse cruentavit maculis liventibus Attys:  
 Quasque Tyrus niveas secat, et Sidonia rupes.  
 Vix locus Eurotae, viridis cum regula longo 40  
 Synnada distinctu variat. non limina cessant,  
 Effulgent camerae, vario fastigia vitro  
 In species animosque nitent. stupet ipse beatas  
 Circumplexus opes, et parcius imperat ignis.  
 Multus ubique dies, radiis ubi culmina totis 45  
 Perforat, atque alio sol improbus uritur aestu.  
 Nil ibi plebeium: nusquam Temesaea notabis  
 Aera; sed argento felix propellitur unda,  
 Argentoque cadit, labrisque nitentibus instat  
 Delicias mirata suas, et abire recusat. 50  
 Extra autem niveo qui margine coerulus amnis  
 Vivit, et in summum fundo patet omnis ab imo,  
 Cui non ire lacu, pigrosque exolvere amictus

V. 27. Vulg. MARTIA. [28. CESSIT; hoc pro CRESCIT restitutum. ED. DR.] 38. LUCENTIBUS. 47. TEMESEAE.



Suadeat? hoc mallet nasci Cytherea profundo;  
 Hic te perspicuum melius, Narcisse, videres; 55  
 Hic velox Hecate velit et deprensa lavari.  
 Quid nunc strata solo referam tabulata, crepantes  
 Auditura pilas, ubi languidus ignis inerrat  
 Aedibus: et tenuem volvunt hypocausta vaporem?  
 Nec si Baianis veniat novus hospes ab oris, 60  
 Talia despiciat; (fas sit componere magnis  
 Parva) Neronea nec qui modo lotus in unda,  
 Hic iterum sudare neget. Macte, oro, nitenti  
 Ingenio, curaque, puer: tecum ista senescant,  
 Et tua jam melior discat fortuna renasci. 65

## VI.

## CAL. DECEMBRES [SATURNALES.]

ET Phoebus Pater, et severa Pallas,  
 Et Musae procul ite feriatae,  
 Jani vos revocabimus Calendis.  
 Saturnus mihi compede exoluta,  
 Et multo gravidus mero December, 5  
 Et ridens Jocus, et Sales protervi  
 Adsint, dum refero diem beatam  
 Laeti Caesaris, ebriamque noctem.  
 Vix Aurora novos movebat ortus,  
 Jam bellaria adorea pluebant. 10

\* Hunc rorem veniens profudit Eos.  
 Quicquid nobile Ponticis nucetis,  
 Foecundis cadit aut jugis Idumes,  
 Quod ramis pia germinat Damascus,  
 Et quod percoquit Ebosia cannis, 15  
 Largis gratuitum cadit rapinis.  
 Molles caseoli, lucunculique,  
 Et massis Amerina non perustis,  
 Et mustaceus, et latente palma  
 Praegrandes caryotides cadebant. 20  
 Non tantis Hyas inserena nimbis  
 Terras obruit, aut soluta Pleias,  
 Quali per cuneos hiems Latinos  
 Plebem grandine concutit sedentem.  
 Ducat nubila Juppiter per orbem, 25  
 Et laetis pluvias minetur agris,  
 Dum nostri Jovis hi ferantur imbres.  
 Ecce autem caveas subit per omnes,  
 Insignis specie, decora cultu  
 Plebes altera, non minor sedente. 30  
 Hi panaria, candidasque mappas  
 Subvectant, epulasque lautiores;  
 Illi marcida vina largiuntur:  
 Idaeos totidem putes ministros.  
 Orbem, qua melior severiorque est, 35  
 Et gentes alis insimul togatas;  
 Et cum tot populos beata pascas,

---

V. 11. Vulg. EURUS. 15. QUAS PRAECOQUIT EBOSIA CANNAS. [CANNIS repositum, cum Marklandus antea CAUNIS edidisset. ED. DR.] 17. CAIOLI LAGUNCULIQUE. 20. PRAEGRANTES. 22. PLIUS. 23. QUALIS. 24. SERNAM. 26. LATIS. 33. L. MASSICA.



Hunc, Annona, diem superba nescis.  
 Is nunc aecula compara, Vetustas,  
 Antiqui Jovis, Aureumque tempus: 40  
 Non sic libera vina tunc fluebant,  
 Nec tantum segēs occupabat annum.  
 Una vescimur omnis ordo mensa  
 Parvi, Femina, Plebs, Eques, Senatus.  
 Libertas reverentiam remisit, 45  
 Et tu quin etiam (quis hoc rogare  
 Quis promittere posset hoc Deorum?)  
 Nobiscum socias dapes inisti.  
 Jam se (quisquis is est) inops, beatus  
 Convivam ducis esse gloriatur. 50  
 Hos inter fremitus, novosque luxus,  
 Spectandi levis effugit voluptas.  
 Stat sexus rudis, insciusque ferri,  
 Et pugnās capit improbus viriles.  
 Credas ad Tanaim, ferumve Phasin, 55  
 Thermodontiacas calere turmas.  
 Hic audax subit ordo pumilonum,  
 Quos Natura brevi statu peractos  
 Nodosum semel in globum ligavit.  
 Edunt vulnera, conseruntque dextras, 60  
 Et mortem sibi (qua manu!) minantur.  
 Ridet Mars pater, et cruenta Virtus:  
 Casuraeque vagis grues rapinis,  
 Mirantur pumilos ferociores.

V. 42. L. TANTUM [atque ita nunc pro eo, quod antea fuit TARDUM restituimus, ut et vs. seq. VESCIMUR pro VESCITUR. ED. DR.] 46. HUC VOCARE. 47. POSSIT. [55. FERUMVE; antea FERUMQUE. ED. DR.] 58. Vulg. STATIM PERACTO.

Jam noctis propioribus sub umbris 65  
 Dives sparsio quos agit tumultus!  
 Huc intrant faciles emi puellae:  
 Hic agnoscitur omne quod theatri  
 Aut forma placet, aut probatur arte.  
 Hoc plaudunt grege Lydiae tumentes, 70  
 Illo cymbala, tinnulaeque Gades:  
 Illic agmina confremunt Syrorum,  
 Hic plebs scenica, quique comminutis  
 Permutant vitreis gregale sulfur.  
 Inter quae, subito cadunt volatu 75  
 Immensae volucrum per astra nubes,  
 Quas Nilus sacer, horridusque Phasis,  
 Quas udo Numidae legunt sub Austro.  
 Desunt qui rapiant; sinusque pleni  
 Gaudent, dum nova lucra comparantur. 80  
 Tollunt innumeras ad astra voces,  
 SATURNALIA PRINCIPIS sonantes;  
 Et dulci DOMINUM favore clamant:  
 Hoc solum vetuit licere Caesar.  
 Vixdum coerula nox subibat orbem, 85  
 Descendit media nitens arena  
 Densas flammeus orbis inter umbras,  
 Vincens Gnosiaca facem coronae.  
 Collucet polus ignibus, nihilque  
 Obscurae patitur licere nocti. 90  
 Fugit pigra Quies; inersque Somnus  
 Haec cernens, alias abit in urbes.

---

V. 71. ILLIC. [73. QUIQUE pro QUAEQUE et vs. 74. PERMUTANT pro PERMUTAT inssu Marklandi rescripsimus. 92. ABIT IN. antea legebatur ADIVIT. ED. DR.]



Quis spectacula, quis jocos licentes,  
Quis convivium, quis dapes inemptas,  
Largi flumina quis canat Lyaei?  
Jamjam deficio, tuoque Baccho  
In serum trahor ebrius soporem.  
Quos ibit procul hic dies per annos!  
Quam nullo sacer exolescet aevo!  
Dum montes Latii, paterque Tybris,  
Dum stabit tua Roma, dumque terris  
Quod reddis Capitolium manebit.

---

95

100

P. PAPINII STATII  
S I L V A R U M

LIBER SECUNDUS.

---

AD MELIOREM A T E D I U M.

**E**t familiaritas nostra, qua gaudeo, Melior vir optime, nec minus in iudicio literarum, quam in omni vitae colore tersissime, et ipsa opusculorum quae tibi trado conditio sic posita est, ut totus hic alter liber meus etiam sine epistola expectetur. Primum enim 5 habet Glauciam nostrum, cujus gratissimam infantiam, et qualem plerumque infelices sortiuntur, apud te complexus amabam. Jam vero tibi hujus amissi recens vulnus (ut scis) Epicedio prosecutus sum, adeo festinanter, ut excusandam habuerim affectibus 10 tuis celeritatem. nec nunc eam apud te jacto, qui nosti, sed et ceteris indico; ne quis asperiore lima carmen examinet, et a confuso scriptum, et dolenti datum; cum pene supervacua sint tarda



solatia. Pollii mei Villa Surrentina quae sequitur, debuit a me vel in honorem eloquentiae ejus diligentius dici: sed amicus ignovit.<sup>15</sup> In arborem certe tuam, Melior, et Psittacum, scis a me leves libellos quasi epigrammatis loco scriptos. Eandem exigebat stili facilitatem Leo mansuetus, quem in Amphitheatro prostratum, frigidum erat sacratissimo Imperatori ni statim traderem. Ad<sup>20</sup> Ursum quoque nostrum, juvenem candidissimum, et sine jactura desidiae doctissimum, scriptam de puero amisso Consolationem, super ea, quae ipsi debeo, huic libro libenter inserui, quia honorem ejus tibi laturus acceptum. Excludit volumen Genethlia-<sup>25</sup> con Lucani, quod Polla Argentaria carissima uxorum, cum hunc diem forte consecrarem, imputari sibi voluit. Ego non potui majorem tanti auctoris habere reverentiam, quam quod laudes ejus dicturus hexametros meos timui. Haec qualiacunque sunt,<sup>30</sup> Melior carissime, si tibi non displicuerint, a te publicum accipiant; sin minus, ad me revertantur.

---

Lin. 25. L. laturus EST acceptum.

## I.

## GLAUCIAS ATEDII MELIORIS DELICATUS.

**Q**UOD tibi praerepti, Melior, solamen alumni,  
 Improbis ante rogos, et adhuc vivente favilla  
 Ordinar? abruptis etiamnum flebile venis  
 Vulnus hiat, magnaeque patet via lubrica plagae.  
 Cum jam egomet cantus, et verba medentia saevis 5  
 Confero, tu planctus, lamentaque fortia mavis,  
 Odistique chelyn, surdaque averteris aure.  
 Intempesta cano: citius me tigris abactis  
 Foetibus, orbatique velint audire leones.  
 Nec si tergeminum Sicula de virgine carmen 10  
 Affluat, aut silvis chelys intellecta, ferisque,  
 Mulceat insanos gemitus. stat pectore demens  
 Luctus, et admoto latrant praecordia tactu.  
 Nemo vetat, satiare malis; aegrumque dolorem  
 Libertate doma. jam flendi expleta voluptas? 15  
 Jamne preces fessus non indignaris amicas?  
 Jamne canam? lacrimis en et mea carmina in ipso  
 Ore natant, tristesque cadunt in verba liturae.  
 Ipse etenim tecum nigrae solennia pompae,  
 Spectatumque urbi scelus, et puerile feretrum 20  
 Produxi, et saevos damnati thuris acervos,  
 Plorantemque animam supra sua funera vidi:  
 Teque patrum gemitus superantem, et brachia matrum,  
 Complexumque rogos, ignemque haurire parantem



Vix tenui similis comes, offendique tenendo. 25  
 Et nunc (heu) vittis, et frontis honore soluto,  
 Infaustus vates, verso mea pectora tecum:  
 Plango lyra. en! duri comitem sociumque doloris  
 (Si merui, luctusque tui consortia sensi)  
 Jam lenis patiare precor. me fulmine in ipso 30  
 Audivere patres: ego juxta busta profusis  
 Matribus, atque piis cecini solatia natis,  
 Et mihi; cum proprios gemerem defectus ad ignes  
 (Quem, Natura!) patrem. nec te lugere severus  
 Arceo, sed confer gemitus, pariterque fleamus. 35  
 Jamdudum dignos aditus, laudumque tuarum  
 O merito dilecte puer, primordia quaerens  
 Distrahor. hinc anni stantes in limine vitae,  
 Hinc me forma rapit, rapit inde modestia praecox;  
 E pudor, et tenero probitas maturior aevo. 40  
 O ubi purpureo suffusus sanguine candor,  
 Sidereiue orbes, radiataque lumina caelo,  
 Et castigatae collecta modestia frontis,  
 Ingenuique super crines, mollisque decorae  
 Margo comae? blandis ubinam ora arguta querelis, 45  
 Osculaque impliciti vernos redolentia flores,  
 Et mixtae risu lacrimae, penitusque loquentis  
 Hyblaeis vox tincta favis? cui sibila serpens  
 Poneret, et saevae vellent servire novercae.  
 Nil veris affingo bonis. ubi lactea colla, 50  
 Brachiaque et nunquam domini sine pondere cervix?  
 O ubi venturae spes non longinqua juventae,

Atque genis optatus honos, jurataque multum  
 Barba tibi? cuncta in cineres gravis intulit hora,  
 Hostilisque dies: nobis meminisse relictum. 55  
 Quis tua colloquiis hilaris mulcebit amatis  
 Pectora? quis curas, mentisque arcana remittet?  
 Accensum quis bile fera, famulisque tumentem  
 Leniet, ardentique in se deflectet ab ira?  
 Inceptas quis ab ore dapes, libataque vina 60  
 Auferet, et dulci turbabit cuncta rapina?  
 Quis matutinos abrumpet murmure somnos  
 Impositus stratis, abitusque morabitur arctis  
 Nexibus, aque ipso revocabit ad oscula poste?  
 Obvius intranti rursus quis in ora, manusque, 65  
 Prosiliet, brevibusque humeros circumdabit ulnis?  
 Muta domus pariter desolatique penates,  
 Et situs in thalamis, et moesta silentia mensis.  
 Quid mirum, tanto si te pius altor honorat  
 Funere? tu domino requies, portusque senectae; 70  
 Tu modo deliciae, dulces modo pectore curae.  
 Non te barbaricae versabat turbo catastae,  
 Nec mixtus Phariis venalis mercibus infans,  
 Compositosque sales, meditataque verba locutus  
 Quaesisti lascivus herum, tardeque parasti: 75  
 Hinc domus, hinc ortus; dominique penatibus olim  
 Carus uterque parens, atque in tua gaudia liber,  
 Ne quererere genus. raptum te protinus alvo  
 Sustulit exultans, ac prima lucida voce  
 Astra salutantem dominus sibi mente dicavit, 80  
 Amplexusque sinu tulit, et genuisse putavit.



Fas mihi sanctorum venia dixisse parentum,  
 Tuque oro, Natura, sinas, cui prima per orbem  
 Jura animis sociare datum; non omnia sanguis  
 Proximus, aut serie generis demissa propago, 85  
 Alligat: interius nova saepe, adscitaque serpunt  
 Pignora connexis. natos genuisse necesse est,  
 At legisse juvat. tenero sic blandus Achilli  
 Semifer Aemonium vincebat Pelea Chiron.  
 Nec genitor Peleus natum comitatus in arma 90  
 Troïca, sed caro Phoenix haerebat alumno.  
 Optabat longe reditus Pallantis ovantes  
 Evander, fidus pugnas spectabat Acoetes.  
 Cumque procul nitidis genitor cessaret ab astris,  
 Fluctivagus volucrum comebat Persea Dictys. 95  
 Quid referam altricum victos pietate parentes?  
 Quid te post cineres, deceptaque fulmina matris,  
 Tutius Inoo reptantem pectore, Bacche?  
 Jam segura parens Thuscis regnabat in undis  
 Ilia, portantem lassabat Romulus Accam. 100  
 Vidi ego transertos aliena in robora ramos,  
 Altius ire suis. Et te jam fecerat illi  
 Mens, animusque patrem; nec dum moresve, decorve:  
 Tu tamen et motas etiam tum murmura voces,  
 Vagitumque rudem, fletusque infantis amabas. 105  
 Ille, velut primos expiraturus ad Austros  
 Mollibus in pratis alte flos improbus exstat,  
 Sic tener, ante diem, vultu gressuque superbo  
 Vicerat aequales, multumque reliquerat annos.

---

V. 90. Vulg. SENIOR. 94. L. TOLLEBAT. 97. FUNERA. 101. ALIENO in ROBORE. 104. MUTAS etiam tum  
 MURMURE.

Sive catenatis nudatus membra palaestris 110  
 Staret, Amyclaea conceptum matre putares;  
 Oebaliden illo praeceps mutaret Apollo,  
 Alcides pensaret Hylan: seu Graius amictu  
 Attica facundi decurreret orsa Menandri,  
 Laudaret gavisam sonum, crinemque decorum 115  
 Pressisset rosea lasciva Thalia corona:  
 Maeonium sive ille senem, Trojaeque labores  
 Diceret, aut casus tarde remeantis Ulixi;  
 Ipse pater sensus, ipsi stupuere magistri.  
 Scilicet infausta Lachesis cunabula dextra 120  
 Attigit, et gremio puerum complexa fovebat  
 Invidia. illa genas, et adultum comere crinem,  
 Et monstrare artes, et verba refringere, quae nunc  
 Plangimus. Herculeos annis aequare labores  
 Coeperat assurgens, et adhuc infantia iuxta; 125  
 Jam tamen et validi gressus, mensuraque major  
 Cultibus; et visae puero decrescere vestes.  
 Cum tibi, quas vestes, quae non gestamina mitis  
 Festinabat herus? brevibus constringere laenis  
 Pectora, et angusta telas jactare lacerna 130  
 Enormi non ille sinens, sed semper ad annos  
 Texta legens, modo Puniceo velabat amictu,  
 Nunc herbas imitante sinu, nunc dulce rubenti  
 Murice, nunc vivis digitos incendere gemmis  
 Gaudebat. non turba comes, non munera census, 135  
 Sola verecundo deerat praetexta decori.  
 Haec fortuna domus: subitas inimica levavit

V. 110. Vulg. CURVATUS. 116. FREGISSET. 125. SED adhuc — MIXTA. [130. IACTARE; antea ARCTARE.  
 ED. DR.] 131. ENORMES SINUS. 135. CESSANT.



Parca manus. quo diva feros gravis exeris ungues?  
 Non te forma movet? non te lacrimabilis actas?  
 Hunc nec saeva viro potuisset carpere Procne, 140  
 Nec fera crudeles Colchis durasset in iras,  
 Editus Aeolia nec si foret iste Creusa:  
 Tervus ab hoc Athamas insanos flecteret arcus.  
 Hunc, quamquam Hectoreos cineres, Trojamque perosus,  
 Turribus e Phrygiis flesset missurus Ulixes. 145  
 Septima lux: et jam frigentia lumina torpent,  
 Jam complexa manu crinem tenet Infera Juno.  
 Ille tamen, Parcis fragiles urgentibus annos,  
 Te vultu moriente videt, linguaque cadente  
 Murmurat: in te omnes vacui jam pectoris efflat 150  
 Reliquias: solum meminit, solumque vocantem  
 Exaudit: tibi que ora movet, tibi verba relinquit,  
 Et prohibet gemitus, consolaturque dolentem.  
 Gratum est, Fata, tamen, quod non mors lenta jacentis  
 Exedit puerile decus, manesque subivit 155  
 Integer, et nullo temeratus corpora damno,  
 Qualis erat. Quid ego exequias, et prodiga flammis  
 Dona loquar, moestoque ardentia funera luxu?  
 Quod tibi purpureo tristis torus aggere crevit:  
 Quod Cilicum flores, quod munera graminis Indi, 160  
 Quodque Arabes, Pharii que, Palaestinique liquores  
 Arsuram lavere comam. cupit omnia ferre  
 Prodigus, et totos Melior succendere census,  
 Desertas exosus opes: sed non capit ignis  
 Invidus, atque artae desunt in munera flammae. 165  
 Horror habet sensus: qualem te funere summo,

Atque rogam juxta, Melior placidissime quondam,  
 Extimui! tune ille hilaris, comisque videri?  
 Unde animi, saevaeque manus, et barbarus horror?  
 Tu modo fusus humi, lucem aversaris iniquam: 170  
 Nunc torvus, pariter vestes et pectora rumpis,  
 Dilectosque premis visus, et frigida libas  
 Oscula. erant illic genitor, materque jacentis  
 Moesta; sed attoniti te spectavere parentes.  
 Quid mirum? plebs cuncta nefas, et praevia flerunt 175  
 Agmina, Flaminio quae limite Mulvius agger  
 Transvehit, immeritus flammis dum tristibus infans  
 Traditur, et gemitum formaeque aevoque meretur.  
 Talis in Isthmiacos prolatus ab aequore portus  
 Naufragus imposita jacuit sub matre Palaemon: 180  
 Sic et in anguiferae ludentem gramine Lerna  
 Praecisum squammis rabidus tulit anguis Opheltes.  
 Pone metus, letique minas desiste vereri:  
 Illum nec terno latrabit Cerberus ore,  
 Nulla soror flammis, nulla assurgentibus hydrys 185  
 Terrebit. quin ipse avidae trux navita cymbae  
 Interius steriles ripas, et adusta subibit  
 Litora, ne puero dura ascendisse facultas.  
 Quid mihi gaudenti proles Cyllenia virga  
 Nuntiat? estne aliquid tam saevo in tempore laetum? 190  
 Noverat effigiem, generosique ardua Blaesi  
 Ora puer, dum saepe domi nova sarta ligantem  
 Te videt, et similes tergentem pectore curas.  
 Hunc ubi Lethaei lustrantem gurgitis oras  
 Ausonios inter procures seriemque Quirini 195

V. 168. Vulg. VIDERES. 172. LAMBIS. 181. L. UMBRIFERAE. 182. AVIDUS — BIBIT. 193. VOLVENTEM.



Agnovit, timide primum vestigia jungit  
 Accessu tacito, summosque lacescit amictus:  
 Inde magis sequitur; neque enim magis ille trahentem  
 Spernit, et ignota credit de stirpe nepotum.  
 Mox ubi delicias, et rari pignus amici 200  
 Sensit, et amissi puerum solatia Blaesi;  
 Tollit humo, magnaue ligat cervice, diuque  
 Ipse manu gaudens vehit; et, quae munera mollis  
 Elysii, steriles ramos, mutasque volucres  
 Pôrxit, et obtuso pallentes germine flores. 205  
 Nec prohibet meminisse tui; sed pectora blandus  
 Miscet, et alternum puero partitur amorem.  
 Hic finis rapti. quin tu jam vulnera sedas,  
 Et tollis mersum luctu caput? omnia functa,  
 Aut moritura vides. obeunt noctesque, diesque, 210  
 Astraue, nec solidis prodest sua machina terris.  
 Nam populos, mortale genus, plebisque caducae  
 Quis fleat interitus? Hos bella, hos aequora poscunt:  
 His amor exitio, furor his, et saeva cupido;  
 Ut sileam morbos. hos ora rigentia Brumae, 215  
 Illos implacido letalis Sirius igni,  
 Hos manet imbrifero pallens Autumnus hiatu.  
 Quicquid habent ortus, finem timet. ibimus omnes,  
 Ibimus: immensis urnam quatit Aeacus ulnis.  
 Ast hic quem gemimus, felix, hominesque, deosque, 220  
 Et dubios casus et caecae lubrica vitae  
 Effugit, immunis fati. non ille rogavit,  
 Non timuit, renuitve mori. Nos anxia plebes,

V. 198. L. neque JAM — SEQUENTEM. 205. L. LUMINE. 207. FUERI. 219. Vulg. UNBRIS. 223. L. RENUITVE  
 [hoc nunc repositum; antea MERUITVE. ED. DR.]

Nos miseri, quibus unde dies suprema, quis aevi  
 Exitus, incertum; quibus instet fulmen ab astris, 225  
 Quae nubes fatale sonent. Nil flecteris istis?  
 Sed flectere libens. Ades huc emissus ab atro  
 Limine, cui soli cuncta impetrare facultas,  
 Glaucia; (nam insontes animas, nec portitor arcet,  
 Nec dirae comes ille ferae) tu pectora mulce, 230  
 Tu prohibe manare genas; noctesque beatas  
 Dulcibus alloquiis, et vivis vultibus imple:  
 Et periisse nega, desolatamque sororem,  
 Qui potes, et miseros perge insinuare parentes.

## II.

## VILLA SURRENTINA POLLII FELICIS.

**E**ST inter notos Sirenum nomine muros,  
 Saxaque Tyrrhenae templis onerata Minervae,  
 Celsa Dicarchei speculatrix villa profundi,  
 Qua Bromio dilectus ager, collesque per altos  
 Uritur, et praelis non invidet uva Falernis. 5  
 Huc me post patrii laetum quinquennia lustris,  
 Cum stadio jam pigra quies, canusque sederet  
 Pulvis, ad Ambracias conversa gymnade frondes,  
 Trans gentile fretum placidi facundia Polli  
 Detulit, et nitidae juvenilis gratia Pollae, 10  
 Flectere jam cupidum gressus, qua limite noto



Appia longarum teritur regina viarum.  
 Sed juvere morae. Placido lunata recessu  
 Hinc atque hinc curvas perrumpunt aequora rupes:  
 Dat Natura locum; montique intervenit udum 15  
 Litus, et in terras, scopulis pendentibus, exit.  
 Gratia prima loci, gemina testudine fumant  
 Balnea, et e terris occurrit dulcis amaro  
 Nympha mari. levis hic Phorci chorus, udaeque crines  
 Cymodoce, viridisque cupit Galatea lavari. 20  
 Ante domum tumidae moderator coerulus undae  
 Excubat, innocui custos laris: hujus amico  
 Spumant templa salo: felicia rura tuetur  
 Alcides: gaudet gemino sub numine portus.  
 Hic servat terras, hic saevis fluctibus obstat. 25  
 Mira quies pelagi: ponunt hic lassa furorem  
 Aequora, et insani spirant clementius Austri.  
 Hic praeceps minus audet hyems, nulloque tumultu  
 Stagna modesta jacent, dominique imitantia mores.  
 Inde per obliquas erepit porticus arces, 30  
 Urbis opus; longoque domat saxa aspera dorso.  
 Qua prius obscuro permixti pulvere soles,  
 Et feritas inamoena viae, nunc ire voluptas:  
 Qualis, si subeas Ephyres Baccheiados altum  
 Culmen, ab Inoo fert semita tecta Lechaeo. 35  
 Non, mihi si cunctos Helicon indulgeat amnes,  
 Et superet Pimplea sitim, largeque volantis  
 Ungula se det equi, reseretque arcana pudicos  
 Phaemonoë fontes, vel quos meus, auspice Phoebos,  
 Altius immersa turbavit Pollius urna, 40

Innumeras valeam species, cultusque locorum  
 Pieriis aequare modis. vix ordine longo  
 Suffecere oculi, vix, dum per singula ducor,  
 Suffecere gradus. quae rerum turba! locine  
 Ingenium, an domini mirer prius? haec domus ortus 45  
 Prospicit, et Phoebi tenerum jubar; illa cadentem  
 Detinet, exactamque negat dimittere lucem,  
 Cum jam fessa dies, et in aequora montis opaci  
 Umbra cadit, vitreoque natant praetoria ponto.  
 Haec pelagi clamore fremunt; haec tecta sonoros 50  
 Ignorant fluctus, terraeque silentia malunt.  
 His favit Natura locis: his victa, colenti  
 Cessit, et ignotos docilis mansuevit in usus.  
 Mons erat hic, ubi plana vides: haec lustrā fuerunt,  
 Quae nunc tecta subis. ubi nunc nemora ardua cernis, 55  
 Hic nec terra fuit. domuit possessor, et illum  
 Formantem rupes, expugnantemque secuta  
 Gaudet humus. nunc cerne jugum discentia saxa,  
 Intrantesque domos, jussumque recedere montem.  
 Jam Methymnaei vatis manus, et chelys una 60  
 Thebais, et Getici cedat tibi gloria plectri.  
 Et tu saxa moves, et te nemora alta sequuntur.  
 Quid referam veteres ceraeque aerisque figuras?  
 Si quid Apellei gaudent animasse colores;  
 Si quid adhuc vacua tamen admirabile Pisa 65  
 Phidiacae rasere manus: quod ab arte Myronis,  
 Aut Polycleteo jussum est quod vivere caelo,  
 Aeraque ab Isthmiacis auro potiora favillis;  
 Ora ducum, et vatum, sapientumque ora priorum,



Quos tibi cura sequi, quos toto pectore sentis 70  
 Expers turbarum, atque animum virtute quietam  
 Compositus, semperque tuus. Quid mille revolvam  
 Culmina, visendique vices? sua cuique voluptas,  
 Atque omni proprium thalamo mare: transque jacentem  
 Nerea diversis servit sua terra fenestris. 75  
 Haec videt Inarimen, illi Prochyta aspera paret:  
 Armiger hinc magni patet Hectoris: inde malignum  
 Aëra respirat pelago circumflua Nesis:  
 Inde vagis omen felix Euploea carinis,  
 Quaeque ferit curvos exerta Megalia fluctus. 80  
 Angitur et domino contra recubante procul qui  
 Surrentina tuus spectat praetoria Limon.  
 Ante tamen cunctas procul eminet una diaetas  
 Quae tibi Parthenopen directo limite ponti  
 Ingerit. hic Graiis penitus desecta metallis 85  
 Saxa: quod Eoae respergit vena Syenes;  
 Synnade quod moesta Phrygiae fodere secures  
 Per Cybeles lugentis agros, ubi marmore picto  
 Candida purpureo distinguitur area gyro.  
 Hic et Amyclaei caesum de monte Lycurgi 90  
 Quod viret, et molles imitatur rupibus herbas.  
 Hic Nomadum lucent flaventia saxa, Thasosque,  
 Et Chios, et gaudens fluctu certare Carystos.  
 Omnia Chalcidicas turres obversa salutant.  
 Macte animo quod Graia probas, quod Graia frequentas. 95  
 Arva: nec invident quae te genere Dicarchi  
 Moenia: nos docto melius potiemur alumno.

V. 71. Vulg. CURARUM. 77. HAC. 81. PROCULQUE. 83. UNA tamen CUNCTIS — DIAETIS. 86. QUOT. 87. QUOT.  
 93. FLUCTUS SPECTARE. 95. GRATA probas quod GRATA.

Quid nunc ruris opes, pontoque novalia dicam  
 Injecta, et madidas Baccheo nectare rupes?  
 Saepe per autumnum, jam pubescente Lyaeo, 100  
 Conscondit scopulos, noctisque occulta sub umbra  
 Palmite maturo rorantia lumina tersit  
 Nereïs, et dulces rapuit de collibus uvas.  
 Saepe et vicino sparsa est vindemia fluctu;  
 Et Satyri cecidere vadis, nudamque per undas 105  
 Dorida montani cupierunt prendere Panes.  
 Sis felix, tellus, dominis ambobus in annos  
 Mygdonii, Pylisque senis; nec nobile mutes  
 Servitium; nec te cultu Tirynthia vincat  
 Aula, Dicarcheique sinus: nec saepius istis 110  
 Blanda Therapnaei placeant vineta Galesi.  
 Hic seu siderias exercet Pollius artes,  
 Seu volvit monitus quos dat Gargettius autor,  
 Seu nostram quatit ille chelyn, seu dissona nectit  
 Carmina, sive minax ultorem stringit iambon; 115  
 Hinc levis e scopulis meliora ad carmina Siren  
 Advolat, hinc motis audit Tritonia cristis.  
 Tunc rabidi ponunt flatus, maria ipsa vetantur  
 Obstreperere: emergunt pelago, doctamque trahuntur  
 Ad chelyn, et blandi scopulis delphines aderrant. 120  
 Vive, Midae gazis et Lydo ditior auro,  
 Troïca, et Euphrataea super diademata felix:  
 Quem non ambigui fasces, non mobile vulgus,  
 Non leges, non castra tenent: qui pectore magno  
 Spemque metumque domas, vitio sublimior omni, 125  
 Exemptus fati, indignantemque refellens



Fortunam: dubium quem non in turbine rerum  
 Deprendet suprema dies; sed abire paratum,  
 Ac plenum vita. Nos, vilis turba, caducis  
 Deservire bonis, semperque optare parati, 130  
 Spargimur in casus: celsa tu mentis ab arce  
 Despicias errantes, humanaque gaudia rides.  
 Tempus erat cum te geminae suffragia terrae  
 Diriperent, celsusque duas veherere per urbes:  
 Inde Dicarcheis multum venerande colonis, 135  
 Hinc ascite meis; pariterque his largus, et illis,  
 Ac juvenile calens, plectrique errore superbus.  
 At nunc discussa rerum caligine, verum  
 Aspicias. illo alii rursus jactentur in alto;  
 At tua securos portus, blandamque quietem 140  
 Intravit non quassa ratis. sic perge; nec unquam  
 Emeritam in nostras puppem dimitte procellas.  
 Vivite securi, quorum de pectore mixtae  
 In longum coïere faces, sanctusque pudicae  
 Servat amicitiae leges amor. ite per annos 145  
 Saeculaque, et priscae titulos praecedite famae.  
 Tuque, nurus inter longe pulcherrima, cujus  
 Non frontem vertere minae, sed candida semper  
 Gaudia, et in vultu curarum ignara voluptas:  
 Non tibi sepositas infelix strangulat arca 150  
 Divitias, avidive animum dispendia torquent  
 Foenoris: expositi census, et docta fruendi  
 Temperies. non ulla Deo meliore cohaerent  
 Pectora, non alias decuit Concordia mentes.

V. 127. Vulg. DUBIO. 137. L. plectrique DECORE. 139. JACTANTUR. 142. DEMITTE. 143. DISCITE. [151. avi-  
 dive, antea avidique. ED. DR.]

## III.

## ARBOR ATEDII MELIORIS.

**S**TAT, quae perspicuas nitidi Melioris opacat  
 Arbor aquas, complexa lacus. ea robore ab imo  
 Curvata, enodis redit inde, cacumine recto  
 Ardua; ceu mediis iterum nascatur ab undis,  
 Atque habitet vitreum tacitis radicibus amnem. 5  
 Quid Phoebum tam parva rogem? vos dicite caussas  
 Naïdes, et faciles (satis est) date carmina Fauni.  
 Nympharum tenerae fugiebant Pana catervae:  
 Ille quidem it, cunctas tanquam velit, it tamen unam  
 In Pholoen. silvis ea fluminibusque sequentis 10  
 Nunc hirtos gressus, nunc improba cornua vitat.  
 Jamque et belligerum Jani nemus, atraque Caci  
 Rura, Quirinalesque fuga suspensa per agros.  
 Coelica tecta subit. tum demum victa labore,  
 Fessa metu, qua nunc placidi Melioris aperti 15  
 Stant sine fraude lares, fluidos collegit amictus  
 Arctius, et niveae posuit se margine ripae.  
 Insequitur velox pecorum Deus, et sua credens  
 Connubia, ardenti jamjam suspiria librat  
 Pectore, jam praedae levis imminet. ecce citatos 20  
 Advertit Diana gradus, dum per juga septem  
 Errat, Aventinaeque legit vestigia cervae.  
 Poenituit vidisse Deam; conversaue fidas  
 Ad comites: Nunquamne avidis arcebo rapinis

V. 2. Vulg. quae robore. 3. IN NODOS. [10. EA; antea HAEC. Illud restitui iussit Marklandus. ED. DR.]  
 14. IBI demum. 16. FLAVOS. 18. CREDIT. 22. TERRAE.



Hoc petulans, foedumque pecus? semperne pudici 25  
 Decrescet mihi turba chori? sic deinde locuta  
 Depromit pharetra telum breve, quod neque flexis  
 Cornibus, aut solito torquet stridore; sed una  
 Emisit contenta manu, laevumque soporem  
 Naïdos aversa fertur tetigisse sagitta. 30  
 Illa Deam pariter surgens hostemque protervum  
 Vidit, et in fontem, niveos ne panderet artus,  
 Sicut erat cum veste ruit; stagnisque sub altis,  
 Pana sequi credens, ima latus implicat alga.  
 Quid faceret subito deceptus praedo? nec altis 35  
 Credere corpus aquis hirtae sibi conscius audet  
 Pellis, et a tenero nandi rudis. omnia questus,  
 Immitem Brimo, stagna invida, et invida tela;  
 Primaevam visu platanum, cui longa propago  
 Innumeraeque manus, et iturus in aethera vertex, 40  
 Deposuit juxta, vivamque aggressit arenam,  
 Optatisque aspergit aquis, et talia mandat:  
 VIVE diu nostri pignus memorabile voti,  
 Arbor; et haec durae latebrosa cubilia nymphae  
 Tu saltem declinis ama, et preme frondibus undam. 45  
 Illa quidem meruit; sed ne, precor, igne superno  
 Aestuet, aut dura feriat grandine; tantum  
 Spargere tu laticem, et foliis turbare memento.  
 Tunc ego teque diu recolam, dominamque benignae  
 Sedis, et illaesa tutabor utrâque senecta. 50  
 Et Jovis, et Phoebi frondes, et discolor umbra  
 Populus, et nostrae stupeant tua germina pinus.  
 Sic ait. Illa Dei veteres imitata calores,

Uberibus stagnis obliquo pendula trunco  
 Incubat, atque umbris tutatur amantibus undas. 55  
 Sperat et amplexus; sed aquarum spiritus arcet,  
 Nec patitur tactus. tandem eluctata sub auras  
 Libratur fundo, rursusque enode cacumen  
 Ingeniosa levat, veluti descendat in imos  
 Stirpe lacus alia. jam nec Phoebeia Naïs 60  
 Odit, et exclusos invitat gurgite ramos.  
 Haec tibi, parva quidem, genitali luce paramus  
 Dona, sed ingenti forsán victura sub aevo,  
 Tu, cujus placido posuere in pectore sedem  
 Blandus Honos, hilarisque (tamen cum pondere) Virtus: 65  
 Cui nec pigra quies, nec iniqua potentia, nec spes  
 Improba; sed medius per honesta, et dulcia limes:  
 Incorrupte fidem, nullosque experte tumultus,  
 Et secrete palam: qui digeris ordine vitam;  
 Idem auri facilis contemptor, et optimus idem 70  
 Comere divitias, opibusque immittere lucem.  
 Hac longum florens animi morumque juvena,  
 Iliacos aequare senes, et vincere persta  
 Quos pater Elysio, genitrix quos detulit annos.  
 Hoc illi duras exoravere sorores: 75  
 Hoc, quae te sub teste, situm fugitura tacentem  
 Ardua magnanimi revirescit gloria Blaesi.

[V. 55. TUTATUR, -antea SCRUTATUR. ED. DR.] 62. Vulg. GENIALI. 71. CONDERE.



## IV.

## P S I T T A C U S M E L I O R I S.

**P**SITTACE, dux volucrum, domini facunda voluptas,  
 Humanae solers imitator Psittace linguae,  
 Quis tua tam subito praeclusit murmura fato?  
 Hesternas, miserande, dapes moriturus inisti  
 Nobiscum; et gratae carpentem munera mensae, 5  
 Errantemque toris mediae plus tempore noctis  
 Vidimus. affatus etiam meditataque verba  
 Reddideras. at nunc aeterna silentia Lethes  
 Ille canorus habes. cedat Phaëtonia vulgi  
 Fabula; nec soli celebrant sua funera cycni. 10  
 At tibi quanta domus rutila testudine fulgens,  
 Connexusque ebori virgarum argenteus ordo,  
 Argutumque tuo stridentia limina cornu?  
 En querulae jam sponte fores! vacat ille beatus  
 Carcer, et angusti nusquam convicia tecti. 15  
 Huc doctae stipentur aves, quîs nobile fandi  
 Jus Natura dedit. plangat Phoebeius ales:  
 Auditasque memor penitus demittere voces  
 Sturnus, et Aonio versae certamine picae;  
 Quique refert jungens iterata vocabula perdix; 20  
 Et quae Bistonio queritur soror orba cubili,  
 Ferte simul gemitus, cognataque ducite flammis  
 Funera, et hoc cunctae miserandum addiscite carmen:  
 OCCIDIT aëriae celeberrima gloria gentis

Psittacus, ille plagae viridis regnator Eöae; 25  
 Quem non gemmata volucris Junonia cauda  
 Vinceret, aspectu gelidi non Phasidis ales,  
 Nec quas humenti Numidae rapuere sub Austro.  
 Ille salutator regum, nomenque locutus  
 Caesareum, et queruli quondam vice functus amici: 30  
 Nunc conviva levis, monstrataque reddere verba  
 Tam facilis: quo tu, Melior dilecte, recluso,  
 Nunquam solus eras. at non inglorius umbris  
 Mittitur: Assyrio cineres adolentur amomo,  
 Et tenues Arabum respirant gramina plumae, 35  
 Sicaniosque crocos: senio nec fessus inert  
 Scandit odoratos Phoenix felicior ignes.

## V.

## LEO MANSUETUS IMP.

QUID tibi constrata mansuescere profuit ira?  
 Quid scelus, humanasque animo dediscere caedes,  
 Imperiumque pati, et domino parere minori?  
 Quid, quod abire domo, rursusque in claustra reverti  
 Suetus, et a capta jam sponte recedere praeda, 5  
 Insertasque manus laxo dimittere morsu?  
 Occidis, altarum vastator saeve ferarum,  
 Non grege Massylo, curvaque indagine clausus,  
 Non formidato supra venabula saltu



Incitus, aut caeco foveae deceptus hiatu, 10  
Sed victus fugiente fera. stat cardine aperto  
Infelix cavea, et clausis circum undique portis  
Hoc licuisse nefas pavidi timuere leones.  
Tunc cunctis cecidere jubae, puduitque relatum  
Aspicere, et torvas duxere in lumina frontes. 15  
At te non primo fusum novus obruit ictu  
Ille pudor; mansere animi, virtusque cadenti  
A media jam morte redit: nec protenus omnes  
Terga dedere minae. sicut sibi conscius alti  
Vulneris, adversum moriens it miles in hostem, 20  
Attollitque manum, et ferro labente minatur:  
Sic piger ille gradu, solitoque exutus honore  
Firmat hians oculos animumque, hostemque requirit.  
Magna tamen subiti tecum solatia leti,  
Victæ, feres, quod te moesti Populusque Patresque, 25  
Ceui notus caderes tristi gladiator arena,  
Ingemuere mori: magni quod Caesaris ora  
Inter tot Scythicas, Libycasque, et litore Rheni,  
Et Pharia de gente feras, quas perdere vile est,  
Unius amissi tetigit jactura leonis. 30

## VI.

CONSOLATIO AD FLAVIUM URSUM DE AMISSIONE  
PUERI DELICATI.

SÆVE nimis, lacrimis quisquis discrimina ponis,  
Lugendique modos. miserum est primaeva parenti  
Pignora, surgentesque (nefas) accendere natos:  
Durum et deserti, praerepta conjuge, partem  
Conclamare tori: moesta et lamenta sororum, 5  
Et fratrum gemitus. arcte tamen, et procul intrat  
Altius in sensus, majoraque vulnera vincit  
Plaga minor. Famulum (quoniam rerum omnia caeca  
Sic miscet Fortuna manu, nec pectora novit)  
Sed famulum gemis, Urse, piun: sed amore, fideque 10  
Has meritum lacrimas; cui major stemmate juncto  
Nobilitas ex mente fuit. ne comprime fletus,  
Ne pudeat: rumpat frenos dolor iste, (Deisque  
Si tam dura placent) hominem gemis (hei mihi, subdo  
Ipse faces) hominem, Urse, tuum cui dulce volenti 15  
Servitium, cui triste nihil; qui sponte, sibique  
Imperiosus erat. Quisnam haec in funera missos  
Castiget luctus? gemit inter bella peremptum  
Parthus equum, fidosque canes flevire Molossi,  
Et volucres habuere rogum, cervusque Maronis. 20  
Quid si nec famulus? vidi ipse animosque notavi  
Te tantum capientis herum: sed major in ore  
Spiritus, et tenero manifesti in sanguine mores.



Optarent multum Graiae, cuperentque Latinae  
 Sic peperisse nurus. non talem Cressa superbum 25  
 Callida sollicito revocavit Thesea filo:  
 Nec Paris Oebalios talis visurus amores  
 Rusticus invisas dejecit in aequora pinus.  
 Non fallo, aut cantus assueta licentia ducit:  
 Vidi, et adhuc video, qualem nec bella caventem 30  
 Litore virgineo Thetis occultavit Achillem:  
 Nec circum saevi fugientem moenia Phoebi  
 Troïlon Aemoniae deprendit lancea dextrae.  
 Qualis eras procul heu! cunctis puerisque virisque  
 Pulchrior, et tantum domino minor! illius unus 35  
 Ante decor, quantum praecedit clara minores  
 Luna faces, quantumque alios premit Hesperus ignes.  
 Non tibi foemineum vultu decus, oraque supra  
 Mollis honos; (quales dubiae discrimina formae  
 De sexu transire jubent) parvoque virilis 40  
 Gratia, nec petulans acies, blandique severo  
 Igne oculi; (qualis bellis jam casside missa  
 Parthenopaeus erat) simplexque horrore decoro  
 Crinis, et obsessae nondum, primoque micantes  
 Flore genae. talem Ledeo gurgite pubem 45  
 Educat Eurotas; teneri sic integer aevi  
 Elin adit, primosque Jovi puer approbat annos.  
 Nam pudor ingenuae mentis, tranquillaque morum  
 Temperies, teneroque animus maturior aevo,  
 Carmina quae donasse queant? Saepe ille volentem 50  
 Castigabat herum, studioque altisque juvabat

V. 28. L. TROASIN invisās. 34. Vulg. ERAT. 39. POST CRIMINA. 48. INDE NOVAE. 50. L. CARMINE QUO  
 NOTA QUEANT ESSĒ?

Consiliis; tecum tristisque, hilarisque, nec unquam  
Ille suus, vultumque tuo sumebat ab ore:

Dignus et Aemonium Pyladen praecedere fama,  
Cecropiamque fidem. sed laudum terminus esto,

55

Quem fortuna sinit. non mente fidelior aegra  
Speravit tardi reditus Eumaeus Ulixi.

Quis Deus, aut quisnam tam tristia vulnera casus  
Eligit? unde manus Fatis tam certa nocendi?

O quam divitiis censuque exutus opimo

60

Fortior, Urse, fores! si vel fumante ruina

Ructassent dites Vesuvina incendia Locros,

Seu Pollentinos mersissent flumina saltus;

Seu Lucanus ager, seu Tybridis impetus, altas

In dextrum torsisset aquas, paterere serena

65

Fronte Deos: sive alma fidem, messesque negasset

Cretaque, Cyreneque, et qua tibi cunque beato

Larga redit Fortuna sinu. sed gnara dolorum

Invidia infelix animi vitalia vidit,

Laedendique vias. vitae modo limine adultae

70

Nectere tendebat juvenum pulcherrimus ille

Cum tribus Eleis unam trieterida lustris.

Attendit torvo tristis Rhamnusia vultu:

Ac primum implevitque toros, oculisque nitorem

Addidit, et solito sublimius ora levavit,

75

(Heu! misero letale favens) seseque videndo

Torsit, et invitam mortem complexa, jacenti

Injecit nexus, carpsitque immitis adunca

Ora verenda manu. quinta vix Phosphorus hora

[V. 65. DEXTRUM; antea DEXTRAM. ED. DR.] 70. Vulg. CARMEN adultae. 71. TENTABAT. 77. INVI-  
DIAM MORTEMQUE AMPLEXA.



Rorantem sternebat equum, jam litora duri 80  
 Saeva, Philete, senis, dirumque Acheronta videbas,  
 Quo domini clamate sono! non secius atros  
 Nigrasset planctu genitrix tibi saeva lacertos,  
 Nec pater: et certe qui vidit funera frater  
 Erubuit vinci. sed nec servilis adempto 85  
 Ignis: odoriferos exhaust flamma Sabaeos  
 Et Cilicum messes, Phariaeque exempta volucris  
 Cinnama, et Assyrio manantes gramine succos,  
 Et domini fletus: hos tantum hausere favillae,  
 Hos bibit usque rogos. nec quod tibi Setia canos 90  
 Restinxit cineres, gremio nec lubricus ossa  
 Quod vallavit onyx, miseris acceptius umbris  
 Quam gemitus. sed et ipse juvat. Quid terga dolori,  
 Urse, damus? quid damna foves; et pectore iniquo  
 Vulnus amas? ubi nota reis facundia raptis? 95  
 Quid caram crucias tam seris luctibus umbram?  
 Eximius licet ille animi, meritusque dolorem,  
 Solvisti. subit ille pios, carpitque quietem  
 Elysiam, carosque illic fortasse parentes  
 Invenit: aut illi per amoena silentia Lethes 100  
 Forsan Avernales alludunt undique mixtae  
 Naïdes, obliquoque notat Proserpina vultu.  
 Pone, precor, questus; alium tibi Fata Phileton  
 Forsan et ipse dabit; moresque, habitusque decoros  
 Monstrabit gaudens, similemque docebit amorem. 105

V. 81. Vulg. DURUMQUE. 82. L. non SECIOUS, [quod iam in textum recepinus; antea SAEVIUS. ED. DR.]  
 83. L. genitrix INSANA. [96. SERIS, antea SAEVIS. ED. DR.] 98. CARPSITQUE. 104. HABITUMQUE DECORIS.  
 105. AMOREM, [quod in textum admisimus. Antea AMARI. ED. DR.]

## VII.

## GENETHLIACON LUCANI.

**L**UCANI proprium diem frequentet  
 Quisquis collibus Isthmiae Diones  
 Docto pectora concitatus oestro  
 Pendentis bibit ungulae liquorem.  
 Ipsi, quos penes est honor canendi,  
 Vocalis citharae repertor Arcas,  
 Et tu Bassaridum rotator Evan,  
 Et Paeon, et Hyantiae sorores,  
 Laetae purpureas novate vittas:  
 Crinem comite, candidamque vestem  
 Perfundant ederae recentiores.  
 Docti largius evagentur amnes,  
 Et plus Aoniae virete silvae.  
 Et si qua patulam diem recepit,  
 Sertis mollibus expleatur umbra.  
 Centum Thespiacis odora lucis  
 Stent altaria, victimaeque centum,  
 Quas Dirce lavat, aut alit Cithaeron.  
 Lucanum canimus: favete linguis:  
 Vestra est ista dies; favete, Musae,  
 Dum qui vos geminas tulit per artes  
 Et vinctae pede vocis, et solutae,  
 Romani colitur chori sacerdos.  
 Felix heu nimis, et beata tellus,

5

10

15

20

---

[V. 14. PATULAM; ita Marklandus rescribi iussit. Antea PATET, AUT. ED. DR.]



Quae pronos Hyperionis meatus 25  
 Summis Oceani vides in undis,  
 Stridoremque rotæ cadentis audis:  
 Quae Tritonide fertiles Athenas  
 Unctis, Baetica, provocas trapetis.  
 Lucanum potes imputare terris; 30  
 Hoc plus quam Senecam dedisse mundo,  
 Aut dulcem generasse Gallionem.  
 Attollat refluos in astra fontes  
 Graio nobilior Melete Baetis.  
 Baetin, Mantua, provocare noli. 35  
 Natum protenus, atque humum per ipsam  
 Primo murmure dulce vagientem  
 Blando Calliope sinu recepit.  
 Tum primum posito remissa luctu  
 Longos Orpheos exuit dolores: 40  
 Et dixit: PUER o dicite Musis,  
 Longævos cito transiture vates,  
 Non tu flumina, nec greges ferarum,  
 Nec plectro Geticas movebis ornos:  
 Sed Septem juga, Martiumque Tybrim, 45  
 Et doctos Equites, et eloquente  
 Cantu purpureum trahes Senatam.  
 Nocturnas alii Phrygum ruinas,  
 Et tarde reducis vias Ulixi  
 Et puppem temerariam Minervæ, 50  
 Trita vatibus orbita, sequantur:  
 Tu carus Latio, memorque gentis  
 Carmen fortior exeres togatum.

Ac primum, teneris adhuc in annis;  
 Ludes Hectora, Thessalosque currus: 55  
 Et supplex Priami potentis aurum.  
 Tu sedes reserabis Inferorum,  
 [*Ingratus Nero dulcibus theatris,*]  
 Et noster tibi praeferetur Orpheus.  
 Dices culminibus Remi vagantes, 60  
 Infandos domini nocentis ignes.  
 Tu castae titulum decusque Pollae  
 Jucunda dabis Allocutione.  
 Mox, coepta generosior juventa,  
 Albos ossibus Italis Philippos, 65  
 Et Pharsalica bella detonabis,  
 Quod fulmen ducis inter arma Divi:  
 Libertate gravem pia Catonem,  
 Et gratum popularitate Magnum.  
 Tu Pelusiaci scelus Canopi 70  
 Deflebis pius; et Pharo cruenta  
 Pompeio dabis altius sepulcrum.  
 Haec primo juvenis canes sub aevo,  
 Ante annos Culicis Maroniani.  
 Cedet Musa rudis ferocis Enni 75  
 Et docti furor arduus Lucreti,  
 Et qui per freta ducit Argonautas;  
 Et qui corpora prima transfigurat.  
 Quin majus loquor; ipsa te Latinis  
 Aeneis venerabitur canentem. 80  
 Nec solum dabo carminis nitorem,  
 Sed taedis genialibus dicabo



Doctam, atque ingenio suo decoram:  
Qualem blanda Venus, daretque Juno.

*Forma, simplicitate, comitate,  
Censu, sanguine, gratia, decore.*

Et vestros Hymenaeon ante postes  
Faustis cantibus ipsa personabo.

O saevae nimium, gravesque Parcae!  
O nunquam data festa longa summis!  
Cur plus, ardua, casibus patetis?

Cur laeva vice magna non senescunt?

Sic natum Nasamonii Tonantis  
Post ortus obitusque fulminatos  
Angusto Babylon premit sepulchro.

Sic fixum Paridis manu trementi  
Peliden Thetis horruit cadentem.

Sic ripis ego murmurantis Hebri  
Non mutum caput Orpheos sequebar.

Sic et tu (rabidi nefas tyranni!)

Jussus praecipitem subire Lethen,  
Dum pugnās canis, arduaue voce  
Das solatia grandibus sepulchris,  
(O dirum scelus! o scelus!) tacebis.

Sic fata est, leviterque decidentes  
Abrasis lacrimas nitente plectro.

At tu, seu rapidum poli per axem  
Famae curribus arduis levatus,  
Qua surgunt animae potentiores,  
Terras despicias, et sepulchra rides:

85

90

95

100

105

110

V. 83. Vulg. TUO. 88. FESTIS. 92. F. LAEVA vice, [quod jam recepimus; antea SAEVA. ED. DR.] 96. TRE-  
MENTIS.

Seu pacis merito nemus reclusum  
 Felix Elysiis tenes in oris,  
 Quo Pharsalica turba congregatur;  
 Et te nobile carmen insonantem  
 Pompeii comitantur, et Catones: 115  
 Seu magna sacer et superbus umbra  
 Nescis Tartaron, et procul nocentum  
 Audis verbera, pallidumque visa  
 Matris lampade respicis Neronem,  
 Adsis lucidus; et, vocante Polla, 120  
 Unum, quaeso, diem Deos silentum  
 Exores: solet hoc patere limen  
 Ad nuptas redeuntibus maritis.  
 Haec te non thiasis procax dolosis  
 Falsi numinis induit figuras; 125  
 Ipsum sed colit, et frequentat ipsum  
 Imis altius insitum medullis:  
 Ac solatia vana subministrat  
 Vultus, qui simili notatus auro  
 Stratis praenitet, excubatque somno 130  
 Securae. Procul hinc abite mortes;  
 Haec vitae genitalis est origo:  
 Cedat luctus atrox, genisque manent  
 Jam dulces lacrimae; dolorque festus  
 Quicquid fleverat ante, nunc adoret. 135

[V. 112. MERITO — RECLUSUM; ita Marklandi iussu dedimus. Antea MERITUM — RECLUSAE. ED. DR.]

116. Vulg. TU magna. 125. FIGURA. 130. INCUBATQUE. 132. GENIALIS.



P. PAPINII STATII  
S I L V A R U M

LIBER TERTIUS.

---

STATIUS POLLIO SUO SAL.

**T**ibi certe, Polli dulcissime, et hac, cui tam fideliter inhaeres, quiete dignissime, non habeo probandam diu libellorum istorum temeritatem, cum scias multos ex illis in sinu tuo subito natos, et hanc audaciam stili nostri frequenter expaveas, quoties in illius 5 facundiae tuae penetrale seductus, altius literas intro, et in omnes a te studiorum sinus ducor. Securus itaque tertius hic Silvarum nostrarum liber ad te mittitur. Habuerat quidem et secundus testem; sed hic habet authorem. Nam primum limen ejus 10 Hercules Surrentinus aperit, quem in litore tuo consecratum, statim ut videram, his versibus adoravi. Sequitur libellus, quo splendidissimum et mihi jucundissimum juvenem, Metium Celestem, a sacratissimo Imperatore missum ad legionem Syriacam, quia sequi non poteram, sic prosecutus sum. Merebatur et Claudiu 15

---

[Lin. 15. POTERAM, antea: POTERAMUS. ED. DR.]

Etrusci mei pietas aliquod ex studiis nostris solatium, cum lugeret veris (quod amarissimum est) lacrimis senem patrem. Earius praeterea, Germanici nostri libertus, scit quandiu desiderium  
20ejus moratus sim, cum petiisset ut Capillos suos, quos cum gemmata Pyxide et Speculo ad Pergamenum Asclepium mittebat, versibus dedicarem. Summa est Ecloga, qua mecum secedere Neapolim Claudiam meam exhortor. Hic, si verum dicimus,  
25sermo est; et quidem securus, ut cum uxore, et qui persuadere malit quam placere. Huic praecipue libello favebis, cum scias habere destinationem quietis meae, et tibi maxime intendere: meque non tam in patriam quam ad te secedere.

---

Lin. 19. Vulg. Germanici DEI nostri. 24. sermo est quidem. 26. scias HANC destinationem quietis meae tibi maxime intendere.



## HERCULES SURRENTINUS POLLII FELICIS.

**I**NTERMISSA tibi renovat, Tirynthie, sacra  
 Pollius; et causas designat desidis anni  
 Quod coleris majore tholo; nec litora pauper  
 Nuda tenes, tectumque vagis habitabile nautis,  
 Sed nitidos postes, Graiisque effulta metallis 5  
 Culmina; ceu taedis iterum lustratus honesti  
 Ignis, ab Oetaea conscenderis aethera flamma.  
 Vix oculis, animoque fides: tune ille reclusi  
 Liminis, et parvae custos inglorius arae?  
 Unde haec aula recens, fulgorque inopinus agresti 10  
 Alcidae? sunt fata Deum, sunt fata locorum.  
 O velox pietas! steriles hic nuper arenas,  
 Aspersum pelago montis latus, hirtaque dumis  
 Saxa, nec ulla pati faciles vestigia terras  
 Cernere erat. quaenam subito fortuna rigentes 15  
 Divisit scopulos? Tyrione haec moenia plectro,  
 An Getica venere lyra? stupet ipse labores  
 Annus, et angusto bissemi limite menses  
 Longaevum mirantur opus. Deus affuit, arces  
 Erexitque suas, atque obluctantia saxa 20  
 Summovit nitens, et magno pectore montem  
 Reppulit; immitem credas jussisse novercam.  
 Ergo age, seu patrios, liber jam legibus, Argos  
 Incolis, et mersum tumulis Eurysthea calcas:

Sive tui solium Jovis, et virtute parata 25  
 Astra tenes, haustumque tibi succincta beati  
 Nectaris, excluso melior Phryge, porrigit Hebe;  
 Huc ades, et genium templis nascentibus infer.  
 Non te Lerna nocens, nec pauperis arva Molorchi,  
 Nec formidatus Nemees ager, antrave poscunt 30  
 Thracia, nec Pharii polluta altaria regis;  
 Sed felix, simplexque domus, fraudumque malarum  
 Inscia, et hospitibus Superis dignissima sedes.  
 Pone truces arcus, agmenque immite pharetrae,  
 Et regum multo perfusum sanguine robur, 35  
 Instratumque humeris dimitte gerentibus hostem.  
 Hic tibi Sidonio celsum pulvinar acantho  
 Texitur, et signis crescit torus asper eburnis.  
 Pacatus, mitisque veni; nec turbidus ira,  
 Nec famulare timens; sed quem te Maenalis Auge 40  
 Confectum thiasis, et multo fratre madentem  
 Detinuit: qualemque vagae post crimina noctis  
 Thestius obstupuit, toties socer. hic tibi festa  
 Gymnas, et insontes juvenum sine caestibus irae  
 Annua veloci peragunt certamina lustris. 45  
 Hic templis inscriptus, avo gaudente, sacerdos  
 Parvus adhuc, similisque tui, cum prima novercae  
 Monstra manu premeres, atque exanimata doleres.  
 Sed quaenam subiti veneranda exordia templi,  
 Dic age, Calliope: socius tibi grande sonabit 50  
 Alcides, tensoque modos imitabitur arcu.  
 Tempus erat, caeli cum torrentissimus axis  
 Incumbit terris, ictusque Hyperione multo



Acer anhelantes incendit Sirius agros.  
 Jamque dies aderat, profugis cum regibus aptum 55  
 Fumat Aricinum Triviae nemus, et face multa  
 Consciis Hippolyti splendet lacus: ipsa coronat  
 Emeritos Diana canes, et spicula tergit,  
 Et tutas sinit ire feras; omnisque pudicis  
 Itala terra focis Hecateias excolit idus. 60  
 Ast ego, Dardaniae quamvis sub collibus Albae  
 Rus proprium, magnique ducis mihi munere currens  
 Unda domi, curas mulcere aestusque levare  
 Sufficerent; notas Sirenum nomine rupes,  
 Facundique larem Polli non hospes habebam; 65  
 Assidue moresque viri pacemque novosque  
 Pieridum flores, intactaque carmina discens.  
 Forte diem Triviae dum litore ducimus udo,  
 Angustasque fores assuetaque tecta gravati  
 Frondibus et patula defendimus arbore soles, 70  
 Delituit caelum, et subitis lux candida cessit  
 Nubibus, et tenuis graviore Favonius Austro  
 Immaduit; qualem Libyae Saturnia nimbum  
 Attulit, Iliaco dum dives Elissa marito  
 Donatur, testesque ululant per devia Nymphae. 75  
 Diffugimus, festasque dapes, redimitaque vina  
 Abripiunt famuli: nec quo convivia migrent;  
 (Quamvis innumerae gaudentia rura superne  
 Insedere domus, et multo culmine dives  
 Mons nitet) instantes sed proxima quaerere nimbū 80  
 Suadebant, laesique fides reditura sereni.  
 Stabat dicta sacris tenuis casa, nomine templi,

Et magnum Alciden humili lare parva premebat,  
 Fluctivagos nautas, scrutatoresque profundi  
 Vix operire capax. huc omnis turba coïmus; 85  
 Huc epulae, ditiesque tori, coetusque ministrum  
 Stipantur, nitidaeque cohors gratissima Pollae.  
 Non cepere fores, angustaque deficit aedes.  
 Erubuit, risitque Deus, dilectaque Polli  
 Corda subit, blandisque animum complectitur ulnis: 90  
 TUNE, inquit, largitor opum, qui mente profusa  
 Tecta Dicarcheae pariter, juvenemque replesti  
 Parthenopen? nostro qui tot fastigia monti,  
 Tot virides lucos, tot saxa imitantia vultus,  
 Aeraque, tot scripto viventes lumine ceras 95  
 Fixisti? quid enim ista domus, quid terra, priusquam  
 Te gauderet, erant? longo tu tramite nudos  
 Texisti scopulos, fueratque ubi semita tantum,  
 Nunc ibi distinctis stat porticus alta columnis,  
 Ne sorderet iter: curvi tu litoris ora 100  
 Clausisti calidas gemina testudine nymphas:  
 Vix opera enumerem: mihi pauper, et indigus uni  
 Pollius? et tales hilaris tamen intro penates,  
 Et litus, quod pandis, amo. sed proxima sedem  
 Despicit, et tacite ridet mea numina Juno. 105  
 Da templum, dignasque tuis conatibus aras,  
 Quas puppes velis nolint transire secundis:  
 Quo pater aetherius, mensisque accita deorum  
 Turba, et ab excelso veniat soror hospita tecto.  
 Nec te, quod solidus contra riget umbo maligni 110

V. 89. L. Erubuit VIDISSE Deus. 90. VIRUM. 92. DICARCHEI. [97. ERANT, antea ERAT. ED. DR.]  
 101. LYMPHAS. 109. TEMPLO.



Montis, et immenso non unquam excisus ab aevo  
 Terreat; ipse adero, et conamina tanta juvabo,  
 Asperaque invitae perfringam viscera terrae.  
 Incipe, et Herculeis fidens hortatibus aude.  
 Non Amphioniae steterint velocius arces, 115  
 Pergameusve labor. dixit, mentemque relinquit.  
 Nec mora, conscripta formantur imagine templa:  
 Innumerae coiere manus. his caedere silvas,  
 Et levare trabes: illis immergere curae  
 Fundamenta solo. coquitur pars uvida terrae 120  
 Protectura hiemes, atque exclusura pruinas;  
 Indomitusque silex curva fornace liquescit.  
 Praecipuus sed enim labor est excindere dextra  
 Oppositas rupes, et saxa negantia ferro.  
 Hic pater ipse loci, positus Tirynthius armis 125  
 Insudat, validaque solum deforme bipenni,  
 Cum grave nocturna caelum subtexitur umbra,  
 Ipse fodit. dites Capreae, viridesque resultant  
 Taurubulae, et terris ingens redit aequoris echo.  
 Non tam grande sonat motis incudibus Aetna, 130  
 Cum Brontes Steropesque ferit: nec major ab antris  
 Lemniacis fragor est, ubi flammeus aegida caelat  
 Mulciber, et castis exornat Pallada donis.  
 Decrescunt scopuli, et rosea sub luce reversi  
 Artifices mirantur opus. vix annus anhelat 135  
 Alter, et ingenti dives Tirynthius arce  
 Despectat fluctus, et junctae tecta novercae  
 Provocat, et dignis invitat Pallada templis.  
 Jam placidae dant signa tubae, jam fortibus ardens

Fumat arena sacris: hos nec Pisaeus honores 140  
 Juppiter, aut Cyrrhae pater aspernetur opacae.  
 Nil his triste locis. cedat lacrymabilis Isthmos,  
 Cedat atrox Nemee: litat hic felicior infans.  
 Ipsae puniceis virides Nereïdes antris  
 Exiliunt ultro, et scopulis uventibus haerent; 145  
 Nec pudet occulte nudas spectare palaestras.  
 Spectat et Icario nemorosus palmite Gaurus,  
 Silvaque quae cinctam pelago Nesida coronat;  
 Et placidus Limon, omenque Euploea carinis,  
 Et Lucrina Venus; Phrygioque e vertice Graias 150  
 Adsciscis, Misene, tubas: ridetque benigna  
 Parthenope gentile sacrum, nudosque virorum  
 Certatus, et parva suae simulachra coronae.  
 Quin age, et ipse libens proprii certaminis actus  
 Invieta dignare manu: seu nubila disco 155  
 Findere, seu volucres zephyros praevertere telo,  
 Seu tibi dulce manu liquidas nodare palaestras,  
 Indulge his sacris: et si tibi poma supersunt  
 Hesperidum, gremio venerabilisingere Pollae;  
 Nam capit, et tantum non degener ambit honorem. 160  
 Quod si dulce decus viridesque resumeret annos,  
 (Da veniam, Alcide) fors huic et pensa tulisses.  
 Haec ego nascentes laetum bacchatus ad aras  
 Libamenta tuli. nunc ipsum in limine cerno  
 Solventem voces, et talia dicta ferentem: 165  
 MACTE animis opibusque, meos imitate labores,  
 Qui rigidas rupes, infoecundaeque pudenda

V. 145. Vulg. HUMENTIBUS. [148. CINCTAM, antea FIXAM. ED. DR.] 149. NUMENQUE. 151. ADDISCIS  
 157. LIBYCAS NUDARE. 158. INDULGE SACRIS. 160. DEDIGNATUR, vel DEGENERABIT. 163. LAETUS bacchatus.



Naturae deserta domas, et vertis in usum  
 Lustra habitata feris, foedeque latentia profers 170  
 Numina. quae tibi nunc meritorum praemia solvam?  
 Quas referam grates? Parcarum fila tenebo,  
 Extendamque colus: duram scio vincere mortem;  
 Avertam luctus, et tristia damna vetabo,  
 Teque nihil laesum viridi renovabo senecta;  
 Concedamque diu juvenes spectare nepotes: 175  
 Donec et hic sponsae maturus, et illa marito;  
 Rursus et ex illis soboles nova; grexque protervus  
 Nunc humeris irreptet avi, nunc agmine blando  
 Certatim placidae concurrat ad oscula Pollae.  
 Nam templis nunquam statuatur terminus aevi, 180  
 Dum me flammigeri portabit machina caeli.  
 Nec mihi plus Nemee, priscumve habitabitur Argos,  
 Nec Tiburna domus, solisque cubilia Gades.  
 Sic ait, et tangens surgentem altaribus ignem,  
 Populeaque movens albertia tempora silva, 185  
 Et Styga et aetherei juravit fulmina patris.

## II.

## PROPEMPTICON METIO CELERI.

**D**I, quibus audaces amor est servare carinas,  
 Saevaue ventosi mulcere pericula ponti,  
 Sternite molle fretum, placidumque advertite votis  
 Concilium, et lenis non obstrepat unda precanti.

Grande tuo rarumque damus, Neptune, profundo 5  
 Depositum. juvenis dubiae committitur alno  
 Metius, atque animae partem super aequora nostrae  
 Majorem transferre parat. proferte benigna  
 Sidera, et antennae gemino considite cornu,  
 Oebalii fratres: vobis pontusque polusque 10  
 Luceat: Iliacae longe nimbose sororis  
 Astra fugate, precor, totoque excludite caelo.  
 Vos quoque caeruleum, divae Nereides, agmen,<sup>1</sup>  
 Quis honor, et regni cessit fortuna secundi,  
 (Dicere quas magni fas sit mihi sidera ponti) 15  
 Surgite de vitreis spumosae Doridos antris,  
 Baianosque sinus, et foeta tepentibus undis  
 Litora tranquillo certatim ambite natatu,  
 Quaerentes ubi celsa ratis quam scandere gaudet  
 Nobilis Ausoniae Celer armipotentis alumnus. 20  
 Nec quaerenda diu: modo nam trans aequora terris  
 Prima Dicarcheis Pharium gravis intulit annum:  
 Prima salutavit Capreas, et margine dextro  
 Sparsit Tyrrhenae Mareotica vina Minervae.  
 Hujus utrumque latus molli praecingite gyro; 25  
 Partitaeque vices, vos stuppea tendite mali  
 Vincula, vos summis annectite suppara velis,  
 Vos Zephyris aperite sinus: pars transtra reponat,  
 Pars demittat aquis curvae moderamina puppis.  
 Sint quibus exploret rupes gravis arte molybdis, 30  
 Quaeque secuturam religent post terga phaselon,  
 Uncaque submersae penitus retinacula vellant.  
 Temperet haec aestus, pelagusque inclinet ad ortus:

V. 6. Vulg. DUBIO — ALTO. 9. CONSISTITE. 15. QVAE. 19. QUA scandere. 26. ET PARTITE. 30. MOLOCHUS.



Officio careat glaucarum nulla sororum.

Huic multo Proteus, geminoque huic corpore Triton 35

Praenatet; et subitis qui perdidit inguina monstribus

Glaucus, adhuc quoties patriis allabitur oris

Litoream blanda feriens Anthedona cauda.

Tu tamen ante omnes, diva cum matre Palaemon,

Annue, si vestras amor est mihi pandere Thebas, 40

Nec cano degeneri Phoebeum Amphiona plectro.

Et pater, Aeolio frangit qui carcere ventos,

Cui varii flatus, omnisque per aequora ponti

Spiritus, atque hiemes nimbosaque nubila parent,

Arctius objecto Borean, Eurumque, Notumque 45

Monte premat: soli zephyro sit copia caeli,

Solus agat puppes; summasque supernatet undas

Assiduus pelago; donec tua, turbine nullo,

Laeta Paretoniis assignet carbasa ripis.

Audimur: vocat ipse ratem, nautasque morantes 50

Increpat. inde meum timido jam frigore pectus

Labitur, et nequeo, quamvis movet ominis horror,

Claudere suspensos oculorum in margine fletus.

Jamque ratem terris divisit fune soluto

Navita, et angustum dejecit in aequora pontem: 55

Saevus et e puppi longo clamore magister

Dissipat amplexus, atque oscula fida revellit,

Nec longum cara licet in cervice morari.

Attamen in terras e plebe novissimus omni

Ibo, nec egrediar nisi jam cedente carina. 60

Quis rude, et abscissum miseris animantibus aequor

Fecit iter? solidaeque pios telluris alumnos

V. 35. Vulg. gemino HINC ET corpore. 43. MUNDI. 44. AC hiemes. 51. ECCE. 56. UBI e puppi.

Expulit in fluctus, pelagoque immisit hiantes?  
 Audax ingenii; nec enim temeraria virtus  
 Illa magis, summae gelidum quae Pelion Ossae 65  
 Junxit, anhelantemque jugis bis pressit Olympum.  
 Usque adeone parum lentas transire paludes,  
 Stagnaque et angustos summittere pontibus amnes?  
 Imus in abruptum, gentilesque undique terras  
 Fugimus, exigua clausi trabe, et aëre nudo. 70  
 Inde furor ventis, indignataeque procellae,  
 Et caeli fremitus, et fulmina plura Tonanti.  
 Ante rates, pigro torpebant aequora somno;  
 Nec spumare Thetis, nec spargere nubila fluctus  
 Audebant: visis tumuerunt puppibus undae, 75  
 Inque hominem surrexit hiems. tunc nubila Pleias,  
 Oleniumque pecus; solito tunc pejor Orion.  
 Justa queror: fugit ecce vagas ratis acta per undas  
 Paulatim minor, et longe servantia vincit  
 Lumina, tot gracili ligno complexa timores, 80  
 Teque super reliquos, te, nostri pignus amoris  
 Portatura, Celer. quos nunc ego pectore somnos,  
 Quosve queam perferre dies? quis cuncta paventi  
 Nuntius, an facili te praetermiserit unda  
 Lucani rabida ora maris: num torva Charybdis 85  
 Fluctuet, aut Siculi populatrix virgo profundi:  
 Quos tibi currenti praeceps ferat Adria mores:  
 Quae pax Carpathio: quali te subvehat aura  
 Doris Agenorei furtis blandita juvenci?  
 Sed merui questus: quid enim, te castra petente, 90  
 Non vel ad ignotos ibam comes impiger Indos



Cimmeriumque Chaos? starem prope bellica regis:  
 Signa mei, seu tela manu, seu frena teneres,  
 Armatis seu jura dares; operumque tuorum  
 Etsi non socius, certe mirator adessem. 95  
 Si quondam magno Phoenix reverendus Achilli  
 Litus ad Iliacum, Thymbracaeque Pergama venit  
 Imbellis, tumidoque nihil juratus Atridae,  
 Cur nobis ignavus amor? sed pectore fido  
 Nusquam abero, longisque sequar tua carbasia votis. 100  
 Isi, Phoroneis quondam stabulata sub antris,  
 Nunc regina Phari, numenque Orientis anheli,  
 Excipe mulcisono puppem Mareotida sistro:  
 Ac juvenem egregium, Latius cui ductor Eoa  
 Signa, Palaestinasque dedit frenare cohortes, 105  
 Ipsa manu placida per limina festa, sacrosque  
 Duc portus, urbesque tuas. te praeside, noscat  
 Unde paludosi foecunda licentia Nili:  
 Cur vada desidant, et ripa coërceat undas  
 Cecropio signata luto: cur invida Memphis, 110  
 Curve Therapnaei lasciviat ora Canopi:  
 Cur servet Pharias Lethaeus janitor aras;  
 Vilia cur magnos aequent animalia Divos:  
 Quae sibi praesternat vivax altaria Phoenix:  
 Quos dignetur agros, aut quo se gurgite Nili 115  
 Mergat adoratus trepidis pastoribus Apis.  
 Duc et ad Aemathios manes, ubi belliger urbis  
 Conditor Hyblaeo perfusus nectare durat:  
 Anguiferamque domum, blando qua mersa veneno  
 Actias Ausonias fugit Cleopatra catenas. 120

Usque et in Assyrias sedes, mandataque castra  
 Prosequere, et Marti juvenem, Dea, trade Latino.  
 Nec novus hospes erit: puer his sudavit in arvis  
 Notus adhuc tantum majoris munere clavi:  
 Jam tamen et turmas facili praevertere gyro 125  
 Fortis, et Eoas jaculo damnare sagittas.  
 Ergo erit illa dies, qua te majora daturus  
 Caesar ab emerito jubeat discedere bello?  
 Hoc nos hoc iterum stantes in litore, versos  
 Cernemus fluctus, aliasque rogabimus auras. 130  
 O tum quantus ego! aut quanta votiva movebo  
 Plectra lyra! cum me magna cervice ligatum  
 Attolles humeris, atque in mea pectora primum  
 Incumbes e puppe novus, servataque reddes  
 Colloquia, inque vicem medios narrabimus annos: 135  
 Tu, rapidum Euphraten, et regia Bactra, sacrasque  
 Antiquae Babylonis opes, et Zeugma, Latinae  
 Pacis iter: qua dulce nemus florentis Idumes;  
 Quo pretiosa Tyros rubeat, quo purpura fuco  
 Sidoniis iterata cadis; quo germine primum 140  
 Candida felices sudent opobalsama virgae:  
 Ast ego, devictis dederim quae justa Pelasgis,  
 Quaeque laboratas claudat mihi pagina Thebas.

[V. 123. HIS — ARVIS; antea HIC — ARMIS. ED. DR.] 129. L. litore, VERSOS etc. [recepimus nunc Hoc — VERSOS, cum antea esset AT — VASTOS. ED. DR.]. 139. Vulg. QUA — QUA purpura SUCCO. 140. VADIS: UBI germine. 142. BUSTA. 143. QUAEVE.



## III.

## LACRIMAE \* CLAUDII ETRUSCI.

SUMMA Deum Pietas, cujus gratissima caelo  
 Rara profanatas inspectant numina terras,  
 Huc vittata comam niveoque insignis amictu,  
 Qualis adhuc praesens nullaque expulsa nocentum  
 Fraude, rudes populos atque aurea regna colebas, 5  
 Mitibus exequiis ades; et lugentis Etrusci  
 Cerne pios fletus, laudataque lumina terge.  
 Nam quis inexploto rumpentem pectora questu,  
 Complexumque rogos incumbentemque favillis  
 Aspiciens, non aut primaevae funera plangi 10  
 Conjugis, aut nati modo pubescentia credat  
 Ora rapi flammis? pater est, qui fletur. adeste  
 Dique hominesque sacris. procul hinc, procul ite nocentes;  
 Si cui corde nefas tacitum, fessique senectus  
 Longa patris; si quis pulsatae conscius umbram 15  
 Matris, et inferna rigidum timet Aeaeon urna:  
 Insonites, castosque voco. tenet ecce seniles  
 Leniter adplicitos vultus, sanctamque parentis  
 Caniciem spargit lacrimis, animaeque supremum  
 Frigus amat: celeres genitoris filius annos, 20  
 (Mira fides) pigrasque putat properasse sorores.  
 Exultent placidi Lethaea flumina manes,  
 Elysiae gaudete domus: date sarta per aras,  
 Festaque pallentes hilarent altaria lucos.  
 Felix, heu nimium felix, plorataque nato 25

\* Vulg. omittitur vox CLAUDII. V. 15. UNQUAM. 18. IMPLICITOS. [21. PIGRAS; antea NIGRAS. ED. DR.]  
 25. ET nimium.

Umbra venit. longe Furiarum sibila, longe  
 Tergeminus custos. penitus via longa pateat  
 Manibus egregiis. eat, horrendumque silentis  
 Accedat domini solium, gratesque supremas  
 Perferat, et totidem juveni roget anxius annos. 30  
 Macte pio gemitu! dabimus solatia dignis  
 Luctibus, Aoniasque tuo sacrabimus ultro  
 Inferias, Etrusce, seni. tu largus Eoa  
 Germina, tu messes Cilicumque Arabumque superbis  
 Merge rogis: ferat ignis opes haeredis, et alto 35  
 Aggere missuri nitido pia nubila caelo  
 Stipentur cineres: nos non arsura feremus  
 Munera; venturosque tuus durabit in annos,  
 Me monstrante, dolor: neque enim mihi flere parentem  
 Ignotum, et similes gemui projectus ad ignes. 40  
 Ille mihi tua damna dies compescere cantu  
 Suadet; et ipse tuli, quos nunc tibi confero, questus.  
 Non tibi clara quidem, senior placidissime, gentis  
 Linea, nec proavis demissum stemma: sed ingens  
 Supplevit fortuna genus, culpamque parentum 45  
 Occuluit. neque enim dominos de plebe tulisti;  
 Sed quibus occasus pariter famulantur et ortus.  
 Nec pudor iste tibi: quid enim terrisque poloque  
 Parendi sine lege manet? vice cuncta reguntur,  
 Alternisque regunt. propriis sub regibus omnis 50  
 Terra: premit felix regum diademata Roma;  
 Hanc ducibus frenare datum: mox crescit in illos  
 Imperium Superis. sed habent et numina legem:  
 Servit et astrorum velox chorus, et vaga servit



Luna, nec injussi toties redit orbita solis. 55  
 Et (modo si fas est aequare jacentia summis)  
 Pertulit et saevi Tirynthius horrida regis  
 Pacta, nec erubuit famulantis fistula Phoebi.  
 Sed neque barbaricis Latio transmissus ab oris:  
 Smyrna tibi gentile solum, potusque verendo 60  
 Fonte Meles, Hermique vadum; quo Lydius intrat  
 Bacchus, et aurato reficit sua cornua limo.  
 Laeta dehinc series, variisque ex ordine curis  
 Auctus honos; semperque gradus prope numina, semper  
 Caesareum coluisse latus, sacrisque Deorum 65  
 Arcanis haerere datum. Tibereia primum  
 Aula tibi, vix dum ora nova mutante juventa,  
 Panditur. hic, annis multa super indole victis,  
 Libertas oblata venit. nec proximus heres  
 Immitis quanquam et furiis agitatus, abegit. 70  
 Hunc et in Arctoas tenuis comes usque pruinas  
 Terribilem affatu passus visuque tyrannum  
 Immanemque suis, ut qui metuenda ferarum  
 Corda domant, mersasque jubent jam sanguine tacto  
 Reddere ab ore manus, et nulla vivere praeda, 75  
 Praecipuos sed enim merito subvexit in actus  
 Nondum stelligerum senior dimissus in axem  
 Claudius, et longo transmisit habere Neroni.  
 Quis Superos metuens pariter tot templa, tot aras  
 Promeruisse datur? summi Jovis aliger Arcas 80  
 Nuntius: imbrifera potitur Thaumantide Juno:  
 Stat celer obsequio jussa ad Neptunia Triton:

V. 55. Vulg. INJUSSAE — LUCIS. 57. Forte, Pertulit EURYSTHEI. 61. quo [nunc receptum, cum antea esset  
 QUOD. ED. DR.] 68. Forte, MAGNA super. 76. SUBREXIT. 77. DEMISSUS. 78. TRANSMITTIT — NEPOTI.

Tu toties mutata ducum juga rite tulisti  
 Integer, inque omni felix tua cymba profundo.  
 Jamque piam lux alta domum, praecelsaque toto 85  
 Intravit Fortuna gradu. jam creditur uni  
 Sanctarum digestus opum, sparsaeque per omnes  
 Divitiae populos, magnique impendia mundi.  
 Quicquid ab auriferis ejectat Iberia fossis,  
 Dalmatico quod monte nitet, quod messibus Afris 90  
 Verritur, aestiferi quicquid terit area Nili,  
 Quodque legit mersus pelagi scrutator Eoi,  
 Et Lacedaemonii pecuaria culta Galesi,  
 Perspicuaeque nives, Massylaque robora, et Indi  
 Dentis honos: uni parent commissa ministro, 95  
 Quae Boreas, quaeque Eurus atrox, quae nubilus Auster  
 Invehit. hibernos citius numeraveris imbres,  
 Silvarumque comas. vigil iste animique sagacis  
 Exitus evolvit, quantum Romana sub omni  
 Pila die, quantumque Tribus: quid templa: quid alti 100  
 Undarum cursus, quid propugnacula poscant  
 Aequoris, aut longe series porrecta viarum:  
 Quod Domini celsis niteat laquearibus aurum,  
 Quae Divum in vultus igni formanda liquescat  
 Massa; quid Ausoniae scriptum crepet igne monetae. 105  
 Hinc tibi rara quies, animoque exclusa voluptas,  
 Exiguaeque dapes, et nunquam laesa profundo  
 Cura mero. sed jura tamen genialia cordi,  
 Et mentem vincere toris, et jungere festa  
 Connubia, et fidos domino genuisse clientes. 110  
 Quis sublime decus formamque insignis Etruscae



Nesciat? haud unquam proprio mihi cognita visu,  
 Sed decus eximium formae par reddit imago  
 Vultibus, et similis natorum gratia monstrat.  
 Nec vulgare genus: fascēs, summamque curulem 115  
 Frater, et Ausonios enses, mandataque fidus  
 Signa tulit, cum prima truces amentia Dacos  
 Impulit, et magno gens est damnata triumpho.  
 Sic quicquid patrio cessatum a sanguine, mater  
 Reddidit; obscurumque latus clarescere vidit 120  
 Connubio gavisa domus. nec pignora longe:  
 Quippe bis ad partus venit Lucina, manuque  
 Ipsa levi gravidos tetigit secunda labores.  
 Felix ah! si longa dies, si cernere vultus  
 Natorum viridesque genas tibi justa dedissent 125  
 Stamina! sed media cecidere abrupta juventa  
 Gaudia, florentesque manu scidit Atropos annos:  
 Qualia pallentes declinant lilia culmos,  
 Pubentesve rosae primos moriuntur ad Austros,  
 Aut ubi verna novis expirat purpura pratis. 130  
 Illa sagittiferi circumvolitastis, Amores,  
 Funera, maternoque rogos unxistis amomō:  
 Nec modus aut pennis laceris aut crinibus ignem  
 Spargere, collataeque pyram struxere pharetrae.  
 Quas tunc inferias, aut quae lamenta dedisses 135  
 Maternis, Etrusce, rogis, qui funera patris  
 Haud matura putas, atque hos pius ingemis annos?  
 Illum et, qui nutu superas nunc temperat arces  
 Progeniem claram terris partitus et astris,

V. 112. Vulg. HAUDQUAQUAM. [Restituimus HAUD UNQUAM, cum antea esset HAUDQUANQUAM. 119. A,  
 antea EST. ED. DR.] 129. Pubentesque. 134 COLLECTAEQUE

Laetus Idumaei donavit honore triumph:	140
Dignatusque loco victricis et ordine pompae	
Non vetuit, tenuesque nihil minuere parentes.	
Atque idem in cuneos populum cum duxit equestres,	
Mutavitque genus, laevaeque ignobile ferrum	
Exuit, et celse natorum aequavit honori.	145
Dextra bis octonis fluxerunt saecula lustris,	
Atque aevi sine nube tenor. Quam dives in usus	
Natorum, totoque volens excedere censu,	
Testis adhuc largi nitor inde assuetus Hetrusci,	
Cui tua non humiles dedit indulgentia mores.	150
Hunc siquidem amplexu semper revocante tenebas	
Blandus, et imperio nunquam pater: hujus honori	
Prior ipse etiam gaudebat cedere frater.	
Quas tibi devoti juvenes pro patre renato,	
Sunme ducum, grates, aut quae pia vota rependant?	155
Tu (seu tarda situ, rebusque exhausta senectus	
Erravit; seu blanda diu Fortuna regressum	
Maluit) attonitum et venturi fulminis ictus	
Horrentem, tonitru tantum lenique procella	
Contentus monuisse senem: cumque horrida supra	160
Aequora, curarum socius procul Itala rura	
Linqueret, hic molles Campani litoris oras,	
Et Diomedea concedere jussus in arces,	
Atque hospes, non exul erat. nec plura moratus	
Romuleum referas iterum, Germanice, limen,	165
Moerentemque foves, inclinatosque penates	
Erigis. haud mirum; Ductor placidissime; quando	
Haec est quae victis parcentia foedera Catts,	

V. 145. CELSO natorum.



Quaeque suum Dacis donat clementia montem:

Quae modo Marcomanos post horrida bella, vagosque 170

Sauromatas Latio non est dignata triumpho.

Jamque in fine dies, et inexorabile pensum

Deficit. hic moesti pietas me poscit Etrusci

Qualia nec Siculae moderantur carmina rupes,

Nec fati jam certus olor, saevique marita 175

Tereos. Heu quantis lassantem brachia vidi

Planctibus, et prono fusum super oscula vultu!

Vix famuli, comitesque tenent, vix arduus ignis

Submovet. haud aliter gemuit perjuria Theseus

Litore quo falsis deceperat Aegea velis. 180

Tunc immane fremens, foedatusque ora, tepentes

Affatur cineres: Cur nos, fidissime, linquis

Fortuna redeunte, pater? modo numina magni

Praesidis, atque breves Superum pacavimus iras,

Nec frueris; tantique orbatus muneris usu 185

Ad manes, ingrata, fugis. nec flectere Parcas,

Aut placare malae datur aspera numina Lethes?

Felix, cui magna patrem cervice vehenti

Sacra Mycenaeae patuit reverentia flammae!

Quique tener saevis genitorem Scipio Poenis 190

Abstulit, et Lydi pietas temeraria Lausi.

Ergo et Thessalici conjux pensare mariti

Funus, et immitem potuit Styga vincere supplex

Thracius? ah quanto melius pro patre liceret!

Non totus rapiere tamen, nec funera mittam 195

Longius: hic manes, hic intra tecta tenebo.

---

V. 180. Vulg. QUI. [181. FREMENS, antea GEMENS. ED. DR.] 184. PLACAVIMUS. 186. IGNARE. 192. Ergo Thessalici. 193. PHRYGA.

Tu custos, dominusque Iaris; tibi cuncta tuorum  
 Parebunt. ego rite minor, semperque secundus  
 Assiduas libabo dapes et pocula sacris  
 Manibus, effigiesque colam: te lucida saxa, 200  
 Te similem doctae referet mihi linea cerae:  
 Nunc ebur, et fulvum vultus imitabitur aurum.  
 Inde viam morum, longaeque examina vitae,  
 Affatusque pios, monituraque somnia poscam.  
 Talia dicentem genitor dulcedine laeta 205  
 Audit, et immites lente descendit ad umbras,  
 Verbaque dilectae fert narraturus Etruscae.  
 Salve supremum, senior mitissime patrum,  
 Supremumque vale: qui nunquam, sôspite nato,  
 Triste Chaos, moestique situs patiere sepulchri. 210  
 Semper odoratis spirabunt floribus arae,  
 Semper et Assyrios felix bibet urna liquores,  
 Et lacrimas, qui major honos. hîc sacra litabit  
 Manibus, inque tua tumulum tellure levabit.  
 Nostra quoque, exemplo meritis, tibi carmina sanxit 215  
 Hoc etiam gaudens cinerem donasse sepulchro.

## IV.

## \* CAPILLI FLAVII EARINI.

**I**TE, comae, facilemque precor transcurrere pontum:  
 Ite, coronato recubantes molliter auro:

V. 109. Vulg. ASSIDUE. 203. Forte, SANCTAEQUE. 208. GENITOR. 210. MOESTIS — SEPULCHRIS. 214. EQUE.  
 215. MERITIS, et SANCIT. \* COMA EARINI.



Ite, dabit cursus mitis Cytherea secundos,  
 Placabitque Notos: fors et de puppe timenda  
 Transferet, inque sua ducet super aequora concha. 5  
 Accipe laudatos, juvenis Phoebeïe, crines  
 Quos tibi Caesareus donat puer: accipe laetus,  
 Intonsoque ostende patri. sine dulce nitentes  
 Comparet, atque diu fratris putet esse Lyaci.  
 Forsan et ipse comae nunquam labentis honorem 10  
 Proferet, atque alio clausum tibi ponet in auro.  
 Pergame, pinifera multum felicior Ida!  
 Illa licet sacrae placeat sibi laude rapinae;  
 (Nempe dedit Superis illum, quem turbida semper  
 Juno videt, refugitque manum, nectarque recusat) 15  
 At tu grata Deis, pulchroque insignis alumno,  
 Misisti Latio placida quem fronte ministrum  
 Juppiter Ausonius pariter, Romanaque Juno  
 Aspiciunt, et uterque probant. Nec tanta potenti  
 Terrarum Domino divum sine mente voluptas. 20  
 Dicitur Idalios Erycis de vertice lucos  
 Dum petit, et molles agitat Venus aurea cynos,  
 Pergameas intrasse domos, ubi maximus aegris  
 Auxiliator adest, et festinantia sistens  
 Fata salutifero mitis Deus incubat angui. 25  
 Hic puerum egregiae praeclarum sidere formae  
 Ipsius ante Dei ludentem conspicit aras.  
 Ac primum subita paulum decepta figura  
 Natorum de plebe putat: sed non erat illi  
 Arcus, et ex humeris nullae fulgentibus umbrae. 30  
 Miratur puerile decus; vultumque comasque

Aspiciens, Tunc Ausonias, ait, ibis ad arces,  
 Neglectus Veneri? tu sordida tecta, jugumque  
 Servitii vulgare feres? procul absit: ego isti  
 Quem meruit, formae dominum dabo. vade age mecum, 35  
 Vade puer; ducam volucris per sidera curru  
 Donum immane duci: nec te plebeia manebunt  
 Jura; Palatino famulus deberis amori.  
 Nil ego, nil, fateor, toto tam dulce sub orbe  
 Aut vidi, aut genui. cedat tibi Latmius ultro 40  
 Sangariusque puer; quemque irrita fontis imago  
 Et sterilis consumpsit amor. te coerula Nais  
 Mallet, et apprensâ traxisset fortius urna.  
 Tu, puer, ante omnes; solus formosior ille  
 Cui daberis. Sic orsa, leves secum ipsa per auras 45  
 Tollit, olorinaque jubet considerare biga.  
 Nec mora: jam Latii montes, veterisque penates  
 Evandri, quos mole nova pater inclytus urbis  
 Excolit, et summis aequat Germanicus astris.  
 Tunc propior jam cura deae, quae forma capillis 50  
 Optima, quae vestis roseos accendere vultus  
 Apta; quod in digitis, collo quod dignius aurum.  
 Norat caelestes oculos ducis, ipsaque taedas  
 Junxerat, et plena dederat connubia dextra.  
 Sic ornat crines, Tyrios sic fundit amictus; 55  
 Dat radios, ignemque suum. cessere priores  
 Deliciae, famulûmque greges: hic pocula magno  
 Prima duci, murrasque graves, crystallaque portat  
 Candidiore manu: crescit nova gratia Baccho.  
 Care puer, Superis qui praelibare verendum 60



Nectar, et ingentem toties contingere dextram  
 Electus, quam nosse Getae, quam tangere Persae,  
 Armeniique, Indique petunt! O sidere dextro  
 Edite, multa tibi diyum indulgentia favit!  
 Olim etiam, ne prima genas lanugo nitentes 65  
 Spargeret, et pulchrae fuscaret gratia formae,  
 Ipse Deus patriae, celsam trans aequora liquit  
 Pergamon. haud ulli puerum mollire potestas  
 Credita; sed tacita juvenis Phoebeius arte  
 Leniter, et nullo concussum vulnere corpus 70  
 De sexu transire jubet. tamen anxia curis  
 Mordetur, puerique timet Cytherea dolores.  
 Nondum pulchra ducis clementia coeperat ortu  
 Intactos servare mares; nunc frangere sexum,  
 Atque hominem mutare nefas; gavisaeque solos 75  
 Quos genuit Natura videt; nec lege sinistra  
 Ferre timent famulae natorum pondera matres.  
 Tu quoque, nunc juvenis, genitus si tardius esses,  
 Umbratusque genas, et adultos fortior artus,  
 Non unum gaudens Phoebea ad limina munus 80  
 Misisses: patrias nunc vertex solus ad aras  
 Naviget. hunc multo Paphie saturabat amomo,  
 Hunc nova tergemina repetebat Gratia dextra.  
 Huic et purpurei cedat coma saucia Nisi,  
 Et quam Sperchio tumidus servabat Achilles. 85  
 Ipsi, cum primum niveam praecerpere frontem  
 Decretum est, humerosque manu nudare nitentes,  
 Accurrunt teneri Paphia cum matre volucres,

V. 66. Vulg. CARPERET. ibid. Forte, GAUDIA formae. [70. ET NULLO, antea HAUD ULLO. ED. DR.] 83. PEC-  
 TEBAT. 87. MODO. 88. Forte, Accurrunt PUERI etc.

Expediuntque comas, et serica pectore ponunt  
 Pallia. tunc junctis crinem incidere sagittis, 90  
 Atque auro, gemmisque locant: rapit ipsa cadentes  
 Mater, et arcanos iterat Cytherea liquores.  
 Tunc puer e turba, manibus qui forte supinis  
 Nobile gemmato speculum portaverat auro,  
 Hoc quoque demus, ait; patriis nec gratius ullum 95  
 Munus erit templis, ipsoque potentius auro.  
 Tu modo fige aciem, et vultus hos usque relinque.  
 Sic ait, et speculum seclisit imagine rapta.  
 At puer egregias tendens ad sidera palmas,  
 His mihi pro donis, hominum mitissime custos, 100  
 (Si merui) longa dominum renovare juventa,  
 Atque orbi servare velis! hoc sidera mecum,  
 Hoc undae, terraeque rogant. eat, oro, per annos  
 Iliacos, Pyliosque situs; propriosque penates  
 Gaudeat, et secum Tarpeia senescere templa. 105  
 Sic ait, et motas miratur Pergamos aras.

## V.

## AD CLAUDIAM UXOREM.

**Q**UID mihi moesta die, sociis quid noctibus, uxor,  
 Anxia, pervigili ducis suspiria cura?  
 Non metuo ne laesa fides, aut pectore in isto  
 Alter amor: nullis in te datur ire sagittis,



(Audiat infesto licet haec Rhamnusia vultu) 5  
 Non datur. et si egomet patrio de litore raptus  
 Quattuor emeritis per bella, per aequora, lustris  
 Errarem, tu mille procos intacta fugares;  
 Non intersectas commenta retexere telas,  
 Sed sine fraude palam, thalamisque orbata negasses. 10  
 Dic tamen unde alia mihi fronte, et nubila vultus?  
 Anne quod Euboïcos fessus remeare penates  
 Auguror, et patria senium componere terra?  
 Cur hoc triste tibi? certe lascivia cordi  
 Nulla, nec aut rapidi mulcent te praelia Circi, 15  
 Aut intrat sensus clamosi turba theatri:  
 Sed probitas, et opaca quies, et sordida nunquam  
 Gaudia. Quas autem comitem te rapto per undas?  
 Quamquam, et si gelidas irem mansurus ad Arctos,  
 Vel super Hesperiae vada caligantia Thules, 20  
 Aut septemgemini caput haud penetrabile Nili,  
 Hortarere vias. Etenim tua, (nempe benigna  
 Quam mihi sorte Venus junctam florentibus annis  
 Servet et in senium;) tua, (quae me vulnere primo  
 Intactum thalamis, et adhuc juvenile vagantem 25  
 Fixisti) tua frena libens, docilisque recepi;  
 Et semel insertas non mutaturus habenas  
 Usque premo. Ter me nitidis Albana ferentem  
 Dona comis, sanctoque indutum Caesaris auro  
 Visceribus complexa tuis; sertisque dedisti 30  
 Oscula anhela meis. Tu, cum Capitolia nostrae  
 Inficiata lyrae, saevum ingratumque dolebas

V. 9. Vulg. INTERTEXTAS. 10. THALAMOSQUE ARMATA [11. VULTUS, antea VULTU. ED. DR.] 22. HAEC  
 MENS tua. 28. VIDISTI. 29. CONES.

Mecum victa Jovem: tu procurentia primis  
 Carmina nostra sonis, motasque in murmura voces  
 Aure rapis vigili: longi tu sola laboris 35  
 Conscia, cumque tuis crevit mea Thebaïs annis.  
 Qualem te nuper Stygias prope raptus ad undas,  
 Cum jam Lethaeos audirem comminus amnes,  
 Aspexi! tenuique oculos jam morte cadentes.  
 Scilicet exhausti Lachesis mihi tempora fati 40  
 Te tantum miserata dedit, Superique potentes  
 Invidiam timuere tuam. post ista, propinquum  
 Nunc iter, optatosque sinus comes ire moraris?  
 Heu ubi nota fides, totque explorata per usus,  
 Qua veteres Latias, Graiasque Heroïdas aequas? 45  
 Isset ad Iliacas (quid enim deterret amantes?)  
 Penelope gavis domos, si passus Ulixes.  
 Questa est Aegiale, questa est Meliboea relinqui,  
 Et quamquam saevi fecerunt Maenada planctus.  
 Nec minor his tu nosse fidem, firmamque maritis 50  
 Reddere. sic certe cineres, umbramque priorem  
 Quaeris adhuc: sic exequias amplexa canori  
 Conjugis, ingentes iteras de pectore planctus,  
 Jam mea. Nec pietas alia est tibi, cura que natae:  
 Sic ut mater amas, sic nunquam corde recedit 55  
 Nata tuo; fixamque animi penetralibus imis  
 Nocte, dieque tenes. non sic Trachinia nidos  
 Alcyone veros, non sic Philomela penates  
 Circuit amplexusque, animamque in pignora transfert.

V. 34. Vulg. TOTASQUE in MURMURE NOCTES. 37. MODO. 53. ITERASTI pectore. 56. Forte, ILLA tuo.  
 58. VERNOS. [59. AMPLEXUSQUE, antea AMPECTENS, ED. DR.]



Et nunc illa terit viduum quod sola cubile, 60  
 Otia tam pulchrae terit infecunda iuventae:  
 Sed venient plenīs, venient connubia, taedis.  
 Sic certe, formaeque bonis, animique meretur:  
 Sive chelyn complexa ferit, seu voce paterna  
 Discendum Musis sonat, et mea carmina flectit, 65  
 Candida seu molli diducit brachia motu;  
 Ingenium probitas, artemque modestia vincit.  
 Nonne leves pueros, non te, Cytherea, pudebat  
 Hoc cessare decus? Nec tantum Roma jugales  
 Conciliare toros, festasque accendere taedas 70  
 Fertilis; et nostra generi tellure dabuntur.  
 Non adeo Vesuvinus apex, et flammea diri  
 Montis hiems trepidas exhaustit civibus urbes:  
 Stant, populisque vigent. hic auspice condita Phoebō  
 Tecta, Dicarchei portus, et litora mundo 75  
 Hospita: et hic magnae tractus imitantia Romae  
 Quae Capys advectis implevit moenia Teucris.  
 Nostra quoque haud propriis tenuis, nec rara colonis  
 Parthenope; cui mite solum trans aequora vectae  
 Ipse Dionaea monstravit Apollo columba. 80  
 Haec ego te sedes (nam nec mihi barbara Thrace  
 Nec Libye natale solum) transferre laboro:  
 Quas et mollis hiems, et frigida temperat aestas:  
 Quas imbelle fretum torpentibus alluit undis.  
 Pax securā locis, et desidīs otia vitae, 85  
 Et nunquam turbata quies, somnique peracti.  
 Nulla foro rabies, aut strictae iurgia leges

V. 60. Vulg. HEU nunc. [VIDUUM — CUBILE, antea VIDUO — CUBILI. ED. DR.] 61. PETIT. [75. MUNDO, antea MUNDI. ED. DR.] 76. AT hic. 78. ET propriis. 87. iurgia LEGIS.

Norunt: jura viris solum, et sine fascibus, aequum.  
 Quid nunc magnificas species, cultusque locorum,  
 Templaque, et innumeris spatia interstincta columnis; 90  
 Et geminam molem nudi tectique theatri,  
 Et Capitolinis Quinquennia proxima lustris;  
 Quid laudem risus, libertatemque Menandri,  
 Quam Romanus honos et Graia licentia miscent?  
 Nec desunt variae circum oblectamina vitae: 100  
 Sive vaporiferas, blandissima litora, Baias,  
 Enthea fatidicae seu visere tecta Sibyllae  
 Dulce sit, Iliacoque jugum memorabile remo:  
 Seu tibi Bacchei vineta madentia Gauri  
 Teleboumque domos; trepidis ubi dulcia nautis 105  
 Lumina noctivagae tollit Pharus aemula lunae:  
 Caraque non molli juga Surrentina Lyaeo,  
 Quae meus ante alios habitator Pollius auget:  
 Aenariaeque lacus medicos, Statinasque renatas.  
 Mille tibi nostrae referam telluris amores: 110  
 Sed satis hoc conjux, satis hoc dixisse, creavit  
 Me tibi, me socium longos astrinxit in annos:  
 Nonne haec amborum genitrix, altrixque videri  
 Digna? sed ingratus qui plura adnecto, tuisque  
 Moribus indubito: venies, carissima conjux, 115  
 Praeveniesque etiam: sine me tibi ductor aquarum  
 Tybris, et armiferi sordebunt tecta Quirini.



P. PAPINII STATII  
S I L V A R U M

LIBER QUARTUS.

AD MARCELLUM.

**I**nveni librum, Marcelle carissime, quem pietati tuae dedicarem. Reor equidem aliter quam invocato numine maximi Imperatoris nullum opusculum meum coepisse. Sed hic liber tres habet. Sequitur quarta, quae ad honorem tuum pertinet. Primo autem 5 septimum decimum Germanici nostri consulatum adoravi. Secundo gratias egi sacratissimis ejus Epulis honoratus. Tertio Viam Domitianam miratus sum, qua gravissimam arenarum moram exemit: cujus beneficio tu quoque maturius epistolam eam acci-10 pies, quam tibi in hoc libro a Neapoli scribo. Proximum est Lyricum carmen ad Septimium Severum, iuvenem (uti scis) inter ornatissimos secundi ordinis, tuum quidem etiam condiscipulum; sed mihi contra hoc quoque jus, arctissime carum. nam Vindicis nostri Herculem Epitrapezion, secundum honorem quem de me,15

et de ipsis studiis meretur, imputare etiam tibi possum. Maximum Junium dignitatis et eloquentiae nomine a nobis diligere, satis  
eram testatus epistola, quam ad illum de editione Thebaidos  
20 meae publicavi. sed nunc quoque eum reverti maturius e Dal-  
matia rogo. Juncta est Ecloga ad municipem meum Julium  
Menecratem, splendidum Juvenem, et Pollii mei generum; cui  
gratulor quod Neapolim nostram numero liberorum honestaverit.  
Plotio Grypho, majoris gradus juveni, dignius opusculum red-  
25 dam: sed interim Hendecasyllabos, quos Saturnalibus una risimus,  
huic volumini inserui. Quare ergo plura in quarto Silvarum,  
quam in prioribus? Ne se putent aliquid egisse, qui reprehende-  
runt (ut audio) quod hoc stili genus edidissem. Primum, super-  
30 vacuum est dissuadere rem factam. Deinde, multa ex illis jam  
Domino Caesari dederam; et quanto hoc plus est, quam edere?  
Exercere autem jocos non licet? si secreto, inquit. Sed et sphae-  
romachias spectamus, et pilaris lusio admittitur. novissime, quis-  
35 quis ex meis invidus aliquid legit, statim se profitetur adversum:  
itaque consilio ejus accedam? In summa, nempe ego sum qui  
traducor: taceat, et gaudeat. Hunc tamen librum tu, Marcelle,  
defendes. Et, si videtur, hactenus: sin minus, reprehendemur.



## I.

XVII CONSULATUS IMP. AUG. GERMANICI  
\* DOMITIANI.

**L**AETA bis octonis accedit purpura fastis  
 Caesaris, insignemque aperit Germanicus annum,  
 Atque oritur cum sole novo, cum grandibus astris,  
 Clarius ipse nitens, et primo major Eoo.  
 Exultent leges Latiae: gaudete, curules; 5  
 Et septemgemino jactantior aethera pulset  
 Roma jugo: plusque ante alias Evandrius arces  
 Collis ovet. subiere novi Palatia fasces,  
 Et requiem bis sextus honos, precibusque receptis  
 Curia Caesarem gaudet vicisse pudorem. 10  
 Ipse etiam immensi reparator maximus aevi  
 Attollit vultus, et utroque a limine grates  
 Janus agit: quem tu, vicina Pace ligatum,  
 Omnia jussisti componere bella, novique  
 In leges jurare fori. levat ecce supinas 15  
 Hinc atque inde manus, geminaque haec voce profatur:  
 SALVE, magne parens mundi; qui saecula mecum  
 Instaurare paras; talem te cernere semper  
 Mense meo tua Roma cupit: sic tempora nasci,  
 Sic annos intrare decet. da gaudia fastis 20  
 Continua; hos humeros multo sinus ambiat ostro,  
 Et properata tuae manibus praetexta Minervae.  
 Aspicias ut templis alius nitor, altior aris

---

\* Vulg. deest vox DOMITIANI. 9. Forte, Et REDIT bis sextus etc.

Ignis, et ipsa meae tepeant tibi sidera brumae.  
 Moribus atque tuis gaudent turmaeque, tribusque 25  
 Purpureique Patres; lucemque a consule ducit  
 Omnis honos. quid tale, precor, prior annus habebat?  
 Dic age, Roma potens, et mecum longa Vetustas  
 Dinumera fastos; nec parva exempla recense,  
 Sed quae sola meus dignetur vincere Caesar. 30  
 Ter Latios deciesque tulit, labentibus annis,  
 Augustus fasces; sed coepit sero mereri:  
 Tu juvenis praegressus avos. En quanta recusas,  
 Quanta vetas; flectere tamen; precibusque Senatus  
 Permittes hanc saepe diem. manet insuper ordo 35  
 Longior, et totidem felix tibi Roma curules  
 Terque quaterque dabit. mecum altera saecula condes,  
 Et tibi longaevi revocabitur ara Terenti.  
 Mille trophaea feres; tantum permitte triumphos.  
 Restat Bactra novis, restat Babylona tributis 40  
 Frenari: nondum in gremio Jovis Indica laurus,  
 Nondum Arabes, Seresque rogant; nondum omnis honorem  
 Annus habet, cupiuntque decem tua nomina menses.  
 Sic Janus, clausoque libens se poste recepit.  
 Tunc omen plausere fores, laetoque dederunt 45  
 Signa polo; longamque tibi, Dux magne, juventam  
 Annuit, atque suos promisit Juppiter annos.

V. 25. Forte, FASCIBUS ECCE tuis etc. 28. Forte, Roma PARENS. {31. LATIOS, antea LATIO. ED. DR.]  
 33. Vulg. ET quanta. 38. PARENTIS. 41. nondum gremio. 45. Lege, Tunc OMEN PLAUSERE fores, [quod nunc  
 rescriptum est, cum antea esset OMNES PATUERE. ED. DR.] 46. REX.



## II.

EUCHARISTICON AD IMP. AUGUST. GERMANICUM  
DOMITIANUM.

**R**EGIA Sidoniae convivium laudat Elisae  
 Qui magnum Aeneam Laurentibus intulit arvis:  
 Alcinoique dapes mansuro carmine monstrat  
 Aequare qui lento reducem consumpsit Ulixen:  
 Ast ego, cui sacrae Caesar nova gaudia cenae 5  
 Nunc primum, dominaque dedit consurgere mensa,  
 Qua celebrem mea vota lyra, quas solvere grates  
 Sufficiam? non, si pariter mihi vertice laeto  
 Nectat adoratas et Smyrna et Mantua lauros,  
 Digna loquar. mediis videor discumbere in aëstris 10  
 Cum Jove, et Iliaca porrectum sumere dextra  
 Immortale merum. steriles transmisimus annos;  
 Haec aevi mihi prima dies, haec limina vitae.  
 Tene ego, regnator terrarum orbisque subacti  
 Magne parens, te, spes hominum, te, cura deorum, 15  
 Cerno jacens? datur haec juxta, datur ora tueri  
 Vina inter, mensasque, et non assurgere fas est?  
 Tectum augustum, ingens, non centum insigne columnis,  
 Sed quantae Superos caelumque, Atlante remisso,  
 Sustentare queant. stupet hoc vicina Tonantis 20  
 Regia, teque pari laetantur sede locatum  
 Numina, ne magnum properes escendere caelum:  
 Tanta patet moles, effusaeque impetus aulae

---

[V. 4. LENTO, "antea MULTO. ED. DR.] 6. Forte, CONSIDERE. 22. Vulg. ASCENDERE.

Liberior campi, multumque amplexus aperti  
 Aetheros, et tantum domino minor: ille penates 25  
 Implet, et ingenti Genio juvat. Aemulus illic  
 Mons Libys, Iliacusque nitent, et multa Syene,  
 Et Chios, et glauca certantia Doride saxa,  
 Lunaque portandis tantum suffecta columnis.  
 Longa super species: fessis vix culmina prendas 30  
 Visibus, auratique putes laquearia caeli.  
 Hic cum Romuleos proceres trabeataque Caesar  
 Agmina mille simul jussit discumbere mensis,  
 Ipsa sinus accincta Ceres, Bacchusque laborant  
 Sufficere. aetherei felix sic orbita fluxit 35  
 Triptolemi: sic vitifero sub palmite nudos  
 Umbravit colles, et sobria rura Lyaeus.  
 Sed mihi non epulas, Indisve innixa columnis  
 Robora Maurorum, famulasve ex ordine turmas;  
 Ipsum, ipsum cupido tantum spectare vacavit 40  
 Tranquillum vultus, et majestate serena  
 Mulcentem radios, summittentemque modeste  
 Fortunae vexilla suae: tamen ore nitebat  
 Dissimulatus honos. talem quoque barbarus hostis  
 Posset, et ignotae conspectum agnoscere gentes. 45  
 Non aliter gelida Rhodopes in valle recumbit  
 Dimissis Gradivus equis: sic lubrica ponit  
 Membra Therapnaea resolutus gymnade Pollux:  
 Sic jacet ad Gangen, Indis ululantibus, Evan:  
 Sic gravis Alcides post horrida jussa novercae 50  
 Gaudebat strato latus acclinare leoni.  
 Parva loquor, nec dum aequo tuos, Germanice, vultus:

---

V. 24. Forte, Liberior SPATIL. 25. Vulg. AETHEREO et. 38. Indisque. 41. VULTU, SED. 50. REVERSUS.



Talis ubi Oceani finem, mensasque revisit  
 Aethiopum, sacros diffusus nectare vultus  
 Dux superûm, secreta jubet dare carmina Musas, 55  
 Et Pallenaeos Phoebum laudare triumphos.  
 Dî tibi (namque animas saepe exaudire minores  
 Dicuntur) patriae bis terque exire senectae  
 Annuerint fines! rata numina miseris astris,  
 Templaque des, habilesque domos! saepe annua pandas 60  
 Limina, saepe novo Janum lictore salutes;  
 Saepe coronatis iteres Quinquennia lustris!  
 Qua mihi felices epulas mensaeque dedisti  
 Sacra tuae, talis longo post tempore venit  
 Lux mihi, Trojanae qualis sub collibus Albae 65  
 Cum modo Germanas acies, modo Dacca sonantem  
 Praelia, Palladio tua me manus induit auro.

## III.

## V I A D O M I T I A N A .

**Q**UIS duri silicis gravisque ferri  
 Immanis sonus aequori propinquum  
 Saxosae latus Appiae replevit?  
 Certe non Libycae sonant catervae,  
 Nec dux advena, pejerate bello, 5  
 Campanos quatis inquietus agros:  
 Nec frangit vada, montibusque caesis  
 Inducit Nero sordidas paludes.

---

V. 54. Vulg. SACRO. 60. HABITESQUE. 5. PEJERANTE. 6. QUATIT.

Sed qui limina bellicosa Jani	
Justis legibus, et foro coronat:	10
Qui castae Cereri diu negata	
Reddit jugera, sobriasque terras:	
Qui fortem vetat interire sexum;	
Et Censor prohibet mares adultos	
Pulchrae supplicium timere formae:	15
Qui reddit Capitolio Tonantem;	
Et Pacem propria domo reponit;	
Qui genti patriae futura semper	
Sancit limina, Flaviumque caelum;	
Hic, coeno bibulo viam gravante,	20
Et campis iter amne detinente,	
Longos eximit ambitus, novoque	
Injectu solidat graves arenas;	
Gaudens Euboicae domum Sibyllae,	
Gauranosque sinus, et aestuantes	25
Septem montibus admovere Baias.	
Hic quondam piger axe vectus udo	
Nutabat cruce pendula viator;	
Sorbebatque rotas maligna tellus;	
Et plebs in mediis Latina campis	30
Horrebat mala navigationis:	
Nec cursus agiles, et impeditum	
Tardabant iter orbitae tacentes,	
Dum pondus nimium querens sub alta	
Repit languida quadrupes statera:	35
At nunc, quae solidum diem terebat,	

---

[V. 19. CAELUM; antea CULMEN. ED. DR.] 20. Vulg. HIC SCENIS POPULI VIAS GRAVATAS. 21. iter OMNE DETINENTES. 27. UNO. 32. SED impeditum.



Horarum via facta vix duarum.

Non tensae volucrum per astra pennae,

Nec velocius ibitis, carinae.

Hic primus labor inchoare sulcos,

40

Et rescindere limites, et alto

Egestu penitus cavare terras:

Mox, haustas aliter replere fossas,

Et summo gremium parare dorso,

Ne nutent sola, ne maligna sedes,

45

Et pressis dubium cubile saxis.

Tunc umbonibus hinc et hinc coactis,

Et crebris iter alligare gomphis.

O quantae pariter manus laborant!

Hi caedunt nemus, exuuntque montes,

50

Hi ferro scopulos trabesque laevant;

Illi saxa ligant, opusque texunt

Cocto pulvere sordidoque topho:

Hi siccant bibulas manu lacunas,

Et longe fluvios agunt minores.

55

Hae possent et Athon cavare dextrae,

Et moestum pelagus gementis Helles

Intercludere ponte non natanti.

His parvus, Lecheo nihil vetante,

Inous freta miscuisset Isthmos.

60

Fervent litora, mobilesque silvae;

It longus medias fragor per urbes:

Atque Echo simul hinc et inde fractam

Gauro Massicus uvifer remittit.

Miratur sonitum quieta Cyme,

65

Et Literna palus, pigerque Savo.

At flavum caput, humidumque late

Crinem mollibus impeditus ulvis

Vulturnus levat ora, maximoque

Pontis Caesarei reclinis arcu

70

Raucis talia faucibus redundat:

CAMPORUM bone conditor meorum,

Qui me vallibus aviis refusum

Et ripas habitare nescientem

Recti legibus alvei ligasti:

75

Et nunc ille ego turbidus, minaxque,

Vix passus dubias prius carinas,

Jam pontem fero, perviusque calcor;

Qui terras rapere, et rotare silvas

Assueram (pudet), Amnis esse coepi:

80

Et grates ago, servitusque tanti est,

Quod sub te duce, te jubente, cessi,

Quod tu maximus arbiter, meaeque

Victor perpetuus legere ripae.

Et nunc limite me colis beato,

85

Nec sordere sinis, malumque late

Deterges sterilis soli pudorem;

Nec me pulvereum, gravemque coeno

Tyrrheni sinus obruet profundi;

(Qualis Cinyphius tacente ripa

90

Poenas Bagrada serpit inter agros)

Sed talis ferar, ut nitente cursu

Tranquillum mare proximumque possim

V. 66. Vulg. LINTERNA. 67. HUMIDUMQUE [quod Marklandi iussu nunc receptum, cum antea esset UVIDUM ED. DR.] 68. ULMIS. 71. PANDIS. 81. SED grates. [88. et 89. NEC — OBRUET; antea NE — OBRUAT. ED. DR.]



Puro gurgite provocare Lirim.  
 Haec Amnis: pariterque se levabat  
 Ingenti plaga marmorata dorso:  
 Hujus janua, prosperumque limen  
 Arcus, belligeri Ducis trophaeis  
 Et totis Ligurum nitens metallis,  
 Quantus nubila qui coronat imbri.  
 Illic flectitur exitus viarum;  
 Illic Appia se dolet relinqu.  
 Tunc velocior acriorque cursus,  
 Tunc ipsos juvat impetus jugales.  
 Ceu fessis ubi remigum lacertis  
 Primae, carbasa ventilatis, aurae.  
 Ergo omnes, age, quae sub axe primo  
 Romani colitis fidem parentis,  
 Prono limite commeate gentes.  
 Eoae citius venite laurus,  
 Nil obstat cupidis, nihil moratur.  
*Qui primo Tyberim reliquit ortu,*  
*Primo vespere navigat Lucrinum.*  
 Sed quam fine viae recentis imo,  
 Qua monstrat veteres Apollo Cumas,  
 Albam criminibus, infulisque cerno?  
 Visu fallimur? an sacris ab antris  
 Profert Chalcidicas Sibylla laurus?  
 Cedamus; chely, jam repone cantus;  
 Vates sanctior incipit; tacendum est.  
 En! et colla rotat, novisque late

95

100

105

110

115

120

Bacchatur spatiis, viamque replet.  
 Tunc sic virgineo profatur ore:  
 DICEBAM, veniet (manete campi,  
 Atque amnis) veniet, favente caelo, 125  
 Qui foedum nemus et putres arenas  
 Celsis pontibus, et via levabit.  
 En! hic est Deus; hunc jubet beatis  
 Pro se Juppiter imperare terris:  
 Quo non dignior has subit habenas, 130  
 Ex quo, me duce, praescios Averni  
 Aeneas avida futura quaerens  
 Lucos et penetravit, et reliquit.  
 Hic paci bonus, hic timendus armis,  
 Natura melior, potentiorque. 135  
 Hic si flammiferos teneret axes,  
 Largis, India, nubibus maderes,  
 Undaret Libye, teperet Aemus.  
 Salve, dux hominum, et parens deorum,  
 Praevisum mihi, cognitumque numen. 140  
 Nec jam putribus evoluta chartis  
 Solemni prece Quindecim virorum  
 Perlustra mea dicta; sed canentem  
 Ipsam cominus (ut mereris) audi:  
 Vidi quam seriem morantis aevi 145  
 Pronectant tibi candidae sorores:  
 Magnus te manet ordo saeculorum:  
 Natis longior abnepotibusque,  
 Annos perpetua geres juvena,  
 Quot fertur placidos obisse Nestor, 150

V. 137. Vulg. MADERET. [150. sq. repositum QUOT, quum utroque loco antea esset QUOS. ED. DR.]



Quot Tithonia computat senectus,  
 Et quantos ego Delium poposci.  
 Juravit tibi jam nivalis Arctos;  
 Nunc magnos Oriens dabit triumphos.  
 Ibis qua vagus Hercules, et Evan,  
 Ultra sidera, flammeumque solem,  
 Et Nili caput, et nives Atlantis:  
 Et laudum cumulo beatus omni  
 Scandes belliger, abnuesque currus:  
 Donec Troïcus ignis, et renatae  
 Tarpeius Pater intonabit aulae;  
 Haec donec via, te regente terras,  
 Annosa magis Appia senescat.

155

160

## IV.

## \* AD VICTORIUM MARCELLUM EPISTOLA.

CURRE per Euboicos non segnis, epistola, campos;  
 Hac ingressa vias, qua nobilis Appia crescit  
 In latus, et molles solidus premit agger arenas.  
 Atque ubi Romuleas velox penetraveris arcēs,  
 Continuo dextras flavi pete Tybridis oras,  
 Lydia qua penitus stagnum navale coërcet  
 Ripa, suburbanisque vadum praetexitur hortis.  
 Illic egregium formaque animisque videbis  
 Marcellum, et celso praesignem vertice nosces.

5

Cui primum solito vulgi de more salutem, 10  
 Mox inclusa modis haec reddere verba memento:  
 JAM terras volucremque polum fuga veris aquosi  
 Laxat, et Icariis caelum latratibus urit:  
 Ardua jam densae rarescunt moenia Romae.  
 Hos Praeneste sacrum, nemus hos glaciale Dianae, 15  
 Algidus aut horrens, aut Tuscula protegit umbra:  
 Tiburis hi lucos, Anienaque frigora captant.  
 Te quoque clamosae quaenam plaga mitior urbi  
 Subtrahit? aestivos quo decipis aëre soles?  
 Quid, tuus ante omnes, tua cura potissima Gallus 20  
 Nec non noster amor, (dubium morumne probandus  
 Ingeniine bonis) Latiis aestivat in oris?  
 Anne metalliferae repetit jam moenia Lunae  
 Tyrrhenasque domos? quod si tibi proximus haeret,  
 Non ego nunc vestro procul a sermone recedo: 25  
 Certum est: inde sonus geminas mihi circuit aures.  
 Sed tu, dum nimio possessa Hyperione flagrat  
 Torva Cleonaei juba sideris, exue curis  
 Pectus, et assiduo temet furare labori.  
 Et sontes operit pharetras, arcumque retendit 30  
 Parthus; et Elèos auriga, laboribus actis,  
 Alpheo permulcet equos: et nostra fatiscit  
 Laxaturque chelys. vires instigat, alitque  
 Tempestiva quies: major post otia virtus.  
 Talis cantata Briseïde venit Achilles 35  
 Acrior, et positis erupit in Hectora plectris.  
 Te quoque flammabit tacite repetita parumper  
 Desidia, et solitos novus exultabis in actus.



Certe jam Latiae non miscent jurgia leges,  
 Et pacem piger annus habet; messesque reversae. 40  
 Dimisere forum. nec jam tibi turba reorum.  
 Vestibulo, querulive rogant exire clientes.  
 Cessat Centeni moderatrix Judicis hasta,  
 Qua tibi sublimi jam nunc celeberrima fama  
 Eminent, et juvenes facundia praeterit annos. 45  
 Felix curarum! cui non Heliconia cordi  
 Serta, nec imbelles Parnasi e vertice laurus:  
 Sed viget ingenium, et magnos accinctus in usus  
 Fert animus quascunque vices. nos otia miti  
 Solamur cantu, ventosaque gaudia famae 50  
 Quaerimus. En egomet somnum, et geniale secutus.  
 Litus, ubi Ausonio se condidit hospita portu.  
 Parthenope, tenues ignavo pollice chordas  
 Pulso, Maroneique sedens in margine templi  
 Sumo animum, et magni tumulis accanto magistri: 55  
 At tu, si longi cursum dabit Atropos aevi,  
 (Detque, precor) Latiiue ducis si numina pergent,  
 (Quem tibi posthabito studium est coluisse Tonante,  
 Quique tuos alio subtexit munere fascas,  
 Et spatia antiquae mandat renovare Latinae). 60  
 Forsitan Ausonias ibis frenare cohortes,  
 Aut Rheni populos, aut nigrae litora Thules.  
 Aut Istrum servare latus, metuendave portae  
 Limina Caspiacae. nec enim tibi sola potentis  
 Eloquii virtus; sunt membra accommoda bellis. 65  
 Quique gravem tardi subeant thoraca lacerti.

V. 42. Vulg. querulive. 49. L. otia MITI [quod nunc in textum recepimus, cum antea esset VITAE. ED. DR.]  
 57. Vulg. SIC numina PERGANT. 60. OBLIQUAE. [63. metunedave, antea metuendaque. ED. DR.] 66. L. VA-  
 LIDI subeant.

Seu campo pedes ire paras, est agmina supra  
 Nutaturus apex; seu frena sonantia flectes,  
 Serviet asper equus. Nos facta aliena canendo  
 Vergimur in senium: propriis tu pulcher in armis 70  
 Ipse canenda geres, patriaeque exempla parabis.  
 Magna pater, dignosque etiamnum belliger actus  
 Poscit avus, praestatque domi novisse triumphos.  
 Surge agedum, juvenemque puer deprendere parentem,  
 Stemmata materno felix, virtute paterna. 75  
 Jam te blanda sinu Tyrio sibi Curia felix  
 Educat, et cunctas gaudet spondere curules.  
 Haec ego Chalcidicis ad te, Marcelle, sonabam  
 Litoribus, fractas ubi Vesbius erigit iras,  
 Aemula Trinacriis volvens incendia flammis. 80  
 Mira fides! credetne virum ventura propago,  
 Cum segetes iterum, cum jam haec deserta virebunt,  
 Infra urbes populosque premi, proavitaque toto  
 Rura abiisse mari? nec dum letale minari  
 Cessat apex. procul ista tuis, Tifata, Teate, 85  
 Nec Marrucinos agat haec insania montes.  
 Nunc si forte, meis quae sint exordia Musis  
 Scire petis, jam Sidonios emensa labores.  
 Thebaïs optato collegit carbasa portu:  
 Parnasique jugis, silvaeque Heliconide festis 90  
 Tura dedit flammis, et virginis exta juvencae,  
 Votiferaque meas suspendit ab arbore vittas.  
 Nunc vacuos crines alio subit infula nexu:  
 Troja quidem, magnusque mihi tentatur Achilles;

V. 72. Vulg. Magna GERES: dignosque etc. 76. GLORIA. 79. EGERIT. 85. Forte, procul ista TIBI SINT FATA, Teate.



Sed vocat arcitenens alio pater, armaque monstrat 95  
 Ausonii majora ducis. trahit impetus illo  
 Jam pridem, retrahitque timor. stabuntne sub illa  
 Mole humeri? an magno vincetur pondere cervix?  
 Dic, Marcelle, feram? fluctus an sueta minores  
 Nosse ratis, nondum Ioniis credenda periclis? 100  
 Jamque vale, et penitus noti tibi vatis amorem  
 Corde exire veta. nec enim Tirynthius almae  
 \* Pectus amicitiae. cedit tibi gloria fidi  
 Theseos, et lacerum qui circa moenia Trojae  
 Priamidem, caeso solatia traxit amico. 105

## V.

## \* CARMEN LYRICUM AD SEPT. SEVERUM.

**P**ARVI beatus ruris honoribus,  
 Qua prisca Teucros Alba colit lares,  
 Fortem atque facundum Severum  
 Non solitis fidibus saluto.  
 Jam trux ad Arctos Parrhasias hiems 5  
 Concessit altis obruta solibus:  
 Jam pontus, ac tellus renident,  
 Jam Zephyris Aquilo refractus.  
 Nunc cuncta vernans frondibus annuis  
 Crinitur arbos; nunc volucrum novi 10  
 Questus, inexpertumque carmen,

V. 99. Vulg. FERAT fluctus ADSUETA, [nunc receptum est FERAM, cum antea esset FERET. ED. DR.]

\* deest CARMEN. 9. VERIS.

Quod tacita statuere bruma.  
 Nos parca tellus, pervigil et focus,  
 Culmenque multo lumine sordidum  
     Solantur, exemptusque testa  
     Qua modo ferbuerat Lyaeus.  
 Non mille balant lanigeri greges,  
 Nec vacca dulci mugit adultero:  
     Unique si quando canenti  
     Mutus ager domino reclamatur.  
 Sed terra primis post patriam mihi  
 Dilecta curis: hic mea carmina  
     Regina bellorum virago  
     Caesareo decoravit auro:  
 Cum tu sodalis dulce periculum  
 Connisus omni pectore tolleres;  
     Ut Castor ad cunctos tremebat  
     Bebryciae strepitus arenae.  
 Tene in remotis Syrtibus avia  
 Leptis creavit? jam feret Indicas  
     Messas, odoratisque rara  
     Cinnama praeripiet Sabaeis.  
 Quis non in omni vertice Romuli  
 Reptasse dulcem Septimium putet?  
     Quis fonte Juturnae, relictis  
     Uberibus, neget esse pastum?  
 Nec mira virtus. protenus Ausonum  
 Portus, dolosae nescius Africae  
     Intras, adoptatusque Tuscis

15

20

25

30

35

V. 22. Vulg. RUIC. 24. PERARAVIT. [37. NEC Marklandus restitui iussit, cum antea HAEC esset. ED. DR.]  
 38. VADOSAE.



Gurgitibus puer innatasti.  
 Hic parvus, inter pignora Curiae,  
 Contentus arto lumine purpurae,  
 Crescis; sed immensos labores  
 Indole patricia secutus.  
 Non sermo Poenus, non habitus tibi,  
 Externa non mens: Italus, Italus.  
 Sunt Urbe Romanisque turmis  
 Qui Libyam decorant alumni?  
 Est et frequenti vox habilis foro,  
 Venale sed non eloquium tibi;  
 Ensisque vagina quiescit  
 Stringere ni jubeant amici.  
 Sed rura cordi saepius et quies,  
 Nunc in paternis sedibus et solo  
 Veiente, nunc frondosa supra  
 Hernica, nunc Curibus vetustis.  
 Hic plura pones vocibus et modis  
 Passu solutis: sed memor interim  
 Nostri, verecundo latentem  
 Barbiton ingemina sub antro.

## VI.

## HERCULES EPITRAPEZIOS NONII VINDICIS.

**F**ORTE remittentem curas, Phoeboque levatum  
 Pectora, cum patulis tererem vagus otia Septis

Jam moriente die, rapuit me cena benigni  
 Vindicis. haec imos animi perlapsa recessus  
 Inconsumpta manet. neque enim ludibria ventris 5  
 Hausimus, aut epulas diverso e sole petitas,  
 Vinaque perpetuis aevo certantia fastis.  
 Ah miseri, quos nosse juvat, quid Phasidis ales  
 Distet ab hiberna Rhodopes grue: quis magis anser  
 Exta ferat: cur Thuscus aper generosior Umbro: 10  
 Lubrica qua recubent conchylia mollius alga.  
 Nobis verus amor, medioque Helicone petitus  
 Sermo, hilaresque joci brumalem absumere noctem  
 Suaserunt, mollemque oculis expellere somnum;  
 Donec ab Elysiis prospexit sedibus alter 15  
 Castor, et hesternas risit Tithonia mensas.  
 O bona nox! junctaque utinam Tirynthia luna!  
 Nox, et Erythraeae Thetidis signanda lapillis,  
 Et memoranda diu geniumque habitura perennem.  
 Mille ibi tunc species aerisque eborisque vetusti, 20  
 Atque locuturas mentito corpore ceras  
 Edidici. quis namque oculis certaverit usquam  
 Vindicis, artificum veteres cognoscere ductus,  
 Et non inscriptis auctorem reddere signis?  
 Hic tibi quae docto multum vigilata Myroni 25  
 Aera, laboriferi vivant quae marmora caelo  
 Praxitelis, quod ebur Pisaeo pollice rasum,  
 Quod Polycleteis jussum est spirare caminis,  
 Linea quae veterem longe fateatur Apellem,  
 Monstrabit: namque haec, quoties chelyn exuit ille, 30  
 Desidia est; hic Aoniis amor avocat antris.



Haec inter, festae Genius tutelaque mensae  
 Amphitryoniades, multo mea cepit amore  
 Pectora, nec longo satiavit lumina visu:  
 Tantus honos operi, finesque inclusa per artos 35  
 Majestas! Deus ille, Deus; seseque videndum  
 Indulsit Lysippe tibi, parvusque videri  
 Sentirique ingens. et cum mirabilis intra  
 Stet mensura pedem, tamen exclamare libebit,  
 (Si visus per membra feras) HOC pectore pressus 40  
 Vastator Nemees; haec exitiale ferebant  
 Robur, et Argoos frangebant brachia remos.  
 Hoc spatium, tam magna, brevi, mendacia formae!  
 Quis modus in dextra, quanta experientia docti  
 Artificis curis, pariter gestamina mensae 45  
 Fingere, et ingentes animo versare colossos?  
 Tale nec Idaeis quicquam Telchines in antris,  
 Nec solidus Brontes, nec qui polit arma deorum  
 Lemnius, exigua potuisset ludere massa.  
 Nec torva effigies epulisque aliena remissis; 50  
 Sed qualem parci domus admirata Molochi,  
 Aut Aleae lucis vidit Tegeaea sacerdos:  
 Qualis ab Oetaeis emissus in astra favillis  
 Nectar adhuc torva laetus Junone bibebat:  
 Sic mitis vultus, veluti de pectore gaudens 55  
 Hortetur mensas. tenet haec marcentia fratris  
 Pocula, ad haec clavae meminit manus: aspera sedes  
 Sustinet, occultum Nemeaeo tegmine saxum.  
 Digna operi fortuna sacro: Pellaeus habebat.  
 Regnator lactis numen venerabile mensis, 60

[V. 32. FESTAE, antea CASTAE. ED. DR.] 35. Vulg. FIRMOSQUE inclusa per ARTUS. 53. Qualis ET Oetaeis.  
 57. ADHUC SAEVAE meminit manus ALTERA CAEDIS.

Et comitem Occasus secum portabat et Ortus:  
 Prensabatque libens modo qua diademata dextra  
 Abstulerat dederatque; et magnas verterat urbes.  
 Semper ab hoc animos in crastina bella petebat,  
 Huic acies victor semper narrabat opimas,  
 Sive catenatos Bromio detraxerat Indos,  
 Seu clausam magna Babylona refregerat hasta,  
 Seu Pelopis terras libertatemque Pelasgam  
 Obruerat bello: magnoque ex agmine laudum  
 Fertur Thebanos tantum excusasse triumphos.  
 Ille etiam, magnos fatis rumpentibus actus,  
 Cum traheret letale merum, jam mortis opaca  
 Nube gravis, vultus alios in numine caro  
 Aeraque supremis tenuit sudantia mensis.  
 Mox Nasamoniaco decus admirabile regi  
 Possessum; fortique Deo libavit honores  
 Semper atrox dextra perjuroque ense superbus  
 Annibal. Italicae perfusum sanguine gentis,  
 Diraque Romuleis portantem incendia tectis  
 Oderat, et cum epulas, et cum Lenaea dicaret  
 Dona, Deus castris moerens comes isse nefandis.  
 Praecipue cum sacrilega face miscuit arces  
 Ipsius, immeritaeque domos ac templa Sagunti  
 Polluit, et populis furias immisit honestas.  
 Nec post Sidonii lethum ducis aere potita  
 Egregio plebeia domus: convivia Syllae  
 Comebat, semper claros intrare penates  
 Assuetum, et felix dominorum stemmate signum.

65

70

75

80

85

V. 65. Forte, REFEREBAT opimas. - 66. Forte, DEVICERAT. 74. Vulg. TIMUIT. 82. SACRILEGUS. 83. IMMERITASQUE. 87. ORNABAT.



Nunc quoque (si mores humanaque pectora curae  
 Nosse Deis) non aula quidem, Tirynthie, nec t 90  
 Regius ambit honos: sed casta, ignaraque culpae  
 Mens domini, cui pr̄isca fides, coeptaque perenne  
 Foedus amicitiae. scit adhuc florente sub aevo  
 Par magnis Vestinus avis, quem nocte dieque  
 Spirat, et in carae vivit complexibus umbrae. 95  
 Hic igitur tibi laeta quies, fortissime Divum  
 Alcide: nec bella vides pugnascque feroces,  
 Sed chelyn, et vittas, et amantes carmina laurus.  
 Hic tibi solenni memorabit carmine, quantus  
 Iliacas Geticasque domos, quantusque nivalem 100  
 Stymphalon, quantusque jugis Erimanthon aquosis  
 Terrueris: quem te pecoris possessor Iberi,  
 Quem tulerit saevae Mareoticus arbiter arae.  
 Hic penetrata tibi spoliataque limina Mortis  
 Concinet, et flentes Libyae, Scythiaeque puellas. 105  
 Nec te regnator Macetum, nec barbarus unquam  
 Annibal, aut saevi posset vox horrida Syllae  
 His celebrare modis. certe tu muneris author  
 Non aliis malles oculis, Lysippe, probari.

---

V. 98. Forte, amantes TEMPO-A laurus. 105. Vulg. SCYTHIAEVE.

## VII.

## LYRICUM AD MAXIMUM JUNIUM.

JAMDIU lato spatiata campo

Fortis heroos Erato labores

Differ, atque ingens opus in minores

Contrahe gyros.

Tuque regnator Lyricae cohortis

Da novi paulum mihi jura plectri,

Si tuas cantu Latio sacravi,

Pindarè, Thebas.

Maximo carmen tenuare tento:

Nunc ab intonsa capienda myrto

Serta; nec major sitis; et bibendus

Castior amnis.

Quando te dulci Latio remittent

Dalmatae montes? ubi Dite viso

Pallidus fossor redit, erutoque

Concolor auro.

Ecce me natum propiore terra

Non tamen portu retinent amoeno

Desides Baiæ, liticenve notus

Hectoris armis.

Torpor est nostris sine te Camoenis;

Tardius sueto venit ipse Thymbrae

Rector, et primis meus ecce metis

Haeret Achilles.



Quippe, te fido monitore, nostra	25
Thebais multa cruciata lima	
Tentat audaci fide Mantuanae	
Gaudia famae.	
Sed damus lento veniam, quod alma	
Prole fundasti vacuos penates.	30
O diem laetum! venit ecce nobis	
Maximus alter.	
Orbitas omni fugienda nisu,	
Quam premit votis inimicus haeres,	
Optimo poscens (pudet heu) propinquum	35
Funus amico.	
Orbitas nullo tumultu fletu.	
Stat domo capta cupidus superstes	
Imminens leti spoliis, et ipsum	
Computat ignem.	40
Duret in longum generosus infans,	
Perque non multis iter expeditum	
Crescat in mores patrios, avumque	
Provocet actis!	
Tu tuos parvo memorabis enſes,	45
Quos ad Eoum tuleris Orontem	
Signa frenatae moderatus alae	
Castore dextro:	
Ille, ut invicti rapidum secutus	
Caesaris fulmen, refugis amaram	50
Sarmatis legem dederit, sub uno	
Vivere caelo.	

Sed tuas artes puer ante discat,  
 Omne quîs mundi senium remensus  
 Orsa Sallusti brevis, et Timavi  
 Reddis alumnum.

55

## VIII.

## AD JULIUM MENECRATEM OB PROLEM.

PANDE fores Superum, vittataque templa Sabaeis  
 Nubibus et pecudum fibris spirantibus imple  
 Parthenope: clari genus ecce Menecratis auget  
 Tertia jam soboles: procerum tibi nobile vulgus  
 Crescit, et insani solatur damna Vesevi.  
 Nec solum festas secreta Neapolis aras  
 Ambiat: et socii portus, dilectaque mitis  
 Terra Dicarcheae, nec non plaga cara madenti  
 Surrentina Deo sertis altaria cingat;  
 Materni qua litus avi, quem turba nepotum  
 Circuit, et similes contendit reddere vultus.  
 Gaudeat et Libyca praesignis avunculus hasta;  
 Quaeque sibi genitos putat, attollitque benigno  
 Polla sinu. macte o juvenis, qui tanta merenti  
 Lumina das patriae. dulci fremit ecce tumultu  
 Tot dominis clamata domus. procul atra recedat  
 Invidia, atque alio liventia pectora flectat.  
 His senium, longaeque decus virtutis, et alba  
 Atropos, et patrius lauros promittit Apollo.

5

10

15



Ergo quod Ausoniae pater augustissimus urbis 20  
 Jus tibi tergeminae dederat laetabile prolis,  
 Omen erat. venit toties Lucina, piūmque  
 Intravit repetita larem. sic fertilis oro  
 Stet domus, et donis nunquam nudata sacratis.  
 Macte, quod et proles tibi saepius aucta virili 25  
 Robore: se juveni laetam dat virgo parenti:  
 Aptior his virtus, citius dabit illa nepotes.  
 Qualis maternis Helene jam digna palaestris  
 Inter Amyclaeos reptabat candida fratres:  
 Vel qualis caeli facies, ubi nocte serena 30  
 Admovere jubar mediae duo sidera Lunae.  
 Sed queror haud faciles, juvenum rarissime, questus,  
 Irascorque etiam, quantum irascuntur amantes.  
 Tantane me decuit vulgari gaudia fama  
 Noscere? cumque tibi vagiret tertius infans, 35  
 Protinus ingenti non venit nuntia cursu  
 Litera, quae festos cumulare altaribus ignes,  
 Et redimire chelyn, postesque ornare juberet,  
 Albanoque cadum sordentem promere fumo,  
 Et creta signare diem? sed tardus inersque 40  
 Nunc demum mea vota cano? tua culpa, tuusque  
 Hic pudor. ulterius sed enim producere questus  
 Non licet: en hilaris circumstat turba tuorum,  
 Defensatque patrem. quem non hoc agmine vincas?  
 Di Patrii, quos auguriis super aequora magnis 45  
 Litus ad Ausonium devexit Abantia classis;  
 Tu, ductor populi longe emigrantis, Apollo,  
 Cujus adhuc volucrem laeva cervice sedentem

Respiciens blande felix Eumelis adorat;  
 Tuque, Actaea Ceres, cursu cui semper anhelò 50  
 Votivam taciti quassamus lampada mystae:  
 Et vos, Tyndaridae, quos non horrenda Lycurgi  
 Taygeta, umbrosaeve magis coluere Therapnae,  
 Hos cum plebe sua patrii servate Penates.  
 Sint qui fessam aevo crebrisque laboribus urbem 55  
 Voce opibusque juvent, viridique in nomine servent.  
 His placidos genitor mores, largumque nitorem  
 Monstret avus; pulchrae studium virtutis uterque.  
 Quippe et opes et origo sinunt, hanc, lampade prima  
 Patritias intrare fores; hos, pube sub ipsa 60  
 (Si modo prona bonis invicti Caesaris adsint  
 Numina) Romulei limen pulsare Senatus.

## IX.

## RISUS SATURNALITIUS AD PLOTIUM \*GRYPHUM.

**E**ST sane jocus iste, quòd libellum  
 Misisti mihi, Gryphe, pro libello.  
 Urbanum tamen hoc potest videri,  
 Si post hoc aliquid mihi remittas:  
 Nam si ludere, Gryphe, perseveras,  
 Non ludis. licet, ecce, computemus:  
 Noster purpureus novusque charta,  
 Et binis decoratus umbilicis,

5

V. [53. umbrosae VE, antea umbrosaeque. ED. DR.] 59. Vulg. HAC. 60. HOC. \* Vulg. AD PLOTIUM.



Praeter me, mihi constitit decussis.

Tu rosum tineis situque putrem,

10

Quales aut Libycis madent olivis,

Aut tus Niliacum, piperve servant,

Aut Byzantiacos olent lacertos;

Nec saltem tua dicta continentem.

Quae trino juvenis foro tonabas,

15

Aut centum prope iudices, prius quam

Te Germanicus arbitrum sequenti

Annonae dedit, omniumque late

Praefecit stationibus viarum;

Sed Bruti senis oscitationes

20

De capsâ miseri libellionis,

Emptum plus minus asse Caïano,

Donas. usque adeone defuerunt

Scissis pilea suta de lacernis?

Vel mantilia, luridaeve mappae?

25

Chartae, Thebaïcae, caricaeve?

Nusquam turbine conditus ruenti

Prunorum globus, atque coctanorum?

Non ellychnia sicca, non repletæ

Bulborum tunicae, nec ova tantum?

30

Non leves alicae, nec asperum far?

Nusquam Cinyphiis vagata campis

Curvarum domus uda cochlearum?

Non lardum breve, debilisve perna?

Non Lucanica, non graves Phalisci,

35

Non sal, oxygarumve, caseusve,

Aut panes viridantis aphronitri,

Vel passum psythiis suis recoctum,  
Dulci defruta vel lutoso coeno?  
Quantum vel dare cereos olentes, 40  
Cultellum, tenuesve codicillos?  
Ollares, rogo, non licebat uvas,  
Cumano patinas vel orbe tortas,  
Aut unam dare synthesin (quid horres?)  
Alborum calicum, atque caccaborum? 45  
Sed certa velut aequus in statera,  
Nil mutas, sed idem nihil rependis.  
Quid? si cum bene mane semicrudus  
Illatam tibi dixero salutem,  
Et tu me vicibus domi salutes? 50  
Aut cum me dape juveris opima,  
Expectes similes et ipse cenas?  
Irascor tibi, Gryphe. sed valebis:  
Tantum ne mihi, quo soles lepore, 55  
Et nunc hendecasyllabos remittas.

---

40. Vulg. NITENTES. 43. IN orbe. [47. NIHIL, antea MIHI. ED. DR.]



P. PAPINII STATII  
S I L V A R U M

LIBER QUINTUS.

---

AD ABASCANTIUM.

**O**mnibus affectibus proseguenda sunt bona exempla cum publice prosint. Pietas quam Priscillae tuae praestas, et morum tuorum pars est, et nulli non conciliare te, praecipue marito potest. Uxorem enim vivam amare, voluptas est, defunctam religio. Ego tamen huic operi non ut unus e turba, nec tantum quasi 5 officiosus assilui. amavit enim uxorem meam Priscilla, et amando fecit mihi illam probatiorem. post hoc ingratus sum si lacrimas tuas transeo. Praeterea, latus omne divinae domus semper demereri pro mea mediocritate conctor. nam qui bona fide Deos colit, amat et sacerdotes. Sed quamvis propiorem nexum amicitiae 10 tuae jampridem cuperem, mallem tamen nondum intervenisse materiam. \*\*\*RELIQUA DESUNT.

---

Lin. 3. Vulg. PARS, NULLI. 5. SED TAMEN TUM quasi. 11. Forte, mallem TALEM nondum.

## I.

## ABASCANTII IN PRISCILLAM PIETAS.

**S**I manus aut similes docilis mihi fingere ceras,  
 Aut ebur, impressis aurumve animare figuris;  
 Hinc, Priscilla, tuo solatia grata marito  
 Conciperem. namque egregia pietate meretur  
 Ut vel Apelleo vultus signata colore, 5  
 Phidiaca vel nata manu, reddare dolenti:  
 Sic auferre rogis umbram conatur, et ingens  
 Certamen cum Morte gerit, curasque fatigat  
 Artificum, inque omni te quaerit amare metallo.  
 Sed mortalis honos, agilis quem dextra laborat. 10  
 Nos tibi, laudati juvenis rarissima conjux,  
 Longa, nec obscurum finem latura, perenni  
 Tentamus dare justa lyra: modo dexter Apollo,  
 Quique venit juncto mihi semper Apolline Caesar,  
 Annuat. haud alio melius condere sepulchro. 15  
 Sera quidem tanto struitur medicina dolori,  
 Altera cum volucrem Phoebi rota torqueat annum:  
 Sed cum plaga recens, et adhuc in vulnere primo  
 Aegra domus questu, miseramque accessus ad aurem  
 Conjugis orbati, tunc flere et scindere vestes 20  
 Et famulos lassare greges, et vincere planctus,  
 Fataque, et injustos rabidis pulsare querelis  
 Caelicolas, solamen erat. licet ipse levandos  
 Ad gemitus silvis comitatus et amnibus Orpheus

[V. 17. VOLUCREM, sic Marklandus restitui jussit, cum antea VOLUCRIS legeretur. *ED. DR.*] 19. Vulg. NIGRA.



Afforet, atque omnis pariter matertera vatem, 25  
 Omnis Apollineus tegeret Bacchique sacerdos;  
 Nil cantus, nil fila, deis pallentis Averni  
 Eumenidumque audita comis, mulcere valerent:  
 Tantus in attonito regnabat pectore luctus!  
 Nunc etiam ad planctus refugit jam plana cicatrix 30  
 Dum canimus, gravibusque oculis uxorius instat  
 Imber. habentne pios etiamnum haec lumina fletus?  
 Mira fides! citius genitrix Sipylea feretur  
 Exhaustisse genas; citius Tithonida moesti  
 Deficient rores, aut exsiccata fatiscet 35  
 Mater Achilleis hiemes affrangere bustis.  
 Macte animi: notat ista Deus, qui flectit habenas  
 Orbis, et humanos propior Jove digerit actus;  
 Moerentemque videt, lectique arcana ministri  
 Hinc etiam documenta capit, quod diligis umbram 40  
 Et colis exequias. hic est castissimus ardor;  
 Hic amor a Domino meritus Censore probari.  
 Nec mirum, si vos collato pectore mixtos  
 Junxit inabrupta Concordia longa catena!  
 Illa quidem, nuptuque prior, taedasque marito 45  
 Passa alio; sed te ceu virginitate jugatum  
 Visceribus totis, animoque amplexa fovebat.  
 Qualiter aequaevo sociatam palmite vitem  
 Ulmus amat, miscetque nemus, ditemque precatur  
 Autumnum, et caris gaudet redimita racemis. 50  
 Laudentur proavis, seu pulchrae munere formae;  
 Quae morum caruere bonis, falsaque potentes  
 Laudis egent verae. tibi, quanquam et origo niteret

Et felix species, multumque optanda maritis,  
 Ex te major honos, unum novisse cubile, 55  
 Unum secretis agitare sub ossibus ignem.  
 Illum nec Phrygius vitiasset raptor amorem,  
 Dulichiive proci; nec qui fraternus adulter  
 Casta Mycenæo connubia polluit auro.  
 Si Babylonis opes, Lydae si pondera gazae, 60  
 Indorumque dares Serumque Arabumque potentes,  
 Divitias, mallet cum paupertate pudica  
 Intemerata mori, vitamque rependere famae.  
 Nec frons triste rigens, nimiusque in moribus horror:  
 Sed simplex, hilarisque fides, et mixta pudori 65  
 Gratia. quod si anceps metus ad majora vocasset,  
 Illa vel armiferas pro conjuge laeta catervas,  
 Fulmineosque ignes, mediique pericula ponti,  
 Exciperet. melius, quod non adversa probarunt  
 Quae tibi cura tori, quantus pro conjuge pallor. 70  
 Sed meliore via dextros tua vota marito  
 Promeruere Deos; dum nocte dieque fatigas  
 Numina, dum cunctis supplex advolveris aris,  
 Et mitem Genium Domini praesentis adoras.  
 Audita es: venitque gradu Fortuna benigno. 75  
 Vidit quippe pii juvenis navamque quietem  
 Intactamque fidem succinctaque pectora curis,  
 Et vigiles sensus, et digna evolvere tantas  
 Sobria corda vices; vidit, qui cuncta suorum  
 Novit, et inspectis ambit latus omne ministris. 80  
 Nec mirum: videt ille ortus, obitusque; quid Auster,  
 Quid Boreas hibernus agat; ferrique togaeque

---

63. Vulg. IMPENDERE. 76. RARAMQUE. [81. AUSTER, in priore edit. ARCTOS. ED. DR.]



Consilia; atque ipsam mentem probat. ille subactis  
 Molem immensam humeris, et vix tractabile pondus  
 Imposuit, (nec enim numerosior altera sacra 85  
 Cura domo) magnum late dimittere in orbem  
 Romulei mandata Ducis; viresque modosque  
 Imperii tractare manu: quae laurus ab Arcto,  
 Quid vagus Euphrates, quid ripa binominis Istri,  
 Quid Rheni vexilla ferant: quantum ultimus orbis 90  
 Cesserit, et refluxo circumsona gurgite Thule.  
 Omnia nam laetas pila attollentia frondes,  
 Nullaque famosa signatur lancea pinna.  
 Praeterea, fidos Dominus si dividat enses,  
 Pandere quis centum valeat frenare manipulis 95  
 Intermixtus equos: quis praecepisse cohorti:  
 Quem deceat clari praestantior ordo tribuni:  
 Quisnam frenigeræ signum dare dignior alae.  
 Mille etiam praenosse vices: an merserit agros  
 Nilus, an imbrifero Libye sudaverit Austro: 100  
 Cunctaque si numerem, non plura interprete virga  
 Nuntiat e celsis ales Tegeaticus astris;  
 Quaeque cadit liquidas Junonia virgo per auras,  
 Et picturato pluvium ligat aëra gyro;  
 Quaeque tuas laurus volucris, Germanice, curru 105  
 Fama vehit, praegressa diem, tardumque sub astris  
 Arcada, et in medio linguens Thaumantida caelo.  
 Qualem te Superi, Priscilla, hominesque benigno  
 Aspexere die cum primum ingentibus actis  
 Admotus conjux! vicisti gaudia certe 110

V. 93. Vulg. MULTAQVE FUMOSA. 95, 96. MANIPLOS INTERMISSUS EQUES. 105. CURSU. 107. LINQUIT.  
 10. CENAE.

Ipsius, adfuso dum pectore prona sacratos  
 Ante pedes avide Domini tam magna merentis  
 Volveris. Aonio non sic in vertice gaudet  
 Quam pater arcani praecepit hiatibus antri  
 Delius, aut primi cui jus venerabile thyrsi 115  
 Bacchus, et attonitae tribuit vexilla catervae.  
 Nec tamen hic mutata quies, probitasve secundis  
 Intumuit: tenor idem animo, moresque modesti,  
 Fortuna crescente, manent. foyet anxia curas  
 Conjugis, hortaturque simul, flectitque labores. 120  
 Ipsa dapes modicas, et sobria pocula tradit,  
 Exemplumque ad herile monet. velut Appula conjux  
 Agricolae parci, vel sole infecta Sabina,  
 Quae videt emeriti, jam prospectantibus astris,  
 Tempus adesse viri, propere mensasque torosque 125  
 Instruit, expectatque sonum redeuntis aratri.  
 Parva loquor: tecum gelidas comes illa per Arctos,  
 Sarmaticasque hiemes, Istrumque, et pallida Rheni  
 Frigora, tecum omnes animo durare per aestus,  
 Et, si castra darent, vellet gestare pharetras, 130  
 Vellet Amazonia latus intercludere pelta;  
 Dum te pulverea bellorum in nube videret  
 Caesarei prope fulmen equi, divinaque tela  
 Librantem, et magnae sparsum sudoribus hastae.  
 Hactenus alma chelys: tempus nunc ponere frondes, 135  
 Phoebe, tuas, moestaque comam damnare cupresso.  
 Quisnam impacata consanguinitate ligavit  
 Fortunam Invidiamque Deus? quis jussit iniquas  
 Aeternum bellare deas? nullamne notavit



Illa domum, torvo quam non haec lumine figat 140  
 Protenus, et saeva perturbet gaudia dextra?  
 Florebant hilares inconcussique penates;  
 Nil moestum: quid enim, quamvis infida levisque,  
 Caesare tam dextro, posset Fortuna timeri?  
 Invenere viam liventia Fata, piumque 145  
 Intravit vis saeva larem. sic plena maligno  
 Afflantur vineta Noto: sic alta senescit  
 Imbre seges nimio: rapidae sic obvia puppi  
 Invidet, et velis adnubilat aura secundis.  
 Carpitur eximium fato Priscilla decorem: 150  
 Qualiter alta comam silvarum gloria pinus  
 Seu Jovis igne malo, seu jam radice soluta,  
 Deficit, et nulli spoliata remurmurat aurae.  
 Quid probitas, aut casta fides, quid numina prosunt  
 Culta Deûm? furvae miseram circum undique leti 155  
 Vallavere plagae. tenuantur dura sororum  
 Licia, et exacti superest pars ultima fili.  
 Nil famuli coetus, nil ars operosa medentum  
 Auxiliata malis. comites tamen undique ficto  
 Spem simulant vultu: flentem notat illa maritum. 160  
 Ille modo infernae nequicquam flumina Lethes  
 Incorrupta rogat: nunc anxius omnibus aris  
 Illachrymat, signatque fores, et pectore terget  
 Limina: nunc magni vocat exorabile numen  
 Caesaris. Heu durus Fati tenor! estne quod illi 165  
 Non liceat? quantae poterant mortalibus annis  
 Accessisse morae, si tu, pater, omne teneres  
 Arbitrium? caeco gemeret Mors clusa barathro,

Longius et vacuae posuissent stamina Parcae.

Jamque cadunt vultus, oculisque novissimus error, 170

Obtusaeque aures, nisi cum vox sola mariti

Noscitur. illum unum media de morte reversa

Mens videt; illum aegris circumdat fortiter ulnis

Immotas obversa genas; nec sole supremo

Lumina, sed dulci mavult satiare marito. 175

Tunc sic unanimum moriens solatur amantem:

PARS animae victura meae, cui linquere possem

O utinam quos dura mihi rapit Atropos annos,

Parce precor lacrimis, saevo nec concute planctu

Pectora, nec crucia fugientem conjugis umbram. 180

Linquo equidem thalamos (salvo tamen ordine) moesti

Quod prior. exegi longa potiora senecta

Tempora; vidi omni te pridem in flore nitentem,

Vidi altae propius propiusque accedere dextrae:

Non in te Fatis, non jam Caelestibus ullis 185

Arbitrium: mecum ista fero. tu limite coepto

Tende libens, sacrumque latus, Geniumque potentem

Irrequietus ama. nunc, quod cupis ipse juberi,

Da Capitolinis aeternum sedibus aurum,

Quo niteant sacri centeno pondere vultus 190

Caesaris; et propriae signa cultriciis amorem.

Sic ego nec Furias, nec deteriora videbo

Tartara, et Elysias felix admittar in oras.

Haec dicit labens, sociosque amplexitur artus,

Haerentemque animam non tristis in ora mariti 195

Transtulit, et cara pressit sua lumina dextra.

V. 170. Vulg. HORROR. 177. POSSIM. 181. MOESTOS. Quod prior exegi etc. 190. NITEAT. 191. SIGNET  
193. AD ORAS.



At juvenis magno flammatus pectora luctu,  
 Nunc implet saevo viduos clamore penates:  
 Nunc ferrum laxare cupit: nunc ardua tendit  
 In loca: vix retinent comites. nunc ore ligato 200  
 Incubat amissae, mersumque in corde dolorem  
 Saevus agit. qualis conspecta conjuge segnis  
 Odrysius vates positus ad Strymona plectris  
 Obstupuit, tristemque rogum sine carmine flevit.  
 Ille etiam certae rupisset tempora vitae, 205  
 Ne tu Tartareum Chaos incommutata subires:  
 Sed prohibet mens fida Duçi, jurataque sacris  
 Imperiis, et major amor. Quis carmine digno  
 Exequias et dona malae feralia pompae  
 Perlegat? omne illic stipatum examine longo 210  
 Ver Arabum Cilicumque fluit, floresque Sabaei,  
 Indorumque arsura seges, praereptaque templis  
 Tura, Palaestini simul Hebraeique liquores,  
 Coryciaeque comae, Cinyreaque germina. At altis  
 Ipsa toris Serûm Tyrioque umbrata recumbit 215  
 Tegmine: sed toto spectatur in agmine conjux  
 Solus; in hunc magnae flectuntur lumina Romae,  
 Ceu juvenes natos suprema ad busta ferentem:  
 Is dolor in vultu; tantum crinesque genaeque  
 Sordis habent. illam tranquillo fine solutam, 220  
 Felicemque vocant; lacrimas fudere marito.  
 Est locus ante urbem, qua primum surgitur ingens  
 Appia; quaque Italo gemitus Almone Cybele

V. 201, 202. Forte, MUTUMQUE in corde-dolorem Saevus ALIT. 205. Vulg. CERTE. 207. MIRANDAQUE. 214.  
 ET altis. 220. Forte, SORDIS [quòd seriorem Marklandi auctoritatem secuti recepinus, cum antea NOCTIS esset.  
 ED. DR.] 221. FUNDENTE. [222. SURGITUR, antea NASCITUR. ED. DR.]

Ponit, et Idaeos jam non reminiscitur amnes.  
 Hic te Sidonio velatam molliter ostro 225  
 Eximius conjux (nec enim fumantia busta  
 Clamoremque rogi potuit perferre) beato  
 Composuit, Priscilla, toro. nil longior aetas  
 Carpere, nil aevi poterunt vitare labores  
 Siccatam membris; tantas venerabile marmor 230  
 Spirat opes. mox in varias mutata novaris  
 Effigies: hoc aere Ceres, hoc lucida Gnosis,  
 Illo Maja tholo, Venus hoc non improba saxo.  
 Accipiunt vultus, haud indignata, decoros  
 Numina: circumstant famuli, consuetaque turba 235  
 Obsequiis. tum rite tori, mensaeque parantur  
 Assiduae. domus ista, domus; quis triste sepulchrum  
 Dixerit? Hac meritò visa pietate mariti  
 Protenus exclames, EST hic, agnosco, minister  
 Illius, aeternae modo qui sacraria genti 240  
 Condidit, inque alio posuit sua sidera caelo.  
 Sic ubi magna novum Phario de litore puppis  
 Solvit iter, jamque innumeros utrinque rudentes  
 Lataque veliferi porrexit brachia mali  
 Invasitque vias, in eodem angustà phaselus 245  
 Aequore, et immensi partem sibi vendicat Austri.  
 Quid nunc immodicos, juvenum lectissime, fletus  
 Corde foves, longumque vetas exire dolorem?  
 Nempe times, ne Cerbereos Priscilla tremiscat  
 Latratus? tacet ille piis: ne tardior adsit 250  
 Navita, proturbetque vadis? vehit ille merentes



Protenus, et Manes placidus locat hospite cymba.  
 Praeterea, si quando pio laudata marito  
 Umbra venit, jubet ire faces Proserpina laetas,  
 Egressasque sacris veteres Heroïdas antris 255  
 Lumine purpureo tristes laxare tenebras,  
 Sertaque et Elysios animae praesternere flores.  
 Sic Manes Priscilla subit; ubi supplice dextra  
 Pro te Fata rogat, reges tibi tristis Avernî  
 Placat, ut expletis humani finibus aevi 260  
 Pacantem terras Dominum, juvenemque relinquant  
 Ipse senex: certae jurant in vota Sorores.

## II.

## PROTREPTICON AD CRISPINUM.

**R**URA meus Tyrrhena petit, saltusque Tagetis  
 Crispinus. nec longa mora est, aut avia tellus;  
 Sed mea secreto velluntur pectora morsu,  
 Udaque turgentes impellunt lumina guttae,  
 Ceu super Aegeas hiemes abeuntis amici 5  
 Vela sequar, spectemque ratem jam fessus ab altis  
 Rupibus, atque oculos longo querar aëre vinci.  
 Quod si militiae jam te, puer inclyte, primae  
 Clara rudimenta, et castrorum dulce vocaret  
 Auspiciis, quanto manarent gaudia fletu, 10

V. [252 et 256. iussu Marklandi recepinus PLACIDUS et LAXARE, cum antea PLACIDOS et APERIRE legere-  
 retur. *ED. DR.*] 257. Vulg. PROSTERNERE: 262. CERTÉ.

V. 3. Vulg. ET. [4. GUTTAE, antea GUTTAS. *ED. DR.*] 8. QUID si.

Quosve darem amplexus! et nunc optanda propinquant  
Tristia? Et octonos bis jam tibi circuit orbes

Vita; sed angustis animus robustior annis,

Succumbitque oneri, et mentem sua non capit aetas.

Nec mirum: non te series inhonora parentum

15

Obscurum proavis, et priscae lucis egentem,

Plebeia de stirpe tulit: non sanguine cretus

Turмали, trabeaque Remi; nec paupere clavo

Augustam sedem et Latii penetrare Senatus

Advena pulsasti; sed praecedente tuorum

20

Agmine. Romulei qualis per munera Circi

Cum pulcher visu et titulis generosus avitis

Expectatur equus, cujus de stemmate longo

Felix emeritos habet admissura parentes;

Illum omnes acuunt plausus, illum ipse volentem

25

Pulvis et incurvae gaudent agnoscere metae:

Sic te, clare puer, genitum sibi Curia sensit,

Primaque patritia clausit vestigia luna.

Mox Tyrios ex more sinus, tunicamque potentem

Agnovere humeri. Sed enim tibi magna parabat

30

Ad titulos exempla pater. quippe ille juventam

Protenus ingrediens, pharetratum invasit Araxem

Belliger, indocilemque fero servire Neroni

Armeniam. rigidi summam Mavortis agebat

Corbulo; sed comitem belli sociumque laborum

35

Ille quoque egregiis multum miratus in armis

Bolanum; atque illi curarum asperrima suetus

Credere, partiriue metus: quod tempus amicum

---

[11. ET NUNC, antea ETIAMNE. *ED. DR.*] 21. Forte, per MUNERA Circi, [quod nunc serius Marklandi praeceptum secuti recepimus, cum antea IUGERA esset. *ED. DR.*] 22. Vulg. VISU TITULIS.



Fraudibus, exerto quaenam bona tempora bello;  
 Quae suspecta fides, aut quae fuga vera ferocis 40  
 Armenii. Bolanus iter praenosse timendum,  
 Bolanus tutis juga quaerere commoda castris,  
 Metari Bolanus agros, aperire malignas  
 Tot veprum nemorumque moras, tantamque verendi  
 Mentem implere ducis, jussisque ingentibus unus 45  
 Sufficere. ipsa virum norat jam barbara tellus:  
 Ille secundus apex bellorum, et proxima cassis.  
 Sic Phryges attoniti, quanquam Nemeaea viderent  
 Arma, Cleonaeusque acies impelleret arcus  
 Pugnante Alcide, tamen et Telamona timebant. 50  
 Disce puer: nec enim externo monitore petendus  
 Virtutis tibi pulcher amor: cognata ministret  
 Laus animos. aliis Decii reducesque Camilli  
 Monstrentur; tu disce patrem; quantusque nigrantem  
 Fluctibus occiduis fessoque Hyperione Thulen 55  
 Intrarit mandata gerens; quantusque potentis  
 Mille urbes Asiae sortito rexerit anno,  
 Imperium mulcente toga. bibe talia pronis  
 Auribus: haec certent tibi conciliare propinqui:  
 Haec iterent comites praecepta, senesque paterni. 60  
 Jamque adeo moliris iter, nec deside passu  
 Ire paras: nondum validae tibi signa juventae  
 Irrepere genis, et adhuc decor integer aevi.  
 Nec genitor juxta; fatis namque haustus iniquis  
 Occidit heu! geminam prolem sine praeside linquens. 65  
 Nec saltem teneris ostrum puerile lacertis  
 Exuit, albentique humeros induxit amictu.

Quem non corrumpit pubes effrena, novaeque  
 Libertas properata togae? ceu nescia falcis  
 Silva comas tollit, fructumque expirat in umbras. 70  
 At tibi Pieriae tenero sub pectore curae,  
 Et pudor, et docti legem sibi dicere mores;  
 Tunc hilaris probitas, et frons tranquilla, nitorque  
 Luxuriae confine timens, pietasquè per omnes  
 Dispensata modos; aequaevo cedere fratri, 75  
 Mirarique patrem, miseraeque ignoscere matri.  
 Admonuit fortuna domus: tibine illa nefanda  
 Pecula, letalesque manu componere succos  
 Evaluit, qui voce potes praevertere morsus  
 Serpantum, atque omnes vultu placare novercas? 80  
 Infestare libet Manes, meritoque precatu  
 Pacem auferre rogis: sed te, puer optime, cerno  
 Flectentem justis, et talia dicta parantem:  
 PARCE, precor, cineri: fatum illud, et ira nocentum  
 Parcarum, crimenque Dei mortalia quisquis 85  
 Pectora sero videt, nec primo in limine sistit  
 Conatus scelerum, atque animos infanda parantes.  
 Excidat illa dies aevo, nec postera credant  
 Saecula! nos certe taceamus; et obruta multa  
 Nocte tegi propriae patiamur crimina gentis. 90  
 Exegit poenas, hominum cui cura suorum,  
 Quo Pietas autore redit, terrasque revisit,  
 Quem timet omne nefas. satis haec, lacrimandaque nobis  
 Ultio. quin saevas utinam exorare liceret  
 Eumenidas, timidaeque avertere Cerberon umbrae, 95  
 Immemoremque tuis citius dare Manibus annem.



Macte animo, juvenis! sic crescunt crimina matris.  
 Nec tantum pietas, sed protenus ardua virtus  
 Affectata tibi. nuper cum forte sodalis  
 Immeritae falso palleret crimine famae, 100  
 Erigeretque forum, succinctaque iudice multo  
 Surgeret et castum libraret Julia fulmen;  
 Tu, quamquam non ante forum legesque severas  
 Passus, sed tacita studiorum occultus in umbra,  
 Defensare metus, adversaque tela subisti 105  
 Pellere, inermis adhuc et tiro, paventis amici.  
 Haud unquam tales aspexit Romulus annos  
 Dardaniique senes, medii bellare togata  
 Strage fori. stupuere Patres tentamina tanta  
 Conatusque tuos; pro te reus ipse timebat. 110  
 Par vigor et membris; promptaeque ad fortia vires  
 Sufficiunt animo, atque ingentia jussa sequuntur.  
 Ipse ego te nuper Tiberino ut litore vidi,  
 Qua Tyrrhena vadis Laurentibus aestuat unda,  
 Pendentem in cursu, vexantemque ilia nudo 115  
 Calce ferocis equi, vultu dextraque minacem;  
 Si qua fides dictis, stupui, Martemque putavi.  
 Getulo sic pulcher equo, Trojanaque quassans  
 Tela, novercales ibat venator in agros  
 Ascanius, miseramque patri flagrabat Elisam. 120  
 Troilus haud aliter gyro brevior minantes  
 Eludebat equos: aut quem de turribus altis  
 Arcadas Ogygio versantem in pulvere turmas

V. 102. Vulg. VIBRARET. 108. DARDANIUSQUE SENEX. Ibid. Lege, MEDIA bellare TOGATI PACE fori.  
 110. NEC te. 111. EST. 113. IN litore. 115. TENDENTEM CURSUS. 117. ARMATUMQUE. 120. Lege, PUER FLAM-  
 MABAT. 121. LEVIORE. 123. METAS.

Spectabant Tyriae non torvo lumine matres.

Ergo age, nam magni Ducis indulgentia pulsat,

125

Certaque dat votis hilaris vestigia frater,

Surge, animo et fortes castrorum concipe curas.

Monstrabunt acies Mavors, Actaeaque virgo;

Flectere Castor equos, humeris quater arma Quirinus,

Qui tibi tam tenero permisit plaudere collo

130

Nubigenas clypeos, intactaque caedibus aera.

Quasnam igitur terras, quem Caesaris ibis in orbem?

Arctoosne amnes, et Rheni fracta natabis

Flumina? an aestiferis Libyae sudabis in arvis?

An juga Pannoniae, mutatoresque domorum

135

Sauromatas quaties? an te septenus habebit

Ister, et undoso circumflua conjuge Peuce?

An Solymum cinerem, palmetaque capta subibis

Non sibi felices silvas ponentis Idumes?

Quod si te magno tellus frenata parenti

140

Accipiat, quantum ferus exultabit Araxes!

Quanta Calydonios attollet gloria campos!

Cum tibi longaevus referet trucis incola terrae,

Hic suetus dare jura parens; hoc cespite turmas

Affari: vigiles speculas, castellaque longe

145

Prospicis? ille dedit; cinxitque haec moenia fossa:

Belligeris haec dona Deis, haec tela dicavit;

Cernis adhuc titulos: hunc ipse, vocantibus armis,

Induit, hunc regi rapuit thoraca Britanno.

Qualiter in Teucros victricia bella paranti

150

Ignotum Pyrrho Phoenix narrabat Achillem.

V. 130. Vulg. QUIS tibi. 131. NUBIGEROS, et, ARMA. 143. NITIDAS speculas. 146. ASPICIS. 148. VACANTIBUS. 150. PARENTIS.



Felix, qui viridi fidens coeptaque juventa  
 Durabis quascunque vices; vallumque subibis  
 Forsan et ense latus (si numina principis adsint)  
 Cinctus, et unanimi comes indefessus amici; 155  
 Quo Pylades ex more pius, quo Dardana gessit  
 Bella Menoetiades. quippe haec concordia vobis,  
 Hic amor est, duretque precor! nos fortior aetas  
 Jam fugit; hinc votis animum precibusque juvabo.  
 Hei mihi, sed coctus solitos si forte ciebo, 160  
 Et mea Romulei venient ad carmina patres,  
 Tu deeris, Crispine, mihi; cuneosque per omnes  
 Te meus absentem circumspectabit Achilles.  
 Sed venies melior; (vatum non irrita currunt  
 Omina) quique aquilas tibi nunc, et castra recludit, 165  
 Idem omnes perferre gradus, cingique superbis  
 Fascibus, et patrias dabit insedisse curules.  
 Sed quis ab excelsis Trojanae collibus Albae,  
 (Unde suae juxta prospectat moenia Romae  
 Proximus ille Deus) Fama velocior intrat 170  
 Nuntius, atque tuos implet, Crispine, penates?  
 Dicebam certe, Vatum non irrita currunt  
 Auguria. en! ingens reserat tibi limen honorum  
 Caesar, et Ausonii committit munia ferri.  
 Vade, puer, tantisque enixus suffice donis. 175  
 Felix, qui magno jam nunc sub praeside juras,  
 Cuique sacer primum tradit Germanicus ense!  
 Non minus hoc fortis, quam si tibi panderet ipse  
 Bellipotens aquilas, torvaque induceret ora  
 Casside. vade alacer, majoraque disce mereri. 180

V. 152. Vulg. OPTATE. 153. VIAS. 154. IPSE, et, SIC. 159. Forte, votis TANTUM. 160. QUESTUS.  
 160. CINGETQUE. 179. TORTAQUE.

## III.

## EPICEDION IN PATREM \* SUUM.

**I**PSE malas vires, et lamentabile carmen  
 Elysio de fonte mihi, pulsumque sinistrae  
 Da, genitor perdocte, lyrae: neque enim antra movere  
 Delia, nec solitam fas est impellere Cyrrham  
 Te sine. Corycia quicquid modo Phoebus in umbra 5  
 Quicquid ab Ismariis monstrabat collibus Evan,  
 Dedidici. fugere meos Parnasia crines  
 Vellera, funestamque ederis irrepere taxum  
 Extimui, trepidamque (nefas) arescere laurum,  
 Ille ego, magnanimum qui facta attollere regum 10  
 Ibam altum spirans, Martemque aequare canendo.  
 Quis sterili mea corda situ, quis Apolline verso  
 Frigida damnatae praeduxit nubila menti?  
 Stant circum attonitae vatem, et nil dulce sonantes  
 Nec digitis nec voce deae. dux ipsa, silenti 15  
 Fulta caput cithara; qualis post Orphea raptum  
 Astitit, Hebre, tibi, cernens jam surda ferarum  
 Agmina, et immotos sublato carmine lucos.  
 At tu, seu membris emissus in ardua tendis,  
 Fulgentesque plagas, rerumque elementa recensens, 20  
 Quis Deus, unde ignes, quae ducat semita Solem,  
 Quae minuat Phoeben, quacque integrare latentem  
 Causa queat, doctique modos extendis Arati:  
 Seu tu Lethaei secreto in gramine campi  
 Concilia Heroum juxta Manesque beatos, 25

---

\* Vulg. deest. 3. MOVERI. 10. CERTÉ ego. 12. MERSO. 13. PRODUXIT. 19. TENDENS. 23. NOTIQUE.



Maconium Ascreumque senem, non sequior umbra  
 Accolis, alternumque sonas, et carmina misces;  
 Da vocem magno, Pater, ingeniumque dolori.  
 Nam me ter relegens caelum, terque ora retexens  
 Luna videt residem, nullaque Helicenide tristes 30  
 Solantem curas, tuus ut mihi vultibus ignis  
 Irrubuit, cineremque oculis humentibus hausi.  
 Vilis honos studiis: vix haec in munera solvo  
 Primum animum; tacitisque situm depellere curis  
 Nunc etiam trepidante manu, nec lumine sicco 35  
 Ordior, acclinis tumulo quo molle quiescis  
 Jugera nostra tenens; ubi post Aeneïa fata  
 Solatus, Latiis ingessit montibus Albam  
 Ascanius, Phrygio dum pingues sanguine campos  
 Odit, et infaustae regnum dotale novercae. 40  
 His ego te (nam Sicanii non mitius halat  
 Aura croci, dites nec sicubi rara Sabaei  
 Cinnama, odoratas nec Arabs decerpit aristas)  
 Insertum cum laude locis, de carmine plango  
 Pierio. sume hos gemitus, et munera nati, 45  
 Et lacrimas, cari quas nunquam habuere parentes.  
 Atque utinam fortuna mihi dare Manibus aras  
 Par templis opus, aëriamque educere molem  
 Cyclopum scopulos ultra, atque audacia saxa  
 Pyramidum, et magno tumulum praetexere luco! 50  
 Illic et Siculi superassem dona sepulchri,  
 Et Nemees ludum, et Pelopis solennia trunci.

---

29. Vulg. CAELO. 35. [TREPIDANTE, antea LABENTE. ED. DR.] NUNC lumine. 41. HIC. 42. SIC TIFI  
 44. INSERUI cum laude LOCI, SED carmine. 45. SUMAS gemitus et VULNERA. 46. RARI. 47. DARES MIHI.  
 52. LUCUM.

Illic Oebalio non finderet aëra disco  
 Graiorum vis ulla virum: non arva rigaret  
 Sudor equum, aut putri sonitum daret ungula campo; 55  
 Sed Phoebi simplex chorus. hic frondentia vatum  
 Praemia laudato, genitor, tibi rite dicarem.  
 Ipse madens lacrimis, umbrarum animaeque sacerdos  
 Praeciperem redditum, cui te nec Cerberus omni  
 Ore, nec Orpheae quirent avertere leges: 60  
 Meque habitus moresque tuos et facta canentem  
 Fors et magniloquo non posthabuisset Homero,  
 Tenderet et torvo pietas aequare Maroni.  
 Cur magis incessat Superos, et aëna Sororum  
 Stamina, quae tepido genitrix super aggere nati 65  
 Orba sedet? vel quae primaevi conjugis ignem  
 Aspicit, obstantesque manus, turbamque tenentem  
 Vincit, in ardentem (liceat) moritura maritum?  
 Major certe illis Superos et Tartara pulsem  
 Invidia: externis etiam miserabile visu 70  
 Funus eat. Sed nec modo se Natura dolenti,  
 Nec Pietas injusta dedit. mihi limine primo  
 Fatorum, et viridi, genitor, ceu raptus ab aevo,  
 Tartara dura subis. nec enim Marathoniam virgo  
 Parcius extinctum saevorum crimine agrestum 75  
 Fleverit Icarium, Phrygia quam turre cadentem  
 Astyanacta parens. laqueo quin illa supremos  
 Inclusit gemitus; at te, post funera magni  
 Hectoris, Haemonio pudor est servisse marito.  
 Non ego quas fati certus sibi voce canora 80

---

V. 55. Vulg. FOSSA. 58. OCVLIS. 59. PRAECINEREM GENITUM. 61. ATQUE TIBI moresque etc. 63. Forte,  
 DOCTO. 64. SAEVA. 69. ALIIS.



Inferias praemittit olor; nec rupe quod atra  
 Tyrrhenae volucres nautis praedulce minantur  
 In patrios adhibebo rogos; non murmure trunco  
 Quod gemit, et dirae queritur Philomela sorori;  
 Nota nimis vati. quis non in funera cunctos 85  
 Heliadum ramos, lacrimosaque germina duxit,  
 Et Phrygium silicem, atque ausum contraria Phoebō  
 Carmina, nec foeda gavisam Pallada buxo?  
 Te Pietas oblita virūm, revocataque caelo  
 Justitia, et gemina planget facundia lingua, 90  
 Et Pallas, doctique cohors Heliconia Phoebi;  
 Quis honor Aonios seno pede ducere cantus,  
 Et quibus Arcadia carmen testudine mensis  
 Cura lyrae, nomenque fuit: quosque orbe sub omni  
 Ardua septena numerat Sapientia fama: 95  
 Qui furias, regumque dolos, aversaque caelo  
 Sidera terrifico super intonuere cothurno:  
 Et quis lasciva vires tenuare Thalia  
 Dulce, vel heroos gressu truncare tenores.  
 Omnia namque animo complexus, et omnibus auctor 100  
 Qua fandi via lata patet: sive orsa libebat  
 Aoniis vincere modis, seu voce soluta  
 Spargere, et effreno nimbos aequare profatu.  
 Exere semiustos Vesuvino fulgure vultus,  
 Parthenope, crinemque afflato monte sepulti 105  
 Pone super tumulos, et magni funus alumni,  
 Quo non Monychiae quidquam praestantius arces,

V. 84. Vulg. DURAE. 85. FUNERE. 86. DIXIT. 88. FISSA. 90. PIANGAT. 92. LABOR, et, CAMPOS.  
 94. CYDA LAEOR. 96. DOMOS. 101. VIS. [104. SEMIUSTOS VESUVINO FULGURE, sic restitutum, cum antea legere-  
 tur SEMIRUTOS SUBITO DE PULVERE. 107. MONYCHIAE, antea MUNYCHIAE. ED. DR.]

Doctave Cyrene, Sparteve animosa creavit.  
 Si tu stirpe vetus, famaеque obscura jaceres,  
 Nil gentile tumens, illo te cive probares 110  
 Graiam, atque Euboïco majorum sanguine duci.  
 Ille tuis toties pressit sua tempora sertis,  
 Cum stata laudato caneret Quinquennia versu,  
 Ora supergressus Pylii senis, oraque regis  
 Dulichii, specieque comam subnexus utraque. 115  
 Non tibi deformes obscuri sanguinis ortus,  
 Nec sine luce genus; (quanquam fortuna parentum  
 Arctior expensis) etenim te divite ritu  
 Ponere purpureos infantia adegit amictus  
 Stirpis honore datos, et nobile pectoris aurum. 120  
 Protenus exorto dextrum risere sorores  
 Aonides, pueroque chelyn summisit, et ora  
 Imbuit amne sacro, jam tum tibi blandus, Apollo.  
 Nec simplex patriae decus; et natalis origo  
 Pendet ab ambiguo geminae certamine terrae. 125  
 Te de gente suum Latiis ascita colonis  
 Graia refert Selle; (Phrygius quā puppe magister  
 Excidit, et mediis miser evigilavit in undis;)  
 Parthenopeque suum longo probat ordine vitae.  
 \* \* \* \* \*  
 Maconiden, aliaеque aliis natalibus urbes 130  
 Diripiunt, cunctaеque probant: non omnibus ille  
 Verus; alit victos immanis gloria falsi.  
 Atque ibi dum profers annos, vitamque salutas,  
 Protenus ad patrii raperis certamina lustrī

V. 108. Vulg. Doctaque. 110. TENENS. [112. PRESSIT SUA, antea PRAESTRINXIT. ED. DR.] 119. Forte, SUMERE purp. 125. Pendet, ET ambiguo etc. 127. GRAIUS quā. 129. MAEON ET INDE suum. 133. VERSUS.



Vix implenda viris, laudum festinus, et audax 135  
 Ingenii: stupuit primaeva ad carmina plebes  
 Euboea, et natis te monstravere parentes.  
 Inde frequens palmae, nulloque ingloria sacro  
 Vox tua. non toties victorem Castora gyro,  
 Nec fratrem caestu virides plausere Therapnae. 140  
 Sit pronum vicisse domi; quid Achaea mereri  
 Praemia, nunc ramis Phoebi, nunc germine Lernae,  
 Nunc Athamantea protectum tempora pinu?  
 Cum toties lassata, tamen nusquam avia frondes  
 Abstulit, aut alium tetigit Victoria crinem. 145  
 Hinc tibi vota patrum credi, generosaque pubes  
 Te monitore regi, moresque et facta priorum  
 Discere: quis casus Troiae; quam tardus Ulixes;  
 Quantus equos pugasque virum decurrere versu  
 Maeonides; quantumque pios ditarit agrestes 150  
 Ascræus, Siculusque senex: qua lege recurat  
 Pindaricae vox flexa lyrae, volucrumque precator  
 Ibycus, et tetricis Alcman cantatus Amyclis,  
 Stesichorusque ferox, actusque egressa viriles  
 Non formidata temeraria Leucade Sappho; 155  
 Quosque alios dignata chelys. tu pandere docti  
 Carmina Battiadae, latebrasque Lycophronis atri,  
 Sophronaque implicitum, tenuisque arcana Corinnae;  
 (Sed quid parva loquor?) tu par assuetus Homero  
 Ferre jugum, senosque pedes aequare solutis 160  
 Vocibus, et nunquam passu brevior relinqui.  
 Quid mirum patria si te petiere relictâ  
 Quos Lucanus ager, rigidi quos jugera Dauni,

Quos Veneri plorata domus, neglectaque tellus  
 Alcidae, vel quos e vertice Surrentino 165  
 Mittit Tyrrheni speculatrix virgo profundi?  
 Quos propiore sinu lituo remoque notatus  
 Collis, et Ausonii pridem laris hospita Cyme:  
 Quosque Dicarchei portus, Baianaque mittunt  
 Litora, qua mediis alte permistus anhelat 170  
 Ignis aquis, et operta animos incendia servant.  
 Sic ad Avernales scopulos, et opaca Sibyllae  
 Antra, rogaturae veniebant undique gentes:  
 Illa minas Divûm, Parcarumque acta canebat,  
 Quamvis decepto vates non irrita Phoebæ. 175  
 Mox et Romuleam stirpem, proceresque futuros  
 Instruis, inque patrum vestigia ducere perstas.  
 Sub te Dardanius facis explorator opertae  
 Qui Diomedei celat penetralia furti,  
 Crevit, et inde sacrum didicit puer. arma probare 180  
 Monstrasti Saliis, praesagumque aethera certis  
 Auguribus; cui Chalcidicum fas volvere carmen,  
 Lanea cui Phrygii est coma flaminis, et tua multum  
 Verbera succincti formidavere Luperci.  
 Et nunc ex illo forsán grege, gentibus alter 185  
 Jura dat Eois, alter compescit Iberos,  
 Alter Achaemenium secludit Zeugmate Persen:  
 Hi dites Asiae populos, hi Pontica frenant,  
 Hi fora pacificis emendant fascibus, illi  
 Castra piâ statione tenent; tu laudis origo. 190  
 Non tibi certassent juvenilia fingere corda

V. 171. Vulg. DOMOS. 181. MONSTRATIS ALIS. 182. AUGURIS. [191. CERTASSENT, antea CERTASSET legatur. ED. DR.]



Nestor, et indomiti Phoenix moderator alumni;  
 Quique tubas acres, lituosque audire volentem  
 Aeaciden, alio frangebatur carmine Chiron. 195  
 Talia dum celebras, subitam civilis Erinnyes  
 Tarpeio de monte facem, Phlegraeaeque movit  
 Praelia. sacrilegis lucent Capitolia taedis,  
 Et Senonum furias Latiae summere cohortes.  
 Vix requies flammae, nec dum rogos ille Deorum  
 Siderat, excisis cum tu solatia templis 200  
 Impiger, et multum facibus velocior ipsis,  
 Concipis ore pio, captivaeque fulmina desles.  
 Mirantur Latii proceres, ultorque Deorum  
 Caesar, et e medio Divum pater annuit igni.  
 Jamque et flere pio Vesuvina incendia cantu 205  
 Mens erat, et gemitum patriis impendere damnis;  
 Cum pater exemptum terris ad sidera montem  
 Sustulit, et late miseras dejecit in urbes.  
 Me quoque vocales lucos lustrataque Tempe  
 Pulsantem, cum stirpe tua descendere dixi, 210  
 Admisere Deae: nec enim mihi sidera tanti  
 Aequoraeque et terras, quam vos debere parenti.  
 Tu decus hoc quodcumque lyrae, primusque dedisti  
 Non vulgare loqui, et famam sperare sepulchro.  
 Qualis eras, Latios quoties ego carmine patres 215  
 Mulcerem, felixque tui spectator adesses  
 Muneris! heu quali confusus gaudia fletu,  
 Vota piosque metus inter, laetumque pudorem!  
 Quam tuus ille dies! quam non mihi gloria major!

V. 198. Vulg. SENSERE. 200. SEDERAT. 202. CONCINIS. ibid. NUMINA. 209. Forte, MONSTRATAQUE  
 Tempe. 211. TANTUM. 212. QUANTUM OSTENDERE. 213. sic decus. 219. QUALIS ET ILLA dies, qua non.

Talis Olympiaca juvenem cum spectat arena 220  
 Qui genuit, plus ipse ferit, plus corde sub alto  
 Caeditur: attendunt cunei; spectatur athletes  
 Ille magis, crebro dum lumina pulveris haustu  
 Obruit, et prensa vovet expirare corona.  
 Hei mihi quod tantum patrias ego vertice frondes 225  
 Solaque Chalcidicae Cerealia dona coronae  
 Te sub teste tuli! qualem te Dardanus Albae  
 Vix cepisset ager, si per me certa tulisses  
 Caesarea donata manu! quod subdere robur  
 Illa dies, quantum potuit dempsisse senectae! 230  
 Heu quod me mixta quercus non pressit oliva,  
 Et fugit speratus honos, cum Lustra Parentis  
 Invida Tarpeii canerem! Te nostra magistro  
 Thebaïs urgebat priscorum exordia vatum:  
 Tu cantus stimulare meos, tu pandere facta 235  
 Heroum; bellique modos, positusque locorum  
 Monstrabas. labat incerto mihi limite cursus  
 Te sine, et orbatae caligant vela carinae.  
 Nec solum larga memet pietate fovebas:  
 Talis et in thalamos. una tibi cognita taeda 240  
 Connubia, unus amor. certe sejungere matrem  
 Jam gelidis nequeo bustis; te sentit, habetque,  
 Te videt, et tumulos ortuque obituque salutat,  
 Ut Pharios aliae ficta pietate dolores  
 Mygdoniosque colunt, et non sua funera plorant. 245  
 Quid referam expositos servato pondere mores?  
 Quae pietas? quam vile lucrum? quae cura pudoris?

V. 222. Vulg. ACETES. 231. NAM quod. 232. DULCE. 233. CANERET. 234. Thebais. URGEANT prisco-  
 rum etc.



Quantus amor recti? rursusque, ubi dulce remitti,  
 Gratia quae dictis? animo quam nulla senectus?  
 His tibi pro meritis, famam laudesque benignas 250  
 Index cura Deûm, nulloque e vulnere tristes  
 Concessit. raperis, genitor, non indigus aevi,  
 Non nimius; trinisque decem quinquennia lustris  
 Juncta ferens. sed me pietas numerare, dolorque  
 Non sinit. ô Pylias aevi transcendere metas, 255  
 Et Teucros aequare senes, ô digne videre  
 Me similem! Sed nec leti tibi janua tristis:  
 Quippe leves causae; nec segnis tabe senili  
 Exitus instanti praemisit membra sepulchro;  
 Sed te torpor iners, et mors imitata quietem 260  
 Explicuit, falsoque tulit sub Tartara somno.  
 Quos ego tunc gemitus? comitum manus anxia vidit,  
 Vidit et exemplum genitrix, gavisaeque vovit  
 Quae lamenta tuli. veniam concedite, Manes,  
 Fas dixisse, Pater; non tu mihi plura dedisses. 265  
 Felix ille patrem vacuis circumdedit ulnis,  
 Vellet et, Elysia quamvis in sede locatum  
 Abripere, et Danaas iterum portare per umbras:  
 Tentantem et vivos molitum in Tartara gressus  
 Detulit infernae vates longaeva Dianae. 270  
 Si chelyn Odrysiâ nigro transmisit Averno  
 Causa minor; si Thessalicas Admeton in oras,  
 Si conjunx retro Phylacëida rettulit umbram,  
 Cur nihil exoret, genitor, chelys aut tua Manes,  
 Aut mea? fas mihi sit patrios contingere vultus, 275

V. 251. Vulg. VINDEX. ibid. TRISTEM. 258. LABE. 263. NOVIT. 272. THESSALICIS ADMETUS in ORIS.  
 273. SILVA UNA TETRA.

Fas junxisse manus, et lex quaecunque sequatur.  
 At vos umbrarum reges, Ennaeaeque Juno  
 (Si laudanda precor) taedas auferte, comasque  
 Eumenidum: nullo sonet asper janitor ore:  
 Centaurosque, Hydraeque greges, Scyllaeaque monstra 280  
 Aversae celent valles; umbramque senilem  
 Invitet ripis, discussa plebe, supremis  
 Vector, et in media componat molliter alga.  
 Ite, pii Manes, Graiûmque examina vatum,  
 Illustremque animam Lethaeis spargite sertis, 285  
 Et monstrate nemus, quo nulla irrupit Erinnyes,  
 In quo falsa dies, caeloque simillimus aër.  
 Inde tamen venias melior, quâ porta malignum  
 Cornea vincit ebur, somnique in imagine monstra  
 Quae solitus. Sic sacra Numae, ritusque colendos 290  
 Mitis Aricino dictabat Nympha sub antro:  
 Scipio sic plenos Latio Jove ducere somnos  
 Creditur Ausoniis, et non sine Apolline Sylla.

## IV.

## A D S O M N U M.

CRIMINE quo merui juvenis, placidissime divum,  
 Quove errore miser, donis ut solus egerem  
 Somne, tuis? tacet omne pecus, volucresque, feraeque,  
 Et simulant fessos curvata cacumina somnos:



Nec trucibus fluviiis idem sonus; occidit horror 5  
 Aequoris, et terris maria adclinata quiescunt.  
 Septima jam rediens Phoebe mihi respicit aegras  
 Stare genas; totidem Oetaeae, Paphiaeque recursant  
 Lampades, et toties nostros Tithonia questus  
 Praeterit, et gelido tangit miserata flagello. 10  
 Unde ego sufficiam? non si mihi lumina mille,  
 Quae sacer alterna tantum statione tenebat  
 Argus, et haud unquam vigilabat corpore toto.  
 Et nunc fors aliquis longa sub nocte, puellae  
 Brachia nexa tenens, ultro te, Somne, repellit. 15  
 Inde veni; nec te totas infundere pennas  
 Luminibus compello meis; (hoc turba precetur  
 Lactior) extremo me tange cacumine virgae,  
 (Sufficit) aut levior suspenso poplite transi.

## V.

## EPICEDION IN \*PUERUM SUUM.

**M**E miserum (neque enim verbis solennibus ulla  
 Incipiam nunc, Castaliae vocalibus undis  
 Invisus, Phoeboque gravis) quae vestra, sorores,

---

V. [8. RECURSANT, antea REVISUNT. *ED. DR*] 10. Forte, TANGIT mis. [quod nunc receptum, cum antea SPARGIT legeretur. *ED. DR.*] 14. AT nunc, HEUS, aliquis. 17. PRECATUR. [19. LEVIOR, antea LEVITER. *ED. DR.*]

\* Vulg. FILIUM. 2. Incipiam, NEC Castaliae.

Orgia, Picriae, quas incestavimus aras?  
 Dicite: post poenam liceat commissa fateri. 5  
 Numquid inaccessu posui vestigia luco?  
 Num vetito de fonte bibi? quae culpa? quis error,  
 Quem luimus tantis moeroribus? ecce lacertis  
 Viscera nostra tenens animamque, avellitur infans;  
 Non de stirpe quidem, nec qui mea nomina ferret 10  
 Oraque; non fueram genitor: sed cernite fletus,  
 Liventesque genas, et credite planctibus, orbi,  
 Orbus ego. Huc patres, et aperto pectore matres  
 Conveniant, cineresque oculis, et munera ferte.  
 Si qua sub uberibus plenis ad funera natos 15  
 Ipsa gradu labente tulit, madidumque cecidit  
 Pectus, et ardentes restinxit lacte favillas;  
 Quisquis adhuc tenerae signatum flore juventae  
 Immersit cineri juvenem, primumque jacentis  
 Serpere crudeles vidit lanugine flammis, 20  
 Adsit, et alterno mecum clamore fatiscat:  
 Vincetur lacrimis, et te, Natura, pudebit.  
 Tanta mihi feritas, tanta est insania luctus.  
 Hoc quoque cum in \* \* \* ter dena luce peracta  
 Acclinis tumulto, luctus in carmina verto, 25  
 Discordesque modos, et singultantia verba  
 Molior. orsa \* \* \* est: atque ira tacendi  
 Impatiens. sed nec solitae mihi vertice laurus,  
 Nec fronti vittatus honos. en taxea marcet  
 Silva comis, hilaresque ederas plorata cupressus 30

V. 9. Vulg. ANIMAQUE. 14. Forſe CRINESQUE ROGIS, ibid. Vulg. CARMINA. 24. Ita MSS. Vulg. MEDITOR ter dena. 27. Ita MSS. Vulg. DOLOR PROHIBET, atque.



Excludit ramis. ignavo pollice chordas  
 Pulso: sed incertum digitis errantibus amens  
 Tundo chelyn. juvat heu, juvat illaudabile carmen  
 Fundere, et incompte miserum laudare dolorem.  
 Sic merui; sic me cantuque habituque nefastum 35  
 Aspiciant Superi. pudeat Thebasque novumque  
 Aeacidem: nil jam placitum manabit ab ore.  
 Ille ego, qui toties blandus matrumque patrumque  
 Vulnera, qui vivos potui mulcere dolores;  
 Ille ego lugentum mitis solator, acerbis 40  
 Auditus tumulis, et descendentibus umbris,  
 Deficio, medicasque manus, fomentaque quaero  
 Vulneribus (sed summa) meis. Nunc tempus, amici,  
 (Quorum ego manantes oculos et saucia tersi  
 Pectora) reddere opem, saevasque exsolvere grates. 45  
 Nimirum tunc vestra domans ego vulnera, moestos  
 Increpui: nunc damna dolens alterna, repono.  
 Infelix lacrimas, et mitia carmina quaero.  
 Verum erat: absuntae vires, et copia fandi  
 Nulla mihi, dignumque nihil mens fulmine tanto 50  
 Repperit: inferior vox omnis, et omnia sordent  
 Verba. ignosce, puer; tu me caligine mersum  
 Obruïs ah dira. viso sic vulnere carae  
 Conjugis, invenit caneret quod Thracius Orpheus  
 Dulce sibi: sic busta Lini complexus Apollo 55  
 Non tacuit. Nimius fortasse, avidusque doloris

V. 31. Forte, Excludit: TENUES etc. 32. Vulg. INCERTAM. 33. SCINDO. 34. Forte, NUDARE 37. PLACIDUM.  
 45. REDDITE. ibid. saevas EXSOLVITE. 46. CUM VESTRA DOMUS ego FUNERA MOESTUS. 47. INCREPITO, TUNC  
 damna dolens ALIENA, REPONO. 48. TRISTIA — SERVO. 52. MOESTUM. 53. Obruïs. A DURO viso.

Dicar, et in lacrimis justum excessisse pudorem.  
 Quisnam autem gemitus, lamentaque nostra reprendit?  
 O nimium felix, nimium crudelis, et expers  
 Imperii, Fortuna, tui, qui dicere legem 60  
 Fletibus, aut fines audet censere dolendi!  
 Incitat (heu) planctus. potius fugientia ripas  
 Flumina devincas, rapidis aut ignibus obstes,  
 Quam miseros lugere vetes. tamen ille severus  
 (Quisquis is est) nostrae cognoscat vulnera causae. 65  
 Non ego mercatus Pharia de pube loquaces  
 Delicias, doctumque sui convicia Nili  
 Infantem, lingua nimium, salibusque protervum  
 Dilexi: meus ille, meus: tellure cadentem  
 Excepi, et vinctum genitali carmine fovi; 70  
 Pulsantemque novas tremulis ululatibus auras  
 Inserui vitae. quid plus tribuere parentes?  
 Quin alios ortus, libertatemque sub ipsis  
 Uberibus tibi, parve, dedi: tu munera nostra  
 Ridebas, ignarus adhuc. properaverit ille, 75  
 Sed merito properabat, amor; ne perderet ullum  
 Libertas tam parva diem. nonne horridus ipsos  
 Invidia Superos, injustaque Tartara pulsem?  
 Nonne gemam te, care puer? quo sospite natos  
 Non cupii: primo gremium cui protenus ortu 80  
 Adplicui, fixique meum: cui verba, sonosque  
 Monstravi, questusque et murmura caeca resolvens;

V. 57. Vulg. DICOR. 66. PUPPE. [67. doctumQUE, antea: doctumVE. KD. DR.] 68. linguaque SIMUL.  
 71. POSCENTEMQUE. 74. HEU munera. 75. PROPERAVERAT. 80. GEMITUM QUI. 81. IMPLICIT FIXITQUE MIHI.  
 82. Monstravi (questusque et VULNERA caeca RESOLVAM).



Reptantemque solo demissus ad oscula dextra

Erexi, blandique sinus, jam jamque natantes

\*Excepisse genas, dulcesque accersere somnos.

85

Cui nomen vox prima meum, ludusque tenello

Risus, et e nostro veniebant gaudia vultu.

\* \* \* \* \*

DESUNT CETERA.

---

[V. 84. BLANDIQUE SINUS et 85, EXCEPISSE scripsimus, cum antea BLANDOQUE SINU et EXERCERE legere-  
tur. ED. DR.]

---

IN

P. PAPINII STATII

S I L V A S

NOTAE atque EMENDATIONES.



THE UNIVERSITY OF CHICAGO

LIBRARY

1900

# N O T A E

## IN EPISTOLAM AD STELLAM.

Lin. 4. *VOLUPTATE* fluxerant] Obvium erat, voluptate effluxerant: sed sanum locum praestat Ausonius Epist. XVI. *Adjuro benevolentiam tuam, verecundiae meae testem, eos (epodos) mihi subita persuasione fluxisse: nam quis hos diu cogitaret? quod sane ipsi de se probabunt.* Ubi manifesto alludit huic Statii loco, et alteri infra, *Quamvis metuo ne verum istuc versus quoque ipsi de se probent.* Nisi dicas apud Ausonium quoque legendum esse *effluxisse*. Sed non opus est. *fluxerant pro effluxerant*, simplex pro composito. ita *pressum* comis cruorem, pro *expressum*, Thebaid. XII, 320. *tractas* membris spirantibus hastas, pro *extractas*, Theb. II, 712. ita enim legendum; vulgo *fractas*. Sic etiam *lata* pro *elata* Ovid. Art. Am. III, 20. *Surgere* ponto pro *exsurgere*, Manil. V, 619. *fundere* equitem pro *effundere* apud Nazarium Panegy. c. 24. et id genus innumera. Paulo ante, *eminentissime qua parte voluisti*; id est, in *pœmate Elegiaco*: Elegiacus enim erat Stella. inde est quod in Epithalamio ejus v. 252. dicit Statius Philetam, Callimachum, Propertium, Ovidium et Tibullum (omnes pœtas Elegiacus) diem Stellae Nuptialem libenter celebraturos fuisse, si in vivis essent. Pessime Domitius interpretatus est, in eo de quo voluisti me deliberare. [Parm. et Ven. *fluxerunt*: forte rectius. EX ADD.]

lin. 5. *De sinu meo prodiissent, congregatos*, etc.] Ita bene supplevit Domitius, cum in codicibus suis invenisset *de sinu meo pro congregatos*, etc. spatio relicto ubi integram dictionem esse oportuit. Barthius maluit *prosiluissent*. Atqui *liber non prosilire*, sed *prodire* dicitur. [de sinu meo pro \*\*\* *congregatos*. Ita Parmensis. Suppletum in margine PRODUSSENT. Et mox: *Quid enim* \*\*\*\* quoque autoritate: suppletum eadem manu, OPORTET HUIUS quoque autoritate. Eadem lacuna in Ven. EX ADD.]

lin. 6. *Quid enim oportet hujus quoque*, etc.] Hunc etiam locum ex ingenio supplevit idem Domitius, cum in omnibus codicibus desiderarentur voces *oportet hujus*; quae in Editiones deinceps receptae fuerant, pessimo exemplo. Sensus est: *Quid enim?* dicit aliquis: *adeone me audacem vel stultum esse, ut judicia hominum provocem* HIS NUGIS, cum adhuc de eventu Thebaidos meae, OPERIS SERII trepidem? Respondet Statius: *Sed et Culicem legimus et Batrachomyomachiam*, etc. Objecerat aliquis Statio Argumenti humili-

tatem: hanc ille defendit exemplis Virgilii et Homeri. Nullum alium sensum huic loco subesse posse, patet ex responso pœtae: verba autem, *Quid enim quoque*, etc. hunc nullo modo efficiunt: scripsisse enim debuit ad hanc formam: *Quid enim?* Men' autoritate LEVIS quoque et NUGATORIAE editionis onerari, quum adhuc pro Thebaide mea, quamvis me reliquerit, timeo? Hoc, inquam, vel tale aliquid dixisse debuit. locus igitur siue dubio mutilus est; sed non ullius ingenio absque codicum MSS. ope supplendus. Barthius tentavit, *Quid enim?* Editionis quoque autoritate onerari? multis nominibus refellendus, nisi jam dixeram. Movendus tamen es, pro QUON adhuc omnino legi debere QUON, id est, QUUM: hoc postulat sensus. Similimus huic locus in praefat. Lib. IV. ubi eandem objectionem diluit.

lin. 11. *Operibus suis stylo remissione praeluserit]* Vide tatum locum: *Nec quisquam est illustrium pœtarum qui non aliquid operibus suis stylo remissione praeluserit.* Clare opponuntur *stylus remissior et opera*. si igitur sic scripserit Statius, hi Silvarum Libri non inter opera censendi sunt, sed tantum ¶ *Praelusiones* sunt operum: opera igitur significant *majora et graviora opera*, qualia sunt Thebaïs et Achilleïs. inepte et falso. lege, *qui non aliquid operibus seriis stylo remissione praeluserit.* Jam vides oppositionem inter *seriis et praeluserit*. notum istud Virgilii,

*Posthabui tamen illorum mea seria ludo:*  
quem locum exscribit Ausonius Mosella v. 206.

Sua seria ludo

Posthabet.

Plinius Epist. VII, 9. *Fas est et carmine remitti, non dico continuo et longo, id enim perfici nisi in otio non potest, sed hoc arguto et brevi, quod apte quantalibet occupationes curasque distinguit: LUSUS vocantur; sed hi LUSUS non minorem interdum gloriam quam SERIA consequuntur.* Contracte scriptum fuit *seriis* pro *seriis*; unde minima mutatione *suis*. pari fere modo depravatus locus Autoris de Caus. Corrupt. Eloquentiae cap. XX. *traduntque invicem ac saepe in colonias ac provincias suas scribunt, sive in suis aliquis arguta et brevi sententia effulsit, sive locus exquisito et poetico cultu enituit.* ubi Acidalius et Freinslemius pro *in suis* legunt *sensus*. atqui hoc non satis est: quippe deest oppositio. lege, *sive in subitis aliquis*, etc. *subita*



sunt extemporanea, quibus opponuntur *meditata et exquisita et elaborata*. Plinius Epist. I, 16. *Audivi causas agentem acriter et ardentem, nec minus polite et ornatè, sive meditata sive subita proferret*. Et ita passim in Epistolis Plinius et alii. vid. cap. X. istius libelli elegantissimi.

[lin. 16. *quaedam et singulis diebus*. Parm. Ven. et Rom. et in *singulis*: recte. Ibidem: *quamvis metuo ne verum*: Parm. *quamvis me ore verum*: in margine *metuo ne*. EX ADD.]

[lin. 22. *Quam dedicaverat opus*] Quis dedicaverat? non Imperator; illi enim dedicabatur. Quis igitur dedicavit? discas hoc e versu 99.

*Utere perpetuum POPULI magnique SENATUS*

MUNERE:

*Senatus* itaque *Populusque Romanus* dedicavit hoc opus. reponendum, *postero die quam dedicatum erat opus, tradere iussus sum*. Scriptum fuit *dedicatum erat*, et elisa litera *t*, *dedicaverat*.

[lin. 25. *Scis biduo scriptum*. Parm. *triduo*: male. Ibidem: *sed tamen CCLXXII. hexametros habet*. Parm. et Ven. *Sed tantum tamen exhametros habet*. EX ADD.]

[lin. 27. *Et fortasse tu pro collega mentieris?*] Lege, *At fortasse*, delecta interrogationis nota. Objectionem denotat vox *at*. Cicero de Divinat. II, 21. *At vetus, tum Pinarii Nattae, nobilis; a nobilitate igitur periculum*. ita olim emendavi, pro *ac vetustum*. Ovidius Met. VIII, 60.

*At, puto, vincemur.*

ita legendum; vulgo *Ut*. Exemplum ubique. Sensus est: *At*, objiciet aliquis, *fortasse tu, Stella, mentieris pro collega, Poeta pro Poeta*. Respondet Statius: *Esto ut mentiatur Stella in gratiam meam, a me rogatus: alterum tamen testem habeo, Mantium scil. Vopiscum (at quem virum!) qui non rogatus, sed ultro et sua sponte gloriari solet ea causa*, scil. *Villam suam descriptam esse a me uno dic*. Haec explicavi

ut intelligeres quam necesse sit pro *meo* nomine legere *eo* nomine, et delere praepositionem *ET* ante verba *Villam Tiburtinam*, *eo nomine*, id est, *ea de causa*: vide Not. ad III, 3. v. 87. Paulo supra, *sed tamen CCLXXVII hexametros habet*. in Domitii codd. numeri deerant, quos ille ex sensu addidit; recte.

[lin. 30. *nomine meo gloriari*, *ET villam Tiburtinam*. Parm. omittit *ET*. unde recte puto me emendasse, *nomine eo gloriari, villam Tiburtinam* etc. id est *ea causa*. EX ADD.]

[lin. 34. *Nam Claudii Hetrusci testimonium est, qui balneolum*, etc.] Videtur aliquid deesse. vide antecedentia: *Sequitur libellus Rutilio Gallico Valenti dedicatus: de quo nihil dico, ne videar defuncti testis occasione mentiri: nam Cl. Hetrusci testimonium est, qui etc.* Dixisse debuit testimonium *superest*; ut bene interpretatur Calderinus. lege, *testimonium extat; qui etc.* hoc modo sensus expletur. Horatius Serm. I, *Sarmenti domina extat*.

Seneca de Benef. I, 12. *Ergo, si fieri potest, consumi munus meum nolo: extet, haereat amico meo, convivat*. Autor Eleg. de Morte Drusi v. 238.

*Autor abit operis, sed tamen extat opus:*

ubi eandem oppositionem vides. Noster Theb. X, 613. *cadat generis quicunque novissimus extat*.

*Viperei:*

ubi male MS Petrensis *exit*. Bene igitur testimonium *extat*; quae vox hoc modo forte scripta fuit *ext*: unde minima mutatione abiit in *est*. Mox pro *creditur* mallem *credetur*. pari sensu Seneca in Ludo de Mort. Claudii: *Scitis enim optime; nec periculum est ne excident quae memoriae publicum gaudium impresse-runt*. Paulo ante, *moram cenae est tempus vel spatium cenae, ut moras annorum Eclog. I, 92. et lib V, 1. v. 167.*

*quantae poterant mortalibus annis*

*Accessisse morae, si tu etc.*

g

N O T A E

A D

E C L O G. I.

Ver. 1. *QUAE superimposito etc.*] Multa super hunc locum frustra effuderunt Interpretes, dum alii legunt, *Quae*, Superi, *imposito* etc. alii, *superimpositi colossi*; alii, *moles gemmata*, cum nonnullis editionibus: alii denique *moles genata*. frustra, inquam, haec omnia: sana enim et sola vera est vulgata lectio, ut recte probat Gevartius. Constructio est: *Quae moles, geminata superimposito colosso, stat complexa Latium*

*forum?* per *molem* intelligit *Equum* insistentem *basi*; per *superimpositum colossus*, Domitianum; recte igitur *geminata* id est *duplicata*. *Complexa Latium forum est ambitu suo occupans et implens*: ita Silv. II, 2, v. 1. de Arbore Aledii:

*Stat, quae perspicuas nitidi melioris opacat*

*Arbor aquas, complexa lacus.*

Similiter Martialis Epigr. IX, 62. de platano Caesaris:



*Acclibus in mediis tolos amplexa penates  
Stat platanus densis Caesariana comis.*

Enormiter Stat. Theb. I. 563.

*Terrigenam Pythona Deus septem orbibus atris  
Amplexum Delphos, etc.*

Sc. *perculit*. Hanc non adeo tritam vocis significationem adnotare non abs re visum fuit. [*geminata*. Ita Parm. et Ven. Rom. *gemma*: male. EX ADD.]

v. 10. *Dindymon et caesis etc.*] Hunc locum sublegit Sidonius Apollinaris Carm. IX, 115. vocum Statianarum perpetuus fere captator:

*Nec Phryx pastor erit tibi legendus*

*Decrescens cui Dindymon reciso*

*Fertur vertice texuisse classem.*

Supra v. 8. *nomen Dardanii equi*, id est, *Dardanium equum*: ut maxima sceptris sub nomine *Phoebi*, id est sub *Phoebo*, vel *sole*, apud Val. Flaccum V. ita *sapiens nomen hominum pro philosophi*, apud Sulpiciam in Satyra v. 37.

*Et studia, et sapiens hominum nomenque genusque*

*Omnia abire foras atque Urbem excedere jussit*: de Domitiano, qui philosophos Roma expulit. *nostrum nomen pro nos* Arnobio lib. I. p. 5. *Ut ille immanis Xerxes mare terris immitteret et gressibus maria transiret nostri nominis effectum est causa?* ita legendum; vulgo, effectum est cura. *nostri nominis causa est nostri causa*. ita p. 10. *Si ut inopia magna sit meum nomen in causa est, cur nihil impedio ut sit feracitas maxima?* ubi vides *meum nomen pro ego*.

v. 11. *Hunc neque discissis coepissent*] Alludit ad locum Virgilii Aeneid. II, 234. de equo Trojano:

*Dividiunt muros et moenia pandinus urbis*:

quo observato colligere potes Statium scripsisse

*Hunc neque divisim coepissent Pergama muris*:

non discissis; quae etiam vox ob sibilum et *οὐρανοῦ* auribus poetis merito displicebit. Seneca Nat. Quaest. VI, I. de terrae motu qui Pompeios Campaniae urbem pessum dedit: *Adjiciunt his sexcentarum ovium gregem exanimatum, et divisas statuas*. et cap. XXIX. *Statuam divisam non miror cum dixim montes a montibus recessisse, et ipsum disruptum esse ab imo solum*. quibus locis pro *divisas* et *divisam* Gronovius conjicit *diffissas* et *diffissam*, ut apud Horatium *diffissa* rate (voluit, opinor, *diffissa nate*, est enim Serm. I, 8. v. 47. *Diffissa nate ficus*) Sed non opus est: aequae enim probum *divisas*, eodem sensu. Idem Horatius Serm. I, 1.

*at hunc liberta securi*

*Divisit medium, fortissima Tyndaridarn.*

Sil. Italicus II, 96.

*Ille vagam caelo divisit saepe volucrem.*

Noster Tiburt. Manlii v. 24.

*Litus utrumque domi; nec te mitissimus annis*

*Dividit.*

Potuit quidem *Divisa nate* dicere Horatius; sed noluit propter το αλοχρον quod huic voci subesse norunt eruditi. Quae sequuntur apud Statium

*¶ Nec grege permixto pueri innuptaeque puellae, ex eodem Virgilii loco sumta sunt. Sed quid est istud coepissent? putarem erratum esse typographorum, nisi quod ita constanter Editiones exhibent. lege, cepissent Pergama: Troja non satis ampla fuisset hunc equum capere, muris divisim. Satis quidem Hyperbolice: et ita per totam hanc Eclogam.*

[v. 18. *Non amplius*. Parm. *non altius*: et ita Lipsii codex, teste Bernartio, cui placuit *altius*: et verum puto. nisi malis *altior*. ita etiam Veneta, *altius*. EX ADD.]

v. 21. *Nec tardo raptus prope flumina cursu*] Dum videram legendum esse, *nec tanto raptus* etc. quod et Gevartio in mentem venerat, Papinian. Lect. cap. VI. Sensus est: Martis equus non *amplior* fuit nec *cursu velociori* rapiebatur quam hic equus videtur. Ex versu 47, apparet hunc equum Domitiani specie currentis effectum esse elatis scil. primoribus pedibus:

*At sonipes habitus animosque imitatus equestres*

*Acrius attollit vultus cursumque minatur.*

*tanto* igitur *cursu raptus*, non *tardo*. Similem harum vocum commutationem habebis infra, Kal. Decembr. ubi pro *tardum* annum probabo scribendum esse *tantum*. Sed acriter pro *tardo* dimicat Gronovius et capite elegantissimo (Diatrib. IV.) tacetur: Est, inquit, simplex descriptio equi Martis, et verba hoc modo dissolvenda sunt, *ET fumat raptus non tardo cursu prope flumina*. At quorsum descriptio equi Martis nisi aliquam relationem habeat ad equum hunc Domitiani? certe non tam inepte otiosus fuisset Statius ut equum Martis tot verbis describeret nisi ut eum compararet cum equo Imperatoris; nisi ut in prioris sententiae membro *Magnitudo*, ita in posteriori *Velocitas* huius equi innuatur et cum *velocitate* equi Martis comparetur. cur non itidem descripsit *Strymona* hoc loco? aequae bene, hoc est aequae inepte, potuisset. Risissemus si Statius scripsisset, *Non amplior* fuit Martis equus, *ET non pasciebatur hordeo et avena*, sed ambrosiae succo; et habebat magnas ungulas et longam caudam: risissemus, inquam, et quaevissemus, quid hoc ad equum Domitiani? atqui ista, *nec tardo raptus* etc. aequae inepta sunt nisi ad utrumque equum referantur. Maueat itaque Comparatio in utraque sententiae parte, *non amplior* fuit Martis equus *NEC velocior*: et vide hos similes poetarum locos. Noster Theb. VIII, 406.

*At postquam rabies et vitae prodiga virtus*

*Emisere animos, non tanta cadentibus Hoedis*

*Aëriam Rhodopen solida nive verberat Aretos;*

*NEC fragor Ausoniae tantus cum Juppiter omni Arce tonat, etc.*

Et Theb. IX, 435.

*non Strymonos impia tanto*

*Stagna struore natant; non spumifer altius Ebrus*

*Gradivo bellante rubet.*

Silvarum III, 1. v. 130.

*non tam grande sonat motis incudibus Aetna*

*Cum Brontes Steropesque ferit; nec major ab antris*



*Lemniacis fragor est, ubi flammeus aegida caelat  
Mulciber, et castis exornat Pallada donis.*

Sidonius Apollinaris Carm. V, 190.

SEGNIS insertae trepidans pro fasce Camillae  
Excussit telum Metabus; NEC turbine TANTO  
Stridula Pelidae per Troilon exiit ornus.

Et v. 449.

NON TANTIS major Atrides  
Carpathium texit ratibus, cum Doricus hostis  
Sigaeas rapturus opes Rhoeteia clausit  
Pergama; NEC TANTAE Seston juncturus Abydo  
Xerxes classis erat, tumidas cum sterneret  
undas.

Claudianus de Rapt. Proserp. II, 238.

Nullum TANTO sudore Pyracmon  
Nec Steropes construxit opus NEC talibus un-  
quam

Spiravere notis animae; NEC flumine TANTO  
Incoctum maduit lassa fornace metallum.

Avienus Descript. Orb. v. 1178.

NON alium TANTUS rapit impetus; haud ita quis-  
quam  
Spumescit fluctus; NEQUE TANTOS ulla fragores  
Unda ciet.

Seneca Hippolyto v. 1009. J

NON TANTUS Auster Sicula disturbat freta,  
NEC TAM FURENTI pontus exurgit sinu  
Regnante Coro.

Claudianus de Bello Gel. v. 601.

ALTUS HAUD unquam toto descendimus ense  
In jugulum Scythiae; TANTA NEC clade super-  
bum

Contudimus Tanai'n, vel cornua fregimus Istri.

Lucanus IX, 798.

Spumeus accenso NON SIC exundat aëno  
Undarum cumulus; NEC TANTOS carbasa Coro  
Curvare sinus.

In omnibus hisce locis vides duas Comparationes; et in priori Sententiae parte NON, in posteriori NEC, quae vox transitionem ab una ad alteram denotat, et duo Comparata a se invicem disjungit. ita etiam fieri oportuit hoc Statii loco; NON amplior est Martis equus, NEC tanto cursu raptus, seu velocior. At, inquit Gronovius, equum Bistonium non sic currere, non tam rapide promoveri, quam equum in aere vel coloribus, Statius ut dicat, cras credam forte, hodie nihil. At quare non? nonne in infinitis omnium poetarum locis aera et signa et colores VIVERE et SPIRARE dicuntur quia exprimunt et imitantur vivere, et VIDENTUR vivere? notum istud Virgilii

Excedunt alii spirantia mollius aera,

(Cedo equidem) vivos ducent de marmore vultus  
(ita legendum pro Credo alias probabo) et Martialis  
Epigr. III, 41.

Inserta phialae Mentor's manu docta

Lacerta vivit, et timetur argentum:

nota, inquam, sunt haec et similia, et nimis otiosi esset probare. Cur non eodem jure CURRERE dicatur equi Statua aënea quae currentem exprimit, et VIDENTUR currere? istud enim videtur semper intelligitur in

omnibus ejusmodi descriptionibus. lege modo haec ex Thebaid. IV, 131. ubi Hippomedontis clipeus describitur:

humeros ac pectora late

Flammeus orbis habet: perfectaque vivit in auro

Nox Danaï: fontes fariarum lampade nigra

Quinquaginta ARDENT thalami: pater ipse cru-  
entis

In foribus LAUDATQUE nefas atque INSPICIT en-  
ses.

Vides hic Noctem illam facinorosam Danaï ad vicum expressam esse, vivere in auro; ardent thalami, laudat pater nefas, et enses inspicit; omnia in auro. Quod si haec fieri possunt in auro cur non equus curat in aere? lege descriptionem vestis quam Cereri texebat Proserpina apud Claudianum de Rap. Pros. I. 257. ubi post alia haec habes:

Addit quinque plagas: median subtemine rubro

Obsessam fervore notat: squallebat adustus

Limes, et assiduo sitiabant stamina Sole:

audacter sane, Stamina sitiunt in tela. Sed pergit,

Vitales utraque duas, quas mitis oberrat

Temperies habitandu viris. tum sine supremo

Torquentes traxit geminas, brunaeque perenni

FOEDAT, et aeterno contristat frigore telas.

Vel hanc IV. Cons. Honorii v. 589.

Nec rudis in tali suffecit gratia textu;

Auget acus meritum, picturatunque metallis

VIVIT opus, multaque ANIMANTUR Iaspide  
cultus,

Et variis SPIRAT Nereia bacca figuris:

ita legendum; vulgo frigide, ornantur Iaspide: atqui ista viciit et spirat omnino postulant animantur. Sed ad rem: ex his locis (et alia infinita adduci possent) vides morem poetarum, qui suis fictionibus rerum verarum descriptiones accommodant; fingunt primum, deinde quasi facta describunt. Quod igitur de equo vero et vivo dixisset Statius, hoc de STATUA equi more poetis familiarissimo dicit. ita hic equus animos imitatur Domitiani v. 46. Acrius attollit vultus v. 47. immo vicum huic per armos impetum donat v. 48. et Cyllarus (ipse etiam aëneus) ab aede Castoris propinqua PAVET hunc, quasi vicum; v. 53. recte igitur dicitur currere, licet in aëre. Innumera huc spectantia ex Nostro et aliis afferre possem, si meo et lectoris otio abuti vellem.

[v. 23. Qui fessus bellis, adscitae etc.] Falsum hoc: non enim fessus erat bellis Caesar cum interficeretur, utpote qui expeditionem in Dacos et Parthos pararet, ut ex Suetonio bene notat Barthius. Et de Augusto quidem hoc recte diceretur, ut de eo Autor Octaviae v. 525.

condidit tandem suos

Jam FESSUS enses victor hebetatos feris

Vulneribus, et imperium continuit metu;

Sed non de Julio. Instituitur tacite comparatio Divi Julii et Domitiani; et sensus est: Caesar qui primus in Divos referebatur, Bellis et Caedibus gaudebat; Tu contra, Pa-



ce et Clementia: quanto igitur magis Tu Caelum mereris! Ne dubites quin scripserit Statius

*Qui FISUS bellis*

Multus in hac voce Sil. Italicus. VII, 667.

*Talia dum metuis, nec pugnae FISUS in hoste  
Tam rapido, nec deinde fugae, etc.*

X, 629. *Quod FISUS avis, sceptrisque superbis  
Laomedontiadum non desperaverit urbi.*

XV, 32. *Occupat inde prior promissis FISA Voluptas.*

Et 244. *A tergo accelerant qua FISUS flucibus Arris  
Incustoditam sine milite liquerat urbem.*

Et ita passim, *Armorum FIDENS* Lucanus IX. 373. de Catone. *Sardus generoso sanguine FIDENS Hercules*, apud Silium XII, 359. *Viridi FIDENS juvena Crispinus* Silv. V, 2. ita *πειριθῆς* apud Graecos poetas et Homerum passim. Tacitus Hist. IV, 60. de Civili: *Ceterum neque se neque quemquam Batarum in verba Galliarum adegit, FISUS Germanorum opibus.* Potes etiam, *Qui FRETUS bellis*: eodem sensu. Tacitus Ann. VI. de rege Artabano: *FRETUS bellis quae secunda adversum circumjectas nationes exercebat.* Vel, *Qui SUEtus bellis*, pro *fessus*. ita *suetus* regibus Oriens, Tacit. Hist. IV. et *suetus* fluminibus, V. *suetus* civilibus armis Lucanus I, 325. *bellis adsuetus Opheltes*, Virgil. IX, 201. et *his ego suetus* sc. armis V, 414. sed mihi praecipue placet *fisus*, quia est proxima Emendatio; cum parum differentiae sit inter *fisus* et *fessus*. Pro *adsci* ae plurimae Editiones habent *adsertae*, sed illud restituit Gronovius, primo conjectura, deinde ex Edit. Venet. An. 1475. recte. notum istud Ansonii Caesar. XV.

*Adsciti quantum praemineant genitis.*

*adscitae* prolis est *adoptatae*; *adsertae*, si aliquid est, alia res est. Tollius quidem ad Auson. Epist. XXII.

*Philon meis qui villicatus praediis*

*Ut ipse vult, epitropos,*

*Suis querelis adserit nostras preces, etc.*

notat, *adserit, id est, adsciscit: qua notione etiam in impressis aliquot et scriptis Statii codicibus invenias* Silv. I. in *Equum Maximum*: deinde hunc locum citat. Sed fallebatur vir Doctus in vocis significatione: *adserere* enim *preces* non est *adsciscere, adoptare*, quod nullum sensum habet; sed *adungere*: meas *preces adjungit suis querelis*.

v. 27. *te signa ferente*

*Et minor in leges iret gener, et Cato castris]*

Crux Criticorum fuit hic locus. Gronovio valde arrisit scriptura duorum Barthii codicum qui pro *SIGNA* hic exhibent *REGNA*; ut sensus sit: „Si tuis „auspiciis partes quae erant Caesaris administratae „essent, si tu *REGNUM* Romae instituere voluisses, „ultro gener Pompeius ille solus olim *Magnus* et pa- „rem ferre indignatus, nunc lubens te *minor*, armata „manu libertatem adoriretur, invaderet; nec minus „Cato.“ Haec Vir Summus: *ferente* regna pro *inferente*, et *ire* in *leges*, id est, *adversum leges seu libertatem*; de qua vocis notione doctissime agit toto capite secundo Diatribes: et *ire* in *leges castris*, id est, *aperta vi, armis*. minime tamen audiendus! quippe non de *REGNO* hic agere potest Statius, sed de

*BELLO*, ut ex sensu et priori Sententiae parte perspicies, si prius memineris Julium et Domitianum hoc loco inter se comparari, ad hunc sensum: *Caesar* in *EXTERNA bella* facile impellebatur: *Tu* contra das *Pacem* *Cattis* *Dacisque*: etiam in *Cicilia* et *DOMESTICA* cum Pompeio et Catone *Ille* prolapsus; quae si *Tu* gessisses, si *Tu SIGNA* tulisses, ultro illi tibi et tuis legibus se submisissent. Vides jam, opinor, sensui necessarium esse *SIGNA ferente*, et Statium non *potuisse* hoc loco *REGNA* scripsisse: ostendam infra ad IV, 1. *noluisse*. Praeterea, disjunctiva vox *NEC* clare ostendit de duobus *bellorum* generibus (non de *regno*) hic loqui Statium; *Externorum* et *Domesticorum*; et in utroque genere mitem Domitiani animum laudare et Caesari praeferre: quasi dixisset, adeo mitis es bellis ut des *pacem* et *fidem Externis*, *Cattis* et *Dacis*: in hac parte quantum supra Caesarem, qui in *externa* bella facile flammabatur! adeo mitis, ut si tibi, quemadmodum illi, res fuisset cum *Domesticis* hostibus Pompeio et Catone, illi ultro submisissent se legibus et conditionibus aequis et bonis, quas tu illis obtulisses; in hac etiam parte quantum supra Caesarem, qui inimicos suos ad ultimum obstinatos expertus est! Haec mens est Statii, hoc artificium: ut sane mirari liceat ingenium poetae qui tam subito (quippe postero die quam opus dedicatum erat, Imperatori haec tradere jussus fuit) tam acenrate scribere potuerit. *ire sub leges* est *conditiones accipere*, et *minorem* se fateri. ita, *irent sub vincula tigris*, apud Claudian. de IV. Cons. Honorii. *in gyros ire* coactus equus, apud Ovidium. *sub leges* pacis iniquae *Tradiderit*, Virg. Aen. IV. Lucanus IX, 237.

*non Armenium mihi saeva minatur*

*Aut Scythicum fortuna jugum; sub jura togati  
Civis eo.*

*Subire leges* vocat Noster Epithal. v. 28. *Subiit leges* et frena momordit. His ita explicatis vides jam nullum locum esse τῷ castris, de cujus etiam interpretatione magnae sunt lites. Gevartius, post refutatas aliorum sententias, acquiescit in conjectura Dan. Heinssii legentis

*Et minor in leges iret gener et Cato nostras:*

*nostras leges*, Κολωνῶν; *Caesarianas* vocat: nam Domitianus Caesarianis partibus successerat; unde recte illius partes quas Romani tunc temporis omnes sequebantur, *nostras* appellavit, in gratiam Imperatoris. Haec Ille. Sed, praeterquam quod istud *nostras* nimis familiare videtur, deest τῷ *leges* Epitheton quod *mitem* Domitianum praedicet: in hoc enim totus hic Statii versatur locus, ut probet quantum *mitior* armis Caesare Domitianus. lego,

*Et minor in leges iret gener et Cato justas:*

ut sensus sit: Pompeius et Cato submisissent se legibus et conditionibus tuis, *aequis* scil. *mitibus* et *justis*, utpote *tuis*. ita alibi Silv. IV, 3. de Domitiano:

*Qui limina bellicosa Jani*

*Justis legibus et foro coronat.*

ita etiam conjectantem Cruceum postea deprehendi; licet illum hoc nomine suggillet Gronovius.

v. 29. *At laterum passus hinc Julia templa tuen-*



tur] Supra v. 22. mentionem fecerat templi Julii Caesaris e regione hujus Statuae; hinc ORVIA limina pauidit Qui sisus bellis, etc. quomodo igitur idem templum a latere? huic difficultati succurrit Codex Lipsii qui habet hinc Julia tecta tucntur: Basilica scil. Julia, quae etiam in foro Romano fuit, ut ex diversorum auctorum locis probant interpretes, et de hac capiendus Martialis Epigr. VI, 38.

Jam clamor, centumque viri, densumque coronae  
Vulgus, et infanti Julia tecta placent:

in hac enim Centumviri causas agebant, laterum passus sunt quos vocat laterum tractus, Thebaid. IV, 173. laterum extensus Silius Italicus IV, 618. laterum actus Priscianus, Perieg. v. 479. laterum arcus Claudianus in Eutrop. II, 361. Voces autem tecta et templa plus vice simplici in his Silvis commutantur. [Recte admissi in Contextum tecta: et ita Parmensis et Veneta. EX ADD.]

[v. 35. Troicus ignis. Venet. troius ignis. et ita Eclog. IV, 125. pro Troica saecula, eadem habet troia saecula. Vide Cl. Benteium ad Horat. Carm. III, 3. v. 32. EX ADD.]

v. 36. Atque exploratas jam laudet Vesta ministras.] Omnia in his verbis Statii sana sunt et intellectu facilia. Sed tam pulchra occasione non transmittendus est insignis Virgilii locus Aeneid. II, 154. ubi Sinon dolosam suam orationem hoc modo orditur:

Vos, aeterni ignes, et non violabile VESTRUM  
Testor numen, ait; vos arae, ensesque nefandi  
Quos fugi, villaeque Deum quas hostia gessi,  
Fas mihi Grajorum sacra solvere jura, etc.

ita omnes, opinor, Codices MSS. et Editiones: et ita legit Servius, quantum conjicere possumus ex ejus interpretatione. Ipse tamen Virgilius vix mihi persuaserit se non scripsisse,

Vos, aeterni ignes, et non violabile VESTAE  
Testor numen, ait:

ut infra v. 296.

Sic ait: et manibus vittas VESTAMQUE potentem  
AETERNUMQUE adytis effert penetralibus IGNEM:

ubi similiter conjungit ignem aeternum et Vestam: ex quo etiam loco apparet quantum fallitur Servius, qui superiore loco per aeternos ignes intelligit aut ararum quas fugit, aut certe Solem et Lunam. neutrum horum, mihi crede, significat Virgilius: sed J ignes illos qui in templo Vestae adservabantur et non extinguiebantur; unde Vestam aeternam vocat Horatius. Carm. III, 5. Iterum Virgilius Aen. V, 743.

Haec memorans, cinerem et sopitos suscitavit  
IGNES,

Pergameumque Larem et canae penetralia VESTAE

Farre pio et plena supplex veneratur acerra.

Ovidius Pastor. III, 421. de his ignibus:

IGNIBUS AETERNIS aeterni numina praesunt  
Caesaris.

et mox v. 26.

cognatum, VESTA, tuere caput.

Quos sancta fovet illa manu, bene vivitis,  
IGNES.

Vivite inextincti flammaque Duxque, precor.

Hinc intelligis qui sint isti aeterni ignes, non ararum nec Solis et Lunae, sed Vestae. inde vigil Vestae Ovidio Art. Amat. III, 463.

Illam potest vigilis FLAMMAS extinguere VESTAE.

vide Sil. Italicum I, 542. et Ovidium Fastor. VI, 250. et seqq. ubi saepe conjunguntur hi ignes et Vesta, ut in his Virgilii et Statii locis. Juvenalis IV, 60.

Utque lacus superat, ubi quamquam diruta servat

IGNEM Trojanum, et VESTAM colit Alba minorem:

ita legendum; vulgo suberant, vel superant: male, cum de solo piscatore illic loquitur, ut ex versu proximo apparet, Obstitit intranti miratrix turba: non intrantibus. Exempla in omnibus poetis invenies. Vide autem quam artificiose Sinonem inducit Virgilius ingredientem orationem ejus a mentione et invocatione Vestae; ut scilicet gratiam Trojanorum captaret: Vesta enim ab iis maxime colebatur. Nihil dico de τавтоλογία in istis, testor vos et VESTRUM NUMEN: nemo enim, opinor, de hac restitutione dubitabit.

v. 40. Nec sic pater ipse teneres] Omnino legendum nec si, Pater, ipse teneres. Non gratior Deae sedes fores etiam si tu, O Jupiter, eam teneres. nihil clarius. Gronovius retinet sic, ad hunc sensum: „Et huic operi seu effigiei Palladis par sedes: nusquam optabilior, nusquam gratior Deae aula: nec tu ipse, pater Deae Jupiter, sic, tanta amplitudine, gratia, lubentiaque eam ferres, teneres.“ Subobscurum. Quamquam et retento si, inquit ille, non absurdus sit sensus. Tò teneret Crucei, et alterius quem ille nominat, nec si patris ipsa teneret Pectora etc. nihili sunt. De sequentibus ita Gronovius: „Mirum profecto, integro seculo, et quod excurrit, hos versus, sus neminem intellexisse. Et vide quam levi brachio tantae tenebrae dispellantur:

„Pectora, quae mundi valeant evolvere euras:

„Et cui se totis Temese dedit hausta metallis

„It tergo demissa chlamys:“

Haec ille: mihi tamen hae tenebrae nondum dispellantur: quippe valde improprie fecit Statius si de Chlamyde tam ingentia praedicaret, silentio pene transmitteret Pectus, in cujus magnitudine seu latitudine Excellentioris Naturae notam posuerunt Veteres. Val. Flaccus II, 489. ubi Hesione mirabunda Herculem ait,

neque, precor, defectaque Pergama monstris  
Eripe, namque potes; neque enim tam lata videbam

Pectora, Neptunus muros cum jungeret astris;  
Nec tales humeros pharetramque gerebat Apollo.

Noster Theb. IV, 173. de Capaneo:

At laterum tractus spatiosaque pectora servat

Nexilis innumero Chalybum subtemine thorax.

vide et VII, 311. de Hypseo. Seneca Hippolyto, v. 805.

Aequas Herculeos jam juvenis toros,

Martis belligeri pectore latior.

Virgilius X, 482. de Pallante:

Dixerat: at clipeum, tot ferri terga, tot aeris,



*Quem pellis totiens obeat circumdata tauri,  
Vibranti medium cuspis transverberat ictu,*

*Loricæque moras et pectus perforat ingens:*  
ita legendum; vulgo *Cum* pellis. MSS. habent *Quom.* Sed hæc alias. Male Servius ad hunc locum vocem *ingens* non ad *pectus*, sed ad *cuspis* refert; ne incongruum sit, inquit, si dixerit de *puero* pectus *ingens*. quaero igitur quid faciet istis paulo infra v. 496. rapiens *immania pondera baltei*? nonne hoc quoque incongruum, dare *puero immania pondera baltei*? sed ne metuat; pectus enim pueri pro modo et ætate recte *ingens* dici potest, et hoc inter laudes ponitur. Horum locorum memor statim vidi legendum esse et distinguendum,

*Pectora, quæ mundi valeant evolvere curas,  
Et quæ se totis Temese dedit hausta metallis.*

*It tergo demissa chlamys. latus etc.*

Et ita fere inveni postea in Edit. Aldina, nisi quod vulgatam distinctionem retineat. mitto quod si interpungas post *to curas*, multo melius legendum foret *AT cui se totis*, non *ET*. Habeat itaque Domitiani pectus metalla sua Temesæa; et elegantiam, sive *maris adulationem suam*, Statius.

[v. 41. *Evolvere*, Venet. *deducere*. EX ADD.]

[v. 42. *Et quis*, Parm. et Ven. *quæ*. EX ADD.]

v. 46. *At sonipes habitus animosque imitatus equestres Acrius attollit vultus*] Non penitus damno hæc lectionem; mallet tamen scripsisse,

*animosque imitatus eriles,*

id est *heriles*; animos *heri* sui, Domitiani. Val. Flaccus VI, 413.

*Hinc bijuges, illinc artus tenduntur heriles*  
Et 706.

*Subito ex ore cruores*

*Saucia tigris agit, vitamque effundit herilem.*

Noster Achilleid. I: 246.

*Exierantque iugo fessi delphines herili.*

Virgilius Aen. VIII, 461.

*Nec non et gemini custodes limine ab arto*

*Procedunt, gressumque canes comitantur herilem:*

ita legendum; vulgo *limine ab alto*, quod absurdum est, cum paulo ante dixerat *humili tecto* v. 455. et tecta *Pauperis* Evandri, v. 360. Ovidius Met. III, 140.

*Vosque canes satiatæ sanguine herili.*

Claudianus IV. Cons. Honor. v. 65.

*solito cum murmure torvis*

*Sol occurrit equis: qui postquam rursus heriles*

*Agnovere sonos, rediit meliore magistro*

*Machina, concentusque poli.*

*Equus imitatus animos equestres* pro animos *equitis* et *insectoris*, non valde placet: nihil tamen audeo mutare. Deinde pro *Acrius* optime legere potes *Altius*, ut apud Silium Italicum XV, 508.

*Quos Roma, inquit, quos altius, oro,*

*Attollit muros?*

Et XVII. 398.

*fertur sublime per aras*

*Altius attolens cervicem victor evantem*

*Panchates.*

Ovidius Halieutic. v. 69.

*Nonne vides, victor quanto sublimius altum  
Attollat caput?*

Virgilius Georg. III, 552.

*Inque dies avidum surgens caput altius effert.*

Petronius Satyrico: *Postquam se amari sensit, supercilium altius sustulit.* Hæc vero voces *acrius* et *altius* interdum inter se commutantur in Codicibus MSS. vide Heinsium ad Ovid. Remed. Amor. v. 651. Et sane vix intelligo quid sit *acrius* attollere vultus: saltem dixisse debuit *Acrior* attollit, ut v. 18, non *amplior* armis; ubi pariter editiones occupaverat *amplius*. restituit Bernartius, a Cræco improbat, qui non necessarium ait, quia *amplius* denotat *qualitatem*, non *tempus*. intelligat qui potest. Claudianus VI. Cons. Honor. v. 331.

*Acrior interea visendi principis ardor*

*Accendit cum plebe patres.*

ita etiam Baln. Etrusci v. ult. pro *melior* vulgo legitur *melius*. Theb. IX, 805.

*Acrior hoc juvenem stricto mucrone petebat*

*Amphion.*

[*habitus*, Ven. *initus*. EX ADD.]

[v. 48. Pro *virens* Ven. *nimius*. EX ADD.]

v. 51. *Aenea captivi crinem terit ungula Rheni*  
Legendum,

*Aerea captivi etc.*

quippe *aeneus* trissyllabon nunquam occurrit apud pœtas veteres, sed ubique aut *aëneus* aut *aënus*, ut notat Doctissimus Bentleius ad Horat. Serm. II, 3. v. 183. Fallatur igitur necesse est N. Heinsius qui apud Martialem Spectac. Epigr. 27. pro *ignipedes* tauros conjicit *aenipedes*; cum plane legendum sit *aeripedes*, ut apud Val. Flaccum VII, 545. *daret aeripedes in praelia tauros*: immo et ipsum Ovidium Met. VII, 104. de his ipsis tauris:

*Ecce adamanteis Vulcanum naribus efflant*

*Aeripedes tauri:*

quod miror Heinsium fugisse. *Ignipedes* quidem Solis equi recte dicuntur Ovidio et Statio; sed non ita hi tauri. vide enim J ad Ovidii Heroid. VI, 32. iterum ad Met. II, 392.

*ignipedum vires expertus equorum,*

hæc notat: „*ignipedes* equi nescio an recte dicantur: „quare fuit cum *aenipedum* rescribi debere censerem: „quale mendum et ex Martiali sustulimus Notis ad „Epist. VI, 32. Sed Statius initio Thebaidos de „Phoebo,

„*ignipedum frenator equorum.*

„Prudentius tamen lib. I. contra Symmach. v. 350. de „Solis equis,

„*Cernuat ore senex barbatus, et oscula figit*

„*Cruribus aenipedum, si fas est credere, equo-*

*rum*

„quomodo „illic constanter editi ac scripti codices: „nisi quod *aeripedum* in nonnullis; quanquam illic „de Solis Statua agitur aenea.“ Eundem errorem errat Vir Magnus: omnino enim isto Prudentii loco legendum *aeripedum*, ut *aerea* ungula hoc Statii loco,



de re eadem, *aenea* nempe statua equi. Recte tandem idem ad Heroid. XII, 93.

*Jungia* et *acripedes* *inadulsto corpore tauros*: ubi Gronovii codex omittit et: unde legit *Jungia az-nipedes*. Pro *crinem tertii ungula*, in multis editionibus mendose legitur *tegit*. *Lucretius* I.

*Quare* *relligio* pedibus subjecta *vicissim* Obteritur.

Prudentius Cathemer. Hymn. ante cibum v. 129.

*Aut* et *ipse* *doli coluber*

*Plectitur improbus*, *ut* *mulier*

*Colla trilingua* calce terat.

sub pede colla tenere, eodem sensu Ovidius Heroid. IX, 12. et sub pede colla premere, Rem. Am. 530.

Victorem terris impositura pedem, de Roma, Fast. IV, 858.

Claudius de VI. Cons. Honorii, ad finem.

*Colla triumphati* proculcat *Honorius* Istri.

v. 54. *hic Domini* nunquam mutabit habenas:  
Perpetuis frenis, atque uni serviet astro]

Qua interpunctione, qua depravatione, nullus huic loco sensus relictus: quis enim intelligere potest quid sit *servire perpetuis frenis* atque uni astro? jam vero intelligens, modo legas et distinguas,

*hic Domini* nunquam mutabit habenas

Perpetuis frenis; atque uni serviet astro:

*perpetuis* frenis i. e. tuis frenis, tibi *perpetuis* inserviturus, *Et semel insertas non mutaturus habenas*, ut de re loquitur, Eclog. ad Iliorem. Graecismus elegans interpretis fecerit. ita Silv. III, 2. v. 46.

*Soli Zephyro* sit copia caeli,

*Solus* agat puppes, summusque superavelet undas

*Assiduus* pelago.

Manilius V, 413.

Ambiguus terrae partus pelagoque creatur,

Claudius in Eutrop. II.

*Pulcher* it, *urbane cupiens exercitus umbrae*,  
*Assiduus* ludis:

scil. *exercitus*. ita legendum; vulgo sine sensu aut exitu, *pulcher* et *urbane*: vide locum. Noster Thebaid. I, 702.

*assiduam* pelago non querere Delon.

Et IV, 751.

*neque enim ipse* deorum

*Arbiter* Argolidum thalamis novus;

*novus* thalamis ut *perpetuis frenis*, multus in hac elegantia Tacitus: Annal. II. *Haud magna mole Pivo* promptus ferocibus in sententiam trahitur. sic *facilis inanibus* eodem libro, de Druso. ita *crudus* maritis ignibus, Thebaid. VII, 298. *novus lacrimis*, Seneca Troad. v. 67. *Sardus timori*, Sil. Italicus XI, 354. *asper puci*, XII, 348. *difficilis lacrimis* Seneca Herc. Fur. v. 578. *villis marti*, Florus II, 6. et innumera id genus. *ut astro* serviet, tibi tantum; non duobus, uti Cyllarus, qui Castori et Polluci inservit. imitatur hunc locum Claudius IV, Cons. Honorii v. 554.

*Si dominus* legeretur *equis*, tua pasceret ultro

*Verbera* Nereidum stabulis nutritus *Arion*,

*Serviretque* tuis contento Castore frenis

*Cyllarus*, et *flavum Xanthus* sprevisset *Achillem*.

[v. 50. *tanto*, Parm. *toto*, et ita Ven. EX ADD.]

v. 57. pro *laborant* legendum *laborat*, ut *anhelat*. pro *Sed* genio Codex Vetus mendose habet *Sub. Subter anhelat humus* est ex Homero Jl. B. 95. *ὅτ' ἀνὰ δ' ἐσθ' ἀνέλατο γαῖα*. [Parm. et Ven. *laborat*. EX ADD.]

v. 63.

*strepit ardua pulsu*

*Machina*: *continuus septem per culmina* montes

*It fragor*.] Vox *montes* sine dubio depravata: *septem* enim *culmina* Romam denotant et hie et alibi: adeo ut supervacuum sit istud *montes*. Barthius duobus modis tentavit; *septem per culmina* *montes* *Cit fragor*. atqui hoc est, *fragor per septem montes* movet *septem montes*. Vel, *continuos septem*, *par fulmine*, *montes* *Cit fragor*. atqui hoc modo vox *continuos* abundat, cum satis fuerat dixisse, *fragor par fulmine* movet *septem montes*. mitto par *fulmine* pro *fulmini*. Gronovius non dubitat *Statium* reliquisse

*septem per culmina* *Martin*

*It fragor*;

*Martin* enim *urbs* et *Martin* *Roma*, ut pueri sciunt, inquit Ille. Atqui hoc in idem vitium recidere videtur; adhuc enim *septem culmina* Romam denotant sine additamento *Martin*. Et quidem *culmina Martin* pro *urbe Martin* recte dici non negaverim; sed vehementer dubito an quisquam dixerit *septem culmina* seu *septem montes MARTIS*; quoniam unusquisque fere ex septem collibus suum habuit peculiarem Deum, cui sacer erat. sic *Tarpeius Jovi*, *Pala-tinus Apollini*, *Aventinus Dianae*, *Quirinalis Quirino*, *Janiculum Jano* cessit. vide Sil. Italicum XII, 718. ubi post alios Deos memoratos, addit

*Hinc Janus movet arma manu, movet inde Quirinus,*

*Quisque suo de COLLE Deus*:

ad defendendam nempe Romam contra Hannibalem. Non igitur *septem culmina MARTIS* recte dici possunt: illi enim sua statio in *Campo* cognomine assignata fuit. Statim vidi deesse epitheton *το pulsu*,

*strepit ardua pulsu*

*Machina* continuo:

non enim satis fuit machinam hanc seu molem *pulsu* strepere, nisi hic esset *continuus*. haec enim mens est poetae in hoc loco, laudare opus ob celeritatem; *Nec longae traxere morae*, et, *operi intentu juven-tus*. recte igitur *pulsu* *continuo*. prima litera vocis *septem* adhaesit praecedenti *continuo*; unde *continuos*, et mox *continuus*. Jam de reliquo videamus, *septem per culmina* *montes* *It fragor*. hic quoque deest Epitheton *το fragor*; neque enim *fragor* per se sufficit, et requiritur *ingens* et *vastus* et qui possit *ingere marmura magna* *Romae*. lege,

*strepit ardua pulsu*

*Machina* continuo: *septem per culmina* *multus*

*It fragor*:

haec est ipsa res. scriptum fuit *molius* antiqua ratione scribendi pro *multus*: inde frequenti vice *literarum* N et L, *montus*; dehinc *montes*, vel ut in Rom. Cod. *montis*. *multus* *fragor*, ut *ingens* *fragor*, Ovid. Met. XI, 507. *major* *fragor*, Nostro Silv. III, l. v. 131.



Si cui magis arrideat *septem per culmina longus It fragor*, his se exemplis tueri potest: Via Domitiana v. 61. loco huic simillimo:

*Fervent litora nobilesque silvae,  
It longus medias fragor per urbes.*

Thebaid. VI, 600. de cervis:

*rapit attonitos fuga caeca, pavorque  
Congregat, et longum dant cornua mixta fragorem.*

Plinius N. H. XXXIII, 4. *mons fractus cadit a sese longo fragore qui concipi humana mente non potest. ita longus clamor Theb. IV, 495, et V, 552. et sane vero non absimile est vocem montes deberi Glossatori alicui qui eam in margine libri sui adpinxerat ad explicandum rō culmina*, unde postea in textum irrepsit: ut forte scripserit Statius, *longus It fragor*. Sed tutius videtur *multus* propter minorem vocum differentiam. Iam vero quid est quod sequitur,

*Et magnae fingit vaga murmura Romae;*  
quid est *fingere* murmura Romae? an *imitari*? aut hoc aut nihil. qui vero fieri potest ut pulsus aeris *imitetur* varia, diversa, *vaga* murmura et strepitus Romae? lege certissima emendatione,

*Et magnae vincit vaga murmura Romae:*  
tantus sit fragor ut etiam murmura et strepitus qui in urbe sunt ab hoc *superentur* et non exaudiantur. *Vincere* hac significatione usitatissimum. Manilius V, 625. de iis qui sub Andromeda nati sunt:

*Carnificisque venit mortem vincentis imago:*  
ita optimus Codex Gemblacensis: Scaliger tamen edidit mortem *ducentis*, sensu non satis salvo. imago carnificis mortem *vincentis*, est, carnifex morte *terribilior*; ut in loco Senecae quem Ille adducit,

*Et morte tristi tristior mortis locus:*  
(quem tamen memoriae nimis fidens male citat; est enim Herc. Fur. v. 706. *Ipsaque morte peior est mortis locus*) ita Oedipo v. 180.

*O dira novi facies leti  
Gravior leto,*  
Id est, *vincens* letum. putares Scaligerum coniecturam suam labefactatam, et lectionem codicis quam spernit stabilitum ire. Noster Theb. I, 520. ex Virgil. Aen. I, 750.

*Ast alii tenebras et opacam vincere noctem  
Aggressi, tendunt auratis vincula lychnis.*  
et II, 77.

*tum plurima buxus  
Aeraque taurinos sonitu vincentia pulsus.*  
Exempla ubique. ita etiam Graeci *νικῶν. vincit* pro *figit*: V enim et F saepe commutantur in MSS. ita apud Virgil. Aen. III, 316.

*Ne dubita, nam vera VIDES,*  
olim conieceram legi debere *nam vera FIDES*, utpote multo elegantius et phraei poetis usitatissima. confirmavit MS. Petrensis, qui clare exhibuit *FIDES*. alibi illustrabo. interea vix unus et alter accedet; scio: mihi tamen persuasissimum est Virgilium ita scripsisse. ita *viros* pro *feras* apud Manil. V, 181. Vincentemque *feras*: ita enim legendum puto; vulgo *viros*. De

G pro C vide Carrionem ad Val. Flaccum I, 729. et passim exempla habebimus in his Silvis.

[v. 67. *Famosusque lacus*, Parm. et Rom. *famosique*: quod verum est, ut infra, v. 82. *profundos lacus*. et hoc pacto vitatur sibilus. Legendum quoque *sercant*. Et hoc in contextum recipi velim. ita etiam Veneta. EX ADD.]

v. 68. *verbere CRUDO*  
*Ut sensit mugire forum*] Quid sit *verber* CRUDUM non equidem intelligo: hoc tamen scio, Statium scripsisse, *verbere* CREBRO. Thebaid. IX, 352.

*Protinus icta malo, vitrea de valle solutis  
Exilit faribunda comis; ac verbere CREBRO  
Oraque pectoraque et viridem scidit horrida vestem.*  
Thebaid. V, 231.

*Ut fra quae placido rabiem desueta magistro  
Tardius arma movet, stimulisque et verbere CREBRO*

*In mores negat ire suos.*  
Ovidius Halientic. v. 12.  
*Aversus CREBRO vimen sed verbere caudae  
Laxans subsequitur.*

Lucan. III, 523.  
*CREBRAQUE sublimes convellunt verbera puppes.*  
Anonius Idil. II, 91.  
*Olli purpureum multato corpore rorem  
Suttilis expressit CREBRO rosa verbere.*  
*numerosa verbera* Autor Aetnae v. 37.

*Illi his Cyclopas memorant fornacibus usos  
Cum super incudem numerosa in verbera fortes  
Horrendum magno quaterent sub pondere fulmen:*

ita legendum; vulgo, *Illis* Cyclopas: Scaliger *Illis*: sed deest aliquid sensui nisi legas *Illis* his. vide locum poetae istius, quem nemo mihi persuaserit eundem esse Corn. Severum, cuius fragmentum poematis de Morte Ciceronis refert Seneca Suasoria VII. adeo omnia diversa. ad aevum et ingenium multo inferius detruendus mihi videtur Autor obscuri istius poematis de Aetna. Facile plura exempla congererem; sed haec sufficient. has vero voces *crudo* et *crebro* inter se aliquando commutari evincit locus Thebaid. II, 709. ubi pro *CRUDO robores cortex* MS. Collegii Petrensis male habet *CREBRO*.

v. 82. *tentasses, me non AUDENTE, profundos  
Ire lacus.*] Lipsius olim emendavit *me non GAUDENTE*: bene, si Statianum loquendi morem intelligas; secundum quem *non gaudente* est idem quod *dolente*. Silv. IV, 2. v. 5.

*Ast ego, cui sacrae Caesar nova gaudia mensae  
Nunc primum, dominaque dedit non surgere mensa,  
Qua celebrem mea vota lyra?*

ita forte legendus locus pro *consurgere. non surgere mensa*, est *assidere mensae*. paulo infra, v. 10.  
*datur haec iuxta, datur ora tueri  
Vina inter mensasque, et non assurgere fas est!*



datur mihi *non assurgere*, i. e. *sedere*, Imperatore praesente? iterum Silv. II, 6. v. 99.

*Sic ripis ego murmurantis Hebri*

Non mutum caput Orpheos sequebar:

*non mutum caput est loquax caput Orpheos*, de quo Virgil. Georg. IV. adhuc Thebaïd. VI, 544. de Leandro natante, Chlamydi intexto,

*In latus ire manu, mutaturusque videtur*

*Brachia*; nec sicum *species in stamine crinem*: ita legendus locus; vulgo, *manus*, et *speres*. nec *species sicum crinem*, id est, *humidum*. tanto artificio elaborata fuit *chlamys* ista, ut etiam crines natantis Leandri *humidi* viderentur in *stamine*. TaGeitus Annal. I. de Sempronio Graccho: *Tunc milites ad caedem missi invenerunt in prominenti litoris nihil lactum opperientem*: id est *omnia tristitia opperientem* seu expectantem. Alterum exemplum, sed luculentum, addam ex Thebaïd. IX, 334. ubi describitur caelatura in clipeo Crenaei:

*Sidonis hic blandi per candida terga juvenci  
Jam secura maris, teneris jam cornua palmis*

Non tenet:

mira locutio videtur *non tenere* aliquid manibus *teneris*: quid enim manuum *teneritudo* ad *non retentionem* rei alicujus? Sed si *non tenere* manibus *teneris* accipias pro *dimittere* manibus *teneris*, evanescet obscuritas, ita Silv. V, 3. *nec fissa gavisam* Pallada luxo, est, et Pallada *non gavisam* fissa luxo, hoc est, *abominantem* et *odio habentem*. ita *nec major sitis pro et minor*, Silv. IV, 7. *nec major fragor pro et minor*, III, 1. quam *non major gloria pro quanto minor*, Epiced. in Patrem v. 219. ubi male legitur *qua non*. Sic *non magna ratis pro parva*, Nemesiano Cynege. v. 59. *non turda pro agilis et gnava* Virgil. Georg. II, 125.

*Et gens illa quidem sumtis non tarda pharetris*. pluribus haec adnoto, ne locutionis insolentia tirones offendant. ad hunc igitur morem me *non gaudente* est *me dolente*, utpote cui gloriam servandae patriae tu praereceptum ires. Cruceus retinet *non audente*, hoc sensu: me *non audente*, id est, *si ego non ausus essem*, ut supra, *te signa ferente, si tu signa tulisses*: Galli dicerent, *an cas que je n'eusse le courage*. Bene haec Cruceus, et ideo in textu nihil muto. de phrasi vide Gronovium ad Senec. de Benef. I, 10. Sequitur, *profundos Ire lacus*: non male: cum quarto enim casu hoc verbum jungitur, ut Theb. VIII, 512. ubi Hercules Minervam alloquitur:

*ipsa et comes, invia mecum*

Tartara, *ni Superos Acheron excluderet*, isse: ita legendum puto; vulgo inepte *ipsa heu comes*: scriptum erat *eu pro et*; unde istud *heu*. Sed mihi Statanum magis videtur *profundo Ire lacu*, id est *in lacum*: ita Baln. Etrusci v. 51.

*Extra autem niveo qui margine caerulus amnis  
Vivit, et in summum fundo patet omnis ab imo,  
Cui non IRE LACU; pigrosque exsolvere amictus  
Suadeat?*

Supra, haec Eclog. v. 67. *Famosusque lacus*, numero singulari; licet ibi Vetus Codex habeat *Famosi*: non

male. et v. 72. *terque ardua mersit Colla lacu trepidus*. mihi placet *profundo lacu* vel ob hanc rationem ut vitetur sibilus et Sigmatismus istorum, *profundos Ire lacus*, sed *Roma tuas tenuisset habenas*. *Ire lacu*, id est, *in lacum*, ut *Ire polo*, Epithal. Stellae, *in polum deferre montem vallibus*, *in valles*, Val. Flacc. II, 523. Notanda vero Ellipsis ista v. 79. *tu bella Jovis, tu praelia Rheni*, etc.

*Longo Marte domas*:

nemo dicitur *domare bella* et *praelia longo bello*. intelligendum quasi scripsisset, *tu bella Jovis, tu praelia Rheni GERIS*; tu *domas civile nefas*, etc. Haec loquendi forma optimis scriptoribus familiarissima. Noster Theb. VII, 560.

*Hi precibus questuque deos; hic Martia tela*

*Belligerosque hortantur equos*:

atqui nemo *hortatur deos precibus* et *questu*: intelligendum igitur *adecunt* vel *fatigant deos precibus* et *questu*, et equos *hortantur*. tale est istud Val. Flacc. III, 262.

*Illi autem neque adhuc gemitus, neque conscia facti  
Ora levant*:

ubi si ἀνὰ χοῖρον sumas τὸ *levant*, neque *gemitus levant* neque *ora*, sententiam corrumpes, cum *teare gemitus* menti poetae omnino contrarium est. subaudiendum, neque *edunt* vel *emittunt gemitus*, neque *levant ora*.

v. 85. *quem tradere es ausus*] Hos versus quos unicuique inclusos vides, comparationis seriem interrumpentes, si sapias, Lector, transmittes: certum enim est hos spurios et insititios esse. Patet hoc ex versu 88. *quam longus in hunc despectus ab illo*: et 89. *qui non ut viderit AMOS*: e quibus manifestum est duos tantum equos, Julii Caesaris et Domitiani, in comparationem deductos esse; et proinde nullum esse locum Bucephalo Alexandri. Sic igitur hiantem Statium connectas,

*Caesarei stat sede fori: vix lumine fesso*

*Explores*, etc.

Et haec opinio fuit Dan. Heinsii et P. Scriverii, a Gevartio etiam approbata Lect. Papin. c. IX. ob hanc inexpugnabilem rationem, quia effigies equi quam statuit Jul. Caesar ante aedem Veneris Genetricis (de qua re videndi Plinius et Suetonius) erat effigies sui equi, non Bucephali (qui enim potuit?) quem Lysippus Alexandro fecit. Gronovius, delinitus phrasi *traderis ausus*, quam ex MS<sup>o</sup> Florentino et Edit. Rom. et Venet. restituerat, non omnino ejiciendos putat, sed de conciliatione ulterius cogitandum. atqui haec conciliatio nunquam eveniet, nisi probari potest Caesaris et Alexandri equos unum et eundem esse. [Parm. et Rom. et Ven. *traderis*. Vide notas meas. EX ADD.]

[v. 91. *hiemes opus*, omittit τὸ *opus* Rom. et Venet. EX ADD.]

[v. 96. *iuxta*, Parm. et Ven. *iuncta*. EX ADD.]

v. 100. *Apelleae cuperent te scribere ceras*, *Optassetque novo*, etc.] Nemo corrigat, *Optaretque novo*, ut respondeat τῷ *cuperent*, quemadmodum in Consolat. ad Ursum v. 21.



Optarent multum Graiae cuperentque Latinae  
Sic peperisse nurus:  
nihil enim frequentius his Temporum mutationibus. ita  
Glauca Melioris, v. 140.

Hunc nec sacra viro potuisset carpere Progne,  
Nec fera crudeles Colchis durasset in iras;  
Tortus ab hoc Athamas insanos flecteret arcus;  
non flexisset. supra hac Ecloga v. 59.

Quae superingesti portaret culmina montis  
Caelisque attrita genu durasset Atlantis:  
ubi non opus est ut cum Bernartio legas duraret. vide et Epiced. in Patr. v. 51. et seqq. et ita passim omnibus poetis. Constructio huius loci est: Atticus senior optasset te similem ponere in novo templo Elei Jovis. Atticus senior est Phidias, ut senior Gargetius, Epicurus, Tiburt. Manlii v. 91. senior Thessalus, Chiron, Achilleid. II, 382. Cois senior, Hippo-

crates, apud Marcellum Empiricum de Medicina v. 5.  
Quodque Cois docuit senior, quodque Abdera suavit:

ubi Abdera pro Democrito. Te similem ponere id est tuam statuum, ut Aristotelem similem apud Juvenal. Sat II. iuit. imaginem Aristotelis: et passim his Silvis. novo templo, ut innuat indignum vetus aedificium honore excipiendi Domitiani. Haec fere Gronovius. male Lipsius et eum secutus Bernartius legunt Atticus sector. [Parm. Munera pelleae: quod frustra probat Politianus Epist. VI, 1. EX ADD.]

[v. 102. Atticus, Ven. Actius. EX ADD.]

[v. 103. Turas, Parm. et Rom. et Ven. Tonans. emendavit Politianus. EX ADD.]

[v. 107. laetus huic, Rom. laetius huic, male. pro tura Ven. iura. EX ADD.]

## E C L O G. II.

[Lemma huius Eclogae in Parm. et Ven. ita incipitor: Epithalamion in Stellam poetam et Violentillam Stellae coniugem. EX ADD.]

Epithalamion Stellae et VIOLANTILLAE] Tiliobroga vult hoc nomen semper scribi per E, VIOLENTILLA. nescio sane qua auctoritate; Analogia enim videtur reclamare. quippe non a VIOLENTA sed VIOLANTA deducitur haec vox. VIOLA, VIOLANTA, VIOLANTILLA, non VIOLENTILLA: ut a QUADRATA, QUADRATILLA Numidia, apud Plinium Epist. VII, 21. non QUADRETILLA. ita a QUARTA, QUARTILLA, apud Petronium, non QUERTILLA. Violantillam vero a viola deduci non a violenta, luculenter probat Martialis Epig. VI, 21. et VII, 50. quibus locis eam vocat Ianthida: a Graeco scilicet ἰανθῶν, viola.

v. 9. Alternum factura pedem] Primo intuitu ad blanditur Gevartii fractura, eodem sensu quo truncare gressu herois tenores Epiced. in Patr. v. 99. et fraudare epos extremo gressu, infra v. 250. Sed factura eruditissime defendit Gronovius Diatr. c. VIII. et Elench. Antidiatr. c. II. ubi probat Versus Elegiacos non posse dici frangi; et aliud esse truncare et fraudare gressu, aliud frangere. Pes est versus: Horatius Epist. I, 19.

Temperat Archilochi musam pede mascula Sappho:

ad quem locum vide CL. Bentleium. facere alternum pedem est scribere versus Elegiacos, qui absolute alterna carmina et versus alterni vocantur, et alterni pedes. Ovidius Trist. III, 7.

Et tamen ad Musas, quamvis nocuere, reverti,  
Aptaque in alternos cogere verba pedes.

Idem Heroïd. XV, 5. ubi Sappho dicit:

Forsitan et quare mea sint alterna requiris  
Carmina, cum lyricis semper magis apta modis.  
alterni pectine, eodem sensu, Fast. II.

Dum caninus sacras alterni pectine Nonas.  
v. 13. Coetugue Latino

Dissimulata deam, crinem, etc.] Bene emendavit Barthius, cinctugue Latino: nec opus fuit ut tam dubitanter proferret. Claudianus in Eutrop. I, 28.

Rapta Quirinales sumant ergastula cinctus.  
et ita passim apud hunc et alios. erudite Idem IV. Cons. Honor. v. 157.

Ipsa Quirinali parvum te CINXIT amictu  
Mater.

Veste in dissimulationem sui composita, ut de Nerone eleganter Tacitus Annal. XIII. nisi mavis cultugue Latino: ut apud Claudian. de Laud. Stilic. II.

Tunc habiles armis humeros Dea vestibis ambit  
Romuleis; Latii sederunt pectore cultus:  
sed mihi magis placet Barthii cinctu. potes etiam pro Dissimulata deam, legere Dissimulante deam, ut apud Ovid. Heroïd. IV, 55.

Juppiter Europen (prima est ea gentis origo)

Dilexit, tauro dissimulante denu:  
(ubi pro Dilexit sensus postulare videtur Delusit vel Elusit ut Met. VI, 103.

Maeonis elusam designat imagine tauri  
Europen:)

Sed probum etiam Dissimulata. Idem Art. Amat. I, 690.

Turpe, nisi hoc matris precibus tribuisset, Achilles

Veste virum longa dissimulatus erat:  
id est dissimulavit, celavit. Fastorum VI, 507.

Dissimulata deam Latias Saturnia Bacchas

Insimulat factis insidiosa suis.

mox, temperat crinem, i. e. moderatur divinitati suorum crinium ne pulciores sint crinibus Violantillae, ut optime et eleganter Domitius. ita Theb. I, 305. de Mercurio, temperat astra galero, est, a calore astrorum defendit caput galero. mirifice nugatur Scholias Vetus isto loco.

[v. 14. Vultugue, Parm. et Ven. vultusque: recte: Vide ad IV, 2. v. 41. EX ADD.]



v. 20. *Amplexum virides optatae conjugis artus* Ita Edito Gronovii, et eam secutus Veenhusius. plures tamen exhibent *niveos*: quod quare mutabant? ita Silv. II, 3.

*in fontem, niveos ne panderet artus,*

*Sicut erat, cum veste, ruit:*

Sic enim legendum esse ad locum probabo. Sil. Italicus XII, 213.

*Solvitur omne decus leto, niveosque per artus*

*It Stygius color, et formae populatur honores.*

Catullus de Nupt. Pel. et Thet. v. 364.

*Excipiet niveos percussae virginis artus.*

Val. Flaccus, I, 219.

*unde urna humeris, niveosque per artus*

*Caeruleae vestes?*

Virgilius Ciri v. 399.

*Tyndaridae niveos mirantur virginis artus.*

Recte se habere *virides* artus si de *Juventa* vel *Rore* dicendum foret; hic vero de *Forma* et *Venustate* loquitur Statius, quibus congrui sunt *nivei* potius quam *virides* artus. Barthius Advers. XXVIII, 4. ait in vetustissimo exemplari se invenisse *annos* pro *artus*; et huic libens adsentitur Gronovius Diatr. c. LIII. Nec dubium est quin *virides* annos suo loco optimum sit: hic tamen mihi videtur nimis longe petitum, si dicas *virides* annos optatae conjugis, id est *juventam* conjugis, id est *juvenem* conjugem. Nec sane video quare hoc admittatur unius tantum codicis autoritate contra omnes alios tum codices tum editiones, quantum noverim; praesertim cum non necessarium sit: immo melior, meo iudicio, antiqua lectio. Sed, ut saepe dicturus sum, eruditos et minus obvios sensus et phrases maxime appetebat Gronovius. quale est quod sequitur,

*et olenti spargere Thymbra:*

pro qua voce Edit. Veneta habet *nymbo*, et ita legisse Claudianum verosimillimum est, qui in Nupt. Honor. et Mar. v. 296. hunc locum imitatur et eadem voce utitur:

*nec signifer ullus*

*Nec miles pluviae flores dispergere ritu*

*Cessat, purpureoque ducem perfundere nimbo.*

sic *ninguere floribus* Lucretio et odorati imbres Seneca in eadem re, et Martialis IX, 39.

*Lubrica Corycio quamvis sint pulpita nimbo,* et multa alia quae adduxit politissimus Gevartius (cui haec debentur) Papin. Lect. c. XIII. Haec tamen Gronovio tanti non sunt, ut non quocunque sensu retinendum censeat *to Thymbra*, Diatr. c. LIII. videamus quid sibi velit haec lectio. *Thymbra* locus est seu ager Trojae vicinus, plenus herba cognomine, quam *Satureiam* vocamus, inquit Servius ad Virg. Aen. III, 85. *Thymbra* igitur olenti spargere (sive pro loco sive pro herba sumas, ad idem recidit) est perfundere *satureiam*. at vide quam inepte fecerit Statius si induxerit *Amorem* et *Gratias* spargentes non *lilia* et *rosas* et *myrtum* et *violas*, sed *SATUREIAM*. Decent Apollinem, inquit, munera sui campi. Atqui Apollo non dicitur spargere hanc *thymbram*, sed *Amor* et *Gratiae*. quin ne ipsum quidem Apollinem deceret

haec munera tam festo tempore, nisi *Medicus* fuisset *Stella*: vel nisi dicas urbanum hoc loco esse Statium, et tacite alluisse ad notas *Satureiae* virtutes in re *Venerea* adjuvanda, (de quibus nequitiae magister Ovidius et alii Veteres passim) et ideo sparsam esse *thymbram* seu *Satureiam*. Sed quid nugor? omnino verum puto olenti *nimbo*: quem interpretari potes vel d: *liquore* aliquo quem secum adducebant Amor et Gratiae; qualis est *Idalius succus* I, 3. et *arcani liquores* III, 4. vide Claudian. de Nupt. Honor. et Mar. v. 101. et 209. et Epithalam. Palladii et Celestinae v. 116. *largosque rosarum Imbres*, etc. ubi hunc locum clare imitatur. Mox, pro *fronte* Gronovius Diatr. c. IX. legebat *fronde*: ut enim, inquit, *lilia mixta violis*, ita *rosa fronde*. Elench. Antidiatri. tamen cap. II. retinet *fronte*, quia caput potissimum in huiusmodi *ἀρδοφόλλαις* petitur. Et hoc potius videtur, si locus sanus sit. pro *violis* Flor. Rom. et Ven. Codices habent *mollis*. Mox, pro *niveis* a vultibus forte legendum *nitidis*, quoniam praecessit *niveos* artus. contra apud Senecam Hippol. Act. II. v. 375.

*non idem vigor,*

*Non ora tingens nitida purpureus rubor:*

*Populatur artus cura: jam gressus tremant,*

*Tenerque nitidi corporis cecidit decor:*

legendum puto,

*Non ora tingens nivea purpureus rubor:*

voce enim *nitida* et *nitidi* vix est ut eo modo collocaret Seneca: et oppositio postulat *nivea*; *purpureus* rubor tingens *nivea* ora, *Indum sanguineo veluti violaverit OSTRO* Si quis EBUR: verba sunt Maronis Aen. XII, 67.

[v. 21. *nimbo*, Parm. et Rom. *tymbra*. et ita Ven. EX ADD.]

[v. 22. *violis*, Parm. et Rom. et Ven. *mollis*. EX ADD.]

[v. 23. *dominae*, Parm. et Ven. *dominis*. latet aliquid. EX ADD.]

v. 27. *Cessent mendaces obliqui carminis astus* Optime huic loco congrueret *mordaces* pro *mendaces*: nisi quod versu proximo sequitur *frena momordit*: quod tamen tanti non est ut rejiciamus *mordaces*: ita enim interdum accidit, praesertim in his quasi extemporaneis ingenii periculis; in quibus festinatio et necessitas patrocinantur usui ejusdem vocis. Ita Herc. Surrent. v. 152.

*nudosque virorum*

*Certatus, et parva suae simulacra coronae.*

*Quin age, et ipse libens proprii certaminis aetus*

*Invicta dignare manu.*

vides *certatus* et *certaminis*: nec quidquam ibi mutare potes absque summa violentia. Optimum, inquam, *mordaces* astus. Ovidius Trist. II, 563.

*Non ego mordaci destrinxi carmine quemquam.*

Sidon. Apollinaris Carm. IV, 15.

*Non ego mordaci fodiam modo dente Maronem.*

Manilius V, 145.

*Et sale mordaci dulces quaerentia risus.*

Eleganter Paulinus Epist. III, ad Ausonium. v. 158.



*Sed lingua mulcente gravem interlidere dentem,  
Ludere blanditiis urentibus, et male dulces  
Fermentare jocos satirae mordacis aceto,  
Saepe poetarum, nunquam decet esse parentum.*

Invidia mordax Phaedro Prolog. lib. V. Ridicule hic Domitius, qui mendaces astus explicat magicæ artes quibus amantes uti solent. Melius Cruceus, qui interpretatur, Cessent mordacia et jocosa carmina et facetiæ satiricæ, quales fere in procos aut sponso illustriores jactari solent, sub fictis nominibus, non directe; unde obliqui carminis astus dicuntur: morsus figuratos vocat Macrobius Saturnal. VI, 3. Martialis VII, 62.

*Ne quid liberti narrent servique paterni  
Aut niger obliqua garrulitate cliens.*

Unde Cato adversus potentes semper obliquus, ut de eo Florus IV, 2. Sed Stellæ præcipue congruebant hi lusus Satirici; ejus enim vita et mores a rebos amoenis et vagatione juvenili minime abhorrebant. et hoc agnoscit Statius, *Subiit leges et frena momordit Ille SOLUTUS AMOR* etc. et innuit Venus apud Martialem Epig. VI, 21. de his nuptiis:

*Perpetuam Stellæ dum jungit Ianthida rati,  
Laeta Venus dixit, Plus dare non potui.*

*Hoc eorum domina; secretius illud in aurem,  
Tu ne quid pecces, exitiose, vide etc.*

ita legendum puto; vulgo *Haec*, et, *sed nequius*: nisi mavis *Haec*, et, *secretius illa*, et in aurem: omnino enim incongruum est *sed nequius*, cum nihil nequam sit, nulla lascivia in illis quæ sequuntur. Sed hoc obiter. Non igitur mendaces erant hi astus: et sales qui in Stellam componebantur, sed mordaces: et ita omnino legendum, ut vitetur falsum. [Hæ voces mendar et mordax commutantur apud Ovidium Art. Amat. I. 431. et alibi. EX ADD.]

v. 31. *Tu tamen attonitus, quamvis data copia tantæ*

Noctis, adhuc optas.] Quale hoc est hysteron proteron, copia tantæ Noctis? quippe Stella nondum supponi potest habuisse NOCTEM; cum DIES tantum Nuptialis describitur. Supra v. 24.

*Ergo DIES aderat etc.*

Infra v. 209.

*Quis tibi tunc alacri, caelestum munere, clare  
Stella DIES?*

Et mox,

*quam longa morantur*

*Sidera, quam segnis votis AURORA maritis!*

v. 229.

*Vix dum emissæ DIES et jam socialia præsto  
Omina.*

et 241.

Hic fuit ille DIES: NOCTEM canat ipse maritus.

Qui locus luculenter probat quod dixi, diem scil. nuptialem hic describi; et proinde nihil de nocte dici posse, cum nox nondum aderat. Sed et hoc manifesto probatur ex Choro Deorum et Dearum, quem se videre fingit Statius commigrantem ad aedes Stellæ, die scil. nuptiali: et istis v. 13.

*Ipsa TOROS et sacra PARAT:*

Si toros PARAT Venus, nondum in toris convenerant

Stella et Violantilla, et consequenter copia noctis nondum data fuerat Stellæ. Vide et v. 47. dum fervent agmine postes etc. et v. 16. Nosco DIEM causasque Sacri. Sentis jam absurditatem illius noctis; pro qua minima mutatione repouendum,

*quamvis data copia tantæ*

*Sortis, adhuc optas:*

Sors proprium in hac re vocabulum, d: Matrimonio scilicet. Noster Ad Uxorem, v. 22.

*et enim tua, (nempe benigna*

*Quam mihi sorte Venus junctam florentibus an-*

*nīs*

*Servet et in senium) tua etc.*

Thebaid. III, 157.

*Ah quanto melius dextraque in sorte jugatac*

*Quæ sterilis thalami!*

Ita legendum pro At quanto. Achilleid. I, 252. ubi Thetis Achillem alloquitur:

*Si mihi, care puer, thalamos sors æqua dedisset etc.*

Inde consors pro maritus: Claudianus Laud. Seren. v. 12.

*consorte redempto*

*Casta maritali successit Thessala fato:*

(quod plenius extulit Ovidius Met. X, 246. consors thalami: et alii.) et consortium, proprie de matrimonio. Idem de Rapt. Pros. II, 367.

*Nostra parens Juno, tuque, o germane Tonantīs*

*Et gener, unanimi consortia discite somni:*

Et in Laude Serenæ Reginae, v. 82.

*alio tum parvus in axe*

*Crescebat Stilico, votique ignarus agebat:*

*Debita cui longe conjux, penitusque remoto*

*Orbe parabantur tanti consortia fati:*

Ita legendum; vulgo inepte parabatur concordia. Inde sortiri toros apud Auctor. Octaviae v. 536. et alios passim. Sequitur, promissaque numine dextro Vota pares: pro quo N. Heinsius ad Sil. Italicum XVI, 432. legit permissaque: recte. Vota permissa sunt vota quorum iam compotes sumus. Claudianus de IV. Cous. Honorii:

*In civem rubuere genæ, tergoque removit*

*Verbera permissi felix injuria voti.*

[Hoc sensu sumenda vox permissus, Achilleid. II, 264. ubi Deidamia queritur quod eripitur miserae permissus Achilles, id est, Achilles quem jam suum fecerat, cujus compos fuerat. Val. Flaccus VIII, 80.

*Nec dare permissæ, quamvis juvet, ora quieti  
Sustinet.*

Pulchre hoc loco describitur cunctatio hominis cui aliquid boni voto majus contigit. Imitatur Claudianus de Bel. Gildon. v. 6.

*Horret adhuc animus, manifesta quoque gaudia dif-*

*fert,*

*Dum stupet, et tanto cunctatur credere voto.*

Mox v. 36. pro amplexu petito conjugis, legendum, petita conjugis. Intelligent hoc qui compositionem Statianam intelligunt. Ita supra v. 20. nivos optatae conjugis artus. Seneca Hippol. v. 862.



*O socia thalami, siccinæ adventum viri  
Et expetiti conjugis vultum excipis?*

Juvenalis Sat. X, 241.

*rogus adspiciendus amatae*

*Conjugis et fratris, plenaque sororibus urnae.*

Vers. 38. *Digna quidem merces et ita Propert. II, 8.  
Digna quidem facies, pro qua vel obiret Achilles.*

v. 41. *Hanc propter tutum Pisaea lege tremen-*  
*tem*

*Currere.*] Quomodo tutum, (inquit Gronovius  
(Reliq. ad Statii Silv.) si trementem; si Pisaea lege?  
legit igitur, *Hanc propter* justum. Bene. Ausonius  
Epitaph. Her. VII.

*Non hic ordo fuit: sed justius ille superstes,*

*Troja capi sine quo perfida non potuit.*

Sil. Italicus III, 95.

*tua justior aetas*

*Ultra me improperae ducant cūi fila sorores:*

i. e. dignior: vide ibi Dan. Heinsium. ad hanc formam  
est istud Persii,

*Anticyras melior sorbere meracas,*

et Statii Theb. X, 429.

*Ego infandos potior satiare volucres,*

id est dignior. et Propertii Eleg. II, 3.

*Pulchrius hac fuerat, Troja, perire, tibi.*

Sed phrasin Statianam exigenti occurrit ab illo pro-  
fectum esse, *Hanc propter verum Pisaea etc.* prima  
syllaba *ver* amissa in praecedente *ter. verum* est ae-  
quum, *justum*. Epiced. in Puer. v. 49.

*Verum erat: absuntque vires et copia fandi*

*Nulla mihi.*

Plinius Epist. VIII, 2. *nequaquam verum arbitrabar,*  
*quos non aequasset fides solutionis hos benignitate re-*  
*missionis aequari.* Horatius Epist. I.

*Metiri se quemque suo modulo ac pede verum*  
*est.*

Sed melius est Gronovii *justum*, utpote proximius.  
[*Hanc propter JUSTUM Pisaea lege trementem Curre-*  
*re*, Ita edidi ex Coniectura Gronovii, pro TUTUM,  
quod absurdum erat. et hae voces *tutum* et *iustum*  
pariter confunduntur apud Ovidium Met. XV, 588.  
ubi pro IUSTIUS tres libri habent TUTIUS. Cl. vero  
Burmamnus ad Ovid. Amor. II, 14. v. 43. monet Hein-  
sium legisse,

*Hanc propter VOTUM Pisaea lege:*

*votum* est *res optanda*, ut Lucan. VII, 63.

*Jam Pompeianis VOTUM est Pharsalia castris.*

Parmensis vero habet,

*Hanc propter LIBUIT Pisaea etc.*

unde nullo negotio efficitur

*Hanc propter LIBUIT Pisaea lege trementem*  
*Currere:*

*Propter hanc VOLUPTATI ESSET etiam trementem cur-*  
*rere.* et videtur exscribere hunc locum, suo more,  
Claudianus de Nupt. Hon. et Mar. v. 255.

*Te propter LIBUIT tantos explere labores:*

id est, *voluptati erat.* Sed veritatem unice servat  
Venet. quae habet,

*Hanc propter TANTI Pisaea lege etc.*

*propter hanc TANTI fuit, operae pretium fuit, etiam*

*TREMENTEM currere.* Nihil certius. Sic Via Domit.  
v. 81.

*Et grates ago, servitusque TANTI*

*Quod sub te duce, te iubente, cessi:*

ubi Ven. et Parm. omittunt verbum substantivum *est*  
*post tanti*, ut in hoc loco. Ex ADD.]

[v. 44. pro *sedisses* Parm. et Rom. *Venisses:*  
Ven. *Dirixisses:* male. EX ADD.]

v. 45. *Te potius prensa veheret Tithonia biga.*  
Janus Parrhasius Epist. LVII. legit *prensam* vel *pres-*  
*sa*, adsentiente Bernartio. posterius verum puto. *Pres-*  
*sa* biga, id est, *depressa*, *demissa* in terras ut te,  
quemadmodum Tithonum, exciperet. Noster Theb.  
XII, 305.

*exere, quaeso,*

*Cornua, et adsucto monstrabat funera terras.*  
Lucanus VI, 505. de Luna:

*Et patitur tantos cantu depressa labores,*

*Donec suppositis propior despumet in herbas:*  
nisi ibi legendum sit *depressa*. *pronis curribus* eo-  
dem sensu Theb. X, 370.

*incendit pronis dea curribus alnum*

*Sidus, et admoto monstrabat funera cornu:*

ubi tamen transponendas voces puto, et legendum  
pronis *cornibus* et admoto *curru*, ut supra citato lo-  
co Thebaid. XII, 305. Gronovius Diatr. C. IX. et  
Elench. Antidiatr. C. II. retinet *prensa*, alia vocis  
notione, pro *juncta*, ut apud Virgil. Georg. I, 284.

*Septima post decimum felix et ponere viles*

*Et prensos domitare boves:*

et III, 207.

*prensique negabunt*

*Verbera lenta pati:*

Et Ovid. Remed. Amor.

*Aspiceis ut prensos urant juga prima juvencos:*

Tacitus de Morib. Germ. C. X. *publice aluntur iisdem*  
*memoribus ac lucis, candidi, et nullo mortali opere*  
*contacti: quos prensos sacro curru sacerdos ac rex*  
*vel princeps civitatis comitantur, hinnitusque ac fre-*  
*mitus observant.* Ita legit pro *pressos*. His locis ad-  
dere potuisset istum Ovidii Amor. I, 2. v. 13.

*Verbera plura ferunt, quam quos juvat usus*  
*aratri,*

*J Detrectant prensi dum juga prima boves:*

Sic enim et ibi legendum forte pro *pressi*. Subjungit,  
Eruditionis Statianae ingens argumentum *prensa* illa  
*biga*. Sed non recte argumentari videtur Vir Mag-  
nus. *Prehendere BOVES* est *jungere BOVES*; ergo,  
*prendere BIGAM* est *jungere BIGAM*. Nequaquam con-  
cedenda Consequentia: quid enim si ego hoc modo  
argumentarer, *prendere EQUOS* est *jungere EQUOS*; ergo  
*prendere FOEDUS* est *jungere FOEDUS*: concederes-  
ne ideo recte et Latine dici posse *prendere foedus* pro  
*jungere foedus*? non certe, nisi exemplum hujusmodi  
locutionis proferrem ex probato aliquo autore. Quip-  
pe in his rebus non dominatur Analogia, sed Usus;  
nec a similibus ad similia progredi potes, sed ce-  
dendum Consuetudini, quam penes arbitrium est et  
jus et norma loquendi; loquendi recte; nam ut *eru-*  
*dite*, nil moror. Si aliquis hoc pacto argumentaretur,



*frenare EQUUM est regere EQUUM; ergo frenare TEL-  
LUREM vel PROVINCIAM est regere TELLUREM vel PRO-  
VINCIAM; recte, dicerem: quia haec phrasid occurrit  
Silv. V, 2.*

*Quod si te magno tellus frenata parenti  
Accipiat, quantum ferus exultabit Araxes!*  
et Val. Flacco I, 22.

Haemoniam *primis Pelias* frenabat ab annis:  
et aliis. Quod si pergeret, ergo *frenare VALETUDI-  
NES principis* est idem quod *regere VALETUDINES  
principis* apud Tacit. Annal. VI, 50. non ad-  
mitterem, nisi exemplis et auctoritatibus confirmaret.  
At quare non? inquit. Quia non visum est magnae  
Deae Consuetudini Metaphoram eo usque pertingere.  
Similiter in hac voce *prendere*: cujus notio videtur  
peti debere a *coactione* quae adhibetur his animalibus  
natura *feris*: cujus *consequentia* tantum videtur *Sub-  
jugatio*, non ut pro *primaria* significatione sumi pos-  
sit. Adeo ut si recte et secundum consuetudinem di-  
cere possis equum vel bovem *prendi* vel *jungi*, ut-  
pote *occupatum* ab homine et *coactum* subire jugum;  
cum tamen nihil tale competat *bigae* vel *curru*, nol-  
lem asserere *bigam* *prendi* dici posse, sine exertis et  
indubitatis Veterum testimoniis: praesertim cum con-  
trarium potius verum videatur: Si enim *equus* recte  
dicatur *pressus*, certe *biga* seu *currus* cui equus jun-  
gitur non itidem *pressus* recte dici potest: hoc enim  
tale esset quale istud Virgilii VII, 778.

*Unde etiam templo Triviae lucisque sacratiss  
Cornipedes arcentur equi, quod litore curram*

*Et juvenem monstris pavidi effudere marinis.*

Ubi quaero si recte dicatur *juvenis* effundi curru,  
quomodo eodem tempore *currus* ipse dici potest *ef-  
fundi*? si enim liquor qui est in poculo *effunditur*,  
poculum ipsum non dici potest *effundi* sed *exerti*: et  
ita hic oportuit, *exertere* currum et *effundere* juvenem.  
Sed de hoc loco alias. Pergit tamen Vir Doctissimus;  
et ad finem Diatribes, in *Omissis* et *Erratis* p. 401.  
duo exempla adducit ex Thebaide. Primum est IV, 219.  
de Amphiarao:

*Arma simul pressasque jugo moderatur habenas.*  
De hoc mox dicam. Alterum est Theb. VIII, 563.

*ruit primis inmixtus, et agmina Lerna*

*Nunc pedes ense vago, pressis nunc celsus ha-  
benis,*

*Ceu spectetur, agit;*

hoc est, inquit Gronovius, nunc pedes, nunc curru  
*juncto* pugnare. Quid audio? *pressis habenis* idem  
quod *juncto curru*? revera non credidisset hoc a  
Gronovio profectum esse, suo, et vigilantibus: et bene  
quod inter *Errata* ponitur. Vir doctus hoc in animo  
fixum habuit, *id pressum* idem esse quod *junctum*;  
unde quaque occasione hoc ingerit. Quid sit *pressis  
habenis*, si nescis, discere hoc loco Val. Flacci VI,  
209. de Castore, postquam ex equo Gelam dejecerat:

*alipedemque*

*Constitit excusso vector duce: risit ab alta*

*Nube pater, pressisque equitem cognovit habenis:*  
ita restituit Celeberr. Burmannus pro *victor*. Risit,  
inquit Flaccus, laetatus est Juppiter hoc filii sui praec-

clarum facinus cernens; et statim cognovit *equitem*  
esse, *Castorem*, (non *Pollucem*, ille enim caestu gau-  
debat) quia *habenae prehenderat*, frenum *occupaverat*  
equi: hoc enim est *pressis habenis* et in hoc et in  
Statii supra citato loco, *pressis nunc celsus habenis*:  
nunc *3 pedes*, nunc celsus in curru et *frena tenens*,  
*pressis habenis*; non *curru juncto*. Nam de The-  
baide. IV, 219.

*Arma simul pressasque jugo moderatur habenas*,  
imposuit viro eximio locus, ut mihi videtur, deprava-  
tissimus. Elige enim quam vis verborum Construc-  
tionem; sive hanc, moderatur habenas *pressas jugo*,  
(id est, secundum Gronovium *junctas*) falsum conti-  
net: quippe habenae non *junguntur jugo*: sive illam,  
*jugo moderatur pressas habenas*, absurda est: *jugum*  
enim non potest moderari *habenae*. Nihil igitur hinc  
probari potest, nisi locum esse corruptissimum. lege,

*Arma simul pressis jugum moderatur habenis.*  
Dicit Amphiarao armatum pugnare e curru: sinistra  
manu *arma*, id est, *clipeum* moderatur, dextra *pres-  
sis habenis*, tenens habenas, regit et moderatur equos  
seu currum. Nihil jam intellectu facilius. Et his lo-  
cis maxime confirmatur quod dixi de notione vocis  
*prendere* pro *jungere* quando de *equis* vel *bobus* ser-  
mo est, aratro vel curru adhibitis: nempe quia *occu-  
pantur* et a *feritate* sua in mitem habitum redi-  
guntur: cui consequens est ut *jungantur aratro* vel  
*curru*. Extra hos fines *prendi* pro *jungi* recte dici  
posse non puto: nec in isto Claudiani loco, *famuli  
currum junxere volentem*, substituere potes *prendere*  
vel *prendere*, (ut Sil. Italicus effert) nec in isto  
Ciceronis, a Gronovio citato, *Vedius venit mihi ob-  
viam cum duobus essedis et rheda equis juncta*, ae-  
que bene dixisse potuit rheda equis *pressa*. *Pressus*  
vero pro *occupatus* tralatitium est. Noster Theb. VI, 479.

*Mox Chromis Hippodamum metae interioris ad  
orbem*

*Axe tenet presso:*  
et 641.

*clamore recurrit*

*Ante duces pressasque levat suspiria palma.*

Habeo et quod opponam emendationi Gronovianae in  
Tacito, et Ovidio ubi legit *pressos* pro *pressos*. ve-  
lut hoc Senecae Herc. Fur. 1019.

*Jugoque pressum libera turpi Jovem:*

ubi si legat *pressum*, ingeram illi hoc Antoris Octa-  
viae v. 250. *Orbis tyrannus, quem premit turpi ju-  
go*: et 413. premere *subjectos jugo Tauro feroces*:  
et alios aliorum locos. vide Ovid. Met. XII, 77. Quod  
vero contra Gronovium disputavi nolo ita accipias,  
Lector, quasi praeferre affirmem; non dico haec ita  
ESSE, sed VIDERI. Ille enim, si quisquam, linguae  
Latinae indolem pulchre perspectam habuit, et in pe-  
nitissima ejus arcana penetravit. Sed nimia *Eruditio-  
ne* (audebo dicere) in Statio explicando non raro pec-  
cavit, dum minus obvias lectiones et interpretationes  
secutus est, et doctrinam intempestivam impingendo,  
*eruditum* potius quam *bonum poetam* Statium esse vo-  
luit: quod a me suis locis notatum invenies. Ipse  
alias harum rerum judex erat et exactor acerrimus.



Lege modo hanc ejus observationem Notis in Senecae Controv. XI. p. 412. ubi de phrasi *animam agere*, id est, *animum in discrimine habere* contra Schottum disputat, his verbis: „Observa tamen delicias Veterum: quem *animam agere* usitate dixerunt, ejus, ut dicerent, *anima agitur*, absurdum visum est: cuius contra *caput* aut *fortunas agi* dixerunt, cum *caput* aut *fortunas egere* ut dicerent induci non potuerunt.“ Humanissime deinde disputationem claudit hoc modo: „Nos tamen Schotti meritis et hos et alios errores facile condonamus; ut alios illis depravari et deduci pateremur haud visum est faciundum. nam et nostros reprehendi malumus, quam illis et nos et alios decipi.“ Pulchrum hoc et laudabile: et ad hanc regulam exigas peto, Lector, si unquam a Gronovio aut quoquam alio viro docto dissensero. Malo igitur Parrhasii *pressu* biga; et eo magis quia hae voces perpetuo in MSS. commutantur. Ita Virgil. X, 97.

*ceu flamina prima*

*Cum deprensa fremunt silcis et caeca volutanti  
Murmura:*

dudum videram legi oportere *depressa*, Comparatione scilicet hoc postulante. *depressa* fremere (more Graeco, participium pro adverbio) est *humili et submisso sono murmurare*, ut apud Lucret. IV.

*Cum tuba* depresso graviter sub murmure mugit. Ita *rauca* gemere apud Lucan. V, 217.

*ut lamidus Boreae post flamina pontus*

*Rauca gemit:*

Jet ita postea inveni inter Variantes Lectiones Codicis Markiani: licet Servius agnoscat *depressa*. Pro *fremunt* legendum quoque *gemunt*: praecessit enim *cunctique fremebant*. Sed de his alibi fusius. Vide Cl. Bentleium ad Horat. Carm. I, 14. Deinde pro *Tithonia* N. Heinsius ad Ovid. Fast. IV, 941. legit *Titania*. Sed, licet non recte, minime tamen reprehendus, quia Ipse errorem suum agnoscit Not. ad Val. Flacc. III, 1. his verbis: „Ceterum quod ad Nasonem in Fastis IV, 943. moneram, ubicumque apud poetas *Tithonia* simpliciter ponitur pro *Aurora*, non addito *conjunx* vel quid simile, ibi *Titania* videri reponendum, id nunc aliter videtur, quod frequenter *Tithonia* in scriptis poetarum *Aurora* nuncupetur, nec sit vero simile librarios tam pertinaciter impegisse.“ Et hoc in universum verum puto, ubicumque de *Aurora* sermo est, legendum esse *Tithonia*; ubi de *Luna*, *Titania*; licet etiam *Lationa* hac appellatione occurrat apud Ovid. Met. VI, 346. ut *Titanius* pro *Sole* apud Avien. Phaenomen. Arat. v. 1062. Interpretes hunc locum intelligunt de *Cephalo*, quem itidem ut *Tithonum*, reppit *Aurora*: vide Ovid. Met. VII, 701. et Mythologus. Doctissimus vero Bentleius ad Horat. Carm. I, 28. v. 8. *Tithonusque remotus* in auras, ad hunc refert. Parum interest: sequor tamen Bentleii expositionem, quia ad verba Horatii *in auras*, forte respiciunt ista Statii *per auras*. Vide autem Nostri proprietatem in ista voce *Sedisses*, de Paride: *judex* enim dum causam cognoscit proprie *sedere* dicitur. Plinius Epist. V, 1. *Adhibui in consilium duos quos tunc civitas nostra spectatis-*

*simos habuit, Corellium et Frontinum. his circumdatus in cubiculo meo sedi.* Seneca Agamemnon. v. 730. *fatalis sedet*

*Inter potentes arbitri pastor Deas.*

Sil. Italicus VII, 437. loco huic simillimo:

*Laomedonteus Phrygia cum sedit in Ida*

*Pastor etc.*

Plene Seneca de Benef. VI, 4. *Non tantum inter creditorem et debitorem judex sedet qui dicat, Pecuniam credidisti.* Sed nota haec sunt: fateor; malui tamen decem legere quae sciebant, quam quinque quae non intelligebant.

v. 49.

*vacat apta movere*

Colloquia] Pro *Colloquia* legendum forte *Alloquia*: idem nempe quod *Allocutio* Genethl. Lucani, v. 62.

*Tu castae titulum decusque Pollae*

*Jucunda dabis Allocutione.*

Et hoc innuit epitheton *jucunda*; *Hic Erato jucunda doce*: et vox *apta*; *Alloquia apta* huic tam festo diei. De *Allocutione* Nuptiali consulas Salsamius ad Hist. Aug. Scriptores Vol. II. p. 214. Nisi per *Colloquia* hoc loco intelligas *Dialogum* inter Venerem et Natum ejus. Utcunque sit, pariter depravatus est locus Thebaid. V, 82.

*sub nocte dieque*

*Assiduus aegrae lacrimis solantia miscens*

*Alloquia:*

Ita legendum; vulgo *Colloquia*. Theb. VI, 40.

*sola ut Adrastus*

*Alloquiis genitorem ultro:*

et XI, 196.

*Coepit et leni senior mulcere furem*

*Alloquio.*

Supra citato Theb. loco pro *sub nocte dieque* MS. *Petrensis* habet *noctesque dieque*; lege *noctesque diesque*, ut Achilleid. I, 637. *Movere colloquia* seu *alloquia*, ut *movere* carmen. Supra v. 2. *Cui, Paeon, nova plectra moves?*

v. 59. *FESSA jacet stratis, ubi quondam conscia culpa*

*Lennia repserunt deprenso vincula LECTO]*

Lege, *FUSA jacet stratis* etc. quomodo enim *FESSA*, quae perpetem noctem quieverat? Silv. II, 1. v. 170.

*Tu modo FUSUS humi lucem aversaris iniquam.*

Theb. I, 407.

*FUSUS humo gelida partem prior hospes habebat.*

mox v. 565. de Pythono serpente,

*Castaliis dum fontibus ore trisulco*

*FUSUS hiat.*

Claudianus de Bello Gildon. v. 327.

*Tyrio qua FUSUS Honorius ostro*

*Carpebat teneros Maria cum conjuge somnos.*

Ovidius Pontic. III, 3.

*FUSAE erant toto languida membra toro.*

Virgilius Culice v. 152.

*At circa passim FUSAE cubuere capellas:*

*Ita legendum; vulgo ibi quoque FESSAE. Exemplum ubique. Vide autem quae sequuntur: Venus jacet fusa LECTO, in quo LECTO quondam Lennia vincula repserunt, deprenso LECTO. Nonne hoc micum est?*



dixisse debuit, deprenso ADULTERIO vel MARTE: ut Ausonius in Cupid. crucifix. v. 84.

*quod vincula caeca mariti*

Deprenso Mavorte tulit:  
et Idyll. IV, 27.

*Signa canit serus deprenso Marte satelles.*

Ovidius Amor. I, 9.

Mars quoque deprensus *fabrilia vincula sensit*:  
Non LECTO: *lectum* enim non *deprehendebatur*, sed Mars et Venus in LECTO. Vide Ovid. Trist. II, 377. Scripsit Statius,

*deprenso vincula FURTO:*

i. e. *adulterio*, et *furtivo amore*. Infra v. 191.

*Quis septemgeminæ posuisset moenia Romæ*

*Imperii Latiale caput, nisi Dardana FURTO*

*Cepisset Martem, nec me prohibente, sacerdos.*

Theb. II, 269.

*Lemnius haec, ut prisca fides, Mavortia longum*  
*FURTA dolens, etc.*

Ausonius Idyll. V, 7.

*Sol, cui nec FURTO Veneris latet armipotens*  
*Mars.*

Ovid. Met. I, 605.

*ut quæ*

Deprensi toties jam nosset FURTA mariti.

Et III, 6.

*quis enim deprehendere possit*

FURTA Jovis?

Virgilius Georg. IV, 345.

*Inter quas curam Clymene narrabat inanem*

*Vulcani, Martisque dolos, et dulcia FURTA.*

Sidon. Apollinaris Carin. XI, 32. de Vulcano, huic Statij loco manifesto alludens,

*Huic operi insistens, quod necdum noverat illa*

*Quæ post Lemniacis damnavit FURTA catenis.*

Suavissime Statius, Theb. X, 61.

*Ipsa illic magni thalamo desponsa Tonantis,*

*Expers connubii, et timide positura sororem,*

*Lumine demisso pueri Jovis oscula libat*

*Simplex, et nondum FURTIS offensa mariti.*

Silius Italicus XIII, 615.

*Astabat fecunda Jovis Pomponia FURTO.*

Deprenso furto, ut apud Martialis. Epigr. I, 88. licet alio sensu,

*Notas ergo nimis fraudes deprensæque furta*

*Jam tollas, et sis ebria simpliciter.*

Ortus vero error ex geminatione ultimæ syllabæ vocis *vincula*: *la* enim et *lec* ejusdem sunt ductus in MSS. Hujus generis mendorum plurima exempla in his Silvis deprehendimus. Adumbratus est hic locus ex Val. Flacco IV, 355.

*dominum Lyrceia tellus*

Antraque DEPRENSÆ tremuerunt CONSCIA CULPAE.

Quod Noster *furtum* vocat, Valerius *culpam*. Haec scripseram cum deprehendi Cruceum in eadem conjectura. Gronovius tamen Diatr. c. IX. et LI. retinet *lecto*, et haec notat: „Offensus repetitione vocis intertum synonymæ Cruceus reposuit, *vincula furto*. „Sed nihil mutandum. *Sirata* enim pars lecti hic „sunt, seu stragula vestis, quæ lecto ingesta erat ad

„commoditatem cubandi.“ Et verum quidem est quod observat vir doctus de τῷ *strata* pro parte lecti, seu quodcumque lecto insternitur. Ita apud Claudian. in Rufin. I, 210.

*fulgentibus illic*

*Surgunt strata toris:*

et de Bel. Get. v. 352.

*nec mollia fesso*

*Strata dedere torum:*

et Ovidium Met. V, 34.

*Ut stetit illa toro, stratis tum denique Perseus*  
*Exiit.*

Ita *tectum* pro parte domus apud Sil. Italicum VIII, 321.

*non hic domus hospita tecto*

*Invitat patrio:*

et Lucanum VII, 403.

*stat tecto putris avito*

*In nullos ruitura domus:*

ita legendum; vulgo, *tectis putris avitis*: quod aures elegantes statim respiciunt. Nihilominus tamen sensus imperfectus et si retineas LECTO ob supra dictam rationem, quia LECTUM non *deprehendebatur*, sed *adulterium*. Præterea, verba *deprehenso glecto* superflua sunt: priora enim, ubi quondam Lemnia vincula reposerunt, *deprehensionem lecti* satis describunt. Reposuit Gronovio locus iste Thebaid. VII, de hac re:

*nondum radiis monstratus adulter*

*Fœda catenato luerat connubia lecto.*

Putavit idem esse *catenatum* et *depressum lectum*. *catenatus* lectus est *catenis cinctus, circumdatus*; *depressus* lectus quid sit nescio. In contextum itaque admisi FURTO, patrocinante necessitate.

v. 67. *at quondam lacrimis*] Quondam nihil ad rem: lege *tandem*. Deinde, pro *virum* lege *viri*, ita sensu postulante. si enim *virum* scripsit; dixisse debuit *supplicibus dextris*, non *supplice dextra*. Viri, i. e. *Stellæ*, ut v. 196.

Et lacrimæ *rigilesque viri prope limina questus*. Virgil. Eclog. VI, 66.

*Uique viro Phœbi chorus assurrexerit omnis.*

Et ita legit Bernartius.

v. 80. *Et inermi strinximus arcu*] N. Heinsius Not. ad Claudian. de Mall. Theod. Cons. v. 325. legit *inerti* arcu. Non enim, inquit, vult Statius *nulla sagitta*. Optime quod ad vocem; non adeo exacte in ejus interpretatione. Sumtum enim ex Ovid. Met. I, 468.

*Eque sagittifera promsit duo tela pharetra*

*Diversorum operum: fugat hoc, facit illud a-*  
*morem.*

*Quod facit, auratum est, et cuspidē fulget a-*  
*cuta:*

*Quod fugat obtusum est, et habet sub arundine*  
*plumbum:*

Hic igitur *iners* arcus (i. e. *sagitta*) de quo Statius, est *plumbeum* telum Ovidii. Non vulneravi illam *acuta* mea cuspidē, sed altera *obtusa* scilicet *inerti*. Verba etiam ex Ovidio sumta Heroid. XVI, 275.



*Non mea sunt summa leviter dstricta sagitta  
Pectora: descendit vulnus ad ossa meum.*

Seneca Herc. Oct. v. 545.

*Intende certa spiculum velox manu,  
Non e sagittis levibus: e nervo, precor,  
Graviore profer.*

Supra v. 74. pro *quondam* Parrhasius voluit (*quoniam* tibi dulces) pharetra: sed non opus est: immuit enim olim hoc factum esse. unde mox v. 78. LONGOS *jussi sperare per annos*: et v. 82. EX ILLO *quantos juvenis premat anxius ignes Testis ego; attonitus, quantum* etc. ita enim legendum et distinguendum: et ita fere Gronovius Diatr. C. IX. licet in Reliq. ad Stat. Silv. legat, *Testis ego attonito*: quod sane non capio. v. 89. pro *Praeluxi* Editt. habent *Praelusi*: male. Restituit Bernartius. Pro *laudavique* manus Boxhornius pessime *lassantique* manus. v. 91. Editt. habent *superesse per aestus*: scripta lectio non male *durasse*, inquit Bernartius. immo optime et verissime, ut V, 1. *tecum omnes animo durare per aestus*. ubi eadem vides omnia.

v. 86. *nec sic meta pallebat in ipsa*] Diu suspicatus fueram Statium scripsisse *pallebat in ima*: quippe *extremam metam* hic designari manifestum est; et hoc sensus postulat, et Gevartius Elect. III, 9. egregie probat contra Cruceum, qui de *prima meta* haec interpretatus erat. Atqui hoc non efficit *ipsa meta*, sed *ima*. Dum haec meditabar, non parum delectatus incidi in hunc locum Sidonii Apollinaris Praefat. Epithal. Polemii et Araneolae, v. 12.

*Non hic Oenomaï cruenta circo  
Audit pacta Pelops; nec insequentem  
PALLES HIPPOMENES ad ima METAE  
Tardat Schoenida ter cadente pomo.*

Plane exscripsit Statii versum

HIPPOMENEM, nec sic META PALLEBAT IN IMA. In contextum itaque recipiatur *in ima*, aequè fidenter ac si inventum fuisset in MS<sup>o</sup> seculi quinti. metam novissimam dicit Ovidius Met. X, 597. in hac historia. ultimam salutis metam, Apuleius Miles. IX. primis meus ecce metis Haeret Achilles, Noster Silv. IV, 7. *extremam metam*, Propertius.

[v. 91. Pro *superesse* Parm. *durasse*, quemadmodum edideram: et ita Venet. EX ADD.]

v. 98. Hinc tibi *pectra dedit*] Bernartius legit, *Haec tibi plectra*. Edit. Parmensis Sic: quod verum est. Sic est *tulis*. Mox, *suaque haud externa revolvit Vulnere*. Editt. habent *hesterna*. Quivis videat legi debere *suaque*, *haud extrema, revolvit vulnere*: cantat Stella juvenum amores, et quae Ipse passus est vulnere, non minima, nec *extremo* loco penenda. Adumbratum ex Virgil. XI, 700.

Appenninicolae bellator filius Auni

*Haud Ligurum extremus, dum fallere fata sinebant.*

Vetus etiam Codex habuit aut *extrema*. Perpetuae vero vices vocum *extremus* et *externus* vel *hesternus*. Ita apud Sil. Italicum V, 273.

*Degustat cuspis generosum externa cruorem,*  
in optima Drakenborchii editione invenies *extrema*;

cum tamen vox *extrema* modo praecesserat, *Neequidquam* *extremae longinquus cultor arenae*; et sensus omnino postulet *externa*, ut Val. Flaccus VII, 422.

*An jacet externa quod nunc mihi cuspidis Canthus?*

Editiones Parmensis et Romana habent *suaque* aut *externa revolvit*. [pro *hinc tibi*, Ven. et Parm. sic: recte: et ita edidi. EX ADD.]

[v. 100. conieceram *haud extrema*: confirmat Ven. quae habet aut *extrema*. EX ADD.]

v. 105. *Illu refert, vulu non aspernata rogari*] Nimis sera haec, nec recte temporibus divisa, o Stati, si nobis narres Venerem non aspernatam rogari cum jam rogasset filius: dixisse hoc debuisti antequam rogaretur, vel cum Cupido primum coepit rogare. Lege, *vultu non aspernata* rogantem.

Jam alia res est. Hanc mihi emendationem suggessit Claudianus de Cons. Mall. Theod. v. 292. ubi verba Statii suo more sublegit:

non aspernata rogantem

*Amphitheatrali faveat Latonia pompae.*

Virgilius Georg. III, 392.

*Pan, deus Arcadiae, captam te, Luna, sefellit  
In nemora alta vocans; nec tu aspernata vocantem.*

Propertius II, 12.

*Interca cave sis nos aspernata sepultos.*

Scriptum erat *rogate*, omissis, ut solet, literis *n* et *m*, quae virgulis appingebantur supra vocales ductis. ex *rogate* quod non intelligebant, facile erat recurrere ad *rogari*. Deinde, *Grande quidem rarumque viris* etc. ita Propempt. Met. Cel. v. 5. *Grande tuo rarumque damus, Neptune, profundo Depositum.*

v. 107. *Pierius votum juvenis cupit*] *Votum cupere* nunquam, credo, occurrit. lege, *votum capit*: i. e. par est huic voto, non inferior. Silv. I, 6.

*Stat sexus rudis insciusque ferri,*

*Et pugnas capit improbus viriles.*

Silv. III, 1.

*Nam capit, et tantum non degener ambit honorem:*

id est *digna* est hoc honore. ita *cupax* invidiae arx, Seneca Troad. III, 478. cui jure quis et merito *invideat*. Expressit *ἐλγίζονος* Euripidis Hecuba, de Troja. animae mortis *capaces* Lucan, I, 456. ubi tamen Heinsius substituit *rapaces*. Noster Theb. X, 634 de Justitia:

*Seu pater omnipotens tribuit, sive ipsa capaces*

*Elegit penetrare animos:*

ita legendum; vulgo *viros*. Mox v. 114. pro *quid* forte legendum *quod*, id est, *quantum*: ejus significationis exempla obvia. vide Theb. XI, 81. v. 120. Pro *erraretis*, quod verissimum est et elegantissimum, vir doctus conjicit *arderetis*. Notat etiam, „*to errare* ab „*ἔρρειν*, quod et *deperire* est: hinc illud, *Ut vidi, „ut perii! ut me malus abstulit error!*“ Mirifice. Sed ejusdem est hoc ad Cal. Decembr. v. 44. *Plebs*, Eques, Senatus: „*to plebs* notationem notionis indicem prae se fert, a Graeca voce *πλεψ*. hoc est *vena*, quae sanguinis alveus et canalis est, ut *plebs*



„uberior pars atque exundans populi fons. proinde „Menenius stomacho qui *venarum* fontem habet, *plebem* comparavit.“ Hujusmodi gemmulis plenae sunt Notae eius: quod sane non referrem nisi putarem e Re Literaria esse ut hae nugae derisui et traductui exponerentur.

v. 123. *Augustum spoliare nemus.*] Sensus postulat *spoliasse*: queritur Violantilla sericum jam *defecisse*, nec adhuc superesse quo se ornet in gratiam Stellae. Supra, *Vincit opes animo*: alludit ad Virgillii *Regum aequabat opes animo*. Infra v. 131. *Erraret Daphne* secura: in *litore Naxi* etc. ita Rom. Cod. et Edit. Liundenbrogii. Aldina distinguit post *Daphne*: unde error optimi Gevartii legentis *Erraret Daphne*: si curvo in *litore Naxi*: male, quia non satis erat *Daphnen errare nisi et secura erraret*. Sensus igitur postulat *Erraret Daphne secura*. Tollius ad Auson. Epist. XX. novam proponit lectionem, et veram putat,

*Erraret secura Daphne: si litore Naxi* etc.

Non male, si consentirent Editiones: prima enim in *Daphne* corripitur; vide quae notavi ad V, 3. v. 222. Sed sine his nihil mutandum puto, cum non sit necesse. Hunc locum imitatur Sidonius Apollinaris Carm. XI, 73, et seqq. Mox, v. 135. *Falsus huic pennas*: Priscianus lib. XIII. p. 961. a Gevartio adductus, citat hunc locum ut probet *huic* esse dissyllabon. non igitur *Falsus*, quod voluit Domitius, sed *Falsus*, ut apud A. Sabinum Epist. III, 41.

*Piniferanque Iden falsus lustraverat ales.*

Licet aliter non inepte (ut dure nimis Gevartius) *Falsus* Domitius. Pariter enim Thebaid. IX, 423. de Jove:

*falsa nunc improba fronte*

*Cornua, nunc* etc.

*Huic* per diaeresin, ut Eq. Max. v. ult.

*Laelus huic dono videas dare iura nepotes.*

Avenius Descr. Orb. 22.

*Finis huic Gades.*

Sidonius Apollinaris Carm. VII, 145.

*Assurrexit huic cogit quod torridus Auster.*

v. 136. *in hanc vero cecidisset Juppiter auro*] Quare vero auro, cum *falsus* sit aethrae rector? immo potius *falso* auro, secundum Phinea apud Ovidium Met. V, 11.

*Nec mihi te pennae, nec falsum versus in aurum Juppiter, eripient.*

Conjicio,

*in hanc alio cecidisset Juppiter auro:*

praeunte mihi Sidon. Apollinari, notissimo Statii imitatore, Carm. XV, 177.

*Jamque opus in turrem Danae pluviamque metalli*

*Ibat; et hic alio stillabat Juppiter auro:*

qui versus ex hoc Statii videtur formatus. *alio auro*, id est, *alio aureo imbre*, ut Com. Ear. v. 11.

*atque alio clausum tibi ponet in auro,*

id est, *alia aurea pyxide*. Nisi quis *fulco* malit ex Autore Octaviae v. 772.

*Et tibi, quondam cui miranti*

*Fulvo, Danae, fluxit in auro.*

Sed hoc non placet; est enim otiosum epitheton. Potes etiam *pluvio* auro ex Ovid. Met. IV, 609.

*Persea, quem pluvio Danae conceperat auro:*

Sed hoc etiam eodem vitio tenetur quo *fulco*. idem de *udo* statuendum est. mihi adhuc placet *alio*.

v. 144.

*Jam Tibridis arces*

*Iliacae: pandit nitidos domus alta penates*]

Nihil deest, ut bene notat Gevartius: hac enim *βγα-xyloyte* gaudet Noster. ita Silv. III, 4. de Venere iudem:

*Sic orsa leves secum ipsa per auras*

*Tollit, olorinaque jubet considerare biga.*

*Nec mora: jam Latii montes, veterisque penates Erandri:*

scil. in *conspectu* sunt vel *apparent*. ita Ovidius Fast. V, 534.

*Jamque decem menses: et puer ortus erat:*

scil. *transcrant* decem menses. Noster Theb. X, 685. de Menoeceo:

*Jamque iter ad muros cursu festinus anhele*

*Obtinet et miseros gaudet vitasse parentes;*

Cam genitor: *steterantque ambo et vox haesit utrique.*

Com genitor, scil. *occurrebat*. Saepe apud poetas invenies, ubi describendum est aliquid ut *celeriter* factum: scilicet ne mora longior sit in Descriptione rei, quam in Re ipsa fuit. Quid vero est hoc quod sequitur?

*pandit nitidos domus alta penates:*

*domus* enim et *penates* idem sunt; adeo ut dicat Statius domum *pandere domum*. Nec dicere potes *ro penates* hic sumi pro parte domus eodem modo quo *tectum*, de quo supra ad v. 59. nec te adjuvabit locus Flori III, 21. ubi *Caesar et Fimbria in PENATIBUS domorum suarum trucidari* dicuntur; ibi enim sine dubio legendum, in *PENETRALIBUS domorum*. Quin et si *penates* pro parte domus sumi posset, non tamen ullo sensu diceretur *DOMUS pandere penates*, cum *atriensis* vel *severorum* hoc officium esset, vel ipsius si forte Violantillae, ut honorem haberet advenienti Deae. Praeterea, quae- nam haec connexio? *domus pandit penates ET cycni plauserunt limina*. Lege fidenter,

*pandit nitidos Venus alma penates,*

*Claraque gaudentes plauserunt limina cycni.*

omnia jam facilia. Ita apud Claudian. de Bel. Get. v. 202. *Victoria dicitur pandere aedes Stiliconi:*

*Quae vero procerum voces, quam certa fuerunt*

*Gaudia, cum totis exsurgens ardua pennis*

*Ipsa duci sacras Victoria panderet aedes!*

Hunc locum depravavit repetitio ultimae syllabae vocis *nitidos*; *nitidos domus*; ut saepe factum his Silvis. deinde quia non intelligebant quid esset *domus alma*, pro ea substituerunt *alta*. *alma* perpetuum epitheton Veneris: supra v. 52. Et mox v. 159. et ita apud Lucretium, Virgilium, Ovidium, Omnes. Nec docendus esses *penates* pro domo fere semper poni, nisi causa loci Virgilii Georg. II, 513.

*Agricola incurvo terram dimovit aratro:*

Z



*Hinc anni labor : hinc patriam parvosque nepotes Sustinet.*

Ubi mirari subit, quare nepotes potius quam liberos? Et quid si non habeat nepotes agricola? non enim cuiusque datum est agricolae habere nepotes. lege,

*hinc patriam parvosque penates*

*Sustinet :*

hoc omnibus agricolis commune. *parvos penates* ut apud Sil. Italicum I, 616.

*Ad parvos curru remeabant saepe penates.*

Vide affatim exemplorum in Not. Heinsii ad Ovid. Met. VIII, 639. Hae vero voces *penates* et *nepotes* perpetuo commutantur in MSS. de qua re plene Burmannus ad Val. Flacc. VII, 50. ubi *patriam* et *penates* similiter conjunctos reperies ex Ovidio et Lucano. Insuper moneo pro *Hinc anni labor* in isto Virgilii loco legendum esse *Hic anni labor*; ut Georg. III, 288. *Hic labor*: hinc laudem fortes sperate coloni. Hanc digressionem facile mihi condonabis, Lector; si non mea, saltem Virgilii causa. [Pro *nitidos penates*, Ven. *rutilos*: et mox pro *nitidis astris* eadem *viridis*. EX ADD.]

[v. 146. Pro *Clara* Heins. ad Ovid. Met. II, 867. mavult *Cara*. Sed non opus est; immo verius *Clara limina*, utpote de domo *magnifica*, et *nitidis penatibus*, quos hic describit poeta. EX ADD.]

Mox v. 147. *nitidis nec sordet ab astris*, id est, nec Veneri contemnitur etiam post caelum, etiamsi ejus habitatio sit in caelo. ita Theb. IV, 84.

Ab Jove prius honos, bellis modo laetus o-vantes

*Accipias.*

id est, post Jovem tu secundus invocaberis, ut bene Scholiastes Vetus. Ovidius Ponticor. IV, 5.

*a magnis hunc colit ille deis :*

post magnos deos. Non autem placet *nitidos penates*, et statim *nitidis astris*. suspicor hoc debere librario, qui oculos conjiciens in praecedens *nitidos*, hic denuo repetivit. Fortean fuerit,

*summis nec sordet ab astris :*

ut Com. Earini v. 49.

*summis aequal Germanicus astris :*

et Theb. XII, 128.

*It torvum lacrimans, summisque irascitur astris.* X, 781.

*jam spiritus olim*

*Ante Jovem, et summis apicem sibi poscit in astris.*

sed nihil affirmo. Vers. 148. *hic dura Laconum Saxa vident*: otiosum videtur istud *dura*: melius forte *clara*, nisi quod praecessit v. 146. *Claraque* gaudentes. v. 149. pro *alto* mari non male forte legi potest *atro*, ut exprimat Homericum istud *οἷονι πόρτορ*. et sane satis fuit dixisse vena concolor *mari*, sine *τῷ alto*: et alibi, Epulo Domit. hoc marmor Carystium vocat

*glauca certantia Doride saxa,*  
hoc est *atro* mari certantia, potius quam *alto*.

v. 150. *rupesque nitent, quae purpura saepe*

*Oebalis et Tyrii moderator livet aheni.*]

Recte hunc locum interpretatur Gevartius C. XVIII.

Papin. Lect. contra Domitium qui infra commentus erat. *moderator Tyrii aheni* est *tinctor purpurae Tyriae*: *livet* est *invidet*. Sed vitium occultissimum his verbis subest, ut mihi videtur. Primum enim vox *saepe* abundat: omittas enim et nihil sensui deerit. atqui non solet Statius vocem ullam adhibere otiosam, et versui tantum supplendo. Deinde, non bene componuntur PURPURA Laedaemonia et TINCTOR Tyrius, ut vox *livet* utrique applicetur. Porro, etsi sciam affectus *irae*, *odii*, *invidiae* etc. rebus *inanimis* saepe attribui a poetis, non tamen hoc capio, *purpura Oebalis* SAEPE *livet*: quicquid enim SAEPE tantum *livet*, interdum et NON *livet*: atqui ridiculum videtur supponere hanc purpuram HODIE *liventem* his rupibus, CRAS non *liventem*, cum *causa* invidiae eadem maneat. Quod si haec omnia nihili sint, Aures tamen et mos Statii hanc vocem redarguunt. Ille enim non solet versum claudere tam languido et exili et enervi vocabulo. Haec omnia eo tendunt, ut intelligas Statium, meo judicio, scripsisse

*quae purpura cedit*

*Oebalis, et Tyrii moderator livet aheni.*

Minima est differentia inter *cedit* et *sepe*, (hoc enim modo scribitur) cum *s* et *c* propter similitudinem sonus, *p* et *d* propter similitudinem ductum calami saepissime confundantur. Ita supra v. 139. pro *Saepe* neget, Vetus codex habuit *Sede*. Recte vero *cedit*. Claudianus in Eutrop. II, 272. de Phrygia:

*Dives equi, felix pecorum, pretiosaque picto*

*Marmore, purpureis cui cedit Synnada venis.*

Horatius Serm. II, 4.

*Picenis cedunt pomis Tiburtia succo.*

*decedere* eodem sensu Idem Carm. II, 6. Exemplum in qualibet pagina Nostri et aliorum.

v. 152. *Pendent innumeris fastigia nixa columnis*] Probe scio vocem *pendent* defendi posse ex Martiale Epigr. II, 14.

*Inde petit centum pendentia tecta columnis :*

Et Seneca Epist. XC. *ut ex illa lacunaria auro gravia* penderent. et Prudentio Apotheosi v. 202.

*Cujus onus nullis fultum sublime columnis*

*Fornice curvato tenui super arce* pependit.

ubi vides *onus fultum columnis* pependit, plane ut hic, *fastigia nixa columnis* pendent. Haec, inquam, et alia scio huiusmodi: mihi tamen magis placet, *Splendent innumeris* etc. ut respondeat *τῷ lucent* versu sequenti, *Splendent fastigia, lucent roborata*. major certe hinc domus commendatio. Ita Theb. I, 145.

*Montibus aut alte Graiis effulla nitabant Atria.*

Catalecta Vet. Poët.

*Aurea quod summo splendent laquearia tecto.*

Noster Baln. Etrusc.

*vario fastigia vitro*

*In species animosque nitent.* Sequitur,

*Excludunt radios silvis decussa vetustis*

*Frigora :*

Ex Virgilio Georg. II, 404.

*Frigidus et silvis Aquilo decussit honorem :*

ubi notat Servius Varronis hunc esse versum. Sed parum feliciter, ut mihi videtur, hunc locum imitatus

est Statius: honores enim, id est, folia et fructus recte decuti silvis poetis passim dicuntur: frigora vero decuti nonne audacter nimis et dure! [Pendent innumeris fastigia nixa columnis ferri potest. sic Ausonius Mosell. v. 336.

Innumerisque super nutantia tecta columnis. Sed melius respondisset sequens versus, si in hoc scripsisset,

Splendent Taenariis fastigia nixa columnis. fastigia splendent columnis TAENARIIS, robora lucent DALMATICO auro. Propertius III, 1.

Quod non TAENARIIS domus est mihi fulla columnis.

Tibullus III, 3.

Quidve domus prodest Phrygiis innixa columnis, TAENARE, sive tuis, sive Caryste, tuis?

EX ADD.]

v. 155. Perspicui vident in marmore fontes] Heinsius Not. ad Claudian. in Rufin. I, 153. pro marmore legit murmura. Sed non opus est; immo marmore huic loco necessarium: ab hoc enim pendet laus et laetitia domus, quod fontes in marmore vivebant: quippe in pauperum domibus vel ubivis fontes possunt vivere in murmura, non vero in marmore nisi in aedibus divitum. retinui igitur vulgatum. Vivere de fluminibus et fontibus etiam pueris notum. infra Ecl. V, 51.

Extra autem niveo qui margine caerulus annis Vivit:

ubi vivit niveo margine eodem sensu quo hic vident in marmore: niveus enim margo est ex marmore candido factus.

v. 158. tectisque potentis alumnae] Forte tectumque scil. subiit, ex sequente subiret repetendum. sic muros subire apud Virgil. VIII, 161. ita enim habent multa exemplaria vetusta; vulgo muro. et Claudian. II. in Rufin.

murosque subibant,

Thessalonica, tuos.

vide Heins. ad Ovid. Met. XIII, 611. Mox v. 160. pro Idaliasque legendum Idaliasve, et Erycinave non que. Eadem depravatio Thebaid. IV, 821.

agmina bellum

Decertare putes, justumve in gurgite martem

Perfurere, aut captam tolli victoribus urbem:

ita legendum; vulgo, justumque, et bello, et praefurere, et captam.

v. 162. Quonam hic usque SOPOR vacuique modestia lecti] Non video quem locum hic habet Sopor; non enim dormire dicitur Violantilla quando Venus tectum subiit. lego,

Quonam hic usque PUDOR vacuique modestia lecti:

ita Silv. II, 1. v. 39. pudor et modestia conjunguntur;

Hinc me forma rapit, rapit inde modestia praecor

Et pudor, et tenero probitas maturior aeco.

Lucanus VIII, 155.

tanto devinxit amore

Hos pudor, hos probitas, castique modestia cultus:

ita legendum; vulgo, modestia cultus. Tacitus Annal. III. At postquam exui aequalitas, et pro modestia ac pudore ambitio et vis incedebat, provenere dominationes, multosque apud populos aeternum mansere. Cic. de Fin. II, 22. Jam si pudor, si modestia, si pudicitia, si uno verbo, temperantia poenae aut infamiae metu coercebuntur etc.

v. 183. Quas ego non GENTES, qua non face corda jugati] Pessime hic conjunguntur GENTES et CORDA. Lege,

Quas ego non MENTES etc.

Virgilius V, 643.

arrectae MENTES, stupefactaque CORDA

Iliadum.

Silius III, 5.

Nec vatum MENTES agitare et praescia CORDA Cessatum super imperio.

I, 63.

Dat MENTEM Juno ac laudum spe CORDA fatigat.

II, 28.

Heu caecae MENTES tumefactaque CORDA secundis!

Val. Flaccus VI, 475. ubi Venus, postquam Cestum Junoni commodaverat,

Omne, ait, imperium natorumque arma meorum Cuncta dedi: quascunque libet nunc concute MENTES.

Lucanus V, 727.

Heu quantum MENTES dominatur in aequas Justa Venus!

Sil. Italicus VIII, 118.

Quis aegram MENTEM et trepidantia CORDA levaret.

XIII, 90.

Hac avidas MENTES et barbara CORDA rapina Polluit.

Hae vero voces saepe commutantur: vide Heins. ad Ovid. Met. I, 99. Supra v. 180. Dacas (quae gloria major?) Exuvias etc. Editiones plures exhibent quae est gloria major: ejecerunt Gevartius et Gronovius, retenta tamen interrogatione, quam retentam non oportuit. distingue, Dacas, quae gloria major, Exuvias, laurosque dabit celebrare recentes. ita Soter. Gallici v. 90.

Captiveque preces Veledae, et, quae maxima nuper

Gloria, depositam Dacis pereuntibus urbem, Pandere.

Seneca de Benef. IV, 4. securus et negligens nostri, aversus a mundo, aliud agit, aut, quae maxima Epicuro felicitas videtur, nihil agit. Vide et VI, 31. Editio Parmensis habet quae e gloria: hoc enim modo scribitur est. unde nil mirum, si saepe excidat. Supra v. 172. pro novit Editt. Parm. et Rom. exhibent morit. non bene.

v. 188. Unde novum Trojae decus ardentumque decorum



Raptorem, Phrygio etc.] Ita ex Rom. et Ven. Codd. et MS. Florent. restituit Gronovius pro *Raptor erat*. verissime: et ita etiam Parmensis. Horatius Serm. II, 7.

Unde *mihî lapidem? Quorsum est opus? unde sagittas?*

Lucanus VII, 28.

Unde *pares somnos populo, noctemque beatam?* ita legend. pro *populi*. Simili modo quo cum quarto casu: Horatius Epist. I, 5.

Quo *mihî fortunam si non conceditur uti?* quae duo loca adduxit Gronovius. pariter Virgilius Aen. IV, 98.

*Sed quis erit modus? aut quo nunc certamina tanta?*

ita recte emendavit Vir Cl. Fr. Hare Epist. Critic. p. 23. pro *certamine tanto*. Quo est quorsum, cui bono. Virgil. Aen. X, 315.

*Inde Lichan ferit, exsectum jam matre perempta Et tibi, Phoebe, sacrum; casus evadere ferri Quod licuit parvo. Nec longe etc.*

ita vulgo legitur et distinguitur: ubi notat Servius: „legitur et cui. Et respexit ad illud, quod ferrum „nunc juvenis vitare non potuit quod parvus evasit.“ Pierius probat quod. Vide quam facile elegantissimus locus restituitur:

*Et tibi, Phoebe, sacrum. casus evadere ferri Quod licuit parvo?*

cui bono fuit illud parvum evasisse casus ferri, si jam juvenis ferro interiturus esset? Val. Flaccus IV, 476. nam vestra voluntas

Quo, juvenes, sine pace Deum?

ubi pariter in MSS. erat *Quod*.

v. 193. *NEC ME prohibente*] Forte legendum, *ME NON prohibente*: et ita citatur hic locus a Suetonio Bentleio Not. ad Horat. Carin. III, 3. Sed non opus est: quippe *NEC ME prohibente*, idem est ac, *ETIAM me non prohibente*; quod majus est et plus continet quam illud simplex *me non prohibente*. Vers. 194. pro *amorem Parmensis habet honorem*, [Venet. quoque: forte rectius. *tacito quoque*, non *tacitum*, eadem, sed non tam bene. EX ADD.]

v. 195. *redeunt animo jam dona precesque*] *DONA* nihil ad rem: non enim Violantilla animo adeo sordido et minuto fuit, ut *dona* Stellae acciperet. Stellam reiiceret. non hoc convenit iis quae supra dixit, *vincit opes animo*. Lege *VOTA precesque*. Supra v. 68.

*Et votis precibusque viri concede moveri.*

Silv. V, 2. v. 159.

*hunc votis animum precibusque juvabo.*

Theb. XI, 616.

*Heu dolor, heu justo magis exaudita parentis VOTA malaque preces.*

Virgilius VI, 51.

*Cessas in VOTA precesque Tros, ait, Aeneas, cessas?*

Silius XII, 325.

*Dis VOTA precesque*

*Ferte modo, et tepidos aris libate cruores.*

Alcimus Avitus IV, 654.

*Hoc votis precibusque petens, hoc fletibus optans.*

Tacitus Hist. I, *utrasque impias preces, utraque detestanda vota, inter duos quorum bello solum id scires deteriorem fore qui vicisset*. Martial. Epigram. X, 28.

*Publica quem primum VOTA precesque vocant.* Virgilius XI, 137.

*nulli exaudita deorum*

*VOTA precesque meae.*

Seneca Consol. ad Polyb. c. 36. *Hoc unum obtineamus ab illa (fortuna) VOTIS ac precibus publicis etc.* Obiter restituere hanc vocem Eumenio Grat. Act. c. 4. *quod si votis et conatibus Aduorum fortuna favisset etc.* ita, inquam, lege; vulgo male *vobis*. V. 196. *Vigiles questus ut Theb. II, 336.*

*nil transit amantes:*

*Sentio: pervigiles acui suspiria questus.*

v. 197. *Asteris et VATIS totam cantata per urbem*] Displicet repetitio syllabae *is*: sed nec sensus recte se habet. quem enim hic vult Statius *cantare Asterida?* *Populum?* Atqui quid *Populo* cum *Dapibus*, quae ad *lautiores* tantum pertinent? Stellam igitur intelligit Statius; et Violantillam mitescere dicit cum secum reputaret quantum pro illa perpersus fuerat, et quantum honori ejus adstruxerat, sub nomine *Asteridis* celebrando illam *omnibus in locis* (totam per urbem) et *omnibus temporibus* (ante dapes, nocte, ortu). legendum igitur *VATI cantata*, i. e. *Stellae*.

v. 202. *Quod durum permensus iter coeptique laboris*

*Prendisti portus*] *Prendere portum laboris* ineptum et nihili est. scio Statium scripsisse labores, ut Epist. ad Marcell. v. 88.

*jam Sidonios emensa labores*

*Thebaïs, optato collegit carbasa portu:*

ubi *carbasa portu colligere* idem vult quod *prendere portus*. Claudianus Epithal. Pall. et Celer. v. 66.

*Per cunctos iit ille gradus; aulaeque labores*

*Emensus, tenuit summae fastigia sedis.*

Seneca Medea v. 610.

*Quisquis intravit scopulos vagantes*

*Et tot emensus pelagi labores*

*Barbara funem religavit ora.*

Hoc igitur ex sensu certum est. Nihil difficultatis in voce *coepti*, cum obvium sit *coeptosque labores*, ut apud Virgil. VIII, 439.

*Tollite cuncta, inquit, coeptosque auferte labores*

*Aetnaei Cyclopes.*

Claudianus in Eutrop. II, 396.

*faveat tantum Tritonia coeptis,*

*Inceptum peragetur opus:*

Ovidius Fastor. IV, 15.

*Mota Cytheriaca leviter mea tempora myrto*

*Contigit et, Coeptum perfice, dixit opus.*

Si quis malit *sacrosque labores*, nequaquam refragabor. Juvenalis Sat. X, 360.

*et potiores*

*Herculis aerumnas credat saevosque labores*

*Et Venere et cenis et pluma Sardanapali.*  
Plinius Panegy. *Ille genitus Jove post saevos labores*  
*duraque imperia etc.* Val. Flaccus II, 285.

*Visa ratis saevae defecta laboribus undae;*  
*Quam Thetidi longinqua dies Glaucouque repo-*  
*stam*

*Solibus, et canis urebat luna pruinis:*  
*defecta laboribus saevae undae, i. e. deficiens saevis*  
*laboribus undae.* Pro luna urebat forte scripsit Flac-  
cus *bruma*. pene oblitus eram monere pro *Quod* du-  
rum, legendum esse *Qui* durum, ut IV, 8. v. 14.

*Imacte, o Juvenis, qui tanta merenti*  
*Lumina das patriae:*

Et III, 1. v. 166.

*Macte animis opibusque, meos imitate labores,*  
*QUI rigidas rupes etc.*

Non quin *macte* quod probum sit suo loco: sed non  
*macte* *TORIS* quod; quia *VOX TORIS*, sine *τῷ* quod,  
assignat *rationem* quare *mactum* Stellam vult. Versu  
proxime sequenti, pro *tumidae* libri habent *miadae*  
et *intiadae*: placet Gronovii *nitidae*, propter *palaes-*  
*tras*. Ovidius Met. VI, 241.

*Transierant ad opus nitidae juvenile palaestrae.*  
Cicero de Orat. I, 18. *Nitidum quoddam genus est ver-*  
*borum et laetum; sed palaestrae magis et olei quam*  
*hujus civitatis turbae ac fori.* inde Pollux vocatur *ni-*  
*tidus magister* Theb. X, 501. *nitidi moriens convexa*  
magistri etc. Sed forte latet proprium nomen. Mox  
v. 209. pro *claro* olim conjeceram, *clare* Stella: et  
ita Gerartius. jam vero placet *care* Stella, ut in  
Epist. Praefat. *Respondebis illi tu, Stella carissime,*  
*qui etc.* et ita Praefat. lib. IV, *Inveni librum, Mar-*  
*celle carissime, quem pietati tuae dedicarem* et supra  
v. 33. *Pone o dulcis suspiria rates.* magna familiari-  
tas huic Stellae cum Statio intercessit. Cruceus  
retinet puerile epitheton caelestem munere *claro*. Imit-  
tatur hunc locum Claudianus III Cons. Honor. v. 73.  
Quae tibi tunc *Martis rabies, quantusque sequendi*  
*Ardor erat?* quanto *flagrabant* pectora voto? [Hein-  
sius ad Ovid. Met. V, 576. legit, *portum Eliacae* etc.  
vel *Eliadis Pisae*. Certe latet proprium nomen. Ve-  
neta habet, *mie sic transfuga Pisae*. EX ADD.]

v. 218. *quam segnis votis Aurora mariti!* Lege  
votis *maritis*, id est, *maritalibus*: si enim legas *ma-*  
*riti*, falsum erit; quippe nondum *maritus* erat Stella  
cum haec dici supponuntur, et tantum *annuerat* *Vi-*  
*lantilla* v. 212. Praeterea, si jam *maritus* esset *Stel-*  
*la*, quare increparet *Auroram* utpote *segnem*? immo  
*Auroram* optat proximi diei, ut fieret *maritus*. vota  
igitur ejus non erant *vota mariti*, sed *vota marita*,  
id est, *maritalia*. Noster Theb. XII, 534.

*Hippolyte jam blanda genas; patiensque mariti*  
*Foederis.*

VII, 298.

*expertem thalami crudumque maritis*

*Iguibus, ante diem cupido violavit amore.*

*ita fluctu marito* Avien. Descr. Orb. v. 340. *faces ma-*  
*ritas, sacris maritis*, et innumera ejusdem formae  
apud Ovidium et alios. vide Notas ad Sil. Italicum III,  
387.

*Asper frena pati et jussis parere magistris,*  
*i. e. magistralibus.* Haec scripseram cum in eadem  
conjectura deprehendi N. Heinsium ad Ovid. Heroid.  
XIV, 19. Nec te terreat sibilus tot vocum in is exe-  
untium: ita enim fieri interdum necesse est. Silv.  
II, 6.

*Saeve nimis quisquis lacrimis discrimina ponis.*  
Val. Flaccus VII, 403.

*Ecce autem in medijs noctis nemorisque tenebris.*  
Thebaid. XI, 19.

*jam finis votis finisque supremis*

*Planctibus.*

v. 223. *Et Parnassus honos*] Restitutio huius loci  
debetur Heinsio, qui legit, *Et Parnasse sonas*. Vulgatam  
tamen tuetur Gronovius Diatrib. C. XLIV. his verbis:  
„Vera est vulgaris scriptura, sed difficilior defectu  
„verbi substantivi, qui frequens Papinio, ad obscuri-  
„tatem usque. Huic Lycii montes, Thymbra, Parnas-  
„sus sunt honos; hic ille praecipue colitur; haec co-  
„lit, ut Carthaginem Juno fertur.“ Et haec defendit  
Elench. Antidiatr. Cap. II. Et verum quidem est  
quod dicit de defectu verbi substantivi *est vel sunt*:  
aeque vere Parnassus dici potest esse *honos* Apollini,  
licet non exacte interpretatione Gronoviana. His ta-  
men concessis sensus et filum narrationis non recte  
procedunt. Vide enim totum locum: *Ut vero Apollo*  
*et Bacchus sensere Stellae thalamos parari, Ille*  
*statim ciet agmina et comites suos a Delo, Hic a*  
*Nysa:* Ille maxime colitur Pataris et Thymbra et  
Parnasso; Hic Pangaea, et Ismaro et Naxo. *Tunc*  
*intravere carae aedes etc.* Sentis jam ista, *Huic*  
*Lycii montes etc.* si admittatur lectio et interpretatio  
Gronovii, plane supervacua esse: quid enim ad *Stel-*  
*lae nuptias* si Apollo et Bacchus praecipue coluntur  
*Parnasso* et *Ismaro*? Dicit vero Statius, Parnassum  
Apollini *sonare, strepitu* scil. *Musarum* parantium se  
profectui ad Stellae aedes, ut his nuptiis honorem  
haberent: vide initium eclogae. *Pangea* quoque et *Is-*  
*marus* et *Naxos* illi (Baccho) *resultant, resiliunt et*  
*resonant*, motu et strepitu itidem Maenadum et Bac-  
chi comitum (idem expeditioni se accingentium. nihil  
clarius. Legendum itaque *Parnasse sonas*, quem-  
admodum emendavit Heinsius; quod idem est ac *Par-*  
*nassus sonat*, apostrophe Statio et omnibus poetis fa-  
miliarissima. ita Via Domit. v. 105.

*Ceu fessis ubi remigium lacertis*

*Primae curvas ventilatis aurae:*

id est, *primae aurae ventilant* carbasae: ubi vide Grono-  
vium, et quae notavi ad v. 137. ejusdem eclogae. Pa-  
ri mendo pro *Tegeae sonorae* Balu. Etrusc. v. 4.  
in Edit. Paris. legitur *Tegeae honore*: in Romana  
*Tegeae honore*. Verba hujus luci mutatus est Sidon.  
Apollinaris Epist. II, 10. *Hinc agger sonat, hinc*  
*Arae* resultat.

v. 227. *Hic thyrsos, hic plectra* ferit] Manifeste  
vitiosum istud *ferit*: nemo enim ferit *plectrum*, sed  
*plectro*. Seneca Troad. 833.

*Tinnulas plectro feriente chordas.*

Lege,

*Hic thyrsos, hic plectra, ferunt.*



Constructio est, *tunc iniere caras fores, et ferunt comili canoro, hic chelyn, hic nebrida, hic thyrsos, hic plectra.* Ita supra v. 17.

*tibi Phoebeus et Evan*

*Et de Maculalia volucer Tegeaticus umbra Serta ferunt.*

Sil. Italicus III, 619. de Domitiano:

*huic sua Musae*

*Sacra ferent.*

Ex quo loco forte suspicari potes in isto Statii loco pro *Serta* legendum esse *Sacra*. Constructio vero notissima est. Tacitus Annal. II. *Namque ei, ut memoravi, avunculus Augustus, avus Antonius, ERANT.* et Hist. II, 30. *Hinc accumulatio ducibus: Caecina, ut foedum et maculosum; Ille, ut vanum ac tumidum, IRRIDEbant.* [Edidi ex coniectura FERUNT: et ita plane Veneta. EX ADD.] Mox v. 230. pro *Omina* non invitus legerem *Agmina*: cui favent sequentia, iam  *festa fervet domus utraque pompa:* et ita supra v. 47. *hic mecum, dum fervent agmine postes:* et infra v. 236.

*Felices utrasque vocant; sed in agmine plures Invidere viro.*

ita *socia agmina* Achilleid. I, 301. et Virgil. Aen. II, 371. Scio quid de omnibus nuptialibus dici potest: sed haec non ad *socios* sed *Auspices* pertinent. pro *volis* vero et *faustis* *precationibus* sumi potest *ad Omina*: et ideo nihil muto. Vetus codex habuit *Omnia*, solenni errore.

v. 231. et fervent *compita flammis,*

*Et pars immensae* Nequaquam hoc a Statio, cum versu proxime praecedenti dixerat *jam festa fervet domus utraque pompa.* mitto inscitam repetitionem conjunctionis,

*ET fervent compita flammis*

*ET pars immensae.*

Lege,

*Fronde virent postes; effulgent compita flammis.*

Claudianus VI. Cons. Honor.

*Hoc deus effulgens habitu prospectat euntes*

*Dejecta cervice Gelas.*

et eodem poemate,

*altas effulgere matribus aedes:*

Virgil. VIII, 677.

*auroque effulgere fluctus.*

Sil. Italicus III, 695.

*ante aras stat veste sacerdos*

*Effulgens nivea.*

Virgilius Aen. II, 615.

*Jam summas arces Tritonia (respice) Pallas*

*Insedit, nimbo effulgens et Gorgone saeva.*

Sidon. Apollinaris Panegyri. Anthem. v. 2.

*effulgens trabeatis mole metalli*

*Annum pande novum, consul vetus.*

Tacitus Hist. IV, 29. *Romani conspiciunt Barbarorum aciem, et si quis audacia et insignibus effulgens, ad ictum destinabant.* Error inde ortus, quod libarius oculos coniecerat in versum praecedentem, unde hanc vocem repetivit. Hoc utriusque generis scripto-

ribus centies accidisse norunt et adnotarunt viri eruditi. Ita Silv. V, 5. v. 19.

*primaeque jacentis*

*Serpere crudeles vidit lanugine flammis:*

pro *vidit* vetus codex habet *prima*, quoniam *prima* modo praecesserat. ita etiam Theb. V, 490.

*Quin etiam occultae vulgo increbrescere voces:*

*Solane fida suis? nos autem increbrescere voces?*

ita habet Codex Petrensis a manu prima; pro *nos autem* in funera laetae: punctis tamen subjectis, ut spurium dignoscas. [Divinaculus fui hoc loco. pro ET FERVENT edidi EFFULGENT: ecce Venet. ET FULGENT. EX ADD.] Versum proxime sequentem *Omnis homo:* etc. omittit editio Parmensis: Typographorum, puto, errore. v. 235. *Hic eques, hic juvenum questus. stola mixta laborat.* Ita Editiones ante Bernartium, qui legit, dissidenter tamen,

*hic juvenum coetu stola mixta laborat.*

Gronovius Diatr. c. L. vulgatam retinet et interpretatur: „quererantur aut quod nimis laborent pressu „multitudinis, aut quod incommodo loco contemplari „satis recte novos sponsos non possent.“ Optimum quidem vatem Gronovium fuisse facile concedo: unde tamen mentem horum *juvenum* hariolari potuit non concipio, cum nihil tale innat Statius. et quare *juvenes* potius quam *Equites* *quererentur*? Haec me movent ut Bernartii conjecturae assentiar; hac tamen differentia,

*hic juvenum coetus: stola mixta laborat.*

eo magis quia *questus* et *coetus* in his Silvis non semel inter se commutantur. vide quae adnoto ad Soter. Gallic. v. 115. Per *stola* intelligit *Matrones* Romanas, quarum propria *Stola. coetus virorum*, Theb. IX, 827. Sidon. Apollinaris Carm. XXIII, 312.

*Tunc coetus juvenum, sed aulicorum,*

*Elei simulacra torca campi*

*Exercet spatiantibus quadrigis.*

vide et Livium I, 18. Melius tamen, meo iudicio, scripsisset Statius,

*Hic Eques, hic Patrum coetus:*

quemadmodum eisdem conjungit Soter. Gallic. v. 39. Vult enim *Nobilitatem* designare: atqui hoc non exprimit vox *juvenum*. Potes etiam *procerum* coetus.

v. 240. *Et insigni geminat Concordia taeda.* N. Heinsius ad Sil. Italicum VII, 447. pro *taeda* legit *nodo*. Non sane intelligo quo sensu Vir magnus summis vocem *geminat*: sed quocunque sumserit, nihil frigidius est isto epitheto INSIGNI, sive *taeda* sive *nodo* legeris: et in hac voce depravationem latere puto. Vide si quid effici potest ex Claudiano de Nupt. Honor. et Mar. v. 203.

*Tu, Gratia, flores*

*Elige; tu geminas, Concordia, necte coronas:*

qui locus ex hoc Statii videtur expressus. ubi tamen quaero cui *usui coronas* neceret Concordia? Gratiarum hoc fait, versu praecedenti: Concordiae est necere *vincula*, ut apud Nostrum Silv. V, 1.

*Junxit inabrupta Concordia longa catena.*

legendum puto, in loco Claudiani,

*tu geminas, Concordia, necte catenas.*



Boxhornius Epist. ad Gronov. legit

et insignes *geminat Concordia* taedas;  
et nihil difficultatis esse putat. Non Illi, forte; alii  
autem morosiores erunt. Si enim per *taedas* voluit  
*faces*, primo, nihil Concordiae cum *facibus*; et  
quaero quidnam sit *geminare faces*, praesertim  
*insignes*? si vero per *taedas* intelligi voluit *nuptias*,  
ut Statius dicat, Concordia *geminat* seu *jungit* insignes  
*taedas*, dico, aliam rem esse *jungere taedas*,  
aliam *geminare taedas*; illud est *matrimonium inire*,  
hoc, *Bis matrimonium inire*. Sed, ut dixi, depravatio  
videtur latere in voce *insigni*: et pro *geminat*  
non dubito quin Statii sit *geminas* vel *geminos*, ut  
concordet cum *taedas* vel *nodos* vel quodcumque aliud  
scripserit poeta: malo enim tacere quam inanibus con-  
jecturis et locum et meipsum fatigare. *geminas* jun-  
xit Concordia partes, Sidon. Apollinar. Paneg. An-  
them. 523. [Pro *geminat Concordia* Ven. *geniat*. quod  
Barthio, opinor, placeret. EX ADD.]

v. 242. Sic *victa sopore doloso*] Ovidius Metam.  
XI, 238, de Thetide:

*Illic te Peleus, ut somno vincta jacebas,*  
*Occupat:*

ita pro *victa* ex MSS. edidit Heinsius, qui ibidem  
affatim exemplorum adducit ad stabiliendam istam lec-  
tionem. Hoc vero loco *victa* sopro verum est: quippe  
Ilia non potuit esse *vincta* sopro cum se ad  
fluvium deposuit: hoc sibi ipsi contradicit. Recte igitur  
*victa* sopro, ut Tibull. I, 2. Propert. III, 15. et  
passim. Editio Parmensis *juncta*: voluit opinor, *vincta*.  
Nota vero, Lector accurate, vocem sic hoc loco  
positam esse pro TALIS: *talis* fuit Ilia; non *talis* Lavinia,  
non *talis* Claudia, id est non huc *comparanda*  
Lavinia et Claudia. ita Silv. II, 1. de Glauclia  
Atedii,

*TALIS in Isthmiacos prolatus ab aequore portus*  
*Naufragus imposita jacuit sub matre Palaemon:*

Sic et in *anguiferae ludentem gramine* *Lernae*  
J Praecisum *squammis avidus bibit anguis* Ophel-  
ten:

id est, *talem* Ophelten; aliter enim, ut et supra  
memorato loco, non constat comparatio. Eodem li-  
bro Eclog. VI. de Urso puero:

*TALEM Ledaes gurgite pubem*  
*Educat Eurotas; teneri sic integer aevi*

*Elin adit, primosque Jovi puer approbat an-*  
*nos:*

id est, *talis* Elin adit. plura exempla non opus est  
exscribere: vide, si velis, Silv. IV, 2. v. 44. The-  
baid. IV, 794. et seqq. Ovid. Amor. I, 7. v. 13. Vir-  
gilium Aen. X, 565. *Aegaeon* QUALIS etc. Sic *toto Ae-*  
*neas desaevit in aequore victor*: i. e. *talis* Aeneas.  
Versu proximo, *Martia fluminea posuit latus Ilia*  
*ripa*: usitatus est dicere *graminea* quam *fluminea* ri-  
pa. Theb. IX, 492.

*Stabat gramineae producta erepidine ripae.*  
Virgilius Aen. VII, 105.

*cum Laomedontia pubes*  
*Gramineo ripae religavit ab aggere classem:*

i. e. ab aggere *gramineae ripae*. Ausonius Mosella  
v. 26.

*Consite* gramineas *annis viridissime* ripas:  
quippe sub voce *ripa* continetur plerumque *fluminis*  
notio, adeo ut supervacuum videatur dicere *fluminea*  
*ripa* cum satis sit *ripa*. Ovidius Fastor. III, 13. de  
hac Ilia:

*Ventum erat ad molli declivem tramite ripam;*  
*Ponitur e summa fictilis urna coma.*

Tibullus II, 5. de eadem:

*Concubitusque tuos furtim vittasque jacentes,*  
*Et cupidi ad ripas arma relicta dei.*

Nihil tamen mutandum esse docet hic locus Ovidii  
Heroid. V, 25.

*Populus est, memini, fluviali consita ripa.*

v. 250. Sed praecipue qui *nobile gressu*

*Extremo fraudatis* opus] Satis intelligitur quid  
velit per *nobile opus*; poësin nempe Heroicam: sed  
verba ista per se non istud denotant: *nobile* enim o-  
pus recte dicitur de opere quopiam quod suo genere  
excellit; ut *Libyci* *nobile* *dentis* opus, apud Martial.  
Epigr. XIV, 3. et alios passim. Diu videram legen-  
dum esse *nobile epos*, ex Ovidio Remed. Amor. v.  
396.

*Tantum se nobis Flegi debere fatentur*

*Quantum Virgilio nobile debet epos.*

ubi Heinsium itidem hunc Statii locum ita emendasse  
serus deprehendo. Dubitat tamen Vir magnus de *rei*  
*epos* Ovidiano, et nihil temere mutandum censet,  
quando quidem omnes scripti codices retineant *opus*.  
nec ego quidquam temere mutatum velim et absque  
summa necessitate; quemadmodum in hoc loco, ubi  
oppositio vocum *elegi* et *epos* necessario postulat ut  
ita legamus; nisi probari possit *nobile opus* absolute  
sumtum, idem esse quod *epos*, quod non verum esse  
scio. de loco Nostri Silv. IV, 7. quem ad partes suas  
trahit Heinsius, dicam quando eo devenit est. *nobi-*  
*le* hoc *epos* vocat *nobile carmen* Geneth. Lucani v.  
114. *forte epos* Horatius. *fortem pedem* Domitius  
Marsus Epigrammate de Tibulli morte, inde *fortis*  
*Erato* Nostro IV, 7. ob *herōes* scil. *labores*. Martia-  
lis quidem Epigr. V, 5.

*Ad Capitolini caelestia carmina belli*

*Grande cothurnati pone Maronis opus:*

Sed nec ibi quidem simpliciter *grande opus*, sed *co-*  
*thurnati* Maronis *grande opus*. Mox, pro *choro* plau-  
dente recte Bernartius *Coo*: et ita editt. vetustae,  
Parmensis et Romana. Prima autem in *Cōus* recte  
corripitur, ut apud Marcellum Empiricum de Medi-  
cin. v. 5. *Quodque Cōus docuit senior*. vide Stepha-  
num Byzantinum de Urbibus, in voce *Kōs*.

[v. 251. *FESTIS Digna toris*] Mallem, *FAUSTIS*  
*toris*. Vide ad Geneth. Lucan. v. 88. Ovidius Pon-  
ticor. I, 2. v. 133.

*Ille ego, qui duxi vestros Hymenaeon ad ignes,*  
*Et ceciui FAUSTO CARMINA DIGNA TORO.*

En ipsissima verba; ut de hac emendatione non sit  
dubitandum. Et sane vix plura ex Virgilio quæmax  
Ovidio sumsit Statius. EX ADD.]



v. 264. *Nec tibi sulfureis* etc.] Ita editiones plurimae: et praecipue Parmensis. Domitius tamen Calderinus et ex eo Bernartius substituunt *sibi*, hoc sensu: Nec Lucrinus lacus nec Sarnus magis gloriari possunt suis Nymphis, quam Sebetus (fons apud Neapolim est) Violantilla sua civi seu alumna. Optime quidem et elegantissime, si verba ferrent. Vide enim constructionem: *Nec Lucrinae Naïdes magis sibi placeant antris sulfureis*: hucusque recte et ordine omnia: jam pergas; *nec otia Pompeiani Sarni*: quid tum? nihil, nisi ἀπὸ τοῦτοῦ intelligas magis *sibi placeant*, qua re sibi placeant? an *sulfureis antris*? hoc enim solum restat; quod vides quam absurdum sit. Mitto quod versu priore dixisse debuit, nec *Lucrinus* magis sibi placeat *suis nymphis*, quam *Sebetus* sua alumna: non, nec *Lucrinae* Naïdes magis sibi placeant *sulfureis antris*. Omnino verum est, Nec tibi. Alloquitur Violantillam Statius, v. 260. *At te nascentem* etc. et admonet illam se esse Neapolitanam et *Sebeti* alumnam: Ne igitur, inquit, *Lucrinus* et *Sarnus* magis tibi placeant quam popularis tuus *Sebetus*. quibus clam hortatur eam ut ad gentile solum Neapolin redeat; vel certe ut memor sit illius, nec illi praeferat alia loca, etiamsi amoeniora. *Otia* Sarni, quia in ista amoena regione, *Campaniam* dico, secessus et villas suas habuerunt Romani; ubi maxime *otabantur*. Similis huic locus Surrent. Poll. v. 110.

*nec saepius istis*

*Blanda Therapnaei placeant vineta Galesi*: vide praecedentia.

v. 267. *Qui leges, qui castra* legant] Ita Editiones, Romana, Aldina, Colineæ, Gryphiana. Et hanc lectionem amplectitur Gronovius Diatr. c. II. ubi *leges* interpretatur custodes *legum*, *Senatum*; et *castra*, *militēs*: *legere* vero *Senatum* et *legere* *militēs* recte dicitur, ipsum etiam vocabulum *legis* a *legendo* dictum: quo pulcherrime, inquit, allusit Statius. Haec vir magnus, suo more, hoc est, erudite. At quodnam opus translata notione vocis *leges* pro *Senatus*, cum usitata et primaria aequae commodum vel meliorem sensum reddat? nimirum hoc vult Statius: procreate liberos quorum posteri summum locum teneant in *foro* et in *castris*, *pax* et *bellum*, *toga* et *armis*: hoc enim intelligendum est istis, *Qui leges qui castra* legant. Simili sensu conjungit Surrent. Poll. v. 123.

*Quem non ambigui fasces, non mobile vulgus*  
*Non leges, non castra tenent*:

Et Epiced. Patr. v. 189.

*Hi fora pacificis emendant fascibus, illi*  
*Castra pia statione tenent*:

hoc est *leges* et *castra*. Et Soter. Gallici. v. 71.

*Prima togae virtus; illa quoque clarus, et ingens*

*Eloquio: mox innumeris exercita castris* etc. nihil hic de *Senatu*; nec Statius eo significato unquam usurpavit vocem *leges*. Et forte defendi potest phrasis *legere leges* (licet nusquam alibi, credo, occurrat) loco Virgilii Aen. I, 430.

*Jura magistratusque legunt, sanctumque Senatū*:

mihi tamen minime dubium est quin Statius scripserit,

*Qui leges, qui castra* regant:

prout olim conjecerat Bernartius; qui negat τὸ *legere leges* et *castra* Latinum esse. *regere* *leges* est, principem locum obtinere in jure dicundo; in concionibus, in foro dominari; negotiis civilibus praeesse: *regere* *castra*, exercitiis praeesse, et munia Imperatoria obire. Noster Theb. XI, 165.

*Ille ego sum qui te pacem et pia jura regentem* etc.

Martialis Epigr. X, 37.

*Juris et aequarum cultor sanctissime legum,*

*Veridico Latium qui regis ore forum.*

Manilius IV, 58. de Julio Caesare:

*Quum bene compositis victor civilibus armis*

*Jura togae regeret.*

Sidon. Apollinaris Paneg. Aviti v. 296.

*Intemerata mihi Praefectus jura regebat:*

et v. 312. Rutilius Itinerar. I, 157.

*Si non displicui regerem cum jura Quirini.*

*regere* praetoria Idem v. 273. Claudianus in Rufin. II, 82.

*Nec pudet Ausonios currus et jura regentem*

*Sumere deformes ritus vestemque Getarum.*

*leges tenere* vocat hoc lib. I. in Eutrop. v. 497.

*Eunuchi si jura dabunt legesque tenebunt,*

*Ducant pensa viri.*

*jura regere* II, 344. *Castra regant*, id est, exercitus, Sil. Italicus IX, 17.

*Ni sors alterni juris, quo castra reguntur*

*Arbitrium pugnae properanti in fata negasset.*

Idem VI, 307.

*Jam Martem regere, atque astus adjungere ferro.*

VII, 46. de Fabiis:

*Tercentum exsilire duces; quocunque liberet*

*Uno non pavidus rexisses bella magistro.*

Plinius Epist. IV, 23. *Ita senescere oportet virum*

*qui magistratus amplissimos gesserit, exercitus rexit, totumque se reipublicae, quamdiu decebat, obtulerit.* Et Epist. 24. *hic sponte beatissimo otio fruitur; alius exercitum regit; illum civilibus officiis principis amicitia exemit.* vide et II, 13. ubi eadem locutio. Passim apud Tacitum invenies. *rector castrorum* alicubi apud eundem, si recte memini. *rector reipublicae* apud Cic. de Orat. I, 48. et *regendae reipublicae* scientissimus. c. 49. Mox v. 276. pro *viridis* legendum *virides*: vultus *virides* flore longae juvenitae. vel si retineas *viridis* legendum *Perduret*:

sed prius verum. Silv. III, 3. v. 124.

*Felix ah si longa dies, si cernere vultus*

*Notarum viridesque genas tibi justa dedissent*

*Stamina!*

Vide quae notavi ad IV, 2. v. 41. de τῷ *vultus* in numero plurali. Edit. Parm. et Rom. *longe*.

## E. C L O G. III.

Corruptissima Ecloga. Hoc igitur agamus, Lector. Recte autem omnia procedunt ad v. 8. quippe *noscere* v. 3. [pro quo Ven. *ponere*. EX ADD.] probum est, ut Theb. XI, 373.

*liceat vultus, fortasse supremum,*

*Noscere dilectos.*

Ita *cognoscere* eodem sensu Sallustius Bel. Catilin. *Operae pretium est cum domos atque villas cognoveris in urbium modum exaedificatas, visere templa Deorum.* Seneca Herc. Fur. v. 1060.

*obitus pariter*

*Tecum Alcides vidit et ortus,*

*Novitque tuas utrasque domos.*

*cernere et cognoscere pariter conjungit Propertius I, 6.*

*An mihi sit tanti doctas cognoscere Athenas,*

*Atque Asiae veteres cernere dititias?*

Haec adnoto, ne cui adblandiatur *visere*, ex Boethii Consol. lib. IV. Metr. XII.

*Felix, qui potuit boni*

*Fontem visere lucidum.*

Et Val. Flacc. IV, 210.

*Sic ignes Asiae plaga, quique per Arcton*

*Dexter, et in laeum Pontus jacet, haec mea visat*

*Hospitia.*

*Tò cernere eodem sensu quo hic, utitur Thebaid. I, 386.*

*actutum regia cernit*

*Vestibula.*

v. 8. *Pisaeumque domus non aestuat annum]*

Nullus in his verbis sensus. Concipe enim, si potes, quomodo domus potest *aestuat* (i. e. *aestuat* facere) *annum Pisaeum* (i. e. *aestatem*.) Immo contra, aestas domum aestuat facit, non domus aestatem. Corrigendus igitur locus antequam intelligendus. Lege,

*Pisaeoque domus non aestuat anno:*

jam omnia facilia. Sensus est: Haec Manlii Villa adeo frigida est, et arboribus et fontibus in cubicula admissis tam bene temperatur, ut etiam media aestas calore nimio illam non gravet; media aestate, *Pisaeo anno*, non aestuat. Verba jam videamus. *Annus* hoc loco pro *parte anni* ponitur: adeo ut *annus Pisaeus* sit *ista pars anni* in qua Ludi Olympici juxta *Pisam* celebrentur, hoc est, *media aestas*. Ita Thebaid. IV, 1. *horrens annus* est *ista pars anni* qua cuncta *horrent*, id est, *hiems*:

*Tertius horrentem Zephyris laxaverat annum*

*Phoebus:*

tertius Phoebus Zephyris laxaverat *horrentem annum*, seu hiemem, quae proprio verbo *horrere* dicitur: Seneca Medea Act. IV. v. 759. ubi Medea de se loquitur:

*temporum flexi vices:*

*Aestiva tellus horruit cantu meo,*

*Messem coacta vidit hibernam Ceres:*

ita legendus iste Senecae locus; vulgo *floruit* cantu

meo, quod ex sensu et oppositione absurdum est. Sed hoc obiter. Ut *horrens annus* Statio, ita *hibernus annus* Horatio Epod. II, 29. pro *hiberna parte anni*; quando nempe *hiems anni* est, ut loquitur Apuleius:

*At cum tonantis annus hibernus Jovis*

*Imbres nivesque comparat.*

*frigidum annum* eodem sensu vocat Virgilius Aen. VI, 311. loco corrupto, de quo alibi. Sic *pomifer annus* pro ea parte anni quae *poma fert*, id est, *Autumnus*, apud eundem Hor. Carm. III, 23.

*nunc dulces alumni*

*Pomiferi grave tempus anni:*

ita legendum puto pro *Pomifero anno*, *tempus pomiferi anni*, ut *tempus teneri anni* seu *Jovis* apud Martialem Epigr. IX, 14. de Earino:

*Nomen habes teneri quod tempora nuncupat anni.*

Sic *piger annus* Nostro Silv. IV, 4. pro *ista parte anni* in qua a litibus et rebus judicandis cessabatur, quam nos *Vacationem* dicimus:

*Certe jam Latiae non miscent jurgia legis,*

*Et pacem piger annus habet, messesque reversae*

*Dimisere forum:*

id est, *Julius mensis*, quo maxime lites interquiescunt, ut ait Plinius Epist. VIII, 21. Mira vero locutio est quae occurrit Silv. III, 1. v. 135.

*vir annus anhelat*

*Alter, et ingenti dices Tirynthius arce*

*Despectat fluctus:*

hoc est, *vix anhelat pars anni* rediit, seu ea pars anni in qua *anhelamus*, id est, *aestas* vix rediit altera. *Annus* etiam absolute pro *messe* seu *proventus anni* apud Tacitum de Morib. Germ. c. 14. *Nec arare terram aut expectare annum tam facile persuaseris quam vocare hostes et vulnera mereri.* Vide quae dico ad Kal. Decembr. v. 42. *Frangunt solem*, versu praecedenti, est *minuunt calorem solis*. ita Seneca Nat. Qu. V, 10. *Etesiarum flatus aestatem frangit, et a mensium ferventissimorum gravitate defendit*: quibus verbis intelligis quare v. 7. *Nemeeis alumni* seu *Leo* dicitur *gravis*. Calor se frangere dicitur Ciceroni de Oratore I. ad finem libri. Seneca Herc. Oet. v. 1366. ubi queritur Hercules moriturus,

*Non ipse terris major oceanus meos*

*Franget vapores:*

id est, *minuet vel extinguet*. Sed satis haec. Scio quomodo hunc locum explicant Gevartius et Morellus: Sed durae nimis et coactae mihi videntur eorum Interpretationes. Multa horum quae de voce *Annus* adnotavi, jam video occupata esse a Cl. Broukhusio ad Tibull. Eleg. I, 1. Et potui quidem novis exemplis rem agere: sed plagii suspicionem nec metuo nec curo.

v. 9. *Ipsa manu tenera tectum scripsisse Voluptas*] Ita vetustae Editiones, teste Gronovio Diatr. c. X. ubi landat conjecturam Lindenbrogii legentis, *Visa manu tenera*. Et hoc omnino verum est, et editio-



nibus Gryphiana et Aldina et Colinaei et MS. Senensi confirmatur: licet Gronovius postea mentem mutasse videatur; quando quidem Observ. II, 14. retinet *Ipsa*; et, mollius, inquit, intellexeris, *videtur*, aut *credi potest*. Prius verum est; *Visa scripsisse* non *Ipsa scripsisse*; quam Constructionem seu Ellipsin in simplici narratione vix admittendam puto. Noster Theb. IX, 379.

*Mitior unda maris, quae juxta flumina corpus  
Rettulit, et miseram visa expectasse parentem.*  
X, 211.

*dixit, neque haec ad limina visus  
Cuspide sublata toloque impellere curru.*  
Virgilius Aen. II, 270.

*In somnis, ecce, ante oculos maestissimus Hec-  
tor*  
Visus adesse mihi.

Et VII, 73.

*Visa (nefas) longis comprehendere crinibus ignem.*  
Quibus omnibus in locis verbum substantivum est vel erat intelligendum est, ut in hoc loco. Hoc non vidit quisquis primus supposuit *Ipsa* pro *Visa*. Domitius, cujus Editio praefert *Ipsa*, mutilatum locum credidit: non ita crediturus, si illi in mentem venisset *Visa*.

[v. 16. *Arte manus concessa locis*. Suspicio hanc vocem deberi Domitio: Ven. enim habet, *Arte manus ARTEMQUE locis*: Parm. *Arte manus ANTIQUA locis*. Nec quidem tam recte dici potest *forma concedi alicui loco per artem manus*. potius esset, *adlita, imposita*. tale aliquid latere videtur. EX ADD.]

v. 20. *Ipsa Anien (miranda fides)*] Pro *Anien* Domitius in omnibus suis codicibus invenit autem. Et bene quidem emendavit. sed aliud suggerit Editio Parmensis, quae plane habet *Ipsa amnis*. Ne dubites quin hoc ipsius Statii sit. *Amnis* hic est idem quod *Deus fluvii*. Thebaid. IX, 469.

*stat pugna impar Amnisque virique,  
Indignante deo.*  
Infra hac Eclog. v. 45.

*Quique vaporiferis junctus fornacibus Amnis  
Ridet anhelantes vicino flumine Nymphas.*  
Ovidius Amor. III, 6.

*Supposuisse manus ad pectora lubricus Amnis  
Dicitur, et socii jura dedisse tori.*  
Passim exempla invenies. In Contextum itaque recipiatur *Amnis*: et ita sane fecissem, nisi typis excusa fuisset ista scheda antequam in manus meas veniret Editio Parmensis: quam aut non viderat Domitius, aut dissimulavit, ut ingeniosae suae conjecturae locum faceret. Vide autem totum locum, et attende sensui:

*Ipsa Anien (miranda fides) infraque superque  
Saxeus, hic tumidam rabiem spumosaque ponit  
Murmura:*

Anien infraque superque *Saxeus*, hic, ad Villam Manlii, non est *Saxeus* sed *quietus*. Quid, quaeso, est *Saxeus* fluvius? aut quanam oppositio inter *saxeum* et *taciturnum* amnem? *lapidosus* quidem *Aesaris undas* habes apud Ovidium Met. XV, 22. et *lapidosus rivus* Fastor. III, 273. hoc est calculis et *lapidibus*

abundantes; ad quam formam Statius dixisse debuit Anien *Saxosus*, ut Euphrates *saxosus* Plin. Nat. Hist. V, 24. Athesis *saxis asper* Incerto Autori Pannegyr. dict. Constantino c. 8. p. 159. Ovidius Amor. III, 6. de Aniène:

*Nec te praetereo qui per cava saxa volutus  
Tiburis Argei pomifera arva rigas,*  
ut bene emendavit Bentley pro *pomifer*. Alia vero res est *Saxeus*, nempe *e saxis factus* vel *constans*. Ita Theb. VII, 408.

*nunc sanguineus, nunc saxeus imber:*  
et ita passim apud Nostrum et alios, neque aliter quisquam. Bernartius ad explicandum *saxeum* hunc Anienem adducit locum Suetonii Claud. c. XX. *simulque rivum Anienis novo (l. novi) lapideo opere in Urbem perduxit, divisitque in plurimos et ornatissimos lacus*. Sed nullo modo nodum solvit hic locus: licet enim Claudius Anienem in Urbem perduxerit *lapideo* opere, non tamen ea de causa recte dici potest *Saxeus* Anio; cum, ut supra dixi, aliam rem denotet vox *Saxeus*: et si recte dici posset *Saxeus*, deesset tamen aliquid quod apponeretur *rois*; *hic tumidam rabiem spumosaque ponit Murmura*: dixisse enim debuit, Anien infra supraque *TURBIDUS* vel *TUMIDUS* vel *PRAECEPS*, (vel quid ejusmodi; non *SAXEUS*) *hic quietus* est. Hoc modo scriptum esse oportuit. Sed vocem Statianam aliis indagandam relinquo: mihi enim omnia versanti nihil occurrit quod teruncio emerim. *Turbidus* quidem optime congrueret; hoc enim epitheton fluvii saepe tribuitur. Sed, praeterquam quod sequitur *turbare* versu proximo, immanis est mutatio, et vix animo concipienda, nedum sano Critico admittenda. Idem censeo de *Praeceps* et *Audax*. expectanda igitur alia exemplaria. Domitius interpretatur, *SAXEUS: labens aliquin per saxa, et strepens*. Concedo hunc sensum esse debere: sed quis mihi probabit vel uno exemplo hanc esse significationem vocis *Saxeus*? De cataracta Anienis ad urbem Tibur vide Strabonem V. p. 164. sed nihil inde huic loco restituendo colligi posse puto. Alicui forte non displicebit,

*Ipsa Anien (miranda fides) infraque superque  
Vix suus, hic tumidam rabiem etc.*  
Id est, *furens* et *vix sui compos*: cujus significationis vocis *suus* multa exempla adduci possent: et bene opponeretur sequentibus, *tumidam rabiem* etc. Sed alia notione sumitur vox *suus* quando de *fluvio* sermo est, ut perspicere potes hoc loco Claudiani in Eutrop. II, 266. de Marsya et Macandro fluvii:

*sed Marsya velox  
Dum suus est, flexuque carens: jam flumine  
mistus*

*Mollitur, Macandre, tuo.*  
Pomp. Mela de Nilo: *cum diu simplex suusque descendit*. ita optime restituit N. Heinsius pro *saevus*. [Pro *Anien* Ven. autem: Parm. *Amnis*. Verius iam videtur *Anien*. EX ADD.] Supra v. 16. pro *Arte manus concessa locis* Edit. Parm. habet *ANTIQUA locis*. quod quid sibi velit nescio; [v. supra. ED. DR.]

v. 24. *Pieriosque dies et aventes carmina somnos*]



Ita pleraeque editiones, *avescentes*. Domitius ita explicat: *Somnos avescentes carmina*, i. e. *placidam quietem*. Non intelligo. Alius notat, „Est permutatio vinarum vocum: dicere enim debebat *carmina somnos amantia*.“ Ille igitur legebat et amantes *carmina somnos*. Uterque eorum errabat quod non intellexit significationem vocis *SOMNOS*, quae hoc loco ponitur pro *NOCTES*, ut apud Virgilium Georg. I, 208.

*Libra die somnique pares ubi fecerit horas:* ad quae Servius: *SOMNI id est, NOCTIS: nam ab officio temporis ipsum tempus ostendit*. Hunc Virgilii locum imitatur Ausonius Idyll. XI, 31. eodem sensu: *Libra die somnique pares determinat horas:* id est, *diei et noctis*. Sil. Italicus III, 200.

*Miscuerat lucem somno Deus:* ad quem locum vide Interpretes. Noster Silv. III, 2. v. 82.

*quos nunc ego pectore somnos*  
*Quosve queam perferre dies!*  
Hoc intellecto, facili negotio prodit Statii manus, *Pieriosque dies, et habentes carmina somnos:* id est, *noctes quae habent carmina*, exercentur carminibus scribendis. Thebaid. XI, 608.

*En habeo gemitus, lacrimaeque per arida serpunt*  
*Vulnera.*

Martialis Epigr. VIII, 78.

*Omnis habet sua dona dies; nec linea dies Cessat.*

Ovidius Met. I, 558.

*semper habebunt*

*Te coma, te citharae, te nostrae, laure, pharetrae.*

Noster Silv. IV, 4.

*Et pacem piger annus habet.*

Non male quidem *amantes carmina*: sed verius *habentes*, quia haec voces *habent et avent* (quae antiquo more scribebatur *havent*, vid. Cl. Davisium ad Cic. de Nat. Deor. II, 1.) perpetuo inter se commutantur. Ita apud Sil. Italicum XV, 377. *pro habet praecedere*, legendum *habet*, id est *avet*. [Recte editi *habentes*; et ita Venet. non *avescentes*, nec *amantes*. EX ADD.]

v. 24. *Litus utrumque domi; nec te mitissimus annis*

*Dividit.* Recte hunc locum et hanc scripturam vindicat Gevartius contra Lipsium et eum secutum Bernartium, qui supposuerunt

*Litus utrinque, domus nec se mitissimus annis*

*Dividit.*

Sensus est: Utraque ripa Anienis domi est, domestica, et non externa: nam in utroque litore domus erat quae fornice iungebatur. *nec te mitissimus annis Dividit*: dum in una ripa versaris, non te impedit annis intermedios quo minus in alteram transire possis, nam utraque domus ponte seu fornice conjunguntur, et ita velut una domus sunt. Haec Gevartius; verissime. Sequitur,

*alternas servant praetoria ripas*

*Non externa sibi, fluviumque obstare queruntur.* Imitatur hunc locum Ausonius Mosella, v. 285.

*villae*

*Quas medius dirimit sinuosis flexibus errans Amnis, et alternas comunt praetoria ripas.*

Ubi vides Ausonianum *comunt* pro Statiano *servant*: ex quo suspicari forte potes Ausonium legisse et Statium scripsisse

*alternas ornant praetoria ripas,*

non *servant*: et ita quidem bene scripsisse potuit, et minima est mutatio ex *ervant* facere *ornant*. Sed non opus est: quicquid enim in aliquo loco positum est, dicitur *servare* istum locum. Noster Theb. IX, 467.

*nec mole liquenti*

*Contentus, carpit putres servantia ripas Arbusta.*

Virgilius Georg. IV, 458. de Eurydice:

*Immanem ante pedes hydram moritura puella*  
*Servantem ripas alta non vidit in herba.*

et ita passim omnibus. Ad versum proxime sequentem, *Non externa sibi* etc. quaerit Bernartius, Cur non audiam Veterem

*Non extrema sibi fluviorum obstare queruntur?*

Dicam tibi, Vir erudite: quia nullus est in eo sensus. nonne hoc satis causae? Edit. Parm. exhibet *Non externa sibi fluviorum optare queruntur*: Romana, *fluviumque obstare*: quod vero proximum est. Pro *junctos* delphinas, Parm. *vinctas*: solenni harum vocum commutatione: ut et v. 45. *vinctus* fornacibus amnis, pro *junctus*. Vers. 29. *Hic aeterna quies* etc. hunc etiam locum exscribit Ausonius Mosella v. 292.

*Non hic dira freti rabies, non saeva furentum Praelia Caurorum: licet hic commercia linguae Jungere, et alterno sermonem texere pulsus. Blanda salutiferas permiscunt litora voces, Et voces et pene manus.*

Egrege quidem, si sine mendis. Lege *salutigeras* voces, ut Epist. XXV. *Salutigeri* libelli. alia res est *salutiferas*. Deinde, *et visus, et pene manus*: patet ex sensu et locorum comparatione. Nec male si pro *permiscunt litora voces*, legas *permittunt*, ex Statiano datur.

v. 31.

*Sic Chalcida fluctus*

*Expellunt fluvii.* Tenebricosus locus, inquit Bernartius, et addubito num sanus. Pergit deinde, et confundit hanc *Chalcida* Euboeae urbem, cum *Chalcedone* ad Bosporum Thracium e regione Byzantii: merito ob hoc notatus a Gevartio Lect. Papin. c. XXV. qui tamen de mendo non suspicari videtur, et explicat, *fluctus expellunt Chalcida*, id est, *discedunt et disjungunt*: Et, „*fluctus* hic adjective *fluvios* „appellat, id est qui septies de die ac nocte *fluunt* „*refluuntque*.“ Sed primum, *expellere* non est *divellere* et *disjungere*, sed *projicere* et *protrudere*. Plinius Nat. Hist. IV, 12. de Creta loquens: *ad Occidentem Cria metopon* (Κρηὶν μετώπον) *Cyrenas versus* expellit: id est *projicit, emittit*; non *separat*. Et ita passim in Geographicis Plinius. *Projicere* vero *Chalcida* non congruenter dici potest sensui hujus loci,



ubi de *separatione* locorum interventu aquarum sermo est. Nec melius Gevartius in altera voce, *fluvii*. quis enim unquam usurpavit vocem *fluvius* adjective et pro epitheto? et si exempla huiusce usus proferret, aures tamen eruditae non ferrent istam conjunctionem, *fluvii fluctus*. Sensit hoc praeclarissimus N. Heinsius qui ad Claudian. p. 43. legit,

*Sic Chalcida fluctus*

Dispersunt reflui:

probum quidem hoc, et nomine Heinsiano dignum; licet ante eum Cruceus conjecerit *reflui*. *Dispersunt est separant*. Plinius N. H. V, 9. de Nilo: *Indo Africam ab Aethiopia* dispescens etc. Festus Avienus Orb. Descr. v. 1295 de Indo flumine:

*Innumeras idem dispescit flumine gentes.*  
*refluis fluctibus*: ita Thebaid. VII, 334.

*refluumque meatu*

Euripum.

Ausonius Epigram. 3.

*Quod si lege maris refluus mihi curreret amnis.*  
Et tamen, ut verum fatear, de utraque parte Heinsianae emendationis addubito. Primum enim levior mihi videtur medicina, si minori mutatione, legas

*sic Chalcida fluctus*

Dispellunt.

Omissa prima versus litera *D*, ex *ispellunt* fecerunt *expellunt*. Sensus est idem. Priscianus Perieg. v. 666.

*Et qui Trojanae post praelia gentis Achai*

*Ascalaphi regis victricia signa sequentes,*

*Dispulsi ventis istas venerere sub oras:*

i. e. *separati*. Virgilius Aen. I, 511.

*ater quos aequore turbo*

Dispulerat, *penitusque alias avexerat oras*: *turbo* dispulerat, ut *fluctus* dispellunt. Utcunque sit, omnino requiritur vox aliqua quae incipit a syllaba *dis*, ad denotandam scilicet *divisionem*; ut versu proxime sequenti *dissociata*. Deinde *fluctus* *reflui* vix videtur elegantiae Stadianae, cum utraque vox ab eodem verbo, quod est *fluo*, derivetur: quam compositionem maxime vitant scriptores eruditi. Lego,

*Sic Chalcida fluctus*

Dispellunt refugii.

Lucanus I, 410.

*cum funditur ingens*

*Oceanus, vel cum refugis se fluctibus aufert.*

Ovidius Heroid. XVIII, 181.

*Velle quid est aliud fugientia prendere poma,*

*Spemque suo refugii fluminis ore sequi?*

Alcimus Avitus IV, 471. de Diluvio:

*Insequitur tamen oceanus, refugisque fluentis*

*Inminet, et salsis impellit molibus amnes.*

Idem tamen mox v. 544.

*Tunc reserat summam sublimi a fronte fenestram*

*Emissa refluos exploret ut alite fluctus.*

Sidonius quoque Apollinaris Carm. VII, 393.

*jamque ad populos ac rura feroci*

*Tenta Getae protendit iter, qua pulsus ab aequatu*

*Oceanus refluum spargit per culta Garumnæ,*  
*In flumen corrente mari: transcendit amarus*  
*Blanda fluentia latex, fluviique impacta per alveum*

*Salsa peregrinum sibi navigat unda profundum*: ubi tamen non *refluum fluvium*, sed *Garumnæ*. Notanda vero et increpanda Sidonii incuria, qui in eadem sententia utitur vocibus *refluum*, *flumen*, *fluenta* et *fluvii*, usque ad nauseam, et pene Barbariem. *refugae* Tethyos undae, Priscian. Perieg. v. 689. *refugio* Nilo Lucan. VIII, 526. et Plin. Panegy. *refugum* mare, Ausonius Epist. VII, 42. et Mamertinus Paneg. Maximian. c. XII, *refugus* amnis, Prudentius adv. Symmach. II, 441. *refugis* Jvadis, Ausonius Epist. VIII. et similia passim. Heinsius quoque conjecerat *refugi*.

v. 36. *An picturata lucentia marmora vena*] „MS. „Medicaeus [et Venet. Ex Add.] pro *vena* habet *luna*, „quod mihi spernere religio: conjungit enim postes „e Numidico et Lunensi marmore, de quo Strabo.“ Haec Gronovius Diatr. c. X. adducit deinde locum Strabonis, qui est lib. V. p. 153. Edit. Casaub. et qui lectionem Cod. Medicaei, ut mihi videtur, plane evertit. Dicit enim Geographus tantum esse proventum marmoris Lunensis ut pleraque elegantiorum operum Romae et aliis urbibus ex eo effecta essent. Atqui si pleraque opera, absurde fecit Statius si cum *auratis* *trabibus* et *Mauris* *postibus*, rebus rarissimis, conjungeret *marmor Lunense*, rem vulgatissimi usus. Et sane non in maximo pretio fuisse hoc marmor evincit locus Nostri in Eucharist. ad Domit. v. 29. ubi post enumerata alia marmorum pretiosissimorum genera, addit

*Lunaeque portandis tantum suffecta columnis*: id est marmor Lunense tantum in pedes vel bases columnarum adhibitum esse in Domitiani Palatio, quod ibi describit: licet alicuius esse pretii, non tanti tamen ut dignum censeretur aliis usibus inservire. Non igitur bene conveniunt *auratae trabes* et *Mauri postes* cum *Lunensi marmore*. Latinitas quidem patitur *marmora Luna* pro *a Luna*; et non male diceretur *picturata Luna* propter *μετάλλα λεθον ποικίλον γλαυκός*, lapidis *VARIi* ad caeruleum *vergentis*, ut de iis Strabo: sed nihil mutandum autoritate unius codicis, praesertim cum potior sit vulgata lectio. Per *venam* intelligit *fibras* et *lineas* et *strias* quae in marmore reperiuntur. *regulam* vocat Balz. Etrusc. et *gyrum* Silv. II, 2.

*ubi marmore picto*

*Candida purpureo distinguitur area gyro*:

ubi marmor Synnadicum describit: et idem hoc loco forte innuit. Hinc *vena* pro ipso *marmore*; supra Epithal. Stel. v. 149.

*hic concolor alto*

*Vena mari.*

et ita passim. Vide Plinium Nat. Hist. XXXVII, 6. ad finem. Sequitur,

*an emissas per cuncta cubilia lymphas.*

Lectio haec a Joanne Britannico, annotante Gevartio, cum antea fuit *nymphas*, quod verissimum est et



Statianum: et ita invenī in Edit. Parm. et Rom. Vide iufra ad v. 64. Mox v. 40. an ad silvas quae respiciunt, aulæ, tacentes? Atqui quomodo tacentes, cum statim dicat *murmura* invitare somnos? Ne dubites quin Statius scripserit *iacentes* silvas, id est, *subiacentes*. Ita Surrent. Pollii v. 74.

*transque* iacentem

Nerea diversis servit sua terra fenestris: id est, *subiacentem* pontum. Avienus Orb. Deser. v. 339. de Nilo:

*inque* iacentem

Aegyptum *fusus fluctus* premit arva marito

*Fœcundatque solum:*

Elegantissime. Hæc vero voces perpetuo commutantur in MSS. ita Theb. X, 428 pro

*rogat, en rogat ipse* iacentis

*Vultus,*

legendum *tacētis*, eleganti oxymoro, quo etiam utitur Petronius Satyrico: *cooperatque etiam sine voce saevientes* rogare.

[v. 42. Et *teneros* invitāt *murmura* somnos. Si legas AUT pro ET, evanescet omnis huius loci difficultas. hoc in Contextum tuto admittas. Ex ADD.]

v. 43. Et *nigros* imitantia *murmura* somnos] Gronovius in Reliq. ad Silv. Stat. suspicatur Statium scripsisse

*nigros* invitāt *murmura* somnos:

optime et verissime: in altero nullus sensus. Ovidius Met. XI, 604.

Invitat somnos *crepitantibus* unda *lapillis*.

Horatius Epod. II, 27.

*Fontesque lymphis obstrepunt manantibus*

Somnos quod invitet *leves*.

Suadebit inire somnum, Virgilius Eclog. I, 54.

*Hinc tibi quæ semper vicino ab limite sepes,*

*Hyblaëis apibus florem depasta salicti,*

*Saepe levi somnum suadebit inire susurro.*

Quem locum excutiant velim Virgillii amatores; ego enim nec sensum nec constructionem primi versus intelligo. Turbat inepta vox *semper*, sub qua latet verbum aliquod substantivum. Servius notat, *SEPE*] *subaudi*, FIET. Nec adhuc intelligo. Sed pergo. Sine dubio igitur Statius scripsit *invitant*. Pessimum vero et mali ominis epitheton istud *nigros* somnos: *niger* enim *somnus* est *mors*. Sil. Italicus VII, 632.

*membris dimissa solutis*

*Arma fluunt, erratque niger per lumina somnus.*

Nec multo melius si legas *pigras* cum Heinsio: somni enim *pigri* sunt *desidiosorum*, et in vitio ponendi. Vere restitui,

*Et teneros* invitāt *murmura* somnos.

prima syllaba in voce *TENEROS* amissa erat in præcedente ET: unde ex *neros* fecerunt *nigros*. Recto vero *teneros* somnos, ut Theb. I, 388.

*ignotaque acclinis postibus aulæ*

Invitat *teneros* ad dura cubilia somnos:

ita legendum puto, et ita citat Gronovius ad hunc locum de quo agimus; sive sic legendum putabat, sive errore memoriae; vulgo enim *tenues*. Oppositio au-

tem videtur postulare *teneros*: invitāt *teneros* somnos ad dura cubilia. Claudianus de Bello Gildon. v. 328.

*Tyrio qua fusus Honorius ostro*

*Carpebat teneros Maria cum conjuge* somnos.

Ovidius Heroïd. XII, 170.

*noctes* vigilantur *amaræ,*

*Nec tener al miseræ pectora somnus* habet.

Noster Theb. X, 116.

*tenerosque* hortantia somnos

*Languida succiduis expirant lumina flammis:*

ita et ibi legendum credo; vulgo sine sensu *primosque*. *Teneros* hos somnos *faciles* vocat Horatius Carm. III, 21. *molles* Virgilius Georg. II, 470. et alii. Sed adhuc restat scrupulus de hoc loco: vide enim:

*Qua tibi* TOTA quies, *offensaque* turbine Nullo

Nox SILET, et *teneros* invitāt MURMURA somnos:

Ubi egregie Gronovius tuetur tota quies contra Behtium et Piccartam substituētes *tuta*. Jam vero, si quies tota et integra est, et nox SILET, nulla ex parte vel minutissimo turbarum strepitu interrupta, prout hanc vocem bene explicat Gronovius, quaero quem locum habere possunt MURMURA? hæc enim contradictoria videntur, noctem ex toto SILERE et simul MURMURA somnos invitare. Et vel dicendum est *murmura* (fluminis puta vel silvarum subjacentium) non numerari inter res quæ quietem turbant, et ideo Statium addere ista, *offensaque* turbine nullo Nox silet: vel si hoc non admittendum sit, (et revera quomodo admitti potest vix concipio) legendum est

et *teneros* invitāt CARMINA somnos:

ut supra v. 23. et habentes CARMINA somnos, seu noctes.

v. 43. An quæ graminea suscepta crepidine fumant

Balnea?] Hunc quoque locum exscribit Ausonius Mosella, v. 337.

Quid quæ sulphurea substructa crepidine fumant

Balnea?

Ubi pro sulphurea editio Ugoleti habet *fulminea*: unde *fluminea* recte legit Tollius. *Suscepta* idem est quod *suspensa*, *suffulta*, ut ad Senecae Epist. XC. optime docet Gronovius. Sequitur, v. 45. Quaque vaporiferis: lege, Quique vaporiferis, sc. amnis: hoc postulat sensus. Constructio est, an dicam ignem impositum ripis argentibus, amnemque qui amnis junctus vaporiferis fornacibus ridet nymphas etc. per amnem intelligit Anienem, in cujus margine balnea extruxerat Vopiscus, ad aquae commoditatem quæ balnearum saepe in his Silvis mentio. Dicit Statius, Anienem in cujus ripis fumant balnea ridere nymphas (hoc est *agras balneares*) anhelantes, in balneo puta, cum tam vicinum sit ipsis gelidum flumen: ut bene explicat Gronovius. Quique, ut Silv. III, 3. v. 190. et V, 3. v. 193.

v. 50. Quicquid et argento primum etc.] Corruptissimus locus. totus sic habet:

Quicquid et argento primum vel in acre Myronis Lusit, et enormes manus est experta colossos.

Cujus constructio hæc est: et quicquid primum na-



nus Myronis *ludit argento vel in aere*. Cui bono istud *primum*? aut qua notione sumendum est? Si enim *primum* accipias de temporis ordine, hoc incommodi sequetur, quod *prima* artificum opera *imperfectissima* sunt: ut absurde fecerit Staius si Vopiscum commendavit ex eo quod possederit *prima*, rudia et imperfecta magnorum artificum tentamenta. Si vero pro *praecipuum* sumas *primum*, non puto recte dici posse *primum* opus Myronis pro *praecipuum*: cum hoc sit *primarium* non *primum*. Scio quid ex Terentio et Sallustio opponi possit; et ideo huic significationi non ulterius repugnabo, cum potiora argumenta habeam contra istud *primum*. Dicitur enim, manus Myronis *ludit argento*. Atqui Myron non *argento*, sed *aere* celebris fuit. Noster Silv. IV, 6.

*Hic tibi quae docto multum vigilata Myroni*

AERA

sc. monstrabit. Petronius Satirico: Myron, qui pene hominum animas ferarumque AERE comprehenderat, non invenit heredem. lege animos. Ausonius Epigr. LVIII in buculam aeream Myronis:

*Bucula sum caelo genitoris ficta Myronis*

AEREA:

ita legit Vinetus pro *facta*. Plinius Nat. Hist. XXXIV, 2. de aere Aeginetico et Deliaeo: *illoque AERE MYRON usus est, hoc Polyclethus, aequales atque condiscipuli*. Caelavit quidem *argentum* Myron, ut ex diversis Martialis locis apparet: sed praecipuus illi honor et laus ex alia arte. Plinius Nat. Hist. XXXIV, 8. Myronem *Eleutheris natum, et ipsum Ageladae discipulum*, BUCULA NOBILITAVIT: aerea scilicet. Vide locum; ibi enim Myronis opera recenset. Ovidius Pontic. IV, 1.

*Vendicat ut Calamis laudem, quos fecit, equorum,*

*Ut similis verae vacca, Myronis opus;*

*Sic ego etc.*

Petronius: *Verum ut ad PLASTAS convertar: Lysippum, statuac unius lineamentis inhaerentem, inopia extinxit: et Myron, qui pene hominum animos etc.* Praeterea, quare unius tantum Myronis opera memorat Staius in amici sui Mantii *κειμήλιος*, conservata? Sine dubio Vopiscus, ut erat elegans et *φιλόκαλος*: non Myronis solius, sed et aliorum praestantium artificum labores adservabat. Immo et hoc dicit poeta, versibus praecedentibus,

*Vidi artes veterumque manus, variisque metalla*

*Viva modis: labor est auri memorare figuras,*

*Aut ebur aut dignas digitis contingere gemmas;*

Vides VETERUM (numero multitudinis) manus, et laborem esse memorare figuras propter multitudinem earum in auro, ebore, gemmis: addit deinde, *argento et aere*; Myronem in aere, utpote omnium praestantissimum; et in argento, quem? PRIMUM. Sub hac voce, quae nihili est, procul dubio latet magnus aliquis artifex in argento, sive Caelator sive Statuarius. Et nonnemo forte sibi placeret cum invenisset *Phradmona* inter claros Statuarios memoratum Columellae Lib. X, 30.

*Non Polycletea, nec Phradmonis, aut Ageladae Arte laboretur:*

Et Pausaniae, et Plinio N. H. XXXIV, 8. ut esset, *Quicquid et argento Phradmon, vel in aere Myronis, etc.*

Sed hoc infortunio premitur *Phradmon*, quod non compertum habemus Veterum testimoniis illum in argento potissimum praestitisse: hoc vero loco requiritur aliquis qui in argento enituit pariter ac Myron in aere. Quaerendus itaque hic artifex: et quaerenti statim occurrit MENTOR, qui in argento caelando omnium nobilissimus erat; poculis praesertim. Martialis Epigr. XIV, 93. cuius lemma POCULA ARCHETYPA:

*Non est ista recens, nec nostri gloria caeli:*

*Primus in his Mentor, dum facit illa, bibit.*

Et IX, 60.

*Pocula Mentorea nobilitata manu.*

IV, 39.

*Argenti genus omne comparasti:*

*Et solus veteres Myronis artes,*

*Solus Praxiteles manus Scopaeque,*

*Solus Phidiae toreuma caeli,*

*Solus Mentoreos habes labores.*

ubi vides Myronem quoque memorari inter eos qui argento caelando claruerunt: et hoc erat quod supra dixi, Myronem *argentum* etiam caelasse, sed non inde tam magnum nomen adeptum esse quam ex aere fundendo. Sic ipse Mentor interdum *aes* fudit, (vide Sidon. Apollinarem Carm. XXIII, 503. ubi cum Praxitele, Scopae, Polycleto et Phidia Statuariis conjungitur) non tamen ut exinde tantam famam consecutus sit quantum ex caelatura *argenti*. Propertius III, 9.

*Tu licet abjectus Tiberina molliter unda*

*Lesbia Mentoreo vina bibas opere:*

ubi pro unda legendum puto *ulca*. Juvenalis Sat. XIII, 102.

*Et cum Parrhasii tabulis signisque Myronis*

*Phidiacum vivebat ebur; nec non Polycleti*

*Nullus ubique labor; rarae sine Mentore mensae.*

Sed omnium luculentissime Plinius Nat. Hist. XXXIII, 12. *Mirum in auro caelando inciaruisse neminem, ARGENTO multos. maxime tamen laudatus est MENTOR, de quo supra diximus.* Cap. XI. *Lucius vero Crassus orator duos scyphos MENTORIS artificis manu caelatos sestertiis C. scil. emptos habuit.* Hoc igitur ratum sit, inquis, Mentorem esse aequae clarum in argento ac Myronem in aere: quatenam veru similitudo inter *primum* et *mentor*? Ne minima quidem: sed curiosis oculis relegamus versum:

*Quicquid et argento primum vel in aere Myronis.*

Jamne suspicaris aliquid? Nimirum hic est, aut nusquam, quod quaerimus: similitudo concurrentium syllabarum extrusit ultimam vocem, et in sua materia periit artifex. Lege,

*Quicquid et ARGENTO MENTOR.*

Festinans librarius scripserat *Quicquid et argento gentor*: quod pro librarii errato accipiens exscriptor proximus, ex toto ablegavit vocem *gentor*, et pro ea de suo substituit *primum*; quod versum supplevit, et speciem aliquam sensus habere videbatur. Vix aliter fieri po-



tuit, et millies hoc accidisse Veterum scriptis norunt eruditi, et in his Silvis non unum exemplum habebis. Ita apud Ovidium Fastor. I, 287. vulgo legitur,

*Jane, face aeternos, pacem, pacisque ministros:*  
Heinsius vero probat hoc absurdum esse, et verissime substituit,

*Jane, face aeternos, pacem, pacisque SEQUESTRUM:*

Nimirum primae duae syllabae in *sequestrum* amittebantur in praecedente *sque*. Vide notam ejus, (longior enim est quam ut huc totam transferre commodum sit) ubi multa et praeclara hujusmodi exempla ex aliis autoribus profert; dignam sane quae literis aureis scribatur. Manilius V, 184. de venatoribus loquens,

*ducuntur et ipsi*

*Retibus, et claudunt campos formidine mortis,  
Mendacesque parant foveas, laqueisque tenaces,  
Currentesque feras pedicarum compede nectunt.*

Miraberis nec unquam intelliges quomodo venatores claudunt campos formidine mortis. Lege,  
*claudunt campos formidine pinnae:*  
est imitatio Virgilii Georg. III, 372.

*Puniceae agitant pavidos formidine pinnae:*  
ubi more suo augurat Servius, seu quicumque est quem sub Servii nomine legimus. Aeneid. XII, 750.  
*puniceae septum formidine pinnae.*

Lucanus IV, 437.

*sic dum pavidos formidine cervos*

*Claudat, odoratae metuentes aëra pinnae  
Venator.*

Apuleius Apologia: *verum ego ista commemoravi, non quod pinnarum formidines timerem. pinnae hoc modo scriptum erat in MSS. p'ne:* unde ob similitudinem coaluit cum praecedente *dine*: versus dein suppletus ab eruditulo aliquo qui noverat Ovidianum istud Met. XV, 153.

*O genus attonitum gelidae formidine mortis.*

Praeclara in hoc genere restitutio Bentleiana loci Virgilii Aen. X, 702. de Mimante,

*una quem nocte Theano*

*In lucem genitori Amyco dedit, et face praegnans*

*Cisseis regina Parim creat: urbe paterna  
Occubat: ignarum Laurens habet ora Mimanta.*

ubi pro *Cisseis regina Parim* creat, legit, *Cisseis regina Parim*: Paris urbe paterna *Occubat* etc. Nihil verius aut elegantius dici potuit. Iterum Manilius IV, 180. de iis qui sub Leone nati sunt:

*Hoc habet, hoc studium, postes ornare superbos*

*Pellibus, et captas domibus praefigere praedas,*

*Et pacare metu silvas, et vivere rapto:*

ubi primum pro *superbos* legendum ex Gemblacensi *superbis*, quod magis poeticeum est et Virgilianum. Sed quis mihi explicabit quid sit *pacare silvas metu*, cum de phrasi video dubitantem summum Bentleium ad Horat. Art. Poët. v. 197? Intellexissem si dixisset

*pacare silvas jaculo vel sagitta vel cornu*, ut Statius Theb. IV, 248 (qui locus a Scaligero citatur) de Atalanta Parthenopaei matre:

*Itum saltus forte remotos*

*Torva parens (neque enim haec juveni foret ire potestas)*

*Pacabat cornu, gelidique aversa Lycei.*

Lege,

*Et pacare arcu silvas.*

Vides *arcu* absorptam a praecedente *are* vel *care*. Pene oblitus eram monere, in primo Manilii versu, pro *Hoc habet*, hoc studium, legendum videri, *Hic labor*, hoc studium: et versu ultimo, pro *rapto* Cod. Gemblacensem habere *victor*; unde bene Scaliger *victo*, sc. *domitis feris*. Ita apud Martialem Epigr. XII, 91.

*Si Stygias aeger non iret missus ad undas,*

*Ut caderet magno victima grata Jovi:*

Sensus omnino postulat *victima magna*; cujus prima syllaba amittebatur in praecedente *ma*: deinde ex *gna*, versui supplendo fecerunt *grata*. Vide elegantissimum epigramma. Sed nullus esset finis si singulas persequerer, quotquot observavi, hujusmodi depravationes in Veterum scriptis. Ut igitur ad Statium revertar: *Mentor* (si modo hanc lectionem admittas) et *manus Myronis* lusit, recte dicitur, ut apud Horat. Carm. III, 6. licet sensu diverso,  
*Jam bis Moneses et Pacori manus  
Non auspicatos contudit impetus  
Nostros.*

Et Epod. XVI, 3.

*Quam neque finitimi valuerunt perdere Marsi*

*Minantis aut Etrusca Porsenae manus*

Lucanus II, 543.

Lentulus, *exertique manus vesana* Cethegi.

v. 51. *Lusit, et enormes manus est experta colossos*] Nondum dimittendus es, Lector; vix enim superato uno difficili loco, exurgit alter difficilior: adeo verum est quod dixit Politianus, referente Gevartio, *Si quis Papinium pergat excutere, nullum fore inquirendi finem; vixque absoluto superiore, statim scrupum alium occurrere.* Hoc verum esse usu experior: nec tamen absterrebör, quo minus singula excutiam. Constructio est: Quicquid *Mentor lusit argento*; vel quicquid *manus Myronis* lusit in aere; et quicquid *manus experta est* enormes colossos. Monstruosa haec, et tam procul a sensu quam Latinitate. Cujus enim *manus experta est* enormes colossos? an Myronis? (ad hunc enim solum haec referri possunt:) atqui non legimus uspiam Myronem solere colossos effingere: quod si concederetur, Latinitas tamen reclamaret: dixisse enim debuit, quicquid *manus Myronis experta est enormibus colossis*, ut *lusit argento Mentor, lusit aere Myron*. Et sane editio Parmensis habet *enormi colosso*. quin et si dixisset *enormibus colossis* vel *enormi colosso*, absurde tamen dixisset: nullus enim locus enormibus colossis *intra aedes* Vopisci, ubi nunc versatur Statius: liberum hi et apertum aethera postulant, in quo enormitatem suam explicent. Vides quot absurditatibus foedus est hic locus.



Minime dubito quin de *Picturis* hujus Villae aliquid hoc loco dixerit Statius: et hoc necessarium videtur. quippe inter *artes* et *manus Veterum*, et *aurum* et *ebur* et *gemmas* et *argentum* Mentoris et *aes* Myronis, non fieri potuit quin locum haberent *Tabulae Zeuxidis* vel *Apellis* vel *Parrhasii* vel alius cujuspian praeclari *Pictoris*. Ita Silv. IV, 6. v. 25. loco huic simillimo:

*Hic tibi quae docto multum vigilata Myroni  
AERA; laboriferi vivant quae MARMORA caelo  
Praxitelis, quod EBUR Pisaco pollice rasum;  
Quod Polycletaeis jussum spirare caminis;  
LINEA quae veterem longe fateatur Apellem,  
Monstrabit.*

Et paulo ante v. 20:

*Mille ibi tunc species AERISQUE EBORISQUE ve-  
luti,*

*Atque locuturas mentito corpore CERAS*

*Edidici:*

Ubi per *ceras* intelligit *colores*, ut recte interpretatur Barthius ad Herc. Surrent. v. 95.

*tot SAXA imitantia vultus,  
AERAQUE, tot scripto viventes lumine CERAS:*  
ubi conjungit *marmora, aera*, et *picturam*: et ita Lacrim. Etrusci v. 200.

*te lucida SAXA*

*To similem doctae referet mihi LINEA CERAE;  
Nunc EBUR, et fulvum vultus imitabitur AU-  
RUM:*

Et Pietat. Abasc. v. 1.

*Si manus aut similes docilis mihi fingere CERAS,  
Aut EBUR, impressis AURUMVE animare figuris:*  
licet ibi forte per *ceras* innuat *Plasticen*, ut apud Plinium Epist. IV, 7. de Reguli filio: *illum coloribus, illum cera, illum aere, illum argento, illum auro, ebore, marmore, effingit*. Sed omnium simillimus et plane huic geminus locus in Surrentino Pollii v. 63. in pari descriptione:

*Quid referam veteres CERAEQUE AERISQUE figu-  
ras?*

*Si quid Apellei gaudent animasse COLORES;  
Si quid adhuc vacua tamen admirabile Pisa  
Phidiacae rasere manus; quod ab arte Myronis,  
Aut Polycleteo jussum est quod vivere caelo,  
AERAQUE ab Isthmiacis auro potiora favillis.*

Ex his Stalii locis (et innumera ex aliis autoribus addi possunt) vides cum *Statuis*, et *auro*, *argento*, *ebore*, *aere* semper conjunctam esse *Picturam*: et ita fieri oportuit, praesertim in descriptione Domini et Villae elegantis (unde *pictam* Villam vocat Martialis IV, 58.) quae sine optimorum *Pictorum* tabulis nequaquam hoc nomen mereretur, et in potissima elegantiarum parte deficeret. Nullus dubito quin sub voce *colossos* (quam multis nominibus absurdam esse probavi) lateat *colore*, quae *picturam* designet, et respondeat praecedentibus *argento* et *aere*. hoc invento, quaerendus jam *Pictor* celebris. Et nunquam mihi placuit istud *lusit*; (sentis jam, Cl. Vir, Francisee Hare, quid dicturus sum) pretium enim et dignitatem operis non satis exprimit ista vox: et dixisse po-

tius debuit Statius, *quicquid manus Myronis LABORA-  
VIT*; ut loco supra citato, *MULTUM VIGILATA Myroni  
AERA, et LABORIFERI vivant quae marmora caelo  
Praxitelis*: quae denotant *curas* et *diligentiam* et *laborem* quem in his operibus perficiendis insumserant Myron et Praxiteles. *ludere* vero contrarium significat, scil. *leviter* et *sine cura* effingere. Et si ita scripsit Statius sibi ipsi etiam in hoc versu contradicit: ait enim, *quicquid manus Myronis LUSIT et EX-  
PERTA EST*. Atqui quomodo fieri potest ut eadem manus et *luderet* et *experiretur* idem opus? *ludere* opus, ut dixi, est quasi *per ludum* et negligenter et *ὥς ἐν παιγνίῳ fingere*: *experiri* contra, *multum experiendo* et *tentando* et *diligentiam* adhibendo *perficere*: unde *experientia* docti artificis, Silv. IV, 6. Sunt igitur *δοξοτάτα experta est et lusit*; quae vox destruit Stalii propositum, quod est commendare hanc Villam et Vopiscum ob *rarissimam* et *pretiosissimam* et *perfectissimam* opera quae Mentor et manus Myronis, non *lusit*, sed *experta est*. His ita certissima, ut opinor, ratiocinatione constitutis, et amota inepta voce *lusit*, larvam ponat celeberrimus Pictor, et prudeat *Zeuxis*: lego enim pro *Lusit et*, *Zeuxidis aut*: nimirum syllaba *is* apice notabatur; quo amisso, pro *Zeuxid* fecerunt *Lusit*; unde sequebatur, ut metri conservandi gratia reliquum versum depravarent. Jam igitur habemus praeclarum Triumviratum, Mentorem, Myronem et Zeuxidem, in suo quemque genere excellentissimum; et constructio est; *quicquid Mentor expertus est argento*, vel manus Myronis in aere experta est, aut Zeuxidis manus colore, id est, *pictura et coloribus*, ut Silv. V, 1. v. 4.

*namque egregia pictate meretur*

*Ut vel Apelleo vultus signata colore,*

*Phidiaca vel nata manu, reddere dulenti:*

id est, *Apelleis Coloribus*. Restat vox *enormes*, quam adeo enormiter depravatam puto, ut de ea nihil probabile habeam dicere, nisi sub ea latere epitheton τοῦ *colore*. totum locum sic solem legere:

*Quicquid et argento Mentor, vel in aere My-  
ronis,*

*Zeuxidis aut vario manus est experta colore:*

de *Zeuxidis* aut minime dubito. *rarin* est ex mera conjectura sine literarum adminiculo; sensui tamen aptissimum Epitheton.

v. 57. *suberantque novis asarota figuris*] Ita editiones. pro quo alii legunt *SUPERANTQUE*; alii, *superantque NOVAS asarota FIGURAS*. *Parmensis, superantque novas figuras*: Romana, *superantque novis figuris*. *Vulgata* placet Gevartio, qui explicat, *suberant*, id est, *substrata erant* pedibus meis *asarota* novis figuris. Dicit Statius, se dum per omnia visus ferret, necopinum divitias calcare: quippe specula, quibus ornabantur parietes, repraesentare sibi Iscipsum ambulanti super pavimentum dives et tessellatum. Hic est sensus hujus loci. Et licet recte dici possit *Gaudet humus*, non tamen tam bene et apte connectuntur *gaudet humus et suberant asarota*; et multo melius foret, *GAUDET humus, SUPERANTQUE novis asarota figuris*. Et hoc in editionem suam recepit Vec-



husius post Gronovium. Sed aliter scripsit Statius, nempe sic,

*varias ubi picta per artes*

Gaudet humus superare novis asarota figuris :  
gaudet superare est superat; qua phrasi Statius admodum delectabatur. Glauca Atedii v. 132.

*modo puniceo velabat amictu,*

Nunc herbas imitante sinu, nunc dulce rubenti  
Murice; nunc vivis digitos incendere gemmis  
Gaudebat:

id est, nunc velabat, nunc incendebat. Propempt.  
Met. Cel. v. 19.

*Quaerentes ubi celsa ratis quam scandere gaudet*

Nobilis Ausoniae Celer armipotentis alumnus :  
id est, quam scandit seu scansurus est: vulgo qua.  
Silv. II, 2.64

*Si quid Apellei gaudent animasse colores :  
animarunt.* infra v. 93.

*Et Chios et gaudens fluctu certare Carystos :*  
id est, fluctu certans. Lacrim. Etrusc. v. ult.

*Hoc etiam gaudens cinerem douasse sepulcro :*  
id est donans hunc honore sepulchrali: aliter enim non constat sensus: quippe absurdum est supponere Etruscum gaudere donasse sepulchrum parenti. Thebaid. III, 106.

*Et nemorum Dodona parens, Cyrrhaeque virgo  
Gaudebit tacito populos suspendere Phoebos :*

id est, suspendet: vulgo, Audebit. et ita passim per totum opus. sic et alii. Martialis Epigr. I, 71.

*Nec te detineat miri radiata Colossi,*

*Quae Rhodium moles vincere gaudet opus :*  
id est, vincit. Sil. Italicus XIV, 493.

*Et freta gaudebat celsa turbare Chinaera.*  
Propertius I, 3.

*Et modo gaudebam lapsos formare capillos,  
Nunc furtiva cavis poma dabam manibus.*  
Lucanus VI, 251. de Scaeva:

*labentem turba suorum*

Excipit, atque humeris defectum ponere gaudet.  
nimirum a Graecis hanc elegantiam mutuati sunt Latini: illi enim dicunt ταῦτα φιλεῖ οὕτως γίνεσθαι, id est, ταῦτα οὕτως γίνονται: unde eruditissimus Plinius Nat. Hist. III, 1. utitur nasci gaudens pro nascentis. Simile est Horatii istud,

*Aurum per medios ire satellites*

*Et perrumpere amat saxa:*

id est, it et perrumpit. Idem:

*Spargit agrestes tibi silea frondes;*

*Gaudet invisam pepulisse fossor*

*Ter pede terram.*

De asarotis in hoc Statii loco vide Plinium N. H. XXXVI, 25. asarotici lapilli Sidon. Apollinaris Carm. XXIII, 57. Non igitur dicit Statius asarotica pavimenta basisse pedibus suis, sed pavimenta quae vincerent etiam asarotica, novis et inusitatis figuris: picto scilicet marmore, vel disposito in varias formas. Apuleius Miles. V. Pavimenta ipsa lapide pretioso caesim diminuto in varia picturae genera discriminan-

tur. Quae Apuleii verba locum hunc egregie explicant et illustrent.

v. 57. *Quid nunc ingentia mirer,*

*Aut quid partitis distantia tecta trichoris]*

Mirer est idem quod mirando laudem et celebrem, ut bene Domitius. ita Praef. lib. IV. Tertio Viam Domitianam miratus sum, quae gravissimam arenae moram exemit: ubi plura adnotabo. Trichora, τὰ τριχώρα, Casaubonus ad Spartiani Pescenn. Nigrum, interpretatur, aedes quae tribus partibus constant; quarum una ingredientibus obvia est, duae ad latera. nos vocamus alas. Salmasius ad eundem locum Spartiani p. 677. ait trichora esse fastigia: et erudite probat tecta Veterum pluribus fastigiis fieri solere. vide eum explicantem hunc Statii locum. Omnes latuit mendum occultissimum. vide enim constructionem: quid nunc mirer ingentia, AUT quid tecta distantia partitis trichoris? ubi si dicas τὸ tecta repetendum esse ex versu sequenti ut conjungatur τῶ ingentia, respondeo, hoc pacto voces aut quid abundare. quodnam enim opus dicere, quid nunc mirer ingentia tecta, AUT QUID distantia partitis trichoris, cum satis sit ingentia tecta, distantia partitis trichoris? Praeterea, discretiva vox Aut, si sana esset, evidenter monstraret de duabus sermonem esse: nemo enim dicit quid nunc mirer tecta, AUT quid tecta? atqui hoc modo loquitur Statius, si haec scripserit. Idem verum est de voce quid, quae sententiam et sensum novum et a praecedente diversum fere inchoat et inducit: ut versu proximo,

*Quid te, quae mediis servata penatibus, ARBOR.*  
v. 81.

*Quid bifera Alcinoi laudem pomaria?*

et ita semper aut plerumque: vix enim aliter patitur sensus communis. Sine dubio igitur vox ingentia ad aliud quippiam referenda est, et sententia nova ordiri debet ab altero quid: hoc modo,

*quid nunc ingentia mirer*

*Aut? quid partitis distantia tecta trichoris?*

*Quid te, quae etc.*

hoc percepto, facile fuit restituere,

*Quid nunc ingentia mirer*

*Atria? quid paribus distantia tecta trichoris?*

*Quid te, quae mediis etc.*

vox atria compendiose scripta migravit in aut: unde sequebatur, ut quod deficeret metro in prima versus parte in reliquo suppleret Librarius: unde pro paribus fecit partitis, quod proximum erat. Recte vero ingentia atria. Prudentius Peristeph. in Martyr. D. Laurent. v, 174.

*Videbis ingens atrium*

*Fulgere vasis aureis,*

*Et per patentes porticus*

*Structos talentis ordines.*

Virgilius Aen. I, 725.

*Fit strepitus tectis, vocemque per ampla volutant*

*Atria.*

Contra, non ampla Catonis Atria apud Lucan. II, 238. longa atria Martialis. XII, 50. Seneca Consol. ad



Marciam c. X. *Quicquid est hoc, Marcia, quod circa nos ex adventitio fulget, liberi, honores, opes, ampla atria* etc. (Claudianus in Rufin. II, 135.

Quid nunc *divitiae*, quid *fulvi vasta metalli*  
*Congeries*, quid *purpureis effulla columnis*  
*Atria*, *prolataeque jurant ad sidera moles?*

quem locum adduco ut videas verum esse quod dixi de voce *quid* initio sententiae posita. Ausonius, qui plurima loca hujus Eclogae in Mosellam suam transcripsit, hunc quoque videtur ante oculos habuisse v. 335.

ATRIA quid memorem *viridantibus adsita pratis*,  
*Innumerisque super nutantia tecta columnis?*

*Distantia tecta, paribus trichoris*, id est, aedes licet *distantes* et flumine divisas, tamen *paribus trichoris*, paria et similia habentes *trichora* seu fastigia: quibus verbis τῶν συμμετρῶν hujus Villae designat Statius. Morellus notat V. C. adscripsisse, *Fortean leg. trigonis*. Pro *tecta* Vet. Cod. habet *testa*. Sequitur, *mediis servata* penatibus Arbor; ex Virgil. Aen. VII, 59.

*Laurus erat tecti medio, in penetralibus altis*,  
*Sacra comam*, multosque metu servata per *annos*.

non igitur opus est ut legamus *mediis enata penatibus*. Deinde, *Tecta per et postes*. ita conjungit Ovidius Pastor. III.

*Conspicuos postes tectaque digna Deo*.

Sed non nimis placet hoc loco: praecessit enim *tecta trichoris*, et periculum est ne his idem dicat; quid te, O Arbor, quae servata mediis *tectis*, in auras emergis per *postes* et *tecta*? an scripsit,

*Saxa per et postes:*

Suetonius Aug. c. 92. *Enatam inter juncturas lapidum ante domum suam palmam in compluvium deorum Penatum transulit*. Vel potius,

TIGNA per et postes,  
ut Lucret. II.

*Nec cum subsiliunt ignes per tecta domorum*,  
*Et celeri flamma degustant TIGNA trabesque*.

Si neutrum placeat, et si nihil mutandum censeas, non contendam. Vide tamen Heinsium ad Ovid. Fast. IV, 233. ubi fuse de commutatione τῶν ΤΕΚΤΑ et TIGNA. Verum puto TIGNA per et postes.

¶ v. 62. *Et nunc ignaro forsitan vel lubrica Nais Vel non abruptos tibi demet Hamadryas annos* Non opus est ut aliorum Conjecturas in hunc locum refutemus: hoc pro seipso faciet Statius, quem debes erudito Amico meo Joanni Jortino Coll. Jesu Cantabr. Socio, qui ita restituit,

*Et nunc ignarae forsitan vel lubrica Nais*

*Vel non abruptos tibi debet Hamadryas annos*: Nihil verius: *Et nunc*, (inquit Statius) *O Arbor, Nais aliqua forte vel Hamadryas Conservationi tuae debet continuationem vitae suae, quamquam tu hoc nescias*. Veteribus enim persuasum fuit quod,

*Non sine Hamadryadis fato cadit arborca trabs*, ut loquitur Ausonius Idyll. V, 75. *Non abruptos annos*, id est *continuos*: de quo Statiano loquendi

more supra fusius dixi ad Equum Domit. v. 82. *debet ut infra v. 87. Sedes Phrygio quas militis alumno Debet annus*.

Ovidius Met. VII, 48.

tibi se semper debebit Iason.

Virgilius Aen. XI, 51.

*Nos juvenem exanimum, et nil jam caelestibus ullis*

Debentem, *vano maesti comitamur honore*.

Sil. Italicus XII, 633.

Ventis debebis *nimirum hiemisque procellis*

*Unum, Roma*, diem.

Juvenalis VIII, 68.

*primum aliquid da*

*Quod possim titulis incidere, praeter honores,*  
*Quos illis damus et dabimus quibus omnia de-*  
*bes*.

ita legendum; vulgo absurde *damus et dedimus*. Mire Gronovium torsit hic locus, Observat. I, 5. ubi pro *ignaro* conjicit *intactae*, et pro *demet* annos, *comet*. Vetus editio, Bernartio teste, habet *ignarae*. Literae *m* et *b* tam Latinis quam Graecis scriptoribus perpetuo commutantur. Pro *nunc* Edit. Parm. et Rom. habent *non*. Versu proximo Parm. omittit *tibi*: et Rom. *demit*, non *demet*. Hunc locum Statii similiter emendat Heinsius ad Ovid. Fast. IV, 231. Ed. Burman. nisi quod pro *Et nunc* legit *At nunc*. Verius alterum, ut Epiced. Patr. v. 185.

*Et nunc ex illo forsitan grege gentibus alter Jura dat Eois*.

Virgilius XI, 50.

*Et nunc ille quidem spe multum captus inani Fors et vota facit*.

v. 64. *Quid referam alternas gemino super aggere mensas*] De *Aquis* hujus Villae iterum dicturus est; quem locum partim absolverat supra v. 43. Sed *udum* Tibur, et, quae Tibur AQUAE fertile praeflunt (ut de iis Horatius) non leviter et semel tantum memorandae fuerunt. Mirum vero (ut sane miraculis refertissima est tota haec Ecloga) quod initio occurrat de *mensis* in utraque ripa; *alternas gemino super aggere MENSAS*. *Mensae* enim non locari solent in *ripis* fluviorum; et si ita fieri soleret, inepte tamen ponerentur hoc loco ubi de *Aquis* ex toto agit, prout apparet sequentibus,

*Albentesque LACUS, altosque in gurgite FONTES:*

*Teque per obliquum penitus quae laberis am-*  
*nem,*

MARCIA, et *audaci transeurris flumina plumbo?*

Vides nullam esse connexionem, nullam similitudinem inter *mensas* et *albentes lacus* et *fontes*. Lege,

*Quid referam alternas gemino super aggere ninfas,*

Id est, *nymphas* seu *aquas*; ita enim antique scribebatur, *ninfas*, (unde Itali hodie *ninfa*) inter quam et *mensas* minima est differentia. Per *nymphas* vero seu *aquas* intelligit *Balnea*, quae in *aggeribus* seu *ripis* fluviorum exstrui solere ad commoditatem hauriendae aquae ex diversis harum Silvarum locis apparet. Supra v. 45.



*An quae graminea suscepta crepidine fumant  
Balnea, et impositum ripis argentibus iguem!*  
Ita Villa Surrent. v. 17.

*Gratia prima loci gemina testudine fumant  
Balnea, et e terris o. currit dulcis amaro  
Nympha mari:*

ubi *Nympha*, pariter atque hic, pro *aqua*: et ad mare haec vides Balnea. Iterum Herc. Surrent. v. 100.

*curvi tu litoris ora*

*Clausiti calidas gemina testudine lymphas.*

Haec loca simillima sunt, et egregie confirmant conjecturam meam; quae tamen ex sensu solo et minima differentia scripturae in vocibus *mensas* et *ninfas* seipsam sustentare posset. *nymphas* vero pro *aquas* ut supra v. 37.

*an emissas per cuncta cubilia nymphas?*

ubi male substituerunt *lymphas*, cum edit. Rom. et Venet. disertim habeant *nymphas*, Gronovio teste, Diatr. c. XVIII. et ita inveni in Parmensi. Iterum v. 46.

*Ridet anhelantes vicino flumine nymphas:*

id est, *aquas*. Vide quae ibi notavi. Potes etiam legere, gemino super aggere *lymphas* pro *mensas*: sed *nymphas* magis figuratum est, et mori Statiano congruum: et ita legit Gronovius in supra citato loco Herc. Surrentiui, ubi vulgo *lymphas*, sed Parmensis et Romanae clare habent *nymphas*. omnino vide quae de his vocibus annotavit Cl. Bentleius ad Hor. Carm. III, 13. v. 16. et Heinsium ad Ovid. Heroid. Ep. V, 31. *Xanthe, retro propera; versaeque recurrite xymphae*. Sed nec adhuc locum ex toto sanum puto; et legendum,

*alterno geminas super aggere nymphas:*

non, *alternas gemino*. super alterno aggere est super utraque ripa, ut v. 25. *alternas sereant praetoria ripas*: et Thebaid. II, 182.

*quas Doricus alligat undis*

*Isthmos, et alterno quos margine submovet infia:*

id est, utroque margine. geminas *nymphas*, ut *gemina* testudine, duobus locis ante citatis. Sed hoc leve est, et quibusdam forte non adeo necessarium videbitur. dimitto igitur, cum supersint tot graviora: velut hoc quod sequitur,

*Albentesque lacus, altosque in gurgite fontes:*

quinam hi *alti* fontes, vel quae inde huic Villae commendatio quod Anio qui illam alluit habet *altos* fontes in gurgite suo? *nymphae* quidem, id est, *Balnea*, *Voluptati* inserviunt hujus Villae; *Albentes lacus* (id est, aquae *Albulae* quae juxta Tibur et Anienem erant) *Utilitati* et variis morbis medendis, ut ex Strabonis loco mox videbimus: at cui bono *alti* fontes, non intelligo: et si dixisset *non altos* fontes, aequa fuisset, hoc est, nulla, commendatio. Nihil melius est Bernartii *altos*, ob easdem rationes. Unice nobis hoc loco succurrit Strabo lib. V. p. 164. Ed. Casaub. ubi postquam descripsit Tibur et planitiem juxta urbem, sic pergit: ἐν δὲ τῷ πεδίῳ, ὃ Ἀνίων διέξεισιν, καὶ τὰ Ἀλβουλα καλοῦμενα ῥεῖ ὕδατα ψυχρὰ, ἐκ πολ-

λῶν πηγῶν, πρὸς ποικίλης ῥύσους καὶ πικρῶσι καὶ ἔγκαθήμενοις ὑγμένα: Planitiem eam per quam delabi Anienem diximus, Albulae etiam perfluunt aquae FRIGIDAE, multis e fontibus prolapsae, ad varios morbos, potae, aut pro balneo usurpatae, remedium praebentes. Hinc colligo has *Albulae* (de his enim sine dubio agit hoc loco Statius, utpote juxta Villam Maulli) frigidas fuisse, et multis e fontibus scaturisse, et juxta Anienem sitas esse. His notatis, vide quid sequitur,

*Albentesque lacus, gelidosque in gurgite fontes:* *gelidos* fontes in gurgite, id est, *Aniene*: Anio enim frigidissimus (unde *Aniena frigora* Silv. IV, 4.) hinc sine dubio frigoris causam habuit, scil. ex hujusmodi fontibus qui in eo erumpebant et oriebantur: nec aliter fieri potuit quam tam vicinae essent aquae *Albulae*, quae ex multis fontibus (nonnullis certe in *Aniene*) ut notat Strabo prolapsae erant. Optime hoc modo Sensus et τὸ πρῆπον procedit: jam enim Villam laudat Statius ob rem quae laude digna est, *salubritatem* sc. *aquarum*. Quod si cui displiceat nimia mutatio ex *altos* in *gelidos*, (et sane difficiles et morosos Lectores vellem) vide quam facili negotio tota difficultas solvitur, hoc modo,

*Albentesque lacus, albosque in gurgite fontes:* *albetes* lacus, (ψυχρὰ ὕδατα Strabonis) ut supra v. 44. ripis *argentibus*. fontes *albos* sulphure; ut *Sulphurea* Nar albus *aqua*, apud Virgilium: unde mox v. 75. *sulphureos* crines donat *Albulae*:

*Illic sulphureos cupit Albula mergere crines:* *canam* vocat Martialis Epigr. I, 13.

*Canaque sulphureis Albula fumat aquis.*

Idem VII, 93.

*Narnia sulphureo quam gurgite candidus amnis Circuit.*

Hoc, opinor, placebit. [Ven. *immergite fontes*: voluit, opinor, in *marginē*, quod verum puto. EX ADD.] Mox. v. 67. pro *Martia* scribendum *Marcia*: est enim a *Marcio*, non *Marte*; Μάρκιον ὕδωρ, non Μάρτιον: et ita legendum Baln. Etrusc. v. 26.

*¶ Marsasque nives et frigora ducens*

*Marcia:*

ubi vulgo *Martia*. Vide Broukhusium ad Propert. III, I. v. 52. Sequitur, vers. 68.

*An solum Ioniis sub fluctibus Elidis amnem*

*Dulcis ad Aetnaeos deducat semita portus?*

Nimis abrupta haec interrogatio et iusuavis et minime poetica. lege,

*Non solum Ioniis etc.*

et deducit versu proximo, deleta interrogatione. Narrat enim Statius, non quaerit. Horatius,

*Non sola crines arsit adulteros*

scil. *Helena*. Petronius Satirico:

*Non solum me numen et implacabile Fatum*

*Persequitur: prius Inachia Tiryntius ira*

*Exagitatus onus caeli tulit.*

Si malis Nec solum, vide Psittac. Ated. v. 10. (ubi tamen Vetus Parmensis habet non) et Ausonium Mosella v. 386. et alios passim. Sed Non magis placet, quia omissa prima litera utpote versus initio, ex on



facilior fuit lapsus in *an*: et ita legisse Domitium ex Nota ejus suspicor; quam more suo exscribit Bernartius. Vers. 70. pro *Anienus* in nonnullis codicibus invenit *Anien* in Domitius; unde legit *Anieni*, nulla syntaxeos habita ratione. Politianus Epist. VI, 1. *Anien* et fonte; quod sane vix intelligo. Solus verum vidit Bernartius, *Anienus*, *Deus* fluvii Anionis, ut *Tiberinus* Tiberis. Propertius III, 7.

*Accessit ripae laus, Aniene, tuae.*

Mox v. 74. pro *Tiburnus* nonnullae Editiones habent *Tiberinus*, et hoc placet Gevartio et Politiano: Mureto et Calderino *Tiburnus*, *Genius* scilicet *Tiburis*: et hoc verum est, vel propter illum Horatii locum Carm. I, 7. ex quo suum hausit Noster,

*Et praeceps Anio et Tiburni lucus:*

Ubi per *Tiburni* lucum idem intelligit quod Statius per ista, *illa recubat Tiburnus in umbra*. Ita *Albulam* et *Aniennum* Deos fecit, paulo ante. Parmensis *Anienis*, et *Tiburnus*; ut et Romana. Vers. 77. pro *algentia* quod recte restituit Domitius, in Parmensi est *algeona*.

[v. 78. pro *silvis Lycaeis*, Ven. *beatīs*. ortus error ex caractere Longobardico, in quo non multum differentiae est inter scripturam harum vocum. EX ADD.]

v. 86. *arcesque* superbae

*Anxuris*] Lege, *superbi* *Anxuris*. Virgilius VII, 630.

*Atina potens, Tiburque* SUPERBUM:

Martialis Epigram. VI, 42.

*Non mollis Sinuessa, fervidive*

*Fluctus Passeris, aut* SUPERBUS *Anxur:*

*Superbus* nempe ob situm excelsoiorem, quippe

IMPOSITUM SAXIS late caudentibus *Anxur*, ut de eo Horatius; qui *Tibur* etiam Epitheto *supini* donat i. e. *superbi*. Vide Cl. Bentleium ad Horat. Epod. I, v. 29. ubi forte legendum SUPERBI pro SUPERNI. Paulo supra v. 84. pro *Lucrinae* Vet. Cod. habet *Laciniae*, et ita legit et interpretatur Domitius; querente super hac re Politiano Epist. VI, 1. Verum est *Lucrinae*: alteri Chorographia reclamant.

v. 89. AVIA *nimbosa* revocabunt *litora bruma*] Quoniam haec AVIA litora ad quae Vopiscus hiberno tempore secessit? non certe in Italia; ibi enim nulla *avia* litora; omnia quippe frequentata et bene cognita. Et tamen in Italia et ad mare Tyrrhenum haec litora esse oportet ex adjunctis. Vide enim: cedant, inquit Statius, huic Tiburtinae TUSCULUM et ARDEA et Villae ad lacum LUCRINUM, et FORMIAE; cedant etiam CIRCEII, et ANXUR et CAIETA: deinde haec AVIA litora cedere jubentur. cedant sane per me; sed prius noscamus quoniam sint. Nec longa disquisitio: nulla enim alia esse possunt praeter ANTIA litora. Haec igitur in sedem suam fidenter repono. Videtur Statius hausisse haec ex Ovidio Metam. XV, 716.

*Minturnaeque* graves, et quam tumulavit alumnus,

*Antiphataeque* domus, *Trachasque* obsessa *pallide*,

*Et tellus* Circaea, et *spissi litoris* ANTIUM:

Omnia vides fere eadem: quam tumulavit alumnus est *Caieta*, Aeneae nutrix: *Trachas* est *Tarracina* quae et *Anxur*. Bene vero *Antium litus*, ut *Istrum latus* Silv. IV, 4. *Partha manus* Ovid. Fast. *venena Colcha* Horat. Carm. II, 13. ubi vide Bentleium. *Σελγὸς ἀνὴρ* apud Aeschylum Eumenid. et Suidam. *Astur* equus Martial. XIV. 199. Miror unde Interpretibus in mentem venerit aliquid hoc loco de *Antio* comminisci: nam apud Domitium haec invenio: CEDANT QUAE TE] *Antium* intelligit, quo] *hieme* secedebant *Romani*. LITORA AVIA] *Sine portu*: nam *Antium* portu caruit, ut scribit Strabo. Quem subsequitur Morellus, et ex Lucretio adducit, AVIA loca nullius ante trita solo: *avia* litora, *ἀλγυρα*. Atqui *avia* litora non magis denotant *Antiana* litora quam *Tarentina*, quam *Asiatica*, quam *Inda*. Qualis haec est *Fortuna* in Veritatem incidere! qualis, nescire ubi incideris! Pro litora in Parmensi est *frigora*.

v. 90. Scilicet hic ILLI MEDITANTUR PONDERA mores] Quis interpretum haec intellexit? non Domitius, qui explicat; *Per talem secessum et amenitatem componis animum ad gravitatem*. Ceteri tacent. Atqui quomodo mores meditantur pondera? num ergo reliqua parte anni LEVIS erat Manlius, GRAVITATEM meditabatur aestate cum in Tiburtinam secederet? hoc enim, si aliquid, innuere videntur voces, *meditari pondera*. Deinde, quare ILLI, et non potius TIBI? et infra enim et supra Manlium alloquitur: cur non hic? nisi forte vox ILLI cum mores conjungenda; quo facto, quaero adhuc QUI MORES? nihil enim, ne verbum quidem, de moribus. Inexplicabilia haec sunt quia corruptissima. Ex pulchra sequentium oppositione, *foecunda quies*, virtus gravis fronte serena, *sanus nitor*, *luxu* carentes *deliciae*, statim suspicatus sum sub his etiam acumen aliquod latere; quod, puto, erui, hoc modo; Scilicet hic HILARI MISCENTUR PONDERE mores: Elegantissima antithesis, *hilari* *pondere*, qua alibi utitur II, 3. v. 65.

HILARISQUE, tamen cum PONDERE, virtus:

Et V, 2.

Tunc HILARIS probitas et frons tranquilla:

Et V, 3. v. 246.

Quid referam expositos, servato pondere, mores?

intelligit nempe istud quod hoc modo extulit Ausonius Parental. II.

Et gravitas comis, laetaque serietas.

Sil. Italicus VIII, 610. de Bruto:

Lacta viro gravitas, et mentis amabile pondus,

Et sine tristitia virtus.

Mores huic nostro interdum animi indolem denotant, aliquando gravem et compositum vitae cursum et tenorem. Facilis fuit lapsus ex HILARI, i. e. hilari, in ILLI; quo semel perpetrato pars reliqua versus periclitabatur. Contra apud Senecam Consol. ad Marciam c. XIII. pro, ad Capitolium HILARI rediit vultu, Gronovius ex codice Jureti restituit, ad Capitolinum ILLUM rediit vultum. Totus hic locus pulcherrimus est. Plinius Epist. IV, 3. Nam severitatem istam pari jucunditate condire, summaeque gravitati tan-



tum comitatis adungere, non minus difficile quam magnum est. Miscentur pondere: ita Ad uxorem v. 93.

libertatemque Menandri

Quam Romanus honos et Graia licentia miscent.  
Vers. 92. pro sanus Parmensis habet satius.

v. 95. Pliadumque nitosum.

Sidus, et Oleniis dignum petiisse sub astris.]  
Heinsius in Adversar. (ad finem Tibulli Edit. Broukhusianae) legit Hyadumque: prima enim in Pliadum semper producitur, utpote a Graeco Ἰλιάδες. Ovidius Met. XIII, 293.

Pleiadasque, Hyadasque, immunemque aequoris Arcton.

Ausonius Epist. XVIII, 24.

Qui numerant Hyadas Pleiadasque simul.

Noster Kal. Decembr. v. 21.

Non tantis Hyas inserena nimbis

Terras obruit aut soluta Pleias.

sic enim scribendum, non *Plias*: vide Celeberr. Burmannum ad Ovid. Fast. III, 105. Nihil tamen hoc loco mutandum temere. Primum enim, licet obvium esset Statio scribere *Hyadum*, vix tamen ita scripsisset, sed *Pliadum*, ut vitaret *αυτοπαρια* istam et hiatum concurrentium vocum,

hiemes Hyadumque nitosum.

Deinde, solenne illi est defraudare diphthongum una litera. Ita Via Domit. v. 59. *Lecheo* pro *Lechaeo*, cum sit a Graeco λῆχορ. ubi fasius de hac re agam. Hic igitur *Pliadum* quasi Graecum esset Ἰλιάδες non Ἰλιάδες. Et ita sentientem invenio Politianum Epist. I, 20. Baptisto Guarino. Deinde, pro *Oleniis astris* Idem (Heinsius) ibidem legit *Olenii astri*. Sed sui certe oblitus erat Vir acutissimus cum haec scriberet. Vide enim constructionem: *per* Aegeas hiemes et sidus Pliadum, et sub Olenii astri sc. *sidus*. Atqui primo dixisse debuit sub *sidere* (non *sidus*) Olenii astri: istud enim usitatius. Deinde quid est *sidus astri*? nonne idem quod *sidus sideris*? certe: *astrum* enim et *sidus* Poëtis idem sunt. tulerandum foret si dixisset sub *sidere* Olenii *hoedi* vel *Capellae*; sed non *astri*, cum *sidus* Olenium sit *astrum* Olenium. nihil igitur mutandum. Totus vero locus ita distinguendus esse videtur:

Haec (per et Argaeas hiemes Pliadumque nitosum

Sidus et Oleniis dignum petiisse sub astris,  
Si Maleae credenda ratis, Siculosque per aestus

Sit via) cur oculis sordet vicina voluptas?

uno spiritu continuanda sunt quae in parenthesi posita vides. dignum petiisse, Graecismo eleganti, pro cum dignum sit petiisse: ἄξιον ὅρ pro ἄξιον ὄντος. passim apud Platonem habes in Libris de Repub. et alibi; ut et apud ceteros scriptores Graecos. Si plenam *οὐκίμην* ponas post *via*, reliqua nimis abrupta erunt et non cohaerentia: melius, credo, post τὸ *astris*: et ita edi curavi. Pro *Pliadum* in Parmensi invenio *placidum*. Versu proxime praecedenti Senior Gargettius est *Epicurus*: vide ad Eq. Max. v. 101.

Martialis Epigr. VII, 69. de Theophila:

Hanc sibi jure petat magni senis Atticus hortus:

Nec minus esse suam Stoica turba velit.

Scaliger ad Cirin Virgilii hunc Statii hemistichon ita citat,

cultoque senex Gargettius hortus:

memoriae errore, cui nimis fidebat Vir maximus.

v. 103. *liventem Satiram nigra rubigine turbes*] Boxhornius Epist. ad Gronov. legit *nigrae rubigine turbae*, voce *tollas* ἀπὸ νοήτων intellecta, ut sit, *sive tollas chelyn ad heroa robora, sive tollas satiram liventem rubigine nigrae turbae*. Male: licet enim recte et proprie dicas *TOLLERE chelyn ad heroa robora*, poema epicum, grande et sublime opus; non tamen ad *satiram* *TOLLERE* chelyn eadem proprietate potes dicere. Gevartius affirmat certo certius legendum esse *turpes*: ego certo certius scio non ita esse legendum: *turpare* enim *Satiram* est *dedecorare*, ut in isto loco Thebaid. X. ubi hae voces pariter confusae erant,

Summunne hoc cladibus, inquit,

Deerat, ut affictos turparem ego proditor Argos?

ita ex MSS. recte emendat Gevartius. Quid vero? an probabile est Statium, dum amicum suum et Patronum Manlium laudat ob multifarias in scribendo dotes, eo insolentiae processurum esse, ut eodem tempore illum *Satiram turpare* et *dedecus* esse *Satirae* diceret? certe politissimi ingenii vir Gevartius nunquam tale quicquam admisisset in Patronum suum Auberium. Ne tamen frustra in hoc loco quaerat harum vocum commutationem, dabo illi illustre exemplum ex Apuleio Metam. I. p. 14. Edit. Pricae. *Sic denique eum vitalis color turbaverat, ut mihi prae metu* etc. Ubi Pricaeus: „De voce *turbaverat* quae- rendam; ego hic me non expedio.“ Nec mirum: non enim in sola voce *turbaverat* latuit hujus loci difficultas. Omnia tibi expedita spondeo, modo legas, *Sic denique eum letalis color tarpaverat, ut mihi prae metu* etc. *letalis color* est quem paulo ante dixerat *buxum pallorem: mortis colorem* Sil. Italicus VI, 409.

Labitur, et gelidos mortis color occupat artus.

Stygiu colore XII, 244. morti similis color, apud Senecam Hippol. v. 586. Iterum Silius VII, 631.

Volvitur exanimis, TURPATQUE decora juvenia Ora novus pallor.

vide et Lucan. VII, 129. hujus oppositum est *vireus color* Claudiano de Bel. Get.

vivusque redit color urbibus aegris.

Sed hoc obiter: majore enim molimine nos vocat Gronovius, qui Diatr. c. XI. et l. more suo, hoc est erudite, defendit et explicat istud *turbes*, nempe ex notione vocis *Satirae*, quae nihil aliud est, inquit, quam scriptum pro arbitrio *varia* complexens: ita *Lex satira* vel *satura*, quae una rogatione multa et *varia* comprehendebat, νόμος πολλὰ περιέχων, ut est in Glossis. ita *per saturam fieri* dicitur fere quicquid *confusaneae*, *inordinate*, *multipliei* rerum et



operum *mixtura* conficitur. *Satira* carmen olim rude et histrionicum, in quo *multa variaeque* risus excitandi gratia *miscbantur*: cui primus Lucilius *dentem* addidit et *l'centiam* Veteris Comoediae. Duo igitur sunt quibus constat *Satira* Luciliana, *Ordo turbatus et confusaneus*, et, *Insectatio vitiorum per sales et jocos acerbos*: quae summa cum eruditione et iudicio expressit hoc versu Statius,

*g* *Liventem satiram nigra rubigine turbes*:

cum enim *Satiram nigra liventem rubigine facit*, posterius; cum *turbare* eam, prius innuit: *turbare* enim *miscere* est, *miscellum opus facere*. adeo ut recte dicatur *turbare* *Satiram*, quia in *Satira* *turbatur*, seu *turbando*, id est, *miscendo* fit opus *confusaneum*. Haec est Gronovii Argumentatio, haec loci huius Explicatio; quae, sive vera seu falsa, certe eruditissima est. Et quid aliis factura sit nescio: mihi quidem non placet, nisi probari posset Manlium hunc more *Luciliano* *Satiram* scripsisse: hoc enim pro concessio sibi sumit Gronovius. Lucilius forte recte dici potuit *turbare* *Satiram*, id est, *turbando* et *miscendo* varia, *scribere* *satiram*, (licet hoc quoque subobscure putem:) *Satirae* vero facies Statii tempore longe diversa fuit ab illa aevi Luciliani, prout omnibus notum: unde sequitur, ut, etiamsi Lucilius *turbavit* *satiram*, non tamen quicunque *Satiram* scribit dici possit *satiram turbare*, nisi ad Exemplar Lucilianum se componat: quod de hoc Manlio probatum esse oportuit. Mihi multo magis arridet *Scrivarii* *vibres* pro *turbes*, ut *vibrare* iambos apud Catullum. Sed quid moror? verum puto,

*Liventem satiram nigra rubigine tingas*:

eo magis quod syllabae *tur* et *tin* iisdem calami ductibus constant, et litterae *b* et *g* saepissime commutentur, ut supra *albentes* pro *algentes*, *turbidus* et *turgidus* perpetuo in MSS. Proprie vero *tingere* rubigine, de *Satira*, ut tollere chelyn de carmine Epico: Martialis Epigr. X, 33.

*Ut tu, si viridi tinctos aerugine versus*

*Forte malus livor dixerit esse meos*, etc.

Et VIII, 3.

*At tu Romano lepidos sale tinge libellos.*

Ovidius Epist. ex Pont. III, 3.

*Ergo alii noceant miseris, optentque timori,*

*Tinctaque mordaci spicula felle gerant.*

ita malignitas veneno *tincta* apud Senecam De Vita Beata, c. XVIII. nec malignitas me ista multo veneno *tincta deterrebit ab optimis*. Sed quod mihi maxime persuadet hunc versum antiquitus ita lectum fuisse est locus Alcimi Aviti Lib. de Land. Virginitat. v. 299. ubi Statium videtur exscripsisse,

*Livida ne facies pulla rubigine tingat.*

vide quam similis est Aviti versus, et Statii

*Liventem Satiram nigra rubigine tingas*:

cujus constructio est, *tingas nigra rubigine*, non *liventem nigra rubigine*. *liventem* *satiram*, *malignam* et *invidiam*. Si adhuc adhaereas eruditae lectioni *turbes*, ablegandus es ad erudite obscuros scriptores Afros, Tertullianum, Arnobium, Apuleium et simi-

les. Hunc vero locum imitatur Ausonius Professor. I, 13.

Sive *Panegyricis* placeat contendere *libris*

*In Panathenaicis tu numerandus eris*;

Seu *libeat fictas ludorum evolvere lites*: etc.

vulgo legitur *Panegyricos libros*: sed recte emendavit Tollerius, cum manifesta sit huius loci Statiani imitatio.

v. 104. *Seu tua non ALIA splendet epistola cura*] Recte Gevartius non *ALTA* cura. Intelligit simplicitatem styli Epistolaris. In hanc rem egregie Seneca Epist. LXXV. *Qualis sermo meus esset si una sederemus aut ambularem, illaboratus et facilis; tales esse Epistolas meas volo, quae nihil habeant accersitum aut fictum*. Pro tua legendum tibi ut in Soter. pro Gallico v. 29.

*Seu cum tibi dulcis in artem*

*Frangitur et nostras curat facundia leges.*

Ovidius Remed. Amor. v. 403.

*Quamlibet invenias, in qua tibi prima voluptas Desinat*:

Ita recte dedit Heinsius pro. *tua*.

v. 105. *Digne Midae Croesique BONIS et Perside gaze*

*Macte BONIS animi*] Vix fieri potest ut his eadem voce ita utatur Statius, et in diversa significatione; praesertim cum nullum acumen sit, nulla venustas in hac repetitione. Aut fallor aut ita scripsit, *Digne Midae, Croesique opibus, et Perside gaze, Macte bonis animi*!

Propertius III, 18.

*Nireu non facies, non vis exemit Achillem,*

*Croesum aut Pactoli quas parit humor opes.*

Ausonius Epigram. LIV.

*Nam quaecunque habui mecum fero: quum nihil ipse*

*Ex tantis tecum, Croese, feras opibus.*

Eumenius Orat. Pro Rest. Schol. c. 16. *Quid (mihi) cum illis opibus aut Midae regis aut Croesi? etc.*

Martialis Epigr. XI, 6.

*g* *Ardua res haec est opibus non tradere mores,*

*Et cum tot Croesos viceris, esse Numam.*

Nec metuas de ultima syllaba in voce *opibus*. Virgilius Aen. IV, 64.

*Pectoribus inhians spirantia consulit exta.*

Auctor Consol. ad Liv. Aug. v. 163.

*Miscebor cinerique cinis atque ossibus ossa.*

Innumera huius generis apud poetas occurrent.

v. 109. *Sic omni DETECTUS pectora nube*] Heinsius Not. ad Claudian. Praefat. Lib. I. in Rufinum legit *DETERSUS*; et ita olim emendaveram. Satis exemplorum ibi habes; quibus tamen hoc addas licet ex Sidonio Apollinari Carm. VII, 131.

*Torquentia tolle*

*Lumina, detersam mentem caligo relinquat*:

hoc est, *Sis omni detersus pectora nube*. Eleganter Alcinus Avitus lib. V, 426.

*Tertia nocturnos deterserat hora liquores,*

*Et matutinas scandens sol vicerat umbras.*

*tergere* alicubi eodem sensu.

## E C L O G. IV.

V. 3. *Conciliata* cadit] Optime Barthius *redit*: nihil verius. notum istud Virgilii,

*Jam redit et Virgo, redeunt Saturnia regna.*  
Noster Silv. V, 2.

*Quo Pietas autore redit, terrasque revisit.*  
Claudianus de Bello Gildon. v. 4.

*Concordia fratrum*

*Plena redit.*

Calphurnius Siculus Eclog. I. v. 43.

*Et redit ad terras tandem squallore situque*

*Alma Themis posito.*

Claudianus in Rufinum I, 51.

*en aurea nascitur aetas,*

*En proles antiqua redit!*

Sequentia imitatur Ausonii Idyll. XXXIII, 14.

*festunque diem dubitataque cernam*

*Sidera, deposito prope conclamatus in aevo.*

v. 7. *damnosaeque fila senectae*

*Exiit*] Sibi ipsi contradicere videtur; infra enim v. 52. dicit hunc Gallici morbum non *Senectae* debere, sed *laboribus* et negotiis civilibus et curis pro Caesare:

NON ILLUD CULPA SENECTAE

(*Quippe ea bis senis vixit orsa excedere lustris*)

SED LAEOR intendens etc.

quomodo ergo haec concilianda? dicam tibi. *Senecta* hoc loco non primaria sua significatione ponitur pro eo quod in hominibus *Senectutem* dicimus, Graecis τὸ γῆρας; sed translata, pro membrana illa seu *vernatione* (ut eam vocat Plinius) quam serpentes quotannis deponunt: ideo dicit *fila* et *exiit*; unde erudite Virgilius Aen. II, 473. Nunc positus novus *exuvius*: et Noster Theb. IV, 97. in eadem comparatione.

*ceu lubricus alta*

*Anguis humo verni blanda ad spiramina solis*

*Erigitur, liber senio, et squalentibus annis*

*Exutus, laetisquae minax interviret herbis:*

ubi vides *senium*, idem quod *senectam*. Vide et Georg. III, 437. ubi *juventa* nitidum describit postquam has *exuvias* deposuerit. Plinius XXIX, 5. Anguim adeps aerugini mistus ruptas oculorum partes sanat; et membrana (inde *fila* Statii) sive *senectus vernatione* exuta claritatem facit. vide et lib. VIII. 31. et IX, 30. et passim. Tibullus Eleg. I, 4.

*Serpens novus exiit annos.*

Eadem metaphora Martialis Epigr. V, 7. de Roma:

*Taliter exuta est veterem nova Roma Senectam.*

Apuleius Apologia: *Quibus tamen in alio libro quem De Invidentibus Animalibus conscripsit* (Theophrastus,) *remedio esse ait exuvias stellionum, quas velut senium, more ceterorum serpentum, temporibus statutis exuant. Damnosa fila Senectae sunt, fila damnosae senectae, ut apud Ovid. Trist. III, 7.*

*Injicietque manum formae damnosa senectus:*

Et Metam. XIII, 517.

*Quidve moror? quo me servas, damnosa senectus?*

Vide autem proprietatem et eruditionem Statii in voce *melior*, quae denotat idem *quod junior*: *juventam* enim aetatem *bonam* dicebant Antiqui. Ovidius Art. Amat. II, 665.

*Praecipue, si flore caret, meliusque peractum*

*Tempus, et albentes jam legit illa comas.*

Et III, 65. hac alludit,

*Utendum est aetate: cito pede labitur aetas,*

*Nec bona tam sequitur quam bona prima fuit.*

Prudentius Cathemer. in Exeq. Defunct. v. 93.

*Sic corpora mortificata*

*Redeunt melioribus annis:*

*Nec post obitum recalescens*

*Compago fatiscere novit.*

Claudianus De Bel. Gild. v. 208.

*Dixit et adflavit Romam meliore juventa.*

Et hoc sensu intelligendum istud Martialis Epigr. IX, 12. de Farino:

*Nomen cum violis rosisque natum,*

*Quo pars optima nuncupatur anni:*

*Ver* scilicet, *Laq.* ver enim anni quasi *juventus*: ideo *optima*. Seneca Herc. Fur. v. 849.

*pars tarda gradiens senecta*

*Tristis, et longa satiata vita:*

*Pars adhuc currit melioris aevi:*

*Virgines nondum thalamis jugatae etc.*

Ovidius Ibide v. 441.

*Dumque redire voles aevi melioris in annos*

*Ut vetus Admeti decipere socer.*

Huic contrarium *mala aetas* seu *senectus*. Afranius

Vopisco apud Nonium in voce *Senium*:

*Mala aetas nulla delinimenta invenit.*

Sed satis horum.

v, 10. *fora turbida questu*

*Confugiunt.*] Mallem,

*Inque sinum quae saepe tuum fora turbida questum*

*Confugiunt.*

confugiunt *questum*, ut *dormitum* dimittitur, Horat. Epist. I, 7. ire *dejectum* monumenta regis Carm. I, 2. Noster Theb. VI, 657.

*qui Tyrias dejectum vaditis arces.*

ita *ultum* insurgunt Theb. IX, 9. Hyginus Fab. LXIII. *Cum Acrisius rescisset eos ad Polydectem morari, repetitum eos profectus est. fora turbida* ut *loca turbida* Virgil. VI, 534. sine substantivo causae, ut loquuntur Grammatici. Sed Pietat. Abascant. occurrit, ex Heinssii emendatione,

*Aegra domus questu,*

pro *Nigra*: nihil igitur mutandum.

[v. 11. *legesque, urbesque ubicunque togatae.* Vetustae Ven. Parm. et Rom. omittunt prius *que*: ut iam videam verissimum esse quod olim suspicabar, nempe pro *questu* versu praecedente legendum esse *questum*:



*Inque sinum quae saepe tuum fora turbida questum*

*Confugiant leges; urbesque ubicumque togatae etc.*

*leges, quae in sinum tuum confugiant questum* (ut querantur) *fora esse turbida*, et ideo locum et honorem illis non esse. Tacitus Annal. I. 2, *invalido legum auxilio, quae vi, ambitu, postremo pecunia TURBANTUR.* EX ADD.]

Sequitur, v. 13. *nosterque ex ordine collis Confremat.* ita elidit Domitius cum in suis Codicibus invenerat *nosseque*. Male tamen; cum haec de *uxo* colle non posse intelligi satis indicant illa *ex ordine*, quae (ut bene notat Salmasius Epist. Cl. ad Gronovium) „in rebus numeri contiguas et quasi in ordine eunt, tibus tantum poni licet. Sic apud illum (Virgilium) „*Septem totus ex ordine menses: item, Quinctiam, veterum effigies ex ordine avrum.* Legebatur forte antiquitus in libro vitiose descripto *se nosque: unde sequentes per transpositionem scripsere nos, seque.* Omnino a manu poetæ fuisse putem, senique *ex ordine collis Confremat*, id est, *seni colles*, urbis ex ordine confremant. Sed quare *senus*, iniquies, cum sint *septem*? immo *seni* tantum erant, infra Urbem: nam *Vaticanus* collis trans Tiberim, nec olim habitatus erat nec ad urbem pertinebat, ut inter omnes convenit, et clare id docuit Onuphrius in urbis Romae descriptione. *Senus ergo collis confremat*, qui intra urbem scilicet: *ex ordine*, id est, *contigue* et sine ulla interruptione. Alias si „admittere et illum voluisset, poeta potuisset dicere, „*septenusque ordine collis.*“ Haec Vir Summus, ingeniosa quidem sed nequaquam vera: redarguitur enim a perpetuo more Statii et omnium aliorum scriptorum, qui nunquam (quod sciam, et nulla exempla attulit Salmasius) *SEX*, semper *SEPTEM* montium seu collium mentionem faciunt. Ita Equo Max, ex conjectura mea,

*Septem per culmina multus*

*It fragor.*

Silv. IV, 1.

*Et septemgemino jactantior aethera pulset Roma iugo.*

Via Domit. v. 26.

*Septem montibus admovere Baias.*

Geneth. Lucan. v. 45.

*Sed septem juga Martiumque Tibrim:*

Et ita semper et hic et alii poetæ quorum loca adducere non necesse est. *Septenusque ordine collis* huic incommodo mederetur; sed nimis longe recedit a vulgata scriptura, ut ipse fatetur epistola proxima. Nam quod alibi, Epist. 96. conjecerat *nos seque* ex ordine, mentione dignum non putarem nisi esset Salmasii. Latet aliquid quod conjectura non possum assequi. Antiquitati autem concedamus, ut ex duobus falsis lectionibus Vetustior praeferatur: et ideo in Contextum readmisi *nosseque*: quod et habet Edit. Parmensis. [Ven. *nos teque.* desperatissimus adhuc locus. EX ADD.] Supra v. 11. pro *urbesque ubi canque togatae* Gronovius ad Plauti Aulular. II, 2. v. 21. le-

git, ubi *quaeque*: recte, credo, propter locum Virgilii Aen. VII, 400.

*Id Matres, audite ubi quaeque, Latinae:* quem imitatur Statius. Vide Gronovium ad locum Plauti. et ita Theb. XII, 22.

*Itur in exsanguem populum bellicue jacentis Reliquias, qua quemque dolor luctusque, cruenti Exegere duces.*

Ubi MS. Petrensis habet *quacunque*: male. Claudianus de Nupt. Honor. et Mar. v. 204.

*Vos, pennata cohors, quo quemque vocaverit usus,*

*Divisa properate manu:*

ita recte emendat Heinsius pro *quocunque*. Vide eum ad locum.

v. 23. *Docto nec enim sine carmine tantus* Nonnullac Edit. *numine pro carmine*: recte. sed quid est *DOCTUM numen*? Non, inquit Statius, Phoebum aut Musas invocabo, sed Te, Gallice: Tu sis *propitius*: numinis enim instar habes; et hoc *propitium* experti sunt Centumviri. Scripsit Statius,

*DEXTRO nec enim sine NUMINE tantus:*

infra v. 66.

*Nam neque plebeiam aut DEXTRO sine NUMINE cretam*

*Servo animam:*

Silv. I, 2. v. 32.

*adhuc optas, permissaque NUMINE DEXTRO*

*Vota paves:*

Thebaid. II, 152.

*Egregii juvenum, quos non sine NUMINE regnis*

*Invenit nox DEXTRA meis:*

ubi nonnulli Codices pro *DEXTRA* legunt *ATRA* et ita Editiones pleraeque; non bene: *nox DEXTRA invenit non sine numine*, est *nox invenit* *DEXTRO numine*, more Statiano. Iterum Theb. VI, 49.

*Nunc aliam prolem mansuraque numine DEXTRO*

*Pignora.*

*Mox, excludat sitim est non admittat vatis sitim, vel vatem sitientem.* Pro *potior*, quod verum est, olim legebatur *potius*. emendavit Nicolaus Faber. Nugantur qui pro *tantus*, quod et in Parmensi invenimus, legunt *cantus*. Domitii suspicor hanc esse interpolationem.

[v. 26. *Excludat Pimplea sitim.* Heins. ad Ovid. Met. I, 504. scribi vult, *Excludas, Pimplei, sitim.* et ita Surrent. Poll. v. 37. pro *Et superet Pimplea sitim, superes Pimplei*. Sed non opus est. *Pimplea* enim, *Πιπλῆα*, fons est hoc loco, non *Musa*. Vide satis exemplorum hujus vocis apud Cl. Bentleium ad Horat. Carm. I, 26. v. 9. Veneta autem Edit. non *Pimplea*, sed *Piplea* habet: ut et in supra citato loco Surrent. Poll. *Et superet Piplea sitim*, non *Pimplea*. Sic in Epigram. Catulli:

*Mentula conatur Pimpiacum scandere montem:*

eadem Edit. habet *pipellum*, pro *Piplaeum*. vide Varroem et Hesychium, citatos a Bentleio. et huic forte scripturae alludit locus ille Apuleii Metam. II. *Sic in*

modum superbi juvenis Adoni, vel musteluatis pipletis laceratus atque discerptus, domo proturbor. haec est lectio antiquissimorum librorum. Heinsius vero ad Ovid. Met. I, 504. legit, juvenis Aonii vel Musae nati Pimpleidis, et interpretatur de Pentheo et Orpheo discerptis a Bacchis. Legendum puto juvenis Edoni, i. e. Orpheos: et sub voce pipletis forte latet nomen Eupolidis: miselli vatis Eupolidis, pro musteluatis pipletis: vel tale aliquid. nota mors Eupolidis. Ex ADD.]

v. 29. CUM struis orsa modis seu cum tibi] Heinsius ad Val. Flaccum V, 85. ex vetusta Parmensi Edit. legit

QUA struis orsa modis, seu QUA tibi etc. quam lectionem exemplis abunde confirmat. addas hoc ex Plin. Epist. X, 18. Apud me milites et pagani a quibus iustitia ejus et humanitas penitus inspecta est, certatim ei QUA privatim, QUA publice, testimonium retribuerunt. Sequitur, et nostras curat facundia leges: id est, ut optime Domitius, servat leges poetarum. Non igitur audiendus Tollius, cuius (ut ipse ait) nolente fere animo properans lingua legebat,

nostra currit facundia lege:

Not. ad Auson. Professor. III. licet maxime faveat huic conjecturae Parmensis Edit. quae habet nostra currat facundia leges.

v. 41. Non labente Numa] Quomodo felicem Curiam vocat moriente Numa? inquit Gevartius: cui perplacet Heinsii conjectura haec,

Non labente Numa timuit sic curia, VEL SIC

Pompeio; nec celsus eques nec femina Bruto:

Non recte, opinor. Quippe proculdubio τὸ celsus eques referendum est non ad Brutum, sed Pompeium, qui Equestris ordinis erat, et proinde ab iis semper favebatur. Recte se habet vulgata lectio: FELIX enim proprium et perpetuum epitheton Curiae. Noster Silv. IV, 4. v. 76.

Jam te blanda sinu Tyrio sibi curia FELIX

Educat:

ita enim legendum esse pro gloria felix, ad locum probabo. Hoc illud, v. 43. est ex Virgil. Aen. IV. Hoc illud, germana, fuit?

[v. 49. Sic mixto reverentia FIDIT amori] Inutilis prorsus et nullius sensus sententia. Hoc voluit: Sic Amor et Reverentia miscentur. Scripsit igitur,

Sic mixto reverentia SE DAT amore;

SE DAT, ut in Equo Max. v. 42.

Et queis SE totis Temese DEDIT hausta metallis;

Silv. II, 2. v. 37.

Et superet Pimplea sitim, largeque volantis

Ungula SE DET equi.

V, 3. v. 71.

Sed nec modo SE natura dolenti

Nec pietas injusta DEDIT.

Amat hanc phrasin Statius; a quo eam mutuatus est Ausonius Mosella v. 448.

Ast ego quanta mei DEDERIT SE vena liquoris.

Plinius Epist. VIII, 20. Idem lacus in flumen ege-

ritur; quod ubi SE paulisper oculis DEDIT, specum mergitur, atque conditum meat. Silius Italicus III, 149.

Te quoque magna manent suscepti praemia belli  
DENT modo SE Superi.

Noster Silv. IV, 8.

SE juveni lactam DAT virgo parenti.

Seneca de Ira III, 7. Ingentia (negotia) et supra mensuram agentis nec DANT SE facile, et si occupata sunt, premunt atque adducunt administrantem. Ex Virgilio sumit Noster, Georg. I, 287.

Multa adeo gelida melius SE nocte DEDERE.

Ovidius Fastor. I.

DA mihi TE placidum, dederis in carmina vires.

Cicero de Oratore II, 44. Si SE DANT, (judices) et, ut ante dixi, sua sponte, quo impellimus, inclinant atque propendent, accipio quod datur, et ad id unde aliquis flatus ostenditur, vela do. Reverentia se dat MIXTO amore, est Reverentia MIXTA amori seipsam praebet: quam etiam verborum constructionem amat Noster, et ceteri omnes Poetae. vide Beutleium ad Horat. Carm. IV, 1. Pro mirro Rom. habet mihi. Sequitur, Ipsa etiam cunctos gravis inclementia fati Terruit. non video quare Ipsa, tam emphatice. forte scripsit, Quinetiam cunctos gravis etc. Praeceptum juvenile, hoc est, magnum praecipitium; a Graecis sumtum, qui ponunt τὸ πρῶτον pro τὸ πρῶτον, ut bene Gevartius. praecipitium immane Juvenalis Sat. X, 106.

unde altior esset

Casus, et impulsae praecipitium immane ruinae.

v. 55. vigilesque suo pro Caesare curae,

Dulce opus] Ita omnes editiones: recte; nec minimum est difficultatis. Quo magis miror quando lego apud Gronovium Diatr. c. XII. „Perspicuum est „scripsisse poetam, vigilisque suo pro Caesare curae, Dulce opus:“ ut sit, dulce opus vigilis curae. Nihil minus. Vigiles curae sunt casus recti, Dulce opus ejusdem casus, per Epexegesis, seu Appositionem. Nihil frequentius. Surrentin. Pollii v. 30.

Inde per obliquos erepit porticus arcus,  
Urbis opus.

Theb. XI, 98.

Sed fratrum (licet alma Fides Pietasque repugnent,

Vincentur,) fratrum stringendi cominus enses;  
Grande opus.

Seneca Consol. ad Polybium c. XXVII. Non audeo te usque eo producere, ut fabellas quoque et Aesopeos logos, intentatum Romanis ingentiis opus, solita tibi venustate connectas. Plinius Nat. Hist. XXXIV, 8. Hujus sunt saltantes Lacaeanae, emendatum opus. Gratius Cyneget. v. 186.

At clamore citat, quos nondum conspiciat, apros,  
Aetola quaecunque canis de stirpe; malignum  
Officium.

ita legendum; vulgo clangore. verum est clamore, ut ora clamosa Molossi, apud Lucan. IV, 440. et Ovid. Iliacutico v. 78. Et produnt clamore serai: de ca-



nibus. Tibullus Eleg. II, 6. v. 25. de praedatore loquens:

*Cui lapis externus curae est, urbique tumultus*

*Portatur validis mille columna jugis:*

Ita legendum: depravavit politissimus Broukhusius legens et edens, *Quid lapis externus curae est?* abrupte et nulla connexionione. Scriptum erat *Quoi*, antiquo more pro *Cui*: unde fecerunt *Quid*. Vide locum et mecum senties. Sed nimius sum in re clara. Supra, *imperium animi* in membra, ut apud Sallust. de Bel. Cat. initio: animi imperio, corporis servitio magis utimur, eleganter M. Seneca Praef. Controv. I. de Porcio Latrone: *Nesciebat I dispensare vires suas, sed immoderati adversum se imperii fuit*. Vers. 56. pro *subrepsit* N. Heinsius ad Ovid. Met. VII, 155. citat *subrepsit*: memoriae, opinor, errore. Vers. 57. pro *pigrae* obliviae vitae, legendum *pigra* obliviae, ut Theb. X, 89.

*Limen opaca Quies* et *pigra* Obliviae servant.

*Vita* non erat *pigra*, sed *obliviae*: et si *obliviae* *PIGRAE* vitae in artus subrepsissent, sanus fuisset: adeo ut haec lectio sensui contradicatur. Sic *jucunda* *obliviae* vitae Horatio Epistolis. *Inertia vitae* pro somno, apud Virgilium Culice v. 384.

*Hunc ubi sollicitum dimisit inertia vitae.*

v. 59. *Signat Apollineos sanctos*] Hoc omnem *ταυτολογον* superat: si enim *Apollinei* sunt lucis, a quo quaeos nisi ab *Apolline* cognomen istud habere potuerunt? idem est ac si dixisset, Deus qui signat *Apollineos* lucos cognomine *Apollinis*: quod certus sum Statium nunquam dicturum fuisse. Lege,

*Tunc deus Alpini qui juxta culmina dorsi*

*Signat Apollineo sanctos cognomine lucos.*

Jam vero vides necessitatem vocis *Apollineo*: si enim solum dixisset *deus qui signat lucos suo cognomine*, non omnes intellexissent quemnam Deorum designare voluit: haec vero vox significationem determinat. Apollo Vercellis (ex quo oppido, opinor, ortus Gallicus) colebatur: inde *Apollineae* Vercellae Martialis. Epigr. X, 12.

v. 61. *Praegressusque moras* etc.] In toto Statio vix unus et alter hoc inquinatio locus. Totum adponam, sicut in vulgatis legitur:

*Respicit, heu tanti pridem securus alumni,*

*Praegressusque moras: huc mecum Epidauria proles*

*Hinc alti gaudens datur adgredienda facultas.*

*Ingentem recreare virum tentemus adorti.*

*Tendatis jam fila colos, nec fulminis atri*

*Sit metus: has ultro laudavit Juppiter artes.*

Editiones multae ita legunt et distinguunt hunc locum, nisi quod Aldina et eam secutae nonnullae habent *Progressus*, et *tentemus* pro *tentemus*. Parmensis *Progressus moras*: Romana, *morans*: et, *hinc mecum*. Multum sordabit quisquis haec interpretari conabitur. Alii legunt *Progressusque morans*, alii, *Praegressusque moras*; quod explicant, *statim, sine mora*. Et hoc retinet Gevartius; non male ad sensum, sed phraseos desunt exempla, et deerunt si recte auguror. Quid multa? scripsit Statius,

*Respicit, heu pridem tanti securus alumni*

*Perpessusque moras: Huc mecum* etc.

*pati et perpeti moras* pro *morari* probum est. Noster Achill. I, 126.

*Jamdudum tacito lustrat Thetis omnia visu;*

*Nec perpessa moras, Ubiam meapignora, Chiron, Dic, ait.*

Tacitus Annal. II.] *Neque tamen mitigatus Piso et vix dici moram perpessus, linquit Germanicum, praerentique*. Plinius Panegyri. *Perpessus es longum illud comitiorum carmen, nec jam irridendam moram*. Hunc Statii locum imitatur Claudianus Epithal. Pallad. et Celer. v. 55.

*Ille refert: Equidem dudum te, Diva, morantem*

*Mirabar, quod adhuc tanti secura maneres*

*Conjugii.*

Deinde legit Gevartius,

*Huc mecum, Epidauria proles,*

*Huc altis gaudens; (datur adgredienda facultas.)* probum *Huc* pro *Hinc*, Sil. Italicus XV, 359.

*Huc decus, huc, nostrum.*

Et X, 87.

*Huc tela, huc, inquit, dextram implorantibus adfer.*

Claudianus in Rufin. II, 498.

*Huc, Superum labe, huc, insatiabilis auri*

*Proluvies, pretioque nihil non aulse parato.*

Nemesianus Cyneget. v. 99.

*Huc igitur mecum, quisquis percussus amore*

*Venandi, damnas lites:*

Ubi pariter omnes Codd. habent *Hinc* igitur. Probum etiam *altis* gaudens, id est, *magnis et arduis*, ut Virgil. Georg. III, 42.

*Te sine, nil altum mens inchoat.*

Seneca de Provident. c. V. *humilis et inertis est turba sectari: per alta virtus ita*. Tacitus Annal. IV. *Optimos quippe mortaliū altissima cupere*. Livius I, 34. *Excelsa et alta sperare complexa virum jubet*. Ita, *gaudet patientia duris* apud Lucan. IX, 403. *I fidere laetis* Theb. XI, 551. *Aspera amans* Scaevola, Sil. Italicus IX, 371. *aegra laetis* Invidia, Theb. I, 126. et ubique exempla in utriusque generis scriptoribus. Nec exempla adduxisse opus fuisset, nisi Gronovius Diatrib. c. II, et XXXVIII. defendisset *alti* gaudens: quod quidem Latinum est (sive Graecum mavis) minime tamen huic loco congruum. Deinde distinguendum,

*datur adgredienda facultas*

*Ingentem recreare virum:*

Per se patet: et si non pateret, hoc tamen postularet vox *facultas*, quae verbum infinitivum post se fere trahit, ita Sil. II, 1.

*ne puero dura adscendisse facultas.*

Theb. IV, 513.

*et nobis saevire facultas.*

XII, 36.

*nec certa facultas*

*Noscere quem miseri vident calcantem cruorem.* passim invenies. Hucusque progressis, facile fuit ista restituere

*tentemus adorti.*



Tendatis jam fila colos:  
praesertim cum pro *tentemus* (quod Bernartii est) antiquiores Parm. et Rom. habeant *teneamus*. Lege,  
teneamus adorti

Tendentes jam fila colos.  
*teneamus colos*, ut Silv. III, 1. v. 171.

*Parcarum* fila tenebo,  
*Extendamque colos*:  
id est, *inhibebo*. Lucanus III, 392.  
*quantum est quod fata tenentur!*  
Idem II, 299.

*jurat ignibus atris*  
*Inseruisse moras, constructoque aggere busti*  
*Funereas tenuisse faces*:  
ita legendum puto; vulgo sine sensu, *Inseruisse manus*, et *Ipsam atras tenuisse faces*. Vide elegantissimum locum. Huic contrarium *praecipitare colos* Theb. V, 150. et Rutilio Itinerar. II, 56. *Tendentes* jam fila, id est, dum adhuc *vicit*, dum *superest Lachesi quod torqueat*, ut eleganter Juvenalis Sat. III. Si hoc sensisset summus Gronovius, nunquam defendisset vulgatam, quemadmodum facit Diatr. c. XXXV. ubi ait, „*Staius alloquitur ipsa fila*, ut alibi *carinas*. „*Fila* autem dicuntur *tendere colos*, quamdiu *tenduntur* vel *tensa sunt a colis*, non abrupta.“ Si hoc admittimus, quidvis defendi potest: et expectabo ut pro *Parcae nent fila* aliquis dicat *fila nent Parcae*: aequè probum utrumvis. Sequitur,

*has ultro laudavit Iuppiter artes*:  
Domitius in suis Codicibus invenit *laudavit*, unde fecit *laudavit*. verius erat *laudabit*, cum propter perpetuas vices *literarum v* et *b*, tum quia Apollo, qui Deorum mentes praenoscit, melius inducitur exerte *affirmans Jovem laudaturum esse has artes*. Totum igitur locum sic lege et distingue:

*Tunc Deus, Alpini qui juxta culmina dorsi*  
*Signat Apollineo sanctos cognomine lucos,*  
*Respicit, heu pridem tanti securus alumni*  
*Perpeussusque moras: Huc mecum, Epidauria proles,*  
*Huc, altis gaudens: datur adgredienda facultas*  
*Ingentem recreare virum: teneamus adorti*  
*Tendentes jam fila colos: nec fulminis atri*  
*Sit metus; has ultro laudabit Iuppiter artes.*  
Nihil jam quod Momus ipse queat reprehendere. Nec metuas ab exordio abrupto Orationis Apollineae, *Huc mecum, Epidauria proles*, sine AIT vel INQUIT: hoc enim omnibus usitatum. ita Eq. Max. v. 73.

*laetus mox praeside visce,*  
SALVE, magnorum proles genitorque Deorum,  
etc.

scil. DIXIT *Salve* etc. vide Achilleid. II, 54. Theb. X, 21. 662. 762. 336. Tacit. Annal. I. *Quousque filium imperatoris obsidebimus?* etc. Virgil. X, 278. Theb. VI, 656. Cruceus hoc loco mire turbat, et pro *adgredienda* legit *aggrediendo*, et pro *Huc altis*, *Haec altis*: et quid non? Mox v. 71.

*Prima togae virtus: illa quoque clarus, et ingens*  
*Eloquio.*

displicet frigidum istud *illa*. an scripsit Statius, *lingua quoque?* Atqui, inquis, sequitur, *ingens eloquio*. quis vero nescit poetas rem eandem his vel saepius, mutatis tantum verbis, efferre? ita supra v. 10.

*Inque sinum quae saepe tuum fora turbida*  
*questu*  
*Confugiunt*, legesque.

Immo de hac ipsa re v. 34.

*Jnec tu, quando tibi, Gallice, majus*  
*Eloquium, fandique opibus sublimis abundas*  
*Sperne coli tenuiore lyra.*

Et ita Manilius IV, 194.

*Ille decus linguae faciet regnumque loquendi.*  
Prudentius adv. Symmach. lib. I. ad finem:

*O linguam miro verborum fonte fluentem,*  
*Romani decus eloquii!*

Sidonius Apollinarius Carm. II, 188. de Demosthene:  
*Fabro progenitus, spreto cui patre polita*  
*Eloquiis plus lingua fuit.*

Sil. Italicus VIII, 410. de Cicerone:

*furialia bella*  
*Fulmine compescet linguae, nec deinde relinquet*

*Par decus eloquio cuiquam sperare nepotum.*  
Vide et 262. ejusdem libri. Paulinus Epist. I, 94. Ansonio,

*Tibi disciplinas, dignitatem, literas,*  
*Linguae et togae et famae decus,*  
*Profectus, altus, institutus debeo.*  
ubi *linguae* et *togae* conjungit. In Parmensi est *ILLE quoque clarus*. latet aliquid. [Veneta quoque *ILLI*. Nescio quid velint. EX ADD.] Sequitur v. 74. *Permeruit jurata manus: Domitii Codd. habebant Permeruit. legendum Promeruit*, ut Silv. III, 3. v. 79.

*Quis Superos metuens, pariter tot templa, tot aras*

*Promeruisse datur?*

Idem quod *inserere, administrare*. Apulejus Miles. V. *Cupidinem deorum maximum percole, et, utpote adolescentem delicatum luxuriosumque, blandis obsequiis promerere*. Pro *jurata* substituunt quidam *durata*. non inepte, inquit Cruceus. immo ineptissime, nisi Statium ineptientem facere velis. Ejusdem farinae est Morelli *rigens Galatia pro rigens*, quod bene defendit Barthius, et explicat *potens, bellicosa*. nam pro *retingi* v. 75. scribendum esse *recingi* quis non videt? Edit. tamen Parm. et Rom. pro *rigens* habent *ingens*: et tenuit pro *timuit*. [Veneta etiam *igens* EX ADD.]

v. 84. *missum media de pace triumphum*] Intelligisne quid sit *triumphus missus de media pace?* *missum* quo? et quomodo *mittitur triumphus*? Conjicio Statium scripsisse,

*justum media de pace triumphum:*  
non solum *triumphum de pace*, quod quidem mirum est; sed etiam *justum triumphum*; quod miraculum et laudes Gallici augeat. *triumphum de media pace*; elegans oppositio, qua etiam utitur Juvenalis  
*referebant navibus altis*

*Occulta spolia, et plures de pace triumphos:*



non vero *justos* qualis hic Gallici fuit. *justum triumphum*, ut apud Horat. Carm. I, 12.

*Ille, seu Parthos Latio imminentes*

*Egerit justo domitos triumpho.*

Eutropius lib. VII. de Ventidio: *Ille primus de Parthis justissimum triumphum Romae egit.* Suetonius Calig. c. 48. *querens inter cetera fraudatum se justo triumpho.* Claudianus de Bel. Gild. *justo magnoque triumpho*

*Civiles abolete notas:*

licet duobus his locis *justus triumphus* forte opponatur *Ovationi*, ut *justum flumen, torrenti*, apud Senec. Nat. Quaest. V, 2. *justa libertas, inter amicos datae*, De Beat. Vit. c. 24. *justa clementia, fortituae facilitati*, apud Ennium Grat. Act. c. II. ubi vulgo legitur *felicitati*. Potes etiam *jussum triumphum* de media pace: ut *jubere tributa* apud Florum II, 6. sed hoc nimis insolens esset in Gallico, cum *jubere triumphos* sit solius Imperatoris. Mili placet *justum*, sive opponatur *Ovationi* sive *injusto*; sed huic potius. Potes etiam, *meritum triumphum*, ut apud Claudianum III. Cons. Honor. v. 146. *quem merui, te non sudante, triumphum?*

v. 85. *Et opes tantas? nec qui mandaverat ausus Expectare fuit.*] Abrupta sententia et in medio tenore concessa. Lege,

*et opes, quantas nec qui mandaverat ausus Expectare fuit.*

Per se patet emendatio. Non intellexit, quisquis hunc locum primus depravavit, vocem *tantas* eleganter omitti: inde prava lectio et distinctio. Noster Silv. II, 6.

*illius unus*

*Ante decor, quantum praecedit clara minores*

*Luna facies, quantumque alios premit Hesperus ignes:*

id est *tantum ante quantum* etc. Avienus Orb. Descr. v, 469.

*Ihic et Iaspis*

*Fulva micat stellis quantum convexa per aethrae*

*Igneae perpetuis ardescunt sidera flammis:*

Iaspis micat *quantum* sidera, est, *tantum* micat *quantum* sidera. Seneca Controv. III. praefat. de Albucio: *Splendor orationis quantus nescio an in ullo alio fuerit.* Horatius Epod. X.

*Insurgat Aquilo quantus altis montibus*

*Frangit tremantes ilices.*

Juvenalis Sat. III, 223.

*Si potes avelli Circensibus, optima Sorae*

*Aut Fabrateriae domus aut Frusinone paratur,*

*Quantum nunc tenebras unum conducis in annum:* ita distinguendum: paratur *tanti quanti* nunc conducis locum aliquem tenebricosum. Claudianus de Laud. Stilic. II, 305.

*Publicus ille furor quantum tua cura peregit*

*Secretum meruit:*

id est, *tantum secretum quantum* tua cura peregit: vulgo inepte distinguitur, *furor (quantum tua cura peregit!)* *Secretum.* Ita quot apud Virgil. Aen. II, 330.

*Portis alii bipotentibus adsunt,*

*Millia quot magnis unquam venero Mycenis:*

Id est, TOT millia quot venero. Inscriptio Vetus apud Reinesium p. 681. EDUCATUS LITERIS GRAECIS QUAM ET LATINIS: id est, TAM Graecis QUAM ET Latinis. v. 88. *Ipsc palam lacera* poscebat *Regulus umbra*] Quomodo *Regulus* qui apud inferos erat poscebat tributum? hoc enim *vivorum* est, non *mortuorum*. lege, ex emendatione Amici mei Joannis Jortini;

*Ipsc palam lacera* plaudebat *Regulus umbra.* Claudianus de Bello Get.

*lactisque Quirites]*

*Vocibus auspiciu certi plausere triumph:*

Silv. V, 3.

*non toties victorem Castora gyro*

*Nec fratrem caestu virides plausere Therapnae.*

Claudianus Fescennino de Nupt. Hon. et Mar. v. 77.

*Oriensque regna fratrum*

*Simul Occidensque plaudat.*

Sed mire concipitur totus hic locus in Edit. Parm. et Rom. [et Venet. Ex ADD.] ad hanc nempe formam:

*gaudet Trasimenus et Alpes,*

*Attollam cantu: gaudet Trasimenus et Alpes*

*Cannensesque animae: primusque insigne tributum*

*Ipsc palam LAETA poscebat Regulus umbra.*

Romana includit parenthesi verba *Attollam cantu*. melius, si ex toto exclusisset: non enim Statii est versus, sed Librarii, qui praecedens hemistichion iteravit. Et voluit, opinor, *Attollam cantus*: sed anne hoc est *attollere cantus*, iterare versum praecedentem? Mitto quod Apollo hic *narrat* tantum, non *canit*: quod bonus Interpolator non animadvertit. Istud autem LAETA Statianum puto. LACERA quidem *umbra* recte diceretur, ut Deiphobum apud Inferos LACERUM crudeliter ora agnovit Aeneas: et hae voces pro se invicem substituantur, ut Silv. V, 1. pro LAETAS frondes hae duae Edit. habent LACERAS. Sed aequae probum LAETA; ut dicat Apollo Regulum plausisse tributum *umbra palam laetu*; non furtim et dissimulanter et tacito sinu condens gaudia, sed *palam exultans*.

v. 91. *depositam Dacis percuntibus URBEM*] Castellum hoc Dacorum URBIS nomine nusquam alibi insignitur; sed *montis* vel *verticis*, utpote in editiore locum situm. Supra in Equo Max. v. 80.

*Tu tardum in foedera MONTEM*

*Longo Marte domas.*

Ibidem v. 7.

*Rhenus et attoniti vidit DOMUS ARDUA Daci.*

Silv. III, 3. v. 169.

*Queneque suum Dacis donat clementia MONTEM.*

Thebaid. I, 17,

*quando Itala nondum*

*Signa, nec Arctos ausim sperare triumphos,*

*Bisque jugo Rhenum, bis adactum legibus Istrum,*

*Et conjurato dejectos VERTICE Dacos:*

ubi pro *sperare triumphos* legendum *spirare*. Florus IV, 12. *Daci MONTIBUS inhaerent*, Ex his locis patet Statium scripsisse



depositam, Dacis pereuntibus, ARCEM,  
IGNON URBEEM. Par vitium insederat Horatium Carm.  
I, 7.

*Sunt quibus unum opus est intactae Palladis  
URBEEM*

*Carmine perpetuo celebrare:*

ubi pro URBEEM legendum esse ARCEM erudite probat  
R. Bentleius, vide et Heins. ad Ovid. Met. V, 644.

v. 93. *Fortuna non admirante subisti*] Scio quomodo  
hunc locum explicat Thomas Stephanus in Editione sua  
harum Silvarum Cantabrig. an. 1651. NON ADMIRANTE]  
*Siquidem pro meritis tuis electus es. Sed mihi nequaquam  
satisfacit haec interpretatio, et majus aliquid postulare  
videtur sensus; quale est consentiente et approbante  
Fortuna, non opponente se huic electioni, non asper-  
nante, non indignante, ut Thebaid. II, 741.*

*Tu bellis, tu pace feres de more frequentes  
Primitias operum, non indignante Diana.*

Et V, 434.

*Cerninus hic, Phoebus non indignante, priorem  
Admetum.*

IX, 469.

*Stat pugna impar amnisque virique,  
Indignante Deo.*

Claudianus de Laud. Stilic. I.

*Ut jam trans fluvium, non indignante Caeo,  
Pascat Belga pecus.*

Et III.

*Mavortia plebes*

*Te dominum, Bruto non indignante, fatetur.*

Noster Silv. V, l. v. 234.

*Accipiunt vultus haud indignata decoros  
Numina.*

Hoc modo exsurgit sensus Statius dignus: nihil enim  
*Fortunae cum admiratione; nec dicitur haec Dea  
admirari hoc vel illud evenisse; sed vel comprobare,  
vel se opponere et indignari. Et vide quanta sit vis  
veritatis et sensus communis: haec enim lectio Gronovio aliud agenti se obtulit: ita quippe citari video  
Diatr. c. XII. ubi alia causa hunc locum adfert;  
nec vel ibi, vel alibi uspiam, quod scio, mentionem  
facit se hunc locum ita legere solere: nec aliam cau-  
sam, opinor, habuit ita legendi, (cum editiones et  
MSS. in hac voce admirante consentiant) nisi quod  
Sensus sua sponte illum eo ducebat: quod et de me-  
ipso affirmare possum; omnia enim loca quae citavi  
adnotaveram antequam in hoc fortuitum Gronovii in-  
cidi. Licet vero ad hunc sensum scripsisse Statium  
minime dubitem, hac tamen voce usum fuisse non  
credo, cum proximior sit, et aequa proba,*

*Fortuna non adversante, subisti.*

Notum vero est literas *v* et *m*, *i* et *e* perpetuo inter  
se invicem commutari. non adversante, ut Tacitus  
Annal. XIII. ne severioribus quidem principis amicis  
adversantibus. Idem Hist. III, 42. *Fabius Valens, e  
sinu Pisano, segnitia maris aut adversante vento,  
portum Herculis Monoeci depellitur.* Cicero Offic.  
III, 19. adversante et repugnante natura. similiter de  
Senect. c. 19. Hoc igitur maxime placet. Eadem di-

versitas apud Ovid. Fast. I, 5. *Officiique levem non  
aversatus honorem; ubi quatuor Codd. habent dedig-  
natus, unus aspernatus, notante Burmanno. Nihil  
tamen in contextu mutare audeo propter locum Propertii Eleg. II, 13. v. 67.*

*Quem modo felicem, invidia admirante, ferebant.*

*Nunc decimo admittor vix ego quoque die:*

quem tamen locum depravatam esse non dubito: certe  
enim dixisse debuit, invidia ringente, vel fremente;  
vel tale quidpiam. Versu proxime praecedente, pro  
lectus, Lipsius et Bernartius legunt lectu: male: non  
enim construenda sunt verba, lectu tanti rectoris, sed;  
habenas tanti rectoris.

v. 94.

*rapiemus iniquo*

*Nate Jovi*] Nimis andax hoc, rapiemus: lege,  
rapiamus, ut supra teneamus colos, non tenebimus.  
iniquus Juppiter hoc loco est Pluto, non Caelestis  
Juppiter: supra enim dixit, v. 65. Jovem hoc factum  
eorum approbaturum esse, has ultro laudabit JUPPITER  
artes; Summus scilicet et Deum Rex. Nigrum  
Jovem vocat Theb. II, 49. infernum Tonantem XI,  
209. Mox, v. 96. constructio est, et meruit herbam  
si qua herba sit in antro etc. intermediis in paren-  
thesi inclusis. Lipsii Herba et holus, id est olus,  
dudum et merito explosum fuit.

v. 103.

*atque omne benigne*

*Virus*] Lege, benignum Virus: vox enim virus  
est τὸν πῖον, et tam in bonam quam malam par-  
tem sumitur. Inde MALUM virus Virgil. Georg. I, 129.

*Ille malum virus serpentibus addidit atris:*

Idcirco oppositum est hoc benignum virus. Seneca de  
Benef. I, 13. de Alexandro: *Qui summum bonum du-  
ceret terrori esse cunctis mortalibus; oblitus, non  
ferocissima tantum, sed ignavissima quoque anima-  
lia timere ob virus malum.* Quae tamen ultima verba,  
si quidquam sapio, Glossa sunt: ineptissimam enim et  
minime necessariam explicationem continent, et sen-  
tentiam ultra perfectum trahunt. Idem Nat. Quaest.  
V, 15. aurum vocat MALUM virus. SANCTUM virus  
Epidaurio angui attribuit Sidon. Apollinaris Carm.  
XXII, 80.

v. 111.

*morboque valentior omni*

*Occupat auxilium*] Lege, valentius, sc. auxi-  
lium: non enim dicere voluit Apollinem omni morbo  
valentiorum fuisse; nihil quippe mirum, quoniam  
Deus: sed hoc vult, auxilium seu remedium quod  
Apollo intulit omni morbo valentius fuisse. De metu-  
ente Atrida vide Homer. Il. A. 150. Pro Deus, versu  
praecedenti, Parm. et Rom. [Venet. quoque, EX ADD.]  
habent Deos: ut τὸ ἴππε non ad Apollinem sed Gal-  
licum referatur. Et sane hoc verum est: de Apolline  
enim adjuvante modo dixerat: jam narrat Gallicum  
pro sua parte Apollinem et Aesculapium adjuvasse,  
paratum et habilem se praestando, et medicamenta  
eorum libenter sumendo et occupando. In Contextum  
itaque recipiatur Adjuvat ipse DEOS, morboque VALEN-  
TIUS omni Occupat auxilium. Versu proximo, pro  
arte Aemonia, Bernartius sperat placitum esse con-  
jecturam suam, aere Aemonio. non mihi: potius enim



dixisse debuit *aerugine* quam *aere*. Plinius XXV, 5. de Achille loquens: *Alii primum aeruginem invenisse utilissimam emplastris: ideoque pingitur ex cuspide decutiens eam gladio in vulnus Telephi.*

v. 115. *Quis mihi tot coetus inter populi que patrumque*

*Sit curae votique locus?*] Male: dixisse enim debuit *tantos coetus vel tantum coetum* populi que patrumque, non *tot coetus*: quippe absurdum est supponere *multos* fuisse *coetus* populi, et *multos* patrum, querebantur de Rutillii valetudine. Lege,

*Quis mihi tot questus inter:*

quis locus sit sollicitudini et votis meis inter tot *questus* populi et patrum? quis locus meis *questibus* inter tot *questus* aliorum? non *coetus*; cuius absurditatem vides. *questus* ut Theb. III, 701.

*nunc qua feritate dolentis*

*Despiciam questus?*

VII, 460.

*Hic precibus questuque Deos; hi Martia tela Belligerosque hortantur equos.*

X, 66.

*lacrimis questuque rogabant.*

Tacitus Annal. I. *At patres, quibus unus metus si intelligere viderentur, in questus, lacrimas, vota effundi.* Hi *questus* populi et patrum sunt intelligendi querebantur *Diis* vel *de Diis*, ob adversam Gallici valetudinem. Ita apud Val. Flaccum II, 167.

*tum voce Deos, tum questibus implent.*

Hae vero voces *coetus* et *questus* saepe commutantur. ita Epithal. Stell. v. 235. pro *coetu* vel *coetus* ante Bernartium erat in editionibus *questus*. sic etiam Protrept. ad Crispin. v. 160. pro *questus* solitos, recte Gronovius *coetus*. Causa eruditius nota; nempe quia *c* et *q* ejusdem potestatis et sonus Veteribus fuerunt, ut in vocibus *quod* et *cod*, *quoque* et *coc*: de quo notus Ci-

ceronis jocus apud Macrobius. Ita CONDAM pro QUONDAM Inscriptione Vet. apud Reinesium p. 543.

[v. 118. pro *timor* Ven. *tenor*. EX ADD.]

v. 119. *nunc lumine cuncta*

AUGUROR] Burmannus ad Val. Flaccum II, 44. legit *Aucupor*: recte. Ovidius Heroid. IX, 41.

*Aucupor infelix incertae murmura famae.*

Et XIII, 107.

*Aucupor in lecto mendaces caelibe somnos;*

*Dum careo veris, gaudia falsa juvant.*

Seneca Thebaid. v. 361.

*Hic aucupator verba rumoris vagi.*

quod active protulit Herc. Oet. v. 482.

*Circumspice, aedum, ne quis arcana aucupet.*

Et sane, si non ita legerit Domitius, optime tamen interpretatus est, *subausculto et colligo omnia*. Scio quomodo hunc Statii locum explicet Neapolis ad Ovid. Fast. I, 180. Sed omnino verum est *Aucupor*. Vers. 123. *Nectite nunc laetae* etc. hunc versum imitatur Prudentius Apotheos. contra Homuncionistas v. 206. *Solvite jam laetae redolentia vincla sorores*. Pro *Nectite* Ed. Rom. *Netite*, a *neo*: et hoc tuetur Domitius: sed sine exemplis.

v. 128. *nec si vacuet Mevania valles,*

*Aut praestent niveos Clitumna novalia tauros]*

[Vel legendum *Non* si vacuet, vel si retineas *Nec*, scribendum, *Et* praestent: et hoc verum. *Nec* resolvendum est in *et non*, hoc modo: *Non* sufficiam si *ET* Mevania vacuet valles, *ET* Clitumna novalia praestent niveos tauros: non *AUT*. *Nivei* tauri Clitumni fontis omnibus noti; adeo ut nihil forte in hac voce mutandum: non tamen excusandus Statius; scripsisse enim debuit *cunctos* vel *omnes* tauros, si accurate argumentari voluisset: *Non* sufficiam si Mevania *VACUET* valles, nec si Clitumnus praestet *OMNES* tauros, non *NIVEOS* tauros. Vers. ult. pro *farra* Rom. habet *sacra*: perperam.

## ECLOG. V.

BALNEUM Claudii ETRUSCI] Istud nomen CLAUDII, quod in editionibus desiderabatur, ex MSS. recte addidit Gronovius: et hoc confirmat Praefatio libri: *Nam CLAUDII Etrusci testimonium extat, qui Balneolum* etc. et mos Romanorum: „nam quia Claudius *eum* „primus provexit, nomen ab illo Patrono accepit“ Verba sunt Gronovii; qui tamen in eo errat quod confundat hunc Etruscum *filium* cum *Patre*: non *eum* enim sed *patrem* *ejus* provexit Claudius. Edit, quoque Parm. clare habet, *CLAUDII Etrusci Balneum*. Non multum vero molestiae nobis exhibebit hoc Balneum: et bene saue; non enim inter Statii optima. Sed non venia tantum, verum etiam laude dignus censendus est, qui ingenio tam parato fuit, ut *intra cenae tempus* hoc poema, qualecunque est, excudere potuerit. in quo quamquam non *Omnia clara nitent*, tamen gemma unica inest, splendore et elegantia Sta-

tii dignissima. ea est v. 31. de fabrica horum Balneorum:

*Ipsa manus tenuit Cytherea mariti*

*Monstravitque artes: non viliis flamma caminos*

*Ureret, ipsa facces volucrum succendit Amorum.*

Non temnendum et istud v. 48.

*argento felix propellitur unda*

*Argentoque cadit, labrisque nitentibus instat*

*Delicias mirata suas, et abire recusat.*

De reliquo, in hoc peccat poeta quod dimidium poematis assumitur in *Apparatu*. Praefatur enim usque ad v. 30. Quo pacto, Atrium aequat ipsam Domum.

v. 4. Tuque inimica ferae, volucer Tegeae, sonorae

*Terga premas]* Ita Domitii codices. Politianus tamen Epist. VI, 1. legit, *Tu quoque muta ferae*: et de hac emendatione non est dubitandum, inquit



Gervatius. Mihi tamen multo magis arridet Morelli, *Tu* quoque amica *ferae*: minor enim est mutatio in verbis, sensus aequè probus: et multo facilius procedere potuit haec quam altera depravatio. quippe vox *quoque* ita scribitur *gg*, virgulis per mediam litteram transductis. unde, ommissa altera *g*, facile et obvium erat librario pro *Tuq amica* supponere *Tuq inimica*, ut verum nempe suppleret. facilius hoc, inquam, quam ex *Tu quoque muta* facere *Tuque inimica*. Oppositio est inter *amica* et *ferae*; licet *ferae* terga, tamen *amica*, et, quod non minimum est, videtur sumsisse hoc epitheton ex Horatio:

*Nec loquax olim neque grata: nunc et*

*Divitum mensis et amica templis:*

de *testudine*. premere idem est quod *reprimere*, *inhibere*, ut saepe. In contextum itaque admisi veterem, licet depravatam lectionem, *Tuque inimica*; ut aliorum conjecturis pateat locus. Politiani quidem lectio non mala est: melior tamen, ut mihi videtur, Morelli: et tertius aliquis forte adhuc meliorem inveniet: cur igitur excluderem? Scaliger in suo exemplari approbat conjecturam Politiani: sed illius auctoritas in Re Poëtica tanti mihi non est ut ea sola fretus aliquid in contextu mutare sustineam: praesertim cum non *Auctoritatibus* magnis, sed rei *Ratione* gerenda sit haec *πραγματις*. Si quis tamen vocem *muta* omnino retinendam censeat, vide quanto melius legetur,

*Tuque O, muta ferae, volucer Tegeaec, sonorae Terga premas:*

Hoc enim Poëticum magis, et in Invocationibus solenne. Virgilius Georg. I, 12.

*Tuque o, cui prima frementem Fudit equum magno tellus percussa tridenti, Neptunae.*

JNoster Theb. I, 22. Domitiano,

*Tuque o, Latiae decus addite famae Quem nova maturi etc.*

Claudianus III. Cons. Honor. v. 7.

*Tuque o, qui patrium curis aequalibus orbem Eoo cum fratre regis.*

Val. Flaccus I, 7.

*Tuque o, pelagi cui major aperti*

*Gloria.*

Sidonius Apollinaris Carm. II, 8.

*Tuque o, cui laurea, Jane, Annua debetur, religa torpore solutas Quavis fronde comas:*

ita legendum; vulgo, torpore *soluto*. constructio est, religa quavis fronde comas *solutas* torpore. Optime igitur scripsisse potuit *Tuque o muta ferae*, si vox *muta* necessaria sit huic loco. Sed quid est quod invenio in Edit. Parmensi?

*Tu quoque TERGA ferae, volucer Tegeaec sonorae*

*TERGA premas:*

An voluit *Tu quoque TARDa ferae*, ut hac naturali nota innuatur *testudo* seu *χιτωνη*? Quicquid sit, probabile est neque *MUTA* neque *INIMICA* Statii esse, sed aliud quid latere. [Politianus emendaverat, *Tu quo-*

*que muta ferae*. nescivi tunc temporis unde hanc lectionem habuerit, et ideo ex contextu eieci: sed cum jam videam Venetam quoque hanc servare, rogo ut in Textum recipias *Tu quoque muta ferae*. Ex ADD.]

v. 10. *Junge, puer, cyathos, et enumerare labora*] Ita Editiones Veteres (et ita inveni in Parm. et Rom.) teste P. Scriverio ad Martial. IV, 40. unde legit,

*Junge, puer, cyathos*, set ne *numerare labora*: id est, *sed*; hoc enim modo fere scribitur in MSS. et hanc lectionem approbat Gervatius Papin. Lect. c. XXXVI. „Vult enim, inquit, Poëta largius sese invitare et numerum cyathorum confundere, ideoque „non vult ullum arbitrum esse quam multos exhauriat.“ Aliter Gronovius Observ. I, 3. „Continua, „inquit, cyathos, puer, aliosque super alios porrigere, „et ipse laborem sume enumerandi: mihi non vacat, „qui inter bibendum Etrusci cano balnea.“ Ille igitur vulgatam retinet, atque enumerare labora. Mihi verior et elegantior videtur Gervatiana interpretatio: altera frigidior. cui enim bono *numeraret cyathos* puer? Mox v. 15. pro *advertite* quod probum est et Politiano debetur, MSS. Domitii habent *a vertice*. Male Cruceus *avertite* tueretur. Si sensum spectes non aliud quam *advertite* scribere potuit Statius. et ita inveni in Parmensi; quae etiam habet *nitidos* pro *liquidis*, et *Fronde* pro *Fronte*.

v. 27. Martia] Supra monui scribendum esse *Marcia*, ad Tiburtin. Manlii v. 64. [*praecepsis quarum vaga molibus unda* CRESCIT. Diu suspectam habueram ultimam vocem. gratias ago optimae Venet. quae hunc mihi scrupulum exemit, suppeditando

*quarum vaga molibus unda*

CESSIT:

unda antea vaga nunc CESSIT molibus, in ordinem et modum redacta: elegantissime. Sic Via Domit. v. 81. ubi Vulturius *annis* loquitur,

*Sed grates ago, sercitusque tanti, Quid sub te duce, te jubente, CESSI.*

Sic etiam Surrent. Poll. v. 52.

*His favit Natura locis; his victa, colenti*

CESSIT:

ita ex antiquissimis Edit. legendum, pro *hic victa*. Ex ADD.] Infra v. 34. *undosa* Carystos. quaerit Morellus quare *undosa* Carystos praecipue, cum omnes insulae *undosae* sint, utpote *salo* circumdatae: an, inquit, ob *aguas* calentes, quibus mire salubribus eam abundare testis est Solinus? Non: sed quia *Carystos* hoc loco ponitur pro *Marmore Carystio*, ut *Thasos* pro *marmore Thasio*, *Synnas* pro *Synnadico*, *Eurotas* pro *Lacedaemonio* marmore. Notum vero est *marmor Carystium aquis* marinis esse concolor. Martian. Capella lib. VI.

*Carystos marmore fluctibus concoloro.*

unde Epithal. Stell. v. 149. vocatur

*concolor alto*

*Vena mari:*

Et II, 2.

*gaudens fluctus aequare Carystos,*



id est, *aequans fluctus*, colore scilicet. Recte igitur *andros* marmor Carystium, seu *undosa* Carystos. De marmorum speciebus quae hoc loco memorantur vide Sidon. Apollinarem Carm. XXII, 136.

[v. 36. pro *Nomadum metallis* Venet. *nomasis*; quod, opinor, vult *Nomasin*: et hoc forte nonnullis non displicebit. EX ADD.]

v. 38. pro *lucentibus* Cruceus hunc locum citans habet *liventibus*: nescio an errore memoriae. non male tamen: immo forte rectius; ita enim Sidonius loco ante memorato, v. 137.

*Cedat puniceo pretiosus livor in antro  
Synnados, et Nomadum qui portat eburnea saxa  
Collis, et herbosis quae vernant marmora venis:*  
ubi hunc Statii locum manifesto imitatur. et sane verum est *liventibus*: guttae enim *sanguinis* non tam bene dici possunt *livere*, quam *livere*, seu *purpurei* coloris esse, quales erant-hae maculae in lapide Synnadico: unde in Surrent. Pollii v. 88. de hoc marmore, *ubi marmore picto*

*Candida purpureo distinguitur area gyro:*  
hoc est, *liventi* non *luenti* gyro. *Liventes* *racemi* Propert. IV, 2.

*Prima mihi variat liventibus uva racemis.*  
quod explicat Horatius Carm. II, 5.

*Ujam tibi lividos*

*Distinguet Autumnus racemos  
Purpureo variis colore.*

v. 40. *Vix locus Eurotae, viridis cum regula longo  
Synnada distinctu variat*] Ita recte hunc locum distinxit Gevartius cum antea legeretur, *Vix locus Eurotae viridis: cum* etc. vel *viridi*. Sensus est: Marmor Lacedaemonium viride non adhibetur his Balneis; nec quidem opus est, quandoquidem *regula viridis*, i. e. *crustae marmoris viridis* inseruntur Synnadico. Sed non adhuc pro sanitate hujus loci respondebo. Vetus codex habet *longa* et *distinctum*: et paulo ante Synnados mentionem fecerat, v. 37. Utcunque sit, mire dissentit Statius a Plinio de valore Marmoris Lacedaemonii: Noster enim ait *vix* locum illi esse in his Balneis, propter vilitatem, opinor: Plinius vero Nat. Hist. XXXVI, 7. pretiosissimum facit Lacedaemonium: pretiosissimi quidem generis Lacedaemonium, *viride*, cunctisque *lilarius*. Sequitur, v. 41. *non limina cessant*. ita editiones pleraeque, et hanc lectionem sequuntur Domitius et Gevartius. Politianus et Cruceus malunt *lumina*, et ita habet Colinaei editio, et tunc Gronovius, et interpretatur *fenestras*. Et verum est hoc sensu inveniri apud Ciceronem de Orat. I, 39. et alios. Nihilominus tamen minime poetica vox videtur, nec apud eos hoc sensu facile reperias. Nam quod Gronovius Elench. Antidiatr. c. H. ait „*Lumina* pro „*fenestris* adeo vulgare esse ut etiam translatione „*eleganti* Val. Flaccus *rimas* navis ita signaverit, et „*tenuis subicere latentia ceræ Lumina*:“ respondeo, ob hanc ipsam rationem rejiciendum esse hoc exemplum; nempe quia non denotat *fenestras*, cujus significationis exemplum ex aliquo poeta adhuc requiro. Quod si afferretur, retinerem tamen *limina*, si ita

haberent plures editiones; cum sensus aequè bonus sit in hoc quam in illo. Et ita quidem habent vetustissimae Edit. Parm. et Romana. Emphatice hic sumendum est *to limina*, quasi dixisset, *etiam vilissimis* partibus horum Balneorum suus splendor inest. Sidon. Apollinaris Carm. XI, 25.

*Limina crassus onyx crustat.*

Plinius XXXVI, 6. a Gevartio citatus: *Numidicum marmor non in columnis tantum crustisve, sed in massa ac vilissimo liminum usu.* Ex quo Plinii loco Isidorus XVI, 5. dicit marmor Numidicum *liminum* usui aptum. Prudentius Psychomach. v. 835.

*Sed cava per solidum multoque forata dolatu*

*Gemma relucenti limen complectitur arcu:*

pulchre describit quod innuit Statius.

[v. 43. *In species ANIMOSQUE nitent*] Venet. ANIMOQUE: forte,

*vario fastigia vitro*

*In species ANIMATA nitent.*

Noster Theb. VI, 268.

*Exin magnanimam series antiqua parentum*

*Invehitur, miris in vultum ANIMATA figuris.*

Vide Not. ad Arb. Aled. v. 53. EX ADD.] Mox v. 44. *et parcus imperat ignis*: id est, vires suas temperat et minorem calorem emittit. ex Virgil. Georg. I, 99.

*Exercetque frequens tellurem, atque imperat arvis.*

Quem locum imitatur Seneca de Tranquil. Animi c. XV. *Ut fertilibus agris non est imperandum; (cito enim exhauriet illos nunquam intermissa fertilitas) ita animorum impetus assiduus labor frangit.* Hinc intelligentium istud Senecae Oedip. 895.

*Alta dum demens petit*

*Artibus fidens novis,*

*Certat et veras aves*

*Vincere, ac falsis nimis*

*Imperat pennis puer,*

*Abstulit nomen freto:*

de Icaro: *nimis imperat pennis*, id est, nimis exercet et utitur.

v. 47. *nusquam Temesaea notabis*

*Aera*] Ita constanter editiones. Usus tamen postulat *Temesaea*. Ovidius Met. VII, 207.

*Te quoque, Luna, traho, quamvis Temesaea labores*

*Aera tuos minuant.*

Fastor. V, 441.

*Rursus aqua tangit Temesaeaeque concrepat aera.*

Stephanus Byzantinus: *Τεμίσση πόλις Ἰταλίας. ὁ πολλῆς, Τεμεσῆος.* Romana Edit. habet *Temesia*.

v. 63. *macte, oro, nitenti*

*Ingenio, curaque, puer.*] Ad hunc locum et tres praecedentes versus alludit Ausonius Mosella v. 345.

*Quod si Cumanis huc adforet hospes ab oris*

*Crederet Euboicæ simulacra exilia Baias*

*His donasse locis: tantus cultusque nitorque*

*Allicit, et nullum parit oblectatio luxum.*

Sed verbis Statii mendum subesse opinor: quippe vox

*cura non satis exprimit Elegantiam illam et Splendorem quem in Etrusco laudat Noster. Lege, ex Ausonii adombratione,*

*Iuienti*

*Ingenio cultuque, puer.*

Scilicet hic Ausonii mos est, interdum plura Statii verba contexere, interdum unum aliquod vel duo sublegere; ita tamen ut Statium facillime deprehendas. hoc per totum istud pulcherrimum poema observavi. Bene vero cultu ut Silv. II, 2.

*nec te cultu Tirynthia vincat*

*Aula.*

cultus enim non de vestibus solum, sed de omni cuscunq̃ue generis elegantiore apparatu. Entrop. lib. VIII. *Instrumentum regii cultus distrahit, ac per duos continuos menses venditio habita est.* Ovidius Heroid. XVIII, 221.

*At fruar Iliacis opibus cultuque beato.*

et ita passim. Iterum Ausonius haec verba respicere videtur Mosell. v. 18.

*In speciem quum me patriae cultumque nitentis Burdigalae blando pepulerunt omnia visu.*

v. 65. *Et tua jam melius discat fortuna renasci* Editiones habent *melius*: unde nonnemini forte placeret,

*Et tua jam in melius discat fortuna renasci,* ut apud Virgil. Aen. I, 235.

*Consilia in melius referet.*

et X, 426.

*Multa dies variusque labor mutabilis aevi Rettulit in melius.*

Seneca-Hippol. v. 408.

*Converte tristes ominum in melius minas.*

Ubique exempla. et facile excidere potuit in inter duo m. Mihi tamen non arridet hoc, quia pronuntiationem versus difficiliorem reddit quam patitur laetitas Statiana. Verum est

*Et tua jam melior discat fortuna renasci:*

Et ita citat Gronovius Diatr. c. XII. et Gevartius Papin. Lect. c. XXXIX. cum tamen eorum editiones praeferant *melius*, et uterque sileat de ulla mutatione. *melior fortuna*, ut Seneca Thebaid. v. 25.

*felices quibus*

*Fortuna melior tam bonas matres dedit.*

Idem Herc. Oet. v. 602.

*Nam rara fides ubi jam melior*

*Fortuna ruit.*

Ovidius Heroid. XI, 105.

*Nubite felices Parca meliore sorores.*

Inscriptio antiqua apud Gruterum p. CXI.

JOVI. O. M.

FORTUNAEQUE

MELIORI. AUG.

De significatione vocis *discat* vide Bentleium ad Horat. Carm. III. 3. v. 34. *jam melior*, ut Epithal. Stell. *mota jam virgo carina.*

## E C L O G. VI.

Cal. DECEMBRES Saturnales] Nescio quidem unde ultima vox huic loco irrepserit: abundare certe videtur. Nec in Praefatione seu Epist. ad Stellam, ubi titulos singularum Eclogarum recenset, invenitur vox *Saturnales*; et Bernartius testatur librum (Lipsii, opinor,) non agnoscere. Mitto quod *Saturnalia* non incipiebant Cal. Decembribus, sed XVI. ante Cal. Januariarum. Error videtur ortus a male intellecto versu 82.

*Tollunt innumeras ad astra voces*

SATURNALIA PRINCIPIS sonantes:

ubi non dicit populum clamasse *Saturnalia* seu *io Saturnalia* (quod istis diebus fieri solebat) sed *PRINCIPIS Saturnalia*: quasi dixissent, „Domitianus nobis „fecit altera Saturnalia; haec sunt Saturnalia *Principis*: O nos felices quibus duo Saturnalia contingent; Haec Calendis Decembribus, *Principis*; Illa, „vetere instituto, medio mensis.“ Hoc male accipiens aliquis, et putans de veris Saturnalibus hic agi, addidisse videtur hanc vocem Titulo Eclogae. Certe eam non agnoscit optima Editio Parmensis, quae habet *Decembris Calendae*. Primus eam forte invexit Domitianus: in Romana enim primum, opinor, comparet.

Vers. 7. *Dum refero diem beatam*

*Laeti Caesaris, ebriamque PARTEM.]*

Mirum est quantum in hoc loco explicando aestua-

runt Viri Doctissimi, et quam varias (ne pejus dicam) lectiones et interpretationes commenti sunt. et tamen longe meliora eos pridem docuerat Vir Doctus Richardus Thomsonus Nostras; qui in Literis ad Petrum Scriverium legit *ebriamque NOCTEM*: quod adeo verum est fuit non potuerit aliter scribere Statius; et si aliter scripserit (audacter affirmo) male scripsit. Quippe non *DIES* tantum, sed etiam *Nox* in hoc convivio absumebatur; adeo ut nulla *DIEI* mentione facta, *NOCTIS* tantum meminerit in Prologo hujus libri: *In fine* (inquit) *sunt Cal. Decembr. quibus utique credetur: NOCTEM enim illam felicissimam habent, et voluptatibus publicis inexpertam.* Praeterea, duas partes continet hoc Carmen; descriptionem scilicet *DIEI* a versu 9. *vix dum Aurora novos movebat ortus*: deinde *NOCTIS* a versu 85.

*Vix dum coerulea Nox subibat orbem.*

Porro, Ipse Statius in hoc ludo *pernoctavit!* dicit enim Vers. 96.

*Jamjam deficio, tuoque Baccho*

*In serum trahor ebrius soporem.*

Vere igitur *ebrian* *NOCTEM* expertus est Statius. In quodam Codice invenit *ebriamque moeram* idem Vir doctus; quod a vero non multum abludit. In contextum igitur recipiatur *NOCTEM*; et siqua in his rebus



exiguus laus sit, ea tota Thomsono referatur. *ebriam* vero noctem ut apud Martial. Epigr. X, 87.

*Pugnorum reus ebriaque noctis*

*Cenatoria mittat advocato.*

et 47. ejusdem libri,

Nox non ebria, sed soluta curis.

Noctem in Contextu editionis Thomae Stephani reperio. Lege tamen eruditū Gronovii Diatr. c. XIII. quod de hac re totum est. Illi placet *ebriamque partem*: et ita legit Reliq. ad Stat. Silvas. Non me movet; et adhuc edico verum esse, *ebriamque noctem*. Parmens. habet *parcam*, Rom. *pando*: quod, opinor, est Domitii, qui has Silvas suis lectionibus passim interpolavit.

v. 10. *Jam bellaria adorea pluebant*] In MSO Florent. erat *velaria Borea*, in Senensi *velaria lineae*; quam scripturam saniores putat Salmasius Epist. 88. et interpretatur *funem* e quo forte vela seu velaria pendebant, quae tegerent et a populi aspectu arcerent eos qui in populum missilia spargebant; ut et res ipsa quae spargebantur: hinc *divitem* hanc *lineam* appellasse Martialem Epigram. VIII, 78. Hunc igitur locum sic constituit:

*Vix aurora novos movebat ortus*

*Jam velaria lineae; et pluebat*

*(Hunc rorem veniens profudit Eurus)*

*Quicquid nobile Ponticis nucetis etc.*

„Vix, inquit ille, aurora illucescebat et jam *velaria* „*lineae* vel *linea* cum velaribus praetenta; et pluebat „statim quicquid nobile etc.“ Haec Vir Maximus, festinanter et minus accurate. Primo enim, scio Statium non admissurum fuisse tam rudem et durum elisionem in versu, *lineae; et pluebat*. Deinde, quid volunt ista *Hunc rorem veniens profudit Eurus*? haec significant, inquit Salmasius, pleraque eorum quae tunc sparsa erant ex Oriente venisse. quid audio? an *Pontus* in Oriente? an *Ebusus*, insula in mari Balearico, juxta Hispaniam; istam Hispaniam, quae (ut alibi Statius) Stridorem ROTAE CADENTIS audit? Sed et hoc concedamus, ut porro quaeramus quid sit *veniens Eurus*. *veniens* quidem *Sol* et *veniens dies*, pro *oriens Sol* et *dies*, passim occurrunt apud poetas: sed *locus ipse a quo veniunt seu oriuntur* non nisi absurde dici potest *venire* seu *oriri*: *Eurus* enim *veniens* esset *oriens Oriens*. Tantum contra Salmasium. Gronovius enim prudenter hunc locum transmisit, sive quod nihil de eo dicere habuit, seu forte veritus offendere amicum Salmasium, cujus conjecturas sine dubio approbare non potuit. Et sane, ut dicam quod sentio, frustra est omnis labor in perditissimo, et, ut mihi videtur, mutilo loco. Unum hoc tamen possum dicere, Statium scil. scripsisse,

*Hunc rorem veniens profudit Eos:*

[ex Ovidio Fast. III, 877.

*Tres ubi Luciferos VENIENS praemisit Eos. Ex*

ADD.] Idem Metam. V, 440.

*Illam non rutilis veniens Aurora capillis*

*Cessantem vidit, non Hesperus.*

Virgilius X, 241.

*Surge age, et Aurora socios veniente vocari*  
*Primus in arma jube.*

Ita *veniens* sol Horat. Epist. I, 16. *veniens* dies Virgilius Georg. de Orpheo,

*Te, veniente die, te, decedente, canebat.*  
unde erudite Lucanus I, 15.

*Unde venit Titan, et nox ubi sidera condit:*

id est, *Oriente et Occidente. Eos*, prima producta, utpote a Graeco Ἦώς; et ita Lucanus IX, 549. Ovidius Heroid. III, 57. et alii. Post versum, *Jam bellaria adorea pluebant*, (quocunque modo iste scribendus sit, quod sane juxta cum ignarissimis scio) excidisse puto tres vel quatuor, quibus enumerabantur missilia et bellaria quae prima prolusione spangebantur in populum: post quos addit, *Hunc rorem veniens profudit Eos*, haec Sparsio erat prima et matutina. atqui absurdum esset dicere *HUNC rorem*, nisi ante narrasset *quis* vel *qualis* esset hic *ros* seu *nimbus*; nec unquam peritissimus et decori observantissimus poeta tam prope collocasset *Vix AURORA novos MOVEBAT ORTUS* et *Hunc rorem VENIENS profudit Eos*, sensu tam simili, sine intermediis quique vel quatuor saltem versibus. Proculdubio aliquid excidit ante versum *Hunc rorem* etc. quod et aliis harum Silvarum locis accidit, ut praefat. lib. I. initio: praefat. lib. V. Epiced. in Patr. v. 130. Epiced. in Puerum, ad finem; et alibi forte ubi nunc frustra nosmet torquemus: quod ne in posterum fiat, Astericis hos locos notavi. In Edit. Parm. pro *bellaria* invenio *velaria*.

v. 15. *Et quas praecoquit Ebusia cannas*] Totam sententiam videamus:

*Quicquid nobile Ponticis nucetis*

*Faecundis cadit aut jugis Idumes,*

*Quod ramis pia germinat Damascus,*

*Et quas praecoquit Ebusia cannas,*

*Largis gratuitum cadit rapinis.*

ubi omnia facilia sunt ad versum quartum; in quo pro *praecoquit* Salmasius ad Solinum recte legit *percoquit*, et illustrat Gronovius Diatr. c. XIV. et pro *Ebusia* legit *Ebosea* quasi esset Ἐβόσεια νῆσος. Recte etiam hoc: et ita Editiones aliquot. *Ebusam* vocat Servius ad Virgil. VII, 662. Deinde pro *cannas* erudite probat legendum esse *caunas*, id est, *ficos siccatas*: nam sicut *Caricis*, id est, ficis e *Caria* accidit ut nomen fierent generale et commune omnium ficorum siccatarum, hoc est, ἱσχυδωρ; ita et *Cauneis* ex ejusdem Cariae oppido *Cauno* allatis postea usu venit. Unde *caunas Chias* dixit Columella pro *caricis Chiiis*; et *caunas* Ebusi Noster pro *caricis* vel *siccis ficis* Ebusi, quas commendat Plinius. Unde totum versum sic legit,

*Et quas percoquit Ebosea caunas:*

cui succinit Gronovius „his certiora frustra ab ipso „Phoebi operto petas.“ His igitur tam certo fundamento constitutis, jam videamus loci constructionem, quae haec est: *quicquid nobile cadit nucetis Ponticis aut faecundis jugis Idumes; quod i. e. quicquid pia Damascus germinat ramis, et CAUNAE quas caunas Ebosea percoquit, CADIT GRATUITUM largis rapinis.*



Quid stupes, Lector? quid miraris? expectabas, opinor, Statium scripsisse GRATUITAE CADUNT *caunae*, non *gratuitum* CADIT *caunae*: et ita sane mallet: sed summis viris aliter visum. Vix oculis animoque fides: et omnes strophas verto si possim invenire quo executiam: sed summis viris aliter visum. Vix oculis animoque fides: et omnes strophas verto si possim invenire quo eorum ἀπὸ λυγρῶν excusem, et stuporem meum executiam: sed nihil occurrit. Vide, Lector, si quid tu potes. Interea, Salmasii ope, Statium tibi facile restituo,

Quod ramis pia germinat Damascus,  
Et quod percoquit Ebosia caunis,  
Largis gratuitum cadit rapinis:

quod Ebosia percoquit, ut, quod Damascus germinat. caunis percoquit, ut, ramis germinat: omnia similia. Intelligit totum proventum caunarum huius insulae: quod enim est quicquid vel quantum: et ita plane habet Editio Parmensis. Gevartius per *cannas* intelligit istud quod nos vocamus *Saccharum*; et Veteribus non inecognitum esse ex hoc loco adstruit. Periculosa argumentatio; cum adeo probabile sit Statium scripsisse *caunis* non *cannis*. De sequenti versu, *Largis gratuitum cadit rapinis*, multa suspicionem mihi movent non Statii esse, sed ludibundi alicujus qui sententiam nimis longam (a versu 13. ad vers. 20.) putabat, et ideo hac mora et respiratione interstinguebat. Primo enim vox *cadit* paulo ante occurrit, et statim sequitur *cadebant*. Deinde, *caunae*, prima, palmae et similia non dici possunt cadere *largis rapinis*, sed *ruinis*; ut *ruina* poli, passim apud poetas. Dices forte *rapinis* cadere significare in *rapinas*, ut v. 63. *Casuraeque vagis grues rapinis*, id est, casurae in *rapinas*. recte, inquam, *vagis* rapinis; sed quo sensu *largis*? *vagae* rapinae sunt quae a *vagis* rapiuntur: an ideo *largae* rapinae quae a *largis* rapiuntur? ineptum hoc. Saltem scripsisse debuit, *Laetis gratuitum cadit rapinis*: id est, quae a *laetis* rapiantur: vel, *Largis gratuitum cadit ruinis*. Sed remove paulisper versum hunc et vide quanto melius procedat oratio:

Quicquid nobile Ponticis nucetis  
Foecundis cadit aut jugis Idumes;  
Quod ramis pia germinat Damascus,  
Et quod percoquit Ebosia caunis;  
Molles caseoli, lucunculique,  
Et massis Amerina non perustis,  
Et mustaceus, et latente palma  
Praegnantes caryotides, cadebant.

Sentis jam nullum opus esse versiculo isto aut inepto aut depravato: et cursus narrationis hoc pacto non frangitur vel impeditur, sed ponuntur omnia simul et coaercentur et quemadmodum cadebant. Sed haec suspicio tantum est: certius istud, vel ineptum esse versum vel depravatum: quod et ultra probat Parmensis, quae habet

Largis gratuitum CALET rapinis.

[Venet. quoque habet quod, quemadmodum conieceram. Sed iam dubito de *caunis*, postquam legi ea quae con-

tra haec Salmasii coniecturam disputat Palmerius Exercitat. in Graec. Auctor. p. 491. et in contextum reponas volo *cannis*. EX ADD.]

v. 17. Molles caseoli lagunculique

Et massis Amerina non perustis] Probo caseoli pro cajoli, quoniam *cascus* inter dona Saturnalia refertur a Nostro Silv. IV, 9. et ita habuit vetus Codex. Edit. Parm. gaioli. Rom. Caieoli. Deinde pro lagunculi admisi lucunculi, bellariorum speciem ab Apuleio memoratam p. 219. Met. lib. X. vide et Turneb. Adv. XVIII, 20. et ita in scripto codice inveniri testatur Bernartius. Mox, pro massis non perustis Heinsius legit passis cum perustis: nam enim passam veteres adustam vocant, inquit Gevartius. Sed vulgatam bene tuetur Gronovius Diatr. c. XIV. et interpretatur non perustis, non in sole siccatis: solebant enim Veteres scindere in massas cuspis generis pira, et ad solem siccare, vide Varro de R. R. I, 59. Plinium XXIII, 7. et Palladium in Februario. Vers. 20. pro Praegnantes MS. Flor. Edit. Rom. et Ven. habent Praegrandes, quod forte melius, quoniam simplicius, inquit Gronovius. cui assentior, non ob hanc solum rationem, sed quia in altero nullum sensum invenire possum. Si enim palma hoc loco significat spathalion seu ramum arboris, caryotides (quae sunt fructus) non dici possunt esse praegnantes palma, cum palma potius debuit esse praegnans caryotidibus: Fructus non est praegnans Arbore, sed Arbor Fructu, nisi ad Hypallagen recurras, omnium absurditatum Communem Locum. sed non opus est, cum Praegrandes optimum sit. Vult dactylos ita grandes esse, ut termites seu rami quibus haerebant laterent sub iis et tegerentur.

v. 24. Plebem grandine concutit serenam] Nic. Heinsius ad Claudian. p. 742. pro serenam legit serenam, sc. grandine. Apponamus totum locum:

Non tantis Hyas inserena nimbis  
Terras obruit, aut soluta Plia,  
Qualis per cuneos hiems Latinos  
Plebem grandine concutit serenam.

ubi primum pro Plia scribendum esse Pleias supra monui ad Tiburt. Manl. v. 95. Deinde oculis incurrit pauperies sermonis Hyas inserena: quod quidem ferri posset, nisi aliud obstaret. Vide enim. Infra v. 28. dicit poeta,

Ecce autem caveas subit per omnes  
Insignis specie, decora cultu  
Plebes altera, non minor sedente:

Atqui nulla in praecedentibus mentio plebis sedentis, quod tamen fieri oportet ut haec cohaereant et respondeant superioribus. Lege,

Plebem grandine concutit sedentem.

Jam sedentem habes hanc plebem, et alteram ministrantem plebem, non minorem sedente. Et sane testatur Dio Lib. LXXVII. Domitianum solere largiri multa spectanti populo, et convivia nonnunquam facere eodem locu sedentibus. Originem erroris tetigi in Praefat. nempe ex coalitione τοῦ τε in α: unde pro sedenam fecerunt serenam. Edit. Parm. exhibet sereram. Sensu restituito, laboranti Latinitati succur-



ramus. *Hyas non obruit terras tantis nimbis, qualis hiems plebem concutit grandine.* Nulla in his Constructio; deest enim aliquid quod respondeat τῷ tantis. Lege,

QUALI per cuneos hiems Latinos

*Plebem grandine concutit sedentem:*

non tantis nimbis, quali grandine. Citius intellexisses si dixisset *quanta* grandine: sed poëtis solenne nomina *quantitatis* et *qualitatis* confundere, et pro se invicem usurpare. Virgilius Ciri v. 21.

*Sed magno intexem (si fas est dicere) peplo,*

Qualis Erechtheis olim portatur Athenis,

*Debita cum castae solvuntur vota Minervae:*

ita legendum; vulgo *intexens*, sine ullo exitu aut Constructione. *intexem* pro *intexissem*, ut *extinxem* pro *extinxissem* Aen. IV, 606. *vixet* pro *virisset* II, 118. et similia passim. Dicit igitur Virgilius, se, si permetterent vires, Messalae historiam et praeclara facta velle intexere TAM MAGNO peplo, QUANTUS (pro quo dicit QUALIS) portatur Athenis in pompa Panathenaica.

Jv. 26. *Et LATIS pluvias minetur agris*] Legendum LAETIS agris: nisi enim sic legas deficit argumentatio. quippe nullum forte incommodum sequetur si Juppiter minetur pluvias *latis* agris, quoniam *lati* agri possunt esse *vasti* et *inculti*: aliter vero se res habebit si pluvias minetur agris *lactis*, i. e. *foecundis, feracibus*. Nonius Marcellus: LAETUM, *ferax*. Virg. Georg. I. LAETUS AGER. Silius Italicus IV, 39.

*Sed Libyae ductor tuto fovet agmina vallo*

*Fessa gradum, multoque gelu torpentia nervos:*

*Solandique genus, laetos ostentat ad Urbem*

*Per campos superesse viam.*

Ita lego: vulgo, *laetis* ostentat; male: milites enim Hannibalis eo tempore non *laeti* erant, sed *fessi* et *gelu torpentes*. Recte igitur *laetos* campos; ut apud Festum Avienum Descr. Orb. v. 998.

LAETIS adsurgunt gramina campis.

Ovidius Fast. I, 546,

*vagantur*

*Incustoditae LAETA per arva boves:*

ubi pari errore scriptum erat LATA. Vide Heinsium. Morellus etiam hoc loco legit LAETIS agris.

v. 33. *Illi marcida vina subministrant*] Ita constanter Editiones: mallem tamen *Massica*: nisi confugas ad Gevartii *Hypallagen*, ut *marcida* vina sint quae homines *marcentes* reddunt. *Marcidus* quidem dicitur *Bacchus* Thebaid. IV. sed ibi *Bacchus* est *πρωτότυπος* non *vinum*. nam in altero exemplo quod ex Silr. IV, 6.

*tenet haec marcentia fratris*

Pocula,

adducit Gevartius, *marcentia* pocula fratris sunt pocula *marcentis* fratris seu *Bacchi*, qui *marcidus* dicitur. *Marsica* vina Columellae XII, 10. minus nota sunt. mihi adhuc arridet *Massica*. Atqui, dices, unde tanta vini *Massici* copia ut tanto coetui sufficeret? respondeo verbis Plinii Nat. Hist. XIV, 15. *Quid? non et Caesar Dictator triumphi sui cena vini Falerni amphoras, Chii cados in convivis distribuit?* vide reliqua.

v. 42. *Nec TARDUM seges occupabat annum*] Nul-  
lus in his sensus: Vina non adeo libere tunc fluebant  
nec seges occupabat TARDUM annum: immo TANTUM,  
i. e. *tam magnum*. *Magnus* et *Bonus annus* a veteri-  
bus dicebatur, quando largus erat frugum proventus:  
Noster Theb. IX, 401.

*At pater arcano residens Ismenos in antro*

*Unde aurae nubesque bibunt atque imbrifer ar-  
cus*

*Pascitur, et Tyrios melior venit annus in a-  
gros.*

Suaviter Idem IV, 705.

*Sic ubi se magnis refluus suppressit in antris*

*Nilus, et Eoae liquentia pabula brumae*

*Ore premit, fumant desertae gurgite valles,*

*Et patris undosi sonitus expectat hiulea*

*Aegyptos; donec Phariis alimenta rogatus*

*Donet agris, MAGNUMQUE inducat messibus ANNUM.*

Lucanus III, 70.

*Effusis MAGNUM Libye tulit imbris ANNUM.*

vide supra ad Eclog. 3. v. 8. Sic MAJOR autumnus Mar-  
tial. Epigr. XII, 57.

*Nec in Falerno colle major autumnus:*

*felicior annus provenit*, Ovid. Fast. IV, 671. Sensus  
est, O Vetustas, compara secula antiqua et aureum  
tempus cum hoc nostro; non majorem vini copiam  
aut largiores frugum proventus invenies.

[v. 43. *Una VESCITUR omnis ordo mensa*. Venet.  
NASCIMUR: unde conficitur certissima emendatio, VES-  
CIMUR. *omnis ordo VESCIMUR*, ut Herc. Surrent. v.  
85. *huc omnis turba COIMUS*. Exempla ubique. Ex  
ADD.]

v. 46. *quis HUC VOCARE*] Scaliger ex MS.  
Senensi legit *quis HOC ROGARE*: recte. et Editt. [Ven.  
EX ADD.] Parm. et Rom. retinent *HOC*. mox pro *pos-  
sit* legendum *posset*, ex sensu et Virgilio IX, 6. ex  
quo hoc adunibratum est:

*Turne, quod optanti Divum promittere nemo*

*Auderet:*

*auderet* promittere; ergo *posset* promittere. Voces  
*rogare* et *vocare*, pari quo hic modo, commutantur  
apud Ovidium Heroid. XX, 193.

v. 51. *Hos inter fremitus etc.*] Lipsius Saturnal.  
Serm. II, 4. hunc locum citans omittit versum proximi-  
sequentem, *Spectandi levis effugit voluptas*: utrum  
ex sui codicis auctoritate, an quia non intel-  
lexit, nescio. Posterius verum crederem, si de  
meipso iudicium facere liceret. mihi enim ineptissimum  
videtur hoc loco; utpote narrationem interrumpens;  
quod facile perspicias si eum omittas. Credo eum vel  
non esse Statianum, vel certe non huius loci. Non  
opus est ut eum eodem Lipsio legamus *lusus* pro  
*luxus*, cum de convivio Domitiani haec vox bene in-  
telligi possit.

Jv. 58. *Quos natura brevi statim peracto etc.*] Gronovius legit, *Quos natura BREVIS statim peractos*. *Natura brevis*, inquit ille, est *haud longius indul-  
gens, non larga*. Et quidem Editt. Parm. et Rom.  
habent *natura brevis statim*, et *peracta non peracto*.  
Sed, si STATIM peractos, quare SEMEL ligavit? ho-

rum enim utrumvis supervacuum est; prout patebit si alterum omittas. Scripsit Statius

*Quos natura brevi statu peractos*

*Nodosum semel in globum ligavit:*

*peractos brevi statu*, id est, *absolutos statura brevi*; in altiore staturam nunquam evasuros, quoniam *peracti sunt brevi statu a natura*; ut recte Barthius. Propertius IV, 9.

*Nanus et ipse suos breviter concretus in artus*

*Jactabat truncas ad cava buxa manus.*

Ovidius Trist. II, 531. de seipso:

*Invida me spatio natura coërcuit arto.*

Claudianus de Bell. Get. v. 584.

*Cui natura breves animis ingentibus artus*

*Finxerat.*

[Nondum mihi ad plenum satisfacio de hoc loco: et suspicor sub voce *peractos* latere *per artus*, ut alibi in his Silvis depravatae fuerunt hae voces. Quos *Natura breves statim per artus Nodoso similes globo ligavit*: vel quid tale. v. 60. pro *conserunt Ven. conferunt*: utrumvis probum, *conserere manus* vel *conferre*. EX ADD.] Sequitur, v. 61. *Et mortem sibi (qua manu) minantur*: id est, *quali manu*; per parenthesin. Thebaid. IX, 309.

*trajectus pectora ferro*

*Volebitur in fluctus: heu cujus naufragus undae!*

Ausonius Gratiar. Act. pro Consulatu: *Ipsa autem sedes honoris, sella curulis, gloriosa pompis Imperialis officii, in cujus me fastigio (ex qua mediocritate!) posuisti* etc. Mox v. 66. pro *sparsio* Parm. habet *Spassio*: Rom. *spasio*. de quo, si ridere velis, lege Domitii annotationem.

v. 71. *Illic cymbala*] Lego, *Illo*, ut respondeat praecedenti *hoc*. *Lydiae plaudunt hoc grege*; *illo* Cymbalistrice et mulieres Gaditanae. Litera prima in voce *Cymbala* adhaesit *τῷ illo*; *illoc*: unde *illic* fecerunt. Per *tinnulas* Gades intellige mulieres Gaditanas, quae cum crotalis et cymbalis saltabant. Juvenal. XI. v. 161. *Forsitan expectes ut Gaditana canoro Incipiat prurire chero*. ubi pro *prurire* lego *praeire* ex sensu et Arnobio lib. II, p. 73. *Cantionibus ut praeirent obscaenis*, etc. vide locum, ex hoc Juvenalis desumptum. Supra v. 67. pro *Huc* intrans, mallem *Hic*, ut v. 57. *Hic audax subit ordo pumilonum*, ubi male Bernartius *His*.

[v. 74. pro *Permutat* Parm. et Ven. *Permutant*: recte.

v. 81. pro *comparantur* Ven. *temperantur*.

v. 90. pro *licere* Parm. *nocere*.

v. 93. *alias adiecit urbes*. Ven. et Parm. *abit in urbes*: quod verissimum est. mutatum ab aliquo, qui metro timebat.

v. 96. *Jamjam deficio*. Heinsius ad Ovid. Heroid. V, 150. ex Parmensi vult, *Jamiam deficio*: Recte quidem dicimus *deficio viribus*, vel *animo*, vel *pecuniâ*. Sed adhuc quaero exemplum ubi *τῷ deficio*, sine Ablativo, ponitur pro *deficio*: quae enim ibi attulit Heinsius non probant hoc. Noster Epiced. Puer. v. 42.

*Deficio, medicasque manus fomentaque quaero*.

Nihil igitur muto. Vide Marq. Gudium ad Phaedr. I, 21. EX ADD.]

## NOTAE AD SILVARUM LIB. II.

### IN EPIST. AD MELIOREM

Lin. 7. *Apud te complexus amabam*] Prosam non sapit hoc; nec sensui satisfacit. lege, *apud te complexus* admirabar. scriptum erat *amirabar*: quod non intelligentes fecerunt *amabam*. intelligit istud quod Plinius vocat *cum admiratione diligere*, Epist. III, 11. *ex admiratione diligere* IV, 17. [Conieceram *amirabar*, id est, *admirabar*: faveat Venet. quae habet *amabare*. EX ADD.]

Lin. 10. Excusandam habuerim *affectibus tuis celeritatem*] Tacitus Hist. I. in Orat. Galbae ad Pisonem: *Ea aetas tua quae cupiditates adolescentiae jam effugerit; ea vita, in qua nihil praeteritum ex-*

*cusandum habeas*. Sic *probandum habeo* praef. lib. III. Silvarum. iterum Tacitus Hist. IV, 77. *Nulla hic proditio; neque aliud excusandum habeo quam quod vos*, etc.

Lin. 24. *Quia honorem ejus tibi laturus acceptum*] Excidit verbum substantivum: repone, *tibi laturus est acceptum*. Scriptum erat, *tibi laturus e acceptum*, unde facile excidere potuit *est*. [vocem *libenter* nesciant Veteres Editt. ideo excludatur. EX ADD.] Sequitur, *Polla Argentaria carissima uxorum*. Plinius Epist. VI, 34. *Inde etiam uxorem carissimam tibi et probatissimam habuisti*. Sed verius est quod in



edit. Rom. invenit Lindenbrogius, *clagrissima* uxorum: et hoc probat Barthius, et retinet Edit. Parmensis. Vult exemplo clarissima: Aliter posses *rarisima* uxorum, ut Pietat. Abascaut. Nos tibi, *laudati juvenis* rarissima conjux: Et IV, 8.

*Sed queror haud faciles, juvenum rarissime, questus.*

Suspitor tamen Sidonium Apollinarem legisse hoc loco *carissima*, et hinc errorem hausisse, quasi Statius loqueretur de sua, non *Lucani* uxore: Carm. XXIII, 165.

*Quid, quos duplicibus jugata taedis  
Argentaria Polla dat poëtas?*

Et ita fere sensisse Gronovium jam intelligo, Diatr. c. XXXV. Confundit forte Sidonius Pollam hanc cum Claudia Statii uxore; cujus priorem maritum canorum vocat Noster Ad uxor. v. 52. et v. 64. loquens de filia ejus quam ex priore marito tulerat, dicit,

*Sive chelyn complexa petit, seu voce paterna  
Discendum Musis sonat:*

Hinc forte colligebat Sidonius illum *poëtam* fuisse, cum revera esset Tibicen. Nisi potius Sidonius Pollam hanc eandem intelligat quae Polla uxor Pollii, qui et ipse fuit *poëta*: vide II, 2. v. 112. quod si verum sit,

## E C L O G. I.

VER. 5. *Et verba medentia SAEVUS CONSERO*  
Quomodo *saevus*, qui humanitatis officio fungitur in consolandis amicis, qui verba *medentia* administrat? lege, *verba medentia* SAEVIS, τοῖς δεινοῖς. ita Theb. IV, 744.

*Regales tamen ore notae, nec mersus acerbis  
Extat honos.*

II, 406. *Pone modum laetis.* Sil. Italicus I, 169.

*At Poeni succensi ira, turbataque luctu  
Et saevis gens laeta, ruunt, tormenta que portant.*

Vide quae supra notavi ad Soter. Gallici v. 61. Deinde pro *Consero* plane legendum *Confero*. Laetrim. Etrusc. v. 42.

*Et ipse tuli quos nunc tibi confero questus.*

verbum funebre *confero*: vide ad III, 3. v. 134 ubi fusius ago. Hos cantus et verba *medentia* saevis, *medicabile*, carmen eleganter vocat Val. Flaccus IV, 87. Mox v. 7. pro *surdaque averteris* aure, mallet *surdas aures* vel *surdam aurem*. Ovidius Fast. I, 179.

*Ad primam vocem timidus advertimur aures.* ita emendat Heinsius, quem vide et ad Met. VI, 180. et Amor. II, 6. v. 9. Boethius tamen Lib. I. Metr. I. v. 15.

*Eheu quam surda miseros avertitur aure:* nihil igitur muto. Epigraphen hujus Eclogae edidi quemadmodum Gronovius in duobus Codicibus repe-

scil. Lucanum et Pollium eandem uxorem habuisse, omnis erroris liberatur Sidonius. Paulo ante, *super ea quae ipsi de hoc libro huic inserui, quia* etc. Ita Parmensis, non *debeo*: omisso etiam τῷ *libenter*, quod et facit Romana. mox pro *consecrarem*, Parm. *consideremus*: Rom. *considerarem*. [Venet. *carissima uxor*. EX ADD.]

lin. 28. *tanti auctoris* habere reverentiam] Phrasis usitatissima istius aevi scriptoribus. Plinius Epist. IV, 17. *Adolescens eram: et jam mihi ab illo honor, atque etiam (audeo dicere) reverentia, ut aequali*, habebatur. vide et II, 7. Seneca Consol. ad Helv. c. XIII. *Ignominia illa praeturae et consulatus fuit, quibus ex Calone honor habebatur. ita passim Suetonio. vide Calig. XXIII, et Nerou. c. IX. habere dignitatem sapientiae doctoribus Plin. Panegyrico. perhibere honorem, eodem sensu, Plinius avunculus Nat. Hist. XXXV, 17. praestare honorem alicui, Juvenalis V.*

*O nummi, vobis hunc praestat honorem,*

*Vos estis Frater:*

ita legendum; vulgo, *fratres*. Vide et Tacitum Annal. IV, 44. *Publicum accipiant, i. e. prodeant.* Seneca de Ira II, 10. *Democritum contra aiunt, nunquam sine risu in publico fuisse.*

riebat: licet Parmensis habeat *Epicedium Glauciae Melioris*; quod Statianum esse fere persuadeor. Vide quae notavi ad Eclog. VI. hujus libri [Edideram ex conjectura, *saevus confero*: et ita totidem literis Veneta. EX ADD.]

v. 9. *Orbataque velint audire leones*] Non *leones*, sed *leacnae* a poetis in hanc comparisonem adhiberi fere solitae. Val. Flaccus III, 737.

*Non aliter gemitum quondam LEA prolis ademptae  
Aegra dedit:*

ita legit Heinsius: vulgo *gemitu*, et *Terga* dedit. Noster Theb. X, 414.

*Ut LEA, quam saevo fetam pressere cubili  
Venantes Numidae, natos erecta superstat  
Mente sub incerta.*

Ovidius Fastor. V, 177.

*Dumque petit latebras fetae catulosque LEAE-  
NAE*

*Ipse fuit Libycae praeda cruenta ferae.*

Silius Italicus X, 125.

*Haud secus ac Libyca fetam tellure LEAENAM  
Venator premit obsessa quum Maurus in antro,  
etc.*

Ex his locis legendum videtur,  
*orbataque velint audire leacnae*,  
nempe *catulis* orbatae, absolute, ut ap. Val. Flac. VIII, 457. *orbatae traherent suspiria vaccae*. appositissime Ovidius Met. XIII, 547. *Utque furit calulo lactente orbata leacna*. Non tamen in contextum au-

deo admittere hanc lectionem propter ea quae annotavit Cl. Burmannus ad Val. Flacc. VI, 347. Mox v. 13. pro *latrant* Heinsius ad Ovid. Trist. II, 459. mavult *latrans*: sed non opus est. Thebaid. II, 337.

*quoties haec ora natare*

*Fletibus, et magnas latrantia pectora curas  
Admota deprendo manu?*

ubi *pectora latrant* seu *elatrant*, ut hic, *praecordia latrant*. [Pro *latrant* Ven. *lucrant*: an voluit *lacerat*? scil. *luctus*. EX ADD.]

v. 17. *Lacrimis en et mea carmina in ipso Ore natant*] Non opus est ut legamus *madent* pro *natant*: tametsi hac phrasi saepe utatur Statius: ut Thebaid. XI, 17.

*Cuncta madent lacrimis et ab omni plangitur arce.*

Silv. V, 3, v. 58.

*Ipsa madens lacrimis umbrarum animaeque sacerdos.*

ita legendum esse pro *madens oculis*, pluribus ad locum exemplis adstruam. Recte se habet *natant*: Thebaid. II, 337.

*quoties haec ora natare*

*Fletibus, et magnas latrantia pectora curas  
Admota deprendo manu?*

Thebaid. X, 298.

*stagnant nigrantia tabo*

*Gramina, sanguineisque natant tentoria rivis*: ita legendum; vulgo, *sanguineis nutant*. Thebaid. V, 255.

*Crateras pronos epulasque in caede natautes  
Cernere erat.*

Sidonius Apollinaris Carm. VII, 277.

*natat obruta tellus*

*Sanguine.*

Claudianus de IV. Cons. Honorii.

*Plaustra cruore natant.*

plora ad manum sunt; sed non opus est. Vers. 22. Recte tuetur Gerartius *plorantem* animam, contra Scalligeri et Tiliobrogae *ploratam*. praeter loca ab illo adducta, vide Theb. IX, 299. XII. 56. et ita inveni in Edit. Parm. et Rom. quae ambae pro *solennia* paulo ante, habent *solatia*: male.

v. 26. *Et nunc heu! vittis*] Totum hunc locum ita legendum et distinguendum puto:

*Et nunc heu! vittis et frontis honore soluto  
Infaustus vates, vexans mea pectora tecum  
Plango lyra. En! diri etc.*

sed vitium majus subesse secundo versui opinor; nec mihi met satisfacio. *En* vero pro *et* verissimum est. *Similis* comes, quoad luctum *similis*: ut eleganter apud Petronium

*Grandine qui segetes et totum perdidit annum  
In simili deflet tristia fata sinu.*

Pro DIRI praestat DURI ut Virgil. Aen. V, 4. DURI magno sed amore DOLORES, etc. Haec scripseram: postea nactus Edit. Parmensem et Romanam, alia rerum facies sese aperuit. Illae enim habent,

*Infaustus vates VERSO mea pectora tecum*: non VEXO. Statim vidi legendum esse:

*Infaustus vates VERSO mea pectora febo*

*Plango lyra:*

ita enim scribere solebant quod nos vulgo concipimus *Phoebo*. *Verso* *Phoebo*, i. e. *averso*: ut Epiced. in Patrem v. 12. in re simili:

*Quis sterili mea corda situ, quis APOLLINE  
VERSO*

*Frigida damnatae praeduxit nubila menti?*

uti recte emendavit Heinsius pro *merso*. Vide eum ad Ovid. Heroid. VII, 4. ubi fusius agit de hac phrasi *averso Deo*: et Broukhusium ad Tibulli III, 3. v. 28. *Audiat aversa non meus aure Deus*. Propertius IV, 1.

*Aversis Charisin cantas: AVERSUS APOLLO*

*Poscitur invita verba pigenda lyra:*

ex optima emendatione ejusdem Heinsii; qui, sat scio, conjecturam meam approbasset si in vivis fuisset.

[v. 41. *O ubi purpureo*] Multo melius si scribas

*Heu! ubi*: ut Theb. V, 613.

*Heu! ubi Siderei vultus, ubi verba ligatis*

*Imperfecta sonis?*

Et ita forte infra, v. 52. *Heu! ubi venturae spes*, etc. Ovidius Fast. III, 485.

*Heu! ubi pacta fides? ubi, quae jurare solebas?* iterum noster Theb. V, 350.

*Heu! ubi nunc furiae?*

VIII, 174.

*Heu! ubi laurigeri currus solenniaque arma?*

Silv. III, 5.

*Heu! ubi nota fides?*

ita apud Val. Flacc. IV, 469. pro

*O ubi nunc regni generisque ubi gloria,* mavult Heinsius *Heu ubi*.

v. 42. *Sidereique orbes radiataque lumina caelo*] *Agnosco radiata lumina* ex Ovidii Met. IV, 193.

*Forma, calorque tibi, radiataque lumina prosunt.* sed quo modo lumina radiantur caelo, non intelligo. An voluit *radiataque lumina* luce, vel sole? hae enim voces in MSS. cum caelo commutantur. Sed mihi minime placet exilitas ista in fine versus; nec enim Statium sapit. An denique, *radiataque lumina* *Phoebo*: quo sensu Seneca Hippol. v. 377.

*Et qui tenebant signa Phoebeae facis*

*Oculi, nihil gentile nec patrium micant.*

Et, *facies igne sidereo nitens*, v. 1265. sed nec hoc perplacet. Quicquid sit, *orbes* et *lumina* conjunguntur ut apud Lucanum II, 184. et V, 212. et Sil. Italicum IX, 401.

v. 47. *Et mixtae risu lacrimae, penitusque loquentis Hyblaeis vox mixta favis*] Bene *lacrimae mixtae* risu. Thebaid. VI, 164. eleganter,

*Ille tuos questus lacrimosusque impia risus  
Audit, et vocis decerpit murmura primae:*

Et IX, 820.

*Audit, et mixto risit Latonia fletu.*

*Udum gaudium vocat Martialis Epigr. X, 78. Petronius in Trojae Halosi:*

*Fletibus manant genae*

*Mentisque pavidae gaudium lacrimas habet.*



Claudianus de Bell. Getico:

*Singultus varios lacrimosaque gaudia miscent.*

Et alibi,

*Permisto tremuerunt gaudia fletu.*

Sed quid est quod sequitur, *Hyblaeis vox mixta favis?* lege,

*Hyblaeis vox TINCTA favis:*

Lucret. IV, 9.

*Museo CONTINGENS cuncta epore*

infra v. 22.

*Et quasi museo dulci CONTINGERE MELLE:*

Vide et VI, 971. Manilius IV, 527.

*Nec triste ingenium: sed dulci TINCTA lepore*  
*CORDA creat.*

ubi vides *corda tincta dulci lepore*, ut *vox tincta Hyblaeis favis*, ita *sales TINCTI lepore Attico*, Martial. Epig. III, 20. Ovidius Trist. II, 566.

*Nulla venenato litera MISTA joco:*

ubi pro *mista* codices habent *VINCTA* vel *JUNCTA*: ex quibus optime Heinsius *TINCTA joco*, oblita Tulliano *MELLE festiuitas*, apud Symmachum Epist. I, 25. *Sermonis MELLA politici* Claudianus de Mall. Theodoro v. 251. Pleni hac metaphora Antiqui, ex quo Homerus de Nestore dixerat,

Τοῦ καὶ ἀπὸ γλώσσης μέλιτος γλυκίων ὅέν αὐδῇ.  
*MELLEUS voculae modulato* Antigenidas tibicen, apud Apuleium Floridis. Heinsius in adversar. ad fin. Tibulli, Edit. Brockhus. legit *pasta favis* pro *mista*. Voces *mista* et *tincta* confunduntur etiam apud Ovid. Met. IV, 503.

v. 50. *HEU lactea colla*] Legendum affirmo, *UBI lactea colla*: clarum hoc ex iis quae praecedunt et sequuntur: *UBI candor suffusus purpureo sanguine? UBI* *nam ora querelis arguta? UBI lactea colla? UBI spes iuventutis?*

v. 56. *Quis tua colloquiis hilaris mulcebit amatis pectora?*] Displicet syllaba finalis is toties repetita: nec placet *vox hilaris*, inutilis prorsum et superflua. conjicio,

*Quis tua colloquiis, Melior, mulcebit amatis*

*Pectora?*

ut versu primo,

*Quod tibi praerepti, Melior, solamen alumni.*

Sed vide porro: *TUA pectora: CUJUS? Glauciae?* atqui hoc absurdum est de mortuo dicere, ergo *Melioris?* atqui *vox tibi* quae modo praecessit ad *Glauciam* pertinet, ut bene probat Gronovius. Pessime igitur et more minime suo fecit Statius, si voces *tibi* et *tua* diversis Personis assignaverit, absque ulla Transitionis nota. Et hinc maxime confirmatur suspicio nea vocem *Melior* latere sub ista *hilaris*. nec abundunt literae. pro *amatis* Parm. habet *amati*: *tua pectora amati*, ut, *nostros vidisti flentis ocellos*.

v. 58. *Accensum quis bile feret? famulisque tumentem leniet?*] Pessima sive nulla potius connexio: *Quis feret? famuli ferent?* sive iustis de causis sive inique iratum Dominum, *ferent* tamen. Dixisse debuit, *quis mitigabit*, vel quid tale; sed hoc comprehenditur in sequenti voce *leniet*. Lege igitur,

*Accensum quis bile fera, famulisque tumentem*  
*Leniet?*

natus error ex similitudine τῶν *a* et *et*, quae eodem fere modo scribuntur. *bile fera*, ut *rabie fera* Catullo carmine de Atys. v. 57. Sed, quod summum est, mutatus est hoc epitheton ex Homero II. A. 23.

ΧΟΛΟΣ δὲ μὴ Αἴπιος ἦεν,  
id est, *rabies* seu *BILIS FERA* eam occupavit. Hanc emendationem confirmat Parmensis, quae habet *ferat*.

v. 67. *Muta domus*, fateor, *desolatique penates*] Inepta et nullius sensus vox ista *falcor*. si enim *domus muta est et desolati penates*, quacro a te, Statii, quid ad rem est sive tu hoc *fatearis* sive non *fatearis?* lege,

*Muta domus pariter desolatique penates.*

ut infra Arthore Atedii, v. 31.

*Ille Deam pariter surgens hostemque protervum*  
*Vidit.*

Exempla in singulis fere paginis infra. v. 171.

*Nunc torvus pariter vestes et pectora rumpis.*

v. 64. Pro *aque ipso*, plurimas editiones inedit atque ipso: parum Latine. emendavit Bernartius. *aque* ut apud Ovid. Heroid. XXI, 180.

*Aque tua est nostra sprete parente parens?*

Et Ponticor. I, 9.

*Aque tuis toto dividor orbe rogis.*

Manilius V, 436.

*Par ex diverso studium; et sociatur utrumque*  
*In genus, aque uno digestum semine surgit.*

Ita legendum puto; vulgo *studet*; et atque uno digestum.

v. 72. *verna catastae*] Pro *verna*, quod Politiani erat, Gronovius ex Edit. Vett. et MS. Senensi elegantissime restituit *turbo catastae*: quippe mancipia venalia in catasta vel foro, dum praecentium fiebat, cogeantur *in orbem ire, currere*, nonnunquam *salutare*; ut adstantes aut emptores accuratius hoc modo specularentur corpora, illique sanitatem suam probarent. Eam circumactionem servorum pulchre *turbinem* *catastae* vocat. Vide eum eruditissime de hac re disserentem Diatr. c. XVI. Et sane Edit. Parm. et Rom. habet *turba*. Non pro nec, versu proxime sequente, eadem.

v. 90. Nec *SENIOR Peleus*] Non aliud verbum comminisci potes quod argumentationi et sententiae magis obstat quam istud *senior*. Probaturus est Statius *parentes* in amore erga natos saepe ab *alienis* et sanguine non junctis superari: ita *Peleus* a *Chirone* et *Phoenice*; quippe, inquit, *Peleus senior* filium *Achillem* non comitabatur ad bellum *Trojanum*, sed *Phoenix*. Et quid mirum si *Peleus senior* non comitabatur? immo ob hanc ipsam rationem non comitabatur quoniam erat *senior*. hoc est excusare, dum accusat. *Achilleid*. I, 438. ubi tota Graecia profectioem ad *Trojam* parat, ait Statius

*Hos inter motus pigram genuit ora quietem*

*Thessalis, et geminis incusat fata querelis,*

*Quod SENIOR Peleus, nec adhuc maturus Achilles.*

Vides ipsam hanc esse rationem quod ad bellum proficisci non potuit *Peleus*, quia erat *senior*. apposite

et quasi dedita opera locus iste Achilleidos lectionem hanc refellit. Lege vero

*Nec GENITOR Peleus natum comitatus, etc.*

Jam servatur argumentum. Peleus, *quoniam* PATER Achillis, illum non comitabatur, sed Phoenix alienus et externus. Hae vero voces GENITOR et SENIOR interdum commutantur, ut Silv. III, 3. v. 208. pro GENITOR *mitissime patrum* Codex Florent. recte habet SENIOR. vide Gronov. ad Senec. Herc. Fur. v. 32. Ita Laetius, Etrusc. v. 77. pro SENIOR Parmensis Edit. habet GENITOR.

v. 95. *Flucticagus volucrum* comibat Persea Dictys] Nota historia Perseos, quem cum matre Danae Acrisius in mare projici imperabat. Dictys vero piscator Scripsiis retibus cepit arcam in qua clausi erant, donumque retulit, et educavit Persea. Hinc vides quam parum sensui satisfacit vox *comibat*, quae nihil significat praeter *ornabat*. Atqui parum est *ornare* aliquem puerum, nisi *institutioni* vel *educationi* curam simul impendas: et hoc sensus loci postulat et comparatio. dixisse debuit

*volucrum curabat Persea Dictys:*

hoc enim totum exprimit et comprehendit. Claudianus de Cons. Mall. v. 142.

*Humanum curare genus quis terminus unquam Praescripsit?*

Idem Laud. Stilic. II, 53. apposite magis, *nec pignora curas*

*Plus tua, quam natos dederat quos ille monendos*

*Tu!andosque tibi.*

Sed mihi magis adhuc placet altera vox: ea est,

*Flucticagus volucrum* tollebat Persea Dictys:

sive de *sublatione* Perseos ex arca intelligas, seu de *educatione*; utrique enim accommodari potest; sed illi potius. Apollodorus II, 4. in hac historia: *ποσειδωνος δὲ τῆς λαρυκαίας Σειρήων, ἄλκυ; ἈΠΑΣ, ἐν-δρῆσι τοῖτον: arca vero in Seriphum delata, Dictys TOLLENS puerum educavit. Facilis vero lapsus ex tollebat in comibat: c enim et t tam similes sunt ut vix dignosci queant: duplex vero l saepe mutatur in m in MSS.*

[v. 96. *victos pietate parentes.* De *Matribus* loquitur: unde, opinor, Venet. habet *victas*. Sed non opus est. Sosipater Charisius Instit. Gram. lib. I. p. 79. *Haeres, PARENS, homo, etsi in communi sexu intelligantur, tamen masculino genere semper dicuntur.* citat deinde Virgil. Aen. III, 341. ubi Andromache de Creusa loquitur:

*Equa tamen puero est AMISSI cura PARENTIS?*

ubi tamen vide Pierium. EX ADD.]

v. 97. *Quid te post cineres, deceptaque funera matris]* De Baccho loquitur, cujus mater Semele, suasu et dolo Junonis, petiit a Jove ut venire solitus erat: qua re conflagravit, ut narrat Hyginus Fab. 179. et Mythologi passim. funera igitur *decepta* matris, sunt funera *deceptae* matris, translato epitheto, ut omnibus poetis fieri solet, et plenius notavi ad IV, 1. v. 45. Sed aliud suadet perpetua tum nostri tum aliorum

consuetudo in descriptione interitus Semeles: nempe signantius aliquid, et quod proprius et propius exprimat *causam* mortis illius; scilicet,

*deceptaque fulmina matris,*

ut Thebaid. IX, 425. de hac re,

*Detalesque rogos DECEPTAQVE FULMINA vidi:*

(ubi *decepta* fulmina sunt *decipientia*, ut apud Ovid. Heroïd. IV, 57. *decepto tauro, decipienti* vel *simulato*, de Pasiphae: et *dissimulata* deam pro *dissimulans*: arma *expressa* casus, pro *exprimentia* Val. Flacc. I, 398. et pocula *expressa* casus bellorum, similiter, II, 155. et defectus annis pro *deficiens*, passim.) Ita et Theb. II, 71.

*Et tunc forte dies noto signata Tonantis*

*Fulmine, praerupti cum te, tener Ecie, partus Transmisere patri.*

X, 888. ubi Bacchus loquitur.

*Nunc ubi saeva manus, meaque heu cunabula flammae,*

*Fulmen, io ubi fulmen? ait:*

Sidonius Apollinaris Carn. XXII, 26. de Baccho: *caput aurea rumpunt*

*Cornua, et indigenam jaculantur fulminis ignem.*

Seneca Herc. Fur. v. 456.

*Quam gravia parvus tulerit, ignoras, mala E matris utero fulmine ejectus puer?*

Anonius Cupid. Crac. v. 16.

*Fulmineos Semele decepta puerpera partus Deflet.*

Manilius III, 6.

*Falminis et flammis, partusque in matre sepultos:*

licet hoc de *gigantibus* potius intelligendum, non de Baccho, qui non *sepultus* fuit in matre, sed *pater* potius, nec in hoc tamen *sepultus*. Scaliger de Semele interpretatur; quamvis et *gigantum* mentionem faciat. Arnobius lib. I. p. 20. *Aesculapius et Liber pater, Coronide ille natus, et ex genitalibus matris alter fulmine praecipitatus.* Propertius III, 15.

*Dicam ego, maternos Aetnaeo fulmine partus.*

ex his locis, et multo plura adferre possem, vides perpetuam *fulminis* mentionem in hac historia. *funera* quidem probum est, sed non satis est. potes etiam legere *fulgura* matris, eodem sensu quo *fulmina*, (vide Bentl. ad Horat. Carm. II, 10.) et propius ad vocem *funera*. Sed praestat *fulmina* propter frequentioresem ejus in hac fabula usum: et unice ob supra citatum Thebaidos locum *DECEPTAQVE FULMINA vidi*.

v. 99. *Jam secura parens Thuscis regnabit in undis*

[*Ilia*] Vetus Editio Parmensis pro *parens* habet *patris*: et ita legi vult Heinsius ad Ovid. Met. VII, 435. Sed aliud agens, et phrasi tantum deliuit. quare enim *secura* PATRIS, seu *non metuens patrem* dicitur *Ilia*? a *patre* nihil metuere habebat, sed a *patruo* Amulio, qui eam indignis modis tractabat, et vincit in carcerem dabat: vide Livium I, 4. Si igitur quicquam mutandum esset, dici oporteret *secura* PATRUI non PATRIS. Verum est *parens*, id est *mater*: et hoc postulat sensus et argumentatio: loqui-



tur enim de *matribus* quae a nutricibus victae fuerunt pietate erga natos ipsarum:

*Quid referam altricum victas pietate PARENTES?  
Quid te, post cineres deceptaque fulmina MATRIS  
Tutius Inoo reptantem pectore, Bacche?  
Jam secura PARENS Thuscis regnabat in undis  
Ilia: portantem lassabat Romulus Accam.*

v. 101. *transertos alieno in robore ramos*] Sensus et Latinitas postulant *aliena in robora*. per se patet vers. 103. *necdum moresve decore*, sc. apparuerunt: non adhuc conjicere potuisti qualibus futurus erat moribus, quali decore. *βονυχλοyta* Statiana, ut infra v. 146. Septima lux: *et jam frigentia lumina torpent*: sc. *aderat septima lux*. Vide quae notavi ad Epithal. Stell. v. 144. Sequitur, *Tu tamen et mutas etiam tum murmure voces*. Nullus in his sensus: si enim *MUTAS*, quomodo *MURMURE*? Lege,

*Tu tamen et motas etiam tum in murmura voces,*

*vagitumque rudem, fletumque infantis amabas:* ita Edit. Parm. non *fletus*. Lucanus VIII, 682. de Pompeio:

*Dum vivunt vultus, atque os in murmura pulsant*

*Singultus animae.*

Noster Eclog. ad uxorem v. 33.

*tu procurrentia primis*

*Carmina nostra sonis, motasque in murmura voces*

*Aure rapis vigili.*

ita optime emendat Heinsius ad Claudian. in Rufin. I, 152. Plura ad istum locum dicemus.

v. 110. *Sive catenatis CURVATUS membra palae- stris*] Attende sensui: sive *CURVATUS membra staret*, seu *GRAIUS AMICTU Menandri orsa decurreret*. Quatenam hic Oppositio inter *curvatus membra* et *Gravius amictu*? et tamen requiritur. Lege,

*Sive catenatis NUDATUS membra:*

Jam vides, sive *NUDUS*, seu *Graio more AMICTUS*. Virgilius Georg. II, 531.

*Corporaque agresti NUDAT praedura palaestrae.* Aeneid. III, 281.

*Exercent patrias oleo labente palaestras*

*NUDATI socii.*

Ovidius Heroid. XVI, 149.

*More tuae gentis nitida dum NUDA palaestra*

*Ludis, et es nudis femina mista viris.*

inde *nudas palaestras* Noster Silv. III, 1. *orsa Menandri*, ut apud Ausonium Protrep. v. 46.

*Conditor Iliados et amabilis orsa Menandri*

*Evolvenda sibi.*

v. 115. *FREGISSET rosea lasciva Thalia corona*] Scio quomodo haec explicat Gronovius Observat. IV, 21. cujus verba haec sunt: „*Frangi vult crinem ex- tructum cum superimposita corona deprimitur et sic quasi destruitur*. Virgilius, *tonsa coma pressa co- rona*: ut *frangere toros* pro *deprimere*.“ Haec Vir summus. Sed alio sensu dicitur *frangere toros*, alio *frangere crinem*. ex Virgillii loco citato veram ante oculos habuit lectionem, quam haec esse autumo:

*crinemque decorum*

*PRESSISSET rosea lasciva Thalia corona.*

Noster Silv. I, 2.

*hic enthea lauro*

*Tempora, Minoa CRINEM PREMIT ille CORONA:*

Vides eadem verba, infra Silv. V, 3.

*Heu quod me mixta quercus non PRESSIT oliva!* Virgilius (praeter locum a Gronovio adductum) Aen. IV, 147.

*Ipse jugis Cynthi graditur, mollique fluentem*

*Fronde PREMIT CRINEM fingens:*

ad quae Servius: *Premittit crinem: Id est, comprehen- so crine efficit ne fluat: lege, compresso crine efficit etc.* Ovidius Fast. IV, 655.

*Bis caput intonsum fontana spargitur unda;*

*Bis sua faginea tempora fronde PREMIT:*

ita ex MSS. edidit Heinsius pro *fronde* TEGIT. Lu- canus V, 60.

*Cingere Pellaeo PRESSOS diademate CRINES.*

Seneca Hippol. v. 649.

*Quis tum ille fulsit? PRESSERANT vittae COMAM,*

*Et ora flavus tenera tingebat rubor.*

plura exempla in promptu habeo: sed haec Iussufficiunt. Mox, *casus* tarde remeantis Ulixi: alludit forte ad ista Horatii Carm. I, 6.

*Nec cursus reducis per mare Ulizei:*

adeo ut hic etiam forte scribendum sit *cursus*. Vers. 123. pro *refringere* in Parmensi est *insingere* [et Ven. Forte *infringere*. EX ADD.]

[v. 125. SED adhuc *infantia MIXTA*. Primo legen- dum ET adhuc, propter sequens, *Jam TAMEN et validi gressus*. Deinde, quid est *mixta infantia*? lege, et adhuc *infantia iuxta*, sc. erat. Thebaïd. VI, 382.

*tibi nulla supersunt*

*Gaudia; iam Thebae iuxta, et tenebrosa vorago.*

EX ADD.]

v. 128. *Cum tibi quas VESTES, quae non gesta- mina mitis*

*Festinebat herus?*] Praecedentia verba sunt, et *visae puero decrescere VESTES*. Haec pau- peries sermonis non Statiana est, sed alius enjus- piam, qui in margine libri sui hanc vocem scripserat ad explicandam aliam quae in contextu erat, et quae diffi- ciliior illi videbatur. inde in ipsum corpus poematis adscita erat haec vox notha, ejecta genuina et Sta- tiana; quae, ut mihi videtur, vix alia esse potuit quam *cinctus*: *Cum tibi* quos *cinctus*, quae non etc. *cultibus* enim et *vestes* modo praecesserunt. Admo- dum verosimile est ita hic factum fuisse; quod et in- numeris Veterum Auctorum locis accidisse norunt Eruditi. et ita haec quatuor *cinctus, vestes, cultus, et gestamina* conjunguntur Thebaïd. VI, 76. et seqq. Quas non in *nomen credula* vestes urgebat studio? ex quo loco, huic simillimo, forte retinendum est *quas vestes*, et legendum versu praecedenti, et visi *puero decrescere cinctus*. *Cum tibi* quas vestes, quae non etc. Verissimum hoc puto. Sed quid de verbo laboramus, cum *sensus* tam male affectus sit? totum locum apponamus:

*Cum tibi, quas vestes, quae non gestamina mitis*



*Festinabat herus? brevibus constringere laenis  
Pectora, et angusta telas arctare lacerna.  
Enormes non ille sinus, sed semper ad annos  
Texta legens, modo puniceo velabat amictu,  
Nunc herbas imitante sinu, nunc dulce rubenti  
Murice.*

Ita legunt omnes quotquot vidi editiones: et quasi omnia facilia essent praetereunt Interpretes. Primum igitur quaero, quodnam verbum praecedit infinitivum istud *constringere*? dicent, opinor, *festinabat*; nullum enim aliud est. herus igitur *festinabat constringere* pectora pueri brevibus laenis, nihil minus: nunquam enim hoc faceret si ullam salutis pueri curam haberet. haec enim *constrictio* in morbos pectorales puerum conficeret et auctum impediret; et hoc in *Nanis* faciebant Veteres *πλωτοκόμοις* suis, ut testatur Longinus libro *πρὸς τὴν* c. 44. Dixisse igitur debuit, *non constringebat* pectora brevibus laenis: et ita sane dixit, ut mox videbimus. Sed quid esset quod sequitur, *festinabat arctare telas angusta lacerna*? quid est *arctare telas*, aut qua notione sumendum? revera non intelligo. et si intelligerem quid esset *arctare telas*, scirem tamen ineptissimum esse *arctare telas angusta lacerna*. Si enim telae ARCTANTUR mirum in *lacerna* (seu quodcumque textitur) ANGUSTA sit: adeo ut plane abundet et superfluum sit istud *angusta*, cum prius dixeris *arctare*. Sequitur porro, *Enormes non ille sinus legens*: atqui hoc ante dixerat, cum nobis narravit herum festinasse constringere pectus pueri *brevibus laenis*. quod nam opus hoc iterum ingerere? mitto *enormes sinus*, et, *nunc herbas imitante sinu*. Vides quot difficultatibus et absurditatibus laborat locus: cujus ex parte restitutionem tibi spondeo si amoveas distinctionem post *lacerna*, et pro *sinus* legas *sinens*:

*brevibus constringere laenis  
Pectora, et angusta telas arctare lacerna  
Enormes non ille sinens, sed semper ad annos  
Texta legens, modo etc.*

hoc modo nova rerum facies nasci incipit. Et jam video legendum esse *lacerna enormi*, ut opponatur *brevibus laenis*: nec *brevibus laenis* nec *lacerna enormi*. Hoc, quasi filo, ad sensum loci deducit, qui hic est: Nec permittens *laenis* nimium *brevibus* et artis pectus constringere, nec contra *lacerna enormi* membra puerilia gravare; sed prout incrementum pueri et aetas postulabat, ita semper adaptans et *legens* vestimenta, interdum puniceo amictu, interdum viridi *sinu* vel thorace vestiebat. Haec videtur esse mens hujus loci, elegans et concinna. Viam tibi aperui: si oculatus sis, per te videbis quid faciendum sit istis *angusta telas arctare*: si non, dicentem aut irridebis, aut fidem non habebis. Tantum moneo ne legas *aptare*, quod primo intuitu forte adblandiatur. [Merito locum hunc pro corruptissimum notavi. Veneta habet *telas iactare*, pro *artare*. unde mihi confirmatur quod dudum suspicatus eram, nempe vocem *artare* huic loco irrepsisse formatam ex alia simili voce; nempe ex voce *artus*:

*brevibus constringere laenis*

*Pectora, et angustos artus iactare lacerna  
Enormi non ille sinens, sed semper ad annos  
Texta legens, modo puniceo velabat amictu.*

Vide Notas, ubi partim emendavi et explicavi. *Iactare angustos artus enormi lacerna*, est, imponendo laxas et enormes vestes angustis artubus facere ut artus maiores appareant quam revera sunt: et hoc opponitur praecedenti, *brevibus constringere laenis pectora*. Neutrum horum, inquit Statius, fecit Melior: sed semper ad annos *texta* legebat. EX ADD.]

v. 135. *non turba comes, non munera cessant*] Quaecumque haec *munera* nemo explicavit, et mirum quidem est si vox cujus significatio tam late patet, absolute et per se ponatur, cum ex circumstantiis non colligi possit quo sensu intelligi oporteat. Sed et quare *cessant* in praesenti tempore, cum et praecedentia et subsequencia in praeterito efferantur, *velabat, gaudebat, deerat*? Lege,

*non turba comes nor munera census*

*Sola verecundo deerat praetexta decori.*

nihil certius. ante oculos habuit Horatium Serm. I, 6.

*vestem, servosque sequentes*

*In magno ut populo si quis vidisset, avita*

*Ex re praebere sumtus mihi crederet illos.*

Ita et hic Glancias describitur omnes *Ingenui* notas habens, *Vestes, gemmas, servos sequentes*, et cetera *census* et patrimonii signa et *munera*, praeter *praetextam*. *munera census*, ut *munera pulveris* Horat. Carm. I, 28. *munera tumuli* Sabinus Epist. I, 20. *munere clavi* Propemp. Met. Cel. v. 124. *munera scientiae* Arnobius lib. II. p. 55. *munera lucis* Sedulius V, 55. qui multus est in hoc vocis usu. Symposius Aenig. XCV. de umbra:

*Nam Deus attribuit nobis haec munera formae*

*Quod me nemo movet nisi qui prius ipse moveatur*: ita legendum: in editione qua utor mendose est quod prius. *munera dextrae* Daedaleae, Columella X, 29. et similia ubique. Mox. v. 143. *Torvus* ad hunc *Athamas insanos flecteret arcus*. lege, *ab hoc*, ex sensu, et ut vitetur ambiguum. Editt. Parm. et Rom. adhuc. Paulo ante, *quo dira, feros gravis exeris* angues. ita Parm. et Rom. Sed verum *ungues*. Theb. VIII, 380. de Morte:

*praecipuos annis animisque cruento*

*Ungue notat:*

ita legendum. vulgo et [ibi quoque] *angue*. Tibullus I, 3. *Abstineas avidas Mors, precor, atra, manus*. Seneca Hippol. v. 465.

*Cum tam rapaces cerneret Fati manus:*

ita legendum, non *minas*.

v. 148. *Ille tamen, Parcis fragiles urgentibus annos*] Anni *fragiles* qui sint dicet Ovidius Trist. IV, 8.

*Jam subeunt anni fragiles et inertior aetas,*

*Jamque parum firmo me mihi ferre grave est*: de se *senescen*.c. Sil. Italicus XIV, 85. de Hierone: *Verum, ubi fata virum fragili soltere senecta, Primaevo cessit sceptrum exitialis nepoti.*

Ita muri *fragiles aëro* Theb. II, 70.

*fragiles aëro circumspecte muros.*

Ee 2



Nisi multum fallor scripsit Statius,

*Parcis faciles argentibus annos:*

hoc exquisitam illius elegantiam decet. Thebaid. XII, 736.

*taedel fugientibus uti*

*Thesea, nec facilem dignatur dextra cruorem.*

ita *faciles* turmas Theb. VIII, 571. quae *faciliter* et nullo labore vincuntur; eadem elegantia. Val. Flaccus I, 151.

*Haccine nos animae faciles rate nubila contra Mittuntur?*

Seneca de Benef. IV, 18. *Fac nos singulos: quid sumus? praeda animalium, ac imbecillissimus ac facillimus sanguis.* Sic *faciles* herbas Theb. IV, 787. *facilis* unda Propertio: quae *faciliter* cedit et non resistit. Quintilianus Declam. I. *illum infelicem, caecum, contumeliae opportunum, injuriae facilem.* Hae vero voces perpetuo commutantur. ita Theb. II, 661. pro *fragiles* thyrsos, MS. Petrensis habet *faciles*. Mox v. 150. pro *omnis* lege *omnes: reliquias* scilicet. hujus non monendus esses nisi Editiones plurimae quae ubique alias retinent *omnes* in quarto casu plurali, hic haberent *omnis*; quasi esset *omnis* in te, pro *totus*.

v. 159. *Quod tibi purpureo tristis ROGUS aggere crevit*] MS. Senensis et Rom. et Venet. Editt. (et Parmensis) habent *tristis* TORUS, notante Gronovio Diatr. c. XVII. et firmante hanc lectionem loco Theb. VI, 54.

*Tristibus interea ramis teneraque cupresso  
Damnatus flammae TORUS et puerile feretrum  
Texitur.*

Et v. 69.

*Ceu grande exequiis onus atque immensa ferantur  
Membra TORO.*

quibus addas licet hoc ex Pietat. Abasc. v. 214. de Priscillae funere,

*at altis*

*Ipsa TORIS Serum Tyrioque umbrata recumbit  
Tegmine.*

Ovidius Met. IX, 502.

*Jaui, hoc si nequeo, peream precor ante, TORO-  
QUE*

*Mortua componar.*

lectum vocat Persius: *tandemque beatulus alto Compositus LECTO.* Martialis VIII, 44. *Fartus papyro dum tibi TORUS crescit.* Torus hic comburebatur cum corpore: unde *damnatum flammae torum* vocat loco supra citato. Sequitur, v. 161. *Pharique* (PALAM EST VIDIQUE) *liquores.* Egregia restitutio est summi viri Joan. Seldeni Nostratis; qui Prolegom. ad Syntagma de Dis Syris p. 7. legit, *Pharique PALAESTINIQUE liquores.* Nihil verius: et ita Pietat. Abasc. v. 212.

*praereptaque templis*

*Tura, Palaestini simul Hebraeique liquores  
Arsuram lavere comam.*

Vide totum locum, huic simillimum. [v. 164. *Desertas EXOSUS opes.* Ven. et Rom. EXUTUS: forte rectius. ita Eclog. VI. hujus libri, v. 60. in re simili,

*O quam dictis censuque EXUTUS opimo  
Fortior, Urse, fores!*

verbum utrique casui inservit prout omnibus notum est. EX ADD.] Mox, v. 168. *tunc ille hilaris comisque* videris. recte Gronovius ex MS. Sen. et Editt. Rom. et Venet. restituit *comisque* videri; ut, *parrusque* videri, Sentirique *ingens*, Herc. Epitrapez. v. 37. et Theb. VI, 731. *Constitit immanis cerni, immanisque* tueri *Argolicus Capaneus*: ita enim legend. ex MS. Petrensi et ita ex alio Codice et Vet. Editt. legit Gronovius Diat. c. XVI. Res per se clara est: ideo exemplis, quae obvia sunt, non abutar. Ita etiam Parmensis.

v. 172. *Dilectosque premis visus et frigida lambis  
Oscula*] Verissima emendatio magni Beutlicii, pro *lambis* legentis *libas*. Noster Theb. X. 63.

*Lumine demisso pueri Jovis oscula libat.*

Vide eum Not. ad Horat. Serm. II, 6. ubi plura exempla. Posses etiam *frigida carpi Oscula*, ut apud Ovidium Heroid. XI, 117. de re simili:

*Non superincubui, non oscula frigida carpsi.*

Thebaid. III, 711.

*Illius humenti carpens pater oscula vultu,*

Propertius Eleg. I, 20. de Zethe et Calai:

*Oscula suspensis instabant carpere pennis:*

ita legendum; vulgo *plumis*, inepte. Sed verior est emendatio Reutleiana; et hanc in Contextum recepi. Mox, v. 178. *genitum formaque aevoque meretur.* Debetur hoc Jano Gulielmo Quaest. Plautinis. Ante fuit *formaque* ac voce *meretur*. Supra notavi literas *e* et *qu* saepe confundi, ut in *coetus* pro *questus*: ita hic voce pro *vogue*. immo simplex *q* pro *c*; ita PECUNIA pro PECUNIA, Inscriptione Vet. apud Reinesium: quam tamen scriptionem improbat Sosipater Charisius p. 83. his verbis: *Pecunia per e non per qu scribenda est, quoniam a pecore dicta: et quoniam q literam nusquam volunt poni alias nisi ut duae vocales sequantur, quarum prior sit u.* Marius Victorinus p. 2459. *Sed nec q quidem nec q Latinus sermo introduxit: ex quibus q et fuisse apud Graecos; et quare desiderat fungi vice literae c, cognoscere potestis si Pontificum libros legeritis.* ita scribendum; vulgo, *literae cognoscere*, omissa *e*. Versu proxime sequenti:

*Talis in Isthmiacos PROLATUS ab aequore portus:*

Roman. FLORATUS: Parm. DELATUS: bene. Horatius Epist. II, 2. ad finem:

*DEFERAR in vicum vendentem tus et odores.*

v. 181. *Sic et in anguiferae ludentem gramine Lerna*

*Præcisum squammis avidus bibit anguis*

*Ophellen.*] Quid narras, Papini? Ophelten occisum esse in gramine LERNAE? adeone oblitus Historiae veteris, et libri quinti tuae Thebaidos, et quarti etiam et sexti, ut confunderes Nemeam et Lernam? cum etiam pueris notum sit Ophelten perisse in silva Nemea (et inde Ludos Nemeacos in ejus honorem institutos fuisse) non in palude Lerna. Quid dicemus? festinanter et celeritate non excusanda haec scripsisti: et jam verum esse video quod dicis Epist. ad Meliorem, hanc *Consolationem a CONFUSO scriptam.*



Inspiciamus tamen quid affert. et primum condono illi *gramina Lerneae*: cum enim *paludem* pro *silva* scemmel posuisset, consequens erat ut quod pertinet ad *silvam* attribueret paludi: et sic *gramina Lerneae* PALUDIS habemus pro *gramina Nemeae* SILVAE: Hoc quidem est *Delphinium silvis appingere, fluctibus aprum*. licet forte defendi possit si dicas *gramina Lerneae* esse quae nascuntur in *ripis* Lerneae paludis; ut *pascua Lerneae* Ovid. Met. I, 597. quae circa Ieruam sunt. Quomodo vero amolieris istam sordem, *anguis* in *gramine anguiferae* Lerneae? si enim dicas *anguem* esse in loco aliquo, cum fatuus rem habeas oportet, vel ipse sis fatuus, si statim opus sit subdere oportet, vel ipse sis fatuus, si statim opus sit subdere istum locum esse *anguiferum*. Lege,

*Sic et in umbriferae ludentem gramine Lerneae.*  
Memineris tamen, quod de *Lerna* praedicat ad *Nemeam* pertinere: ea vero *umbrosa*, teste ipso Theb. IV, 825.

*Silvarum, Nemea, longe regina virentum.*  
Et Theb. V, 43. ubi Adrastus Hypsipylem alloquitur:  
*Immo age; dum primi longe damus agmina vulgi*

(Nec facilis Nemea latas evolvere vires  
Quippe oblata comis et ineluctabilis Umera.)  
*Pande nefas, laudesque tuas.*

Martialis de Spectac. XXVII.

*Non Marathon taurum, Nemeae FRONDOSA leonem,*

*Arcas Maenaliū non timuisset aprum.*

Ophelten vero in *gramine* (*apium* dicit Hyginus Fab. 74.) *Nemeae* deposuit Hypsipyle dum Argivis aquam monstrabat, teste iterum ipso contra seipsum, Theb. IV, 786.

*At puer in gremio vernaē telluris et alto*  
*Gramine, nunc faciles sternit proequisibus herbas*

*In vultum nitens etc.*

ubi habes Ophelten ludentem in *gramine Nemeae*, (ibi enim haec facta sunt) atque iterum graviter errantem et sui oblitum Statium. modo enim dixerat ingentem esse *siccitatem*, adeo ut magna flumina *Lyrcius* et *ingens Inachus* et *Erasinus* et *aequus fluctibus* marinis *Asterion* exhaurirentur et *arerent*: et paulo ante v. 702. *Aegra SOLO macies; tenerique in origine culmi Inclinata seges*. Atqui quomodo fieri potest ut in tanta *siccitate* et *calore* ALTUM GRAMEN esset, et *VERNA tellus*, quando *aegra SOLO macies*? sed hoc obiter. Recte igitur *umbriferae* id est *umbrosae*, ut *nemus umbriferum* Virgil. Aen. VI, 473. ubi notat Servius, *UMBRIFERUM umbrosum, frondosum*. *Academia umbrifera* Cic. de Divinat. I, 13. quam *silvas Academi* vocat Horatius. Idem Cicero eodem opere II, 30.

*Sub platano umbrifera fons unde emanat aquae.*  
*umbriferos lucos* Prudentius Hamartig. v. 240. Sequitur, *AVIDUS bibit anguis Ophelten*. *Avidus* anguis est, *jejunus, impastus*: ut apud Ovidium Ibide v. 287.

*Aut volut Euryali, qui sceptrum cepit ab illo,*

*Sint artus avidis anguibz esca tui.*

Sic *avidus* leo Martial. Epigr. I, 15. Atqui anguis qui Ophelten interemit, non *fame* percitus hoc facinus patravit, sed *calore* illo nimio efferatus et *furens*; etiam *ignarus* quid fecerat: ita enim Noster Theb. V, 538.

*Occidis extremae dstrictus verberare caudae,*  
*IGNARO SERPENTE, puer.*

Et ob hanc rationem non stare potest vox *bibit*, quae, opinor, idem denotare vult quod *comedit, hausit*. Falsum hoc: Apollodorus III, 6. *Δειρούσης δὲ τὴν κρήνην, ὃ πῦρ ἀπολείφθης ἐπὶ δράκοντος διαφθίγεται. τὸν μὲν οὖν δράκοντα ἐπιφανέντες οἱ μετὰ Ἀδράστου κτερόνιοι, ΤΟΝ ΔΕ ΠΑΙΔΑ ΘΑΠΤΟΥΣΙ*: interea dum Hypsipyle monstrat fontem, relictus puer a dracone occiditur: draconem vero Adrasti apparitores interimunt, AC PUERUM SEPELIUNT. Nihil hic de *esu* pueri: nec quidem fieri potuit, cum defuncti corpus sepulturae mandarent Argivi, et *exequias* fusc describat Statius Theb. VI, 54. et seqq. Hyginus quidem tradit serpentem credisse puerum, Fab. LXXIV. verba sunt: *Ille* (Hypsipyle) *timens puerum in terram deponere, apium altissimum erat ad fontem, in quo puerum deposuit: quae dum aquam eis tradit, draco fontis custos puerum exedit*. Vides ingenium et Latinitatem barbari scriptoris; addo etiam et corrupti; nam sine dubio legendum est, *draco fontis custos puerum occidit*. Vide Servium ad Virgil. Eclog. VI, 68. et totum locum hunc Statii ita lege:

*Sic et in umbriferae ludentem gramine Lerneae*  
*Praecipuum squammis rabidus tulit anguis Ophelten.*

*rabidus* anguis, optime: describitur enim ut *rabiosus* et *caloris* impatiens et *furens* a Nostro Theb. V, 505. et seqq. et v. 521. *siccique nocens FURIT igne veneni*. Voces vero *avidus* et *rabidus* in scriptis codicibus perpetuo commutantur: cuius rei multa exempla proferre possem, si vacaret. vide Lucan. VI, 487. Recte etiam tulit pro *bibit*; quarum vocum ductus in MSS. paene iidem sunt, ut in Praefat. dixi. Virgilius Eclog. V, 34.

*postquam te fata tulerunt*

*Ipsa Pales agros atque ipse reliquit Apollo.*

Et Aeneid. II, 599.

*et, ni mea cura resistat,*

*Jam flammæ tulerint, inimicus et hauserit ignis.*

Et ita alibi. Noster Silv. III, 3.

*Ifferat ignis opes haeredis, et alto*

*Aggere missuri nitido pia nubila caelo*

*Stipentur cineres.*

Theb. V, 685.

*Templa Jovis (quid enim haud licitum?) ferat impius ignis.*

Avienus Arateis v. 372.

*Castora Cecropii tulit inclementia belli:*

id est abstulit. Et jam omnia sana puto praeter in-exuperabilem istum nodum de *Lerna* pro *Nemea*. cu-



jus vide an aliqua solutio duci potest ex hac observatione. Notat Strabo Geogr. lib. VIII. p. 260. Ed. Casaub. veteres poetas Tragicos, et nominatim Euripidem in Iphigenia et Oreste, confudisse urbes ARGOS et MYCENAS, propter earum *vicinitatem*. Et hinc obiter explicari possunt aliquot loca in Thyeste Senecae, qui eos imitatus est in hac eadem re; et locus iste Lucani VII, 451. ubi patrum Senecam imitatur:

*astra Thyestae*

*Abstulit, et subitis damnavit noctibus ARGOS:* cum tamen *Mycenis* non *Argis* hoc factum esse perpetuo poetarum testimonio constat: unde *catigantes abrupto Sole MYCENAS* vocat Noster Theb. I, 325. An igitur hac libertate usus Statius (et plura ejusmodi exempla forte inveniri possent) confundit *gramina Lernae* cum *graminibus Nemeae*, cum *Lerna* et *Nemea* non longe distat essent? Dispice an ferri potest: hoc enim ultimum mihi suffingium: nec tamen tale ut Statium sub hoc protegi posse existimem. Restat ut noneam in Parmensi pro *anguiferae* legi *auguriferae*: et pro *praecisum*, *Rescisum*. [Non opus erat ut tantopere aestuarem: et verum est quod suspicabar, nempe *τὸ Lernam* positum esse pro *Nemea* propter *vicinitatem* locorum. Sic Epiced. Patr. v. 142. *germine Lernae* pro *Nemeae*, seu corona quae Ludis Nemeacis conferebatur victori. Et ita alibi factum. EX ADD.]

v. 193. *Et similes volventem pectore curas*] Proba quidem lectio: ita Lucanus I, 272.

*Utque duces varias volventem pectore curas*  
*Conspexit*, etc.

Et VIII, 621. de Pompeio:

*Seque probat moriens, atque haec in pectore*  
*volvit.*

Lucretius Lib. VI. init.

*Volvere curarum tristes in pectore fluctus.*

Ausonius Periocha Iliad. XIII.

*At non pervigilem nox irrequieta Tonantem*

*Lenit, immodicos volventem corde paratus.*

Tacitus Hist. II, 49. de Othone: *atque illum supremas jam curas animo volutantem repens tumultus avertit, nuntiata consternatione ac licentia militum*. Plura exempla in promptu habeo, nisi aliud suaderet Edit. Parmensis, quae habet *similes* tergenterem *pectore curas*: et ita invenit Heinsius in MSS. teste ipso ad Claudian. Praef. in Rufin. v. 4. ubi hanc vocem illustrat *tergenterem* curas pectore est *detergentem* et depellentem. Horatius:

*Albus ut obscuro deterget nubila caelo*

*Saepe Notus.*

Poterat, inquit Heinsius, eadem significatione dixisse *simili tergenterem pectora cura*. Verum hoc; et ita dixit Tiburt. Manlii, ad finem:

*sic omni deterens pectora nube*

*Finem Nestoreae precor egrediare senectae.*

Vide quae ibi notavi. Romana Editio pro *volventem* seu *tergenterem* habet *regenterem*. Suspicio hoc esse a Domitii interpolatione, cum alterum non bene intellexit. explicat tamen, *similitudine formae LENIEN-*

*TEM*. locum non recte cepit. Dicit Statius, Atedium de Blaesi morte *pari dolore* tunc affectum esse ac nunc de Glaucia interitu; ac solitum esse in honorem ejus et sui solatium coronare effigiem ejus floribus. hoc cum facientem saepe viderat Glaucias: unde apud interos a facie Blaesum agnovit. Gronovium in errorem induxit Domitii *regenterem*: unde proculdubio, inquit, scribendum *repetentem*, Diatr. c. XXI.

v. 198. *Inde magis sequitur; neque enim magis ille trahentem*

*Spernit*] Vox enim huic loco minime accommoda, utpote rationem reddens sine causa. lege, *neque jam magis*. Deinde, *ille trahentem spernit*. trahentem quid? utrum *Blaesum* vel *amicus* ejus? at utrumvis Rusticitatis esset intolerandae. Lege,

*Inde magis SEQUITUR; neque jam magis ille SE-  
QUENTEM*

*Spernit*: repetitione eleganti et poetis usitatissima. Virgilius Georg. III, 392.

*Pan Deus Arcadiae captam te, Luna, fefellit*  
*In nemora alta VOCANS; neque tu aspernata*  
*VOCANTEM.*

Ovidius Met. XV, 143.

*Et quoniam Deus ora MOVET, sequar ora MOVEN-  
TEM*

*J Rite Deum.*

Fastor. IV, 269.

*Ipsa peti VOLUIT: nec sit mora, mitte VOLEN-  
TEM.*

Virgilius XI, 695.

*Eludit gyro interior, SEQUITURQUE SEQUENTEM.*

Manilius I, 303.

*utraque caudam*

*Vergit in alterius rostrum, SEQUITURQUE SE-  
QUENTEM.*

Ovidius Met. VI, 234.

*Frena DABAT: DANTEM non exilabile telum*  
*CONSEQUITUR.*

Idem Amor. III, 9.

*Vive plus; moriere pius, COLE sacra; COLEN-  
TEM*

*Mors gravis a templis in cava busta tra-  
het.*

Et Art. Amat. II, 509.

*Sic MONUIT Phoebus: Phoebo parete MONENTI.*

Sed nimis sum. Probabile esse primam syllabam *se* amissam esse in praecedente le: unde pro *quentem*, supplendo versui fecerunt *trahentem*. [Pro enim Ven. eum. EX ADD.]

v. 205. *Et obtuso pallentes GERMINE flores*] *Ob-*  
*tuso* est *hebet*, minus *excitato*: ut Theb. X, 135.

*excedit gravior nigrantibus antris*

*Iris, et obtusum multo jubar excitat imbr.*

*obtusum jubar, languens et marcens. contusa* eodem sensu Claudianus de Bel. Gild.

*Et contusa vagos jaculantur sidera crines.*

Et *retuso* sole, de Cons. Prob. et Olybr. v. 21. ubi videndus Heinsius. Bene igitur et proprie haec vox hoc sensu usurpatur quando de *coloribus* aut *luc*

aut rebus *lucidis* sermo fit, ut in hoc loco. longe diversa res est si ad alia transferas. non enim potes dicere *ferrum obtusum* vel *falsè obtusa* eodem sensu quo *Sol obtusus* et *jubar obtusum*, seu *parum splendens*. Haec adnoto ut videas non recte conjungi *obtusum* *germine*, cum de *colore* hoc loco agi appareat ex voce *pallentes*. Lege,

*et obtuso pallentes LUMINE flores.*

Ansonius Cupid. Crucif. v. 8.

*Quorum per ripas nebuloso LUMINE marcent*

*Fleti olim regum et puerorum nomina flores.*

ubi flores marcent *nebuloso LUMINE*, ut hic flores pallent *obtusum LUMINE*. Plinius Epist. V, 6. *Lectus hic, et undique fenestrae, et tamen LUMEN OBSCURUM umbra premente.* Versu praecedenti, *steriles ramos*: audi Glossatorem ad Theb. II, 12. *Tum STERILES LUCI, possessaque manibus arva.* Apud inferos credibile est nihil gigni, quia illic sunt habitationes vita functorum. Et si quid gigneretur, necesse esset imaginari alios inferos, quo post mortem istud recideret. Pro porxit Parm. Carpsit: Rom. Porsit. et pro ramos Parm. campos, et multas pro mutas, et obtunso pro obtuso.

v. 205. Et alternum pueri partitur amorem] Partitur amorem cum quo? hoc enim deest. Plane legendum,

*Et alternum puero partitur amorem:*

Dividit amorem Blaesus, et partem tibi, partem puero seu Glaucia partitur. unde alternum amorem vocat. Partitur puero, ut Theb. I, 474.

*siquidem hanc perhibent post vulnera junctis*

*Esse fidem, quanta partitum extrema protervo Thesea Pirithoo.*

Lacrim. Etrusc. v. 139.

*Progeniem clarum terris partitus et astris.*

Ovidius Fastor. V, 717.

*Quod mihi das uni caelum, partire duobus.*

Sequitur, v. 210. *OBEO noctesque diesque Astraque.* Recte: ita *mori* dicitur *dies*, Silv. IV, 6. *Jam moriente die rapuit me cena benigni Findicis.* et soles *occidere* apud Catullum: et *obitus* idem quod *occasus*, eadem de causa. etiam *anima* dicitur *obire*, apud Diomedem lib. III, p. 513. *Animula miserula propterit OBII.* Cicero Arateis, de Boote:

*Quatuor hic obiens secum deducere signa Signifero solet ex orbi.*

Et ita passim. Nemo igitur legat, *ABEO noctesque diesque Astraque*: licet hoc quoque optimum sit et usitatissimum. Sed non opus est. Parmensis habet *pereunt pro obent*: quod ex margine, opinor, in Contextum irrepsit.

v. 214. *His amor exitio, furor his et SAEVA cupido.*] Lege, *CAECA cupido*. Lucretius III, 59.

*Denique avarities et honorum CAECA cupido.*

JOvidius Met. III, 620.

*Pradae tam CAECA cupido est.*

Manilius IV, 1.

*Quid tam sollicitis vitam consumimus annis Torquemurque metu CAECAQUE cupidine rerum?*

Mamertinus Grat. Act. pro Consul. c. XIII. *non paucos hujus modi furore recordes et nostra aetas tulit, qui propter CAECAM imperandi cupidinem in ferrum ruerunt.* Javentalis X, 350.

*Nos animorum*

*Impulsu et magna CAECAQUE cupidine ducti Conjugium petimus.*

Idem tamen XIV. 175.

*SAEVA cupido*

*Immodici census:*

ubi tamen praestare puto *CAECA*. Versu proxime sequente, *hos ora regentia Brumae*: id est, *ora regentis Brumae*, translato epitheto, ut passim. *ora Brumae regentis*, pro *Bruma rigens*, ut *Caesaris ora* tetigit jactura leonis, Silv. II, 5, pro *Caesarem* tetigit. unde redarguitur Domitius, qui dicit *Caesarem flesse*: quod ex hoc loco colligi non potest. Lucanus X, 144.

*caesosque Atlantide silva*

*Imposuere orbes, quales ad Caesaris ora*

*Nec capto venere Juba:*

ita legendum; vulgo, *sectosque*. Sil. Italiens IX, 130.

*Ad vos et carae properabam conjugis ora.*

Seneca Oed. Act. II. ad fin.

*Candida formosi venerabimur ora Lyaei:*

id est *Lyaeum*. Audacter Idem *ora bigae pro bigam*, Herc. Oct. v. 518.

*O decus mundi, radiate Titan,*

*Cujus ad primos Hecate vapores*

*Lassa nocturnae levat ora bigae.*

Etiam ipse Virgilius Aen. XII, 335. dicit *ora Formidinis* pro *Formido*:

*gemit ultima pulsu*

*Thraca pedum, circumque atrae Formidinis ora,*

*Iraeque, Insidiaequae, Dei comitatus, aguntur:*

ita enim scribendum et intelligendum, ex Lucretio lib. VI.

*Impendent atrae formidinis ora superne.*

*Formidinis ora* id est, *Formido*, *Irae*, et *Insidiaequae* pro *Personis* sumendae sunt; quod non intellexit Servius, ut ex obscura ejus annotatione patet. Val. Flaccus V, 388.

*Duc, precor, ad vestri, quicumque est, ora tyranni:*

id est, ad vestrum tyrannum seu regem.

v. 217. *Hos manet imbrifero pallens Autumnus hiatu*] Nemo explicat quare *Autumnus* hic dicitur pallens imbrifero HIATU: *Autumnus* enim non magis hiat quam *Ver*, quam *Aestas* vel *Hiems*. Et sciendum est, Imaginem hanc desumptam esse ex Tabula aliqua, in qua pingebatur *Autumnus* ore hiant et patulis rictibus, efflans morbus, quibus maxime obnoxia est ea anni tempestas: unde GRAVIS AUTUMNUS *Libitinae quaestus acerbae*; Horatio Epistolis, et poetis passim. Hinc intelligendus locus Thebaid. VIII, 377.

*MORS fruitur caelo; bellatoremque volando*

*Campum operit, nigroque viros invitat HIATU:*

*ore* scil. *patulo*, ut innuatur capacitas excipien'i totum genus humanum: et hoc sine dubio ex Pictura aliqua. Silius Italicus II, 548.



MORS graditur vasto pandens cava guttura ri-  
etu,

Casuroque INHANS populo.

Hinc etiam intelliguntur phrases istae *hiatus* et *fauces* Boreae vel Aquilonis. Noster Theb. VII, 35. de Mercurio descendente in terram a caelo:

Atque illum Arctoe labentem cardine portae  
Tempestas aeterna plagae, praetentaque caelo  
Aegmina nimborum, primique Aquilonis HIATUS;  
In diversa ferunt.

ubi Vetus Scholiastes Lactantius: HIATUS] Principium flatus: quia VENTI PINGUNTUR HIANTES. Arnobius lib. VI. p. 196. *Intelligimus omnes ventos aeris esse fluxum pulsus, et mundanis rationibus concitati: per vos hominum formae sunt, buccinarum animantes tortus intestinorum et domesticis flatibus. Iterum Statius Theb. I, 346.*

jam claustra rigentis

Aeoliae percussa sonant, venturaque raucos  
ORE minatur hiems.

Sidon. Apollinaris Carm. II, 48.

nam Bistonios Aquilonis HIATUS

Proxima Chalcidici sensim tuba temperat Euri.

JMartialis Epigr. VII, 37.

Cum flaret madida FAUCE DECEMBER atrox.

Hinc etiam patet cur ORA fremtum dixit Val. Flaccus I, 595. de Ventis;

regemque dedit, quem jussa vereri

Saeva cohors: immensa chalybs iterataque muris  
Saxa domant Euros. eam jam prohibere furentum

ORA nequit, rex tunc aditus et claustra refringit

Ipsae volens, placatque data fera murmur porta.

ita legendum; vulgo inconcinne, *Saeva cohors: in monte chalybs* etc. Claudianus de Rapt. Proserp. I, 237. exscribit hunc Flacci locum:

stant ardua ferro

Moenia; ferrati postes; immensaue neclit

Claustra chalybs.

unde adstruitur nostra emendatio. Sed hoc obiter. Hujusmodi allusioni referendus est iste T.ulli versus, El. I, I. v. 84.

Jam veniet tenebris Mors adoperta caput:

quem cum scripsit, sine dubio obversabatur aut oculis aut animo Tabula aliqua, in qua Mortem ad hunc modum repraesentatam viderat. Quod etiam affirmare licet de Auctore Elegiae in Mort. Drusi. v. 373. ubi de Fortuna ita loquitur:

Quaque ruit, furibunda ruit, totumque per orbem

Fulminat, et caecis caeca triumphat equis:

Elegantissime, hoc aspectu; si aliter sumas, paene absurde, et non intelligibile: quid enim *Fortunae* cum *caecis equis*? Sed alludit notae alicui Picturae ejus propositum sive titulus erat FORTUNAE TRIUMPHUS: in quo, opinor, *Dea caeca* vehabatur curru juncto *caecis equis*. Sed satis harum Amoenitatum.

[v. 218. pro *finem timet* Ven. *finem dabit*. Ex ADD.]

v. 219. *Immensis urnam quatit Aeacus umbris*] Codex MS. quem contulit N. Heinsius habuit *ulnis*, teste Burmanno ad Val. Flaccum I, 658.

Et *Thetis*, et magnis *Nereus* socer erigit *ulnis*: scil. *navem*. Recte: et ita *Parmensis*. *Immensis ulnis*, id est, *magnis brachiis* seu *manibus*. Passim in his *Silvis immensus* ponitur pro *magnus*. ita *immensae* carinae *Soter*. Gallic. v. 120. *immensus* *Auster* *Pietat*. Abasc. v. 216 *ulnis* pro *manibus* apud Ovid. Met. IX, 651. *Saepe etiam Nymphae teneris Lelegeides ulnis Tollere conantur*. QUATIT idem quod MOVET *Horatio*, *omne capax MOVET urna nomen*: et *Virgilio* *Aen. VI, Quaesitor Minos urnam MOVET*. Versu proximo pro *Ast Rom.* et *Parm. Est*.

v. 222.

*Non ille rogavit*

*Non timuit*, meruit *mori*] Non optime scripsit *Statius*, si ita scripsit; quippe pro *Historico* statim *Judex* factus est. Narrat quam prudenter in ultima illa valetudine se gessit *Glaucias*; non, inquit, *mori rogavit* nec *timuit*: recte hucusque, et ut *Narratorem* decuit. avertit subito orationem et in se recipit *Judicium* ferre *audax*, ne dicam *impium*; non *meruit*, inquit, *mori*. *Impudens Vates*! Tunc igitur *Providentiam* *Divinam* *incusare* audes! Tu quod *Diis* *placitum* est *improbare*? Sed absolvo te *impietatis*; scripsisti enim,

*Non timuit renuitte mori*.

Tria hic notat *Statius* per quae ostendat *Glauciae* prudentiam et pudentiam: non *rogavit*, non *metuit*, non *recusavit*. Non *rogavit*, utpote *Diis* permittens statueret prout iis visum est. Non *metuit*; hoc enim esset animi degeneris et parum virilis. Non *renuit* seu *recusavit*; hoc enim esset frustra contumacia, et *Divinis* *Legibus* et *Decretis* sine fructu recalcitrantis. Videtur *Statius* hoc loco exscripsisse *Senecam* *Nat. Qu. VI, 32. de eadem re, sc. morte: Nec ROGAVERIS, nec TIMUERIS, nec te velut in aliquod malum exiturum TULERIS* RETRO. vides sensum eundem et paene verba: parum distat inter *retro ferre* et *renuere*. *renuit mori* ut *renuitis confiteri* apud *Arnobium* lib. III. init. de simulacris *Gentilium*: quae intelligitis vos quoque, at *recasatis* et *renuitis* confiteri, vilissimi esse formas luti, et *fabrorum signenta puerilia*. Vide *Heinsium* ad *Ovid. Met. IX, 506*. ubi pro *timuere* scribi vult *renuere*: rectius tamen *Burmannus*, qui ibi legit *tenuere*.

v. 230. *Nec dirae comes ille ferae*] Mirus est hoc in loco *Barthius*, qui legit, *Nec trinae canis ille ferae*. Si dixisset *canis trino capite* vel *ore intellexissem*: sed *canis trinae ferae* tam monstrum est quam ipse *Cerberus*. recte se habet *vulgata lectio*, doctissime explicata a *Nic. Heinsio* ad *Sil. Italicum XIII, 845*. *Op-rae* pretium est locum adire. Supra v. 227. *ades huc emissus ab atro Limine*. *Gronovius* ad *Senec. Controv. IV, 24*. citans hunc locum habet *ab atro Carcere*: memoriae, opinor, errore. Vers. ult. pro *QUA potes*, *Parmensis* habet *QUI potes*. Recte *Val. Flaccus VIII, 273*.

*primus celebros dotalia sacra,*  
Qui potui.  
Idem est quod supra dixit, Cui soli cuncta impetrare facultas, *Glaucia*: ubi Vetus Parmensis habet *Glaucias* insontes animas: quam scripturam Heinsius ad di-

ctum Silii locum probare videtur. male: quippe vox *ades* vocandi casum omnino postulat, *Glaucia*, non *Glaucias*. [Ven. qui potes, quemadmodum edideram. EX ADD.]

## ECLOG. II.

VERS. 6. *Huc me post patrii laetum quinquen-*  
*nia Iustri*] Laudanda Statii modestia. innuit enim se victorem esse in agone Neapolitano; sed noluit plenius efferre ne jactantior videretur. *laetum*, scil. victoria: ut apud Val. Flaccum II, 108.

*Dux Lemni, puppes tenui contexere canna*  
*Ausus, et inducto cratem defendere tergo,*  
*Lacta mari tunc signa refert:*  
*lacta*, ob victoriam quam de Thracibus obtinuerat. Sed mendum huic loco subesse puto: non enim satis est dicere *cratem defendere* TERGO, nisi addas aliquid quo intelligatur *cujus animalis tergo* defenditur. Hoc vero ab antiquis fiebat *taurina pelle*. legendum igitur,

*Et inducto cratem defendere TAURO,*  
id est, *pelle taurina*. Sil. Italicus de Didone, I, 25.  
*Cingere qua secto permissum litora TAURO,*  
hoc est, *pelle taurina*: nota historia. Ipse Flaccus IV, 250. de caestibus:

*Adspice et haec crudis durata volumina TAURIS.*  
*juvencis* eodem sensu Statius Achilleid. I, 417.

*Lerna graves clipeos caesis vestire JUVENCIS:*  
Et Lucanus IV, 131. de harum puppium fabrica:  
*Primum cana salix madefacto vimine parvam*  
*Texitur in puppim, caesoque inducta JUVENCO*  
*Vectoris patiens tumidum superenatat annem.*  
EX quo loco sua hausit Val. Flaccus, ut notatum ab aliis: et hinc stabilitur nostra emendatio. Plene Ovidius Fast. IV, 342.

*Et feriunt molles TAUREA TERGA manus.*  
v. 7. *Cum stadio jam PIGRA quies*] Pessime hic inseritur VOX PIGRA: quare enim *pigra* potissimum, cum *placida* vel *laeta* vel quodvis aliud epitheton melius conveniret? PIGRA quies in malam fere partem sumitur. infra Arbore Atedii:

*Cui nec PIGRA quies, nec iniqua potentia, nec*  
*spes*  
*Improba.*

supra Cal. Decembr. v. 91.  
*Fugit PIGRA Quies inersque Somnus*  
*Haec cernens alias adivit urbes.*

Achilleid. I, 438.  
*Hos inter motus PIGRAM gemit ora quietem*  
*Thessalis.*

Apuleius Miles. XI. *Confestimque discussa PIGRA*  
*quiete, alacer exurgo.* quare igitur *pigra* de stadio? vel denique quodnam opus ullo epitheto, cum satis fuisset dixisse, *cum stadio jam quies* esset? lege,  
*Cum stadio jam PARTA quies.*

Virgilius Aeneid. III, 495.

Vobis PARTA quies; *nullum maris aequor aran-*  
*dum.*  
Et VII, 598.

*tam diro foederis ictu*  
PARTA quies.  
Et 505.

PARTA quies miseris in quorum pectora somno  
*Dat vires fortuna minor.*  
Quintilianus Instit. I, 1. *Post IMPETRATAM studiis*  
*meis quietem.* Claudianus de Cons. Mall. Theod. v. 61.  
*Postquam PARTA quies, et summum nacta cacu-*  
*men*

*Jam secura petit privatam gloria portum.*  
Germanicus Arateis:

*Si non PARTA quies, te praeside, puppibus ae-*  
*quor*

*Cultorique daret terras.*  
Virgilius VII, 598.

*Nam mihi PARTA quies, omnisque in limine por-*  
*tus.*

*Funere felici spoliis:*  
ubi obiter moneo ineptissimum istud et sine sensu hemistichon, *omnisque in limine portus*, mihi corruptissimum videri. Servius tamen, suo more, interpretatur, quasi intellexisset: *Securitas omnis*, inquit, *in portu est*. Secundum hunc igitur *portus est securitas*, et *limen est portus*. quid facias huic interpreti, aut quo nodo teneas? Alibi de hoc loco dicam.

v. 15. *montique intervenit UNUM*  
*Litus*] Ita plurimae Editiones. Gronovius Diatr. c. XV. frigiditate epitheti UNUM offensus, primo legebat UNUM Litus, pro UNUM: quam sententiam postea mutavit; et affirmat Statium scripsisse IMUM Litus; praesertim cum ita habeat etiam MS. Senensis. Sed mihi nequaquam persuadet: licet hoc quoque ingerat Elench. Antidiatr. c. III. Adhuc enim dico epitheton *imum* frigidum esse et otiosum. quippe si aliquid est *imum* litus, quaero quid sit *sumum* litus? ad hoc ille respondet, „*sumum* litus sunt scopuli pendentes.“ Hoc igitur si verum sit, jam sensus secundum Gronovium hic est: *inferior pars* litoris intervenit monti; *superior pars* litoris (i. e. *scopuli*) impendunt litori. Hinc necessario sequitur, ut aut duo litora fingenda sint, aut ut idem litus impendeat sibi ipsi. quorum utrumvis primo intuitu absurdum est. Iterum dico istud *imum* otiosum esse: non enim verendum erat ne quis putaret *sumum* litus intervenire esse monti: hoc enim esset montem intervenire



seu intrare et subire *sibi ipsi*, seu *monti*. Voluit Statius dicere *litus* simpliciter (sine distinctione minime necessaria *summi et imi*) *subire montem*. Noluisset vero hanc vocem *litus* epitheto nudam relinquere: scripsit,

*montique intervenit UDUM*

*Litus:*

Et hoc non inelegans est et pene necessarium: affectat enim antitheton, opponendo *montem* et *litus udum*; et recte addit *udum*, ut ostendat spatium istud quod fluctus maris interdum occupant: cum vox *litus* aliquando significet solum quod *vicinum mari* est, non tantum quod a fluctibus alluitur: vide Virgil. Aen. IV, 212. et Servium, et Horatium Carm. III, 4. ARENTES arenas LITORIS Assyrii: cum tamen Assyria non sit regio *maritima*. vide Bentleium ad locum. Virgil. Aen. III, 135.

*Jamque fere sicco subductae litore naves.*  
Bene igitur *litus UDUM*: et hoc perpetuum est litoris *marini* epitheton. Noster Silv. III, 1.

*Forte diem Triviae dum litore ducimus UDO.*  
Ovidius Met. VIII, 175.

*comitemque suam crudelis in UDO*

*Litore deseruit:*  
ita ex Codice Leidensi restituit Heinsius pro ILLO *Litore*. Horatius Carm. I, 32.

*sive jactatam religarat UDO*  
*Litore navim.*

Nemesianus Eclog. II, 21.

*Et quae marmoreo pede Naïdes UDA secantes*  
*Litora, purpureos alitis per gramina flores.*  
Prudentius Praefat. lib. I, contra Symmachum, v. 13.

*Exponitque solo litoris AVIDI*  
*Contractos pluvio frigore remiges.*

Passim exempla invenies. Haec vero voces UNUS et UDUS saepe invicem commutantur. ita via Domit. v. 27. pro *axe vectus UNO*, Heinsius restituit UDO: et UDO *frigore* pro UNO Ovid. Ponticor. II, 9. Vide eum ad Val. Flaccum VII, 229. sic *Pleias UDA* Ovidio restitutum vult Bentleius ad Horat. Carm. I, 10. ubi vulgo legitur UNA.

v. 16. *Et in terras scopulis pendentibus exit.*  
Gronovius, loco citato, ait hanc esse verissimam Statii scripturam. Et ferri forte potest: suspicionem tamen mendii incutit versus abhinc secundus, et E TERRIS occurrit dulcis amaro Nympha mari. Et sensus aliud quid postulare videtur. vix enim dici potuit *litus exire in terras*, cum inter terras et *litus scopuli* intermedii essent; distinguit enim Statius *litus a terris*; per istud *udum* solum, per has, *siccum* intelligens. Voluit poeta dicere *litus intervenire monti, et LONGIUS exire, scopulis impendentibus*. Scripsit, credo,

*Et ULTERIUS, scopulis pendentibus, exit:*  
*longius excurrere diceret*. Cicero, ut de Orat. III, 49. Seneca Nat. Quaest. III, 28. *Deinde ubi LITUS bis terque PROLATUM est, et pelagus in alieno constitit*. Optime explicat Festus Avienus Descr. Orb. v. 683.

*Laeta dehinc Aradus Phoenicum praejacet oram:*

*Multus ubi excae sinus est telluris ab lit,*  
*Ac latus omne soli procul in dispendia cedit*  
*Litoris, et curvo praeclambitur ora fluente.*

Ita *litora in portum recedentia*, Seneca Consol. ad Marciam, c. XVIII. quando nempe aestus et aquae marinae longius evchuntur, et recedunt terrae. Parum vero differentiae inter scripturam *roû ulterius et interras*. EXIT *litus*, ut Theb. VI. 256.

*hispida circum*

*Stant juga, et objectus geminis umbonibus agger*  
*Campum EXIRE vetat.*

*Scopulis pendentibus* est ex Virgilio Aen. I, 170.  
*Frante sub adversa scopulis pendentibus antrum.*  
Parmensis habet in terris.

v. 19. *udaque crines*

Cymodoce] Haec est praeclara illa Concionatrix Virgiliana, *fandi* doctissima, ut Ille ait Aeneid. X, 225. ubi loquitur de Nymphis quae e navibus factae fuerant:

*Quarum, quae FANDI doctissima Cymodocea*  
*Pone sequens dextra puppim tenet, ipsaque*  
*dorso*

*Eminet, ac laeva tacitis subremigat undis.*

Sed pace tua, magna Dea Cymodoce, et nisi molestus sim, libenter a te quaerem (ita tamen ut ne Mariam tuam Eloquentiam in me acuum) quid tibi cum FANDO? an ut in Concionibus *Squammeis* domineris, et piscibus silentium indicas, phocarum Cymbalum? Sed serio: scripsit Virgilius,

*Quarum, quae NANDI doctissima Cymodocea.*

Jam vides quare *dextra puppim tenet et dorso eminet, et laeva undis subremigat*: scilicet PERITIA NATANTIS ostenditur, ut ait Servius. unde patet, illum quoque ita legisse. Suaviter in hanc rem Sil. Italicus III, 410.

*Non aliter, quoties perlabitur aequora curru*  
*Extremamque petit, Phoebea cubilia, Tethyn*  
*Frenatis Neptunus equis, fluit omnis ab antris*  
*Nereïdum chorus; et, spreto certamine NANDI,*  
*Candida perspicuo connectunt brachia ponto:*

Ita legendum puto; vulgo, sueto: quod absurdum est: si enim *certant nando* quomodo dici possunt *connectere brachia*? talis enim *Connexio* omne certamen nandi tollit. *spreto* igitur certamine, *omisso, posthabito*.

v. 26. *Mira QUIES pelagi] Quies pelagi*, et quae sequuntur, *ponunt hic lassa furorem Aequora*, idem sunt. magis poeticum facies, si mecum legas,

*Mira FIDES pelagi:*

ita Silv. III, 1.

*laesque FIDES reditura sereni:*

Virgilius Aeneid. III, 69.

*Inde ubi prima FIDES pelago:*

Claudianus de Bel. Gildon. v. 499.

*Certa FIDES caeli, sed major Honorius auctor.*  
Petronius Arbiter Satyrico: *Substiti ergo tristis, coepique uventibus oculis maris FIDEM inspicere*. Non quin probum sit *quies pelagi*, suo loco. Lucanus V, 442.

*Saeva QUIES pelagi, maestoque ignava profundo  
Stagna jacentis aquae.*

Praestaret tamen hoc Statii loco *fides*, si Codex aliquis addiceret. Ita commutantur hae voces Theb. V, 320. *ut falsi criminis astu Parta FIDES*: ubi MS. Petrensis habet QUIES. Mox v. 30. *arces sunt scopuli, juga*, ut apud Val. Flaccum III, 565.

*Jam pater umbrosis Tirynthius arcibus ornos  
Depulerat:*

ubi vide Interpretes.

v. 45. *haec domus ortus*

ASPICIT, et *Phoebi tenerum jubar.*] Legendum, *ortus* PROSPICIT et *Phoebi* etc. haec pars domus *prospectum* habet versus Orientem; illa, versus Occidentem. Alia res est *adspicere*; nempe, aliquid *juxta* videre. Ovidius Met. II, 188. de Phaethonte:

*Et modo, quos illi futo contingere non est,  
PROSPICIT occasus.*

Sidon. Apollinaris Epist. II, 10.

*Aedes celsa nitet, nec in sinistrum  
Aut dextrum trahitur, sed arce frontis  
ORTUM PROSPICIT acquinoctialem.*

Plinius Epist. II, 17. in descriptione Laurentiui sui: *Undique valcae aut fenestras non minores valcis habet: atque ita a lateribus et a fronte quasi tria maria PROSPECTAT.* Paulo infra: *praeterea cenatio quae latissimum mare, longissimum litus, amoenissimas villas PROSPICIT.* Claudianus in pr. Cons. Stilic. lib. II, 255.

*Prospicerem dubiis venturum Saxona ventis.*

ita bene edidit Heinsius pro *Aspicerem*. Vide enim. Non male etiam legas *ortus* ACCIPIT et *Phoebi* etc. ex loco ejusdem epistolae Pliniana: *Hujus a laeva retractus paulo cubiculum est amplum; deinde aliud minus, quod altera fenestra ADMITTIT Orientem, Occidentem altera retinet.* Qui locus huic Statiano similissimus est. Sed mihi magis placet *Prospicit*; quae vox in MS. ita scribitur *pspicit*: unde, omnia prima litera, utpote initio versus, ex *spicit* fecerunt *Aspicit*. Pariter commutantur hae voces apud Ovid. Fast. IV, 290. Vide Cl. Burmann. ad Ovid. Heroid. V, 163. ubi probat *tò prospicere* esse *ex alto videre*. Hinc emendare potes Tibullum Eleg. III, 4. v. 21.

*Tandem quum summo Phoebus prospexit ab ortu  
Pressit languentis lumina sera sopor.*

Intelligit ortum solis. Sed quid est *summus ortus*? si enim dicas idem esse quod *primus ortus*, falsum continet: Sol enim non *prospicit* primo ortu, nec antequam in altitudinem aliquam euectus sit. Lege,

*Tandem quum summo Phoebus prospexit ab Oeta.* Hospes es in Antiquorum lectione si nescis Veteres credidisse aut finxisse Solem a monte *Oeta* oriri. *Summo Oeta* ut *auratus Oeta* Virgil. Culice, *gelidus Oeta*, Idem Ciri. Vide Heins. ad Ovid. Met. IX, 165. et Burman. ad Met. V, 352. Seneca Herc. Fur. v. 133. *Titan* SUMMO prospicit OETA: ita enim Codex optimus Moguntinus, teste Heinsio ad Ovidium et Claudianum: non *summam Oetam*. haec est ipsa res quam probare volui. Lucanus X, 434. *Lucifer a Casia* prospexit *rupe*. Mons enim *Casius* pariter ac *Oeta*,

ob hoc notabilis. Sequentia, *exactamque negat dimittere lucem* etc. mutuatur Claudianus Laud. Sere-nae, v. 52. de Hispania loquens:

*Tu fessos, exacta luce, jugales*

*Proluis.*

Vers. 52. pro *hic victa* Parm. et Rom. HIS: forte recte. Vers. 51. pro *HAEC lustra*, eadem, ET *lustra*. opinor, AT *lustra fuerunt Quae nunc tecta subis.*

v. 60. *et chelys nna*

*Thebais*] Otiosa videtur vox UNA. mallet, et *chelys* ILLA *Thebais*. *Chelys* ILLA, emphatice et *δευ- τερως*. Paulinus Natali IX.

*inter opes inopes, quasi Tantalus ille,*

*Inter aquas sitiunt, nec habent quod habere vi- dentur.*

Ita passim apud omnes. Contra, Lucano IV, 4. ubi vulgo legitur

*Jure pari rector castris Afranius ILLIS*

*Ac Petreius erat,*

scribendum est UNIS; approbante summo Bentleio: et pro *erat* malim *erant*: vide quae notavi ad Epithal. Stell. v. 227. [Pro *Methymnaei* Ven. *Mytilinei*: de qua scriptura vide Vossium ad Melae II, 7. p. 201. EX ADD.] Mox, v. 65. *adhuc vacua Pisa* etc. i. e. *nondum posito simulacro Jovis Olympii ad Pisam*, ut bene Domitius. [Sed tamen corruptus est locus, et valde suspicor sub vocibus *adhuc vacua latere o-lympiaca*, id est, *Olympiaca*:

*Si quid Olympiaca famae admirabile Pisa*

*Phidiacae rasere manus:*

pro *adhuc vacua tamen*. *Pisa Olympiaca*, propter certamen Olympium: vide Apuleium initio Florid. II. *Famae admirabile*, ut *famae obscura* Epiced. Patr. v. 109. ubi vide quae notavi. EX ADD.]

v. 70. *Quos tibi cura sequi, quos toto pectore sentis*

*Expers* CURARUM] Hospes est in poetarum lectione qui non sentit quam insuavis sit haec repetitio *cura* et *curarum* in eadem sententia, et diversa significatione. Absque dubio scripsit Statius, *Expers* TURBARUM. infra Arbore Atedii v. 68.

*Incorrupte fidem nullosque experte tumultus.*

*Turbarum* est τὸν ταραχῶν: ut Silv. III. 5.

*Aut intrat sensus clamosi turba theatri.*

*turbellas* dare Plautus Pseudol. I, 1. Sil. Italicus XII, 501.

*Non ita me experti Fabius Fabique magister  
TURBARUM EXPERTEM.*

Ausonius Villula v. 29.

*Haec mihi nec procul urbe sita est, nec prorsus ad urbem;*

*Nec patiar turbas, utque bonis potiar.*

Et Epist. XXIII, 90. Horatium imitatus,

*Me juga Burdigalae, trino me flumina coetu*

*Secernunt turbis popularibus.*

Tacitus Annal. I, nullis novis causis, nisi quod mutatus princeps licentiam turbarum et ex civili bello spem praemiorum ostendebat. Similiter commutantur hae voces apud Ovidium Art. Amand. III, 417. Infra v. 75. servit sua terra fenestris. Plinius Epist. V, 6. piscinam quae fenestris servit ac subjacet. Quem



locum Gevartius, sed depravatissime, adducit, Papin. Lect. II, 9. Seneca Herc. Oct. 776. *Phryxum mare scandit Caphareus*: servit hoc Austro latus.

v. 77. *Armiger hac magni patet Hectoris*] Lege HINC ut respondeat *q̄p̄* INDE. *Hinc* patet Misenum, inde Nesis. Pro *Euploea* Parm. *Euboia*. et *novalia* pro *Megalia*, et mox, *tuum limen*, pro *tuus Limon*.

[v. 80. *Quaeque ferit curvos exerta Megalia fluctus*] Corruptus locus. Dixisse debuit *Megalia feriri* a fluctibus, non *ipsam* ferire fluctus. Veneta habet: *Quaeque serit curvos exerta Magalia fluctus*.

Forte:

*Quaeque premit curvos exserta Megalia fluctus.*  
Rutilius Itiner. I, 315.

*Tenditur in medias mons Argentarius undas*  
*Ancipitique iugo caerulea rura premit.*

EX ADD.]

v. 81. *Angitur ET domino contra recubante proculque*] Iterum lege HINC: INDE *Euploea*, HINC *Limon*. Sed quid hoc, *Limon angitur spectatque Surrentina praetoria*? quanam haec connexio? Saltem debuit scripsisse, *Limon spectans Surrentina praetoria angitur*; hoc sensus postulat. Lege,

*Angitur HINC domino contra recubante procul*  
*QUI*

*Surrentina tuus spectat praetoria Limon*: per se patet emendatio. *QUI spectat*, ut mox, *quae ingerit*. Exempla huiusmodi terminationis versus petas ex Bentlejo ad Horat. Serm. I, 4. v. 110. ubi pro UTQUE legit UT QUI.

v. 83. *Una tamen cunctis procul eminet una diaetis*] Eleganter quidem repetitur vox quando cum indignatione vel graviore aliquo animi motu quidquam profertur: ut apud Val. Flaccum VIII, 44.

*Quinquaginta Asiam (pudet heu!) penetravit Iason*

*Exulibus? meque ante alios sic spreverit una,*  
*Una ratis, spoliū ut vivo de rege reportet?*  
Et nostrum Theb. II, 620. Sed hoc in loco nullo maiore animi affectu opus est utpote in simplici narratione. Praeterea, Latinitas postulat *eminet ante cunctas* non *cunctis eminet*, quod nemo unquam dixit. Thebaid. VII, 690.

EMINET ANTE ALIOS jam formidantibus arva  
*Amphiaras equis.*

Lege igitur,

*Ante tamen cunctas procul eminet una diaetas*  
*Quae tibi etc.*

nihil verius. *procul eminet*, ut Theb. IV, 221.

*procul ipse gravi metuendus in hasta!*

*Eminet.*

Virgilius Aen. III, 321.

*O felix una ante alias Priameia virgo;*

Iterat hoc hemistichon Theb. VI, 431.

*Ante tamen cunctos sequitur, longeque secundus*  
*Amphiaras agit.*

Silv. III, 2.

*Tu tamen ante omnes diva cum matre Palaemon,*  
*Annue.*

Vers. 85. pro *deseeta* Edit. Parm. et Rom. habent de-

*lecta*: et pro QUOT *Eoae* et QUOT *moesta* Rom. habet quod: recte. ita mox, v. 91. QUOD *viret* id est quaequid, quantum. Cal. Dec. QUOD *ramis pia germinat Damascus*.

v. 93. *Et gaudens fluctus spectare Carystos*] *Carystos* hoc loco ponitur pro *marmore Carystio*: vide quae notavi ad Baln. Etrusc. v. 34. Sed quomodo *Carystium marmor gaudet spectare fluctus*? quis in his sensus? Diu est quod conieci legendum esse, *et gaudens fluctus aequare Carystos*. *subnigrum* enim marmor *Carystium*. Vide supra citatum locum Baln. Etrusc. Et ita hunc locum legit Salmasius ad Capitollinum p. 129. *gaudens aequare* est *aequans*, ut fusiis notavi ad Tiburtin. Vopisc. v. 56. *aequans fluctus sc. marinos*, ut *aequus fluctibus Asterion*, Theb. IV, 714. Virgilius X, 248.

*Ocior et jaculo et ventos aequante sagitta.*

ventos aequante, sc. *celeritate*. Potes tamen melius legere, *fluctu certare*: et ita ibidem legit idem Salmasius: ut Silv. IV, 2.

*et glauca certantia Doride saxa*, de hoc marmore. Utrumvis prohum est, et utriusque exempla obvia. Mihi tamen magis placet *fluctu certare* quam *fluctus aequare*, quia minor est mutatio in illa quam in hac scriptura. Theb. II, 216.

*vivis certantia vultibus aera.*

Silv. IV. 6.

*Vinaque centenis aëro certantia fastis:*

ita legendum esse, non *perpetuis*, ad locum probabo. Sil. Italicus XVII. 323.

*vidi*, certantia caelo

*Cum juga calceatis, summas volitare per Alpes.* Exempla ubique. Vers. 95. *Graia arva*: ita recte restituit Gevartius pro *grata*. Neapolim *Gracae* esse originis omnibus notum: vide Strabonem lib. V. p. 170. ubi narrat etiam ad sua tempora durasse plurima Graecorum institutorum vestigia: unde *Graiam Parthenopen* vocat Sil. Italicus VIII, 534. Pari modo depravatum puto Virgilium Culice v. 65.

*nec pocula gratum*

*Alconis referent, Boetique toreuma:*

Jubi legendum puto *Graium toreuma*: et referunt, ut paulo ante tangit et manet. Sequitur apud Statium, *nec invidiant quae te genuere DICARCHI Moenia*. Puteolos intelligit, qui olim dicti erant *Dicaearchia*, Graecis *Δικαρχία* et *Δικαρχία*. Festus: *Dicaearchia vocabatur quae nunc Puteoli*; quod ea civitas quondam iustissime regebatur. Statius, more poetarum in propriis nominibus locorum, elidit diphthongum *ae*, quasi esset *Dicarchia*. Unde vero *DICARCHI*? hoc enim omni analogiae repugnat: nisi probari posset a *Dicarcho* aliquo hanc urbem nomen sumsisse: vel nisi haec urbs vocaretur *Dicarchium*; quo pacto *Dicarchi* poni posset pro *Dicarchii*, ut Virgilius dixit urbem *Patavi* pro *Patavii*. Minime dubito quin Statius scripserit *DICARCHIAE moenia*, elisis duabus diphthongis, quasi esset *Dicarcha*, *Δικαρχα* vel *Δικαρχη*, non *Δικαρχία*. Petronius vocat *Dicarchida*, eadem elisione:

*Parthenopen inter magnaeque Dicarchidos arva,*

non *Dicaearchidos*. notum est quantum in his rebus sibi permittant poëtae; et plenius de hoc agam ad Viam Domitianam. Lucilius apud Festum Voce *Minor Delos*:

*Inde DICAERCHUM populos, Delumque minorem; ubi plane vides Dicaearchum pro Dicaearchorum, a voce primaria Dicaearcha, hoc est, more Statiano, Dicarcha. Vers. 100. Saepe per autumnum etc. imitatur seu exscribit potius hunc locum Ausonius Mosell. v. 175.*

v. 105. NUDAMQUE per undas

*Dorida montani cupierunt prendere Panes*] Si proprius spectes suborietur mendi suspicio: vox enim NUDAM superflua videtur, cum nemo in animum inducere possit ut credat VESTIBUS indutam Dorida per undas ludibundam. Videamus quomodo hunc locum expressit Ausonius Mosella v. 182.

*Tunc insultantes sua per freta ludere Nymphas*

*Et Satyros mersare vadis, rudibusque natandi*  
Per medias exire manus, dum lubrica falsi  
Membra petunt, liquidosque foveant pro corpore fluctus.

nihil hic de nuditate Nympharum; nec enim opus fuit, utpote quae ex ipsa re intelligi potuit. sine dubio Ausonius legit et Statius scripsit,

UDAMQUE per undas

*Dorida montani cupierunt prendere Panes: udam, id est, lubricam: unde Ausonii ista, per medias exire manus, et, lubrica membra. Lubrica Nais Silv. I, 3. v. 62. Claudianus de Nupt. Honor. et Mar. v. 136.*

*Pelagi sub fluctibus ibat*

*Carpethii Triton, oblectantemque petebat*  
*Cymothoen: timet illa ferum, seseque sequenti*  
*Surripit, et duris elabitur UDA lacertis.*

Huic Statii loco nihil magis accommodum esse potuit. Ovidius Heroid. XV, 161.

*Hic ego cum lassos posuisssem fletibus artus*

*Constitit ante oculos Naïas UDA meos.*

Claudianus de Rapt. Proserp. III, 16.

*liquidis incumbunt patribus UDAE*

*Naïdes, et taciti mirantur sidera Fauni.*

Calpurnius Ecl. II, 14.

*Adfuerunt sicco Dryades pede, Naïdes UDO.*

v. 107. Dominis ambobus] Culpat Gevartius Domitium qui per ista dominis ambobus intelligit Pollium et Julium quandam Menecraten: ipse culpandus, qui Herculem et Neptunum inducit. Nonne enim absurdus est Statius si precetur ut domini ambo, Hercules et Neptunus, Dii immortales, vivant in annos Tithoni et Nestoris? sic enim intelligendus locus: unde etiam patet per ambos dominos designari Pollium et Pollam. absterruit, opinor, Gevartium vox Domini de mare et Femina, sive Uxore et Viro. Ne metuat; adeat modo Claudianum de Rapt. Pros. II, 314.

DOMINIS intrantibus ingens

*Assurgit Phlegethon:*

id est, Plutone et Proserpina. Noster Theb. IV, 528.

*In speculis Mors atra tedet, DOMINISQUE silentes*

Adnumerat populos:

id est Plutoni et Proserpinae Servius. ad Virgilii Eclog. III, 34. ALTER ET HAEDOS] male quidam primum accipiunt: ALTER enim de duobus dicimus, non de tribus: unde ALTER de noverca intelligamus. Nec nos moveat quod ALTER dixit de femina; nam et in subauditione ponuntur ea quae non possumus dicere, et scimus: (l. sentimus:) quia, quoties huic duo genera junguntur, Masculinum praeponderat Feminino. Ovidius Metam. VIII, 700.

*Ille vetus DOMINIS etiam casa parva duobus*

*Vertitur in templum:*

i. e. Baucidi et Philémoni. Seneca Herc. Fur. v. 801.

*extimuit sedens*

UTERQUE solio DOMINUS, et duci jubet.

de Plutone et Proserpina.

v. 111. Blanda Therapnaei placeant vineta Galesi] Therapnaei Galesi, id est, Lacedaemonii: quo epitheto hunc fluvium donat Martialis Epigr. II, 43.

*Te Lacedaemonio velat toga lota Galeso:*

Et Noster Silv. III, v. 93. Recte igitur Therapnaei GALESI: et ita habent omnes quotquot vidi Editiones, praeter unicum Parmensem, quae exhibet vineta TARENTI. Sensus idem est in utroque. Et fieri potest ut vox TARENTI Glossa sit seu Explicatio Marginalis TOÛ GALESI, in Contextum postea admissa: multum tamen vetustissimae Editioni deferendum est, nisi aliud suadeant Codd. MSS. De Therapnaeo vero (ita enim scribendum, non Theramnaeo, monuit Berkeilius ad Stephanum) seu Lacedaemonio Tarento, vide Justinum lib. III. Strabonem VI. p. 192. Servium ad Virgil. Georg. IV. 126. Horat. Carm. III, 5. et alios. Pro istis eadem Parmensis isti. Mox, v. 118. pro RABIDI status Parm. et Rom. RAPIDI. Utrumvis probum suo loco: sed hoc loco melius rabidi. ita rabiosa murmura Anieni attribuit Tiburtin. Manl. v. 21. Lucanus X, 211. RABIDOS qua Sirius ignes Exerit. ubi etiam nonnullae editiones RAPIDOS. Hae voces semper commutantur in MSS. Vide Heinsum ad Claudian. Fescen. in Nupt. Honor. et Mar. v. 83. Rabidi tacete Cori: ita enim legit ex Codd. pro Rapidi. Sil. Italicus XIV, 131.

*Sternuntur passim; pedibusque evadere letum*  
*Eripuit rabidus Mavors:*

ita legendum puto; vulgo minus concinne, Eripuit rapidus. Avienus Arat. Phaenom. v. 675.

*Exitumque sali rabidique pericula ponti*  
*Anteceni.*

[v. 118. maria ipsa VETANTUR Obstrepere] Non male legas VERENTUR Obstrepere: quod majorem reverentiam monstrat cum timore junctam: sic Theb. VIII, 291.

*Sumere tunc arcus, ipsumque onerare VERETUR*  
*Patris equum.*

EX ADD.]

[v. 121. Vire Midae gazis et Lydo DITIOR auro] Forte legendum DIGNIOR: ut Tiburtin. Manl. v. 105. DIGNIOR



Midae, Croesique opibus, et Perside gaze: ubi eadem omnia vides. EX ADD.]

v. 122. *Troica et Euphrate supra diademata felix*] Ita plurimae Editiones; unde Gronovius Diatr. C. XX. minima mutatione legit EUPHRATAEA SUPRA diademata. Bene quidem; sed contra morem Statii. Ille enim primam in *supra* semel tantum, opinor, corripit, Theb. IX, 114.

*corpus servans, circumque supraque*

*Vertitur:*

Et hoc ex imitatione Virgilii Aen. VII, 32. magis quam iudicio suo. unde in Tiburtin. Manlii v. 20.

*Ipsae Amnis (miranda fides) infraque superque Saxeus,*

cum obvium esset et pene necessarium ut diceret *infraque supraque*, vitavit, et pro eo substituit *superque*. Legendum,

*Troica et Euphrateae super diademata felix:*

quo pacto vitatur etiam imbecillitas tot vocum in A exeuntium; *Euphrataea supra diademata*. Sensus idem est. *Super* pro *ultra*, vel *magis quam*; ut Silv. III, 2.

*Teque super reliquos, te nostri pignus amoris.*

Editio Parmensis habet *Euphratis supra*: non male: sed verius est quod dixi, et magis Statianum, utpote concitatius et Dactylis currens. Saepe commutantur hae voces. Theb. X. 787.

*Concinitur vulgo Cadmum atque Amphiona supra Conditor:*

Codex Petrensis male habet *super*. *Supra* pro *blandi delphines*, Heinsius, referente Burmanno ad Ovid. Heroid. XVIII, 131. in ora codicis sui notarat hoc loco legendum esse *pandi delphines*. Verius *blandi*, et multo elegantius. Claudianus de IV Cons. Honorii: *irent blandi sub vincula tigres*. Dicit Statius Delphinas blandos aderrare scopulis, delectatos et quasi Pollio adulantes. Ovidius Met. XIV. 254. de lupis et ursis qui erant in domo Circes:

*Quinetiam blandas movere per aëra caudas  
Nostrae adulantes comitant vestigia.*

v. 124. *Non leges, non castra tenent*] Nisi intelligas significationem vocis *tenent*, miraberis quomodo hoc inter laudes Pollii ponitur, quod illum *leges non tenent*. *Tenent* hic idem est quod *detinent*, totum sibi habent, cum admiratione vel stupore *defixum et hiantem*. Val. Flaccus I, 260.

*Illum nec valido spumantia pocula Baccho*

*Sollicitant; veteri nec conspicienda metallo*

*SIGNA TENENT: stupet in ducibus, magnunq[ue] sonantes*

*Haurit, et Herculeo fert cominus ora leoni.*

Cicero de Orat. I. 61. *In eloquentia autem multa sunt quae teneant*. Plinius Nat. Hist. XXXV 9. de Apollodoro pictore: *neque ante eum tabula ullius ostenditur quae teneat oculos*. Passim exempla. Vers. 126. *indignantemque refellis Fortunam*. Requiritur participium quod respondeat *ref* Exemplus. Lege,

*Exemplis fati, indignantemque reitellens  
Fortunam.*

Per se patet. Nonnullae Editi. habent *repellis*. Sed probum alterum: quod et antiquissimis Editionibus confirmatur. Virgilius Aen. IV, 380. *neque te teneo, neque dicta recello*. Heinsius ad Claudian. Epithal. Pall. et Celer. v. 79. *mauvult repellis*: et favet Statius Silv. V, 4. *ultra te, somne, repellit*. Utcunque sit, requiritur participium.

[v. 126. *indignantemque refellis Fortunam*] Edidi *refellens*: Venet. *refelles*, amisso apice qui super e appingebatur. EX ADD.]

v. 127. *DUBIO quem non in turbine rerum*

*Deprendet suprema dies, sed abire paratum*] Locus mendosus; attende enim sensui et constructioni. *quem in dubio rerum turbine suprema dies non deprendet*, SED *abire* paratum. *deprendet* qualem? manifesto deest aliquid quod respondeat voci *paratum*. Lege,

*DUBIUM quem non in turbine rerum*

*Deprendet suprema dies, sed abire paratum:*

Non inveniet *DUBIUM*, sed *PARATUM*. Per se patet. scio vocem *deprendere* absolute aliquando sumi pro eo quod est *imparatum invenire*, *inopinanti supervenire*: sed Oppositio hic postulat ut legamus ita ut edidi.

v. 132. *Humanaque GAUDIA rides*] *Humana gaudia*, i. e. res quibus homines delectantur et gaudent: ut *timores* III, 2. res pro quibus *timemus*: *amores* III, 5. res quas *amamus*. Et hoc quidem pacto exsurgit sensus optimus: sed majus aliquid a Papinio expecto, scil. *humanaque GRANDIA rides*: omne istud quod nos *MAGNUM* vocamus. Egregie Seneca Praef. Na. Quaest. *Tunc juvat inter sidera ipsa vagantem, divitum pavimenta ridere, et totam cum auro suo terram etc.* Vide locum: et Consol. ad Marciam C. XXIII. Pleni his sunt *Moralium* Scriptores. Imitatur Lucretium iuit. Lib. II.

v. 137. *Plectrique errore superbus*] *Plectrum* eleganter dici potest *errare*, cum lyrae chordas percurrit. Eodem sensu *digitus errans* apud Claudianum Consulat. Mall. Theod. v. 327.

*Innumeras voces segetis moderatus ahenae*

*Intonet erranti digito.*

Et nostrum Silv. V, 5.

*ignavo pollice chordas*

*Pulso: sed incertum digitis errantibus amens  
Scindo chelyn.*

Si igitur sic scripserit Statius, dicit Pollium olim superbum fuisse plectri. Atqui primum, licet non negem recte dici posse *plectrum errare* quando chordas percurrit, non tamen possum concedere hanc *percurSIONem* recte dici posse *errorem* plectri, nisi exempla hujusce usus proferantur. Quippe Analogia non satis est sine testimoniis et autoritatibus usum phraseos confirmantibus. Vide quae dixi supra ad Epithal. Stell. v. 45. et quae dico ad Epiced. in Patr. v. 92. Sed et si concedamus Phrasin, sensui tamen non satisfactum erit. Stultum enim et ridiculum faceret Pollium si describeret eum *superbum errore plectri* simpliciter: *error enim plectri* cuivis contigit, etiam *ἀπορροῶν*, et illi qui lyram in manus primum sumit, et chordas tentat et percurrit.

Atqui ineptus esses si diceres talem superbum esse hoc *plectri errore*. et ob hanc rationem non satisfacit Gronovius, qui Elench. Antidiatr. c. II. dicit *errorem plectri esse motum plectri*. Non enim satis est *motus plectri*: sed *decenti et artificioso et perito motu plectri* superbus esse debuit et se jactare Pollius. Miram et enormem hujusce loci Interpretationem commentus est Gevartius Papin. Lect. II, 11. his verbis: „Existimo poetam hic *errorem plectri* dixisse „ob Lyricorum gestum et canendi modum. Nam „quemadmodum Errantium vertigo est ab Occasu in „Ortum, ita Lyrici dum a laeva in dextram obverte- „bantur *Antistrophe* ut dicebantur; *Stropha* vero, „ubi a dextris in laevam fiebat conversio. Itaque ly- „ram pulsantes ab uno latere in alterum se vertebant „et quasi *errabant*: unde suavissime poeta *plectri* „errorem dixit.“ Vide quantum fallitur Vir Erodi- tus dum vagas et avias Explicationes consecratur. Haec enim *Conversio*, seu Strophe et Antistrophe, seu *plectri error* (ut vult Gevartius) locum tantum habuit in Hymnis Sacris et Ὡ Choris Tragoedorum et Odīs Ἑπι- ρυλλοῖς; non in quotidiano cantu et vulgari usu Ly- rae, de quo sola hic agere potest Statius. Marius Victorinus Art. Grammat. Lib. I. p. 2501. *Antiqui Deorum laudes carminibus comprehensas circum aras eorum cuntes caneant. cuius primum ambitum quem ingrediebantur ex parte dextra, Στροφὴν vocabant: reversionem autem sinistrorsum factam, completo priore orbe, Antistrophon appellabant. Dein in conspectu Deorum soliti consistere, cantici reliqua consequiebantur, appellantur id Epodon.* Jam haec applica ad Gevartii Interpretationem, et videbis quam male cohaereant: licet enim hae Strophae et Antistrophe observarentur in Rebus Sacris, non tamen sequitur ut quicumque Lyram in manus sumserit animi vel exercitationis gratia, illi continuo assignetur *plectri error*. Et si *PLECTRI error* denotet Lyricum carmen ex eo quod in hoc genere carminis Lyram pulsantes se vertebant et *QUASI errabant*, eadem argumentatione dico, *PEDUM errorem* significare posse *Lyricum carmen*: pedes enim in Antistrophis vertebantur et *REVERA errabant*. Sed nullus hic *error plectri*, sed Gevartii: aliud enim sine dubio dixit Statius, ut ex sensu patet. Lege,

*Ac juvenile calens, plectrique DECORE superbus*: Jam aliquid habet ob quod merito superbus esse potuit Pollius. Utitur eadem locutione Epiced. in Patr. v. 213.

*Tu DECUS hoc quodecunque LYRAE, primusque dedisti*

*Non vulgare loqui.*

Potes etiam *plectrique CANORE superbus*, ex Ovid. Heroid. XVI, 180.

*Ilion adspicies, firmataque turribus altis*

*Moenia, Phoebeae structa CANORE lyrae.*

Tale aliquid desiderat sensus. Mihi placet prior conjectura: nisi forte Depravatio latet in voce *plectri* non in *errore*: quo casu non male legas,

*Ac juvenile calens, aevique errore superbus.* ut apud Ausonium Professor. VIII.

*Obstitit nostrae quia, credo, mentis*

*Tardior sensus: neque disciplinis*

*Appulit Graecis puerilis Aevi*

*Noxius ERROR.*

Sed mihi adhuc placet *plectrique DECORE*, propter sensum, et minimam mutationem, et similem alibi locum. Sequitur,

*At nunc discussa rerum caligine, verum Aspicis.*

Ad quem locum ita Gronovius Diatr. C. XX. „Levis „correctio est, sed quam me vix spero magistris pro- „baturum, quibus paronomasia blanditur: *discussa* „*VERUM caligine VERUM Aspicis.*“ Mihi certe, Vir doctissime, nunquam probabis: non quod blandiatur paronomasia. sed quod scio hanc vocem *rerum* frequentissime abundare, pariter ac in hoc loco. Propertius III, 8.

*Omnia non pariter rerum sunt omnibus apta* Noster Theb. II.

*cunctos tamen omina rerum*

*Dira movent.*

Eclog. VI. hujus libri:

*quoniam rerum omnia caeca*

*Sic miscet Fortuna manu.*

Prudentius Cathem. Hymn. Octav. Cal. Jan. v. 57.

*O quanta rerum gaudia*

*Altus pudica continet!*

Tertullianus de Judic. Dom. v. 49.

*Omnipotens solus, cui parent omnia rerum.*

Quibus locis, et multo plura possem addere, si omit- tas τὸ rerum, sensus perfectus erit. Nulla igitur mutatione opus.

v. 139. *Illo alii rursus jactantur in alto*

*At tua securos etc.]* Quivis videt legendum esse *jactentur*; et ita Barthius. Seneca Nat. Quaest. IV. init. *Turbam rerum hominumque desiderant, qui se pati nesciunt: tibi tecum optime convenit.* Noster Gene(b. Lucani v. 48.

*Nocturnas alii Phrygum rapinas,*

*Trita vatibus orbita, sequantur:*

*Tu carus Latio etc.*

Juvenalis III, 45.

*ferre ad nuptam quae mittit adulter,*

*Quae mandat, norint alii: me nemo ministro*

*Fur erit: atque ideo nulli comes exeo, tanquam*

*Mancus, et extincta corpus non utile dextra:*

Ita legendum; vulgo, *extinctae dextrae*. Martialis Epigr. III, 5.

*alios commendet epistola: peccat*

*Qui commendandum se putat esse suis:*

ubi vulgo legitur *commendat*.

Gr. 142. *Emeritam in nostras puppem demitte procillas] Demittere aliquid est ex superiore in inferiore locum mittere; ut demittere oculos in terras ex caelo* Plin. Panegyri. Atqui hoc de Nave dici non potest: non enim *demittitur*, sed *dimittitur* in procellas: *puppem d'mitte procillas*. et ita Vetus Parmensis. Silv. V, l. v. 86.

*magnum late dimittere in orbem*

*Romulei mandata Ducis.*



Fusius agam ad III, 3. v. 77. ubi eadem depravatio. Pro *nostras procellas* sensus videtur postulare *notas*: procellas quas *expertus es*. Ita apud Val. Flaccum I, 257. pro *notas voces* Codex Burmanni habuit *nrās*, id est, *nostras*. Claudianus de Mall. Theod. Cons. v. 310.

*Nec molles egeant nota dulcedine ludi*:

ita recte edidit Heinsius pro *nostra*. Emeritam puppem, ut Martial. Epigr. X, 85.

*Emeritam puppim, ripa quae stabat in alta,*

*Implevit saxis, opposuitque vadis*:

Et Lucan. III, 515.

*Emeritas repetunt navalibus alnos.*

v. 143. DISCITE securi] Sine ulla haesitatione lege,

VIVITE securi.

Virgil. Aen. III, 493.

VIVITE felices, quibus est fortuna peracta

*Jam sua.*

Supra v. 121. hujus Eclog.

VIVE Midae gazis et Lydo ditior auro.

Infra Arb. Ated. v. 43.

VIVE diu nostri pignus memorabile voti.

Claudianus Epithal. Pallad. et Celer. v. 129.

VIVITE concordēs et nostrum discite munus.

Tibullus III, 5.

VIVITE felices, memores et VIVITE nostri.

Ovidius Heroid. VI, 164.

VIVITE devoto nuptaque virque toro.

Solemnis haec formula in votis: vide Gevartium Elect. III, 8. Nullus in his Silvis locus magis exercuit Gronovium quam hic, ut Ipse fatetur, Diatr. C. XIX.

Ubi transpositionem versuum fingit, et pro *Discite* legit *Dicite*: quod explicat et defendit Elench. Antidiatr. C. III. prolatis aliquot Ovidii locis: qui tamen, ut mihi videtur, minime huic loco quadrant, nec eodem modo et more dicuntur. Nostra simplicissima est medicina, et mutatio minima. Optime vero cohaerent haec. Nam initio Eclogae Pollii et Pollae conjunctim mentionem fecerat v. 9. et 107. *Sis felix tellus DOMINIS AMBORUS*. Jam iterum conjungit, *VIVITE securi* etc. Et mox Pollam separatim laudat, *Tuque nurus inter longe pulcherrima* etc. quoniam nunquam ante fecerat. Pro *pulcherrima* Edit. Parm. habet *praecordia*. unde patet hanc vocem non esse signum Domitii et nusquam alibi lectam, quod voluit Gronovius. Totum vero versum sic concipit Parmensis,

*Tuque nurus inter longe PRAECORDIA CURAE*

*Non frontem VISERE minae*:

Romana, *praecordia cujus*. Heinsius ad Ovidii Heroid. XXI, 165. pro *vertere* ex vetusto Codice legit *traxere*: bene. Ita Ovidius, loco illic adducto, Amor. II, 2.

*Cum bene vir traxit vultum rugasque coëgit.*

idem quod *contraxit*; cujus oppositum *solvere* frontem. Deinde, versu proxime sequenti pro *curarum* voluit *rugarum*. Sed nimis ambigua videtur vox *rugarum*; et paulo ante dixerat *non frontemvertere minae*: quae cum idem expriment, in *ταυτολογίαν* poetam conjiciunt. Pro *Gaudia* optime potes legere *Gratia*: et fere persuadeor Statium ita scripsisse. Passim hac voce de re eadem usurpat: ut v. 10. *nittidae juvenilis gratia Pollae*. Vid. Lacr. Etrusc. v. 114.

## ECLOG. III.

VERS. I. Stat, quae perspicuas nitidi Melioris opacat

*Arbor aquas, complexa lacus. quae robore ab imo Curvata* etc.] Attende Constructioni hujus loci:

*Arbor quae opacat perspicuas aquas nitidi Melioris stat complexa lacus. quae curvata robore ab imo* etc. Quis ferre potest hanc incuriam Compositionis? Lege et distingue,

*Stat, quae perspicuas nitidi Melioris opacat*

*Arbor aquas, complexa lacus: EA robore ab imo Curvata* etc.

Jam evanescit obscuritas orta ex duplici quae. Ita infra v. 10.

*silvis EA, fluminibusque sequentis*

*Nunc hirtos gressus, nunc improba cornua vitat*:

ita enim legendum ex Edit. Parmensi, pro *silvis* haec.

v. 2.

*robore ab imo*

*Curvata in nodos, redit inde* etc.] *Robur* hoc loco idem est quod *truncus*: ut Glaucia Atedii v. 101.

*Vidi ego transertos aliena in robora ramos*  
*Altius ire suis.*

Et Theb. IX, 585.

*Nota per Arcadias felices robore silvas*  
*Quercus erat.*

Nod: qui sint in Arboribus quavis intelligat vel ex hoc loco Plinii XVI, 38. unde *deprehenditur an torta sit materies, nodisque concisa*. *Arbor curvata in nodos* est quae *curvatura nodos efficit*, ut *digiti curvantur in ungues* apud Ovid. Met. X, 699. *Luna curvata in cornua* Plinio Nat. Hist. II, 3. et XXXVII, 10. Virgil. Aen. III, 533.

*Portus ab Eoo fluctu curvatur in arcum.*

Hoc vero pacto abundat aliquid. quippe satis erat dixisse *quae ab imo trunco CURVATA, exinde surgit RECTA*. Lege et distingue,

*Ea robore ab imo*

*Curvata, ENODIS redit inde, cacumine recto*  
*Ardua.*

Jam duo vides ob quae hanc Arborem laudat, quod

RECTA et quod ENODIS. Clare confirmatur haec restitutio vers. 57.

*tandem eluctata sub auras  
Libratur fundo, rursusque ENODE cacumen  
Ingeniosa levat, veluti descendat in imos  
Stirpe lacus alia.*

Quo loco idem dicit. quod hic, mutatis tantum verbis. Rectam haec et sine nodis elevationem, enodem tenorem eleganter vocat Plinius Nat. Hist. V, 1. de monte Atlante: *imas radices densis altisque repletas silvis, incognito genere arborum: proceritatem spectabilem esse ENODI TENORE; frondes cupressis similes.* ita omnino legendum puto pro enodi NITORE, quod vulgo obtinet. Claudianus Rapt. Pros. III, 359.

*succidere pinus  
Et magis enodes properat prosternere cedros,  
Exploratque habiles truncos, rectique TENOREM  
Stipitis.*

[Edidi ex conjectura, *Curvata, enodis redit inde*, etc. firmat Veneta quae habet *in nodis*. EX ADD.] Mox, v. 9.

*Ille quidem it cunctas tanquam velit, it tamen unam*

*In Pholoen.*

Olim conieceram,

*Ille quidem, cunctas quamquam velit, it tamen unam*

*In Pholoen.*

Atque huic conjecturae maxime favet Edit. Parm. quae omittit vocem *it*: *Ille quidem cunctas tanquam velit.* Vers. 6. pro *causas* Parmensis habet *carmen*: perperam.

v. 14. *Caelica tecta subit*: ibi demum *victa labore*] Pro *Caelica* tecta N. Heinsius ad Ovid. Fast. IV, 375. mavult *Caelia* tecta, ut vitetur ambiguitas. Sed ne metuat: primum enim *Caelicus* pro *Caelestis* non est aevi Statiani, sed multo inferioris. Deinde Mons *Coelius* per o fere scribitur; *caelum* vero per A, quemadmodum in Virgilio suo semper Heinsius. unde sequitur has voces *Coelicus* et *caelicus* confundi non potuisse. Major mihi videtur difficultas in voce *tecta*. quomodo enim dici potuit Pholoe *subiisse* TECTA, cum statim sequatur illam deposuisse se MARGINE RIPAE, et eo loco ubi NUNC sunt aedes Melioris? quin et Diana eam cubantem vidit dum errat per septem juga. Non igitur intra TECTA tunc fuit Pholoe, sed *sub dio*, nudoque sub aetheris axe. Lege,

*Caelica TESCA subit.*

*Tesca seu tesqua sunt loca aspera et inculta, qualia fere sunt Montes.* Horatius Epist. I, 14.

*nam quae deserta et inhospita tesqua  
Credis, amoena vocat tecum qui sentit.*  
unde *nemorosa tesqua* Lucanus VI, 40.

*saltus nemorosae tesqua*

*Et silvas, vastaque feras indagine claudit.*

Glossae: *Tesca*, *κατάσκηνοι*. καὶ ὄρειαι, καὶ ἔρημοι τόποι. Festus: *Tesca*, loca auguri designata. Cicero aspera ait esse et difficilia. Ubi vide Scaligerum et Interpretes. Sequitur, ibi demum *victa labore*: ita Theb. II, 473.

*Jam Telamona solo, jam stratum Ixiena linquens*

*Te, Meleagre, subit. ibi demum cuspide lata Haesit.*

Sed aliud suadent Edit. Parm. et Rom. quae exhibent, jam *demum victa labore*. Lege, tum *demum*. Virgilius XII, 6. Tum demum *movet arma leo*. passim exempla.

v. 16.

*flavos collegit amictus*

*Arctius, et niveae posuit se margine ripae.*] Pro *flavos* Editio prima Veneta habuit *fluvidos*: unde Gronovius optime, *fluidos collegit amictus*. Seneca Oedip. v. 422.

*Unde tam molles placuere cultus,  
Et sinus laxi, fluidumque syrma?*

Ovidius Art. Amat. III, 301.

*Haec movet arte latus, tunicisque fluentibus auras*

*Excipit.*

Apuleius Floridia, de Indis loquens: *primi sideribus, ultimi terris, super Aegyptios eruditos, et Judaeos supersticiosos, et Nabathaeos mercatores, et fluxos vestium Arsacidas*: ita legendum, vulgo *primis et ultimis*. Arnobius lib. III. p. 108. *seminudos, intectos, aut, ne frigus incommodet, fluidarum vestium superiectione perfusos*. Tacitus de Morib. Germ. *Locupletissimi veste distinguuntur, non fluitante sicut Sarmatae ac Parthi, sed stricta, et singulos artus exprimente*. Val. Flaccus III, 157.

*Hinc Halyn, hinc rigido transcurrens demittit ense*

*Prothin, et insignem cithara cinctuque fluenti*

*Dorcea:*

ita omnino legendum puto pro *cantuque* fluenti. Et scio quidem recte dici posse *cantus fluens*; (vide Cl. Drakenborch. ad Sil. Italianum XI, 416.) sed si hoc loco retineas *cantu*, bis idem dicentem poetam facies. *Cinctus fluens* est *Palla* perpetuum Citharoedorum gestamen. Tibullus III, 4. de Apolline citharoedo:

*Ima videbatur talis adludere palla:*

ubi vide Broukhusium. Si de hoc Flacci loco aliter sentiant Cl. Viri Burmannus et Drakenborchius, non contendam. Sequitur *et niveae posuit se margine ripae*. Quid sit *nivea* ripa non intelligo. magis forte placuit *niveo* margine: ut Balm. Etrusc. v. 51.

*Extra autem niveo qui margine caerulus amnis Vixit.*

Sed ibi *niveus* margo est ex marmore candido factus: quae interpretatio huic loco non quadrat. Suspiciari potes vocem *viridis* vel *viridi* latere sub ista *nivea*; hae enim voces saepe inter se commutantur in MSS. *viridis ripae*, ut Ausonius Mosella v. 141.

*Te virides ripae, te caerula turba natantum,*

*Te liquidae mirantur aquae.*

Cicero de Legg. I, 5. Sic nos inter has procerissimas populos in *viridi opacaeque* ripa inambulantes. Noster Theb. IX, 321.

*Crenaens, cui prima dies in gurgite fido,  
Et natale vadum, et virides cunabula ripae.*

Gg



Val. Flaccus V, 217.

viridesque premunt longo ordine ripas.

Vel viridi margine. Plinius Epist. VIII, 8. de Clitumno: Ripae fraxino multa, multa populo vestiuntur; quas perspicuus annis, velut mersas, viridi margini adnumerat. ita legendum alicubi monui; vulgo, viridi imagini. Margine ripae probum est, ut apud Ovidium Heroid. V, 27.

Popule, vive precor, quae consita margine ripae

Hoc in rugoso cortice carmen habes.

Et ita Met. I, 729. et V, 598. et Apuleius Miles. I. p. 14. et alibi. Aliter non male legere posses,

vitrei posuit se margine rivi:

voces enim vitreus et niveus, ripa et rivus pariter in codicibus confunduntur. Silius Italicus IV, 534.

Monte procelloso Murranum miserat Anxur;

Tritonis niveo te sacra, Phalante, profundo:

ubi pro niveo Heinsius mavult Libyco: ego non dubito quin Silius scripserit vitreo. Plinius Epist. VIII, 8. de eodem Clitumno: fons — qui lato gremio patescit purus et vitreus, ut numerare jactas stipes et relucens calculos possis. Noster Propempt. Met. Celer. v. 16.

Surgite de vitreis spumosa Doridos antris.

Vide Heinsium ad Claudiani Pescennina in Nupt. Honorii et Mariae. De commutatione vocum ripa et rivus vide Bentleium ad Ho. Grat. Carm. III, 25. v. 13. et IV, 2. v. 31. malo tamen viridis ripae. Tò RIPA absolute, sine fluvii vel aquarum mentione, ut Tibullus II, 5. de Ilia:

Concubitusque tuos furtim, villasque jacentes,

Et cupidi ad RIPAS arma relicta Dei:

ubi nulla vel in praecedentibus vel subsequentibus aquarum mentio. Ita Manilius lib. IV. vocat Illyricum vicinum RIPIS: quod Scaliger interpretatur Ἰλλυριδία ΠΑΡΑΚΤΙΑΝ: ripae enim et de mari dicuntur. eodem libro:

Magna jacet tellus, magnis circumdata ripis

Parthis.

Et ita lib. V.

Quisquis erit tali capiens sub tempore vitam

Litoribus RIPISQUE suos circumferet annos.

Versu proxime sequenti pro credit ratio Constructio- nis postulat credens:

Insequitur velox pecorum Deus; et sua credens

Connubia, ardenti jamjam suspiria librat

Pectore, jam praedae levis imminet.

Pro levis imminet Domitius notat inemendatos Codices habere suos invenit. Ardenti pectore, scil. amore ardenti. Apuleius Miles. V. p. 109. At illa, Opportune, inquit, ardenti prorsus isti meo pectori volentiam scilicet perpetratae venitis. ita legendum; vulgo inepte violentiam. Pricaeus conjecit, volentia pectori meo: proxime veritatem. Volentiam perpetrare est facere rem gratam. Utitur hac voce Solinus. Vide Nonium Marcellum.

[v. 19. ardenti jamjam SUSPIRIA librat Pectore] Barthius interpretatur, anhelitum ex cursu vehementem compescere nititur. Sed hoc non videtur esse li-

brare suspiria: et potius videretur suspiria vibrat, id est, emittit, ut apud Gratum Cyneget. v. 388. de cane rabido:

Aestivis vibrans accensos febribus ignes:

ita legendum; vulgo Aestivos, et accensis. Prudentius Apotheos. v. 49.

Hoc Verbum est quod vibratum patris ore benigno

Sumsit virginco fragilem de corpore formam.

Sed vide quid sequatur, jam praedae LEVIS imminet. Oppositio videtur postulare,

ardenti jamjam VESTIGIA LIBRAT

Pectore; jam praedae LEVIS imminet.

sua credens connubia, hoc est certus amorum, negligentius interdum agit, et vestigia librat, sistit se, cursum sustinet: statim tamen praedae LEVIS imminet, cursum repetit. Sic librare cursus Ovid. Amor. II, 6. librare pennas Quintil. Declam. XIII. de apibus. librare volatum Silius XV, 425. librare brachia Apuleius Miles. III. Recte vero librat vestigia Pan, cursum sustenturus; nisi enim ita fecisset, aut proci- disset, aut in tergum lapsus fuisset; cum superiora corporis adeo graviora essent inferioribus. librat igitur in aequilibrio tenet. EX ADD.]

v. 22. Aventinaeque legit vestigia terrae] Non miror Interpretes hunc locum praeterire. quomodo enim explicarent, quod non intellexerunt, nec unquam intellectum erit; nempe, quid sit legere vestigia TERRAE? an igitur TERRA aufugere solet, et Diana vestigia ejus legere seu sequi? agnosco quidem magnam venatricem Dianam FERARUM vestigia legentem; unde beluarum agitatrix dicitur Arnobio lib. IV. p. 141. (ubi vulgo male legitur silvarum agitatrix) et saevis inimica virgo beluis, Horatio Carm. I, 12. Sed TERRAE vestigia quae- nam sint ignoro. Agnosco etiam Aventinum MONTEM et COLLEM et SILVAM Aventinam; sed de TERRA Aventina nunquam ante inaudivi. Quid multa? lege, minima mutatione,

Aventinaeque legit vestigia CERVAE.

Seneca Hippolyto, de Diana v. 160.

tua Gaetulosa

Dextra leones, tua Cretaeas

Sequitur CERVAS.

Vestigia cervae, ut Tibullus IV, 3.

Ipse ego velocis quaeram vestigia CERVAE.

Ovidius Trist. V, 9.

Utque canem pavidae nactum vestigia CERVAE

Luctantem frustra copula dura tenet.

Catullus de Nupt. Thetidis et Pelei v. 338.

Flammea praevortet celeris vestigia CERVAE.

Gratius Cyneget v. 201.

Aut versuta sequi leporis vestigia parvi:

id est legere vestigia leporis. Aventina cervae ut Osaetae ursae Ovidio Metam. XII, 319. legere vestigia phrasis bene nota: vide Thebaid. IX, 171. XII, 272. Ovidium Met. III, 17. XII, 34. Lucanum VIII, 210. Recte vero et ex decore facit Dianam errantem per septem juga; illa enim, utpote venatrix, montibus maxime gaudebat: (unde montivaga Dea appellatur Achilleid. I, 450.) praesertim Aventino, ubi templum illi et praecipuus cultus: unde Ovidius Fast. III,



884. *Aventino Luna colenda jugo.* Festus: *Servorum dies festus vulgo existimatur Idibus Augusti, quod eo die Servius Tullius natus serva aedem Dianae dedicaverit in Aventino: ejus tutelae sunt cervi; a quorum celeritate fugitivos vocant cervos.* ita legendum pro *vocent servos*: quod et partim monuit Dacierius. Hic autem vides *cervos* sub Dianae tutela: longe aliter Horatius Carm. IV. 6.

*Deliae tutela Deae, fugaces*

*Lyncas et cervos cohibentis arcu.*

Mox, v. 24. *numquamne avidis arcebo rapinis* etc. Ne dubites de epitheto *avidis* facit locus Propertii I, 20.

*Nympharum semper cupidas defende rapinas.*

Et Nostri Theb. IV, 695.

*nocturnaque furta licentum*

*Cornipedum et cupidas Faunorum arcebo rapinas.*

Pro semperne Edit. Parm. et Rom. habent *semperque*. istud melius.

v. 33. *Sic tota tum veste ruit.* Sic ruit: quomodo ruit? nulla enim hic comparatio. Deinde, *Tota cum veste*: inepte: quis enim supponere potest eam cum parte vestis in fontem ruituram esse? Lege, certissima emendatione,

*Sicut erat cum veste, ruit:*

Thebaid. III, 680.

*Sicut erat laceris pridem turbata capillis.*

IV, 802.

*ibi exultans exclamat ab agmine primo*

*Sicut erat levis tollens vexilla manipulis*

*Argus, Aquae.*

V II, 819. de Amphiarão ad inferos descendente,

*Non arma manu, non frena remisit;*

*Sicut erat rectos deferat ad Tartara currus.*

Ovidius Metam. XIII, 584.

*sed crine soluto*

*Sicut erat, magni genibus procumbere non est*  
*Dedignata Jovis.*

Sidonius Apollinaris Carm. II, 405.

*Ergo sicut erat liquidam transecta per aethram.*

Noster Theb. X, 36.

*juvat exhaustos iterare labores*

*Sicut erat. pulvis sudorque cruorque per artus*  
*Mixtus adhuc. vertere gradum vir etc.*

ita legendus et distinguendus iste locus, vulgo pessime habens. Contrarium passa est Arethusa apud Ovid. Met. V.

*Sicut eram fugio sine vestibus:*

Nostra, cum veste. Suetonius Claudio c. 34. *induxit et unum ex nomenclatoribus suis, sicut erat togatos.* Plura exempla ad manum sunt, si haec non sufficiant.

v. 38. *Inmitem Bromium etc.* Gronovius Diatr. c. XX. „Auctor sum edituris Statium, ut sine ulla „haesitatione in textum recipiant palmarum illustris- „simi viri conjecturam, *Invitam Brimo.*“ Is est Scaliger, Not. ad Propert. II, 2.

*Virgineum Brimo composuisse latus.*

Quod vero Statius Dianam vocat *Brimo*, in diversum

abeunt ceteri scriptores, qui *Cererem*, non *Dianam*, *Brimo* appellant. causam hujusce appellationis narrat Arnobius lib. V. p. 170. Jupiter enim incestis libidinibus in matrem *Cererem* aestuans, cum non auderet vi petere quod procaci appetitione conceperat, fit taurus, et ita cupitā potitur. *ardescit furis atque indignationibus mater*, (verba sunt Arnobii) *spumat, anhelat, exaestuat, nec fremitum continere tempestatemque irarum valens, ex continua passione Brimo deinceps ut appelletur, assumsit.* Et ita quoque Clem. Alexandrinus, Admonit. ad Gentes p. 11. Ed. Paris. *Ἀποῦς δὲ μυστήρια καὶ Διὸς πρὸς μητέρα Δήμητραν ἀφροδίσοι συμπολαί, καὶ μήνις (οὐκ οἶδ' ὅτι φῶ λοιπὸν, μητρὸς ἢ θυγατρὸς) τῆς Δήμης, ἣς δὴ χάριν, ΒΡΙΜΟ προσάγορευθῆναι λέγεται: Cereris vero mysteria, et Jovis cum matre venerae conjunctiones, et ira Cereris, (nescio an dicam matris vel uxoris:) ob quam iram BRIMO appellatam esse dicitur.* Est enim *Βριμοῦσθαι* idem quod *θνυμοῦσθαι, δογίζεσθαι, fremere, irasci.* Hesychius: *Βρίμη, ἀπειλή καὶ θυγατέρα ἀφροδίτης.* quae ultima verba explicanda sunt ex istis Hesychii, *Βριμάζει, δογῆ εἰς συνουσίαν, Κύπριον.* Sed haec obiter. Nequaquam igitur Statius et autoribus citatis convenit: nisi dicas *Cererem* seu *Brimo*, et *Dianam* seu *Lunam* eandem esse: de qua re vide Macrobius Saturnal. I, 18. ad finem. Sed tota Veterum *Μυθολογία* tenebris et contradictionibus obvoluta. Memoriae vero falsus fuit Gronovius cum *Invitam Brimo* Scaligero imputaret: ille enim non *Invitam* sed *Inmitem Brimo*, ut in vulgatis est, legebat.

v. 41. *Deposuit juxta* Id est *plantavit*: ex Virgil. Georg. II, 23.

*Hic plantas tenero abscindens de corpore matrum*

*Deposuit sulcis.*

Seneca Consol. ad Marciam c. XVI. *Agricola, ever- sis arboribus, quas aut ventus radicitus evulsit, aut contortus repentino impetu turbo perfregit, subolem ex illis residuam fovet, et amissarum semina statim plantasque deponit.* ita legendum; vulgo *disponit*, male; cum de plantatione non ordinatione et dispositione ex sensu liqueat eum agere. Vide Gronovium ad Epist. 86, ubi simile mendum sustulit. Plinius N. H. XIX, 6. de caepis: *Ascaloniarum propria natura: etenim velut steriles sunt ab radice; et ob id semine seri illas, non deponi, jussere Graeci.* Sequitur, v. 45.

*Tu saltem declivis ama, preme frondibus un-*

*dam.*

Primo legendum *declinis*, id est obliquo pendula trunco, ut mox dicit. et ita conjecerat Tiliiobroga. alia res est *declivis*. Hae vero voces perpetuo commutantur. Deinde, interpone conjunctionem, quae ex- cidit:

*Tu saltem declinis ama, et preme frondibus un-*

*dam.*

Notum hoc iis qui poetas vel minimum intelligunt. Ita Theb. IV, 521.

*telluris optatae*



*Dissilit umbo capax, silvaeque et nigra pate-  
sunt*

*Flumina, luentesque Acheron eiecat arcnas:*  
ita legendum: vulgo omittitur *que* ante *Acheron*; et  
*umbra* male pro *umbo*. Mox, v. 52. *stupeant tua*  
*germina: id est colant, venerentur, cum stupore quod-*  
*dam seu admiratione.* Achilleid. I, 14. ad Domitia-  
num:

*At tu, quem primum longe stupet Italia virtus.*  
Claudianus in Prob. et Olybr. Conf. v. 162.

*Medisque subactis*

*Nostra Semiramiae stupeant insignia turres:*  
ita invenit Heinsius in Pulmanni Codice: vulgo *frige*  
*timeant.* Ubique exempla.

v. 53. *Illa Dei veteres animata calores*] Lati-  
nitatem in his quaero: dixisse enim debuit vel ani-  
mata IN calores, vel animata caloribus. Noster Theb.  
VI, 268.

*Exin magnanimum series antiqua parentum*  
*Invehitur, miris in vultum animata figuris.*  
Ovidius Met. IV, 618.

*Gorgonei capitis guttae cecidere cruentae,*  
*Quas humus exceptas varios animavit in angues:*  
Et XIV, 566.

*In nymphas animata classe marinas.*  
Sedulius V, 266.

*Corpora Sanctorum fractis abiectis sepulchris,*  
*In cineres animata suos.*  
Vel animata caloribus. Claudianus IV, Cons. Honor.  
v. 591.

*multaque animantur Iaspide cultus:*  
quem locum adduxi et emendavi supra ad Eq. Max.  
v. 20. quo tempore Editio Heinsii ad manus non  
erat. hac inspecta, video cum annotantem „*varian-*  
*tur* unus Mediceus. *hortatur* in nonnullis. forte *ani-*  
*matur.*“ Ne dubites quin scripserit Claudianus ita  
ut emendavi, *animantur*: quae vox in MSS. hoc mo-  
do scribitur *aiatur*: unde ista *variantur* et *hortatur*  
et vulgata *ornantur*. Noster Pietat. Abasc. v. 2.

*Aut ebur, impressis aurumve animare figuris.*  
Theb. III, 223.

*armaque in auro*

*Tristia, terrificis monstrorum animata figuris.*  
Plura exempla utriusque generis vide apud Heinsium  
ad Claudian. in Rap. Pros. III, 386. et passim in  
Statio reperies. Jam vero qua Analogia, quo sensu  
interpretabimur istud *animata calores*, quippe notus  
ille Graecismus quo subiungitur praepositio *κατά*,  
hic locum non potest habere. nec enim potes dicere  
arbor *animata calores* eo modo quo clipeus *caelatus*  
*pugnas* apud Nostrum Achilleid. II, 178. et arma  
*expressa casus* Val. Flacc. I, 398. et flores *inscripti*  
*nomina regum*, apud Virgilium. in illis enim locis  
idem est ac si dixissent, clipeus qui *pugnas cae-*  
*latus habet*; et arma quae *casus expressos habent*  
seu *exprimunt*; et flores qui *nomina regum inscripta*  
*habent*. nullo vero sensu potes dicere arbor quae  
*calores Dei animatos habet*. Domitius interpretatur,  
ANIMATA] Quae concepit: more suo verba detorquen-

di ad sensum quem animo conceperat, securus utrum  
ea sit eorum significatio, necne. Lege,

*illa Dei veteres imitata calores:*

Sensu optimo, mutatione minima. De rebus inanimis  
hanc vocem usurpari notum est. Manilius I, 201.

*Terra quoque aërias leges imitata pependit.*

Ovidius Met. IX. 340.

*Haud procul a stagno, Tyrios imitata colores,*  
*In spem baccarum florebat aquatica lotos.*

Martialis I, 44.

*Aut imitata breves punica mala rosas.*

Horatius Epist. II, 1. v. 207.

*Laena Tarentino violas imitata veneno:*

ita legendum puto pro *Lana*: alibi dixi. Plinius N.  
H. XIV, 3. *caudas vulpium imitata alopecis*. vitis ea  
species. In contextum itaque admissi *imitata*. Quod  
si quis audaciam hanc damnet, peto ut exemplo uno  
hujusce Constructionis me refutet. Aliquis forte con-  
jiciat,

*illa Dei in veteres animata calores:*

Sed probe scio Statium non ita scripturum fuisse.

v. 55. *atque umbris scrutatur amantibus undas.*  
Ita invenit in scripto Codice Bernartius; a quo in  
Editiones haec lectio propagata est: antiquiores enim  
Parmensis et Romana, habent *sinuatur*, ut et Aldi-  
dina an. 1502. et aliae quas inspexi. Domitius notat  
in emendatos Codices habere *servatur*. Omnia aequae  
mendosa. *sinuatur* et *servatur* nullum habent sen-  
sum: *scrutatur* malum. quippe *scrutari* est *penitus*  
et *solicite* excutere et *inquirere*, et in *secreta* rei  
alicujus penetrare. Censorinus de Die Natali C. X.  
*Nunc vero, ut liquido appareat quemadmodum voces*  
*nec sub oculos nec sub tactum cadentes habere pos-*  
*sint mensuras, admirabile Pythagorae referam com-*  
*mentum; qui, secreta Naturae scrutando, reperit,*  
*phthongos musicorum convenire ad rationem numero-*  
*rum.* Ita legendum: vulgo, *aliquid* appareat. Hinc  
fere haec vox usurpatur quando de rebus *latentibus*  
sermo fit. Curtius III. 4. *Thrakas tamen leviter*  
*armatos praecedere jusserat, scrutarique calles, ne*  
*occultus hostis in subeuntes erumperet.* Horatius  
Epist. I.

*Arcanum neque tu scrutaberis illius unquam.*

Curtius VIII, 3. *scrutantibus quid occuleret ostendit.*  
Manilius IV, 246.

*Scrutari caeca metalla*

*Depositas et opes, terramque exurere venis,*  
*Materiamque manus certam duplicare per ar-*  
*tem:*

ita legendum puto; vulgo, *manu certa duplicarier ar-*  
*te*: quod Scaligerum adeo offendit ut proclamet versum  
esse ab homine Alchymista infarctum. *duplicare ma-*  
*teriam per artem manus eleganter dicitur.* Salma-  
sius ad Hist. August. p. 919. legit ut in vulgatis est,  
et Manilio dignissimum iudicat. Nolle factum. Sed  
τοῦ *scrutari* significatio *umbræ* non convenit, sed  
Piscatoribus potius, qui *scrutari* stagna et *scrutato-*  
*res* maris passim dicuntur. Vide autem majorem ab-  
surditatem: sequitur enim,



*Sperat et amplexus; sed aquarum spiritus AR-  
CET,*

NEC PATITUR TACTUS:

quomodo fieri potest ut *scrutentur* undas umbrae, et simul non *tangant*? ridiculum hoc. Lege,

*atque umbris tutatur amantibus undas.*  
defendit nempe ab igne superno et dura grandine, quemadmodum mandaverat Pan supra v. 46. ideo recte dicuntur umbrae *amantes*. umbrae sunt folia et comae, ut Theb. II, 401.

*amissae redierunt montibus umbrae.*

quod non recte capiens Bernartius ex Lipsii codice male substituit, *redierunt vallibus umbrae*: qui enim, inquit, *umbrae* in *montibus*? Dicam tibi ex Virgilii Georg. I, 342.

*Tum somni dulces densaeque in montibus um-  
brae:*

ad quae notat Servius: *Quia tunc incipiunt arbores frondescere.* Vide et corruptissimum istum locum Aeneid. I, 611. *dum montibus umbrae Lustrabunt, con-  
vera* etc. qui similiter intelligendus est, quocumque modo legendus sit: nec audiendi Servius et Donatus nugantes de Solis et Lunae umbra. Seneca Oedipo v. 155.

*Non silva sua decorata coma*

*Fundit opacis montibus umbras.*

Pluribus possem, si opus esset. Recte igitur *tutatur* undas: et hoc in Contextum admitti meretur.

v. 62. *Haec tibi, parva quidem, geniali luce pa-  
ramus Dona.*] Ita omnes, quas inspexi, editiones, praeter unicam Parmensem, ex optimis Codicibus expressam, prout testatur N. Heinsius alicubi ad Claudianum. Ea habet *geniali* luce. Nihil verius. *lux genialis* idem est quod *dies natalis*, in qua *genitur* sen nascimur. Ovidius Trist. III, 13. quae est de *Natali* suo, vocat *tempus genitale*:

*Libaque dem pro me genitale notantia tempus?*  
quae ibi est indubitata scriptura. Noster Genethliaco Lucani, v. 131.

*Procul hinc abite, mortes:*

*Haec vitae genialis est origo:*

ita enim et illic ex eadem Parmensi scribendum pro *genialis*. alludit ad titulum Eclogae quae est *Genethliacon* seu *proprius dies* seu *natalis* Lucani; et simul opponit *mortem* et *genitalem originem* vitae: quasi dixisset, *Quid morti cum die natali?* abeas, o Mors; nihil tibi cum hac luce: haec enim est *natalis* Lucani. Miror igitur Salmasium, qui ad Capitolini Pertinacem c. XV. scribit *genitales dies* pro *natali-  
ciis* non esse sermonis aut consuetudinis Latinae. nec audiendus Gronovius, qui legit, *Hac vitae ge-  
nialis*, pro *haec*. nescit vir summus lectionem Edit. Parm. quam nunquam viderat. Hac vero voces saepissime commutantur in Codd. MSS. Ovidius Art. Amat. I, 125. de virginibus Sabinis:

*J Ducuntur raptae, genialis praeda, puellae:*

quae est elegantissima et verissima Burmanni restitutio, pro *genialis*. Sciunt pueri quare *genitalem* praedam vocet Sabinas Ovidius: quia nempe rapiebantur liberorum *gignendorum* et suscipiendorum gratia. In

contextum itaque recepi *geniali* luce: idem facturus etiamsi in Parmensi non invenissem. Aliud est *genialis* lux; nempe *festae, hilaris, laeta*, qua *Genio* indulgemus. Juvenalis Sat. IV.

*genialis agatur*

*Ista dies.*

unde *genialis hiems* Virgilio. Optime autem conveniunt *Dona*; ea enim *natalibus* mittebantur amicis, ut ex Martiale et aliis notum. Ita Censorinus librum suum *de die Natali* misit Q. Cerellio, *Natalitii* titulo, ut Ipse ait cap. I. ubi vide Notas Lindenbrogii. Sic etiam Antholog. I, 30.

*Ἀντίπαρος Πίλοσσι ΓΕΝΕΘΛΙΟΝ ὥπασε ΒΙ-  
ΒΑΙΟΝ.*

[Veneta quoque *geniali*; vide Notas. EX ADD.]

v. 68. Et *secrete palam*] Domitius: „Inemen-  
dati Codices habent, et *satiare palam*. nos *secrete*  
legimus; ut dicat, *Qui non minus continenter se-  
cretus visus* (opinor *vivis*) *quam si publice age-  
res.*“ Hinc apparet; vel Domitium non bona fide et ingenue agere, vel eum non vidisse Edit. Parmensem; quae clare habet *Et secrete palam*. Et huic lectioni acquiescit Gronovius Diatr. C. XX. me non renuente; modo intelligerem quid sit *vir secretus*; aut qua laudis parte afficiendus. *Secretus* quidem *turbis popularibus* aut *negotiis* recte dicitur aliquis: sed exemplum desidero ubi laudatur quispiam eo quod sit *secretus* absolute: et magis, quia tam in malam quam bonam partem *secretus* quis esse potest. Multo minus admitto Interpretationem et conjecturam Gevartii, *Exsatiare palam*; hoc est, inquit ille, *plenus vita*. Quid? an *exsatiatus* significat *plenus vita*? non certe magis quam *plenus vino*, et quid est *PALAM plenus vita*? Quod si dicat *το vitae* repetendum esse a fine versus et voce *vitam*, respondeo, tunc scribi oportuisse *Exsatiare palam* quam *digeris ordine vitam*: *palam* exsatiare vitae quam vitam *digeris* ordine; non *qui*. Hae sunt allucinationes doctorum Virorum cum fateri nolint se non intelligere quod non intelligunt. Sub vocibus *satiare palam* latere puto epitheton aliquod *τοῦ vitam*. quaerant acutiores: mihi simplicius videtur fateri nescire quod nescio. Scio quidem voces *SECRETE* et *SECURE* a librariis saepe confundi: vide Cl. Drakenborch ad Sil. Italicum XI, 326. Sed si Statius scripsisset *Et SECURE palam*, vix. explicare potuissem. Mox v. 71. pro *Condere divitiis* MS. Senensis, Edit. Parm. Rom. et Venet. habent *Comere*, quod Gronovio notatum, et illustratum Diatr. C. XXVII. multis exemplis; et inter cetera hoc ex Claudiano de VI. Cons. Honor. v. 523.

*Ac velut officiis trepidantibus ora puellae  
Spe proprio tori mater sollertior ornat  
Adveniente proco, vestesque et cingula comit  
Saepe manu, viridique angustat lāsperide pectus  
etc.*

Ubi quaero, quare mater dicitur *SAEPE comere vestes et cingula*, cum *unus* tantum proci adventus hic describatur? Lege, *Ipsa manu*: non permittit ancillis et ornatricibus, sed *Ipsa* ornat et comit *vestes et cin-*



gula. quibus cura et sollicitudo matris optime exprimitur.

v. 73.

*vincere persta*

*Quos pater Elysio, genetrix quos detulit annos*]  
Id est, superes aetate patrem et matrem tuam mortuos: *vincas* annos quos illi ad campos Elysios detulerunt. Ita Silv. V, 269. de *Aenea*,

*Tentantem et vivos molitum in Tartara gressus*  
*Detulit infernae vates longaeve Dianae.*

v. 74.

*Hoc illi duras exoravere sorores*] *Illi*, id est *pater* et *mater tua* hoc *Parcas* tibi exoravunt, hoc impetraverunt a *Parcis*, ut eorum annos superes; hoc etiam *exoravit* *Gloria Blaesi* quam non sinis interire. Haec explicanda erant quoniam interpretes non intellexerunt vocem *exoravit* repetendam esse in ultima parte sententiae; ut Theb. VI, 144.

*At tua nondum,*

*Cadme, domus; nullus Tyrio grege plangitur infans:*  
ubi vox plangitur ἀπὸ τοῦ οὐτοῦ utrique parti sententiae applicanda est. Ovidius Met. XV. 156.

*Corpora sive rogos flamma, seu tibi vetustas*  
*Abstulerit, mala posse pati non ulla putetis,*  
*Morte carent animae:*

Ita distinguendum; vulgo τέλευα οὐρανὸν ponitur post τὸ putetis; quo pacto pars ultima sententiae, quae pendet a voce animae, corrumpitur. Constructio est: *ne putetis animas posse pati mala ulla; quippe morte carent animae.* Juvenalis VI, 161.

*Sit formosa, decens, dives, secunda, vetustos*  
*Porticibus disponat avos, intactior omni*

*Crinibus effusis bellum dirimente Sabina,*  
*(Rara avis in terris, nigroque simillima cyeno)*  
*Quis ferat uxorem cui constant omnia?*

ita distinguendum. *Sit* uxor formosa, decens, dives, etc. *quis ferat uxorem cui omnia constant?* Locum adduxi ut mecum mireris istam vocem *intactior*, quae mihi absurdissima videtur: non enim uxores (de quibus hic agit Juvenalis) sed virgines dicuntur intactae: vide Virgil. Aen. I, 349. et poetas passim. intactae quidem recte dicerentur Sabinae antequam a Romanis raperentur; et ita eas appellat Propertius lib. II. sed non ita cum bellum dirimebant: tunc enim matres erant: vide Livium I, 13. Mitto vocem *intactior*, novam, nec alibi credo invenendam. Lege,

*Porticibus disponat avos, sit castior omni*

*Crinibus effusis bellum dirimente Sabina.*

Notabiles castitate Sabinae: vide Horat. Epod. II, v. 41. Ita emendaveram: cum inspecto Vetere Scholiaste illum quoque ita legisse deprehendi. Sic enim habet: *BELLUM SIT CASTIOR Sabinis, quae foedera inter Tatium et Romulum fecerunt.* Vides ipsa verba, hoc est, rem ipsam. Prima littera τοῦ sit amittebatur in ultima praecedentis avos: unde ex ita castior fecerunt *intactior*, minima mutatione. *Exoravere* hoc duras SORORES, ut Eclog. VII, v. 121.

*Unum quaeso DIEM DEOS silentium*

*Exores.*

*Hoc, Hoc*, ut apud Virgil. Georg. II, 352.

*Hoc effusus munimen ad imbres;*

*Hoc, ubi hiulca siti findit canis aestifer arva.*

## E C L O G. IV.

[VERS. 4. *Hesternas miserande dapes*] Ven. et Rom. *externas*: forte *extremas*: et hoc verum puto. Hae tres voces perpetuo confunduntur in Libris.

v. 8. *at nunc aeterna silentia Lethes*

*Ille canorus HABES*] Heinsius ad Ovid. Heroïd. XIV, 95. *pro HABES, forte, inquit, reponendum OBIS.* Non opus est. Noster Protrept. Crisp. v. 136.

*an te septenus HABEBIT*

*Ister?*

Ovidius Rem. Amor. v. 629.

*Quid juvat admonitu tepidam recalescere mentem?*

*Alter, si possis, orbis HABENDUS erit.*

ubi habere alterum orbem ut habere silentia Lethes. Genethl. Lucan. v. 111.

*Seu pacis meritum nemus reclusae*

*Felix Elysiis TENES in oris.*

Idem ergo *Tu habes silentia Lethes*, et silentia Lethes te habent: et proinde nihil mutandum. Versu penult. pro *fessus* Ven. *fusus*. Ult. pro *phoenix* Ven. *felix*. Supra pro *germine* eadem *gramine*. In Notis p. 105. ad vers. 35. dixi, per *gramina* Arabum intelligi *casiam* quae funeribus adhibebatur. Falsus fui: quippe ista *casia* quae funeribus adhibebatur erat

*Aroma*, non *herba*, prout alicubi docet Salmasius, (opinor in libro de Homonym. Hyl. Iatr. nam memoria deficior, nec ad manum liber) et clare Apuleius Apolog. *Ut si tus et CASIAM et myrrham ceterosque id genus ODORES funeri tantum emplos-arbitreris.* Rogo igitur ut inducas sex lineas a verbis per *gramina* usque ad τὸ Propertius. EX ADD.]

v. 14. *Et querulae jam sponte fores*] Operae pretium sit exscribere notulam viri de Statio bene meriti. „Ingeniose (inquit ille,) Politianus (Epist. VI, „1.) hunc locum interpretatus est; *Querulae*, inquit, „jam sponte fores videntur, quoniam quidem querulae antea quoque, sed non sponte; quia brutorum „voces etiam interdum querulae dicuntur. Ita *questus* „avium dixit 4. Silv. ad Sever.

*nunc volucrum novi*

*Questus, inexpertumque carmen*

*Quod tacita statuere bruma.*

„At itaque poeta caveam Psittaci jam conqueri quod „desolata sit. Eodem modo 5. Theb. nidum avis „quem serpens rapuerat querulam domum vocat:

*Illam reddit, querulaeque domus mirata quietem.*

Revera vix intelligo quid velit Vir Doctus: puto tamen contraria omnia a Statio dici debuisse. quomodo



enim *querulae* esse possunt fores cum *tacet* cavea? hoc enim intelligendum est istis, et *angusti* nusquam *convicia* tecti. Contrarium, inquam, oportuit, hoc modo:

En! mutae non sponte fores! vacat ille beatus  
Carcet, et angusti nusquam convicia tecti:  
jam omnia belle cohaerent: limina olim tuo rostro  
stridebant, nunc mutae sunt; sed non sponte; in-  
vito, et quasi hoc silentium dolentes. Ita Achilleid.  
I, 237.

Illum non alias rediturum ad Thessala Tempe  
Jam tristis Pholoe, jam nubilus ingemit Othrys,  
Et tenuis Sperchios aquis, speluncaque docti  
MUTA senis:

docti senis, Chironis. alibi, Theb. VIII, 196.

MUTISQUE diu plorabere Delphis.

Non sponte ut Virgil. XI, 827.

Simul his dictis linguebat habenas

Ad terram non sponte flucens.

alibi,

Italiam non sponte sequor.

Tale quippiam sensus videtur requirere: sed multum  
abest ut affirmem Statium ita scripsisse. Vers. 3. pro  
murmura Parmensis Edit. habet *lumina*: perperam.  
Vide quae dixi Praefatione, de commutatione vocum  
trisyllabarum. Vers. 10. Eadem Edit. exhibet *non*  
pro *nec*: et 15. *angusti* tecti, non *angusti*: et ita  
in sua Editione Gronovius. Supra quidem dixerat,  
v. 11. At tibi QUANTA DOMUS rutila testudine ful-  
gens. Nihilominus tamen vix fieri potest ut *augustum*  
tectum diceret quod modo vocaverat *carcer*: vel ut  
eadem appellatione afficeret Imperatoris Palatium  
et aviculae caveam: illud enim *Augustum* tectum  
vocat, Eucharistico v. 18.

Tectum *augustum*, *ingens*, *centum* *sublime* *co-*  
*lumnis*.

v. 19. Et Aonio VERSAE certamine pieae.] Omni-  
no legendum VICTAE certamine: non enim verteban-  
tur certamine, sed vincebantur. Ovidius Met. V,  
300. de hac re:

Nuper et istae

Auxerunt volucrum VICTAE certamine turbam.

Idem Met. XIII, 19.

Iste tulit pretium jam nunc certaminis hujus,  
Quo cum VICTUS erit, mecum certasse feretur.

Noster Theb. VIII, 615.

Nutat utroque timor, quemnam hoc certamine  
VICTUM

Quem vicisse velint: tacite praeponderat exul.

Ovidius Heroid. XVI, 359.

Paene puer vario juvenes certamine victi.

Idem Met. VI, 91.

hanc Juno VICTAM certamine jussit

Esse gruem.

Livius I, 24. Priusquam dimicarent, foedus ictum  
inter Romanos et Albanos est his legibus, ut cujusque  
populi cives eo certamine VICISSENT, is alteri popu-  
lo cum bona pace imperitaret. Pro demittere mul-  
tae Editiones perperam habent *dimittere*.

v. 20. Quique refert jungens iterata vocabula per-

dir.] Vir doctus Jacobus Dalechampius Not. ad Plin.  
Nat. Hist. X, 12. citat hunc versum ut probet COR-  
NICES vocales esse:

Quique refert jungens iterata vocabula CORNIX:  
Memoriae errore. Vide tamen erroris inconstantiam  
quippe ad cap. 42. ejusdem libri, hunc ipsum ver-  
sum adducit ut probet PERDICES vocales esse:

Quique refert jungens iterata vocabula PERDIX.

v. 32. quo tu, Melior dilecte, recluso

Nunquam solus eras.] Quaero quo sensu Psitta-  
cus reclusus dici potest, id est, *apertus*. Cavea qui-  
dem recluditur, sed non Psittacus, nisi cultro Chi-  
rurgico. Lege,

quo tu, Melior dilecte, relicto,

Nunquam solus eras:

Si omnes alii convivae abierint, hoc tamen relicto,  
non solus eras; hic tibi erat pro turba et sodalibus.  
Nec metuas a sono vocum dilecte relicto: pariter  
enim optimi poetae. Ovidius Amor. II, 7. dicor a-  
MORE MORI. Et Met. VII, 538.

Concidere infelix validos miratur ARATOR

Inter opus tauros.

Virgilius Aen. XI, 552. Telum IMMANE MANU etc.  
Manilius II.

Sic mihi cunctanti tantae succedere moli etc.  
nisi ibi legendum sit *conanti*; quod verum puto.

v. 35. Et tenues Arabum respirant germine plumas

Sicanisque crocis.] Editiones Parm. et Rom. pro  
germine habent *gramine*. Lege,

Et tenues Arabum respirant gramina plumas

Sicaniosque crocos.

Per *gramina* Arabum intelligit *casiam*, herbam sua-  
vissimi odoris, ut eam vocat Servius ad Virg. Ecl.  
II, 49. et quae funeribus adhibebatur. Martialis Epi-  
gr. XI, 55.

Unguentum et casias et olentem funera myrrham etc.

[Vide tamen quae supra p. 238. notavit Marklandus in  
Add. ED. DR.]

Propertius II, 22.

Afflabunt tibi non Arabum de gramine odores,

Sed quos ipse suis fecit Amor manibus.

Apuleius tamen Miles. XI. Talis ac tanta, spirans  
Arabiae felicitis germina, divina me voce dignata est.  
Utroque modo recte dici potest: sequor tamen Ve-  
tustissimas. Bene vero respirant GRAMINA non GRA-  
MINE. ita II, 2. v. 77.

inde malignum

AERA respirat pelago circumflua Nesis:

non AERE. Respirant idem quod spirant, exspirant.  
Sil. Italiens III, 704.

In latus Hesperium flammam exspirare furentes

Cornipedes, multoque fluentia sanguine lora,

sc. cerno. Suspirare hoc sensu utitur alibi Silius. et  
Lucanus VI, 369.

Quique nec humentes nebulas, nec rore madentem

Jaëra, nec tenues ventos suspirat Anaërus.

Inspirare pro eodem utitur Ammian. Marcelli-  
nus; sed non occurrit locus. ita spirare cum quarto  
casu: de quo vide Heinsium ad Claudian. IV. Cons.  
Honor. v. 591. Pro fessus senio Parmensis habet



*usus*: perperam. Non vero dimittenda haec Ecloga antequam in integrum restituamus insignem locum Ovidii ea Elegia a qua multa mutuatus est Statius. Ea est Amor. II, 6. ubi mortem Psittaci deslet, et hoc Elogio decorat:

*Raptus es invidia. non tu fera bella movebas;  
Garrulus, et placidae pacis amator eras.  
Ecce, coturnices inter sua praelia vivunt,  
Forsitan et fiunt inde frequenter anus.  
Plenus eras minimo; nec, prae sermonis amore,  
In multos poterant ora vacare cibos.  
Nux erat esca tibi, causaeque papavera somni;  
Pellebatque sitim simplicis humor aquae.  
Vivit edax vultur, ducensque per aera gyros  
Milius, et pluviae graculus auctor aquae:  
Vivit et etc.*

Ita omnes, opinor, Editiones et Codices. Sed parum

accuratus Lector est qui non statim videt quam inapte inseratur secundum Distichon *Ecce coturnices* etc. quod narrationem inopportune admodum abrum- pit, cum jam in eo esset poeta ut vitam et mores Psittaci describeret. Detrudendum dico istud Distichon in quartum locum, et totum sic legendum:

*Raptus es invidia* etc.  
*Garrulus* et etc.  
*Plenus eras minimo* etc.  
*In multos* etc.  
*Nux erat esca* etc.  
*Pellebatque* etc.  
Et jam locum habet  
*Ecce, coturnices inter sua praelia vivunt,*  
*Forsitan* et etc.  
*Vivit edax vultur* etc.  
*Res per se patet.*

## E C L O G. V.

VERS. 7. *Vastator DOCTE ferarum*] Mirum epitheton istud DOCTE *vastator*: putares leonem hunc solitum esse feras frangere *secundum artem*. Olim conjeceram *vastator* TORVE; quod de leonibus hanc vocem usurpari ex multis poetarum locis observaveram. Sed aliud me docuit Parmensis, quae habet *vastator CAEDE ferarum*: unde nullo negotio elicitur vera lectio, *vastator SAEVE ferarum*. et hoc leonibus convenientissimum et usitatissimum epitheton. Virgilius Georg. II, 151.

*At rabidae tigres absunt, et SAEVA leonum Semina.*

Noster Theb. IX, 45.

*nonne Hyrcanis bellare putatis*

*Tigribus, aut SAEVOS Libyae contra ire leones?* Manilius lib. IV. de Africa:

*Et vastos elephas habet, SAEVOSQUE leones*

*In poenas fecunda suas parit horrida tellus.*

Ovidius Met. IV, 102.

*Ut lea SAEVA sitim multa compescuit unda.*

Martialis Epigr. II, 75. de Leone:

*SAEVUS et infelix furiali dente peremit,*

sc. duos pueros. Ubique invenies. „Erunt fortasse, „quibus mirum et incredibile videbitur vocabulum „tam notum et obvium sic corrumpi potuisse. Verum „qui veteres Codices tractarunt, sciunt nihil esse tam „monstruosum, ut in illud non paulatim abeant verba „etiam vulgarissima, postquam semel male legi et red- „di coeperunt.“ Verba sunt Frid. Gronovii ad Plinii Nat. Hist. XXXIII, 1. ubi pro *consertoris*, vel, ut in aliis codicibus legitur *sartoris*, legit *armorum*. Vide locum.

v. 13. *Hoc licuisse nefas pavidi timere leones*] Hanc lectionem falsi arguit sensus communis: nemo enim *timere* potest aliquid LICUISSE; quippe *timor* locum habet ubi *in incerto* res sunt, non ubi *praeterit* quod *timuimus*; tunc enim succedit *Dolor*, vel

*Desperatio*, vel talis aliquis affectus. Si igitur pro *TIMUERE licuisse* scripsisset *DOLUERE licuisse*, recte et secundum naturam scripsisset: ut apud Lucanum IX, 1055.

*captique in viscera magni*

*Hoc aliis LICUISSE* doles.

¶ Proculdubio a Statio fuit,

*Hoc licuisse nefas pavidi GEMUERE leones.*

Ita Theb. I, 814.

*jam jamque animis male debita regna*

*Concipit, et longum signis cunctantibus annum Stare gemit.*

VII, 821. de Amphiarao:

*Resperitque cadens caelum, campumque coire Ingemuit:*

Sil. Italicus II, 225.

*Consilium damnant, portisque atque aggere tuto*

*Erupisse gemunt.*

Ovidius Met. III, 94.

*Pondere serpentis curvata est arbor, et imae*

*Parte flagellari gemuit sua robora caudae.*

Horatius Epist. I, 15.

*sane murteta relinqui*

*Dictaque cessantem nervis elidere morbum*

*Sulfura contemni vicis gemit.*

Sed nec adhuc recte habet sensus: non enim leones gemuere hoc licuisse, absolute, sed

*Hoc licuisse nefas PAVIDO gemuere leones:*

Si alius et fortior leo hoc facinus perpetrasset nihil adeo dolendum foret: cum vero PAVIDO tigridi (quem supra vocat *feram FUGIENTEM*) tantum licuit, hoc quidem *gemendum* erat. compar sententia apud Claudianum in Rufin. II. 198.

*simul ira virum, simul obruit ingens*

*Moeror, et IGNAVO tantum LICUISSE nocenti*

*Miratur.*

Sil. Italicus XIV, 97.

Ingemuit, niniūque viris tantūque licere  
Horruit.

Arienus Fab. II.

Ingemuit votis haec LICUISSE suis.

de Re vide Martialem lib. de Spectac. Epigr. XVIII.  
Gemere vero de Leonibus recte dici notum ex isto  
Virgillii Eclog. V, 27.

*Daphni, tuum Poenos etiam ingemuisse leones  
Interitum, montesque feros silvasque loquuntur:*  
ita legendus iste nunquam adhuc intellectus locus,  
pro *feri et silvae*. Ortus error ex eo quod non in-  
telligebant *to loquuntur* idem esse ac *ferunt, dicunt:*  
ut Aen I, 735.

*Juppiter, (hospitibus nam te dare jura LOQUUN-  
TUR)*

*Hunc laetum etc.*

id est, *dicunt* te dare jura. Horatius Epist. I, 20.

*Me libertino natum patre, et in tenui re*

*Majores pennas nido extendisse LOQUERIS:*

ubi eadem verborum constructio, *LOQUERIS me exten-  
disse pennas*, ut *LOQUUNTUR leones ingemuisse inter-  
ritum*. Jam vero sensu et constructione loci Virgi-  
liani nihil facilius: *Daphni, DICUNT leones et feros  
montes et silvas ingemuisse tuum interitum*. Pro  
feros errore librarii scriptum erat *feris*; inde, ulti-  
mā literā s a proxime sequenti absorptā, *feri*: de-  
hinc factum *silvae pro silvas*, ut ejusdem casus es-  
set ac *feri*. millies hoc Veterum scriptis accidit. Versu  
praecedente pro *clausis portis* Edit. Parm. et  
Rom. habent *clausas portas*. abrupta haec videntur;  
et suspicor aliquid deesse, nisi scribendum et distin-  
guendum sit,

*Stat cardine aperto*

*Infelix cavea, oclusis circumundique portis.*

*Hoc licuisse nefas pavido gemuere leones.*

*Circum undique*, ut Silv. V, 1. *miseram circum un-  
dique leti Fallacere plagae*. Restitue hanc vocem  
Virgilio Aen. IV, 416.

*Anna, vides toto properari litore: circum —*

*Undique convenere: vocat jam carbasus auras:*

Ita distinguendum; vulgo male divellitur haec vox,  
et ponitur distinctio post *circum*: *Anna, vides toto  
properari litore circum*: quae in errorem induxit  
Servium, ut putaret *circum* esse adverbium loci:  
quod quidem interdum verum est, sed non hoc loco.

v. 15. *TOTAS duxere in lumina frontes*] Nullius  
usus vox ista *TOTAS*; nunquam enim, opinor, *par-  
tem* frontis in lumina ducere solent leones. Juvenal.  
Sat. IX, 1.

*Scire velim quare toties mihi, Nacvole, tristis  
Occurras fronte obducta, ceu Marsya victus:*

vides *FRONTE obducta*, non *TOTA fronte obducta*.  
Scripsit Statius,

*TORVAS duxere in lumina frontes:*

Virgilius Aen. III, 635.

*Telo lumen terebramus acuto*

*Ingens, quod torva solum sub fronte latebat.*

Martialis Epigr. IV, 14.

*Nec torva lege fronte, sed remissa,*

*Lascivis madidos jocis libellos.*

Sil. Italicus III, 75.

*Ora parentis*

*Agnosco, torvaque oculos sub fronte minaces.*

Et ita passim apud poetas.

[v. 22. *Sic piger ille gradu, solitoque exutus  
honore*] Sono et elegantiae consulueris, si legas,  
*solitosque exutus honores:*

non quin alterum probum sit, sed hoc magis Statia-  
num videtur. Vers. 26. pro *gladiator Ven. Germa-  
nus*: quod Glossatoris est. Ex ADD.]

v. 23. *Firmat hians oculos animamque*] Omnino  
legendum *animumque*. Thebaid. V, 494.

*Qualis Gaetulae stabulantem ad confraga silvae  
Venator longo motum clamore leonem*

*Expectat FIRMAN ANIMUM.*

Epithal. Stell. et Violant. v. 92.

*Firmavique ANIMOS, blandisque madentia plumis*

*Lumina deteresi.*

Tacitus Annal. I. de Postumo Agrippa: *quem igna-  
rum inermumque, quamvis firmatus ANIMO centurio  
aegre confecit*. Plinius Epist. VII, 27. *Ille non tol-  
lere oculos, non remittere stylum, sed obfirmare ANI-  
MUM, acriusque pertendere*. ita legendum puto, vul-  
go, *auribusque praetendere*, sc. *animum*; phrasi vix  
poëtis concedenda, nedum scriptori prosaico, et in  
simplici narratione. Tacitus Annal. XV. *Immotus iis  
et paululum in publico versatus, post domi secretus  
ANIMUM adversum suprema firmabat*. Ovidius Met.  
IX. 744.

*Quin ANIMUM firmas, teque ipsa recolligis, Iphi?*

Passim exempla invenies. Mirum vero est quod oc-  
currit versu ultimo hujus Eclogae,

*magni quod Caesaris ora*

*Unius AMISSI tetigit JACTURA leonis:*

quippe *jactura amissi* leonis paene idem est ac si  
diceres *amissio amissi* leonis. non tamen adeo ab-  
simile istud Ovidii Metam. IX, 98. de Achelōo amne:

*Huic tantum ABLATI doluit JACTURA decoris,*

*Cetera sospes erat:*

ita enim legendum; vulgo *Hunc tamen ablati do-  
luit* etc. Comparat poeta sortem Achelōi cum sorte  
Nessi, qui ambo Deianiram amarunt: Achelōus, in-  
quit, ex amore Deianirae tantum DOLUIT, nullum al-  
liud malum assecutus est praeter DOLOREM, (ob amis-  
sum scil. alterum cornu:) At tu, Nesse, EXITIUM  
Auctor tibi sum Ovidium ita scripsisse, et tute fate-  
beris si locum spectes. Nagerius invenit in non-  
nullis Codicibus *tantum*, et ita Heinsius in quinque.  
*domuit pro doluit*, frequenti vice *literarum L et M*:  
de qua ad Silv. V, 3. Pro *sospes erat* Codex unus  
Heinsii habuit *sospes abii*: quod defendit Vir summus



## E C L O G. VI.

CONSOLATIO AD FLAVIUM URSUM etc.] Ita edidi, secutus! Gronovius qui in duobus Codicibus pari fere modo hanc Epigraphen invenit: nisi quod in uno *Flavium RUFFUM de MORTE pueri*. Verum est AMISSIONE, ut Epist. ad Meliorem, libro huic praefixa: *scriptam de puero AMISSO Consolationem*: ubi Titulo Eclogae hujus alludit; quod et alias facit. Eadem Epistola: *Jam vero tibi hujus AMISSI recens vulnus, ut scis, EPICEDIO prosecutus sum*: de Glaucia Melioris. ubi pariter Eclogae Lemmati alludit, quod fuit, EPICEDIIUM GLAUCIAE MELIORIS; (non, in *Glauciam Melioris*) et ita ibi habet Vetusta Parmensis: hic vero, AD URSUM JUVENEM AMICISSIMUM. quod etiam habuit ex eadem Epistola; licet ibi paullo aliter sit, *Ad Ursum quoque nostrum*, juvenem CANDIDISSIMUM, etc. non AMICISSIMUM. Pro PILETUS legendum PHILETUS, a Graeco ΦΙΛΗΤΟΣ: et ita apud Martialem II, 44. et Vet. Inscript. apud Reinesium p. 239. et 756. ita etiam scriptus Codex, notante Gronovio. Vide Marq. Gudium ad Phaedrum V, 10. *Haec cur, PHILETE, scripserim, pulere vides*. Vetus Epitaphium, Romae repperitum:

ΦΙΛΗΤΩ τὸδε σῆμα, κατοικημένῳ συνομένῳ,  
Ἀβρακάντις γαμετὶ μνημοσύνης ἔνεκεν.

Citatur in Not. Sirmonti ad Sidon. Apollinarem Epist. IX, 16. et a Graevio in Spicileg. Notar. in Rutillii Itinerar. v. 419. Jubi probat primam syllabam hujus vocis communem esse.

v. 3. *Surgentesque (nefas!) accendere natos*:] Ita distinguendum: vulgo omititur Parenthesis, quasi Constructio esset, *nefas est accendere surgentes natos*: vitiose. Theb. VI, ad finem:

*Monstratumque (nefas!) uni remeabile bellum.*

XII, 83.

*Meque super, cui vita, (nefas!) cui sanguine nati*

*Partus honos*:

ita optime codex Petrensis; vulgo, *et sanguine*. Virgilius Aen. VIII, 685.

*Hinc ope barbarica, variisque Antonius armis,*

*Ductor ab Aurorae populis et litore rubro,*

*Aegyptum, viresque Orientis et ultima secum*

*Bactra vehit; sequiturque (nefas!) Aegyptia conjux*:

ita legendum; vulgo *Victor ab Aurorae populis*: quod multis nominibus isti loco non convenire facile esset probare. *Ducem* vocat Horatius Epod. IX. in eadem descriptione: et Ovidius Met. XV, 826.

*Romanique DUCIS CONJUX AEGYPTIA, tædæ*

*Non bene fisa, cadet*:

ubi hunc Virgilio locum in animo habuit. *Ductor ab Aurorae populis*, ut, *Pastor ab Amphryso*: et per contemptum haec dicuntur, et indignationem quod *Ductor ab imbellis Aurorae populis arma adversus Augustum, Agrippam, et nomen Romanum sumere auderet*.

v. 6.

*arte tamen, et procul intrat*

*Alius in sensus etc.]* Haec est lectio omnium quotquot vidi Editionum praeter Parmensis, quae habet AD TE tamen. an voluit, ALTE tamen, et procul intrat Alius in sensus? Q. Curtius IV, 6. *omnibus territis, quia nunquam tam alte penetrasse telum, lorica obstante, cognoverant*. ubi pariter in uno Codice scriptum erat ad te pro alle. Domitius explicat, ARCTE] *Quamvis nulla sit necessitudo*: quod sane non capio. Nec puto plagam recte dici posse ARCTE seu ARTE intrare quae per artum seu tenue foramen intrat. Latet, opinor, verbum aliquod substantivum. optime congrueret, pro arte, transpositis literis, aeret, id est haeret:

haeret tamen, et procul intrat

*Alius in sensus, majoraque vulnera vincit*  
*Plaga minor.*

Lucanus VIII, 417.

Haereat Eoae vulnus miserabile sortis.

Virgilius Aen. VII, 533.

haesit enim sub gutture vulnus, et udae

*Vocis iter, tenuemque inclusit sanguine vitam.*

ubi vulnus pro sagitta quae infert vulnus; et ita forte capiendum τὸ Plaga hoc Statii loco. Ausonius Epitaph. XXVII. de Niobe.

*Sed dolor, obstructis quamquam vitalibus, haeret.*

Juvenalis II, 137.

*Interea tormentum ingens nubentibus haeret.*

Plinius Epist. I, 5. *Ait, tinere se ne animo meo penitus haereret quod in Centumvirali judicio aliquando dixisset*. ita gaudium haereat animo dicit Idem Panegyrico. Sequitur,

*Sic miscet Fortuna manu, nec pectora novit.*

ita recte Bernartius et Gevartius pro movit. Fortuna non novit non inspicit et recte aestimat animos et pectora hominum: quod si fecisset, dignus fuisset Philetus nasci liber. Pari sensu Herc. Epitrap. V, 89. *Si mores humanaeque PECTORA curae NOSSE Deis*. Male Gronovius sincerum corrumpit legendo et defendendo (Diatr. c. XXI.)

*Si miscet Fortuna manu, nec pectora morit.*

licet Elench. Antidiatr. c. III. dicat se ideo tantum protulisse hanc conjecturam, ut ejus occasione Silium, Statium alibi, Lucanum et Val. Flaccum emendaret et illustraret.

v. 11. *cui major stemmate juncto*

*LIBERTAS ex mente fuit.]* Quam male hic argumentatur Statius, et res diversas et nihil commune habentes conjungit! LIBERTAS, inquit, *major juncto stemmate*. quid LIBERTATI cum juncto, longo, et continuato stemmate? dixisse debuit *libertas omni Vindicta*, omni *Manumissione* major; non *juncto stemmate* major: quippe *junctum stemma* non ad *libertatem* facit, sed *nobilitatem*. Vides jam Statium scripsisse

*cui major stemmate juncto*

NOBILITAS ex mente fuit.

Ovidius Pontic. I, 2.

Maxime, qui tanti mensuram nominis implet

¶ Et geminas ANIMI NOBILITATE genus:

Noster Theb. II, 436.

tibi larga (Pelops et Tantalus auctor)

Nobilitas, propiorque fluat de sanguine juncto  
Iuppiter.

IV, 600.

huic ampla quidem de sanguine prisco

Nobilitas.

Vides Nobilitatem, non Libertatem de sanguine prisco et genere acquiri. Juvenalis Sat. VIII, 1.

Stemmata quid faciunt? quid prodest, Pontice, longo

Sanguine censeri?

concludit deinde v. 20.

Nobilitas sola est atque unica virtus;

non Libertas. Infra, eadem Satira v. 40.

tumes alto Drusorum stemmate, tanquam

Feceris ipso aliquid propter quod nobilis esses.

Alcimus Avitus lib. IV. 172. de Noacho:

Stemmatibus hic sancti; nam claro nobilis ibat

A proavo quem prisca fides et conscia virtus

In caelum sine morte tulit.

Ausonius Professor. XXIV.

Stemmata nobilium deductum nomen avorum.

Seneca de Benef. III, 28. Qui imagines in atrio exponunt et nomina familiae suae longo ordine ac multis stemmatum illigata flexuris in prima parte aedium collocant, noti magis quam nobiles sunt. Huic Statii sententiae similis ista Autoris Panegyri. ad Pisonem v. 5.

Hinc tua me virtus rapit, et miranda per omnes

Vita modos; quae, si deesset tibi forte creato Nobilitas, eadem pro nobilitate fuisset.

Male vero Gevartius legit fluit pro fuit: si enim quidquam mutandum, scripsisse debuit fluxit non fluit. recte habet FUIT, ut mox, Imperiosus ERAT. Et si sanguis vel stemma FLUERE dicitur, non tamen Libertas, quemadmodum legebat Gevartius: adeo ut bis peccet. Has vero voces Libertas et Nobilitas commutatas observavi alicubi apud Veterem Horatii Scholiastem; sed locus non nunc memoriae occurrit.

v. 13. rumpat frenos dolor iste (Deisque

Si tam dura placent) hominem gemis etc.] Nihil hic mutant Editiones, praeter Parmensem, quae pro deisque habet deosque, transpositis literis. Gevartius Papin. Lect. II, 15. haec notat: „Itaque cum ait „Deisque, subaudi, convicia inferas, aut quid simili. Vel lege Deosque,

rumpat fraenos dolor iste, Deosque.

„Deos rumpe, id est, Deorum invidiam contemne, „vel fortiter feras.“ Quam multipliciter peccat vir politissimus! Primum rumpere Deos pro invidiam Deorum contemnere vel fortiter ferre. quod si sensus et phrasia admitterent, quo tamen referenda essent ista Si tam dura placent? Deinde, DEIS, pro convicia

inferas DEIS. Si huiusmodi Ellipses admittantur, quidvis ex quovis probari potest. Olim conjeceram,

Deisue

Hei tam dura placent?) hominem gemis, (hei mihi! subdo

Ipse faces) hominem, Urse, etc.

Non male, opinor, quia idem conjectantem postea deprehendi Gronovium Diatr. C. XXI. qui observat, „Summa ars excellentissimi poetae est quod periodos „breves velut singulis interstinguit. Ei in Vett. „libr. scriptum fuerat, ut assolet, pro Hei: id in „Si degeneravit.“ Et hoc sane placeret, nisi hunc locum, retenta veteri lectione, explicaret Doctiss. Bentleius Not. ad Horat. Serm. II, 7. v. 83. his verbis: „Excusat Ursum poeta, quod in famuli morte tam acerbè lugeret: Famulum, inquit, gemis, „sed pium, sed mente ingenuum. Esto igitur famulus; (si deisque tam dura placent; hoc est, ut „tam liberalis puer indolis vel nascendi conditione „vel captivitatis sorte foret servus) at hominem gemis: „quid hic pudendum? quanto hoc justius quam quod „Persae equum fortem, Molossi canem fidum lugent „extinctum?“ Haec Vir summus; et hoc quidem pacto optimus exsurgit sensus. adhuc tamen, ut mihi videtur, turbat istud quæ, quod superfluum est, nec aliquid connectit; prout videre potes etiam in explanatione Bentleiana: quam etiam si admittas, alieno tamen loco ponuntur ista Deisque Si tam dura placent: debuerunt enim sequi vocem famulum: gemis quidem famulum (Si deis tam dura placent) sed pium etc. ita paullo ante, famulum (quoniam rerum omnia caeca Sic miscet Fortuna manu nec peffectora novit) gemis. Revera vix aliter scribere potuit Statius ac conjecerat Gronovius,

rumpat frenos dolor iste, (Deisue

Hei tam dura placent?) hominem gemis, etc.

Omnino huic similis apostrophe Thebaid. X, 799. ubi mater Menoecei queritur,

nos saeva piacula bello

Demus, ut alternis (placet hoc tibi, fulminis auctor?)

Oedipodionii mutant diademata fratres?

Recte vero idem Vir magnus distinguit, tuum servitium, non tuum hominem. Sequitur, qui sponte, sibi quæ Imperiosus erat: iterum videtur abundare quæ: satis enim erat dixisse, qui sponte sibi imperiosus erat, omisso quæ. an scripsit, qui sponte sibi qui Imperiosus erat? ut in isto Horatii, Sibi qui imperiosus. Vel, qui sponte sibi Imperiosus erat. quære an haec vox unquam versum finiat. Mox, v. 21. vidi ipse, HABITUSQUE notavi etc. Ita plurimae editiones. Bentleius tamen ad istum Horatii locum citat, vidi ipse ANIMOSQUE notavi: et ita inveni in Parmensi; in Romana, ANIMOQUE: et Crucei Editio habet ANIMOSQUE. omnino verum animos, id est spiritum, generosae indolis indicem. Virgilius Aen. VII, 42.

Dicam acies, actosque animis in funera reges.

Seneca Troad. v. 340. Hos Scyros animos? ubi Agamemnon Pyrrhum alloquitur, et illi exprobrat natalis soli ignobilitatem. Silvar. IV, 4.



*Illuc egregium formaque animisque videbis  
Marcellum.*

v. 22. *Te tantum CUPIENTIS herum.*] Quisquis herum CUPIT necesse est *servili* sit animo. *ferre* quidem *Dominum* necessitate adactus interdum potest magnus animus; nunquam vero *cupere*. lege igitur,

*Te tantum CAPIENTIS herum:*

vide annotata ad Silv. I, 2. v. 107. ubi de hac voce fusius, statim etiam sequitur, CUPERENTQUE *Latinae* sic *peperisse nurus*: quod ultra mendum arguit. Sed contra me movet quod summus Bentleius in sua huius loci explicatione legit *cupientis*: et huic aliquatenus favent praecedentia, TUUM cui DULCE volenti SERVITIUM. Melius itaque forte nihil in Contextu mutasse.

v. 28. *Rusticus invisae dejecit in aequora pinus.*] QUIBUS *invisae* pinus dicit? non enim absolute *invisae* dici possunt; quippe Helenae non *invisae*, Paridi non *invisae*: non igitur simpliciter *invisae*. Suspiciari posses INCESTAS pinus, ex loco Achilleid. II, 363.

*Nos Phryga semivirum portus et litora circum  
Argolica INCESTA volitantem puppe seremus?*

Sed majus aliquid latet: quare enim *Rusticus* Paris? verum quidem est olim *Rusticum* fuisse Paridem, quando scilicet pastorem ageret, et antequam Regis filius agnosceretur: sed non *Rusticus* quando *dejecit in aequora pinus*: quippe in Aulam Trojanam receptus fuerat, et *rusticitatem* proculdubio exuerat. Audi Ovidium Art. Am. II, 369. de Paride et Helena:

*Quid faciat? vir abest, et adest NON RUSTICUS  
hospes;*

*Et timet in vacuo sola cubare toro:*

Agnoscis Paridem NON RUSTICUM. Praeterea vix est ut *Rusticum* diceret quando propter Formam laudare instituisset: nec tam FORMOSUS fuit Paris RUSTICUS: haec enim aliquatenus se mutuo tollunt. Satis, opinor, patet depravatio; non adeo facilis medicina. Et dixisse quidem potuit MATRIBUS *invisae pinus*: ut apud Horatium, *bella MATRIBUS detestata*: et Hannibal PARENTIBUS *abominatus*: et ita apud Sil. Italicum III, 70. ubi idem Hannibal natum infantem alloquitur,

*amplior oro*

*Sis patrio decore, et factis tibi nomina condas  
Quicis superes bellator avum: jamque aegra timoris*

*Roma tuos numeret lacrimandos MATRIBUS annos.* Sed hoc non satis fuisset: quippe ambiguum foret utrum matribus Trojanis an Lacaenis has puppes *invisae designare* voluerit, cum ad utrasque ex aequo pertinerent. Sine dubio intelligit *Feminas Trojanas*, quibus merito *invisae* erant hae puppes, utpote mulierem peregrinam in opprobrium ipsarum invectionis, et frustratae spem quam ipsae habere poterant de matrimonio formosi sui popularis Paridis; et ob multas alias rationes. Paene certus sum Statium scripsisse,

*Nec Paris Oebalios talis visurus amores*

*Troasin invisae dejecit in aequora pinus:*

Sensus, ut mihi videtur, hoc postulat; nec aliam comminisci potes vocem quae per omnia tam bene

conveniat. Causam inmanis hujusce mutationis in Praefat. aperui: nempe ultima syllaba in amissa erat in subsequente *invisas*, ut saepe fit. Deinde pro *troas* fecerunt *ticus*, cum inter hoc et illud parum sit differentiae in minuto characterc. Et jam obvium erat exscriptori vel lectori eruditulo addere syllabam *rus*, ut integram vocem *rusticus* faceret; qua pejor, et sensui magis opposita, vix inveniri potuit. Pariter et in eadem voce depravatum Ovidii locum feliciter restituit Salmasius, teste Gronovio Observat. III, 3. Verba Ovidii sunt, Heroid. XIII, 137. Epist. Laodamiae Protesilao,

*Troadas invideo: quae si lacrimosa suorum*

*Funera conspicient etc.*

ubi vulgatam lectionem *Troadas invideo* *ολοιζαίνεω* probat Heinsius. in Codice Puteanco erat *Troas invideo*: unde, *τῶ* in geminato, Salmasius reponebat *Troasin invideo*. Nihil verius, aut magis appositum huic meae emendationi esse potuit. *Troasin* vero ut *Dryasin* et *Hanadryasin* apud Propert. I, 20. *Lemniasin* seu *Lemniasin* Ovid. Art. Amat. III, 672. ex emendatione Heinsii pro *Lemnias*. Vide locum: ibi enim plura exempla. Pro *invisas* nonnullae editiones perperam habent *invisas*.

v. 36. *qualem nec bella CAVENTEM*] *Bella caventem*, id est ut bella *caveret*, seu *vitaret*, ut recte Domitius: nec audiendus Gevartius qui *canentem* legit. Sensus est: non tam formosus erat Achilles, quem mater inter virgines occultavit, ut bella *vitaret*; non, ut bella *caneret*. *cavere* in hoc sensu Statio familiare: Theb. VI, 769.

*Sed providus astu*

*Et patria vigil arte Lacon hos rejicit ictus,*

*Hos cavet:*

ibid. 780.

*Illum rigida arma caventem*

*Avocat:*

iterum v. 792.

*motu Spartanus acuto*

*Mille cavet lapsas circum cava tempora mortes:* i. e. *vitat*. Verum quidem est quod dicit Gevartius, Achillem musicum fuisse et solitum esse bella *canere*, a Chirone Praeceptore edoctum: sed hoc non satis est; requiritur enim *Causa* propter quam Mater cum occultavit: haec vero non fuit ut bella *caneret*, sed *caveret* seu *vitaret*: et ita praefertur antiquissimae Editiones Parmensis et Romana. Gronovius edidit *caventem*: in Erratis tamen reponi vult *caventem*.

[v. 33. *deprendit lancea*] Venet. *trajecit lancea*. alterum multo elegantius. EX ADD.]

Mox, v. 34. *Qualis ERAT procul heu cunctis puerisque virisque Pulchrior!* Parmensis, *Talis ERAS procul* En: Romana, *Qualis ERAS procul heu*. et hoc verum, ERAS non ERAT: puerum enim jam alloquitur, ut mox, *Non tibi femineum vultu decus*. Notanda vero vox *procul*, quae cum Comparativo significat longe: *procul* Etiam sine Comparativo in Surrent. Pollii v. 83.

*Ante tamen cunctas procul eminet una diactas: pulchrior pro longe pulchrior*. ita supra v. 6. *arte tamen*



et pr ocul intrat Altius in sensus: pro longe altius. id est longe ante cunctas.

v. 39. *quales dubiae post crimina formae*

*De sexu transire jubent*] Nullum ex his sensum efficere possum. JUBENT *de sexu transire* POST CRIMINA *dubiae formae*: QUI *jubent*? deest enim casus rectus. Sed majus quod sequitur, POST CRIMINA *dubiae formae*: quanam haec crimina intelligit? quodnam in te crimen, si

*Dum dubitat Natura marem faceretne puellam,*

*Factus es o pulcher paene puella puer?*

ut eleganter Ausonius: non tuum hoc, sed Naturae; nec tamen crimen. Vide quam levi mutatione evanescent hae absurditates: lege modo,

*quales dubiae DISCRIMINA formae*

*De sexu transire jubent:*

*discrimina dubiae formae de sexu transire jubent:* notum enim pueros formosissimos in hanc rem eligi solitos: quippe

nullam

*Deformem saeva castravit in arce tyrannus.*

bene vero *discrimina*: Horatius Carm. II, 5. de puero formoso,

*Quem si puellarem insereres choro,*

*Mire sagaces falleret hospites*

DISCRIMEN OBSCURUM, solutis

*Crinibus, AMBIGUOQUE vultu:*

quem Horatii locum in animo videtur habuisse Statius Achilleid. I, 332. ubi describitur Thetis natum cultu muliebri ornans: Inde addit elegantissima haec,

*Qualiter artificis vincturae pollice cerae*

*Accipiunt formas, ignemque manumque sequuntur;*

*Talis erat Divae natum mutantis imago.*

*Nec luctata diu: superest nam plurimus illi*

*Inrieta virtute decor; fallitque tuentes*

AMBIGUUS, tenuique latens DISCRIMINE sexus:

versu quinto pro INVICTA virtute lege INVITA virtute; ut apud Sidonium Apollinarem qui hoc mutuatus est a Statio, Carm. V, v. 17.

INVITA superat virtute venustas.

Claudianus de Rapt. Proserp. II, 27.

*At Triviae lenis species, et multus in ore*

*Frater erat; Phoebique genas et lumina Phoebi*

*Esse putes; solusque dabat DISCRIMINA sexus.*

Ovid. Met. IV, 280.

*Ambiguus fuerit, modo vir, modo femina, Scythion.* Noster Theb. V.

*ambiguo visus errore lacessunt*

*Oebalidae gemini.*

*ambigui mares* de Eunuchis Claudian. in Eutrop. Ausonius Epigr. 69. Ambiguoque fuit corpore Tiresias. Juvenalis XV, 135.

*Pupillum ad jura vocantem*

*Circumscripserunt: ejus manantia fletum*

*Ora puellares faciunt incerta capilli.*

Seneca de Provid. c. III. *Exoletus omnia pati doctus, exsectae virilitatis aut dubiae.* Recte vero discrimina jubent, id est faciunt: ita apud Juvenal. VI, 620. boletus jussit tremulum Claudii caput in caelum descendere; id est, fecit. Passim apud poetas

invenies. Versu proximo pro parvoque Parmensis habet *torvaque*; Romana *torvaque*; perperam. Melius eadem v. 42. pro belli habent *bellis*. *missa* etiam casside, pro *visa*, ex MS. Senensi reponendum.

v. 48. *Nam pudor INDE NOVAE mentis*] Quanam haec NOVA mens, et quem sensum habet ista vox INDE? lege minima mutatione,

*Nam pudor INGENUAE mentis;*

nihil verius. Seneca Hippol. v. 250.

*Non omnis ANIMO cessit INGENUO pudor.*

Plinius Epist. VIII, 6. Scio quam sit tibi virus et INGENUUS ANIMUS. Auctor de causis corrupt. Eloquentiae, c. 6. *Quid enim dulcius libero et INGENUO ANIMO et ad voluptates honestas nato, quam videre plenam semper et frequentem domum concursu splendidissimorum hominum?* obiter emenda Claudianum in hac voce, Nupt. Honor. et Mar. v. 313.

*Quis consilio, quis juris et aequi*

*Nosse modum melior? quod semper dissidet, in te Convenit, ingenuo robur, prudentia forti:*

volgo, ingenio robur; sine sensu: ingenuus es, sed non sine prudentia. Pro inde novae Parmensis habet unde novae mentis? Romana, inde notae.]

v. 50. Carmina quae donasse queant? Difficillimus locus; ad quem haec notat Barthius: „In veteri Lindbrogiano libro fuit, Carmina quae donasse queant: meo animo reliquit Papinius,

*Nam pudor inde novae mentis tranquillaque morum*

*Temperies, teneroque animus maturior aetate,*

*Carmina quae non fessa premant?*

„Recepit Lindbrogianam scripturam in contextum sermonis doctissimus Gevartius: sed ea nihil dicit: „si vero recipienda esset, accusandi casu priores duo „isti versus forent concipiendi, quae absurda sit mutatio: haec autem emendatione omnia suo pede „ingrediuntur.“ Viderint alii quali pede haec ingrediantur; ego quidem nec Sensus nec verborum Constructionem intelligo: sed si nihil excidit, scio ad hanc formam concipi haec oportere,

*Nam pudor ingenuae mentis, tranquillaque morum*

*Temperies, teneroque animus maturior aetate*

*Carmine quo nota esse queant?*

ad hanc, inquam, formam; haec enim pro veris Stilianis venditare nolo. minima vero differentia inter nota esse et donasse: et conjecturae meae favet Parmensis quae exhibet, Carmine quo potasse queam: ut jam putem hanc esse scripturam Stilianam, Carmine quo nota esse queant. [Venet. Carmine quo potasse queam. Verum puto, Carmine quo nota esse queant? ut olim conjeceram. Vide Notas. EX ADD.]

v. 54. Dignus et AEMONIUM Pyladen praecedere fama.] Heinsius ad Ovidii Trist. I, 9. v. 27. haec notat: „Haemonium Pyladen facit Statius in Silvis, „sed Librariorum, ut opinor, culpa.“ Quippe Pylades erat Phoeus. Idem Ovid. Amor. II, 6.

*Quod fuit Argolico juvenis Phoeus Orestae:*



id est *Pylades*: et Ponticor. II, 3.

*Adfuit insano juvenis Phocæus Orestæ.*

E *Phocide* nempe, Græciæ regione, Boeotiae contigua: ita enim dicit pater ejus *Strophius* apud Senecam Agamemn. Act. V, v. 918.

*PHOCIDE relicta Strophius, Elea inclutus*

*Palma revertor.*

Non igitur *Aemonius* seu *Thessalus* *Pylades*. An scripsit

*Dignus et AONIUM Pyladen praecedere fama?*  
ut contiguas regiones *Boeotiam* seu *Aoniam* et *Phocida* forte confuderit: vide quæ notavi ad Eclog. I. hujus libri, v. 181. Conjungit alibi has regiones, *Achilleid.* I.

-*PHOCIS et AONIAE jaculis rarescitis umbræ.*

v. 58. *Quis Deus aut quisnam tam tristia vulnera casus*

*ELIGIT?* Non optimum videtur istud, *Deus ELIGIT vulnera*: melius *EXIGIT*. ita Theb. VIII, 758.

*Infelix contentus erat: plus exigit ultrix*

*Tisiphone,*

de Tydeo mandente caput *Menalippi*. Theb. XI, 167.

*Sed exige tandem*

*Supplicia:*

*Ovidius Met.* IV, 190.

*Exigit indicii memorem Cythereia poenam.*

clare *Fastor.* V, 313.

*Quid facerem per quod fierem manifesta doloris?*

*EXIGEREM nostræ qualia DAMNA notæ?*

*Noster Silv.* V, 2. v. 91.

*Exegit poenas hominum cui cura suorum.*

*Lucanus VIII,* 701.

*Hac fortuna fide Magni tam prospera fata*

*Pertulit; hac illum summo de culmine rerum*

*Sorte dedit; cladesque omnes exegit in uno*

*Sæva die, quibus immunes tot præstitit annos:*

ita legendum puto; vulgo *Morte petit*. imitatur *Virgilium* de *Priamo*, *Aen.* II, 554. *expetere poenas Auson.* *Caesaribus:*

*Expetiit poenas de Caio Chaerea mollis:*

ita emendo pro *Caesare* *Chaerea mollis*: in MS<sup>o</sup> conceptum erat de *C. Chaerea mollis*; quæ litera et *Caesarem* et *Caïum* denotat: *Caligulam* vero vocari *Caïum* omnibus notum. *Caesare* nimis generale est. Vide tamen Theb. I, 259.

*Facta luant Thebæ: cur hostes eligis Argos?*

*Seneca Medea* v. 534.

*Nec diligenti tela librentur manu:*

*In me, vel istum: quisquis e nobis cadit,*

*Nocens peribit.*

Et *Hippol.* v. 208. de amore:

*Cur in penates rarius tenues subit*

*Haec delicatas eligens pestis domos?*

*Oedipo* v. 1036.

*utrumne pectori infigam meo*

*Telum, an patenti conditum jugulo imprimam?*

*Eligere nescis vulnus? hunc, dextra, hunc pete*

*Uterum capacem.*

*Noster Theb.* VII, 175.

*Quinetiam invisos (sic hostis defuit?) Argos*  
*Eligis.*

ita optime *Codex Petrensis*: vulgo *Elicis*. Hinc patet nihil mutandum esse loco *Curtii* IV, 1. *hortum intrant, quem forte steriles herbas eligens Abdolonymus repurgabat*. ibi enim N. Heinsius maluit *exigens*. *eligere steriles herbas* esse notare eas quæ steriles erant, ut evelleret et abjiceret.

v. 62. *Ructassent dites Vesuvina incendia Locros*] Scio quomodo hunc locum explicat *Gronovius* *Diatr.* c. L. *incendia ructassent dites Locros*, id est, inquit, *ructando ignem Locros vexassent*: ita *nodare palaestras* *Herc.* *Surrent.* quia in palaestris *nodi ligantur*: *plaudere choreas* *Maroni* et aliis, quia *saltando terra plauditur*. vide locum: plurima enim ejusmodi exempla ibi adducit. *Mibi* tamen non satisfacit, in hac phrasi; nec simili modo dici posse videntur *nodare palaestras*, *plaudere choreas*, et *ructare Locros*, seu *ructando ignem vexare Locros*: quod affectatum, *κακόζηλον*, et longe accersitum mihi videtur. Et si hæc admittatur interpretatio, vide quid sequitur: *Vesuvina incendia ructando incendia vexassent Locros*. Quid; an *incendia* possunt *ructare* seu *evomere incendia*? certe non hoc dixisset *Gronovius*, licet ejus Interpretatio hoc dicat. *Mibi* minime dubium est hanc vocem *ructassent* depravatam esse; et *μεγδδιν* nam videor invenisse,

*si vel fumante ruina*

*Undassent dites Vesuvina incendia Locros:*

*Ex Achilleid.* I, 86.

*Cum tuus Aeacides tepido modo sanguine Teucros*

*Undabit campos:*

ubi *undabit campos sanguine*, ut hoc loco *undassent Locros ruina*. *undare* vero de *flammis* usitatum poetis. *Silius IX,* 446.

*Undantes volvit flammæ ad sidera vertex.*

Vide *Heinsium* ad ejusdem VII, 355. ubi satis exemplorum. Constructio est, si *Vesuvina incendia fumante ruina undassent* (i. e. *undare fecissent*) *dites Locros*, fundos et prædia tua circa *Locros*, *Bruttiorum urbem*. Posses etiam, *Nudassent dites etc.* sed istud alterum placet magis, et verum puto: nisi malis,

*Ructassent dites Vesuvina incendia Locri:*

quod etiam facile defendi potest.

v. 64. *Seu Lucanus ager etc.*] *Fidi* et *boni Interpretis* esse puto, non solum explicare quæ alii vel non, vel male, intellexerint; sed etiam monere si quid occurrat quod ipse non intelligat. Quod mihi hoc loco evenisse ultro fateor:

*Seu Lucanus ager, seu Tibridis impetus altas*

*In dextrum torsisset aquas, paterere serena*

*Fronte Deos: sive alma etc.*

Ubi Constructio est, *Seu Lucanus ager torsisset in dextrum altas aquas, seu Tibridis impetus torsisset in dextrum altas aquas*. Nisi ita construas, non video quo referri possunt verba *Seu Lucanus ager*: per se enim nihil efficiunt. Jam vero mirum est quod

dicat de Lucano AGRO aquas torquente: non enim AGRO-  
RUM est, sed FLUVIORUM aquas torquere, prout  
ex innumeris poetarum locis liquet. Nec mutatione  
distinctionis aut alio quopiam pacto possum huic loco  
opitulari. nam quod in mentem veniebat,

*Seu Pollentini mersi essent flumine saltus,  
Seu Lucanus ager: seu Tibridis impetus altus;  
In dextrum torsisset aquas, etc.*

pro Pollentinos mersissent flumina; statim abjeci,  
gnarus hanc laxam compositionem non esse Statii.  
Aut igitur excidisse videtur versus, aut mira est  
Ellipsis, *Seu Lucanus ager admisisset aquas, seu Ti-  
bridis impetus torsisset aquas in dextrum*. Sed quid  
Tibridi cum agro Lucano, tam longe dissito? De-  
spero igitur, et supra captum meum esse haec  
confiteor. Recte vero ex duobus Codicibus edidi;  
Gronovius *In dextrum*, sc. latus; non *dextram*. ita  
Theb. II, in laevum prona jacet Inachus urna. Et  
X. huic languida cervix, in laevum cogente Deo  
etc. Q. Curtius IV, 13. interdum haesitare, an po-  
tius in laevum torqueret agmen. Passim exempla.

v. 70. *Laedendique vias* etc.] Totus hic locus  
valgo ita legitur et distinguitur:

*Laedendique vias vitae modo carmen adultae  
Nectere tentabat juvenum pulcherrimus ille  
Cum tribus Eleis unam trieterida lustris  
Attendit torvo tristis Rhannusia vultu.*

Nihil foedius, aut minus intelligibile his verbis. Sen-  
sus quidem facile perspicitur, nempe, Philetum jam  
annorum esse quindecim: quindecim, inquam, non  
octodecim, ut falso Bernartius et Gevartius Elect.  
III, 10. decepti significatione vocum *tribus Eleis lu-  
stris*, quae duodecim tantum, non quindecim annos  
efficiunt: cum lustra Elca idem sint quod *Olympia-  
des*, hoc est, τετρετηρίδες, non πενταετηρίδες. Ad  
sensum igitur attendenti statim patebat Statium scrip-  
sisse,

*vitae modo limine adultae:*

id est, in ipso limine adolescentiae, ubi concessit  
tempus puerili iuventutis, ut eleganter Ovidius Met.  
VI, 719. ubi ter quinos adoleverat annos, ut de Ro-  
mulo et Remo Idem Fast. III, 59. nisi quod ibi sit  
ter senos. Aetatem adultam vocat Lucretius Lib. II.  
et robur adultum, ibidem. Idem III, 450.

*Inde ubi robustis adolevit viribus aetas.*

Et IV, 1032.

*adultae aetas cum primum roborat artus.*

Virgilius Georg. II, 362.

*Ac dum prima novis adolescit frondibus aetas  
Parcendum teneris.*

Et Aen. XII, 438.

*Tu facito, mox cum matura adoleverit aetas.*

*Sis memor:*

Id est, cum adulta aetas maturaverit, vel, adole-  
scendo matura esse coeperit, ut bene Servius. Sic  
prima vita pro pueritia passim apud poetas: primam  
aetatem vocat Noster Theb. VI, 252.

*Quos efflocta domi, quos prima reliquerat aetas:  
Et Achilleid. I, 163.*

*Nec dum prima nova lanugine vertitur aetas:*

Sic *puer aevum pro pubertas* Ansonius Profess.  
XVII, 10.

*pueros grandi mercede docendi*

*Formasti rhetor, metam prope puberis aevi:*

id est, *pueros pubertatem jamjam ingressuros*. Idem  
Protrep. V, 73.

*Idem vesticipes motu jam puberis aevi*

*Ad mores artesque bonas fandique vigorem*

*Produxi:*

ubi forte praestat *fandique decorem. motus puberis  
aevi est progressus pubertatis: et ita iterum Gene-  
thliaco v. 8.*

*At modo, quum motu vigeas jam puberis aevi.*

*Primam hanc aetatem*, de qua modo dixi, ad annos  
quatuordecim ad minimum pertigisse colligo ex loco  
Senecae Consolat. ad Marciam c. XX. *Non una ho-  
minibus senectus est, ut ne animalibus quidem. in-  
tra quatuordecim quaedam annos defatigantur: et  
haec illis longissima aetas est quae hominibus PRIMA.*  
Appositissime Varro apud Censorinum de Die Natal.  
c. XIV. *adultam hanc vitam seu Adolescentiam* te-  
statum initium habere a XV. anno aetatis: itaque pri-  
mo gradu usque ad annum XV, PUEROS dictos, quod  
sint pueri, id est, impubes: secundo, ad annum  
XXX, ADOLESCENTES, ab adolescendo sic nominatos.  
Recte igitur Philetus dicitur fuisse in limine vitae  
adultae seu initio adolescentiae, utpote qui jam de-  
cimam quintam aetatis annum ingressus fuerat. Ut  
vero adulta vita pro adolescentia, seu ea pars vitae  
in qua adolescimus, ita matura vita Manilio lib.  
II. quae ad florem iuventutis pervenit, ut ait Florus.  
robustam aetatem vocat Idem ibidem, proem. lib.  
I. maturos annos Horatius Art. Poetica. Sic anni  
domiti Theb. IX, 210.

*Unam quippe manum domitis expertus ab annis:  
de equo loquitur: domitis ab annis, ab ea parte vi-  
tae in qua primum domabatur: domitam vitam dixisse  
potuit. Recte etiam limine vitae, ut Epiced. Glauc.*

*hinc anni stantes in limine vitae,*

*Hinc me forma rapit.*

Thebaid. V, 535.

*tunc hoc vix prima ad limina vitae*

*Hoste jaces?*

Et supra v. 260.

*Semineces pueri trepidas in limine vitae*

*Singulant animas.*

Noster Eucharist. v. 13.

*Haec aevi mihi prima dies, haec limina vitae.*

Vetus inscriptio, citata a Jos. Castalione Not. in Ru-  
til. Itiner. p. 28.

*Annus erat natae primus; mox deinde secundi*

*Liminibus rapuit me sibi Persephone:*

id est initio secundi. Passim occurrit apud Statium  
et ceteros poetas. Gronovius Reliq. ad Statii Silv.  
et Elench. Antidiatr. c. III. aliud vult; et notat,  
„Scimus Statium reliquisse vitae modo cardine adultae  
„Nectere tendebat. Vita adulta est aetas in qua  
„adolescimus aut adulti redditi sumus: ut alibi vita  
„laborata; in qua laboratum est. merito igitur et  
„cardines illas vitae partes, infantiam, pueritiam, ad-



„olescentiam etc.“ Haec Vir summus: non recte tamen, opinor, in ista voce *cardine*. haec enim vox non denotat *initium* rei, (quod sensus loci hujus requirit) sed contra, notionem *extremitatis* fere continet: saltem ambiguum est, nisi addatur epitheton quod significationem ejus determinet. Sil. Italicus IX, 140. ubi Solinus *moriturus* loquitur:

*Sat magnum hoc miserae fuerit mihi cardine vitae  
Solamen, cavisse meis.*

Seneca de Benef. IV, 22. *Quid est quare grati velimus esse cum morimur? Nihil jam superest quo spes porrigatur. in illo tamen cardine positi, abire e rebus humanis quam gratissimi volumus.* Ob hanc rationem, nempe quia vox est dubiae significationis saepe, invenitur additum epitheton *summum* vel *extremum*. ita exemplo illo quod Gronovius adducit ex Thebaid. X, v. 853.

*Tum vero attoniti fatorum cardine SUMMO.*

Seneca Troad. v. 52.

*Mortalis aevi cardinem EXTREMUM premens.*

Lucanus VII, 381.

#### *ultima fata*

*Deprecor, ac turpes EXTREMI cardinis annos.*

Si igitur scripsit *cardine* hoc loco Statius, addidisse debnit vocem *PRIMO*, ut notum Jasset illum innuisse *initium* adolescentiae Phileti. Rectius Idem Gronovius in voce *tendebat*; quam, praeter sensum loci, confirmant MS. Senensis et Edit. Romana: et ita ex conjectura emendaveram priusquam ullam variantem lectionem videram. *nectere tendebat* idem est quod *pergebat nectere* seu *nectebat*. ita Silv. V, 3.

*Tenderet et torvo pietas aequare Maroni:*

id est, *aequaret Maroni*. ita *tendit divellere nodos* Virgil. Aen. II, 220. *tendit convincere pro convincit* Lucretius V. *aqua tendit rumpere plumbum*, Horatius Epist. I, 10. Tacitus Annal. I. Si tamen tenderent in pace tentare quae ne civilium quidem bellorum victores exposulaverint. et Claudianus in Eutrop. I, 300.

*Quam pulchre conspectus erat, cum tenderet artus*

*Exsangues onerare toga.*

Eodem libro, v. 14.

#### *Nilusne meatu*

*Devius, et nostri tendat jam transfuga mundi*

*Se rubro miscere mari?*

ita ex duobus libris MSS. legit Heinsius pro *tentat*. Pari modo depravatum Ovidii locum ex optimis Membranis restituit Idem, Metam. XI, 533.

*Pars igitur tendebat adhuc invadere pinum:*

vulgo erat *tentabat*. Infeliciter vero Gronovius, cum distinguit,

*Invidia, infelix, animi vitalia vidit,*

et ad Ursum pertinere facit *infelix*, vocandi casu. Sumptum enim hoc epitheton *Invidiae* ex Virgilio Georg. III, 37.

*INVIDIA INFELIX Furias annemque severum  
Cocyti metuet.*

ubi notat Servius, *Quae invidentes efficit infelices*: cui interpretationi pulchre convenit quod de hac Dea

mox dicit poeta, *seseque vilendo TORSIT*. Ovidius Met. II, 782. de Invidia:

*intabescitque videndo*

*Successus hominum; carpitque, et carpitur una,  
Suppliciumque suum est.*

unde pulcherrima Alexandri Magni vox, *invidos homines nihil aliud quam ipsorum esse tormenta*; referente Q. Curtio, lib. VIII, c. 12. recte igitur *Invidia* INFELIX. Multa de hoc Statii loco Salmasius Epist. 86. ad Gronovium: quae omnia retexit Epist. 88. et de nunc legit, *vitalis modo limen adultae Nectere tentabat*, proxime verum. Nostram correctionem ἀναγκαστήριον puto. *Nectere vero trieterida* ut apud Ausonium Epigramm.

*Undecies unanque super trieterida necte.*

[v. 72. *Eleis unam trieterida LUSTRIS*] Heinsius ad Ovidii Met. XIV, 325. pro *LUSTRIS* conjicit *LUCTIS*. Nihil mutandum. *Elea lustra*, ut *Capitolina lustra* Ad Uxor. v. 92. *patrium* seu *Neapolitanum lustrum* Surrent. Poll. v. 6. et similia passim. EX ADD.]

v. 76. *Torsit, et Invidiam Mortemque amplexa*] Totum locum libet apponere, ut videas quam negliger hie egerunt Interpretes:

*Attendit torvo tristis RHAMNUSIA vultu:*

*Ac primum implevitque toros, oculisque nitorem*

*Addidit: et solito sublimius ora levavit,*

*(Heu misero letale favens!) seseque videndo*

*Torsit, et INVIDIAM Mortemque amplexa jacenti*

*Injectit nexus:*

ubi *Rhamnusia* eadem est quae *Nemesis* seu *Invidia*, (ut paullo ante dixit v. 69. *Invidia infelix*) Dea nempe quae nimis mortalium successibus et rebus laetis invidet: unde *aegram laetis INVIDIAM* dicit Theb. I, 126. Quintilianus Prooem. lib. VI. *Observatum fere est celerius occidere festinatum maturitatem; et esse nescio quam, quae spes tantas decerpit, INVIDIAM; ne videlicet, ultra quam homini datum est, nostra provehantur.* Hanc Glauciae Nutricem assignat Statius, in ejus Epicedio, v. 120.

*Scilicet infausta Lachesis cunabula dextra*

*Attingit, et gremio puerum complexa fovebat*

*INVIDIA.*

quem locum explicans Gevartius Elector. III, 10. haec notat: „*Invidia* hic auferendi casus non est, sed nominandi. Statius enim philosophice *Invidiam* seu *Nemesis* velut altricem et nutricem Glauciae assignat, quae in primo pueritiae flore, omnia illi elegantiae ac venustatis dona, omnes Venerum, Gratiarumque dotes liberalissime concesserit, sed ut postea gravius illi noceret, et vita vix salutata illam eripret. Interpretationem hanc meam firmavi similimo loco Statii qui extat hoc eodem lib. 2. Silvar. in *Epicedio Phileti*, juvenis formosissimi; cui cum omnes animi corporisque dotes etiamnum puero a *Nemese* Dea, quam ibi *Rhamnusiam* appellat, colatas esse poeta Jecinisset, hoc ab illa factum ait, ut deinde acerbius juvenem affligeret; et *Invidiam* ac *Mortem*, socias suas secum adducens, eum annos

„vix duodeviginti natum e medio tolleret. Locus ita „habet: *Vitae modo carmen adultae Nectere tenta- „bat etc.*“ Errorem Gevartii supra notavi, quo Phileton duodeviginti annos natum facit, cum quindecim tantum Statius voluerit. Sed gravius adhuc errat Vir politus: dicit enim RHAMNUSIAM secum adducere socias suas INVIDIAM ac Mortem. Quid? an Rhamnusiam secum adducit sociam Rhamnusiam, Invidia Invidiam? easdem enim esse Invidiam et Rhamnusiam, nisi jam scias, disce ex Claudiano de Bel. Get. v. 631. ubi postquam Alarici successum et Conjugis ejus fastum descripsit, addit,

*Sed Dea quae nimis obstat RHAMNUSIA votis*

*Intumuit, flexitque rotam:*

ita legendum; vulgo inepte *Ingemuit*. Dea quae obstat nimis votis quatenus alia est praeter Invidiam? Apuleius Miles. IV. *Nec ille tam clarus, tamque splendidus publicae voluptatis apparatus, INVIDIAE noxios effugit oculos.* Ex quo Apuleii loco intelligitur Statii *Attendit*; scilicet *conjecit* in eum noxios illos oculos suos Rhamnusiam: ut Eclog. ad Uxor. init.

*Audiat infesto licet hoc Rhamnusiam vultu.*

Q. Curtius X, 9. *Absit modo Invidia, excipiet hujus saeculi tempora, ejusdem domus utinam perpetua, certe diuturna posteritas.* Audi Nostrum suavissime querentem, Pietat. Abasc. v. 137.

*Quisnam impacata consanguinitate ligavit*

*Fortunam Invidiamque, Deus? quis jussit ini- „quas*

*Aeternum bellare Deas? nullamne notavit*

*Illa domum, torvo quam non haec lumine figat*

*Protenus, et saeva perturbet gaudia dextra?*

Etiā ipse Gevartius, loco supra citato, *Invidiam* et *Nemesin* unam eandemque facit: *Nemesin* vero et *Rhamnusiam* eandem esse norunt omnes. Hesychius: *Πυρροβοίαν, Νέμεσιν.* Alibi: *Νέμεσις, ὕβρις, μέμψις, ΦΘΟΝΟΣ.* Mira haec Viri docti obliuio, in eadem sententia unam Personam duas facientis. Sed sensui et verborum significationi non satis hoc loco attendit Gevartius: quod si fecisset, facile vidisset Statium scripsisse,

*et invitam Mortem complexa, jacenti*

*Injecit nexus:*

Nihil venustius dici potuit: Mors, etiamsi blanditiis Deae *Invidiae* allecta, INVITA tamen, praeter morem, opus suum peregit: tanta amabilitas Phileti fuit. Mors *invita* aliquid facere eleganter dicitur quando contra leges Naturae vim suam exerit: quando rapit juvenem, qui secundum vitae humanae conditiones diutius vixisse sperare potuit. Lucanus VI, 529. de saga Thessala:

*Viventes animas et adhuc sua membra regentes*

*Infodit busto: fatis debentibus annos*

*MORS INVITA subit:*

*invita*, utpote *ante tempus*, et cum fata adhuc annos deberent. Manilius IV. 86.

*Quod Decios non omne inlit, non omne Camillos*

*Tempus, et invictum devicta morte Catonem,*

*Materies in rem superat, sed lege repugnat.*

Ubi nescio quid sibi velit Scaliger, qui hos tres versus ita ut hic vides ex optimo Codice Gemblacensi adducit, nota tamen proxime sequente dicit, *Male Gemblacensis, et INVICTA devictum morte Catonem.* Utcunque sibi contradicat Scaliger, ne dubites quin elegantissimi scriptoris sit,

*et INVITA devictum MORTE Catonem.*

Qui historiam lethi Catonis legerunt, facile intelligent quare INVITA MORTE devictus ille dicitur. Noster Thebaid. X, 809. ubi mater Menoecei queritur,

*sponte en ultroque peremptus*

*Irrumpis moestas, FATIS NOLENTIBUS, umbras: NOLENTIBUS FATIS] Quia ante diem perit: ut bene Lutatius Scholiastes.* Ita Canthus apud Val. Flaccum VI, 317. tela rapit ab Argus navis carina *invita*; quia sc. Argo fatorum praescia novit illum perituro esse; ideo *invita* administravit illa tela:

*Te quoque, Canthe, tui non inscia funeris Argo*  
*Flevit, ab invita sapientem tela carina.*

Manilius V.

*Iglebas inter deprendere gazam,*

*Invitamque novo tandem producere caelo.*

Ita mors juveni accidere ADVERSANTE et repugnante NATURA, alicubi apud Cic. de Senectute dicitur. Pro *que amplexa edidi complexa.* supra notavi de *qu* pro *e*, et vice versa. ita apud Manil. V,

*Maximus Orion, magnum complexus Olympum;*

pro *complexus* optimus Gemblacensis habet *que amplexus*. In Contextu nostrae Editionis vox *Morte* littera majuscula exprimi debuit; *Morte*, non *morte*.

v. 80.

*jam litora duri*

*Saeva, Philete, senis, durumque Acheronta vi- „debas,*

*Quo domini clamante sono!]* Non ferri potest *duri senis* et statim *durum Acheronta.* lege,

*jam litora duri*

*Saeva, Philete, senis, durumque Acheronta vi- „debas.*

*duri senis*, ut apud Senecam Oedip. v. 166. de Charonte:

*Quique capaci turbida cymba*

*Flumina servat durus senio*

*Navita crudo.*

Hercule tamen Furente v. 771.

*durus exclamat Charon,*

*Quo pergis, audax?*

Apuleius Apolog. *Igitur agnomenta ei duo indita; Charon, ut jam dixi, ob oris et animi dritatem: sed alterum, quod libentius audit, ob Deorum contemptum, Mezentius.* Utrovis modo recte dici potest: mihi tamen magis placet *duri senis*, quia *dirum* est perpetuum Acherontis epitheton. *dira Furiarum loca* Seneca Herc. Fur. v. 1221. Charontem *navitam tristem* vocat Virgilius Aen. VI, 315. *tetrum porthmea* Juvenalis: *torum senem* Propertias III, 18. hoc vero est *durum* potius quam *dirum* senem. Hae autem voces *durus* et *dirus* in MSS. perpetuo confunduntur: vide Benthleum ad Horat. Carm. II, 12. Drakenborch. ad Sil. Italicum XIV, 126. ubi *dira*



*Laestrygone* edidit pro duro. Contra *duri Ditis* seu *Plutonis* apud Virgilium *Aen.* XII, 199. uti recte ex Codicibus *Pierius*, pro *diri*. Sequitur, *Quo Domini CLAMANTE sono!* pro quo bene Gronovius ex duobus Codicibus *CLAMATE*. ita *Theb.* IX, 476.

Unde haec, *Ismene*, repente

*Ira tibi? quove has traxisti gurgile vires*

*Imbelli FAMULATE Deo?*

ubi pari errore in nonnullis editionibus legitur *FAMULANTE*. *Thebaid.* III, 201.

nec quod te, *Delia*, castos

*Prolapsum ad fontes specula temerare profuna*

*Heu dominum insani non agnovere Molossi*

*Desferim magis:*

ita legendus iste locus: vulgo tibi et temerante. Constructio est, nec magis desferim quod insani Molossi non agnovere dominum Actaeonem prolapsum ad castos fontes temerare speculâ profundâ te, *Delia*. Pro *Saeva* *Parmensis* habet *Scaeva*: ut et mox, *sae-vius*, et, tibi *scaeva*.

v. 82.

non saevius atros

*Nigrasset planctu genitrix tibi saeva lacertos]*

Quaerit Barthius quomodo *Atri* lacerti *nigrari* possunt; et cur *sae-vius* et *saeva* de eadem re dicuntur? pro *sae-vius* itaque legit *saepius*. de ceteris, nihil mutat. Ego adhuc quaero quare *saeva* litora et *saeva* genitrix tam prope posita; et, quod majus est, quomodo genitrix *saeva* fuit huic *Puero mortuo*, cum suos lacertos nigraret et plangeret? propius ad rem fuisset si dixisset sibi *saeva*, non tibi. Sed nec ita dixisse puto: adhuc enim *saeva* et *saeva* nimis vicina sunt; et subfrigidum esse istud sibi *saeva*; cui enim nisi sibi *saeva* esse potuit quae suos lacertos verberaret? sensum igitur non promovet sibi *saeva*. Ego non dubito a Statio fuisse

non secius atros

*Nigrasset planctu genitrix insana lacertos:*

non secius, id est, pari modo, non aliter. Sosipater Charisius lib. I. p. 61, *Fit secus et adverbium, quod significat aliter; unde nascitur sequius, ἀλλοιοτέρος*. Meministi vero quae supradixi de promiscuo usu litterarum *qu* et *c*: unde idem sunt *secius* et *sequius*. Virgilius Georg. III, 367.

*Interea toto non secius aëre nunguit.*

Idem *Aen.* VII, 781.

*Filius arduos haud secius aequore campi*

*Exercebat equos.*

IX, 441.

instat non secius, ac rotat ense

*Fulmineum.*

Ovidius *Metam.* II, 809.

*Felicitque bonis non secius uritur Hesperes* etc.

*Jita* edidit Heinsius, cum in quibusdam exemplaribus invenisset non *laevius*, in aliis, non *lenius*, in quatuor non *aliter*. Vide enim plena manu exempla congerentem. Noster *Theb.* V, 261.

gelida non saevius Ossu

*Luxuriant Lapitharum epulae, si quando profundo*

*Nubigenae caluere mero:*

ubi pro non *sae-vius* MS. *Petrensis* habet non *segnius*: lege, non *secius*. Hoc verissimum puto. Deinde, *Nigrasset atros lacertos*: probum hoc: ita apud *Lucan.* II, 37. *ictu viventes atra lacertos*. Notum vero est vocem *insanus* usurpari de iis qui magno aliquo luctu afficiuntur. Noster *Silv.* V, 5.

*Tanta mihi feritas, tanta est insania luctus:*

II, 1.

*Mulceat insanos gemitus.*

*Theb.* VI, 202.

*Jam face subjecta primis in frondibus ignis*

*Exclamat: labor insanos arcere parentes.*

XII, 274. de *Cerere Proserpinam* lugente,

*Illius insanis ululatibus ipse remugit*

*Enceladus:*

Ovid. *Met.* IV, 690. de *Andromeda*:

genitor lugubris, et amens

*Mater adest; ambo miseri, sed justius illu.*

*Propertius* I, 6.

*Ut mihi deducta faciat convicia puppi*

*Cynthia, et insanis ora nolet manibus:*

Ovidius *Amor.* III, 57.

*Quid flet, et madidos lacrimis corruptis ocellis*

*Pectoraque insana plangis aperta manu?*

Plinius *Epist.* IV, 2. amissum tamen luget insane. Potes etiam legere genitrix *vesana* ex *Propertio* II, 9.

*Nec non exanimem amplexens Briseis Achillem*

*Candida vesana verberat ora manu:*

Seneca *Herc.* Oet. v. 1930. ubi *Alcmena* de seipsa loquitur:

*Fallor, fallor, vesana parens;*

*Nec te manes umbraeque timent etc.*

Et hoc forte verius, propter perpetuam fere mutationem litterarum *B* et *V*, *visisaeva, vesana*. Ita *VENE MERENTI* pro *BENE* ap. Reines. *Inscript.* p. 543. *BIXIT* et *BIGINTI* pro *VIXIT* et *VIGINTI* p. 901.

[v. 88. *Cinnama, et Assyrio manantes gramine succos*] Heins. ad Ovid. *Heroïd.* XV. 76. ita citat hunc versum:

*Balsama, et Assyrio manantes germine succi:*

„Non gramine quod nunc legitur. *myrrham* enim in-„nuit, quae arbor.“ Memoriae nimis fidebat vir summus. Verum autem videtur quod dicit de germine pro gramine: licet in hoc consentiant Editiones. Vide eum ibi fuse agentem. EX ADD.]

v. 89. At domini fletus, hos tantum hausere favillae.]

Pro AT, ex Codice Senensi recte legi ET, notat Gevartius: et ita inveni in *Parm.* et *Rom.* quae habent, ET domini fletus, hos tantum ausere favillae. Deinde, v. 93. sed et ipse jurat. Haec verba, quorum sensum et connexionem cum praecedentibus aut subsequentibus nullatenus video, corruptissima puto. Fruatur iis *Crucens*, qui pro *jurat* legit *jura*: et addit, „Sensus apertus: Nihil quidem acceptius umbris, quam gemitus, sed tamen tu eas, Urse, pro virili „jura i. e. subleva, dolori resistendo, ne charam

„Pileti umbram nimio luctu offendas. Huic lectioni „favet sequentia, *Quid terga dolori, Urse, damus?* „etc.“ Nihilo melius adhuc intelligo. Sequitur, v. 95. *ubi nota reis facundia raptis?* Non explicant Interpretes quinam sint hi *rei rapti*. intelliges vero ex loco Senecae de Brevitat. Vitae c. VI de Livio Druso: *Ausus enim et pupillus adhuc et practextatus iudicibus reos commendare, et gratiam suam foro interponere tam efficaciter, ut quaedam iudicia constet ab illo raptā. Ut iudicia, ita rei RAPI dicuntur qui contra omnium spem et expectationem, sola patroni facundia, causa vincunt. eripere et extorquere hoc sensu passim utitur Cicero. causam auferre eleganter L. Seneca Controv. II, 9. p. 130. Audacter Alcimus Avitus Lib. V, 229. de latrone crucifixo:*

ABSTULIT ille suis caclorum regna rapinis:  
nempe quia dixerat Evangelista Matthaeus XI, 12. *ἡ βασιλεια τῶν οὐρανῶν βιάσεται, καὶ βιάσται ΑΠΗΛΑΖΟΤΕΣΤΙΝ αὐτήν.* nec minus Noster Pietat. A-basc. v. 7.

Sic AUFERRE rogis umbram conatur, et ingens  
Certamen cum Morte gerit.

Quintilianus Instit. II, 16. Nam et M. Aquilius defendens Antonius, quum scissu veste cicatrices, quas is pro patrio pectore adverso suscepisset, ostendit, non orationis habuit fiduciam, sed oculis populi Romani VIM ATTULIT: quem illo ipso aspectu marime motum in hoc, ut reum absolveret, creditum est.

v. 97. *Quid caram crucias tam saevis luctibus umbram?* Probum forte suo loco epitheton istud *saevis*; sed non hic: nihil enim sensui addit. Lege,

*Quid caram crucias tam seris luctibus umbram?* luctibus *seris*, et nihil profuturis; vel *vete* Tribus, et in longum tempus continuatis: utrovis enim modo optime sensui congruit. Pari modo et in eadem voce depravatus Lucanus VII, 430.

*Quod semper seras debet tibi Parthia poenas:* ita legendum pro *saevas*. Vide Not. ad Val. Flacum V, 261. ubi idem mendum; et Senec. Medea, v. 686. ubi idem. Versu proxime sequenti, *meritusque dolorem*: ita plures editiones; recte. Gronovius edidit *doleri*: et in Parmensi inveni *dolerri*: sed alterum verius. Vers. 99. *CARPISITQUE quietem*: immo jam CARPIT, jam fruitur quiete Elysia; ut SUBIT *Pios* non SUBIT, et INVENIT *parentes*, in praesenti tempore: ita mox *alludunt* et *notat*. et huc facit lectio Edit. Parm. quae habet CAPIT. Pro CAROS *parentes* male Editt. Parm. Rom. et Venet. CLAROS. quomodo enim CLARI *parentes* Phileti, cum ipse *fanulus* fuerit?

[v. 93. *Quam genitus, sed et ipse juvat. quid terga etc.*] Diu me torsit hic locus; et desperaveram: sed jam verum inveni, ut opinor. Praecedit

*Et domini fletus: hos tantum hausere favillae,*

*Hos bibit usque rogas. nec quod tibi Setia canos Restinxit cineres gremio, nec lubricus ossa Quod vallavit onyx, miseris acceptius umbris.*

Huc usque luctum et lacrimas Ursi describit: hortatur dehiuc illum ut seipsum erigat et dolorem excutiat:

*Quin gemitus sedasse (vel sedare) juvat? quid terga dolori,*

*Urse, damus? quid damna foves? et pectore iniquo*

*Vulnus amas?*

*Quin est horantis*, cum interrogatione: idem quod *at cur non vel cur non*. Virgilius Eclog. II, 71.

QUIN tu aliquid saltem, potior quorum indiget usus,

*Viminibus mollique paras detexere iunco?*

ita legendum puto pro *potius*. Gellius N. A. II, 21. *Hic ego ad nostros iuvenes convertor, et, quis, inquam, vos Opici dicitis mihi, quare quod ἑκαταῖν Graeci vocant, nos Septentriones vocamus?* ita legendum, vulgo; QUID, inquam, vos Opici dicitis mihi? quare etc. QUIN dicitis est CUR NON dicitis, exprobratorie. Sed admodum probabilem facit hanc coniecturam locus similis in Glaucia Melior. v. 208. in re nempe simili:

*Hic finis raptō. QUIN tu iam vulnera SEDAS,*

*Et tollis mersum luctu caput?*

omnia fere eadem vides. EX ADD.]

v. 104. *moresque habitumque decoris*

*Monstrabit gaudens.*] MS. Flor. Rom. Venetusque codex habent *decoros*, notante Gronovio: clare legendum, etiam sine his auctoritatibus, *moresque habitusque decoros*: vox enim *habitus*, quando de animo usurpatur, numero multitudinis plerumque effertur. ita Silv. V, 3. v. 61.

*Meque habitus moresque tuos et facta canentem*

*Fors et magniloquo non posthabuisset Homero*

*Tenderet et docto pietas aequare Maroni:*

ita legendum esse ad locum probabo; vulgo, *Atque tibi moresque tuos; et torvo Maroni*. Theb. VI, 262. *ibi corpore mixto*

*Metiri numerum vultusque habitusque suorum*

*Dulce viris:*

Ovidius Met. IV, 767.

*Narrat Lyncides moresque habitusque virorum:*

ubi tamen vide Heinsium. Martialis Epigr. IX, 66.

*Si tibi tunc isti vultusque habitusque fuissent.*

Pro *habitusque* Parmensis praefert *habitare*: et ita Romana: et *decoros non decoris*, eadem: ut et *amari* pro *amorem*. et istud probat Gronovius Diatr. c. XXI. et Elench. Antidiatr. c. 3. Mihi *amorem* et verius et simplicius videtur. recepi tamen in Contextum τὸ *amari* propter summam Gronovii et Editt. Parm. et Venet. auctoritatem: licet Ipse in sua editione praeferat *amorem*: quod omnino verum est.



## E C L O G. VII.

GENETHLIACON LUCANI.] Editio Parmensis addit, AD POLLAM: non male, propter ea Praefat. *Excludit volumen Genethliacon Lucani, quod Polla Argentaria, clarissima uxorum, cum hunc diem forte consecra-remus, imputari sibi voluit.*

v. 10. *Crinem comite, candidamque vestem*

Perfundant ederae recentiores] Cujusnam usus sit edera in vestibis PERFUNDENDIS, vel quid sit PERFUNDERE vestem edera omnino tacent Interpretes; et perdoctus sit oportet qui haec explicare possit. COLLIGERE quidem sinus edera invenio Achilleid. I, 609.

*Ut vero a tereti demisit Nebrida collo*

*Errantesque sinus edera COLLEGIT, etc.*

Et LIGARE sinus edera Val. Flacc. II, 268. de Hypsipyle patrem Thoanta ornante in speciem Bacchi:

*Ipsa sinus ederisque LIGAT famularibus artus.*

Ex quibus locis primum suspicabar de cinctu (non perfusione) vestis haec Statii intelligenda esse. omnem mox scrupulum removit Sidonius Apollinaris, perpetuus Statii imitator, Epist. VIII, 11.

*Sparsam stringe comam virente vitta:*

*Et rugas tibi symatis profundi*

SUCCINGANT EDERAE expeditiores.

haec ad verbum Statii quasi filo ducunt,

*Crinem comite, candidamque vestem*

PRAECINGANT ederae recentiores:

non PERFUNDANT. praecingere pro vincire seu ligare centies occurrit apud Ovidium et alios. Praepositiones *per*, *prae*, et *pro*, eodem modo in MSS. signantur; unde saepissime confunduntur.

v. 14. *Et si qua patet, aut diem recepit*

Sertis mollibus expleatur umbra] Nullum Jopos disjunctiva particula AUT, cum res eadem exprimatur; quippe *patere* et *diem recipere* idem sunt; cum umbra quae pateat necessario etiam *diem recipiat*. melius itaque si dixisset *patet* ET *diem recepit*: quo pacto, τὸ αὐτὸ bis tantum diceretur; quod poetae sibi interdum indulgent. isto vero modo *patet* AUT *diem recepit*, disjunctivum AUT vitiose usurpatur: nunquam enim disjunguntur nisi verba aut res diversae significationis: ridicule enim diceret, *Non possum aut bibere* AUT *liquorem haurire*. Domitius satis absurde edidit,

*Et si qua PATERAM diem recepit:*

quod tamen magis absurde interpretatur, *Si aliquis se contulit in unbram in diem ut PATERAM daret voluptati*. Ex MSS. vero hanc lectionem hausisse Domitium hinc colligo, quod editio Parmensis, quae duobus annis editionem Domitii praecessit, habet PATERAM AUT: quam lectionem si vidisset Domitius, avideret scio, arripuisset. et hinc probabile fit illum nunquam inspexisse istam editionem. Quid igitur, inquis, facies isti voci PATERAM? ecce tibi,

*Et si qua PATULAM diem recepit*

*Sertis mollibus expleatur umbra.*

Jam numeros Statianos agnoscis. Pro *patulam* errore

librarii scriptum erat *patulam*: unde, mutata una litera, fecerunt *pateram*. Bene vero *diem patulam*: ita *aer patulus* Avieno Phaenom. Arat. v. 1113.

*Aëris et patuli jam conscia permeet aethram.*  
Et v. 1531.

*Marcescens tenui sensim caligine et aethra*  
*Digestus patula, docet undis adfoc pacem.*  
*apricam diem vocat* Val. Flaccus I, 844.

*ubi Sol, totumque per annum*

*Durat aprica dies.*

Et Apuleius Miles. XI. *Nam et pruina pridianam dies apricus ac placidus repente fuerat insecutus.*  
*Aprica saxa*, Virgilius Georg. II, 522.

*Mitis in apricis coquitur vindemia saxis:*  
alibi eodem libro v. 112. *apertos*, eodem sensu:  
*denique apertos*

*Bacchus amat colles:*

id est *patulos*. Appositissime Ovidius Art. Amat. II, 619.

*Et si non tenebras, at quiddam nubis opacae*

*Quaerimus, atque aliquid luce PATENTE minus:*  
id est *die PATULA*. *Dies* enim hoc Statii loco idem est quod *caelum*, *lux*. Noster Theb. I, 199.

*Interiore polo: spatii huic omnia juxta,*

*Prinaeque occiduacque domus, et fusa sub omni*  
*Terra atque unda DIE.*

ita legendus iste locus: vulgo, *hinc*, et *effusa*. Vetus interpres: *sub omni die* id est, *sub omni caelo*. Lucanus III, 443. de caesis arboribus loquens:

*Tunc primum posuere comas, et fronde carentes*  
*Admisere DIEM;*

id est, *lucem recipere*.

v. 24. *Felix heu! nimis*] Praestat, *Felix O, nimis*. Seneca Herc. Oet. v. 1778.

*O nimis felix, nimis,*

*Thebane conjux!*

Quippe *heu* vix locum habet nisi in *re lugubri*; ut in ista Didus apud Virgil. Aen. IV, 657:

*Felix, heu nimium felix, si litora tantum*

*Nunquam Dardaniae tetigissent nostra carinae!*

Noster Lacrim. Etrusc. v. 25.

*Felix, heu nimium felix, plorataque nato*

*Umbra venit.*

Hic vero *exultandi* potius quam *dolendi* datur occasio. Supra Silv. I, 2.

*satis O nimiumque priores*

*Despexisse procos.*

De his vocibus dixi ad Eclogam primam hujus libri v. 41. Thebaid. IV, 761.

*tantum reduces det flectere gressus*

*Jupiter, O quanta belli donabere praeda!*

ubi male codex Petrensis habet, *heu quanta*. Lucanus tamen in re simili VIII, 139.

*Heu nimium felix aeterno nomine Lesbos.*

Charisius lib. II. p. 213. notat *O* etiam *dolentis* esse: *O dolentis est, ut Maro, O terque quaterque beati.*  
*Afranius in Emancipato: O quid clamas? et ita*

Servius ad Aeneid. XI, 415. Infra v. 36. *Natum proteus, atque humum per ipsam* etc. Imitatur Sidon. Apollinaris Carm. XXIII, 204.

*Jam primum tenero calentem ab ortu*

*Excepere sinu novem sorores.*

Editio Parmensis omittit versus 40 et 41. *Longos Orpheos* etc. operarum, puto, culpa.

[v. 46. *Et doctos Equites*] Quare *Equites* potissimum hoc epitheto donat? nisi illi prae *Senatoribus* et caeteris Romanis DOCTI fuerint: quod non memini me legisse. et *Senatores* quidem proprio et perpetuo epitheto, designat, PURPUREUM trahes *Senatum*: eodem modo cum *Equitibus* actum esse oportuit, *Et celsos Equites*; hoc enim *Equitibus* proprium: Silv. III, 3.

*laevaeque ignobile ferrum*

*Exiit et celse natorum aequavit honori:*

*celse nati sunt Equites.* Horatius Art. Poet. v. 342.

*CELSI praeferunt austera poemata* Ramnes.

Noster Silv. I, 4.

*Pompeio nec celsus Eques, nec femina Bruto.*

Potes etiam ad vulgatam propius legere CLAROS Equites; quippe *cl* in *d* saepe coalescit; ita *dura* pro *clara* Theb. IV, 827. de quo supra monui; et *tandem* pro *zanclem* vel *zanclem* apud Sil. Italicum lib. primo. *Coride* apud Martial. Epigr. III, 93. pro quo restituit *Coricle* Scaliger Auson. Lection. II, 4. CLARI vero *Equites* interdum dicuntur: vide Bentleium ad Horat. Carm. I, 20. Sed hoc particulare est, nec omnibus *Equitibus* convenit: maneamus itaque in priori conjectura. Mox, pro *tardi* reducis, lege *tarde* reducis, ut in Glaucia Atedii v. 118.

*casus tarde remeantis Ulixi.*

v. 53. *Carmen fortior exeris togatum*] Supra dixit *movebis, trahes*; infra, *ludes, reserabis* etc. hic itaque reponatur *exeres*. Hoc non advertens Heinsius, hunc locum ita legebat:

*Tu par es Latio, memorque gentis*

*Carmen fortius exseris togatae:*

male: dixisse enim debuit par *eris* non *es*, ut respondeat τῷ *exeres*, quod sine dubio Statio est. Nec opus est ut legamus *togatae* pro *togatum*. *togatum* enim *carmen* est carmen argumenti *Romani*: ita *pax togata*, pro *Romana* apud Calphurnium Siculum Elog. IV, 8.

*Qui populos urbesque regit, pacemque togatam.* Diomedes lib. III. *Togatae fabulae dicuntur quae scriptae sunt secundum ritus et habitus hominum togatorum, id est, Romanorum.* Unde *togatum forum* pro *Romano*, Protrep. ad Crispin. v. 108.

v. 58. *Ingratus Nero dulcibus theatri*] Profecto pudet me Critices quoties lego ea quae Viri docti effuderunt in explicando stultissimo hoc versu: non enim videntur intellexisse mentem Statii, cuius propositum est sub persona Calliopes contexere catalogum Operum Lucani. Primum, inquit illa, canes HECTORA et *Αἰῶνα* ejus: deinde, nostrum ORPHEA reduces ex inferis: tertio, deshebis ROMAE INCENDIUM: quarto, scribes ALLOCUTIONEM seu *Alloquium* ad *Poliam* Uxorem. Haec paene Puer: mox, coepta juven-

ta, PHARSALIAM. Quid clarius aut facilius esse potest? ejiciatur itaque *Ingratus* iste *Nero* cum DULCIBUS suis *theatri*: quod solum epitheton satis esset evincere hunc versum non a Statio profectum esse. Sic igitur lege et connecte totum locum:

*Ac primum, teneris adhuc in annis*  
*Ludes Hectors, Thessalosque currus,*  
*Et supplex Priami potentis aurum.*  
*Tu sedes reserabis Inferorum,*  
*Et noster tibi referetur Orpheus.*

pro *ET sedes*, lego *TU sedes*; cum ut vitetur insuavis repetitio conjunctionis, *ET supplex*, *ET sedes*, *ET noster*: tum ut servetur emphatica iteratio pronomini, *TU carus Latio*, *TU sedes reserabis*, *TU castae titulum*, *TU Pelusiaci*: ut in Eq. Max. v. 79.

*tu bella Jovis, tu praelia Rheni;*

*Tu Civile nefas, tu tardum in foedera montem*  
*Longo Marie domas* etc.

Et saepe hae voces invicem commutantur. Deinde ex sensu facile fuit pro *praeferetur* substitui *refertur*, cujus prima syllaba saepe producit, ut apud Virgilium Georg. II, 104. Ovidium Metam. XIII, 268. et alios. *refertur* vero proprium in hac re verbum: Noster Silv. V, 3.

*Si conjunx retro Phylaceida rettulit umbram:*

ita legendum: vulgo corruptissime, *Silva una tetra*: sed de hoc ad locum. Poetae *facere* dicuntur quae facta *describunt*: ita infra, v. 77.

*Et qui per freta ducit Argonautas,*

*Et qui corpora prima transfigurat.*

Ita Lucanus *retulit* Orphea ex Inferis, quem *relatum* cecinit. Titulus autem hujus Poemati in quo de Orpheos descensu ad Inferos egit Lucanus, fuit, credo, *Καταχθόνιος, Subterraneus*; seu plenius, *Orpheus Ἰcatachthonius*. hoc mihi suggessit Lutatius vetus Scholiastes Statii; qui ad Thebaid. IX, 224. duos versus citat ex Lucani *Catagonio*; quam vocem intelligere hactenus non valuerunt viri eruditi: sed si legas *Catachthonio*, et de *Orpheo apud Inferos* accipias, evanescet obscuritas. nisi malis *Catonio*; eodem sensu: de quo adeundus Salmasius ad Spartianum Adrianum p. 171. et hoc forte verius. Vid. Cic. Epist. Famil. VII, 25. Infra, v. 69. *Et gratum popularitate Magnum.* Iterum alludit Sidonius Carm. IX, 297. *Et charus popularitate princeps.* *Popularitate* gratum, id est, ob *popularitatem*. Plinius Epist. II, 1. de Virgilio Rufo: *Caesares, quibus suspectus atque etiam invisus virtutibus fuerat, evasit.* Tacitus Annal. IV. *Erat uxor Silio Sosia Galla, caritate Agrippinae invisae principi.* Et Annal. XIV. *Octavianque conjugem amoliri, quamvis modeste agat, et nomine patris, et studiis populi gravem? id est, ob studia populi invisam.* De *Allocutione* v. 63. consule Salmasium ad Trebel. Pollionis Gallienus p. 214. ubi ex vetustissimo Codice Epigrammatum profert *Allocutionem Sponsalem* Abiti vel Aviti ejusdam, ad hunc modum:

*Linea constricto de pectore vincula solce,*  
*Et domino te crede tuo: nec candida laedas*  
*In quibus ora vide, vel ne contacta repugnes.*



*Est in nocte timor, non est in nocte periculum.*

*Nec volo contendas: vinctus cum vicerit ille.*

Ita etiam citantur hi versus a Theod. Jans. Almelo-venio in Epigram. et Poem. Vett. Mirum neutri eorum suboluisse mendum apertissimum in versu tertio: legendum nempe,

*nec candida laedas*

Unguibus ora vide:

non *In quibus*: quod sensum nullum habet. [Vera est lectio quam hic posui; et ita censuit Gronovius Diatr. c. XXIX. Constructio est, *proferetur dulcibus theatris*, non *ingratus dulcibus theatris*: id est, *tu proferes, exhibebis theatro poemata Neronem et Orpheam*. De verbo *proferre* dixi aliquid in Not. p. 304. ubi monui verbum esse *artificum*. Cicero Academic. II, 1. de Themistocle: *Qui quidem etiam pollicenti cuidam se artem ei memoriae quae tum primum proferebatur, traditurum, respondisse dicitur, oblivisci se malle discere*. Stare igitur potest versus ille *Ingratus Nero dulcibus theatris*; licet epitheton *dulcibus* non adhuc nimis arrideat. Auctor Vitae Lucani: *PRIMA ingenii experimenta in Neronis laudibus dedit, quinquennali certamine*. hic tertio loco ponitur Nero.

v. 67. *Et fulmen ducis inter arma Divi*] Venet. et Parm. *quo fulmen*. Scripsit: *quod fulmen ducis inter arma Divi*: id est, *quale vel quantum fulmen*; ut passim his Silvis. *Dux Divus* emphatice, est Julius Caesar, utpote qui

*Primus ille nostris ostendit in aethera Divis*; ut de eo Statius Eq. Max. v. 24. Infra, vers. 82. pro *taedis genitalibus* Ven. *genitalibus*; et ita ad finem Eclogae, pro *genialis origo eadem genitalis*; recte: et ita edideram. EX ADD.]

v. 70. *Tu Pelusiaci scelus Canopi*] Quintilianus Instit. I, 5. de Barbarismo: *Sed in prosa quoque est quaedam jam recepta immutatio: nam Cicero CANOPITARUM exercitum dicit, ipsi CANOBON vocant*. Servius ad Virgil. Georg. IV, 285. *PELLAEI CANOPI*] CANOPUS autem dicta est quasi CANOBUS, a CANOBO Menelai gubernatore illic sepulto. *KANOBON* etiam non *KANOBION* semper appellat Strabo Geogr. lib. XVII. p. 550, 551. Sed nihil mutandum.

v. 77. *Et qui per freta DUXIT Argonautas*] Sequitur, *Et qui corpora prima TRANSFIGURAT*: hic igitur lege DUCIT Argonautas.

v. 83. *Doctam atque ingenio tuo decoram*] Polla quidem Uxor Lucani *decora* seu *decorata* fuit ingenio mariti, utpote qui *titulum decusque illi dedit set jucunda allocutione*, ut supra v. 62. sed majus quiddam hic voluit Calliope, nempe

*Doctam atque ingenio suo decoram*; majoris quippe gloriae est suo quam alieno ingenio emiuere.

v. 85. *Forma, simplicitate, comitate*, *Censu, sanguine, gratia, decore*] De versu priore notat Gevartius: „Versus hic trivialis et insititius e margine videtur irrepsisse, ob similitudinem sequentis, qui sine dubio Statianus est.“ Assentior de primo; et idem etiam censeo de altero; nempe neutrum Statii esse, sed faceti alicujus, qui

per lusum duobus versiculis ex singulis verbis compactis Pollam nostram omnibus praeclaris dotibus ornare et quasi cooperire voluit. et de primo quidem certum est; si enim admittas, cum Gevartio, *censu, sanguine*, GRATIA, DECORE; tum certe FORMA locum habere, nisi summa cum *ταυτολογίᾳ*, non potest. ad hunc igitur modum paulisper cum viro docto locum concipiamus,

*Doctam atque ingenio suo DECORAM,*

*Qualem blanda Venus daretque Juno*

*Censu, sanguine, gratia, DECORE:*

ubi primum oculis incurrit inasita repetitio *decoram et decore*. Deinde, Grammaticorum filios interrogarem, quare in Ablativo casu haec concipiantur, et a quo verbo regantur. Porro, quaero, quatenam sit differentia inter *gratiam* et *decorem*. Aufer itaque versus male natos, et sine quibus optime procedit sensus; et Monachus suam *Gratiam* sibi habeat.

v. 88. *FESTIS cantibus ipsa personabo*] Lege *FAUSTIS cantibus*; quippe statim sequitur *FESTA longa. faustis* vero proprium in hac re verbum. Claudianus Epithal. Pall. et Celer. v. 22.

*Cum subito varius vicina clamor ab urbe  
Et fausti juvenum plausus, mistaeque choreis  
Auditae per rura lyrae.*

Idem de Nupt. Honor. et Mar. v. 195.

*Tibia pro lituis, et pro clangore tubarum  
Molle lyrae faustumque canant.*

ubi pariter erat *festumque*. Vide Heinsium ad locum. Noster Theb. III, 691.

*Ex quo primus Hymen, movitque infausta sinistram*

*Juno facem.*

Ob eandem rationem pro *sueva* vice v. 92. mallet *laeva* vice, propter praecedentem *O saevae nimium* etc. vide Burmanni Not. ad Val. Flacc. I, 370. ubi pro *face saeva* Heinsius in Oxon. Cod. invenit *laeva*. Claudianus Idyll. VI, 91. *nec saevo Sirius igne nocet*: ubi quatuordecim libri habent *laevo*, testante Heinsio. Vide Drakenborch. ad Sil. Italicum V, 660.

v. 96. *Sic fixum Paridis manu trementis*] Aures exigunt *trementi* manu, id est, *trepida*: hoc multo suavius quam *Paridis trementis*. Seneca Troad. v. 957.

*O manum Paridis levem!*

Edit. Parm. habet *prementis*: Romana, *potentis*: et *obruit* pro *horruit*. Mox v. 110. *Terras despicias et sepulcra rides*: alludit ad verba ipsius Lucani initio Lib. IX. de Pompeio. Sequitur, *Seu pacis meritum nemus reclusae*. Heinsius malebat *paucis* et *recludi*. vulgatam optime tuetur Gronovius Diatr. c. XXII. et explicat, „Seu tenes beatum in Campis Elysiis et bene meritum nemus quietis, quam (voluit, opinor, quod, sc. *nemus*) tu inducto et reducto „Orpheo reclinasti.“ Nihil verius. [Acquieveram in Gronovii explicatione. Sed iam cum videam antiquiores Ven. Parm. et Rom. uno consensu (et ita MS. Florent. teste eodem) habere *merito*, cur dubitem quin Statius ita scripserit? seu *tenes nemus pacis reclusum merito tibi*, vel *merito tuo*. EX ADD.]

v. 116. Tu magna sacer.] Sensus et Constructio postulant SEU magna sacer: hoc ut percipias necesse est ut recurras ad v. 107. quippe longa est periodus, nec finitur ante versum 120. At tu ADSIS lucidus, SEU terras despicias, SEU pacis nemus tenes, SEU nescis Tartaron. Uno spiritu continua sententiam a v. 107. ad v. 120. et statim videbis.

v. 129. Vultus qui simili notatus auro

Stratis praeinitet.] Hyginus Fab. CIV. de Laodamia: itaque fecit simulacrum cereum simile Prote-silai conjugis, et in thalamis posuit sub simulatione sacrorum, et eum colere coepit. Apuleius Miles. VIII. Imaginem defuncti, quam ad habitum dei Liberi formaverat, affixo servitio divinis percolens honoribus, ipso sese solatio cruciabat. Hoc exemplum explicat praecedentia, Falsi numinis induit figuras: ita enim ex Rom. et Venet. Editt. legit Gronovius Diatr. c. VI. pro figura: ubi etiam hunc Apuleii locum adducit. figuras Parmensis quoque.

v. 130. Stratis praeinitet INCUBATQUE somno.] Scio quid sit incubare oris vel dicitis: sed quomodo aliquis somno incubat non possum animo concipere. Lege, certissima emendatione, EXCUBATQUE somno Securæ: eleganter; quasi Bonus Genius excubias agit et somnum tutatur Uxoris, securæ ideo quia ille excubat. Eandem constructionem habes apud Lucan. IX, 912. de Psyllis:

Nec solum gens illa sua contenta salute,  
Excubat hospitibus.

Ita in Surrent. Pollii v. 21. Neptunus excubare dicitur,

Ante domum tumidae moderator coeruleus undae  
Excubat, innocui custos laris:

Et Amor pulchris EXCUBAT in genis Chiaë apud Horat. Carm. IV, 13. qui hoc mutuatus est ex Sophocle Antig. v. 794. (prout et ab aliis notatum video)

Ὅς ἐν μύλωναις παρειαῖς  
Νεάνδος ἐννεχέως,

sc. \*Egōs. servare somnum vocat Sidon. Apollinaris Carm. V, 30. Suetonius Claudio c. 37. Nec dubitavit postero die Claudius ordinem rei gestae perferre ad Senatum, ac liberto gratias agere quod pro salute sua etiam dormiens excubaret. Seneca Epist. 102. ubi disposita tot numina in actus suos excubant. Plinius Nat. Hist. XXXV. Nondum libebat parietes totos pingere: omnis eorum ars urbibus excubabat: pictorque res communis terrarum erat. Apuleius Miles. V. Nos autem quae pervigili cura rebus tuis excubamus, cladibus tuis misere cruciamur. Non igitur audiendus Gevartius legens, incubatque somno Secure: nec Heinsius, Sint curae procul: hinc abite mortes. Pro genialis Vers. 132. Parmensis habet genialis: recte. Vide quae notavi ad Arb. Ated. v. 62. genialis origo idem est quod initium. Sumsit Noster ex Lucretio, caeli GENITALIS ORIGO: et alibi, mundi tempus GENITALE; id est initium seu natalem mundi. DIEM GENITALEM vocat Tacitus Ann. XVI, 14. Mox, dolorque festus: ita furor festus Sidon. Apollinari Carm. IX, 205. Qui locus et phrasis egregie refutat Cruceum, qui aliquid mutire voluit contra Gronovianam istorum Statii verborum explicationem.

## NOTAE AD SILVARUM LIB. III.

### IN EPIST. AD POLLIUM.

Lin. 5. Quoties in illius facundiae tuae penetrale seductus] Editio Romana pro penetrale habet penetrasti: a qua lectione merito dissentit Politianus Epist. VI, 1. et legit penetrale. Parmensis exhibet penetralia; quod verius puto. Et hinc quoque probabile est Domitium nunquam vidisse exemplar Parmense. melius enim de eo opinor quam ut putem illum recepturum fuisse ineptum istud penetrasti, si usquam invenisset penetralia.

Lin. 15. quia sequi non poteramus, sic prosecutus sum] Nihil frequentius hac Numeri mutatione. ita Lacrim. Etrusc. v. 37.

XOS non arsura feremus

Munera, venturosque tuos durabit in annos,  
ME monstrante, dolor.

Et ita passim. Parmensis vero praefert, quia sequi non poteram, sic prosecutus sum: quod quare spernerem? praesertim cum per totam hanc epistolam (unico excepto loco in quo nostri pro mei) numero singulari agat. Hoc igitur in Contextum recipi velim. Lin. 17. pro amarissimum non opus est ut legamus rarissimum. Lin. 19. quamdiu, id est, quam non diu, quam brevi tempore Eclogam istam scripsi. per contraria loquitur: et Earium testem advocat teme-



ritatis istius libelli. Ibid. *Germanici DEI nostri libertus*. VOX DEI additamentum est Domitii, ut ipse fatetur: nec agnoscit Parmensis: ejeci itaque.

Lin. 24. *Hic, si verum dicimus, sermo est quidem securus, ut cum uxore.*] Olim emendaveram, sermo est, et quidem securus, ut cum uxore; et qui etc. Confirmat Parm. quae habet, *equidem pro et quidem*: et Rom. *ē quidem*. Notum quid sit Sermo ex Horatio. Apuleius Miles. III, de simulacro Eponae: *quod accurate corollis roseis et quidem recentibus fuerat ornatum. Tum denique* etc. Ita legendum; vulgo *equi-*

*dem*: et omittitur *Tum*, a voce praecedente absorptum: qualiter factum est etiam lin. 26. hujus epistolae: *Huic praecipue libello favebis, cum scias hanc destinationem quietis meae tibi maxime intendere.* ita vulgo legitur. Parmensis: *cū scias habere destinationem quietis meae tibi maxime intendere.* lege: *Huic praecipue libello favebis tu, cū scias habere destinationem quietis meae, et tibi maxime intendere.* Duas voces, *tu*, atque *et*, a similibus literis extrusas vides.

## E C L O G. I.

VER. 9. *Et parvae custos inglorius arae*] *Parvae arae*, ut opponatur *Maximae* illi quae Herculi sacra erat. Ovidius Fastor. I, 581.

*Constituitque sibi, quae Maxima dicitur, aram*: Ubi vide quae collegit de hac re Heinsius in Notis Edit. Burman. Virgilius Aen. III. 271.

*Hanc aram lupo statuit, quae Maxima semper Dicitur nobis*: et erit quae maxima semper, quod hemistichon, et erit quae maxima semper, qui non odit, necesse est is amet Ovidianum istud

*Omnia pontus erat*: deerant quoque litora ponto. [Putasne Virgilium ita scribere potuisse? Supra v. 4. pro *tenes*, quod verum est, nonnullae editiones habent *tenens*. Vers. 10. AGRESTI *Alcidae*: qui et *Rusticus* dicebatur. Lampridius Commodus c. X. *Habuit et hominem quem Onon appellabat, sibi charissimum; quem et ditavit et sacerdotio HERCULIS RUSTICI praeposuit.* Ubi vide Salmasium.

v. 15. *quaenam subito fortuna rigentes DUCTAVIT scopulos.*] *Diu* est quod hanc vocem *Ductavit* suspectam habui, propter ea quae notat Quintilianus Instit. VIII, 3. *Sed quoniam vitia prius demonstrare aggressi sumus, vel hoc vitium sit, quod Kazóquov vocatur: sive mala consuetudine in obscenum intellectum sermo detortus est, ut DUCTARE exercitus, et patrare bellum, apud Sallustium dicta sancte et antique, ridentur a nobis, si diis placeat.* Et Sosipater Charisius lib. IV. p. 242. *Kazóquov est compositio verborum obscenae significationis, aut unius verbi obscena pronuntiatio. fit et in uno verbo, ut apud Sallustium DUCTABAT exercitum, et, arrexerit animos militum.* Nimirum ductare est verbum lenonium et obscenum; (vide Cl. Burmannum ad locum Quintiliani: et Muretum Var. Lect. VI, 7.) et in lasciviori sensu eo usi sunt Plautus et Terentius: honestiori demum Sallustius, Catilin. c. XI. tamen propter ambiguitatem vocis derisus et male acceptus. post hunc, opinor, hoc verbum a lingua Latina exulavit; neque alibi, credo, reperies, nisi in unico hoc Statii loco: hinc quoque ejiciendum; nam optima Parmensis editio clare habet

*quaenam subito fortuna rigentes*

DIVISIT scopulos:  
hoc est quod mox dicit

*obulcantia saxa*  
Summovit nitens, et magno pectore montem  
Reppulit:

Et v. 104. *litus PANDERE*, clarius adhuc v. 110.  
*Nec te quod solidus contra riget umbo maligni Montis, et immenso non unquam excisus ab aevo*

*Terreat, ipse adero, et conamina tanta juvabo,*  
*Asperaque invitae perfringam viscera terrae:*  
hoc est *dividam scopulos*. vide etiam v. 123. et Surrentin. Pollii v. 54.

*Mons erat hic, ubi plana vides:*  
Et 56.

*illum*  
*Formantem rupes expugnantemque secuta*  
*Gaudet humus. nunc cerne jugum discentia saxa*  
*Intrantesque domos, jussumque recedere montem.*

*diducere scopulos* vocat Juvenalis Sat. X, 153. de Hannibale:

*opposuit Natura Alpemque nivemque:*  
DIDUCIT SCOPULOS et montem rumpit aceto.  
Sequitur apud Statium,

*Tyrione haec moenia plectro*  
*An Getica venere lyra?*  
recte *venere*: ita Theb. VII, 663. ubi Euneus Thebanus dicit,

*prohibete manus: haec omine dextro*  
*Moenia Cirrhaea monstravit Apollo juvenca:*  
*Parcite: in haec ultro scopuli venere volentes.*  
Versu proxime sequenti pro *labores* Parmensis habet *laborans*: et *angusti bissenno* pro *angusto bissenno*: utrumque perperam; ut et istud quod sequitur, *Deus adfuit, arces erexitque suas*: pro quo Parm. et Rom. *attulit*: aliae *affluit*, verum est *adfuit*, ut v. 112. *ipse adero, et conamina tanta juvabo.* ita Virgilius Ciri v. 105. in re simili:

*Stat Megara, Actaei quondam munita labore  
Alcathoi, Phoeboque: DEUS namque ADFUIT illi:  
Unde etiam citharae voces imitantur acutas:*

lege,

*Unde etiam citharae voces mittuntur acutae:  
nullus in altero sensus idoneus. mittuntur pro emit-  
tuntur. Val. Flaccus IV. 652.*

*stelinus tamen, et DEUS ADFUIT ausis.  
Claudianus Idyll. VII, 35.*

*Senserunt elementa fidem: pater ADFUIT Aether,  
Terraque matrum sedula iuvit onus.*

Livius I, 9. Satis scire, origini Romanae et IDEOS  
ADFLISSE, et non defuturam virtutem. Vers. 30.  
Pro antraque legendum antrave: ut Pietat. Abas-  
cant. v. 57.

*Illum NEC Phrygius vitiasset raptor amorem  
DulichiiVE proci; NEC qui fraternus adulter  
Casta Mycenaeo connubia polluit auro.*

Et ita passim.

v. 36. Instratumque humeris dimitte gerentibus  
hostem.] Editt. Parm. et Rom. pro Instratum habent  
Lustratum: quod Domitius ita explicat: dimitte pel-  
lem leonis quo lustrasti et purgasti agrum Nemeum.  
festinanter, et nulla aut Sensus aut Latinitatis ratione  
habita: et tamen haec lectionem multae sequuntur edi-  
tiones. optime vero Codex Senensis, Instratumque  
humeris: et hoc approbat Gevartius Papin. Lect. III,  
I. et loco Virgillii confirmat Aen. II, 721.

*Haec fatus, lato humeros subjectaque colla  
Veste super, falcique insternor pelle leonis.*

nihil verius. Deinde, pro gerentibus mavult Gevar-  
tius, literis transpositis, rigentibus; ante enim om-  
nia ut horrida et aspera descripsit Statius, TRUCES  
arcus agnente IMITE pharetrae. Gronovius Diatr.  
c. XXIII. pro vulgata contendit: „Et potest et debet,  
„inquit, legi gerentibus, non rigentibus. gerentibus  
„humeris est non jam luctantibus, sed gestantibus  
„modo, et jam victoribus humeris.“ Mihi tamen  
adhuc superflua videtur haec vox: dimitte hostem in-  
stratum humeris: quodnam opus τοῦ gerentibus?  
(Gevartii enim rigentibus nihil moror) quippe si ho-  
stis (i. e. pellis leonis) instratus sit humeris, mirum  
ni cum gerant humeri. abundare igitur videtur vox  
gerentibus: licet sciam hoc etiam apud alios inter-  
dum inveniri: ita Val. Flaccus II, 543.

*Emicat Alcides, vinclisque tenentibus aufert  
Virgineas de rupe manus:*

Et VII, 398.

*Atque hic se profugam volucris Thaumantias ala  
Sustulit: inde Venus dextrae dilapsa tenenti:*

quibus locis voces tenentibus et tenenti omitti possent  
absque ullo incommodo. Hic vero, ut mihi videtur,  
requiritur aliquid signantius et Herculi magis pro-  
prium; hoc vero est,

*Instratumque humeris dimitte ingentibus hostem.  
nimirum ante oculos habuit supra citatum Virgillii lo-  
cum, Haec fatus LATOS HUMEROS INSTERNOR pelle  
leonis. ita Theb. IV, 234.*

*Frena tenent, duplexque inserto missile nodo  
Exerit INGENTES humeros.*

Val. Flaccus IV, 244.

*INGENTES humeros spatiosaque pectoris ossa  
Protulit.*

Ovidius Metam. XIII, 962.

*INGENTESque humeros et caerulea brachia vidi.  
Inter praecipua Herculis γρωγίστα numerabantur  
humeri ingentes: unde Amphitryon apud Senecam  
Herc. Fur. post filii reditum ex inferis dubius utrum  
is ipse esset, necne, tandem ex toris et humeris ag-  
noscit:*

*Teneone in auras editum? an vana fruor  
Deceptus umbra? tunc es? agnosco toros  
Humerosque.*

Noster Theb. VI, 836.

*levat ardua contra*

*Membra Cleonaeae stirpis jactator Agyllens,  
Herculea nec mole minor: sic GRANDIUS alte  
Insurgens humeris, hominem super improbus  
exit.*

v. 42. *Qualemque vagae post crimina noctis  
Thespius obstupuit, toties socer.]* Non Thespius  
sed Thestius vocatur hic Thespiensium rex qui tam  
genialiter Herculem excepit, Apollodoro Bibliothec.  
lib. II, 4. sec. 9. ubi loquitur de leone Cithaeronio:  
οὗτος δὲ μόνος ἐκ τοῦ Κιθαιόρος, (I. Κιθαίωνος,) τὰς  
Ἀμφιτρύωνος ἐκθεύε βασις, καὶ τὰς ΘΕΣΤΙΩΤ.  
βασιλεὺς δὲ ἦν οὗτος Θεσπιῶν: Hic e Cithaerone im-  
petu facto, Amphitryonis et THESTII boves occidebat:  
erat autem Thestius Rex Thespiarum. reliqua vide,  
de filiabus ejus quinquaginta. et ita vocatur paullo  
post sec. 12. Arnobius lib. IV, p. 145. Ille (Jupi-  
ter) noctibus vix novem unam potuit prolem extun-  
dere, concinnare, compingere: at Hercules, san-  
ctus Deus, natus quinquaginta de THESTIO nocte  
una perdocuit et nomen virginittis exponere, et ge-  
nitricum Ipondera sustinere. Hinc intelligis quare  
vagam noctem et toties socerum Thestum Herculis vo-  
cat elegantissimus poeta. Vide Observat. Elmenhor-  
stii ad Arnobii locum: ubi multa Auctorum testimonia  
de hoc Thestio adfert.

v. 44. *Et insontes juvenum sine caestibus irae.]*  
Domitius invenit in suis Codicibus testibus: unde  
fecit caestibus; quod ante illum habuit Editio Parme-  
nsis. Et ferri quidem potest haec lectio: mihi ta-  
men subfrigidum videtur. quare enim caestibus po-  
tissimum? quasi ideo solum insontes essent haec juve-  
num irae quia caestus non adhibebantur his ludis!  
quasi nullum esset aliunde periculum nisi a caestibus!  
quasi non in lucta quoque crus aut brachium saepe  
frangeretur, aut talus inverteretur! non igitur ideo  
insontes irae quia sine caestibus, sed quia sine cae-  
dibus:

*Et insontes juvenum, et sine caedibus, irae,  
Annuu veloci peragunt certamina lustru:*

hoc maxime placet. inermes pugnas vocat Thebaid.  
VI, 219. et VII, 90. insontes et sine caedibus, ut  
apud Ovidium Amor. I, 7.

*Adstitit illa amens, albo, et sine sanguine,  
cultu.*

Si quis pro vulgata contendat, facile inveniet specio-



sa satis quibus eam tueatur. Cave vero putes rō irae hic aliud quid denotare quam animos, spiritus, fortitudinis et virtutis indices. ut Theb. IV, 228. de Laeonibus:

*Deus ipse viros in pulvere crudo  
Arcas alit; nudaque modos virtutis, et iras  
Ingenerat:*

de palaestra loquitur; ut et VI, 830.

*sic otia Martis*

*Degere, et armiferas laxare adsueverat iras  
Ingentes contra ille viros, Acheloiā circum  
Litora, felicesque deo monstrante palastras:*

passim invenies. Per lustrum vero intelligitur ali-  
quod tempus seu temporis periodus quae statis vici-  
bus recurrit. ita Eleum lustrum in Phileto Ursi, idem  
quod olympias, quatuor annorum, seu quod quinto  
quoque anno revertebatur. ita Eucharist. v. 62.

*Saepe coronatis iteris Quinquennia lustris!*

Tacitus Annal. XVI, 2, *Ac forte quinquennale ludi-  
crum secundo lustro celebrabatur.* Seneca Aga-  
memn. v. 42.

*Post dena Phoebi lustra, post captum Ilium*

*Adest daturus conjugii jugulum suae:*

post dena Phoebi lustra, id est, annos decem. bene  
igitur veloci:

*Anna veloci peragunt certamina lustris.*

contra, ingens lustrum vocat Martialis spatium centum  
annorum: quo completo exhibebantur Ludi Saecula-  
lares:

*Hic colat ingenti redeuntia saecula lustris.*

Sequitur, *Hic templis inscriptus, avo gaudente, sacerdos.* Minime dubito quin Statii manes fuerit *Hic templis* adscriptus, avo gaudente: nisi probari potest nomina Sacerdotum in aliqua templi parte insculpi solere: hoc enim vult rō *inscriptus templis*. alia res est *adscriptus templis* sacerdos; nempe assignatus, numeratus inter sacerdotes. Horatius Carm. III, 3.

*discere nectaris*

*Succos, et adscribi quietis*

*Ordinibus patiar Deorum.*

Capitolinus in Antonino Philosopho c. VII. *Ob hanc conjunctionem pueros et puellas novorum hominum frumentariae perceptioni adscribi praeceperunt. adsumi eodem sensu Noster Thebaid. VIII, 9.*

*Necdum illum aut trunca lustraverat obvia  
taxo*

*Eumenis, aut furvo Proserpina poste notarat*

*Coetibus adsumtum functis.*

Mox, v. 47. *cum prima novercae Monstra manu premeres, atque examinata doleres.* Ex hoc loco sua hausit Sidon. Apollinaris Carm. XV, 135, *Amphitryoniadi surgebat tertia vestis.*

*Parvulus hic gemino cinctus serpente novercae  
Inscius arridet monstris, ludumque putando  
Insidias, dum nescit, amat; vultuque dolentis  
Extingui deflet quos ipse interfecit angues.*

Si quis haec digna exscribi non putat, nae illum non amant Musae.

v. 53, ictusque *Hyperione multo.*] Recte: Lucretius VI.

*Nubila solvuntur solis super icta calore.*

Tacitus Annal. II. *Ceterum Germanicus aliis Ignoque miraculis animum intendit; quorum praecipua fuere Memnonis saxea effigies, ubi radiis solis icta est vocalem sonum reddens.* Tubero apud Gellium Noct. Attic. VI, 4. *In atras, inquit, et profundas tenebras eum claudebant; ac die post, ubi erat visus sol ardentissimus, repente educebant, et adversus ictus solis oppositum continebant.* ita legendum; vulgo, *diu post.* Vide Heinsium ad Ovid. Met. V, 389. et Bentleium ad Horat. Carm. II, 15. Non igitur opus est ut legamus

*auctusque Hyperione multo:*

licet hoc quoque probum sit. Ausonius Precatione, v. 16.

*Sirius ardentem non augeat igne leonem.*

Seneca Oedip. v. 38.

*Non Zephyri leves*

*Spirant: sed ignes augeat aestiferi Canis*

*Titan, Leonis terga Nemeaei premens.*

Mox, v. 55. *profugis cum regibus aptum Fumal Aricinum Triviae nemus.* Parmensis, *Aricinae Triviae.* alterum poetis usitatius, et auribus gratius. Pro aptum nescio unde in Gronovii editionem irrepperit *altum*: quam sequitur Veenbusius, errorum etiam fidus exscriptor. ceterae omnes quas vidi habent *aptum*. Vers. 60. *Hecateias idus*, id est, idus Augusti mensis, quae sacrae erant *Hecatae* seu Dianae. Ausonius Eclogario:

*Et medias Idus, Maii, Augustique recursu,*

*Quas sibi Mercurius quasque Diana dicat:*

ubi Vinetus dicit se non meminisse aliud legisse de *Dianae sacris Idibus Augusti.* Exciderat memoriae hic Statii locus, et Martialis Epigr. XII, 67.

*Maiae, Mercurium creastis, Idus:*

*Augustis redit Idibus Diana.*

vide et Festum in V. *Servorum dies festus.* Hunc Statii locum explicat Ovidius Fast. III, 269. de hoc sacro die Dianae:

*Saepe potens voti, frontem redimita coronis,*

*Femina lucentes portat ab Urbe faces.*

Vides quare *face multa splendet Hippolyti lacus;* et quare *pudici foci* dicuntur; nempe a *Matronis* faces portatae. Vers. 63. *aestusque levare:* ex Virgilio Aen. VII, 494.

*fluvio cum forte secundo*

*Deflueret, ripaque aestus viridante levaret:*

ubi plerique Codd. antiqui habent *lavaret*, notante Pierio. alterum confirmat hic Statii locus.

v. 64. *notas Sirenum nomine rupes*

*Facundique larem Polli non hospes habebam.]*

Locus notabilis ob errores Salmasii in Plinian. Exercitat. p. 58. Edit. optimae. Sed prius videamus de situ hujus Villae Pollii. ea locabatur in montibus *Surrentinis.* Noster ad Uxor. v. 102.

*Caraque non molli iuga Surrentina Lycae,*

*Quae meus ante alios habitator Pollius augeat.  
inter Surrentum et promontorium seu templum Mi-*



*nervae*: ita enim in Surrent. Pollii affirmat, v. 1.

*Est inter notos Sirenium nomine MUROS*

*SAXAQVE Tyrrhenae templis onerata Minervae, Celsa Dicarchei speculatrix VILLA profundi.*

*muri* isti noti *Sirenium* nomine nulli alii esse possunt praeter *Surrentum*: unde redarguitur Morellus, qui negat *Surrentum* a *Sirenibus* dici posse, quia Graecis *Σύγγερον* et *Σύκουρον* per *v* non per *ei* scribitur. contrarium plane affirmat hoc loco Statius. utri creditis, Quirites? Nisi per *notos Sirenium* nomine MUROS intelligendum sit *fanum Sirenium*: quod in istis montibus positum esse narrat Strabo lib. I. p. 15. Porro: ex his Statii locis patet *montes Surrentinos* et *Sirenianos* eosdem esse: quippe Eclog. ad Uxorem, Villam Pollii in *jugis Surrentinis* locat; hic vero, in *rupibus notis Sirenium* nomine: ut necesse sit eadem esse *juga Surrentina* et *rupes notas Sirenium* nomine. nimirum, dicebantur *Sirenes* tenuisse scopulos circa *Surrentum* et *Promontorium Minervae*: unde utrovis nomine recte dici possent, sive *Surrentinos* sive *Sirenianos* malles. Plinius N. H. III, 5. *Surrentum* cum *promontorio Minervae*, *Sirenium* quondam *sede*; vel ut alii legunt, *sedes*. Frontinus libro de Colonia: *Surrentum oppidum: ager ejus ex occupatione tenebatur a Graecis ob consecrationem Minervae: sed et circa montes Sirenianos militibus pro parte Augustanis est assignatus*: ita legendum, non *limitibus*. His ita constitutis, jam videamus quid de hoc loco adferat Salmasius. „*Surrentini montes* diversi a *Sirenianis*, quos male quidam confundunt, nec quicquam eos juverit Mela vel Plinius.“ Atqui Statius juvabit: ille enim eosdem facit, ut plane docuimus: et valde suffragatur Plinius; saltem Salmasio refragatur. Pergit: „*Surrentini montes* circa *Surrentum*: „at *Sireniani scopuli* sive *montes* tres parvae insulae deserta, *νεγώδες*, quae et *Σειγροῦσαι* dicebantur, de quibus Strabo lib. I.“ Iam et *Sireniani montes* erant circa *Surrentum*, ut ex Frontini loco supra adducto clare patet: narrat enim agrum *Surrentinum* qui jacebat circa *montes Sirenianos* militibus Augustanis pro parte assignatum fuisse: et plaue docet Strabo lib. I. p. 15. si verbis ejus attendas. sed in hoc totus viri maximi error vertitur, quod non distinguit *Sirenas* insulas a *Sirenianis montibus*, qui quidem diversi erant, ut luculenter ibidem monstrat Strabo: unde, cum voces *scopulos* et *saxa* et *rupes Sirenium* tam de *insulis Sirenis* quam de *montibus Sirenianis* usurpatis observasset Vir doctissimus, male confudit; et quod duorum erat, in unum compegit. Sequitur: „*Statius Surrentinam Villam* „Pollii inter *Sirenium montes* et *promontorium Minervae* sitam fuisse docet in montibus nimirum *Surrentinis*.“ Non inter *Sirenium* MONTES et *promontorium Minervae* sitam hanc Villam docet Statius, sed inter *notos Sirenium* nomine MUROS et *promontorium Minervae*. Pergit: „*Sic ille*:

„*Est inter notos Sirenium nomine MUROS*

„*Saxaque Tyrrhenae templis onerata Minervae*

„*Celsa Dicarchei speculatrix villa profundi*:

„Per MUROS *Sirenium* nomine *notos* intelligi debere

„certum est *Sirenianos MONTES*: alibi *RUPES* vocat „in Herc. Surrent. *notas Sirenium* nomine *RUPES*.“ Quid audio? per MUROS intelligi debere MONTES? et, quod aeque incommodum est, si Pollii Villa sita fuit inter *Sirenianos montes* (hoc est secundum Salmasium *Sirenas* insulas) et *promontorium Minervae*, necessario sequitur eam in MARI sitam fuisse: quippe *promontorium* istud ad *mare* pertinebat, ut inter illud et *Sirenas* nihil esse potuerit praeter *aguas*: quod satis mirum est, sive Villae fundamentum, sive Salmasii commentum.

v. 69. Augustasque *fores assuetaque tecta* gravamus.] Domitius: „Inemendati Codd. habent *assuetas* et *gravatis*: nos vero legimus, *assuetaque tecta gravamus* „*Frondebis*: ut sit sensus, dum tegimus *tecta assuetaque* haerentia hiantibus rimis, atque ita solem arcemus.“ Hanc Domitii interpretationem merito rejicit Gevartius: ipse tamen errans, cum dicit, Statium hoc loco describere augustissimum et magnificentissimum templum *Dianae Aricinae*: nihil hic, ne verbum quidem, de templo *Dianae Aricinae*: cum hae *augustae fores*, de quibus Statius loquitur, non *Aricinae* essent, sed *Villae Surrentinae* Pollii, ubi tunc versabatur poeta. Gevartium decepit vox *Triviae*, quae conjungenda erat cum *diem*, non cum *ado litore* aut *augustae fores*. *dies Triviae* est *festus dies Triviae*, Idus scil. Augusti mensis: ut Theb. VI.

*da, parve, tuum trieteride multa*

*Instaurare diem.*

id est *tuum festum diem*, de *Archemoro*. ita *Lucani proprius dies*, Genethl. v. 1. et *Caesaris alma dies*, apud Martialem. De reliquo, in verbis hujus loci nihil mutat Gevartius, nisi quod pro *Augustas*, quod Typographis imputat, vult *Augustas*: de quo mox videbimus. Salmasius Exerc. Plinian. p. 265. legit

*Augustasque fores assuetaque tecta* gravamur,

*Frondebis et patula defendimus arbore soles*:

Et hoc verum esse pronuntiat Gronovius Diatr. c. XXIII. immemor vocem *VERO* vel AUTEM hoc pacto desiderari: dixisse enim debuit, *gravamur assuetaque tecta, frondebus VERO et arbore defendimus soles*: aliter enim non conuectuntur haec. Quemadmodum in suis Codicibus invenit Domitius, ita etiam est in vetusta Parmensi, *gravatis*: unde nullo negotio confici potest

*Augustasque fores assuetaque tecta* gravati

*Frondebis et patula defendimus arbore soles*:

construkione ita postulante: et ita tandem Gronovius in Errat. et Omiss. ad finem Diatr. p. 406. ex MS<sup>o</sup> Senensi. *gravari* idem quod *odisse*, *aversari*; cum quarto casu. Lucanus VII, 284.

*Romanos odere omnes*, dominosque gravantur,

*Quos novere, magis.*

Suetonius Augusto: *ampla et operosa praetoria* gravabatur. qui locus a Gronovio adducitur. Apuleius Apologia: *recitari ipsa haec jubebo; quoniam ostendis humanissimo vultu auditionem te istam non gravari*. ita legendum; vulgo, *auditione ista*. passim exempla. Pro *augustas* multae editiones habent *angustas*; quod mihi verius videtur: in hac enim voce continetur ratio quare con-



vivae gravabantur fores seu domum, nempe quia angustae erant; etideo aperto aethere frigus captabant, frondibus arborum umbram concinnantes. Verum quidem est has fores seu aedes angustas fuisse: sed non erat hujus loci hoc innuere: non enim gravabantur eas utpote angustas, sed angustas. et ita jam sentire video Heinsium ad Ovid. Heroid. V, 16. ubi notat. „Angustas fores, ob immensum frigus, non „Angustas.“ Voluit, opinor, ob immensum calorem; non ob immensum frigus. Pro fores etiam optime legere potes lares. lares et tecta saepe conjunguntur. infra tamen occurrit vox fores eodem sensu, v. 88.

Non cepere fores, angustaque deficit aedes. nihil igitur in hac voce innovandum.

v. 71. Delituit caelum, ET subitis lux candida cecit

Nubibus.] In nonnullis editionibus deest copula ET: sed eam retinent Parm. Rom. et Venet. et ita edi curavi. Pro candida lux Heinsius ibidem scribi vult condita; „quoniam candida lux plerumque fortunata.“ Non opus est: candida enim lux idem quod clara: et nubo opponitur. Ovidius Trist. II, 142.

Nube solet pulsa candidus ire dies.

Idem Heroid. XVI, 317. ubi ludit in duplici hujus vocis significatione:

Te mihi, meque tibi communia gaudia jungant;

Candidior medio nox erit illa die.

ita candidus sol Metam. XV, 30. Inde albae luces Martial. Epigr. X, 62. Plautus Amphitr. I, 3.

Nunc te, nox, quae me mansisti, mitto, ut cedas die;

Ut mortalibus illucescat luce clara et candida.

ita, opinor, legendum; non illucescas: et pro Ut forte legendum Is, sc. dies, mortalibus illucescat. Lactantius VI, 2. Ipse in usum hominis tam claram, tam candidam lucem dedit. Multo plura colligi possunt: sed haec satis ad vulgatam candida tuendam. Pro lux Parm. habet nox: et versu proxime sequenti astro pro Austro. Vers. 74. dives Elisa: ex Virgil. Aen. IV, 263. desumptum epitheton. ut et quae sequuntur, testesque ululant per devia Nymphae, ex eodem libro v. 168. summoque ululant vertice Nymphae. Ibidem pro Attulit legendum esse Detulit persuasissimum habeo:

qualem Libyae Saturnia nimbum

Detulit.

Noster Theb. XI, 276.

hos ignis egentes

Fert humus, hos pelago patrius jam detulit amnis.

Val. Flaccus IV, 15.

Dixit, et arcano redolentem nectare rorem,

Quem penes alta quies liquidique potentia somni Detulit, inque vagi libavit tempora nati:

ubi Heinsius conjicit Depluit: merito reprehensus a Cl. Burmanno, qui notat proprie deferri dici quae ex alto feruntur: ut infra v. 80. ejusd. lib.

Diva volat, deferitque viro celeranda parentis Imperia.

Virgilius XII, 416.

Hoc Venus, obscuro faciem circumdata nimbo Detulit.

Justinus XXIX, 3. videre tonantem ac fulminantem ab occasu procellam, quam in quascunque terrarum partes victoriae tempestas detulerit, magno cruoris imbre omnia foedaturam. Scio quidem locum istum Thebaid. VIII, 411.

Cum Libyae Boreas Italos niger ATTULIT imbres.

Sed diversa ratio est istius et hujus loci. quae enim ex longinquo veniunt recte afferri dicuntur, ut imbres ex Italia in Africam: quae vero ex alto, melius deferri.

v. 77. nec quo convivia migrent.] Ita recte Parm. et Rom. et in Vet. Edit. Paris. legi testatur Morellus, qui ita interpretatur: „nec tamen locus „idoneus occurrebat quo transferrent epulas.“ et ita fere Adr. Behotius et Salmasius Epist. XCII. Aliam viam insistit Gronovius Reliq. ad Stat. Silv. his verbis „nec quo convivia migrent.] Vere sic legitur, „non tamen eo sensu quem dant Morellus et Behotius, nec tamen occurrebat idoneus locus quo transferrent epulas: sic enim quidvis in quovis intelligere posses. sed et occurrebat satis locorum, ut „exponit ipse statim. Proximum verbum repetendum „intellectu: abripiunt, nec tamen eo abripiunt quo „possint aut soleant convivia migraffe: scilicet in „sacellum vel aediculam Herculis.“ Hoc modo pulcher quidem exurgit sensus: sed verior altera distinctio de qua jam dicturus sum. Adversativa particula SED in sequenti sententiae membro, instantes SED proxima quaerere nimbi Suadebant, necessario denotat aliquam oppositionem inter hanc et priorem sententiae partem. sic igitur construendus locus, voce NEC resoluta in ET NON, ut passim: ET instantes nimbi suadebant quaerere NON quo convivia migrent, SED proxima: reliquis Parenthesi inclusis: et ita edi curavi. repentinus, inquit, imber famulis non permittebat consulere τοῦ προῖοντι, sed commoditati: cogebat eos petere non quo epulae in tali casu transferri solent, privatam aliquam domum; sed proxima: sc. sacellum Herculis. In Parm. et Rom. deest vox quo, elisa a similitudine sequentis co.

v. 82. Stabat dicta sacris tenuis casa, nomine templi.] Nullus in his sensus: lege,

Stabat dicta sacris tenuis casa:

dicta sacris, id est, rebus sacris dicata. dicere proprium Consecrationibus verbum: Servius ad Virg. Aen. VI, 138.

Junoni infernae dictus sacer:

DICTUS] dicatus. vide eundem ad Aen. VIII, 344.

Parrhasio dictum Panos de more Lycæi.

Noster Theb. V, 511. plenius,

Inachio sanctum dixere Tonanti

Agricolae.

Persius Sat. II, 63.

Et bona Dis ex hac scelcrata dicere pulpa: ita legendum puto; vulgo, ducere: nullo apto sensu.

v. 89. Erubuit risitque Deus.] Non video quam risus causam hic habuit Hercules; irae potius et indignationis, quod tanto numini tam angusta esset aedes. conjicio

*Erubuit vidisse Deus,*  
id est, *visu*: Ovidius Met. II, 49.

*Poenituit jurasse patrem:*

id est, *juramenti poenituit*; verbum infinitivum pro substantivo, ut pueri sciunt. Noster Silv. II, 6.

*et certe qui vidit funera frater*

*Erubuit vinci.*

II, 3.

*Poenituit vidisse deam.*

Virgil. Ecl. III, 78.

*Phyllida amo ante alias; nam me discedere fle-*  
*vit:*

i. e. *meo discessu flevit.*

v. 90. *blandisque VIRUM complectitur ulnis*] Quomodo potuit VIRUM complecti? non enim in propria specie apparuit Hercules; sed CORDA Pollii subit, et menti has cogitationes infudit. patet hoc ex Vers. 116. dixit MENTEMQUE reliquit. Lege

*Corda subit, blandisque ANIMUM complectitur ul-*  
*nis.*

*Corda et animum passim conjuncta reperies.* Saepe vero hae voces commutantur. ita Lucanus IV, 372.

*nox robora nervis*

*Et vires rediere animis:*

ita legendum sensus et oppositio postulant: vulgo, *vi-*  
*ris.* sic et Thebaid. X, 635. pro *Elegit penetrare*  
VIROS, scribendum esse ANIMOS monui supra ad Epi-  
thal. Stel. v. 107. eodem libro v. 937. de Capaneo  
morituro:

*Sed membra VIRUM terrena relinquunt,*

*Exiitque animus:*

pro VIRUM legendum esse ANIMAM ex Vet. Scholiaste  
putat Cl. Burmannus ad Ovid. Met. II, 312. verba  
Scholiastis sunt: *Exiitque animus*] Mire exiit  
dixit, quia anima exiit corpore: ideo *Metapho-*  
*ram a vestibis posuit.* sine sensu haec: lege, *quia*  
*anima induitur corpore.* potuit aequè bene dixisse  
*quia animus induitur corpore:* quippe animam et ani-  
mum pro eodem posuit. unde patet nihil mutandum  
esse in voce VIRUM; cum verba Scholiastis pertineant  
ad *Exiitque animus*, non ad praecedentia, sed  
*membra virum terrena relinquunt.*

v. 92. *Tecta Dicarchei pariter juvenemque replesti*

*Parthenopen.*] Mendose fere haec vox scribitur,  
*Dicarchaei et Dicarchei;* cum oporteat *Dicarcheae*,  
penultimâ productâ: est enim a Graeco *Δικαρχαία*  
vel *Δικαρχία*, non *Δικαρχαίου* vel *Δικαρχία*.  
lege igitur, *Tecta DICARCHEAE pariter:* et infra, v.  
110. *Aula DICARCHEIQUE sinus:* non DICARCHEIQUE.  
Vide quae supra notavi ad II, 2. v. 95. Sed quid  
sequentibus faciemus, *JUVENEMQUE replesti Partheno-*  
*pen?* infra enim, Silv. IV, 8. v. 55. hanc eandem  
*Parthenopen* vocat FESSAM AEO:

*Sint qui fessam aeo crebrisque laboribus urbem*  
*Voce opibusque juvent.*

Quomodo igitur haec concilianda? nullo modo: sed  
sanari possunt, si legas, *MITEMQUE replesti Parthe-*  
*nopen,* pro *JUVENEMQUE replesti.* Ductus calami in vo-

*cibus mitem et juvenem* non adeo dissident. epitheton  
vero *mitis* Neapoli optime congruit: ita infra Ecloga  
V. hujus libri, v. 79.

*PARTHENOPE, cui MITE solum trans aequora*  
*vectae*

*Ipse Dionaea monstravit Apollo columba.*

Silius Italicus XII, 27.

*Prima instaurantem sensit certamina MITIS*

*PARTHENOPE.*

*Dulcem* vocat Virgilius Georg. IV. ad finem: *benig-*  
*nam* Noster infra hac Ecloga v. 151. *Campaniam,*  
in qua Neapolis, *mitem* appellat idem Silius VI,  
651.

*Donec pestiferos MITIS Campania cursus*

*Tardavit:*

*Dicarcheam,* id est Pateolos in Campania, Noster,  
IV, 8.

*et socii portus dilectaque MITIS*

*Terra Dicarcheae:*

ubi etiam male legitur Terra *Dicarchei.* Florus I,  
16. *Onnium non modo Italia, sed toto orbe ter-*  
*rarum pulcherrima Campaniae plaga est. nihil mol-*  
*lius caelo: denique bis floribus vernat. Mitis Ta-*  
*ras,* id est Tarentum, in Equo Max. v. 120. *mitem*  
*Corinthon,* Theb. I. *mitis Hybla,* Achilleid. I, 557.  
Mox, v. 96. *Quid enim ista domus, quid terra,*  
*priusquam Te gauderet, erat? Parm. et Rom. erant,*  
*non erat. Quid erat: ut apud Propertium IV, 4.*

*Quid tum Roma fuit, tubicen vicina Curetis*

*Cum quateret lento murmure saxa Jovis?*

Forma loquendi cum comparatur praeteritus status rei  
alicujus cum ejusdem praesenti statu. [*Te gaudet,*  
ERAT. Ven. Parm. et Rom. ERANT: quod verum  
est. Vide ad Epithal. Stell. v. 227. Ex ADD.] Infra, v.  
101. *gemina testudine LYMNAS.* Parm. et Rom. *diser-*  
*tin* habent NYMPHAS: recte. vide quae notavi ad Ti-  
burtin. Vopisci v. 64.

v. 109. *et ab excelso veniat soror hospita TEM-*  
*PLIO*] Praecessit, initio sententiae, *Da TEMPLUM dig-*  
*nasque tuis conatibus aras.* credat, qui vult, Sta-  
tium ita scripsisse: ego non dubitavi in Contextum  
admittere,

*et ab excelso veniat soror hospita TE-*  
*CTO:*

sensu eodem, voce tantum diversa: ita supra v. 3.

*nec litora pauper*

*Nuda tenes, TECTUMQUE vagis habitabile nautis:*

id est templum. pariter utrumque conjungit infra  
v. 137.

*et junctae TECTA novercae*

*Provocat et dignis invitat Pallada TEMPLIS.*

TECTA Deum pro templis ubique occurrit. Hae vero  
voces *TECTA* et *templa* saepissime a Librariis confun-  
duntur. ita Eq. Max. pro *Julia TEMPLA* Codex Lipsii  
habuit TECTA; quod verum est; et in Contextum  
meum admissum: et jam addo, me ita in Parmensi  
quoque invenisse. Sic et apud Ovidium Met. I, 170.



*Hac iter est Superis ad magni TECTA Tonantis*, eadem est diversitas in libris scriptis: ut et Nostro Theb. I, 208. *Aurea TEMPLA replent*: in nonnullis codicibus TECTA. Versu praecedente, pro *accita* Heinsius Not. ad Claudian. de Bel. Gild. v. 172. mavult *ascita* seu *adscita*. bene. sed vix opus est ulla mutatione, propter exemplum quod adducit ex Ausonio Perioch. Odyss. VIII. accitoque ad convivium *Ulixæ*, *citharam jubet pulsare Demodocum*. Utrumvis probum est, *acciri mensis*, et *adscisci* seu *adsciri*. eadem diversitas apud Virgilium Aen. XII, 38.

*Si Turno extincto socios sum adscire paratus*: ubi nonnulli codices legunt *adscire*, notante Pierio.

v. 110. *Nec te quod solidus contra riget umbo maligni*

*Montis, et immenso non unquam exesus ab aeo.*] Pro quod non male legas qui: *umbo montis qui solidus, et ab immenso aeo non unquam exesus, contra riget*. Pro NEC te etiam non male NEU te: NEVE te terreat mons rigidus, Ipse adero. Sed non opus est; ut perspicere potes ex loco Propertii IV. 6.

NEC TE, QUOD CLASSIS centenis remiget alis, TERREAT: invito labitur illa mari.

Deinde, *non unquam exesus*: vox unquam nihil ad rem; non enim HIS aut TER exedi aeo potuit mons; quare igitur non UNQUAM exesus? praeterea, dixisse debuit AEO exesus, non AB aeo: diversas enim notiones exprimunt hae duae phrases: cum enim dicimus *Aliquid AEO immenso non exeditur*, VOX AEO Instrumentum seu Causam denotat: cum vero dicimus, AB AEO immenso non exeditur, non Instrumentum, sed durationem longi temporis ex quo aliquid non exeditur, exprimimus; ut cum dicimus, A viginti annis hoc non accidit. Lucanus III, 399.

*Lucus erat longo nunquam violatus AB AEO*: recte; vult enim dicere, PER longum aevum ab HOMINIBUS non caesus; (Ovidius dixisset, *Silva frequens trabibus, quam nulla ceciderat aetas*) vitiose, si idem exprimere voluisset omitta praepositione AB; *longo aeo nunquam violatus*: saltem, aliam rem dixisset. quippe in priori loquendi modo, homines sunt instrumentum per quod *lucus violatur*; in posteriori, *aevum*: quam distinctionem servat Achilleid. I. de monte loquens,

*Pars exhausta MANU, partem sua ruperat AETAS.*

Hanc observationem ad hunc Statii locum applica, et videbis illum scripsisse,

*immeso non unquam excisus ab aeo.* exscindere vocat infra v. 123.

*Praecipuus sed enim labor est exscindere dextra*

*Oppositas rupes et saxa negantia ferro*: Virgilius VI, 42.

*Excisum Euboicae latus ingens rupis in antro.*

Idem Aen. I, 432.

*immanesque columnas*

*Rupibus excidunt: sceerae decora alta futurae.* Suetonius Calig. c. 37. excisae rupes durissimi sili-

cis. et Claudio c. 20. *Per tria autem passuum milia, partim effosso monte, partim exciso, canalem absolvit, aegre, et post undecim annos.* Vocem umbo amat Statius. Achilleid. I, 407.

*Nec tantum exciti binari quos Isthmia vallo Claustura: nec undisonae quos circuit umbo Maleae*

*Sed procul amotae etc.*

Thebaid. VI, 351.

*Metarum instar erant hinc nudo robore quercus Olim omnes exutu comas; hinc saxeus umbo, Arbiter agricolis.*

restituenda haec vox Thebaid. IV, 520.

*Panditur Elysium chaos, et telluris opertae Dissilit UMBRA capax:*

legendum dico, UMBRO capax dissilit, id est, dividitur: UMBRA telluris dissilit nullum habet sensum. Iterum Theb. VII, 15.

*omne quod Isthmus umbo*

*Distinet, et ravae circumtonat ira Maleae.*

Notanda vero in hoc Statii loco, quem jam explicamus, vox unquam *πλεονάζουσα*: quippe NON UNQUAM excisus, idem est, nec amplius, quam NON excisus. ita Theb. IV, 240.

*Qui te, flave, natant terris Alpheæ, Sicani*

*Advena tam longo NON UNQUAM infecte profundo*: id est NON infecte. Herc. Epitrapez. v. 106.

*Nec te regnator Macetum, nec barbarus unquam*

*Annibal, aut saevi posset vox horrida Syllae*

*His celebrare modis:*

ubi aequè bene omitti potuit *τὸ unquam*. in qualibet Statii pagina invenies. Virgilius Aen. II, 331.

*Millia quot magnis unquam venere Mycenis.*

ubi si omittas *τὸ unquam*, nihil perdes. Val. Flaccus IV, 167.

*Fulmineu frontem dextra, disjectaque fudit*

*Lumina, me nunquam leto dignatus et armis:* NUNQUAM dignatus, id est, NON UNQUAM, id est, NON dignatus.

v. 117. *Nec mora, conscripta formatur imagine tela.*] Domitius: „Statim designatum est pictum aedificium in tela: ut ea similitudine erigeretur.“ Male: formae enim aedificiorum non in tela, sed charta describi solent. praeterea, non formari, sed texti dicitur tela. Cruceus ita: „Notatur Ἰχθυογραφία, id est, tenuis et prima delineatio operis seu aedificii extruendi, quam redemptores velut exemplar sibi proponere solent in tela vel charta expressam.“ Eandem cantilenam de tela canit. et ita quoque Buchnerus ad Plinii Epist. IX, 39. his verbis: „significat Statius struendi templi speciem in tela seu lintea picta imagine expressam fuisse.“ et, quod mireris et indigneris simul, in eundem errorem abriperunt politissimum Broukhusium; qui Not. ad Tibull. II, 5. v. 23. citato hoc Statii loco, addit, „videlicet, des ichnographiam in linteis coloribus depictam.“ Atqui, o boni, ipsa TELA hoc loco FORMARI dicitur, non templi species IN TELA. At cui bono formaretur TELA? an tam ineptus fuerit Pollius, ut forma-

ret talem seu linteum huic tantum fini ut in ea postea formam aedificii describeret, cum ad manum esset charta vel membrana, quae huic usui melius inserviret? Mitto quod formare non est Textorium sed Architectonicum verbum; idem nempe quod describere, delineare. nec vox tela simpliciter et sine adjuncto denotat LINTEAM telam; non hercle magis quam LANEAM, aut SERICAM. Dixisse igitur debuit AEDIS formatum, non TELA. et saepe ita dixit: scripsit enim,

Nec mora, conscripta formatur imagine tēpla.

veritatem et erroris originem simul vides. scriptum erat, ut sere, formatur pro formantur, et pro templa, tēpla; (ut supra v. 109. pro templo Edit. Parm. habet tēplo) unde, omissa p, tela. Recte vero templa, pro templum, ut infra v. 138. de hoc templo;

Et dignis invitat Pallada TEMPLIS:

Et 180. de eodem:

Nam TEMPLIS nunquam statuatur terminus aevi. Surrent. Poll. v. 2.

Saxaque Tyrrhenae TEMPLIS onerata Minervae. Ovidius Fast. V, 577.

TEMPLA feres, et me victore vocaberis Ultor:

ubi pariter atque hic, in tredecim MSS. erat TELA feres. Bene etiam imagine: eadem nempe quam formam vocant Architecti; imitationes aedificiorum Vitruvius, notante Buchnero; quem vide ad supra memoratam Plinii epistolam. vestigia ac lineamenta Auctor de Caus. corrupt. Eloquentiae. Plinius Nat. Hist. XXVIII, 2. scipione prius determinata templi IMAGINE etc. vide totum locum. Quintilianus Instit. IV, 2. Ubi vero major res erit, et atrocior invidiose, et tristitia miserabiliter dicere decebit; non ut consumantur affectus, sed ut tantum velut primis lineis designentur; ut plane, qualis futura sit IMAGO rei, statim appareat.

v. 119. Et relevare trabes.] Ita plurimae editiones. Parmensis tamen et Romana levare: quod verum est: idem scilicet quod laevare vel laevigare. mutatum ab aliquo qui quantitatis primae syllabae τοῦ levare metuebat. Via Domit. v. 50.

Hi caedunt nemus, exuuntque montes;

Hi ferro scopulos trabesque LEVANT:

ubi iterum ob eandem, opinor, rationem, substituerunt CAEDUNT. Thebaid. I, 512.

Pars teretes levare manu, ac disponere mentes.

Vers. 120. pro uvida, Domitius notat inemendatos Codices habere invida; se vero fecisse uvida. Recte fecit Domitius, et bene interpretatus est. per partem uvidae terrae intelligit arenam, ex qua fiebant tegulae, protecturae hiemes, et prius exclusurae.

v. 122. Indomitusque silex CURVA fornace liquescit.] Parodia, seu potius hemistichon Virgilianum, ex Aen. VIII. 446.

Vulnificusque chalybs VASTA fornace liquescit.

Hic igitur reponendum videtur VASTA fornace: CURVA enim nequaquam convenit fornaci. Sumsit forte Virgilius ex Lucretio VI, 680.

Nunc tamen illa modis quibus irritata repente Flamma foras VASTIS Aetnae fornacibus efflat Expediam.

Lucanus VI, 404.

Fudit et argentum flammis aurumque moneta Fregit, et IMMENSIS coxit fornacibus aera.

Versu proxime sequenti, pro excindere DEXTRA Oppositas rupes, Crucei et Tho. Stephani Edit. exhibent DEXTRAE Oppositas: forte non male: oppositas dextrae, ut, negantia ferro: ita enim in Parmensi et Aldina invenitur, non rigentia, et Statio vindicavit Gronovius Diatr. c. XLV. multis exemplis. saxa negantia ferro sunt non cedentia, inexpugnabilia. Lucanus VIII, 3, de Pompeio:

Cornipedem exhaustum cursu, stimulisque negantem

Magnus agens, incerta fugae vestigia turbat: quem locum adduxit Gronovius: ut et hunc ex Nostro Theb. IV.

dexter Iaccho

Collis, at Ennaeae Cereri negat:

id est non admittit segtem, non ferax est Isegetis. Sed nota sunt haec eruditiss; et exempla obvia.

v. 128.

dites Capreae, viridesque resultant

Taurubulae.] Domitius notat hoc nomen Taurubulae a Cosmographis praetermissum esse: putat tamen a Papinio fictum esse atque ita appellari Viam Herculeam seu aggerem illum quem inter lacum Lucinum et mare fecit Hercules, ad traducendos boves Geryonis: nempe a ταῦρος et βάλλω jacio seu trajicio: unde Taurubulae. Non potest vera esse haec Domitii fictio: primum enim, dicendus foret hic locus, Taurobolae non Taurubulae: ταυροβόλαι, non ταυροβύλαι. Deinde, ignobilis haec et perexigua terrae lingua (quippe longitudinis unius tantum milliaria, latitudinis plaustrum erat) non bene cum ditibus Capreis componeretur. mitto epitheton virides, isti aggeri minime congruum, prout ex Strabone discere potes, Lib. V. p. 169. Alii pro Taurubulae legunt Teleboae: quae Joan. Scopae, Fr. Tiliobrogae, et Fred. Lindenbrogii erat conjectura: et hanc in Codicem suum retulerat Vir summus Adr. Turnebus, referente et approbante Morello: et Barthius dicit non dubium esse quin Teleboae sit vera lectio. Rem confectam putant loco Virgilii Aen. VII, 734. ubi Capreas vocat Teleboam regna:

quem generasse Telon Sebethide nympha

Fertur, Teleboam Capreas cum regna teneret.

Nemo dubitat quin Capreae recte appellari possint Teleboam regna; et ita appellat Sil. Ital. VII, 418. domos Teleboam Noster Eclog. ad Uxor. v. 100.

Teleboamque domos; trepidis ubi dulcia nautis

Lumina noctivagae tollit pharos aemula lunae.

Capreis vero pharon fuisse notum ex Suetonio Tiber. c. 74. Addere etiam potuissent Tacitum Annal. IV, 67. Graecos ea tenuisse, Capreasque Telebois habitatas fama tradit. ubi pariter errantem video Lipsium, his verbis: „Thelebois habitatas] Ideo Theleboae pro ipsis Capreis, Ausonio: viridesque re-



„sultant *Theleboae*.“ Voluit dicere *Statio*, non *Ausonio*: et locum citat quasi nulla esset de lectione dubitatio. Secundum hos igitur dicit *Statius*, *dites CAPREAE et virides CAPREAE resultant*: quod primo intuitu absurdum est, nec minus istud, quod *Teleboas* vocat *VIRIDES*. an si *Capreas VIRIDES* recte dixeris, ideo sequitur *incolas* quoque *Caprearum VIRIDES* recte dici posse? hoc modo *incolae* *Gauri* montis vocari possunt *NEMOROSI*; hoc enim epitheto donatur ipse *Gaurus*, infra v. 147. nisi probare posses *Teleboas* solere *viridi* aliquo medicamento cutem pingere: tunc enim *virides* recte dicerentur, ut *virides Britannii* apud *Ovid.* *Amor.* II, 17. ob hanc rationem. Cum itaque manifesto vitiosum sit *to Teleboae*, nec quidquam mutant editiones, in Contextu retinui *Taurubulae*; de iis prorsum ignarus: censeo tamen cum *Scaligero* *ῥηθιδιον* aliquod esse ignobile istius tractus, ut *Nesis* et *Euploea*, quorum nomina vix alibi extant. *Dites* vero *Capreae* propter aedificia *Tiberii Caesaris*, et cetera ornamenta; ut bene *Domitius*. licet aliter non male legi posset *mites Capreae*, ex *Tacito Ann.* IV, 67. de hac insula: *caeli temperies hieme mitis, objectu montis, quo saeva ventorum arcentur*. Versu proxime sequenti pro *Aetna* *Parm.* et *Rom.* *Aetnae*: forte *Aetne*, terminatione *Graeca*, ut *Nemee* infra v. 143. pro quo *Rom.* *Nemeae*, *Parm.* *Nemees*. Vide quae dico ad V, 3. 93. Vers. 136. pro *arce Parm.* *arte*: et pro *junctae* *Parm.* et *Rom.* *victae*: perperam: si enim *victae* quodcumque opus provocare? *tecta novercae junctae* sunt *templa Junonis in proximo, juxta*.

[v. 135. *vix annus ANHELAT Alter*, et etc. *Parmensis*, ut notavi, habet *ANHELANS*: quod non est de nihilo. immo *Statianum* hoc esse persuadeor. *Annus* ponitur pro *pars anni*. *annus* igitur *anhelans* est ea pars anni in qua *anhelamus* seu *aestivamus*: hoc est, *aestas*. *vix* rediit *aestas* altera, et *Hercules* templum habuit. Sic *horrens annus* *Theb.* IV, 1. ea pars anni in qua *horremus*, id est, *hiems*. Ita *vernantia tempora* pro *vere* *Virgilius* *Culice*, v. 409.

*Et quoscunque novant vernantia tempora flores*: ubi aequè bene dixisse poterat *vernans annus*. Vide quae notavi ad *Tiburt.* *Manlii* v. 8. *Vix annus anhelans alter*, sc. *aderat*; ut *Ovid.* *Fast.* V, 524.

*Vixque decem menses; et puer ortus erat.*

Vide ad *Epithal.* *Stell.* v. 144. EX ADD.]

v. 139. *jam fortibus ardens*

*Fumat arena sacris.*] *Justus Lipsius* *Saturnal.* *Serm.* II, 14. pro *fortibus* legit *sortibus*, assentientibus *Bernartio* et *Cruceo*, quia *sorte* utebantur in his certaminibus. Male: praecessit enim, *Jam placidae dant signa tubae*: ergo *ludi commissi* erant, ut *sortibus* jam non locus fuerit: nec in his ludis omnino usurpari *sortes* putat *Gronovius* *Diatr.* c. XXIII. ubi contra *Lipsium* disputat, et defendit *fortibus sacris*: „elegantissime, inquit, *Statius fortia sacra* dixit certamina haec palaestrica, quae in honorem *Herculis* „exercebantur: quod nomen dari potest omnibus „*ritibus ludis*, ut *decursibus equestribus* etc. Contra, *molliora sacra* sunt *thiasis*, *epulae*, *ludi Florales*,

„*pervigilia Veneris*. Et sic *crudelia sacra*, quae fiunt *Dianae Tauricae*, *Latiari Jovi*, *Caelesti Carthaginiensi*. In *Hercule Vindiciis* ipsum *fortem* „*Deum* et *fortissimum Divum* appellat; cuius merito „*sacra fortia*. Haec *sacra sunt palaestrae*; quae „etiam *fortes*: *Manilius* IV, 721.

*Perque coloratas subtilis Graecia gentes*

*Gymnasium praefert vultu, fortesque palaestras.*

„Ita *fortia lamenta* vocat *Statius* afflictiones corporis in luctu, ut cum plangitur pectus, secantur genae, crines rumpuntur.“ Haec vir doctissimus. nec de phrasi *fortia sacra* dubitandum est, nec *palaestras* recte dici posse *fortes*: tantum restat quaestio, utrum sensui loci conveniat vox *fortibus*. et mihi secus videtur: *Statii* enim propositum est commendare hos ludos non ex eo quod erant *FORTES*, sed quia *INNOCENTES*: patet hoc ex verbis praecedentibus, *Jam PLACIDAE dant signa tubae*: non *FERALES* illae quae in *Indis* *Gladiatorii sanguini* et *morti* praecinebant, sed *PLACIDAE tubae dant signa*. et mox,

*Nil his TRISTE locis. cedat lacrimabilis Isthmos, Cedat atrox Nemeae.*

ita supra v. 43.

hic tibi festa

*Gymnas et INSONTES juvenum sine caestibus irae*:

omnia vides non *fortitudinem*, sed *pacem*, *quietem*, et *innocentiam* exprimentia. Optime igitur scripsisse potuit,

*Jam PLACIDAE dant signa tubae, jam MITIBUS ardens*

*Fumat arena sacris.*

cui oppositum esset *TRISTE sacrum* apud *Prudentium* contra *Symmach.* II, 1113. de gladiatorii muneribus:

*Quod genus ut sceleris jam nesciat aurea Roma,*

*Te precor, Ausonii Dux augustissime regni;*

*Et tam TRISTE sacrum jubeas, ut cetera, tolli.*

Hoc modo cogitabam. confirmavit inspecta vetus editio *Parmensis*, quae habet *jam FRONTIBUS ardens*. statim vidi legendum esse,

*Jam PLACIDAE dant signa tubae, jam INSONTIBUS ardens*

*Fumat arena sacris*:

ut supra, *INSONTES juvenum sine caestibus irac*, vel *caedibus*. eleganter *Achilleid.* I, 112.

hic hominum nullos EXPERTA CRUORES

*Spicula, nec truncae bellis genialibus orni,*

*Aut consanguineos fracti crateres in hostes,*

*Sed phuretrae INSONTES, et inania terga ferarum.*

Minime dubito quin istud *FORTIBUS* sit ab interpolatore *Domitio*, qui has *Silvas* innumeris locis, ubi non intellexit, ad libitum depravavit: unde in insequentes editiones propagatae sunt lectiones non *Statii*, sed *Domitii*. Prima syllaba *τοῦ insonitibus* absorpta erat a praecedente *m*: dehinc ex *sonitibus* fecerunt *librarii frontibus*, *Domitius fortibus*. Vers. 143. *litat hic felicior infans*. Intelligit nepotem *Pollii*, filium *Ju-*

lii Menecratis: eundem quem supra memoravit v. 46. *templis adscriptum*, et sacerdotem Herculis. *felicior* hic puer quam Archemorus, qui in Nemea occisus ludis Nemeacis originem dedit.

v. 145. *et scopulis humentibus haerent.*] Ita editiones pleraeque. antiquiores tamen Rom. et Venet. MS. Flor. et Parm. habent *viventibus*: unde Gronovius Diatr. c. XXIII. fecit *uventibus*, id est *βρυονίους*. Recte. significatio utriusque verbi eadem fere: licet aliquam differentiam statuatur Salmasius Epist. LXXXV. Vide Cl. Drakenborch. ad Sil. Italicum IX, 30. et alios ejusdem poetae locos. Vers. 149. *Silvae quae fixam pelago Nesida coronat.* Non placet vox *fixam*: et Latinitatem desidero. nisi dicas *fixam* pelago esse *affixam*: quo facto, Sensus desidero. insula enim non *affigitur* PELAGO, sed SOLO. Coniugio, *Silvae quae cinctam pelago Nesida coronat.* Haurio hanc conjecturam ex Surrentin. Pollii v. 78. ubi hic locus dicitur *pelago circumflua Nesis*: id est *CINCTA pelago*; ut innuatur *insulam* esse τὴν *Nesida*. Scriptum erat *cictam*; unde *fictam*, *fixam*. [Ovidius Heroid. XX, 221.

*Insula, Coryciis quondam celeberrima Nymphis, cingitur Aegeo, nomine Cea, mari.*

Met. X, 530.

*non alio repetit Paphon aequore CINCTAM.* et ita alibi passim. Hunc vero locum videtur Statius hausisse ex Metam. V, 388.

SILVA CORONAT aquas, CINGENS latus omne. Hujus *Nesidos* mentionem facit Seneca Epist. LIII. Ut vero *coronare* pro *cingere* Latiniis, sic περιστρίκειν Graecis. vide Callimach. Hymn. in Del. v. 93. [Ex ADD.] *Coronat est claudit*, ut apud Virgilium Aen. IX, 380. *omnemque aditum custode coronant.*

v. 149. NUMENQUE *Euploea carinis.*] Supra in Surrentin. Pollii v. 79.

*Inde vagis OMEN felix Euploea carinis.* Ex quo loco corrigendus hic,

OMENQUE *Euploea carinis*: non enim NUMEN erat carinis *Euploea* (qui potuit?) sed OMEN, utpote *prosperam navigationem* denotans. Homerus Iliad. O.

Ἐν δὲ κεν ΕΤΗΛΟΙΗΝ δῶν κλυτὸς Ἐννοσίγαιος. Ultima litera vocis *Limon* adhaesit insequenti *omen*; *Limo nomen*: unde fecerunt *numen*: et ita inveni in Parm. *Et placidum Lamo numenque*: Romana *Limen*. Mos hic sive superstitio Veterum ex rebus fortuitis omina capiendi, satis notus. Suetonius Aug. c. 94. *Apud Mundam Divus Julius castris locum capiens, cum siltam caederet, arborem PALMAE repertam conservari ut OMEN victoriae jussit.* Seneca Agamemn. 938.

*Et ista donum PALMA Pisaci Jovis*

*Velamen eadem praestet atque OMEN tibi.*

Tale omen Augusto ante pugnam Actiacam erat asellus cum asinario: EUTYCHUS homini, bestiae NICON erat nomen: verba sunt Suetonii Aug. c. 90.

v. 150. Phrygioque e vertice Graias

Addiscis, *Misene, tubas.*] Immo ad Trojam satis didicerat Graias tubas Misenus. non itaque opus erat ut hic addisceret, sed ut agnosceret:

Agnoscis, *Misene, tubas.*

Thebaid. XI, 220.

*Vidimus urgentem nubes, laetique benignum Fulmen, et auditos proavis agnovimus ignes.*

Silius XII, 659.

*Audivere lacus Erebi, mersusque profundis Agnovit tenebris caelestia bella Typhoeus.*

Exempla ubique. Et in hac conjectura acquievi ante inspectam editionem Parmensem: ea vero exhibet

ADSCISES, *Misene, tubas.*

Atque hinc de praestantia istius editionis conjecturam facere licet: haec enim lectio, quamquam depravata, ad veram nullo negotio ducit,

*Phrygioque e vertice Graias*

ADSCISCIS, *Misene, tubas*:

qua nihil elegantius. *Adsciscere* dicimur quicquid nativum et de proprio non habemus. ita cum in PHRYGIO monte GRAIAE tubae naturaliter esse non possint, Misenus dicitur illas *adsciscere*, id est *adoptare*, et *admittere*. in quo etiam haec oppositio et acumen est, quod dicit *Graias* tubas *Phrygio* Miseno gratas esse; cum inter istas gentes, Graios et Phrygios, maximae alias essent inimicitiae. *Graias* vero *tubas* dicit, quia omnis juvenus et turba quae ad hos ludos confluebat ex oppidis proximis, *Graecae* fere erat originis; cum ista pars Campaniae Graecis coloniis maxime esset refercta. Idem sensus et eadem oppositio Epiced. Patr. v. 126.

*Te de gente suum Latiis ADSCITA colonis*

*Graia refert Selle.*

Ovidius Metam. XV, 622.

*Pandite nunc, Musae, praesentia numina vatun,*

*Unde Coroniden circumflua Thybridis atveo*

*Insula Romuleae sacris ADSCIVERIT urbis*:

uti recte emendavit Heinsius pro *adjecerit* vel *accesserit*. Vide eum de hac voce plena manu ibi agentem. Vers. 152. pro *gentile* Parm. *genitale*. Vers. 156. pro *Findere* nonnullae editt. *Fingere*: Rom. *Fidere*: perperam. Epiced. Patr. v. 53.

*Illic Oebalio non FINDERET aëra disco*

*Graiorum vis ulla virum*:

Parmensis *Findere*.

v. 157. Seu tibi dulce manu LIBYCAS nudare palaestras,

*Indulge sacris.*] Certissima emendatio Gronovii pro *nudare* legentis *nodare*, Diatr. c. XXIV. et ita postea invenit in prima Venet. et Membranis Salisburgensibus. *Nodare* et *nodus* propria luctae verba. Lucanus IV, 631. de Antaeo:

*Intumueret tori, totosque induruit artus, Herculeosque novo laxavit robore nodos.*

Noster Achilleid. II, 439.

*Nam procul Oebalios in nubila condere discos, Et liquidam nodare palen, et spargere caestus,*

*Ludus erat requiesque mihi:*



ita recte emendavit idem Gronovius, cum et ibi male esset *nudare*. Vide eum in dicto Diatribes loco. Fallitur vero Vir magnus in eo quod putat emendationem suam confirmari a voce *Libycas*, quia scilicet Hercules Antaeum *Libyn* elisit *nodis* et *manu*. non defensoribus istis eget praeclara emendatio: et si isto tantum fundamento niteretur, falsa esset; omnino enim prava est vox *Libycas*. quomodo enim possunt LIBYCAE *palaestrae* nodari ad SURRENTUM in Italia? hoc primo intuitu absurdum. Quod si dicat *Libycas palaestras* denotare non palaestras quas exercebat, sed QUALES exercebat Hercules cum Antaeo in *Libya*; (ut apud Sil. Italicum *Vesuvius* mons dicitur contorquere AETNAEOS *ignes*, id est, tales quales Aetna contorquere solet; et multa huiusmodi exempla adferri possent;) respondeo, hoc pacto Statium sibi ipsi contradicere et destruere propositum suum: quippe hae *Libycae* palaestrae *saevae* erant et *sanguinolentae*, utpote in quibus occisus erat Antaeus: hic vero invitatus est Hercules ad *INSONTES juvenum*, et *SINE CAEDIBUS iras*, et *insonia sacra*, de quibus supra, ad v. 139. Nullo igitur apto sensu stare potest vox LIBYCAS. plane legendum,

*Seu tibi dulce manu LIQUIDAS nodare palaestras:*

ut loco Achilleid. supra citato,

*Et LIQUIDAM nodare palen,*  
quod est *liquidas nodare palaestras*. Lucanus IX, 661.

*Arcados auctoris citharae LIQUIDAEQUE palaestras.*

Claudianus de Mal. Theod. Cons. v. 287.

*Calliope LIQUIDAS Alciden posce palaestras.*  
UNCTAS *luctas* vocat Sidonius Apollinaris Carm. IX, 184. UNCTAM *palen* Noster Theb. VI, 832. et PIN-GUES *palaestras*. PUTRIS *palaestra* Martialis Epigr. VII, 67. et LUBRICUS *palaestria* III, 58. ita Graeci ΤΥΡΑΞ *παλαίστρας*, et ΑΙΗΤΑΡΑΣ: propter oleum scilicet: unde NITIDUS *magister* vocatur Pollux, Thebaide: et NITIDIS *palaestris* Martialis Epigr. IV, 8. Acumen vero et Oxymoron affectat Noster in vocibus *liquidas* et *nodare*: *liquida* enim non possunt *nodari*. Pro *Indulge sacris* Tiliobroga in Observationibus ita: „*Indulge IN sacris*“ al. deest „IN. sed fors sit an legendum *INIS sacris*.“ Sane nullam adhuc vidi editionem quae τὸ IN retineret. Romana tamen plane, *indulge INIS sacris*, prout conjecerat Tiliobroga, et sensus postulat. ita Thebaid. III, 719. *NUIC anue* sacro.

v. 160. *Nam capit, et tantum non dedignatur honorem.*] Ita editiones. Politianus tamen Epist. VI, 1. monuit se restituisse verbum *degeneravit* in suum locum, in quem subierat *dedignatur*: proculdubio ex MSO, inquit Gronovius, Diatr. c. XXVI. haec enim talia sunt ut ab ingenio nudo proficisci non possint. Et quidem *degenerare* cum quarto casu probum est: Ovidius Pontic. III, 1.

*Magna tibi imposita est nostris persona libellis;  
Conjugis exemplum diceris esse bonae;  
Hanc cave degeneres.*

Et Metam. VII, 542.

*Acer equus quondam, magnaeque in pulvere famae  
Degenerat palmas:*

ita libri meliores, testante Heinsio, non *Degener ad palmas*: licet hoc quoque probum; ut *degener ad pericula* Tacito Annal. I. Noster Theb. IV, 149. de Tirynthe urbe:

*non fortibus illa*

*Infecunda viris, famamve immanis alumni*

*Degenerat; sed lapsa situ fortuna:*

ita legendum; vulgo *famaeque*. Sed alia ratio hujus et istorum locorum: quippe ridiculum esset dicere Pollam non *degenerare honorem* quem illi optat poeta; et consequenter illa nondum accepit. Praeterea, vox *capit* non praeteritum, sed praesens tempus secum connecti requirit; CAPIT et non DEGENERAT. Verissima restitutio Gronovii, qui putat τὸ *degeneravit* positum esse pro *degenerabit*; (frequentia vice literarum v et n) hoc vero pro *degener ambit*, littera M non adscripta, sed nota ejus super A posita:

*Nam capit, et tantum non degener ambit honorem.*

Nihil verius: et MS. Flor. habet *degenerabit*; et ita in Parmensi ego inveni. Boëthius Consol. Philos. III. Metr. 8.

*Quid dignum stolidis mentibus imprecer?*

*Opes, honores ambiant.*

Recte etiam non *degener*: Ausonius Mosell. v. 355.

*Sura tuas properat non degener ire sub undas.*  
Tacitus Annal. IV, 61. *Fine anni excessere insignes viri, Asinius Agrippa claris majoribus quam vetustis, vitaeque non degener; et Q. Materius familia senatoria.* Noster Theb. IX, 619. de Parthenopaeo: nec degener ille

*Sanguinis; inque meos reptavit protenus arcus,*

*Telaque per lacrimas et prima voce poposcit:*

ita legendum; vulgo sine sensu, *Tela puer lacrimis*. Heinsius ad Ovid. Pontic. III. 1. assentitur Gronovio de τὸ *degener ambit*: et locum Thebaidos IV, 149. mecum emendat; nisi quod pro *famamve* citat *famamque*: verius alterum. De significatione verbi *capere* supra egi, Epithal. Stellae §v. 107. Quod vero optat Statius ut Hercules POMA ingerat in gremium Pollae, pudice innuit Pollam desiderio liberorum teneri: *poma* enim Veteribus credebantur conceptum adjuvare, et erat lascivum aliquod in istius vocis notatione: unde istud Propertii, I, 3.

*Et modo furtivis POMA dabam manibus:*

cum Cynthiam inviseret dormientem: et Virgilius Eclog. III. 64.

*MALO me Galatea petit, LASCIVA puella.*

Et Eclog. II, 51.

*Ipsa ego cana legam tenera lanugine MALA:*

ad quae Servius: *verecunde rem inhonestam suppressit, quam Theocritus aperte commemorat. vile praecedentia. Vetus Epigramma a Scaligero editum:*

*Qualibus Hippomenes rapuit Schoeneïda POMIS,*

*Qualibus Hesperidum nobilis hortus erat.*

Hujusmodi igitur *poma*, inquit Statius, inger in gre-

miu Pollae: *Nam CAPIT*; capax est propter aetatem, non vetula nimis, (unde in Surrentin. v. 10. *nitidae JUVENILIS gratia* Pollae) et *CUPIT*: *tantum ambit honorem*: et *MERETUR*; *non degener ambit*. Hanc Pollam eandem fuisse quae Polla *Argentaria*, Lucani uxor, jam fere persuadeor; et erroris imputatione liberandum esse Sidonium Apollinarem, qui duobus poetis jugatam eam facit; scil. *Lucano* et huic *Pollio*, non *Statio*. vide quae notavi ad Praefat. lib. II.

v. 163. *Haec ego nascentes LAETUS bacchatus ad aras.*] Quem non offendit sibilus tot syllabarum ius exequuntur, necesse est duras aures habeat. Hoc modo emollias versum:

*Haec ego nascentes LAETUM bacchatus ad aras*: Jam nihil est de quo queraris. *laetum bacchatus*, ut Theb. III, 618.

*LAETUM* fremit, assensuque furem  
*Implet Achaëa manus*:

Achilleid. I, 323.

*Mulcetur*, *LAETUMQUE* rubet, *visusque superbos Oblinquit*.

Virgilius Culice v. 71.

*Atque illum calamo LAETUM recinente palustri etc.*

Sic *turbidum laetari* Horat. Carm. II, 19. *inexple-tum lacrimans*. Virgil. Aen. VIII, 559. *querulum spirare* et *acerbum tussire* Martial. Epigr. II, 26. Auctor Aetnae v. 25.

*Qui tanto motus operi, quae causa perennes*  
*Explicet immensum flammam, quae ructet ab imo*

*Ingenti sonitu moles etc.*

ita legendum puto; vulgo, *in densum flammam*, *eructet*. sic *longum tenebo* Theb. II, 429. et innumera ejusdem formae. Quae sequuntur, *nunc ipsum in limine cerno* etc. hoc modo citat N. Heinsius ad Sil. Ital. VIII, 266.

*nunc ipso in limine cerno*

*Solventem curas, et talia dicta serentem.*

memoriae, opinor, culpa. Mox, v. 171. Idem vir eximius Not. ad Eleg. in Mort. Drusi v. 444. dubitat annon legi debeat *fila renebo* pro *tenebo*. Non opus est. *tenebo* est *inhibebo*, ut Soter. Gallic. v. 60. *teneamus adorti Teudentes jam fila colos*: *teneamus colos*, ut hic, *tenebo fila*. vide quae ibi notavi. Sequitur, *Extendamque colos*. Parm. et Rom. *colus*: et ita Venet. an. 1502. et Rothomagi an. 1613. Parum interest: haec enim vox tam quartae quam secundae declinationis est: vide Priscianum lib. V. p. 654. Noster Theb. IX, 838. de Parthenopaeo:

*premit hinc Mavortia. cuspis,*

*Hinc plenae tibi, parve, COLUS.*

Et X, 649.

*Et turbare COLUS, et tympana rumpere dextra.*

Sic *laurus pro lauros* ex MSS. Claudiano restituit Heinsius, VI. Cons. Honor. v. 38. Sequitur, *duram scio vincere Mortem*: cum *Morte* enim luctatus est

Hercules et ei eripuit Alcestidem Admeti uxorem: quod ad Medicinae peritiam refert Plutarchus. Noster Herc. Epitrapez. v. 104.

*Hic penetrata tibi spoliataque limina Mortis*

*Concinet*:

de Hercule loquitur. Sic Abascantius V, 1. dicitur *ingens certamen cum Morte gerere*.

v. 182. *priscumque habitabitur Argos.*] *Lege, priscumve*; et versu proxime seq. *solisve*, non *que*. ita supra v. 30. eadem depravatio:

*Nec formidatus Nemees ager, antrave poscunt Thracia, nec Pharii polluta altaria regis*:

Jubi vulgo *antraque*. Pro *solisve* CUBILIA Gades, Parmensis habet CUNABULA: perperam: et contra legem Pediam. Horatius Carm. IV, 15.

*famaque et imperi*

*Porrecta majestas ad ortum*

*Solis ab Hesperio CUBILI.*

Val. Flaccus III, 37.

*Ipse diem longe, solisque CUBILIA Tiphys*  
*Consult.*

Sil. Italicus III, 411.

*Extremamque petit, Phoebea CUBILIA, Tethyn.*

v. 185. *Populeaque movens albertia tempora silva.*] *Populea silva* idem quod *populus*, quae *Alcidae gratissima*, ut ait Virgilius: et ideo ex hac arbore *coronam* gestabat. Vide Bronkhuis. ad Tibull. I, 4. Seneca Herc. Oel. v. 1640.

*contextit pyram*

*Populea silva frondis Herculeae nemus.*

ubi pro *contextit pyram* optimus codex Florent. habet *se complet roga*: unde Gronovius dubitanter, *se confert rogo*. Sed quare *nemus*, cum *silvam* jam dixerat; et quid est *NEMUS FRONDIS*? lege certissima emendatione,

*se confert rogo*

*Populea silva, frontis Herculeae decus*:

hoc est Statii *populea albertia tempora silva*. *Confert* proprium in re *Funebris* verbum, ut pluribus dicemus ad Lacrim. Etrusc. v. 131. *Honor et decus frontis* vocatur *corona* seu *sertum*. Glaucia Melioris v. 26.

*Et nunc heu! vitis et frontis honore soluto.*

Thebaid X, 254.

*Ponit adoratas Phoebea insignia frondes,*  
*Longaeque ducis gremio commendat honorem*  
*Frontis*:

id est *coronam lauream*. Appositissime Epiced. in Puer. v. 28.

*sed nec solitae mihi vertice laurus*

*Nec fronti vittatus honos. en taxea marcet*

*Silva comis.*

*taxea silva* pro *taxus*. Tres vero ultimi versus hujus Eclogae Editioni Romanae desunt; Typothetarum, puto, incuria: nam in commentario eos agnoscit Domitius.



## E C L O G. II.

PROPEMPTICON METIO CELERI.] Ita invenit in Codicibus Rhod. et Salish. Gronovius, non METH CELERIS. Et ita Editio Parmensis; nisi quod pro CELERI habet CELERE. Pro METIO non opus est ut legamus METTIO; cum istud in Inscriptionibus antiquis frequenter occurrat, et apud Donatum Vit. Terentii. Vide Gruterum passim in magno opere.

v. 6. juvenis DUBIO committitur ALTO

*Metius.*] Hanc lectionem tuetur Gronovius Observ. II, 11. contra eos qui *alveo* vel *alno* legunt. Percurramus sex vel septem versus, ut melius iudicium feramus. „Di qui gaudetis MARIS pericula mul-  
„cere, sternite MARE; et MARE non obstrepat pre-  
„canti. Grande depositum damus tuo MARI, O Nep-  
„tune: quippe Metius committitur dubio MARI, et  
„partem majorem animae meae super MARE transferre  
„parat.“ Dudum, opinor, taedet ingratae repetitio-  
nis: levemus igitur aliqua parte, scribendo,

DUBIAE committitur ALNO:

quamquam ne sic quidem omnem *ταυτολογίας* reprehensionem vitabit. Ludunt quidem et interdum plurimum sibi permittunt in his repetitionibus poetae: eundem vero sensum in sex versibus continuisingere, omnem omnium morem et licentiam superat. Ita vero nostrum scripsisse, non ALTO, clarius patebit si conferas hunc locum cum isto unde desumpsit: is est Horat. Carm. I, 3. in Propemptico Virgilii: v. 5.

NAVIS, quae tibi creditum

Debes Virgilium, finibus Atticis

Reddas incolumem, precor,

Et serves animae dimidium meae!

idem est ac si dixisset, ALNE cui COMMITTITUR *Virgilius* etc. reliqua confer, si vacat: per totam enim hanc Eclogam Horatii Oden ante oculos habuit Noster. Recte vero *dubiae alno*. Juvenalis Sat. XII, 31.

*Alternum puppis latus evertentibus undis*

ARBORIS INCERTAE,

Jid est, *dubiae alni*. Statius Theb. V, 370.

INCERTAE nec jam prior impetus ALNO.

Silv. IV, 3.

*Vix passus DUBIAS prius CARINAS.*

Theb. IV, 224.

*Quas Pylos et DUBIAS Malea vitata CARINIS.*

Claudianus Praef. Lib. I. de Rapt. Pros.

*Qui DUBIAS ausus committere flatibus ALNUM:*

id est *dubiam alium* committere flatibus, translato epitheto, de quo alibi. Ovidius Art. Am. II, 514.

*Nec semper DUBIAS adjuvat aura RATES.*

*puppem timendam* vocat Noster Eclog. IV. hujus libri. v. 9.

*antennae gemino consistite cornu.*

Ita editiones: Romana tamen *consile*: Parmensis *considile*. recte. Horatius Serm. I, 8.

*Ast importunas volucres in vertice arundo*

*Terret fixa, vetatque novis considerare in hortis.*

Ovidius Met. II, 632.

*Inter aves albas vetuit considerare corvum:*

ubi eadem scripturae diversitas in Codicibus. Curtius III, 1. de Marsya amne: *quippe traditum est, Nymphas amore annis retentas in illa rupe considerare*. Auctor Panegyri. ad Messalam v. 151.

*Nam circumfuso considit in aëre tellus:*

ut bene emendat Heinsius pro *consistit*. ita *insidere ramis* apud Lucan. III, 407. ubi vulgo *insistere*. vide Burman. ad Quintilian. Decl. XIII, 4. *Subsidere* vocat Idem V, 226. de Appio. Versu sequenti pro *vobis pontusque polusque Luceat*, Tiliobroga notat in Veteri Codice esse *fiat pontusque serenus Luceat*. ego in Parm. et Rom. inveni *pontusque polusque screnus Luceat*: quod isto altero melius est; non tamen Statii: quippe nec ille, nec quisquam alius, opinor, *pontum SERENUM* dixerit. Optima est vulgata: unde vero eam habuimus, nescio. [*vobis pontusque polusque Luceat*. Ita Venet. recte. Vide Notas, ubi deleas rogo haec decem verba: quippe nec ille, nec quisquam alius, opinor, *pontum SERENUM* dixerit. Falsus fui: Virgilius enim Aeneid. V. ad fin. habet *pelago sereno*. adeo labilis res es, Memoria. EX ADD.]

v. 15. *Dicere quae magni fas sit mihi sidera ponti.*] Vos quoque, *Nereides*, quae mihi fas sit dicere ponti sidera: immo QUAS; ita enim postulat Grammatica: ut et mox v. 19. *ratis quae scandere gaudet Celer*: immo QUAM. Horatius Carm. II, 16.

Scandit aeratas vitiosa NAVES

Cura.

Caullus Carm. CII, *Pimplaeum scandere MONTEM*. Virgilius Aen. II, 237.

Scandit fatalis machina muros.

Seneca Hippol. v. 7.

Scandite colles

Semper canos nive Riphaca:

*scandere puppem* Idem Herc. Fur. v. 775. Infra, v. 26. pro *Et partite vices*, Parm. et Rom. *Partiteque vices*, id est, *Partitaeque*. recte: et ita edidi.

v. 30. *Sint quibus exploret rupes gravis arte molochus.*] Non operae pretium est exscribere quae interpretes in difficillimum hunc locum commenti sunt: minimo negotio vagae eorum Conjecturae redargui possunt, sed nihil interim de meo afferre valeo. Audiamus tamen quid de eo Summus Gronovius Diatr. c. XXVI. „Scripsit Statius, inquit ille, *sint quibus exploret lino gravis alta molybdis*. dictio *rupes*, semper suspecta fuit; nec enim *rupes* explorantur, sed fundus maris et ipsius altitudo. pro ea in Florentino legitur *primo*: sed hanc mutari malim in *lino*, quo sc. molybdidis in mare demittitur. *Arte*, pro *alta* deinde *arte* correctum est. Vocarunt olim instrumentum mari explorando *μολυβδίδης*, quia plumbum habebat assutum in extremo.“ Haec ille ex Salmasii Epist. 88. primo quidem intuitu speciosa, et ceterorum somniis longe saniora; quae tamen et ipsa examen ferre non valent. elige enim quam vis verborum constructionem; sive haec, *sint quibus*

*molybdīs*, *gravis lino*, *exploret alta*, mendosa est: quippe *molybdīs* non est *gravis lino*, sed contra *linum grave molybdide*: sive alteram, *sint quibus molybdīs gravis exploret alta lino*, aequè mendosa est: quippe vox *lino* superflua est. praeterea, *molybdīs* non explorat *alta lino*; *ipsa* enim est quae hoc fungitur, non *linum*. Vides quam facile sit redarguere commenta quibus non subest Veritas: quis eam in profundo latitantem ex omni parte sartam tectam eruet? [Licet verum sit quod disputo contra Gronovium, non tamen Argumentationem recte institui. Sic igitur refuge: elige enim quam vis verborum constructionem, vox *LINO* abundat. EX ADD.] Salmasius Epist. 88. legit

*Sint quibus exploret plumbo gravis alta molybdīs*:

speciosum quidem et hoc, sed forte nihilo verius: quippe non opus est dicere *molybdīs plumbo* gravis; hoc enim continetur sub notione vocis *molybdīs*, quae per se significat *linum* seu funem *plumbo* gravem. Idem in Plinian. Exercit. p. 712. hunc versum ita citat,

*Sint quibus exploret rupes gravitate molybdūs.*  
In Parmensi ita concipitur:

*Sint quibus exploret prios gravis arte molucros:*

in Romana *exploret rupes molorchus*. Domitii video manum interpolatricem in vocibus *rupes* et *molorchus*; qui, inquit ille, „est instrumentum nauticum „ad lateutia saxa indaganda. quod miror et a nostris „et a Graecis, Julioque Polluce in primis, praeternis- „sum fuisse.“ Nil mirum praetermissum fuisse, cum nec analogiā, nec Veterum aliorum testimoniis appareat hoc verbum usquam extitisse, nisi in Domitii commentariis. Pro eo minime dubium scribi oportere *molubdīs* seu *molybdīs*. *μολυβδῖς*, plumbeum instrumentum ad hunc usum: quod et *βολῖς* et *καταπειρατήρ* seu *καταπειρατήρ* vocabatur. De ceteris tacendum puto, donec ex codice aliquo aut felici conjectura liquidius aliquid effulgeat. Vers. 32. pro *vellant* multae Editt. *velent*, sine sensu. *vellant unca retinacula* est *avellant*, *extrahant ancoram* ex mari: vide Lucan. II, 694. et ita Parmensis. Sequitur, *pelagusque inclinet ad ortus*. Parm. *adortus* una voce: male. *inclinare pelagus ad ortus* est *fluxum maris impellere versus Orientem*, quo navigaturus est Celer. Sumsit hoc, ut multa alia in hac Ecloga, ex Ovidio Amor. II, 11. v. 39.

*Tum mare in haec magnus proclinet litora Ne-reus;*

*Tunc venti spirent; tunc agat aestus aquas:* ita legendum puto; non *Huc venti*, et *huc agat*. Idem Metam. XI, 207.

*Non impune feres, rector maris inquit: et om-nes*

*Inclinavit aquas ad avarae moenia Trojae.*  
Sequitur, v. 35.

*Huic multo Proteus, gemino hinc et corpore Triton*

*Praenatet.*

Ita Editiones. Parmensis, *Hic multo*, et *geminoque hic corpore*. lege,

*Huic multo Proteus, geminoque huic corpore Triton:*

quod multo suavius est altero. et ita edidit Gronovius.

v. 43. *omnisque per aequora MUNDI*

*Spiritus.*] Recte Heinsius ad Val. Flaccum I, 501. pro *mundi* legit *ponti*. Lucretius I, 8.

*tibi rident aequora PONTI.*

Ovidius Met. II, 872.

*Inde abit ulterius medique per aequora PONTI Fert praedam.*

Avienus Orb. Descript. v. 78.

*Primus in orbe sinus vasti MARIS aequora cingit.*

Idem 964.

*Rhebas cyanei qui dissicit aequora PONTI.*

*freta ponti*, et *marmora ponti* passim apud eundem occurrunt. *aequora maris* Horat. Carm. IV, 5. et ita legendum notissimo illo Lucretii versu, initio lib. II.

*Suave MARIS magni turbantibus aequora ventis*

*E terra magnum alterius spectare laborem:*

vulgo *mari magno*; quod redundat: satis enim fuerat dixisse, *suave est, ventis turbantibus AEQUORA, e terra spectare* etc. Mutatum ab aliquo qui nescivit *aequora maris* recte dici posse. Sequitur,

*AC hiemes nimbosaque nubila parent:*

intolerandus hic cultis auribus hiatus. fidenter edidi, contra omnes quas vidi editiones, *ATQUE hiemes*. raro invenies *AC*, quando subsequens vox a vocali incipiat. Noster Epithal. Stell. v. 248.

*eat enthea vittis*

*ATQUE ederis redimita cohors:*

non *AC ederis*. Theb. X, 787.

*Concinitur vulgo Cadmum ATQUE Amphiona supra*

*Conditor:*

non *AC Amphiona*. Lyrico ad Maximum, v. 2.

*Fortis heroos Erato labores*

*Differ*, *ATQUE ingens opus in minores*

*Contrahe gyros:*

ubi si vulgo lectum fuisset *AC ingens*, sine ulla hesitatione in contextum admissem *ATQUE*. Silius Italicus VIII, 362.

*Quos celso deversa jugo Junonia sedes*

*Lanuvium, ATQUE altrix casti Collatia Bruti:*

ita ex scriptis dedit N. Heinsius pro *AC altrix*. Mox v. 46. *SOLI Zephyro sit copia caeli*: ex Ovid. Amor. II, 11.

*Ipsa roges Zephyri veniant in lintea SOLI:*

ita Puteaneus et quatuor alii Codices, non *PLENI*: quod licet probum sit, Statium tamen legisse *SOLI* vel ex hac imitatione patet.

Jv. 51. ecce *meum timido*.] Pro ecce MS. Senens. Rom. et Venet. Codex habent *inde*. perquam elegans usus particulae, inquit Gronovius, pro *nunc vero*, ab hoc momento, enimvero jam. ita IV, 4. v. 26.



*Certum est: inde sonus geminas mihi circuit aures.*  
Vide Theb. I, 303. Virgil. Aen. III, 663. Val. Flacc.  
V, 225. et ita Edit. Romana: Parmensis unde. Quod  
vero Idem versu sequenti pro MOVET legit MONET,  
quoniam *monere* et *monitus* propria sunt verba de  
auguriis, oraculis, prodigiis, ominibus, somniis; pa-  
rum accurate argumentatur: tam enim *movemur* omni-  
bus quam *monemur*: et hoc loco nullum opus est  
*monitu*. *movet* idem est quod *turbat*, *terret*, *anxium*  
*reddit*. Lege modo haec ex Thebaid. II, 263.

*cunctos tamen OMINA rerum*

*Dira MOVENT, variisque metum sermonibus au-  
gent:*

Sil. Italicus IX, 258.

*tum triste MOVEBAT*

*AUGURIUM, et similes defuncto in corpore vultus.*  
Virgilius IX, 471.

*simul ora virum praefixa movebant,*

*Nota nimis miseris, atroque fluentia tabo.*

Ovidius Met. I.

*humanas motura tonitrua mentes.*

Heroid. IX, 39.

*Me pecudum fibrae, simulacraque inania somni,*

*OMINA arcana nocte petita MOVENT.*

passim apud Senecam haec vox occurrit hoc sensu.  
Si haec in mentem venissent, nihil movisset acerrimi  
iudicii Vir. Mox, v. 56. LONGO clamore non placet,  
propter sequens *Nec LONGUM cara: lege, MAGNO cla-*  
*more.* Sil. Italicus XVII, 26.

*Tum puppe e media MAGNO clamore sacerdos etc.*  
tametsi occurrat LONGO clamore Theb. V, 552. et  
alibi passim. Eodem Versu: *Saevus ubi e puppi etc.*  
Conjeceram, *Saevus et e puppi*, sensu ita postulante:  
Rom. et Parm. *Serius e puppi.* Vers. 58. pro *licet*  
Parm. *valet*: quod non intelligo.

v. 61. *Quis rude, et abscissum miseris ani-  
mantibus aequor*

*Fecit iter?*] Ita omnes quas vidi Editiones. Hein-  
sius vero ad Val. Flacc. I, 827. citat *abscissum*, abs-  
que ulla diversitatis nota, et quasi in omnibus libris  
ita legeretur. De differentia verborum *abscindere* et  
*abscidere*, (quorum alterum, *abscindere*, praeteritum  
facit *abscidi*, mediâ brevi, et participium *abscissus*;  
alterum, *abscidere*, a praepositione *abs* et *caedo*, in  
praeterito *abscidi*, mediâ longâ, participio *abscisus*)  
et quam frequenter commutentur, vide Cl. Draken-  
borchium ad Sil. Italicum XV. 473. Hoc tamen loco  
nilil mutandum esse, praeter consensum editionum,  
docet Horatius Carm. I, 3.

*Negucquam Deus abscidit*

*Prudens oceano dissociabiles*

*Terras, si tamen impiae*

*Non tangenda rates transilient vada:*

cui loco palam alludit Noster. Claudianus de Rapt.  
Pros. I, 142.

*rupit confinia Nereus*

*Victor, et abscissos interluit aequore montes:*  
ubi nilil variant Codices. Plinius Nat. Hist. IV, 1.  
*Dein sinus ac Leucadia: ipsa peninsula, quondam*

*Neritis appellata, opere accolarum abscissa a con-  
tinenti.* Virgilius Aen. III, 417.

*venit medio vi pontus, et undis*

*Hesperium Siculo latus abscidit.*

Indignandum sane hanc vocem *abscissus* ubique fere  
a viris doctis repudiatam esse, ut locum faciat *τῷ abs-*  
*cissus*; etiam sine causa, et ubi praestaret *abscissus*;  
ut facile possem monstrare: praesertim in locis ubi  
requiritur *divisio*; quam *scindo* et composita ejus me-  
lius certe expriment quam *caedo* et ejus composita: *scin-*  
*dere* enim pro *dividere* tralatitium est, et primitivae signi-  
ficationis: *caedere* non nisi in compositis, et per con-  
sequens. Sed pergo. Gronovius Diatr. c. XXVII. mira-  
tur Eruditionem Statii in voce *animantibus*; et culpat  
Doctos quod non viderint hanc vocem usurpari hoc loco  
pro *terrestribus* tantum *animalibus*, utpote quae *anima*  
seu *respiratione* utantur quae *piscibus* seu *ῥυῖδοις*;  
*ζῴοις* non competere noverat, inquit, ex Aristotele  
poeta doctissimus. Acuta sane haec observatio: et  
multum in Statio intelligendo profecerit qui talia an-  
titheta notare poterit. sed nimis acuta hoc loco vide-  
tur. quod enim fundamenti loco ex Aristotele sumit,  
*pisces non spirare*, hoc illi negabit Plinius Nat.  
Hist. IX, 7. et quod dicit *terrestria* tantum *ani-*  
*malia* hac voce designari, interdum verum est,  
interdum non: quod videbis ex loco Ciceronis de  
Amicit. c. XXI. *Quod si hoc apparet in bestiis, volu-*  
*cribus*, *NANTIBUS*, *agrestibus*, *cicuriis*, *feris*, *primum*  
*ut se diligant ipsae*, (*id enim pariter cum omni*  
*ANIMANTE nascitur*) deinde *ut requirant atque ap-*  
*petant ad quas se applicent ejusdem generis ANIMAN-*  
*tes*; quanto id magis in homine sit natura etc. Vi-  
des *nantes* seu *pisces* inter *animantes* plane numeri-  
ari. Nimirum per ista *miseris animantibus* Statius  
intelligit non omnia *terrestria animalia*, sed *homi-*  
*nes* simpliciter, non ullo pulmonum aut *respirationis*  
respectu, sed quod *anima* id est *vita* utuntur. patet  
hoc ex epitheto *miseris*, quod cum *τῷ animantibus*  
conjunctum significationem ad *homines* restringit: *mi-*  
*sera enim animantia κατ' ἐξοχὴν homines* poetis pas-  
sim dicuntur. Noster Theb. III, 551.

*unde iste per orbem*

*Primus venturi miseris animantibus aeger*

*Crevit amor?*

ad quae Vetus Scholiastes: *MISERIS ANIMANTIBUS*] Ho-  
minibus, qui fere *miserrimi* inter *animalia* super  
terram. Infinita tum Nostri tum aliorum loca adduci  
possunt, ubi vox *animantibus* per se significat *homi-*  
*nibus*; non ut opponantur *Aquatilibus*, sed quia *ani-*  
*mas habent*, ut bene Lutatius scholiastes, quem vide  
ad Theb. XI. 465.

*Quid me, ait, ut saevis animantum, ac saepe  
Deorum*

*Obstatum animis, princeps Natura creabas?*

ubi palam opponit *ANIMANTUM* id est *hominum*, et *DE-*  
*ORUM*. Nihil igitur ex intima philosophia et de *Re-*  
*spiratione* in hoc loco quaeras: sed simpliciter sume  
*miseris animantibus* pro *hominibus*. Sic in eo quod  
sequitur, *pelagoe immisit HIANTES*: „Eadem ratio-  
„ne, inquit Gronovius, *hiantes* est *respirantes*: An-



„recedens positum pro Consequenti. est enim *hiare* „proprie recludere os ad respirandum.“ iterum nimio acumine peccat Vir eruditissimus: quippe *hiare* non magis proprie est recludere os ad respirandum quam ad *edendum* vel *sorbendum* aliquid. in *respirando* quidem interdum *hiamus* seu os recludimus: et ita in *edendo* vel *sorbendo*: male tamen inde concluderis propriam verbi significationem esse *edere* vel *sorbere*. et, quod summum est, si *hiantes* denotat *terrestria* tantum animalia ex eo quod *hiant*, id est, secundum Gronovium, *respirant*; ego dico *pisces* quoque *hiare*, (quod docet *αἰσχρογῆ*) hoc est, secundum Consequentiam Gronovianam, *respirare*. lege modo hos elegantissimos Ausonii versus, Mosella v. 263. ubi describuntur pisces capti et in ripa mori-  
turi:

*Jam piger invalido vibratur corpore plausus,  
Torpida supremos patitur jam cauda tremores:  
Nec coeunt rictus; haustas sed hiatibus auras  
Reddit mortiferos exspirans branchia flatus:*

ubi malim *hausta aura*; licet alterum per Appositionem stare possit. Hinc vides *hiare* non satis esse ad *terrestria* denotanda, nisi simul probetur Aquatilia non *hiare*: quod ex hoc Ausonii loco falsum esse convincitur: quid enim est reddere *haustas auras* nisi *respirare*, vel remittere auras *hiatibus* acceptas? Quid multa? *hiantes* est *cupidos*, *avaros*, ut recte explicavit Domitius. Tacitus Hist. I, 12. Quippe *hiantes* in magna fortuna amicorum cupiditates, ipsa *Galbae* facilitas intendebat. Et IV, 42. *libidine sanguinis* et *hiatu praemiorum*, ignotum adhuc ingenium et nullis defensionibus expertum, caede nobili imbuisti. Arnobius lib. I. p. 39. non *libidinum* extinxit *flammas*? non *hiatum compressit aviditatis*? Apposite Festus Avienus Arat. Phaenom. v. 663. de nautis:

*tamen isti saepe malorum  
Immemores, agitant totos in fluctibus annos  
Mergorum et phocis similes. trahit unda parentes  
Ac retrahit: quaerunt oculis distantia semper  
Litora, et in pontum cogunt LUCRA semper HI-  
ANTES.*

eleganter Lucretius lib. III. ad finem:

*Et sitis aequa tenet vitai semper hiantes.*

Virgilius Georg. II, 508.

*Hic stupet attonitus Rostris: hunc plausus hiantem*

*Per cuneos (geminatus enim) plebisque patrum-  
que*

*Corripit: hi gaudent perfusi sanguine fratrum.*

ita scripsit Virgilius: vulgo, *Corripuit*: gaudent etc. vide locum et fateberis. Seneca de Benef. VII, 26. *Aspice quemadmodum immensae hominum cupiditates hient semper, et poscant.* Recte igitur *hiantes*, id est *cupidos* seu *avaros*: et exprimit Propertianum istud Eleg. III, 7.

*Natura insidias pontum substravit AVARIS.*

Recte etiam *immisit pelago*, ut apud Val. Flaccum VII, 53.

*Rex suus immisit pelago, vetuitque recerti:* ubi male legitur *illisit pelago*; quod alia res est. *misit in aequora*, eodem sensu, Idem I, 815. Haec ad explicationem hujusce loci Stadiani. et fateor quidem plus Acuminis subesse interpretationi Gronovianae: compertum tamen habeo plus Veritatis alteri.

v. 66. *anhelantemque jugis bis pressit Olympum.* Quare *BIS pressit*? nusquam enim alibi legitur, nec quidem opus fuit ut Olympus Pelio et Ossae *BIS* imponeretur. Mira comminiscitur Vir doctus, qui ad ista *bis pressit Olympum*, haec notat: „quia „mons ille altissimus, duplicibus eum aliis cumula- „tum dicit, ut eo nempe citius sic in caelum pene- „traretur.“ Quasi non eodem recideret, utrum Pelion et Ossa imponerentur Olympo, sive Olympus Pelio et Ossae! *BIS* igitur *jugis* pro *BINIS jugis* accepit. Quid multa? corruptus est locus, sic restituendus,  
*anhelantemque jugis impressit Olympum.*

Exprimit Virgilianum istud,

*Ter sunt conati imponere Pelio Ossam*

*Scilicet, atque Ossae frondosum involvere O-  
lympum.*

paullo aliter Ovidius Amor. II, 1.

*Cum male se tellus ulta est, ingestaque Olympo  
Ardua devertex Pelion Ossa tulit:*

Ex quo loco optime legeres *ingessit Olympum*: Vide Cl. Burmannum ad Ovid. Met. V, 346. Sed mihi magis placet *impressit*, tum quia vulgatae lectioni propius est, tum etiam quia Statius alibi hac voce utitur eodem sensu, Theb. XI, 8. ubi post fulminatum Capanea, Jovi

*Gratantur Superi, Phlegrae ceu fessus anhelet  
Praelia, et Encelado fumantem impresserit Aet-  
nam.*

Seneca Agamemn. v. 337.

*stetit imposita*

*Pelion Ossa: pinifer ambos*

*Pressit Olympus.*

Alio ordine Idem Herc. Oet. v. 1152.

*Jam Thessalicam Pelion Ossam*

*Premet; et Pindo congestus Athos*

*Nemus aetheris inseret astris.*

Pro *bis pressit* Parm. *bis presit*. [Ferri potest, si Constructio sit, *bis pressit Olympum anhelantem iugis*. Bis, sc. Pelio et Ossae. EX ADD.] Infra v. 71. pro *indignataeque* mallet *indignantisque*, ex Virgil. Aen. I, 55. de ventis:

*Illi indignantes magno cum murmure montis  
Circum claustra fremunt.*

Ovidius Met. XII, 353.

*Tereaque, Haemoniis qui pressos montibus ur-  
sos*

*Ferre comum viros, indignantesque solebat.*

Supra, v. 69. *gentiles terras* non sunt *natale solum*, sed terras quae proprie pertinent ad GENTEM nostram, id est *homines*, seu *humanum genus*. optime explicat Lucanus VI, 400.

*Prima fretum scindens Pagasaeo litore pinus  
Terrenum ignotas hominem projecit in undas.*



inde hominem TERRENUM ANIMAL vocat Columella Praefat. lib. I. R. R.

v. 74. *Nec spumare Thetis, nec spargere nubila fluctus*

AUDEBANT.] Quare vero non AUDEBAT spumare Thetis ante rates inventas? an visae puppes audaciam illi indiderunt? non certe, sed *iram* potius et *tumorem*; visis TUMUERUNT puppibus undae, non audaciores erant. Lege omnino, GAUDEBANT spargere, id est, spargebant: ante rates aequora torpebant, nec spumabat Thetis, nec fluctus spargebant nubila: nihil verius. Gaudebant spargere est spargebant; ut supra v. 19. *ratis quam Scandere gaudet Celer*: i. e. *scandit*, seu *scansurus* est. Fusius dixi ad Tiburtin. Vopisc. v. 57. Infra v. 80. *tot gracili ligno complexa timores*. Heinsius ad Ovid. Pontic. I, 10. v. 39. post citatum hunc locum, „praestiterit „fortasse, inquit, *fragili* quam *gracili*, quod nunc „circumfertur: cum hae duae voces promiscue in vetustis codicibus confundantur. quamquam et scriptura „vulgata satis commode se habet.“ Huic conjecturae favere videbitur forte Horatianum istud,

*Illi robur et aes triplex*

*Circa pectus erat, qui fragilem truci*  
*Commisit pelago ratem*

*Primus.*

[Sed nihil mutandum. Recte enim Horatius GRACILEM ratem opponit TRUCI et *navifrago pelago*; et aequae recte Statius TOT timores *gracili ligno*, tam MULTOS timores tam PARVO *navigio*: quam Oppositionem Statio amatam perdideris si admiseris *fragili*. *Gracili ligno* pro *parvo*, ut *gracilis lar* seu *parva domus*, Apuleio Apolog. *gracilis libellus* Martial. Epigr. VIII, 24.

v. 81. *Quaeque super reliquos, te etc.] Timores* versu praecedenti sunt amici pro quibus *timemus*: hoc intellecto, jam scies Statium scripsisse,

*Teque super reliquos, te, nostri pignus amoris,*  
*Portatura, Celer;*

eleganti et affectuosa iteratione: ita Silv. I, 2.

*TE concinit iste*

*(Pande fores) TE, Stella, chorus.*

IV, 2.

*Tene ego, regnator terrarum, orbisque subacti*  
*Magne parens, TE, spes hominum, TE, cura*  
*Dcorum,*

*Cerno jacens?*

Virgilius VII, 596.

*TE, Turne, nefas, TE triste manebit*

*Supplicium.*

Noster Thebaid. IX, 160.

*ipse manu Tyria tibi captus Adrastus*

*Raptatur, Teque ante alios, TE vocc manumque*  
*Invocat.*

Virgilius Eclog. IV, 11.

*Teque adeo decus hoc aevi, TE Consule, inibit*  
*Pollio.*

Idem Aen. X, 81.

*Tu potes Aeneam munibus subducere Graium,*  
*Proque viro nebulam et ventos obtendere inanes:*

*Tu potes in totidem classem convertere Nymphas:*

*Nos aliquid Rutulos contra juvisse, nefandum est.*

ita legendum; vulgo frigide, *ET potes in totidem*. Hunc vero Statii versum in suis codicibus ita conceptum invenit Domitius:

*Quamque super reliquos ET nostri pignus amoris:*

unde vulgatam fecit *QUAEQUE*, et *TE*. Parmensis *QUAEQUE*, et *TE*, non *ET*.

v. 83.

*quis cuncta paventi*

Nunciet, an *facili* etc.] Ita plures Editiones: vetustiores vero Rom. et Venet. et MS. Flor. habent *Nuncius*; quod impendio elegantius et Statio dignius indicat Gronovius Diatr. c. XXIX. Verissime. Ita Theb. III, 590.

*Caedere nec validas sanctis e stirpibus hastas,*  
*Nec pudor emerito clipeum vestisse juvenco:*

Sic potius dicit quam *pudet*. IV, 263. de Parthenopaeo:

*taedet nemorum, titulumque nocentem*

*Sanguinis humani pudor, et nescire sagittas:*

ita legendum; vulgo sine sensu, *pudor est nescire sagittas*. constructio est; *pudorque* est (i. e. *pudet*) se *nescire titulum nocentem humani sanguinis, et sagittas*: hoc est, se humanam eadem nondum perpetrasset, ista aetate adolescentem. Iterum VIII, 522.

*Tunc magis atque magis vires animusque recedunt,*

*Nec pudor ire retro:*

ubi MS. Petrensis *pudet*: sed alterum elegantius. Vide Gronovium ad Livium XXXVII, 10. Pro *facili* Parm. *facilis*: perperam. Versu proxime sequenti pro *TORVA Charybdis* Heinsius ad Ovid. Amor. II, 16. v. 26. legit *TORTA*, ex eo, opinor, quod ita in Edit. Parm. invenerat. et ita quidem recte dici potuisse nemo neget: rectius tamen hoc loco, ut mihi videtur, *TORVA Charybdis*: quippe *Charybdis* hic pro *Dea* seu *Persona* accipienda est, ut *Scylla* versu proximo, *Sculi populatrix VIRGO profundae*: huic vero epitheton *TORVA* magis convenit quam *TORTA*. Per totam hanc sententiam affectat Opposita Statius: Quis mihi nuncius erit an Lucanum mare, alias *RABIDUM*, praetermiserit te *FACILI* unda: an Deae illae *Scylla* et *Charybdis*, alias *TORVAE*, tui gratia *FLUCTUENT* tantum, hoc est moveant modo fluctus, flustris temperatae sint: an mare Adriaticum, alias *PRAECEPTUM*, tibi currenti *FERAT MORES*, hoc est gratia tui navigantis componat se, legem patiat, modeste et tranquille se gerat. hoc enim est *ferre mores*: Plinius eodem sensu *pati mores*: quid ferri duritia *pugnacius*? sed cedit, et *PATITUR MORES*. accipere *Imores* Noster Achilleid. II, 283.

*Ut leo materno cum raptus ab ubere MORES*

*Accepit, pectique jubar, hominemque vereri*

*Ediderit.*

In Parmensi et Romana pro *FERAT mores* invenio *GERAT*: sed frustra. mutatum, opinor, ab aliquo qui

novit morem gerere idem esse quod obsequi: quod tamen hujus loci Constructio non admittet. verum est ferat et recte a Gronovio explicatum Diatr. c. XXIX. v. 96. Sic quondam magno.] Totum hunc locum ita lege et distingue:

Si quondam magno Phoenix reverendus Achilli  
Litus ad Iliacum Tymbraeaeque Pergama venit  
Imbellis, tumidoque nihil juratus Atridae,  
CUR nobis ignatus amor?

ante plena στυγῇ posita erat post vocem Atridae; quo pacto sententia nova abrupte ordiebatur ab istis, CUR nobis etc. Claudianus de Nupl. Honor. et Mar. v. 271.

Si Bacchus amator

Dotati potuit caelum signare Corona,  
CUR nullis virgo redimitur pulchrior astris?

Silv. V, 3.

Si chelyn Odrysiam pigro transmisit Averno  
Causa minor; Si Thessalicas Admeton in oras  
Si conjunx retro Phylacida rettulit umbram;  
CUR nihil exoret, genitor, chelys aut tua manes

Aut mea?

ita legendum esse corruptissimum istum locum probabo. Valer. Flaccus VII, 276.

Si Pelopis duros prior Hippodamia labores  
Expediit —

Si dedit ipsa neci fratrem Minovia virgo,  
CUR non hospitibus fas sit succurrere dignis  
Te quoque?

Sil. Italicus XII, 674.

pugnat pro moenibus, inquit,  
Si rector Superum tot jactis fulmine telis,  
Inter tot motus CUR me contra arma ferentem  
Adfixisse piget?

Ut conjeceram ita in Edit. Parm. et Rom. inveni: illae enim plane habent, Si quondam magno etc.

[v. 100. pro Nusquam Ven. et Parm. Nunquam. EX ADD.]

[v. 103. Excipe multisono puppem Mareotida sistro. Auream lectionem servat Veneta; nempe multisono sistro: de qua non est dubitandum quia Statii sit. quippe non satis erat precari Isidem ut exciperet puppem multisono sistro, quia multisonum sistrum potuit esse signum Isidis fremebundae et iratae: sed optat poeta ut illa excipiat puppem placido et mulcente sistri sono, οὐστὸς ἤλω καὶ εὐγενεῖ. A mulceo et sono fit mulcisonus; ut ab horreo et sonus, horrissonus. EX ADD.]

v. 109. CUR vada desidant, et ripa coërceat undas

Cecropio stagnata luto.] Intelligendus hic locus ex Plinio Nat. Hist. X, 33. de hirundinibus loquente: In Aegypti Heracleotico ostio, molem continuatione nidorum evaganti Nilo inexpugnabilem opponunt, statim fere unius spatii: quod humano opere perfici non posset. In eadem Aegypto juxta oppidum Copion insula est sacra Isidi, quam ne laceret amnis idem muniunt opere, incipientibus vernis diebus, palea et stramento rostrum ejus firmantes, continu-

atis per triduum noctibus; tanto labore, ut multas in opere emori constet. Ea militia illis cum anno redit semper. Paria refert Plutarchus libro de Fluviiis. Cecropio luto; quia Proene quae in hirundinem versa fuit, Atheniensis seu Cecropia erat. „Ergo „ripa stagnata coërceat undas Cecropio luto, est vel, „quae modo turbida et limosa aqua superfusa fuerat, „jam coërceat ripas hirundineo opere; vel, stagnata „ripa est quam stagnando fecit, induxit, limo auxit „Nilus.“ Sic Vir Clarissimus, Diatr. c. XXVIII. quasi Constructio esset, ripa stagnata coërceat undas Cecropio luto: a qua merito dissentit Salmasius Epist. CVIII. et ostendit stagnatam ripam sensu Gronoviano dici non posse. Constructio est: ripa stagnata Cecropio luto coërceat undas, id est, firmata, munita Cecropio luto. a Graeca voce οὐστὸς fit Latina stagnare, idem quod munire. Justinus XXXVII, 2. de Mithridate: Quod metuens, antidota saepius bibit, et ita se adversus insidias exquisitoribus remediis staguavit, ut ne volens quidem senex veneno mori potuerit. Et XXXVI, 3. de lacu Asphaltite: nam neque ventis movetur, resistente turbinibus bitumine, quo aqua omnis stagnatur; neque navigationis patiens est: id est, densatur, firmatur, solidatur. Haec fere Salmasius; quae verissima sunt. et his addas licet locum Vegetii Art. Veterin. lib. III. c. 2. Quod si toto anno adversus omnes aegritudines desperatas boves stagnare volueris, incipiente vere, id est, ab idibus Februarii, quindecim diebus continuis hanc potionem dabis. ubi inter variantes Lectiones in margine Edit. Joan. Sambuci legitur praeservare; quod Glossatoris est; Vegetii stagnare. [Cecropio STAGNATA luto. De hac lectione jam dubito, postquam in Venet. comperi, Cecropio SIGNATA luto: quod omnino verum puto. Duobus vel tribus modis explicari potest signata; et omnibus eleganter. EX ADD.] Sequitur,

CUR invida Memphis,

Curte Therapnaei lasciviat ora Canopi.

Non satis explicatur quare Memphis invida dicitur. Domitii ratio adeo obscura est, ut vix intelligi queat, nedum ut memorari mereatur. Beroaldus existimat causam esse, quod Sacerdotes Aegyptii, tanquam livore et invidia agitati, nollent rerum caelestium scientiam ac dogmata sua cum externis gentibus communicari. Hanc rationem non omnino rejiciendam putat Gevartius Papin. Lect. III, 7. Existimat tamen Memphin hic invidiam dici propter summum odium ac simultatem quam Aegyptii inter sese mutuo exercebant, ortam ob diversitatem Deorum quos quisque locus colebat, et huc trahit notissimam illam historiam Ombitarum ac Tentyritarum, quam narrat Juvenalis Sat. XV. Non potest vera esse haec ratio. quippe non INVIDIA erat, sed IMMORTALE ODIUM inter hos populos, prout refert Idem Juvenalis. et, quod praecipuum est, et a Gevartio non animadversum, Memphis hoc loco non pro tota Aegypto ponitur, sed pro uno tantum oppido: cur CANOPUS lasciva, cur MEMPHIS invida. jam vero qui fieri potest ut MEMPHIS invida dicatur propter ridiculum

Mm



praelium inter OMBITAS et TENTRITAS? Aliam igitur hujusce vocis (si sana sit) rationem expecto: haec enim nequaquam satisfacit. quaerite, Studiosi, si quibus tanti videbitur: ut et de hoc quod sequitur,

*Cnr servet Pharias Lethaeus janitor aras.*

*Lethaeus janitor* est *Cerberus*: quo igitur sensu dicitur *Cerberus servare Pharias aras*? Gronovius Diatr. c. XXIX. post rejectas aliorum sententias, sic rem solvit: „Papinius hic παραλογίζεσθαι. quia enim „*Anubis* erat facie canina, canis autem Romanorum „vulgo inter Deos nullus nisi *Cerberus*, *Lethaeus* „seu *Orci janitor*, ideo calumniatur Aegyptios *Cerberum* colere, et Deum illum latratorem (*Anubis*) „*Cerberum* appellat.“ Et mox: „*Anubis* aris colitur, *Anubis* facie canina: canum proprium *servare*; „hinc *Anubis servat aras*, id est, aris, quibus colitur, ut canis observans impositus est, aras *Pharias* custodis ritu obsidet.“ Haec vir eruditissimus. Atqui si *Cerberus* inter *Deos* Romanorum vulgo coleretur, (quod tamen ibi non probatur) quatenam *calumniā*, qui παραλογισμός, si idem facientes Aegyptii inducuntur? Mitto quod *Cerberum* ponere pro *Anubide* durissimum videtur, et nullo παραλογισμῷ excusandum. Latet aliud quid, de quo quaerant eruditiores.

v. 119. *Anguiferamque domum, blando qua mersa*  
VENENO

*Actias Ausonias fugit Cleopatra catenas.*] Loquitur de Sepulcro et morte Cleopatrae, quae morsu Aspidum absunta fuit, secundum plures. *Aspidum* vero venenum torpore et somno conficiebat: unde *blandum*, utpote somnum inducens, non male dici potuit, nisi obstaret vox *mersa*. *Somno* quidem (qui *liquidus* et *irriguus* poetis passim dicitur) Cleopatra *mersa*, id est obruta, per Metaphoram dici potuit: et *mersa veneno* LUXURIAE vel DESIDIAE etc. per eandem Metaphoram: sed non simpliciter *mersa veneno*, ubi de morte ejus agitur, nisi in dolium vel lacum vel tale aliquod veneni receptaculum conjecta fuisset: non enim *mersa* fuit, sed *absunta* et occisa *veneno*. ita qui gladio seipsum interficit, non dici potest *Mergi gladio*, sed *occidi*. Hinc intelliges Statium scripsisse,

*blando qua mersa VETERNO*

*Actias Ausonias fugit Cleopatra catenas.*  
*veternus* vel *veternum* est *torpor*, *pigritia*, *somnus*. Virgilius Georg. I, 124.

*Nec torpere gravi passus sua regna VETERNO:*  
ubi vide Servium. Plinius Nat. Hist. VIII, 36. de ursis loquens: *Primis diebus bis septenis tam gravi somno premuntur, ut ne vulneribus quidem excitari queant. tunc mirum in modum VETERNO pinguescunt.* Exempla ubique. Bene vero *blando veterno*: *blandus* veternis est *torpor iners* et *mors imitata quietem*, ut Noster Epiced. Patr. v. 269. ubi mortem quietam *falsum somnum* vocat. Optime explicat Florus IV, 11. de morte Cleopatrae: *in Mausoleum se (sepulcra regum sic vocant) recipit. ibi maximos, ut solebat, induta cultus, in differto odoribus solio, juxta suum se collocavit Antonium: admotisque ad venas serpentibus, sic MORTE quasi SOMNO soluta. Ni-*

mirum istud Ciceronis de Senect. c. 22. *nihil est morti tam simile quam somnus*, invertere potuit Cleopatra, *nihil est somno tam simile quam mors*. Corn. Nepos Dion. c. 2. *Quo ille commotus, ne agendi cum eo esset Dioni potestas, patri soporem medicos dare coegit. hoc aeger sumto, SOMNO sopitus, diem obiit supremum.* Talem somnum seu veternum inducebat morsu Aspidis; unde *Aspida somniferam* Lucan. IX, 704. Plinius N. H. XXI, 31. *Nec illud praeteribo, aspidum naturae haticacabum in tantum adversam, ut radice ejus propius admotā soporetur illa SOPORE enecans vis earum.* Propertius III, 9. v. 53. de Cleopatra:

*Brachia spectavi sacris admorsa colubris;*

*Et trahere occultum membra SOPORIS iter.*

Recte etiam *mersa veterno* seu *somno*; ut apud Val. Flaccum VIII, 64.

*Dic age nunc, utrum vigilanti hostemque videnti*

*Exuvias auferre velis; an lumina somno*

*Mergimus, et domitum potius tibi tradimus anguem?*

quae vera ibi scriptura est; non Heinsii *Vergitur*. eleganter *somno mergimus*, quia *somnus* poetis *liquidus* appellatur, ut supra notavi: unde intelligitur istud Lucretii Lib. III. de Anima loquentis:

*Adde quod in pigras Lethargi MERGITUR undas:*

ita legendum puto pro *nigras*. Pro *qua mersa* plurimas editiones insedit *QUAE*: pessime. Parmensis habet *QUA*: et ita ediderat Gronovius. Nihil autem huic loco attinet quaestio, quo genere veneni perierit Cleopatra; utrum delibutorio, an puncto acus comatoriae veneno infectae; cum vox *anguiferam* plane ostendat Statium imputasse mortem ejus morsui *Aspidum* somniferarum: unde Hypothesi suae serviens recte addidit *mersa VETERNO*. quod, ut certissimum, in Contextum admitti velim. Vers. proxime seq. pro *Usque* ET IN ASSYRIAS *sedes*, quod verum est, *Domitii* Codices habebant *Usque* AD MASURIAS *sedes*: unde fecit ille, *Usque* IN ASSYRIAS. Parmensis, *Usque* AD MASSYRIAS *sedes*. obvium erat, *Usque* ET IN ASSYRIAS *sedes*. Mox, vers. 126. *Etas jaculo dammare sagittas*, id est, *superare*: per consequentiam: qui enim *superatur* seu *vincitur*, *damno* afficitur. alibi hac voce eodem significato utitur Noster. Pro *praevertere* Parm. *pervertere*: male.

v. 129. AT nos hoc iterum stantes in litore,  
VASTOS

*Cernemus fluctus, aliasque rogamus auras.*] Pro AT editio Parm. habet AC: Romana, HOC: quod verum puto. Hoc nos, hoc iterum stantes in litore: quo pacto augetur affectus. Virgilius XII, 259.

*Hoc erat, hoc votis, inquit, quod saepe petivi.*

Claudianus in Rufinum II, 402.

*Hac petit, hac Stilico, quem jactas pellere, dextra*

*Te ferit.*

ubi vide Heinsium. Val. Flaccus V, 17.



*Arcipotens adverte, precor, nunc denique,  
Apollo;*

*Hoc, pater, hoc nobis refore caput.*

[Pro AT nos hoc iterum etc. Ven. HAC nos hoc iterum: Rom. HOC: quod verum est. Vide Notas. EX ADD.] Sequitur, VASTOS Cernemus fluctus. ineptissimum huic loco epitheton: quippe VASTI fluctus tempestatem efficiunt: et si non effecerint tempestatem, tamen tam contra Metium in Italiam navigantem, quam pro illo esse possunt. Dixisse debuit, Cernemus fluctus in Italiam qui bene vela ferant, ut Propertius IV, 3. Nimirum cum in Syriam navigaturus esset Metius, oravit Nereidas Statius ut inclinarent fluctus ad Ortus, v. 33. jam in Italiam redeunti optat ALIOS fluctus et ALIAS auras, diversas a prioribus. Scripsit Statius,

*Hoc nos, hoc iterum stantes in litore, VERSOS  
Cernemus fluctus, ALIASQUE rogabimus auras?*  
nihil certius: et hoc quoque in Contextum ex ima pagina admittas velim, Lector. ita verso velo Ovidius Heroid. X, 149.

*Flecte ratem, Theseu, versoque relabere velo:*  
ita optime Cl. Burmannus pro vento: nisi dicas verso vento esse, quando ventus vertit. Adumbrata sunt haec Statii ex Ovid. Amor. II, 11. in Propemptico Coriunae, v. 37.

*Vade memor nostri, ven'o reditura secundo;  
Impleat illa tuos fortior aura sinus!*  
*Tum mare in haec magnus proclinet litora Ne-  
reus:*

*Tunc venti spirent, tunc agat aestus aquas!*  
Deinde, v. 43.

*Primus ego aspiciam notam de litore pinum,  
Et dicam, Nostros advehit ille Deos:*  
*Excipiamque humeris, et multa sine ordine car-  
pam*

*Oscula. pro reditu victima vacca cadet:*  
ita legendum: vulgo, victima vota: pro quo Fran-  
cofurt. habet vacca: proxime verum. Horatius Epist.  
I, 3.

*Pascitur in vestrum REDITUM votiva JUVENCA.*  
Sed hoc obiter. Confer totam Ovidii Elegiam cum hoc Propemptico. Infra v. 135. *Finque vicem medios  
narrabimus annos.* Tres ultimas voces omittunt  
Fidit. Parm. et Rom. Prior hoc modo: *inque vicem  
Euphraten et batra sacraque:* Romana sic: *Euphra-  
ten bactra sacrasque.* Nescio quidem in qua Editio-  
ne primum comparuerint ista medios narrabimus an-  
nos: sed optima sunt et Stadiana. Pro Zeugma  
Parm. Zeugma Rom. Zeugma.

v. 139. *Quo pretiosa Tyros rubeat, quo purpu-  
ra fuco*

*Sidonis iterata cadis.]* Ita legendum esse du-  
dum videram; non Qua et succo. et ita Gronovius  
Diatr. c. XXXIV. ubi tamen citat succo; postea ve-  
ro edidit fuco. ita etiam Heinsius ad Claudian. in Ru-  
fin. I, 208. rapiunt Tyrios ibi tellera fucos: ubi pa-  
riter ac hic erat succos. vide illic multa exempla e-  
jusdem mutationis. Tibullus IV, 2.

*Sola puellarum digna est, cui mollia caris*

*Vellera det fucis bis madefacta Tyros:*

ita recte edidit Broukhusius pro succis. Plinius Nat.  
Hist. XXXIII. 5. *natura est quae lino lanae ad  
succum bibendum:* ubi pro succum Cod. Vossian. ha-  
buit sucum: unde recte Gronovius fucum. Pruden-  
tius Hamartig. v. 114. *anguino medicans nova se-  
mina fuco.* sic Heinsius ex MS. Thuaueo, pro suc-  
co. Seneca Hippol. v. 1045. *Longum rubenti spargitur  
fuo latus:* ita recte Lipsius, et Gronovius ex Cod.  
Medicaeo: vulgo et ibi succo. Multo plura ejusdem di-  
versitatis exempla proferre possem: sed haec satis  
docent vices vocum succus et fucus in MSS. Pro  
cadis aliquot editiones, et eae plures, inepte habent tradis.  
Tyrii cadi sunt quos Epithal. Stell. vocat Tyrium ahe-  
num: et ita passim poetae. Sidonia vero et Tyria  
purpura dibapha omnibus nota. Petronius Satirico:  
*Vestimenta mea accubitoria perdidit, quae mihi na-  
tali meo cliens quidam donaverat, Tyria sane diba-  
pha, sed jam semel tota.* ita legendum puto; vulgo  
inepte, *Tyria sine dubio, sed jam* etc. Tyriam et  
Sidoniam purpuram dibapham similiter conjungit Al-  
cimus Avitus de Laud. Virginitat. v. 38.

*Nec te Sidonium bis cocti muricis ostrum*

*Induit, aut rutilo perlucens purpura fuco:*

ubi pro aut rutilo legendum aut turio id est Tyrio:  
si enim retineas rutilo, his idem dixeris: quippe Si-  
donium ostrum bis cocti muricis quid aliud est nisi  
purpura perlucens rutilo fuco? omnino verum est  
Tyrio fuco. Sequitur in Statio,

UBI germine primum

*Candida felices sudent opobalsama virgae:*

legendum quo germine: per se patet: et in altero  
nullus sensus. Plinius Nat. Hist. XII, 25. de Balsami  
arbore: *Succus e plaga manat, quem opobalsanum  
vocant, suavitatis eximiae, sed tenui guttae plora-  
tus: lanis parva colligitur in cornua. ex his nova fictili  
conditur, crassiori similis oleo, et in musto CANDIDA.*  
Vides quare candida opobalsama: et hinc redarguitur  
Heinsius, qui, referente Burmanno ad Ovid. Fast. I,  
186. pro Candida malebat Condita opobalsama: quod  
sane Heinsio indignum est. in hac voce pariter erra-  
vit vir praestantissimus supra Herc. Surrent. v. 71.  
ubi pro CANDIDA lux voluit CONDITA. Quo germine  
est QUALI germine: Tu, inquit Statius, narrabis mihi  
qualis sit arbor Balsami, ex qua fluunt opobalsama.  
Quare vero hoc narraret Statio Metius? quia dissen-  
sus erat inter Scriptores de hac arbore. disco hoc ex  
eodem Plinii loco: *Servit nunc haec (arbor,) et tri-  
buta pendit cum sua gente: in totum alia natura  
quam nostri externique prodiderant. quippe viti si-  
milior est quam myrto.* Vides quam nihil otiosum sit  
in Statio. Pro sudent Parm. et Rom. sudant: per-  
peram. sudent, ut rubeat, dederim, et claudat;  
pro quo Parm. claudit: Rom. claudet.

v. 142. *Ast ego, devictis dederim quae busta  
Pelagis.]* N. Heinsius ad Ovid. Trist. IV, 10. v.  
80. *matri proxima justa tuli,* pro busta Pelagis  
legit justa. nihil verius. justa dare frequens phras.  
Noster Theb. IX, 518.



*certe tumultus supremaque victis*

Iusta dabas:

ubi male *Busta* nunc legitur. Lucanus IX, 67. ubi que itur Cornelia Pompeii:

*nunquam dare iusta licebit*

*Conjugibus?*

ita veterrimus cod. Vossianus; non *busta*. Vide plura

exempla ibidem. *iusta* solvere et persolvere et praestare idem Q. Curtio. Florus IV, 2. de Julio Caesare: *Tandem receptus a classicis suis, undique simul hostes adortus, debellatu perfida gente, iusta generi manibus dedit.* Vers. ult. pro QUAEVE legendum QUAEQUE: et ita Parm. et Rom. editiones.

### J E C L O G. III.

LACRIMAE ETRUSCI.] Notat Gronovius in MSS. Rhod. et Saltzburg titulum hujus Eclogae concipi, CONSOLATIO AD CLAUDIUM ETRUSCUM. et ita sane inveni in Editione principe (sive temporis sive bonitatis ordinem spectes) Parmensi: et verum puto, propter ea Praefat. *Merebatur et Claudii Etrusci mei pietas aliquod ex studiis nostris SOLATIUM; cum lugeret veris (quod amarissimum est) lacrimis senem patrem.* Scio alteram Epigraphen ex hoc loco aequae defendi posse: sed mihi non spernendus videtur librorum consensus. Utcunque sit, certe vox CLAUDII addenda est titulo Eclogae: et ita edidi, *Lacrimae CLAUDII Etrusci.*

v. 3. *Huc vittata comam.*] Parmensis: Nunc *vittata* comas: Romana: Nunc *vittata* coma. verum est *Huc*, ut Herc. Surrent. *Huc ades, et genium templis nascentibus infer.* Parum interest utrum comas vel comam legas, cum utroque modo noster efferre soleat. Infra, v. 14. *fessique senectus Longa patris.* eleganter et proprie: senectutem enim *fessam aetatem* vocabant. Tacitus Hist. I, 12. *Non sane crebrior tota civitate sermo per illos menses fuerat; primum licentia ac libidine talia loquendi: dein fessa jam aetate Galba.* ubi si quid mutandum, potius esset, *fesso jam aetate Galba*: ut apud Senecam Herc. Fur. v. 1308.

*hanc animam levem*

*Fessamque senio, nec minus quassam malis, In ore primo teneo.*

Ovidius Met. IX, 439.

*Cum videant fessos Rhadamanthon et Aeacon annis.*

Et ita passim Ovidius et alii.

v. 15. *si quis pulsatae conscius UNQUAM*

*Matris, et inferna rigidum timet Aeacon urna.*] Ita omnes quas vidi editiones. Et supra ad Herc. Surrent. notavi vocem *unquam* saepe otiosam esse, et *παρῆκεν*. removeamus igitur eam parumper; et Constructio erit, *Si quis conscius pulsatae matris ET timet Aeacon rigidum inferna urna.* Quare ET timet? oportuit, *si quis conscius pulsatae matris timet Aeacon*, non ET timet. nisi dicas verbum substantivum intelligi in priori membro, *Si quis conscius EST pulsatae matris, ET timet Aeacon.* Sed omnino frigidum est istud UNQUAM. scripsit Statius,

*si quis pulsatae conscius UBERAM*

*Matris, et inferna rigidum timet Aeacon urna.*

quanto elegantius hoc? ut de ejus *πρησίδηντι* dubitare paene malignum foret. *umbram pulsatae matris*, vel *consciis pulsatae matris*; utrovis enim modo ad idem fere recidit. Hujusmodi conscii fuerunt *Νέπων, Ὀπίσσης, Ἀλκυων, ΜΗΤΡΟΚΤΟΝΟΙ*. Suetonius Nerone c. XXXIV. *Saepe confessus exagitari se materna specie, verberibus Furiarum, ac taedis ardentibus. quin et facto per Magos sacro evocare MANES, et exorare tentavit.* Noster Geneth. Lucani v. 118.

*pallidumque visa*

*Matris lampade respicis Neronem.*

Ovidius Met. IX, 409. de Alcmæone:

*Attonitusque malis, exul mentisque domusque, Vultibus Eumenidum, MATRISQUE agitatibus UMBRIS.*

Virgilius Aen. IV, 471.

*Aut Agamemnonius Poenis agitato Orestes,*

*Armata facibus matrem et serpentibus atris*

*Cum fugit, ultricesque sedent in limine Dirae:*

ita legendum esse alio opusculo docui, Epist. Critic. p. 123. et firmavi imitatione Val. Flacci VII, 147.

*Turbidus ut Poenis caecisque pavorebus, ense*

*Corripit, et saevae ferit agmina matris Orestes.*

*Poenae sunt Furiae.* vulgo legitur *scenis agitato Orestes.* *Pulsatae matris* ex Virgil. VI, 609.

*Pulsatusve parens, aut fraus innexa clienti:*

ita lege; non, *et fraus.* Pro *rigidum*: Parmensis *regidum*: Romana, *regimen.*

v. 17. *tenet ecce seniles*

*Leniter implicitos vultus.*] Quinam sunt hi *impliciti vultus*? QUOMODO aut cui *impliciti*? Lege,

*Leniter adplicitos vultus:*

id est, *admotos, appositos*: leniter tenet *se* *igniles vultus* suis *admotos*. Ovidius Fastor. IV, 851.

*Osculaque adplicitis posito suprema feretro:*

ubi in tribus Codicibus pari errore scriptum erat *implicuit*. Virgilius Aen. I, 616.

*Quis te, nate Dea, per tanta pericula casus*

*Insequitur? quae vis immanibus applicat ausis?*

ita legendum puto; vulgo frigidissime, *immanibus oris*: ad quae verba vide Servium palantem. pro *ausis* scriptum erat *osis*, antiquo more; ut *aula* et *olla*, *aura* et *ora* (urde *luminis auras* passim Virgilio pro *oras*) *Paulla* et *Polla*. ex *osis*, quod non intellegebant, fecerunt *oris*, et Didonem induxerunt vocantem sua regna *inanes oras*: ineptissime, et con-

tra decorum. dixit illa, *quae vis major* admoveat *te tam immanibus ausis, tam ingentibus coeptis?* nihil facilius aut magis proprium.

v. 21. *nigrasque putat properasse sorores.*] Nic. Heinsius ad Sil. Ital. III, 96. et Ovid. Met. IV, 470. pro *nigras* legit *pigras*: ut sensus sit, quamvis *pigrae* fuerint Parcae, tamen ea est filii pietas ut eas *properasse* pntet. Recte: acumen enim capiat Statius ut ex antithetis potes videre, *FILIUS putat annos GENITORIS celeres*, et *PIGRAS sorores PROPERASSE*. Nihil eximium esset si *nigrae* sorores *properasse* viderentur; hoc enim et aliis accidit qui amicos caros perdidit: sed quando, licet *pigrae* fuerint, tamen videntur *properasse*; nec hoc solum, sed et *FILIO* videntur *properasse*; ea demum est *Mira fides*. De his Martialis Epigr. VII, 40.

*Hic prope ter senas vixit Olympiadas:*

*Sed festinatis raptum tibi credidit annis*

*Asperit lacrimas quisquis, Etrusce, tuas.*

[Pro *putat* Ven. ferat. EX ADD.] Mox, V. 25. pro *ET nimum felix*, lege, *HEU nimum felix*: supra monui. Scriptum erat *eu* pro *heu*, ut *ei* pro *hei* passim in MSS. unde nihil proclivius quam ex *eu* facere et: Virgilii locum inedit Aen. VII, 778. de Hippolyto ab equis distracto:

*Unde etiam templo Triviae lucisque sacratis*

*Cornipedes arcentur equi, quod litore currum*

*Et juvenem monstris pavidi effudere marinis.*

Supra ad Epithal. Stell. v. 20. p. 19. notavi hunc locum corruptum esse: si enim *effundere juvenem* recte dicas, certe *currus* qui continet juvenem non *effundi*, sed *everti* dici oportuit. Lege,

*quod litora circum*

*Heu! juvenem monstris pavidi effudere marinis. circum litora* ut v. 763. *humentia circum Litora*. Aen. I, 667.

*Frater ut Aeneas pelago tuus omnia circum Litora jactetur.*

III, 75.

*Quam pius arcitenens oras et litora circum*

*Errantem, Gyaro celsa Myconoque revinxit.* VI, 329.

*Centum errant annos, volitantque haec litora circum, amat hanc verborum positionem Virgilius. sic tempora circum, altaria circum, flumina circum, compita circum, ovilia circum; et innumera ejusmodi. Vox circum minima mutatione abiit in currum. deinde pro Heu sive Eu fecerunt Et: currum Et juvenem. et jam necesse erat ut litora mutaretur in litore: et sic unus error duos alios, ut fit, procreavit. V. 32. pro aeternasque recte Gronovius ex libris Aoniasque: et tuo sacrabimus ultro seni, pro ultro sacrabimus umbris senis, ex Codicibus Idem: recte. in Parmensi est, aeternusque ultro sacrabimus umbras Inferias, Helrusce, seni. et ita Romana. Aoniae inferiae sunt carmina exequialia, Epicedia. Aonides sorores, Musae: ab Aonia seu Boeotia. V. 31. pro dignis luctibus mallem MAGNIS, ut Silv. V, 3.*

*Da vocem magno, pater, ingeniumque dolori.*

saepe commutantur hae voces: vide Heins. ad Ovid.

Fast. III, 9. Sed forte nihil mutandum. Vers. 30. pro *Perferat* Parm. et Rom. *Praeferat*.

[v. 35. *MERGE rogis*. Heinsius ad Ovid. Ponticor. I, 9. v. 52. legit *VERGE rogis*. et ita ego dudum conjeceram. sed monere insuper habui propter locum Thebaid. VI. 225.

*seu frena libet, seu cingula flammis*

MERGE.

et Epiced. Puer. v. 19.

IMMERGIT cineri juvenem.

Nihil igitur muto. EX ADD.]

v. 39.

*neque enim mihi flere parentem*

*Ignotum. similis gemui projectus ad ignem:]*

Ex aure et Statianis numeris et scribendi more certus sum eum hoc loco dedisse,

*Ignotum: et similes gemui projectus ad ignes:*

ita in Glaucia Melioris v. 33.

*cum proprios gemerem defectus ad ignes*

*Quem, Natura, patrem!*

Thebaid. III, 193. de Niobe:

*Tantalus, innumeris cum circumfusa ruinis*

*Corpora quot raperet terra tot quaereret ignes:*

ita legendum; vulgo, *tot raperet*. XII, 378.

*proles ego regis Adrasti*

*(Hei mihi! numquis adest!) cari Polynicis ad ignes,*

*Etsi regna vetant.*

eodem libro v. 779.

*Jamne dare extinctis justos, ait, hostibus ignes,*

*Jam victos operire placet?*

Potes etiam legere *similem ignem*: hac enim voce, hoc sensu, in singulari numero interdum utitur. sed melius alterum; et eo ducit vox *similis*, id est, *similes*. Hinc patet Eclogam hanc scriptam fuisse post mortem Statii Patris, et consequenter post Eclog. III. lib. V. Silvarum: siquidem tres tantum menses interceserunt inter mortem Patris et scruptionem istius Epicedii. Pro *gemui* Parm. *geminum*: Rom. *geminumque*. et mox pro *stemma* Parm. *stigma*.

v. 49.

*vice cuncta REGUNTUR*

*Alternisque PREMUNT.]* Quis non statim videt

Papinium scripsisse *Alternisque REGUNT?* Librarius conjecerat oculos in versum proxime sequentem, *PREMIT felix* etc. unde haec vocem repetivit. Seneca Medea v. 218.

*petebant tunc meos thalamos viri*

*Qui nunc petuntur.*

Idem Thyest. v. 1051.

*genitor en gnatos premo*

*Premorque gnatis.*

Lucretius II.

*Nunc hic, nunc illic superant vital'a rerum,*

*Et superantur item.*

Laberius apud Senec. de Ira II, 11.

*Necesse est multos timeat quem multi timent:*

id est *vice timetur alternisque timet*. Auctor Panegy. ad Pisonem v. 112.

*Nec quisquam vero pretium largitur amico*

*Quem REGAT ex aequo vicibusque REGATUR ab illo.*

Martian. Capella lib. IX.



Alternisque REGIT et REGITUR polis.

Gronovius ad Livium XXXIV, 31. nihil hoc loco mutatum vult: et explicat PREUNT, *potentiora et superiora sunt, incumbunt, urgent*. Non de sensu verbi premunt (is enim obvius est) sed de ipso verbo dubitamus. et si quid elegantiae sermonis et nitori dictionis concedendum est poetis, affirmamus Statium scripsisse REGUNT: quod verbum prae altero languidum est, torpens, et, ut ait Martialis, *Vatreno Eridanoque pigrius*.

v. 55. *nec injussae toties redit orbita lucis.*] Notabilis hujus sententiae Climax: Omnia alternis reguntur et regunt. totus terrarum orbis est sub propriis REGIBUS: reges sub ROMA: Roma sub DUCIBUS seu IMPERATORIBUS: Imperatores sub NUMINIBUS: ipsa numina sub LEGIBUS suis: quippe *Astra, Luna, et Lux* servant, et non nisi praescripto agunt. etiam ipse *Hercules et Apollo* Dominos pertulerunt. Hoc est artificium Papinii in elevanda Etrusci sorte; ne cuiquam pudenda videretur. Unde vero LUX inter numina? *Astra* quidem et *Luna* innumeris Veterum testimoniis locum suum facile tuebuntur; sed de *Luce*, vereor ne Statio dicam scribat Arcopagus, ut olim Socrati, ob introductos *Καιρὸς Θεός*. Sed scripsit Statius,

*nec injussi toties redit orbita Solis.*

*orbita Solis est orbis Solis seu Sol.* Val. Flaccus VI, 441.

*Illius ad fremitus sparsosque per avia succos  
Sidera fixa pavent, et avi stupet orbita Solis.*

Prudentius Cathemer. III, 86.

*Te, pater optime, mane novo  
Solis et orbita cum media est;  
Te quoque luce sub occidua  
Sumere cum monet hora cibum,  
Nostra, Deus, canet harmonia.*

*Rotam solis* vocant alii: de quo vide Broukhusium ad Tibull. I, 10. v. 62. et *rotam* simpliciter. sic *orbita Titania* pro *Luna* Sil. Italicus X, 539.

*fugiensque polo Titania caecam*

*Orbita nigranti traxit caligine noctem.*

Auctor Aetnae v. 229.

*Solis scire modum, et quanto minor orbita Lunae est:*

licet ibi sumi possit pro circulo quem Luna conficit: ut *orbita solis* passim pro *Ecliptica*. Plinius N. H. II, 68. *Media vero terrarum, qua solis orbita est, exusta flammis et cremata, cominus vapore torretur.* Avienus Phaenom. Arat. v. 649.

*Imus ubi Australi descendit circulus axe*

*Signifer, inque Notum rutili cadit orbita solis,  
Hispidi setosi marcet species Capricorni.*

Lucanus IX, 693.

*Itque super Libyen, quae nullo consita cultu  
Sideribus Phoeboque vacat: premit orbita solis  
Exuritque solum.*

Claudianus in Rufin. II, 155.

*Hispanis Gallisque jubet. non orbita solis,  
Non illum Natura capit.*

Multo plura proferre possem: sed ex his vides le-

gendum esse *orbita solis*, non *lucis*: quae voces a Librariis saepe in MSS. confunduntur. Claudianus de Rapt. Pros. I, 115.

*Obducam tenebris LUCEM:*

ita edidit ex scriptis Heinsius, non SOLEM. Eodem opere, lib. II, 263.

*Eripitur cum SOLE pudor:*

ubi quoque ex conjectura Idem edidit LUCE, quia SOLE modo praecesserat. Noster Theb. II, 120.

*Dixit, et abscedens (etenim jam pallida turbant*

*Sidera LUCIS equi) ramos ac vellera fronti*

*Deripuit:*

pro LUCIS equi Codex Petrensis habet SOLIS. Auctor Octaviae v. 385. ubi loquitur Seneca:

*O quam juvabat (quo nihil majus parens  
Natura genuit, operis immensi artifex)  
Caelum intueri, SOLIS et cursus sacros,  
Mundique motus, SOLIS alternas vices,*

*Orbemque Phoebe, astra quem cingunt vaga.*

ubi pro SOLIS alternas vices, sine dubio legendum, LUCIS alternas vices; quia SOLIS cursus praecedebat. Manilius V, 456.

*Ructantemque patrem natos, SOLEMQUE reversum,*

*Et caecum sine SOLE diem.*

quis ferre potest? iterum lege, *Et caecum sine LUCE diem.* Ausonius Ephemer. v. 10.

*Et locum mentis sopor altus urget,*

*Nec coruscantis oculos lacessunt*

*Fulgura LUCIS:*

scribendum ibi quoque *Fulgura SOLIS*; sequitur enim versu abhinc secundo, *Noctis et LUCIS vicibus manentem*. Bene vero *Astra, Lunam, et Solem* conjungit Statius, et eo ordine ponit ut servetur gradatio et progressus a minoribus ad majora; quem perdidisset si *Astra, Lunam, et Lucem* dixisset. similiter Lucretius lib. II.

*Quemque in se cohincant palantia sidera passim,*

*Lunaeque et Solis praeclara luce nitorem:*

Et passim invenies. Obiter Solem restituam obscurissimo loco Claudii Mamertini Genethliac. Maximian. c. VI. *Vobis Rhenus et Ister et Nilus, et cum gemino Tigris Euphrate, et uterque qualem accepit et reddit Oceanus, et quicquid est inter ista terrarum et fluminum et litorum tam facili sunt aequanimitate communia, quantum sibi gaudent esse communem oculi diem. ubi pro qualem accepit Livineius legit, quam late cedit: Gruterus, veritatem propius, qua lucem accipit. verum erat, uterque qua (vel qui) solem accipit et reddit Oceanus. manifesta imitatio Virgilii Aen. VII, 100.*

*Omnium sub pedibus, QUA SOL UTRUMQUE recurrens*

*Aspicit OCEANUM, vertique regique videbunt.*

Pro injussae Parm. invissae.

v. 56. Et (modo si fas est aequare jacentia summis)

*Pertuli ET saevi Tiryntius horrida regis*

*Pacta.]* Notanda primum geminatio conjunctionis



ET minime necessaria: ET ET *Tirynthius pertulit* etc. Deinde, *saevi* regis pacta: quisnam hic *rex saevus*? *Eurystheus*; opinor: sed et Laomedontis *pacta* pertulit Hercules; et ille quoque *rex saevus* dici potest. Non igitur satis exprimit, et nimis ambiguum est istud *saevi regis*. Depravatio latet sub τοῖς et *saevi*. forte scripsit,

*Pertulit Eurysthei Tirynthius horrida regis,*  
Ex Virgilio VIII, 251.

*ut duros mille labores*  
REGE sub EURYSTHEO, *fatis Junonis iniquae,*  
PERTULERIT.

Placet hoc, et verum puto; est enim manifesta allusio ad locum Virgilii. Hyginus Fab. XXX. de Hercule: *Certum velocem in Arcadia cum cornibus aureis rivum in conspectum EURYSTHEI REGIS adduxit.* Et mox: EURYSTHEO REGI *mala attulit.* Posses etiam legere et facile defendere *Argivi pro et saevi*: sed mihi alterum multo impensius placet, propter locum Virgilii. Scio Gronovium Diatr. c. XX. defendere repetitionem conjunctionis in hoc loco. Sed si hoc admittatur, quomodo defendetur ambiguum istud *saevi regis*? nisi probari possit *rex saevi* regis necessario designare *Eurysthea*: quod quis dixerit? Sed falsum videtur quod sequitur, *horrida regis* PACTA: non enim Eurystheus ad *pacta* descendebat; non tam bene cum Hercule actum fuit: sed merus Rex fuit, et JUBEbat. Valer. Flaccus I, 113. ubi Juno hoc modo queritur:

*O utinam Graiae rueret non omne juvenae*  
*In nova fata decus: nostrique EURYSTHEOS haec*  
*nunc*

JUSSA forent!

Seneca Herc. Furere v. 40. Juno dicit,  
*monstra jam desunt mihi,*  
*Minorque labor est Herculi JUSSA exequi*  
*Quam mihi jubere. laetus imperia excipit.*  
*Quae fera tyranni JUSSA violento queant*  
*Nocere juveni?*

ubi tamen alteram ex istis vocibus utpote tam juxta se collocatis merito suspicari potes. ibidem infra v. 78.

*Ipse IMPERANDO fessus EURYSTHEUS vacet:*  
Et 479.

*Hoc nulla Juno, nullus EURYSTHEUS JUBET.*  
Justinus II, 4. de Orithia Amazonum regina: *Hujus virtute tantum additum gloriae et famae Amazonum est, ut Herculi Rex, cui XII stipendia debebat, quasi impossibile IMPERAVERIT, ut arma reginae Amazonum sibi afferret.* Claudianus de Bell. Get. v. 377.

*Qualis in Herculeo, quoties infanda JUBEbat*  
*EURYSTHEUS, fuit ore dolor.*  
Martialis Epigr. IX, 66. ad Herculem de Statua Domitiani:

*Si tibi tunc isti vultus habitusque fuissent*  
*Cesserunt manibus cum fera monstra tuis,*  
*Argolico famulum non te servire tyranno*  
*Vidissent gentes, saevaue regna pati;*  
*Sed tu JUSSISSES EURYSTHEA.*

Ex his locis non *pacta*, sed *jussa* Eurystheos agnoscis. Totum igitur locum sic lege,

*Et (modo si fas est aequare jacentia summis)*  
*Pertulit EURYSTHEI Tirynthius horrida regis*  
JUSSA.

Nihil tamen in Contextu muto propter istud initio Thebaidos,

*Sidonios raptus, et inexorabile pactum*  
Legis Agenoreae:

Et Val. Flac. VI, 4.

*Sternere si Minyas, magnoque rependere luctu*  
Regis *pacta queat*:

licet ibi quidem proprie *pactum* esset: non ita in Hercule. Recte vero *horrida jussa* ut Silv. IV, 2.

*Sic gravis Alcides post horrida jussa novercae*  
*Gaudebat strato latus adclinare leoni:*

ita legendum esse locum docebo: vulgo, post *horrida jussa reversus*. Mox, v. 61. pro *vadam* quo *Lydius intrat*, opinor, quod *Lydius intrat*. quo enim est ad quem locum: nemo vero, opinor, dicit, ad quod stagnum intrat Bacchus, sed quod stagnum. Scio quidem istud Val. Flacci I, 590. *mediis intrarent montibus undae*; ad quam formam Noster dixisse debuit cui *Lydius intrat*: sed omnino assentior Cl. Burmanno legenti *mediis LATRARENT montibus undae*. vide eum. Noster Theb. VIII, 96,

*Nec Venerem illicitam (crede his insignibus)*  
*ausi*

Intramus Lethen.

Achilleid. I, 180.

*Eurotae qualis vada Castor anhelo*

Intrat equo.

pro *Hermi Parm. heremi*. Tandem video Heinsium Curis secundis ad Ovid. Met. II, 247. citantem quod *Lydius intrat*. [Edidi quod: sed probum est quo intrat: Ovidius Met. IV, 448. quo simul INTRAVIT, sacroque a corpore pressum Ingemuit linen etc. Justinus I, 2. Sed et Indiae bellum intulit; quo, praeter illam et Alexandrum Magnum, nemo INTRAVIT. Repone igitur in Contextum quo. EX ADD.] Mox, v. 64. pro *gradus* Parm. et Rom. gradu.

v. 68. *hic annis multa super indole victis.* Sed QUALI indole? MULTA enim indoles tam mala quam bona esse potest: quippe indoles est τὸν μέγαν, et ex adjunctis in hanc vel illam partem determinatur: unde dubia indoles Senec. de Clem. I, 14. Lege,

MAGNA super indole victis:

Achilleid. I, 276.

*Nutritorque ingens, et cruda exordia MAGNAE*  
Indolis.

Sil. Italicus XI, 308.

*Quamquam imperfectis, MAGNAE tamen indolis,*  
*ausis.*

Florus IV, 8. *nisi quod MAGNAE indolis signum est sperare semper.* Claudianus IV. Cons. Honor. v. 372.

*necdum decimas emensus aristas*  
*Aggrederis metuenda viris. vestigia MAGNAE*  
Indolis agnosca.



*Ita recta indoles* Seneca Hippol. v. 453. *felix* Troad. v. 702. *plena* Anson. Parental. X. *bona* Senec. Epist. XI. *seguis* Sil. Ital. II, 347. et innumera ejusmodi. Potes etiam, *PULCHRA super indole victis*. Sed mihi magis placet *MAGNA*, propter frequentes vices vocum *MULTUS* et *MAGNUS*. Ovidius Amor. I, 15. vers. ult.

*parsque mei MULTA superstes erit:*  
ubi nonnulla exemplaria habent *MAGNA*: vide Cl. Burmannum. Ita Metam. V, 81. pro *MULTAE massae* Thuanicus Codex habet *MAGNAE*. Tibullus Eleg. I, 1. v. 2.

*Et teneat culti jugera MULTA soli:*  
libri scripti, momente Broukhusio, fere habuerunt *MAGNA*. Lucanus III, 448. satis irreligiose:

*servat MULTOS fortuna nocentes,*  
*Et tantum miseris irasci numina possunt:*  
sensus omnino postulat *MAGNOS nocentes*: patet hoc ex opposito *miseris*. *Irasci possunt* est *irascuntur*; ut saepe Propertio et cruditionibus poetis. Mox, v. 71. *Hunc et in Arctoas* etc. Difficiliorem sententiam ita construas: *tenuis comes usque et in Arctoas pruinis passus es hunc tyrannum terribilem affatu visuque*; passus es, inquam, ut qui (id est, eodem modo quo illi qui) domant metuenda corda ferarum, jubentque etc. Per quae ostendit Statius quanta auctoritate apud Caligulam fuerit Etruscus. Pro *Hunc Parm.* et Rom. *Hinc.* et pro *affatu Rom. effatu*.

v. 76. *subrexit in actus.*] Heinsius ad Claudian. Epithal. Pall. et Celer. v. 83. legit *subverit*. Recte: idem ac *evehere*. Eutropius lib. VII. de Augusto loquens: *in cunctos liberalissimus, in amicos fidelissimus; quos tantis evehit opibus, ut paene aequaret fastigio suo*. Juvenalis Sat. 1.

*in caelum quos evehit optima summi*  
*Nunc via processus.*  
Exempla ubique. Nec me movet Gronovius Diatr. c. XXXVIII. ubi hanc vocem defendit ex eo quod Lucilius, Virgilius, Livius, Seneca, Plinius saepe, alique usi fuerint. Verum quidem est eos hanc vocem usurpasse, sed nunquam eo sensu quem postulat hic locus, pro *evehere*. *Subrigit mons vel insula* dicitur cum e plano *exstat, eminet, surgit*. *Homines vero subrigit in honores vel actus* dici posse, non credam antequam exemplum invenero. Parm. tamen et Rom. retinent *surrexit*. et pro *actus Rom. arcus*.

v. 77. *Nondum stelligerum senior demissus in axem*

*Claudius.*] Recte Gronovius *dimissus*. nec te moveat notissimus ille Juvenalis locus Sat. VI, 21. ubi Claudius dicitur *descendere in caelum*: Juvenalis enim ibi ridet et satirice agit: Noster hic serius est, et narrat tantum: ut bene observat Idem vir clarissimus. Quid igitur passus est, quando postea Reliqui ad Silv. suspicarentur Statium scripsisse *senior emissus*? Juvenalis VI, 469.

*Exul Hyperboreum si dimittatur ad axem.*  
Lucanus I, 443.

*Laudibus in longum vates dimittitis aevum.*

ubi eadem diversitas scripturae. Noster, Surrentin. Poll. v. 142.

*Emeritam in notas puppem* dimitte procellas:  
ita restitui pro *demitte*. iterum Pietat. Abasc. v. 86.  
*magnum latet* dimittere in orbem

*Romulei mandata Ducis.*  
Val. Flaccus VII, 446.

*teque iterum Pelias si perdere quaeret,*  
*Inque alios casus, alias dimittet ad urbes,*  
*Heu formae ne crede tuae:*  
ita legendum; non *aliasque immittet*. Seneca Consol. ad Helv. c. VI. *mobilis enim et inquieta mens homini data est: nunquam se tenet: spargitur et cogitationes suas in omnia nota atque ignota dimittit*. Idem de Benef. V, 16. *Ingratus Antonius in dictatorem suum quem jure caesum pronuntiavit, interfectoresque ejus in provincias et imperia dimisit*. Sed satis haec.

v. 78. *Et longo transmittit habere nepoti.*] Pro *transmittit* primo legendum est *transmisit*, ut supra *subverit*. sumptum nempe ex Virgil. Aen. III, 329.

*Me famulo famulamque Heleno* transmisit habendam.

Sed quis est hic *longus nepos* Claudii, cui transmittatur Etruscus? nullos enim, quos scio, *nepotes* habuit Claudius; nisi si filia Antonia quae Cn. Pompeio, deinde Fausto Syllae nupta erat, aliquos tulerit: Octavia enim, quam Nero in matrimonio habuit, ab eodem ut *sterilis* dimittebatur, de quo vide Sueton. Ner. c. 35. et Tacit. An. XIV, 60. Lege,

*Et longo transmisit habere Neroni:*  
et de Nerone quidem certi sumus ex sensu et ordine narrationis: primum, inquit, TIBERII aula tibi patuit: nec abegit CALIGULA proximus heres: sed in actus praecipuos subverit CLAUDIUS, et transmisit successori NERONI. Nihil certius: et eodem ordine eos recenset Tacit. Ann. I, init. TIBERI, CAIUS et CLAUDII et NERONIS res, *florentibus ipsis, ob metum falsae* etc. Sidonius Apollinaris Carm. V, 322.

*Post Capreas TIBERI, post turpia numina CAI,*  
*Censuram CLAUDI, citharam thalamosque NERONIS* etc.

quem ordinem servat Carm. VII, 104.

*Capreasque TIBERI*  
*Et caligas CAI, CLAUDI censura secuta est,*  
*Et vir morte NERO.*

Ne igitur satagant posthac ostendere quomodo Nero dici potuit *nepos* Claudii, cum nepos fuerit Germanici, fratris Claudii: nunquam assentiar. si enim hoc admittatur, perierunt consanguinitatis nomina, et nihil certi habebimus. *Nepos* Claudii debuit esse filius filii vel filiae Claudii: pro quo filius filiae Germanici, fratris Claudii, hic dicitur *nepos* Claudii. cujus rei absurditatem multis nominibus ostendere possem, si opus esset. Sed pergo. Hinc patet epitheton *longo* depravatum esse. Gevartius Elect. III, 9. voluit *longum transmittit habere nepoti*, „eo quod Nero diu, ac longo temporis spatio (annis enim quindecim imperavit) Hetruscum hunc in famulatu habuerit.“ dixisse debuit *quatuordecim* paullo minus, non quin-



*decim.* Gronovius Diat. c. XXX. tutius putat retinere vulgatum, eodem sensu quo Gevartius: *nepos habet longus* idem est, inquit, quod *nepos habet longum*, usitatissimo Graecismo: et hoc tnetur Elench. Antidiatr. c. IV. contra ineptientem Cruceum, et exemplis illustrat et confirmat. Sed ut ferri posset hoc sensu *LONGO nepoti*, minime tamen epitheton *longo* convenit *Neroni*, quae vera est Statii scriptura. Latet aliquod *Neroni* proprium, et quod mores ejus exprimit; *torvo*, vel tale quidpiam: de quo tacendum usque dum exemplaria aliquid subministrant. *fero Neroni* Protrep. Crisp. v. 33.

v. 79. *Quis Superos METUENS pariter tot templa, tot aras*

*Promeruisse datur?* Comparatur hic sors Etrusci cum sorte Ministrorum Caelestium, et praefertur: Quis, inquit, qui Diis ministrat fertur inserviisse tot heris quot Tu, Etrusce, inserviisti? non Mercurius, non Iris, non Triton. illi enim *singulis* tantum inserviebant, Tu *quatuor* dominis. Hic est sensus hujus loci; nec alius esse potest. *datur* est *dicitur*, fertur, ut Theb. VII, 315. de Hypseo:

*Asopos genuisse DATUR.*

Claudianus de Rapt. Pros. III, 335.

*illic posuisse cruentam*

*Aegida, captivamque pater post praelia praedam*

*Adtexisse DATUR:*

id est narratur. exempla obvia. Jam vero METUERE Superos pro INSERVIRE Superis quemadmodum famulus hero inservit, quis unquam dixit? alia res est metuere Superos; scil. *colere, venerari*: unde *metuens Deorum pro religioso* Ovid. Met. I, 322. de Deucalionem et Pyrrha:

*Non illo melior quisquam, nec amantior aequi  
Vir fuit, aut illa metuentior ulla Deorum.*

et *metus* pro religione Virgil. Aen. VII, 60.

*Sacra comam, multosque METU servata per annos:*

Et ita aliis. Hic igitur verbi sensus huic loco non competit, (non enim de religione, sed de ministerio agitur) et necessario requiritur *serviens* vel *ministrans* vel aliquid ejusmodi. Conjicio,

*Quis Superom FAMULUS pariter tot templa, tot aras*

*Promeruisse datur?*

Pro *Superum* scriptum erat *Superom*, antiqua scribendi ratione: inde istud *Superos*. Potes etiam, *Quis Superis FAMULANS* etc. sed hoc, nescio qui, minus Statianum videtur. omnium optime hoc modo scripsisset,

*Cui Superum FAMULO pariter tot templa, tot aras  
Promeruisse datur?*

ubi *to* datur poneretur pro *concessum* est, ut saepe. Hoc modo, inquam, scriptum esse oportuit, et aliquid ejusmodi sine dubio scripsit Statius. Sed quia nil mutant Codices, quantum novi, meo periculo non placeat mihi tam ingenioso esse ut in Contextu quidquam mutem. meliora exemplaria hunc *fnodum*

olim forte solvent: meum erat monere. De verbo *promereo* dixi aliquid ad Soter. Gallici p. 60.

v. 87.

*PARTAEque per omnes*

*Divitiae populos.* *Divitiae partae per omnes populos* sunt Divitiae quas omnes populi pepererunt; ut apud Ovid. Amor. III, 8. *partus PER VULNERA census*, est census quem *vulnera* pepererunt. ita *partum PER SCELUS regnum* est regnum quod *scelus* peperit seu acquisivit, apud Curtium VII, 4. Quibus in locis denotatur *Instrumentum* seu *Causa* harum acquisitionum. Hic vero sensus huic loco non congruit: non enim vult Statius Etrusco mandatas esse divitias quas omnes populi acquisiverant, (quomodo enim fieri potuit?) sed quas *Romani* per omnes terras possidebant. Scripsit igitur

*SPARSAEque per omnes*

*Divitiae populos:*

Ovidius Fast. II, 209.

*Non aliter quam cum Libyca de rupe leones*

*Invadunt SPARSOS lata per arva greges:*

Idem Fast. IV, 759.

*Tu, Dea, pro nobis Fontes fontanaque placida*

*Numina; tu SPARSOS per nemus omne Deos.*

Val. Flaccus I, 293.

*Extremasque manus SPARSOSque per aequora crines.*

Hyginus Fab. 123. *cujus ossa per fines Ambraciae SPARSA sunt.* Lucanus VII, 649.

*stetit aggere campi*

*Eminus unde omnes SPARSAS per Thessala rura*

*Aspiceret clades, quae bello stante latebant:*

ita legendum; vulgo bello obstante, minus recte si locum curiosius inspicias. Virgilius Georg. IV, 520. de caede Orphei:

*Spretae Ciconum quo munere matres*

*Inter sacra Deum nocturnique orgia Bacchi*

*Discerptum latos juvenem SPARSERE per agros:*

in quibus verbis frustra sensum quaesiveris: nihil enim est ad quod referas ista *quo munere*. Deinde, quid est *munere*? *NUPTIALI*, inquit Servius: euge, grammaticae, agnosco tuum judicium: aequae verè dixisse potuisses *munere* ibi esse *munere CENTUMVIRALI*. Aliquot antiqui codices, testante Pierio, legunt *spreto quo munere*: aequae mendose: adhuc enim turbat quo relativum sine relatione: et *munere* pro *munere nuptiali*. Solus sensum vidit Asper grammaticus, qui, ut ait Philargyrius, *quo munere*, OB QUAM REM, vult accipi. nihil verius: ob quam rem (scilicet quia *Nulla Venus, non ulli animum flexere Hymenaei*, et quia *SOLUS Hyperboreas glacies lustrabat, raptam Eurydicea querens*) *spretae Ciconum matres illum discerperunt*. Sed hoc non efficit quo *MUNERE*, sed quo *NOMINE*.

*Spretae Ciconum quo NOMINE matres,*

i. e. *qua causa, quam ob rem.* Catullus Carm. XXVII, 11. de Mamurra:

*Eo ne nomine, Imperator unice,*

*Fuisti in ultima Occidentis Insula*

*Ut etc.*

Varro de R. R. I, 2. Hoc nomine etiam *Athenis* etc.

Nn



id est, *hac causa*. vide Plin. N. H. II, 25. et exempla ubique. Vide autem originem erroris: prima syllaba in nomine absorpta erat in ultimis duobus literis vocis praecedentis quo, ut esset *quo mine*: hoc non intellecto addebant syllabam *re* versui supplendo, sensus securi. sexcenties hoc accidisse, facile probare possem, nisi eruditus notum esset. In syllabis *uomine* vocem nomine quivis videat. Confunduntur vero hae voces *munera* et *nomina* in MSS: vide Scaligerum ad Manil. IV, 207. ita apud Ovid. Met. XV, 819. pro *NOMINIS heres* codex Zinzerling. et Leidensis habent *MUNERIS*, teste Heinsio. Claudianus de VI. Cons. Honor. v. 17. *Urbis et Angusti geminato nomine felix*. et ibi Codices nonnulli habuerunt *MUNERE*. In scriptis Criticorum passim invenies. Propertius II. II. *Talique sub nostro nomine carmen erit*: in suo libro invenit Scaliger *MUNERE*; quod probat.

v. 98. Vigilis te animique sagacis

Exitus evolvit quantum Romana.] Salmasius Epistola LXXXVI. quae est ad Gronovium, hunc locum ita legit:

*Silvarumque comas*, vel *aquas* quot in amne sequaces

Exitus evolvit:

„Scis, inquit ille, *exitus annuum* dici ostia eorum, „quibus in mare se exonerant. *Evolvi* etiam in „mare dicuntur cum in mare exeunt per ista ostia. memini ita *Glocutum* politum scriptorem „Curtium; sed nunc locus ad manum non est. „*Aquas sequaces in amne* eleganter appellat, „quia unda sequitur undam. Posset tamen etiam legi *fugaces*: *lympham fugere* dixit Horatius. Non exagitantia haec Salmasii conjectura, (licet longe infra Salmasium sit) quia Ipse alibi eam damnat, Epistola quae praefigitur Gronovianae Elencho Antidiatri. p. 27. ubi demum legit,

Vigil usque, animique sagacis

Et citus evolvis quantum etc.

Tria, inquit, in eo commendat, Vigilantiam, Sagacitatem, et Celeritatem in illis evolvendis et expediendis de quibus sequitur. Haec quidem superioribus longe praestantiora: sed adhuc Statium quaero, et spiritum illum et majestatem quae nunquam serpit humi. *Evolvis* vero, non *evolvi*; certissimum est: Etruscum enim alloquitur poeta, ut supra v. 83. et infra v. 106. Pro *vigilis te* Parmensis aliter dispescit voces, *vigil iste*; quod admisi in Contextum, non quia intelligerem, sed quod aliquid necessario esset admittendum. Possem infinitas Conjecturas disperdere in hunc locum: sed nulla earum mihi met satisfacio; nedum ut aliis sperem. *Animi* vero *sagacis* proba est et usitata phras. Lucretius I, 403.

*Verum animo satis haec vestigia parva sagaci Sunt, per quae possis cognoscere cetera tute.*  
Idem II, 839.

*Nec minus haec animum cognoscere posse sagacem,*

*Quam quae sunt aliis rebus privata, notisque.*

Plinius Nat. Hist. II, 21. *Pythagoras vero, vir*

*sagacis animi, a terra ad Lunam centum XXVI. M. stad. esse collegit.* Manilius II, 156.

*Quin jam signanda sagaci*

*Singula sunt animo, propria quae sorte feruntur.*

Idem III, 275.

*Nunc age, quot stadiis et quanto tempore surgant*

*Sidera, quotque cadant, animo cognosce sagaci.* Plura exempla possem proferre: sed quorsum haec, inquires? Ut mecum mireris quid sibi velit Cicero, qui ob usurpatam hanc phrasin veniam petit, De Fin. Bon. et Mal. II. 14. ubi de mente seu animo loquitur: *Homines enim, etsi aliis multis, tamen hoc uno a bestiis differunt, quod rationem habeant a natura datam, mentemque et acrem et vigentem, celerissimeque multa simul agitantem, et, ut ita dicam, sagacem: quae et causas rerum et consecutiones videat, et similitudines transferat, et disjuncta coniungat, et cum praesentibus futura copulet, omnemque complectatur vitae consequentis statum.* Notabis ista, mentem, ut ita dicam, *sagacem*: quae verba, ut ita dicam, Ipse De Oratore III, 41. usurpanda esse docet quando Translatio durior videtur: *Si vereare ne paullo durior Translatio esse videatur, mollienda est praeposito saepe verbo: ut si olim, M. Catone mortuo, Pupillum Senatam quis relictum diceret, paullo durius; sin, ut ita dicam, Pupillum, aliquanto mitius.* Jam vero mens seu animus *sagax* non est durior Translatio, sed usitata locutio; ut ex Lucretio et exemplis allatis vides: et proinde non opus fuit ut hac Excusationis formula uteretur Cicero. Sed aliud latet; et scripsit Tullius, *celerissimeque multa simul agitantem, et, ut ita dicam, satagacem.* En tibi novam vocem caelo Latino donatam: quam introducturus Cicero praefatione se munit. *Satagax* est quicquid multo discursu, et anxietate, et omnes strophas vertens, aliquid agit: eleganter et analogice formata vox: ut enim a sperno, *nis*, fit *spernax*, a sterno, *nis*, *sternax*, ab emo, *emax*, a vendo, *vendax*, a tango, (antique pro tango) *tagax*, a fallo, *fallax*, et similia; ita a *satago*, *gis*, *satugax*. Notus ille Domitii Afri in hac voce jocus, quem refert Quintilianus Instit. VI, 3. *Afer enim venuste Manlium Suram, multum in agendo discursantem, salientem, manus jactantem, togam dejicientem et reponentem, non agere dixit, sed satagere. est enim dictum per se urbanum, satagere, etiam si nulla subsit alterius verbi similitudo.* Ciceronis sensum in nova hac voce nihil melius explicare potuit quam iste Quintilianus locus. [Tandem in Conjecturam incidi, quam pro manu Statii paene ausim venditare. Ea est:

*Vigil ipse, animoque sagaci*

*Excitus, evolvis quantum etc.*  
vulgata est,

*Vigil iste animique sagacis*

*Exitus evolvit quantum etc.*

quae est Parmensis lectio. Tu Etruscae (inquit Statius; senem enim alloquitur et supra et infra) *vigil*



et excitus sagaci animo, evolcis quantum etc. Ipse pro isto, quae minima est mutatio. *Excitus animo sagaci*, ut apud Senecam Hippol. v. 1082.

*Tum vero pavida sonipedes MENTE EXCITI*

*Imperia solcunt:*

qui locus mihi hanc correctionem primus firmavit, licet dudum ita coniecissem. Statius Theb. III, 589.

*Atque hic ingenti Capaneus Mavortis AMORE*

*EXCITUS*, etc.

Ovidius Met. II, 779.

*Nec fruitur somno, vigilacibus EXCITA CURIS.*

Ex hoc versu sensum suum Noster videtur sumsisse. Potes etiam, *vigilans*, vel *vigilax animoque sagaci Excitus*: sed magis placet prior conjectura. Et sane Venet. habet *Excitus*: et *vigil ite*. Supra, Vers. 87. pro *partae Ven. parce*: unde confirmatur conjectura mea *sparsae*. Ex ADD.]

v. 105. *Quae Divum in vultus igni formanda liquescat*

*Massa: quid Ausoniae scriptum crepet igne monetae.*] In priore versu igni ponitur pro igne, antiquorum more. Sumsit Noster ex Virgil. Eclog. VIII, 80.

*Limus ut hic durescit, et haec ut cera liquescit*

*¶ Uno eodemque igni; sic nostro Daphnis amore:*

Virgilius ex Lucretio VI, 514.

*Mittunt humorem pluvium, stillantque quasi igni*

*Cera super calido tabescens multa liquescat.*

Recte igitur igni liquescat in primo Statii versu: unde magis suspecta redditur vox igne, in sequenti. abundat etiam τὸ igne: satis enim erat dixisse, *quid* (i. e. quantum) *Ausoniae monetae scriptum crepet*, non igne scriptum: scriptum enim est signatum, inscriptione notatum. Prudentius Peri Steph. II, 117.

*Is ipse tantum non habet*

*Argentorum aenigmatum*

*Augustus, arcem possidens,*

*Cui nummus omnis scribitur:*

i. e. *signatur*, χαράσσεται. Scripsit, opinor, Statius

*quid Ausoniae scriptum crepet ore Monetae:*

*quid scriptum ore Ausoniae Monetae crepet*, id est, quantum nummorum, Romanâ notâ signatorum, in monetis et officinis Imperatoris percussus sit. *Moneta* est *Dea nummorum*: unde bene, ut de Persona, addit *ore*. Insignis de hac Dea locus Martialis, qui Criticorum ingenia summopere exercuit, Epigr. I, 77. ubi Val. Flaccum a studio poetices dehortatur:

*Pierios differ cantusque chorosque sororum:*

*Aes dabit ex illis nulla puella tibi.*

*Quid petis a Phoebo? nummos habet arca Minervae:*

*Haec sapit, haec omnes foenerat una Deos.*

Haec omnium MSS. et Edit. lectio, testante Scriverio. et, quasi satis salva omnia, *arcam Minervae* aut praetererunt Interpretes, aut *Jurisprudentiam* intelligendam esse dicunt. Atqui primum, quis eos do-

cuit *Minervam* esse peculiarem *Jurisconsultorum* Praesidem? omnium quidem liberalium et ingeniosarum artium faultrix illa Dea; sed non inde sequitur *arcam Minervae* denotare *Jurisprudentiam* magis quam *Textrinam*. et quare *ARCA Minervae*, si de *Jurisperitis* sermo sit? sed, quod praecipuum est, quomodo *Minerva foenerat omnes Deos?* hoc βαρβαρῶς, inquit Scaliger, et legit *Deis*, mirante Scriverio, qui vulgatae adhaeret et explicat *foenerat* pro *defoenerat* sive *foenore exhaurit Deos*. Iterum quaero, quo sensu *Minerva, Jurisprudentiae* secundum eos Dea, *foenore exhaurit omnes Deos?* ineptissima haec mihi videntur. Tu lege,

*Quid petis a Phoebo? nummos habet arca Monetae;*

*Haec sapit, haec omnes temperat una Deos:*

Sensu perspicuo: „Quare petis a Phoebo? *Moneta* „potius tibi roganda fuit: haec enim, non *Phoebus*, „sapientiam donat: haec, licet *UNA* tantum sit, tamen „OMNES Deos moderatur et regit:“ hoc enim est *temperat*, ut saepe. Scriptum erat *temperat*: unde, frequenti vice *literarum t et f, p et n, foenerat*; quod Latinum non est, cum τῶ Deos conjunctum. Sed haec obiter; licet non prorsus aliena huic Statii loco. Heinsius ad Claudian. Rapt. Pros. III, 386. ita citat:

*Quae Divum in vultus igni formata liquescat*

*Machina:*

memoriae lapsu. Supra, v. 104. pro *Quod domini celsis niteat laquearibus aurum*, *Parmensis* habet, *Quodque bonum celsis nitet* etc. Romana, *Quod domuum*: et ita Aldina 1502. Grasseri, Crucei, et aliae. Verum est *domini*, scil. *Domitiani*, qui passim *Domini* vocatur. Ductus calami in *domini* et *domuum* fere iidem sunt.

v. 107. *et nunquam LAESA profundo*

*Cura mero.*] Merum profundum non dici potest *laedere* curas; quippe *Dissipat Evius curas edaces*; et, *Cura fugit multo diluiturque mero*, ut canit Ovidius Art. Amat. I, 238. Conjeceram, *nunquam LAETA profundo Cura mero*, id est, *lactata et lactata facta*; ut apud Petronium Carm. de Bell. Civ. v. 156.

*Juppiter omnipotens, et tu, Saturnia tellus,*

*Armis LAETA meis, olimque onerata triumphis.*

Sed *cura* hic non pro *angore* et *sollicitudine* animi, sed pro *ἐπιμελείᾳ* et *fide* quam Domino et Imperatori debebat; ut alibi, *vigilesque suo pro Caesare CURAE*: et ita passim. recte igitur *nunquam laesa* nimio mero haec *cura* dicitur: et nihil mutandum.

v. 109. *Et mentem vincere toris.*] Scio quidem istud Propertii Eleg. III, 4.

*Me juvat et multo mentem vincere Lyaeo:*

¶ Sed hoc loco, si quid video, scripsit Statius

*Et mentem mulcere toris:*

i. e. *solari*, et *delectare*. Supra Silv. II, 1.

*Quis tua colloquiis hilaris mulcebit amatis*

*Pectora?*

infra V, 3.



*Qualis eras Latios quoties ego carmine Patres  
Mulcerem!*

Val. Flaccus II, 139.

*longo mulcens insomnia penso.*

Idem IV, 442.

*Sensi et Bebrycio supremam in litore pugnam  
Jam propius, jamque hoc animum solamine mul-  
cens.*

Et ita passim apud eundem. Ovidius Remed. Amor.  
v. 197.

*Cum semel haec animum coepit mulcere volu-  
ptas.*

Idem Metam. X, 301.

*Aut, mea si vestras mulcebunt carmina MENTES,  
Desit in hac mihi parte fides.*

Arnobius VII. p. 240. *putant et caelitum mentes lu-  
dorum, delectatione mulceri. levamen mentis appellat*  
Vitellius apud Tacitum. Annal. XII. *Quid porro ha-  
nestius censoriae mentis levamen quam assumere con-  
jugem prosperis dubiisque sociam? mulcere etiam*  
absolute Noster Eclog. V, 15. ad Uxorem,

*certe lascivii cordi*

*Nulla; nec aut rapidi mulcent te praelia Circi,  
Aut intrat sensus etc.*

Pro jura genitalia, versu praecedente, quaere an non  
scribendum sit *genitalia*: ut per jura genitalia desi-  
gnet *matrimonium*. Vide quae de his vocibus dixi  
ad Arb. Ated. v. 62. *carmen genitale* idem quod *ge-  
nethliacon*, Epiced. Pueri v. 70.

v. III. *Quis sublimē GENUS formamque insignis  
Etruscae*

*Nesciat?*] Hic *formam* Etruscae praedicaturus  
est Statius: sed quid ad hanc facit GENUS? praeser-  
tim cum de *genere* sigillatim dicturus est mox v. 115.  
In sedem igitur non suam irrepsit haec vox. Con-  
jicio,

*Quis sublimē DECUS formamque etc.*

Sil. Ital. XIII, 436.

*In decus egregium cultus intenta juvenae:*

*sublimem formam* vocat Autor Elegiar. sub nomine  
Maximiani. Claudianus de Nupt. Honor. et Mar. v. 39.  
*o patrum germen, cui nominis heres*

*Successi, sublimē DECUS torrentis Iberi.*

Verum, inquit, statim sequitur *Sed DECUS eximium  
formae*. ita quidem est; haereo igitur. interim pro  
certo habeo *genus* in mendo esse: si enim ne-  
mo nescit *SUBLIME genus* Etruscae, quam inepta erat  
*ταυτολογία* statim subnectere *Nec VULGARE genus?* pla-  
ceat igitur *sublime decus*; et verum est: Theb. VI,  
563.

*Quis Maenaliae Atalantes*

*Nesciat egregium DECUS?*

*decus* hoc sensu Statio familiare: Silv. III, 1.

*Quod si dulce decus viridesque resumeret annos.*  
Et ita passim. Pro *formamque* potes etiam *famam-  
que*: et hoc verius puto, propter sequens *formae*.  
Vide ad Val. Flacc. II, 148. ubi eadem diversitas.  
Mox, pro *haudquaquam* bene Gronovius *haudqua-  
quam*: et ita Parmensis: Romana, *haud nunquam*.  
*Sed* pro tamen ut apud Ovid. Met. V, 54.

*Ille quidem jaculo quamvis distantia misso*

*Figere doctus erat, sed tendere doctior arcus:*  
et alios passim. Horatius Carm. II, 19.

*Quamquam choreis aptior et jocis*

*Ludoque dictus, non sat idoneus*

*Pugnae ferebaris, sed idem*

*Pacis eras mediusque belli.*

Noster Achill. I, init.

*Quamquam acta viri multum inclyta cantu*

*Maeonio, sed plura vacant.*

Symposium Aenigm. XCIV. cujus lemma FUNAMBULUS:

*Semita si brevis est, pedibus sed sufficit ipsi:*  
ita legendum; vulgo, *sed brevis est, pedibus nec  
sufficit*: inepte et contra mentem aenigmati: licet  
semita sit brevis, tamen pedibus sufficit. Juvenalis  
Sat. I, 103.

quamvis

*Natus ad Euphratem (molles quod in aure fe-  
nestrae*

*Arguerint, licet ipse negem) SED quinque ta-  
bernae*

*Quadringenta parant.*

Voces vero DECUS et GENUS in MSS. commutantur.  
Ita apud Ovidium Heroid. XVII, 54. pro

*Tantalidae Pelopis Tyndareique genus,*

Codex Puteanus habet *decus*: recte; nam *genus* pau-  
lo ante praecesserat, notante Heinsio. Vide Cl. Bur-  
mannum ad Val. Flaccum VI, 594. Male autem Gro-  
novius, qui monet distinctionem ponendam esse post  
*imago*, non post *vultibus*. constructio est, *sed par  
vultibus imago reddit eximium decus formae*. Pro  
*decus* Rom. *deus*. [Venet. aut unquam, id est, *haud  
unquam*: recte. Tō unquam *παράδει*, ut saepe. Deinde,  
v. 112. pro *decus eximium formae* Venet. *decus exi-  
guum famae*. EX ADD.] Vers. 119. pro *cessatum*  
est *sanguine* Parm. *cessatum a sanguine*: non ma-  
le: mater explevit quicquid deerat a parte patris.  
alterum defenditur loco Virgilii XI, 288.

*Quicquid apud durae cessatum est moenia Trojae.*

[Pro *cessatum* EST *sanguine* Ven. A *sanguine*: vide  
Notas. EX ADD.] Vers. 122. pro *manuque* Rom. *ma-  
nusque*: et 129. pro *Pubentesque, Rubentesque*: ve-  
rum erat *Pubentesque*, non *que*. Et hic imitatur Vir-  
gil. Aen. XII, 68.

*aut mixta rubent ubi lilia multa*

*Alba rosa.*

Vers. 132. pro *maternoque*, quod probum est, Parm.  
et Rom. minus bene *maternosque*.

v. 134. *Collectaeque rogem struxere pharetrae.*  
Olim emendaveram *Collataeque*: jam video Grono-  
vium occupasse, Diatr. c. 32. *Conferre* verbum fune-  
bre: Lucanus VIII, 754. de Codro combusturo trun-  
cum Pompeii:

*summas dimovit arenas,*

*Et collata rogo lacerae fragmenta carinae*

*Exigua trepidus posuit scrobe:*

ita legendum puto; vulgo *collecta procul lacerae etc.*  
*collata rogo* i. e. *in rogem*. locum imitatur Manilii  
IV, 55. de eodem Pompeio:

*Ejectaeque rogem facerent fragmenta carinae:*



Utrumque simul exhibet Seneca Hippol. v. 1111.

*Passim ad supremos ille colligitur rogos*

*Et funeri confertur.*

Idem Consol. ad Helv. c. XII. *Menenius Agrippa, qui inter patres ac plebem publicae gratiae sequester fuit, aere collato funeratus est.* Aurelius Victor de eodem: *Menenius autem tanta paupertate decessit, ut eum populus collatis quadrantibus sepefret.* Similiter depravatus Idem hac voce in M. Valerio Poplicola: *Qui cum quater Consul diem obiisset, adeo pauper exstitit, ut collatis a populo nummis publice sepultus sit: vulgo collectis.* Causa omnium horum errorum quod literae a et ee iisdem calami ductibus constant. Lucanus IX, 62.

*sine funeris ullo*

*Ardet honore rogos: manus hoc Aegyptia forsan*

*Contulit officium grave manibus:*

ita legendum pro *Obtulit officium.* Plinius N. H. XXXIII, 10. *Nam quod Agrippae Menenio sextantes aeris in funus contulit, honoris necessitatisque propter paupertatem Agrippae, non largitionis esse dixerim.* Seneca Herc. Oct. v. 1640.

*se confert rogo*

*Populea silva, frontis Herculeae decus:*

De quo loco supra dixi. *Ferre eodem sensu* Pedo Albinovanus De Mort. Drusi v. 188. et Noster supra v. 37. et Val. Flaccus V, 31. et alii. Mox, v. 143.

*Atque idem in cuneos populos cum duxit Equestres:*

pro *cum dixit* Parm. *deduxit:* et ita Codices Domitii, qui primus fecit *cum duxit:* recte: et ita postulat sensus. POPULOS etiam omnes Editt. praeter Parmensem, quae habet POPULUS. verum est POPULUM: et ita edidit Gronovius, qui tamen nullam diversae scripturae mentionem facit. Alia res esset si scripsisset *populos:* hoc enim *gentes, nationes*, denotasset: quod fieri non potest. [*Atque idem in cuneos populum cum duxit equestres.* Mira pertinacia Vetusstae Ven. Parm. et Domitii Codd. habent *deduxit* pro *cum duxit*, quod Domitii est. Latet aliquid. Forte, *Utque idem — deduxit*, idem quod *Cumque idem deduxit:* nisi sic potius legendum. Potest etiam servari Vetusstarum lectio, et per *populum* intelligi Etruscus. *deduxit populum*, pro Etruscum qui ante erat *e populo:* ut apud Horatium, *Plebs eris*, pro *e plebe:* et multa huiusmodi sunt exempla. Sed nihil affirmo. Ex ADD.]

v. 145. *celso natorum aequavit honore.*] Recte Salmasius *celse* natorum, id est *Equitum*, quibus epitheton *Celsus* est proprium et perpetuum. Vide quae notavi ad Silv. II, 7. v. 46. et Heinsium Not. in Eleg. in Mort. Drusi v. 111. et 379. Ita *clare natus* apud Eutropium lib. VII, de Vitellio Imp. *Nam pater ejus non admodum clare natus, tres tamen ordinarios gesserat Consulatus.* ejus contrarium *obscure natus*, paulo infra de Vespasiano: et *obscurissime natus* lib. IX. de Diocletiano: et *vilissime natus*, de Carausio. Seneca Epist. 47. *Mariana clade quam multos splendidissime natos, Senatorium*

*per militiam auspicantes gradum, Fortuna depressit?* Ita *sordide et abjecte nati* apud Autorem Dialogi de Oratoribus. Plinius Epist. VI, 33. *Nam femina splendide nata, nupta Praetorio viro — quadruplici judicio bona paterna repelebat. feliciter natus* Seneca de Benef. III, 22. ubi opponit *servum et felicius natum.* Recte etiam *honori*, non *honore* legit Idem Salmasius ibidem, Not. ad Hist. Aug. Script. p. 751. Vol. I. *Aequavit honori celse natorum*, est ex *Libertino Equitem* fecit: pro ferreis annulis quales libertini generis homines gerebant, aureos dedit, qui Equitum proprii. Huic emendationi frustra oblatrat Cruceus: est enim certissima. Pro *Exiit* Parm. *Exiit.* Vers. 150. pro *Cui*, quod probum est, multae editt. habent *Cum:* Parm. *Cui.* Vers. 151. pro *Hunc* Parm. *Nunc.* Atque hic rem miram tibi narro, Lector: per versus continuos triginta quatuor, a v. 145. ad 180. Statium integrum te habere puto, et nullo mendo foedatum; quod alibi in his Silvis, nisi unico tantum loco, Lyric. ad Max. Junium, a v. 11. ad 151. frustra, opinor, quaesiveris. de hoc et tibi et mihi gratulor. Variantes quidem lectiones sunt tres vel quatuor in Parmensi, sed non magni momenti.

v. 179. *haud aliter gemit perjurja Theseus Litore, qui falsis deceperat Aegea velis.*

*Tunc immane gemitus etc.*] Primo legendum *Litore* quo falsis, non qui. Deinde displicet *gemit* et *gemitus*. Lego, *Tunc immane FREMENS.* Thebaïd. XII, 684.

Grande FREMENS, nimiumque memor mandantis: VII, 584.

*Non aliter cursu rapidae atque immane FREMENTES,*

*Transiliunt campos:*

Claudianus de Cons. Malli. v. 237.

*Torrentes immane FREMANT, lassisque minentur Pontibus.*

Sil. Italicus XI, 146.

*victorque immane sub ira*

*Infremuit leo:*

Virgilius XII, 535.

*Ille ruenti Hyllō animisque immane FREMENTI Occurrit.*

Saepe vero hae voces confunduntur. ita apud Juvenal. VI, 260. pro *fremitu* sensus postulat *gemitu*. vide Cl. Drakenborchium ad Sil. Italicum I, 425. Sed forte nihil hoc loco mutandum: *fremere* enim *iratorum* potius quam *moestorum*, qualis hic erat Etruscus. Pro *Littore* Parm. et Rom. *Littora*.

v. 184. *atque brevis Superum placavimus iras.*] Ita omnes quas vidi Editiones: parum tamen accurate Statius, si sic scripserit: sequitur enim versu albine tertio,

*Aut placare malae datur aspera numina Lethes.* Edidi igitur *pacavimus iras* pro *placavimus*, sensu eodem, verbo tantum mutato; quod in secundo loco, si malis, facere potes; et retento τῷ *placavimus*, legere,

*Aut pacare malae etc.*



Parum interest, cum utrumvis probum sit. Hae vero voces *placare* et *pacare* adeo saepe in Codicibus commutantur, ut vix locum inveneris in quo hoc sit, quin illud quoque pro varia lectione reperiatur. Ita Theb. IV, 250. pro *Pacabat cornu* codex Petr. habet *Placabat*. Pietat. Abasc. ad fin. pro *Pacantem terras* Editt. Parm. et Rom. *Placantem*; male, quia praecedebat *Placat. pacavimus iras*, ut Horat. Art. Poet. v. 197.

*Et regat iratos, et amet pacare timentes:* ubi vide Cl. Bentleium: et Drakenborch. ad Sil. Ital. II, 483. *Placare iras* quoque passim occurrit. Mox, v. 186. pro *ignare* legendum *ingrate*; quod et monuit Gronovius Diatr. c. XXXIII. ex MS. Senens. Editt. Rom. et Ven. Et ita quoque Parmensis. altera lectio *ignare* falsa est. Etruscus enim filius patri relegato restitutionem ab Imper. Domitiano impetravit; (unde ista, *modo numina magni Praesidis* etc.) atqui quomodo hujus rei ignarus esse potuit Etruscus pater? *ingratus* igitur, qui non usus est hoc beneficio Caesaris et filii sui.

v. 192. *Ergo Thessalici* etc.] Parmensis auctius, *Ergo ET Thessalici* etc. quod verum est: *ET conjux Thessalici mariti ET supplex Thracius*, seu *Orpheus*. *ET conjux* est ETIAM *conjux*, per *μετὰ*: Potuitne MULIER pensare funus MARITI; EGO non possim PATRIS? ita in altero exemplo: Potuitne supplex THRACIUS exorare Styga pro CONJUGE; ego ROMANUS non possim pro PATRE? Similiter conjunguntur *Orpheus* et *Alceus* in re simili, Epiced. Patr. v. 271. Pro *Phryga*, versu proxime sequenti, optime Cruceus *Styga. vincere Styga* est impetrare a Styge, exorare Styga, ut transmitteret et remitteret Orpheam. Hanc Crucei conjecturam probant Gronovius Diatr. c. XXXIII. et Heinsius ad Ovid. Heroid. JXVIII, 21. ubi pro *AH quanto melius pro patre liceret*, mavult *AT quanto melius* etc. Non opus est: et alterum tuetur locus Thebaid. III, 286.

AH mea quanto

*Sithonia mallem nupsisset virgo sub Arcto!*

Parmensis tamen, ut verum fateamur, habet *AT quanto melius*. Mox, v. 198. *Ego rite minor, semperque secundus* etc. *minor*, id est, ut *ministrum* decet, *inferiorem* se ferendo et fatendo: Horatius:

*Diis te MINOREM quod geris, imperas.*

Tacitus de Morib. Germ. *Nemo nisi vinculo ligatus ingreditur, ut MINOR, et potestatem numinis prae se ferens*. Parmensis pro *minor* habet *memor*: perperam.

v. 199. *Assidue libabo dapes.*] Melius Parmensis, *Assiduas libabo dapes*. Similis locus Piet. Abasc. v. 235.

*circumstant famuli, consuetaque turba*

*Obsequiis. tum rite tori mensaeque parantur*

*Assiduae:*

ita et ibi Parmensis, non *Assidue*. Vers. 200. pro *lucida saxa Rom. dulcia*, literis transpositis: perperam. *lucida saxa* sunt *gemmae*. Sequitur,

*Te similem doctae referet mihi linea ceræ:*

Heinsius in ora sui exemplaris corrigebat *ductae* pro

*doctae*, referente Cl. Burmanno ad Ovid. Heroid. XX, 210. ubi recte putat nihil hoc loco innovandum esse. *Doctum* bene dicitur quicquid suo modo *ingeniosum* est, et id quod velit efficit. Propertius II, 15.

*Illic assidue tauros spectabis arantes,*

*Et vitem docta ponere falce comas:*

*docta falx*, ut *docta cera*. Vide eruditissimum Burmannum ad Val. Flaccum I, 122. et ad memoratum Ovidii locum. Sequitur,

*Inde viam morum, LONGAEQUE examina vitae,*

*Affatusque pios, monituraque somnia poscam.*

multo melius fecisset Etruscus si a patre poposcisset *viam morum SANCTAEQUE examina vitae*, potius quam *LONGAE. Examina vitae*, ut *legum examina* Ovidio Met. IX, 550.

*Jura senes norint, et, quid liceatque, nefasque,*

*Fasque sit, inquirant;* legumque examina *servent*.

Pro *monitura somnia* Romana et Bernartii Editt. perperam *moritura*.

v. 208. *GENITOR mitissime patrum.*] Gronovius Diatr. c. XXXIII. conjecerat *SENIOR mitissime patrum*: recte: Statius enim jam loquitur, non Etruscus. et in MS. Florent. invenit *SENIOR*. Hae voces saepe commutantur. ita supra v. 77. pro *SENIOR dimissus in axem* Parm. habet *GENITOR*. Dixi supra ad Glauc. Atedii v. 90. ubi pro *SENIOR Peleus* probavi legendum esse *GENITOR Peleus*. Pro *moestis sepulchris*, v. 210. Gronovius Reliq. ad Silv. notat in MSS. Rhod. et Salisb. et Edit. Venet. esse *moesti sepulchri*. et ita Parmensis quoque: omnino vere.

v. 213.

*hic sacra litabit*

*Manibus; Eque tua tumulum tellure levabit.*

Lege, *isque tua tumulum* etc. Sensus est; hic, in Italia, litabit manibus tuis, et Cenotaphium tibi exstruct in tua tellure, Smyrna, tuo gentili solo. Notus Veterum mos Cenotaphia constituendi amicis defunctis: ita Aeneas Deiphobo Virgil. Aen. VI, 505.

*Tunc egomet tumulum Rhoetoe in litore inanem*

*Constitui:*

Andromache Hectori Aen. III, 304. Procne Philomela Ovid. Met. VI, 568.

*Ut lacrimae fecere fidem, velamina Procne*

*Deripit ex humeris auro fulgentia lato,*

*Induiturque atras vestes, et inane sepulcrum*

*Constituit, falsisque piacula manibus infert:*

ita legend. et distinguendum; vulgo, *Et lacrimae fecere fidem. velamina* etc. Sed jam video Heinsium Curis Secundis hoc occupasse. Priamus Aesaco Met. XII, 2. vide Nostrum Theb. XII, 160. Elegans in hanc rem Epigramma extat Anthologia III, 12. *Ναὶ λυτομαὶ παροδῖτα*, etc. Pro *EQUE* Parm. et Rom. *ATQUE*. verum puto *isque*. Sequitur,

*Nostra quoque exemplo meritis tibi carmina*

*sancit.*

nullus in his sensus. Gronovius Diatr. c. XXXIII. conjecerat, *exemplo meritis*, id est, carmina quae exemplo pietatis suae meruit, a nobis elicit. recte: et ita inveni in Parmensi. sic in Phileto Ursi v. 97.



*Eximius licet ille animi, meritisque dolorem,  
g Solvisti.*

Pro *sancit* ego conieceram *sanzit*, ut ejusdem sit temporis quo *to donasse* versu sequenti. et hoc quoque confirmat Parmensis, quae clare habet *sanzit*. si scripsisset *sancit*, debuit etiam *donare*, non *donasse*. Hoc sepulcro, id est hoc honore sepulcrati. Sepulcrum vocat Statius quicquid in honorem Mortui efficitur: ita Theb. IX, 563.

*venit cineri decus, et suus ordo  
Manibus. interea justos dum reddimus ignes,*

*Hoc ultor Capaneus operit tua membra sepulcro:*

ubi hoc *sepulcrum* nihil aliud fuit quam Arma Hypseos quae Capaneus tenebat super occisum Hippomedonta. sic Geneth. Lucan. v. 70.

*Tu Pelusiaci scelus Canopi*

*Deflebis pius, et Pharo cruenta*

*Pompeio dabis altius sepulcrum:*

Lucani *Pharsaliam* vocat *sepulcrum* Pompeii. Claudianus Epist. ad Adrian. v. 17. de Alexandro:

*Darium famulis manibus doluisse perentum  
Fertur, et ingenti solatus fata sepulcro.*

## ECLOG. IV.

COMA EARINI.] Suspiciatus eram Epigraphen hujus Eclogae fuisse CAPILLI EARINI, ut Praefat. seu Epist. ad Pollium: *Earinus praeterea, Germanici nostri libertus, scit quamdiu desiderium ejus moratus sin, cum petisset ut CAPILLOS suos — versibus dedicarem:* solet enim Statius in Epistolis Praefatoriis alludere Titulis cujusque Eclogae. Et ita in MSS. invenit Gronovius: Codex enim Rhodianus habuit, CAPILLI FLAVII IERINI: Saltzburgensis, CAPILLI FLAVII IERINI. In Parmensi ego invenio aliquanto auctius, CAPILLI FLAVII EARINI DOMITIANI LIBERTI. Edidi igitur, CAPILLI FLAVII EARINI. Nec me movet locus Sidon. Apollinaris, ubi titulos nonnullarum Eclogarum recensens, ait, *istum liquido patet neque Balneum Etrusci, neque Herculeum Surrentinum, neque COMAS FLAVII EARINI, neque Tibur Vopisci — lectitasse:* (ita enim recte emendant viri docti pro CUNAS FL. SABINI) quippe Sidonius sensum potius tituli quam verba respexit. ita TIBUR VOPISCI vocat, quod esse debuit TIBURTINUM seu VILLA TIBURTINA MANLI VOPISCI: sic enim omnia exemplaria, et ipse Statius Epist. ad Stellam. sed Sidonius allusit primo versui istius Eclogae,

*Cernere facundi TIBUR glaciale VOPISCI etc.*

v. 13. *sacrae placeat sibi nube rapinae.* Quis mihi explicabit quid sit *nubes rapinae*? et scio quidem hunc locum adduci a doctissimo Heinsio ad Val. Flacci I, 706. *NUBE nova lingue domos.* sed alia ratio istius ac hujus loci: ut enim Daedalus et Icarus poetice vocari possent *Nubes*, non tamen explicari potest ex sensu communi quomodo *Ida sibi placere* potuit *NUBE rapinae*. Ne dubites quin scripserit Statius,

*sacrae placeat sibi laude rapinae:*

Val. Flaccus II, 148.

*Non forma, non arte colus, non laude pudoris  
Par tibi.*

Nosfer Theb. IX, 704. de Parthenopaeo,

*Nec formae SIBI LAUDE PLACET, multumque severis  
Asperat ora minis.*

Et VI, 574. de eodem:

*Ipse tamen formae laudem aspernatur, et arcet  
Mirantes.*

Mamertinus Grat. Act. pro Consulatu cap. XXV. Si quis praestat virtutibus bellicis et laude militiae, in amicis habetur. Arnobius III. Cum enim in singulos anteire interioris contenditis scientiae laude; et Deos ipsos, quos opinamini, tollitis, et reponitis alios quos manifestum est non esse. Thebaid. II, 203.

*Egregiam Argiam, nec formae laude secundam  
Deiphilen.*

Priscianus Perieg. 446.

*Aetolac gentis sunt belli laude potentis  
Campi.*

Eutropius lib. IX. de Quintilio Imperatore: *Vir unica moderationis et civilitatis laude aequandus fratri vel praeponendus.* Aurelius Victor in Cicerone: *post, Rhodum petiit, ubi Molonem Graecum, rhetorum tum disertissimum, magistrum habuit: qui flesse dicitur quod per hunc Graecia eloquentiae laude privaretur: quo loco mallet, ubi Molonem, Graecorum rhetorum tum disertissimum etc. quod verum est.* Val. Flaccus VI, 594.

*Nec nunc laude prior generis, nec sanguinis  
usquam.*

*laude ingenii, laude eloquentiae florere passim apud  
Ciceronem. Nemo conjiciat LABE rapinae pro NUBE:  
LAUDE enim verum est.*

v. 27. *Ipsius ante Dei ludentem conspicit ARAM.* Ita omnes quas vidi Editiones praeter Parmensem, quae ARAS habet, non ARAM: recte. sic infra v. 81.  
*patrias nunc vertex solus ad ARAS*

*Naviget.*

Et 95.

*patriis nec gratius ullum*

*Munus erit TEMPLIS.*

Majus et augustius aliquid in Plurali numero: et hoc pacto vitatur ambiguitas Compositionis in *tois ludentem aram*. Infra v. 39. *toto JAM dulce sub orbe*. Hic quoque optima Parmensis TAM dulce, non JAM:



verc. Perperam eadem *cedet* pro *cedat*, versu proxime sequenti. verum est *cedat*, ut v. 84.

*Huic et purpurei cedat coma saucia Nisi.*

Et Eq. Max. v. 84.

*Cedat equus, Latiae qui contra templa Diones  
Caesarei stat sede fori.*

Et ita passim.

v. 47.

VETERESQUE Penates

*Evandri, quos mole nova pater inclutus urbis  
Excolit.*] Lege VETERISQUE Penates *Evandri*: suavius hoc, et magis poeticum, et usitatus. Horatius Carm. II, 12.

unde periculum

*Fulgens contremuit domus*

Saturni VETERIS.

Virgilius VII, 254.

*Et VETERIS Fauni voleit sub pectore sortem.*

Val. Flaccus II, 473.

*Nos Ili VETERIS quondam genus.*

Et v. 581.

*Litoraue et VETERIS tumulos praelabitur Ili.*

Hoc etiam modo vitatur concursus trium vocum in ES exeuntium, *montes veteres penates*. Pro *pater urbis* Parm. habet ORBIS, ut lib. IV, 1. *Salve, magne PARENS MUNDI*. et Eucharist. v. 14.

*Te ne ego, regnator terrarum, ORBISQUE subacti  
Magne PARENS.*

Et ita passim poetis. Sed verius hoc loco URBIS, id est, *Romae*: agit enim Statius de Aedificiis quibus Romam excoluerat Domitianus; et *Palatium* intelligit. Notum istud Horatii Carm. III, 24.

*Si quaeret PATER URBUM*

*Subscribi statuis.*

Pro *Evandri*, quos etc. Parm. habet *Evandris quo*.

v. 53. *Norat caelestes oculos Ducis.*] Id est, *Judicium* et ἀξιόβητον Domitiani novit, et quam elegantius formarum spectator ille esset: hoc enim vult per *oculos*. ita Hec. Epitrap. v. 22.

*quis namque oculis certaverit usquam*

*Vindicis, artificum veteres cognoscere ductus?*

Et eadem Eclog. vers. ult.

*certe tu muneris auctor*

*Non aliis mallet oculis, Lysippe, probari.*

inde *judicium oculorum* Plinio Epist. I, 21. *Ut animi tui iudicio, sic oculorum plurimum tribuo.* Et III, 6. *Talia denique omnia, ut possint artificum etiam oculos tenere, delectare imperitorum.* Quae praecedunt in Statio, quae vestis roscos accendere rutilus *Apta* etc. ex Ovidio sumta sunt Heroid. XXI, 89.

*Ipsa dedit gemmas digitis, et crinibus aurum,*

*Et vestes humeris induit ipsa meis.*

Pro *dignius Rom. pinguis*: male. *dignius est aptius, convenientius*. Auctor Aetnae v. 261.

*Fertilis haec, segetique feracior, altera viti;*

*Haec platani humus, haec herbis dignissima tellus:*

quem locum non nunc vacat excutere. Parm. omittit *ia* ante *digitis*. *Plena dextra*, ut apud Sil. Italicum

XV, 56. *plenaque dedit bona gaudia dextra*. Val. Flaccus VII, 608.

*Plena sic semina dextra*

*Spargere gaudet agris.*

Vide Broukhusium ad Tibull. I, 6. v. 32. Sed ut verum fatear, non recte capio quo sensu *connubia* dici possint dari *plena dextra*: et aliquid ὑπολογον suspicor latere.

[v. 55. *Tyrtos sic fundit amictus*: an voluit *finxit amictus*? Supra, pro *plena dextra*, forte *prona*, id est facili, favente. EX ADD.]

[v. 58. *myrrhasque GRAVES crystallaque portat.*] Pro *myrrhas* Salmasius Plinian. Exercit. p. 143. probat scribendum esse *murras*, a Graeca voce μύρρα; ea erat lapis ex quo vasa *murrina* conficiebantur: et ita semper scribi vult hanc vocem, *murra*, non *myrrha*. Verum videtur quod dicit Vir maximus, et ideo in contextu meo secutus sum. Sed parum apte *puero* dantur GRAVES *murrae*, quae robustiori aetati magis convenirent. Huic incommodo subvenit Parm. et Rom. quae habent,

*myrrhasque PUER crystallaque:*

quod cum expressum fuerit ex diversis et nonnullis eorum optimis codicibus, nescio sane quare mutarint in GRAVES. forte ex eo quod versu abhinc secundo sequitur *Care PUER, Superis* etc. quod quidem me moveret nisi scirem hanc Eclogam paene extemporaneam fuisse, et minimum temporis ei impensum esse, prout ipse Praefat. testatur. praeterea, etiam exactissimi poetae interdum hoc sibi permittunt, ut eadem voce utantur non longe dissita, quando sensus et sententia nova orditur, ut in hoc loco: quod pluribus testimoniis, si opus esset, probare possem. In contextum itaque recipiatur *murrasque PUER crystallaque portat*. male Parm. *portet*.

v. 60. *Care puer, Superis* etc.] Immo potius CLARE *puer*, utpote cui permissum est *praelibare nectar Superis*, et *dextram Domini contingere*. ita Silv. V, 2,

*Sic te, clare puer, genitum sibi curia sensit.* supra, eadem Eclog. v. 8.

*Quod si militiae jam te, puer inclyte, primae  
Clara rudimenta etc.*

Recte igitur CLARE: istud alterum nimis familiare. Hae vero voces perpetuo confunduntur. Vide Bentleium ad Horat. Carm. III, 14. v. 7. Per *Superis* intelligit Domitianum et Domitiam. [In Addendis Marklandus haec sex verba: per *Superis* intelligit Domitianum et Domitiam, deleri jubet, cum constructio sit: *nectar verendum Superis*, non *praelibare Superis*. ED. DR.]

v. 65. *Olim etiam ne prima genas lanugo niten-  
tes Carperet.*] Non intelligo quo sensu lanugo *carpit* genas: *vestit* quidem et *obumbrat* genas; sed *carpere* genas alia omnino res est, et *febris* vel *pithiosis* potius quam *lanuginis*. Noster II, 6.

*juventi*

*Injecit nexu, CARPSITQUE inmitis adunca  
ORA verenda manu:*



Lucanus IX, 744.

*Ecce subit virus tacitum carpitque medullas  
Ignis edax.*

Prudentius Hymn. in exeq. defunct. v. 101.

*Nam nulla deinde senectus*

*Frontis decus invida carpet.*

sic carpere vires pro imminuere et exhaustire apud  
Virgilium Georg. III. et alios. Scripsit Statius,  
*ne prima genas lanugo nitentes*

SPARGERET:

Nihil certius. Sil. Italicus VII, 691.

*At Cato tum prima SPARSUS lanugine malas;  
et XVI, 469.*

ASPERsus prima LANUGINE malas

*Baeticus.*

*Spargere proprium in hac re verbum: Propertius  
III, 5.*

*Atque ubi jam Venerem gravis interceperit ae-  
tas,*

*Sparsit et nigras alba senecta comas:*

Ovidius Metam. VIII, 567.

*Lex raris jam sparsus tempora canis.*

Art. Amat. III, 75.

*Quasque fuisse tibi canas a virgine jures,*

*Spargentur subitae per caput omne comae.*

Epist. ex Ponto, I. 4.

*Jam mihi deterior canis aspergitur aetas.*

Val. Flaccus IV, 233.

*Vixdum etiam primae spargentem signa juventae.  
pingere malas eodem sensu Auctor Panegyrici ad  
Calp. Pisonem, v. 248: et Ausonius in Epitaph. Glau-  
ciae:*

*Lacta bis octono tibi jam sub consule pubes*

*Pingebat teneras, Glaucia adulle, genas:*

ita legendum; vulgo cingebat: licet alibi eandem vo-  
cem usurpet eodem sensu, nempe Parental. XXIII.

*Tu tener et primo, nove flos, decerperis aëro,*

*Nondum purpureas cinctus, Ephebe, genas:*

ubi vulgo, *Quam tener; sine sensu.* Apuleius Mi-  
les. V. *Jam medium cursum aetatis agere, inter-  
persum rara canitie.* Mox pro *fuscaret GRATIA*  
*formae* Gronovius mavult *GAUDIA formae: bene. Ovi-  
dium Met. XIV, 652.*

*Denique per multas aditum sibi saepe figuras*

*Repperit, ut caperet speratae GAUDIA formae.*

Noster Theb. X, 628.

*Nunc age quis stimulus et pulchrae GAUDIA mortis  
Addiderit juveni etc.*

JSilv. IV, 7.

*Tentat audaci fide Mantuanæ*

*GAUDIA famae:*

Et Eclog. IV, ejusd. lib.

*ventosaeque GAUDIA famae*

*Quaerimus.*

*fuscaret gaudia* Symmachus Epistola edita a Lud.  
Carrione Emendat. lib. I. cap. 11. *Batis remotus ab  
arbitris otia bar.* *Eo postquam rumor allatus est  
terrae filios convenire, oppido cavemus ne sobriam  
solitudinem nostram solitas plebeia fuscaret: ubi pro  
solitas Carrio conjicit ebrietas, longe nimis a vulga-*

*tae scriptura. legendum clare, solalitas plebeia; ut  
opponatur solitudini.* Lucanus X, 134.

*stat contra fortior aetas*

*Vix ulla fuscaute tamen lanugine malas.*

Quomodo huic hirsutiae obviam ibant mangones disce  
ex Plinio Nat. Hist. XXX, 5. *Ne sint malae hir-  
sutae, formicarum ora pueris infricata praestant.  
item mangonibus, ut lanugo tardior sit pubescen-  
tium, sanguis e testiculis agnorum qui castrantur.*  
Recte vero *pulchrae formae* ut Via Domit. v. 15.

*Pulchrae supplicium timere formae.*

Suetonius Vita Persii poetae: *Fuit morum lenissimo-  
rum, verecundiae virginalis, formae pulchrae.* [v. 70.  
HAUD ULLO concussum. Ven. AUT Nullo. Scribe:  
*Leniter, ET Nullo concussum vulnere corpus.* EX  
ADD.] Vers. 74. pro *frangere SEXUM* omnes Domitii  
codices habebant SAXO: perperam. Nimirum in auri-  
bus Librarii qui primus corrumpit, tiniebat istud Vir-  
gilii Aen. I, 183.

*Et torrere parant flammis, et FRANGERE SAXO.*  
Parmensis quoque SAXO. Supra v. 70. pro *corpus*  
Rom. *torpens*: quod Domitius interpretatur satis ri-  
dicule. *Ista, nunc frangere sexum etc. pulcherrima  
sunt: nemo poetarum potuit melius.*

v. 83. *Hunc nova tergemina pectebat Gratia dex-  
tra*] Rom. et Venet. Editiones repetebat, probante  
Gronovio, Diatrib. c. XXXIV. recte. Ovidius Met.  
VI, 19.

*Sic rudem primos lanam glomerabat in orbes,  
Seu digitis subigebat opus; repetitaque longo  
Vellera molliabat nebulas aequantia tractu.*

Noster Thebaid. VI, 540.

*At tibi Maeonio fertur circumflua limbo*

*Pro meritis, Admete, chlamys, repetitaque multo  
Mucose.*

Ovidius Met. V, 473.

*Et repetita suis percussit pectora palmis.*

eleganter Idem Amor. III, 5. de tauro,

*Dum jacet et lente revocatās ruminat herbas,*

*Atque iterum pasto pascitur ante cibo:*

*revocatās ibi idem quod repetitās: quem locum imi-  
tatur Calpurnius Eclog. III, 17. de tauro:*

*gelidaque jacet spatiatūs in umbra,*

*Et matutinas revocat palearibus herbas.*

Probum quidem suo loco pectebat; sed hic multo ele-  
gantius et magis poeticum repetebat, vel propter  
ista tergemina dextra. Supra v. 81. pro *vertex solus*  
in omnibus Domitii codd. erat *solus victor*: unde il-  
le gloriatur se vulgatam fecisse *vertex solus*. Parmensis  
quoque *solus victor ad oras*. Bernartius no-  
tat in MS. fuisse *nunc crinis*: quod glossa seu ex-  
plicatio videtur *non vertex*. Veram puto Domitii e-  
mendationem *vertex solus*. certe magis figuratum et  
poeticum est *vertex* quam *crinis*: licet hoc malit  
Politianus Epist. VI, 1. forte ex scriptis.

v. 87. *humerosque modo nudare nitentes.*] Dan.  
Heinsius Crepundiis Silianis ad XV, 674. ex eo quod  
erat in editionibus *humerosque modo nudare nitentes*,  
transponit et legit *XODOQUE humeros nudare nitentes*.  
Sed non opus est: veram enim lectionem servant



Parm. Rom. et Venet. Editt. *humerosque MANU nudare.*  
ita Ecloga praecedente v. 126.

*sed media cecidere abrupta iuventa*

*Gaudia, florentesque manu scidit Atropos annos:*  
Silv. IV, 3.

*Hi siccant bibulas manu lacunas:*

Theb. IV, 189.

*Ipsa manu cunctanti injecerat arma*

*Atropos.*

III, 248.

*Ipsa manu Thebas correptaque moenia fundo*

*Excubiam, versasque solo super Inacha tecta*

*Effundam turres, ac stagna in coerulea vertam*

*Imbre superjecto:*

ubi displicet *versas et vertam*; lege, *stagna in coerulea mergam*, ut infra eodem libro v. 302.

*prius in patruū deus infra mergar*

*Stagna.*

XI, 628.

*occulle telum, nisi nata vetaret,*

*Quaerebat: sed cauta manu subdlexerat enses*  
*Antigone:*

*Gita legendum; vulgo, casta Antigone, epitheto huic loco alieno.* Claudianus de Bell. Getic. v. 274.

*Nunc instarc manu, toto nunc robore niti.*

*Communi pro puppe decet:*

ita legendum esse apparet ex praecedentibus et sequentibus: vulgo, *communi pro luce*, frigide. vide Iocum. *Niceam frontem* ut apud Sil. Italicum VII, 446.

*Ast alius nivea comebat fronte capillos:*

ubi tamen, nisi omnia me fallunt, scripsit Silius *niveo dente*. Supra v. 84.

*Huic et purpurei cedat coma saucia Nisi.*

Gronovius Diatr. c. XXXIV. „*Sauciam comam inter-*pretatur Domitius quae decerpta a filia erat. Sed „*saucia* nihil aliud est quam *purpurea, sanguinea, saucii colorem referens.*“ Hanc Gronovii explanationem merito rejicit Salmasius Epist. CVIII. cum ob alias rationes, tum quia si *saucia* accipiamus pro *purpurea*, erit *purpurea* coma Nisi *purpurei*. Ipse nihil statuit, sed aliam interpretationem quaerendam putat. Et quaerenti in promptu est: quippe *coma saucia purpurei Nisi* est *coma purpurea saucii Nisi*; qua Hypallage nihil frequentius omnibus poetis, et exempla dabimus ad Silv. IV, l. v. 45. *Coma purpurea*, ut Virgil. Geor. I, 405.

*Et pro purpureo poenas dat Scylla capillo.*

Hyginus Fab. 198. *Nisus Martis filius, sive ut alii dicunt Deionis filius, rex Megarensium, in capite crinem purpureum habuisse dicitur. unde purpureus senex dicitur Nostro Theb. I, 334. Pro cedat iterum Parm. cedet: mendose.*

v. 88. *Accurrunt teneri Paphia cum matre volucres.* Per *teneros volucres* intelligit Cupidines. sed mihi vix credibile est Statium dno Adjectiva sine Substantivo adhibuisse. Vide quibus rationibus inductus lego *pueri*, non *teneri volucres*. Ovidius Epist. ex Pont. III, 3.

*Haec ego visus eram puero dixisse volueri.*

Amor. II, 7.

*Per Venerem juro puerique volatilis arcus.*

i. e. *volucris.* Idem Metam. V, 364.

*videt hunc Erycina vagantem*

*Monte suo residens; natumque amplexa volucrum:*

Claudianus Epithal. Pallad. et Celer. v. 9.

*Pennati passim pueri, quo quemque vocavit*

*Umbra, jacent.*

Noster infra Eclog. V, 68.

*Nonne leves pueros, non te, Cytherea, pudebat*

*Hoc cessare decus?*

i. e. *pueros volucres.* Thebaid. IV, 794.

*Sic tener Odrysia Mavors nive, sic puer ales*

*Vertice Maenadio etc.*

Dudum, opinor, agnoscis *pueros volucres. ales puer* Horat. Carm. III, 12. pro *sagittis* vers. 90. Parm. *lacetis*: et pro *tunc*, cum. verior vulgata.

v. 94. *Nobile gemmato speculum portaverat AURO.* Modo dixerat, *Atque AURO gemmisque locant*; statim dicturus est, *ipsoque potentius AURO*; haec mendi suspicionem incutiant. Lego,

*Nobile gemmato speculum portaverat ORBE:*

*speculum nobile gemmato ORBE.* Martialis Epigr. IX, 18. de hac re:

*Hos tibi laudatos domino, sua vota, capillos*

*Ille tuus Latia misit ab urbe puer;*

*Addidit et nitidum sacratis crinibus ORBEM,*

*Quo felix facies iudice culla fuit:*

ita legit Heins. ad Ovid. Amor. I, 14. pro *tota* fuit. Vide plura ejusdem argumenti apud Martialem loco indicato. ORBIS *gemmatas* est *περικείμενα* speculi, *gemmis interstincta*. Senec. Nat. Qu. I, 17. et *mox proprius huic ministerio praeparatus est ORBIS*. de speculis. Mox, v. 98. pro *reclusit* recte Gronovius *seclusit*: *recludere* enim est *aperire*; quod sensui hujus loci contrarium est. Deinde pro *egregius*, aures poeticae exigunt *egregias*, ut Virgil. Aen. II. *geminas tendens ad sidera palmas.*

Supra, v. 97.

*Et vultus huc usque relinque.*

Barthius gloriatur neminem ante se vidisse legendum esse *huc usque*. Ego lippus video Statium scripsisse,

*Et vultus hos usque relinque:*

dicit Cupido: Speculum quoque una cum Comis demus: nec ullum munus gratius erit Aesculapio; immo gratius erit aurea pyxide, modo tu in illo figas aciem, et relinquo illic in perpetuum *hos vultus, TALES vultus*, talem formam qualem nunc habes. Elegantissime. Scriptum erat pro *hos*, *hoc*: unde fecerant *huc. Hos est tales*, ut Herc. Surrent. v. 140.

*hos nec Pisaens honores*

*Juppiter, aut Cirrhæ pater aspernetur opacae.* JHerc. Epitrap. v. 106.

*nec barbarus unquam*

*Annibal, aut sacri posset vox horrida Sullae*

*His celebrare modis:*

id est *tales honores, talibus modis.* Theb. III, 229.



*talis mihi, nate per Argos*

*Talis abi; sic ense madens, HAC nubilus ira:*  
ita legendum; vulgo AC nubilus. hac ira est tali ira.  
Epithal. Stellae, v. 162.

*Quonam hic usque sopor, vacuique modestia lecti?*

Venus Violantillam alloquitur: Quousque talis sopor, viduus et sine conjuge? ubi male conjectabam pudor pro sopor, non tunc percipiens significationem totū hic in isto loco. dele igitur PUDOR in ima pagina, et totam Notam p. 27. nisi si ob levem Lucani emendationem servari velis.

v. 103.

*Eat, oro, per annos*

*Iliacos Pyliosque* SIMUL.] Stultum nimis et puerile hoc votum tuum, O Earine; si enim aliquis eat per annos *Iliacos* seu aetatem Tithoni, quodnam opus ut SIMUL eat per annos Nestoris? voluisti, opinor, dicere, jungat aetatem Nestoris aetati Tithoni: ut apud Martialem Epigr. VIII, 2. in re simili,

*Terrarum Domino Deoque nostro*

*Promisit Pyliam quater senectam:*

*Adas, Jane pater, tuam rogamus.*

Sed hoc non est SIMUL ire per annos Pylios, sed POSTEA: eat primum per annos Tithoni. DEINDE vel POSTEA (non SIMUL) per annos Nestoris: si enim SIMUL eat, nihil annis Domitiani per hoc votum tuum addetur. Hoc modo optasti,

*eat, oro, per annos*

*Iliacos Pyliosque* SITUS,

i. e. *senectutem*: probo hoc ex Silv. I, 4. v. 125.

*Tu Troica dignus*

*Saeclia, et Euboici transcendere pulveris annos, NESTOREOSQUE SITUS:*

*Ilaec est res ipsa.* Virgilius Aen. VII, 440.

*Sed te victa SITU verique effoeta senectus:*

ad quae Servius: *Victa SITU senectus.*] *Temporis longinquitate, ex qua nascitur SITUS.* Huic locum imitatur Statius Silv. III, 3.

*Tu, seu tarda SITU, rebusque exhausta senectus*

*Erravit, seu etc.*

Thebaid. VII, 744.

*Sic ubi nubiferi montis latus aut nova ventis*

*Solcit hiems, aut victa SITU non pertulit aetas.*

ita legendum: vulgo, *nubiferum.* Seneca Oedipo v. 818.

*prima laeguescit senum*

*Memoria, longo lassa sublabens SITU.*

Ovidius Metam. VII, 283. de Aesone recocto,

*barba comaeque*

*Canitie posita nigrum rapere colorem:*

*Pulsa fugit macies, abeunt pallorque SITUSQUE.*

Et mox v. 302.

*Dumque refert inter meritorum maxima dentes*

*Aesonis esse SITUS.*

*Pylios dies* Ovidius Trist. V, 5. Virgilius Catalectis:

*Carmina, quae Pylium, saeculis accepta futuris,*

*Carmina, quae Pylium vincere digna senem;*

quis ferre potest *Pylium* et *Pylium senem*? lege,

*Carmina quae Phrygium, saeculis accepta futuris:*

*Phrygius senex* seu *Priamus*, et *Pylius*, saepissime conjunguntur, ut in loco Statii jam citando, et passim his Silvis, et alibi. *Pyliae senectae* noster Theb. V, 751.

*Pyliae nec fata senectae*

*Maluerit, Phrygiis aut degere longius annis:*

ad quae Lutatius vetus Scholiastes: *Pylius senex, jam annos Nestoris dicit; lege, Pyliam senectam annos Nestoris dicit.* Pari modo depravatus forte Ovidii locus Metam. IX, 253.

*aeternum est a me quod traxit, et expers*

*Atque immune NECIS, nullique domabile flammæ:*

ubi pro NECIS codex habet SIMUL, notante Heinsio, qui conjicit, *Atque immune SITUS*: bene. verborum *situs* Seneca Epist. LVIII. *veterem aetatem* verborum vocat Horatius Art. Poet. Est vero SITUS proprie *lanugo quaedam ex humore procreata*, ut ait Servius ad Virg. Aen. VI, 462. pro aetate simpliciter eam usurpat Serenus Sammonicus lib. de Medicina, cap. XXXVI.

*Praeterea quascunque voles avertere setas,*

*Atque in perpetuum redicivā occludere iellā,*

*Corporibus vulsis saniem perducito ranae,*

*Sed quae parva SITU est, et rauco garrula questu.*

De Nestoris *situ* seu aetate insignis est Propertii locus Eleg. II, 10. insigniter depravatus. loquitur poeta de incommodis longae vitae, et quanto melius Nestori fuisset si communem et usitatum vivendi terminum non excessisset:

*Nam quo tam dubiae servetur spiritus horae?*

*Nestoris est visus post tria saecula cinis.*

*Quis tam longaevae meminisset fata senectae*

*Gallicus Iliacis miles in aggeribus?*

*Non ille Antiochi vidisset corpus humati:*

*Diceret aut, O Mors, cur mihi sera venis?*

Ita ediderunt Scaliger et Broukhusius. et piget sane referre eorum explicationes falsas, cum adeo in propinquo sit veritas:

*Nestoris est visus post tria saecula cinis;*

*Qui si tam longae minuisset fata senectae*

*Gallicus Iliacis miles in aggeribus,*

*Non ille Antiochi vidisset corpus humati.*

explicatione non eget locus jam facillimus. Simile est istud Vell. Patreculi II, 48. de Pompeio; QUI SI ante biennium quam ad arma itum est, gravissima tentatus valetudine decessisset in Campania, defuisset *Fortunae destruendi* (f. *destituendi*) *ejus locus*; et quam apud superos habuerat magnitudinem, inibatam detulisset ad inferos. Et end. lib. c. VII. de Gracchis: QUI SI civilem dignitatis concupissent modum, quicquid tumultuando adipisci gestierunt, quietis obtulisset *respublica*. restat scrupulus quare Nestor vocatur *Gallicus miles*. Audi Scaligerum: „*Gallicus* „*miles* proverbialiter dicitur *temerarius*. Quibus, „inquit, potuisset Nestor narrare vitam suam longam, ut facit apud Homerum, si *Gallicus miles*, et



„non prudens fuisset? nam nota prudentia est Nestoris.“ Quisquis es qui hac explicatione contentus fueris, jam hinc te moneo quam primum poetās veteres abjicias; nunquam enim intelliges. Melius aliquanto Broukhusius: „*Gallieus miles* dicitur Nestor, quia tendebat juxta Phrygiae fluvium Gallum.“ Sed et haec interpretatio hoc incommodi habet, quod bis τὸ αὐτὸ dicit; et idem est ac si diceret, *Iliacus miles in Iliacis aggeribus*: ne omnia referam quae illi obijci possint. Conjicio,

*Qui si tam longae minuisset fata senectas*

*Saucius Iliacis miles in aggeribus,*

*Non ille Antilochi etc.*

Si vitam, inquit, finisset eo tempore quo vulneratus erat pugnans ad Trojam, non vidisset funus Antilochi. Haudio hoc ex sensu, et simili loco lib. I, 21.:

*MILES ab Etruscis SAUCIUS AGGERIBUS.*

Possem tibi dicere parum differentiae esse in scriptura vocum *Saucius* et *Gallieus* in minuto caractere; sed satis haec.

## E C L O G. V.

[AD CLAUDIAM UXOREM.] Parmensis addit, UT SECUM NEAPOLIN SECEDAT. Iterum ex Praefat. *summa est Ecloga, qua mecum SECEDERE NEAPOLIN Claudiam meam exhortor.*

v. 7. *Quattuor emeritis per bella, per aequora lustris.*] Ita Editiones: et forte defendi potest. mihi tamen verius videtur, *Quattuor emensis per bella*: certe multo usitatius est. Ovidius Met. XV, 226.

*et, emeritis medii quoque temporis annis,*

*Labitur occiduae per iter declive senectae;*

ubi in tribus exemplaribus Heinsius invenit *emensis*; quod illi placuit: et ita edit Burmannus. Eodem libro v. 186.

*Cernis et emensas in lucem tendere noctes:*

quo tamen loco major est diversitas: viginti enim circiter libri habent *emeritas*, octo *immensas*: ut difficile sit aliquid certi statuere. Heinsio placuit *emensas*, et ita edidit; non probante Cl. Burmanno, qui videtur maluisse *emeritas*. Videamus igitur an aliis exemplis rem conficere possimus. Virgilius Georg. I, 449. de sole:

*Hoc etiam emenso cum jam decedet Olympo*

*Profuerit magis.*

Claudianus Laud. Serenae v. 26. de Ulixe:

*Terrae pelagique labores,*

*Et totidem saevi bellis quot fluctibus anni*

*Conjugii docuere fidem:*

ubi anni SAEVI bellis frigidum est, et longe infra Claudianum: dixisse debuit anni EXACTI vel EXHAUSTI bellis. ex syllabis em saevi lego,

*Et totidem emensi bellis quot fluctibus anni.*

Sil. Italicus III, 397. de Arganthonio:

*Rex proavis fuit humani dilissimus aevi,*

*Ter denos decies annos belliger annos.*

Tibullus III, 4.

*Jam nox aetherium nigris emensa quadrigis*

*Mundum, caeruleas lacerat anne rotas.*

Claudianus IV. Cons. Honor. v. 372.

*ne dum decimas emensus aristas*

*Aggrederis metuenta viris.*

licet tribus his exemplis active, non passive sumatur vix: ut et hoc Sabini Epist. I. v. 95. Ulixis Penelopae:

*Et terra et pelago, quicquid mihi triste cane-*  
*bat,*

*Emensus, falo jam meliore vapor.*

Alcimus Avitus IV, 585.

*Integer emensus vertebat circinus annum.*

Manilius IV, 51. de Pompeio:

*Post victas Mithridatis opes, pelagusque recep-*  
*tum,*

*Et tres emenso meritos ex orbe triumphos.*

Sed nimius sum.

v. 9. *Non intertextas commenta retexere telas.*]

Ita omnes editiones, vetustissimis exceptis: perperam: quippe deest aliquid cui *intertextae* sint hae telae, auro puta vel argento, vel tale quidpiam: τὸ *intertextas* enim duas res postulat: nec potes dicere *tela intertextitur*, sensu salvo, nisi simul dicas rem cui intertextatur tela. Et vide quam facile sit Criticum agere, et quam multis conjecturis pateat hic locus. Potes enim legere,

*Non imperfectas commenta retexere telas,*

ex Claudiano de Rapt. Pros. I, 269. in re simili:

*Sensit adesse Deas, imperfectumque laborem*  
*Deserit.*

potes quoque *interceptas*, ex eodem, lib. II, 156. et ibi quoque in re simili:

*Atque interceptas agnoscit pectinis artes.*

potes etiam *impertextas* telas, non *pertextas*, non ad finem perductas: et hoc Barthio placuit. potes adhuc *intercisas*: ut Theb. II, 184. *lux intercisa*:

*Non fugeret diras lux intercisa Mycenae:*

ne quidquam dicam de τῷ Beroaldi *interfectas*. Sed bene quod nulla harum egemus: quippe Parmensis et Romana Edit. clare habent,

*Non intersectas commenta retexere telas:*

*non commenta retexere intersectas telas, sed etc. retexere* hoc loco est iterum texere, ut Ovidio Met. X, 31.

*Eurydices, oro, properata retexite fila:*

ubi Heinsius memoriae lapsu hunc Statii locum de *Parcis* interpretatur. *retexere intersectas telas* est iterum nere, redordiri telas quas noctu intersectasset. Elegantissime Propertius II, 7. de Penelope;

*Conjugium falsa poterat differre Minerva,*



*Nocturno solvens texta diurna dolo.*

Telam hauc fallacem vocat Sil. Italicus II, 181. *tar-*  
*dam* Sidon. Apollinaris Carm. XV, 160. *mendacem*  
Sabinus Epist. I, v. 63. Si *to retere* sumas pro  
*dissolvere*, *ἀρῶν*, omnino legendum est *imperf-*  
*etas* pro *insertas*: sed vetustissimarum lectioni  
tutius est adhaerere. Atque hinc de misera Statii in  
his Silvis sorte aestimationem facere potes. quippe ex  
quatuor vel quinque vocibus, quarum quaevis si ex  
conjectura Librarii Contextui inserta fuisset, ferri  
posset; sola locum obtinuit pessima, et nullo modo  
toleranda. Vers. 11. pro *alia fronte* Parm. *alta*. et  
pro *vultu* Rom. *vultus*: bene; ut *mitis vultus* Herc.  
Epitrap. v. 55. ubi intelligitur *quoad*; ut et Eucha-  
rist. v. 41.

*Tranquillum vultus et majestate serena,*

*Mulcentem radios.*

ubi pariter erat *vultu*, sed.

v. 10. *thalamosque armata negasses.*] Non  
video quem locum hic habere potest vox *armata*; ni-  
si virtutis adeo Amazonicae fuerit Claudia ut ad de-  
pellendos procos *arma* sumeret: certe hoc non vo-  
luit Statius. lege *orbata*: etiamsi marito *orbata* et  
desolata esses, tamen tantae es fidei et probitatis, ut  
nullos procos, nullas novas condiciones admitteres. Bene  
vero *orbata*, ut apud Claudian. de Bello Gildon.

*Orbatas jubet ire nurus, nuperque peremptis*

*Arridere viris.*

Noster Glauc. Mellior. v. 8.

*citius me tigris abactis*

*Foetibus, orbataeque velint audire laenae:*

ubi vide quae notari. Est autem Graecae elegantiae  
quod verbum *nego* Dativum casum post se trahit. No-  
ster Silv. III, 1.

*Præcipuus sed enim labor est excindere dex-*  
*tra*

*Oppositas rupes, et saxa negantia ferro,*

id est *non admittentia* ferrum. sic Theb. IV, 124.  
*Cereri negat Dyme*; id est *infocunda est frugibus*,  
ut bene Scholiastes. Theb. III, 69.

*jamque ut mihi prodiga vitae*

*Pectora et extremam nihil horrescentia sortem*  
*Aspicias, bellum infandum, ominibusque ne-*  
*gantem*

*Movisti, funeste, aciem:*

ita legendum; vulgo, *extremam mortem et ominibus*  
*negatam*. IV, 457.

*jam tum pavidis maculosa bidentum*

*Corda negant, diraque nefas minitantiæ vena:*  
ita etiam passim apud hunc et alios: vide ad Herc.  
Surr. v. 123. Lege igitur,

*thalamisque orbata negasses:*

non admitteres novas nuptias.

[v. 16. *clamosi turba theatri*. Suspicio Statium  
scripsisse *cura theatri*: ex Propertio II, 13.

*Tot jam abire dies, quum me nec cura theatri*

*Nec tetigit Campi; nec mea Musa juvat.*

Vide ad II, 2. v. 70. ubi hae voces commutantur.  
Ex ADD.]

v. 22. HAEC MENS tua nempe benigna

*Quam mihi sorte Venus junctam florentibus*  
*annis*

Servat et in senium] Haec est Editionum plera-  
rumque lectio et distinctio, sine sensu aut exitu.  
Gronovius vero Reliq. ad Silv. monet se in membra-  
nis Salisburg. invenisse AT ENIM tua: in MS. Rhod.  
et Edit. Venet. ETENIM tua: et ita ego in Edit.  
Parmensi: Romana enim, EST MENS tua: quam lectio-  
nem a mala manu Domitii esse opinor, et inde in  
sequentes editiones propagatam, mutata voce EST in  
HAEC. Omnino verum est ETENIM tua etc. cum in-  
terpunctione quam in Contextu meo habes; sine qua  
nullus esset sensus. Politianus quoque Epist. VI, I.  
si verba ejus recte capio, legit ETENIM tua, non EST  
MENS tua. Pro sorte nonnullae Editiones, et inter  
eas Parmensis, habent forte: perperam. sors pro-  
prium in hac re verbum: vide quae dixi ad Epithal.  
Stell. v. 32. Deinde, SERVAT et in senium: ita Parm.  
Rom. et Venet. non SERVET. sed SERVET verius est  
et elegantius: certe enim tenerioris est affectus optare  
ut Venus istud conjugium servaret in senium utrius-  
que, quam narrare tantum hoc ita esse: praesertim  
cum ista narratio non adeo vera sit; quippe Statius  
non erat senex quando haec scripsit. prout discere  
possis si inspicias Cl. Dodwelli Annal. Stavian. cap.  
XLVII. Alibi quidem dicit, Nos fortior aetas jam  
fugit: et alibi, Nos facta aliena canendo vergimur  
in senium. sed non in senium servatus fuit qui ver-  
git in senium tantum. Et quod summum est, proba-  
bile admodum est Statium non excessisse tricesimum  
seximum vitae annum: quomodo igitur dicere potuit  
Venerem illum servare in senium? Fallatur igitur  
necesse est summus Gronovius, qui Diatr. c. XXXV.  
praefert SERVAT, et Statium jam senem facit ex eo  
quod vers. 12. dixerat,

*Anne quod Euboicos fessum remcare penates*

*Auguror, et patria senium componere terra?*

Atqui Statius non isti dicit se JAM compositurum esse  
senium patria terra, sed *auguratur* se OLIM factu-  
rum esse. aliter si sumas, ineptum erit istud *Augu-*  
*ror*: non enim de praesentibus, sed futuris solemus  
*augurari*. Recte igitur SERVET, ut sit optantis. et  
ita postea edidit Gronovius. Gevartius et Isaacus  
Pontanus hunc locum infelicitate tentarunt, ut necesse  
erat nescientibus antiquam et veram lectionem ET  
ENIM pro HAEC MENS.

v. 28.

*ter me vidisti Albana ferentem*

*Dona comes.*] N. Heinsius Not. ad Claudian. in

Rufin. I, 37. haec habet; „Apud Statium Silv. libro  
III. ad uxorem;”

*ter me victrici Albana ferentem*

*Serta coma, sanctoque indutum Caesaris auro*

*Visceribus complexa tuis.*

„quomodo restituendus ille locus. vulgo scribitur,  
„ter me vidisti Albana ferentem sarta coma. in aliis  
„codicibus est nitidis comes. sed victrici coma Sta-  
„tium scripsisse sum certus.“ Huic Heinsii conjectu-  
rae favet Noster Epiced. Patr. v. 141.

*Cum toties lassata, tamen nusquam avia fron-*  
*des*



*Abstulit, aut alium tetigit Victoria crinem:*  
et plura hujusmodi colligi possent. Sed prima Editio Parmensis habet *nitidas comas*: Romana *nitidis comis*. quae cum MSS. sint lectiones, nec absurdi aliquid aut falsi in se habeant, non audeo mutare. *nitidae comae* satis usitata locutio. Ovidius Fastor. III, 2.

*Mars ades, et nitidas casside solve comas.*  
et Heroïd. XXI, 166.

*Spissaque de nitidis tergit amoma comis.*  
Tibullus I, 8. v. 51.

*Illius e nitido stillent unguenta capillo.*  
Jlkeratius Epist. I, 14.

*Quem tenuis decuere togae, nitidique capilli.*  
Et ita passim poëtae, ne omnia exempla corradam. Retineo igitur,

*ter me nitidis Albana ferentem*  
*Dona comis, sanctoque indutum Caesaris auro*  
*Visceribus complexa tuis; sertisque dedisti*  
*Oscula anhelis meis.*

Quicumque primus mutavit *nitidis* in *vidisti*, non intellexit, opinor, verbum substantivum subaudiri *complexa* ES; cui respondet *dedisti*. Scio quidem *nitidas comas* plerumque significare *unguento delibatas*: sed non semper ita esse evincit primus ex Ovidio citatus locus. Faveo quidem conjecturae Heinsianae, et vulgata elegantiore puto: sed non audeo in Contextum recipere. Quod vero pro *dona* citat *serta*, labili memoriae imputo.

v. 34. *totasque in murmure noctes*  
*Auræ rapis vigili.* Idem Vir magnus ad Claudian. in Rufin. I, 152. legit *motasque in murmura voces*. Verissime. alterum absurdum est. qui enim est *raperè noctes aure*? „Sciols aliquis, inquit, Heinsius, qui ignorabat *aurem vigilem* poëtis pro „*attenta* frequenter poni, illic loci refluxit, *totasque in carmine noctes*; quomodo nunc legitur: quasi „*Stattius totis noctibus aliud nihil egisset.*“ Iterum mala memoria viro eximio imponit: non enim vulgo legitur, *totasque in CARMINE noctes*, sed in MURMURE; quod omnes quas ego vidi editiones habent. Sed hoc nihil est. Similiter depravatum locum restitui supra, Glauciâ Melior. v. 104.

*Tu tamen et MOTAS etiam tum in MURMURA VOCES,*

*Vagitantque rudem, fletumque infantis amabas.*  
ubi ante erat, *MUTAS etiam tum MURMURE* voces: quod miror effugisse Heinsium, vel ab eo ferri potuisse; ita enim citantem video ad dictum Claudiani locum; quem omnino adeas; ibi enim multa invenies hunc Statii locum illustrantia: et ego aliquid dixi ad locum Glaucae: cui addas licet hoc Auctor. Consol. ad Liviam v. 307.

*Te moriens per verba novissima questus abesse;*  
*Et MOTA-IN NOMEN frigida lingua tuum est.*  
Sabinus Epist. II, v. 37.

*Saepe abitura tuo ponentem brachia collo,*  
*Gavissum in FLUCTUS aequora MOTA truces.*  
Propertius I, 10.

*Quum te complexa morientem, Calle, puellâ*

*Vidimus in longam DUCERE verba MORAM:*  
ita omnino legendum, vel *longas moras*; non, ut edidit Broukhusius, et *longa ducere verba mora*: quod prae altero inficetum puto. Nox vero et vox in libris saepe commutantur: ita Sil. Ital. VIII, 210.

*Anxia ducebat vigili suspiria voce,*  
Heinsius maluit *nocte*; quod verum videtur. vide Cl. Drakenborch. ad locum. Val. Flaccus II, 216. ubi narraturus est scelus Lemniadum:

*Unde ego tot scelerum facies, tot fata jacentum*

*Exsequar? heu vatem monstris quibus intulit ordo?*

*Quae se aperit series! o qui me vera canentem*  
*Sistat, et hac nostras exsolvat imagine voces!*  
ita omnino legendum; vulgo *noctes*. quis, inquit Flaccus, *exsolvat nostras voces* hac imagine, id est, excusabit me a necessitate narrandi hoc crudele facinus, *liberabit vocem meam ab hac descriptione*. Nihil certius. Supra, v. 32. pro *sacrum* et *dolebas* Parm. *facrum* et *dolores*: Rom. *scacrum*.

v. 37. *Qualem te nuper Stygias MODO raptus ad undas.* Quid est hoc, *NUPER MODO raptus*? nonne *NUPER* et *MODO* idem sunt? supra Lacrim. Etrusc. v. 170.

*Quae MODO Marcomanos post horrida bella, vagosque*  
*Sauromatas Latio non est dignata triumpho.*  
Et mox, v. 183.

*MODO numina magni*  
*Praesidis, atque breves Superum pacavimus iras.*  
id est, *NUPER pacavimus*. Sed pudet hoc probare velle. Bene notat Bernartius veterem codicem pro *MODO* habere *PROPE*:

*Qualem te nuper Stygias PROPE raptus ad undas:*  
quod verissimum est. Horatius III, 8.

*Foveram dulces epulas, et album*  
*Libero caprum, PROPE funeratus*  
*Arboris iclu.*

Jv. 39. *tenuique oculos jam morte cadentes.*  
Usitatius est, *oculos morte natantes* quam *cadentes*: Auctor Consolat. ad Liv. Aug. v. 92.

*Et tennit vultu lumina fixa tuo,*  
*Lumina coerulea jam jamque natantia morte.*  
Ovidius Metam. V, 70.

*at ille*  
*Jam moriens, oculis sub nocte natantibus atra*  
*Circumspectit Athin:*  
Noster Theb. II, 638.

*ille oculos etiamnum luce natantes*

*Sistit:*  
ubi forte scripsit *extrema luce natantes*, i. e. *morte*; ut *parva luce natantes* apud Sil. Italicum II, 122.

*Membra levat parvaque oculos jam luce natantes*

*Irrorat lacrimis:*  
Et sane oculi *luce natantes* sine ullo epitheto vix mortem denotant. Noster Theb. XI, 557.

*Cerno graves oculos atque oru natantia leto:*



alibi Theb. VIII, 757. vocat *lumina dubitantia figi*, id est *natantia*, et *trahi oculos*, de re eadem Theb. VIII, ad finem. Plura e poetis possem afferre, nisi sanam putarem vulgatam lectionem. Virgilius Aen. XI, 818.

*Labitur exsanguis, labuntur frigida leto*  
Lumina:

Ovidius Trist. III, 3.

Labentes oculos condet amica manus:

ita pro *larguentes* ex MSS. edidit Heinsius, qui hunc Statii locum adducit: eum vide. Seneca Epist. VIII. oculos *vigilia fatigatos* cadentesque. Lucanus II, 25.

*Vultusque exanimis* oculosque in morte jacentes: ubi tamen debito an non scripserit Lucanus *cadentes*. Haec igitur adnoto ne quis diligentiam meam desideret, aut putet se veram lectionem invenisse, his et aliis poetarum locis inductus. Ob hanc rationem porro moneo versum proximum,

*Scilicet exhausti Lachesis mihi tempora fati*  
mihi sanum videri: argutari enim potes *exacto filo*, ut Silv. V, I. *exacti superest pars ultima fili*: vel *exhaustae tempora vitae*; quae pbrasis saepe numerum apud poetas occurrit. Sed *tempora fati* praestat Val. Flaccus III, 379.

*Sortitusque breves, et parvi tempora fati*  
Perpetimur.

Vers. 43. pro *optatos sinus* quanto melius (inquit Bernartius) scriptus, *optandos*? Non melius, sed pejus. verum est *optatos sinus*, ut *optata conjux*, non *optanda*, Epithal. Stellae: et *petita conjux*, ibidem, non *petenda*.

[v. 45. *Qua veteres Latias Graiasque Heroïdas aequas*. Suspectus mendii versus propter tot voces in *as* exenutes, quae vitiosum ac ingratum sonant, ut bene notat Heinsius ad Ovid. Trist. V, 5. v. 43. Unde, inquit, Statius reliquisse possit videri,

*Qua veteris Latii, Graiisque Heroïsin aequa es*: Satis caute agit vir magnus. Singula videamus. Probum est *Veteres Heroïdas*, ut Pietat. Abasc. v. 255. et Ovid. Art. Am. 713. *Veteres Heroïdas aequas* est ex Ovidio Amor. II, 4. v. 33.

*Tu, quia tam longa es, veteres Heroïdas aequas.*

Nihil igitur in his vocibus innovandum, cum satis clara sit Ovidii imitatio. De ceteris, mihi videtur legendum,

*Qua veteres Latias, Graiûmque Heroïdas aequas.*

*Graiûm Heroïdas* ut *Graiûm murus Achilles* Ovid. Met. XIII, 282. *Graiûm poetae* Lucretius II, 600. *Latias Graiûmque Heroïdas* pro *Graias*, ut Noster Theb. X, 838.

*exhaustis olim Graiûmque suisque*

*Missilibus,*

pro *Graïis*: et similia passim. Sic *puellas Libyae* pro *Libycais*, Herc. Epitrap. v. 105. Jam vero tres voces in *as* desinentes ferri possunt, ex his exemplis. Propemp. Met. Celer. v. 120.

*Actias Ausoniae fugit Cleopatra catenas.*

Propertius II, 2.

*Aut quum Munichias Pallas spatiatum ad aras:*  
ita omnino legendum puto pro *Dulichias*. Auctor Consolat. ad Liv. Aug. v. 419.

*Vix etiam fueras paucas vitalis in horas.*

et plura talia inveniri possunt. Insignis hujusmodi terminatio per quinque voces continuas, in Epigrammate Antipatri, citato ab Heins. ad Amor. II, 18. v. 26. de Sapphone:

*τὴν μετὰ Μοῦσαν*

*Ἀθανάτῃ ἑταίρῃ Μοῦσῃ ἀκούειν.*

sed ibi omnino scribendum, *τὴν μετὰ Μοῦσας Ἀθανάτας*, ex sensu. EX ADD.]

v. 49. *Et quanquam saevi fecerunt Maenadae planctus.* Hic est unus ex locis de quibus in Praefat. questus sum; adeo immaniter, si quid video, depravatus, ut sine Codicis alicujus vel variantis Lectionis adminiculo impossibile sit eum in sanitatem asserere. Loquitur Statius de fidis uxoris, et quae conjuges suos per omnes casus comitari vellent: Aegiale, inquit, *questa est relinqui*, mallet. comitari maritum suum Diomedem ad bellum Trojanum: et ita Meliboea Philoctetem: et *planctus, quanquam saevi, fecerunt Maenadae*. *Quam fecerunt Maenadae?* et *quare?* et *quomodo?* et *quando?* Et si haec omnia probaveris, quanam connexio inter hunc et praecedentem versum? quid enim *Maenas* aliqua Bacchi furiosa cum *Uxoribus* Aegiale et Meliboea? quare tam emphatice *planctus* *QUANQUAM saevi*? quasi haec, quaecunque sit, de qua sermo est, *magis Maenas* facta fuisset, si *planctus ejus minus saevi* fuissent. Sed tempus est audire Gronovium Diatr. c. XXXV.

ubi post citatos duos hos versus, ita loquitur: „Varie posteriorem versum terserunt interpretes. Ge-  
„vartius disjungit τὸ *quanquam*: *Et quam quam saevi*: uti et Domitius, quando notat inusitate τὸ *quam*,  
„cum positivo junctum: frequentibus addi particulam  
„per, ut sit *perquam saevi*. Quem merilo reprehendi-  
„dit ille, quod haec ad Laodamiam referat. Cruceus  
„supponit: *Et quam tam saevi*. Nugae. Vera est  
„vulgata, et ita explicanda: Aegiale relinqui se que-  
„sta est: *questa est etiam Meliboea*: et *planctus*  
„ob desertionem, *quanquam tristes saevique* (quia  
„illa impia, immerita, iniqua; non quales istae quas  
„caussa publica et dignitas Graeciae decusque regum  
„imperabat, juncta spe redditus) *fecerunt Maenada* ali-  
„quam, nempe Ariadnen. Inter *planctus* et lugubrem  
„ejulatum deprehensa a Libero patre Cnossis *Maenas*  
„facta est, hoc est, in comitatum et torum Liberi  
„adscita. Hoc evenit inter istiusmodi flebiles ritus et  
„doloris insaniam: ideo *planctus id fecisse* dicuntur,  
„more familiarissimo poetis fingendi *ἄλλοι τὸ μὴ αἰ-  
„τιον*.“ Hucusque Gronovius: et defendit hanc ex-  
„plicationem Elench. Antidiatr. c. V. ubi dicit de nul-  
„la alia quam de Ariadne Statium capi posse. Nescio  
„quomodo tecum agatur, Lector; ego quidem uihilo  
„magis adhuc video quo sensu haec connecti possint.  
„quid enim si Ariadne *inter planctus* recepta fuerit  
„in torum et comitatum Bacchi? quid hoc ad exem-  
„pla uxorum quae conjuges amarunt, et pro illis et  
„cum illis quidvis perpeti paratae fuerunt; de talibus



enim agit Statius; non ex Fabulis, sed Historia. Mitto quod Ariadne non dici potuit *facta esse Maenas* ex eo quod in *torum* Bacchi (illud enim vir doctus addendo, et *comitatum*) recepta fuit: alia enim res est *Maenas*. Sed ut compendii faciam, (multo enim plura contra hanc interpretationem adferri possunt) corruptissimus est locus, et forte mutilus: supra enim v. 45. dixit,

*Qua veteres LATIAS GRAIASQUE Heroïdas aequas:*

et de GRAIIS tribus exemplis absolvit: aequum erat ut uno saltem LATIAS demereretur. Utinque sit, si ne dubio scripsit *Et QUAM: Aegiale, Meliboea, et illa QUAM* etc. ut Capill. Ear. *cedat coma saucia Nisi Et QUAM Sperchio tumidus servabat Achilles:* et ita passim: sed ultra non possum. Editiones Vetusstae nihil mutant hoc loco: nisi quod pro *saevi Rom. scaevi*. [*Et QUAMQUAM saevi FECERUNT MAENADA planctus*. Diu suspicatus eram partem hujus versus formatam esse ex Seneca Herc. Oct. v. 1886.

FERIANTQUE graves MAENALA PLANCTUS. Obstupui cum in Venet. pro MAENADA inveni plane MENALA: unde primum fuit facere,

*questa est Meliboea relinqui,*

*Et cujus saevi FERIERUNT MAENALA planctus: Aegiale, [Meliboe, et illa cujus planctus ferierunt Maenala. Quenam fuerit haec Heroïis Arcadica memoriae non nunc occurrit, nec vacat disquirere: non tamen dubito quin aliqua sit cujus maritus ad bellum Trojanum profectus est. Vers. 51. pro natae Ven. note: et mox Nota pro Nata. EX ADD.] Vers. 50. pro firmam Parm. sciam: et pro Reddere, Dedere. v. 52.*

*sic exequias amplexa canori Conjugis, ingentes iterasti pectore planctus, Jam mea.]* Ita distincti: male τέλει στήνῃ in Vulgatis ponitur post planctus, et sententia nova orditur ab istis: *Jam mea, nec pietas* etc. qua re oppositionis elegantia perditur. Nemo vero mutet vocem *exequias* in *reliquias*, utcumque adblandiatur. *exequias amplecti* est idem quod alibi vocat *colere exequias*, Pietat. Abasc. v. 39.

*lectique arcana ministri*

*Hinc etiam documenta capit, quod diligis umbram*

*Et COLIS EXEQUIAS.* funus amare Theb. XII, 193. de Argia, Polynicis uxore:

*his anxia mentem*

*Aegrescit curis, et, qui castissimus ardor, FUNUS ANAT.*

Herc. Epitrap. v. 94. de Vindice colente amicum suum Vestinum, etiam post mortem:

*scit adhuc, florente sub aëro*

*Par magnis Vestinus avis; quem nocte dieque Spirat, et in carae vivit COMPLEXIBUS UMBRAE.* Similis hujus vocis significatio apud Eutropium lib. VII. de Vitellio: *Hic cum Neroni similis esse vellet, atque id adeo prae se ferret, ut etiam EXEQUIAS Neronis, quae humiliter SEPULTAE fuerant, honoraret, a Vespasiani ducibus occisus est.* Et ita lo-

quitur lib. IX. de Gordiano: *miles ei tumultum XX. milliario a Circesso, quod castrum nunc Romanorum est Euphrati imminens, aedificavit; EXEQUIAS Romanam recevit; ipsum Divum appellavit.* Quibus in locis Tan. Faber, nova vocis notione offensus, utrobique errorem esse arbitratur, et pro *exequias* repone vult *reliquias*; quae, inquit, sunt ossa seu cineres; at *exequiae* longe aliud; neque ita loqui mos est. Atqui Statius ita loquitur, *Et colis EXEQUIAS*: ubi nihil mutari patitur versus. immo ipse Eutropius pariter loquitur lib. VII. ad fin. de Domitiano: *FUNUS ejus cum ingenti dedecore per vespillones exportatum, et ignobiliter est SEPULTUM.* Eodem sensu vocem *funus* usurpat Ausonius Epitaph. de Priamo: nempe pro *corpore defuncti*. *Bustum* vocat Noster Theb. XII, 248. *egena sepulcri BUSTA.* Nihil igitur aut in Eutropio aut Statio mutandum. Sequitur,

*ingentes ITERASTI pectore planctus.*

Ante dixit *QUAERIS* et *ADHUC*; infra, *AMAS* et *TENES*, in praesenti tempore: quare igitur *ITERASTI*? mitto quod parum Latine dictum videtur *iterasti pectore*. Lege,

*ingentes ITERAS DE pectore planctus*

*Jam mea.*

adhuc, jam mea, tamen fidem servas memoriae prioris mariti, et quando ille in mentem venit *repetis* planctus, non fictos, sed ex animo, *de pectore*: ut Surrent. Poll. v. 143.

*Vivite securi! quorum DE PECTORE mixtae In longum colere facces.*

Herc. Epitrap. v. 55.

*Sic milis vultus veluti DE PECTORE gaudens Hortetur mensas.*

*Id de pectore gaudens, non simulato, sed vero et ex imo corde gaudio.* Eleganter vero vers. 52. *QUAERIS adhuc: quaerere* enim dicimur defunctos quorum desiderio tenemur. Noster Theb. XI, 263.

*Ecce aderat, luctu dicturusque omnia belli*

*Libertate, Creon: urit fera curda Menoeceus:*

*Nulla patri requies: illum QUAEIRITQUE tenetque:*

Menoeceus enim Creontis filius seipsum occiderat. Martialis X, 71. de Rabirio qui parentes composuerat:

*Hos tamen ut primis raptos sibi QUAEIRIT in annis.*

*Improbis nihil his fletibus esse potest.*

Distinguit Plinius Epist. VI, 2. *Solco nonnunquam in judiciis QUAERERE M. Regulum; noto enim dicere DESIDERARE. Cur ergo QUAERO? Habebat studiis honorem, timebat, pallesbat, scribebat.*

v. 56. *NATA tuo.]* Totus locus sic habet:

*Nec pietas alia est tibi curaque NATAE:*

*Sic ut mater amas, sic nunquam corde recedit NATA tuo.*

Sed quis ferre potest hanc barbaram positionem vocum NATAE et NATAE? Conjectio,

*sic nunquam corde recedit*

*ILLA tuo.*



τὸ NATA videtur esse explicatio marginalis τοῦ ILLA, in Contextum, ut saepe fit, postea admissum. nisi sub voce *Nata* lateat proprium nomen hujus puellae, *Caia*, vel tale quidpiam. sed hoc incertissimum est: certius illud, hanc *nata*m non esse ipsius *Claudia*e filiam, sed filiam prioris mariti *Claudia*e ex prior uxore: adeo ut *Claudia Noverca* tantum huic puellae fuerit. Cum igitur *Statius* dicit, *Nec pietas alia est tibi curaque NATAE*, intellige *natae* ILLIUS, seu prioris mariti, de quo loquebatur verbis praecedentibus. patet hoc ex istis, *Sic ut MATER amas*; quidnam enim eximium esset si *Claudia* amaret suam filiam UT MATER? nonne omnes matres hoc faciunt? Sed dicit *Statius*, Tu, licet *Noverca* tantum, amas filiam prioris mariti UT MATER, quasi MATER esses, non NOVERCA. ita *Plinius* Epist. IV, 19. *Cum sis pietatis exemplum, fratremque optimum et amantissimum tui pari caritate dilexeris*, filiamque ejus UT TUAM diligas, etc. Clarius hoc apparebit ex Nota subsequente: et notandum erat, quia a nemine adhuc observatum aut intellectum. Pro ut *Parm.* et *Rom.* et.

v. 57. non sic *Trachinia* nidos  
*Alcyone* VEROS etc.] Quinam hi *VERNI* *Halcyones* nidi? *Plinius* N. H. X, 32. de *halcyonibus*: faciunt autem septem ante brumam diebus nidos, et totidem sequentibus pariunt. *Ovidius* Met. XI, 745. de iisdem:

*Perque dies placidos hiberno tempore septem  
Incubat Halcyone pendentibus aequore nidis.*  
*Lactantius* Vetus Scholiastes ad *Stat.* Theb. IX, 361. aves marinae quae hieme in mari nidificant, et pullos nutrire dicuntur qui dies septem tranquillissimum faciunt pelagus. vide et *Hyginum* Fab. LXV. et *Servium* ad *Virgil.* Georg. I, 399. Non igitur *VERNI* *Halcyones* nidi: et si essent, nihil hoc ad rem, nisi probari posset *Halcyonem* VEROS magis quam BRUMALES nidos diligere et amplecti solere. Lege,

non sic *Trachinia* nidos  
*Halcyone* VEROS, non sic etc.  
nidi sunt pulli: *Claudianus* de III. Cons. Hon. v. 5. de aquila:

*Protenus implumes convertit ad aethera nidos  
Et recto flammis imperat ore pati.*  
*Virgilius* Aen. XII, 473.

*Nigra velut magnas domini cum divitis aedes  
Percolat, et pennis alta atria lustrat hirundo,  
Pabula parva legens nidisque loquacibus escas:*  
*Georg.* IV, 17.

*Ore ferunt dulcem nidis immitibus escam:*  
et ita passim apud poetas. Hoc non intellectum errori ansam dedit. Vides jam quamobrem VEROS pullos seu nidos; quasi dixisset, *Alcyone* non magis fovet suos, proprios, et VEROS pullos, quam tu hanc defuncti mariti filiam; quae quidem sanguine non VERE tua est, inductitia scilicet, et ab aliena quasi manu: tu tamen, qua es pietate, eam velut VERAM tuam sobolem amore et cura prosequeris. Bene autem VEROS nidos: *Ovidius* Met. II, 38.

*Pignora da, genitor, per quae tua VERA propago*

*Credar:*

*¶* Et mox,

nec tu meus esse negari

*Dignus es, et Clymene* VEROS, ait, edidit ortus.  
*Virgilius* Aen. VIII.

*Salve, VERA Jovis proles.*  
Hujus contrarium *DUBIUS partus* *Lucan.* IX, 901. de *Psyllis*,

*Ne qua sit externae Veneris mistura timentes  
Letifica DUBIOS explorant aspide partus.*

*DUBIA soboles* *Sil.* Ital. I, 413. de iisdem: et infinita ejusmodi. Pro *amplectens* *Parm.* *amplectensque*. an voluit, *amplexusque animamque in pignora transfert?* [*Parm.* *amplectensque animamque*. Ven. *amplexusque animam in pignora*. Certissima emendatio, *amplexusque animamque in pignora transfert*. EX ADD.]

v. 60. *Heu nunc illa terit video quod sola cubili*

*Otia*, jam *pulcræ* terit infecunda juventae!]  
Mendosissimus locus, quem *Gervatius* *Papin.* *Lection.* III, 14. ita refingebat,

*Heu nunc illa terit viduum quod sola cubile!*  
*Otia tam pulcræ terit infecunda juventae.*  
*Gruterus* in *Schedis*, quibus utebatur *Gronovius*,  
terit viduo quod sola cubili

*Otia tam pulcræ vere infecunda juventae.*  
*Gronovius* *Diatr.* c. XXXV. et *Elench.* *Antidiatr.* c. V. legit,

*Heu! nunc illa terit viduo quod sola cubili*  
*Otia! tam pulcræ perit infecunda juventae.*  
et non dubitat *Papinium* ita reliquisse. Postquam tamen inspexisset *Codd.* *Rhod.* et *Salisb.* et *Edit. Venet.* qui omnes in priori versu pro terit habent tenet, (et ita *Parmensis* quoque) in *Reliq.* ad *Silv.* ambigit an fuerit,

*Heu nunc illa teneus viduum quod sola cubile*  
*Otia tam pulcræ terit infecunda juventae!*  
Et sane hoc speciosum satis videtur: et secundas versus

*Otia tam pulcræ terit infecunda juventae,*  
sine dubio ita a *Statio* profectus est: licet ibi quoque *Parmensis* habeat tenet; quod *Librarius* a priorē versu, ut saepe fit, repetivit. tam *pulcræ juventae* ut tam tenero collo *Protrept.* *Crispini* v. 130. *Otia terit*, ut *Herc.* *Epitrap.* v. 2.

cum patulis tererem vagus otia Septis.  
*Virgilius* Aen. IV, 271.

*Quid struis? aut qua spe Libycis teris otia teris?*

*Tacitus* Hist. II, 31. transitum *Padi* simulant, adversus oppositam gladiatorum manum, ac ne ipsorum miles segne otium tereret. *Seneca* Epist. CXIII. *Hac subtilitate efficimus, Lucili carissime, ut exercere ingenium inter irrita videamur, et disputationibus nihil profuturis otium terere.* *Lucanus* II, 487.

hoc limite bellum

*Haereat, hac hostis lenta terat otia ripa.*  
Recte igitur terit otia: et otia pulcræ juventae ut



infra v. 85. *otia desidis vitae*. In priore versu paululum addubito an *tenere cubile* bene dici posset haec Claudiae filia quae *sola* cubabat, et munia comparis nondum sustinuerat: aliam enim notionem Veteribus videtur expressisse haec phrasis *tenere thalamum* seu *cubile*, nempe de ea quae, aliâ expulsa, ipsa in locum ejus successerat. Ovidius Metam. IX, 145.

*Quae quoniam adveniat, properandum, aliquidque novandum est,*

*Dum licet, et nondum THALAMOS TENET altera nostros.*

Val. Flaccus II, 159.

*sed me quoque pulsum  
Fama viro: nostrosque TOROS virgata TENEBIT  
Et plaustrum derepta nurus.*

Nescio an suspicionibus nimium inquiete, cum credam a Statio fuisse,

*Heu nunc illa JACENS viduo quod sola cubili  
Otia tam pulcræ terit infecunda juventutis!*

Vide tamen quibus auctoritatibus me defendam. Ovidius Heroïd. III, 117.

*Tutius est JACUISSE toro, tenuisse puellam.*  
V. 406.

*Nunc JACET in viduo credulus ille toro.*

XVI, 315. ex quo loco hic Statii forte expressus,  
*SOLA JACES VIDUO tam longa nocte CUBILI*

*In viduo JACEO solus et ipse toro.*  
Art. Amat. II, 370.

*Et timet in vacuo sola CUBARE toro.*  
Remed. Amor. v. 770.

*Inque suo solam crede JACERE toro.*  
Lucanus VIII, 404. de Parthis:

*JACUERE sorores  
In fratrum thalamis, sacralaque pectora matrum:*

Jita legendum pro *pignora matrum*: patet ex sensu et sequentibus. Seneca Hippol. v. 447.

*cur toro viduo JACES?*  
Noster Epithal. Stell. v. 59.

*Fusa JACET stratis ubi quondam etc.*  
Pluribus possem: sed haec satis de suspitione tantum. Pro *heu* Parm. et Rom. et: et ita edidi. [pro *Heu* terit Ven. et Parm. *Et tenet*. Lege, nulla paene mutatione,

*Et nunc illa, tenet viduum quod sola cubile,  
Otia tam pulcræ terit infecunda juventutis:  
Sed venient etc.*

et sic clarescit locus ante obscurissimus. EX ADD.]  
v. 62. *Sed venient, plenis venient connubia tædis.* Non intelligo has *plenas tædas*. forte scriptum erat *phæstis*, id est *festis*, *ph* pro *f*, ut in libris MSS. millies fit: hoc non intellectum in *plenis* degeneravit. Ita apud Symposium Aenigm. LXXXIII. MALUM:

*Est mihi nomen ovis, contentio magna Dearum,  
Fraus juvenis Phrygii, pulcrarum cura sororum,  
Excidium Trojae:*

vulgo legitur *juvenis functi* pro *Phrygii*; quae vox in libris MSS. scribitur *frigii*; inde *functi*: et pro *pul-*

*crarum* vulgo male *multarum*. *juvenis Phrygius* est *Paris*: nota historia aurei mali. *pulcræ sorores*, Juno, Venus, Minerva. Bene autem *festis tædis*, ut mox v. 70. *festasque accendere tædas*:

Claudianus de Rapt. Pros. II, 347.

*Ac festas alio succedunt lumine tædas:*

Idem de Nupt. Hon. et Mar.

*Tu festas, Hymenæe faces, Tu, Gratia, flores  
Elige.*

et IV. Cons. Honor.

*Cum tibi prodiderit festas nox pronuba tædas.*

v. 64. *Sive chelyn complexa PETIT, seu voce paterna*

[Discendum *Musis sonat*.] Suspectum mihi istud *petit*. Si enim *complexa* est chelyn, jam *in manibus* habet; ergo quodam opus est ut *petat*? nisi dicatur *petere* idem esse quod *pulsare*; quod, opinor, vix concedetur. lege,

*Sive chelyn complexa FERIT:*

Vides jam statum τῆς κιθαριζούσης. *ferire* et *pulsare* *chelyn* tralaticium. Sil. Italicus V, 463.

*quo non alius, quum bella silerent,*

*Dulcius Oeagrius pulsabat pectine nervos.*

Juvenalis Sat. VI, 381.

*crispo pulsantur pectine chordae*

*Quo tener Iledyncles operam dedit:*

ita legendum puto istum locum; vulgo *numerantur*, sine sensu: et *operas*. nisi *mavis vibrantur*, propter cognationem litterarum *m* et *b*. Seneca Herc. Oct. v. 1061. de Orpheo:

*Quin per Taenarias fores*

*Manes cum tacitos adlit*

*Moerentem FERIENS chelyn.*

Propert. II, 1.

*Sive lyrae carmen digitis percussit eburnis:*

Catalecta Scaligeri:

*melius personet ieta chelys:*

Virgilius VI, 647.

*Jamque FIDEM digitis jam pectine pulsat eburno:*

ita legendum; vulgo sine sensu, *EADDEM digitis*. Hunc Virgilii locum exscribit Auctor Panegy. ad Pisonem v. 154.

*Sive chelyn digitis et eburno verbere pulsas:*

unde adstruit nostra emendatio, per se satis manifesta. Auctor Eleg. in obit. Maccenatis v. 51.

*Actius ipse lyram plectro percussit eburno.*

Seneca Troad. v. 834.

*Tinnulas plectro FERIENTE chordas.*

Ovidius Trist. II, de Horatio:

*Dum FERIT Ausonia carmina culta lyra:*

i. e. dum *feriendo lyram* exprimit carmina. Exempla ubique. Iterum forte scriptum fuit *pherit* pro *ferit*; inde *petit*. ita apud Val. Flacc. II, 272. pro *scyphus* codex Burmanni habet *scyfus*. Vide Lucan IX, 865. ubi voces *ferit* et *petit* commutantur. Sequitur, *seu voce paterna sonat: vox paterna est vox patris*, ut *virtus paterna* apud Horat. Art. Poet. v. 366. sic Silv. IV, 4. et *monita paterna* Ovid. Met. II, sunt *virtus* et *monita patris*: hoc vero



subabsurdum videtur; non enim *patri*s voce, sed *sua* cantavit. Suspicio Statium scripsisse

*seu voce canora*

ut Epiced. patris v. 80.

*Non ego quas fati certus sibi voce canora  
Inferias praemittit olor.*

Petronius Satyrico: *Ipse Trimalchio in pulcino concessit: et cum Homeristae Graecis versibus colloquerentur, ut insolenter solent, ille canora voce Latine legebat librum.* Idem: *servus qui ad pedes Habinnæ sedebat, jussus, credo, a domino suo, proclamavit subito canora voce etc.* Plinius N. H. XXXIV. ad fin. de Sandaracha: *vocem limpidam et ca*gnoram facit. Ovidius Art. Amat. III, 311.

*Monstra maris Sirenes erant, quae voce canora*

*Quamlibet admissas detinere rates.*

Plautus Prolog. Poenul. v. 33.

*Matronae tacitae spectent, tacitae rideant,*

*Canora hic voce sua tinnire temperent.*

Sed nihil temere mutandum: *vox enim paterna est quam a patre habuit: ita angustiae paternae apud Tacit. Au. I. et spiritus paterni Ann. II. similes iis quos pater habuit.* Sequitur, *DISCENDUM Musis sonat:* fieri potest ut ita scripserit Statius; sed non credo: est enim nimis frigidum, et humile, et genio Statiano inferius. erigo hoc modo,

*LIVENDUM Musis sonat:*

id est *invidendum*: Horatius Serm. I, 9.

*INVIDEAT quod et Hermogenes ego canto:*

*Phoebo MIRANDA loquatur Silius Italicus III, 621. de Domitiano. licere pro invidere Statio familiare.* Epithal. Stell. et Violant. v. 149.

*hic flexus onyx et concolor alto*

*Fena mari, rupesque nitent quæ purpura cedit  
Oebalis et Tyrit moderator LIVET aheni.*

Theb. XI, 210.

*Summe Deam, tibi namque meae primordia Thebae*

*(LIVEAT infandum licet Argos, et aspera Juno)  
Debent.*

Tacitus Ann. XIII. *Simul studiis inertibus et juvenum imperitiae suctum, vivere iis qui vicidam et incorruptam eloquentiam tuendis cicibus exercerent.* nisi mavis, *DICENDUM Musis sonat:* ex Horatio Carm. IV, 9.

*non pugnavit ingens*

*Idomeneus Stheneluxte solus*

*DICENDA Musis praelia.*

Sed hoc nequaquam placet. omnino verum puto *LIVENDUM Musis*, quod elegantissimum est. Mox pro *diducit* brachia, Heinsius ad Ovid. Rem. Amor. v. 331. legit *deducit*, quod idem esse ait ac movet: et ita Parm. Male: quippe *dispansio* illa brachiorum quae in saltatione fit non est *deductio* brachiorum, sed *diductio*: et ita legendum isto quem adducit loco Propert. II, 18. ex quo hoc Statius mutuatus est,

*Sive aliquis molli diducit candida gestu*

*Brachia, seu variis incinit ore modos.*

ita *diducet palmas* de natatore, apud Manil. V, 422.

ubi vulgo male legitur *deducet*. Nollem Broukhusius defendisset *to deducet* in loco Propertii. Pro *Candida* Parm. *Grandia*: absurde.

v. 68. *Nonne leves pueros; non te, Cytherca, pudebat*

*Hoc cessare decus?* Elegans exclamatio ad Amores et Venerem: *Nonne vos pudet, O Venus et Amores, tam formosam et decoram virginem otiosam esse et florem aetatis perdere?* Simili expostulatione Virgilius Georg. I, 491.

*Nec fuit indignum, Superi, bis sanguine nostro  
Aemathiam, et latos Haemi pinguescere campos?*

ita legendum et distinguendum; vulgo, *Nec fuit indignum Superis* etc. siue interrogatione: quo nihil frigidius. Ita etiam legebat Servius, ut ex Annotatione ejus patet: *NEC FUIT INDIGNUM SUPERIS] Quasi exclamatio est ad Deos.* Atqui nulla, ne quidem quasi-exclamatio est in vulgata. lege verba Servii hoc modo: *NEC FUIT INDIGNUM SUPERI BIS] Exclamatio est ad Deos.* Utcunque verba Servii disponenda sunt, patet illum legisse *Superi* vel ex sola mentione *exclamationis*. Pariter Lucanus VII, 58.

*Hoc placet, O Superi, cum vobis vertere cuncta*

*Propositum, nostris erroribus addere crimen?*

vulgo et ibi deest interrogationis nota. Infra v. 301.

*Quone poli motu, quo caeli sidere verso*

*Thessalicae tantum, Superi, permittitis orae?*

Tibullus I, 4. v. 31.

*Crudeles Divi! serpens novus exuat annos,*

*Formae non ullam Fata dedere moram?*

aequumne est, O Dii, serpentes quotannis exuere sectam, Formosis pejorem esse conditionem?

v. 75. *Dicarchei portus, et litora MUNDI*

*Hospita.]* Noster potius scripsisset *MUNDO*, ut vitaret ambiguitatem constructionis; *MUNDO hospita*, quae excipiunt totum mundum; potius quam *litora MUNDI*. ita Theb. XII, 618.

*Mittit in arma manus genialibus hospita DIVIS*

*Icarei, Celeique domus, viridesque Melanae.*

J Achilleid. I, 206.

*Et Lemnos non aequa viris, atque hospita Delos  
GENTIBUS.*

Val. Flaccus IV, 145.

*Ille manum tendens, Non haec, ait, hospita  
VORIS*

*Terra, viri.*

Propertius III, 21.

*Arboreasque cruces Sinis, et non hospita GRAVIS*

*Saxa, et curcatis in sua fata trabes.*

Bene igitur et melius *MUNDO hospita* quam *MUNDI*. praeterea *mundo hospita* est quae recipit mundum: at *mundi hospita* esset quae recipitur a mundo; quod priori contrarium est, et hoc loco absurdum. Prudentius Apotheos. de Natur. Animae v. 47.

*Limique recentis*

*Hospita:*

id est, quae excipitur limo recente: de Anima loquitur. Martialis Epigr. X, 25.



At nunc, Ausonio frustra promisse Quirino,  
Hospita Lagaei litoris umbra jaces.  
Ovidius Fast. VI, 529.

Hospita CARMENTIS fidos intrasse penates

Diceris:

licet ibi construere possis penates Carmentis non Hospita Carmentis. Noster Epiced. Patr. v. 168.

Ausonii pridem laris hospita Cyne:

id est, Cyne quae excipiebatur Ausonio lare. Si haec observatio vera sit (et vera mihi adhuc videtur) non potuit scribere MUNDI hospita. Sed vide porro: quippe lector suspiciosus et sagax turbatum aliquid hic odorabit. inspicie enim totam *Χορογραφίαν* huius loci: Vesuvius, inquit Statius, licet plurimum damni nobis intulerit, non tamen exhausit URBES civibus suis; stant enim adhuc, florent, et populis vigent. hic enim sunt URBES florentes et populo refoetae, CUMAE, et PUTEOLI, et litora MUNDO hospita, et CAPEA et nostra NEAPOLIS. Vides, opinor, quam parum apte litora MUNDO hospita inserantur inter tot propria nomina locorum: quippe LITORA, utcumque MUNDO hospita, nullo pacto referri possunt inter URBES; de quibus hoc loco agit Statius. Diu itaque suspicatus sum proprium urbis alienius nomen hic delitescere: et Campaniae oram et urbes peragranti occurrebat, vix fieri posse quin BAIÆ sit locus quem quaerimus, ita appellatae a Baïo Ulixis gubernatore illic sepulto: unde Βαίον τάφον Βαίος vocat Lycophron Cassandra v. 694.

Βαίον δ' ἀμείψας τοῦ κυβερνήτου τάφον.

Præteriens vero Baïi gubernatoris sepulcrum.

comitem Ulixis vocat Servius ad Aen. III, 441. et IX, 710. et Silius Italicus XII, 114. Idem VIII, 540.

Miscnus, et ardens

Ore giganteo sedes Ithacesta Baïi:

id est sepulcrum Baïi, i. e. BAIÆ. Strabo lib. V, p. 169. Τῆς δὲ Βαίως ἐπωνύμιος εἶναι λέγουσι Βαίον τῶν Ὀδυσσεὺς ἐταλῶν τινός· ὥς καὶ Μισσηροῦ τὸ Μισσηρόν· Βαίος nomen habere perhibent a BAIΟ quodam, uno ex Ulixis sociis; sicut Misenum a Miseno. ita legendus iste Strabonis locus: vulgo, τινός· καὶ . . . . τῶν Μισσηρῶν: unde male supplet Casaubonus, καὶ τὸ Μισσηρόν ἀπὸ Μισσηροῦ: quippe ἐπώνυμος ἀπὸ Μισσηροῦ non Graecum est, sed ἑπώνυμος Μισσηροῦ. excidit particula ὥς quam reposui, absorpta a præcedenti syllaba os. Sed hoc obiter. Hunc igitur Statii locum sic lego;

hic auspice condita Phoebo

Tecta, Dicarchei portus, et litora Baïi

Hospita.

Pro Baïi scriptum erat MAII, perpetua vice literarum B et M: unde ex MAII fecerunt MUNDI, quod sensum aliquem habere videbatur. Huic simillimus locus Epiced. Patr. v. 167.

Quos propiore sinu lituo remoque notatus

Collis, et Ausonii pridem laris hospita CYNE:

Quosque DICARCHEI PORTUS, BAIANAQUE mittunt LITORA.

vides eundem locorum ordinem, et eadem verba in

utroque loco: et nobilitas Baiarum facit ut in recensendis celebribus Campaniae urbibus, hae omitti non possint. Bene autem hospita litora propter concursum hominum qui voluptatis et valetudinis causa illuc confluebat. Nescio quomodo hanc Conjecturam excepturi sint Viri Eruditi: mihi quidem, forte utpote mea, maxime placet. hoc saltem, opinor, obtinebo, Statium non scripsisse mundi hospita, sed MUNDO; quam differentiam non ante observatam memini. Sequitur, AT hic magnae etc. nulla oppositio inter hanc et priorem sententiae partem: quare igitur Adversativa AT? lege, ET hic magnae etc. sed Jeonstanter relient AT Editiones; ut forte scripserit Statius: HINC auspice condita Phoebo tecta — AT HINC magnae etc. non hic auspice, et, hic magnae.

v. 78. Nostra quoque ET propriis tenuis, nec rara colonis

Parthenope.] Absurdum hoc; si enim Parthenope seu Neapolis esset tenuis seu angusta propriis incolis, quomodo potuit eadem esse non rara seu frequens colonis et advenis? Dices forte Statium voluisse, paucos esse indigenas, multos advenas. Atqui hoc contrariatur proposito ejus, quod fuit laudare Neapolim ob frequentiam civium: Stat, POPULISQUE VIGET. ut inscitissime fecerit si paucitatem indigenarum memorat, ubi ob contrarium urbem laudare voluerit. Quo magis miror quando video Gronovium Elench. Antidiatr. c. III. culpantem Cruceum quod hunc locum (quem elegantem vocat) depravarat; et vulgatam Nostra quoque ET propriis etc. sic explicantem: „Hoc est, et nostra Neapolis quae ET indigenis angusta est, et non paucos habet advenas seu colonos: ubi iste (Cruceus) absurdissime, et propriis tenuit quae rura; vel, tenuit nec rara colonis.“ Verum, ut ante dixi, si angusta esset indigenis, unde locus esse potuit alienigenis? si civibus refoeta, quod voluit Statius, unde propriis tenuis? mollire quidem potuisset, si dixisset,

Nostra quoque UT propriis tenuis, NON rara colonis

Parthenope:

LICET propriis tenuis sit, TAMEN multos habet advenas: sed utroque genere abundantem monstrare debuit et voluit Statius; et scripsit,

Nostra quoque HAUD propriis tenuis, nec rara colonis

Parthenope:

quod explicatione non indiget. Apuleius Floridis, de Samo insula: Ceterum et incolis frequens, et hospitibus celebrata. Scriptum erat AUT pro HAUD vel HAUD: unde istud ET. Omnes fere Editiones ita distinguunt,

Nostra quoque ET propriis, tenuis nec rara colonis

Parthenope;

quod altero, si fieri potest, absurdus est. Vers. 80. pro Dionaeae columbae, quae est omnium editionum inepta lectio, recte Gevartius Dionaea columba: quod confirmavit simili loco ex Theb. VII, 663.



haec omine dextro

Moenia CIRRHAEA monstravit Apollo JUVENCA.

Addas locum Vell. Paterculi I, 4. *Hujus classis cursum esse directum alii COLLEMBRAE antecedentis volatu ferunt; alii nocturno aeris sono, qualis Cerealis sacris cieri solet. pars horum civium magno post intervallo NEAPOLIM condidit.*

v. 88. *Morum jura viris: solum et sine fascibus aequum.*] Tuam opem, O Grammatica, ut haec intelligam! Sensum quidem teneo, nempe, bonos mores pro legibus esse: sed eo casu scribi oportet *Mores jura viris* non *Morum: jura* enim *morum* absurdum est. Putavi aliquando verum esse *morum cura viris*, ut *cura pudoris* apud Ausonium Idyll. VII, 25. *cura juris* Senec. Thyest. v. 216. *cura legum*. Sed nec hoc satisfacit: quippe sequentia, *solum et sine fascibus aequum*, postulant aliquid cui adjungantur, utpote per se sententiam non efficientia. His omnibus incommodis tandem subvenio mutatione unius literulae et distinctionis: ecce,

*Nulla foro rabies, aut strictae jurgia leges*

Norunt: *jura viris solum et sine fascibus aequum.*

egregia et perspicua sententia: *leges non NORUNT jurgia*, ut Silv. IV, 4.

*Certae jam Latiae non miscent jurgia leges.*

*noscere* hoc sensu perquam vulgare: Noster Silv. IV, 4.

*fluctus an sueta minores*

*Nosse ratis, nondum Ioniis credenda periclis?*

Seneca Thyeste v. 394. ubi chorus senum Mycenaeorum loquitur:

*Obscuro positus loco*

*Leni perfruar otio;*

*Nullis notaque litibus*

*Aetas per tacitum fluat!*

ita legendum; vulgo absurde, *nota Quiritibus*. Propertius I, 6.

*Non ego nunc Adriae verear mare noscere tecum,*

*Tulle, neque Aegaeo ducere vela salo.*

Theb. VII, 168.

*Addo quod imbellis rarisque exercita castris*

*Turba meas acies, mea tantum praelia norant.*

Virgilius Ciri:

*Nulla colum novit, carum nec respicit aurum:* frustra est N. Heinsius, qui ad Claudian. in Eutrop. I, 274. voluit *novit*. Sic alibi passim. *Strictae leges*, metaphorica a gladiis sumpta. Deinde, *jura viris solum et sine fascibus aequum*, id est, *aequitas nuda et sola sine ope fori et tribunalis est idem quod jura et leges alibi*; ut de suis praedicat Latinus ap. Virgil. VII, 202.

*Ne fugite hospitium, neve ignorete Latinos*

*Saturni gentem, haud vincolo nec legibus aequam,*

*Sponte sua, veterisque Dei se more tenentem:*

ubi Servius haec interpretatur quasi legisset *veterisque aevi* pro *dei*. Ausonius Epiced. v. 34.

*Atque bonos mores legibus antetuli.*

Curtius IX, 1. *Gens, ut barbari, sapientia excellit,*

bonisque moribus regitur. *Aequum est jura*, hoc est, *idem quod jura*; ut apud Plinium Epist.

*Unus Plinius est mihi priores;*

id est, *idem quod priores*, seu *pro prioribus*. Antholog. III.

*ΕΙΣ τοὺς ἀρχαίους ΤΡΙΣΜ' ΠΙΟΙ:*

id est *ἀρχαίους*. In Edit. Parmensi pro *strictae jurgia* invenio *scita Lycurgia*: et *leges* non *legis*. et ita se invenisse testatur Heinsius ad Claudian. p. 552. nisi quod pro *aut* citat *nec*, memoriae culpa. Rom. *scita Licugia*. Vers. 86. pro *peracti* Rom. *parati*: non male; sed alterum melius.

v. 93. *Quid laudem risos libertatemque Menandri.*] N. Heinsius ad Sil. Italicum XII, 31. pro *risus* legit *ritus*; et ita editiones nonnullae: bene: licet alterum defendi possit. Parm. et Rom. *littus*: unde Heinsii *ritus*. Silius, loco notato, de Neapoli loquens:

*Nunc molles urbi ritus, atque hospita Musis*

*Otia, et exentum curis gravioribus aevum.*

Tacitus Hist. V, 5. Quippe *Liber festos laetosque ritus posuit*; *Judaeorum mos absurdus sordidusque*. Deinde pro *Menandri* legit *theatri*; et ita olim ego conjeceram: non bene: quippe praecedit *vox theatri* v. 91. praeterea, non adeo sui oblitus esse potuit Statius ut uxorem ad Neapolin allicere tentaret mentione facta *libertatis theatri*? quandoquidem ipse supra v. 16. ait illam ex his ludicris nullam capere voluptatem:

*certe lascivia cordi*

*Nulla; nec aut rapidi mulcent te praelia Circi,*

*Aut intrat sensus clamosi turba theatri;*

*Sed probitas etc.*

nam quod memorat *geminam molem nudi tectique theatri*, non istud facit *ludorum* qui in iis fiebant, sed solummodo *aedificiorum* causâ, et ut Neapolin commendaret ob *magnificas species cultusque locorum*; ut ex sensu patet. Non igitur *theatri* huic loco convenit; multo minus *Menandri*, ob easdem et alias rationes. Latet Gerundium aliquod, ut dicunt Grammatici; quale est, *libertatemque JOCANDI*, vel tale aliquid. Statianum hoc esse non puto, vel potius scio: placuit tamen ideo proferre ut ad hanc formam acutiores vocem veram eruant sub τῷ *Menandri* latentem. Vers. 94. pro *grata licentia* bene Bernardus *Graia*: patet ex oppositione. Similiter Sidon. Apollinaris Carm. XXIII, 99.

*rigorque*

*Romanus fuit Attico in lepore.*

de commutatione harum vocum dixi aliquid ad Silv. II, 2. v. 93. ubi par error.

v. 102. *Caraque non molli juga Surrentina Lyaeo.*] Idem Heinsius ad Sil. Ital. VIII, 380. pro *molli* legit *soli*. *Cara non soli Lyaeo*, quia illic Minerva et Hercules et Neptunus (addere etiam ex Strabone potuisset *Sirenes*) colebantur. Non sine ratione de voce *molli* dubitat Vir acutissimus: quippe *non molha* vina sunt *austera, fortia*. atqui Surrentinum erat tenue et lene, et convalescentibus maxime probatum propter tenuitatem salubritatemque, ut ait



Plinius Nat. Hist. XIV, 6. unde ille apud Persium Sat. III, 93.

postquam

*Tertia compositas vidit nox currere venas,*

LEXIA loturo sibi Surrentina rogavit.

Tiberius quidem Caesar, referente Plinio ibidem, vocare consuevit *generosum acetum*; et Caligula nobilem *vappam*; sed haec illi non quia *austerum* erat, sed quia *tenuis*, et consequenter cito *acescebat* et *evanescebat*: licet hoc vinum aetatem quoque ferre, et id nuper experimentis inventum scribat Strabo lib. V. p. 168. Sil. Italicus V. 465.

felicia Baccho

*Aequana, et Zephyro Surrentum MOLLE salubri.*  
Ovidius Met. XV, 710.

Et Surrentino generosos palmite colles.

Vides Surrentum MOLLE Zephyro salubri, et generosos colles: *generosum* vero et *lene* conjungit Horatius Epist. I. de vino loquens:

*Ad mare cum venio generosum et lene requiro.*  
ex his apparet verius fore si Statius dixisset, *juga Surrentina cara MOLLI Lyaeo* potius quam NON MOLLI. Et, quod praecipuum est, si legas non molli necesse est ut *ro Lyaeo* sumas non pro *Deo Baccho*, sed pro *vino*: et tunc erit, *juga Surrentina CARA*

non molli vino. quod absurdum erit: quo enim sensu dici possunt *juga* esse *cara vino*, et non molli vino? Adhaerco igitur Heinsianae conjecturae donec melius aliquid contingat et auctius. Similis est locus Silv. IV, 8.

nec non plaga cara madenti

Surrentina Deo, sertis altariis cingat.

*madenti Deo*, Baccho; ut hic, *cara Lyaeo*; Baccho, non *vino*. Vers. 104. pro *Aenariaeque* Domitii Codices habebant *Tanarumque*: Parm. *Denarumque*. Emendationem Domitii confirmat Plinius Nat. Hist. XXX, 2. *In Aenaria insula calculosis mederi produntur aquae. bene igitur laeus medicos.* Auctor tamen Aetnae v. 428. producit secundam *Aenariae* sylabam:

*Dicitur indicis flagrans Aenaria quondam.*

Vers. 106. *Sed satis hoc, conjux, satis hoc dixisse.* Ita vulgo legitur. Parm. *sed satis haec conjux satis est dixisse.* Rom. *sed satis hoc conjux satis dixisse.* Vulgata optima est. ita Propemp. Celer. v. 129.

Hoc nos, Hoc iterum stantes in litore versos

Cernemus fluctus

ubi vide quae notavi. Vers. 111. pro *praeveniesque etiam*; sine me etc. Parm. *pervenies et sine me*: Rom. *pervenies*.

## NOTAE AD SILVARUM LIB. IV.

### IN EPIST. AD MARCELLUM.

LIN. 2. *Reor* quidem *aliter* quam etc.] *Parmensis, Reor* EQUIDEM *aliter* etc. quod admisi. Sequitur, *nullum opusculum NEUM coepisse.* Ita omnes Editi. praeter Parm. et Rom. quae habent, *opusculum INVENIRI coepisse.* Atqui utrumvis falsum continet: quippe nec liber secundus nec tertius nec quintus Silvarum incipiunt ab invocatione numinis Imperatorii. nisi per *opusculum* intelligat totum systema librorum quinque Silvarum: quo quidem sensu verum est; incipit enim ab Equo Max. Domitiani. et ita in Thebaide et Achilleide. Sed vix est ut hos Silvarum libros, nedum Thebaida et Achilleida, *opusculi* nomine diminutum iret. Latet aliquid quod non possum eruere. Sic in eo quod sequitur: *Sed hic liber TRES habet. tres QUAS?* nihil enim praecedit cui jungi possit vox *tres*. patet quid velit Statius, nempe *tres ECLOGAS.* Sed quis hoc audebit substituere sine libris?

Barthius aliquid notat in hunc locum: sed obscure et minus vere, ut facile possem ostendere, si vacaret. Deinde lin. 5. *Primo autem septimum decimum* etc. immo PRIMA, sc. *Ecloga*; et praecessit, QUARTA, quae ad honorem tuum pertinet. Eodem modo SECUNDA et TERTIA, non SECUNDO et TERTIO: nisi aliud quid lateat. Pro EPULIS Domitius notat in omnibus aliis codicibus legi EPISTOLIS: perperam. Parmensis clare EPULIS: unde patet Domitium non vidisse istam editionem.

Lin. 7. *Tertio Viam Domitianam miratus sum, qua gravissimam arenarum moram exemit.* Nemo legat *veneratus sum*, induct. s. isto Virgilii Aen. III.

*Templa Dei saxo venerabar structa vetusto,* et similibus: verum enim est *miratus*. *mirari* est cum admiratione canere, vel admiratione prosequi. Tiburtin. Vopisc. v. 57.



*Quid nunc ingentia MIRER*

*Atria?*

Achilleid. II, 411.

*nec major in istis.*

*Sudor; Apollineo quam fila sonantia plectro*

*Cum quaterem, priscosque virum MIRARER honores.*

Virgilius:

*Quamvis Elysios MIRETUR Graecia campos.*

Auctor Aetnae v. 638. de piis fratribus:

*Incolumes abeunt tandem, et sua numina secum*

*Salva ferunt: illos MIRANTUR carmina raturum.*

Ausonius Mosella v. 51. *Naturae MIRAEOR opus.* conjungit Plinius Panegyrico: *Quasi vero jam satis veneratus MIRATUSQUE sim quod tantam pecuniam profudisti!* Pro MORAM arenarum Rom. MOLEM. Justinus I, 9. *Ad Ammonis quoque nobilissimum templum expugnandum exercitum mittit; qui tempestatibus et arenarum MOLIBUS oppressus interit.* Et IV, 1. *ubi acrior per spiramenta cavernarum ventus incubuit, arenarum MOLES egerantur.* Et ita alibi Idem, et alii. Sed perperam istud MOLEM: dixisse enim debuit MOLES arenarum: non enim unus erat arenae cumulus, sed per totam viam continuata. Recte MORAM arenarum, id est arenas quae morabantur et impediebant iter facientes. ita *reptum nemorumque MORAS*, Protrep. Crispin. v. 44. *portarum MORAS* Theb. XI. *fossarum MORAS* Virgilius. Vers. 10. *epistolam MEAM accipies* etc. *epistola mea quam tibi scribo ineptum est: scribe epistolam EAM accipies.* per te vides causam mendi, et lectionis veritatem.

Lin. 14. *JAM Herculis vindicis nostri Herculem* etc.] Domitius notat inuendatos codices habere NAM: sed male, inquit, immo optime: et ita Parmensis. quis vero nescit hanc particulam res dissimillimas saepe connectere? Ita Praef. lib. I. *De quo nihil dico, ne videtur defuncti testis occasione mentiri.* NAM Cl. Etrusci testimonium extat. Epitbal. Stell. v. 171.

*unam omnes inter miratur amatque*

*Nec formae nec stirpis egens. NAM docta per urbem*

*Carmina qui juvenes, quae non didicere puellae?*

Plinius Nat. Hist. XIV, 1. ad fin. *Necnon vineae oppugnationum dedere rationem. NAM in medicaminibus adeo magnum obtinent locum ut per se vina ipsa remedia sint.* in quibus locis tō NAM non est causale, nec rationem reddit praecedentium; sed orationem transfert ad rem omnino diversam. O quantas turbas dedit commutatio harum vocum in loco Flori IV, 3. *Quippe dum Sextus paterna repetit, trepidatum toto mari. dum Octavius mortem patris ulciscitur, iterum fuit morenda Thessalia.* dum Antonius varius ingenio, aut successorem Caesaris indignatur Octavium, aut amore Cleopatrae desciscit in regem. NAM aliter saluus esse non potuit, nisi confugisset ad servitutem. Ita edidit doctissimus Dukerus in nitida editione Lugd. Bat. 1722. Freinshemius mancum locum putat, et quatuor verba inserit. Graevius ejicit NAM; et ita Lipsius et Gro-

novius. Anna Fabri pro NAM legit P. ROM. Rupertus et Boeclerus cum Freinshemio sentiunt. Salmasius, Ryckius et Perizonius delent NAM; et huc propendit ipse Cl. Dukerus. Vides quanti ductus in hoc simpulo excitentur: simul vide quam facile sit hos sedare: dum Antonius varius ingenio, aut successorem Caesaris indignatur Octavium, aut amore Cleopatrae desciscit in regem, JAM aliter saluus esse non potuit nisi confugisset ad servitutem. Per se patet, jam saluus esse non potuit, scil. Pop. Romanus, ab initio sententiae repetendus; ut bene vidit Graevius. Lin. 15. pro quem de me et de ipsis studiis meretur Parm. quum me et ipsis studiis miratur. Rom. omittit ultimam de. Lin. 17. pro Maximum Junium etc. Parm. Maximum virum ET dignitatis eloquentiae nomine: lege, ET dignitatis ET eloquentiae nomine. Lin. 20. pro maturius etc. Parm. maturim e Dalmatia: voluit, opinor, maturrine. Lin. 24. pro dignius Parm. dignum. Lin. 28. pro qui reprehenderunt Parm. reprehederē. Lin. 31. pro ET quanto, potes legere AT.

Lin. 32. *Exercere autem jocos non licet? sic secreto, inquit.]* In priore sententiae parte loquitur Statius: in posteriore respondet Maevius, vel Titius, vel quemcumque alium velis. Pro sic legendum est si: immo licet, inquit adversarius, modo id secreto fiat: cur enim res ludicras et leves orbi exhiberes? Atqui, pergit Statius, refellens hanc objectionem, non pudet nos in publico spectare etiam levissimos lusos.

Lin. 34. *novissime, quisquis ex meis INVITUS aliquid legit etc.]* Quare INVITUS? quis enim eos coegerit? lege, INVIDUS, per se patet. Pro proficitur Parm. profiteatur: quod ferri forte potest. Sequentia, itaque consilio ejus accedam interrogationis nota animavi: Parm. et Rom. ita quare, eodem sensu.

Lin. 36. *In summa, nempe ego sum qui tradueor: taceat, et gaudeat.]* Ita distinxit, et sic interpretor: Denique, si reprehensione dignus sum ob hoc leve genus scriptionis, quid hoc ad illum? cum ego sim qui tradueor, non ille; cum hoc periculo meo fiat, non illius: itaque ille taceat, utpote in re quae ad eam minime pertineat; et gaudeat meo dedecore, si ita velit. Hic est sensus hujus loci. In summa est denique: Manilius IV.

*Italia in summa, quam rerum maxima Roma Imposuit terris, coeloque adjungitur ipsa.*

Calpurnius Flaccus Declam. XI. p. 805. edit. Burman. In summa, pernicies, vel velle ad me redire, vel nolle. Vide Justin. XXXVI, 1. Sequitur, *Et, si videtur, hactenus: sin minus, reprehendemur.* Sensus est: *Et, si ita tibi videbitur, hactenus, nec ultra hujusmodi scripta edam: sin minus, id est, si volueris me pergere, reprehendamur,* (ita enim legendum, non reprehendemur) non ego invidos et malevolos curabo; reprehendant, si velint; ego pergam. Vide Praefat. lib. II. ad finem.



## E C L O G. I.

XVII. CONSULATUS IMP.] Ita Vulgatae. Gronovius ex MSS. plenius: XVII. CONSULATUS IMP. AUG. GERMANICI. Cui ex Parm. addidi DOMITIANI.

[v. 5. *gaudete* CURULES. Nihil nūto. legi tamen posset *gaudete* QUIRITES, ut in Vet. Lapide Albæ Juliae reperto: *Aspice. Romule. pater. GAUDETE. QUIRITES. vestra. ista. est. gloria.* Citatur a Joan. Li- vineio Not. ad Mamertini Panegyri. Maximiano Aug. c. XIII. EX ADD.]

v. 9 *Et REQUIEM bis sextus honos; precibus- que receptis*

*Curia Caesareum gaudet vicisse pudorem.*] Con- structio est: *Et bis sextus honos gaudet vicisse RE- QUIEM; et Curia, precibus receptis, gaudet vicisse Caesareum pudorem. Bis sextus honos gaudet vicis- se requiem, est, consulatus vicit requiem, sed CUIUS requiem vicit? Caesareum, opinor, dicent, repeten- dam ex versu proximo. Durum quidem hoc, nec to- lerabile iis qui numeros et compositionem Statianam callent: secundum quam sententia perfecta esse debet post vocem honos, et ita quidem est: ausim enim pol- liceri Statium scripsisse,*

*subiere novi palatia fasces,*

*Et REDII bis sextus honos: precibusque re- ceptis*

*Curia Caesareum gaudet vicisse pudorem:*

Vides quam plena et rotunda omnia, et quam em- phaticum istud rediit; quasi dixisset, prioris quidem anni Consulatus vix Consulatus dici meruit; jam ve- ro postquam Caesar fasces suscepit, REDII tibi, O Roma, *verus Consulatus.* Martialis Epigr. VIII, de Consulatu filii Sil. Italici:

*Bissenos jubet en REDIRE fasces,*

*Nato Consule, nobilitque virga*

*Vatis Castaliam domum sonare.*

Hunc Statii locum sublegit Claudianus de IV. Consu- latu Honorii v. 4.

*Exultant REDUCES Augusto consule fasces.*

literae d et g saepe inter se commutantur: quippe q est d inversa: hinc natus error; *requiē* pro *rediit*: ut apud Val. Flaccum IV, 525. *quaerent* pro *deerunt*:

*Harpyiis nunquam nova pabula deerunt:* ita legendum (non *Harpyiae quaerent*) ex Ovidio Met. VIII, 875. de Erisichthone:

*Vt tamen illa mali postquam consumserat omnem*

*Materiam, deerantque gravi nova pabula morbo:* sic et ibi legendum; vulgo ineptissime, *dederatque.* sed hoc a Cl. Burmanno jam video occupatum. Multa de hoc Statii loco Gronovius Diatr. c. XXXVI. ut probet a manu poetae fuisse *bis textus honos*, id est, *toga praetexta*, Consulum indumentum: *bis tex- tus*, quia duplicem texturam habuit, *lanæ* qua *toga, purpuræ* qua *praetexta.* is *honos bis textus* gaudet, inquit, quod *requiem vicerit*, quod de Palatinis pres- soris prolatus et Caesari injectus sit. Et hanc inter- pretationem multis defendit et nimis acriter Eleuch. Antidiatr. c. V. Postea tamen, in Reliquiis ad Stat.

Silvas, quas una cum Statio edidit circiter quatuor- decim annis post, resipuit, et errorem suum agnovit his verbis: „*Pudet in re facili tantopere sudasse.* „*Bis sextus honos* est duodecim *fascium* et lictor- rum honos, proprium Consulatus insigne. ut cum „*Juvenalis: cum jam sexta cervice feratur*, i. e. „*sex leccariorum cervicibus.* Is honos requievit Im- „*peratorum quamdiu eum non usurpavit, admissio con-* „*sulatu. requiem apud illum vicit, postquam adhi-* „*bitus est suscepto consulatu.*“

x. 14. *Omnia jussisti componere bella.*] Inutile et nullius pretii istud *omnia*: dubito etiam an verum: non enim legimus Domitianum clausisse templum Jani: quo solo sensu vere dici posset *composuisse OMNIA bella.* Lego,

*Orrida jussisti etc.*

i. e. *horrida.* Vides causam erroris, omissa scil. prima litera. *horrida* perpetuum *bellorum* epitheton: vix opus est poetarum loca exscribere: vide, si velis, Nostrum Silv. III, 3. v. 170. Thebaid. VI, 457. et 865. Virgil. VII, 41. Sil. Italicum I, 630. et XIII, 451. Auctorem Octaviae v. 776. Ausonium Epigram. I. Juvenalem XIV, 242. et alios passim. Commu- tantur interdum hae voces: Noster Thebaid. X, 94. de antro Somni;

*non hic pelagi, licet omnia clament*

*Litora, non illic caeli fragor:*

pro *omnia* MS. Petrensis habet *horrida.* pro *non illic caeli*, lege, *non ullus caeli.* Iterum Theb. VIII, 44. ubi Pluto post obitum Amphiarai, de Jove ita queri- tur et minatur,

*quid me otia moesta*

*Sacrus, et implacidam prohibet perferre quie- tem,*

*Amisumque odisse diem? pandam omnia regna,*

*Si placet, et Stygio praetextam Hyperiona caelo:* quatenam haec *omnia regna?* ex sensu manifestum est Platona de Tartaro hic loqui: lege igitur *orrida* i. e. *horrida* regna: *pallida regna* vocat Virgil. VIII, 245. *regna opaca* Noster Theb. I, 294. *horrifera regna* Seneca Hippol. v. 932. vel saltem *invia* regna pro *omnia.* Hunc Statii locum *Omnia jussisti* etc. pessime interpretatur Gronovius Diatr. c. 37. post lectam illius expositionem vide hujus libri Eclog. III, v. 9, 10, et 17. Hunc etiam locum tacite sublegit Claudianus in pr. Cons. Stilich. II, 186.

*cecidit Maurus, Germania cessit,*

*Et JANUM PAX alta ligat.*

v. 19.

*talem te cernere semper*

*Mense MEO tua Roma cupit.*] Pro MEO MS. Flor. Edit. Rom. et Venet. habent NOVO: quod non im- probat Gronovius Diatr. c. XXXVI. prolato hoc Clau- diani loco,

*Annum pande NOVUM, Consul vetus.*

Judicio tamen ejusque liberum relinquit. Ut per- misso, et hoc fretus dico Statium scripsisse,

*Mense MEO tua Roma cupit:*



non NOVO. mense meo id est *Januario*, qui Jano sacer, ut pueris notum. Martialis Epigr. VIII, 8. de redivo Caesaris, ad Janum:

*Tu tamen hoc maris, Latiae quod contigit urbi,  
Mense tuo reducem, JANE, videre Deum.*

qui locus movit Gronovium ut de *no* novo dubitaret. magis movisset virum egregium si considerasset *mensem novum* nihil esse praeter *initium mensis*, et de *quorvis* mense dici posse: hoc vero loco requiritur *mensis Januarius*: ut jam omnino falsum sit *Mense novo*. Martialis Epigr. X, 41.

*Mense novo Jani veterem, Procleia, maritum  
Deseris, atque jubes res sibi habere suas.*

clare vides *Mensem novum Jani* denotare *initium Januarii*. ita *annus novus, initium anni*, seu *Calendae Januariae*, in isto loco Claudiani a Gronovio citato, et Suetonio Tiber. c. 61. et alibi passim. Recte igitur *Mense meo*: et ita *Parmensis*, et plurimae aliae.

v. 25. *Moribus atque tuis gaudent turmaeque, tribusque.*] Corruptus locus, quicquid contra dicat Gronovius Diatr. c. XXXVII. Quid enim est istud *ATQUE*; *Moribus ATQUE tuis*? quis unquam hoc modo collocavit *ro ATQUE*? praesertim cum nulla sit conuexio inter hanc et praecedentem sententiam, neque haec ab illa aliquatenus pendeat. Pro *ATQUE* non dubito quin Statius scripserit *ECCE*: *Moribus ECCE tuis*. et haec voces alias a Librariis commutatae fuerunt. Sed nec *Moribus* sanior videtur: nullus enim hic *Moribus* locus, cum per totam Eclogam de *Consulatu* tantum, non de *vita privata*, aut *Censorio officio* Domitiani agat Statius. Dixisse potius debuit *Honoribus tuis*, si per versum licuisset, quam *Moribus*. Verum pnto,

*Infascibus ecce tuis gaudent turmaeque, tribusque.*  
Sensus hoc postulat; et evincunt sequentia,  
*lucemque a Consule ducit*

*Omnis honos.*

*Fasces pro Consulatu* poni omnibus notum, et bis in hac Ecloga occurrit. Natus error ex omissa prima versus litera, *ascibus*, *oribus*. Nec melius explicat Gronovius ista *lucem ducit*, per, *omnes Magistratus rivunt sanctis moribus principis*. Non istud voluit Statius, sed hoc: *Omnes magistratus et honores illustrantur a Consulatu tuo*: hoc enim est *lucem ducere* seu accipere ab aliquo; nempe *illustrari* ab illo, quemadmodum *Luna* et *stellae minores a Sole*. haec est Statii metaphora, hoc artificium in adu-  
lando.

v. 28. *Dic age, Roma POTENS, et mecum longa Vetustas*

*Dinumera fastos.*] Prubum suo loco *Roma POTENS*: Horatius Epist. II, 1. v. 60.

*Mos ediscit, et hos arto stipata theatro*

*Spectat Roma POTENS.*

Ausonius Mosella v. 378.

*Da veniam mihi, Roma POTENS: pulsa, oro, facessat*

*Invidia.*

Sic de Atina Virgilius VII, 630.

*Tela novant, Atina POTENS, Tiburque superbum:*

et aliis urbibus donatum hoc epitheton invenias. non igitur de Verbo, sed de sensu Verbi quaerendum; utrum scil. huic loco aptus sit: quod negamus. nihil enim facit *potentia* Romae ad istud de quo hoc loco agit poeta, scil. ad recensionem Fastorum ut inde repellantur exempla eorum qui multos Consulatus gesserunt, et qui cum Domitiano in hac re comparentur: Nihil, inquam, huc facit *Roma POTENS*, sed *Roma ANTIQUA*, et *LONGA VETUSTAS*. non enim ex eo quod *POTENS* sit, proferre apta exempla potest, sed quod *ANTIQUA* et *LONGAeva* et multorum saeculorum exemplis et experimentis erudita et instructa. Lege,

*Dic age, Roma PARENS, et mecum longa Vetustas*

*Dinumera fastos:*

quae vox honorem et reverentiam et Antiquitatem simul denotat; adeo ut bene conjungatur cum *longa Vetustas*. Quintilianus Declam. III, 2. *Sed neque hoc Roma PARENS, nec signa militaria aquilaeque victrices, nec tua, summe Imperator, divina virtus sinat.* Sidonius Apollinarius Carm. VII, 594.

*Laetior at tanto modo principe, prisca Deorum  
Roma PARENS, attolle genas.*

SIL. Italicus IV, 811.

*Quid tibi pro tanto non impar munere solcat  
Hannibal aequatus Superis? quae praemia digna  
Inveniam, Karthago PARENS?*

voces vero *potens* et *parens* commutantur a Librariis. ita Seneca Herc. Fur. v. 300. pro *frugum PARENS* optimi codices habent *POTENS*: quod admisit Gronovius. sic Claudian. in pr. Cons. Stilich. lib. II, 442.

*Occurrit Natura POTENS, seniorque superbis  
Canitiem inclinat radiis:*

pro *POTENS* Moreti codex *PARENS*. Vide autem in quantum sui oblivionem induxerit Statium calor ejus extemporaneus. invocatur enim *longam Vetustatem* ut *Fastos* exequiatur et exempla digna proferat: putares statim cum Fabriciis et Coruncaniis te rem habiturum esse. horum oblitus, immani saltu descendit ad *Augustum*, qui mentibus hominum paene recens, et memoria nonnullorum haerere potuit: et post tantam invocationis pompam, et petitionem ut recenseret *Vetustas non parva EXEMPLA*, UNUS tantum mentionem facit. O Judicium, quale te dicam bonum!

v. 31. *Ter LATIO deciesque tulit, labentibus annis,*

*Augustus fasces.*] Haec est omnium Editionum lectio: prava, quacunque constructione ponas. Gronovius quaerit, *quidni LATIOS?* non aliter scribere potuit Statius. Lucanus VII, 427. de die Pharsalico:

*hac luce cruenta*

*Effectum, ut LATIOS non horreat India fasces.*

Vers. 38. pro *TERENTI* Editt. *PARENTIS*: perperam. Emendavit primus Turnebus in ora Codicis sui: deinde delevit, et aliter hunc locum explicavit, dubitante Morello cui lectioni adhaereat. omnem scrupulum admittit Gevartius Papiu. Lect. IV, 2. ubi optime explicat, et probat ex simili loco Soter. Gall. v. 18.



*Aut instaurati peccaverit* ARA TARENTI:

*Gita* enim scribenda haec vox, non TARENTI: vide Heinsium ad Ovid. Fastor. I, 501. ubi etiam notat lectionem Edit. Parmensis, quae pro *revocabitur* habet *renovabitur*; quod defendi potest ex voce *instaurati* in loco modo citato, et multis aliis exemplis. Vers. 35. pro *permittes* Parm. *promittes*. Vers. 40. pro *Restat Bactra* Parm. et Rom. *Restât*. Vers. 41. pro *nondum gremio Jovis* recte Livineius et Barthius *nondum in gremio Jovis*. Supra v. 33.

*Tu juvenis praegressus avos*. En! *quanta recusas*,

*Quanta vetas! flectere tamen, precibusque etc.* ita legendum et distinguendum; non, *ET quanta recusas*.

v. 45. *Tunc omnes patuere fores, laetique dederunt*

*Signa polo.*] Non intelligo quanam fuerint haec *fores quae patuere*: non *Jani*; ille enim CLAUSO se poste recepit. *Deorum fores*, inquit, *quae in singulas Deorum domos ducebant*. Atqui OMNES *fores* sunt iam *hominum* quam *Deorum* *fores*. Praeterea, quomodo *omnes fores patent* cum *Jani clausae* sint? Deinde, cui *bono* *patuerunt*? quippe *fores* sua sponte *patere mali* erat et *infausti ominis*, ut ex pluribus Antiquorum locis quos ante oculos jam habeo, probare possem: vide Sueton. Jul. c. 81. Ner. c. 46. Tit. c. 24. Tacitus Hist. V, 13. Vopiscum in Florian. c. 4. Piget his absurditatibus immorari. Bonia avibus Criticae litavi cum hunc locum ita restitui:

*Tunc omnes plausere fores, laetique dederunt*

*Signa poli:*

dicit *Jani fores* *plangore* *dedisse* *signum* et *omen* haec quae praedixerat *eventura* esse. Claudianus de Rapt. Pros.

*ter cardine verso*

PRÆSAGUM cecinere FORES:

Ovidius Metam. IX, 781.

*Visa dea est movisse suas (et moverat) aras,*

*Et templi TREMUERE FORES:*

praesentis scilicet numinis signum. Virgilius Aen. III, 90.

*Vir ea fatus eram; tremere omnia visa repente,*

*Liminaque laurusque Dei, totusque moveri Mons circum.*

vide Illustr. Ezech. Spanhemium ad Callimach. Hymn. in Apollinem. Bene vero *omen plausere*, id est *plaudendo dedere*: Thebaid. III, 502.

*Nonne sub excoelso spirantis limite caeli,*

*Amphiaræ, vides, cursus ut nulla serenos*

*Ales agat, liquidove polum complexa meatu*

*Pendeat, aut fugiens placabile PLAUSERIT OMEN:*

ubi tamen codices habent *planxerit omen*; quod eodem recidit. Claudianus de Bello Getic.

*Ipsa Roma die, nec adhuc ostenditur auctor,*

*Personuit, Venisse ducem; laetisque Quirites*

*Vocibus AUSPICUM certè PLAUSERE triumphi.*

Noster Theb. III, 493.

*tunc omnis in astris*

*Consonet arcana volueris* bona murmura lingua: id est *consonando* et *plaudendo* *det* bona murmura seu *omina*. Sic *sternuit omen* Amor, et, *dextram sternuit approbationem*, apud Propertium et Catullum, est *sternuendo dedit omen* et *approbationem*. Claudianus de Cons. Prob. et Olyb. v. 207.

*Prospera vibrati tonuerunt omina nimbi.*

Vide praecedentia. Propertius III.

*Et manibus faustos ter crepue sonos.*

Sed jam video alium esse et elegantiores in his Statii verbis sensum. Versu praecedenti dixerat,

*Sic Janus; CLAUSOQUE libens se POSTE recepit:*

Haec dixit Janus, et finita oratione recessit et FORES CLAUSIT. Scis vero quid denotent *clausae Jani fores*, scil. *pacem*. addit igitur,

*Tunc OMEN PLAUSERE fores:*

Hoc Jani factum, utpote *omen* pacis comprobarunt *fores*, ingenti plausu verberantes postes, et ut ait Claudianus (ex hoc forte Statii loco) *praesagum canentes*. Vides proprietatem verbi *plaudere*, quod est *comprobantium*. ex sonitu vero *omina* captandi mos notior quam ut exemplis adstrui necesse sit. Elegantissimus est hic locus, et verba sensibus referata. Deinde, *laetique dederunt Signa poli*. Ovidius Fastor. IV, 833.

*Ille precabatur: tonitru dedit omina laevo*

*Suppiter, et laevo fulmina missa polo.*

J Statius loco supra citato,

*Si datur et duris sedet haec sententia Parcis*

*Solvere Echionias Lernaea cuspide portas,*

*Signa feras, laevusque tones:*

Sed haec nota satis; ut et istud, *laeti poli dederunt signa*, pro *poli dederunt laeta signa*; qua epitheti transpositione nihil frequentius. Horatius Epist. I, 1.

*cui si vitiosa libido*

*Fecerit auspicium:*

id est, si *libido* fecerit *vitiosum auspicium*: nec enim opus est ut legamus *ventosa libido*, prout ego alio Opusculo legendum olim putavi. ita Noster Silv. IV, 6. *poecula marcentia fratris* pro *poecula marcentis fratris* id est *Bacchi*, qui proprie *marcidus* dicitur:

*Marcidus Edono bellum referebat ab Aemo*

*Liber:*

ita legendum pro *edomito*. Sic Capill. Earin.

*Huic et purpurei cedat coma saucia Nisi,*

pro *purpurea coma saucii Nisi*, seu *Nisi* qui a filia sauciabatur et capillo spoliabatur. Virgilius VIII, 520.

Tyrrhenusque tubae mugire per aethera clangor, i. e. clangor Tyrrhenae tubae. sic et *veteres ductus artificum*, pro *veterum artificum*, Eclog. VI. hujus libri. Stare tamen potest *laeto polo*: ut dicat, *fores* *dedisse signa polo*, quae *polus* sequeretur, et *fulmine* comprobaret: unde statim sequitur, *Jovem annuisse* et hoc *Jani votum* et *omen* confirmasse et sanxisse. et verum est *laeto polo*. *Dederunt signa polo* ut apud Virgilium Culice v. 344.

*Nereides undis*

*Signa dabant:*

quae est verissima emendatio magni Scaligeri, pro *Nereis ad undas*. Ovidius Heroid. VII, 95.



*Audieram vocem: Nymphas ululasse putavi:*

*Eumenides fatis signa dedere meis:*  
si ea vera scriptura sit.

v. 46. *longamque tibi, REX magne, juven-*  
*tam*

*Annuit, atque suos promisit Juppiter annos.]*  
Notabilis hic locus, utpote ex quo, si sana sit vulgata lectio, pendeat insignis Innovatio in Consuetudine Romana. Quid enim audimus? Domitianus REX Magnus? certe hoc non paterentur Romani, quibus nomen REGIUM post exactos Tarquinius odiosum et abominandum semper fuit: *Regium nomen, alibi magnus, Romae intolerandum est*, inquit Scipio apud Livium XXVII, 19. Nec quisquam eorum qui Imperatoribus maxime adulati sunt hoc nomen iis unquam serio impexit: unde Quintilianus Instit. III, 7. ubi satis artificiose et adulatorie Domitiani gratiam capiat, non REGEM eum audet vocare, sed PRINCEPEM. Nam quod de Tiberio praedictum fuit,

*REGNABIT sanguine multo*

*Ad REGNUM quisquis venit ab exilio,*  
non de regno aut regio nomine proprie dicto intelligendum est, sed de *summa potestate*, quocunque nomine distincta: plane ut apud Suetonium in Vita ejus c. 14. *Ac de infante Scribonius mathematicus praeclara spondit; etiam REGNATUM quandoque, sed sine regio insigni: ignota scilicet tunc adhuc Caesarum potestate.* Ita Caesarem et Pompeium REGES vocat Val. Flaccus VI, 402.

*Romanas veluti sacriissima cum legiones*

*Tisiphone REGESQUE movet:*

licet alii de Regibus auxiliariis hoc capiant. Et hoc sensu abusivo frequenter occurrit vox REGNUM, tam ante, quam sub Imperatoribus; ut de Syllae imperio Martialis IX, 44.

*Jusserat hic Syllam ponere REGNA truce.*

Sallustius Catilin. *At Lentulum dissimulantem coarguunt praeter literas, sermonibus, quos ille habere solitus erat ex Libris Sibyllinis, REGNUM Romae tribus Corneliis portendi: Cinnam atque Syllam antea; se tertium esse cui fatum foret urbis potiri.* notum vero est nec Cinnam nec Syllam REGES Romae fuisse: unde non REGNUM, sed DOMINATIONEM potestatem hanc vocat Quintilianus V, 10. de his tribus Corneliis loquens. Ita Caesar apud Lucanum I, 334.

*ex hoc jam te, improbe, REGNO*

*Ille tuus saltem doceat decedere Sylla:*

artificiose ambigua voce utitur Caesar ad invidiam Pompeio faciendam. Ausonius de XII. Caesaribus:

*Caesares proceres, in quorum REGNA, secundis Consulibus, dudum Romana potentia cessit, Accipe bis senos.*

Hinc Eutropius lib. I. affirmat Julium et Octavianum *Caesares sub Dictaturae nomine* *seu honore REGASSE*: falso, nisi de *Potestate summa* tantum accipias; cum Ipse lib. VI. clare dicat hanc necis Julio causam fuisse quod REGIA et paene tyrannica faceret, unde lib. IX. de Diocletiano distinguit inter REGIAM consuetudinem et Romanam libertatem: *Dili-*

*gentissimus tamen et solertissimus PRINCEPS; et qui Imperio Romano primus REGIAE consuetudinis formam magis quam Romanae libertatis, iniecit; adorarique se jussit, cum ante eum cuncti salutarentur.* Quam distinctionem servat Plinius Epist. X, 50. Trajano: *Sed hoc ipso (feres enim me ambitiosum pro tua gloria) incitor et accendor; ut cupiam peragi a TE quae tantum coeperant REGES.* Idem Pannegrico: *Visuntur eadem e materia Caesaris statuae, qua Brutorum, qua Camillorum, nec discrepat causa. illi enim REGES hostemque victorem moenibus depulerunt: hic REGNUM ipsum, quaeque alia captivitas gignit, arcet ac submovet, sedemque obtinet PRINCIPIS, ne sit DOMINO locus.* Vides quam cautus sit Plinius in amolendo invidioso nomine REGIS a Trajano suo, et assignando PRINCIPIS: quo titulo gaudebant Imperatores usque ab Augusto, qui cuncta discordiis civilibus fessa nomine PRINCIPIS sub imperium accepit, ut de eo Tacitus, initio Annal. primi. Marullus quidem Epidius et Flavius Caesetius tribuni plebis in eo arguebant REGNI voluntatem, ut narrat Vell. Patereulus II, 68. sed immerito, ut videtur; et hac tantum causa ut invidiam illi conflarent. Nec quidquam, quod ad nomen REGIUM attinet, in hac parte innovatum, ante insaum Caligulae conatum, de quo Suetonius c. XXII. *Cum audiret forte reges, qui officii causa in urbem adveniant, concertantes apud se super cenam de nobilitate generis, exclamavit, Etsi xolgaros lotw, Etsi βασιλεῖς, nec multum abfuit quin statim diadema sumeret; speciemque PRINCIPATUS in REGNI formam converteret. verum admonitus et PRINCIPUM et REGUM se excessisse fastigium, divinam ex eo majestatem asserere sibi coepit.* Nec ab insequentibus Imperatoribus quidquam mutatum fuit usque ad Domitianum; nec ab ipso Domitiano; qui licet DOMINUS ET DEUS NOSTER appellari voluerit, nusquam tamen legimus eum REGIS nomen affectasse: nec in tota Antiquitate testimonium aliud hujusce appellationis Domitianeae inveniri posse puto, praeter hunc Statii locum; hunc quoque corruptum: scripsit enim Statius,

*longamque tibi, DUX magne, juventam*

*Annuit.*

Familiaris haec et frequens Romanis Imperatoribus appellatio. Horatius, ad Augustum:

*Lucem redde tuae, DUX bone, patriae.*

luculenter Noster Lacrim. Etrus. v. 50.

*propriis sub REGIBUS omnis*

*Terra; premit REGUM felix diademata Roma;*

*Hanc DUCIBUS frenare datum.*

Vides quam clare distinguat inter REGES aliarum gentium, et DUCES Romae. Phaedrus Fab. II, 5. de Tiberio:

*Tunc sic jocata est tanti majestas DUCIS.*

Magnus vero Dux Domitianus in his Silvris non semel vocatur, Herc. Surrent. v. 61.

*Ast ego, Dardaniae quamvis sub Collibus Albae Rus proprium MAGNQUE DUCIS mihi munere currens*

*Unda domi etc.*



Capill. Earin. v. 57.

*hic pocula MAGNO*

*Prima DUCI, murrasque puer, crystallaque portat.*

Protrept. Crispini v. 125.

*Ergo age, nam MAGNI DUCIS indulgentia pulsat.*  
Ita Juvenalis IV, 145. de Domitiano, ironice illudens huic titulo:

*quos Albanam DUX MAGNUS in arcem  
Trazerat attonitos et festinare coactos.*  
SUMMUS DUX, Idem. Martialis Epigr. I, 71.

*Inde sacro veneranda petes palatia clio,  
Plurima qua SUMMI fulget imago DUCIS.*

Et VI, 91.

*Sancta DUCIS SUMMI prohibet censura vetatque  
Moechari.*

Ita *sanctus Dux*, de eodem, IV, 2. *Ausonius Dux*, VIII, 21. et alibi. Non igitur REX *Magnus* Domitianus, sed *Dux Magnus*: quorum nominum differentiam scire potes ex Justino II, 15. Ducem suo suorumque exercitui deligunt Pausaniam; qui pro DUCATU REGNUM Graeciae affectans, proditiōnis praemium cum Xerxe nuptias filiae ejus paciscitur. Corn. Nepos: *Hi fere fuerunt Graeciae gentis DUCES qui memoria digni videantur, praeter REGES.* Clare et apposite Tacitus Annal. XII, 23. de augendo pomorio urbis loquens: *Nec tamen DUCES Romani, quam magnis nationibus subactis, usurpaverant, nisi L. Sulla, et DIVUS AUGUSTUS: REGUM in eo ambitio vel gloria varie vulgata.* Saepe vero voces REX et DUX a Librariis invicem commutatae fuerunt. ita Ovid. Fastor. IV, 884. pro DUX *Thuscus* Moreti codex habuit REX. Contra, Horat. Carm. IV, 5. v. 37. pro

*Longas o. utinam, DUX bone, ferias  
Praestes Hesperiae,*

nonnulli Codices optimaе notae habent REX *bone*. quod tamen si admittatur, non *potentiae*, sed *familiaritatis* esse appellationem censet summus Bentley; quemadmodum Maecenatem alibi REGEM vocat Flaccus. sed omnino non admittendum videtur. non enim fieri potest ut tam ambigua et suspitionibus obnoxia voce uteretur Horatius; nec permetteret Augustus, memor

scilicet offensionum in hac re et necis Divi Julii. Ex his exemplis et rationibus cuivis, opinor, patet legendum esse DUX *magne* in hoc Statii loco; et consequenter falsum esse Gronovium, qui *Oratione de Lege Regia*, habitā Lugd. Batav. A. D. 1671. sic loquitur: „Et initium quidem Imperatores numero Regum habendi facile crediderim a Gracis manasse: „mox adsueverunt et Latini; quorum primus P. Papinius Statius in carmine quo septimum decimum Consulatum Domitiani decoravit, honoris eum causa „Regem Magnum salutat.“ Et Diatr. c. III. „Nec „puduit eum (Statium) in XVII. Consulatu Domitiani, „Caesarem titulo regis magni incidere: in invidiam scilicet Barbarorum regum, qui proprie reges magni „et reges regum salutabantur.“ Atqui, praeter rationes modo adductas, quare aliis in locis semper DUCEN et MAGNUM DUCEN, nunquam REGEM appellat? praesertim cum ibi multo aptius facere potuisset quam hic: certe enim incongruum est vocare aliquem REGEM eo loco ubi illum laudare institueris ex eo quod sit CONSUL. Et, quod non minimum est, reges et regium nomen passim in Thebaide perstringit. ita II, 486. de Eteocle τῷ Tydei insidiaturo:

*sanctum populis per saecula nomen  
Legatum insidiis tacitoque invadere ferro  
(Quid REGNIS non vile!) cupit:*

id est, REGIBUS. vide et Theb. XII, 505, et 594. Non igitur ausus esset REGEM Domitianum appellare, cum de *Regio nomine* tam libere sentiret et locutus esset. quod et faciunt ceteri istius aevi scriptores, Sil. Italicus, Tacitus, Suetonius et alii: minime ausuri hoc facere, si sensissent Imperatores hoc nomen affectasse. Notabilis est locus Sili, XVI, 534.

*Hos inter gemini (quid jam non REGIBUS ausum?*

*Aut quod jam REGNIS restat scelus?) impia  
Circo*

*Innumero fratres, cavea damnante furorem,  
Pro sceptro armatis inierunt praelia dextris.*

Hic tamen Silius inter Domitiani adulatōres erat; istius Domitiani, quem REGEM vocat Statius.

## ECLOG. II.

[EPULUM DOMITIANI EUCHARISTICON.] Ita Editiones; duplici Lemmate; quorum utrumvis satis esset. Sed verum est EUCHARISTICON: quippe materia hujus Eclogae non est *Epulum Domitiani*, sed sua *Gratiarum Actio*, ut ex Praefat. discimus: secundā GRATIAS EGI *sacratissimis ejus epulis honoratus.* Bene igitur Gronovius, et ex libris, opinor, edidit EUCHARISTICON AD IMP. AUG. GERMANICUM DOMITIANUM. in Parmensi erat angustius: EUCHARISTICON AD DOMITIANUM: nimis familiariter et sine honore verborum.

v. 4. *Aequore qui MULTO reducem consumsit*

*Ulixem.*] Id est, Homerus, qui *consumsit* vel *exhaust* vel *fatigavit* Ulixem (hoc est *consumtum* et *exhaustum* descripsit) *reducem* multo aequore, per multum aequor. Poetae facere dicuntur quae facta describunt, ut alibi notavi. ita Virgilius intulit Aeneam Laurentibus arvis, hoc est, *illatum arvis Laurentibus descripsit* vel *cecinxit*. Exempli obvia. Potes etiam construere, qui *nullo aequore consumsit reducem Ulixem*. Utcunque sumas, haec lectio est. omnium Editionum praeter Romanam, quae pro MULTO habet LENTO, Hypallage forte non



contemnenda, ut LENTUM aequor vocetur in Jquo  
Ulixes LENTUS vagabatur. notus ille Ovidii versus

*Hanc tua Penelope LENTO tibi mittit, Ulix;*

Et huic forte alludit Statius, ut et Sabinus Epist. I.  
seu Ulixis Penelopae:

*Arguis ut LENTUM: mallem quoque forsitan esse.*

Ovid. Rem. Amor. v. 773.

*Quid, Menelæe, doles? ibas sine conjuge Creten!*

*Et poteras nuptâ LENTUS abesse tua.*

Potes etiam legere, LENTE *reducem consumsit Ulixem*,  
ut Glauc. Melior. v. 118. *casus TARDE* remeantis  
*Ulixei*: et Genethl. Lucan. v. 49. *Et TARDE* *reducis*  
*vias Ulixis*. Sed hoc non placet quia decriit epithe-  
ton *vj aequore*. Nisi ferri posset MULTO, in Con-  
textum admissem LENTO, quod admodum arridet,  
et Statianum esse fere persuadeor. [Quemadmodum  
Rom. ita Venet. habet LENTO pro MULTO: quod in  
Contextum statim admittatur. EX ADD.]

v. 6. *dominaque dedit CONSURGERE mensa.*

Supra ad Eq. Max. v. 82. monui forte legendum esse  
NON SURGERE mensa id est, *assidere mensae*, ut mox  
v. 17.

*datur haec juxta, datur ora tueri*

*Vina inter mensasque, et non assurgere fas*  
*est?*

*datur mihi sedere, praesente Imperatore?* Vide quae  
annotavi ad istum locum Eq. Max. ubi exemplis hoc  
loquendi genus illustravi. Eodem modo NON TACTA  
Bentleius restituit Horatio Epist. II, 2. v. 80. pro  
CONTACTA. Sed verius forte est

*dominaque dedit CONSIDERE mensa:*

ut apud Virgil. Aen. VII, 176.

*Perpetuis soliti patres CONSIDERE mensis.*

sic *considerare* *scammis* Ovidius Fast. VI, 305. Vers.  
9. pro *adoratas* Parm. *odoratas*: [v. 12. pro *trans-*  
*misimus* Ven. *transivimus*. EX ADD.] et 13. pro *haec*  
*limina* [Ven.] Parm. et Rom. *hic limina*. Vers. 15. *te*,  
*spes* hominum, *te*, *cura* *Deorum*: Parm. omittit vo-  
cem *hominum*: Rom. *te*, *spes* et *te cura* *Deorum*.  
*laetne* aliquid? non, opinor: vix enim aliter scribere  
potuit quam vulgo legitur. *hominum* et *Deorum* millies  
opponuntur: Theb. I, 230.

*Erroresque feros hominum, et reticenda Deorum*  
*Crimina:*

ubi vulgo inepte legitur *memorum* pro *hominum*. Theb.  
III, 641.

*Vidi hominum, Divûmque nefas, tristemque Me-*  
*gaeram:*

qui locus emendationem meam in altero confirmat.  
Vers. 19. pro *quantae* Rom. *quam te*. 20. pro *stupet*  
Parm. et Rom. *super*: perperam. *stupet* est *miratur*,  
*veneratur*: vide ad Arb. Ated. v. 41.

v. 22. *ne magnum properes ascendere caelum.*

Gronovius Reliq. ad Stat. Silv. notat MSS. Rhod. et  
Salisb. habere *excedere*: ergo, inquit, *ascendere*.  
Verissime: et ita Parm. et Rom. quae etiam *nec* pro  
*ne* exhibent. Cicero Tusculan. Disput. I, 29. de So-  
crate: *Et cum paene in manu jam mortiferum illud*  
*teneret poculum, locutus ita est, ut non ad mortem*

*trudi, verum in caelum videretur ascendere.* Sene-  
ca Herc. Fur. v. 21.

*escendat licet*

*Meumque victrix teneat Alcmena locum:*

ita optimus Codex Etruscus, non *ascendat*. Idem  
Phoeniss. v. 111.

*in altos ipse me immittam rogos,*

*Erepan ad ignes, funebrem escendam struem:*  
ut bene conjicit Gronovius pro *erectam*: quem vide  
ad Livium II, 28. de voce *ascendere* fuse agentem:  
et Muret. Var. Lect. XIV, 3. ubi Ciceronis locum in  
hac voce depravatam emendat. *Magnum vero cae-*  
*lum* adulatorie: innuit enim hac oppositione Domitiani  
palatium esse alterum et *parvum quasi caelum*; quo-  
modo vocat Templum Flaviae gentis a Domitiano  
conditum, Pietat. Abasc.

*aeterna modo qui sacraria genti*

*Condidit, inque alio posuit sua sidera caelo.*

Nimirum,

*Invicta quicquid condidit manus, caelum est:*

ut de hoc Templo Martialis IX, 2.

v. 23. *effusaeque impetus aulae.* Gronovius  
Diatr. c. XXXVIII. „Scribe, *effusae* qua *impetus*  
„*aulae*. notandus *ιδιωτικὸς* Statii, qui molem illam  
„aediculæ Caesarei alte assurgentem, lateque se effe-  
„rentem extendentemque, *impetum* dixit.“ Sed pri-  
mum, quare mutandum est *τὸ* *que* in *qua*, cum *que*  
multo praestet, sive sensui sive numeris consulas?  
QUA est UBI: dicit igitur Statius, secundum Grono-  
vium, *tanta patet moles ubi aula est*. Quoniam alio,  
quæso, loco patere potuit nisi eo UBI esset? *moles*  
enim et *aula* idem expriment, diversis tantum ver-  
bis: adeo ut haec emendatio dicat, *tanta patet AULA*  
ubi *AULA est*. Deinde: nullus hic *ιδιωτικὸς* Statii:  
habuit enim ex Lucretio lib. V.

*quantum CAELI tegit IMPETUS ingens:*

*Gubi impetus caeli est caelum*, ut hic, *impetus aulae*  
*est aula*; cum tacita significatione magnitudinis vel  
*immanitatis*.

v. 24. *Liberior campi, multumque amplexus a-*  
*perti,*

*Aethereo et tantum domino minor.* Iterum Grono-  
vius: „Non praetereundum, Rom. et Venet. Editt.  
„legere et distinguere,

*Liberior campi, multumque amplexus operi,*  
„pro *aperti*: et sane ita scripsit Statius. *Liberior*  
„*campi*, id est, *quod ad campum*. Dicit domum  
„Domitiam cinctam esse longo aequore seu capacissi-  
„mo atrio, et vastum tectum continere. *opertum*,  
„quod tecto inclusum est.“ Haec nihilo saniora:  
primum enim, quis unquam dixit *campum* pro *atrio*?  
praesertim ubi de aedificio *urbano*, non *rustico* sermo  
fit. unde *campus* in urbe? *Martius enim campus* lo-  
cum hic nullum habet, ubi de *Palatio* loquitur. Mar-  
tialis Epigr. III, 58.

*Baiana nostri villa, Basse, Faustini*

*Ingrata lati spatia detinet campi.*

an ibi quoque *campi* explicabis *atrii*? ne feceris: non  
enim ita voluit Martialis: sed *spatia campi* dicit quia  
de *villa*, non de aedificio *urbano* loquitur. Deinde,



si recte dici posset *campi* pro *atrii*, non tamen sensui satisfactum esset. quippe quaelibet, etiam *parva* domus, habere potest liberum et magnum *campum*, id est, sensu Gronoviano *atrium*: Statius vero domum hanc a *magnitudine* commendat, et dicit eam in liberam et magnam *laxitudinem* porrectam esse, et multum soli structionibus suis detinere: hoc vero non est *Liberior CAMPI*, sed *Liberior SPATII*; et ita Statium scripsisse minime dubito:

*Tanta patet moles, effusaeque impetus aulae*  
*Liberior SPATII.*

Q. Curtius VII, 4. *protenus certe recesserunt dato LIBERO SPATIO.* Seneca Nat. Quaest. V, 15. *deinde longa via fatigatos, vidisse flumina ingentia et conceptus aquarum inertium vastos, pares nostris; nec compressos quidem terra supereminente* (l. *superimminente*) *sed LIBERAE LAXITATIS.* Quintilianus Instit. II, 6. de avibus loquens: *tum expertas vires LIBERO caelo, suaeque ipsorum fiducia permittunt.* Lucanus IX, 452. de vento:

*Nec ruit in silvas, annosaeque robora torquens*  
*Lassatur; petit omne solum; LIBERQUE meatu*  
*Aeoliam rabiem totis exercet arenis:*

ita legendum; vulgo, *patet omne solum*: perperam. [Livius XXIII. 47. *Dein LIBERO SPATIO inter se ludificantes, sine vulnere pugnam extrahebant.* EX ADD.] Notus vero Gracismus *Liberior spatii*. ita *liber terrae hostis* apud Lucan. VI, 106.

*At liber terrae spatiosis collibus hostis*

*Aëre non pigro nec inertibus angitur undis:*

licet Gronovius Diatr. c. 2. *et terrae non ad liber, sed ad collibus pertinere dicat: hostis liber, collibus spatiosis terrae*: et hoc persuasit Cl. Drakenborchius, (ad Sil. Italicum II, 441.) mihi nunquam, modo suum cuique in his rebus sit iudicium. Silius eo loco:

*It liber campi pastor, cui sine sine ullo*  
*Invetitur saltus penetrat pecus.*

*liber campi pastor* est qui libertatem habet quoquo velit per campum evagandi. Nec Statii *Liberior campi* ex hoc Silii loco defendi potest: immo evertitur: Silius enim de *rure* loquitur, *It liber campi PASTOR*: Statius in *media urbe* versatur. differentia inter scripturam *campi* et *spatii* non adeo magna est, literis transpositis. Sequitur,

*Aetherio et tantum domino minor.*

Male Domitianus dicitur *aetherius* dominus; hoc enim est epitheton *Jovis*, quem supra Herc. Surrent. v. 108. vocat *aetherium* patrem:

*Quo pater aetherius, mensisque accita Deorum*  
*Turba, et ab excelso venit soror hospita tecto.*

Et ita Martialis Epigr. IX, 36 et 37. et Noster Theb. XI, 207. Recte quidem Triptolemus infra v. 35. dicitur *aetherius* ob notam ejus per aethera expeditionem: hoc vero nullo modo congruit Domitiano. Mutatione unius litterae tota haec res expeditur: lege modo,

*Liberior spatii, multumque amplexus aperti*

*AETHEROS, et tantum Domino minor:*

ita ex auribus et intellectis numeris Stadianis olim

emendaveram; memor etiam istius loci in Phileto Ur-  
si v. 31.

*Qualis eras procul (heu) cunctis puerisque vi-*  
*risque*

*Pulchrior, et tantum domino minor:*

ubi idem hemistichion, et eadem versus modulatio: confirmat Edit. Parm. quae vocem AETHEROS clare exhibet: Rom. AETHEREOS. Bene vero *aperti aetheros*: Virgilius Aen. I, 590.

*Vix ea fatus erat, cum circumfusa repente*

*Scindit se nubes, et in aethera purgat apertum.*

Seneca Hippol. v. 499.

*Sed rure vacuo potitur, et aperto aethere*

*Innocuus errat.*

Noster Theb. II, 403.

*et te jam tempus aperto*

*Sub Jove ferre dies:*

id est *aethere aperto*. *Aetheros* vero (non *Aetheris*) terminatione Graeca, quam, utpote sonantiolem, amat Statius. sic Theb. II, 692.

*Ille haec praeviderat, omina doctus*

*AETHEROS, et nulla deceptus ab alite.*

Et III, 524.

*clara regione profundi*

*AETHEROS innumeri statuerunt agmina cyeni.*

IV, 389.

*Et jam sortitus Prothoos versarat aëna*

*Casside:*

ita legendum pro *Prothoos*, quod ingratum auribus accidit propter praecedens *sortitus*: auribus, inquam, quarum in his rebus habenda est ratio. Et jam tandem Domitiani domum habes *latam* et *altam*, quod voluit Statius: *latam*, utpote quae *Liberior spatii*: *altam*, et *magnam* simul, quia *multum aperti aetheros complexa*, hoc est *implens*, *ambitu suo occupans*, ut ad Eq. Max. v. 2. annotavi. N. Heinsius ad Claudian. Rapt. Pros. I, 172. legit *operti Aetheros* ex Edit. Parmensi; et ex conjectura *campis* pro *campi*: quae, quando intelligo, facile possum refutare. Verum est *aperti Aetheros* contra centum Codices: et ita coniecisse jam video eruditissimum Petrum Scriverium. Vers. 27. *multa Syene*: non admodum placet *et multa*: et latere sub ea voce puto epitheton aliquod marmoris Syeniti proprium, et quod colorem ejus denotet; ut versu proxime seq. *glauca certantia Doride saxa*, de Carystio marmore. De Syenite lapide vide Plin. XXXVI, 8. pro *nilent* Parni. *nilent*. Vers. 30. pro *Longa super* Parm. *Longaque super*.

v. 31.

*auratique putes laquearia caeli*] Recte omnia: nec quidquam mutandum. *aurati caeli*, ut apud Claudian. III. Cons. Honor.

*auratas astrorum panderet arces.*

Manilius V.

*Crater auratis surgit caelatus ab astris.*

*Laquearia caeli*, bene: unde Manilius lib. I.

*Haec igitur texunt aequali sidera tractu*

*Ignibus in varias caelum LAQUEANTIA formas.*

*cenacula maxima caeli* vocat Ennius in Fragm. p. 146. *caeli ingentes fornices*, alibi (quam metapho-



ram exagitat Cicero de Orator. III, 40.) et *caeli palatium* p. 327. convexitatem scilicet respiciens. De hac voce *laquearia* iusignis est locus Servii ad Virgil. Aen. VIII, 25.

*summique ferit laquearia tecti.*

LAQUEARIA] Multi LACUNARIA legunt: nam lacus dicuntur: unde est in Horatio, Nec mea renidet in domo LACUNAR. Non enim a LAQUEIS dicitur, sed ab eo quod sunt LACUS. Ubi miratur Pierius Servium non neglexisse eos qui *lacunaria* legunt, quum vel ex Horatii exemplo, quod apposuit, syllabae repugnantiam viderit. Recte haec Pierius, si ita scripserit Servius: sed aliter scripsit, nempe, Multi LACUNARIA legunt. Dicit Servius multos legere *lacunaria* hoc loco, a *lacu*; unde et *lacunar*. clarum hoc ex alio loco Aen. I, 730.

*dependent lychni LAQUEARIIS aureis:*

ad quem Servius: Legitur et LACUARIIS. Tota annotatio sic habet: Principaliter LACUS dicitur, ut Lucilius: resultant aedesque LACUSQUE. Diminutio LACUNAR facit: Horatius: Nec mea renidet in domo LACUNAR. Inde fit alia diminutio LACUNARIUM, et per Antistoechon LAQUEARIUM. Legitur et LACUARIIS. Fallitur vero Grammaticus: non enim per Antistoechon fit *laquearium* pro *lacunarium*, sed *laquearium* ponitur pro *lacunarium*, elisa litera *n*, et promiscuo usu literarum *qu* et *c*, de quo plus semel monui. progressus hoc modo fit; *lacus*, *lacunar*, *lacunarium*, *lacunarium*, *laquearium*. Hanc vero domum Domitiani struxit Rabirius quidam, ut ex Martiali disco, Epigr. VII, 56.

*Astra polumque tua cepisti mente, Rabiri,*

*Parrhasiam mira qui struis arte domum.*

qui locus egregie illustrat hunc Papinii: et pro tua mente legendum forte pia mente.

v. 35. aetherii felix sic orbita fluxit

Triptolemi.] N. Heinsius ad Val. Flaccum IV, 654. pro aetherii vult Actaei Triptolemi; sine causa: immo perperam: aetherii enim hoc loco necessario requiritur: talis, inquit Statius, fuit Triptolemus; qui per aethera volans orbem terrarum frugibus observavit, ut ait Servius ad Georg. I, 19. Vides quare fluxit: nisi enim aetherius fuisset Triptolemus, orbita ejus fluere non adeo recte dici potuit: fluere enim de rebus quae a loco superiore veniant, ut Eq. Max. v. 2. caelone peractum fluxit opus? hic vero vox fluxit alludit ad sparsionem seminis quod e curru aetherio in terras subjacentes dejecit Triptolemus: et verba hoc ordine ponenda sunt, sic orbita aetherii Triptolemi fluxit felix. Felix est frugifera; ut felix annus, qui largos frugum proventus adfert, potest passim. Nihil igitur mutandum. Eodem modo Perseus aërius vocatur Val. Flacco, I, 67.

nunc aërii plantaria vellet

Perseos:

ob eandem fere rationem. Sic Plato aetherius apud Manilium I, 771. utpote qui aërias tentavit domos animoque rotundum percucurrit polum:

Aetheriusque Platon, et qui fabricaverat illum:

qui fabricaverat illum est Socrates, ex cujus quasi officina prodiit Plato: unde intelligitur istud D. Pauli, ad Ephes. II, 10. Ἀπὸ τοῦ γὰρ ἔργου ἡ Οἰκῆμα. Pari sensu Plantus parentes vocat liberorum FABROS.

v. 38.

Indisque innixa columnis.] Clare legendum Indisve: epulae enim et robora Maurorum innixa Indis columnis nihil simile habent: disjungenda igitur, non conjungenda. Sic Lacrim. Etrusc. v. 129. restitui pubentesve rosae pro pubentesque. et Herc. Surrent. ad fin. priscumve et Solisve pro priscumque et Solisque. Juvenalis Sat. XV, 124.

Qua nec terribiles Cimbri, nec Britones unquam,

Sauromataeve truces, aut immanes Agathyrsi: ita legendum pro Sauromataeque: et versa primo pro Britones lege Teutones. Cimbri et Teutones perpetuo conjunguntur: vide Vell. Paterculum II, 8. et I2. Florum III, 3. et alios passim.

v. 41. Tranquillum VULTU, SED majestate serena Mulcentem radios.] Olim emendaveram Tranquillum VULTUS ET majestate etc. et ita Behotius, testante Gronovio, Diatr. c. XXXVIII. vultus vero est accusativus pluralis; quo numero fere utitur Statius quando de Numine aliquo aut illustriori persona sermo fit: ita mox v. 52.

Nec dum aequo tuos, Germanice, vultus:

Eclog. VI, v. 55. de Hercule:

Sic mitis vultus, veluti de pectore gaudens

Hortetur mensas:

Silv. III, 3.

Sed decus eximium formae par reddit imago

Vultibus:

V, I. v. 189.

Da Capitolinis aeternum sedibus aurum

Quo niteant sacri centeno pondere vultus

Caesaris:

ita legendum puto; vulgo niteat. Vide quae mox annotabimus ad vers. 54. Claudianus Laud. Stilic. II, 135. Blanda quidem vultus; sed qua non tetrius ulla: ita bene ex libb. edidit Heinsius pro vultu. vide eum ad locum. Vers. 33. pro tamen Parm. tātū, id est, tantum: perperam.

v. 50. Sic gravis Alcides post horrida jussa REVERSUS

Gaudebat strato latus acclinare leoni.] Recursus quo? aut post CUIUS horrida jussa? haec enim dicta fuisse oportuit; multorum quippe jussa patiebatur Hercules. Lege, ut supra monui ad III, 3. v. 56.

post horrida jussa NOVERCAE:

nihil verius: Noster Achilleid. I, 188.

canit ille libens immania laudum

Semina; qui tumidae superavit JUSSA NOVERCAE Amphitryoniades.

Silv. III, I. de Hercule:

immitem credas JUSSISSE NOVERCAM.

Ovidius Metam. IX, 15.

Et superata suae referebat JUSSA NOVERCAE.



Sil. Italicus II, 478.

*Ne sacrae tendat contra decreta NOVERCAE.*  
Auctor Octaviae v. 22.

*Tulinus sacrae JUSSA NOVERCAE.*

Sed haec satis; quippe pueri sciunt *Junonem Alcidis novercam*. *Gaudebat acclinare latus est acclinabat latus*; de qua phrasi plenius in superioribus. Notandum vero vocem *sic* in his comparisonibus idem esse ac *talis*: de quo etiam supra. Vers. 50. *Ipso gravis Parm. gravis*. Vers. 52. *pro necdum, eadem nondum*.

v. 53. *Talis ubi oceani finem, mensasque RE-VISIT*

*Aethiopum*, etc.] Nihil hoc loco sollicitandum esset, nisi novam lectionem praeberet Parmensis, *mensasque RELIQUIT Aethiopum*: cui favet simillimus locus Achilleid. I, 52. de Neptuno:

Oceano VENIEBAT ab hospite, mensis

*Lactus, et aequoreo diffusus nectare vultus.*

De hac igitur cogitandum censeo: lectiones enim primae editionis non temere abiciendae sunt, nisi manifesto vitiosae et absurdae: ut v. 55. ubi pro *Dux* eadem habet *Dum*. eodem versu pro *Musas Rom. mensis*. De Jove ad *aequora* Aethiopas proficiscente videndus Iliad. A. 423. et Arnobius VI. p. 192. ubi consulas Observat. Elmenhorstii.

v. 54. *sacro diffusus nectare vultus*.] Modo praecessit, *nec dum aequo tuos*, *Germanice vultus*: nec tamen quidquam mutare audeo: optime enim utriusque loco convenit *vultus*, nec in melius reformare potes: nisi mavis in loco superiore, *necdum aequo tuos, Germanice, visus*: ut Thebaid. IX, 879. de Parthenopaeo:

*cecidit laxata casside vultus,*

*Aegraque per trepidos expirat gratia visus.*

et hoc verum puto. *visus est species*, et de toto homine, non facie solum, sumendus. Vell. Paternulus II, 91. de Tiberio: *qui protensus quantus est sperari potuerat, visusque praetulerit principem*. ita legendum; non *visusque*. Porro, scribendum hoc loco *sacros vultus*, non *sacro nectare*. Martialis Epigr. VIII, 24.

*Qui fingit sacros auro vel marmore vultus,*

*Non facit ille Deos: qui rogat, ille facit.*

Nemesianus Cyneget. v. 76.

*Cum primum vultus sacros, bona numina terris,*

*Contigerit vidisse mihi:*

Lucanus VIII, 669.

*Ac relegit sacros, scisso velamine, vultus*  
*Semianimis Magni.*

Mamertinus Geneth. Maxim. c. XI. *quale pietas vestra spectaculum dedit, cum in Mediolanensi palatio, admissis qui sacros vultus adoraturi erant, conspecti estis ambo!* etc. et ita passim. *Diffusus vultus nectare*, ut Achilleid. I, 52.

*aequoreo diffusus nectare vultus.*

Ovidius Metam. III, 318.

*Forte Jovem memorant diffusum nectare, curas*  
*Seposuisse graves.*

*oceani finem* est ex Virgil. Aen. IV, 480. *Mox, secreta carmina sunt carmina reconditoria*, non quotidiani cantus; ut *vestis seposita* apud Tibullum. Deinde pro *laudare triumphos* potes legere *cantare*, ut Theb. VI, 358. de Apolline:

*nam saepe Jovem Phlaegramque suique*

*Anguis opes fratrumque pios cantarat honores:*

Horatius Carm. II, 9.

*Cantemus Augusti tropaea*

*Caesaris.*

Sed *laudare recte* habet! idem enim est quod *cum laude cantare*. Theb. VIII, 234. de Thebanis festam noctem ducentibus:

*Ili gravidam Semelen, illi Cythereia laudant*  
*Connubia.*

Silv. IV, 2.

*Regia Sidoniae convivia laudat Elisae etc.*

Calpurnius Eclog. VI, 74.

*Nam vicibus teneros malim contetis amores;*

*Astile, tu Petalen, Licyda, tu Phyllida lauda.*

Sidon. Apollinaris Carm. IV. de Virgilio et Augusto:

*Sed rus concessum dum largo in principe laudat,*

*Caelum pro terris rustica musa dedit.*

v. 58. *patriae bis terque exire senectae*

*Annuerint fines*.] Nihil audeo mutare, licet mire

adblandiatur *Pythiae senectae* pro *patriae*: ad hanc enim formam fere semper vota sua concipit quando longaevitatem cupiam optat: ut III, 4.

*eat oro, per annos*

*Iliacos Pyliosque situs:*

I, 4.

*Euboiei transcendere pulveris annos*

*Nestoreosque situs:*

et ita alibi his Silvis. *Pythiae senectae* ut Theb. V, 751. Martialis. Epigr. VIII, 2. Sil. Ital. XV, 456. et alias. Ita apud Ovidium Met. XV, 836. pro eo quod erat in MSS. *patrios annos*, restituit Heinsius *Pylios*. Sed hoc *glorioso* nihil mutare audeo: Vespasianus enim, Domitiani pater, vixit annis sexaginta novem. Mox, v. 60. pro *habilesque domos recte Barthius habilesque*. Nemesianus Cyneget. v. 148.

*Quin et flammato ducatur linea longe*

*Circuitu, signetqueabilem vapor igneus orbem.*

Vers. 61. pro *Limina Parm. Lumina*: et pro *lietore*

Rom. *litore*. Vers. 63. pro *Qua Parm. Quas*: male.

Constructio est: *Lux ea, quae dedisti mihi felices epulas et sacra mensae tuae, talis mihi longo post tempore venit, qualis ea fuit cum tua manus induit Palladio auro me sonantem modo Germanas acies, modo Dacia praetia*. Vers. 65. pro *Trojanac Albac* nonnulli *Romanac*; perperam.



## E C L O G. III.

V. 5. *NEC dux advena pejerante bello*

*Cumpanos* qualis *inquietus agros*.] Quid est *pejerante bello*? an bellum *pejerare* dicitur? Non certe; sed *Dux*, qui contra foedera et pacem juratam bellum infert, *pejerat* seu *pejeratus est*. Lege et distingue,

*Nec dux advena, pejerate bello,*

*Campanos quatis inquietus agros:*

apostrophe poetis usitatissima; ut infra v. 137.

*Largis, India, nubibus maderes:*

ubi plura exempla proferam. Domitius *ducem* hunc *advenam* Spartacum interpretatur, qui erat, inquit, Thracius. Sed non dicit quo sensu bellum Spartaci *pejerans* dici potuit. Cruceus de *Annibale* haec capit, non obstante mentione *Libycarum catervarum* versu superiore; est enim, inquit, dilatio poetis et oratoribus usitatissima. Certe notissimum est *Annibalis perjurium*: unde Noster Herc. Epitrapez.

*perjuroque ense superbus*

*Annibal:*

Et Martialis Epigr. VI, 19.

*Tu Cannas, Mithridaticumque bellum,*

*Et perjuria Punici furoris*

*Magna voce sonas.*

Sed disjunctivum *nec* aliam interpretationem videtur postulare, et diversum a priore bellum innuere. Quicquid sit, certissima puto *pejerate*, et *quatis*, quod absolute ponitur, ut Protr. Crispin. v. 135.

*An juga Pannoniae, mutatoresque domorum*

*Saurornatas* QUATIES?

id est *bello quatis*, turbabis. exempla obvia. Vers. 2. pro *Immanis* Parm. *Immani*: et pro *aequori* Parm. et Rom. *aequoris*: frustra.

v. 16. *Qui reddit Capitolio Tonantem*.] Idem fere est ac *Capitolium Tonanti*; nec opus est mutatione: qui enim reddit Capitolium *Jovi*, ille reddit *Jovem* Capitolio: ut apud Aurel. Victorem in Camillo: *sic* et oppidum civibus, et cives oppido reddidit. Ita versu prox. seq. *Pacem propria domo reponit*. Usitatio forte altera loquendi forma: Tacitus Hist. III, 84. *Urbem Senatui ac Populo Romano*, templa Diis reddita. licet alterius non desint exempla: Annal. I. *multas illic utrinque lacrimas et signa caritatis, spemque ex eo, fore, ut juvenis penatibus avi redderetur*; de Agrippa Augusti nepote. Noster Theb. XI, 280.

*Redde arvis domibusque viros.*

Et sane majus est reddere *Jovem* Capitolio quam *Capitolium Jovi*, si propius inspicias: in priore enim casu, *Jupiter* est, Deorum Pater, de quo deliberatur seu statuitur: in altero, *templum* tantum praedicatur: tanto igitur istud majus hoc, quanto *Jupiter* major est *templo*. Sequitur,

*Et Pacem propria domo reponit.*

Vespasianus extruxit Templum *Pacis*, testibus Suetonio Vesp. c. 9. Plinio Nat. Hist. XXXIV, 8. et aliis. Quaeritur itaque quid Domitiano cum hoc templo?

Ego censeo per *Pacem* hic intelligi debere statuum hujus Deae, quam in templo a patre extructo forte reposuit Domitianus.

v. 19. *Sancit limina, Flactumque CULMEN.*]

Haec per Editiones regnat lectio. et quasi nulla esset diversitas in libris, ab omnibus transmittitur hic locus. Atqui Domitius in codicibus suis invenit et edidit,

*Sancit limina, Flactumque CALVUM:*

quod ita exponit, „Alludit ad Domitianum qui CALVUS erat: immo et calvitio offendeatur, quamvis librum scripsit de Cura Capillorum ad amicum. II., lum seque consolans Juvenalis:

„Et CALVO serviret Roma Neroni.“

¶ Vix vidi quidquam magis ridiculum. Hanc etiam lectionem in prima Edit. Parm. inveni, CALVUM, non CULMEN: unde patet diversorum codicum hanc esse scripturam; unde etiam patet Statium scripsisse,

*Qui genti patriae futura semper*

*Sancit limina, Flactumque CAELUM:*

ita alibi vocat hoc Templum Flaviae gentis, Pietat. Abasc.

*est hic, agnosco, minister*

*Illius, aeternae modo qui sacra genti*

*Condedit, inque alio posuit sua sidera CAELO.*

et ita Martialis Epigr. IX, 2. de eodem templo:

*Manebit altum Flaviae decus gentis*

*Cum sole et astris cumque luce Romana.*

*Inventa quicquid condidit manus, CAELUM est.* et 4. ejusd. lib. de operibus Domitiani:

*Quid loquar Alciden, Phoebumque, piosque Laconas?*

*Addita quid Latio Flavia templa POLO?*

et ita forte capiendum istud Eq. Max. v. 94.

*huc et sub nocte silenti*

*Cum Superis terrena placent, tua turba relicto Labetur CAELO:*

nempe relicto SVO CAELO, seu isto quod tu illis fecisti. Ne dubites de hac restitutione. et ita in Turnebi exemplari adnotatum erat, Morello teste.

v. 20. *Hic scenis populi vias gravatas*

*Et campis iter omne detinentes*

*Longos eximit ambitus.*]

In scriptis Vetterum vix locum vidi hoc inquinatorem: ex decem enim vocibus quae duos priores versiculos efficiunt, *sex*, et in nonnullis editionibus *septem* depravatas puto. Historiam et rationem hujus Eclogae paucis habe, ut de *ἡναγοθώσῃ* nostra melius iudicium feras. *Via Publica* ad Cumas, sinum Gauranum, et Bajas, pessime affecta erat; quippe obsessa profunda et gravi arena; adeo ut *piger axe vectus udo nutaret cruce pendula viator*; *sorberetque rotas maligna tellus*. Nec quidquam proficeres si *viam publicam* evitare velles, et per campos circumjacentes iter facere: quippe Vulturius amnis eos tenebat; adeo ut *plebs in mediis Latina CAMPIS horreret mala navigationis*. Duplici huic incommodo occurrebat Domitianus: nam-

Rr



que, effossa veteri materia, eacemtis et *novo injectu* VIAM solidabat: CAMPOS vero restituit *siccando lacunas*, et, *ponte* facto, Vulturum in ordinem et alveum suum redigendo. Haec est historiola hujus Eclogae, ex Statii verbis collecta: jam vero verba ipsa videamus, quibus (quod post Gevartii et Gronovii conatus mireris) sensus nullus subest. Et primo, (transco enim Domitii *coeno hic populeo*, et Crucei, *Hic coeno populi vias gravatas*) Gevartius Papin. Lect. IV, 5. non dubitat quin rem ipsam repperit (verba ipsius sunt) legendo,

*Hic scoenis populi vias gravatas etc.*

*scoenis* id est *juncis*, a Graeco χοῖρος: et hac voce utuntur Plautus, Cato, et Columella. Quomodo vero *juncti* in *via publica*? hac praesertim, quae *gravi arena* oppleta fuit: in qua si *juncti* omnino nascuntur, certe non possunt *viam gravare* in tantum ut opus sit *novo injectu* et *penitus cavare terras*. Sed et si admittas Gevartii *scoenis*, quid fiet de hujus loci constructione? quae aut nulla est, aut sensum nullum reddit; prout mox dicemus contra Gronovium; qui Diatr. c. XI. legit

*Hic scenis populi vias gravatas*

*Et campis iter omne detinentes*

*Longos eximit ambitus.*

ubi *scenae*, inquit, *sunt arbusta implicata immissis in alios ramis*. Et hoc defendit Eleuch. Antidiatr. c. V. ita tamen quasi eruditioni potius quam veritati istius explicationis confideret. nam Reliq. ad Silv. quas longo post tempore edidit, legit,

*Hic coenis populi vias gravatas etc.*

ex eo quod Edit. Venet. et MS. Rhod. habuerunt *sacvis* et *senis*; quod et ego in Parmensi invenio. De his igitur *δευτέρας πορνίλου* jam videamus. Et primum, Constructio haec est: *Hic* (Domitianus) *eximit vias populi, gravatas coenis*; et *eximit longos ambitus detinentes iter omne campis*, seu *per campos*. Atqui Domitianus non *exemit vias*: immo contrarium, *redonavit et restituit*; tantum abest ut *exemerit*. Nec melius procedit alterum sententiae membrum, et *eximit longos ambitus detinentes iter omne campis*, si istud quoque examini subijcere velis. Sed quare VIAS, in plurali? una enim tantum erat, et ita semper dicitur, VIA DOMITIANA, non VIAE DOMITIANAE; ut in praefat. hujus libri: *Tertio viam Domitianam miratus sum*: et ita quinquies in hac Ecloga, v. 37. 114. 122. 127. 162. nunquam vero VIAS. Deinde, quanam sunt hae *viae POPULI*? ane alia est *via POPULI*, *Galia pecoris* et *jumentorum*? inepta haec distinctio, et superflua vox *POPULI*: omnis enim *via* est *via populi*, sine *populi* mentione facta; ut omnes *urbes* sunt *hominum*, licet non opus sit ut dicamus *urbes hominum*: nam locus ille Sulpitiae in Satyra v. 39. ubi haec locutio occurrit,

*Quid facimus? Graios, hominumque reliquimus* URBES,

corruptissimus est. Gronovius quidem veterem lapidem ad partes suas vocat; in quo erat, REDONATORI VIAE POPULI: et ita citat Cl. Salmasius, Epist. de Region. et Eccles. Suburbicariis, p. 4. et ita apud Gruterum invenio p. MXCV, 8. Sed exscriptorem hu-

jus inscriptionis minime dubito errasse, et pro POPULO legisse POPULI: *redonatori vias populo*, est, qui *redonavit viam populo*. Sed et hoc Gronovio donabimus: quid vero faciet τῶ COENIS? *coenum* enim plurali numero caret. Phocas Arte p. 1708. *praeter haec alia sunt quae plurali numero deficiunt? generis neutri, hoc COENUM, foenum, jus, lutum etc.* Adeo ut vera esse non possit haec Gronovii emendatio: nec Gevartii, ob easdem fere rationes. Pro *gravatas* MSS. habuerunt *gravantes*: ita enim Edit. Parm. et Rom. ex MSS. expressae: et ita ediderunt Bernartius, Aldus, Grasserus, et alii. Attende igitur sensui, et verba facili negotio ad veritatem ducent; memineris modo, *duo* fuisse incommoda quae sustulit Domitianus, nempe, profundam *arenam* ex *via publica*, et *inundationem* Vulturii *amnis* ex *campis* circumjacentibus. Haec duo hoc modo extulit Statius:

*Hic, coeno bibulo viam gravante,*

*Et campis iter amne detinente,*

*Longos eximit ambitus:*

*Hic*, (Domitianus), *cum arena viam gravaret, et Vulturum detineret iter per campos, eximit longos ambitus*. nihil facilius, aut verius puto: et hanc restitutionem confirmat totius Eclogae tenor, et verba. Eleganter vero *arena* dicitur *coenum bibulum*, cui diversum est *coenum tenax* seu *lutum*, apud Claudian. in Eutrop. II, 443. *Bibula arena* poetis frequentissimum est. Minimum mihi permisi pro *populi* scribens *bibulo*, cum sensus et literae eo ducerent: *b* enim et *p* saepissime invicem commutantur in libris.

*Iter campis est per campos*: Noster Achilleid. I, 154. *campis semet fluviiisque fugari*:

id est *per campos et fluvios*. Sil. Italicus XV, 562.

*Tellurem Noctemque et caelo sparsa precatur* Astra.

Ovidius Amor. III, 6.

*Quid? non Alpheon diversis currere terris*

*Virginis Arcadiae certus adegit amor?*

licet ibi quidem legendum sit, *diversas quaerere terras*, ex sensu, et Virgilio Aen. III, 4.

*Diversa exilia, et diversas quaerere terras.*

Servius ad Aeneid. XI, 142. post alia, sic scribit: *It nigrum campis agmen, pro, PER CAMPOS: et, IT PORTIS jubare, PER PORTAS. Amne* vero pro *omne*, certissimum est. Pariter in his vocibus peccatum apud Sil. Italicum III, 42. ubi pro *omnis Aeacarnan* recte Heinsius *amnis* substituit. Vide Val. Flaccum I, 23. ubi idem mendum. Contra Ovid. Pontic. IV, 10. v. 57. pro *omnes* Mureti codex habet *amnes*. *Amnis* est *Vulturius*: et ita v. 80. et 95. et 125. *Via* vero *Domitiana* (de qua re oblitus eram supra monere) recte dicitur: licet, si Analogiam spectes, dicendum esset *Domitiana*: sed aliter usus obtinuit. Sic *Via Appia*, *Via Trajana*, *aqua Marcia*, et similia: de quibus vide Heinsium ad Ovid. Fast. II, 491.

v. 22.

*novoque*

*Injectu solidat graves arenas.*] Theod. Gorrallus, seu Joannes Clericus Not. ad Auctorem Aetnae v. 206.



*Congeries operis saxorum et PUTRIS arenae,*  
citât hunc Statii locum; et pro GRAVES arenas ex  
antiquis editionibus reponit PUTRES arenas. Sane  
omnes quas ego inspexi retinent GRAVES; neque hanc  
discrepantiam a quoquam alio notatam invenio: ex  
quacunque vero Editione hauserit vir doctus, verissi-  
mam puto, et sensui necessariam. quippe si GRAVES  
sint arenas, parum opus est ut SOLIDENTUR, gravi-  
tate sua paene jam solidae: Ovidius Metam. XI, 232.

*Litus habet SOLIDUM, quod nec vestigia servet,  
Nec remoretur iter.*

et contrarium dixisse debuit Statius,

*notoque*

*Injectu solidat LEVES arenas,*

hoc est molles, PUTRES, εὐδαίμονους ut infra v. 126.

*Quid foedum nemus, et PUTRES arenas  
Celsis pontibus, et via levabit.*

Auctor Aetnae v. 423.

*In cinerem, PUTRESQUE jacet dilapsus arenas.*  
Vides quid sit putris arena, nempe cedens, sorbens  
rotas, ut mox dicit. Hanc lectionem clare confirmat  
locus Eclog. proxime sequentis, v. 2.

*Hac ingressa vias, qua nobilis Appia crescit*

*In latus, et MOLLES SOLIDUS premit agger ARE-  
NAS:*

agger SOLIDUS premit MOLLES arenas, non GRAVES  
arenas. Scio quid obijci possit ex Epist. Praefat.  
hujus libri: *Tertio viam Domitianam miratus sum,*  
*quae GRAVISSIMAM arenas moram exemit.* Illic  
vero gravissimam est molestissimam. Pro injectu  
optime legi posset ingestu; cui contrarium egestus  
v. 42.

*et alto*

*Egestu penitus cavare terras:*

et ita Theb. VI, 873.

*aequoque effoetus hiatu*

*Exiit ingestas fluvio sudoris arenas.*

et sic poetae passim. Sed nihil mutandum contra edi-  
tiones: praesertim cum Livius VII, 16. dixerit *con-*  
*jectus terrae,* eodem sensu. Versu prox. seq. *gau-*  
*dens admovere est admovent;* de quo alibi dixi.

v. 27. *axe vectus UNO.*] N. Heinsius ad Val.  
Flaccum VII, 229. pro UNO recte legit UDO. Vide  
quae notavi ad II, 2. v. 15. ubi pro UNUM litus re-  
stitui UDEM. Mox, v. 29. pro sorbebat multae edi-  
tiones rodebat: inepte. restituit Bernartius ex libris,  
ut ille ait. ita certe inveni in Parm. et Rom. vere  
sine dubio. Vers. 31. *Horrebat mala navigationis:*  
ita Seneca Epist. LVII. initio: *Cum Baiis deberem*  
*Neapolim repetere, facile credidi tempestatem esse,*  
*ne iterum navem experirer. Sed tantum luti totâ*  
*viâ fuit, ut possem videri nihilominus navigasse.*

v. 32. *Nec cursus agiles, SED impeditum*

*Tardabant iter orbitae TACENTES.*] Primo  
legendum: *Nec cursus agiles; ET impeditum etc.*  
ita I, 4.

*Reddere jura foro; NEC proturbare curules,  
Et ferrum mulcere toga.*

intra hoc libr. Ecl. VII. v. 10.

*Nunc ab intonsa capienda myrto*

*Serta: NEC major sitis; ET bibendus*

*Castior amnis:*

ita legendum esse ad locum probabo; ubi fusius agam.  
Deinde, pro orbitae TACENTES malim JACENTES, id  
est depressae et profundae. Martialis quidem Epigr.  
IV, 64.

*essedo TACENTE*

*Ne blando rota sit molesta somno:*

nihilominus tamen verius puto jacentes: alterum enim  
causam hujus tarditatis non exprimit: quippe orbitae  
non tardabant iter ex eo quod tacentes erant, sed  
quia jacentes, et depressae. De commutatione har-  
um vocum dixi supra I, 3. v. 40. ubi vide. Vers.  
36. pro At Parm. Et: male. diem terebat: recte. A-  
puleius Apolog. Sed non est operae in istis diem  
terere, ut sit mihi tempus aggredi ad cetera. Sic  
otium et tempus terere, passim. Haec noto, ne cui  
adblandiatur diem tenebat. Vers. 48. pro crebris  
Rom. cribris.

v. 50. *Hi caedunt nemus, exuuntque montes;*

*Hi ferro scopulos trabesque CAEDUNT.*] Hein-  
sius ad Ovid. Fast. IV, 912. pro exuunt rescribi vult  
eruunt, quia agitur de saxis ad viam sternendam ef-  
fossis. Non opus est: agit enim Statius de silva seu  
materia et trabibus, quae decisaе et levigatae et in  
terram depactae continebant caementum, et firmitatem  
operi addebant; prout quotidie factum videmus. Re-  
cte igitur exuunt, id est nudant. Noster Achill. I,  
426.

*Nusquam umbrae veteres: minor Othrys, et ar-  
dua sidunt*

*Taygeta: EXUTI viderunt aera MONTES.*

Huic contrarium amicare et induere et vestire colles  
seu agros, passim poetis. Rectius idem pro trabes-  
que CAEDUNT ex Parmensi monet legendum esse LE-  
VANT; (ita enim scribendam esse hanc vocem, non lae-  
vant, cum sit a Graeca λείω, docet Burmannus) quod  
et ex Romana Edit. ante notaverat Gronovius Diatr.  
c. XI. Noster Herc. Surrent. v. 118. loco simillimo:

*his caedere silvas*

*Et LEVARE trabes; illis immergere curae*

*Fundamenta solo:*

ubi vide notas.

v. 53. *Cocto pulvere, SORDIDOQUE topho.*] Idem  
Heinsius ad Ovid. Fast. II, 24. pro SORDIDO topho  
legit TORRIDO. admodum probabile hoc, sive pro a-  
rido sive pro tosto sumas: sed de hoc potius, prop-  
ter το cOCTO pulvere. Hujus significationis vocis TOR-  
RIDUS vide multa exempla isto loco. Quod SORDIDO  
topho nihili est. Verissimam puto hanc Heinsii emen-  
dationem, et quae in contextum tuto recipi possit.  
Nam quod mox dicit posse etiam legi LURIDO topho,  
cum Vitruvius tria tophi genera recenseat, album,  
rubrum, et nigrum; possemus hac conjectura carere.  
Vers. 56. pro possent Parm. possunt: et pro Athon  
Parm. et Rom. aton.

v. 59. *His parvus (Lechia nisi vetarent)*

*Inous freta miscuisset Isthmos.*] Lectio

vetustissimorum codicum, testante Domitio, erat

R r 2



*His parvus* (nisi deviae vetarent)  
unde ille fecit, nisi *Lechia* vetarent. Hoc Hermolao et Politiano improbatam, et pro eo lectum Scaligero nisi *Cenchreae* vetarent. Sed et hoc spongiae incubuit, et successit M. Musuri, nisi *res novae vetarent*. Caelius Rhodiginus scriptam lectionem retinuit, et per *devias* intelligi voluit *ambages*, quibus nautae necessario circumagi debuerunt ad rapidum illum maris fluxum vitandum. Deinde Alciatus legit, nisi *Deliae* vetarent, subintellecta voce *sortes*. Turnebus, *His palmis*, nisi *Delius* vetaret: Gevartius, trajectis verbis, *Lechia* nisi *vetarent*. Tandem Gronovius cum maxima omnium verisimilitudine, *His parvus* (*Lechia* nihil *vetarent*) etc. Heinsius enim Adversar. in Tibull. Edit. Broukhuis. infelicititer tentaverat,

*His par vix* (*Lechia* nihil *vetarent*)  
vel, *His impar*; vel, *Vix par his*: omnia longe infra genium Heinsianum. Tentemus et nos. Primum igitur, *HIS PARVUS INÛS Isthmos* probum est. Claudianus IV. Cons. Honor. v. 474.

*Gens, qua non Scythicos diffusior ulla Triones incoluit*, CUI PARVUS *Athos*, angustaque *Thrace*. Ovidius Met. VIII, 699.

*Ille vetus DOMINIS etiam casa PARVA duobus Vertitur in templum.*

sic, *locus EXIGUUS POPULO* Metam. IV, 441. *ARCTAM CIVIBUS urbem*, Noster Theb. XI, 273. *ANGUSTUM TIBI nemus*, IX, 718. *ANGUSTA Tartara POENIS*, I, 56. *TITYO jugera PAUCA novem*, Propertius III, 3. *numerus ANGUSTUS DOLORI*, Seneca Medea v. 1011. *HERCULI ANGUSTUM rogam*, idem Herc. Oet. v. 1638. Nihil igitur hic mutandum. Jam ad alterum membrum, *Lechia* nisi *vetarent*. Hoc placuit Gevartio Papin. Lect. IV, 6. Sed absurditatem bene monstravit Gronovius Diatr. c. XL. „Quid enim? inquit: hae tot „manus perfodissent Isthmon, nisi illis obstaret idem „quod anterioribus qui eandem rem tentarunt? Quid „ergo magnum hic de Domitiani manibus dicitur, si nihil eas supra priores potuisse audio? Apage tam „ineptum sensum. majus dici debuit. Scripsit Papinius, si quid video:

*His parvus* (*Lechia* nihil *vetarent*)

*InÛs freta miscuisset Isthmos.*

„hoc est, si tu velles, Caesar, hae manus facile „Isthmum, parvum jam, nec magni operis censendum, „perfoderent: nec obstarent ipsis *Lechia*, quae ceteris inexpugnabiles fuere, aut quae maximum negotium facerent. Ortum vitium ex scribendi commpendio, quod saepissime in vet. libb. *nisi* et *nihil* „confudisse ipsi observavimus.“ Optima quidem haec, et Statio et Gronovio digna: nec dubito quin ad hunc sensum scripserit Noster. restat tamen mihi scrupulus non parvi momenti in voce *LECHIAE*: in qua retinenda video omnes consentire praeter unicum Marcum Musurum; qui in Orthographiâ Statianâ, „Notandum, inquit, *Lechaeae* esse non posse propter metrum: *Le* enim brevis, et *chae* longa, repugnant: „tum non *Lechaeae* sed *Lechaea* neutro genere dicendum.“ Et sane verum dicit: Graecis enim per-

petuo vocatur hic portus sive promontorium, *Λέχαιον*, non *Λέχαια*: ita Strabo, Ptolemaeus, Philostratus, Lucianus, omnes. Sic etiam Latini *Lechacum*, non *Lechaeus*, excepto Plinio, qui Nat. Hist. IV, 4. *LECHAEAE hinc, Cenchreae illinc, angustiarum termini*. Et c. V. *primae ibi quas diximus LECHAEAE, Corinthiorum portus*. quibus tamen in locis *LECHAEUM* est in margine editionis qua utor; nescio an ex libris. Ceteri omnes, opinor, constanter *Lechacum*: ita certe Noster Theb. II, 380.

*irataque terrae*

*Curva Palaemonio secluditur unda LECHAEO*: ne referam innumeros Poetarum et Historicorum locos in quibus haec vox *Lechaeum* invenitur. Minime dubito quin Statius scripserit,

*His parvus, LECHEO nihil VETANTE,*

*InÛs freta miscuisset Isthmos:*

*Lecho* seu *Lechio*, (parum enim interest) quasi Graecum esset *Λέχων* seu *Λέχιον*. Notum est quantum in his vocabulis Graecis sibi indulgeant poetae Latini, elidendo literam vel syllabam, longam corripiendo, brevem producendo. Ita Cal. Decemb. v. 15. *Ebōsea*, cum Graece sit Ἐβούσος vel Ἰβούσος. Contra I, 4. v. 75.

*Hunc Galatia vigens ausa est incessere bello*; quasi esset *Γαλάτεια*, non *Γαλατία*. Iterum Achilleid. I, 408.

*undisonae quos continet umbo Maleae:*

at Silv. I, 3. v. 97. dicit,

*Si Maleae credenda ratis, Siculosque per aestus*

*Sit via:*

quasi utroque modo Graeci dicerent *Μαλία* et *Μάλευα*. Sic apud Val. Flaccum III, 36. Heinsius legit

*fracta Scyllaecon unda,*

cum Graecum sit *Σκυλακείον*. Et hac libertate excusari potest Noster Silv. I, 3. v. 95.

*Haec per et Aegaeas hiemes Pliadamque nivolum*

*Sidus etc.*

quasi esset *Πλειάδες* vel *Πλειάδες*, non *Πλειάδες*: vide quae ibi annotavi. Ita *Τριχην* Homerus Iliad. δ. v. 202. quam tamen Catalogo navium v. 236. vocat *Τριχην*. Contra *Θεώφιλε* pro *Θεόφιλε* Antholog. I, 25. p. 23. ubi vulgo male legitur *Θεώφιλε*, voce divisa. *Marcomani* Nostro sunt Lacrim. Etrusc. v. 170. qui aliis *Marcomanni*: vide Strabon. lib. VII. initio. *Maeander* primâ correptâ apud Prudentium Cathem. VII, 124. et *Polycletus* pro *Polycletus* idem Peri Steph. X, 269. quibus locis vide Heinsium. Ovidius Met. VIII, 324.

*Hunc pariter vidit, pariter Calydonius heros*

*Optavit:*

recte: a *Καλυδών* enim fit *Καλυδώνιος*. at hoc non obstitit quo minus Manilius lib. V, 180. diceret,

*Et Calydonea bellantem rupe puellam,*

Sil. Italicus VIII, 580.

*Leucosiae e scopulis etc.*

cum Graecis sit *Λευκοσία*, non *Λευκοσία*: vide Cl. Drakenborchium. *Iona* pro *Ionia* Propertius II, 21. *Polymestor* pro *Polymnestor* idem III, 11. et Ovidius



Met. XIII, 430. ubi videndus Heinsius. *Syrachstus* pro *Συραχούσιος*, Virgilius. *Theodosius* pro *Theodosius* Claudian. in Rufin. I, 51. *Cheragra*, prima correpta, Horatius et alii, cum Graecis sit *χεράγρα*. Ad hanc igitur formam Noster dixit vel *Lechio*, *Λεχίω*, pro *Λεχάω*, elisa alpha; vel *Lecheo* pro *Lechaeo*, elisa littera Latina a; eodem prorsus modo quo Seneca Troad. v. 932.

*Altum vadidos* Sigcon *spectans sinus*: pro *Sigacon*; cum Graece sit *Σιγαίων*. Contextus itaque erraticus et fluctuans et ventis Criticis huc illuc dispulsus, hoc modo tandem sistatur:

*His parvus, Lecheo nihil vetante,*

*Inūs freta miscuisset Isthmos:*

ubi *NIHIL vetante* est *NON vetante*, ut Lacrim. Etrusc. v. 142.

*tenuisque NIHIL minuere parentes.*

Pietat. Abasc. v. 229.

*NIL longior aetas*

*Carpere, NIL aevi poterunt viliare labores*

*Siccata membris:*

id est *NON poterunt carpere, NON viliare*. in quavis pagina occurrent exempla. Paene exciderat monere, in Parmensi pro *VETARENT* me invenisse *NATARENT*.

v. 61. *Fercent litora NOBILESQUE silvae.* Horatius Carm. I, 14.

*Quamvis Pontica pinus*

*Silvae filia NOBILIS*

*Jactes et genus et nomen inutile.*

recte ibi *Silva NOBILIS*: sed hoc loco ridiculum est epitheton. quid enim *Silvae nobilitas* ad *Echo* quam remittit? quasi *nobiles* tantum *Silvae*, non *ignobiles* etiam (si quae sint), sonitum remittant. pronum erat,

*Fercent litora MOBILESQUE silvae.*

Et ita postea inveni in Parmensi; et ex ea Heinsius ad Ovid. Fast. II, 24. ubi ait, *MOBILES quia loco moventur incisae*. Ego non hoc sensu capio hunc locum: sed puto *τὸ mobiles* esse generale epitheton omnium nemorum et *silvarum* (non harum tantum quae Domitiani manus caedebant) quae magno quopiam *fragore*, vel etiam *vento* concussae, agitantur et *moventur*. Virgilius Aen. V, 148.

*Tum plausu fremituque virām, studiisque fa-*  
*ventum*

*Consonat omne NEMUS, vocemque inclusa volu-*  
*tant*

*LITORA.*

JAusonius Mosel. v. 167.

*adstrepit ollis*

*Et rupes, et silva TREMENS, et concavus amnis.* Seneca Troad. v. 173.

*MOVERE silvae capita, et excelsum nemus*

*Fragore vasto tonuit, et lucus sacer.*

Et Hippolyto v. 507.

*Ramisque ventis lene percussi TREMUNT.*

Ausonius Epist. XXIV, 93.

*tam nemus umbris*

*MOBILIBUS, celerisque frequens ecclesia vico.*

Ovidius Amor. III, 5.

*Quem tu MOBILIBUS foliis vitare volebas.*

sic *tremulae arundines* idem Met. XI, 190. et passim. Vers. 62. pro *It. Parm. Et.*

v. 63. *Atque ECHO simul hinc et inde fractam]*

Pro *ECHO* in Parmensi est *ECHON*. Sic Ovid. Amor. II, 16. v. 31.

*Saepe petens HERO juvenis tranacerat undas:*

Codex Puteanus et omnes fere scripti, cum prima Edit. habent *HERON*, monente Cl. Burmanno. Sic et Heroïd. VII, 133.

*Forsitan et gravidam DIDO, scelerate, relin-*  
*quas:*

in multis codicibus erat *DIDON*: ut et *ARGON*, non *ARGO*, Epist. XII, 9.

v. 66. *Et LINTERNA palus, pigeruge Savo.]*

Nic. Heinsius ad Sil. Ital. VI, 654. et ad Ovid Met. XV, 714. legendum esse docet *LITERNA* non *LINTERNA*; quia Graecis et *Aetnegrov*, non *Aivnegrov*. Et ita Cluver. Italiâ, lib. IV, 2. Silius VII, 277.

*A tergo rupes, undosis squalida terris*

*Hinc LITERNA PALUS;*

ubi pro *undosis terris* forte legend. *ulcrosis ripis*. Pro *Savo* Domitius in suis codicibus invenit *Sason*: unde vulgatam fecit, *Savo*. Bene Plinius N. H. III, 5. de Campania loquens: *In ora Savo fluvius; Vulturum oppidum cum amne; Litternum; Cumae Chalcidensium*. Vers. 65. pro *Cyme* Domitii codd. *Grine*: Parm. *cyrne*. Verum est *Cyme*, (id est *Cumae*) ut Epiced. Patr. v. 168.

*et Ausonii pridem Iaris hospita Cyme.*

v. 67. *Crinem mollibus impeditus ULMIS.]* Eust.

Swartius Analect. II, 2. recte legit *ULVIS*. alterum absurdum. Noster Theb. IX, 419. de Ismeno flumine: *nexa virentibus ULVIS*

*Cornua concutiens:*

ubi codex Petrensis habet *ULMIS*. *Uleâ* proprie fluviorum. Propertius I, 14.

*Tu licet abjectus Tiberina molliter ULVA:*

ita legendum esse, non *UNDA*, supra, ni fallor, monui. Pro *mollibus* Parm. *collibus*.

v. 71. *PANDIS talia faucibus redundat.]* Olim

conjeceram, *BLANDIS faucibus*, quod optime convenit *Vulturum adblandienti*, adulanti, et gratiam Imperatoris captanti. Sed Parmensis habet *PAUCIS*: unde Heinsius ad Ovid. Met. XV, 397. conjicit *RAUCIS*: ne dubites quin vere. haec enim vox *aquis* et *Diis fluvialibus* optime convenit. Virgilius Aen. IX, 124.

*cunctatur et amnis*

*RAUCA sonans, revocatque pedem Tiberinus ab*  
*alto.*

Ovidius Met. VI, 599.

*Quo properas, Arethusa? suis Alpheus ab undis,*

*Quo properas? iterum RAUCO mihi dixerat ore.*

Idem Fast. V, 637.

*Thybris arundiferum medio caput extulit alveo,*

*RAUCAQUE dimovit talibus ora sonis.*

Amor. III, 6.

*Hunc Amnis rapidis animosus vidit ab undis,*

*RAUCAQUE de mediis sustulit ora radis.*

plura exempla in re clara transcribere supersedeo:



ubique occurrunt. Elegans istud *redundat*, de *Anne* locuturo. Ut vero *raucas fauces* Vulturio attribuit Noster, ita *siccam faucem* Terrae Ovidius Met. II, 278. in incendio Phaëthonteo:

*siccaeque ita fauce locuta est:*

ubi vulgo perperam *sicca voce*. Mox, v. 74. pro *Et ripas* Parm. In *ripis*: et ita Romana. Vers. 76. pro *turbidus minarum* Heins. alicubi ad Fast. I. citat *turbidus minarum*: memoriae, opinor, errore. Pro *Et nunc ille ego* etc. Turnebus in ora codicis sui adnotarat *AT nunc*, vel *EN nunc*; quod ultimum approbat Morellus. Et sane nisi ita legas vix video quomodo sententiae ultima pars cohaereat priori. Alio ordine hos quinque versus exhibet edit. Rom. sed mendose.

v. 81. Sed grates ago STRICTUS, ATQUE tantus est

*Quod sub te duce, te iubente, cessi.*] Ita Edit. Romana. Parmensis, *Sed grates ago STRICTUS QUIA tanti est*. Veneta, STRICTUS ATQUE: quod Gronovio placuit Diatr. c. XI. et firmat ex versu 75. *Recti legibus alvei* LIGASTI. Lege primum, *Et grates ago*. Deinde, mihi nunquam arrisit scabrities ista versus, STRICTUS ATQUE. Et bene quod in suis exemplaribus Politianus invenit,

*Sed grates ago, SERVITUSQUE tanti est.*

humillime et serviliter adulatur Vulturius, et quasi BELLO captus Domitiano se submittit. clare confirmant hoc ista,

*Quod sub te duce;*

Et, VICTOR perpetuus *legere ripae*; sumta a *re bellica*. Ipsi numeri et modulatio versus probant hanc esse manum Statii. Deinde, versu prox. seq. Parmensis omittit priorem TE. Romana, *Quod sub te duce* IAM iubente cessi: non NUNC iubente, quemadmodum scribi voluit Gronovius; minus concinne. Verum est:

*Quod sub te duce, te iubente, cessi.*

v. 87. Sterilis soli PUTOREM.] Ita Romana, Aldi, Bernartii, et aliae editiones: perperam. In Parmensi inveni PUDOREM: et ita edidit Gevartius, et post eum Gronovius: cui lectioni commentarii vicem praestabit locus Nostri Herc. Surrent. v. 167.

*Qui rigidas rupes, infecundaeque PUDENDA Naturae deserta domas; et vertis in usum Lustra habitata feris.*

v. 88. NE me pulvereum etc.] Lege posita *τελευτα* *σιν* post pudorem,

NEC me pulvereum gravemque coeno

Tyrrheni sinus OBRUET profundi, etc.

SED talis ferar, ut etc.

Et hoc sensus postulat, et adversativum SED. De Bagrade *tacente ripa* luculenter Silius Italicus VI, 140.

*Turbidus arentes lento pede sulcat arenas Bagrada; non ullo Libycis in sinibus anne Victus limosas extendere latius undas,*

*Et stagnante vado patulos involvere campos.* *tacente ripa*, *quieta*; utpote qui lento pede sulcat arenas, et cum pace, ut de flumine Horatius. Non

opus igitur ut legamus *jacente ripa*. [Conjeceram NEC, et OBRUET, versu sequenti: Veneta habet, NEC OBRUIT. EX ADD.] Vers. 94. pro *Puro* Parm. *Duro*. v. 95. *pariterque se* LEVARAT.] In Parm. et Rom. invenio levabat: quod quare mutarunt? Ita etiam edidit Cruceus.

v. 99. *Et totis Ligurum NITENS metallis.*] Hunc et duos sequentes versus ita legit Heinsius, Not. in Auctor. carminis de Phoenice, qui Claudiano subjungitur, p. 913.

*Et totis Ligurum NITET metallis:*

*Quantus nubila quo coronat IRIS.*

*Illic flectitur EXITUS VIARUM:*

vulgo legitur NITENS, et qui coronat IMBRI, et EXITUS VIATOR. in primo versu nihil mutandum, modo praecedentes recte distinguas, hoc modo:

*Hujus janua prosperumque limen*

*Arcus, belligeri Ducis tropaeis*

*Et totis Ligurum NITENS metallis:*

*Arcus* NITENS tropaeis EST janua et limen hujus *plagae* seu *viae*, etc. id est, per arcum triumphalem haec via intratur. In secundo, omnino assentior Heinsianae emendationi: Et ita ego conjeceram longe priusquam notam Heinsii videram. Sensus quidem efficit, *tantus arcus quantus ille est qui coronans nubila IMBRI*, seu, *cum pluit*; sed sensum tantum, et frigidissimum, et poeta indignum, propter τὸ IMBRI, quod imbecillimum est. Multo elegantius inducitur *Dea Iris* cingens et coronans nubila, solito suo officio. Manilius lib. I.

*Utque suos arcus per nubila circinat IRIS.*

Vulgatam IMBRI ex multis poetarum locis defendere potest, si quis torpore delectatur. Memoriae vero falsus fuit Heinsius cum existimaret vulgatam Statii lectionem fuisse

*Quantus nubila qui coronat ARCUS:*

ita enim illum existimasse ex Nota ejus video. *Exitus* vero *viarum* pro *excitus viator* certissimum patet: patet ex sequenti versu,

*Illic Appia se dolet relinquere:*

Et Epist. ad Marcell. v. 2.

*Hac ingressa vias qua nobilis Appia crescit*

In latus:

Et init. hujus Eclog. v. 3.

*Saxosae latus Appiae replevit.*

Dicit igitur ab isto arcu initium sumpsisse *Viam Domitianam*: quae per aliquod spatium continuabatur juxta latus viae Appiae.

[v. 101. Pro *excitus viator* Heinsius *excitus viarum*: Veneta, *excitus viator*. EX ADD.]

v. 106. *PRIMA carbasa VENTILANTUR AURAE.*] Ita edidit seu corripit Domitius, cum in suis codicibus invenisset *PRIMAE carbasa VENTILANTIS AURAE*. Et ita est in Parmensi, et in MS. Rhod. vidit Gronovius: unde Reliq. ad Stat. Silv. legit,

*PRIMAE, carbasa VENTILATIS, AURAE:*

ut plane cod. Salish. et excerpta Lindembrogii. Nihil verius. Et de hac Apostrophe statim dicemus. Sensus idem est, sed versus multo melior, quam si tot voces in A exissent.



Jv. 112. Qui primo Tiberim etc.] Hunc et sequentem versum uncinis inclusi, certus eos non esse hujusce loci, aut ullo modo cum praecedentibus aut subsequentibus connectendos. Quid enim? anne haec est ratio quare ultimi Orientis gentes venirent Romam et se Domitiano submitterent, QUIA aliquis qui Romam reliquit mane, vesperi navigat Lucrinum lacum? Invitat eos ab Oriente ad Romam; deinde illis narrat omnia jam facilia esse a Roma ad lacum Lucrinum: contrario modo dictum oportuit, nempe, Omnia jam facilia esse a Lucrino ad Romam. Sed quid moramur? non sunt Statii, sed ludibundae manus: ejusdem forte quae semel in Cal. Decembr. v. 16. et bis in Genethliaco Lucani v. 58. et 85. 86. nobis palpum obtrusit. Neve hoc gratis dictum putes, recurras ad v. 36. hujus Eclogae,

At nunc, quae solidum diem terebat

HORARUM via facta VIX DUARUM.

Jam igitur nebulonem obliviosum tenemus, si enim duabus horis hoc iter perfici posset, quodnam opus ut totum diem huic assignaret, a primo ortu ad primum vesperem.

v. 137. *Largis India nubibus maderet.*] Gronovius Reliq. ad Silv. monet se in MSS. Rhod. et Salisb. invenisse

*Largis, India, nubibus maderes:*

Et ita in Parmensi concipitur. verissime, et elegantius quam ut a librario indocto profisceretur. Hae Apostrophae poetis usitatissimae. Val. Flaccus V, 78. de Baccho:

*hic resides thiasos, hic aera moventem,*

*Udaque pampinea nectentem cornua mitra*

*Nunc etiam meministis, aquae:*

ita legendum; vulgo, *cornua vitta*. Noster Theb. IX, 818. qui locus a Gronovio quoque adducitur:

*Frena regam; cultus Triviae pende bitis alto*

*Limine; captivis matrem donabo pharetris:*

ubi pro *Limine* mallem *Culmine*, ut eodem lib. v. 194. *culmine* est *tholo*. Rutilius Itinerar. I, 281.

*Inde Graviscaurum fastigia rara videmus,*

*Quas premis aestivae saepe paludis odor:*

ita legendum; vulgo, *premit saepe*: frigidissime. Observavi autem has Apostrophas frequentissimas esse ubi de *Fluviis* sermo est: et ob hanc, opinor, rationem, quia pro *Numinibus* sive *Personis* ii sumendi sunt; unde haec *ἡρώων ποταμῶν* illis aptissimae sunt. Lucanus IV, 20.

*camposque coërces,*

*Cinga rapax, vetitus fluctus et litora cursu*

*Oceani pepulisse tuo: nam gurgite mixto*

*Qui praestat terris aufert tibi nomen Iberus:*

ita legendum; vulgo *coercet* et *suo*. Virgilius Aen. VII, 684.

*quos divus Anagnia pascis,*

*Quos, Amasene pater.*

Ovidius Pontic. IV, 10. v. 51.

*Et tu, femineae, Thermodon, cognite turmae,*

*Et quondam Gratiis, Phasi, petita viris.*

Pleurimus in hujusmodi Appellationibus Ovidius: sed et omnes pariter poetae. utuntur hac figura etiam Oratores: vide Quintilian. Declam. II, 17. Mox, v. 139. mallem,

*Salve Dux hominum, parens Deorum,*

omissa conjunctione ET, quae ingratam versui moram injicit. Vers. 145. pro *morantis* Parm. *merentis*; et v. 146. pro *pronecant*, *provectant*: utrumque perperam.

v. 150. *Quos fertur placidos obisse Nestor.*] Plane legendum, *QUOT fertur: Quos est quales*, ut saepe: cum igitur jam dixerit *geres annos* *QUALES Nestor gessisse dicitur*, non opus est ut addatur, immo absurde adderetur *placidos*: hoc enim pacto *qualitas* annorum *bis* exprimeretur; quam satis denotat vox *placidos*. Sic et versu proxime sequenti, *QUOT Tithonia computat senectus*, non *quos*. Pariter commutabantur hae voces apud Ovid. Amor. I, 13. v. 43.

*Adspice QUOT somnos juveni donarit amico*

*Luna:*

ita ex libris Heinsius pro *quos*: et apud Propertium I, 2. *QUOT colores* Idem restituit pro *quos*. Conjunguntur vero *QUOT* et *QUANTA*, ut Val. Flacc. II, 563.

*QUOT mihi post lacrimas, post QUANTA piacula patrum*

*Serus ades!*

Et alibi passim. Pro *placidos obisse* Parm. *placidus odisse*: Et pro *computat*, *competat* Rom.

v. 159. *Scandes belliger obviosque currus.*] Ita plures Editiones. Parmensis tamen *obviusque*: Codex Salisb. *abimesque*: Edit. Venet. *annuesque*: quod amplexus est Heinsius ad Sil. Ital. VI, 545. Mihi magis placet, cum Gronovio, *abvuesque*; propter loca quae ille adduxit ex Nostro Lacrim. Etrusc. v. 170.

*Quae modo Marcomanos post horrida bella, vaggosque*

*Sauromatas Latio non est dignata triumpho:*

*sc. clementia.* Et in XVII. Consulat. v. 39.

*Mille tropaea feres, tantum permittit triumphos.*

Nam, ut notat Gronovius, et hoc in laudem trahebat Domitianus, fastidisse, cum posset jure triumphare; unde istud Martialis Epigr. IX, 103.

*Saepe RECUSATOS parvus duris triumphos*

*Victor Hyperboreo nomen ab orbe tulit.*

*Currus* vero pro *Triumphis* poni notum est: vide Graevium ad Cic. Epist. Fam. XV, 6. et Heinsium ad dictum Silli locum.

v. 163. *ANNOSA magis Appia senescat.*] Hinc explicandus Propertii locus lib. II, 23. v. 43.

*Curve te in Herculeum deportant esseda Tibur?*  
*Appia cur toties te via ducit ANUM?*

Ubi intoleranda esset rusticitas Propertii si amicam suam Cynthia ANUM vocaret. Et hoc adeo offende-  
bat politissimum Broukhusium, ut locum mendosum



esse non sine ratione crederet. In libris omnibus invenitur vel ANUM vel ANUS. nimirum hic est quod quaerimus:

*Appia cur toties te via ducit ANUS?*

*Appia via* ANUS Propertii, est *Appia ANNOSA* Statii.

*anus* pro *annosa*, ut *fama ANUS* apud Catullum; *testa ANUS* apud Martialem. sic *ANTIQUA Latina via*, Eclog. proxime sequenti v. 60. ubi vulgo legitur *ORLIQUA*.

## E C L O G. IV.

AD MARCELLUM.] Ita Editiones. Gronovius in Codd. Rhod. et Salisb. invenit AD VICTORIUM MARCELLUM: quod et ego in Parmensi. Rhod. addit vocem EPISTOLA: sine dubio recte: ita enim voluit Noster; et ita dixit Epist. ipsa, *Cujus beneficio tu quoque maturius EPISTOLAM eam accipies, quam tibi in hoc libro a Neapoli scribo*. Edidi igitur AD VICTORIUM MARCELLUM EPISTOLA. Hic est ille Victorius Marcellus cui Institutiones suas inscripsit Quintilianus, ut bene observat Gronovius.

v. 10. Cui primum solito.] Pro cui Parmensis QUOI, antiquo more: Catullus:

*QUOI dono lepidum novum libellum?*

*primam eadem et Rom. non primum: sed verius hoc, propter sequens mox.* [Ven. Parm. Rom. *primam sc. salutem*. EX ADD.]

v. 21. *dubium, morumne probandus*

*Ingeniive bonis.*] Parvum hic mendum, emaculandum tamen. Lege, *Ingeniive bonis*. Ovidius Metam. XV, 500.

*Indiciine metu magis offensae repulsae.*

ubi eleganter reticetur vox *dubium*. Virgilius Aen. II, 738.

*Heu misero conjux fatone erepta Creusa*

*Substitit, erravitne via, seu lussa resedit*

*Incertum.*

V, 95.

*Incertus Geniumne loci famulumne parentis*

*Esse pulet.*

Lucanus VII, 172.

*Jam, dubium monstribus Deum, nimione pavori*

*Crediderint, multis concurrere visus Olympo*  
*Pindus.*

Incertus apud Charisium lib. IV. p. 241.

*Horum aliquis maris stultusne malusne videri.*

v. 31. *Et ELEIS auriga laboribus ACTOS*

*Alpheo permulcet equos.*] Constructio est, *Et auriga Alpheo permulcet equos ACTOS Eleis laboribus*. Intelligisne quid sit *equus ACTUS laboribus?* Lege,

*Et ELEOS auriga, laboribus ACTIS,*

*Alpheo permulcet equos:*

*Eleos equos*, ut Lucanus I, 293.

*quantum clamore juratur*

*Eleus sonipes.*

*laboribus actis*, ut Virgil. Georg. I, 413.

*jurat, imbris actis,*

*Progeniem parvam dulcesque revisere nidos:*  
vel, *Eleis laboribus actis*, ut Ovid. Metam. XIII, 753.

*Oetonis iterum natalibus actis*

*Signarat dubia teneras lanugine malas.*

¶ Sed prius verum est. Tacitus Annal. III. *fessamque aetatem et ACTOS LABORES praetenderet*. Pro *Alpheo* Parm. *Alpheos*.

v. 37. *Te quoque flammabit tacite repetita parumper*

*Desidia, et SOLIDOS novus exultabis in actus.*]

Fieri potest ut ita scripserit Statius; non tamen video cuius usus sit istud *tacite*, et valde suspicor *Marcelli* nomen latere sub istis syllabis *mabit tacite re*:

*Te quoque flammabit, Marcelle, petita parumper*

*Desidia:*

ut infra v. 78.

*Haec ego Chalcidicis ad te, Marcelle, sonabam*  
*Litoribus.*

Et 99.

*Dic, Marcelle, feram?*

Sed hoc, utpote suspicionem tantum, dimitto; de illo certus, Statium scripsisse *SOLITOS in actus*; non *SOLIDOS: novus accedes ad solita munia*. Seneca Consol. ad Marciam c. 14. *Bibulus tamen, qui toto honoris sui anno ob invidiam collegae domi latuerat, postero die quam geminum funus renuntiatum est processit ad SOLITA et publica officia. solitos hos actus assiduum laborem supra vocavit Gratius Cyneget.* v. 286.

*Da requiem gravidae, SOLITOSQUE remitte labores.*

Noster Silv. V, 2. v. 160.

*Hei mihi! sed coetus SOLITOS si forte ciebo.*

Commutantur hae voces in scriptis Codicibus. ita Seneca Medea v. 97, pro *solutum orbem* optimus Florentinus habet *solidum*. Vide ad Ovid. Fast. III, 442. et Trist. I, 2. v. 54. Gevartius quoque coniecerat *solitos*. Pro *novus* Parm. *vomis*.

v. 49.

*nos otia VITAE*

*Solamur cantu.*] Ita omnes, opinor, editiones. Et haec lectio forte se tueri possit loco Eclog. ad UX. v. 85.

*Pax secura locis, et desidis OTIA VITAE,*

*Et nunquam turbata quies, somnique peracti.*

ubi tamen non simpliciter *otia vitae*, sed *otia desidis vitae*, hoc est, *desidiosa vita*. sic, *otium tempo-*

*ris oblectamus* Plin. Epist. IV, 14. *otia Matris* Noster Theb. IV. pro, *tempus in quo a bello cessabatur*: quo sensu Claudianus quoque in Eutrop. II, 121. dixit *otia ferri*. *Otia somni* Idem Laud. Seren. v. 145. et Noster Theb. III, 3. *otia iuventutis* Ad Uxor. v. 61. His, inquam, forte se tueri posset *otia vitae*. Aliud tamen suadet poetarum mos fere perpetuus, qui OTIA simpliciter ponunt sine τὸν *vitae*, minime necessario. notum istud Virgillii,

*O Meliboee, Deus nobis haec OTIA fecit.*

Ovidius Trist. IV, 10. v. 39.

*Et petere Aoniae suadebant tuta Sorores*  
OTIA.

Et I, 1. v. 41.

*Carmina secessum scribentis, et OTIA quaerunt.*

Horatius Serm. II, 8.

*Non horam tecum esse potes, non OTIA recte*  
*Ponere.*

Et I, 4. v. 138.

*ubi quid datur OTI*

*Illudo chartis.*

Non dicit *ubi quid datur OTII VITAE*, sed simpliciter OTII. Sil. Italicus XII, 31. de Neapoli:

*Nunc molles urbi ritus, atque hospita Musis*  
OTIA, *et exentum curis gravioribus accum.*

*Vitae* igitur minime necessarium. Sed nec artificii Statiani erat relinquere τὸ *cantu* sine epitheto. cripit:

*nos otia MITI*

*Solamur cantu.*

Mitis proprium Poetis. Noster Epithal. Stell. v. 98.

*Sic tibi plectra dedit: MITISQUE incedere VATES*  
*Maluit.*

Epiced. in Puer. v. 40.

*Ille ego lugentum MITIS solator, acerbis*  
*Auditus tumultis et descenditibus umbris.*

Manilius V, 465.

*At si quis studio scribendi MITIOR ibit,*  
*Comica componet laetis spectacula ludis.*

Claudianus Nupt. Hon. et Mar. v. 236.

*Sic Triviam Latona monet: sic MITIS in antro*  
*Mnemosyne docili tradit praecepta Thaliae.*

Noster Theb. V, 340. de Orpheo cantante:

*Ast ubi suspensis siluerunt aequora tonsis,*  
*MITIOR et senibus cymis et pectine Phoebi*  
*VOX media de puppe venit.*

Ovidius Pontic. II, 9. Cotyi Regi:

*Nec regum quisquam magis est instructus ab*  
*illis,*

MITIBUS aut studiis tempora plura dedit:

CARMINA testantur, quae etc.

*molle carmen*, Noster Balu. Etrusc. v. 29. eodem sensu. Scriptum erat *viti* pro *miti*: inde istud *vitiae*.

Sic *vilis* pro *mollis* Propert. III, 5.

*Reddite corpus humo; positumque in margine ripae*  
*Pactum sponte tua, mollis arena, tegas:*

ita legendum esse pro *positaque in gurgite vita*, et *vilis arena*, in Notis ad istum auctorem brevi probabo. Mox v. 51. pro *somnum et*, Rom. *somno*. Paulo supra v. 48. pro *accinctus in usus* Parm. ac-

*cingit in visus. Somnum secutus est ex* Tibull. I, 1.

*Securum somnos imbre iuvante sequi.*

v. 57. *Latiique ducis sic numina PERGANT.]*  
Praecessit,

*At tu, si longi cursum DABIT Atropos aevi:*  
unde patet hic quoque legendum,  
(*Detque precor!*) *Latiique Ducis si numina PER-*  
GENT,

*Forsitan Ausonias ibis frenare cohortes:*  
tribus mediis versibus parentesi inclusis. *Si pergent*  
ut respondeat τὸν; *si dabit*. Ita Eclog. VIII, 61.  
*Si modo prona bonis invicti Caesaris adsint*  
Numina.

Scio quid obijci possit ex Epithal. Stell. v. 174.

*SIC indulgentia PERGAT*

*Praesidis Ausonii:*

sed sensus hujus loci postulat has duas condiciones,  
*SI VIVAS, et SI CAESAR FAVEAT, ibis frenare etc.*

v. 85. *Quem tibi posthabito studium est co-*  
*luisse Tonante.]* Notabilis haec erga Jovem libertas,  
quam etiam apud alios observare licet. Ovidius Pontic. II, 2.

*Verbaque nostra favens Romana ad numina*  
*perfer,*

*Non tibi Tarpeio culta Tonante minus.*

Plautus Pseudolo I, 3.

*Pseudole, arcesse hostias,*

*Victimas, lanios, ut ego huic sacrificem summo*  
Jovi;

*Nam hic mihi nunc est multo potior Juppiter,*  
*quam Juppiter.*

Hic tamen *summus Juppiter* erat Ballio, ieno.

v. 60. *Et spatia OBLIQUAE mandat renovare*  
*Latinae.]* Ita omnes praeter Rom. quae pro OBLI-  
QUAE habet ANTIQUAE: et hoc in Notis agnoscit Do-  
mitius. non dubito quin haec sit vera Statii manus:  
unde enim librario tam elegans lectio? quam etiam  
confirmat oppositio inter ANTIQUAE et RENOVARE:  
qualia anthitheta perpetuo captat Statius. ita Consu-  
lat. Domit. v. 38.

*Et tibi LONGAEVI RENOVABITUR ara Terenti.*  
quae est lectio Edit. Parm. non *revocabitur*: et ve-  
ram puto. *Obliquae Latinae* frigidum est. Eadem  
oppositio Propertio III, 10. de Ulixee:

*Et VETERES arcus leto RENOVASSE procorum:*  
et aliis passim. *Antiqua Latina*, ut annoza Appia  
Eclog. praeced. ubi vide. sic *antiqua Calydon* et *an-*  
*tiqua Tyros* Virgilio, *antiquus Juppiter* Nostro Cal.  
Dec. *antiquam Tiryntha* Theb. IV. *lucus antiqui He-*  
*lerni* Ovid. Fast. VI, 105. et similia innumera. Vers.  
62. pro *Thules* Parm. *tilis*.

v. 66. *Quique gravem TARDI subeant thoraca*  
*lacerti.]* Mirum TARDOS lacertos censeret inter mem-  
bra accommoda bellis. Lege,

*Quique gravem VALIDI subeant thoraca lacerti.*  
multi sunt in hoc epitheto poetae: Ovidius Heroid. III, 125.

*Di melius: VALIDOQUE, precor, vibrata lacerto*  
*Transeat Hectoreum Pelias hasta latus!*

IV, 81.



*Sex lentum VALIDO torques hostile lacerto.*  
Sil. Italicus X, 532.

*Populus alba comas VALIDIS accisa lacertis*  
*Scinditur.*

Noster Thebaid. V, 141.

*en VALIDIS spumant eversa lacertis*

*Aegura.*

multo plura exempla in parato habeo, si cui haec non satisfaciant. Non audiendus Barthius cum suo *haud tarde subeant, vel intarde subeant.* Parm. et Rom. habent *tarde*. Potes etiam *fortes pro tardi*; ut Theb. VI, 708. Lucan. I, 304. et aliis. Sed alterum praestare puto.

Jv. 70. *propriis tu pulcher in armis*

*Ipse canenda GERES, patriaeque exempla parabis.*

*Magna GERES, dignosque etiamnum belliger actus*

*Poscit avus.*] Cum dixerat, *Ipse canenda GERES*, cur statim idem ingerit, *Magna GERES*? Deinde qualisnam haec connexio, *Magna geres, ET avus etiamnum poscit dignos actus*? Parmensis habet:

*Magna GETAE dignos QUEM JAM nunc belliger actus*

*NOSCIT AVOS.*

Romana:

*Magna GENTE ES dignus QUEM JAM belliger actus*

*NOSCIT avus.*

monstruosa haec. Lege ex sensu et vestigiis Parmensis,

*Magna PATER, dignosque etiamnum belliger actus*

*Poscit avus:*

prima syllaba in *pater* absorpta erat in ultima vocis praecedentis, hoc modo, *magna ter pro magna pater*: hoc non intellecto, librarii arcesserunt vocem *geres* ex versa praecedenti. Nihil verius puto hac emendatione. Ita infra Eclog. VII. v. 41.

*Duret in longum generosus infans:*

*Perque non multis iter expeditum*

*Crescat in mores PATRIOS, AVUMQUE*

*Provocet actis.*

Et VIII. v. 57.

*His placidos GENITOR mores largumque nitorem*  
*Monstret AVUS.*

Sil. Italicus III, 70.

*amplior, oro,*

*Sis PATRIO decore, et factis tibi nomina condas*  
*Quois superes bellator AVUM.*

Seneca Troad. v. 703.

*Aetate AVUM transcendas, ingenio PATREM.*

mallem etiam *magnosque actus pro dignosque*: has enim voces saepe confundi scio. Hunc locum videtur Statius expressisse ex Val. Flacco I, 769.

*magnos obitus natumque, domumque,*

*Et genus Aeolium, pugnataque poscere bella.*

Sequitur in Statio,

*praestatque domi novisse triumphos:*

quae equidem non intelligo. an scripsit

*veterisque domis renovare triumphos*; id est, *avus te poscit renovare triumphos antiquae vestrae familiae.* Sed hoc non placet: et tamen tale aliquid latere suspicor. Deinde: *juvenemque puer deprendit parentem.* ita Theb. XI, 35. *juvenemque patrem puer aequat Alatreus.*

v. 76. *Jam te blanda sinu Tyrio sibi GLORIA felix*

*Educat.*] Probum quidem et usitatum gloriae epitheton *felix*: sed huic loco non congruit: ut enim satis poetice dicere possis *Gloria aliquem sibi educat*, vix tamen *felix* ob hoc *gloria*; sed ille potius quem educat *Gloria, felix* dici meretur. Sed et si hoc concedatur, tamen quod sequitur non verum est

*et cunctas gaudet spondere curules,*

(i. c. *spondet curules*): quippe *spondere curules* non est *Gloriae*, sed *Fortunae* potius vel *Imperatoris*: et hoc sequitur *Gloria*, non antecedit. Verba ista sinu *Tyrio*, quae ad *Gloriam* non possunt pertinere, veram indignant hujus loci lectionem:

*Jam te blanda sinu Tyrio sibi CURIA felix*  
*Educat:*

*curiam* pro summo ordine sive *senatu* poni, nemo, qui aliquem ex veteribus semel legerit, est docendus. Dicit igitur Marcellum *curiae* alumnus esse, ut de Crispino infra V, 2.

*Sic te, clare puer, genitum sibi CURIA sensit*

*Primaque patricia clausit vestigia Luna:*

*Mox TYRIOS ex more SINUS tunicamque potentem*

*Agnovere humeri:*

Vides omnia eadem. ita Ecloga proxime sequenti, ad Sept. Severum, v. 41.

*Hic parvus inter pignora CURIAE*

*Contentus arto lumine PURPURAE*

*Crescis.*

Claudianus de VI. Cons. Honor. ad fin.

*cujus cunabula fovit*

*CURIA.*

Recte vero *FELIX curia*: hoc enim videtur perpetuum *curiae* epitheton: unde explicandus locus ille Silv. I, 4. v. 41.

*Non labente Numa timuit sic CURIA FELIX,*

*Pompeio nec celsus Eques, nec femina Bruto:*

qui torsit Gevartium: quomodo enim, quaerit ille, *FELIX curia, labente Numa?* et ego itidem quaero, quomodo *CELSUS Eques, Glabente Pompeio?* Nimirum epithetorum alia (ut ait Servius) sunt *perpetua*, alia *ad tempus*: prioris generis est istud *FELIX*: nec si *curia* amittat egregium aliquem senatorem, ideo non est *FELIX*, non magis quam si *Eques* aliquis *exiguus* sit *staturae* ideo non est *CELSUS*. ita *FELIX purpura, consulatus*, apud Martialem Epigr. VIII, 66. licet fieri possit ut ille qui hanc *felicem purpuram* nactus est, *infelicem* annum agat; non minus tamen *FELIX purpura*. Huic *curiae* epitheto alludere puto Senecam de Tranquil. An. c. 3. de triginta tyrannis Athenien. coibat quotidie *carnificum triste collegium, et INFE-*



LIX CURIA *tyrannis angusta*. Et Calpurnium Ecl. I, 61.

*nec carcere pleno*

INFELIX raros numerabit CURIA patres.

v. 79. *fractas ubi Vesbii EGERIT iras.*] Gronovius Diatr. c. XLI. ex Rom. Venetoque Codd. legit ERIGIT *iras*, ut Epiced. in patrem v. 207.

*exemptum terris ad sidera montem*

*Sustulit.*

Virgilius Aen. III, 575.

*Interdum stopulos avulsaeque viscera montis ERIGIT eructans.*

Et IX, 240.

*Interrupti ignes, aterque ad sidera fumus*

Erigitur:

Silius Italicus II, 658.

ERIGIT atro

*Nigrantem fumo rogos alta ad sidera nubem.*

Et XIII, 198.

Erigit undantem glomerato pulvere nubem.

Auctor Aetnae v. 208.

*orbis*

Erigitur, *verrit saxa obvia vertice saevo.*

ita legendum puto: vulgo, *omnis Erigitur, vertit vasa omnia*. vide praecedentia. Lucanus VI, 293.

*Non sic Hennaëis habitans in vallibus horret*

*Enccladum, spirante noto, cum tota cavernas*

ERIGIT, *et torrens in campos defluit Aetna.*

Probum etiam egerit: Silius Italicus XIII, 837.

*Fons rapidus farit, atque ustas sub gurgite cautes*

EGERIT:

Vide et XV, 225. Plinius N. H. II, 106. *maximo tamen ardet incendio Theôn Ochema dictum, Aethiopyum jugum; torrentesque solis ardoribus flammis EGERIT.* Sed retinendum ERIGIT: quod et in Parmensi inventi.

v. 83. *proavitaque TOTO*

*Rura abiisse MARI.*] Gronovius Diatr. c. XLI. notat in MS. Flor. pro *abiisse* inveniri *deesse*: „quod, „inquit, sive quis probabit, sive retinebit vulgatum „(ut faciendum putamus) hic sensus est: mirabitur „posteritas et vix credet omnia illa proavita rura, „quae tunc forte restituta erunt et arabuntur, mari „Vesuvioque adjacentia, periisse, abiisse, invisa nostro „aevo facta esse. Quomodo? nempe quae cineribus lapidibusque et aliis reliquiis incendii obiecta, latissimum „veluti et perpetuum bustum erant, non rura.“ Et hic quidem est sensus verborum *proavita rura abiisse*: sed quis explicavit ista, TOTO MARI? quod enim ait Gronovius, *mari Vesuvioque adjacentia*, ex his verbis nunquam effici potest. Hoc monere non neglexi: nihil enim aliud potui. Corruptissima esse suspicor.

[v. 84. Pro *abiisse* Ven. *deesse*: et versu sequenti, *procul ista tuos infata reate*. EX ADD.]

v. 85. *procul ista tuis, Tifata, Teate,*

*Nec Marrucinos agat haec insania montes.*]

Ita pleraque editiones: nec quidquam mutandum censet Gevartius, Pap. Lect. IV, 7. Videamus quo jure

haec se tueantur. *Ista tam gravia procul sint tuis, O Tifata, O Teate.* Quid? *tuis* immo certe *vestris*: ita enim postulant duo nomina *Tifata* et *Teate*. Ob hanc, opinor, rationem alii legunt,

*procul ista tuis sint fata, Teate;*

melius hoc quam illud; nec tamen ex toto probum: quippe *το αὐτὸ* bis dicit: *ista insania sit procul a tuis montibus, O TEATE; nec agat MARRUCINOS montes.* atqui *Teate* erat oppidum *Marrucinorum*: Sil. Italicus VIII, 521.

*Marrucina simul Frentanis aemula pubes*

*Corfini populos magnumque Teate trahebat:*

adeo ut nihil promoveat sensum duplex ejusdem rei mentio. in Domitii codicibus erat *tumfata*, unde ille fecit *Tifata*: in Parmensi est, *tuos infata theane*. Lege, *procul ista tibi sint fata, Teate.*

*Procul tibi ut Theb. III, 666.*

*Jprocul haec tibi mollis*

*Insula, terrificisque aberit dementia Phoebi.*

Ausonius Epist. XXIV, 60.

*Romana procul tibi nomina sunt.*

Bene autem observat Gevartius, Statium optare ut a *Marrucinis* potissimum campis haec pestis avertatur, quia ibi Marcellus possessiones habuit. colligit hoc ex Plinio N. H. XVII, 25. ubi miram historiam refert: quam etiam narrat lib. II, c. 83. his verbis: *Non minus mirum ostentum et nostra cognovit actas: anno Neronis principis supremo, (sicut in rebus ejus exposuimus,) pratis oleis, intercedente via publica, in contrarias sedes transgressis, in agro Marrucino, praediis Vectii Marcelli, Equitis Romani, res Neronis procurantis. Jam alterum locum videamus lib. XVII, 25. Super omnia quae unquam audita sunt erit prodigium in nostro aevo Neronis principis ruina factum in agro Marrucino; Vectii Marcelli e primis equestris ordinis oliveto universo viam publicam transgresso, arvisque inde e contrario in locum oliveti profectis. Utrumque locum adduxi, ut alter inquinatissimus ex altero emendetur: quippe pro, in nostro aevo Neronis principis ruina factum, quod nihili est, plane legendum, in nostro aevo, anno Neronis principis supremo, factum in agro Marrucino. Patet hoc ex sensu, et loco prius adducto. nimirum vox *anno* exciderat vel absorpta erat in praecedente aevo: et prima litera *τοῦ* *supremo* amittebatur in praecedente principis: unde ex upremo fecerunt absurdum istud *ruina*. Non bene vero, opinor, hunc Vectium Marcellum patrem Victorii Marcelli nostri facit Gevartius: quippe pater Victorii Marcelli *JUVENIS* erat quando haec Ecloga scripta fuit; v. 74.*

*Surge aedum, JUVENEMQUE puer deprende PARENTEM:*

Atqui si Neronis procurator fuisset, temporis ratio non patitur ut ille jam juvenis diceretur. Verosimilius est *avum* fuisse Victorii Marcelli. [Pro *Pomifera* Ven. *rotifera*. EX ADD.]

[v. 93. Pro *vacuos crines* Ven. *alios cineres*. EX ADD.]

v. 99. *Dic, Marcelle, FERAT, fluctus ADSUETA*

*minores*

SS 2



*Nosse ratis, nondum Ioniis credenda PERICLIS?* Ita plurimae editiones; Parm. tamen et Rom. pro FERAT, FERAM: et ita coniecerat Gruterus in schedis: ego mallem, FERET; sc. *ratis*. Idem Gruterus AN SUETA pro ADSUETA: vere; et ita edidi, sensu postulante. Similiter fere Propertius II, 11. v. 29.

*Nunc ad te, mea lux: VENIET mea litore navis*

*Servata, an mediis SIDET onusta vadis?* ita legendum et distinguendum puto; vulgo *veniat* et *sidat*, sine interrogatione. Pro *Ioniis PERICLIS* fere persuasit Staium scripsisse *Ioniis procellis*, ut Theb. II, 728.

*Aurea tunc mediis urbis tibi templa dicabo  
Collibus, IONIAS qua despectare PROCELLAS  
Dulce sit.*

Claudianus Praef. Rapt. Pros. v. 11.

*Jam vagus exsultat pelago, caelumque secutus  
Aegaeas IHENES IONIASQUE domat:*

sic PROCELLAE vexant Caspium mare, Horat. Carm. II, 9. et *Africae PROCELLIS* III, 29. *Aegaeis PROCELLIS* Nost. Achill. I. Sed omnium maxime movet me locus Nemesiani Cyneg. v. 59. ex hoc plane desumptus:

*Dum non magna ratis vicinis SUETA moveri  
Litoribus, tutosque sinus percurrere remis,  
Nunc primum dat vela notis, portusque fideles  
Linguit, et ADRIACAS audet tentare PROCELLAS.*

Scio *periculis* ferri posse; ut Pietat. Abasc. v. 68.

*Fulmineosque ignes, mediique PERICULA ponti.*

Et Propert. IV, 1. v. 72.

*Et maris, et terrae longa PERICLA canam:* quemadmodum nos istum locum edituri sumus; cum sit manifesta imitatio Virgilii Aen. X, 57. sed nunc vulgo ineptissime legitur *longa SEPULCRA canam*. Haec, inquam, scio: nihilominus tamen non dubito quin Staius scripserit *Ioniis PROCELLIS*. [Pro ferat Ven. Parm. Rom. *feram*: quod in Contextum resumatur. EX ADD.] Supra, v. 92. pro *Votifera* inepte legebatur *Pomifera*. Restituit ex MS. Bernartius, et illustravit Gevartius Papin. Lect. IV, 7. Vers. 94. pro *tentatur* Rom. *cantatur*; frustra. *tentare* proprium proludentibus et experientibus. Theb. I, 33. *nunc TENTO chelyn*: ut bene Gronovius pro TENDO: vide eum. Recte vero *Nosse*. Propertius I, 6.

*Non ego nunc Adriae vereor mare noscere tecum.*

quod et *videre* dicebant Antiqui: etiam de rebus quibus suberat *periculum* aliquid; ut fusius docebimus ad istud Propertii I, 2.

*Ibat et hirsutus ille videre feras:*

Gubli Broukhusius edidit in Contextu Heinsii conjecturam *ferire feras*.

v. 101.

et *penitus NOTI tibi vatis amorem*.] Ita invenio in omnibus, ante Gronovii, editionibus; NOTI non VOTI. nec uspiam, quod scio, monet ille quare mutaverit. Putarem esse errorem operarum; nisi quod in Erratis de hoc siletur. et tamen sic quoque inter Errata forte reponendum fuit NOTI probum est. Horatius Epist. I, 18.

*At PENITUS NOTUM si tentent crimina, serves.*

Alibi Idem:

*Si bene te NOVI, metues, liberrime Lolli.*

Catullus:

*Cujus sit PENITES NOTA fides animi.*

Et ita passim alii. pro amore Parm. honorem, solenni harum vocum mutatione. [Pro *noti tibi vatis amorem*, Ven. *voti tibi vatis honorem*. EX ADD.]

v. 102.

*nec enim Tiryntius almae*

*Pectus amicitiae: cedit tibi gloria fidi*

*Theseos*, etc.] Nihil mutant libri: et tamen, si recte auguror, aliquid mutandum est antequam ad sensum hujus loci per haec verba possimus venire. Aliter tamen sentit Gevartius Papin. Lect. IV, 8. ubi haec notat: „plauae abrupta sunt: et suspicarer ali- „quid hic deesse, nisi morem Papinli observassem „exilire aliquando, et ubi minime quis expectet, „lectorem relinquere.“ Refert deinde conjecturam viri amplissimi qui pro *almae* legebat *ad me*: et ingeniosissimam Hug. Grotii,

*nec enim retinentius almae*

*Pectus amicitiae:*

cui inquit se accessurum esse, nisi vulgata lectio commodè explicari posset. Et ita etiam sensit Gronovius Diatr. c. XLII. „Vulgata sanissima est, tantum obscurior defectu verbi substantivi: quem frequentem „Nostre alibi quoque notamus. Summos viros impedivit, quod non videbant cur Staius Herculem a „pectore amicitiae excluderet, cum intelligeret ab- „solute dicta verba illa, *nec enim Tiryntius almae* „pectus amicitiae, quae comparate accipienda sunt.“ Et mox: „Optime omnia sibi respondent: Vale, et „nostri amorem corde exire vela; neque enim Tiryntius jam fama amicitiae est, postquam tecum „comparari coepit: Theseos quoque cedit tibi gloria „etc.“ Si ita scripsisset Staius nihil haererem: sed ubinam est in Staii verbis *fama amicitiae*, et, *postquam tecum comparari coepit*? video quidem *pectus amicitiae*; sed de ceteris, nec volo nec vestigium: ut de suo nimis liberalis fuisse videatur vir magnus. Si enim hoc, quia sensui necessarium est, intelligi possit; quidvis ubivis intelligi potest. Variis conjecturis hunc locum possem sollicitare: veluti haec,

*MIHI enim Tiryntius, almae:*

*Pectus amicitiae, cedit; TIBI, gloria fidi*

*Theseos*, etc.

et hoc verum esset nisi nimis arrogans videretur seipsum comparare Herculi, Marcellum minori, Theseo: minima enim est differentia inter *michi* (sic enim in MSS. saepissime concipitur) et *nec*. Si minus placet *almae pectus amicitiae*, nulla paene mutatione legere potes *alma Victus amicitia*:

*MIHI enim Tiryntius alma*

*Victus amicitia cedit; TIBI, gloria etc.*

Sed omnino optime procederet sensus si pro *NEC* co-dex aliquis exhiberet *TIBI*: quod si faceret, statim in Contextum admitterem

*TIBI enim Tiryntius, almae*

*Pectus amicitiae, cedit; tibi, gloria fidi*

*Theseos*, etc.

Interea mutilum locum puto, et versu uno defectum,



et ideo Asteriscum apposui: quem libenter tollam quando aliquis certiora docuerit. De hoc loco video Heinsium dubitantem, Not. ad Ovid. Heroid. III, 60. ubi post citata verba *Tirynthius almae pectus amicitiae*, addit, *si locus sanus est. Pectus vero amicitiae est idem quod amicus*, ut ex locis Martialis et Manilii monuit Gevartius. Idem Manilius lib. II.

*Haec ad amicitias imitantes jura gradumque Sanguinis, atque animis haerentia pectora dicunt:*

ubi tamen opinor Manilium scripsisse *foedera non pectora. foedus de amicitia usitatissimum est. Crucei conjectura,*

*nec enim te rectius almae etc. oblivione tantum digna est.*

## E C L O G. V.

LYRICUM AD SEPT. SEVERUM.] Sic omnes editiones. et ita hac voce LYRICUM utitur Plinius in epistolis, et alii. Parmensis tamen habet CARMEN LYRICUM, quod confirmat Praefat. hujus libri: *Proximum est LYRICUM CARMEN AD SEPTIMIUM SEVERUM, juvenem etc. et ita edidi.*

v. 9. *Nunc cuncta VERIS frondibus annuis*

*Crinitur arbor.*] *Frondibus annuis veris ferri non potest; cum satis fuisset dixisse frondibus annuis crinitur arbor*, omisso τῶν veris. VERNIS frondibus optimum esset: ut *vernae rosae* Ovid. Fast. V, 194. *verna silva* Val. Flaccus IV, 403. sed quid tunc fieret τῶν annuis? ita hac urget Iupus, hac canis. Lege:

*Nunc cuncta VERNANS frondibus annuis*

*Crinitur arbor.*

Scriptum erat per compendium *verās*: inde, amissio apice, *veris*. Prudentius Psychom. v. 355.

*Et ferrugineo vernans flore coronas.*

Ovidius Met. X, 166.

*Tu toties oreris, viridique in cespite vernas.*

Seneca Herc. Oet. v. 454.

*Vernare jussi frigore in medio nemus.*

Florus I, 16. de Campania: *Denique, bis floribus vernat.* Vers. 8: pro *Zephyris Aquilo refractus* Parm. et Rom. *Zephyrus Aquilone fractus.*

v. 18. *Nec vacca dulci MUGIT adultero.*] Heinsius ad Ovid. Fast. V, 400.

ADGENIT Alcides, Haemoniusque puer, vult hic quoque legi ADMUGIT adultero: ut alibi apud Nostrum *adstridere, adstupere, adsibilare, adtremere, adcantare*, etc. cum casu Dativo. Et quidem optime ita scribi potuisse, et licentiam hanc caesurae excusari potuisse nemo neget, propter istud Horatii Carm. II, 12.

*Dum flagrantia detorquet ad oscula:*

de quo vide egregie docentem Beutleium ad Carm. IV, 8. v. 17. Sed non opus est ulla mutatione: *mugit* enim idem est quod *admugit*, simplex pro composito. Ovidius Art. Am. III, 513.

*Spectantem specta; ridenti mollia RIDE:*

quod plane est *adride*. Propertius I, 12. v. 15.

*Felix qui potuit praesenti FLERE puellae!*  
id est *adflere*. Idem II, 11.

*Nec mihi jam fastus opponere quaerit iniquos,*

*Nec mihi ploranti lenta SEDERE potest:*

Id est, *lenta adsidere* mihi ploranti. ita alicubi Thebaïde, *gremioque Palaemona pressit: pro adpressit gremio*. Sic *laturus pro adlaturus* Claudianus in Rufin. I, 323. ubi vide Heinsium: et, *laturae prospera catenae pro adlaturae*, de IV. Cons. Honor. v. 117. ubi iterum videndus Heinsius. Apuleius Apolog. *meminerat Homerum—rim omnem medicaminum non mari, sed terrae scripsisse*. Nihil igitur invitis libris mutandum. vers. 16. pro *Qua modo ferverat* Parm. *Quomodo ferverit*: Rom. *Qui modo ferverat*. et vers. 17. pro *lanigeri* Parm. et Rom. *lapigeri*. pro *dulci* Rom. *dulce*: et pro *canenti*, *camenti*: quae omnia nihili sunt.

v. 24. *Caesareo PERARAVIT auro.*] Venimus ad locum notabilem, et qui viros eruditos insigniter exercuit. Totus sic habet:

*Sed terra primis post patriam mihi  
Dilecta curis; huic mea carmina  
Regina bellorum virago  
Caesareo PERARAVIT auro.*

Loquitur de Alba, in qua ter coronatus fuerat, victor in certamine quod in honorem Palladis Domitianus illic instituerat. Turbat autem vox *peraravit*, quae nihil aliud esse potest quam *scripsit*: quo sensu ea utuntur Ovidius non semel, et Sidon. Apollinarius Carm. V, 243. et VII, 234. Jam vero, quomodo haec carmina scripta essent *Caesareo auro*, aut quo sensu Pallas scribere haec carmina *Caesareo auro* dicatur, nunquam concipi potuit. Bernartius quidem et Morellus desperant: Barthius vero Adversar. XXVII, 7. autumat legendum esse, *hinc mea carmina*, id est, *ab hac terra*: et, *Caesareae PENETRAVIT auri*; ex eo quod in libro suo invenerat *PANETRAVIT auro*. Sed, ut bene notat Gronovius Diatr. c. XLII. antequam juvare locum aggrediretur Barthius, sententiam sibi finxit a mente poetae alienissimam, et ad eam postea verba contorsit. Videamus quid ipse adferat Gronovius: „Sarta tecta, inquit, habenda est vulgaris lectio. hoc dixit Statius: Huic Albae Pallas „carmigna mea auro, corona oleagina aurea scrip- „sit, pinxit, exornavit. in verbo *peraravit* metalepsis difficilior est. scribere solenne est poni pro „pingere. quia ergo *perarare* saepe usurpatur pro „scribere in significatione simplici, usus libertate sua



„Stattus posuit *perarare* pro *scribere* quod est *pingere*: *pingere* autem *ornare* est, ergo, *huic* Albæ *carmina mea Pallas Caesareo auro scripsit* seu *peraravit*, est, in hac, quinquatribus me propter *victoriam* in certamine poetarum Caesar aurea *corona* induit.“ Dolet sane hanc argumentationem a tanto viro profectam: *peraravit* est *scripsit*; *scripsit* est *pinxit*; *pinxit* est *ornavit*: ergo, *peraravit* est *ornavit*. Si mihi hanc licentiam parumper concedas, totam rem Latinam turbabo, et probabo *pingere* esse *foedare*, (ex Petronio: *ancilla totam faciem ejus fuligine longa perfricuit, et non sentientis labra humerosque* – *pinxit*) et ideo Statium dixisse, *In hac Alba Minerva mea carmina dedecoravit*, dehonestavit *Caesareo auro*, quod proposito ejus ex diametro oppositum est. Non dico hanc meam interpretationem verbi *pingere* veram esse: sed aequè vera est ac Gronovii interpretatio et argumentatio. Sed manedum, Lector, et majora miracula tecum habe: ea sunt viri docti, qui Annal. Statian. c. XLIX. haec notat: „Pro voce *peraravit* reponunt MSS. *peramavit*, nullo sensu. Crediderim ego Statium scripsisse, *perarrhavit*: quod auro Caesareo quasi *arrha* quædam *Nuptiali* vel *lege pignoratitia*, loco illi devinctus fuerit: admodum eleganter. *carmina* sua, cum primo poetæcam profiteretur, pro *sponsa* habet, cujus illa *arrha* fuerit: vel carminum nomen ipsam potius carminum conditricem Poëtiscam.“ Haec sane sunt mirabilia. lege cetera, his similia; in quibus contra leges Metri, Sensus, et Latinitatis, simul peccatur. Quid igitur faciendum? breviter dicam. Primo legendum, *hic mea carmina*, id est, *in hac terra*, ut saepe. *Lacrim. Etrusc.* ad fin. *hic sacra litabit Manibus*: id est, *hac terra*. Propempt. Met. Cel. v. 123. *puer hic sudavit in armis*: et ita passim: ut mirer hoc tam parvum et obivium viros perspicaces fugisse; praesertim cum in altero *hic* vel *huic* nullus esset idoneus sensus. Deinde, pro *peraravit* sensus necessario postulat aliquid quod idem sit quod *honoravit*, *ornavit*; ut bene vidit Gronovius, sed ex voce *peraravit* frustra efficere voluit. Literae autem *d* et *p* infinitis numero locis commutantur, seu invertuntur: ita *poma* pro *dona* saepe apud Ovidium: *pecus* et *decus*: *donat* pro *ponit* apud Horat. Epist. I, 18. *pinguis* pro *dignus* Nostro Capill. Ear. v. 52. *duello defunctum* Ovid. Amor. II, 9, v. 23, ubi nunc vulgo legitur *puellae*:

*Me quoque qui toties merui sub Amore, duello*

*Defunctum placide vivere tempus erat*:

ita scribendum, non, *sub amore puellae*: et innumera ejusmodi quae ubique occurrunt. Ita et hic factum pro *decuravit*, *pecoravit*; inde, *peraravit*, *peramavit*, quae proxima erant, et sensum habere videbantur: mox *peramnavit*, *peramnavit*, *panetrabit*, et cetera monstra quae abunde pullulant ubi a recto semel deerratum est. Ne dubites igitur quin Statius scripserit,

*hic mea carmina*

*Regina bellorum virago*

*Caesareo DECORAVIT auro*:

qua voce nihil aptius esse potuit. Ovidius Amor. III, 1.

*Altera me sceptro DECORAS, altoque cothurno.*

Ausonius Mosella v. 451.

*Fascibus Ausoniis DECORATUM et honore curuli.*

Sil. Italicus XVII, v. 650.

*Ipse adstans curru atque AURO DECORATUS et ostro*

*Martia praebat spectanda Quiritibus ora.*

Priscianus Perieg. 934.

*Quam simul argentum varie DECORAVIT eburne.*

Et v. 1034.

*Psittacus hic viridis DECORATUS torque rubenti*  
*Nascitur, humanae simulat qui murmura linguae:*

ita legendum; non *verbera linguae*, quae aliud denotant. Plautus Trinummo I, 2.

*Larem corona nostrum DECORARI volo.*

Plinius Nat. Hist. XXXIII, 1. *Necnon et servitia jam ferrum auro cingunt: alia per sese mero AURO DECORANT.* Et XXXVII, 8. de Callaidibus, gemmae specie: *inclusae DECORANTUR AURO, aurumque nulla magis decent.* Pluribus possem: sed haec satis sint in re, ut mihi videtur, certissima. J. Mox, v. 26. pro *Connixus* Parm. *Connixus. Dulce periculum* est ex Horat. Carm. III, 25.

v. 35. *relictis Uberibus*] *Lacte depulsum* vocat Horatius Carm. IV, 4. et Suetonius Tiber. c. 43. et Prudentius Peri Steph. martyro Romani, v. 664. *lacte relicto* Sidon. Apollinaris Carm. II, 39. *matre relicta* Calpurnius Eclog. VI, 51. De fonte *Juturnae* vide Servium ad Virgil. Aen. XII, 139. Sequitur, v. 37. *HAEC mira virtus. hoc connectendum antecedentibus: Quis neget Septimium esse vere Romanum? TALIS est mira ejus virtus.* ita Protrep. Crisp. v. 147.

*quippe HAEC concordia vobis*

*Hic amor est:*

id est *talis*. Aliter legere posses, *NEC mira virtus: protenus Ausonum Portus* etc. *Nec* est quod miremur hanc in te virtutem: quippe *protenus, statim* ab infantia Italiam intrasti, et Thuscis gurgitibus puer innatasti. Sed nihil variant editiones: et tamen omnino verum puto *NEC. Pastum*, ut de Massico Silius IV, 350.

*Vitifera sacro generatus vertice montis*

*Et Liris NUTRITUS aquis.*

[Conjeceram, *NEC mira virtus: ita etiam Veneta. EX ADD.]*

v. 38. *VADOSAE nescius Africae.*] Quid est *VADOSA Africa? vadus* quidem *SYRTES* et *MARE vadosum* apud Lucanum, Senecam et Tacitum invenio: sed quid sit *REGIO vadosa* nunquam concipiam. Morellus haec notat: „*VADOSA AFRICA*, quia, ut Sallustius in Jugurth. de Syrtibus notat, *ubi mare magnum esse et saevire ventus coepit, limum arenam, que et saxa ingentia fluctus trahunt.*“ Atqui, O bone, hic *limus* et *saxa* faciunt forte *MARE Africanum vadosum*, sed non faciunt ipsam *AFRICAM vadosam*:



nisi *Africum MARE* et *Africa TERRA* idem sint. Sed et si ita recte dici poterit, (quod certus sum non posse) quid hoc ad *Virtutem* Septimii, quod nescius erat *Africae vadosae*? quid *vadis* cum *virtute*? aeque bene dixisse potuit, nescius *Africae quae est tertia pars mundi*, vel *quae serpentibus abundat*, vel quid aliud quod aeque nihil est ad rem. Lege,

*protenus Ausonum*

*Portus, DOLOSAE nescius Africae  
Intras.*

Jam intelligis quare tam magna virtus in Septimio fuerit, utpote qui *Romam* in pueritia profectus esset, antequam *artes* et *astutias* et *dolosos Africae mores* inibisset. Nota omnibus *fides Punica*. Sil. Italicus I, 219. de Africa:

*Altrix bellorum bellatorumque virorum  
Tellus, nec fidens nudo sine FRAUDIBUS ensi.*

Idem III, 231.

*Princeps signa tulit Tyria Carthagine pubes  
Membra levis, celsique decus fraudata super-  
bum*

*Corporis; at docilis FALLENDI, et nectere te-  
ctos*

*Nunquam tarda DOLOS.*

Lucanus IV, 735.

*multum frustra rogitatus  
Ut Libycas metuat FRAUDES, infectaque semper  
Punica bella DOLIS.*

Exempla ubique. Appositissime ad sensum hujus loci Ausonius in Tetrast. de altero Severo, Pertinace:

*PUNICA origo illi: sed qui VIRTUTE probaret*

*Non obitare locum cum valet ingenium.*

ubi malim cui valet. Pro nescius Parm. nesciet: Rom. nesciit. Pro *Intras* quod erat in omnibus codicibus, Domitius fatetur se fecisse *Lutras*; ut nesciit *Lutras* sit, oblitus erat immundarum aquarum *Libyae*, et innatavit *Tiberi*. Nihil vidi magis ridiculum aut spurcum.

v. 42. *Contentus ALTO lumine purpurae.*] Ita pleraeque editiones: pro quo recte Turnebus et Lipsius reposuerunt *ARTO lumine*: id est *angusto clavo*: *pauperem clavum* vocat Protrepst. ad Crisp. v. 18. clavus nempe qui filiis Equitum qui non erant Splendidi et Illustres competebat. Vide Cl. Massonum Vit. Ovid. p. 40. 41. Ed. Burm. Parmensis omittit vocem *ARTO* vel *ALTO*: Romana, RARO. et pro *Hic parvus* Parm. HINC: male. Hic est hoc loco, Romae: ut supra, *Hic mea carmina* etc.

[v. 41. Pro *Hic parvus*, Ven. et Parm. HINC, id est, postea, mox. EX ADD.]

v. 47. *Sunt urbe Romanisque turmis*

*Qui Libyam DECEANT alumni.*] Frigidum hoc: erigo,

*Sunt Urbe Romanisque turmis*

*Qui Libyam DECORANT alumni.*

Nonne hoc mirum est inter Equites Romanos inventum esse aliquem qui *decori* et boueri sit *Africae*, illi veteri et perpetuo hosti Romani nominis; quis hoc unquam eventurum esse putaret? De verbo *decora* fere supra v. 22. Sidonius Apollinaris Carm. XV, 46.

*Tu meditans totum DECORAS, Periandre, Corin-  
thon.*

pleraeque recentiores Editt. habent DECEANT, et ita voluit Politianus Epist. VI, 1. Parm. vero et Rom. DOCEANT, quod *et* DECORANT propius est: et hoc sensus omnino postulat. Pro *urbe Rom. turbac.*

v. 49. *Est et FREMENTI vox HILARIS foro.*] Hic etiam peccatum: primo enim pro *FREMENTI foro* legendum FREQUENTI: PLENUM forum vocat Ovidius Ponticor. III, 5.

*Legimus, O juvenis, patrii non degener oris,  
Dicta tibi PLENO verba diserta foro.*

De harum vocum commutatione vide Bentleium ad Horat. Carm. I, 35. Pessima vero hoc loco vox *HILARIS*, praesertim *foro frementi*: quidvis enim tunc temporis magis convenit quam vox *hilaris*. Hoc voluit Statius: *Apta* etiam est vox tua *foro* et causis agendis; non tamen ideo Deorum munera corrumpis et vendis eloquentiam, non *clamosi rabiosa fori jurgia vendens improbus iras et verba locas*, ut eleganter Seneca Herc. Fur. v. 172. Clare scribendum,

*Est et frequenti vox HABILIS foro:*

*habilis foro* ut Theb. VII, 366.

*Donec te thalamis habilem integramque resignem.*

Virgilius Georg. II, 91.

*Sunt Thasiae vites, sunt et Mareotides albae,  
Pinguibus hae terris habiles, levioribus illae.*

si sensum et oppositionem propius spectes, fateberis Statium non aliud scribere potuisse quam *frequenti et habilis*.

v. 67. *Hic plura pones vocibus et modis*

*PASSIM solutis.*] Sensus est: *Quando in rura fueris, panges, sat scio, multa PROSA oratione; interim vero, memor sodalis et amici tui Statii, sume LYRAM, et mihi in hoc genere rescribas.* Hinc patet pro *PASSIM*, quod nihili est, legendum esse *PASSU*. *Modi passu soluti* sunt *prosa oratio*: qui et absolute dicuntur *modi soluti* et *voce solutae*. No-ster Soter. Gall. v. 28. elegantissime:

*seu plana solutis*

*Qua struis orsa modis, seu qua tibi dulcis in  
artem*

*Frangitur, et nostras curat facundia leges.*

Geneth. Lucan. v. 21.

*Dum qui vos geminas tulit per artes*

*Et vinctae PEDE vocis, et solatae,*

*Romani colitur chori sacerdos:*

*vox soluta PEDE est soluta PASSU.* Ovidius Trist. IV, 10.

*Motus eram dictis, totoque Helicone relicto,*

*Scribere conabar verba soluta MODIS:*

quibus contraria *inclusa modis*: ad Marcell. v. 11.

*Mox inclusa modis haec reddere verba me-  
mento.*

Epiced. Patr. v. 101.

*sive orsa libebat*

*Aoniis vincire modis, seu voce soluta*

*Spargere.*



Unde patet in alio loco Epicedii istius v. 161. legendum esse,

*tu par assuetus Homero*

*Ferre jugum, senosque pedes aequare solutis  
Vocibus, et nunquam PASSU brevior relinqui:  
vulgo, solutis Versibus.* Has PASSU solutas voces, Apuleius vocat PASSA verba, Floridis p. 231. ed Colv. *Quinetiam Pherceydes, Syro ex insula oriundus, qui primus, versuum nexu repudiato, conscribere ausus est PASSIS verbis, soluto loquutu, libera oratione.* ubi in MS. pro *passis*, erat, pariter ac in hoc Statii loco, *passim*. Tibullus, (seu quisquis est Auctor Carm. ad Messallam) IV, 1.

*Undique, quique canent vincto pede, quique soluto.*

Persius Sat. I, 13.

*Scribimus, inclusus numeris* *He, hic pede liber, Grande aliquid:*

ita certissime legendum, non *inclusi*, quod cum vulgatis voluit Gronovius Diatr. c. XXVII. hoc modo distinguens,

*Scribimus inclusi numeros ille, hic pede liber:*

quo pacto nihil est quod respondeat *τῷ ille*, eo modo quo *liber* respondet *τῷ hic*. ILLE igitur *inclusus numeris*, hic *liber pede*. Pro *pones Rom. ponis*. Forte scripsit Statius *ponas*. *Ponere* vero idem quod *condere*: *struere* vocat Soter. Gall. v. 29. *statuere*, supra v. 12. In plerisque editionibus pro *ingemina*, vers. ult. perperam legitur *ingeminas*. *litera* prima vocis insequentis *sub* male adhaeserat praecedenti.

## J E C L O G. VI.

VINDICIS HERCULES EPITRAPEZIOS.] Sic editiones. Gronovius vero monet in Cod. Salisb. fuisse, *Hercule's ep. novi vindicis*: in Rhod. *Herc. Epitr. Nonii vindicis*. et ita edidi, illum secutus: licet in Praefat. Epist. sit tantum *Vindicis* sine *τῷ Nonii*: *Nam Vindicis nostri Herculem Epitrapezion* etc. Parmensis, *Epitrapesion*.

v. 7. *Vinaque PERPETUIS aevo certantia fastis.*] Probum quidem suo loco epitheton *perpetuis*: ut apud Sidon. Apollinarem Carm. XIII.

*Quod si contuleris tuo poetae*

*Mandem PERPETUIS legenda FASTIS*

*Quaecunque egregiis geris triumphis.*

Et Claudianum de Cons. Prob. et Olybr. v. ult.

*Te variis scribent in floribus Horrae,*

*Longaque PERPETUI ducent in saecula FASTI.*

*aeternis fastis* Idem Ausonius. Recte haec, inquam, quando de *aeternitate* vel *perpetuitate* factorum laudabilium vel Gloriarum sermo fit; ridicule vero si ad vinum transferas. MULTIS quidem *fastis* (id est *consulatibus* seu *annis*) vina certare possunt; *centum* puta, vel etiam *ducentis*, ut de vino Opimiano refert Plinius Nat. Hist. XIV, 4. Sed nimis absurdum est et falsum dicere ea *certare posse PERPETUIS fastis*. lege,

*Vinaque CENTENIS aevo certantia fastis.*

*centenis fastis* est *centum fastis*: ita *centeno vulnere* Theb. V, 533. *centenas manus* X, 295. *centena moenia* XII, 667. *centena voce* v. 797. *centena arbore* Virgil. X, 207. *centenas voces* Sil. Italicus IV, 528. et innumera ejusmodi. Bene vero *Fastis*, id est *Consulatibus*, seu *annis*: a *consulibus* enim aetatem vinorum numerabant Romani, addito amphorae Consulibus nomine, ut pueris notum ex Juvenale Sat. V, 30.

*Ipse capillato diffusum Consule potat,*  
*sc. vinum:* et Horatio,

*Vina bibes iterum Tauro diffusa:*

unde istud Petronii in convivio Trimelchionis: FALERNUM OPIMIANUM CENTUM ANNORUM: de quo vide observationem Vell. Patereuli lib. II, 7. Martialis Epigr. VIII, 45.

*Amphora CENTENO CONSULE facta minor:*

id est CENTENIS FASTIS. Jamne placet haec conjectura?

[v. 9. Pro *hiberna* Venet. *hicterica*. forte, *Distet ab hacteria Rhodopes grue*, id est, *Arctoa*. EX ADD.]

v. 16.

*risit TITONIA mensae.*] Ita omnes, excepta Parmensi, pertinaci errore pro TITHONIA seu *Aurora*: vide quae notavi ad Epithal. Stell. v. 45. Parmensis vero habet TRITONIA; quale mendum insedit Ausonium Perioch. XVII. Odys.

*Jam caelum roseis rutilat TRITONIA bigis:* cum legendum sit TITHONIA, seu *Aurora*; quemadmodum dixerat supra Perioch. VIII. Odys.

*Jam caelum rutilat roseis Aurora quadrigis:* Et Perioch. Iliad. XI.

*Tithoni cruceum linguens Aurora cubile:*

unde patet *Tithonia* semper legendum esse ubi de *Aurora* sermo est; non *Titonia*, vel *Titania*, quae est *Luna*. Vers. 13. pro *absumere* Parm. *assumere*.

v. 18. *Nox et Erythraeis Thetidis signanda lapillis.*] Parvum mendum, et quod sibilus etiam prodit: legendum nempe,

*Nox et Erythraeae Thetidis signanda lapillis:*

*Erythraeae Thetidis* non *Erythraeis lapillis*. Avianus Descr. Orb. 782.

*ferrent Erythraei marmora ponti;*

*Tota feris.*

Noster Theb. IV, 387.

*Aut tumidum Gangen, aut claustra novissima rubrae*

*Tethyos.*

Sic *Erythraeae nebridis* Sid. Apoll. c. V, 498. Propertius III. 11.

*Et venit e rubro concha Erycina salo:*

ubi nemo conjiciat *Erythraea*. Parmensis habet *heritreis tethidis*. Immerito vero, ut mihi videtur, Gronovius Diatr. c. XLIII. culpatur Cruceum qui versu antecedente *τὸ juncta luna explicat triplicata*: Ipse voluit *duplicata*, quemadmodum etiam interpretatur hunc locum Not. ad Senec. Thyest. v. 467. *Bacchoque nox jungenda pervigili datur*. Rectius hoc loco Cruceus, utpote secundum ipsius Statii sententiam Thebaid. VI, 289. et XII, 301. a qua non opus est recedere, praesertim scum hanc explicationem passura sit vox *juncta*, quae significat *continuata*, in *quamvis longitudinem protracta*: ita II, 6. *junctum stemma*, longum, continuatum, a *proavis demissum*, ut alibi loquitur. vide ipsum Gronov. ad Senecae locum. Et inde haec nox Herculi impensa a quodam dicitur *τῷ οἰκῷ τοῦ Ἡρώδου* *νύξ*. novem noctes huic operi assignat Arnobius lib. IV. p. 145. Vers. 19. pro *habitura* Parm. et Rom. *habutumque*.

v. 20. *Mille ubi tunc species*.] Ita omnes editiones: perperam. plane enim legendum, *Mille ibi tunc species*, ut Baln. Etrusc. v. 47.

*Nil ibi plebeium: nusquam Temesaea notabis Aera*, sed etc.

inapte dixisset *Nil ubi plebeium*; nisi immediate praecesserat locus de quo agit: et ita hic. Pro *tunc* Rom. *nunc*.

v. 23. *reteres agnoscere ductus*.] Parum differentiae in sensu; sed tamen Parm. et Rom. habent *cognoscere*; quod admisi. *cognoscere* pro *agnoscere* usitatissimum est. Sil. Italicus IX, 161.

*Ast ego, Sidoniis imperditus, ecce, parentem Vulture cognosco*.

Plautus Pseudolo:

*Cedo mihi epistolam. accipe, cognosce signum*.

Ovidius Fast. IV, 371.

*Candidus elisae miscetur caseus herbae, Cognoscat priscos ut Dea prisca cibos*:

id est, *agnoscat*, quod et in multis exemplaribus invenitur: et ita Fast. III, 795. pro *si vis cognoscere* tres libri habent *agnoscere*: et ita centies Ovidio et aliis. Vide Gronov. Diatr. c. I. Mox v. 25. *Hic tibi quae docto multum vigilata Myroni* etc. parodia est versus Ciunae poetae, *Haec tibi Arateis multum vigilata lucernis Carmina* etc. Citatur a Scalligero Castig. in Catull. p. 14. Ed. Patisson.

v. 28. *Quod Polycleteis visum est spirare caminis*.] Gevartius Papia. Lect. IV, 9. pro *visum* legit *jussum*; ut ex MS. Senensi adnotarat in suo codice Scaliger. Recte: et hoc confirmat loco Surrent. Poll. v. 67. prorsus simili,

*Aut Polycleteo jussum est quod vivere caelo*:

sic semper scribendum, non *Polycletaeo*. Huc etiam probat Gronovius Diatr. c. XLIII. et ita ille invenerat in Rom. et Venet. et ego in Parmensi. Contra, apud Anctor. Consolat. ad Liviam August. v. 304. pro, *conjuges jussa Jovis*, viri docti reponunt *visa*. et hae voces saepissime commutantur. Gevartius tamen in sua editione retinuit *visum*: Gronovius in sua omisit *EST*. neutrum factum oportuit. Supra, v. 25. pro *Hic* Parm. *Haec*: et pro *vigilata*, *laborata*;

quod Glossatoris est, in contextum postea admissum, metro reclamante. Vers. 20. pro *vicant* Parm. *juvant?* et pro *caelo* Parm. et Rom. *caeli*.

v. 30. *namque haec, quoties chelyn exiit ille, Desidia est*.] Gevartius mavult legi et distingui, *namque haec, quoties chelyn exiit, illi*

*Desidia est, hic Aoniis* etc.

*namque haec* illi *desidia est*, *quoties chelyn exiit* seu *deponit*. parum interest; sed tamen Gevartianam lectionem elegantiores puto. Notabis vero vocem *Desidia* sensu bono, pro eo quod *requiem* dicit Horatius Epist. I, 7.

*Ac sibi dum requiem, dum risus undique quaerit*. et ita Claudianus Rapt. Pros. III, 205. et Sil. Italicus III, 349.

*Haec requies ludusque viris; ea sacra voluptas*. et ita Cicero de senect. c. XV. Galli dicerent *diversion*. Alibi Noster hac voce *desidia* sensu paulum diverso utitur pro *quiete*, Praef. lib. II. *Ad Ursum quoque nostrum, juvenem candidissimum, et sine jactura desidia doctissimum* etc. et ita ad Marcellum, v. 38.

*Te quoque flammabit, Marcelle, petita parumper Desidia*:

ita enim omnino puto Nostrum scripsisse, non *flammabit tacite repetita*. Plinius Epist. VII, 13. *aut es tu super omnes beatus si talia per desidia et otium perficis*. Priore sensu vocis *desidia* sumenda est etiam *mora* apud Ovid. Amor. II, 11. v. 13.

*Nec medius tenues conchas, pictosve lapillos*

*Pontus habet: bibuli litoris illa mora est*:

id est *ludus* et *requies*; nempe in colligendo istas conchas et lapillos litorales. et ita Propertius IV, 8. v. 3.

*Janurium annosi vetus est tutela draconis,*

*Hic ubi tam rarae non perit hora morae*:

ubi vide Broukhusium. Haec noto, quia non alibi observata memini: et exempla hujus significationis *τὴν mora* rariora esse credo. Vers. 29. pro *vetere* Apellem, non male legi posset *verum*: sed vix opus. Vers. 30. pro *monstrabit* Parm. et Rom. *monstravit*, et ita omnes editiones: perperam. Gevartius, opinor, primus mutavit; sed monuisse oportuit.

v. 32. *Haec inter, castae Genius tutelaque mensae Amphitryoniades*.] Parmensis, *castaeque genis tutelaque mensae*. Nimirum scriptum erat *castae genus tutelaque pro genis*: unde aliquis metro metuens intravit *que*. hoc aliis poetis accidisse monstrare possem; et ex insigni loco Virgili alius ducebo. Sed nunc vocat Statius. Et valde mihi suspecta est vox *castac*. *casta* quidem *conjur*, et *castum cubile* et *casta domus* et similia ubique occurrunt, et bene intelliguntur: sed non video quid sit *casta mensa*, aut quid *mensae* cum *castitate*. *casta* pro *religiosa* interdum ponitur; (vide Graevium ad Cic. Epist. Fam. XIV, 4.) *mensa* autem *religiosa* habebatur: sed haec interpretatio non congruit huic loco: quippe hic Hercules non erat *genius mensae* quatenus *religiosa* erat; sed *lautae* et *epulis abundantis*, et *ferculis*



*instructas: et ita describitur per totam Eclogam. infra v. 50.*

*Nec torva effliges, EPULISVE aliena REMISSIS; vide sequentes septem versus, in quibus dicitur eo esse vultu quo fuit cum BIBEAT Nectar: et statim, Sic mitis vultus veluti DE PECTORE GAUDENS HORTETUR MENSAS: tenet haec marcentia fratris POCULA etc.*  
Et v. 59.

*Pellaeus habebat*

*Regnator LAETIS numen venerabile MENSIS.*

Haec omnia non depingunt Genium castae mensae, sed festae:

*Haec inter, festae Genius tutelaque mensas Amphitryoniades.*

Nota vero Hercules ἀδελφῆς, et quantus erat σωφρωνος. Bene autem festas mensas: Noster Theb. IV, 839.

*tu pace mihi, tu nube sub ipsa*

*Armorum, festasque super celebrabere mensas.*

Et II, 88.

*Instaurare diem festasque reponere mensas.*

Martialis Epigr. XI, 66.

*Postera sed festae reddes solennia mensae.*

Val. Flaccus III, 159.

*qui dulci festis adsistere mensis*

*Pectine Bistoniae magnum post ausus alumnus.*

Ausonius Epist. IX, 43.

*Ut solitum, quoties festae invitatio mensae*

*Sollicitat lenem comi sermone Lyaeum:*

Ita legendum puto pro dextrae mensae. ne omnia transcribam, vide plura exempla si velis apud Sil. Ital. VII, 198. VIII, 137. Ovid. Pontic. I, 2. Tibullum non semel, et Propertium. Confirmat haec mihi conjecturam quod saepissime observavi literas e et f inter se commutatas. Ita Ovid. Fast. V, 525.

*Cura fuit conjux, primae mihi cura juventae Cognita:*

pro cura Cl. Burmannus conjicit flore: nec dubito quin ita scripserit Ovidius. Ecce aliud exemplum ex eodem Trist. IV, 10. v. 19. ubi Naso loquitur de sua ad studium poetices, etiam a pueritia, propensitate:

*At mihi jam puero coelestia sacra placebant,*

*Inque suum furtim Musa trahebat opus.*

Vidit acutissimus Heinsius coelestia illa sacra non convenire huic loco ubi de Poetica agitur: ideo notat, „An, Permissa sacra? tale aliquid latet.“ Lege,

*At mihi jam puero Phoebeia sacra placebant:*

scriptum erat, ut saepe in libris, foebēia: unde f in e mutata, coebēia: ex quo fecerunt coelestia.

v. 35.

FIRMOSQUE inclusa per ARCTUS Majestas.] Ita editiones ante Gronovium: qui Reliq. ad Silv. notat in cod. Salisb. esse FINESQUE inclusa per ARCTUS: in Excerpt. Lindenbrog. et prima Venet. FINESQUE inclusa PERACTOS. Sed si ista Excerpta sint tantum varietates editionis Romanae, ut alibi monet Gronovius, vereor ut Lindenbrogium oculi deceperint: quippe in Rom. Jclare legitur FIRMOS inclusa per

ARCTUS, omisso τῷ quo: Parm. FIRMOSQUE inclusa per ARCTUS. Verissima tamen et elegantissima Gronovii emendatio,

FINESQUE inclusa per ARCTOS.

*Majestas:*

*angusti illi fines, pes unus: unde mox, et cum mirabilis intra*

*Stet mensura pedem, tamen etc.*

(ubi Parm. pedum: et ita legebat Domitius, et satis male explicabat) et v. 43.

*Hoc spatio tam magna brevi mendacia formae! et v. 49. exigua massa. Vers. 40. pro feras Parm. fores. 42. pro frangebant Parm. frangebant. 43 pro Hoc spatio Parm. AC: Rom. AN. omnia male.*

v. 45. Artificis curis.] Totus locus ita habet:

*Quis modus in dextra, quanta experientia docti Artificis CURIS, pariter gestamina mensae*

*Fingere, et ingentes animo versare colossos?*

ubi artificis curis ut Pietat. Abasc. v. 8.

CURASQUE fatigat

Artificum, inque omni te quaerit amare metallo: et Plin. Nat. Hist. XXXVI, 3. quo majus periculum CURAE artificum denuntiaret. Nihilominus tamen vix fieri potest ut ita scripserit Statius; quippe deest epitheton τῷ mensae quod respondeat et opponatur τῷ INGENTES colossos in altero sententiae membro: hoc modo, pariter fingere gestamina PARVAE mensae, et versare animo INGENTES colossos: ita postulat elegantia, et mos perpetuus Statii. Lege:

*quanta experientia docti*

*Artificis, CURTAE pariter gestamina mensae*

*Fingere, et INGENTES animo versare colossos?*

Ita supra v. 37. PARVUSQUE videri sentiri INGENS: et Martialis IX, 44. de hac Statua.

EXIGUO MAGNUS in aere Deus.

curta mensa est parva mensa: ut curta supellex Persio: curta tabella Ovid. Fast. II, 408. ubi vide Heinsium: curta peculia Amor. II, 2. haec enim vox non semper denotat rem quae aliqua parte deficit; sed simpliciter parvam: ut curtus mulus, et curtus lar seu parca domus Horat. Epist. I, 7. ubi videndus Bentleius. Licet tamen certissimam puto hanc emendationem, in Contextum non admisi quia sensus sine illa constat. Vers. 48. pro solidus Parm. et Rom. stolidus. solidus est fortis, robustus, ut solidi tori lacerti poetis passim.

v. 52. Aut Aleae.] Domitius invenit in omnibus suis Ut Tiliac: unde edidit, Aut Eleae reclamant Politiano Epist. VI, 1. propter metrum violatum. in Parm. est, Aut telae: verum est, Aut Aleae lucis. intelligit Augem, Alei filiam, ab Hercule compressam: vide Hyginum Fab. XCIX. tangit haec fabulam Noster Herc. Sarrent. v. 40. et hunc locum explicat alter, Theb. IV, 287.

*Non Tegea, non ipsa Deo vacat alite felix*

*Cyllene, templumque Aleae nemorale Minervae:*

Hiuc vides quare Tegea sacerdos Auge, nempe qui Arcadica erat, et sacerdos Minervae Aleae: vide etiam quare lucis, quia templum hoc erat nemora-



le. *Maenalis Auge* vocatur Here. Surrent. v. 40. id est *Arcadica*. Haec praetermiserunt interpretes.

v. 53. *Qualis ET Oeteis*.] Sensus requirit, *Qualis AB Oeteis*, id est, POST *Oeteas favillas*: ut Theb. IV, 841. AB *Jove primus honos*; POST *Jovem*: et ita passim. vel simpliciter *emissus a favillis* ut Epiced. Glauc. v. 227.

*ades huc emissus AB atro*

*Limine*:

ita enim legendum, non *Limite*. In animo videtur habuisse Propertium I, 13.

*Non sic caelesti flagrans amor Herculis Hebe*.

*Sensit AB Oeteis gaudia prima jugis*;

ita legendum esse alias probabo, non *caelestem Heben*. gaudia prima AB *Oeteis jugis*, sunt, POST *Oetea juga*, postquam arsisset in monte Oeta. ita optime correxit Scaliger pro IN *Oeteis*. Pro *Oeteis* Parm. *Oetheis*: Rom. *Otheis*. Vers. 56. pro *Hortetur* Parm. *Hortatur*.

v. 56. *tenet haec marcentia fratris*

*Pocula*, adhuc saevae meminit *manus altera caedis*.] Diu hunc locum suspectum habui:

quippe *caedes* quas Hercules perpetrabat non *saevae* fuerunt, sed generi humano *utiles* pleraeque et *necessariae* et quidvis potius quam *saevae*. Praeterea, ex istis verbis *adhuc saevae meminit manus altera caedis*, non colligere potes quodnam fuit quod in altera manu tenebat haec statua; verba enim *gladio vel sagittae* vel cuivis alii mortis instrumento conveniunt: Dextra, inquit, tenet *poculum*; laeva *instrumentum aliquod letale*. magis signate loqui oportuit quando descripturus erat Herculem istum

*Cujus laeva calet ROBORE, dextra MERO,*

ut de eo Martialis IX, 44. In codicibus antiquis invenit Domitius

*Et haec leve meruit manus aspera sedis*;

pro qua, ut ipse fateatur, vulgatam dedit adhuc saevae meminit *manus altera caedis*: ingeniose quidem, si quadraret cum veritate; quam trium literarum mutatione in tibi, Lector, exhibeo, at haec clavae meminit *manus: aspera sedes*

*Sustinet, occultum Nemeaeo tegmine saxum.*

prima litera in *clava* coaluit cum ultima vocis praecedentis: inde *lave*, et quia hoc non intelligebatur, *lere*; ad ultimum Domitii *saevae*: vides erroris originem et progressum. Eleganter vero meminit *clavae*, id est *tenet, in parato habet* clavam. Val. Flac. c. 583.

*Quem rogitas, Carmeius, ait: mos comminus arma*

*Semper habere viro, semper MEMINISSE PHARETRAE.*

ubi vide doctissimum Burmannum hanc phrasin explicantem, et exempla proferentem. Noster Theb. VI, 710. de disco in sublime magnis viribus misso: *fugit horrendo per inania saltu*;

*Jamque procul MEMINIT DEXTRAE:*

quod explicat verbis proxime sequentibus,

*servatque tenorem*

*Discus.*

Manilius V, 31.

*Heniochusque MEMOR CURRUS, planstrique Boötes.* Recte etiam et necessario *sedes*: habitu enim *sedentis* fingeatur haec icuncula, prout illam describit Martialis IX, 44.

*Hic qui dura SEDENS porrecto saxa leona*

*Mitigat, exiguo magnus in aere deus,*

*Non est fama recens, nec nostri gloria caeli:*

*Nobile Lysippi munus opusque vides.*

Vide reliqua hujus epigrammatis, et cum Nostro confer; omnia eadem in utroque invenies; ut necesse sit aut Statium ex Martiale, vel Martialem ex Statio mutuo sumpsisse. Pro et *haec feci at haec*, ut denotetur oppositio. Thebaid. I, 112.

*haec igne rogali*

*Fulgurat, haec viro manus aëra verberat hydro.* Ausonius Cupid. cruc. v. 39.

*Conjugis haec, haec patris, AT haec gerit hospitium ensem:*

ita legendum pro ET *haec gerit*, simili plane depravatione. Propertius III, 2, v. 35.

*Haec hederas legit in thyrsos, haec carmina nervis*

*Aptat, AT illa manu texit utraque rosam:*

vulgo etiam ibi ET *illa manu*. *Aspera sedes; saxo* enim sedebat: unde Martialis. DURA SEDENS SAXA *mitigat*. Parmensis habet:

*at haec laevae meminit manus aspera sedis,*

virgula per candam *roſ p* ducta. Certissima haec emendatio. Mox, v. 60. pro *venerabile* Parm. *memorable*, frequenti errore. Vers. 62. pro *prensabat* Parm. *praestabat*: et 64. pro AB *hoc*, AD *hoc*.

v. 61. *Et comitem OCCASUS secum portabat ET ORTUS*.] Sagax lector interpolatricem manum hic deprehendet: vide enim constructionem: *Alexander secum portabat hanc statuum COMITEM OCCASUS et ORTUS*. ergo haec statua *comes* erat non *Alexandri* sed *OCCASUS* et *ORTUS*: ergo BRUNDISIUM *comes* aut SURRENTUM *ductus amoenum*, ut loquitur Horatius, non est *TUUS comes* licet tu istuc illam ducas, sed *comes BRUNDISII* vel SURRENTI; eodem prorsus loquendi genere quo haec statua *comes* erat *OCCASUS*, quia Alexandrum ad vel per *OCCASUM* comitabatur. dixisse debuit *comitem PER occasum et ortum* ut V, 1. tecum *gelidas comes illa PER Arcos*. vel AD *occasum*, ut Sueton. Neron. c. 5. *comes AD orientem C. Caesaris juvenis*. Diversa ratio est Silv. V, 2. v. 35. ubi Bolanus dicitur *comes BELLII Corbuloni*, id est IN *bellis*: ibi enim *actio* denotatur; hic *locus* tantum. Ita *comes Rhodii* SECESSUS apud Tacit. Au. IV. id est IN *Rhodio secessu*: de Lucillio Longo. *comes omnium EXPEDITIONUM*, Suetonius de Illustr. Grammat. de Linaeo Pompeii liberto. Suspicio a Statio fuisse,

*Et comitem CASUS secum portabat IN OMNES.* Jex Virgilii IX, 277.

ET COMITEM CASUS complector IN OMNES. quem imitator Sil. Italicus I, 76.



*Et se participem CASUS sociarat IN OMNES,*  
Et V, 137.

*Nobile Gargeni spoliū, quod rege superbus  
Boiorum caeso capiti illacerabile victor  
Aptarat, pugnasque decus portabat IN OMNES.*

errore librarii scriptum erat, *Et comitem occasus secum* etc. deinde, quia non intelligebatur *occasus* in OMNES pronum fuit facere *occasus* ET ORTUS. Quemadmodum vero Alexander hunc Herculem, ita Nero Amazonem circumtulit: Plinius N. H. XXXIV, 8. *circumtulit et Nero princeps Amazonem de qua dicemus, et paulo ante C. Cestius consularis signum, quod secum etiam in praelio habuit. Alexandri quoque Magni tabernaculum sustinere traduntur solitae statuæ.* Heinsius Not. ad Ovid. Met. IV, 702. totum locum sic legit,

*Pellæus habebat*

*Regnator LAUTIS numen venerabile mensis,  
Et comitem OCCASU secum portabat et ORTU.*

sed LAETIS retineri potest ex loco Sil. Italici X, 376.  
*Huic ductor LAETAS Tarpeio in vertice MENSAS  
Spontenti etc.*

*laetae mensae* sunt quae celebrantur post victoriam: vide quae notavi ad Surrent. Poll. v. 6. quibus addere possem innumera exempla huius usūs vocis *laetus*. Alteri parti Heinsianae emendationis assentior: ut *ortu* et *occasu* sit *PER ortum* et *occasum*: de quo dixi ad viam Domit. v. 20.

v. 65. *Huic acies victor semper NARRABAT opimas.* Finge Alexandrum Magnum statuæ huius auriculis insusurrantem, *Ego detraxi Indos, Ego hasta refregi Babylonam* etc. Quam ridicula hæc representatione Alexandri, surdo fabulam narrantis! Lege:

*Huic acies semper victor REFEREBAT opimas:*

*semper victor*, ita enim exhibet Parmensis. sensus est; *Ab hoc petebat animos in bella; et victor, huic REFEREBAT victorias*, huic imputabat quod vicerat. Mamertinus Paneg. Maxim. c. IX. *adco numini illius simpliciter amanterque quicquid pro hisce terris feceras RETULISTI*: ita bene emendavit Puteanus pro his *ceteris*. Eumenius Orat. pro Restaur. Schol. c. IV. *Divinae Imperatorum Caesarumque nostrorum providentiae, singularique in nos benevolentiae, huius quoque operis instauratio REFERENDA est.* ita legendum; vulgo, *instaurazione parendum est*, sine sensu. Exciderat, opinor, huic Statii loco prima syllaba *re*: deinde pro *ferebat*, quod metrum non patiretur, peritior aliquis intrusit *narrabat*, quod proximum erat. Bene vero *opimas acies*; ut *opima pax* Sil. Ital. XVII, 683. *opima caedes* IX, 531. *triumphus opimus* Horat. Carm. IV, 4. et *segetes opimas* I, 31. ubi minus concinne vulgo legitur *opimae*, et ad *ro Sardiniae* refertur. *victimae opimae* Seneca de Benef. I, 6. ubi male legitur *opimae*: *spolia opima* Virgilio et aliis. Si tamen codex aliquis addiceret, libenter hunc versum ita legerem:

*Huic epulas semper victor sacrabat opimas:*

ut infra v. 80.

*et cum epulas, et cum Lenaea dicaret*

*Dona.*

sic *sacrare laribus diem* Val. Flaccus III, 175. *sacrare honorem* Virgil. XII, 140. et Prudentius Psychom. v. 891. Sed cum hæc conjectura a vulgatis nimis longe abeat, retineo in Contextu *acies narrabat*: ita tamen ut maxime placeat *referebat*.

v. 66. *Sive cutenatos Bromio DETRAXERAT Indos.* Nescio quid sit *detrahare Indos*. UNDE *detraxit*? hoc enim dictum fuisse oportuit. Conjicio:

*Sive catenatos Bromio DEVICERAT Indos.*

Auctor Eleg. in obit. Maecen. v. 57.

*Bacche, coloratos postquam DEVICIMUS INDOS.*

Ovidius Fast. III, 465.

*Interea Liber depexos crinibus Indos*

*VINCIT, et Eoo dives ab orbe redit.*

Idem Metam. IV, 20. de Baccho:

*Oriens tibi VICTUS adusque*

*Decolor extremo quæ cingitur India Gange.*

Justinus XXVIII, 2. de Aetolis: qui Alexandri Magni post Persas INDOSQUE DEVICTOS, cum omnes nomen ejus horrerent, edicta spreverint. Vide et Ovid. Art. Am. I, 189. et Ponticor. IV, 8. v. 61. Potes etiam legere *dejecerat*, ex Claudiano de JBell. Get. v. 161. *qualem Stilichio DEJECERIT hostem,*

*Thracæ et Haemonii poterunt Moesique fatcri.*

Tale aliquid verbum requiritur; nisi proferri possint exempla hujusce significationis *roû detrahare*: qualia non adhuc inveni.

v. 69.

*MAGNOQUE ex agmine laudum.*

Praecessit v. 63. *MAGNAS verterat urbes*, v. 67. *MAGNA Babylonam refregerat hasta*, v. 71. *MAGNOS fatis rumperibus actus*. Hæc omnia tam brevi intervallo locata nauseam movent. Optime conveniret *TANTOQUE ex agmine*, ut Theb. XI, 720.

*hic quondam solio sublimis et armis*

*Septus opem miseris et jura, potentibus æquus  
Supplicibusque, dabat; cui nunc ex agmine  
TANTO*

*Una comes:*

ita legendum; vulgo, *potentibus, æquus. optime*, inquam, conveniret *tanto*, nisi quod vox *tantum* sequitur versu proximo. Dispiciant acuti quid rependum sit pro *magno*; ibi enim latet depravatio. TOTO nimis longe recedit a vulgata. propius est et meo iudicio verius *LONGOQUE ex agmine laudum*. Tacitus Annal. II. *fessas Gallias ministrandis equis*: *LONGUM impedimentorum agmen, opportunum ad insidias, defensantibus iniquum. Occupationum agmen* apud Plinium Epist. II, 8. Ovidius Met. VII, 624.

*Hic nos frugilegas adspeximus agmine LONGO*

*Grande onus exiguo formicas ore gerentes.*

Communtantur hæc voces apud eundem Met. XIV, 808. ubi pro *fundamine MAGNO* duo libri habent *LONGO*. Vers. 70. *excusasse triumphos*, id est *deprecari, veniam petere* ob victoriam Thebanam: quia Hercules Thebanus fuit. Hanc phrasin unice illustrat Ovid. Heroid. II, 77. ubi Phyllis Demophoonti dicit,

*Quod solum excusat, solum miraris in illo:*

quod solum pater tuus Theseus culpabile dicit, et quod



quod *veniam petit*, (sc. perfidiam) tu miraris et imitaris.

v. 74. *Aeraque supremis TIMUIT sudantia mensis.*] Quid ais, Papini? TIMUITNE Alexander Magnus? at hoc negabunt quotquot de eo scripserunt. Curtius (ne referam ceteros) X, 5. MORTIS, *cujus metus ceteros exanimat*, PERPETUA CONTEMPTIO. Quod si alias *timere* potuit, certe *timori* locus non fuit eo tempore cum jam mortis opaca nube gravis fuit. Lege,

*Aeraque supremis TENUIT sudantia mensis:*  
Exprimit istud Tibulli I, 1.

*Te TENEAM moriens deficiente manu.*  
quod imitatur Ovidius in Epicedio Tibulli,

*Me TENUIT moriens deficiente manu.*  
Noster Lacrim. Etrusc. v. 17.

TENET ecce seniles

*Leniter adplicitos vultus.*

Perpetuo confunduntur hae voces. Vide Protrep. Crisp. v. 74.

v. 82. *sacrilegus face.*] In MS. Salisb. et Excerpt. Linden. erat *sacrilegas*: unde Gronovius Reliq. ad Silv. legit *sacrilega*: verissime. ita Epiced. Patr. v. 197.

*sacrilegis lucent Capitolia taedis.*

Sil. Italicus III, 610. de Domitiano:

*Sacrilegas inter flammis servabere terris.*

Tibullus III, 5.

*Nec nos sacrilegos templis admovimus igues.*

Mire vero concipitur hic et antecedens versus in Parmensi:

*Dona decus moerens comes esse nefandis.*

*Præcipue castris sacrilegas face miscuit artes.*

vox *castris* e versu suo mota extrusit rō cum. Rom. pro *esse* habet *isse*. potes legere *ire*, ut apud Horat. Serm. II, 5.

*ne tamen illi*

*Tu COMES exterior, si postulet, ire recuses.*

Sed non opus est.

v. 83. *Ipsius, immeritasque domos ac templa Sagunti.*] Idem codex Salisburgensis et Excerpt. Lindenbrog. et edit. Ven. pro *immeritasque* habent *meritæque*, notante ibid. Gronovio: (et ita Parmensis quoque) unde legit *immeritæ Sagunti*, non *immeritas*. et hoc recte, et pro more poetarum. *immeritæ Sagunti*, ut *Graia Saguntos* Sil. Italico:

*Quod tanto cecidit molimine Graia Saguntos.*

Pro *Sagunti* Parm. et Rom. *tonantis*: cum tamen Domitius in Notis agnoscat *Sagunti*.

v. 86.

*convivia Sullae*

Ornabat.] In Parmensi est, *conviva sibyllae coenabit*: et ita in suis invenerat Domitius, qui nugatur nescio quid de rō *Sibylla* pro *Sylla*; et gloriatur se fecisse *coenabat* pro *coenabit*: quasi ullo tolerabili sensu haec icuncula dici posset *coenare*. Gronovius Diatr. c. XXVII. notat in MS. Senensi legi *canebat*: unde Scaliger fecit *comebat*: quod ille probat, et exemplis confirmat; quibus addas haec. Ausonius Praefat. v. 34.

*Jam venit Augustus nostros ut comat honores.*  
Prudentius Peri Steph. II, 307.

*Hoc est monile Ecclesiae;*

*His illa gemmis comitur.*

Noster Theb. VIII, 165.

*nec quisquam spicula tersit,*

*Nec laudavit equum, nitidae nec cassidis allam*  
*Comsit adornavitque jubam.*

Gronovius dicit rō *ornabat* esse Aldi Glossam: non mala illa quidem. notum istud Juvenalis III, 203.

*Lectus erat Codro Procula minor, urceoli sex*

*Ornamentum abaci:*

et Horatii,

*Et nux ornabat mensas cum duplici ficu.*

Retineo tamen *comebat* quia Statio in deliciis ea vox. Vers. 85. pro *potita* Parm. *petita*: et v. 86. *egregias domos* pro *egregio domus*. v. 90. pro *Tirynthiae* eadem *Tirynthia*. v. 93. pro *scit* Parm. *sit*. v. 94. pro *par magnis avis* Parm. *permagnis aquis*. Domitii libri, *per magnis aquas*: unde ille fecit *par magnis aquis*; quod explicat, *qui quamvis mergeretur, moriturus non cessit, nec victus est ut ullam vocem emisserit indignam viro*. Mirifice.

v. 91.

*sed casta ignarique culpa*

*Mens DOMINI cui etc.*] Putavi aliquando Statium scripsisse *Mens NOXII* cui etc. quia, in recensendis hujus statuae possessoribus, vel certa descriptione vel propriis eorum nominibus utitur. Primum, inquit, *Pellaeus regnator* hanc habuit; deinde *Rex Nasamoniacus, Annibal*: post ejus letum ornabat *Sullae* convivia: nunc eam habet *DOMINUS cui fides prisca* etc. Nimis vaga esset haec descriptio, nisi ex supradictis sciremus quemnam intelligit per hunc *DOMINUM*, quem nunquam *Nonium*, sed *Vindicem* appellat, ut v. 4. et 23. et ita Martialis IX, 44. et 45. Utcumque sit hoc, *mens Domini*, est, *dominus*. Thebaid. I, 85.

*da, Tartarei regina barathri*

*Quod cupiam vidisse nefas: nec tarda sequetur*

*Mens juvenum; modo digna veni, mea pignora nosces.*

*mens juvenum* id est *juvenes*. Horatius Carm. III, 5.

*Hoc caverat mens provida Reguli:*

id est, *Regulus*. Claudianus Laud. Serenae v. 19.

*Anne aliud toto molitur carminis actu*

*Maeonii mens alta senis?*

id est *Maeonius senex*, *Homerus*. Ausonius Epigr. 129.

*Medeam vellet quum pingere Timomachi mens.*

id est *Timomachus*. Virgilius Aen. VIII, 205.

*At furis Caci mens effera, ne quid inausum*

*Aut intentatum scelerisve dolive fuisset,*

*Quatuor a stabulis praestanti corpore lauros*

*Avertit:*

ita legendum, non *furiis*. *mens Caci furis* avertit, id est, *Cacus fur* avertit. *Mens Caesarea* pro *Caesar* Ovid. Pontic. II, 1. v. 17. ita quorum menti pro quibus apud Virgilium Aen. II, 35.

*At Capys et quorum melior sententia menti,*

id est quibus melior sententia. ita illorum mentes pro illi ap. Manilium II, 626. quibus mentibus pro quibus ap. Val. Flaccum VI, 181.



*Necdum clara quibus sese fuga mentibus addat.*  
*Mens enim simpliciter pro persona:* Gratius Cynege.  
 v. 96.

*Deus ille, an proxima Divis*  
*Mens fuit, in caecas ariem quae magna tenebras*

*Egit, et ignarum perfudit lumine vulgus?*  
 Juvenalis VI, 316.

*O quantus tunc illis mentibus ardor*  
*Concubitus! quae vox saliente libidine!*  
 ita legendum; vulgo, saltante libidine. Manilius II.  
*Aut quae fessa sedent pigras referentia mentes:*  
 ita legendum, non *Ut*. signa referentia pigras mentes, id est, quae similia sunt desidiosis et pigris hominibus, quatenus sedent. Ovidius Art. Am. III, 25.

*Nec tamen hae mentes nostra poseuntur ab arte.*  
*Mens igitur domini pro dominus, ut caeli lumen*  
*pro caelum, Phoebi nomen pro Phoebus.*  
 v. 98. *vittas, et amantes* CARMINA laurus.

*Hic tibi solenni memorabit CARMINE, quantus*  
 etc.] Inscita haec repetitio vocum CARMINA et CARMINE, tam nullo intervallo, vix potuit a Statio proficisci. in secundo vero loco τὸ CARMINE recte habere evincit locus Thebaid. VII, 289.

*Bellaque perpetuo memorabunt CARMINE Musae.*  
 Mihi non dubium est Statium scripsisse,  
*vittas, et amantes* TEMPORA laurus.  
 vide quae dixi Praefat. de commutatione vocum trisyllabarum. ita Ovid. Art. Amat. II, 3.

*Lactus amans donet viridi mea CARMINA palma:*  
 in quatuordecim MSS. erat TEMPORA: et in octo lauro pro palma. Laurus vero et tempora perpetuo coniunguntur. Auctor. Eleg. in mort. Drusi v. 459.  
*Cingor Apollinea victricia* TEMPORA lauro.

Anonymus in Laud. Herculis:  
*Lingue nemus, mollique exutus* TEMPORA lauro  
*Populea mecum carmen luctare sub umbra.*

Val. Flaccus IV, 334.

*viridi connectit* TEMPORA lauro.  
 Tibullus III, 4.

*Hic juvenis casta redimitus* TEMPORA lauro.

Ovidius Amor. II, 12.

*Ite triumphales circum mea* TEMPORA lauri.  
 Virgilius V, 539.

*Sic fatus cingit viridanti* TEMPORA lauro.  
 Noster Epithal. Stell.

*hic enthea lauro*  
 TEMPORA, Minoa erinem premit ille corona.

Sed nullus esset exemplorum finis. Posset quidem in secundo versu legi *solenni* PECTINE, sed alterum multo magis mihi placet. Vers. 97. pro *Alcide* Parm. Alcides. V. 101. pro *Stymphalon* eadem *Stymphalion*. V. 105. pro *conciat, concitet*: et pro *Scythiaeve, Scythiaeque*; quod verum est: et ita edidi. ut et *Macedum* non *Macedum* v. 106. de quo vide Cl. Drakenborch. ad Sil. Ital. XVII, 633. ubi invenies quos super hac re consulas.

## ECLOG. VII.

V. 1. *Jamdudum lato SATIATA campo.*] Ita omnes vetustiores. Optime vero restituit Morellus SPATIATA: quod confirmat sensus, et vox LATO, et MINORES gyros. In Epigraphe huius Eclog. pro LYRICUM Parm. ODE LYRICA. Vers. 2. pro *heroos* pleraeque editt. *herois*. male. Ovidius Amor. II, 17.

*Jungitur Heröus cum breviori modo.*  
 et ita alibi ille, et alii.

v. 3. *atque ingens OPUS in minores*  
*contrahe gyros.*] Non male hic legas *ingens* EPOS, ut Epithal. Stell. v. 251. *nobile* EPOS, ubi vide quae notavi. non tamen omnino necessarium est EPOS huic loco, quia praecessit *heröos labores*; adeo ut quis intelligat quid velit per *ingens* OPUS. aliter isto loco Epithal. Stell. ubi sensus et oppositio postulant *nobile* EPOS, quia *nobile* OPUS non necessario denotat *poema Epicum*, cum de aliis quoque rebus dicatur, ut ibi dixi: unde patet legendum apud Ovid. Rem. Amor. v. 396.

*Quantum Virgilio nobile debet EPOS,*  
 non OPUS: et Ciofanus in vet. lib. invenit OPOS. et facile sane fuit librariis indoctis, qui non intelligebant vocem *epos*, mutare illam in *opus*. Heinsius tamen et Cl. Burmannus nihil mutandum censent isto Ovidii

loco, quia *opus* saepe dicitur de *poemate epico*. Sed hoc argumentum nihil probat, quia OPUS etiam de *Elegis* et scriptis levioribus usurpatur passim apud Ovidium: ut Heroid. XV, 3. de carmine Sapphico:

*An, nisi legisses auctoris nomina Sapphūs,*  
*Hoc breve nescires unde venisset OPUS?*

Fastor. II, 3.

*Nunc primum velis, Elegi, majoribus istis:*  
*Exiguum (memini) nuper eratis OPUS.*

Trist. II, 436.

*Et leve cornifici, parque Catonis OPUS.*

Nihil igitur ex hac voce, ut mihi videtur, concludi potest: et probandum erat NOBILE OPUS absolute et per se positum denotare *poema Epicum*. non dubito quin et *Elegi* recte dici possint NOBILE OPUS si suo genere praestantes sint: et ita urbem Cyzicon vocat Ovidius Trist. I, 10.

Cyzicon, *Haemoniae* NOBILE gentis OPUS.  
 et *valvae* Propertius II, 23.

*Et valvae, Lihyci* NOBILE dentis OPUS.

Si Statius, eo epithalamii loco, uti voluisset voce *opus*, dixisset, opinor, FORTE OPUS: hoc enim proprium est *epicae poësi*, ut GRANDE OPUS *Tragoediae*. NOBILE OPUS nimis ambiguum videtur.

v. 11.

NUNC major sitis et bibendus

Castior annis.] Si Maximo

carmen TENUARE tentat, quodnam opus, quaeso, *siti* MAJORI? si per verum licoisset dixisse potius debuit MINOR *sitis*, ut *castior annis*: *Nunc opus est leviora tyra*, Ovid. Met. XI, 152. Martialis Epigr. VIII, 70. de Nerva:

Cum siccare sacram largo Permissida posset

Ore, verecundam maluit esse sitim.

magna enim *sitis* locum habet ubi de rebus magnis agendum est, non ubi carmen tenuandum. ita Theb. VIII, 373. bella dicturus et praelia majorem Apollinem optat:

Sed jam bella vocant: alias nova suggere vires

Calliope, majorque chelyn mihi tendat Apollo.

Propertius II, 10.

Surge, animo, ex humili jam carmine sumite vires,

Pierides, magni nunc erit oris opus:

et ita millies apud omnes poetas. Lege,

Nunc ab intonsa capienda myrto

Serta; NEC major sitis; et bibendus

Castior annis:

quasi dixisset, NEC opus est majori siti, ET modicus haustus sufficit. ita Silv. I, 4.

NEC proturbare curules,

ET ferrum mulcere toga.

sic et ecloga proxima ad Menece. v. 6.

NEC solum festas secreta Neapolis aras

Ambiat; ET socii portus etc.

Martialis Epigr. X, 2.

Marmora Messalae findit caprificus, et audax

Dimidius Crispi multo ridet avos:

At chartis NEC furta nocent, ET secula prosunt.

Idem X, 19.

NEC doctum satis, ET parum Severum,

Sed non rusticulum nimis libellum etc.

Noster Epiced. in patrem:

NEC simplex patriae decus; ET natalis origo

Pendet.

tenuare carmen est ex Propertio III, 1.

Dicile quo pariter carmen tenuastis in antro.

Vers. 9. pro Maximo Parm. Maximum.

v. 15. Pallidus fossor redit, erutoque

Concolor auro.] Hunc locum expressit Sil. Italicus I, 231.

Astur avarus

Visceribus laceræ telluris mergitur imis,

Et redit infelix effosso concolor auro.

Notaverat hoc Nic. Neinsius ad Claudian. p. 9. et Dan. Heinsius ad Silium. Notabilis vero et Statii inusitata sanitas in hac Ecloga, a Vers. 11. ad Vers. 51. de qua monui ad Lacrim. Etrusc. v. 145. Variantes Lectiones Editi. Parm. et Rom. hinc pergam exequi. Vers. 17. pro *natum* Parm. *vatum*. V. 19. pro *liticen* notus Parm. *laticen* motus: Rom. *laticem* motus. In Gronovii editione male est *liticen*; et hoc, ut semper, sequitur Veenhusius. V. 20. pro *armis* Parm. et Rom. *annis*. V. 22. pro *Thymbrae* Parm. *tymbrae*. Vers. 35. pro *propinquum* Parm. et Rom. *propinqui*: et pro *amico* Parm. *amici*. V. 37. pro *tumulata* Parm. *cumulata*: Rom. *timulata*. V. 44. pro *actis* Parm. *artis*. V. 46. pro *tuleris* Parm. et Rom. *tuleras*: perperam. metuebant, opinor, metro. sed non opus erat: vide Ovid. Fast. I, 17. et passim. V. 47. pro *alae* Parm. et Rom. *aulae*. Sed taceat harum ineptiarum.

v. 51. *sub uno vivere caelo*.] Gronovius Reliq. ad Silv. notat Petr. Scriverium legere *sub uno caelo*: quod verissimum est et Parmensi confirmatum. Ante hanc legem erant mutatores domorum, ut de his Noster Protrept. Crispini v. 135.

An juga Pannoniae, mutatoresque domorum Sauromatas quaties?

vagos Sauromatas vocat Lacrim. Etrusc. v. 170. et Seneca Hippol. v. 72.

Vacuisque vagus Sarmata campis.

Idem Troad. v. 12.

Et quae vagos vicina prospiciens Scythas

Ripam ceteris Ponticam viduis terit:

Ita legendum; vulgo *ferit*. Voces *in*us et *un*us perpetuo commutantur, cum calami ductus in utraque iidem sint.

[v. 55. Et Timavi reddis alumnum.] Ita recte pleraeque editiones: et intelligitur T. Livius, Patavinus. Parm. tamen *torani*: Rom. *Trojani*: quod satis obscure explicat Domitius. *Timavi* quoque Politianus legit Epist. VI, 1.

## E C L O G. VIII.

V. 6. NEC solum festas SECRETA Neapolis aras

Ambiat.] Quis mihi dicet quare Neapolis hoc loco SECRETA dicitur? Ego nihil hoc loco possum; nisi Statius scripserit LAETATA Neapolis; idem quod LAETATA facta; ut apud Claudianum in Sec. Cons. Stilich. v. 177. de re simili:

puerumque ferens hic regia mater

Augusto monstravit avo: LAETATUS at ille

Sustulit in Tyria reptantem veste nepotem.

et hoc sensu passim occurrit haec vox. Sed hoc non admodum placet. [*secreta* Neapolis. Ven. *seccata* Neapolis. quidnam est monstri quod sub hac voce latet? EX ADD.] In Parmensi Epigraphæ hujus Eclogae est, JULIO MENECRATI CONGRATULATIO. forte verius: vide Praefat. hujus libri. Vers. 1. pro *vittata* Parm. *vitata*. Vers. 7. pro *mitis* Parm. *miti*: et v. 8. *Dicar-*



*chei*, ut semper: ego edidi *Dicarcheae*, et de ea dixi ad II, 2. v. 93. et III, 1. v. 92. Vers. 10. pro quem Parm. et Rom. *qua*.

v. 15. *dulci TREMIT ecce tumultu*

*Tot dominis clamata domus.*] Quomodo TREMIT? *tremi* est *qualitur*: atqui *clamor infantium* non potest *quater* domum, unde patet verissimam esse emendationem Heinsii, qui ad Ovid. Met. IX, 207. legit,

*dulci FREMIT ecce tumultu*

*Tot dominis clamata domus.*

*Fremi* est *strepit*, *resonat*: et hoc confirmat vox *clamata*. Noster Surrent. Poll. v. 50.

*Haec pelagi clamore FREMUNT, haec TECTA etc.* Seneca Thyest. 180.

FREMERE *jam totus tuis*

*Debebat armis orbis.*

Noster Theb. V, 691.

*Respicit, atque illic alio certamine belli*

TECTA FREMUNT.

Virgilius Cnlic. v. 151.

*Argutis et cuncta FREMUNT ardore cicadis:*

ubi pro *ardore* mallem *arbusta*, ut Eclog. II, 13.

*Sic sub ardenti resonant ARBUSTA CICADIS:*

Et Georg. III, 328.

*Et cantu querulae rumpent ARBUSTA CICADAE.*

Recte vero *Tot dominis clamata domus*, id est, *in qua tot domini clamant*: ut Theb. V, 581. *Nemees reptatus ager* est *ager Nemeae in quo reptavit*, sc. *serpens*. Pro *dulci tumultu* Parm. *dulcis tumultus*. Ex hoc vero loco et his exemplis patet *to fremere* non semper esse *iratorum et indignantium* (quod et ad Ovidii locum notaverat Heinsius) et ideo me recte restituisse *Lacrim*. Etrusc. v. 181. *Tunc immane FREMENS*, pro *GEMENS*: de quo tunc dubitavi.

v. 16. *procul atra recedat*

*Invida, atque alio licentia PECTORA flectat.*] Nihil mutant editiones: et tamen nisi omnia me fallunt, insignis hoc in loco est depravatio. quippe apud poetas et alios ubi inducitur Dea Invidia alicui nocitura, non dicitur nocere PECTORE, sed OCVLIS et *obutu* et *vultum figendo* in illam rem: ut mihi non dubium sit Statium hoc loco scripsisse,

*atque alio licentia LUMINA flectat.*

Et vide quare ita putem. Infra Pietat. Abasc. v. 138. de Fortuna et Invidia:

*quis jussit iniquas*

*Aeternum bellare Deas? nullamne notavit*

*Ille domum, torvo quamnon haec LUMINE figat*

*Protenus, et saeva perturbet gaudia dextra?*

Epiced. Phileti v. 72.

*Attendit torvo tristis Rhamnusia VULTU:*

ubi vide quae notavi. Apuleius Miles. IV, p. 73. *Nec ille tam clurus tamque splendidus publicae voluptatis apparatus INVIDIAE noxios effugit OCVLOS.* Ovidius Metam. II, 777.

*Ille Deam OBLIQUO fugientem LUMINE cernens*

*Murmura parva dedit:*

loquitur de *Invidia* vidente Minervam abeuntem. Et huc referendum istud Virgil. Ecl. III, 303.

*I nescio quis teneros OCVLUS mihi fascinat agnos.*

credebant nimirum veteres in *oculis invidentium* aliquid esse *nocivum*: unde istud Horatii Epist. I, 14.

*Non istic obliquo OCVLO mea commoda quisquam*

Limat:

et Virgilii *obliqua invidia* Aen. XI. Antholog. I, 84. p. 116.

Ο ΦΘΟΝΟΣ ἐστὶ κακιστος. ἔχει δὲ τὸ καλὸν ἐν αὐτῷ,

Τίμαι γὰρ φθορῶν ὈΜΜΑΤΑ καὶ κραδίην.

Facile vero fieri potuit ut vox *licentia* propter similitudinem ductuum calami extruderet sequentem *lumina*: cujus rei exempla aliquot dedi ad Tiburtin. Vo. pisc. v. 50. Et hae voces PECTORA et LUMINA alibi commutatae fuerunt. meminimus hoc ex libris annotasse Cl. Burmannum ad Ovid. Trist. II. sed versus non nunc occurrit. Clarum tamen exemplum habes ap. Senec. Herc. Fur. v. 219. ubi pro *remisso LUMINE* substituerunt PECTORE: quod merito damnavit Gronovius.

v. 19. *et PATRIUS lauros promisit Apollo.*]

Ita recte editiones, PATRIUS, non PATRIAS *lauros*, quemadmodum edidit Gronovius. *Patrius* Apollo est *πατριῶος*. patet ex v. 45. et seqq.

Dii PATRII, quos *augurii* etc.

Tu ductor populi longe emigrantis APOLLO,

Tuque Actaea Ceres etc.

Hos cum plebe sua PATRII *scrvae* Penates!

unde etiam patet legendum esse *promittit*, non *promisit*: si enim JAM PROMISIT Apollo *senium* et *decus virtutis*, quodnam opus hac precatione ut *scrvaret*? Mamertinus Geneth. Maxim. c. XIX. *nascentes vos ad opem generis humani bona sidera et amica viderunt, quae vobis concordiam sempiternam, et vestrorum generum caritatem, et fovendae reipublicae studia conciliunt; itemque, praeter victorias toto orbe terrarum partas, etiam navalia tropaea PROMITTUNT.* Tibullus III. 4.

*Hoc tibi conjugium PROMITTIT Delius ipse.*

Recte vero LONGAE *decus virtutis*, ut Lucan. II, 258.

*Hoc solum LONGAE pretium virtutis habebis.*

Hoc moneo, ne quis LONGUM coniciat.

v. 24. *et donis nunquam mutata sacratis.*]

*Sacrata* haec *donata* sunt *jus trium liberorum*, quod Menecrati indulerat Caesar antequam ex uxore liberis suscepisset: bono omine, inquit Statius; nam statim totidem suscepisti, O Menecrates: et sic utinam maneat tua domus, *fertilis*, et nunquam *MUTATA donis sacratis*. Sed nullus in hac voce *MUTATA* sensus; saltem huic loco non congruus. quomodo enim haec *donata mutarent* Menecratis domum? tolerabili forte sensu dici posset haec domus *mutari*, si antea *sterili* et *sine liberis* domino Caesar concessisset *jus trium liberorum*, tunc enim ex *sterili* in *fertilem* quodam modo esset *mutata*: sed quando haec optat Statius, Menecrates habet *tres liberos*, et *ex suo*, non indulgentia tantum Imperatoris. haec cum ita sint, optat, ut domus maneat quemadmodum nunc est, *fertilis*, et nunquam *MUTATA donis sacratis*. Inepti dico haec, et Statium scripsisse,



*sic fertilis, oro,*

*Stet domus, et donis nunquam NUDATA sacratis:*

*Stet fertilis, et non NUDATA donis sacratis, id est viduata, vacua, sine donis sacratis, seu tribus liberis, quos adulatorie vocat donum Imperatoris, quia statim sequebantur jus trium liberorum Menecrati concessum. nudata donis, ut Ovidius Met. XII, 439.*

*dum parat hunc armis NUDARE jacentem.*

Prudentius Psychom. 579.

*Omne onus ex humeris rejecerat; omnibus ibat NUDATA induvis, nullo et se fasce lecarat.*

Cicero Arateis:

*DENUDAT foliis ramos, et cortice truncos.*

Caesar. Bell. Gall. lib. II. *Hi, ubi circumjecta multitudine hominum totis moenibus, undique in murum lapides jaci coepti sunt, murusque defensoribus NUDATUS est, testudine facta, portis succedunt, murumque subruunt.* Et lib. III. *Ut quaeque pars castrorum NUDATA defensoribus premi videbatur, eo accurrere et auxilium ferre.* Vide et Ciceronem de Orator. I, 38. et Cl. Bentleium ad Horat. Art. Poët. v. 60. ubi pro *mutantur* primo conjicit *nudantur*, quod exemplis adstruit; vel *viduantur*: quod et in hoc Statii loco ego dudum conjeceram, *donis VIDUATA sacratis*: sed praestat *NUDATA*, quia vox *Jaeque* proba, minor mutatio; cum notum sit literas *d* et *t* paene ejusdem esse sonitum et potestatis: unde pro *nudata* scriptum erat *mutata*, et deinde *mutata*. quale mendum, ut mihi videtur, adhuc insidet eundem Horatium Art. Poët. v. 40.

*Sumite materiam vestris, qui scribitis, aquam Viribus; et versate diu, quid ferre recusent, Quid valeant humeri. cui lecta POTENTER erit res,*

*Nec facundia deseret hunc, nec lucidus ordo.*

nisi fallor scripsit Flaccus,

*cui lecta PUDENTER erit res:*

id est *modeste*, et ratione habita virium suarum, et quid ferre recusent, quid valeant humeri. ita v. 51.

*dabiturque licentia sumta PUDENTER.*

Et Epist. I, 17.

*distat, sumasne PUDENTER*

*An rapias.*

pro *pudenter* scriptum forte fuit *potenter*, *mutata d* in *t*: unde nullo negotio fecerunt *potenter*. Confirmat hanc emendationem Ipse Epist. I, 1.

*nec meus audet*

*REM tentare PUDOR, quam vires ferre recusent.*

v. 27. *Aptior his Virtus, citius dabit illa nepotes*] Vereor ne et hic quoque manus liberalis nobis illuserit, et pro thesauro carbonem obtulerit. Totum locum videamus.

*Macte, quod et proles tibi saepius aucta virili*

*Robore. se juveni laetam dat virgo parenti:*

*Aptior his virtus, citius dabit illa nepotes.*

*Qualis maternis Helene jam digna palcastris*

*Inter Amyclaeos reptabat candida fratres:*

*Vel qualis caeli facies, ubi nocte serena*

*Admovere jubar mediae duo sidera Lunae.*

ubi primum consentiunt interpretes hanc gratulationem Menecrati scriptam esse ob natam FILIAM: et patere videtur ex versu secundo hujus loci, *se juveni laetam DAT VIRGO parenti*: post *duos filios*; inde,

*Macte quod et proles tibi SAEPIUS aucta VIRILI*

*Robore. se juveni etc.*

Jam ergo, si haec puella JUNIOR esset ceteris, et tertio loco nata, quomodo quaeso verum esse potest quod dicit, *CITIUS dabit illa nepotes*? quomodo *CITIUS*, si NATU MINOR? ut bene quaerit Cruceus; quem hic locus adeo movit, ut putaret non de *Filia*, sed *Filio* hanc scriptam gratulationem: cui et alio argumento propugnare nititur, ex versu 35. *cunq̄ue tibi vagiret TERTIUS INFANS*; ubi si *puella* edita fuisset, longe magis, inquit, decuisset Statium scribere, *vagiret TERTIA PROLES*. Futile hoc argumentum: et quid respondit Cruceus ad hunc locum Glauc. Melior. v. 91.

*Quid referam altricum VICTOS pietate PARENTES?*

ubi isti *VICTI* parentes sunt *MATRES*, sensu et sequentibus exemplis ita postulantis. Adhuc igitur verum esse potest *tertiam* hanc *sobolem* fuisse *puellam*: et tandem concedit ipse Cruceus. Sed frustra: quippe supra in Herc. Surrent. locus est qui clare probat *duos* priores Menecratis liberos fuisse *filium* et *filiam*: et consequenter *tertiam* hanc *sobolem*, quae causam dedit huic Eclogae, fuisse *idem filium*. Locus est v. 173. ubi Hercules grates agit Pollio ob extractum templum, et haec illi pollicetur,

*Avertam luctus et tristitia damna retabo,*

*Teque nihil laesum viridi renorabo senecta,*

*Concedamque diu juvenes spectare NEPOTES,*

*Donec et illic sponsae maturus, et illa marito,*

*Rursus et ex illis soboles nova.*

Hic et *ILLA*, *nepotes* Pollii, liberi erant Julii hujus Menecratis, *filius* et *filia*: *tertia* igitur *proles* erat *filius*. Hoc certum est. Restat difficultas de *τῷ CITIUS*; quod Cl. Dodwellus explicat, propter pubertatem in *femellis* quam in *maribus* maturiorem, cum mares matrimonium inirent anno aetatis XIV, feminae XII. unde colligit duobus annis minorem *filiam* non esse potuisse *filio* Menecratis primogenito. Sed non recte argumentari videtur Vir Clarissimus; sumit enim pro concessio quod erat probandum. Mihi omniino spurius et insititius videtur hic versus,

*Aptior his Virtus, citius dabit illa nepotes.*

quod et clarius patebit si species totius sententiae connexionem, quam hic versus foede interrumpit: *Fortunate quoque (vel sis Ifelix) quod duos virilis sexus habes, et quod tibi edita est filia*; pulchra illa, et talis qualis *Helene* inter duos fratres, *vel qualis nocte serena Luna* inter duo minora sidera. Omnia hic plena vides; nec interseri aliquid potest nisi ut nexum disjungat. Uncinis igitur excipiat ista versus, *Aptior his Virtus* etc. Mihi quidem ita videtur. De phrasi *se dat dixi* ad Soter. Gallic. v. 49. *Laetiam parenti est quae facit laetitiam* seu gaudium parenti: ut Theb. V, 656.

Uu



*Illam autem ubinam, cui parva cruoris*

*LAETAE damna mei?*

*ubinam autem illa est cui damna mei cruoris parva sunt aut LAETA, i. e. cui laetitiam faciunt damna mei cruoris.* dixisse potuit *grata*. Tacitus Annal. II. ad fin. *Ceterum recenti adhuc moestitia, soror Germanici Livia, nupta Druso, duos virilis sexus simul enixa est. quod rarum, LAETUMQUE etiam modicis PENATIBUS, tanto gaudio principem adfecit, ut etc.* Idem Annal. III. *aberat quippe adulatio, gnaris omnibus LAETAM TIBERIO Germanici mortem male dissimulari.* et ita alibi. Pro SE juveni Ven. Parm. et Rom. SED. [In Notis explicavi phrasin *laetam parenti*. Sed nisi valde fallor scripsit Statics,

*Se juveni MEDIAM dat virgo parenti.*

Supra probavi hanc filiam natam esse secundo loco, et hanc Gratulationem scriptam esse Menecrati ob nuper natum filium, qui erat tertius infans. Jam igitur totum locum relegamus:

*Macte quod et proles tibi SAEPIUS aucta virili*

*Robore! se juveni mediam dat virgo parenti,*

*[Aptior his virtus, citius dabit illa nepotes]*

*Qualis maternis Helene jam digna palaestris*

*INTER Amyclaeos reptabat candida fratres:*

*Vel qualis caeli facies, ubi nocte serena*

*Admovere jubar MEDIAE duo sidera Lunae.*

Vides hanc filiam, quae MEDIAM se dedit, comparari Helenae INTER duos fratres, et Lunae INTER duo sidera. quae comparatio ineptissima est nisi legas MEDIAM non enim similis erat Helenae INTER Castorem et Pollucem ex eo quod dedit se LAETAM parenti, sed ex eo quod dedit se MEDIAM. Certissimum hoc videtur. De versu illo, *Aptior his virtus etc.* dixi in Notis. si Statii sit, de quo tamen jure dubites, ponendus videtur post istum, *Admovere jubar etc.* EX ADD.] Mox, v. 36. *Protenus ingenti etc.* EX Ovidio Heroïd. VI, 9.

*Cur mihi fama prior quam nuncia litera venit?*

Vers. 35. pro *vagiret* nonnullae editt. *vagitet*: male: dixisse enim debuit *vagitaret*. Recte Morellus restituit *vagiret*.

v. 40. *Et CANTU signare diem.*] Recte Bentleius Not. in Horat. Carm. I, 36. *Et CRETA signare diem*: quippe praecessit *chelyn*, et sequitur *vota CANO*. Vide eum. Nec me movet istud Ovidii Amor. III, 10.

*Festa DIES Veneremque vocat CANTUSQUE merumque:*

quippe vox *signare* absurditatem alterius lectionis plane demonstrat: nemo enim SIGNARE potest diem *cantu*, sed *creta*, candida et laeta nota: cujus contrarium *maesta nota* apud Lucanum V, 389. de Caesare:

*et nomen inane*

*Imperii rapiens, SIGNAVIT tempora digna*

*Maesta nota.*

Catullus:

*Quem LAPIDE illa diem CANDIDIORE NOTAT.*

Pro *promere* Rom. *premere*. Vers. 41. pro *Defensat* Rom. *Defensas*. Vers. 47. pro *longe emigrantis* Parm. et Rom. *longe migrantis*: suavius alterum. V. 48. pro *sedentem* Rom. *serentem*: eodem errore quo Cal. Decembr. v. 24. ubi pro *serenam* restitui *sedentem*. Vers. 50. pro *Actaea* Parm. *acea*. 51. pro *taciti mystae* Parm. *tanti mixtae*, solenni errore in utraque voce: Rom. *mestae*, et *lampade* pro *lampada*. Vers. 53. pro *umbrosaeque* opinor scribendum esse *umbrosaeve*.

v. 55. *Sint qui fessam aevo crebrisque laboribus urbem*

*Voce opibusque juvent.*] Nic. Heinsius ad Silium Italicum XIV, 583. pro CREBRISQUE LABORIBUS legit VESBIQUE VAPORIBUS: vel, *crebrisque VAPORIBUS*. Ingeniose quidem: sed nihil mutandum puto. Tò labores optime denotat *incommoda* cujuscunque generis, *pericula*, et *damna*. Sidonius Apollinaris Paneg. ad Majorian. Aug. v. 577.

*Lugilunumque tuam dum praetoris aspice victor;*

*Otia post nimios poscit te fracta LABORES.*

Virgilius Aen. II, 283.

*ut te post multa tuorum*

*Funera, post varios hominumque URBISQUE LABORES*

*Defessi aspicimus!*

Versu praecedenti, pro PATRII *servate penates* Gronovius Diatr. c. XLIV. dicit aliquem suspicari posse Statium scripsisse PATRIAE *servate penates*, ad evitandam *ταυτολογίαν*, cum supra v. 45. dixerit *Dii Patrii*, quos etc. Acute quidem et, credo, vere. *Servate hos patriae* id est, *in bonum patriae*, seu Neapoleos.

v. 59. HAC lampade prima

*Patricias intrare fores, hoc pube etc.*] Nihil verius emendatione Gevartiana hujus loci, Papin. Lect. IV, 11.

*Quippe et opes et origo sinunt, HANC, lampade prima*

*Patricias intrare fores: hos, pube sub ipsa*

*— Romulei linen pulsare Senatūs.*

et hoc probavit Gronovius Diatr. c. XLIV. et ego nunc primus firmo auctoritate edit. Parm. in qua clare legitur *hac* in priore versu, et *hos* in altero. HANC, scil. *puellam*. De *lampade prima* vide Gronovium, memorato loco: ubi putat Statium simpliciter dicere *lampade prima*, sine respectu ad *secundas* nuptias: quod verissimum est, et exemplis aptissimis ibi illustratum. Vers. 58. pro *monstret* Parm. et Rom. *monstrat*. Vers. 61. pro *prona* Parm. et Rom. *plena*; Iqualis diversitas est Propert. I, 16. v. 23. ubi pro *sidera PRONA* multa exemplaria habent *PLENA*: quod placuit Gronovio Observat. III, 3. sed non persuadere potuit Broukhusio; nec cuiquam alii, opinor.



## E C L O G. IX.

RISUS SATURNALITICUS AD PLOTIUM.] Ita concipitur epigrapha hujus eclogae in editionibus. sed semper suspicatus sum deesse cognomen hujus PLOTH: et confirmavit Parmensis, illa enim habet PLOTIO GRIPPO: hoc tantum. ceteram vero partem tituli recte habere non dubito, propter ista Praefat. PLOTIO GRYPHO majoris gradus juveni dignius opusculum reddam: sed interim Hendecasyllabos, quos SATURNALIBUS una RISIMUS, huic volumini inserui. Nic. Heinsius ad Ovid. Trist. I, 1. v. 5. et ad Prudentium Cathemer. V, 22. et alibi, citat Statium LUSU Saturnalitio. nescio culpā memoriae, an similitudine vocum et sensus. Ille vero Plotius Gryphus (sen Grippus, seu Gryphus, seu quocunque cognomine gaudet) vix idem esse potest qui apud Tacitum Hist. III. et IV. occurrit. quippe iste Gryphus honores sub Vespasiano gesserat; hic vero juvenis erat quando Hendecasyllabos cum Statio risit. Noster forte erat filius istius. et ita sentire jam video Cl. Dodwellum Annal. Stat. c. LIV.

v. 9. *milit constitit DECUSSI.*] Gronovius de Pecun. Vet. I, 8. probat legendum esse DECUSSIS. vix opus erat: nam et ita habent pleraque editiones ante Gevartianam et suam.

v. 13. *Aut Byzantiacos COLUNT lacertos.*] Quomodo libelli vel charae dici possunt COLERE Byzantiacos lacertos? Domitius notat, *colunt, regunt*: non intelligo, nisi voluit *tegunt*; quod aequè verum est, hoc est, aequè falsum. Lege,

*Aut Byzantiacos OLENT lacertos:*

clarum hoc primo intuitu. Horatius Epist. II, 1. ad fin.

*Cum scriptore meo capsae porrectae aperta  
Deferat in ricum vendentem tus, et odores,  
Et piper, et quicquid chartis amicitur ineptis.*

Et alibi:

*Nec scombros metuentia carmina, nec tus:* quem imitatur Sidon. Apollinaris Carm. X, 315.

*Nos valde sterilis modos Camoenae  
Rarae credimus hos brerique chartae  
Quae scombros merito piperque portet.*

pergit facete,

*Nam quisnam Deus hoc dabit rejectae,  
Ut vel suscipiens bonos ODORES,  
Nardum, ac pinguis Nicerotianis  
Quae fragrant alabastra tincta succis,  
Indo cinnamon ex rogo pettum,  
Quo Phoenix juvenescit occidendo,  
Costum, malobathrum, rosas, animum,  
Myrram, tus, opobalsamumque servet?*

Martialis Epigr. III, 50.

*Quod si non scombris scelerata poemata dones.*

Et IV, 87.

*Nec ronchos metues malignarum*

*Nec scombris tunicas dabis molestas.*

Catullus:

*At Volusi Annales apuam porgentur ad inam,  
Et laxas scombris saepe dahunt tunicas.*

Bene vero OLENT Byzantiacos lacertos. Horatius Serm. II, 4.

*At pingui miscere mero muriaque decebit  
Non alia quam qua BYZANTIA PUTUIT ORCA.*

Athenaeus III, 32.

*BYZANTTAS δὲ θυρωλὸς ὀσμῆς ἴσι χαλκῇ.*

Vers. 15. pro juvenis foro Parm. niveus ore.

v. 17. *arbitrum sequenti Annonae dedit.*] Parm. et Rom. sequentis: frustra. *τὸ dedit* postulat sequenti, hoc est, *facili, obsequenti, obedienti* Plotio procuratori; ut bene Gronovius Diatr. c. XLV. ubi refellit eos qui voluerunt *frequenti*, et erudite et copiose hanc vocem illustrat. Inter alia exempla hoc Manili proferit lib. V, 658.

*Hoc trahit in pelagi caedes et vulnere natos  
Squammigeri gregis; extentis laqueare profun-*  
*dum*

*Retibus, et pontum vinclis armare sequentem.* quod ita explicat: „sequentem pontum est cedentem, „patientem, non reluctantem, nec fdedignantem piscatoria arma. Pontum armare vinclis, est, rebus ac ceteris armis piscatoriis velut induere pontum, piscibusque infestum reddere.“ At quis unquam ita locutus est, *armare pontum vinclis* pro *induere pontum retibus*? anne aliquid ARMARI potest VINCLIS? festinanter nimis scripsit vir magnus. Lege,

*et pontum vinclis artare frequentem:*

hoc est totum mare occupare et augustum reddere, oppletum retibus et vinclis ejus. *frequentem vinclis* est *densum, plenum vinclis*: ut *Silva frequens trabibus*, Ovidio: *frequens arboribus lucus* Senec. Epist. 41. *scopulos frequentes exsulibus* Juvenal. XIII, 216. et innumera ejusmodi *artare* seu *arctare pontum* ut apud Lucan. IX, 35. et Senec. Herc. Fur. v. 1210. Sed jam video Scaligerum conjecisse *arctare*. In MS. Gemblacensi pro *sequentem* est *furentem*: unde astruitur aliquatenus mea conjectura. nisi malis *fremmentem*, id est *indignantem*. Hunc Manilii locum, ita ut hic, explicat alibi Gronovius, ad Planti Pers. I, 2. [*arbitrum sequenti Annonae dedit*. Ven. Parm. Rom. sequentis: ut constructio sit, *dedit te arbitrum sequentis annonae*, id est: *fecit, constituit te arbitrum* EX ADD.]

v. 24. CAESIS pilea suta de lacernis.] Scripsit Statius, SCISSIS pilea suta etc. Virgilius VIII, 702.

*Et scissa gaudens vadit Discordia palla:*

Juvenal. III, 148.

*si foeda et scissa lacerna:*

et 354.

SCINDUNTUR tunicae sartae:

Virgil. XII, 609.

*it scissa veste Latinus:*

Prudentius Psychom. v. 685.

SCISSA procul palla strictum et serpente flagellum



*Multipli, media camporum in strage jacebat.*

Apuleius Miles. IX. p. 185. ed Price. *Dii boni! quales illi hominuli vibicibus lividulis totam cutem depicti, dorsumque plagosum scissili centunculo magis inumbrati quam oblecti:* ita legendum; vulgo sine sensu, *vibicibus lividinīs*. Plinius Epist. IV, 16. *Ad hoc quidam ornatus adolescens scissis tunicis, ut in frequentia solet, sola velatus toga perstitit, et quidem horis septem.* Ubi mirari soleo quomodo scinderentur tunicae, toga integra: tunica enim togā est propior. Conciliate haec, O isti, qui de Re Vestiaria scripsistis: si enim quidquam intelligo, scripsisse debuit Plinius, *scissa toga sola velatus tunica perstitit*. Voces *scindunt* et *caedunt* commutantur ap. Ovid. Fast. IV, 273. Pro sula Parm. *sūpta*. Vers. 22. pro *asse Caiano* Domitius ad Cal. Decembr. v. 17. legit *asse Gaiolo*: et notat, *Gaiorum numismata in arte erant*; et deinde citat hunc versum. non intelligo. Vers. 28. *Prunorum Globus*, etc. omitit hunc versum Romana editio. Vers. 29. pro *Ellychnia* Parm. *Eulichnia*. Vers. 30. pro *ova tantum*, Turnebus coniecit *ova tota*: quod probare videtur Morellus. non opus ulla mutatione.

v. 31. *Non lardum GRAVE debilisve perna,*

*Non lucanica, non GRAVES phalisci?* Non ferri potest *grave* et *graves*. Lege,

*Non lardum BREVE, debilisve perna.*

Probat hoc vox *debilis*, ejusdem fere hoc loco sensus. Per *lardum BREVE* intelligit minutam lardi portionem; et bene exprimit exiguitatem muneris. *lardum breve* pro *frustum lardi*, ut *minor altilis Juvenal*. V, 168. pro *pars altilis*, non tota altilis:

*Ad vos jam veniet minor altilis:*

ita legendum, non *Ad nos*: de *clientibus* enim, non de *scipso* agit. sic *debilis boletus* apud Martialis. VII, 20.

*Et lippa ficus, debilisque boletus.*

*curtus centussis* Persio Sat. V. non *tōtus centussis*, cui aliquid frangitur, ut loquitur Juvenalis. Pariter commutantur hae voces *brevis* et *gravis* Claudiano IV. Cons. Honor. v. 510.

*Quae sub te vel caussa BREVIS, vel judicis error*

*Negligitur?*

ita recte edidit Heinsius pro *caussa GRAVIS*. Vide locum.

v. 36. *Non sal, OXIPORUMVE.* Ita editiones: Parmensis tamen *OXIGARUMVE* quod admisi, propter auctoritatem istius editionis, sensu aequo commodo. Differentiam inter *oxypon* et *oxygarum* petere potes ex Apicio I, 32. et 34. ubi eorum compositionem habes: et vide Columellam de re Rust. XII, 57. et doctissimum Listerum ad locum Apicii.

v. 40. *cereos NITENTES.* Heinsius ad Prudentium Cathemer. V, 22. ex Parmensi restituit *OLENTES*. Domitius in suis invenit *AVENTES*: unde ille fecit *AREN- TES*; nam, inquit, *ab arido et paupere cliente milituntur*: Martialis: *Cesset cereus aridi clientis*. An vero si *clients ARIDUS* sit, ideo *Icereus* recte dicatur *ARIDUS*? nugae. Verum est *OLENTES*. cerei enim

ex cera odorata fiebant: Vide Gronov. Observ. in Script. Ecclesiast. c. V, et Heinsium ad Prudentii locum. Turnebus legebat *cereos ERAT TRES*: Morellus, *ARATOS*: frustra. [Pro *nitentes* Ven. *alentes*; id esset *olentes*. EX ADD.] Vers. 42. *Ollares uvae*: harum meminit Martialis VII, 20.

*Illic et uvae collocantur ollares.*

v. 43. *Cumano patinas IN orbe tortas.* Recte scribendi ratio postulat *patinas VEL orbe tortas*: non enim *IN orbe torti* dicuntur; sed *orbe*, id est *rota*. Apuleius Apolog. *Etiā ORBIS a figulo circumactus, non difficile ejusdem valetudinis hominem vertigine sua corripit*. Tibullus II, 6.

*Fictaque Cumana lubrica terra ROTA,* non *IN rota*. Plinius Nat. Hist. XXXV, 12. *vel ad tecta coctilibus laterculis frontatisque, aut quae ROTA fiunt*. Petronius Satirico:

*et nova terrae*

*Pocula, quae facili vilis ROTA fixerāt actu.*

Nec metuas a positione *rotū VEL*: ita enim locatur v. 39.

*Dulci defruta VEL lutosā coeno.*

v. 44. *Aut unam dare synthesin (quid horres?)*

*Alborum calicum, atque caccaborum.* Recte haec capiunt Interpretes: et est *παρὰ προδοσίαν*, quando scilicet aliud expectatur, aliud dicitur. Similiter Martialis II, 46. in re simili:

*Quantum erat infelix pannis fraudare duobus*

*(Quid renuis?) non te Naevole, sed tinea.*

Seneca de Vit. Beat. c. XXIII. *Donabit* (quid exiisti aures? quid expeditis sinum?) *donabit* — aut bonis, aut eis quos facere poterit bonos. Suspendenda est oratio post secundum *donabit*. ita in isto Horatii:

*Dii te, Damasippe, Deaque*

*Verum ob consilium donent* — TONSORE.

expectare potuit Damasippus ut diceret Flaccus, *Dii Deaque donent te OMNIBUS BONIS ET OPTATIS*: pro quo ille facete substituit TONSORE. Torsit vero eruditus viros istud ALBORUM: pro quo Salmasius ad Hist. August. Script. Vol. II, p. 773. legit, ALVORUM, calicum, atque caccaborum. et hoc comprobare videtur Marq. Gudius ad Phaedr. III, 13. Heinsius vero ad Ovid. Art. Am. III, 244. vult, ORBARUM, calicum: quod sane probabile videtur ex loco Varronis quem ibi adducit: *Dolia atque apothecas triclinares, Melicas, Calenas, ORBAS et Cumanos CALICES*. Vide locum, ubi plura et erudita de hoc vase.

v. 47. *Nil MUTAS, sed idem MIHI rependis.* Diversam lectionem exhibet Parmensis:

*Nihil MITTIS, sed idem NIHIL rependis:*

Romana quoque *idem NIHIL rependis*. Acute: ego tibi *NIHIL misi*; tu *IDEM NIHIL mihi remittis*. Nescio an ita scripserit Statius, sed defendi posset ex loco Persii I, 122.

*Hoc ridere meum, tam NIL, nulla tibi vendo*

*Iliade.*

et Juvenalis Sat. III, 208.

*Nil habuit Codrus: quis enim negat? et tamen ILLUD*



*Perdidit infelix TOTUM NIHIL.*

MITTIS vero pro MUTAS nihili est. [Veneta quoque, idem NIHIL rependis: et verum est: vide Notas. EX ADD.]

v. 48. *Quid si cum bene mane semicrudus*

*Illatam tibi dixero salutem.*] P. Scriverius legit ILLOTAM salutem, id est illoto gutture et semicrudus. et ita Turnebus. magis hoc ingeniosum quam necessarium puto: Staius enim hoc vult, *Si ego tibi porto*

*matutinum AVE, aequumne est te, tanto superiorem, salutationis vicem mihi reddere? absurda haec esset talio.* Extra propositum igitur videtur *Illotum.* Mihi magis placet *Allatam*: licet *Illatam* defendat Gronovius Diatr. c. XLV. et ferri potest. *Bene mane*, hoc est *valde mane*: ita Cic. ad Atticum: *bene mane haec scripsi.* bene naviter Seneca de Otio Sapient. c. I. Vide Inscript. veterem apud Reinesium p. 340. [Ven. omittit vocem *mane*. EX ADD.]

## NOTAE AD SILVARUM LIB. V.

### IN EPIST. AD ABASCANTIUM.

[Titulus hujus Epist. in Veneta est, *Epistola ad Virum Priscillae*, sine ulla mentione *Quinti* libri. Et hinc confirmatur suspicio mea, Staium emisisse Quatuor tantum Libros Silvarum; et titulum *Quinti* additum esse ab aliis, non ex ipsius Auctoris divisione. quippe haec Veneta Editio statim expressa fuit ex Libris Manuscriptis, in quibus absque dubio nulla fuit mentio *Quinti* Libri. Vide quae de hac re dixi ad Praefat. Lib. IV. EX ADD.]

AD ABASCANTIUM.] Parmensis addit, PRISCILLAE VIRUM.

Lin 3. *et morum tuorum pars, nulli non, etc.*] Ita editiones. unde Gronovius Diatr. c. XLVI. miratur tam parvum vitium tot sagaces oculos fefellisse, et legit *morum tuorum PAX, nulli non* etc. Postea tamen, Reliq. ad Silv. notat MS. Salisb. et primam Venet. habere, *morum tuorum PARS ET nulli non.* unde scribit, *morum tuorum PARS EST, ET nulli non*: quod verissimum est. et ita citat hunc locum Not. ad Senec. de Benef. I, 8. Sensus est: pietas, quam Priscillae uxori tuae mortuae exhibes, ad mores et naturam et indolem tuam bonam pertinet, est quod a te et moribus tuis expectaremus: et ideo scriptio-nem hanc, et comprobationem meam publicam meruit, duas ob causas; primum, quia publice prodest hoc pietatis exemplum: deinde, quia ego quoque maritus sum, et proinde maritalis pietatis exemplum in alio suspicere debeo. Haec est Staii mens. *Pars morum*, ut Virgil. Aen. VII, 266.

*Pars mihi pacis erit dextram tetigisse tyranni.* et XI, 213.

*Jam vero in tectis praedivitis urbe Latini Praecipuus fragor, et longi pars maxima luctus.* qui locus magno mendo laborat. Ovidius Met. XIII, 204.

*Primaque pars nostri tecum fuit illa pericli:* ita legendum puto; vel *laus*; vulgo, *primaque lux*: quod sane non intelligo. Idem Heroid. XII, 91.

*Vidi etiam lacrimas: an pars et fraudis in illis?* Auctor Eleg. ad Liv. August. v. 267.

*Pars eris historiae, tutoque legeris in aëro,*  
*Teque opus ingeniis carminibusque dabis:* ita legendum opinor; vulgo, *erit*, et *legetur*, et *Seque dabit*: sed sequitur, *Stabis et in rostris*: unde conjicio haec quoque in secundâ persona concipienda esse. Seneca Phoeniss. v. 229.

*jam sensum tui*

*Quae pars meorum es criminum, infelix pater Fugissem.*

Amat hanc locutionem Tacitus. Hist. III. *additis copiis e Vitelliano exercitu; quem spargi per provincias et externo bello illigari, pars consilii pacis-que erat.* Alibi: *praecipua sub Domitiano miseria-rum pars erat videre et aspicere.* Et ita passim. De *re publice* vide Gronovium ad Liv. IV, 13: quod monco, ne quis legat *publico*.

Lin. 6. SED TAMEN TUM *quasi officiosus assilui.*] Ita plures. Parm. NEC TAMEN *quasi officiosus*: Rom. NEC TANTUM *quasi officiosus.* et hoc verum est: et ita habet MS. Florent. et edit. Venet. et Lindenbrog. testante Gronovio Diatr. c. XLVII. nec audiendus Bernartius, qui audet praestare, veram esse scriptam lectionem, NEC



TANTUM OCIOSUS. non dicit in quo libro ita scriptum sit: nec si dixisset, quidquam dixisset. *Officiosi* dicebantur Magnatum et Divitum asseclae vel clientes, qui per plateas eos comitabantur honoris causa, domum deducebant, egressum matutinum opperiebantur, et cetera praestabant Officia ad speciem et cultum pertinentia. hinc intelligitur istud Ovidii Heroid. XVIII, 59.

*Luna fere tremulum lumen praebebat eanti,  
Ut comes in nostras OFFICIOSA vias.*

Idem Nuce v. 121.

*Omnia cum faciam, cum praestem sedula cunctis*

Officium, *saxis OFFICIOSA petor:*

Horatius Epist. I, 7.

*OFFICIOSAque sedulitas, et opella forensis  
Adducit febres.*

et Serm. II, 5. *leniter in spem Adrepe OFFICIOSUS:* de herediteta loquitur. et ita Martialis, et omnes. Dicit igitur Statius, se hoc epicedion composuisse non iis tantum causis quibus alius quisvis e vulgo, et qui *merus* est *officiosus*, fecisset: sed et alias privatas habuisse; nempe quia Priscilla conjugem suam Claudiam amavit. *Assilui huic operi* ut apud Ciceronem de Orator. II, 53. cum quarto casu Sil. Italicus X, 3.

*Assilit in ferrum, et per vulnera colligit hostem:* de *fera* loquitur. sed quid est COLLIGERE *hostem* per *vulnera*? Lege,

*et per vulnera corripit hostem:*

ut Statius Theb. VII, 585. de tigris rabidis:

*Transiliunt campos, auriganque impete vasto  
Corripiunt.*

Lin. 8. *amando fecit mihi illam probatiorem.*] Parmensis alio et meliore ordine, *fecit illam mihi probatiorem.* Lin. 9. *pro sum Gronovii editio sim:* non opus est. Lin. 10. *pro divinae Parm. divitiae:* et *demeriti* pro *demereri*.

[Lin. 12. *Sed quamvis propiorem NEXUM amicitiae tuae.* Ven. et Parm. *propiorem VISUM.* voluerunt,

opinor, *propiorem USUM amicitiae tuae.* quod verum videtur. Ex ADD.]

Lin. 13. *mallem TAMEN nondum intervenisse materiam.*] Stultum hoc: in priori parte sententiae dixerat Statius, se dudum cupisse propiorem nexum amicitiae Abascantii; hic vero, *mallem* nondum intervenisse materiam huic amicitiae. hoc est, *cupiit* et *NON cupiit.* Lege, *mallem TALEM nondum intervenisse materiam:* id est, *tam luctuosam.* mutarunt, opinor, qui nesciebant vocem *tamen* saepe reticeri, licet praecesserit *quamvis:* vide Virgil. Aen. XI, 2. et Servium. Pro *intervenisse* Parm. *invenisse;* et *visum* pro *nexum.* Hactenus Praefat. ad Abascantium. Sed ubi sunt argumenta reliquarum quatuor hujus libri Eclogarum? hoc enim unius tantum est, ut bene monuit Petr. Scriverius. Hinc mihi probabile admodum videtur Statium emisisse Quatuor tantum libros Silvarum una editione: hunc Quintum vel esse secundae *ἐκδόσεως,* vel potius per singulas Eclogas lucem vidisse. Ni enim ita foret, quare non hunc librum, pariter ac ceteros omnes, Praefatione munit? certe Ecloga IV. hujus libri (quae Epigramma est potius quam Ecloga) *Ad Somnum,* et V. *In Puerum,* poscunt, ut magis particulariter sciremus causam scriptiois istarum Eclogarum; quam non omisisset Statius, si istas, pariter ac ceteras priorum quatuor librorum, destinata editione publico dedisset. Nonnulli putant hunc quem nos vocamus Quintum, particulam esse Quarti disjunctam tantum interventu Epistolae ad Abascantium. Sed mihi nunquam persuadebunt. si enim ita conjunctim edidisset Statius, certe non magis omisisset *Argumenta* quatuor ultimarum eclogarum, quam in ceteris decem fecit. Mihi ita videtur: Statium edidisse Quatuor tantum libros Silvarum: hunc Quintum partim constare ex Eclogis quae in amicorum manibus erant, (ut 1. 2. 3.) partim quae nondum lucem aspexerant et in scriniis ejus inveniebantur, (4. et 5.) et post mortem ejus quatuor libris addebantur. Et hoc mihi confirmat Epiced. in Puer. cui paene certus sum Statium non admovisse ultimam manum, ante absolutionem istius morte abreptum. Hoc mihi, ut in re incerta, admodum verosimile videtur.

## E C L O G. I.

ABASCANTII IN PRISCILLAM PIETAS.] Ita omnes praeter Parmensem, quae habet, EPICEDION IN PRISCILLAM ABASCANTII UXOREM. Alterum confirmat Praefatio: PIETAS *quam PRISCILLAE tuae praestas,* etc. Tiliobroga hoc nomen scribi vult ABASCANTUM (non ABASCANTIUM) ex ratione et fide vet. Inscriptionum. Sane Analogia pro illo facit. Sed aliud dicunt Inscriptiones; vide Reinesium p. 879. et 599. et Gruterum p. 962. num. 9. Non quia ABASCANTUS pluries occurrat; sed ABASCANTIUS aliquoties; quod huic loco satis est.

v. 9. *inque omni te quaerit amare metallo.*] Vix audeo movere controversiam huic *gloco;* adeo elegans videtur: sed si propius species suborietur forte suspicio. dicit enim *te quaerit amare:* atqui *to quaerit* dicitur de rebus quae cum difficultate aliqua et molestia efficiuntur, ut Theb. XII. de Argia noctu errante:

*QUAERIT inops Argia vias.*

Et ita passim. saltem si hoc sensu non sumendum sit hoc loco, at *simi* potuit. unde mihi non displicet,

*inque omni te quaerit habere metallo:*



haec enim voces in libris millies confunduntur. *habere* vero de statu et huiusmodi possessionibus saepe usurpatur. Noster Herc. Epitrap. v. 59.

*Pellaeus habebat*

*Regnator laetis numen venerabile mensis.*

Martialis IX, 44. de eadem icuncula:

*Hoc habuit numen Pellaei mensa tyranni.*

Plinius Epist. III. 7. de Sil. Italico: *Multum ubique librorum, multum statuarum, multum imaginum; quas non habebat modo, verum etiam venerabatur.* Sed nihil forte mutandum. Vers. 14. *Quique venit juncto mihi semper Apolline Caesar:* Heinsius ad Ovid. Heroid. IV, 113. ita citat hunc versum, *Quicumque venit mihi dexter Apolline Caesar:* memoriae, opinor, errore. Vers. 15. pro *haud* Parm. aut.

v. 17. *Altera cum VOLUCRIS Phoebi rota torqueat annum.* Nihil mutant editiones. nihilominus tamen scripsit Statius,

*Altera cum VOLUCREM Phoebi rota torqueat annum:*

non *altera volucris rota*, nec *volucris Phoebi*, quorum utrumvis Statio indignum. *volucrum annum* ut *volucris dies* Horatio Carm. III, 28. et IV, 13. *praecipitem annum* Seneca Herc. Fur. 180.

*volucrique pede*

*Rota praecipitis voleitur anni:*

ita legendum; vulgo *volucrique die*. nisi malis *vice* pro *die*. Ovidius Met. X, 520.

*Labitur occulte, fallitque volatilis aetas,*

*Et nihil est annis velocius.*

Noster Lacrim. Etrusc. v. 20.

*celeris genitoris filius annos*

*(Mira fides!) pigrasque putat properasse sorores:*

ut ibi legendum pro *nigras*. Martialis VIII, 7.

*Principium des, Jane, licet velocibus annis.*

v. 18. *Sed cum plaga recens et adhuc in vulnere primo*

*NIGRA domus questu.* Nic. Heinsius Not. ad Val. Flaccum I, 147. pro *NIGRA* legit *AEGRA*, ut *AEGRA lacrimis Thetis* Achilleid. II, 1. Bene. Thebaid. V, 83.

*Assiduis AEGRAE lacrimis solantia miscent*

*Alloquia:*

ita legendum pro *Colloquia* alibi monui. Seneca Thyest. v. 240.

*DOMUS AEGRA, dubius sanguis: est certi nihil.*

Pro *VULNERE primo* optime legere potes *FUNERE primo*. ita Lucanus II, 21.

*sic FUNERE PRIMO*

*Attonitae tacuere domus.*

Noster Theb. V, 593.

*non verba in FUNERE PRIMO*

*Non lacrimas habet.*

hanc conjecturam adjuvat vox praecedens *plaga*: quippe *plaga recens* et *vulnus primum* idem sunt. Haec vero voces perpetuo commutantur: ita Lucanus IV, 512. de Vulteio,

*Ecquis, ait, juvenum est cujus sit dextra cruore*

*Digna meo, certa que fide per VULNERA nostra Testetur se velle mori?*

ubi certus sum legi debere per *FUNERA nostra*, tum ex sensu, tum quia statim sequitur, *sed eum cui VULNERA prima debebat*: Noster Theb. IX, 566.

*Sic anceps dura belli vice mutua Gravis*

*Sidonisque simul nectebat VULNERA Mavors:*

legendum *FUNERA*; ut apud Val. Flaccum VI, 427.

*Talia certatim Minyae sparsique Cytaei*

*FUNERA miscebant campis:*

Et 631.

*Ille volat campis immensa que FUNERA miscet:*

sed quod summum est, ex Virgilio hic locus Statii desumptus, Aen. X, 755.

*Jam gravis aequabat luctus et mutua Mavors*

*FUNERA.*

Sequitur, *miseramque accessus ad aurem*, ut Thebaid. V, 73.

*Tunc pius Oeclides, ut prima silentia vulgi*

*Mollior ira dedit, placidasque accessit ad aures:*

Jubi pro *accessit* MS. Petrensis habet *accensus*, positus punctis sub littera *n*; qui mos est literas spurias notandi. Lege, *placidasque accessus ad aures*. Hoc autem et tibi et mihi debeo, Lector, ut fatear me non intelligere hunc Statii locum, *miseramque accessus ad aurem Conjugis orbat*. verba quidem omnes intelligimus; sed quo sensu huic loco convenient, id adhuc quaero: et suspicor male affecta esse. Vers. 20. pro *tunc* Parm. *nunc*. Vers. 26. *Omnia Apollineus TEGERET Bacchique sacerdos*: *TEGERET* est comitaretur ut Theb. II, 219.

*Hunc TEGIT Iasiusque senex, placidusque Phoroneus.*

hujus sensus notio est in phrasi *latus TEGERE*, qua Horatius et alii utuntur. Cicero Arateis:

*Hanc Aries TEGIT, et squamoso corpore pisces.*

Vers. 28. pro *Eumenidum COMIS*, Tiliobroga conjicit *CHORIS*: male. oblitus erat Epiced. Patr. v. 278.

*Si laudanda precor, taedas auferte, COMASQUE Eumenidum.*

Vers. 32. pro *etiamnum haec lumina* Parm. et Rom. *etiamnunc lumina*. Scriptum erat *etiamnum ec*, pro *hec* seu *haec*: inde istud *etiamnunc*.

v. 33. *citius genitrix SIPYLEIA FERTUR*

*Exhausisse genas.* Ita omnes, opinor, editiones post Domitium, qui ita reposuit pro *SIPYLEIA FERTUR*, quod in suis omnibus invenit: et ita ego in Parm. *SI PELLEIA FERTUR*. Heinsius vero ad Ovid. Fast. IV, 943. emendavit,

*citius genitrix SIPYLEIA FERETUR*

*Exhausisse genas:*

quo nihil unquam verius fait: sequitur enim, *citius Tithonida moesti*

*DEFICIENT rores, aut exsiccata FATISCET:*

ergo *FERETUR exhausisse*; quod tantundem est, nec plus quam *exhauriet*: nulla ratione habitâ *famae* vel *rumoris* in voce *feretur*; sed simpliciter *exhauriet*. Id ego exemplis aliquot (quia nescio an hactenus ob-



servata fuerit poetica haec elegantia) illustratum dabo. Ovidius Fastor. II, 289.

*Ante Jovem genitum terras HABUISSE FERUNTUR*

*Arcades: et Luna gens prior ista FUIT:*

ubi *habuisse feruntur* simpliciter est *habuerunt*; ut mox *fuit*. si enim dixisse voluerit Ovidius, *FAMA EST Arcadas HABUISSE terras*, dixisse etiam debuit, *et gentem istam FUISSE priorem Luna*, cum utraque propositio ejusdem sit certitudinis. Jam vero cum *affirmet*, et dicat *FUIT*, necesse etiam est ut dicat *HABUERUNT*. Et ad hanc regulam exige exempla sequentia. Idem eodem libro v. 255. in fabula Corvi:

*Inmemor imperii SEDISSE sub arbore FERTUR*

*Dum fieret tarda dulcia poma mora:*

*Inde satur nigris longum RAPIT unguibus hydrium,*

*Ad dominumque REDIT, fictaque verba REFERT.* *sedisse fertur* est *sedit*, ut *rapit*, *redit*, *refert*; pro quibus dixisse debuit *rapuit*, *reddidit*, *retulit*; sed hanc Temporum mutationem saepissime negligunt poetae. Tibullus II, 1. v. 39. de Diis ruris:

*Illi compositis primum DOCUERE tigillis*

*Exiguam viridi fronde operire casam:*

*Illi etiam tauros primum DOCUISSE FERUNTUR*

*Servitium, et plaustro SUPPOSUISSE rotam.*

*Tunc victus ABIERE feri, etc.*

*docuisse feruntur* est nihil praeter *docuere*: nec fama aliquem locum in hoc negotio habet, cum aequae certum sit Deos ruris *docuisse* tauros ferre jugum, ac *docuisse* homines operire casas viridi fronde. Ex his exemplis (et centum alia ejusdem generis facile proferre possem) restituere forte possimus locum Nostri in Tiburt. Manl. Vopisci v. 9. ad hunc modum:

*Ipsa manu FERTUR tectum SCRIPSISSE Voluptas:*

*Tunc Venus Idaliis UNXIT fastigia succis,*

*PERMULSITQUE comis, blandumque RELIQUIT honorem*

*Sedibus, et volucres VETUIT discedere natos:*

ubi *fertur scripsisse* erit *scripsit*, ut *unxit*, *permulsit*, *reliquit*, *vetuit*. vulgo legitur, *Ipsa manu TENERA tectum scripsisse*: in hac editione, *Visa manu tenera*, quia in MS. Senensi et nonnullis editis ita erat: Vetustiores tamen magno consensu *Ipsa manu tenera* omnino otiosum est, cum satis fuerit dixisse *MANU scripsisse*: vide ad Capill. Earini v. 87. Unde dudum conjeceram sub *Ivoce* *TENERA* latere verbum *FERTUR*, cui jungeretur *scripsisse*; sed et in hanc rem exempla aliquot notaveram: quia tamen audacior videbatur conjectura, nec vim phraseos *fertur scripsisse* satis tunc temporis perspectam habui, monere omisi. mihi jam verissima videtur. ita Arb. Ated. v. 27.

*sed una*

*EMISIT contenta manu, laevumque soporem*

*Naidos aversa FERTUR TETIGISSE sagitta:*

ubi *fertur tetigisse* plane est *tetigit*, ut *emisit*. sic et Ovidius Art. Am. II, 277.

*Blanda truces animas FERTUR MOLLISSE volutas;*

*CONSTITERUNT uno femina virque loco:*

ita malim, quam *Constiterant. fertur mollesse* est *molliit*, ut *constiterunt*. Hinc *feror esse* pro *sum*; et simpliciter *feror* pro *sum*, ita tamen ut verbum *esse* intelligatur. Ovidius Met. VII, 61.

*quo conjuge felix*

*Et Diis cara FERAR, et vertice sidera TANGAM:*

ubi *ferar* est *ferar esse*, hoc est, *ero*; ut *tangam*. Idem Heroïd. VI, 113.

*Si te nobilitas generosaeque nomina tangunt,*

*En ego Minoo nata Thoante FEROR:*

hoc est, *feror esse*, id est *SUM nata*. Iterum Met. VIII, 486.

*An felix Oeneus nato victore FERETUR,*

*Thestius orbis erit?*

ita omnino legendum, non *fructur*, cum vulgatis. *feretur esse felix*, id est, *erit felix*, ut loco modo citato. Sic *DICOR* pro *SUM*: Propertius I, 9.

*Atque utinam posito DICAR amore rudis!*

ubi eadem ellipsis verbi substantivi. plene effert Idem II, 9.

*Una aut altera nox nondum est in amore perfecta,*

*Et DICOR lecto jam gravis ESSE tuo:*

id est *sum gravis*. III, 4.

*Ille potest nullo miseram me linqere facto?*

*Rivalem ex illa DICOR HABERE domo?*

ita enim scribendos esse depravatissimos versus olim docebo: *dicor habere* est *habeo*. Phaedrus Fab. I, 27.

*Haec res avaris esse conveniens potest*

*Et qui humiles nati DICI locupletes student:*

i. e. *ESSE locupletes*. His intellectis, nulla erit difficultas in isto Auctor. Consolat. ad Liv. Aug. v. 151. ubi Livia loquitur:

*Ultima contigimus: jus matris habemus ab uno:*

*Unius est munus quod tamen orba NEGOR:*

ubi *negor* plane est *non sum*: quod hoc modo resolvendum est: *NEGOR* est *DICOR* *NON*; *DICOR* *NON orba*, seu *DICOR* *NON ESSE orba*, est, *non sum orba*. Eadem est ratio in vocibus *TRADOR*, *NOMINOR*, *VOCOR*. Ovidius Fast. III, 361. de Julio Caesare:

*Ille moras Solis, quibus in sua signa rediret,*

*TRADITUR exactis DISPOSUISSE notis:*

id est *disposuit*, ut *junxit* paulo post. Sic *nominor* pro *sum* apud Phaedrum I, 5.

*Ego primam tollo, NOMINOR quia leo:*

hoc est, quia *SUM* *leo*: si locus recte habeat. *Vocor* pro *sum* Ovidio Heroïd. IV, 149.

*Non ego dedignor supplex humilisque VOCARI:*

sic enim legendum, non *PRECARI*, quod frigidum est cum praecesserit *supplex*: *vocari supplex* est *essie supplex*, ut Metam. XI. de Achille:

*qui fortibus aetis*

*Acta patris vineet majorque VOCABITUR il:*

id est *ERIT*. Haec omnia ejusdem sunt rationis Recte igitur *feretur exhaustisse*, id est, *exhauriet*; ut *deficient*, et *fatiscet*. Et hoc in contextum admisissem, nisi Typis excusa fuisset ista Scheda antequam in hanc Heinssii emendationem incidissem.



v. 35.

*aut exsiccata fatiscet*

*Mater Achilleis hiemes affrangere bustis.*] Heinsius ad Ovid. Trist. I, 10. v. 8. pro *exsiccata* ex veteri codice vult *exsatiata*. parum recte, opinor: deest enim quo *exsatiata* sit. *Luctu*, vel *lacrimis*, puto, dicit. Atqui vox *exsatiata*, per se posita, hoc non denotat. Parem Gevartii errorem, et in eadem voce, notavi ad Arb. Ated. v. 68. ubi *exsatiata* interpretatur *plenus vita*. Recte habet *exsiccata*, id est, *exhausta*, *sicca facta*; ut verbis praecedentibus, *Deficient rores. Achilleis bustis*, ut Propertius II, 10.

*Nec minus haec nostri notescet fama sepulcri,*

*Quam fuerant Phibii busta cuncta viri.*

ex quo loco forte emendandus Ovidius Met. XIII, 452. de Polyxena:

*Ducitur ad tumulos, diroque fit hostia busto:*

[forte legendum, *Phthioque fit hostia busto*. Sed praecessit v. 448. *Achilleos manes*: ut nihil mutandum. Pro *Mater Rom. Manet*.

v. 38. *humanos propior Jove digerit actus.*]

Ita omnes editiones: elegantissime. *digerit* est *disponit*, et *ordinat*, suam cuique locum et officium assignans: cujus significationis obvia sunt exempla. Heinsius vero Not. ad Claudian. VI. Cons. Honor. v. 590.

*veterumque exempla secutus*

*DIGERIT imperii sub iudice fata Senatu,*

notat in Quatuor libris fuisse *DIRIGIT*, ut apud Statium, inquit, Pietate Abasc.

*et humanos propior Jove DIRIGIT actus.*

Imposuit, opinor, viro optimo memoria. nec verum est Imperatorem humanos actus *dirigere*: hoc enim Dei solius: licet hunc quoque *Deum* appellet Statius. Sed omnino verum est *digerit*. Hae voces sexcenties confunduntur in vet. libris.

v. 45. *Illam quidem nuptumque prior taedasque marito*

*Passa alio.*] Legendum *NUPTUQUE prior*, ut *natu prior* Auson. Epitaph. 37. *aero juxta prior* Noster Theb. VI, 584. id est, *qui prior quidem fuit aëro*, sed *juxta*, non *longe*, ut bene Scholiast. Vetus. *Nuptum prior* forte defendi possit, ut sit Graecismus: sed verius *nuptu*; et ita conjecerat Turnebus, Morello teste. Videtur autem Statius sibi ipsi contradicere, quando infra v. 55. haec habeat,

*Ex te major honos, UNUM novisse CUBILE,*

*UNUM secretis agitare sub ossibus ignem:*

si enim *Priscilla* passa erat *taedas marito alio*, quomodo dici potest *UNUM novisse cubile*? hoc enim non nisi de *πορναγοῖς* vere et stricte praedicari potest; ut de patre suo Statius Epiced. v. 240.

*UNA tibi cognita taeda*

*Connubia, UNUS amor,*

utpote qui *unam* tantum uxorem duxerat. Sed lenientia interpretatio est; et intelligendus Statius quasi dixisset, *postquam uxor tua facta est*, TUI UNUS novit cubile, TUI UNUS amore ardebat. Hunc locum videtur excrispsisse Alcimius Avitus de laude Virginitat. v. 624.

*Asservasse toros, atque unum nosse cubile.*

vide autem proprietatem Statii in voce *probari* v. 42. Censuram enim erat *probare*: vide Gronovium ad Senec. Nat. Qu. VII, 16. et Quintilian. Prooem. lib. IV. Institut. ubi de Domitiano loquitur. vers. 47. pro *forebat* Rom. *facebat*.

v. 49. *miscetque NEMUS.*] In Romana, *miscetque VENUS*: qualis diversitas et Ovidio Met. II, 438. ubi pro *NEMUS est*, duo libri *VENUS est*. Vide Cl. Burmannum, qui eandem et in Virgilio notat. Sequitur: *et CARIS gaudet redimita racemis*. Non accurate scripsit si ita scripserit Statius. quid enim eximium si aliquid GAUDET rebus CARIS? Suspicio ab illo fuisse,

*DITEMQUE precatur*

*Autumnus, et CREBRIS gaudet redimita racemis.* hoc videtur postulare argumentatio, et vox *DITEM*. Eodem modo corruptum puto Ovidium Pontic. I, 4. v. 49. ubi uxori dicit:

*O ego, Dii faciant, talem te cernere possim,*

*CREBRAQUE mutatis oscula ferre genis!*

ita legendum puto, non *CARAQUE*. *crebris* autem *racemis* ut *creber locus* Ovid. Met. XI. *crebri amplexus* Met. IX. *crebri horti* Propert. II, 23. v. 47.

Et *crebri* platanis pariter surgentibus hortis: sic enim legendum; vulgo *creber ordo*. intelligit platanos *sativas*; quae in hortis erant Romanorum veterum.

v. 52.

*FALSOQUE potentes*

*Laudis egent verae.*] Oppositio plane indicat legendum esse, *FALSAQUE potentes Laudes egent VERAE*. similiter Seneca Thyest. v. 211.

*LAUS VERA et humili saepe contingit viro,*

*Non nisi potenti FALSA.*

Ovidius Heroid. XIII, 108.

*Dum careo VERIS, gaudia FALSA jurant:*

Seneca Controv. II, 10. *paene dum FALSAE mortis nuntium misit, VERAE recepit*: ita legendum, pro *vere recipit*. Constructio est: *qui potentes falsa laude, egent verae laudis. Potentes laude*, ut *natis potens* Ovid. Met. XIII, 509. *auro potens* Plantus Epidic. I, 2. *voluptatibus gaudiisque antepotens*, Idem Trinum. V, 1. Pro *Laudentur*, et *pulerae*, Parm. et Rom. *Laudatur et pulcro*: perperam. Pro *caruere* Parm. *cavere*.

v. 55. *Ex te major honos.*] Rom. *E et te. Major honos*, ut Theb. II, 240.

*¶ Tunc, si fas oculis, non unquam longa tuendo*

*Expeditas cui major honos.*

Auctor Consol. ad Liv. Aug. v. 454. ubi inducitur Drusus matrem consolans:

*Exitus hic, mater, debuit esse meus.*

*Nec meritis (quanquam illa juvant magis) adfuit illis*

*Major honos, titulis omnia plena vides:*

Ita legendus locus iste qui sefellit Heinsium et Gronovium: vulgo, *abfuit*, et, *Mater, honos*, et *nomina*. Paulo ante dixerat Drusus de bellica virtute majorum suorum: Haec, inquit, postulat ut pro patria pugnando oppeterem; *exitus meus talis esse debuit*. Nec tamen (licet acta mea minoris sint momenti Reipubli-



cae quam illorum fuerunt) minor honor exhibitus fuit mihi post mortem quam illis: (*nec meritis adfuit illis major honor*) circumspecte enim, et videbis omnia loca plena titulis et honoribus meis: *Consul et ignoti victor Germanicus orbis legor. Omnia vero pro nomina* Cl. Burmanno debemus.

v. 63. *vitamque IMPENDERE famae.*] Ita editiones. Parmensis vero [Ven. EX ADD.] et Romana, *vitamque REPENDERE famae*: quod genuinum est Statii, et elegantissimum. metaphora ducta est a rebus quae pensione aestimantur: quasi dixisset, *Fama tibi PENDITUR; tu pro illa vitam REPENDIS*, seu solvis. ita Theb. IX, 49.

*Hasne tibi, armorum spes O suprema meorum  
Oenide, grates, haec praemia digna REPENDI?*  
Ovidius Met. II, 693.

*neu gratia facto*

*Nulla REPENDATUR, nitidam cape praemia vac-*  
*cam.*

Propertius IV, 7.

*At graviora REPENDIT iniquis pensa quas illis  
Garrula de facie si qua locuta mea est:*  
Ita legendum, non *Et*. sic Eleg. XI, ejusd. lib. v. 120.

*Dum pretium vitae grata rependit humus:*  
ibi *rependit vitae*, non *pretium vitae*, quod voluit cultissimus Broukhusius. Passim exempla invenies. *Impendere vitam famae* probum est, ut Juvenal. IV, 90.

*nec civis erat qui libera posset*

*Verba animi proferre et vitam IMPENDERE VERO;*  
sed *rependere* multo elegantius est.

v. 76. *pri juvenis RARAQUE quietem*

*Intactamque fidem.*] Sic ediderunt: utinam simul et explicassent quid sit *RARA quies* hoc loco, aut qua laudis parte ponendum: nam alia ratione dicitur de Etrusco, Lacrim. Etrusc. v. 106.

*Hinc tibi RARA QUIES, animoque exclusa voluptas:*

ibi enim loquitur de illo in mediis rerum et negotiorum civilium fluctibus; hic vero de Abascantio antequam ad rerum actus admoveatur. Corruerunt qui non intelligebant quo tenderet lectio antiquorum codicum [et Venetae. EX ADD.], quae est *VANAMQUE quietem*: unde facillime efficitur, *NAVAMQUE quietem*. Pulcherrima antithesis *nava quies*, et qua alibi utitur, Tiburt. Manl. v. 91.

*Hic premitur FECUNDA QUIES;*

*quies*, quae tamen aliquid parit et profert, non *torpida*. ita Praef. lib. II. Ursus dicitur *sine jactura desidiae doctissimus*: licet *quietem* amaverit, tamen *navam* quietem, et quae aliquid ageret, et doctrinae laborem impendcret. *Quies* vero hoc loco ponitur pro *modestia*: et ita Noster saepe: infra v. 117.

*Nec tamen his mutata quies prohibitasve secundis  
Intumuit: tenor idem animo, moresque modesti:*  
et ad Uxor. v. 17.

*Sed probitas, et opaca quies, et sordida nun-*  
*quam*

*Gaudia.*

et ita alibi. *quies* igitur *nava*, est *modestia* quae tamen *rebus gerendis* apta est, *modestia actiosa*. Multus in hac voce Silius Italicus I, 549.

*NAVA rudimenta, et primos in Marte labores:*

ubi pariter in libris erat *VANA*. IV, 487.

*Jamque dies rupti cursu NAVOQUE labore:*

et ibi quoque erat *VANO*. V, 412.

*Laurigeris decus illud avis NAVAQUE juvenia*

*Florebat:*

iterum in codd. erat *VANA*. Utroque autem modo haec vox scribitur, *NAVUS* et *GNAVUS*: unde restitui potest alter locus ejusdem Silii III, 239.

*His rector fulgens ostro super altior omnes  
Germanus nitet Hannibalis, GNAVOQUE tumultu  
Mago quatit currus, et fratrem spirat in ar-*  
*mis:*

vulgo legitur *GRATOQUE tumultu*, quod defendit Cl. Drakenborchius: Heinsius conjecerat *PATRIOQUE tumultu*: *GNAVO* vel *NAVO* verius puto. Restituenda haec vox et Ovidio Fast. V, 401.

*Ipse tamen lectas Pagaseis collibus herbas*

*Temperat, et NAVA vulnera mulcet ope:*

vulgo, *VANA*, vel *VARIA*: et Vell. Paterculo forte, Hist. II, 24. de Cinna: *de quo vere dici potest, ausum eum quae nemo auderet bonus, perfecisse quae a nullo nisi fortissimo perfici possent: et fuisse eum in consultando temerarium, in exsequendo NAVUM*: ita legendum puto; vulgo, *in exsequendo VIRUM*: quo pacto non satis servatur oppositio quae postulatur inter *temerarium* et *navum*. Utitur hac voce Velleius c. CXX. *NAVA virilique opera*. Calpurnius Ecl. V, 11.

*Jam pro me NAVAM potes exercere juventam.*

v. 77. *SUCCINCTAQUE pectora curis.*] Id est *parata, apta*: translatus ab iis qui vestes *succingunt* opus aliquod aggressuri. Sil. Italicus X, 190.

*SUCCINCTIQUE dolis, fugerent ceu Punica castra,  
Dediderant dextras.*

Petronius:

*His animum SUCCINGE bonis:*

id est *instrue*. Ovidius Trist. I, 11.

*Barbara pars laeva est, avidae SUCCINCTA rapinae:*

ita bene edidit Burmannus. paullo eruditore et obscuriore sensu hac voce utitur Ausonius Grat. Act. p. 709. ed. Toll. *ut esset, quem tu natura jam aetate SUBCINCTUM, per omnes honorum gradus festinata bonitate proveheres. ubi subcinctum est instructum, ut apud eruditionis Latinae promum Apuleium Miles. V. p. 98. Tunc adulescens, modo florenti lanigine barbam INSTRUENS: hoc est subcingens. quo sensu sumendum istud Ausonii Epitaph. Glaucia:*

*Laeta bis octono tibi jam sub Consule pubes*

*CINGEBAT teneras, Glaucia adulte, genas:*

Apuleius dixisset *INSTRUEBAT genas*: et ita alibi Idem Ausonius, Parental. XXIII.

*Nondum purpureas CINCTUS, ephebe, genas.*  
Non igitur opus ut legamus *pingebat genas*, quod ego alibi putavi, p. 169. Sed haec eruditioris sunt dis-



quisitionis. *Accinctus* eodem sensu frequentissime occurrit.

[v. 81.

*quid* ARCTOS,

*Quid Boreas hibernus agat.* Manifesta ταυρολογία: quis enim nescit *Arcton* et *Borean* eundem mundi cardinem designare? Scribe, certissima emendatione,

*Nec mirum videt ille ORTUS, OBITUQUE; quid*  
AUSTER,

*Quid BOREAS hibernus agat.*

Habes jam *Quatuor* cardines: quod voluit Statius. Deest unus in Lacrim. Etrusc. v. 96.

*Quae BOREAS, quaeque EURUS atrox, quae nubilus AUSTER*

*Invehit.*

Venet. hoc loco habet *pactus*, virgula per ansam τοῦ p ducta: quod significat per *Arctos*. Nostram correctionem verissimam puto. Versu proxime sequenti pro *toga*que Ven. rogare. EX ADD.]

v. 83.

*ille* SUBACTIS

*Molem immensam humeris, etc.*] Haec est lectio omnium sequiorum editionum: et vera, ut mox dicemus. Editt. Parm. et Rom. habent *JUBATIS humeris*, ad quae haec notat Domitius: „*JUBATIS HUMERIS, fortissimis; a jubatis leonibus* epitheton: nam „*leonum generositas juba spectatur, ut ait Plinius.*“ Satis ridicule: et tamen haec Domitii explicatio induxit Bernartium ut illi non displiceret *τὸ jubatis*. Sed pejus adhuc Politianus Epist. VI, l. ubi censorem hujusce interpretationis Domitiana agit: Ipse explicat, *PUERILIBUS humeris*. Dii boni! an verosimile est Imperatorem PUERO permissurum esse viresque *modosque Imperii tractare manu*, et obire omnia magna officia quae mox recenset Statius? Nihil magis puerile dici potuit. Nescio in qua editione primum comparuerit *SUBACTIS*: ego in Aldina 1502. ita invenio: sed verissimum est undecunque venerit. Translata vox est e re rustica: in qua terra seu solum dicitur *subigi* cum aratro frangitur et usibus agricolae habilis redditur: *domare tellurem* vocat Virgilius: vide Varro de R. R. I, 20. et ejusmodi scriptores passim. Hinc ad alias res transfertur quae usui et proposito nostro aptae redduntur. Horatius Carm. II, 5.

*Nondum SUBACTA ferre jugum valet*  
Cervice,

scil. *jurenca*. Quintilianus Declam. III, 3. *Pater huic, emeritis bello stipendiis, tum cum tota subnixum Numidia fregimus Jugurtham, exauctoratas bello MANUS agresti labore SUBEGIT.* Ul igitur *cervix* et *manus subactae*, ita *humeri subacti*. Vers. 84. pro *PONDUS* Parm. et Rom. *TEMPUS*. Vers. 89. *binominis Istri*: hinc sumsit Ausonius Mosell. v. 106. *stagna binominis Istri. Iri binominis* Ovid. Ibide, v. 419. Vers. 91. pro *refluo* Burmannus ad Ovid. Heroïd. XVIII, 182. notat in codd. esse *refugo*. Utinvis prohum.

v. 93. *NELLAQUE FAMOSA signatur lancea PINNA.*] Ita hunc locum restituit Salmasius, testante Gronovio Diatr. c. XLVII. Vide ipsum Not. ad Hist. Aug.

Script. Vol. 1. p. §1023. Antea legebatur, *MULTAQUE FUMOSA* et *PENNA*. Res laetae significabantur Senatui non solum per *litteras*, sed etiam per hastas *lauro* vestitas; res adversae per *pinnas* in summo lancearum fixas. De *laureatis* hastis Martial. Epigr. VII, G.

*Publica victrices testantur gaudia chartae;*

*Martia laurigero cuspidē pila tinent.*

Plinius Nat. Hist. XV, 30. de lauro: *Romanis praecipue laetitiae victoriarumque nuntia additur literis et militum lanceis pilisque.* unde Seneca Agamemni. v. 388.

*Sed ecce vasto concitus miles gradu*

*Manifesta properat signa laetitiae gerens:*

*Namque hasta summo lauream ferro gerit:*

ubi Chorus *Argicarum* loquitur quasi in media Roma versaretur: sed frequens hoc Senecae. Ex his locis vides versu praecedenti legendum esse *LAETAS frondes* non *LACERAS* cum Parm. et Romana. hae voces pariter commutabantur Soter. Gallic. v. 88. De *pinna*, vetus interpret Juvenalis ad Sat. IV, 149. *Antea*, inquit, *si quid nunciabant consules in urbem, per epistolas nunciabant: si victoriae nunciabantur, laurus in Epistola figebatur: si autem aliquid adversi, PINNA figebatur.* Vide Gronovium loco citato. Valde tamen dubito de *FAMOSA*; et credo Statium scripsisse *DAMNOSA pinna*, utpote quae *damni* aliquis nuncium attulerit: signantius hoc quam *FAMOSA*, quae ambiguae significationis vox est. Ita *damnosa dies* Horatio, et *damnosa Venus*, quae *damnum* fert, Suetonius Tiberio c. 52. *Germanico usque adeo obtraxit ut et praeclare facta ejus pro supercuculis elevarēt; et gloriosissimas victorias ceu damnosas Reipub. increparet.* Propertius IV, 8.

*Semper damnosi subsiluisse canes:*

et ita Ovidius Trist. II. *damnosos effugasque canes:* de lusu aleae loquuntur. Et sane verum est *DAMNOSA*: quippe vox *FAMOSUS* aevo Statii non semper denotabat *INFAMIS* (quod sensus hujus loci postulat) sed *CELEBRIS*, et qui multum in fama erat. Ita Eq. Max. v. 66. de lacu Curtio:

*Ipse loci custos, cujus sacrata vorago*

*FAMOSIQUE lacus nomen memorabile servat:*

ita enim legendum, non *Famosus servat*, cum Parm. et Rom. habeant *Famosi*. Vides ibi *FAMOSI* sensu bono. Tacitus Hist. V. init. de Hierosolymis: *Sed quia FAMOSAE urbis supremum diem tradituri sumus, congruens videtur primordia ejus aperire.* ubi iterum sensus non malo *famosa urbs, πολυφύλλητος*. Et ita Plinius Epistolis, *causam PULCRAM alioquin et FAMOSAM*. Hac ratione inductus omnino credo a Statio fuisse,

*Nullaque DAMNOSA signatur lancea PINNA.*

Versu praecedente pro *Cesserit*, et *refluo* Parm. *Cesset et e refugo*: et tile pro *Thule*. Rom. *Cesset et e refugio*. Pro nam Rom. jam. *Attollentia* sc. sunt, hoc est *attollunt*; more Graeco: quo gaudet Propertius maxime.

v. 95. *Pandere quis centum valeat frenare MANIPLOS*

*INTERMISSUS EQUES.*] Ita omnes editiones, sine sensu. Salmasius vero ap. Gronov. Diatr. c. XLVII.



et Epistola quae praefigitur Elench. Antidiatr. p. 28. ita restituit

*quis centum valeat frenare MANIPLIS*

INTERMIXTUS EQUOS,

vel EQUES: *quis, intermixtus manipulis, valeat frenare centum equos.* De illo loquitur Statius qui praeerat centum equitibus legionariis. *frenare centum equos* est ducere vel praeesse centum equitibus. *intermixtus manipulis*, quia hi equites per manipulos (qui erant legionis) erant distributi ita ut quaeque cohors suos equites haberet. Eo vero tempore cohortes singulae legionariae equites habuere adjunctos legionarios CXX. (tamen Epist. LXXXIX. dicit CXXX.) Centum vero rotundo numero dixit Statius: de quo genere loquendi plura exempla ibi profert Gronovius. Haec verissima fere videntur. Salmasius retinet *eques*, quia huiusmodi praefecti saepe erant *Equites* Romani. Sed verius puto *equos*. Vers. 98. pro *frenigerae* Parm. *fremigere*. [v. 103. pro *virgo* Ven. *iura*. EX ADD.]

v. 105. *Quaeque tuas laurus volucris, Germanice, CURSU*

*Fama vehit.*] Optime Barthius CURRU pro CURSU. notum istud Horatii,

*Sed fulgente trahit constrictos Gloria CURRU*

*Non minus ignotos generosis.*

Noster Silv. III, 4.

*Vade puer, ducam VOLUCRI per sidera CURRU.*

Noster Silv. II, 7.

*Famae CURRIBUS arduis levatus.*

Horatius Carm. I, 34.

*Ipse purum tonantes*

*Egit equas VOLECHEMQUE CURRUM.*

Claudianus Rap. Pros. II, 247.

*Interea VOLUCRI fertur Proserpina CURRU.*

Virgilius X, 440.

*Turnum, qui VOLUCRI CURRU medium secat agmen.*

Mox, pro LINQUIT constructio postulat LINQUENS, ut PRAEGRESSA. *praegressa diem*: Ausonius Grat. Act. ad fin. *ut illam ipsam quae auras praecedere solet, Famam, facias tardiores*: imitatus forte Mamertin. Genethl. Maximiani c. VIII. *Ipsos siquidem quos praemiseratis nuncios, reliquistis*: ipsam, quae vos comata est praevenire, Famam praeventistis. Noster Ech. prox. seq. ad fin. *Fama velocior intrat Nuncius.* Curtius VII, 2. *velocitate opus est, qua celeritatem famae antecedas.* Vers. 104. pro *pluvium aëra* Parm. *liquidum*: librarius coniecerat oculos in versum praecedentem ubi est *liquiditas*: inde repetivit vocem. sic supra Herc. Epitrap. v. 98. *carmina et carmine*: et ita passim.

v. 110.

*vicisti gaudia cenae*

*Ipsius, effuso dum pectore prona sacros*

*Ante pedes avidae domini tam magna merentis*

*Volueris.*] Quare IPSIUS cenae, tam emphatice,

et quasi tam magnum gaudium esset in cena ut difficile foret rem ullam superare posse et transcendere et vincere hoc gaudium? Praeterea, CUJUS cenae gaudia? nulla enim in praecedentibus vel se-

quentibus cenae mentio. feri quidem potuit ut his honoribus auctus Abascantius cenam celebraret: sed non necessario sequitur, nec ex adjunctis colligere potes quicquam huc spectans. Porro, quomodo Priscilla vincebat gaudia cenae ipsius? anvolvendo se ante pedes Domitiani? haec enim sola ratio redditur. Mitto quod haec CENA celebrata erat eo DIE quo primum ingentibus actis admotus fuit Abascantius: at qui NOCTI magis conveniret CENA. Haec omnia concoquant interpretes, praeter Heinsium, cujus acumen raro fallunt depravati poetarum loci. Ille igitur cum absurditatem videret *τοῦ ἰψίου cenae*, pro eo legebat *ΔΑΨΙΛΙΣ cenae*: et pro *VICISTI gaudia*, quod nullo sensu huic loco dici potuit, *ACUISTI gaudia*, Not. ad Sil. Italicum VIII, 378. ut mens Statii esset, „Advolvendo te genibus Caesaris ut gratias ageres, auxisti et acuiisti gaudia et voluptatem quam e cena dapsili habuerunt convivae tui.“ Ingeniosa quidem haec, utpote Heinsii, sensui tamen minime satisfaciunt: non enim res est *gaudii* videre aliquem genibus Imperatoris advolutum et gratias agentem: hoc non *acuit* et augeat laetitiam et hilaritatem convivii: res seria est *gratiarum actio*, et animum et vultum compositum quam maxime et modestum postulat. Mitto quod adhuc restat idem scrupulus de DIE et CENA, in qua voce latet tota hujus loci depravatio: licet interdum diem et cenam junctim invenias, ut apud Eutropium lib. VIII. de Tito Imp. *Propterea cum quadam DIE in CENA recordatus fuisset nihil se illo DIE cuiquam praestitisse, dixit, O Amici, HODIE DIEM perdidi.* quo loco vix vidi quidquam magis barbare aut incuriose compositum. Tota res haec est: commendat Priscillam Statius ob curam et sollicitudinem erga maritum et res ejus. „Quam laeta, inquit, fuisti eo die quo rebus administrandis admotus fuit conjux tuus! nimirum, *vicisti gaudia ipsius*, plus gaudii et voluptatis, quam conjux ipse, ostendisti, dum genibus Imperatoris gratias actura teipsam advolveres.“ Evanescit jam fictitia ista cena, quae Cl. Dodwello tantum negotii facessit Annal. Stat. c. 55. ejus loco repono, *vicisti gaudia CERTE Ipsius.* Certe est nimirum, hoc certum est, *διπλόνότι*. Ita Silv. IV, 6. ad fin.

certe tu muneris auctor

*Non aliis malles oculis, Lysippe, probari.*

Thebaid. V, 64.

*erant certe media quae noctis in umbra*

*Dicam alios ignes majoraque tela gerentem, etc.* Ovidius Met. X, 488.

*Numen confessis aliquod patet: ultima certe*

*Vota suos habuere Deos.*

Claudianus in Rufinum II, 94.

*tandem succurre ruenti*

*Heu! patriae Stilico: dilecta hic pignora certe, Hic domus.*

Suetonius Jul. c. 50. Nam certe Pompeio, et a Curionibus patre et filio, et a multis exprobratum est, etc. Horatius Carm. II, 4.

*Nescias an te generum beati*



*Phyllidis flavae decorent parentes:*

*Regium certe genus, et penates*

*Mocret iniquos:*

ubi pro NESCIAS *an te*, mallem QUI SCIAS *an te* cum interrogatione, ut Art. Poet. v. 462. QUI SCIS *an prudens*, etc. error natus ex omitta prima versus litera: unde *uiscias*, et mox *nescias*. Sed hoc obiter. In hisce omnibus locis resolve vocem *certe* in *hoc certum est* vel *constat*, et sensum auctorum habebis. *certe* degeneravit in *cene* (hoc enim modo in MSS. scribitur) facili mutatione; quippe *n* et *rt* iisdem calami ductibus constant. Hoc adeo certum et sensui necessarium puto ut in contextum admiserim. Pari plane modo peccatum puto apud Horatium Epist. II, 1. v. 110.

*Mutavit mentem populus levis, et calet uno*

*Scribendi studio: puerique patresque severi*

*Fronde comas vincti cenant, et carmina dictant:* Certe parum commode patres *severi* inducuntur *cenantes*: hoc enim *lautis* melius convenit quam *severis*. Sed quid ad rem utrum *cenent* vel *non cenent*? nihil hoc ad *studium scribendi*, de quo hic agit Horatius: et aequae bene dixisse potuit *non cenant*. Mihi videtur scripsisse,

*Fronde comas vincti certant, et carmina dictant.*

Jam vero ridicula satis imago, *severi* patres *certantes* in re tam *levi* et *ludica*. Apuleius Floridia, de Philemone poeta; fabulas cum Menandro in scena dictavit, certavitque cum eo. Literae *rt* coaluerunt in *n* hoc loco: contra videtur factum alio ejusdem poetae Carm. I, 15. in vaticinio Nerei:

*Post certas hiemes uret Achaicus*

*Ignis Iliacas domos.*

Obscure admodum et incerte hic agit Nereus, *post certas hiemes*: cur non dicit *quot hiemes*, eodem modo quo supra nominavit *Nestora*, *Teucrum*, *Sthenelum*, et ceteros, non ambagibus, sed clare, et ut falli non posset Paris? *certae* vero *hiemes* possunt esse *centum* vel *ducentae* hiemes. Fallor an scripsit,

*Post denas hiemes uret Achaicus*

*Ignis Iliacas domos:*

id est *decem hiemes*, ut pueris notum. Nimirum discescebat litera *n* in *rt*, ut pro *denas* fieret *deratas*: unde quisvis faceret *certas*, sono inducente.

v. 111. EFFUSO dum pectore.] Idem Heinsius ad Val. Flaccum I, 762. legit ADFUSO pectore: verissime Ovidius Met. IX, 605.

*Amplectique pedes ADFUSAQUE poscere vitam:*

Noster Theb. III, 686.

*Utque fores inilit, magnoque ADFUSA parenti est:*

ubi codex Petrensis habet EFFUSA: mendose. vide satis exemplorum dicto Flacci loco. Vox *vide*, vers. proxime sequenti, etsi satis inconcinna, et versus potius quam sensus causa ingesta videatur, recte tamen habet. Sil. Italicus XII, 713.

*viden' ut Latonia virgo*

*Accensas quatit Phlegethontis gurgite taedas,*

*Exsertos avide pugnae nudata lacertos?*

Lucaeus IV, 445.

*Nec mora, complentur moles, avideque petitis*  
*Insula deseritor ratibus.*

Noster Silv. IV, 3.

*Aeneas avide futura quaerens.*

Thebaid. IV, 519.

*avide subicit Phoebeia Manto,*

*Audiris, genitor.*

Seneca Oedipo 608.

*Avide latebras nemoris umbrosi petunt*

*Umbrae trementes:*

ita legendum; vulgo *Paridae*, quod ferri non potest, cum statim sequatur *trementes* eodem sensu.

v. 114. QUEM pater arcani praefecit hiatibus antri.] Narrat poeta quantum gaudium conceperit Priscilla ex hoc marito sui propectu, et comparat eam praefecto oraculi Delphici. ita interpretantur. Sed certe magis appositum fuisset comparare illam *feminae* quam *viro*, ut in exemplo subsequenti,

*aut primi cui jus venerabile thyræ*

*Bacchus, et attonitae tribuit vexilla catervae:*

ubi intelligit *feminam*, Archi-Maenada, si ita loqui liceat. Lego igitur, QUAM pater arcani hoc vero officium mulieri assignatum fuisse multis exemplis doceri potest. Pro cui jus Parm. ejus; et ita codices Domitii, quem hic locus diu torsit: tandem verum vidit, cui jus. Vers. 117. pro *mutata* Parm. et Rem. *cunctata*: perperam.

v. 123. *vel sole infecta* SABINO.] Heinsius ad Ovid. Amor. II, 4. 15. pro SABINO reponit SARINA: verissime. Sabina, scil. mulier, vel conjux, ut paulo ante Appula conjux. Ovidius Medicam. Faciei v. 13. de Sabinis loquens:

*Cum matrona, premens altum RUBICUNDA sedile,*

*Assiduo durum pollice nebat opus:*

*rubicunda*, id est, *sole infecta*. Iterum Art. Am. III, 303.

*Illæ, velut conjux Umbri RUBICUNDA mariti,*

*Ambulat, ingentes varica ferique gradus.*

Sed rem extra omne dubium ponit Horatius Epod. II, 41.

*SABINA qualis, aut PERUSTA SOLIBUS*

*Pernicis uxor Appuli.*

Hinc sumpsit Statius. Vers. 124. pro *astris* Parm. *austris*: male. *prospectantibus astris* est jam *apparere incipientibus*. Vers. 122. pro *monet* legere potes *movet*. sed vix opus est. [Ven. *movet*, quemadmodum conjeceram. Utrumvis defendi potest. EX ADD.]

v. 129. *tecum omnes animo DURATA per aestus.*] Vide totius loci constructionem: *Illæ tecum comes per Arcos Sarmaticasque hiemes, tecum durata animo per omnes aestus, ET vellet gestare pharetras*. Ubi primum nihil est cui jungi possunt voces *tecum*. Deinde abundat copulativum ET: dixisse enim debuit *durata animo vellet gestare*, non, *ET vellet gestare*. Lege:

*tecum omnes animo durare per aestus,*

*Et, si castra darent, vellet gestare pharetras,*

*Vellet Amazonia latus intercludere pelta:*



vellet durare tecum, vellet gestare pharetras, si mos militaris permetteret. Virgilius VIII, 577.

*patiar quemvis durare laborem:*

ad quae Servius: DURARE autem est sustinere. Horatius: ac sine funibus viz durare carinae possunt (l. possint) imperiosius aequor. Et Virgilius: Durate, et vosmet rebus servate secundis. Alibi Horatius, Serm. II, 3. v. 234.

*Tu nive Lucana DURAS ocreatus, ut aprum Cenem ego:*

ita legendum puto; vulgo, DORMIS ocreatus: quod certe absurdum est. venatores enim non solent dormire in nive, sed vigilare, et pernoctare: quod manere vocat Horatius Od. I. MANET sub Jove frigido renator. clare Ovidius Fast. III, 527.

Sub Jove pars DURAT; pauci tentoria ponunt. et IV, 505.

Sub Jove DURAVIT multis immota diebus.

et ita alibi. Pro aestus non male legere posses *aetus*: sed *aestus* praestat locus Epithal. Stell. v. 91.

*Ipsa ego te tantos stupui durasse per AESTUS.*

Vide autem, lector, quam necessarium fuit haec intelligi: ex hac enim lectione, *durata* pro *durare*, in errorem gravissimum lapsus est Vir Doctus, qui Anual. Statian. c. IV. scribit *Priscillam comitem fuisse Abascentii in Expeditione Sarmatica*. Oblitus erat Vir doctus militaris disciplinae, quae non permittebat mulierem castra ingredi, multo minus comitari maritum per totam expeditionem. Ni hoc ita foret, quorsum ista, *Et, si CASTRA DARENT*, etc. i. e. *permitterent*? Immo Augustus disciplinam tam severe rexit, ut ne legatorum quidem cuiquam nisi gravate, hibernisque demum mensibus, permetteret uxorem intervisere, referente Suetonio Aug. c. 24. Nec dicit Statius Abascentium fuisse in expeditione Sarmatica; innuit forte: tantum dicit, Priscillam animo paratam fuisse suscipere quodvis periculum cum marito, si opus foret. Aequè bene ex hoc loco concludere potuisset vir eruditus, Priscillam gestasse pharetras et peltam Amazoniam.

v. 133.

*divinaque tela*

VIBRANTEM.] Loquitur de Abascentio juxta latus Imperatoris, seu, ut mavult Statius, *Caesarei prope fulmen equi*. *Divina tela* sunt Caesaris tela: quomodo vero potuit illa VIBRARE Abascentius? Hoc certe est Caesaris solius, VIBRARE tela Caesaris. Lege,

*divinaque tela*

LIBRANTEM.

nimirum magni bellatores (qualis hic fingitur Domitianus) habent ministros et armigeros qui ad latus semper essent, et tela suggererent. talis est hoc loco Abascentius, LIBRANS et praetentans tela antequam in dextram Domini traderet: scilicet ut non nisi ponderosa in manus tanti heroïs (si Diis placet) daret: ut statim, MAGNAE sparsum sudoribus hastae. haec facite sublecta sunt ex Virgilio Aen. X, 333. ubi Achates suggerit tela Aeneae, qui statim corripit MAGNAM HASTAM. De his vocibus fusius ad Protrept. Crispin. v. 102. ubi pariter commutantur. [Ven. dam-

nataque tela. EX ADD.] Vers. 132. pro bellorum in nube, antiquae editi, pleraque omittunt praepositionem, a praecedente litera absorptam. Vers. 141. pro saeva Parm. saeva, ut saepe. Vers. 147. pro vineta Parm. et Rom. jumenta.

v. 148.

*rapidae sic obvia puppi*

Invidet, et velis ADNUBILAT aura secundis.] Id est, nubila velis objicit, inquit Barthius. Et quid si NUBILA objiciat? NUBILA non possunt remorari navem in pleno cursu, velis secundis: hoc enim est ventorum, non nubilorum. mitto quod falsum est: quippe tunc interim MINIME VENTUS EST cum aër NEBULO gravis est, ut ait Seneca Nat. Qu. V, 3. et mox, nullum tempus magis quam nebulosum vento caret. Nubilare est nubilum esse vel nubilum inducere; ut nubilat aër passim poëtis. Adnubilare alicui rei est nubilum inducere JUXTA illam rem, vel forte, ADVERSUS illam rem. Jam vero sume hanc vocem utro velis significatu, nubila non valent remoram injicere velis secundis, sive JUXTA sint, sive ADVERSUS. Dixisse debuit Statius, aura SEIPSAM objicit, non NUBILA objicit, nisi fallor scripsit,

*et velis OBSIBILAT aura secundis:*

non ADNUBILAT. Sibilare de vento, etiam vehementi, notum ex Quintiliano Declam. XII. p. 213. scissis rudentibus tempestas SIBILAT: et aliis poetarum locis. Aura etiam pro vento poëtis usitatissimum, ut ad Ovidium alicubi docuit Cl. Burmannus. Jam igitur dicit Statius: sic ventus obvis puppi rapidae, (i. e. celeriter procectae et in cursu) invidet, et OBSIBILAT, obstreptit, obmurmurat, objicit sibila sua velis secundis. Eodem sensu obmurmurare Ovidius Heroid. XVIII, 47. ubi de Borea loquitur:

Vana peto, precibusque meis OBMRMURAT ipse: et hic sensus hujus compositionis frequentissimus est, et oppositionem denotat: quae non tam bene procedit si legas ADSIBILAT: haec enim vox lenioris significationis. Ausonius Mosell. v. 256.

*excipit ictum*

Spiritus; ut fractis quondam per inane flagellis Aura crepat, motoque ADSIBILAT aëre ventus.

Claudianus de Nupt. Hon. et Mar. v. 67.

*populeo suspirat populus ictu,*

Et platani platani, alnoque ADSIBILAT alnus. nimis igitur molle rō ADSIBILAT hoc loco. Meursii ADJUBILAT rusticum nimis; et canibus potius quam ventis convenit. Certe si compositum a verbo nubilo retinere velis, praestat OBSIBILAT. Sed mihi adhuc placet OBSIBILAT. Recte autem velis secundis, ut Herc. Surrent. v. 107. Sinus secundos dicit Virgilius. Nemo igitur concipiat ventis secundis.

v. 158.

*nūl ars operosa medentum*

Auxiliata malis.] Proprie, ut semper, loquitur Statius in voce Auxiliata: auxilium enim Medicorum vox. Soter. Gallic. v. 111.

*Adjuvat ipse Deos, morboque valentius omni Occupat auxilium.*

Ovidius Heroid. V, 151.

*Quod neque graminibus tellus fecunda creandis Nec Deus, auxilium tu mihi ferre potes,*



Idem Rem. Amor. v. 48.

*Fulneris auxilium Pelias hasta tulit.*

Propertius I, 1. v. 25.

*Et vos qui sero lapsum revocatis, amici,*

*Quaerite non sani pectoris auxilia.*

Val. Maximus I, 8. de cervis Cretenisibus: *quas sagittis confixas ad salutare auxilium herbae dictamni tantum non suis manibus deducit*, sc. Natura. Celsus praef. lib. 1. initio: *Siquidem etiam imperitissimae gentes herbas aliaque prompta in auxilium vulnorum morborumque noverunt*, et ita alibi passim.

v. 167. *si tu, pater, OMNE teneres*

*Arbitrium.*] Nihil audeo mutare, utcumque arideat, *si tu, pater ALME, teneres Arbitrium.* Ausonius Idyll. I, 16.

*Tu verbum, pater ALME, tuum, natumque Deumque*

*Concedis terris totum.*

Prudentius Hauartig. v. 652.

*Damna aures, pater ALME, meas, et claude meatus*

*Obbrutescentis capitis.*

Paulinus de Sto Joanne Baptista, v. 299.

*Panditur immensum, si demus vela, profundum,*

*In laudes, pater ALME, tuas.*

Ausonius Mosell. v. 445.

*sunt tibi multi,*

*ALME Amnis, sacros qui sollicitare fluores*

*Aonidum, doctamque solent haurire Aganippen:*

ita legendum; vulgo, *totamque solent*: quod absurdum videtur; nemo enim dici potest *JSOLERE haurire* TOTUM aliquod; quippe, qui semel hausit totum, non potest iterum haurire istud totum; et consequenter non *solet haurire totum*. Sed nihil audeo mutare propter istud Virgilii, *Tu decus OMNE tuis*: et Propert. III, 24.

*Tu licet aspicias caelum OMNE Atlanta gerentem:*

et similia passim. Vers. 164. pro *terget Limina* Parm. et Rom. *Lumina*: perperam. *pectora adfligere* SOLO vocat Lucanus I.

v. 170. *oculisque novissimus HORRORE.*] Ita editiones. Senensis vero codex [et Ven. EX ADD.] habet ERROR: quod probat Eust. Swarthius in Analectis, Gronovio referente, Diatr. c. XLVII. *Errare oculi jamjam moriturorum dicuntur*: Virgilius Aen. IV, 691. de Didone:

*Ter revoluta toro est, oculisque ERRANTIBUS alto*

*Quaesivit caelo lucem:*

ad quae Servius: *ERRANTIBUS.*] *Vicinitate mortis.* Noster Thebaid.

*ille oculis extremo ERRORE solutis*

*Labitur.*

quae loca adduxit Gronovius. Val. Flaccus VI, 277.

*Dixerat: extremus cum lumina corripit ERROR:* ubi pariter erat HORRORE: vide Heinsium. *trepidos visus* vocat Noster Theb. IX, 880. de re eadem: et

*lumina dubitantia figi*, eleganter, Theb. VIII, 757. *Sequentem locum,*

*Obtusaeque aures, nisi cum vox sola mariti*

*Noscitur,*

laudat Jul. Caesar Scaliger, Poet. VI. p. 777. Mox, v. 177. pro *linguere POSSIM lege POSSEM*; sensu postulante. Vers. 179. pro *saevo* Parm. *scaevo*, ut saepe.

v. 181. *Linguo equidem*, etc.] Vide totum locum:

*Linguo equidem thalamos (salvo tamen ordine)*

MOESTOS

*Quod prior exegi longa potiora senecta*

*Tempora. vidi omni*, etc.

Priscilla dicit, *se linguere Abasantium moestum quod illa prior exegisset tempora potiora longa senecta*. Quid vero? anne hoc est boni mariti dolere et moestum esse quod uxor in rebus laetis aetatem exegit? nonne invidi et maligni potius? Deinde, quare prior exegi? Ecce, distinctione totum locum sano, reposito vq̄ MOESTI pro MOESTOS, cum in Parm. sit MOESTIS:

*Linguo equidem thalamos (salvo tamen ordine)*

MOESTI

*Quod prior. Exegi longa potiora senecta*

*Tempora; vidi omni te pridem in flore nitentem,*

*Vidi altae propius*, etc.

*linguo thalamos tui*, O conjux, *moesti* quod PRIOR, id est, quod prior *linguo*; cum tu malles prior isse, et me superstitem liquisse. Ausonius Epitaph. 37.

*Jamque diu monumenta vacant: sitque ista quere-la*

*Longior, et veniat ordine quisque suo*

*Nascendi qui lege datus, placidumque per aevum*

*Condatur, natu qui prior, ille prior:*

ubi pro *veniat lege veniant*. Hinc intelligis ista *salvo tamen ordine*, scil. *aetatis*; quia Priscilla natu prior fuit Abasantio. Contrarium esset INVERSUS ORDO MORTALITATIS; ut eleganter vetus inscriptio apud Reinesium p. 376. Seneca Oedipo v. 71.

*Affusus aris supplices tendo manus*

*Matura poscens fata: praecurram ut prior*

*Patriam ruentem.*

Martialis Epigr. I, 115.

*Ad Stygias aequum fuerat prior isset ut umbras:*

ut recte emendavit N. Heinsius ad Ovid. Heroid. I, 101. ubi vide eum fuisse agentem. Idem Epigr. IX, 52.

*Invidet illa tibi: Stygias nam Tullus ad undas Optabat, quamvis sit minor, ire prior.*

Noster Theb. IX, 634.

*miseræ sine funera matris*

*Audiat ille prior.*

Ita ex MSS. emendat Burmannus ad Ovid. Met. VIII, 499. pro *precor*; quod et monuerat Bernartius. Cicero de Amicit. c. IV. *Quamobrem cum illo quidem, ut supra dixi, actum optime est; mecum incommo-dius; quem fuerat aequius; ut prius introieram, sic prius exire de vita.*



v. 158. *Non in te Fatis, non jam caelestibus ullis*

*Arbitrium: necum ista fero.*] Recte haec interpretantur Gevartius Elect. III, 9. et Barthius. Sensus est: nulla Fata invida, nulli Dii, posthac tibi nocebunt: consumptae enim et exhaustae sunt eorum vires. Quae tanta plaga quam tibi per interitum meum intulerunt: Ego omnia infortunia tua mecum aufero. Simili sensu Quintilianus Prooem. lib. VI. ubi mortem filii dedit, et de Fortuna ita loquitur: *Sed vel propter hoc nos contumacius erigamus, quod illam (Fortunam) ut perferre nobis difficile est, ita facile contemnere.* Nihil enim mihi adversus me reliquit; et infelicem quidem, sed certissimam tamen attulit mihi ex his malis, securitatem. Ita Seneca Consol. ad Helv. c. XVI. optat ut omnia Fatorum tela in se consumantur: *In me omnis Fatorum crudelitas lassata consistat: quicquid matri dolendum fuit, in me transierit; quicquid avitae, in me. floreat reliqua in suo statu turba, nihil de orbitate, nihil de conditione mea querar. fuerim tantum nihil amplius doliturae domus piamentum.* Vide Vell. Paternulum I, 10. de Lucio Paulo.

[v. 174. pro *obversa* Ven. *obversa*. Mox v. 181. pro *moestos* Ven. *noctis*: verum est *moesti*. EX ADD.]

v. 187. *Geniumque potentem Irrequietus ama.*] Ovidius Trist. II, 541.

*Carminaque edideram, cum te delicta notantem Praeteriti toties inrequietus Eques:*

ubi pro *inrequietus* Heinsius ex tribus libris edidit *jure quietus*: et ita hoc Statii loco scribi voluit, referente Burmanno; *Jure quietus ama*. Sed diversa ratio est horum locorum. licet enim Ovidius recte dici poterit Censorem JURE, hoc est, merito suo, et nullius noxae conscius, praeterisse QUIETUS, et sine nota Censoria; cum tamen non de Transvectione agatur hoc Statii loco, verba ista *Jure quietus ama* ad hunc sensum trahi non debent, nec possunt: et quocunque sensu sumseris, istud *Jure* erit frigidissimum. Verum est *Irrequietus*, et optime defendi et explicari potest ex loco Siliii Italici III, 350. de feminis Callaëcis:

*Cetera femineus peragit labor: addere sulco  
Semina, et impresso tellurem vertere aratro,  
Segne viris. quicquid duro sine Marte gerendum  
Callaici conjux obit IRREQUIETA mariti:*

hoc est industria et satagens; sensu bono. nec opus est ut exempla plura quaeramus. Per *Genium potentem* intellige Imperatorem. Parm. geminumque, pro *geniumque*.

v. 188. *quod cupis ipse VIDERI.*] Dndum monuerunt viri eruditi pro *VIDERI* reponendum esse *JUBERI*. Recte: et hoc postulabat sensus, et minima mutatio, et proprietates verbi *jubere*, quae est *orientium*, et *ultima voluntatis* vox: unde *jussa* et *mandata* passim dicuntur ea quae supremo testamento fieri voluerunt defuncti. Contrario modo in hac voce peccatum est Ovid. Amor I, II, v. 19. ubi pro *rescribat multa JUBETO*, legendum *VIDETO* quod jam reprehendo Heinsium occupasse. [Pro *videri* Ven. *ju-*

*beri*: recte. Deinde pro *Da Capitolinis*, Ven. Parm. Rom. *De Capitolinis*: forte, *Des Capitolinis*, et mox *signes*, non *signet* cum vulgatis. Cupis quidem, inquit Priscilla, *juberi* hoc; ego vero rogo, DES, non impero. Pro *centeno pondere* eadem Ven. *contento*. EX ADD.]

v. 190. *Quo NITEAT sacri centeno pondere vultus Caesaris, et propriae SIGNET cultriciis amorem.*] Supra ad IV, 2. v. 54. legendum monui NITEANT: quippe vox *sacri* non ad *Caesaris*, sed *vultus* referenda est: *sacri vultus* Caesaris *niteant*; non *vultus sacri Caesaris niteat*. vide exempla quae ibi protuli. Ita hac Ecloga v. 111. *Sacratos pedes Domini*, non *pedes Sacrati Domini* infra v. 234. *vultus decoros. Sanctos vultus* apud Autor. Octaviae v. 840. Sed et si retineas *niteat* non fieri potest ut *signet* recte se habeat: vide enim constructionem: *Da aurum quo vultus Caesaris NITEAT et SIGNET amorem cultriciis*: deest aliquid, dixisse enim debuit hoc modo, *Da aurum quo vultus Caesaris NITEAT, et QUOD signet amorem*: aliter enim manca est sententia. Scripsit,

*Quo NITEANT sacri centeno pondere vultus Caesaris; et propriae SIGNA cultriciis amorem.* DA aurum et SIGNA amorem, id est, in basi statuac mentionem fac amoris mei erga Caesarem: hoc enim est *signare*. Ovidius Met. II, 325. de Phaëthonte, *Naiades Hesperiae trifida fumantia flamma Corpora dant tumulo, SIGNANTQUE hoc carmine saxum;*

HIC SITUS EST PHAETHON, etc.

Hunc vero Statii locum egregie illustrat Suetonius Domitian. c. 13. *Statuas sibi in Capitolio non nisi aureas et argenteas poni permisit, ac ponderis certi.* Mox, v. 193. pro *admittat AD oras* Parm. IN oras, quod verum est, et plus quam AD oras: admittitur enim AD oras qui extra est et ad limen stat: admittitur IN oras non nisi qui intrat: quod hoc loco voluit Statius. Exempla ubique. De mutatione IN et AD vide Heinsium ad Ovid. Heroid. III, 136.

v. 201. *MERSUMQUE in corde dolorem*

*Saevus AGIT.*] Loquitur hic Statius de Jista specie doloris quae per silentium indicatur: patet hoc ex verbis ore ligato, et ex comparatione Orpheos qui segnis OUSTUPUIT tristemque rogam SINE CARMINE flevit. Sensus igitur hoc postulat, sed verba non efficiunt: quisvis enim, etiam clamosissimus, agere potest dolorem mersum in corde: hoc vero loci requiritur mutus. Lege igitur,

MUTUMQUE in corde dolorem.

Ovidius Art. Am. III, 701.

*Procris ut accepit nomen, quasi pellicis, Aurac, Excidit, et subito MUTA dolore fuit:*

Metam. XIII, 538. de Hecuba,

*Troades exclamant: ORMUTUIT illa dolore.*

Noster Theb. XI, 632.

*Dicentem comes aegra levat, MUTUMQUE DOLOREM*

*Ipsa premit.*

Virgilius Calice v. 267.



*Quin misera Eurydice* TACITO mcerore recessit: ita legendum; vulgo, TANTO. Sed nec recte intelligo quid sit hoc loco *agere dolorem*. Non dubito quin pro *AGIT* legendum sit *ALIT*, id est *fovet, crescere sinit, et amat pro conjuge luctum*, ut de Cornelia Lucanus IX, 112. Ita Virgil. Aen. IV, 2.

*Vulnus ALIT venis et caeco carpitur igni:*

Seneca de Vit. Beat. c. 27. *invicem mutuum ALEX- TES stuporem*. Val. Flaccus VI, 660.

*Castigatque metus et quas ALIT inscia curas.* Petronius:

*Cor grave vulnus ALIT, nulli sanabile ferro.*

*agere* quidem *dolorem* significare potest *dolere*, ut *agere iras* pro *irasci* Senec. Thyest. v. 179. *agere motus* pro *moveri* Herc. Oet. v. 737. *agere poenitentiam* pro *poenitere* Plin. Epist. VII, 10. *agere excubias* pro *excubare* Sueton. Galba c. X. et multa ejusmodi: mihi tamen magis placet *ALIT*. Eadem diversitas apud Cicer. Orat. pro Archia: *haec studia adolescentiam ALUNT*: pro quo codex Fulv. Ursini habuit *AGUNT*: vide Moret. Var. Lect. XII, 15. *MUTUM* vero paene necessarium puto propter comparisonem Orpheii *silentis*: unde patet falsum esse N. Heinsium, qui ad Ovid. Met. I, 548. pro ore *LIGATO* voluit ore *GELATO*, hoc Statii loco: inductus, opinor, eo quod haec phrasid ore *GELATO* frequentissime occurrat. hic vero nihil mutandum esse plane postulat comparatio, quam perdideris si admiseris *GELATO*. *LIGARE OS* est *claudere*: cujus oppositum *SOLVERE OS*, id est *aperire*. sic *sopor* dicitur *ALLIGARE artus* passim. Noster Theb. X, 274.

ut quemque *LIGATUM*

*Obruerat tellure sopor.*

Vide Heinsium ad Ovidii locum et Gronovium Diatr. XLVI. potes etiam hoc loco legere *PRESSUM* pro *MERSUM*, ex Virgil. Aen. X, 465. *magnumque sub imo corde PREMIS gemitum*.

v. 205. CERTE *rupisset tempora vitae.*] Ita pleraeque editiones. Parm. tamen et Rom. RECTE, pro CERTE, transpositis literis. Vera est emendatio Gronovii Diatr. c. XLVII. „CERTAE vitae, id est, „haud ambiguae: adludit fabulam Admelli et Alce- „stidis: nempe, cum non dubium esset utrum ipsi an „uxori vita esset deserenda. Sic Martialis:

*Tu melius CERTAE meruisti pignore vitae,*

*Ut tibi non esset morte probanda fides:*

„hoc est, cum non dubia essent stamina vitae tuae. „eandem enim historiam respexit. Aut certa vita cui „opponitur ex morbo aliquo ambigua, aut periculo. „Haec vir magnus: verissime. CERTAE vitae est *incolumis*, et *nullis periculis obnoxiae*, in tuto positae. quo sensu restituenda haec vox Sabino Epist. I. ad fin. ubi Ulixes Penelopae dicit,

*Et tandem incipias conjuge CERTA frui:*

elegantissime: certa, quia adhuc incerta fuisset Penelope, propter absentiam et errores Ulixis: certa igitur, extra metum posita. Vulgo legitur, *conjuge CARA frui*: frigide.

v. 207.

MIRANDAQUE *sacris*

*Imperiis.*] Nullus in his sensus. facilis vero restitutio:

*Sed prohibet mens fida duci, JURATAQUE sacris Imperiis, et major amor.*

*jurata imperiis*, ut Theb. II, 489.

O caeca nocentum

*Consilia! O semper timidum scelus! exit in unum*

*Plebs ferro JURATA caput.*

IV, 305.

*Hos belli coetus JURATAQUE pectora Marti*

*Milite vicinae nullo juvere Mycenae.*

JSil. Italicus I, 8.

ter Marte sinistro

*JURATUMQUE Jovi foedus, conventaque patrum*

*Sidonii, fregere duces.*

Florus II, 6. *Hinc ultionem puer Annibal ad aram JURAVÉRAT*. Manilius I, 904.

nec plura alias incendia mundus

*Sustinuit, quam cum ducibus JURATA cruentis*

*Arma Philippeos impleverunt sanguine campos:*

ita legendum pro *agmine campos*: ut paulo ante, *Infecitque trium legionum sanguine campos*. Exemplum ubique. Error natus ex eo quod syllabae *ni* et *iu* iisdem paene ductibus constant. inde primo *mirata* pro *jurata*: postea, ut species aliqua sensus esset, *miranda*. Mox v. 213. pro *PALAESTINI simul Hebraeique liquores* Gronovius ex edit. legit *PALAESTINIS simul*: recte. Horat. Serm. I, 10. simul his *te, candide Furni*. Nemesianus Cyneget. v. 158. de catulis:

*Hos igitur, GENETRICE simul, jam vere sereno,*

*Molli pasce sero.*

passim exempla invenias. Sed nihil muto in Contextu, quia non necessarium est: et facile fieri potuit ut litera s sequentis vocis adhaereret τῷ *Palae- stini*. mitto positionem τῷ *que* in Gronovii emendatione non optimam. Vers. 214. ita legit et distinguit idem Gronovius:

*Coryciaeque comae Cinyreaque germina. AT altis*

*Ipsa toris, etc.*

et hoc itidem recte. prius fuit, ET *altis*. pro *germina* Parm. *gramina*: et mox, pro *Tegmine*, *Agmine*.

v. 219. tamen *crinesque genaeque*

*NOCTIS habent.*] Scio noctem saepe ad *animum* vel *oculos* transferri, ut Theb. IX, 39.

*Sed postquam haud dubio clades autore reper- ta est,*

*Nox oculos mentemque rapit.*

Ovidius Art. Am. II, 88.

*Nox oculis pavido venit oborta metu:*

Idem Metam. VI, 652.

*Tantaque nox animi est, Ilyn huc arcessite, dixit.*

72.

*Pro Superi, quantum mortalia pectora caecae Noctis habent!*

et Trist. I, 3.

Yy



*Illa dolore mei tenebris narratur obortis  
Semitimis mediis procubuisse domo:  
sed non intelligo quid sit NOX in crinibus. Lego,  
tantum crinesque genaeque*

*SORDIS habent:*

Horatius Epist. I, 2.

*Auriculas citharae collecta SORDE dolentes.*

Lucretius VI. ad fin.

*Ulceribus tactis prope jam, SORDIQUE sepulta:  
antique pro sorde. Macrobius V, 13. Ille fluctus  
incremento suo ait in sublime curvatos litoribus illi-  
di, et asperginem collectae sordis exspuere: quod nul-  
la expressius pictura signaret. Notus mos veterum  
in rebus lugubribus detorpendi capita pulvere, et per-  
mittendi squalorem et illuciem per faciem et totum  
corpus serpere. hoc vult Statius per sordem in cri-  
nibus et genis. Ipse Thebaid. V, 635. de Hypsipyle:  
simul haec, terraeque et sanguine vul-  
tum*

*Sordida, magnorum circa vestigia regum  
Vertitur.*

VII, 474.

*Ecce truces oculos sordentibus obsita canis,  
Evangesque Jocasta genas, etc.*

VIII, 442.

*vultuque sereno*

*Canitiem nigram squallore et sordida fusis  
Ora comis laxasse manu:*

Thebaid. XI, 582.

*veteri stat sordida tabo  
Utraque canities, et durus sanguine crinis  
Obnubit feral caput:*

ita legendum; vulgo, *furiale caput*. Virgilius Ciri  
v. 282.

*Vix haec ediderat, cum clade exterrita tristi  
Intonsos multo deturpat pulvere crines.*

Aen. XII, 611.

*Canitiem immundo perfusam pulvere turpans:  
ex Catullo de Nupt. Pel. et Thet. v. 224.*

*Canitiem terra atque infuso pulvere turpans.*

Ovidius Trist. I, 3.

*Utque resurrexit, foedatis pulvere turpi  
Crinibus, et gelida membra levavit humo.*

in Iacr. Etrusc. v. 181.

*Tunc immane fremens, foedatusque ora, tepentes  
Affatur cineres.*

Homerus Iliad. Σ. de Achille postquam mortem Patro-  
cloli audisset,

*Ἀγορεύει δὲ χερσὶν ἑλὼν ΚΟΪΝΙΝ αἰθαλόεσσαν  
Χέναιο κακνεφεληῆς, χερσὶν δ' ἸΗΣΧΤΝΕ ΠΡΟΣ-  
ΩΤΙΟΝ.*

Claudianus in Eutrop. Praefat. lib. II. v. 25.

*Canitiem largo rarum de pulvere turpat.*

inde cinerea canities Apuleio lib. VII, et cinere sor-  
dentem canitiem lib. X.

v. 221. *lacrimas FUNDENTE marito.* In Co-  
dice Florent. et Edit. Venet. et Rom. est, *lacrimas  
FUDERE marito*, notante Gronovio Diatr. c. XLVII.  
et huc alludit Parmensis, *lacrimas FUNDERE marito*:  
Sed nisi oculi me fefellerint Rom. retinet FUNDENTE.

Nihilominus, sola vera est lectio FUDERE, optime a  
Gronovio explicata. Priscillum felicem vocabant, ut-  
pote tranquilla morte solutam: Lacrimas fudere Abas-  
cantio, qui tam bona conjuge viduus erat. inverso  
igitur lugendi ordine, mortuae gratulabantur, vivum  
descebant.

v. 222. *Est locus ante Urbem qua primum NAS-  
CITUR ingens*

*Appia.*] Sic omnes quas ego vidi Editiones: Et  
facile defendi potest nascitur pro incipit; ut NASCI-  
TUR annis Ovid. Art. Am. II, 343. Sic tempora  
NASCI, Sic annos intrare decet, Noster Consulat. Du-  
mitian. v. 19. et similia ubique. Heinsius vero ad  
Ovid. Met. IV, 556. et Gronovius Diatr. c. XXXVIII.  
ex Cod. Mediceo proferunt, *qua primum SURGITUR  
ingens Appia*, pro SURRIGITUR; ut PORXIT pro POR-  
RIGIT Glauc. Ated. v. 205. PORGI pro PORRIGI  
Theb. VIII, 755. SURGITE pro SURRIGITE Plant. Epi-  
dico: et talia innumera. Et sane vera haec videntur;  
et bene dici posset *via SURRIGI* vel *SURRIGI* quae in  
aliquam eminentiam surgit: Sed quia nihil mutant  
editiones, nec sensus absolute postulat hanc muta-  
tionem, ego nihil mutavi; libenter facturus si aliquid  
absurdi in vulgata fuisset. [Veneta quoque SURGITE:  
quod jam in Contextum admittatur. Ex ADD.] De hac  
voce *Subrigere* dixi aliquid ad Lacrim. Etrusc. v. 76.

*Praecipuos sedenim merito SUBVEXIT in actus;*  
ubi si quis me culpat quod hanc Heinsii conjecturam  
in contextum admiserim contra SUBRIGIT, tantum  
peto ut unum exemplum proferat in quo homines di-  
cuntur SURRIGI in honores vel actus.

v. 227. *ARDOREMQUE rogi potuit perferre.*] Sequi-  
ores editiones ita legunt. Vetustiores vero Parm. Rom.  
Venet. et MS. Florent. *CLAMOREMQUE rogi*, notante et  
probatante Gronovio Diatr. c. XLVIII. verissime, in-  
telligit *complorationem* quae ad rogum fiebat. Nec  
aliud est, inquit Gronovius, quam quod Virgilius no-  
tat, *moesta supremum voce ciemus*: (voluit, opinor,  
*magna*; ita enim est Aen. III, 68.) Sed falli videtur  
in explicatione loci Virgiliani: quod ut pateat, scien-  
dum est (et nescio an alibi inveneris) *Tres fuisse  
Conclamations Mortuorum*: Prima erat, statim post  
excessum defuncti, et ubi *patam factum est*; de qua  
Gronovius isto capite, et ubique exempla. Secunda,  
*ad rogum*: de qua hoc loco Statius. Tertia, post  
peracta TUMULI solennia. Colligo hoc ex Servio ad  
Aen. VI, 231. *dixitque novissima verba.*] Id est,  
ILICET: nam VALE dicebatur post TUMULI quoque  
peracta solennia. Igitur istud, *magna supremum voce  
ciemus*, erat Tertiae et Supremae Complorationis,  
non ad rogum. Et hoc patet verbis praecedentibus,  
*animamque SEPULCRO Condinus*. [v. 229. pro vitare  
Ven. intrare. Ex ADD.]

v. 230. *tantas venerabile marmor*

*SEPIT opes.*] Aliam lectionem servat Parmensis,  
*SPIRAT opes*, Et hanc profert et comprobant Heinsius  
ad Claudian. IV. Cons. Honor. v. 591. et ad Ovid.  
Met. I, 69. ubi pro *marmor* citat *nomen*, errore  
memoriae. Romana SAEPIT opes. Verum est SPI-  
RAT: hoc enim proprium odoribus (et; aromatis



quibus Priscillae corpus differretum erat, et in solio seu venerabili marmore seu sepulcro reconditum. Per sius VI, 34.

## urnae

*Ossa inodora dabit; seu SPIRENT cinnama surdum,*

*Seu ceraso peccent casiae nescire paratus.*

to spirare de odoribus et unguentis ubique occurrit. Eiusdem generis sepulturam habuit Poppaea Neronis Imp. uxor: Tacitus Annal. XVI. *Corpus non igni abolitum, ut Romanus mos; sed regum externorum consuetudine differretum odoribus conditur, tumuloque Juliorum inferitur.* Liceat addere observationem Plinii de hoc funere Poppaeae, Nat. Hist. XII, 18, ubi de Arabia felice loquitur: *Periti rerum asseverant, non ferre tantum (odorem) annuo fetu, quantum Nero Princeps novissimo Poppaeae suae die concremaverit.* Memorabile vero quod de hac Priscilla narrat Morrellus in Notis ad hunc locum: nempe, inventam esse in eodem monumento viae Appiae conditam et siccitam membris integris A. D. 1471. sub Sixto IV. Pontif. Romano.

v. 233. *Ille Maia THOLO.*] De Materia ex qua effigies Priscillae constabant hic agit Statius: *hoc AERE Ceres, hoc SAXO Venus, illo THOLO Maia.* Vides quam inepte tholus inseratur inter aes et saxum, quasi tholus materies esset ex qua statuae et effigies fieri solerent. Servius ad Virgil. IX, 408. *Suspendit THOLO.*] Tholus proprie est veluti scutum breve quod in medio tecto est, in quo traves coarctant: ad quod dona suspendi consueverunt. Alii tholum aedium sacrarum dicunt genus fabricae Vestae et Pantheon. ubi ex fabricae vest, scribo, quale est Vestae, et Pantheon. ita certe scripsisse debuit. Hanc distinctionem tholi et templi servat Arnobius lib. VI. *Quid? quod multa ex his TEMPLA quae THOLIS sunt aureis et sublimibus elata fastigiis auctorum conscriptionibus comprobatur contegere cineres atque ossa, et functorum esse corporum sepulturas.* Pro templo usurpat noster Silv. I, 4. et III, 1. Quocumque sensu accipias, huic loco minime convenit; nisi negligenter et parum accurate scripserit Statius; quo vitio minime tenetur. Desideratur igitur materies aliqua: et sensus quidem admittit ebur vel argentum, vel quid simile; versus autem nihil aliud praeter

*Ille Maia AURO, Venus hoc non improba SAXO: vox auro, ut mihi videtur, absorpta erat in praecedente aia; deinde suppletus versus ab aliquo qui sciebat effigies in tholis poni solere. Optime vero congruit auro: ita supra v. 1.*

*Si manus aut similes docilis mihi fingere ceras Aut ebur, impressis AURUMAE animare figuris.* III, 3. v. 200.

*effigiesque colam: te lucida saxa*

*Te similem doctae referet mihi linca cerae.*

Nunc ebur, et fulvum vultus imitabitur AURUM. omnia coarctatim ponit Plinius Epist. IV, 7. in facitissima epistola de dolore Reguli ob amissum filium; *placuit ei lugere filium; luget ut nemo. placuit statuas ei et imagines quam plurimas facere; hoc omnibus officinis agit: illum coloribus, illum cera, il-*

*lum argento, illum AURO, ebore, marmore, effingit.* Similiter Arnobius VI, p. 200. de materia simulacrorum: *Simulacra ista quae vos terrent, quaeque templis in omnibus prostrati atque humiles adoratis, ossa, lapides, aera sunt, argentum, AURUM, testa, lignum sumptum ex arbore, aut commixtum glutinum gypso.* Et mox, *Nemo est in rebus humanis tam stolidus caecus qui argentum, aes, AURUM, gypsum, ebur, argillam, Deorum in numerum referat.* Claudianus de Laud. Stilic. III, 11.

*Os sacrum quod in aere colis, miraris in AURO, Cerne libens.*

*Gnossis vero est Ariadue, dicta lucida propter Gnossiacae faciem coronae.* [Venet. loco pro tholo. Ex ADD.]

v. 236.

*mensaeque parantur*

*ASSIDUE.*] Melius Parmensis *ASSIDUAE mensae:* ita *ASSIDUAS dapes* de eadem re Lacrim. Etrusc. v. 199. ubi erat *ASSIDUE* pariter atque hic. Sic *assiduae nubes* Ovid. Met. I, 66. *assiduae querculae* Propert. II, 14. et infinita ejusmodi. *Domus* vero saepe ponitur pro *sepulcro*: vide Burman. ad Petron. c. LXXI. hic vero distinguit Statius, proposito suo inserviens.

v. 245.

*in eodem angusta phaselus*

*Aequore, et immensi partem sibi vendicat austri.*] Optime Gevartius, *IT eodem angusta*, etc. hoc postulat conjunctio ET, IT et VENDICAT. Gronovius tamen vulgatam mavult, *Diatr. c. XL.* ut subintelligatur EST. Retinui igitur *in eodem*: licet minime dubitem quin Statius scripserit IT. Similiter depravatam Virgilium puto Aeneid. VIII, 588.

*Ipsae agmine Pallas*

*IT medio, chlamyde et pictis conspectus in armis:*

ita legendum puto, cum ut vitetur repetitio praepositionis in, tum quia ipse alibi hac voce eodem sensu et modo utitur, ut XI, 90.

*Post bellator equus positus insignibus Aethon*

*IT lacrimans:*

et XII, 164.

*bigis IT Turnus in albis*

*Bina manu lato crispans hastilia ferro.*

Utenuq; hoc, restitue hanc vocem nostro Theb. VIII, 617.

*Sic Pandioniae repetunt ubi fida volucres*

*Hospitia, atque larem bruma pulsante relictum,*

*Stantque super nidos veterisque exordia fati*

*Enarrant tectis, IT truncum ac flebile murmur;*

*Verba putant, voxque illa tamen non dissona verbis.*

ita legendum et distinguendum; vulgo, *ET truncum ac flebile murmur verba putant.* et Val. Flaccus IV, 266. de Polluce pugnante cum Amyco Belrycio:

*Huc alternus et huc, semper cervice reducta,*

*Semper et in digitis, ET summi pulvere campi,*

*Projectusque redit.*

ubi nihil mutandum esse in vocibus digitis et projectus recte vidit Gronovius in Errat. et Omiss. Diatr. p. 411. Sed occultius mendum latet. si enim



legas, *semper et in digitis et summi pulvere campi*, quid facies τῷ QUE? hoc enim abundabit: cum dixisse oportuerit *projectus redit*, non *projectusque redit*. lege:

*semper cervice reducta*

*Semper et in digitis, IT summi pulvere campi*  
*Projectusque redit. Spumanti qualis etc.*

per se, opinor, patet. Pro *veliferi porrexit* Parm. *velliferi prorexit*. [Acumen Venetae nonnullis forte non displicebit, *partem subvindicat Austri*. Nihil tamen mutandum. EX ADD.] Supra, v. 241. pro *inque* Rom. atque. v. 246. pro *vindicat* Parm. *vindicat*: frustra. Vers. 252. pro *placidus* omnes editt. *placidus*. Sed vix opus erat dicere Charontia *placidum*, cum hoc satis exprimitur in *hospite cymba*: sed dicit *merentes et placidos manes*, quietos, qualis est Priscillae. Gevartius primus, quod sciam, edidit *placidus*: et hunc sequebatur Gronovius: recte, si monuissent. Alterum tamen defendi potest.

v. 252. *et manes placidos locat hospite cymba*.] Suspitor Statium scripsisse *hospite* RIPA, propter praecedentia, *vehit ille merentes protenus*: si enim jam *vehit*, quoddam opus istis *cymba locat*? cum non potuisset *vehere*, nisi prius in *cymba locasset*. Nisi dicas esse hysteron proteron. Sed praestat *hospite* RIPA; scilicet *ulteriore ripa* Stygis, ubi purgationis locus fuit; et quam votis maxime appetebant Animae. Virgilius Aen. VI, 313.

*Stabant orantes primi transmittere cursum*  
*Tendebantque manus RIPAE ulterioris amore:*

et paulo post v. 374.

*Unde haec, O Palinure, tibi tam dira cupido?*  
*Tu Stygias inhumatus aquas amnemque severum*  
*Eumenidum aspicias, RIPAMVE injussus adibis?*  
ubi vides vocari RIPAM xar' ἔξοχ'v. supremas RIPAS vocat noster Epiced. Patris v. 282. Thebaid. I, 295.

*superas senior se tollat ad auras*

*Iaius; extinctum nati quem vulnere, nondum*  
*Ultior Lethes accepit RIPA profundi*

*Lege Erebi.*

Minimum vero differentiae inter voces *ripa* et *ciba*: hoc enim modo scribi potuit. Nihil tamen muto. [Ven. Parm. Rom. *placidus*: qui consensus praegravare debet. EX ADD.]

v. 253. *si quando pio LAUDATA marito*

*Umbra venit.*] Non satisfacit *laudata*, et scio quidem vocem ad Rem Funebrem pertinere; Seneca Consol. ad Marc. c. 17. *Nihil vetat illos liberos tibi suprema praestare, et LAUDARI te a liberis tuis*: et ita ubique. Sed nimis angusta mihi videtur vox *LAUDATA*, nec satis exprimere. Melius, meo iudicio, si scripsisset, *pio FLORATA marito*. Ita Ovid. Art. Am. I, 75.

*Nec te praetereat Veneri FLORATUS Adonis.*  
Sed quid est quod video in *Lacrim. Etrusc.* v. 25.

*Felix, heu nimium felix, FLORATAQUE nato*

*UMBRA VENIT.*

Haec sunt ipsa verba. Sed melius tacere: paucis enim hoc persuadefo.

[v. 254. Pro *venit* et *faces*, Ven. *velat*, et *fores*:

et mox pro *aperire* eadem *lassare*, id est, *luxare*: et *praesternere*, non *prosternere*. recte. EX ADD.]

v. 256. *tristes APERIRE tenebras.*] Proba haec lectio; et innumeris Veterum locis se tueri posses. Petronius, a Gronovio adductus: *neque fax ulla in praesidio erat quae iter APERIRET errantibus*. Hinc *dies apricus* et *Sol apricus* et *dies patula* ex institutione mea, Genethl. Lucan. v. 14. Corn. Celsus I, 2. ubi de imbecillis loquitur: *minimeque nubilo caelo, aut Soli APERIENTI se committere; ne modo frigus, modo calor moveat*: ita legendam, vulgo desent aut, quod tamen scusus et sequentia postulant. *reserata dies* Val. Flaccus I, 655. idem quod *aperta*. Vide plura apud Gronovium Diatr. c. XLVIII. ubi descendit APERIRE contra eos qui voluerunt OPERIRE *tenebras*: quod contrarium est, et sensum loci plane perdit. Ibi etiam monet in Codice Mediceo reperiri aliam lectionem, *tristes LASSARE tenebras*, id est, LAXARE, quod forte, inquit, genuinum est, ejusque interpretamentum APERIRE. Ne dubites quin ita sit: et sic ego inveni in Parmensi. *Laxare* est *aperire*: ad Marcellum v. 12.

*Jam terras volucremque polum fuga veris aquosi*  
LAXAT:

quae vera est ibi scriptura, a Burmanno vindicata ad Ovid. Heroid. II, 123. contra Behotium qui voluit LASSAT. Locus Ovidii est,

*Sive die LAXATUR humus, seu frigida lucent*

*Sidera:*

ubi multi codices LASSATUR. Vide Heinsium ad locum; ubi satis explorum; ne actum agrom. *relevare noctem igne praelato* Senec. Herc. Fur. 856. Ovid. Art. Am. I.

Luce Paris, caeloque Deas spectavit APERTO.  
*solvere noctem facibus* eodem sensu Plinius Epist. VI, 16.

v. 257. *animae PROSTERNERE flores.*] Cuius patet legendum PRAESTERNERE: ut Propempt. Met. Celer. v. 114.

*Quae sibi PRAESTERNAT vivax altaria Phoenix.*  
et ita conjecerant Bernartius et Heinsius ad Ovid. Amor. III, 13. v. 24. ubi etiam pro *aperire tenebras* ex Parmensi reponit *laxare*. Totus vero hic Statii locus sumis est ex Virgilii Culice v. 260.

*Obvia Persephone comites Heroidas urget*

*Adversas praeferre faces:*

ita legendum; vulgo *perferre*. nisi malis *proferre*. Mox, isto poemate v. 265. pro *ET procul illam*, lege, *IT procul illa*: quod per se patebit si locum inspicias. ibi quoque ET confunditur cum IT: de quo paullo ante dixi.

v. 262. CERTE jurant in vota sorores.] Et hic quoque reponendum CERTAE: vidit Gronovius Diatr. p. 415. et Heinsius ad Claudian. in Eutrop. II, 2. quo tamen loco pro CERTAE prodigii patuere minae legendum puto SERAE: vide sequentia, quae hoc postulare videntur. Sorores (id est *Parcae*) jurant in vota CERTAE, fixae et determinatae haec eventura esse quae rogavit pro Domitiano Priscilla. Vers. 261. pro *pacantem* Parm. *placantem*: frustra.



E C L O G. II.

PROTREPTICON AD CRISPINUM.] Ita omnes praeter Parmensem: ea habet, LAUDES CRISPINI VEC. quod olim fuit, opinor, LAUDES CRISPINI, VECTII Bolani filii. Scribendum vero VETTH, non VECTII.

v. 2. *nec longa mora est, aut axia tellus*

Et mea secreto, etc.] Gronovius Diatr. p. 410. citans hunc locum habet, *nec longa via est*: errore, opinor, memoriae: nisi sic legi voluerit; de quo tamen non monet. Hae sane voces saepe in codicibus confunduntur; ut Theb. I, 359. pro *Aggeribus tenere morae*, MS. Petrensis habet VIAE; et ita depravatam hanc vocem Ovidio me restituisse memini, Rem. Am. 214. ubi Heinsium ex MSS. hoc occupasse jam video. Hic tamen nihil mutandum. Recte vero idem ibid. pro *ET mea*, quae est omnium edit. lectio, restituit, *SET mea*, hoc est SED, vel tamen: vide ad Lacrim. Etrusc. v. 111. Pro *turgentibus guttas* vers. 4. potes legere *turgentibus guttae*: Val. Flaccus II, 464.

*Cernit et ad primos turgentia lumina fluctus*: ubi vide Heinsium et Burmannum: vel *surgentes guttae*, et omnino verum est *guttae*, non *guttas*. oculi enim non impellunt *guttas*; sed *guttae* impellunt et feriunt *oculos*. Si *retineas guttas*, dicendum foret *expellunt*, non *impellunt*: pro quo Parm. *impellant*: et *vellantur* pro *velluntur*: et pro *Tagetis* vers. 1. Parm. et Rom. *Tageni*: licet Domitius in Notis agnoscat *Tagetis*, quod verum est. Vers. 6. pro *fessus* Heinsius ad Claudian. p. 459. citat *lassus*. Vers. 7. pro *oculos*, quod aperte verum est et obvium, miror omnes praeter Parm. habere *oculis*. Recte edit Gevartius *oculos*: sed oblitus erat monere: et ita Gronovius. pro *querar* Rom. *queat*.

v. 8. QUID si militiae, etc.] Restitui QUOD si; alterum abruptius. Infra, v. 140. loco simillimo:

QUOD si te magno tellus frenata parenti

Accipiet, quantum ferus exultabit Araxes!

Herc. Surrent. v. 161.

QUOD si dulce decus viridesque resumeret annos,

Da veniam, Alcide, fors huic et pensa tulisses. et ita passim. Juvenalis Sat. XIII, 208.

Nam scelus intra se tacitum qui cogitat ullum

Facti crimen habet. QUOD si conata peregit,

Perpetua anxietas, nec mensae tempore cessat: ita legendum, vel, SED si conata: vulgo CEDO si conata peregit? [Edideram ex conjectura QUOD si: et ita Veneta. EX ADD.] Vers. 9. pro CLARA rudimenta potes legere GNAVA rudimenta, ut apud Sil. Italicum I, 549.

NAVA rudimenta, et primos in Marte calores.

Vers. 10. imitatur Claudianus Bell. Get.

permisto tremuerunt gaudia fletu.

v. 11. *etiamne optanda propinquant*

*Tristia? et octonos bis jam tibi circuit orbes*

*Vita.*] Ita edunt. et Morellus suo more Graecum

mutatur: „Perstat in eodem ὁσμῶν ἀλλήγοις. Ru-

„dimenta militiae, quia clara, etiam OPTANDA, quippe quae parentes et amici *ΟΙΤΕΣΘΑΙ*, spectare „percipiunt: qua vero periculosae plena res est *aleae*, TRISTIA, ut honores onerosi.“ Mibi nequam haec satisfaciunt: et ulcus subesse clamant veteres Parm. et Rom. quae pro PROPINQUANT habent PROPINQUI; pro ET octonos, UT. Ista interrogatio *etiamne optanda propinquant Tristia*, plane abrupta est: et suspicor excidisse versum ante *Tristia*. Si *propinquant* genuinum sit Statii, multo melius scripsisse potuit,

ET NUNC optanda propinquant

*Tristia, ET octonos bis JAM tibi circuit orbes*

*Vita*:

ut ad Somn. v. 14. ET NUNC fors aliquis, etc. et alibi. hoc pacto omnia cohaerent. *Vita circuit bis octonos orbes*, hoc est, annum vitae decimum sextum ingressus es. ita Achilleid. II, 395.

*Vix mihi bisenos annorum torserat orbes*

*Vita rudis.*

Pietat. Abasc. v. 17.

*Altera cum volucrum Phoebi rota torqueat annum.*

Alcimus Avitus IV, 585.

*Integer emensum vertebat circinus annum.*

Idem supra, v. 79.

*Centenos novies crebro cum duceret annos*

*Vita tenax.*

Cicer. Somn. Scip. c. 2. *Nam cum aetas tua septenos octies solis anfractus reditusque converterit, — in te unum atque in tuum nomen se tota convertet civitas.* [Conjeceram, et nunc optanda propinquant *Tristia, et octonos* etc. Ecce Veneta, et ne optanda; hoc est et ne optanda: ita enim scribi solet vox nunc. unde, amisso apice, ne. Ven. tamen habet *propinqui*, et ut *octonos*, non et. EX ADD.] Elegantissimum vero istud v. 14. et mentem sua non capit aetas: id est, mens et sapientia excedunt, majores sunt, annis. Pari fere modo de Augusto Vell. Paternulus II, 61. *Cum C. Caesar, XVIII. annum ingressus, mira ausus ac summa consecutus, privato consilio, majorem aetate pro Repub. animum habuit.* ita legendum puto; vulgo majorem SENATU. Virgilius Aen. IX, 311.

Ante annos curamque gerens animumque virilem: id est majorem aetate. Vide Gronov. Diatr. c. XLVIII. explicantem hunc Statii locum et *τὸ sua aetas*.

v. 18. TRABEAQUE REMI, NEC paupere clavo.] Domitius ita invenit in suis codicibus: quod non intelligens fecit, TRABEQUE ET REMIS ET paupere clavo: et de altero Crispino (de quo Juvenalis Sat. I. et IV.) interpretatur, „qui cymba et remo, quo usus fuerat „piscator, fores Senatus pulsasse videtur, infra quas „fuerat admissus.“ Risum teneatis? Vera est vulgata, TRABEAQUE REMI, NEC. Dicit Crispinum non Equestri, sed Patricio genere ortum. Trabea erat



*Equitum*, in transvectione: notum ex Persio Sat. III, 29.

*Censoremne tuum vel quod trabeate salutas.*

*Trabea Remi* pro *Romana*, ut *Turba Remi* Juvenal. X, 73. *Remi nepotes* Catullus, pro *Romanis*; et similia ubique. Parm. habet *TRABAEQUE ET REMIS AC paupere clavo*.

v. 21. *Romulei qualis per JUGERA Circi.*] Dudum quaero an alibi haec vox *jugera* usurpetur absolute pro *spatia* ut in hoc loco: nec quidem inventio nisi de *dimenso* agro, et ad certam mensuram definit: quo sensu Juvenal. Sat. IV, 7.

*JUGERA quot vicina foro, quas emerit aedes:* et omnes. *Jugera CAMPI* et *AGRI jugera* ubique occurrunt; sed *jugera CIRCI* solus, credo, dixit Statius. Virgilius Georg. III, 202. de equo cursore:

*Hic vel ad Elei mctas, et maxima CAMPI*

*Sudabit spatia:*

ubi potes suspicari Virgilium scripsisse *maxima CIRCI spatia*: et hoc confirmare videtur Philargyrius, et Servius, qui notat, *ad fines CIRCI*. Sed utcumque hoc sit, quaero an aequae hene Virgilius dixisse potuerit *maxima campi JUGERA* pro *SPATIA*. certe si ita dixisset, non *cursorem* sed *aratorem* equum descripsisset: ut Horatius Carm. II, 15.

*Jam pauca ARATRO jugera regiae  
Moles relinquunt.*

Quid multa? Scripsit Statius, duabus literis mutatis,

*Romulei qualis per MUNERA Circi:*

id est in *muneribus* vel *ludis Circensibus*. Ovidius Fastor. V, 190.

*Circus in hoc exit, clamataque palma theatri:*

*Hoc quoque cum CIRCI MUNERE carmen eat.*

Lucanus IV, 708.

*veluti fatalis ARENAE*

*MUNERIBUS, non ira velus concurrere cogit*

*Productos: odere pares.*

Claudianus in Rufin. II, 391.

*Ut fera, quae montes nuper dimisit avilos,*

*Attorumque exul nemorum damnatur ARENAE*

*MUNERIEUS, commota ruit.*

Manilius IV, 225.

*Nunc caput in mortem vendunt et MUNUS ARENAE:*

ita legendum pro *funus*: quod et occupavit Heinsius ad Claudiani locum; ubi etiam pro *mortem* legit Martem. Sic *munera pugnae* Virgilius Aen. VII, 542.

*Atque ea per campos saevo dum Marte gerantur,  
Promissi Dea facta potens, ubi sanguine bello*

*Imbuit, et primae commisit MUNERA pugnae:*

ita scribendus iste locus; vulgo, *aequo Marte* et *funera*: sed primum, *aequo Marte* manifesto falsum est, cum soli *interemti* essent Itali, ut notat Servius; et ideo interpretatur *aperta contentione, bello manifesto*: quod Servii solius auctoritate, et sine exemplis hujusce usus vocis *aequus*, nunquam credam: cum sciam *aequo Marte* esse *aequali*: ut Aen. X, 755.

*Jam gravis aequabat lacus et multa Mavors  
Funera.*

Verum puto *saeco*, ut infra v. 608.

*Religione sacri, et SAECI formidine MARTIS.*

prima litera vocis *saeco* adhaesit praecedenti *campos*: unde pro *aevo* fecerunt *aequo*. Deinde pro *funera* obvium est *munera*, quae committi recte dicuntur et proprie: non item *funera*. Versu proxime sequenti pro *visu*, *titulis*, adjeci conjunctionem, omissam propter sequens *t*; *pulcer visu*, ET *titulis generosus avilis*: de cujus veritate nemo, opinor, dubitabit. [Pro *Agwine* Ven. *Sanguine*. EX ADD.]

v. 24. *Felix demeritos habet.*] Ita omnes ante Gevartianam et Gronov. editiones: male: et verum est *emeritos*, hoc est *functos CIRCI laboribus*. et jam in *spem gregis sepositos*, ut ait Virgilius. Ovidius Fast. IV, 688.

*Demserat emeritis jam juga Phoebus equis.*

Translatio est a *Militia*, ut pueris notum; constructio, *cujus parentes, de stemmate longo, felix admissura jam habet emeritos*. Mox, v. 27. pro *genitum SIBI Curia sensit*, Parm. et Rom. TE: de qua repetitione vide ad Propempt. Celer. v. 129. Sed verius SIBI, ut Ad Marcell. v. 76. loco simillimo:

*Jam te blanda sinu Tyrio SIBI Curia felix  
Educat.*

Vers. 27. pro *tunicam POTENTEM* Bernartius mavult *PATENTEM*, hoc est *tunicam laticlaviam*: et huic succinit Crucens. Infelicit. Clavus forte dici potuit *PATENS*; sed hic non efficit *tunicam*, cui clavus assuebatur, *PATENTEM*, seu *latam*. Isic *bulia* SCORTEA praependebat collis puerorum inferioris sortis: non tamen ideo dixeris *colla* eorum SCORTEA. Tanti est cogitare antequam loquaris, nec emendationes aucupari ex similitudine vocum. Si omnes editiones habuissent *patentem*, hi opinor fecissent *potentem*.

v. 38. *quod tempus amicum*

*Fraudibus, EXTORTO quatenam bona tempora bello.*] Pleraque sic habent: et ita edidit Gevartius. Grasseri Edit. EXORTO, et ita fere Parm. EX ORTO. Nescio cui debeamus pulcherrimam lectionem Edit. Gronov. EXERTO *quatenam bona tempora bello*: nisi ipsi Gronovio: de qua tamen non monuit, quod sciam. *Exertum bellum est apertum*, et opponitur praecedenti *Fraudibus*. Theb. XI, 376.

*et exertum dimittere dicitur ensem:*

id est *nudum*, e vagina eductum. Exempli ubivis: vide Heins. ad Claudian. in Rufin. II, 401. Bernartius et Morellus circa *to exorto* morantur. Vers. 40. pro *suspecta* Parm. et Rom. *suscepta*; quam Donitius interpretatur, *quid esset credendum*. Taedet harum Interpretationum et Interpretum. De hoc autem Bello de quo hic loquitur Statius, vide Tacitum Annal. XV, init. qui perfunctorie tantum Bolani meminit. nimirum gloria ejus obscurabatur a majore duce Corbulone. clarius de eo elogium in Vita Jul. Agricolae. Mox, v. 44. pro *veprum* Parm. [et Ven. EX ADD.] *rerum*. suspicor aliquid latere: quare enim TOT? et *veprum* nimis humile videtur.

v. 48. *Sic Phryges attoniti quamquam NEMEA*



viderent Arma:] Ita edidit Domitius, cum omnes codices, ut ipse faletur, VECTITA haberent. Hoc improbat Salmasius Epist. 88. ad Gronov. et pro VECTITA reponit JOVE PICTA arma: „Arma illa Herculis, inquit ille, Jovem pictum pro insigni habuere, „qui mos fuit veterum Heroum, ut ex Aeschyli ἐπὶ „Ὠρέας constat.“ Poterat etiam ad hanc rem adduxisse Servium ad Virg. Aen. VII, 796. Et PICTI SCITA Labici. Sed viro magno infelicitate cessit haec coniectura: quippe si quisquam alius praeter Herculem gestare potuit scutum vel arma picta Jove, nihil dicit haec descriptio, et nimis vaga est; hoc enim loco requiritur aliquid quod Herculi soli, nec cuiquam alii, proprium est. Ecce vero, apposite ad refellendam Salmasii conjecturam, Hyperbius unus e Thebanis ducibus clypeum gestabat Jove pictum, ap. Aeschyl. Ἐπ. ἐπὶ Οὔρεας.

Ἐπεὶ δὲ ΖΕΥΣ πατὴρ ἙΠ'ΑΣΠΙΔΟΣ  
Σταδῶος ἤΣΤΑΙ, διὰ χερὸς βέλους κλίγων.  
et paulo infra,

Ἐπεὶ δὲ γέ, πρὸς λόγον τοῦ σήματος,  
Σωτήρ γένοιτ' ὅν ΖΕΥΣ ἙΠ'ΑΣΠΙΔΟΣ  
ΤΤΧΩ'Ν.

Non igitur soli Herculi convenit arma habere Jove picta; quod tamen hoc loco oportuit, ut ex comparatione patet. Mitto quod nihil fuit eximie formidandum in armis Jove pictis solummodo, nisi et aliae causae accessissent: hoc autem loco requiruntur arma bene nota et probata, et quae ex ipso visu terrorem incuterent. Non igitur recte Jove picta arma: multo minus Nemeaea: his enim idem diceret: quippe Nemeaea arma et Cleonaeus arcus idem fere sunt, cum idem sit Nemeaeus et Cleonaeus leo. Martialis Epigr. V, 72.

Rura Cleonaeo nunquam temerata leone:

Eundem Nemeaeum vocat Lucanus I, 650.

Si saevum radiis Nemeaeum, Phoebe, leonem  
Nunc premeres, toto fluenter incendia mundo.

Idem IV, 612. de pugna Herculis et Antaci:

Ille Cleonaei projecit terga Leonis;

atque pellem Nemeaei leonis pro tegumento Herculem habuisse disertim narrat Hyginus Fab. XXX. vide Burman. ad Ovid. Met. VI, 417. plura possem adducere: sed ex his patet non bene dici Nemeaea Arma et arcus Cleonaeus quasi diversa, cum idem pene sint. Hinc etiam patet error Servii qui ad Virgil. VII, 295. duos facit, Nemeaeum et Cleonaeum, leonem: confundit enim Cithaeronium cum Nemeaeo seu Cleonaeo, de quibus distincte Apollodorus Lib. 2. cap. 4. §. 9. de Cithaeronio; et cap. 5. §. 1. de Nemeaeo: a quo etiam colligas quare idem Cleonaeus dicitur, nempe quod Cleonae viciniae erant Nemeae. Hanc distinctionem novit eruditissimus Statius Theb. I, 483.

tergo videt hujus inanem

Impeis utrinque júbis horrere leonem,

Gillius in speciem quem per Theumesia Tempe

Amphitryonides fractum juvenilibus armis

ANTE CLEONAEI vestitur praelia MONSTRI:

Vides alia pelle leonina scil. Theumesia seu Cithae.

ronia vestitum Herculem ante quam Cleonaea. Hos etiam confudit Morellos notis ad Silv. III, 1. v. 29. Quaerendum porro, quatenus esse possint haec arma Nemeaea. Domitius dicit, pellem leonis Nemeaei. At quis unquam dixit pellem leonis, arma? ungues forte dici possent arma, sed non pellis: vel Statius dixisse potuisset, Sic Phryges quamquam vidissent spolia Nemeaea, etc. si pellem innuere voluisset: sed arma Nemeaea pro pelle nunquam stabit. Dici forte potest arma Nemeaea esse quibus usus Hercules in occidendo leone Nemeaeo. Atqui nullis armis in hoc negotio utebatur Hercules; quippe brachiis illum strangulavit. Seneca Agamemn. v. 829.

Te sensit Nemeaeus arto

PRESSUS LACERTO fulmineus leo.

vide plura in hanc rem apud Cl. Drakenborchium ad Sil. Italicum III, 33. ubi satis testimoniorum. Ut igitur hactenus videtur nihil sunt, nec in rerum natura arma Nemeaea. Parmensis editio habet vetica. Lege,

Sic Phryges, attoniti quamquam Lernaea vident

Arma.

Lernaea arma sunt spicula Herculis, Hydrae Lernaeae veneno tineta, et maxime metuenda; nam quicquid istis sagittis fixerat, mortem non effugiebat, ut narrat Hyginus Fab. XXX. Hanc emendationem firmat Noster Theb. V, 441.

Audet iter, magnique sequens vestigia mutat

Herculis, et tarda quamvis se mole ferentem

Vix cursu tener aequat Hylas; LERNAEAEQUE tollens

ARMA, sub ingenti gaudet sudare pharetra.

tela Lernaea vocant alii. Seneca Herc. Fur. v. 1233. ipsa LERNAEIS frequens

Pharetra telis in tuos ibit rogos.

et Herc. Oet. v. 905.

LERNAEA figens tela furibunda manu.

Medea v. 783.

His adice pennas sauciae Stymphalidos

LERNAEA passae spicula.

Virgilius Aen. VI, 803.

Fixerit acripedem cervam licet, atque Erymanthi

Pacarit nemora, et LERNAM tremefecerit arcu:

ita legendum, non aut Erymanthi: vel certe, si rectineas aut, legendum aut Lernam versu proxime sequenti. Abeant igitur in nihilum Domitii Nemeaea arma, et reponne Lernaea; quae vox ita scribitur, lerneae: unde, divisa litera n in ti, lertica: inde Parmensis vetica, Domitii Codices [et Ven. EX ADD.] vectila.

v. 49.

Cleonaeusque acies impelleret arcus.]

Parm. et Rom. Cleonaeos arcus: male. Et hic alia suboritur difficultas, et ejusdem fere generis quo prior. quid enim est arcus Cleonaeus? quid Cleonis cum arcu? quippe, ut ante dixi, non arcu nec arvis leonem Cleonaeum letavit Hercules, sed nudis manibus et elisu. Aequae bene videtur dici potuisse Aetivus arcus, quia Hercules Caem in Aetivino monte animae elisu interemit, vel Lybicus quia ita An-



taeum in *Libya*. Et sane ita est, et proprietates in utrovis aequa: Sed solitum hoc poetis, qui sapissime arcessunt Epitheta a causa remotiori; deinde ita arcessita, interventu Medii alicujus coniungunt cum re de qua loquuntur, quasi proxima essent et nativa. Innumera hujus rei exempla sunt: unum tantum dabo ex nostro Epiced. Patr. v. 225.

*Hei mihi, quod tantum patrias ego vertice frondes*

*Solaque Chalcidicae Cerealia dona corinae*  
*Te sub teste tuli!*

*corona Chalcidica* est *Neapolitana*, hoc modo: *Neapolis* condita erat a *Cumanis*, ut refert Vell. Paterculus I, 4. *Cumani* vero colonia erant *Chalcidensium* in *Euboea*; ergo *Chalcidica* pro *Neapolitana*. Vide plura apud Broukhusium ad Propert. III, 11. v. 6. Sic in hoc Statii loco, *Cleonaus arcus* est simpliciter *Herculeus*, hoc modo: *Hercules Cleonis* leonem occidit, et inde vocari meruit *Cleonaus*: ergo quicquid ad *Herculeum* pertinet erit *Cleonaus*, habet hoc illustri facinore: ergo *arcus*. Ita *Apollo* vocatur *Amphrysus*: ergo quicquid ad *Apollinem* pertinet est *Amphrysium*: ergo *vates Amphrysia*, *Apollinea*, Virg. Aen. VI, 398. de *Sibylla Cumaea*. Et in his rebus ad veritatem nullo alio modo pervenire possumus quam hac Resolutione: sed cave ab *Analysi Gronoviana*, de qua monui ad *Lyric. ad Sept. Sever.* v. 22.

v. 54. *quantusque nigrantem*

*Fluctibus occiduis, fessoque Hyperione Thulen.]*  
Non item moveo de quantitate primae syllabae in *τῷ nigrantem*, cum eam corripuerit *Virgilius* Aen. VIII, 353.

*cum saepe nigrantem*

*Aegida concuteret dextra, nimbosque cieret:*  
et alii. *nigrantem* quoque *fluctibus occiduis*, ut *Theb.* I, 686.

*Quique bibit Gangem, aut nigrum occasibus intrat*

*Oceanum:*

id est *oceanum Occidentalem*. sed scrupulum injiciunt *Parm.* et *Rom.* [cum *Ven. Ex. Add.*] quarum illa habet *NEGANTEM*, haec *NATANTEM*. Videntur voluisse, *VACANTEM Fluctibus occiduis*. Elegantissimum hoc: *Lucanus* IX, 693.

*Itque super Libyen, quae nullo consita cultu*

*Sideribus Phoeboque VACAT:*

id est, occupatur et usurpatur a nulla alia re quam *sideribus* et *sole*, ut hic *Thule fluctibus*. Sed vide porro: si enim *retineas nigrantem*, quid facies istis *fesso sole*? quippe *Thule* vix dici potest *nigrare sole*, cum minimum ardoris solaris habeat: *nigrare* enim dicuntur qui *nimum solem*, non qui *parvum* aut *nulum* habent. *Sil. Italicus* IX, 224.

*Vulgus Adyrmachidae pariter, gens accola Nili,*  
*Corpora ab IMMODICO servans NIGRANTIA Phoebo.*  
*Ovidius* Art. Am. I, 723.

*Candidus in nauta turpis color: acquoris unda*  
*Debet et a radiis SIDERIS esse NIGER.*

Quid dicemus? aut quo pacto conciliabimus haec cum

sensu et more aliorum auctorum? *Farmensis* quoque anget depravationis suspicionem; illa enim pro *IESO* habet *FESSUS*. Conjicio,

*quantusque VACANTEM*

*Fluctibus occiduis, CASSAMQUE Hyperione Thulen*

*Intravit.*

*cassam Hyperione*, id est, *viduatam sole*, *sine sole*: ut apud *Virgil.* Aen. II. *nunc CASSUM lumine lugent*: et alibi passim. Potes etiam *REFUGOQUE Hyperione* pro *FESSO*, ex loco *Theb.* II, 421. huic non absimili:

*Bistonas, aut REFUGO PALLENTES SOLE Gelonos:*  
*ubi pallentes refugo sole*, paene ut hic *nigrantem fesso Hyperione*: licet aliqua quidem sit differentia. In tanta obscuritate praestare puto locum relinquere quemadmodum inveni. *Thulen fesso Hyperione*, ut *domus sanie dapibusque cruentis*, *Virgilio*: et similia passim.

v. 56. *quantusque POTENTES*

*Mille urbes Asiae.]* Legendum *POTENTIS Asiae*, non *POTENTES urbes*; ex consuetudine bonorum auctorum. *Lucanus* IX, 1005.

*Asiamque POTENTEM*

*Praevehitur, pelagoque Rhodon spumante relinquit:*

*Seneca* Troad. v. 7.

*columnem eversum occidit*

*POLLENTIS Asiae, caelitum egregius labor:*

*Agamemnone*, v. 784.

*tibi felix diu*

*POTENTIS Asiae Troja submisit manus.*

*Manilius* IV, 680.

*Illic Asiae metam posuit Natura POTENTIS.*  
et 753.

*Taurus habet Scythiae montes Asiamque POTENTEM.*

*Noster Achilleid.* I, 112.

*omne simul roburque decusque POTENTIS*

*Europae meritos ultro juravit in enses.*

vide et II, 348. et I, 402. *Priscianus* Perieg. v. 952.

*Rupibus haec celsis Asiae sunt claustra POTENTIS.*

Si *retineas potentes* erit ambiguum: quippe τὴν *urbes POTENTES ASIAE* significare potest *urbes quae imperium et jurisdictionem habent in Asiam*. Ita *Pompon.* *Mela* I, 17. quod *Amazones*, *ASIAE POTENTES*, *consequerasse dicuntur*. Vide *Gronov.* ad *Liv.* XXIII, 16.

v. 58.

*TIBI talia pronis*

*Auribus, haec certent tibi conciliare propinqui.]*  
Nullus in his sensus: vide enim *Constructionem*: *propinqui certent conciliare talia tibi pronis auribus*, certent conciliare tibi haec. Vides quam ridiculo in circulo haec volvantur. Mitto quod propinqui *Crispini* admonentur conciliare illi talia *pronis auribus*. Quid? anne damus praecepta *auribus*? nonne ore et sermone vel scriptis? nonne hoc est rerum officia invertere, et *auribus loquentem* introducere, ore audien-



tem? Atqui Crispini fuit, non propinquorum, audire ista pronis auribus. Jam veritas in proximo est,

BIBE talia pronis

Auribus, haec certent tibi conciliare propinqui: bibere auribus nota phrasis. Horatius Carm. II, 13.

Densum humeris BIBIT aure vulgus.

Noster Achilleid. II, 119.

Aspicit intentum vigilique haec aure BIBENTEM.

Sidonius Apollinaris Carm. XVI, 126.

Expositae legis BIBAT auribus ut medicinam.

Ovid. Trist. III, 5.

Et lacrimas cernens in singula verba cadentes  
Ore meo lacrimas; auribus illa BIRI.

unde SITIS audiendi apud Quintilian. Inst. VI, 3. et alios. bibulae aures Persio Sat. IV, 50. et hinc intelligitur istud Horatii,

Praeceptum auriculis hoc INSTILLARE memento.

Absolute videtur usurpasse Virgilius Aen. I, 752.

Nec non et vario noctem sermone trahebat

Infelix Dido, longumque BIBEbat amorem.

adhibere pectore Horatius Epist. I, 2. ad finem:  
nunc adhibe puro

Pectore verba, puer.

Haec et multo plura exempla adnotaveram, cum in hanc Notulam Heinsii incidi, ad Val. Flaccum V, 247.

Haec tibi, fatorum genitor tutela meorum  
Omnitens:

„Hei mihi Aldus. locus corruptus. putarem, Eja age, „nisi longius abiret a vulgata scriptura. forte, Haec „bibe, scilicet auribus. similem locum libro V. Silvae, cum Statii Propemptico Crispini restitimus.“ Non dubito quin hunc locum alludat Heinsius, licet hanc emendationem in scriptis ejus nondum inveniuerim: et sanctissime affirmo me pleraque horum exemplorum adscripsisse antequam hoc Heinsii observassem: quod et de multis aliis restitutis harum Silvarum locis pari integritate affirmare possem, si tauti putarem. Dolet pacne unum videre praecceptum, in quo mihi maxime placueram, Epiced. Patr. v. 127. licet postea repere- rim Cruceum quoque vel Avantium ita conjectasse. Pro pronis Parm. promiss. Sequitur:

Haec iterent comites praecepta, senesque pa-  
terni.

comites paterni sunt comites patris; sed quinam sint senes patris non intelligo. nisi distinguendus sit locus ut rō paterni ad comites tantum, non ad senes referat:

Haec iterent comites praecepta, senesque, pa-  
terni,

Sed haec ambiguitas non Statium decet. [Scripsit, opinor,

Haec iterent comites praecepta senesque PE-  
TENTI.

Comites et senes iterent talia praecepta tibi petenti hujusmodi praecepta. innuit Crispino, illum petere debere haec praecepta et exempla Patris a comitibus ejus et senibus qui illum norunt: Tu petas, illi iterent haec praecepta. Persius Sat. V. 64.

PETITE hinc juvenesque senesque

Finem animo certum, serisque viatica canis:

ita legendum puto pro miseris canis. EX ADD.]

v. 61. Jamque ALIO moliris iter.] Hui! tam cito! modo admonebatur juvenis ut paternis vestigiis insisteret, et iter ad veram gloriam capesseret; Jamque ALIO molitur iter? male factum, O Crispine, vel Vos potius, O Librarii, qui tam negligenter exscripsistis Statianum  
Jamque ADEO moliris iter:

quo nihil verius. Virgilius Aen. V, 864.

Jamque ADEO scopulos Sirenum adnecta subibat.  
VIII, 585.

Jamque ADEO exierat portis equitatus apertis:

ubi Servius: ADEO ad ornatum pertinet tantum. Sil. Italicus XII, 534.

Jamque ADEO est campos ingressus et arva La-  
bici.

I, 20.

Jamque ADEO magni repetam primordia motus.

Exempla ubique occurrent. Moliris iter est: ex Virgil. Aen. VI, 477.

Inde datum molitur iter: jamque arva tenebat  
Ultima, etc.

ita legendum, non tenebant: de solo enim Aeuea loquitur; ut statim, Hic illi occurrit Tydeus, non illis.

v. 63. et adhuc DECOR integer aevi.] Aliam lectionem offert Parmensis, adhuc TENOR integer aevi. Ita Lacrim. Etrusc. v. 147.

Dextra bis octonis fluxerunt saecula lustris,

Atque AEVI sine nube TENOR.

Ovidius Heroid. XVII, 14.

Dumque TENOR vitae sit sine labe meae.

et ita alii: vide Burman. ad Trist. III, 1. v. 59. Sed nihil hoc loco mutandum: non enim hic agitur de longa continuatione et vitae cursu, ut in iis locis ubi tenor vitae occurrit, sed de forma et puerili decore, quod nondum fuscaverat barba:

nondum validae tibi signa juventae

Irrepere genis, et adhuc DECOR integer aevi.  
simile istud in Glauc. Melior. v. 154.

Gratum est, Fata, tamen, quod non mors len-  
ta jacentis

Exedit puerile DECUS, manesque subivit  
Integer.

Nihil igitur mutandum. Vers. 65. pro heu Parm. et, frequenti errore, de quo supra: et pro SINE praeside multae editt. sub praeside; et ita edidit Gevartius, et Cruceus: male. Veram scripturam revocavit ex MS. Bernartius. Eadem diversitas apud Propert. III, 1. ubi pro Polydamanta SINE armis, ut edidit Broukhusius, legendum esse sub armis, id est in armis, olim docebo. Mox, v. 70. pro fructumque exspirat in UMBRAS Morellus voluit in AURAS, scilicet quia Lucretius dixerat lib. VI.

Et simul exspirare foras, exireque in AURAS.

Atqui Lucretius non loquitur de fructu qui exspiratur in AURAS, sed de exhalationibus quae ab aquis emittuntur: ut nihil ad Statium sit iste locus. Vauus



emendandi pruritus elegantissimum locum corrumpere voluit. Dicit Statius quod centum alii auctores dixerunt, Arbores, nisi luxuria earum compescatur falce, pro FRUCTU nihil daturas esse praeter frondes et UMBRAS.

v. 74.

*nitorque*

*Luxuriae confine* TENENS.] Optime Barthius pro TENENS legit TIMENS: per se patet; et in altero nullus est idoneus sensus. nitorem hunc *luxuriae confine timentem* vocat sanum decorem Tiburtin. Vopisc. v. 92. Hae voces perpetuo a Librariis commutatae fuerunt. Sic infra v. 110. pro TIMEBAT Romana Edit. TENEbat: et in Herc. Epitr. Vindicis v. 74. pro TIMUIT restitui TENUIT. Mox, v. 76. *Mirarique patrem*: id est, imitari. Virgilius Aen. VIII, 516.

*tua cernere facta*

*Aduescat, primis et te miretur ab annis:*

ad quae Servius: MIRETUR.] imitetur. Lucanus: miratoremque Catonis, id est, imitatore: optima enim ingenia necesse est ut ea quae mirantur, imitentur. Lege, miratorique Catonis, id est, imitatori. Sumtum ex Lucano IX, 810. Martialis Epigr. I, 40.

*Si quis erit recti custos, MIRATOR honesti:* ita legendum, non IMITATOR. pro confine Parm. cum fine.

v. 74.

*pietasque per omnes*

*Dispensata domos.*] Ita editiones ante Gronovianam, quae recte admisit MODOS. Debetur hoc Adr. Behotio Apophoret. lib. 2. Vulgata DOMOS ineptissima est. Contra apud Horat. Epist. I, 4. ex eo quod erat et MODUS et victus, Cl. Bentleius fecit, et DOMUS et victus. Sic variis modis Val. Flaccus III, 393. Auctor Paneg. ad Pison. v. 5.

*Hic tua me virtus rapit, et miranda PER OMNES*

*Vita MODOS.*

v. 76. *Admonuit fortuna domus.*] Erudite hunc locum explicat Gronovius Diatr. c. 49. his verbis: „Hei mihi! hic fatum domus vestrae, matris mentione „facta, animum meum ulcerat, pungitque: tibine „illa temperare manu sua venenum sustinuit? etc. „Admonere non profricta notione dicitur, quicquid alioquo cum aculeo teloque in memoriam redit, et „ut Tullius ait, animum memoria refricat.“ Recte. Simillimum istud Philotae apud Q. Curtium VI, 10. Admonuit patris mei mentio, quam timide et contanter quae Cebalinus detulerat ad me, indicare debuerim. Non absimile et Virgilii istud Ecl. VI, 2.

*Cum canerem reges et praelia, Cynthius aurem Vellit, et admonuit.*

Seneca de Benef. VII, 24. *Socrates, amicis audientibus, Emissum, inquit, pallium, si nummos haberem. Neminem poposcit, omnes admonuit.* Exempla passim in Suetonio, et aliis. Sit tanti restituere hanc vocem eidem Senecae de Clementia I, 3. loco notissimo: *Nunc in tres partes omnem hanc materiam dividam: prima erit MAXMISSIONIS: secunda, quae naturam Clementiae habitumque demonstret:* etc. Lege: *prima erit MONITIONIS: vel ADMONITIONIS.*

Nihil verius puto; et mecum senties, si librum legeris: per totum enim *monitis* et exemplis agit. cap. 9. *Hoc quam verum sit, ADMONERE te exemplo domestico volo. Divus Augustus fuit mitis princeps, etc.* cap. 20. *Supervacuum est hoc loco ADMONERE, ne facile credat: ut verum exculiat, etc.* Longe infra se Gronovius, qui conjicit *mappaemissionis*, vel *commissionis*. melius Lipsius, *manuductionis*. Sidon. Apollinaris, de Seneca, Carm. IX, 230. *Incassumque suum MONET Neronem.*

Juvenalis Sat. VIII, 39.

*His ego quem MONUI? Tecum est mihi sermo, Rubelli*

*Blande.*

Simile istud Plinii Epist. VIII. 24. ubi *monitis* instruit Maximum suum, ad regendam provinciam Achaia profecturum: *Haec velim credas (quod initio dixi) scripsisse me ADMONENTEM, non praecipientem; quamquam praecipientem quoque: quippe non vereor in amore ne modum excedam.* Recte igitur et molliiter MONITIONIS dicit Seneca: PRAECEPTIONIS nimis durum et magistrale fuisset. *Fortuna vero domus,* ut Glauc. Ated. v. 137.

*Haec fortuna domus: subitas inimica levavit Parca manus.*

Ovidius Met. XIII, 525.

*Non haec est fortuna domus.*

Virgilius Georg. IV, 209.

*Stat fortuna domus, et avi numerantur avorum.*

v. 81. *Infestare JUVAT manes, meritoque precatu Pacem auferre rogis.*] Ita Veteres Editiones, praeter Parmensem, quae habet *Infestare LIBET manes*: et ita edidit Gronovius, oblitus tamen monere unde habuerit; nam Parmensem non viderat. Omnino verum est LIBET, et hoc sensus postulat: *Alius*, inquit Statius, LIBENTER et ultro infestaret manes et umbram matris tam male de se merita; Sed tu, O Crispine, ea es pietate, ut JUSTIS et solennibus funebribus eam calas et flectas: ita enim legendum, non JUSSIS, quod ineptum est; licet in plerisque Edit. ita invenias: Parmensis tamen et Rom. JUSTIS, ut et Gronovius edidit, iterum oblitus monere. LIBET non JUVAT saepe in libris MSS. confunduntur. Ita Ovid. Rem. Amor. v. 542.

*Et fastidita non LIBET isse domo;*

plerique meliores codices habent non JUVAT, monente Heinsio: et alibi mutatas has voces me invenisse memini. *Precatu* vero pro imprecatu, execratione, diris. Horatius Serm. II, 6.

*Quid tibi vis, insane, et quam rem agis? improbus urget*

*Iratis precibus.*

et VII, 36.

*Mulvius et scurrae tibi non referenda precati Discedunt.*

Sic *Thyesteae preces*, eidem, sunt imprecationes quales Thyestes in fratrem Atrea effudit. *males preces* Noster Theb. XI, 617. Ovidius Ibide, v. 95.

*Illum ego devoveo, quem mens intelligit, Ibin, Qui se scit factis has meruisse preces.*



et 415.

*Haec tibi, quem meritis precibus mea devovet ira,*

*Eveniant.*

Metam. XV, 505.

*Hostilique caput prece delestatur euntis.*

Seneca Medea v. 19.

*Majusne aliquid quod precer sponso malum?*

*Vital: per urbes erret ignotas egens:*

ita legendum puto; vulgo, *Mihi pejus aliquid*: pro quo Gronovius conjicit, *Me pejus*, vel, *Nisi pejus*. utcumque hoc, certus sum pro *pejus* scribendum esse *majus*, ut Troad. 427. Phoeniss. 286. Thyest. 259. de Ira II, 5. et alibi passim. Hae preces dicuntur etiam *vota*: unde Virgilius (seu quicumque alius) Ciri:

*Regis Iolciaci animum desigere votis:*

pro *devovere*, ex ritu magico desumpta phrasi; de quo vide Heinsium ad Ovid. Amor. III, 7. Idem Art. Amat. III, 375. de rixis aleatorum loquens:

*Crimina dicuntur: resonat clamoribus aether:*

*Invocat iratos et sibi quisque Deos.*

*Nulla fides; tabulaeque novae per vota petuntur:*

*Et lacrimis vidi saepe madere genas.*

ubi primum mirari subit quare dicat aethera resonare clamoribus: non enim sub dio ludebant alea. lege, resonant clamoribus aedes. hoc certum puto. Deinde, *Nulla fides*, etc. Haec ita explicat doctissimus Burmannus: „Lasor, qui omnia perdidit, et plus debet, quam solvere potest, optat novas tabulas, ut non cogatur nomen suum expedire; sed remisso debito, omni, iterum integrare possit lusum.“ Sed hoc non videtur congruere praecedentibus et subsequenti versui, in quibus agit Ovidius non de tacitis aleatorum votis, sed de externa eorum specie et ἀλογισμῶν, et quam turpiter et indecore se gerant in propatulo, et coram omnibus. Regius codex pro diversa lectione habet talis pro tabulae. Lege:

*Nulla quies: talique novi per vota petuntur:*

*Nulla quies*, in perpetuo angoris et sollicitudinis aestu sunt; et votis, diris, et execrationibus petunt novos talos. per quod impietatem simul et stultitiam eorum tangit poeta, quasi mutatis talis Fortuna quoque mutaretur: quam persuasionem in Nostris aleatoribus saepe observare licet. tali novi, sunt alii, diversi a prioribus. fides et quies frequentissime commutantur in libris. Potes tamen retinere tabulae novae, eodem sensu. Vota sunt imprecationes. Pro flectentem justis optime legi posset placantem, nisi paulo ante praecessisset placare novercas. Livius I, 20. Nec coelestes modo caeremonias, sed JUSTA quoque funebria, PLACANDOSQUE MANES, ut idem Pontifex edoceret. et ita passim.

v. 88. NE postera credant.] Lege:

*Excidat illa dies aevo, NEC postera credant*

*Saecula.*

Supra, Pietat. Abascant. v. 179.

Parce precor lacrimis, saevo NEC concute plantu

*Pectora, NEC crucia fugientem conjugis umbram.*

Virgilius Aen. VIII, 581.

*Dum te, care puer, mea sera et sola voluptas Complexu teneo, gravior NEC nuncius aures*

*Vulnerat:*

ita legendum pro ne vulneret. Vers. 87. pro parantes Parm. parentes: Rom. paratos. Vers. 88. pro Excidat illa dies aevo, Parm. et Rom. Excitat illa die saevo: et 90. pro patiamur Parm. pati~tur. Vers. 95. pro sic crescunt Parm. et Rom. SED crescunt: male: nec audiendus Domitius.

v. 102.

et castum VIBRARET Julia fulmen.] Vibrare fulmen est quaterere, excutere; et exempla ubique. Julia vero Lex non adhuc miserat, sed missura erat fulmen in hunc Crispini sodalem; hoc autem non est vibrare, sed librare fulmen:

*Et castum LIBRARET Julia fulmen.*

VIBRARE est mittentis; LIBRARE, jamjam missuri. Sil. Italicus XII, 623.

*sublata fulmina dextra*

LIBRAVIT.

Seneca Phoeniss. v. 435.

*jamque in alternam necem*

*Illinc et hinc miscere cupientes manum,*

*LIBRATA dextra tela suspensa tenent:*

ita legendum; vulgo VIBRATA, quod absurdum est. Alcimus Avitus lib. IV. 388.

*At pius ex alto contemplanz talia rector*

*Exertas revocat sedatis motibus iras,*

*LIBRATUMQUE tenens restinxit missile fulmen:*

ubi pari absurditate in Editione qua ego utor est VIBRATUM. Ovidius Met. II, 311.

*dextrum LIBRATUM fulmen ab aure*

*Misit in aurigam.*

Seneca Agamemn. v. 535.

*LIBRATUR aliud fulmen: hoc toto impetu*

*Certum reducta Pallas excussit manu,*

*Imitata patrem:*

ubi pro Certum Pontanus et Fabricius substituunt Tortum, sine causa. certa fulmina sunt quae in aliquam rem librantur, et scopo destinantur. Noster Theb. VII, 200.

*videt axis et ista per aevum*

*Mecum aeterna domus, quoties jam CERSTA reponam*

*Fulmina:*

vulgo legitur TORTA reponam; inepte: quomodo enim reponi possunt fulmina jam TORTA seu missa? Haec voces librare et vibrare saepissime commutantur: vide Gronov. ad Senec. Consol. ad Marc. c. IX. et Drakenborch. ad Sil. Ital. XIII, 105. et supra ad Pietat. Abasc. v. 133. ubi pro VIBRANTEM restitui LIBRANTEM. Sic apud Apuleium Miles. IV. ad finem pro VIBRATIS laciniis, legendum forte LIBRATIS: vide locum.

v. 108. DARDANIUSQUE SENEX medii bellare togata

STRAGE forti.] Mendosissimus locus, et minime intelligendus: quis enim iste Dardanius senex? Titho-



nus vel *Priamus* ita saepe vocantur poëtis: sed nulus istis hic locus. Barthius igitur legit,

*Haud unquam tales aspexit Romulus annos*

DARDANIUSVE, SENES, medii, etc.

prope veritatem; quae est, DARDANIVS SENES: per quos intelligit *Majores Romanorum*, a *Dardanis* seu Trojanis oriundos: *Albanos Patres* vocat Virgilius, initio Aeneidos. et sane Edit. Ald. habet SENES. Sed hoc facile fuit: quis vero explicavit quid sit STRAGE fori? Non Barthius, qui interpretatur, *reis hinc inde corruentibus*. non intelligo. et quare MEDII fori? cum satis fuisset *bellare togata strage fori*, sine tō MEDII, quod nihil ad rem, et otiosum est. melius potuisset,

MEDIA bellare TOGATI

*Strage fori:*

ut apud Prudentium Psychom. 687.

*Scissa procul palla, structum et serpente flammum*

*Multiplici*, MEDIA camporum in STRAGE jacebant. Hoc aliquanto tolerabilius fuisset: sed adhuc maneret eadem quaestio de voce STRAGE: nullam enim STRAGEM efficere potuit Crispinus, cum DEFENSARE tantum metus, et repellere adversa tela subiecit. Mihi omnino verum videtur,

*Haud unquam tales adspexit Romulus annos*

*Dardaniue senes, media bellare togati*

PACE fori:

*Romulus et Majores nostri numquam viderunt quemquam, ea aetate qua tu tunc fuisti, PUGNAS tam strenue obeuntem in media PACE fori, quod togae et quieti, non bellis aduictum est.* Optimus hinc exsurgit sensus. *Media pace*, ut Soter. Gallici v. 84.

*Et justum MEDIA de PACE triumphum:*

Seneca de Ira II, 2. *Sic etiam militaris viri in MEDIA PACE jam TOGATI aures tuba suscitavit.* BELLARE vero PACE, per Antithesin, et ut servetur ad inum Metaphora, in qua coepit per ista, DEFENSARE TELA, PELLERE, INERMIS, TIRO; omnia a graviore militia desumpta. Has concertationes et litigationes BELLA PACIS eleganter vocat Manilius V, 124. Auctor Panegyri. ad Pisonem, v. 26.

*licet exercere TOGATAE.*

*Munera MILITIAE; licet et sine sanguinis haustu MITIA legitimo sub iudice BELLA movere.*

Quintilianus V, 12. *initurusque frequenter FORENSIUM certaminum PUGNAM, jam in schola victoriam spectet, et ferire vitalia ac tueri sciat.* Et VI, 3. *In hac quidem PUGNA FORENSI malim mihi lenibus interdiceret.* Ovidius Rem. Amor. 152.

*Vade per urbanae candida CASTRA TOGAE.*

Idem Pastor. IV, 188.

*Et FORA MARTE suo litigiosa vacent.*

BELLA FORI vocat Trist. III, 12. et MARTEM FORENSEM Pontic. IV, 6. Juvenalis XVI, 47.

*Digredimur, lentaque FORI PUGNAMUS arena.*

Alcimus Avitus III, 349.

*Legibus armatas furere in certamina lites,*

*Jus anceps PUGNARE FORO.*

Eumenius pro Restaurand. Schol. c. 2. *Neque enim*

*tanta me aut negligentia aut confidentia tenet, ut nesciam quanta sit inter hanc ACIEM FORI, et nostra illa secreta studiorum exercitia diversitas. ibi armantur ingenia, hic proeliantur. ibi praclusio, hic PUGNA committitur. hic sudore et quasi pulvere sordidus; illic, insignis ornatu laudatur orator. ita legendum pro sordibus, et laudatur ornatior.* Infinita hujusce generis afferri possent; sed ex his vides Metaphoram et Oppositionem. Recte etiam *togati fori*; fori quod paci et togae, non bellis aptum est. Notum istud Ciceronis, *Cedant ARMA TOGAE.* Livius III. *Non pugnet* Lictorum vestrorum majorem prope numerum in FORO conspici, quam TOGATORUM, aliorumque? Seneca de Ira II, 7. eleganter: *Inter istos quos TOGATOS vides, nulla PAX est.* Idem de Benef. III, 26. *Sub Tib. Caesare fuit accusandi frequens et paene publica rabies, quae omni civili BELLO gravius TOGATAM civitatem confecit.* Plinius Panegyrico: *hostilemque terrorem non ARMORUM magis, quam TOGARUM ostentatione compescere.* Nihil video quod huic emendationi opponi possit. Notum est literas c et g propter similitudinem saepissime mutatas esse: unde pro PACE scriptum videtur PAGE; ex quo fecerunt STRAGE. *Tales annos*, id est, aliquem qui erat iis annis seu aetate qua tu eras. *anni* pro persona qui habet eos annos; ut apud Terentium mores, pro eo qui habet eos mores: *Uxorem his MORIBUS dabit nemo.* Sic Laetius. Etrusc. v. 136.

*qui funera patris*

*Haud matura putas, atque hos pius ingemis ANNOS.*

v. 110. *NEC te reus ipse timebat.* Quid mirum si reus non timeret patronum? immo mirum foret si timeret eum qui defensare metus, et pellere adversa tela subiisset. Clare legendum,

*PRO te reus ipse timebat.*

ipse reus PRO te timebat, quasi mutatis vicibus tu reus, ille patronus fuisset. non aliter scribere potuit Statius. Ipse Achilleid. I, 73.

*fas sit*

*PRO NATO TIMUISSE mihi.*  
et II, 198.

*pudeatque dolosam*

*Sic PRO TE TIMUISSE Thetin.*

Manilius V, 606. de Andromeda:

*Jamque oblita sui METUIT PRO VINDICE tali*

*Suspirans, animoque magis quam corpore pendet.*

Claudianus Gigantomach. v. 62.

*PRO DOMINO NATURA TIMET.*

Seneca Epist. XC. *Haec erat secundum naturam domus; in qua libebat habitare, nec ipsam, nec PRO IPSA TIMENTEM. nunc magna pars nostri metus, tecta sunt.* Apposite ad rem Quintilianus Inst. X, 1. *Nec fortuna modo judicii, sed etiam IPSORUM QUI ORANT periculo afficiuntur.* Pro timebat Rom. tenebat. Sequitur: *Par vigor EST membris:* pro quo Parm. et Rom. *Parvigor ET membris:* multo elegantius. Emphaticum istud ET: non solum animo magnus vigor, sed par ETIAM corpori.



v. 113. *Tiberino in litore vidi.*] Totus locus sic habet in omnibus fere editionibus:

*Ipse ego te nuper Tiberino in litore vidi,  
Qua Tyrrhena vadis Laurentibus aestuat unda,  
Tendentem cursus, vexantemque ilia nudo  
Calce ferocis equi, vultu dextraque minacem.  
Si qua fides dictis, stupui, armatumque putavi.*

Non cohaerent haec, et abruptitur redditio sententiae. Lege:

*Ipse ego te nuper Tiberino ut litore vidi, etc.  
Si qua fides dictis, stupui:*

UT *vidi, stupui.* Notum istud Virgilii, UT *vidi, ut perii!* Sil. Italicus IX, 419.

*Isque ut Varronem procul inter praelia vidit.*  
et X, 251.

*Obrutus hic telis ferri per corpora Piso  
Rectorem ut vidit Libyae, connisus in hastam  
Ilia cornipedis subrecta cuspide transit.*

Ovidius Metam. VII, 727.

*UT vidi, obstupui, meditataque pene reliqui  
Tentamenta fide.*

Amor. II, 5.

*UT faciem vidi, fortes cecidere lacerti.*

et ita passim. Virgilius Aen. I, 129.

*Emissamque hiemem ut sensit Neptunus, etc.*

ita legendum esse alias probabo: vulgo *hiemem sensit.* Voces *in* et *ut* totidem ductibus calami constant: unde saepe confunduntur. Ovidius Art. Amat. III, 155.

*sic capta vidit ut urbe*

*Alcides Iolen, Hanc ego, dixit, amo:*

ita ex tribus codicibus recte restituit Heinsius: cum in ceteris fere omnibus esset, *vidit in urbe.* Sic Propert. III, 18.

*Durus qui potuit lucro mutare puellam!*

*Tantine in lucris Africa tota fuit?*

Ita edidit Broukhusius, ex conjectura Gronovii Observe. III, 17. cum scriptura optimorum codicum esset *Tantis ne lacrimis.* Legendum vero,

*Tantine, ut lacrimas, Africa tota fuit?*

prout Broukhusius quoque, veritati parum fisus, olim proposuerat. optime tamen explicat: An tanti erant omnes reditus provinciae Africae, ut tu vel unam lacrimulam profunderes? Nihil verius: et ita olim editus sum.

v. 115. *TENDENTEM cursus.*] Ita plures editiones: non male. Val. Flaccus I, 183.

*Et dedit aequoreos, caelo duce, tendere cursus.*

Nemesianus Cyneget. v. 197.

*Seu cursus revocet, iubeat seu tendere cursus.*

Claudianus de IV. Cons. Honorii v. 540.

*Quis molles sinuare fugas, quis tendere cursum  
Acrior, aut subito melior flexisse recursus?*

ita legendum; vulgo inconcinne, *tendere contum.* vide et Sil. Italicum X, 73. et Claudianum non semel. sic *tendere vias* Nostro, *tendere iter* Virgilio, *intendere iter* Senecae de Constant. Sapient. c. 14. Romana tamen et Veneta habent *PENDENTEM cursus*: quod, utpote eruditius, avidè arripuit Gronovius Diatr. c. L. pro *pendere in cursibus*, vel *pendentem facere cursus.* vide locum; ubi multa et docta saepe

hujusmodi locutionum exempla. MS. Mediceus *PENDENTEM.* Sed veritatis palmam aufert Parmensis, quae habet *PENDENTEM in cursus*: et hoc probat Heinsius ad Sil. Ital. IV, 179. Virgilius Aen. X, 586.

*Leucagus ut pronus PENDENS in verbera telo  
Admonuit bijuges.*

et V, 148.

*Concessere jugis, pronique in verbera PENDENT.*

Sil. Italicus VIII, 283.

*Et, praeceps trepida PENDENS in verbera planta.* ubi video haec Virgilii loca a diligentissimo Drakenborchio adducta. Pro *nudo calce* Heinsius conjicit *crudo.* si aliquid mutandum, mallet *duro.* Pro *minacem* Rom. *minantem.*

v. 117. *Si qua fides dictis, stupui, ARMATUMQUE putavi.*] Saepe miratus sum unde Crispinum ARMATUM putaret Statius: nihil enim est in hac descriptione quod tale aliquid innuit: nisi ridens dicas inde ARMATUM putasse quod erat *NUDO calce.* Excute totum locum:

*Pendentem in cursus, vexantemque ilia nudo*

*Calce ferocis equi, vultu dextraque minacem;*

*Si qua fides dictis, stupui, ARMATUMQUE putavi.*

anne ARMATUM putavit quod *pendebat in cursus*? an quod *vexabat ilia ferocis equi*? an quod erat *vultu dextraque minax*? Hae solae redduntur rationes quare *armatum* putaret: et tamen haec omnia *inermibus* aequè bene ac *armatis* competunt. Vere restitui:

*Si qua fides dictis, stupui, MARTEMQUE putavi:*

adeo bellicosa imago fuisti, O Crispine, ut te pro ipso MARTE caperem. Ita de Getis Ovidius Trist. V, 7.

*Fox fera, trux vultus, verissima MARTIS imago.* Calpurnius Siculus Eclog. VII, 82.

*utcumque tamen conspeximus ipsum*

*Longius: ac nisi me decepit visus, in uno*

*Et MARTIS vultus, et Apollinis esse PUTAVI.*

Homerus de Leonteo:

*Τὸν δὲ Λεοντῆα βοροτολοῖγ' ἼΣΟΝ ἈΠΗΙ.*

et ita passim. Sil. Italicus IV, 461. de Scipione:

*fertur per tela, per hostes*

*Intrepidus puer, et GRADIVUM passibus AEQUAT.*

Noster Theb. XII, 730.

*Ut vero aequoreus quercum Marathonida Theseus  
Extulit —*

*Ceu pater Edonos Haemi de vertice MAVORS*

*Impulerit currus, rapido Mortemque Fugamque*

*Axe vehens, sic exanimis in terga reducit*

*Pallor Agenoridas.*

Pro *Murtem*, litera una transposita, scriptum fuit *arntem*: unde fecerunt *armatum.*

v. 118. *Getulo sic pulcer equo, TROJANAQUE quas-*  
*sans*

*Tela.*] Pro *Getulo* Rom. *Cetuleo*: et pro *quas-*  
*sans* Parm. *cassans*, promiscuo usu literarum qu et c. Sed haec parva sunt: majus istud, quomodo Ascanius dici potuerit *quassare TROJANA tela* in hac venatione. nisi dicas *tela TROJANA* esse quae ille a Troja secum avexerat: quod huic loco non optime



congruet: quippe *tela* hoc loco sunt *venabula* seu *arma venatoria*, quae non verosimile est illum a Troja asportasse. immo Virgilius (a quo haec desumpta sunt) dicit Didonem, quemadmodum (*Getulos*) equos, ita *venabula* quoque suppeditasse, Aen. I, 131.

*Retia rara, plagas, lato VENABULA ferro.*  
Melius igitur, ut mihi videtur, dixisset Statius,  
GETULO sic pulcr equo, SARRANAE quassans  
Tela:

id est Tyria, Carthaginiensia: quo sensu saepe hac voce utitur Sil. Ita icus, ut VII, 432.

aut hos SARRANUS habebit

Navita jam portus?

et VIII, 46.

Cur SARRANA dicunt Oenotri numina templo.  
et alibi passim. Sidon. Apollinaris Carm. II, 5.  
humerosque ex more priorum

Includat SARRANA chlamys:

id est Tyrio murice tincta. Carthaginienses autem a Tyriis. Virgilius Georg. II, 506.

Ut gemma bibat, et SARRANO in dormiat ostro.  
et alibi puto hac voce uteretur, si per Librarios licuisset, Aeneid. I, 329.

Virginis os habitumque gerens, et virginis arma  
SARRANAE:

id est Tyriae, Carthaginiensis, vulgo legitur SPARTANAE. et scio quid dici possit de *venatricibus* puellis Spartanis: sed certe aequum erat ut Venus, cum inter Tyrios esset, gestaret os et habitum et arma virginis TYRIAE, (huc est SARRANAE) non SPARTANAE. Immo ipsa litem hanc solvit mox, v. 339.

Tum Venus: haud equidem tali me dignor honore:

VIRGINIBUS TYRIIS mos est gestare PHARETRAM  
Purpureoque alte suras vincire cothurno:

Virginibus TYRIIS, id est, SARRANIS. ideo puto me recte emendasse. Vocem *Sarranae* paullo rariorem, in magis familiarem, *Spartanae*, videntur vertisse Librarii, suo more. Servius quidem legit *Spartanae*: sed hoc nihil probat praeter mendi vetustatem.

v. 120. *miseramque PATRI flagrabat Elisam.* Difficillimus locus; ad quem Barthius: „Dura, locutio; sententiam videmus esse hanc: *incendebat Elisam ut similem puerum ex Aenea gignere cu- peret.*“ FLAGRABAT igitur accepit pro *flagrare faciebat*; quod ferri quidem potest. Sed quid fiet de isto PATRI? quippe Latine dici *flagrare faciebat Elisam* PATRI, nemo mihi persuaserit, sua tantum, et sine Veterum autoritate. Ex comparatione manifestum est Statium alludere isti loco Virgilii ubi Ascanius inter venandum dicitur *acri* gaudere equo: is est Aen. IV, 156.

At PUER Ascanius mediis in vallibus acri  
Gaudet equo:

hoc reperto, facile est Statium eruere,  
*novercales ibat venator in agros*

Ascanius, *miseramque PUER* flammabat *Elisam*: Vix aliter scribere potuit, si rem spectes; et amat Statius omni occasione sublegere verba Magistri sui Virgilii. Potes quidem retinere *flagrabat pro flagrare*

*faciebat*; sed non opus est figurata locutione cum in proximo sit vox *flammabat*, quae, minima mutatione, melius convenit. Claudianus de Nupt. Hon. et Mar. v. 16.

*Scyria sic tenerum virgo flammabat Achillem.*  
Seneca Troad. v. 303.

*Regum tyrannae, jamne flammatum geris*  
*Amore subito pectus?*  
Val. Flaccus VIII, 300.

*Conjugio atque iterum sponsae flammatus amore.*  
*Flammatus est incensus*, ut Nostro Theb. VIII, 606.  
*insurgunt justo flammata pudore*

Agmina:

ita legendum; vulgo, *firmata pudore*. Achilleid. I, 398.

*Dulcibus armorum furis et supplicae regum*  
*Conquestu flammata movet.*

J Claudianus VI. Cons. Honor. v. 467.

*Flammatus virtute pia, propriaeque salutis*  
*Immemor.*

Catalecta Pithoei, p. 3.

*Igne salutifero Veneris puer omnia flammans.*  
Potes etiam, minori mutatione, legere

*miseramque PATRIS flagrabat Elisam:*  
*miseram patris*, Gracismo nota, ob patrem. Vel,

*miseramque MAGIS flagrabat Elisam:*  
*magis* incendebat Elisam, ante satis miseram. Mihi adhuc placet prima conjectura.

v. 121. *gyro LEVIORE minantes*

*Eludebat equos.* Gronovius Reliq. ad Silv. notat: „Vide an sit potius BREVIORE.“ Non solum potius est BREVIORE, sed unice verum: primum, quia *to LEVIS gyros* nihili est; cum non *gyrus*, sed *equus* qui in gyro flectitur, *levis* dici oportuerit. Val. Flaccus VI, 239.

*mollique per aequora Castor*

Anfractu LEVIORIS EQUI deludit *anhelos*:

id est, *agilioris*. Deinde, quia hoc item, ut superiora, ex Virgilio sunt Aen. XI, 694.

*Orsilochum fugiens magnumque agitata per orbem*

ELUDIT GYRO INTERIOR.

ad quae Servius: INTERIOR.] *Sinisterior*, BREVIORE scilicet CIRCULO. Seneca Hippol. v. 311,

*Ille nocturnas agitare bigas*

*Discit, et GYRO BREVIORE flecti.*

Horatius:

INTERIORE diem GYRO trahit:

id est BREVIORE. Lucanus III, 549.

*Et tentare fugam, nec LONGO frangere GYRO*  
*Cursum.*

Idem VI, 288.

*Agminaque interius GYRO BREVIORE recepit:*

ita legendum puto; vulgo, *MURO brevior*. natus error ex eo quod *GYRUS* antiquae scribebatur *GURUS*, ut testatur Salmasius ad Hist. Aug. Scriptores Vol. I. p. 909. Sil. Italicus XIII, 25. loco suavissimo:

*EXIGUOS fornat per prima volumina GYROS.*

Tibullus IV, 1.

*Sen libeat curvo BREVIUS compellere GYRO.*

Versu proxime sequenti pro aut Rom. haud.

v. 123. *Arcadas Ogygio versantem in pulvere METAS.* Loquitur Statius de Parthenopaeo Arcade, notissimae pulcritudinis juveni, et huic comparat Crispinum, equo se exercentem; quemadmodum Troilo et Ascanio equitibus, paulo ante. Comparatio igitur postulat aliquid de Parthenopaeo equitante; quod in his verbis frustra quaesiveris, quippe METAE ad certamina curruum pertinent, ut Horatius

METAQUE fervidis

*Evitata ROTIS:*

vel ad cursores, ut Sidon. Apollinaris Praefat. Epithal. Polemii et Araneolae, de Hipponeme currente,

*Pallens Hippomenes ad ima METAE*

*Tardat Schoenida ter cadente pomo.*

Quod si ad certamina equestria referri possent METAE, (et forte possunt,) tamen VERSARE metas nullum habet sensum aut notionem verbis subjectam, quin et si haberet aliquam significationem Ludorum et Certaminum equestrium (et nullam aliam habere debet) huic tamen loco aliena esset; agit enim poeta de Parthenopaeo in obsidione Thebana occupato, Ogygio in pulvere, ante muros Thebarum; quo tempore inanibus ludis mentem oblectare illi non vacabat. Nihil verius quam Statium scripsisse,

*Arcadas Ogygio versantem in pulvere TURMAS:*

TURMAE sunt equitum, ut pueris notum. Noster Propempt. Celer. v. 125.

*Jam tamen et TURMAS facili praevertere gyro Fortis.*

Claudianus in Pr. Cons. Stilich. I, 102.

*TURMAS equitum, peditumque catervas:*

ex Horatio Epist. II, l. v. 190.

*Dum fugiunt equitum TURMAE, peditumque catervae.*

has igitur TURMAS Parthenopaeus in pulvere Ogygio, circa moenia Thebana, VERSABAT, id est, exercebat, artem tractandi equos, et cetera ad equitatum pertinentia docebat. Ovidius Heroid. IV, 45.

*J Saepe juvat VERSARE leves in pulvere curtus,*

*Torquentem frenis ora sequacis equi.*

Art. Amat. I, 725.

*qui vomere semper adunco*

*Et gravibus rastris sub Jove VERSAT humum:* quod exercere tellurem vocat Virgilius. Idem Aen. XII, 664.

*tu currum deserto in gramine VERSAS:*

id est, huc illuc vertis et torques et quasi exerces. Omnia jam facilia. Parthenopaeus equo insidens TURMAS versabat, et pugnas obibat; unde vocatur Arcas eques Theb. V, 555.

*extemplo, monitu ducis, advolat ardens*

ARCAS EQUES.

Scriptum fuisse videtur pro TURMAS, literis transpositis, MURTAS; unde factum METAS: qualia multa Librariorum errata in his Silvis, et aliis auctoribus antiquis, deprehendi. Ita infra v. 128. pro *Mavros* Rom. *Mauros*. Sic apud Ciceronem Paradox. I. ipso initio, pro *Stoicorum* hominum *disputationibus* plane

legendum *otiosorum hominum*, literis transpositis. Pro *versantem* Rom. *rexantem*, quod retinet Domitius, sed sine ullo sensu. *Tyriae matres* sunt Thebanae. *Non torvo lumine*, propter pulcritudinem Parthenopaei.

v. 125.

*nam magni Ducis indulgentia PULSAT.]* Nescio quidem quomodo *Indulgentia* Domitiani dici potuerit PULSARE Crispinum. Explicant quidem, *proPELLIT et pectus inflammat*. Sed hoc non in se continet notio verbi *pulsare*, quod vim et violentiam denotat: adeo ut nequaquam jungi possit cum *τῷ Indulgentia*. Noster Theb. I, 368. de Polynice per tenebras iter faciente:

*Incertusque viae, per nigra silentia vastum*

*Haurit iter: PULSAT METUS undique, et undique frater:*

elegantissime. Notum istud Virgillii,

*Corda FAVOR PULSANS, laudumque arrecta cupido.*

Alcimus Avitus II, 317.

*Nec minus his PULSAT contraria CURA salutis.*

Sidon. Apollinaris Carm. II, 416.

*necnon, PULSANTE senecta,*

*Hinc redicica petit vicinus cinnama Phoenix.*

Si quid video scripsit Statius,

*nam magni Ducis indulgentia POSCIT:*

id est, ultro et prior te provocat et hortatur: elegantissima vox. Noster Theb. II, 399.

*Sed quia dulcis amor regni, blandumque potestas, POSCERIS.*

Ovidius Fast. IV, 721.

*Nox abiit, oriturque Aurora. Pallia POSCOR.*

*Non POSCOR frustra, si facit alma Pales.*

vide Cl. Benteium ad Horat. Carm. I, 32. Val. Flaccus I, 769.

*magnos obitus natumque, domumque,*

*Et genus Aeolium, pugnataque POSCERE bella:*

ex quo loco Noster ad Marcell. v. 72. ut illic notavi,

*Magna pater, dignosque etiamnum belliger actus POSCIT avus.*

*Indulgentia* igitur Imperatoris hoc POSCIT, postulat, flagitat, ut surgas et animo concipias castrorum curam. Hae voces interdum commutantur: sic Epiced. in Puer. v. 71. pro

*POSCENTEMQUE novas tremulis ululatus auras,* probabo legendum esse *PULSANTEMQUE*. Pro *magni Ducis* Parm. *magno*: male. Potes etiam legere *indulgentia* PERGIT, ex Epithal. Stell. v. 174.

*Hunc et bissonos (sic INDULGENTIA PERGAT*

*Praesidis Ausonii!) cernes attollere fasces.* et ad Marcell. v. 57.

*Latitque Ducis si numina PERGENT.*

Sed verius et elegantius mihi videtur POSCIT; et mutatio minor est. In iis quae sequuntur,

*Certaue dat rotis HILARIS vestigia frater,*

plane caecutio; prorsum ignarus quid sibi velit HILARIS frater. fratrem quidem aequacum Crispinus habuit, supra v. 75. Jct 65. Sed nihil praeterea de



eo compertum habeo. Latet tamen sub voce HUMERIS Dignitas aliqua seu Honor quo auctus fuit hic frater a Domitiano: unde de Crispino quoque paria ominatur Statius. Potes legere,

*Certeque dat votis LAETIS vestigia frater.*  
sed multum abest ut Statium ita scripsisse affirmaverim.

v. 129. *Flectere Castor equos, humeris quater arma Quirinus.* In priore membro huius versus aliquid desiderari videtur; in posteriore aliquid abundare. Primo enim, parum est *flectere equos*, nisi accedat *ars et peritia* quaedam in hoc faciendo. quippe quivis potest *equum flectere*; arte vero et scientia istud facere, non nisi qui a peritioribus acceperit: et hoc Crispinum docere, Castoris munus fuit. Deinde, non video cujusnam usus in Re Bellica sit *quater arma HUMERIS*: non enim ex eo quod aliqua *quater arma HUMERIS*, ideo est melior bellator: nec si Romulus Aconis regis Caeninensium arma HUMERIS portavit et Jovi Feretrio consecravisset, hoc pertinet ad belli et armorum tractandorum peritiam; sed ad pompam et victoriarum ostentationem: vide Liv. I, 10. Hunc imitatus postea Marcellus, occiso manu sua Viridomaro, *spolia Galli, stipiti imposita, HUMERIS suis vexit*, ut de eo refert Eutropius lib. 3. *tropaeum* scilicet, de quo videndus Gronovius ad Senec. Troad. v. 151. Haec, inquam, et talia exempla non attingunt hunc locum, in quo agitur de *peritia armorum tractandorum*; quo nihil facit HUMERORUM mentio. ARMA quidem et HUMERI saepe coniunguntur, ut Virgil. Aen. X, 700.

ARMAQUE LAUSO

*Donat habere HUMERIS, et vertice figere cristas.*  
Claudianus Laud. Stilich. II.  
*Tunc habiles ARMIS HUMEROS Dea vestibus ambit Romuleis.*

Noster Achilleid. I, 352.

ARMA HUMERIS, arcumque animosa pe-  
tebat

*Ferre.*  
Val. Flaccus II, 544.

*aptatque superbis*

ARMA HUMERIS.  
Propertius IV, 10.

*Seu quia victa suis HUMERIS huc ARMA ferebat,*  
*Hinc Feretri dicta est ara superba Jovis.*  
Sil. Italicus II, 453.

*Tali sublimis dono, nova TEGMINA latis*  
*Aptat CONCUTIENS HUMERIS, celsusque profatur.*  
qui locus non me laedit: constructio enim est, *aptat humeris, non concutiens humeris*. quod si constructio esset *concutiens humeris*, nihil tamen adjuvaret hunc Statii locum, qui *peritiam* postulat, quam ex istis verbis efficere non potes; cum etiam *impe-ritissimus* armorum possit ea *concutere HUMERIS*. Ita Tacitus Hist. II, 22. *temere subeuntes cohortes Germanorum, cantu truci, et patrio more nudis corporibus, SUPER HUMEROS ARMA QUATIENTIUM*. Vides Germanos *quatientes arma super HUMEROS*: an ideo dixeris eos esse militaris disciplinae gnaros, quatenus

hoc faciebant? Non certe, sed contra: et hoc voluit Tacitus, qui TEMERE subeuntes eos dicit. *Humeris* igitur circumstantia est minime necessaria: nec opus fuit ut Quirinus doceret Crispinum *quater arma HUMERIS*, sed simpliciter *quater arma*, quod mox explicabimus. Depravatio latere videtur in ea voce, quae ad priorem versus partem reducenda est, hoc modo,

*Flectere Castor equos GYRIS, quater arma Quirinus.*

parum differentiae est inter *ro huëris* et *gyris* vel *goëris*; ita enim scribebant. Ausonius Eclogario p. 560.

*Octo et octoginta goëris, et super trihorio.*  
Recte vero *Flectere equos GYRIS*: hoc enim Artis et Scientiae equestris erat: unde paulo supra laudatur Troilus quod

GYRO breviorē minantes

*Eludebat equos:*  
et Ipse Castor Epiced. Patr. v. 139.

*Non toties victorem CASTORA GYRO*  
*Nec fratrem caestu virides plausere Therupnae.*  
Virgilius Georg. III, 115.

*Frena Pelethronii Lapithae GYROSQUE dedere*  
*Impositi dorso, atque equitem docuere sub armis*

*Insultare solo, et gressus glomerare superbos:*  
ubi notat Servius, *ut cum DISCIPLINA incedant. Equitem ibi est equum*. Hunc Virgilii locum imitatur Manilius V, 636.

*Hic glomerabit equo GYROS.*  
Ovidius Met. VI, 224. de filiis Niobae:

*E quibus Ismenos, qui matri sarcina quondam*  
*Prima suae fuerat, dum certum FLECTIT in ORBEM*

*Quadrupedes cursus, etc.*  
id est, dum *gyro flectit equum*. Lucanus I, 425.  
*Optima gens FLEXIS in GYRUM Sequana frenis.*  
Tibullus IV, I, v. 91.

*Aut quis equum celerem artato compescere freno*  
*Par sit, et effusus tardo permittere habenas?*  
*Inque vicem modo directo contendere cursu;*  
*Seu libeat curro brevius compellere GYRO.*  
et v. 206.

*mutata figura*

*Seu me fuget equum GYRO percurrere campos*  
*Doctum, seu, etc.*  
ita optime emendavit Heinsius pro *rigidos percurrere*. vide ibi politissimum Broukhusium affatim exemplorum suggerentem. Ovidius Heroïd. IV, 79.

*Sicce serocis equi luctantia colla recurvas,*  
*Exiguo FLEXOS miror in ORBE pedes:*  
in orbe, id est, *gyro*. Manilius V, 73.

*Stare leri curru moderantem quatuor ora*  
*Spumigeris frenatu lapis, et FLECTERE equorum*  
*Prævalidas vires, et torto stringere GYRO.*  
Tacitus de Mor. Germ. c. VI. *Equi non forma, non velocitate conspicui: sed nec variare GYROS in morem nostrum DOCENTUR*. Recte igitur *flectere equos GYRIS*: in hoc enim constat peritia  $\pi\eta\varsigma$   $\lambda\alpha\pi\alpha\tau\iota\mu\eta\varsigma$ ,



non simpliciter in *flectendo equos*. Dicit Statius: Mars et Minerva monstrabunt tibi *τὰ Τάξιν*, seu rationem disponendi exercitus, ut loquitur Nazarius Panegr. c. 28. Castor, *equitandi artem* et scientiam: Romulus, *arma* cum agilitate *vibrare*, et dexteritate quadam et decore tractare: hoc enim vult per *quatere arma*. *Arma tractare* Horatius Epist. I, 18.

adde, *virilia quod SPECIOSIUS ARMA*

*Non est qui TRACTET.*

et Seneca Epist. 88. *An liberale studium istud esse iuventuti nostrae credimus, quam majores nostri rectam exercebant, hastilia jacere, sudem torquere, equum agitare, arma tractare?* Vegetius de Re Militar. lib. I. Tractare scutum, et obliquis ictibus (f. actibus) *venientia tela deflectere, plagam prudenter vitare, audacter inferre*. vide Cic. de Orat. III, 52. et 54. Ovidius Met. XII, 498.

*ARMAQUE CONCUSSIT, certumque equitavit in orbem.*

Petronius:

*Mox et Socratico plenus grege, mutet habenas  
Liber et ingentis QUATIAM Demosthenis ARMA.*

Utrumque tamen mihi adblaudiat haec conjectura, nihil in Contextu mutare sustinui, quia aliter Eruditionibus forte visum erit. Pro *Flectere* et *quatere* Parm. et Rom. *Flectet* et *quatet*, quod in Editionem suam admisit Cruceus, satis poenarum hoc nomine daturus Gronovio Elench. Antidiatr. c. VI. cum *quatet* sumserit pro *quatiet*.

v. 130. *QUIS tibi tam tenero, etc.?* Ita omnes Editiones: sed extra dubium posita est emendatio Dan. Heinsii, *legentis et distinguentis, humeris quatere arma Quirinus,*

*QUI tibi tam tenero, etc.*

quae tamen Cruceo non placere potuit, quia *Quirinus* seu *Romulus* non tam apte diceretur permittere ancilia Saliis, quam *Mavors*, cujus illi erant Sacerdotes. Hunc refutat Gronovius Diatr. c. L. et docet elegantissime dici de Romulo, quod honores conferat Patri suo Marti sacros: et hoc exemplis instruit. Verissimum est QUI. [Ita et Veneta. Ex ADD.]

v. 131. *NUBIGENAS clipeos.* Hoc etiam debetur eadem Dan. Heinsio, cum ante legeretur *NUBIGEROS*, de qua voce miras nugas agunt Morellus et Cruceus post Domitium, qui etiam conjicit *NUBIGENUM Jclipeos*, id est, inquit, *ingentes, quales gestarunt Centauri nubigenae*. Nihil verius Heinsii emendatione; cui adludit Parmensis, quae habet *NUBIGERAS. nubigenae clipei sunt ancilia Ἀνομήν, lapsa ancilia caelo*, ut eos vocat Virgilius, citatus a Gevartio ad hunc locum. sic *nubigenae amnes* Theb. I, 365. *nubigenae Centauri* Theb. V. ex Virgil. Aen. VIII, 293. *Tu nubigenas, invicte, binembresq. etc. nubigenae biformes*, iidem Claudiano lib. I. in Rufinum. Sic *Phoebigena Augustus* Sidon. Apollinar. Carm. II, 125. *Martigena* ibid. v. 396. *aurigena* de Perseo, Praefat. Carm. VI.

*cum matrem inpleret filius aurigena.*

*flammigena fur*, Cacus, Carm. XIII. *nubigenas nimbos*. Prudentius Hamartig. v. 486. Apuleius de Mun-

do: *Sed caelum ipsum, stellaeque caeligenae, omnisque siderea compago, Aether vocatur*: ita legendum: vulgo *caeligerae*. sic *venti terrigenae*, eodem libro.

ibid. *intactaque caedibus ARMA.* Nondum ex toto cum sanitate et elegantia convenit hic versus. Vide enim praecedentia: *Quirinus monstrabit tibi quatere ARMA, utpote qui jam tibi permiserit gestare clipeos et ARMA intacta caedibus*. Amove hanc a Statio pauperiem non suam, et repono,

*Nubigenas clipeos, intactaque caedibus AERA;*  
ex Virgilio nempe Aen. II, 734.

*Ardentes CLIPEOS, atque AERA micantia cerno.*  
*aera et clipei* paene idem sunt hoc Statii loco. Lucetius II, 635.

*Cum pueri circum puerum pernice chorea  
Armati in numerum pulsarent aeribus AERA,  
Ne Saturnus eum malis mandaret adeptus:*

de Curetibus loquitur: haec autem *aera* quae illi pulsabant, *clipeos* disertim vocat Ovidius Fast. IV, 209. de iisdem:

*Pars CLIPEOS sudibus, galeas pars tundit in-*  
*anes:*

*Hoc Curetes habent, hoc Corybantes opus.*

Horatius Carm. I, 16.

*non acuta*

*Si geminant Corybantes AERA.*

Diomedes lib. III. p. 474. *Hi namque in insula Creta Jovem custodiendo ne vagitu se parvulus proderet, lusu excogitato genere clipeolis AENEIS inter se concurrentes, tinnitu aeris illisi, rhythmica etiam pedis dactyli compositione, celavere vocem infantis.* Recte igitur *aere* pro *clipeis*: praesertim vero de his *Ancilibus*, quae ex *AERE* factae erant; unde Dion. Halicarnass. Antiq. II, 8. *ΧΑΛΚΙΝ ΠΕΛΤῶΝ ΑΕΡΕΑΜ* *pellam* vocat eam quam caelitus delapsam fingeat Numa: ad cujus figuram reliquae factae erant. Propertius IV, 2. clare:

*At tibi, Mamuri, formae caelator AENAE*

*Tellus artifices ne terat Osca manus!*

Recte igitur *AERA* haec *Ancilia*. Mirus de his *Armis* error Cassiodori Praefat. Lib. de Orthographia, inter Vet. Grammat. Putschii, p. 2279. his verbis:

*Arma virumque cano:*

*ubi totius operis summa conclusa est: Arma enim ANCILIA, Virumque Virgilius dicturus est.* Confundit arma Aeneae cum *Ancilibus*.

v. 134.

*an aestiferis Libyae SUDABIS IN ARVIS?* Ex hoc loco corrigendus alter Propempt. Celer. v. 123. de quo monere oblitus sum:

*Nec norus hospes erit: puer hic SUDAVIT IN ARVIS*

*Notus adhuc tantum majoris munere clavi:*  
ita legendum; vulgo, *puer hic sudavit in ARMIS.*

v. 137.

*et UNDOSO circumflua conjuge Peuce.* N. Heinsius ad Val. Flaccum IV, 729. hunc locum ita citat:

*Et UMBROSO circumflua conjuge Peuce:*

et sane Edit. Parm. habet *UMBROSA*: Rom. *UMBROSO*: sed perperam. *undosus conjux* est *Ister*, qui circum-

Aaa



fluit Peucen: elegantissime dictum. Noster Theb. IV, 708.

*Et PATRIS UNDOSI sonitus expectat hiulca*

*Aegyptos:*

id est *Nili*. Sidonius Apollinaris Carm. V, 29. de Ilia et Tibride:

*Liquenti quae juncta toro, vult murmura lymphis*

*Tollere, et UNDOSI somnum servare MARITI.*

UNDOSUS hostis Herculis, de Acheloo, Idem JCarm. XIV. Sic undosi Diis Propertius III, 20.

*Ergo ego nunc rudis Adriaci vehar aequoris hospes,*

*Cogar et UNDOSOS nunc prece adire Deos:*

ita legendum; vulgo UNDISONOS: male. undisonum est ἀλλυπον, quod undis strepit et sonat, ut SAXUM undisonum Val. Flacco IV, 44. Psamathe undisona I, 364. MALEA undisona Nostro Achilleid. I, 408. quod DIIS non adeo commodum videtur. Sic Thetis mater AQUOSA Achillis, Ovid. Heroïd. III, 53.

*Tu mihi juratus per numina MATRIS AQUOSAE*

*Utile dicebas ipse fuisse capi.*

Claudianus de Rapt. Pros. III, 15.

*LIQUIDIS incumbunt PATRIBUS udae*

*Naïdes.*

Lucanus VI, 362.

*nec fortior UDUS*

*Labitur avectae PATER Isidis:*

ita legendum; vulgo, nec fortior UNDIS: vide locum. Vers. 138. pro SOLYUM Domitii Codices habuerunt SOLIDUM: et ita Parmensis. recte restituit Domitius, adducto loco Val. Flacci init. lib. I.

*SOLYNO nigrantem pulvere fratrem.*

v. 145. NITIDAS speculas, castellaque longe

ASPICIS? ille dedit; cinxitque haec moenia fossa.] Ita Editiones, NITIDAS speculas, epitheto parum apto. Vetusta vero Parmensis habet VIDES speculas: unde N. Heinsius ad Val. Flaccum V, 536. elicit, VIDEN? HAS speculas: quod mihi quoque in mentem venerat. Uterque frustra: si enim VIDES has speculas, quare τὸ αὐτὸ, ASPICIS castella, id est, VIDES castella? Non ita scriberet Statius; nec τὸ speculas relinqueret sine Epitheto, quod latet sub voce VIDES. Recte emendavi,

*VIGILES speculas, castellaque longe*

*Aspicis?*

VIGILES vocat speculas, vel quia in iis vigilabant et excubabant speculatores, qui rerum novarum vel tumultus alicujus vel hostilis adventus signum darent, ut Ovid. Trist. IV, 1.

*Nam dedit e SPECULA custos ubi signa tumultus*

*Induimur trepida protenus arma manu.*

quo alludit Auct. Consol. ad Liv. Augustam, v. 61. de Augusto:

*Ille VIGIL, summa sacer ille locatus in arce*

*Res hominum ex tuto cernere dignus erat.*

Noster Theb. X, 491.

*Ni Megareus SPECULA citus exclamasset ab alta, Chaulide, Vigil; subeunt hostes.*

Q. Curtius IX, 9. Non tamen invictum animum curae obrunt, quia TOTA NOCTE praesideret in SPECULIS. Apuleius Miles. IV. Nec juxta quidquam quam parva casula cannulis temere conlecta: quo SPECULATORIS e numero latronum, ut postea comperi, sorte ducti NOCTIBUS EXCUBABANT. Clare vide VIGILES speculas. Vel quia ignibus perpetuis nocturnis instructae erant hae speculae: qui ignes vigiles dicuntur, utpote qui nunquam sopiuntur seu extinguuntur. Ovidius Fast. VI, 267.

*Vesta eadem est, quae Terra: subest VIGIL IG-NIS utrique:*

id est nunquam extinctus. Statius Theb. VIII, 266.

*Incertaeque faces, et jam male PERVIGIL IGNIS:* id est paene extinctus. Sic vigil custodia Claudian. IV. Cons. Honor. et Ovid. Met. XII, 148. perpetua, quae non cessat: et similia multa. Ignis vero e speculis elatos esse, notissimum. Noster Theb. XII, 251.

*Cernis, ut ingentes murorum porrigat umbras Campus, et e SPECULIS moriens intermicet IG-NIS.*

Lucanus VI, 278.

*vix praelia Caesar*

*Senserat, elatus SPECULA quae prodidit IGNIS.* utrovis igitur sensu sumas, verissimum est VIGILES speculas. [Ven. vitae specula. Non muto conjecturam, vigiles speculas. EX ADD.] Quod vero sequitur, castellaque LONGE ASPICIS, satis ridiculum. non enim LONGE aliquid ASPICIMUS, sed PROSPICIMUS: castellaque longe Prospicis: ex sensu scilicet communi, et Virgilio Aen. XI, 909.

*Ac simul Aeneas fumantes pulvere campos*

*PROSPEXIT LONGE, Laurentiaque agmina vidit.*

JNoster Theb. V, 589.

*modico super aggere LONGE*

*Pallida sanguineis infectas roribus herbas*

*PROSPICIT.*

Horatius:

*Laudaturque domus longos quae PROSPICIT agros:*

Tacitus Hist. V, 6. Ab occasu, Phoenices et mare: Septentrionem e latere Syriae LONGE PROSPECTANT. De commutatione harum vocum dixi fusius ad II, 2. v. 45. et vide Heinsium ad Claudian. Pr. Cons. Stilich. II, 253. Potes etiam legere LONGA pro LONGE, Sequitur: ILLE DEDIT: Pro quo Heinsius ad dictum Val. Flacci locum reponit, INSEdit, cinxitque haec moenia fossa: cum, inquit, nihili sit ille dedit. Immo vero optimum, et sensui necessarium. Monstrator Britannus Crispino enumerat beneficia patris ejus Bolani in eos: Videsne, inquit, istas speculas, ista castella? ILLE, pater tuus, nobis ista DEDIT; et cinxit nostra haec moenia fossa, quo ab incursum hostium tuti essemus. Nihil planius. Dedit castella, ut Virgilius Aen. X, 200.

*Qui NUROS matrisque DEDIT tibi, Mantua, nomen.*

Ovidius Met. XIV, 172.

*Quod loquor, et spiro, caelumque et sidera solis  
Respicio, (possimne ingratus et immemor esse?)  
ILLE DEDIT.*

Martialis IX, 103.

TEMPLA Deis, mores populis DEDIT, otia ferro.  
Nihil igitur mutandum.

v. 148. hunc ipse VACANTIBUS armis

[Induit.] Idem Heinsius ad eundem locum Val.  
Flacci V, 536. legit,

hunc ipse, VOCANTIBUS armis,

Induit.

Recte: quare enim indueret thoraca Bolanus, VACANTIBUS armis, cum nullum esset bellum? Hanc etiam emendationem repetit Heinsius ad Sil. Italicum X, 112. et ad Claudianum de IV. Cons. Honor. v. 318. Nec de ea dubitandum est. Val. Flaccus III, 341.

*Quas rapuit telis festina, VOCANTIBUS austris,  
Hypsipyle.*

Claudianus Laud. Seren. v. 214.

saeva VOCANTIBUS arma

Jam lituis.

Prudentius in Symmach. I.

*Nec tremulis, cum bella VOCANT, capit arma  
lacertis.*

Sil. Italicus XVI, 699.

*Talibus accensi Patres, fatoque VOCANTE,  
Consulis annuerunt dictis.*

ita ventus VOCARE rates poëtis passim dicitur. Pro thoraca Parm. tribracta, [Ven. tributa. EX ADD.] Domitius in suis invenit thoraca et tributa; unde pessime fecit et edidit vibrata, ut ad praecedens tela referretur haec vox. Quid vero fecerit vñ hunc? Verum est thoraca: nisi sub Parmensis lectione lateat aliquid. Recte vero et proprie RAPUIT thoraca regi Britanno: unde emendandus Virgilius Aen. VI, 860. de Marcello,

*Tertiisque arma patri suspendet RAPTA Quirino:*  
ita enim legendum, non CAPTA. Et scio quid dicat Servius more et judicio suo, CAPTA Quirino.] *Qualia et Quirinus CEPERAT, id est, Romulus.* Sed aliud est CAPERE arma ab aliquo, aliud, RAPERE alicui. Ipse Virgilius litem hanc discernet, Aen. X, 449.

*Aut spoliis ego jam RAPTIS laudabor opimis  
Aut leto insigni.*

et mox, v. 462.

*Cernat semineci sibi me RAPERE arma cruenta.*  
et sic ceteri poetae passim. Scio etiam quid objici possit ex Livio XXIII, 46. Sed ibi Antithesis postulabat caperet, ut respondeat vñ daret. Noster Theb. X.

Ismenos RAPTIS timet Hippomedontis opimis.

v. 150. *victricia bella PARENTIS.*] Sic omnes editiones. Sed extra ordinem laudanda est et admittenda praeclara Morelli emendatio:

*Qualiter in Teucros victricia bella PARANTI*

*Ignotum Pyrrho Phoenix narrabat Achillem.*

Sine hac nec sensus nec constructio constat: unde miror Gronovium in Diatriba et in editione sua nul-

lam hujus rationem habuisse. Certe meruit. Sil. Italicus XVI, 9.

*tremis omnis ab alto*

*Prospectans scopulo pastor nova bella PARANTEM.*

¶ Noster Theb. II, 546.

*nec tanta putat sibi bella PARARI.*

v. 152. *Felix, qui viridi fidens OPTATA juvena  
Durabis quascunque VIAS.*] Ita nonnullae editiones, plures OPTATE: aequae mendose, quippe aequae sine sensu. Lege,

*Felix, qui viridi fidens COEPTAEQUE juvena:*

ut Genethliaco Lucani v. 64.

*Mox COEPTA generosior juvena*

*Albos ossibus Italis Philippos*

*Et Pharsalica bella detonabis.*

Propertius III, 7. v. 57.

*Mollia tu COEPTAE fautor cape lora juvenae,  
Dexteraque inmissis da mihi signa rotis.*

Catalecta Pithoei:

*Occidit infelix COEPTAE modo flore juvenae:*

ita legendum pro *coepto*: flore juvenae modo COEPTAE. et ita hunc Statii locum emendasse sero video N. Heinsium ad Sil. Italic. II, 463. Sed nec adhuc ex toto sanus est locus. Stulte enim dixeris VIRIDI COEPTAEQUE juvena, cum ille qui VIRIDI sit juvena necessario non solum fuerit COEPTA, sed etiam aliquatenus PROPECTA juvena. Dixisse debuit, si per verum licuisset, *Felix, qui VIRIBUS fidens, COEPTAEQUE juvena*: vel, *MERITIS fidens*, vel tale quidpiam. nisi malis, *Felix qui viridi fidens, CRISPINE, juvena*: vel, *viridi fidens XAVAEQUE juvena*. Sed hoc est nugari; et adhuc mendosum puto locum. Quae nam vero sunt hae VIAE quas duraturus erat Crispinus? an itinera? minime vero invidenda sors, nec adeo *felix* Crispinus, si *viridis* juvena VIIS et itinibus impendenda erat. Lege,

*Durabis quascunque VICES:*

id est, quaecunque negotia, quaecunque sortem, quaecunque fortunam. Ita Epist. ad Marcellum v. 48.

*Sed viget ingenium et magnos accinctus in usus  
FERT animus QUASCUNQUE VICES:*

Claudianus dixisset,

*Novi consilium, novi Stiliconis in omnes  
Aequalem CASUS animum.*

Pietat. Abascent. v. 78.

*digna evolvere tantas*

*Sobria corda VICES:*

et v. 99.

*Mille etiam praeosse VICES.*

Tibullus I, 9.

*Aut operum varias disposuisse VICES.*

Virgilius Aen. II, 432.

*Testor in occasu vestro nec tela nec ulla*

*Vitarisse VICES Danaum:*

ex quo loco restituendus forte aliter ejusdem libri v. 730.

*Jamque propinquabam portis, omnemque videbar  
Erasisse VICEN:*



ita, inquam, mihi videtur legendum pro VIAM: omnem vicem, id est, omnem casum, omne periculum, ut bene Servius explicat ad locum modo adductum. Solemnis vero harum vocum commutatio, cum nulla sit differentia in libris MSS. inter *a* et *ce*. Inde est quod Georg. I, 417. adhuc in omnibus editionibus legatur *Mutavere vias*, cum plane legendum sit *Mutavere vices*:

*Verum ubi tempestas et caeli mobilis humor*

*Mutavere* VICES,

ut apud Horatium *mutat terra vices*, et alios passim: sensu, inquam, hoc postulante. Inde idem mendum apud Tibullum II, 6. v. 35.

*Illa gerat vestes tenues quas femina Coa*

*Texuit, auratas disposuitque vias:*

ubi Broukhusius ad sensum optime interpretatur, *vestem auro variegatam, virgis aureis inter telas procurrentibus*. hoc vero non est *auratas vias*, sed *vices*. Citat quidem Servium ad Virgil. Aen. VIII, 660. VIRGATIS LUCENT SAGULIS. Quae habebant in virgarum morem deductas VIAS. Nescio qua Servii editione usus fuerit Vir elegantissimus, sed in optimi editione non *vias*, sed *strias* legitur; et haec est vera et indubitata lectio. Eleganter igitur *auratas vices* appellat Tibullus virgas et strias aureas, hoc eruditus evincet sola vox *disposuit*. Virgilius dixisset, *tenui telas discreverat auro*.

Statius Theb. XI.

*Stamina purpureae sociaverat aurea telae.*

Claudianus de Hystrice:

*alternantesque colorum*

*Tincta vices.*

Lucanus II, 354.

*Igradibusque acclinis eburnis*

*Stat torus, et piety vestes discriminat auro.*

*alternum textum vocat* Plinius N. H. IX, 35. Val. Flaccus III, 10.

*conjug Percosia vestes*

*Quas dabat, et piety Clite variaverat auro.*

De commutatione harum vocum vide Burman. ad Val. Flaccum I, 283. et in scriptis Criticorum saepe inveneris. Pro *vallumque* subibis Parm. *vellamque* sub illis: Rom. *veniamque* sub illis.

v. 154. Forsan et ipse latus (sic numina principis adsint) Cinetus.] Cinetus latus Quo? nemo enim absolute dici potest Cinetus latus, nisi simul denotetur instrumentum quo cingitur. Lege,

*Forsan et ENSE latus:*

nihil certius. Seneca Hippol. v. 544.

*Non erat gracili levis*

*Armata ferro cornus, aut longo latus*

*Mucrone cingens ENSIS:*

Noster Thebaid. I, 428.

*Forsan et accinctos lateri (sic ira ferebat)*

*Nudassent ENSES: IV, 40.*

*Inter adhortantes vix sponte incedit Adrastus*

*Contentus FERRO cingi latus: arma ministri*

*Pone ferunt:*

Ita legendum puto; vulgo, *arma manipli*. Ovidius Amor. III, 8.

*ENSE latus cinctum, quod tibi scribit, erat.*

Idem Fast. II, 784.

*ENSE latus cingit, tergaque pressit equi.*

Sil. Italicus IX, 296.

*Contra cincta latus FERRO Saturnia Juno.*

Propertius III, 12.

*Gyrum pulsant equis, niveum latus ENSE revincit,*

*Virgineumque cavo praetegit aere caput.*

Petronius Satyricon c. 82. *Haec locutus GLADIO latus cingor, et, ne infirmitas militiam perderet, largioribus cibis excoito vires*. Satis haec exemplorum. Prima syllaba EN amissa erat in praecedente ET. Deinde, pro sic legendum SI: si adsint numina principis, id est, Si faveant; ut IV, 8. loco huic simillimo,

*Si modo prona bonis invicti Caesaris ADSINT*

NUMINA:

et hoc itidem ex Virgilio Aen. III, 116.

*modo Jupiter adsit*

*Tertia lux classem Cretaeis sistet in oris.*

Val. Flaccus II, 377. ubi Hercules Jasonem objugat,

*Quid? et ipse viris cunctantibus adsit?*

*O miseri quicumque tuis accessimus actis!*

ita distinguendum et legendum; vulgo, *Quid et ipse ADSIT*. Quisnam vero fuit *unanimus amicus*, cuius comes futurus erat Crispinus, nescius sum. Vers. 156. pro Quo Parm. Quae. et 157. pro haec eadem et.

v. 159. HINC votis ANIMUM precibusque JUVABO.] Nullum commodum sensum extrahere possum ex his verbis. Pronum fuit, HUNC votis ANIMUM: sed nec hoc perspicuitate Statiana dignum. Tentabam etiam, Hoc votis OMEN. Sed et hoc spongiae incubuit. Tandem mihi satisfacio:

*nos fortior aetas*

*Jam fugit; hinc votis TANTUM precibusque JUVABO:*

respondent haec superioribus: Tu fidens viridi juvenita durabis quaecunque sortem; Nos fortior aetas jam fugit; et hinc est quod votis tantum precibusque juvare possum, cum corpore non possim. Si haec non placeant, despero. Ne vero te terreat nos et juro: his enim subitis personarum mutationibus nihil frequentius. Ita Iacrim. Etrusc. v. 37.

*Nos non arsura feremus*

*Munera; venturosque tuus durabit in annos,*

*ME monstrante, dolor.*

Calpurnius Eclog. VII, 79.

*O utinam NORIS non rustica vestis inesset,*

*VIDISSEM propius MEA numina!*

Ovidius Heroid. III, 11.

*Alter in alterius jactantes lumina vultum*

*Quaerebant taciti VESTER ubi esset amor:*

ita legendum ex sensu; vulgo, NOSTER. vester id est tuus: supra dixerat TE et TUA, numero singulari: jam personam mutat, ut Heroid. IX, 1. Deianira Herculi,

*Gratulor Oechalium titulis accedere VESTRIS;*

statim [subjicit, fama Decolor, et factis inscienda tuis. pro votis Parm. notis.

v. 160. *Hei mihi, sed quaestus solitos si forte ciebo.*] Domitius explicabat *lucra*, quia Statius ex recitationibus *victum quaerebat*. Gronovius Diatr. c. 50. mavult *QUESTUS*, ut per modestiam carmina sua *questus* appellet Papinius; ut *questus avium*, alihi. Damnat tamen hanc conjecturam in Reliq. ad Silv. et reponit *COETUS solitos*: et hoc verum. Suetonius August. c. 85. quo nos relegat Gronovius: *Multa varii generis proxa oratione composuit; ex quibus nonnulla in COETU familiarium, velut in auditorio recitavit*. Apuleius in Floridis: *imber repentino coortus, ita ut mihi ad vos venit usu nuperrime, differtum auditorii COETUM distulit*. *Ciere COETUS est convocare auditores*. Supra Epithal. Stell. et Violant. v. 235. hae voces pariter commutatae. Adhuc tamen hunc locum turbant duae Adversativae, *SED coetus solitos*, et quae statim sequitur *SED venies melior*. Forte:

*Hei mihi, quod, coetus solitos si forte ciebo,  
Tu deeris, Crispine, mihi:*

ita Epiced. in Patr. v. 225.

*Hei mihi quod tantum patrias ego vertice frondes*

*Te sub teste tuli:*

Ad uxorem v. 60. loco simillimo,

*Heu nunc illa tenens viduum quod sola cubile*

*Otia tam pulchrae terit infocunda juventae!*

*SED venient, plenis venient connubia taedis.*

Thebaïd. tamen XII, 340.

*Hei mihi, SED quanto descendit vulnus hiatus!*

Nihil igitur mutandum. Pro *Hei Parm. Et*, id est *Ei*, vel *Hei*. Rom. *Heu*. et pro carmina v. 161. Parm. crimina. Vers. 162. pro deeris Parm. dederis.

v. 166. *CINGETQUE superbis Fascibus.*] Ita Editiones. Codex vero Salisb. *CINGITQUE*: unde Gronovius Reliq. ad Silv. legit,

*Idem omnes perferre gradus, CINCIGUE superbis Fascibus, et patrias dabit insedisae curules.*

Quod manifesto verum est, cum in altera lectione nulla sit constructio. Parmensis plane habet *CINCIGUE*. Vers. 170. pro *Proximus ille DEUS*, potes legere *DEIS*. ita Gratius Cynegético:

*Deus ille, an PROXIMA DIVIS*

*Mens fuit?*

et videtur imitari hunc locum Claudianus in Sec. Cons. Stilich. v. 130.

*PROXIME DIS Consul, qui tantae prospicis Urbi.*

Eutropius lib. VIII. de Traiano: *Ob haec per orbem terrarum DEO PROXIMUS nihil non venerationis me-*

*ruit et vivus et mortuus*. Justinus VIII, 2. *Dignum itaque qui DIIS PROXIMUS haberetur, per quem Deorum majestas vindicata sit*: de Philippo Macedone. Vell. Paterculus II, 35. de M. Catone: *Homo virtuti simillimus, et per omnia ingenio DIIS quam hominibus PROPIOR*. Sed nihil muto: Statius enim *DIIS* tantum non concessisset, ut Domitiano superiores essent. unde Pietat. Ahasc. v. 38. de eo: *humanos PROPIOR JOVE digere actus*.

v. 175. *tantisque ENIXUS suffice donis.*] Si vox *enixus* recte habet, constructio est, *enixus tantis donis, suffice* tantis donis. Quod nescio an defendi possit. *enixus* est *fretus, fissus*, ut apud Tacit. Annal. XIV, 28. *fratris opibus ENIXUS*. Sed mihi multo magis placet

*tantisque ELECTUS suffice donis:*

quasi dixisset, Hoc maxime industriam tuam accendat quod *ELECTUS* es, non *FORTUITO* Fortunae favore proventus. Alterum prae hoc friget. Ita Achill. I, 365.

*ultro etiam veneratur supplice dextra*

*Et grates ELECTUS agit:*

seil. Chiron, quod eum praecipue elegerat Thetis cui Achillem mandaret. Ita etiam Achill. II, 336. Paris dicitur

*ELECTUS formae certamina solvere pastor*. Sidonius Apollinaris Carm. VII, 554.

*Cannas celebres Varrone fugato*

*Scipiadumque etiam turgentem funere Poenum*

*Livius ELECTUS fregit.*

Plinius Epist. II, 13. de jure trium liberorum loquens: *quod quanquam parce et cum delectu daret, mihi tamen, tanquam ELIGERET, fūdulsit*. Eleganter Trajanus Plinio X, 29. *Provinciales, credo, prospectum sibi a me intelligent: nam et tu dabis operam ut manifestum sit illis, ELECTUM te esse qui ad eosdem mei loco mittereris*. Ex supra citato loco Achilleid. II, 336. de Paride, restitui potest alter ejusdem argumenti, Sil. Italici VII, 440. ex eo desumptus:

*Audivit sacrae LECTUS certamina formae:*

ubi vulgo legitur *LENTUS*. Mox v. 178. ita distingue: *Non minus hoc fortis, quam si tibi etc.*

vulgo,

*Non minus hoc, fortis quam si etc.*

vitiose: quippe frigide dicitur *ipse fortis Bellipotens*. Sensus est, hoc fortitudinis et virtutis tuae non minus indicium est, quam si Ipse Mars tibi castra recluderet et Ipse manibus suis tibi arma indueret. Vers. 176. pro *TORVA casside*, quod verum est, omnes ante Gronov. editiones habent *TORTA*: nisi quod Parm. *TORTIVA*: Rom. *TORVI*. Vers. 177. *primum ensem* optime explicat Dodwellus Annal. Stat. c. LIX.



## E C L O G. III

EPICEDION IN PATREM.] Ita editiones. Sed hoc nimis generale est, et cuius Patri convenit: unde Parmensis bene addit SUUM, *Epicedion in Patrem SUUM*: et ita edidi.

v. 3. *Da, genitor PERDOCTE, lyrae.*] Non inter optima epitheta istud *perdocte*. Mallem,

*Da, genitor PRAECLARE, lyrae.*  
ut apud Horatium Serm. I, 6.

*Non patre PRAECLARO, sed vita ac pectore puro.*  
et infra, v. 110.

*Hoc ego commodius quam tu, PRAECLARE Senator.*

Claudius in Sec. Cons. Stilich. v. 174.

*Hanc tu cum Superis, Stilicho PRAECLARE, tu-eris.*

Parmensis habet *pdocte*, virgulâ per caudam τὸν p ductâ; quo modo voces *per, prae*, et *pro* in antiquis libris concipiuntur. *docte* et *clare* facile mutari potuerunt propter coalitionem literarum *cl* in *d*, ut saepe fit. [Ven. *praedocte*: quod isto melius est; licet neutrum valde placeat. R. ADD.] Certius istud quod sequitur, nempe pro MOVERI legendum MOVERE: *neque enim fas est mihi antra Delia movere aut Cyrrham impellere sine te*. hoc Constructio postulat: si enim retineas *moveri*, dicendum quoque foret *impelli*. Pro *Te sine Parm. Desine*: et ita Codd. Dimitti, qui recte emendavit *Te sine*.

v. 8. *funestamque ederis irrepere taxum*  
EXTIMUI, trepidamque nefas arescere laurum.]  
Vide an non legendum sit,

*funestamque ederis irrepere taxum*  
SUSTINUI:

id est, *passus sum, permisi*. Ovidius Amor. I, 7.

*At nunc SUSTINUI, raptis a fronte capillis,  
Ferreus ingenuas ungue notare genas.*

Heroid. V, 32.

SUSTINET Oenonen deseruisse Paris.

Auctor Consolat. ad Liv. Aug. v. 393.

*Adde quod est absens functus: nec cernere nati  
Semineces oculos SUSTINERE tui:*

Phaedrus IV, 15.

*Hoc argumentum monet, ut SUSTINEAS tibi*

*Habitu esse similes, qui sunt virtute impares.*

ubi vide Schefferum et Burmannum. Nec placet istud TREPIDAM laurum: et multo melius scripsisset PARTAM laurum: quod verum puto. Monstrum plane est quod sequitur,

CERTE ego magnanimum etc.

in quo et sensum et latinitatem frustra quaesiveris. Ne longum faciam, sic lege et distingue totum locum:

*funestamque ederis irrepere taxum*

*Sustinui, partamque (nefas) arescere laurum*

*ILLE ego magnanimum qui facta attollere regum  
Ibam altum spirans, Martemque aequare canendo.*

Audaculus affirmo non aliud scribere potuisse Statium,

quam *Ille*. Emphaticum quiddam est in isto *Ille ego*, et quod indignationem exprimit. *Ille ego qui*, ut Epiced. in Puer. v. 38.

*Ille ego qui toties blandus matrumque patrum-que*

*Vulnera, qui vivos potui mulcere dolores,  
Deficio.*

Thebaid. IX, 434.

*Ille ego clamatus sacris ululatus amnis  
Qui molles thyrsos Baccheaque cornua puro  
Fonte lavare seror, stipatus caedibus artus  
In freta quaero vias.*

Ovidius Heroid. XII, 105.

*Ille ego, quae tibi sum nunc denique barbara  
facta,*

*Nunc tibi sum pauper, nunc tibi visa nocens,  
Flammea subdixi medicato lumina somno*

*Et tibi, quae raperes, vellera tuta dedi.*

Epitaphium vetus apud Reinesium Inscr. p. 854.

*Ille ego qui vixi bis deo circine solis*

*Ore genas tenero vernans, et robore pollens,*

*Miles eram, sum deinde civis ex milite factus.*

Plinius Epist. I, 6. Ridebis, et licet rideas. Ego Plinius ILLE, quem nosti, apros tres, et quidem pulcherrimos, cepi. Sil. Italicus XI, 177.

Ille

*Dardanius cui sacra pater, cui nomina liquit*

*Ab Jove ducta Capys, magno cognatus Iulo,*

*Ille ego semihomines inter Nasamonas et inter*

*Sacrum atque aequantem ritus Garamanta fe-  
rarum*

*Marmarico ponam tentoria mixtus alumno?*

Nota ista,

*Ille ego, qui quondam gracili modulatus avena*

*Carmen, et egressus silvis vicina coegi*

*Ut quamvis avido parerent arva colono,*

*(Gratum opus agricolis) at nunc horrentia Mar-  
tis*

*Arma virumque cauo.*

Quos ego versus non testimonii causa adduco, sed ut Virgilio abjudicem foetum non suum. praeter enim quod in MSS. plerisque vetustioribus non inveniuntur, testante Pierio, est et alia ratio qua patet ignari eundem et barbari interpolatoris esse, nedum Virgilii; ex constructione scilicet, quae haec esse debuit, prout exemplis adductis liquet: ILLE EGO QUI QUONDAM MODULATUS carmen avena, et egressus silvis COEGI arva ut parerent colono, NUNC arma virumque CAUO: non AT nunc: hoc enim modo tota sententia perturbatur. Mitto ineptum epitheton vicina: CUI enim vicina arva intelligit? an vicina silvis? ridiculum: quasi ad arva tantum silvis vicina pertinerent Virgilii Georgica! an Mantuae vicina arva voluit? sed et hoc aequè ridiculum, et ob eandem rationem. Scio quid de his versibus dicant Pierius, et Jul. Scalliger Poëtae lib. V. ad finem: sed nullae, quantumvis magnae, auctoritates, sensui communi praeponde-

rare debent. Sed ad pensum: a quo me abduxit amor Vatum Principis. Verissimum est ILLE ego pro CERTE ego: et pari fere modo commulantur voces CERTE et IPSE apud Ovidium Fast. II, 5. ubi pro

IPSE ego vos habui faciles in amore ministros, duo codices habent CERTE ego. Vers. 11. pro Martem Parm. Matrem.

v. 12. quis Apolline MERSO.

Frigida damnatae PRODUXIT nubila menti? Nic. Heinsius ad Sil. Italicum X, 411. pro MERSO legit VERSO, id est averso: optime. Noster Theb. X, 70.

Quid faciat? scit fata suis contraria fati, AVERSUMQUE Jovem.

Ovidius Amor. III, 12.

AVERSIS utinam tetigissem carmina MESIS,

PHOEBUS et incoeptum destituisset opus.

qui locus firmat emendationem meam supra Glauc. Melior. v. 26.

Infustus vates, VERSO mea pectora PHOEBO.

Plango lyra:

vulgo legitur, VEXO mea pectora TECUM: pro quo Parm. et Rom. VERSO. vide quae ibi notavi. Diversus Apollo eodem sensu apud Calpurnium Siculum Eclog. IV, 9.

Dulce quidem resonas, nec te DIVERSUS APOLLO Respicit, o juvenis.

[Pro corda Ven. vota. Ex ADD.] Deinde, pro produxit, idem ibidem legit praeduxit: et hoc itidem recte. Metaphora sumta est a Re Militari seu Obsidionali, in qua muri et fossae et lineae praeduci dicuntur. Lucanus IV, 45.

Munitumque latus laevo praeducere gyro.

et v. 264.

Tunc inopes undae praeducta cingere fossa Caesar ariet:

ita legendum; vulgo praerupta fossa. Seneca de Ira II, 8. praeductam obsessis parentibus fossam. et ita passim. Vers. 14. pro sonantes, Domitii codices sonantem; et ita Parmensis: sed male. Vers. 17. pro SURDA ferarum agmina, mallem, TARDAGmina; ut immotos lucos. Tarda, non nota, non sequentia, ut prius fecerunt. Sic apud Ovidium Heroid. VII, 27.

Ille quidem male gratus, et ad mea munera SURDUS:

tres libri habent TARDUS, quod praetulit Burmannus, quem vide. Mox, v. 19. pro TENDENS Constructio postulat TENDIS. si enim retineas tendens, dixisse debuit Statius membris EMISSUS ET in ardua TENDENS. Videtur ante oculos habuisse Lucanum, initio Lib. IX. de anima Pompeii. [Ven. dura sororum Agmina. Ex ADD.]

v. 23. NOTIQUE modos extendis Arati.] Humile nimis, nec Arato dignum epitheton. Lege, ut postea in Rom. [et Ven. Ex ADD.] inveni,

NOCTIQUE modos extendis Arati;

ita infra, doctus Battiaades, Callimachus. Recte vero extendis. Plinius Epist. IX, 10. In via plane nonnulla leviora statimque delenda, ea garrulitate qua sermones in vehiculo seruntur, EXTENDI. Ne-

mo igitur legat intendis, inductus loco Virgilii Aen. IX, 776.

numerosque intendere nervis:

nec expendis; quemadmodum citat Broukhusius ad Propert. III, 3. v. 48. Mox, v. 25. Concilia Heroum juxta, etc. imitatur Ausonius Parental. IV.

Et modo conciliis animarum mixte piorum:

ita legendum, pro piorum, sc. hominum; quod Gracivio placuit.

v. 29. Nam me ter relegens CAELO, terque ora relexens

Luna videt residem.] Constructio est: Nam Luna CAELO ter relegens ora, terque relexens, videt me residem. quo pacto abundat vox CAELO: ubi enim nisi caelo potuit Luna relegere et relexere ora? Lege:

Nam me ter relegens CAELUM, terque ora relexens.

Avienus Phaenomen. Arat. v. 971.

Sol istinc flammiger aethram

Jam relegit.

Prudentius Hamartig. v. 849. de Anima:

Concretum celeri relegens secat aëra lapsu,

Ersuperatque polum fervens scintilla remensum.

sic relegere pontum Sil. Italicus II, 20. relegere litora Virgil. Aen. III. Vide Heinsium ad Ovid. Met. VIII, 173. ubi jam video illum ita emendasse hunc Statii locum. Virgilius Culice, v. 283. de Luna:

et tu currentes, menstrua virgo,

Auditura lyram tenuisti, nocte relecta:

ita legendum; vulgo relicta. relegere noctem elegantissime dicit pro remeiri. tale mendum ex Horatio sustulerunt Heinsius et Bentleius, Carm. I, 34. cursus relectos: ubi ante legebatur relictos. Quid sit ora relexens discas ex Ovidio Met. VII, 530.

Dumque quater junctis implevit cornibus orbem

Luna, quater plenum TENUATA RETEXUIT orbem.

Eodem sensu deducere orbitam Luna dicitur Propertio II, 16.

Septima jam plenae deducitur orbita Lunae:

verbo itidem Textorio. Tibullus II, 4.

Nec refero Solisque vias, et qualis, ubi orbem

Complevit, versis Luna recurrit equis.

Haec contrarium resumere orbem Thebaid. I, 576. et recolligere ignes Seneca Oedipo v. 505. Pleni hac Metaphora poetae. inde etiam Apuleius Lib. de Mundo: Dierum etiam noctiumque curriculum ORDIENTUR menses; menses TEXUNT annos; anni seriem conficiunt saeculorum. Nota omnibus proprietates vocis ordiri. Vers. 32. pro hausi Parm. hausit: Rom. ausi. Haurire cineres idem quod legere. Ovidius Met. VIII, 538.

Post cinerem, cineres haustos ad pectora presant.

Ubique exempla. Vers. 33, pro in munera Rom. MI- ni munera. Primum animum ponit pro redeuntem a stupore, quo nimis dolor mentem ejus obnubilaverat, ut bene explicat Gronovius Diatr. c. LI. pro tacitis Parm. tacitus.



v. 35. *Nunc etiam LABENTE manu, NUNC lumine sicco.* Sic vulgo editur, LABENTE manu. Parmensis vero, *Nunc etiam HEBETANT manu*: [Ven. *hebetate*. EX ADD.] Rom. *HEBETANTE manu*. Scripsit Statius,

*Nunc etiam TREPIDANTE manu.*

Nimirum literae *tr* coaluerunt in *h*, quae ejusdem est ductus: unde pro *trepidante* factum primo *hepidante*, mox *hebetante*. Deinde, pro *NUNC lumine sicco*, quod in omnibus est, recte Gronovius Diatr. c. LI. *NEC lumine sicco*: et hoc postulat sensus: *manu trepidante et oculis non siccis*, id est *humidis*. Ita supra lyric. ad Juium v. 11. pro *NUNC major s'tis*, restitui, NLC. Contra Theb. IX, 370. de Nympha Ismenide, occisum in fluvio Crenaeum filium quaerentis:

*Scrutaturque manu galeas, et prona reclinat Corpora: NUNC ponto submersa intrabat amarum*

*Dorida:*

ita legendum; vulgo, *NEC ponto submota*, sine sensu. Sic et apud Virgilium Aen. IX, 140. loco ad intelligendum difficillimo:

*Sed periisse semel satis est. Peccare fuisset Ante satis, penitus modo NON genus omne perosos*

*Femineum:*

Picrius testatur in nonnullis antiquissimis Codicibus pro NON legi NEC. Scribe,

*penitus modo NUNC genus omne perosos*

*Femineum.*

Objecta est a parte Trojanorum, et Responsio ad Objectionem: „Dicit forte aliquis, Sed satis est Trojanos SEMEL periisse. Immo (inquit Turnus) non ad poenam solum sed etiam ad peccatum debes respicere, et dicere, satis fuisse Trojanis semel peccasse olim, dummodo NUNC non itidem peccent, modo NUNC penitus perosi sint omne genus femineum.“ Infert ergo: „Atqui non NUNC perosi sunt genus omne femineum; quippe bellum gerunt; pro Lavinia: ideo nec peccasse olim in hoc genere satis illis fuit; quippe et NUNC peccant: Ergo, nec periisse SEMEL satis est, sed et ITERUM debent perire, et quoties peccant.“ Haec est Argumentatio Turni: cujus sensum partim vidit Servius, qui haec notat: AT PERIISSE SEMEL.] Quasi obiectio est, ut si dicatur, Sed periisse semel satis est: immo vero semel satis fuit eos peccasse. ex quo colligitur, quoties peccaverint, toties eos perire debere. In verbis Servii ad v. 141. legitur NON: quod tamen corrigendum puto, NUNC; aliter non video quomodo huic loco constet sensus. Vers. 36. pro *molle quiescis* Parm. *mole*. et v. 38. pro *Solatus* Parm. et Rom. *Stellatus*: et Phrygius Rom. pro *Phrygio*: omnia perperam.

v. 41. *Hic ego te, (nam Sicanii non mitius etc.)*

*INSERUI cum laude LOCIS: SED carmine plango*

*Picrius.*] Inopportuna admodum Adversativa ista particula SED, cum nulla sit Oppositio inter hanc et priorem sententiae partem. Antiqua hujus vocis scriptura est SET: unde facile fuit, LOCIS, ET carmine.

ET vero, litera transposita, pro TE: locis, TE carmine plango *Picrius*. Et jam Veritatis facies nasci incipit, et apparet legendum esse pro hic, his sc. locis; (quod et voluit Bernartius, frustra refragante Gronovio Elench. Antidiatr. c. VII.) et pro *Inserui, Insertu*, sc. te. Unde, vix uno apice mutato, totus locus sic refigendus est:

*Hic ego te (nam Sicanii non mitius etc.)*

*Insertu cum laude locis, te carmine plango*

*Picrius:*

intermediis istis, nam Sicanii, etc. usque ad *aristas*, in parenthesi inclusis, quemadmodum edidi. *Insertum his locis*, id est, *impositum, additum*. Sidon. Apollinaris Carm. XI, 12.

*tenuique inserta fluente*

*Perforat arenti radio lux sicca liquorem.*

Martialis Epigr. III, 41.

*Inserta phialae Mentoris manu docta*

*Lacerta vivit, et timetur argentum.*

Passim exempla. Te, te; ut Horat. Carm. IV, 13.

*et refugit TE, quia luridi*

*Dentes, TE quia rugae*

*Turpant et capitis nives.*

supra dixi de hac affectuosa vocis ejusdem iteratione. Cum laude, id est, cum laudatione, sc. funebri. Primum, inquit Statius, in hoc loco te sepelivi cum Laudatione: nunc hoc Epicedio te plango. per quae gradus et continuationem pietatis suae in Patrem ostendit. Pro *Inserui* Parm. *Inferni*. Vers. 42. pro sic tibi rara, quod plures Editt. habent, Grasserus edidit si tibi rara; et ita Parm. et Rom. Gronovius vero Elench. Antidiatr. c. VII. monet legendum esse sicum rara; quod verum est: non ita ejus interpretatio. Dicit Statius: Hoc loco ego te sepelivi: et sane causam habui: quippe crocus, cinnamon, et ceteri pretiosi odores qui divitum funeribus incendi solent, non mitius balant, non dulcius spirant, et consequenter non essent tibi gratiores quam hic locus. Sicubi est idem quod si forte, ut saepe: vide Val. Flaccum IV, 105. Aliter legere posses, sic tibi grata, vel cara: sed non opus est. Pro dices Parm. ditis.

v. 45. SUMAS gemitus et VULNERA nati,

ET lacrimas.] Ita constanter editiones: ut mirer unde Gronovius ediderit SUME ET gemitus. verius erat, SUME hos gemitus. Quomodo vero accipere potuit pater nati VULNERA? Lege,

SUME hos gemitus, et MUNERA nati,

Has lacrimas.

Ita Theb. XII, 88. Creon ad bustum filii Menocoeos:

ACCIPERE, nate, tui nova libamenta triumphis, ACCIPERE.

Auctor Ciris, v. 44.

ACCIPERE dona meo multum vigilata labore.

Virgilium Aen. III, 486.

ACCIPERE et haec, maunum tibi quae monumenta meorum

Sint, puer.

Seneca Troad. v. 806.

SUME nunc iterum comas.



*Et sume lacrimas; quicquid e misero viri  
Funere relictum est.*

Idem Herc. Oet. v. 1648.

*Accipe haec, inquit, sate*

*Paeante DONA; munus Alcidae cape.*

Recte vero MUNERA: Val. Flaccus V, 29.

*vix membra rigentia tandem*

*Imposuere rogo, lacrimasque et MUNERA flammis*

*Vana ferunt.*

Ausonius Parental. VIII, 17.

*Caelebs namque gener nunc haec pia MUNERA  
solto.*

Ovidius Met. II, 340.

*Nec minus Heliades fletus et inania morti*

*MUNERA dant lacrimas.*

Idem Pontic. I, 8.

*Cui nos et lacrimas, supremum in funere MUNUS,*

*Et dedimus medio scripta canenda toro.*

Manilius I, de peste Atheniensi:

*Cesserat officium morbis, et MUNERA deerant*

*Mortibus, et lacrimae:*

ita legendum puto, non *funera*. *Mortibus* ibi est *mortuis*. Val. Flaccus V, 13.

*Ecce inter lacrimas, interque extrema virorum*

*MUNERA etc.*

Ovidius Trist. III, v. 81.

*Tu tamen extincto feralia MUNERA ferto,*

*Deque tuis lacrimis humida sarta dato.*

Ex his locis vides *lacrimas* et *munera* ad amicorum busta conjungi solere. Voces autem *munera* et *vulnera* saepe commutantur. ita apud Ovid. Eleg. de Nuce v. 131. pro *vulnera* quod erat in libris, viri docti reponunt *munera*. In scriptis. Criticorum passim exempla invenies. Retineri tamen potest *ET lacrimas*: et ita edidi.

v. 46. *RARI quas nunquam habuere parentes.*] Sic habent exemplaria. Morellus pro *nunquam* conjecit *unquam*; et ita Parmensis. Gevartius edidit *CARI*. Uterque reprehensus Gronovio Diatr. c. LI. ubi haec notat: „Grandius multo Noster, *RARI* *nunquam*. *RARI* parentes propter scelus hominum habuerunt veras lacrimas a natis: sed et pauci qui „habuerunt, non tamen tantas, tamque acerbis, quantas ego tibi confero.“ Vide, Lector, quid sit nimium acumen, et quam facile fallamur in his Studiis, nisi spectemus *ἀμὰ πρόσω καὶ ὀπίσω*. Quippe *lacrimae* quas *RARI* parentes habuere, sunt *lacrimae* quas parentes *RARO* habuere: et eo usque sensus optimus est. Jam vero si interseras *NUNQUAM*, vide quam absurdum feceris: tunc enim erit, *lacrimae* quas parentes *RARO* *NUNQUAM* habuere. Vel si *τὸ* *RARI* parentes, per *PAUCI* explices, eodem res cidet: *lacrimae* quas *PAUCI* parentes habuere, recte dixeris: *lacrimae* vero quas *PAUCI* parentes *NUNQUAM* habuere, absurde. Idem periculum facias istis Martialis verbis Epigr. I, 2.

*decus quod*

*RARI* post cineres habent poetae, eundem exitum deprehendes. Sensit hoc, opinor, Gronovius Elench. Antidiatr. c. VII. ubi aliter inter-

pretatur; nempe, *RARI* parentes, ii qui veros *gemitus* orbis meruerunt. Melius hoc, utpote nihil absurdum in se habens. Sed omnino recte edidit Gevartius, *CARI* quas nunquam habuere parentes: ut Ovid. Amor. I, 7.

*Tunc ego vel CAROS potui violare parentes.*  
et Heroid. XXI, 43.

*Cumque dies CARIS optata parentibus instat.*

Lucretius lib. III.

*Nam jam saepe homines patriam CAROSQUE parentes*

*Prodiderunt, vitare Acherusia templa petentes:* ubi tamen forte praestat, *carosque penates*, seu domos. Exempla sunt obvia. Dicit igitur Statius: Nulli parentes, licet filiis carissimi, habuerunt tales lacrimas quales ego tibi collaturus sum. Nisi malis *CLARI* parentes, id est nobiles et genere illustres, ut apud Horatium,

*Non ego me CLARO natum patre, etc.*  
quod huic loco et sententiae optime congruit. Nam *SERI* parentes, (i. e. *longaevi*) quae erat conjectura Hieron. Bignonii, referente Gronovio et probante, ad fin. Elench. Antidiatribes, non ex toto sensui satisfacit. Quas vero est quales, ut Glauc. Melior. v. 33.

*cum proprios gemerem defectus ad ignes  
Quem, Natura, patrem!*

id est *Qualem patrem*. Virgilius Aen. IV, 11.

*Quem sese ore ferens! quem forti pectore, et  
armis!*

ita legendum; vulgo *quam forti*: male. si enim retineas *quam*, constructio haec erit, *QUAM forti pectore, et QUAM armis*. Quid vero est *QUAM armis*? arena sine calce. nisi vox *fortibus* intelligenda sit, hoc modo, *quam forti pectore et quam fortibus armis*. Sed alterum multo elegantius, et repetitio *παθητικῶς*: *qualem vultu, qualem forti pectore seu patientia, qualem armis!*

v. 47. *Atque utinam, Fortuna, DARES mihi manibus aras.*] Usitatus est in hac re *aram* quam *aras*. Virgilius VI, 177.

*aramque sepulcri*

*Congerere arboribus caeloque educere certant:*

hiuc sua habuit noster, et Sil. Italicus XV, 387.

*alta sepulcri*

*Protenus extruitur, caeloque educitur ara.*

Val. Flaccus V, 9.

*robora caedunt*

*Pars silvis, portantque arae:*

ubi vide Cl. Burmanni notam. Non nescio plures interdum extrui solere, ut Aen. III, 63. *stant manibus ARAE*. Sed et alia ratio est quare *aram* hoc loco legerem: ea est ut vitetur ingratum *δοιοιλιεῖον* *DARES mihi manibus ARAS*. Sed alium ordinem verborum offerunt Parn. et Rom.

*Atque utinam fortuna mihi DARE Manibus aras:* qui unice verus est. *fortuna est opes, οὐδία*. Horatius:

*Quo mihi fortunam, si non conceditur uti?*

Symmachus Epist. I, 37. *Nunquam in mercedem or-*



*namenta linguae corrumpit. fortunae tenuis, opulentiam fide, quaestum laude mutavit. Exempla ubique.*

v. 52. *Et Nemees LUCUM.*] Vide praecedentia et sequentia: *superassem DONA Siculi sepulcri, et Nemees LUCUM, et SOLENNIA Pelopis. inepte LUCUM interseritur inter dona et solennia: mitto quod versu abhinc altero dixerat praetexere LUCO. Lege,*

*Et Nemees LUDUM:*

jam omnia cohaerent. Hyginus Fab. LXXXV. *Laius Labdaci filius Chrysippum Pelopis filium nothum propter formae dignitatem NEMAEAE LUDIS rapuit. Florus II, 7. Quae gaudia, quae vociferationes fuerunt, quum hoc forte NEMAEAE in theatro quinquennialibus LUDIS a praecone caneretur?* Plautus Casina IV, 1.

*Nec pol ego NEMAEAE credo, neque ego Olym-piae,*

*Neque usquam, LUDOS tam festivos fieri.*

[v. 54. *Pro vis ulla Ven. vis uda. Ex ADD.*]

[v. 55. *aut putri sonitum daret ungula FOSSA.*] Altum de hac fossa inter Commentatores silentium; nisi quod Thomas Stephanus in sua harum Silvarum editione fossam interpretatur septum vel carcer, quo continebantur equi priusquam ad cursum emittebantur. Nescio quidem unde hanc hauserit vocis significationem; nec sane multum refert, cum Statius non aliud scribere potnerit quam,

*aut putri sonitum daret ungula CAMPO.*

Immanis, inquires, mutatio. vide tamen quibus autoritatibus eam defendam. Virgilius VIII, 595.

*si clamor, et agminis faeto*

*Quadrupedante PUTREM SONITU quatit UNGULA CAM-  
PUM:*

quem versum pene repetit XI, 875.

*Quadrupedumque PUTREM cursu quatit UNGULA CAM-  
PUM.*

plane vides Statanum hoc parodiam esse versus Virgiliani: Virgilius vero sumsit ex Ennio Annal. VI. citato a Macrobio Saturn. VI, 1. Noster Theb. VI, 401.

*pereunt vestigia mille*

*Ante fugam, absentemque ferit gravis UNGULA CAM-  
PUM.*

et 459.

*Multaque transversis praestringitur UNGULA CAM-  
PIS.*

XII, 656.

*Icta gemit tellus: virides gravis UNGULA CAM-  
POS*

*Mutat, et innumeris pedulumque equitumque ca-  
tervis*

*Expirat protritrus ager.*

Achilleid. I, 123. de Chirone:

*Motaque desueto crepuit senis UNGULA CAMPO.*

Sil. Italicus VI, 217.

*Cornea gramineum persultans UNGULA CAM-  
PUM.* et II, 174.

*Incita pulveream CAMPO trahit UNGULA nubem.*

Lucanus VI, 82.

*gradibusque citatis*

*UNGULA frondentum discussit cornea CAM-  
PUM.*

Noster Theb. IX, 250.

*consuetaque CAMPO*

*Fluctuat, et mersas levis UNGULA quaerit arenas.*

Ovid. Halieutic. v. 73. de equis loquens:

*Compescatque SOLUM generoso concila pulsus*

*UNGULA sub spoliis graviter redeuntis opinis.*

Idem Met. VI, 218.

*Duraque mollierat subjectas UNGULA GLEBAS.*

Calpurnius Eclog. VI, 56.

*UNGULA quae viridi sic exultavit in ARVO,*

*Tangeret ut fragiles, sed non curvaret, aristas.*

Videor etiam invenisse originem erroris. Vox campo ita scribitur in MSS, câpo: unde, transpositis syllabis, poca: mox, posa, fossa, fossa. Scient harum rerum periti quam facile hoc evenire potuit, et quam millies evenit. Fossa huic loco omnino aliena est: campo propria et apposita. Vers. 56. pro hic Parm. et Rom. et. pro dicarem Parm. [et Ven. Ax ADD.] ligarem.

v. 58. *Ipsa madens OCULIS.*] Usitatus est madens OCULOS quam OCULIS; ut sit Graecismus. Sed et in hoc loco grassata est eadem manus quae modo supposuit fossa pro campo: si quid enim video scripsit Statius,

*Ipsa madens LACRIMIS.*

Thebaid. XI, 417.

*Cuncta madent LACRIMIS et ab omni plangitur arce.*

IX, 41.

*madet ardua FLETU*

*Jam galea atque ocreae clipeum exceperae ca-  
dentem.*

Ovidius Metam. VI, 628.

*Invitque oculi LACRIMIS maduere coactis.*

X, 45.

*Tum primum LACRIMIS victarum carmine ja-  
ma est*

*Eumenidum maduisse genas.*

Apuleius Met. V. *Lugubres voces desiunte, et diutinis LACRIMIS madentes genas siccate.* Ovidius Met. XI,

*LACRIMISQUE genae maduere profusis.*

Heroid. VI, 70.

*Huc feror; et LACRIMIS osque sinusque madent.*

Art. Amator. III, 378.

*Et LACRIMIS vidi saepe madere genas.*

JTibullus I, 9.

*LACRIMIS omnia plena madent.*

Martialis Epigr. X, 13.

*Et madet heu! LACRIMIS janua surda tuis.*

Seneca Hippol. V, 1119.

*Et si odia servas cur madent FLETU genae?*

Plura habeo ὄσα νόμις si cui haec non satisfaciant. Hae voces commutantur apud Ovidium Pontic. I, 9.

*Quae mihi de raptu tua venit epistola Celso*

*Protenus est LACRIMIS humida facta meis:*

pro LACRIMIS excerpta Vossii habent OCULIS. Recte vero umbrarum animaeque sacerdos. ita sacerdos ar-



*cordos arboris* Juvenal. Sat. VI. *arcis sacerdos* Virgil. Aen. II, 319. Nisi malis, *umbrarum araeque sacerdos*: quod verius videtur, cum ut vitetur repetitio ejusdem sensus, *umbrarum animaeque*; tum ut sit imitatio Virgilii Aen. VIII, 179.

*Tum lecti juvenes certatim araeque sacerdos*  
*Viscera tosta ferunt taurorum.*  
unde Sil. Italicus II, 150.

*Alcidae templi custos, araeque sacerdos.*  
Minima est differentia scripturae inter *aiae* (hoc enim modo concipitur vox *animae* in Libris) et *arae*. Sed nihil temere mutandum.

V. 59. PRAECINEREM GEMITUM cui te nec Cerberus omni

*Ore, nec Orpheae quirent avertere leges.*] Ita omnes quas mihi videre contigit editiones: nec quamquam interpretum de mendo suspicatus est. Non tamen ideo mendo caret: explica enim, si potes, quid sit *praecinere* GEMITUM. Domitius ait, *tanquam praefica*: et hoc satis commodum ad *praecinere*; sed quid facies cum isto GEMITUM? nec enim *praefica* nec quisquam alius *praecinere* potest GEMITUM, si modo ego et vos scimus quid sit sensus communis. Sed et hoc demus: vide sequentia: *praecinere gemitum* a quo (gemitu) *nec Cerberus nec leges Orpheae possent te avertere*. Quid vult? an *Cerberus* et *leges Orpheae* solent umbras avertere a gemitu? nugae: et piget immorari. Ecce trium tantum literarum mutatione omnia sano,

PRAECIPEREM REDITUM, cui te nec Cerberus omni

*Ore, nec Orpheae quirent avertere leges:*

„monstrarem, et, utpote sacerdos, PRAECIPEREM  
„tibi REDITUM a quo nec Cerberus, qui solet umbris redeuntibus saevire, nec conditiones ullae se-  
„verae, quales datae sunt Orpheo cum reditum uxoris impetravit, possent te arcere.“ Nihil verius aut facilius. Recte vero *praecipere*, utpote sacerdos et potens umbrarum: verbum hoc *magistrale*; et *authoritatem* denotat. Bene etiam *reditum*, proprium de hac re verbum: Ovidius Metam. V, 542. de Ascalapho:

*Vidit, et indicio REDITUM crudelis ademit:*  
*reditum* scil. Proserpinae ab inferis. *Leges vero Orpheae*, ut apud Ovidium Met. X, 50.

*Hanc simul et legem Rhodopeius accipit Orpheus.*

Noster infra v. 275.

*fas mihi sit patrios contingere vultus,*  
*Fas junxisse manus, et lex quaecunque sequatur!*

Propertius II, 20.

*Si modo clamantis revocârint ora puellae,*  
*Concessum nulla lege redibit iter:*

ita legendum puto, non *revocaverit aura*; quod ob foeditatis suspicionem nimis ambiguum foret. vides etiam *redibit*. Quare vero *praeciperet reditum* Statius umbrae paternae? Nempe ut videret filii pietatem. et his parentalibus et solumnibus in ejus honorem institutis interesset: manes enim credebantur his

spectaculis libenter adesse: unde apud Sil. Italicum XII, 239. Peditanus interfecturus Cinybem qui Pauli consulis occisi galeam portavit, prius invocavit umbram Pauli, ut hostis caedem spectaret:

*vocat inde viri ad spectacula manes*

*Et fugientis agit costis penetrabile telum.*

Ita etiam apud Val. Flaccum V, 82. postquam fama expeditionis Argonauticae Manes pervagata esset, narrat poeta umbras accensas esse visendi cupidine:

*ardent avidos attollere vultus*

*Quos pietas vel tangit adhuc quos aemula virtus*

*Fata immota manent: unum, qui litore in illo*

*Conditus, ad carae mittunt spectacula turbae:*

*It Sthenelus:*

scil. *Stheneli umbra*. vide Thebaid. XI, 420. ubi Pluto emittit umbras Thebanas ut intersint *μυρομαχία* Eteoclis et Polyneicis. Ita apud Lucan. III, 30. umbra Juliae minatur Pompeio,

*veniam, te bella gerente,*

*In medias acies.*

V. 61. ATQUE TIBI moresque tuos et facta canentem, etc.] In toto Statio vix unus et alter inquinatur hoc aut difficilius locus: nullus enim ad constructionem evolvendam aditus est; et si aliqua intrare tentes, statim occurrit mora insuperabilis. Silent etiam interpretes, nisi quod Stephanus notat, *τίμη*] *In exequiis tuis, et ad tumulum tuum*. Tentandum tamen: et primo, quaerendum nomen Substantivum quod jungatur cum *τῷ canentem*: hoc vero nullum aliud esse potest praeter *Me*; de seipso enim loquitur per totam hanc *παράκλησιν*. Uhi igitur, inquis, hoc invenimus? ecce ad manum,

MEQUE tibi moresque tuos et facta canentem:

In MSS. codicibus, si nescis, prima littera cujuslibet versus spatium aliquo et forma a ceteris distat: innumeris errores proveniunt, dum exscriptor indoctus aut eam omisit aut in aliam mutavit, ut in hoc loco, A pro M substituta. Ita apud Propertium IV, 2. ubi Vertumnus loquitur:

*Indue me Cois; fiam non dura puella;*

ATQUE virum sumta quis neget esse toga?

ubi pro ATQUE quinque codices habent MEQUE: idque omnino verum; et ita editurus sum. Jam opinor, crepusculum sentis, constructione aliquatenus faciliore, hoc modo: *Pietasque forte non posthabuisset etiam magniloquo Homero, et tenderet aequare torvo Maroni ME canentem moresque tuos et facta*. Hoc igitur intelligis: anne istud item, quare TIBI canentem? non, opinor: omnino enim contrarium dixisse debuit, ALIIS canentem mores tuos et facta, non TIBI: parum etenim laudis accessurum erat Patri, si illi tantum, non et aliis mores illius cantaturus fuit filius. Si usquam in hoc opere *Εὐτοχία* litavi, hic factum est:

*Meque HABITUS moresque tuos et facta canentem:*

vox *habitus* hoc modo scripta erat in MSS. *abit9*: hoc non intelligentes Librarii in tibi mutarunt. *habitus moresque* ut Silv. II, 6. ad fin.



moresque habitusque decoros

*Monstrabit gaudens.*

Similiter Ausonius et in re simili, Epicedio nempe in Patrem, v. 8. ubi Pater loquitur,

*Victum, habitum, mores, semper eadem habui.*

Silius Italicus XV, 171.

*Antiquae morem patriae cultumque habitumque*

*Phocæis armisonas inter tenet hospita gentes.*

[Pomp. Mela III, 7. de India loquens: *Cultorum HABITUS MORESQUE dissimiles: lino alii vestiuntur*, etc. EX ADD.] vide quae notavi ad Silv. II, 6. v. 104. *tenderet aequare Maroni est aequaret Maroni*: vide satis exemplorum ad II, 6. v. 71. Quare autem appelletur TORVUS *Maro*, cui MOLLE atque FACETUM annuerunt Musae, non intelligi. Ego potius putarem DOCTO *Maroni*. Versus sub nomine Augusti Caes. in vita Virgilii:

*Magnaue DOCTILOQUI morietur Musa Maronis?*

Incertus Autor in Catalect. Scalig. p. 181.

*Tristia fata tui dum fles in Daphnide Flacci*

DOCTE *Maro*, fratrem *Dis immortalibus aequas.*

pro *facta canentem Parm. fata*: male.

v. 68.

*in ardentem, liceat, MORITURA maritum.*] Ita Editiones: recte. nec opus est Scriverii et Crucei *liceat* MODO, ITURA *maritum*: quanquam si ex MSO hanc lectionem hausissent, defendere potuissent loco Ovidii Trist. V, 14.

*Cernis ut Admeti cautetur, ut Hectoris uxor,*

*Ausaque in accensos Iphias ire rogos?*

Et *liceat* modo, ut Met. VIII, 38.

*Impetus est illi (LICEAT MODO) ferre per agmen Virgineos hostile gradus.*

et Propert. II, 23. v. 27.

*Mi nemo objiciat, LICEAT MODO, Cynthia, tecum*

*Roscida muscosis antra tenere iugis:*

ita legendum pro *libeat tibi Cynthia mecum*, prout edidit Broukhusius. Sed non opus est ulla mutatione in hoc Statii loco. *Moritura in ardentem maritum* est SUPER *maritum*, ut bene explicat Gronovius Diatr. c. LI. et defendit hanc explicationem Elench. Antidiatr. c. VII. licet exempla quae utroque loco adfert mihi non videantur rem tangere. Optimum adducere potuisset ex Lucano IX, 160.

*Et sacer in Magni tumulos mactabitur Apis:*

ubi *in* plane est *super*. Si quicquam novandum esset, mihi placeret,

*in ardentem, liceat, RUITURA maritum:*

ut apud Ovidium Art. Amat. III, 21.

*Accipe me, Capaneu; cineres miscebinus, inquit Iphias* in *medios desiluitque rogos.*

et Claudianum Laud. Serenae, v. 151.

*prona RUENS Capanea conjunx*

*Communes ardente viro mistura favillas.*

Sed, ut ante dixi, non opus est. *Liceat*, absolute, id est, *si liceat*, ut *libeat* apud Senecam Consol. ad Marciam c. 16. *Par illis, mihi crede, vigor; par ad honesta (libeat) facultas est.* De feminis. Supra v. 64. in Gronovii editione legitur AENA *sorum Stamina*, in caeteris SAEVA: melius istud. Claudianus Rapt. Pros. I, 53. de Parcis:

*Longaque ferratis evolunt saecula pensis:*

id est, *aënis staminibus*. Ovidius Met. XV, 781. vocat *ferrea decreta sororum. ferrea jura salorum* Quintilian. Decl. X, c. 8. et similia passim. In MS. Rhod. Gronovius invenit AEQUAEVA: in Venet. AENA: quod merito admisit. *ferrea Clotho* Theb. III. [Ven. *aequeva*. EX ADD.]

v. 69. *Major certe ALIIS superos*, etc.] Lege,

*Major certe ILLIS*, id est *genetrice et conjuge*, de quibus paulo ante dixerat. *Major invidia pulsem*, id est, *majori invidia*: *major* et *justior* mihi causa invidiam faciendi *Dis superis* et *inferis*. ita Theb. VI, 517. *Archemori major colerere sepulchro*: id est *majori sepulchro*, *majoribus* funereis honoribus quam *Archemorus*. [Ven. *Major alis forsitan Superos et Tartara pulsem*. Parm. *Major certe aliis forsitan Superos et Tartara pulsem*. *Invidia quae externis* etc. et Ven. inserit vocem *quae* eodem loco quo *Parmensis*. Quid hoc est? EX ADD.] Pergit: Sed objiciat aliquis, Quare Tu tam immaniter doles, quandoquidem neque *Natura* neque *Pietas* injuste in hac re fecit? *Natura* non fecit injuste, non *injustam se* dedit, quia naturalis ordo est ut *Pater* praecedat *Filium*. *Pietas* (quae est officium liberorum erga parentes et parentum erga liberos) non *injustam se* dedit, quia tu *pie* lugens parentis obitum: quod si *injustam se* dedisset, Ille contra tuum obitum *pie* luxisset: et haec quidem fuisset *Pietas injusta*. Respondet Statius: Vera quidem dicis; sed ego patrum optimum ita amavi, ut mihi praematurato obitu raptus videatur. nec absurde hoc facio, aut sine exemplo; quippe et *Erigone* non minus flebat *senem parentem* extinctum, quam *Andromache puerum filium*: immo et *Erigones* pietas in hoc laudatur, quod prae doloris impatentia laqueo se interfecit; cum contra, *Andromache* male audiat quod non idem fecerit, quod post *Hectora* alium maritum ferre potuerit; nec solum ferre, sed et inservire. Jam totum hunc locum relegere, et intelliges. *Se dedit injusta*, pro *injustam*, ut Ovidius Met. XIII, 141.

*sed enim quia rettulit Ajar*

*Esse Jovis pronepos, nostri quoque sanguinis aulor*

*Juppiter est:*

pro *se* esse pronepotem. Noster Theb. VII, 791.

*Non aliter caeco nocturni turbine cori*

*Scit peritura ratis:*

id est scit *se perituram*. Apuleius Miles. VII. recens nupta gratias summas apud suos parentes ac maritum mihi meminisse non destitit, quoad summos illi promitterent honores habituri mihi: id est, *se habituros esse mihi*. Persius Sat. VI. postquam deestertuit esse *Maeonides quintus*: id est, *se esse Maeonidem quintum*. apud Charisium p. 75. vulgo male legitur *pavus quum destitit esse*: sive ipsius Charisii, sive librariorum errore. Ita et Graeci. Anthol. I, 22.

Θάνατον μὲν ἄλυστον

Νῦν ἔργων σταυρὸν δ' ἴσθι ΠΤΑΛΛΤΟΜΕ-  
ΝΟΣ.

id est *quæ φυλαττόμενον*. Vers. 71. pro *MODO* *se Na.*



tura, vetus codex habet MIHI se Natura: et quidem vox modo nullius est usus hoc loco: forte legendum,

Sed nec TIBI se Natura dolenti:

ut haec loqui putetur Ille qui Objectionem facit. MIHI et TIBI saepe inter se commutantur: ut apud Martial. Epigr. X, 29.

Quam TIBI mittebam Saturni tempore lancem

¶ Misisti dominae, Sertiliane, tuae:

ubi vulgo inepte legitur MIHI mittebas, cum sensus omnino contrarium postulet. Deinde, v. 72. mihi limine primo Fatorum, etc. Non placet Fatorum, vox tam dubiae significationis: intelligit limine primo vitae: atqui hoc certius expressisset si dixisset limine primo Annorum: ita Theb. VI, 139. de Ophelte infante, a serpente occiso:

nec talia demens

Fingebam votis annorum elementa tuorum:

Silv. II, 1.

hinc anni stantes in limine vitae,

Hinc me forma rapit.

ita Rabirius apud Martialem X, 71.

Hos tamen ut primis raptos sibi quaerit in an-

nis,

mortuos sc. parentes. Verum tamen puto,

mihi stamine primo

Fatorum.

Fata sunt Parcae, ut Theb. VIII, 11. de Amphiarao:

quin cominus ipsa

Fatorum deprensa colus; visoque parentes

Augure, tunc demum rumpebant stamina Parcae:

Claudianus in Rufinum I, 176.

ductusque maligno

Stamine fatorum claram subrepsit in aulam.

Juvenalis Sat. X, 250. de Nestore:

oro, parumper

Attendas quantum de legibus ipse queratur

Fatorum, et nimio de stamine, cum videt acris

Antilochi barbam ardentem.

Propertius IV, 7.

Juro ego Fatorum nulli revolvibile stamen.

Iscanus Lib. VI. citatus a Bronkhasio:

Venerat extremi revoluti stamine pensi

Fatorum promissa dies.

Ovidius Trist. V, 13. v. 24.

Non ita sunt sati stamina nigra mei.

sic justa stamina Lacrim. Etrusc. v. 125. Stamine primo Ablatum tellure mori Theb. IX. Vers. 77. pro supremos, prout ediderunt Gevartius et Gronovius, omnes [Ven. Parm. Rom.] habent supremo; [quod defendi facile potest. EX ADD.] sed melius supremos. Vers. 78. pro At te, hae tres Editt. ET te: male. [v. 80. pro voce canora, Eaedem morte canora. EX ADD.]

v. 85. Quis non in FUNERE cunctos

Heliadum ramos lacrimosaque germina DIXIT.]

Frigide: ita erigo:

Quis non in FUNERA cunctos

Heliadum ramos lacrimosaque germina DUXIT!

Manilius V, 463.

Mille alias rerum species in CARMINA DUCENT: ubi pari modo mendose legitur in CARMINE. carmina verum esse evincit versus proxime sequens,

Forsitan ipse etiam gestus referetur IN ACTUS. Idem III, 3.

vestros extendere fines

Conor, et irriguos IN CARMINA DUCERE cantus: ita edidit Scaliger, pro indignos cantus. irriguos cantus, inquit ille, metaphora a fontibus et rivis quos specn et incili per arva deducunt. Pergit: „Scribi-“, mus haec doctis et veris Criticis, quos statim veri-“, tatis lumen affabit.“ Revera doleo me non esse in horum numero; et pene pudet fateri ne crepusculum quidem veritatis hic me afflare: non enim possum capere quomodo CANTUS duci possint IN CARMINA. Vos O, mihi, Manes viri maximi, este boni, si veritatem alibi quaero; nempe hic,

Et irriguos in carmina ducere fontes.

Notum istud Virgilii Georg. IV. 32.

irriguumque bibant violaria fontem.

Conor, inquit Manilius, vestros fines extendere, et in carmina mea deducere vestros fontes. Calpurnius Ecl. II, 49.

Irriguo perfunditur area fonte.

Sidonius Apollinaris Epist. VIII, 9.

Quid doctos Heliconidum LIQUORES

Nunc IN CARMINA commovere tentas?

Manilius II, 8. de Homero:

cujusque ex ore profusos

Omnis posteritas latices IN CARMINA DUXIT,

Annemque in tenuis ausa est diducere rivos:

ita legendum; vulgo deducere. Recte vero duxit in carmina lacrimas Heliadum: ¶ Poetae enim dicuntur facere ea quae describunt facta: ita Virgilius Eclog. VI, 62. de his Heliadibus:

Tum Phaethontidas musco circumdat amarac

Corticis:

circumdat, id est circumdatas canit: vide Gronov. Diatr. c. XXII.

v. 84.

et DURAE queritur Philomela sorori.]

Molle nimis tanto facinori epitheton istud DURAE. Lege DIRAE: et ita vult Gronovius Diatr. c. LXI. Atrocius hoc: vox enim dirus notionem sanguinis continet. Ovidius Art. Am. II, 383. de hac re:

Altera DIRA parens, (haec est, quam cernis, hirundo)

Adspice, signatum sanguine pectus habet:

quem locum adducit Gronovius, et pro haec legit hic. Ex hoc Ovidii loco emendari forte potest Virgilius Georg. IV, 15. in eadem historia:

Et maculis Procne pectus signata cruentis:

ita forte legendum; vulgo, manibus. Sic DIRUS Thyestes Martialis X, 35. DIRA soror, de Medea, quae fratrem Absyrtum dilaceravit, Seneca Herc. Oet. v. 932. Manilius V, 540. de Andromeda:

Haec quondam poenae DIRORUM culpa parentum Prodidit.

Supra, v. 80. pro VOCE canora Parm. et Rom. MORTE canora: perperam.



v. 88. nec FISSA gavisam Pallada buxo.] Scio quid dici possit pro FISSA buxo seu tibia, quae ex arbore buxo scissa seu fissu compingebatur. Vel si τὸ fissa sumere mavis pro forata: unde ΠΟΛΥΤΡΥΤΑΝ λωτῶν, et ΤΡΥΤΑΙ δόρατες, Antholog. I, 11. Multiforam buxum dicit Seneca Agamemnon. v. 348. multiforatiles tibiae Apuleius Floridis. Sed neutra harum interpretationum facit satis: requiritur enim aliquid quod exprimat Causam propter quam Pallas non gavisam erat hac buxo seu tibia. Unde, cum in Parm. et Rom. invenissem FIDA pro FISSA statim restitui,

nec FOEDA gavisam Pallada buxo: de quo non dubitandum. NEC resolvendum est in ET NON: ET Pallada NON gavisam buxo foeda, seu quae eam foedavit. Claudianus in Eutrop. II, 254.

Hic cecidit Libycis jactata paludibus olim Tibia, FOEDATAM cum reddidit unda Minervam: ita legendum esse conjeceram ex sensu, pro umbra: et firmat Moreti Codex, qui habet unda. Propertius II, 23. de tibia loquens:

Quae non jure vado Macandri jacta natasti, TURPIA cum faceret Palladis ora tumor: ubi locum Gellii XV, 17. adducit Broukhusius: traditas sibi tibiae quum ad os adhibuisset inflassetque, pedefactus oris deformitate abiecit infregitque. Hyginus Fab. CLXV. de Minerva: Juno et Venus cum eam irriderent quod et caesia erat et buccas inflaret, FOEDA visa, et in cantu irrita, in Idam silvan ad fontem venit. vide cetera. Αἰγῶς ΑἰΣΟΦΘΑΛΜΩΝ πορρωθεύσαν Minervam dicit tibiae abiecisce Telestes Selinusius, citatus Scaligero ad Propertium, p. 204. Apollodoros Bibliothec. I, 4. de Marsya: οὗτος γὰρ, εἰδὼν αἰκλὸς αὐτὸς ἔχοντιν Ἀθηνῶν διὰ τὸ πρὶν ὈΨΙΝ αὐτῆς ποιεῖν ἈΜΟΡΦΩΝ, ἤλθεν εἰς ἔχοντιν περὶ μουσαίης Ἀπόλλων. Recte igitur FOEDA buxus quae foedam Minervam fecit, ut pallida mors, quae pallidas facit; turpis podagra; et similia innumera. [Ven. fido. EX ADD.]

v. 90. et genuina PLANGAT Facundia lingua.] Omnes Editi. PLANGAT. nihilominus scripsit Statius PLANGET: non enim optat, sed affirmat. sic supra, In patrios ADHIBEBO rogos. Genuina lingua, Graeca et Latina. utramque linguam vocat Horatius Carm. III, 8. ubi vide Benteium.

v. 91. Et PALLAS, doctique cohors Heliconia Phoebi.] Te, O Pater, inquit Statius, plangent PIETAS et JUSTITIA et FACUNDIA et PALLAS, et PHOEBI COHORS, seu poëtae. Unde vero huic loco PALLAS? aut quod illius negotium in hac re? praesertim cum praecesserit, versu abhinc tertio, gavisam PALLADA buxo. Vide an non scripserit Noster,

Et PHOEBUS, doctique cohors Heliconia Phoebi. certe non Palladis, sed Phoebi erat Vatem et cultorem suum celebrare.

[v. 92. Quis LAEOR Aonios seno pede ducere CAMPOS.] Pro LAEOR Romana et Veneta editiones habent HONOR. Recte: ita Geneth. Lucani:

Ipsi quos penes est HONOR canendi. Parm. [et Ven. EX ADD.] DOLOR. Magis difficile quod

sequitur, ducere campos. Gronovius explicat: „duces esse in campis Aonius, primarios principes in campis Aoniis: seu metonymice campos pro iis qui sunt in campis; ut apud Silium, valles pro feris aut pecudibus qui pascuntur in vallibus: Turbatae exemplo valles. Sic naves pro vectoribus seu iis qui sunt in navibus; nemus pro Fauis et Hamadryadibus; nidi pro pullis, et similia.“ Haec Ille, Diatrib. c. I. et Elench. Antidiatrib. c. VII. Et quidem nemo potest negare quin vox campos eo sensu sumi possit quo vult vir doctissimus, pro iis qui in campis sunt: nec inficias eo vocem ducere saepe significare idem quod ducem esse, ut in notis phrasibus ducere exercitum, classem, familiam, (de laustis) chorum, et similia: valde tamen dubito utrum hae voces conjunctae sumi possint sensu Gronoviano: saltem sine exemplo phrascos non admittendum hoc puto. Analogia enim res est incertissima, nec ab hac sola quidquam tuto concludendum. Sed et si hoc concedamus, quomodo, quaeso, duci possunt campi SENO PEDE? Cautè tamen haec dicta velim, utpote contra sententiam Viri Linguae Latinae scientissimi. et tamen est quod illi opponam a Viro magno adnotatum ad Horat. Carm. III, 3. v. 66. in re fere simili: „neque enim sequitur quia ducere muros recte dixeris, ideo te et ductor murorum recte dicturum; non magis quam dux murorum. Usus et consuetudo, non Analogia, loquendi normam faciunt.“ Haec Ille verissima, et in Re Poëtica maxime observanda: his enim neglectis passim lapsus est Gronovius. Egrege de hac re Quintilianus Instit. Orat. I, 6. Non enim cum primum fingerentur homines Analogia demissa caelo formam loquendi dedit: sed inventa est postquam loquebantur, et notatum in sermone quid quo modo caderet. itaque non ratione nititur, sed exemplo: nec lex est loquendi, sed observatio: ut ipsam Analogiam nulla alia res fecerit, quam Consuetudo. Ne dubites quin Statius scripserit,

Quis honor Aonios seno pede ducere CANTUS; ut visum fuit Gronovii Amico. Ducere cantus est canere, ut ducere bellum apud Virgilium VIII, 55. bellare; ducere dolorem, dolere apud Sil. Ital. VIII, 212. ducere volatus apud eundem XII, 101. volare; ducere suspiria apud Nostrum Theb. IX, 711. suspirare; ducere virides annos pro in juvenia esse apud Ovidium Art. Amator. III, 61.

Dum flect et virides etiamnunc ducitis annos, Ludite: ita legendum; vulgo, veros editis annos: pro quo MS. Regius habet receditis, alter ediditis. ducere juveniam vocat Manilius V, 111. ut ducere senectam Paulinus et Lucanus III. ducere gyros pro gyrare Ovid. Amor. I, 6.

ducensque per aera gyros

Milius: et ita legendum puto apud Manilium V.

Et sinibus gyros ducit, fluctumque figurat: vulgo sine sensu vires sumit. certe vox gyros latet sub ista vires. educere annos Propertius II, 7. ad cujus Elegiae vers. 57. Broukhusius defendit scriptu-



tam lori Ovidiani, *veros editis annos*. Nollem ita fecisset. Nemesianus Eclog. IV, 13.

*Inque vicem dulces cantu duxere querelas:*

i. e. *querabantur*: vulgo male *dixere*. *ducere carmen*, Ovidius Trist. III, 14.

*Inque tot adversis carmen mirabitur ullum*

*Ducere me tristi sustinuisse manu:*

et Epist. ex Ponto I, 5. v. 7. *Ducere cantus seno pede*, est *canere seno pede seu versu Heroico*. Aonios hos cantus infra vocat modos Aonios, et inferias Aonias lacrimis. Etrusc. ut non opus sit hanc vocem in Andinos vel Ausonios cum Gronovii Amico deprare. sic *ducere cantica* Alcimus Avitus libr. de Laud. Virginitat. v. 15. Nemesianus Bucol. Ecl. I, 63.

*Lactus Phorba duxisti carmen avena:*

ubi vulgo male *dixisti*. Idem Ecl. II, 60.

*Munera namque dedi, noster quae non dedit Idas,*

*Vocalem longos quae ducit aëdona cantus.*

Et ex hac phrasi intelligendus locus Virgillii Aen. IX, 267.

*Si vero capere Italiam sceptrisque potiri*

*Contigerit victori, et praedae ducere sortem:*

id est *sortiri praedam*. *ducere remos* pro *remigare* Ovid. Pontic. I, 5. Pro *seno pede* Parm. saeco: et ita Codd. Domitii, qui recte emendavit.

v. 93. Et quibus Arcadia carmen testudine mensis

Cyda labor nomenque fuit.] Maxime omnium notabilis hic locus propter varias conjecturas quibus eum sollicitarunt viri docti. Lectio quam in suis codicibus invenit Domitius, fuit, CYDA LIBEM nomenque fuit: ex qua vulgatam fecit, et eo modo explicavit ut non operae pretium sit explicationem illius exscribere. [Ven. et Parm. Cyclalyben nomenque fuit. Ex ADD.] Vir Illustris apud Gevartium Papiu. Lect. V, 6: legebat, Oda labor nomenque fuit; applaudente Gevartio frustra: quippe Lyrici poetae, de quibus hic agit Statius, non dicti fuerunt *ōdizoi*, ut ab Oda nomen meruerint ut bene observat Salmastius. ob quam rationem explodenda est etiam Crucei Chorda labor; et nescio cuius Lydia, et Sido et Ludus, quae omnia memorat Gronovius c. L. Diatribes. Ipse legit,

*Cura lyrae nomenque fuit:*

ex scriptura Codicis Medicei quae fuit *ciela liben*. pro *cura* scriptum fuit *cula*, dehinc *ciela*, divisa minuta vocali u: et *liben* pro *lyrae*, solenni confusione litterarum l et r. Consuluit deinde de hoc loco et sua conjectura Salmastius, qui Epist. LXXXVII. rescripsit, sibi non placere *cura lyrae*; quia hoc, quibus carmen Arcadia TESTUDINE modulatis, LYRAE cura et nomen fuit, idem esset ac si dixisset, quibus LYRA carmen canentibus LYRAE cura fuit ac nomen. Ipse non dubitat quin vox *cura* a Statio sit, et pro *liben* hariolatur *melon*: *cura melon* nomenque fuit: ut pro *melon* vitiose scriptum fuerit *melen*, deinde transpositione litterarum *lemen*, *leben*, *liben*. *Melos* vero latine usurpavit Horatius, et Lucretius *mele*; τὸ μέλον inde Μέλινος poetae Lyrici. Haec Salmastius: quibus tamen Gronovius non de statu et conjectura priori movetur. nam quod Ille objecerat de

de Synonymis testudine et lyra; id erudite et vere refutat Gronovius, ostendens ex diversis poetarum locis testudinem interdum tantum esse *lyrae* partem, et ideo hoc loco recte stare posse τὸ lyrae. quibus locis ab illo adductis adde hunc clarum Festi Avieni in Arati Phaenomen. v. 617. in Lyra;

*Est CHELYS illa dehinc, tenero qua lusit in aevo*

*Mercurius, curva religans TESTUDINE chordas.* et Autoris Panegyrici ad Pisonem v. 154.

*Sice CHELYN digitis et eburno verbere pulsas*

*Dulcis Apollinea sequitur TESTUDINE cantus.*

Habes, Lector, elenchum totius negotii: utrum mavis elige. mihi quidem conjectura Salmastii ingeniosior videtur, Gronovii verior; nec tamen ex toto vera: quippe, nisi fallor, simplicius scripsit Statius,

*Cura lyre nomenque fuit:*

minima est differentia inter *LYRE* et *LIBE*; nam littera n in *liben* sine dubio ableganda est ad vocem sequentem, *nomen*; ut scriptum fuerit, *cura liben* nomenque fuit: ut in Herc. Surrentino v. 149.

Et placidus Limon nomenque Euploea carinis: pro omenque Euploea. Jam vero lyre est idem quod lyra, utpote a Graeco λύρα, ita Creten pro Cretam apud Ovidium Metam. XIII, 706. et Aetne pro Aetna ibid. v. 877. Idem Met. IV, 347.

Flagrant quoque lumina nymphes, ut recte ex veteribus libris edidit Heinsius pro nymphae: et XIV, 332.

spretis tamen omnibus unam

*Ille fovet nymphen quam,* etc.

pro nympham, ex libris melioribus. XV, 409.

quae modo femina tergo

*Passa marem est, nunc esse marem miremur hyaenam:*

ubi duo Codices habent *hyaenam*, unus *hyaenen*: de quo tamen merito dubitat Heinsius. cum Graecis sit *ὑάνα* non *ὑάνα*. Idem Met. VIII, 605.

*Extimuit nympha; nabat tamen.*

et ita IX, 347. Noster Silv. IV, 8.

*Qualis maternis Helene jam digna palaestris.*

Theb. VI, 830. hujusmodi voce Graeca sermonem patrium ditavit: de Tydeo:

*Ille quidem et disco bonus, et contendere cursu,*

*Nec caestu bellare minor; sed cara labores*

*Ante alios erat uncta pale:*

ita legendum; vulgo, corde labores. Πάλη, pale. nodare palen, Ach. II, 440. Jam vero constructio est, et quibus mensis carmen Aonia testudine lyre fuit cura et nomen. Cura est amor ut in isto,

*Lydia doctorum maxima cura liber:*

et Virgilio Aen. IV.

*Huic uni potui fors succumbere curae,*

id est, huic uni amor. Noster Propempt. Met. Cel.

*Annue, si vestras amor est mihi pandere Thebas:*

ubi aequè bene dixisse potuit *cura est mihi*. Propertius I, 1.

sua quemque moretur

*Cura, neque assueto mutet amore notum:*



ita legendum; vulgo, *amore locum*. In Parmensi invenio, *Cidalyben nomenque fuit*: [vide supra. Ed. Dr.] unde minime dubito me recte emendasse *Cura lyre, nomenque fuit. Lyre fuit NOMEN*, id est *fama, gloria*; ut *Pergama NOMEN Homeri* Propert. II, 1. Sic Martialis VIII, 73.

*FAMA est arguti Nemesis formosa Tibulli.*

v. 96. *Qui furias regumque DOMOS aversaque caelo*

*Sidera, etc.*] Scio quidem *Tragoediam* plerumque versari in *magnis domibus*: sed non semper infelices sunt *Regum domus*, ut necessario materiam *Tragoediae* designent, et jungantur cum *furtis* et *sideribus caelo aversis*. Lege,

*Quis furias regumque DOLOS.*

specialiter tangit notum *Tragoediae* argumentum, historiam *Atræi* et *Thyestis*. Ipse *Atræus* apud *Senecam* *Thyeste*, Act. II. init. seipsum excitans,

*post tot scelera, post fratris DOLOS*

*Fasque omne ruptum, quæstibus vanis agis*

*Iras?*

Potes etiam in genere sumere *regum dolos*, *regum quorumcumque*: sed verior mihi videtur prior interpretatio. Val. Flaccus I, 244.

*Non mihi Thessalici pietus culpanda tyranni, Suspectæ DOLI.*

Florus I, 6. de *Servio Tullio*: regnum *DOLO partum* sic egit *industrie, ut jure adeptus videretur*. Ennius ap. Priscian. de *Versibus Comicis*:

*Argo, qua vecti Argici, delecti viri, Petebant illam pellem inauratam Arietis, Cholcis, imperio REGIS Peliae, per DOLUM.*

De hoc argumento praeclare *Manilius* V, 455. de iis qui sub *Cepheo* nati sunt:

*Quinetiam tragico praestabant verba cothurno, Cujus erit quamquam in chartis stylus ipse cruentus.*

*Nec minus et scelerum facie rerumque tumultu Gaudebunt: atri luctum memorare sepulcri*

*Ructantemque patrem natos, solemque reversum Et caecum sine sole diem; Thebana jurabit*

*Dicere bella uteri, etc.*

ubi *luctum ATRI sepulcri* *Scaliger* interpretatur *luctum Antigoniae*, fratrem *Polynicem* sepelientis, de quo *Statius Theb.* XII. Atqui *luctus ATRI sepulcri* cuius alii lugenti aequæ ac *Antigoniae* convenit; et si hoc voluit *Manilius*, dixisset *luctum TYRII memorare sepulcri*: et ita forte legendum, nisi aliam aliquam historiam voluerit poeta. Pro *sine sole* legendum *sine luce* supra monui in *Lacrim. Etrusc.* v. 55. Versu 98. pro *Et quis Parm.* At qui: et *tenuere* pro *tenuare*.

v. 99. *vel HEROOS gressu truncare TENORES.*

Optima haec emendatio a *Domitio* est, qui in suis libris invenit,

*vel OROOS gressu truncare SENONES.*

In *Parmensi* est, satis ridicule,

*vel OROOS gressu TENTARE LEONES.*

Optime etiam explicavit *Domitius*: *Qui aufertis pe-*

*dem, nec alterum versum permittitis subsequi integrum.*

v. 101. *Qua fandi VIS lata patet.*] Epitheton *LATA*, si ad *viam* referatur, pessimum est: nemo enim *viam* fandi *LATAM* dixerit, sed *viam*:

*Qua fandi VIA lata patet:*

Ita *Silv.* II, 1.

*magnaue patet VIA lubrica plagae.*

*Gratius Cyneg.* v. 217. de *Hagnone*:

*Illic trepidas artes et vix novitate sedentes*

*Vidit qua propior patuit VIA:*

et 357.

*Mortis enim patuere VIAE.*

*Seneca Hippol.* v. 1209.

*In hoc redimus? patuit ad caelum VIA*

*Bina ut viderem funera et geminam necem?*

*Sedulius lib.* III, 228. de *Pharaone*:

*Miratur stupefacta cohors sub calle pedestri*

*Navigeras patuisse VIAS.*

*Avienus ora Maritima,* v. 697.

*Pro fonte litus praecipet; tenuis VIA*

*Patet inter undas; latera gurgis adluit.*

*Seneca de Ira* III, 35. *Iter angustum rixas transeuntium concitat: diffusa et late patens VIA ne populos quidem collidit. passim exempla invenies. Qua patet* ut apud *Ausonium* *Epigr.* 128.

*Mediunque fossae rima qua patet, callem,*

*ψ dicit esse: nam trifissilis forma est:*

ita legendum; vulgo, *fissi rima*. *Silius Italicus* X, 413.

*Quaque patet campus planis ingressibus hosti.*

*Q. Curtius* III, 11. *Tum vero ceteri dissipantur metu; et qua cuique patebat ad fugam VIA, erumpunt.* Similiter depravata haec vox *via* apud *Ciceronem* libro I, 2. de *Oratore*; ubi pro *VI ac ratione dicendi* legendum, *VIA ac ratione*, ut passim in istis libris, ac caeteris *Tullii* operibus. Pro *vis lata* *Rom. jus*.

x. 104. *Exsere semirutos subito de pulvere vultus*

*Parthenope.*] Difficillimus locus, et qui magna ingenia exercuit. Constructio est: *Parthenope, exsere de subito pulvere semirutos vultus*. Ubi primum, *exsere* DE *pulvere* suspicionibus obnoxium videtur, cum usitatus sit dicere *exsere pulvere*, sine praepositione. Sed defendi forte potest loco *Ovidii* *Triast.* III, 12.

*Herbae quae latuit Cerealiobus obruta sulcis,*

*Exserit E tepida molle cacumen humo:*

quo tamen loco magna est in *Codicibus* diversitas. Difficilius istud, *SUBITO de pulvere*: quid enim est *pulvis subitus*? an *inspectatus*, *inopinus*? frigidissimum. Sensit haec incommoda acutissimus N. Heinsius, qui ad *Sil. Italicum* XIV, 583. legebat,

*Exsere semirutos Vesuvino pulvere cultus*

*Parthenope:*

qua Conjectura nihil vidi ingeniosius, aut auctore suo dignius. nec quidquam facilius quam, retracta in sedem suam syllaba *de*, ex *desubito* facere *Vesuvino* hoc est *Vesuvino* vel *Vesuvino*; utroque enim modo



dici possit, cum *Vesbius* et *Vesvius* poetis passim appellatur hic mons. nec dubito quin Statius scripserit *Vesuvino*. Gronovius Elench. Antidiatr. c. VII. aliter hunc locum emendare voluit:

*Exsere semirutus subito de pulvere vultus:*

„*semirutus pulvis*, inquit, est quod alter, (Val. Flaccus II, 30.) *ejectat adesi Fundamenta jugi*.“ Sane nimium festinanter videtur haec scripsisse Vir Magnus. Quid enim sit *pulvis* SEMIRUTUS adhuc non intelligo, nec me hilum jurat iste Val. Flacci locus. nec melius capio SUBITOS *vultus*; quod utinam latius explicasset et illustrasset: nam ut mihi videtur aequè bene scripsisse potuit Statius *non subito vultus*. Sed alius latet ulcus in vocibus *semirutus* et *pulvere*. quippe *vultus semiruti*, vel *pulvis semirutus*, nihili sunt. *Castella* quidem, et *vallum*, et *tecta*, et *muros semirutos* legimus in Tacito, Lucano et aliis. unde apparet, de rebus majoribus, et in quibus diruendis aliquid laboris vel temporis exhauriendum est, hanc vocem usurpari; non de *pulvere* vel *vultu*. Lege, nulla paene mutatione,

*Exsere semiestuos Vesuvino fulgure vultus*

*Parthenope:*

ex Virgilio Aen. III, 578. de Aetna:

*Fama est, Enceladi SEMIESTUM FULMINE corpus Ugeri mole hac:*

ubi vide Pierium disputantem utrum *semusta* vel *semiusta* scribendum sit. Sic *busta semusta* Idem Aen. XI, 200. *dona semusta* Sil. Italicus III, 16. *cineres semiusti* Tacitus Ann. II. et ejusmodi innumera. Recte autem *Vesuvino fulgure*: quippe hi montes igniferi, quasi *fulminantes* et *tonantes* a poetis describuntur. unde de Aetna Virgilius Aen. III, 571.

*Sed horrificis juxta TONAT Aetna ruinis.*

§ Noster infra, v. 207.

*Cum Pater exreum terris ad sidera montem Sustulit, et miseris late dejecit in urbes;*

*fulminis* scilicet more *dejecit* montis *flammas* Jupiter. Val. Flaccus IV, 507.

*Sic ubi prorupti TONUIT cum forte Vesevi*

*Hesperiae letalis apex, vix dum ignea montem TORSIT hiems, jamque Eoas cinis induit urbes.*

Ovidius Art. Am. III, 490.

*Sed tamen Aetnaei FULMINIS instar habet:*

licet hoc referendum sit ad *verum* fulmen, quod in Aetna Cyclopes fingebantur procudere. Clare Auctor Aetnae, v. 361. de eo monte loquens:

*Ardentesque simul flammæ et FULMINA rumpit.*

et paulo ante, v. 343.

*Qui rupes terræque vorat, qui FULMINAT ignes.*

Infra v. 555. comparat hos ignes Jovis igni, seu fulmini:

*Sed non qui nostro fervet moderatior usu,*

*Sed caelo propior, vel quali Juppiter ipse*

*Armatus flammæ est:*

quemadmodum Plinius Epist. VI, 20. *fulgoribus* adsimilat vibrationes et coruscationes flammaram ex monte Vesuvio: *Ab altero latere nubes atra et horrenda ignei spiritus tortis vibratisque discursibus*

*rupta, in longas flammaram figuras deliscebant: FULGORIBUS illae et similes et majores erant.* Recte vero *fulgure*; quod poetis idem esse ac *fulmine* norunt omnes. Non dubito quin haec sit Statii manus, et mens: [*Exsere semirutos subito de pulvere vultus*. Ven. *Extra semirutos subito de vulnere*. Pro *extra* forte legend. *Extrahe*. Istud vero *semineros* confirmat emendationem meam *semiustos*. Pro *sepulti*, versu prox. sequenti, Ven. *sepultum*; et *cinerem* pro *crinem*. EX ADD.]

v. 105.

*crinemque afflato monte sepulti*

*Pone super tumulos et magni funus alumni.]*

Difficilior adhuc prior locus. Lipsius Elect. II, 14. legit, *afflata mente*; quod merito non probant viri eruditi prae isto Dan. Heinsii, *crinemque adflatum monte, sepulti* etc. ut sensus sit: *Pone, o Parthenope, crines tuos, ut sunt etiamnum ambusti et adflati incendio Vesuvino, super tumulum parentis mei.* Et sane hoc verum esset, nisi sequentia demonstrarent majus aliquid hic delitescere; quod illi non satis attendebant. Vide enim Constructionem: *Pone crinem adflatum monte, super TUMULOS et FUNUS magni SEPULTI alumni.* Ubi primum, quis ferre potest ineptam istam *ταυτολογίαν*, super *tumulos* et *funus* alumni *sepulti*? Si enim *tumulos* et *funus* habeat, mirum ni SEPULTUS sit. adeo ut plane abundet vox *sepulti*. Deinde, nemo peritior poeta duo epitheta MAGNI SEPULTI alumni isto modo conjunxisset: dixisset potius, *super tumulos et MAGNUM funus alumni*; quod tolerabile aliquatenus foret. Sed omnino abundat vox *sepulti*, in qua latet hujus loci depravatio. Sensit hoc quoque perspicacissimus N. Heinsius, qui cum in Parmensi invenisset SEPULTUM non SEPULTI, locum sic refiixit:

*crinemque adflato MONTIS ADESTUM*

*Pone super tumulos et magni funus alumni.*

Sanius hoc quam ceterorum omnium conjecturae et interpretationes. Literae *p* et *d*, ut supra notavi, saepe invicem commutantur; adeo ut non sit magna mutatio ex *montes edultum* in *montis adustum*. Sardon. Apollinaris Carm. V, 523.

*quondam mihi corpus ADESTUM*

*Frigoris IGNE perit.*

Plinius N. H. XVII, 24. de vitibus: *ADURUNT et FLATUS quidam eas maxime.* Cum vero praecesserit, *Exre* emendatione mea, quam certissimam puto, *Exsere SEMIUSTOS* etc. cogor dubitare de τῷ ADESTUM Heinsii: unde mihi magis placeret,

*crinemque adflato montis ADESUM,*

eodem sensu. Propertius IV, 7.

*Et solitum digito beryllon ADEDERAT IGNIS.*

Val. Flaccus II, 30.

*trux ille ejectat ADESI*

*Fundamenta jugi.*

Virgilius Aen. IX, 536.

*Et flammam adfixit lateri; quae plurima vento*

*Corripuit tabulas, et postibus haesit ADESIS.*

Utcunque haec cesserit conjectura, certissimum est sub voce SEPULTUM aliquid hujusce sensus delitescere. Pro *crinem* Parm. et Rom. *cinerem*, solenni errore.



Cronovius Diatr. c. LIII. defendit vulgatam lectionem *afflato monte*: quam hoc modo explicat: „*crines* Parthenopes, utpote in capite Vesuvii, finguntur flammæ Jex Vesuvio emicantes. Quomodo poneret illos „super tumulum Papinii patris? *adflato monte*, hoc est, si adflaret tumulo incendium montis Vesevi. „*Mons* pro quacunque ejus parte, aut quocunque in „monte.“ Frustra hæc Vir summus. quippe vox *crinis*, etsi sæpe de rebus flammis usurpetur, nunquam tamen absolute, (ut in hoc loco secundum Gronovium) pro *flamma* ponitur. neque enim dicere potes *accende crinem* pro *accende ignem*; neque Terentianum istud, *In crinem posita est; stetur*; pro *in ignem*, efferre licet: quod quidem liceret, si vera esset annotatio Gronoviana. Vox *crinis* vel *coma*, quando de *flamma* dicitur, semper adjunctam habet aliam vocem, *ignis* puta, vel *faces*, vel *astrum* vel *cometes*, vel aliam quampiam ejusmodi, quæ denotet *Rem* quæ emittit hos *crines*. Ita in exemplis quæ ille adduxit: Catullus,

*viden', ut FACES*

*Splendidas quatiunt COMAS?*

Val. Flaccus,

*Protulit ut CRINEM densis luctatus in extis*  
*IGNIS.*

Seneca Oedipo:

*Utrumque clarus IGNIS et viridis stetit*  
*Rectusque purum verticem caelo tulit,*  
*Et summam in auras fusus explicuit COMAM?*

ita legit ex MS. suo Vossius ad Val. Flacc. I, 205. pro *nitidus stetit*. Vides verum esse quod dixi. ita Virgilius Aen. V, 528.

*Transcurrunt, CRINEMQUE volantia SIDERA ducunt.*

Claudianus Bell. Gild. v. 496.

*Et contusa vagos jaculantur SIDERA CRINÉS.*

Plinius N. H. II, 25. COMETAS Graeci vocant, *Nostris crinitas, horrentes CRINE sanguineo, et COMARUM nodo in vertice hispidas*. Et mox: *Fit et candidus COMETES, argenteo CRINE*. Avienus Arateis v. 1686.

*rutilarum spargere CRINES*

FLAMMARUM, et longos a tergo ducere tractus.

Et in universum, hoc ita esse deprehendes. nec aliter fieri potest, cum hi *crines* nihil sunt praeter *irradiationes* seu *emissiones* a corporibus istis igneis (non ipsa corpora) de quibus sermo fit. Non igitur *crinis* absolute pro *igne*. Hoc primum. Deinde: *adflato monte*, hoc est, inquit, si adflaret tumulo incendium montis. Cui Bono, vir maxime? et quare adflaret incendium montis super tumulum, cum jam ante posuisset *crinem*, hoc est secundum Te, *ignem*? Mitto, *adflare montem* pro *adflando ponere montem*; cum longe alia significatio sit vocis *adflare*. mitto etiam a Te introductum novum morem ponendi *ignes* super amicorum tumulos, cum notissimum sit (et a te doctissimo isto Capite explicatum) *crines* poni solere. Quin et si hæc omnia admittamus, eadem manebit difficultas de voce *sepulti*; quam, post tumulos et funus nunquam admisisset cultissimus et mi-

nime omnium otiosus poeta Statius. Hæc ideo huiusmodi adnotasse visum est, ne Magno Nomine in errorem inducantur tirones, quique tironum classe ponendi sunt, ii qui pro seipsis judicare non audent. Donec melius aliquid ex libris contingat, *to afflatu montis* ADESUM, vel Heinsii ADUSTUM, sensu optimo, mutatione non magna, libenter sequor.

v. 107. *Quo non MUNICHIAE quidquam præstantius arces.*] Ovidius Metam. II, 709.

MUNICHOSQUE volans agros, gratanque Minervæ

Despectabat humum.

Ad quem locum notat Heinsius in quibusdam codicibus esse MONICHOS: et ita apud Nostrum Theb. II, 252.

MONICHIUS cui non Argiva per urbes  
Posthabita est Larissa jugis,

inveniri in veterrimo Codice Anglicano: et sic etiam legebat Lutatius, Vetus Scholiastes. Stephanus Byzantinus utrumque Μονυχία et Μονυχία agnoscit: unde scimus utrovis modo recte dici. Vide Scholiastem veterem ad Thebaid. XII, 616. Citat hunc quoque locum Heinsius, et scribi vult MUNICHIAE arces, non MUNICHIAE: cui scripturae favet Parmensis, quæ habet MODICAE; et artes pro arces. [Ven. Moniciae: verum est Μονυχία. Ex ADD.] Vers. 108. pro *Docta*QUE plane legendum *Doctave*, ut *Sparteve*. *Docta* vero *Cyrene* propter Callimachum et alios.

v. 110. *Nil gentile TENENS.*] Non intelligo quid sit *TENERE nil gentile*. Admitte in contextum, me auctore,

*Nil gentile TUMENS.*

Ecce rem ipsam Thebaid. VIII, 428.

*Principium pugnae turmas Asopius Hypseus*  
*Joebalias (namque hæc magnum et GENTILE*  
*TUMENTES*

*Eubœicum duris rumpunt umbonibus agmen)*  
*Reppulit.*

*Nil gentile tumens*, id est, non efferens te, non jactans originem et gentem tuam. *Gentile tumens* ut *tumale fremit*, Thebaide; *famulare timens* Herc. Surrent. *immortale tumens* Theb. IV, 833. *gentile micantes oculi* Senec. Hippol. v. 378. *Ἰκάνον παδλάν*, apud Graecos: et innumera ejusmodi in utraque lingua. Recte vero *tumere* de iis qui stirpe et origine superbiunt. Multas in hac voce Sit. Italicus, ut IV, 150.

*Ipsæ TUMENS atavi Brenni se stirpe ferebat*  
*Chryxus, et in titulos Capitolia capta trahebat.*

X, 177. de Phoro:

*Hunc objectantem sese atque antiqua TUMENTEM*  
*Nomina, saxificæ monstrosa e stirpe Medusæ,*  
*etc.*

*tumentem antiqua nomina*, id est, cum *tumore* et *fastu* jactantem et proferentem majorum suorum nomina. Iterum XV, 291.

*Hic gente egregius veterisque ab origine regni*  
*Acacidum sceptris proavoque tumebat Achille.*

Auctor Octaviae, v. 496.



*Servare cices principi et patriae graves  
Claro TUMENTIS genere, quae dementia est?*

A. Salinus Epist. Demoph. Phyllidi v. 5.  
*Thesca quo socero nequicquam, Phylli, TUMEN-*  
*BAS, etc.*

ita recte emendavit Heinsius pro TIMEBAS. Claudianus in Rufinum, II, 343.

*Ipse salutatum reduces post praelia turmas  
Jam regale TUMENS et principe celsior ibat.*

Saepe autem commutantur hae voces; ita apud Ovidium Heroïd. VI, 65.

*Ultimus e sociis sacram conscendis in Argo:*

*Ilu volat: ventis concava vela TUMENT:*

ita legendum pro *ventus tenet*: ut Art. Am. II, 432.

Saepe TUMENT Zephyro lintea, saepe Noto. *vela tenet ventus*, esset, *delinet*, *remoratur*, ut Fast. V, 307. et Met. VII, 664. et ita partim con-  
nectasse Francium jam video. Pro *probare* Parm. et Röm. *probabas*: forte recte. Pro ATQUE Euboico legendum puto AQVE: duci A sanguine, non duci sanguine. Mox, v. 112. *praestrinxit tempora sertis*: usitatus est *praecinxit*; sed probum etiam alterum: *astringere*, eodem sensu apud Ovidium Pontic. III, 3 v. 51.

*Scriptissimus haec istis, quorum nec villa pu-  
dicos*

*Astrinxit crines, nec stola longa pedes.  
et stringere Claudiano in Gigantomach.*

*Te Delphica laurus*

*Stringat, Porphyrion.*

Pro *praestrinxit* Parm. *praestat* sed. forte latet ali-  
quid. Pro *sertis* eadem *seris*. Vers. 109. pro FAMA recte Gronovius ex edit. Ven. et cod. Sal. FAMA; ut *incognitum famae* apud Livium lib. 42. Propertius I, 11.

*Non quia perspectae non es mihi cognita famae:*  
ita legendum puto: vulgo, *perspecta fama*: sed al-  
terum Graeca Propertii eruditione dignius. Noster Thib. II, 274.

*Cyclopes notique operum Telchines amica*

*Certatim juvare manu.*

Propertius iterum, II, 22. v. 37.

*Adspice ut in toto nullus mihi corpore surgat*

*Spiritus, admissi notus adulterii:*

ita et ibi cum Broukbusio legerem, pro *admisso adul-*  
*terio*. et pro *in toto corpore*, praestaret *inmoto*  
*pectore*: spiritus enim *in toto corpore* non adeo  
aptum videtur. Sed de his alias. In Parm. plane le-  
gitur FAMAequae obscura. Sic nuda FAMA mors, a-  
pud Sil. Italicum IV, 608. [v. 110. Pro *probare*  
Ven. *probabas*. EX ADD.]

[v. 112. *Ille tuis toties PRAESTRINXIT tempora sertis*. Recte dubitavi de hoc loco, postquam in Parmensi inveneram PRAESTAT SED pro PRAESTRINXIT. Veneta quoque PRAESTAT SED tempora. Scripsit Statius

*Ille tuis toties PRESSIT SUA tempora sertis.*

De τῷ premere hoc sensu dixi ad Glauc. Melior. v. 116.

*crinemque decorum*

PRESSISSET rosea lasciva Thalia corona.

*Sua tempora ut Pietat. Abasc. v. 196.*

*et cura pressit sua lumina dextra.*

Species quoque Antitheti est inter TUIS sertis et SUA tempora: quod Statio valde adamatum est. EX ADD.] v. 114. ORA supergressus Pylti senis, ORaque regis

Dulichii.] Defendi forte potest haec vocis re-  
petitio ex Surrent. Poll. v. 69.

ORA ducum et vatum, sapientumque ORA prio-  
rum.

Sed mihi multo magis placet

ORA supergressus Pylti senis ORaque regis

Dulichii:

id est verba. Theb. III, 87.

*et jam media ORSA loquentis*

*Abstulerat plenum capulo latus.*

Exempla ubique: vide ad Epiced. Puer. v. 24.

v. 115. *Specieque comam SUBNEXUS utraque.* Cum ita habeant omnes libri, non immiscebo me con-  
troversiae inter Gronovium et Gevartium, utrum scri-  
bi debeat SUBNEXUS an SUBNIXUS. Pro priore stat Gevartius Elect. I, 7. et huc trahit Virgilium Aen. IV, 215.

*Et nunc ille Paris cum semitiro comitatu*

*Maconia mentum mitra crinemque madentem*

*Subnixus, rapto potitur:*

ubi pro *subnixus* legit *subnexus*, ut Aen. X, 137.

*fosos cervix cui lactea crines*

*Accipit, et molli subnectens circulus auro.*

Innumera ex Autoribus antiquis huc facientia addi  
possunt. Gronovius Diatr. c. LIV. pro *subnixus*  
acriter et docte contendit; quod nihil aliud est, in-  
quit, quam *suppositus, indutus, circumamictus*: hoc  
probat ex Sil. Italico, Virgilio III. Aeneid. et Clau-  
diano de Cons. Mallii, ubi hunc Statii locum imitatur:

*Consul per populos, idemque gravissimus auctor*

*Eloquii, duplici vitta subnixus in aeternum*

*Proccidit, libris pariter fastisque legendus.*

Elevat etiam Gevartianam in Virgilium conjecturam,  
et defendit antiquam lectionem *subnixus*. Mihi verior  
in hoc Statii loco videtur Gevartius, eruditior Gronovius. Nihil frequentius occurrit quam *nectere, in-*  
*nectere, subnectere*, pro *vincire, praeligare*. Vir-  
gilius Aen. VII, 668.

*sic regia tecta subibat*

*Horridus, Herculeoque humeros innexus amictu.*

Exempla ubique. Utrovis modo recte dici posse vi-  
detur, *subnexus comam* et *subnixus comam*: ut nil  
adversus exemplaria mutandum sit. Pro *specie*  
Parm. *speciem*: et utroque pro utraque.

v. 119. PONERE purpureos infantia adegit a-  
mictus.] Omnino contrarium, si quid video, dixisse  
debit. An scripsit,

SUMERE purpureos, etc.

Prudentius contra Symmach. I.

*Candidiore toga nuncum pietatis amictum*

SUMERE.

Juvenalis Sat. II.



*Damnetur si vis etiam Carfinia; talem  
Non SUMET damnata togam.*

Et sane, omisa prima versus litera, ut in MSS. solet fieri, non multum differentiae est inter *onere* et *umere*. Pro infantia Cruceus legit *infantis*, ut constructio sit, *genus te adigit ponere purpureos amictus INFANTIS*; non male; ut in isto, *nostros vidisti FLENTIS ocellos*: et Horat. *cum mea nemo scripta legat vulgo recitare TIMENTIS*. Male vero Idem, cum *ponere* interpretatur *sumere*, et probare nititur ex isto Ovidii,

*posuitque ad tempora canos*

*Sulcavitque cutem rugis:*

quippe alia res est *ponere amictus*, alia *ponere canos ad tempora*, hoc est, *adponere canos temporibus*: et si Statius dixisset *ponere amictus ad corpus*, ferri posset, et intellexissem; non autem cum simpliciter dicat *ponere*, hoc efficit. Pro *adigit* Parm. [et Ven. Ex ADD.] legit. Mihi suspectus est hic locus. Versu praecedenti pro *expensis* Parm. [Ven. Ex ADD.] et Rom. *extensis*. Vers. 123. pro *tum tibi* Parm. *tum mihi*: Rom. *tu mihi*.

v. 124. *et natalis origo*

*Pendet, ET ambiguo geminae certamine terrae.]*

Miror Gronovium hoc loco parum vidisse, cum vulgaribus oculis incurrat legendum,

*et natalis origo*

*Pendet AB ambiguo, etc.*

Illud ET debetur geminationi ultimae syllabae vocis praecedentis. *Pendet AB*, ut Lucan. V, 769,

*casu pendemus AB uno.*

Manilius IV, init.

*finisque AB origine pendet.*

Sensu simili locus in Surrent. Pollii, v. 133.

*Tempus erat cum te geminae suffragia terrae  
Diriperent, celsusque duas veherere per urbes, etc.*  
Ita Antholog. III, 25. de Alcmane:

Κείνου δ' ἡμετέρους ΔΙΑΤΜΑΙΣ ἔρεε, εἰδ' ὄρε  
Αυδός,

*ἔρεε* Ἀλκων. πολλὰ καὶ πατρίδες ὑμνοπόλων.

Romana Edit. *Pendet IN ambiguo*: et ita Venet. teste Gronovio, Diatr. c. LV. qui eam lectionem probat: frustra. Sic Surrent. Poll. v. 131. pro *mentis* AB *arce* Parm. IX *arce*.

J v. 126. *Te degente suum Latiis aseita colonis  
Graia refert Selle.]* Recte Cruceus discerpit vocem *degente*, (ita enim erat in editionibus) et fecit de gente. Virgilius Aen. IX, 284.

*genetrix Priami de gente vetusta*

*Est mihi.*

et X, 350.

Tres quoque Threïcios Borcae de gente suprema. et ita alibi. *Graia* vero *Selle* est *Velia*, Lucaniae oppidum; dicta *Graia* quoniam a Phocaeensibus condita, teste Strabone lib. VI. initio. *Latiis adseita colonis*, propter Antiochetae Statio adamatam: quasi dixisset, *Selle a Graecis condita, a Latinis habitata*. Qui de *Selle* in Epiro haec interpretantur, et inde accersunt genus Papinii Patris, nugantur. primum, quia nulla fuit urbs eo nomine in Epiro. *Sellae* qui-

dem populi, qui et *Selli* et *Helli* dicuntur, occurrunt apud Plinium et Strabonem: Sed nulla urbs *Selle*. Deinde, quomodo esse potuit *Sellius* seu *Epirota* Statii pater, cum supra v. 119. dixerit filius, illum sumsisse togam *praetextam* et *Bullam auream*? quae certe *Nobilitatis Romanae*, non *Epirotae* insignia fuerunt. Haec adeo clara sunt, ut de iis verbum non amplius addendum sit. Proinde necesse est falli Lilius Gyraldum Dialog. IV. et Domitium, et ceteros viros doctos qui *Sellen* vel *Sellas* *Epirotarum* patriam Papinii Patris statuerunt: cum plane *Velinus* fuerit de gente. Notat autem Strabo lib. VI. urbem hanc *Veliam* a Graecis tripliciter appellatam esse, Ἰλλέα, Ἰλλή, Ἰλλη. unde, aspiratione in S mutata, *Selle*, ut ab Ἰλλή *Sella*, ab Ἰλλα *Septem*, ab Ἰλλω *Serpo*, et ejusmodi multis vocabulis. proinde non opus est ut legamus *Graia refert HYLE*, cum Heinio ad Ovid. Metam. XV, 626. Si aliquid mutandum, potius esset, *Graia refert HEILE*, quemadmodum Graeci eam vocabant; unde Plinius N. H. III, 5. *Heliam* eam dixit. Male etiam Gronovius et sine causa τὸ *adseita* mutatum voluit in *adscripta*, Diatr. c. LV. *Adsciscere* dicimur quicquid ab origine nostrum non fuit, quicquid adventitium *adsumimus*; ita Latii coloni *adsciscerunt* *Graiam* *Sellen*. vide quae de hoc verbo notavi ad Herc. Surrent. v. 151. Ex hoc loco probabile est, immo hic locus probat, Gentem *Papiniam* aut oriundam esse ex *Velia*, vel ibi maxime viginisse.

v. 127.

*GRAIUS qua puppe magister*

*Excidit, et mediis miser evigilavit in undis.]* Miras turbas dedit ignorantia historiae hujus *GRAII magistri*. Gronovius Diatr. c. LV. „*Graius magister* inepte dicitur *Palinurus*, qui *Phrygius* erat. „sed *gratum* dixit *Papinius*, sive *Aeneae*, sive *Teucriis*, sive ipsi denique *puppi*?“ Haec sunt mera frigiditas: et aeque bene *Palinurus* dici potuit *non gratus magister*, quia *non gratus* erat *Deo Sonno*, qui eum *liquidus projecit in undas praecipitem*. In praecedenti nota probavi *Graiam* *Sellen* esse *Veliam*: jam vero pueris notum ex Virgil. VI, 350. et seqq. *Palinurum* circa *Veliam* *puppi* excidisse et demersum fuisse. Statius manifesto alludit isti loco Virgilii,

*Ecce gubernator sese Palinurus agebat,  
Qui Libyco nuper cursu, dum sidera serrat,  
EXCIDERAT PUPPI, MEDIIS demersus IN UNDIS:*

vides ipsa Statii verba,

*qua PUPPE magister*

*EXCIDIT, et MEDIIS miser evigilavit IN UNDIS.* et mox, v. 365. orat *Aeneam* *Palinuri Umbra*,  
*aut tu mihi terram*

*Injice, namque potes, portusque require VELI-  
NOS:*

ubi scilicet corpus meum jacet. Etiam Statii *MAGISTER* a Virgilio est, v. 353.

*Quam tua ne spoliata armis, excussa MAGI-  
STRO.*

*Deficeret tantis navis surgentibus undis.*



Hoc igitur certissimum est, *Graiam Sellen* esse *Velliam*, magistrum hunc *Graium*, Palinurum. quaeritur tantum, quomodo *Graius* dici poterit cum *Trojanus* fuerit. Cruceus ait, Sive quia nomen habet *Graium*: sive quia forte erat *Graius*. Pessime: hoc enim mudo *Astyanax*, et *Alexander* seu *Paris*, *Graeci* forent, si nomen solum faceret Graecum. et de altero membro Annotationis Cruceanae, cum de patria Palinuri inter Auctores sileatur, non magis *Graius* haberi potest quam *Aegyptius*, quam *Colehus*; quam *Assyrius*. Dudum videram Statium scripsisse,

*PHRYGIUS qua puppe magister*

*Excidit:*

Ex Lucano IX, 41.

*hinc placidis alto delabitur auris*

*In litus, Palinure, tuum: neque enim aequore tantum*

*Ausonio monumenta tenes; portusque quietos*

*Testatur Libye PHRYGIO placuisse MAGISTRO.*

et Pomp. Mela II, 4. *Blanda, Buxentum, Velia*, PALINURUS, olim PHRYGII GUBERNATORIS, nunc loci nomen. Ita, inquam, in libri margine emendaveram. sed sero: postea enim vidi Cruceum quoque vel Avantium ita conjectasse: et tandem ex vetusto codice hanc emendationem proferit Nic. Heinsius ad Ovid. Met. XV, 626. Recte autem *Velia qua Palinurus puppe excidit*; quippe *Palinuri promontorium* erat juxta *Velliam*: unde Geographi illa coniungunt. Strabo lib. VI. post descriptionem *Velliae*: *Μετὰ δὲ ταύτης (Ἠλείας) ἈΚΡΩΤΗΡΙΟΝ ΠΑΛΙΝΟΥΡΟΥ*. Vell. Paterculus II, 79. quippe longe maiorem partem classis circa *VELIAM* PALINURIQUE PROMONTORIIUM adorta vis *Africi* laceravit ac distulit. Plinius Nat. Hist. III, 5. *Oppidum Helia, quae nunc VELIA: PROMONTORIUM PALINURUM*. Servius ad Virgil. Aen. VI, 378. *Lucanis enim pestilentia laborantibus respondit oraculum, manes Palinuri esso placandos. ob quam rem non longe a Velia et lucum et Cenotaphion ei dederunt*. Virgilii locus sic habet:

*Nam tua finitimi, longe lateque per urbes,  
Prodigiis acti caelestibus, ossa piabunt.*

Qui locus, nisi omnia me fallant, insigni absurditate foetus est. si enim FINITIMI, quomodo LONGE LATEQUE per urbes? idem est ac si dixisset FINITIMI LONGINQUI piabunt tua ossa: quod sane mirum ducerem, nisi quod nihil mirum habendum est in poemate tam imperfecto. Sed ad Statium. Edidi igitur PHRYGIUS magister, ita editurus etiamsi MS. auctoritatem non habuisset. nec dubito, quin multa ex his, quae jam conjecturarum nomine veniant, ab exemplaribus melioribus olim firmabuntur. velut hoc quod sequitur:

v. 129. MAEON ET INDE suum longo probat ordine vitae

*Maeoniden, aliaque aliis natalibus urbes*

*Diripiunt.*] Omnium locorum in Statio difficultum hic est difficillimus. operae pretium sit totum apponere et perpendere:

*Nec simplex patriae decus, et natalis origo  
Pondet ab ambiguo geminae certamine terrae.*

*Te de gente suam Latius adscita colonis*

*Graia refert Selle; (Phrygius qua puppe magister*

*Excidit, et mediis miser exegilavit in undis;)*

MAEON ET INDE suum longo probat ordine vitae

*Maeoniden, aliaque aliis natalibus urbes*

*Diripiunt, cunctaeque probant. non omnibus ille Verus; alit virtos immanis gloria falsi.*

Admodum infeliciter hic rem gessit Gronovius Diatr. c. LV. ex sex enim vel septem Conjecturis quas huic loco dedit, ne in una quidem stetit. Versu secundo voluit IN ambiguo; verum erat AB. tertio legit acscripta; non opus erat, et elegantius adscita. quarto vult gratus pro *Graius*: probavi legendum esse *Phrygius*. Jam ad sextum venimus, MAEON ET INDE suum, etc. quem ita explicat: „Nunc ut pateat mens „Statii: ait ille, Maeonem e quo Homerus genitus, „et unde a Poëtis patronymica appellatione *Maeoniden*, des vocatur, nunc sero decidere controversiam, „quae de Maeonide sui patria fuerit tot inter urbes, „et vel hoc exemplo probare Sellen ipsi patriam: quippe cum tantus poeta, quantus Papinius pater extitit, non ab alia produci terra, alia urbe, alio „caelo, potuerit quam quae ipsum Homerum omnium „principem dedit. Longo ordine vitae, est, post „multas hominum aetates.“ Haec igitur jam executiamus. Sensus est: GEMINAE urbes certant de tuis natalibus; primum VELIA, (supra enim probavi Sellen non aliam esse posse quam *Velliam*, *Lucaniae oppidum*) ubi *Palinurus puppe excidit*, et UNDE (ita enim legit Gronovius pro INDE) MAEON probat suum *Maeoniden*. Sed quomodo fieri potest, ut *Maeon* seu *Smyrnaeus* probet suum *Maeoniden* ex *Velia*, Italiae urbe? hoc prima fronte sibi ipsi contradicit, et aequè absurdum est ac si dicas *Nicaeandrum Colophonium* natum esse *Londini*, Britanniae urbe. Vel si *Maeon* cum Gronovio accipias pro patre *Homeri*, quaero quid illi cum *Lucaniae* urbe, aut quo sensu ille dici possit probare filium suum *Maeoniden* ortum esse ex *Velia*? Mitto quod verba illa longo ordine vitae falsum continent, nisi probari possit *Maeoniden* seu *Homerum* ex maxima parte commemoratum esse *Velliae*: pessime enim Gronovius interpretatur haec verba, post multas hominum aetates; cum nemo unquam in hoc sensu ea usurparit; et si ferri posset haec interpretatio, abundarent tamen haec verba, cum satis esset dixisse, et unde *Maeon probat suum Maeoniden*; siue istis, longo ordine vitae, quae sensui nihil addunt. At quid si tota haec de *Maeone* explicatio nullum habeat fundamentum? Et sane ita est. Lego modo hanc Domitii notam: MAEON.) mendosus Codex habet MAJOR. nos MAEON legimus: quod insequens versus probat. Vides vocem MAEON Domitii signum esse, pro MAJOR; quam etiam plane habet *Parmensis* [et Ven. EX ADD.], MAJOR et inde suum. Sed, quod majoris est momenti, deest alterum sententiae membrum. Vide enim: GEMINAE TERRAE certant, *Velia*, et altera quaequam. Atqui *Velia* tantum comparet: ubi est altera, sc. *Neapolis*? Jam non adeo difficilis est aditus ad huius loci sensum,



qui hic est: *Duae terrae certant de honore natalium  
laorum, VELIA et NEAPOLIS: VELIA dicit te suum  
esse de gente; NEAPOLIS probat te suum esse longo  
ordine vitae, ex mora quam ibi plerumque fecisti,  
et habitatione tua illie: unde alumnum Parthenopes,  
et circum, paullo supra eum vocavit. Nihil eviden-  
tius quam ita voluisse Papinium; et vox suum in  
isto versu, Maeon et inde suum, etc. clare monstrat  
se respondere praecedenti alicui, nempe rō suum in  
superiori versu, Te de gente suum, etc. Haec est  
ipsa veritas; adeo ut nihil restet nisi ut Neapolin  
quaeramus sub istis MAJOR ET INDE. Ecce tibi eam,*

PARTHENOPEQUE suum longo probat ordine vitae:  
Jam totum locum relege:

Te de gente suum Latiis adscita colonis

Graia refert SELLE,

PARTHENOPEQUE suum longo probat ordine vitae.  
Mihi tam certum est Statium ita olim scripsisse,  
quoniam me nunc haec scribere: omnino enim necessa-  
ria est Parthenope, ut respondeat rō Veliae, et GEMI-  
NAM terram efficiat. Ita Surrentin. Pollii Felicis, v. 133.

Tempus erat cum te GEMINAE suffragia TERRAE  
DIRIPERENT, celsusque DUAS veherere per URBS;  
INDE DICARCHEIS multum tenerande colonis,  
Hinc adscite MEIS; pariterque his largus et il-  
lis, etc.

id est Pateolunis et meis Neapolitanis. Hucusque  
igitur mihi ad plenum satisfacio: sed quid fiet de  
sequentibus, Maeoniden, aliaeque aliis, etc? De iis  
desperandum est, donec inveniat codex aliquis qui  
locum suppleat: mihi enim minime dubium est unum  
versum excidisse, cujus sensus hic esse debet: ITA  
SMYRNA ET ATHENAE (vel duae aliae quacvis urbium  
contententium) SIBI VINDICANT Maeoniden; aliaeque  
urbes eum diripiunt aliis natalibus; et omnes pro-  
ferunt sua argumenta quibus hoc probent. Atqui  
non fieri potest ut ille in iis omnibus natus sit: in-  
terea, illi qui hoc certamine exciderunt, sibi pla-  
cent, quod magnis tamen exciderunt ausis; quod,  
licet falsitatis convicti sint, tamen est aliquid GRAN-  
DE etiam in ipsa falsitate, cum quaestio tam magni  
momenti pendeat. Optimus hoc modo exsurgit sensus.  
Asterisque igitur locum, utpote mutilum, notavi: quod  
jam cuius patet. Gronovius ita concepit:

Maeon et INDE suum longo probat ordine vitae  
Maeoniden, aliae QUEM aliis CERTANTIBUS urbes  
DERIPIUNT, cunctaeque probant.

Infelice: nec enim Statius scripsisset aliae QUEM  
aliis, tam dura elisione, et perpetuae carminum ejus  
suavitati contraria: et natalibus sine dubio est vera  
et necessaria huius loci lectio. Neque rō Deripiunt  
stare potest, sensu salvo; quippe deripere est ex altiore lo-  
co aliquid rapere; quod sensui huius loci non congruit.  
Porro, nescio an satis Latine dici possit deripere aliquem  
aliis certantibus, pro abripere: et puti non posse.  
Tandem concedit Vir magnus tolerari posse illud Di-  
ripiunt; ut illa, aliis certantibus sint auferendi ca-  
nones, pro, cum aliae interea etiamnum certent. Jam  
ad se et veritatem redit; ut mirer ab illa unquam  
aberrasse. Dūpi dicitur quicquid magna contentione

et studio expetitur: Suetonius Vita Persii poetae:  
edūm librum continuo mirari homines et diripere  
coeperunt, Noster Theb. V, 720. de filiis Hysipyles  
postquam matrem invenerant:

per tela manusque

Irruerunt, matremque avidis amplexibus ambo  
Diripiunt.

Invenialis Sat. VI, 403.

quis amet, quis diripiatur adulter,  
ut legendum esse dudum annotarunt viri docti, pro  
decipiatur. Sidon. Apollinaris Carm. II, 420.

Diripiunt diversa oculos, et ab arte magistra  
Hoc vincit quodcumque vides.

Vers. 132. pro VERSUS recte restituit VERUS Andr.  
Schoffus Observat. Human. II, 3. Pro immanis Paru.  
[et Ven. EX ADD.] et inanis: quod nonnullis forte  
non displicebit. inanis falsi, (non inanis gloria)  
ut praeceps juvenile Soter. Gallic. v. 51. ubi vide.  
Alit victos, id est, inflat, tumidos et superbos red-  
dit: quo sensu hac voce utitur Sedulius Carm. lib.  
II, 224. ubi hunc Statii locum forte ante oculos ha-  
buit:

Discipulos jubet esse suos, talesque supernae  
Conciliat vitae, quos non ventosa loquendi  
GLORIA, nec vana de nobilitate superbus  
Sanguis ALAT; sed forma taceus, humilique re-  
fulgens  
Mente nitior, caelo faciat de plebe propinquos.

Sequitur:

Atque IBI dum profers annos, vitamque salutas.  
IBI, id est, Neapoli. At cur non Veliae? inquires.  
Dicam tibi. Infra, v. 162. narrat Statius, juvenes  
ex Daunia et Lucania et aliis regionibus commetare  
solere ad Papinium patrem, eruditionis gratia: hi il-  
lum petierunt, inquit, PATRIA RELICTA. Atqui Velia  
erat in Lucania: Lucani igitur juvenes dici non pos-  
sunt patria relictā ire ad Veliam, quia Velia erat  
in eorum patria. Haec observatio totum nodum se-  
mel solvit, et demonstrat quam vere emendavi Par-  
thenopeque pro Maeon et inde. Vide etiam vers. 167.  
Quos propiore sinu, etc. i. e. Neapoli propiore, vel  
propinquo: et v. 141. Sit primum vicisse DOMI i. e.  
Neapoli, quam patriam terram vocat Ad Uxor. v.  
13. Pro vitamque salutas, Heinsius ad Ovid. Rem.  
Amor. v. 93. legit vitamque solutam, quam interpre-  
tatur otiosam, nullis occupationibus adstrictam. Sed  
si hoc voluisset Statius, opinor dixisset occupationi-  
bus vel curis solutam: non simpliciter solutam: quae  
si aliquid est, alia res est, nempe mollis, luxuriosa.  
Recte vitam salutas. vult, initio vitae, in ipso limi-  
ne vitae: et Translatio est a Locis seu Personis quas  
primum adimus et videmus, et quas primo statim  
congressu salutare solemus. sic Epiced. Glauc. v. 80.  
de infante recens nato:

raptum te prolenus alvo

Sustulit exultans, ac prima lucida voce

Astra SALUTANTEM, dominus sibi mente dicavit:  
ubi salutare astra, ut hic, salutare vitam. vide et  
Claudian. in Pr. Cons. Stilich. I, 118. Elegantissimum  
quoque istud profers annos, et Statii eruditione dig-



num: summa vox ab *Artificibus*, qui proferre opera sua dicuntur cum primum exhibent. Horatius:

*Quam si proferres ignota indictaque primus.*  
Noster Theb. II, 215.

*species est cernere avorum*  
*Cominus, et vidis certantia vultibus ora;*  
*Tantum ausae proferre manus:*

ita legendum, non *perferre*. Dicit igitur Statius, Dum specimen tantum annorum tuorum das, ante *veros annos*, et in ipso limine vitae et paene poer, protenus raperis ad certamina quae viri vix implere valent. Haec notanda duxi, quia Heinsius ad istum Ovidii locum *to profers* interpretatur *differs*: non bene. Mox, pro *laudum festinus et audax Ingenii*, antiqua lectio erat *laudum festina sed ut dux Ingenii*. Optime restituit Lipsius, Elector. I, 9.

v. 138. *Inde frequens pugnae, nulloque, etc.*  
Nimis plebeium sapit vox *pugnae* pro honesta illa contentione ex qua tanta laus et gloria victori contingebat. Lege,

*Inde frequens palmae; nulloque etc.*  
Saepe monui voces dissimillimas genuinis, pari numero syllabarum, et quae ab eadem litera inciperent, his Silvis irrepsisse. *Ita turbes pro lingas, cantu pro creta, crudo pro crebro, docto pro dextro, et similia*. Ita Theb. V, 346.

*Illis in Scythicum Borean iter, oraque ponti*  
*Cyaneis arcata vadis:*  
ubi vulgo sine sensu legitur *oraeque primum. ostia ponti* vocat Theb. VI, 328. Eadem commutatio harum vocum *palma* et *pugna* Virgilio Aen. V, 380.

*Ergo alacris cunctosque putans excedere pugna:*  
ubi pro *pugna* Pierius in Rom. et Longobard. Codd. invenit *palma*: et ita edidit Heinsius. *Palmae* vero est *victoriae*: quod non monendus esses, Lector, nisi causa loci Virgilii Georg. III, 102. de equis:

*ergo animos aequumque notabis*

*Praecipue hinc alias artes prolemque parentum,*  
id est *victoriae*. Sed diu quaesivi quid sit istud, *artes prolemque parentum*: primo enim, ineptissime conjunguntur *artes* et *prolem*: deinde, non de *prole* ibi agit Virgilius, sed de *Equis Admissariis*, seu iis qui in spem gentis submittendi sunt, a versu 73. ad v. 138. deinde de *Matribus* ad Vers. 146. Nihil igitur ad rem istud *prolem*, cum sensus hujusmodi esse debuerit: Ergo praecipue notabis animos et aequum *parentum* seu *eorum qui generaturi sunt*; deinde alias virtutes *habitusque*, et quis dolor cuique victo, etc. Ne dubites quia Virgilius scripserit,

*hinc alias artes MOREMQUE parentum:*  
ita de apibus initio Georg. IV.

*totiusque ordine gentis*

*MORES, et studia, et populos, et praelia dicam.*  
Lucretius I.

*Nec toties possent generatim secla referre*  
*Naturam, motus, victum, MORESQUE parentum:*  
et II.

*retinentque parentum*

*Naturam, et MORES generatim quaeque imitantur.*

*morem* vero non *mores*, propter sonum: ut Georg. I. *Ventos et varium caeli praediscere morem.*

Servius reliquit aliquid in hunc locum; sed verba ejus adeo corrupta sunt ut nihil inde colligere possimus, nisi prius corrigantur. Sic igitur scribit: ANIMOS AEVUMQUE NOTABIS PRAECIPUE. Ante omnia aetatem et magnanimitatem requies. POST CAETERA] id est, parentes et studium. Ubi primo culpandus est Servius qui interpretatur *to notabis* per *requies*; cum verum sit *observabis*. Deinde verba ista POST CAETERA non comparent in contextu Virgilii; et si comparent, non tamen explicari possent per ista *parentes et studium*. Sed hic Librariorum error est, non Servii; ille enim ita scripsit: *Ante omnia aetatem et magnanimitatem requies; post, caetera, id est, parentes (f. artes) et studium*. Jam forte tibi videbitur Servium legisse MOREM, quod explicat per *studium*. Philargyrii observationem vide; sed vide tantum ut rideas: PROLEM PARENTUM *note posuit: est enim proprie liberarum, (l. liberorum) ut, Geminam partu dabit Ilia prolem*. Mirus magister hic. Sed ad Statium. Mox v. 141.

*Sit primum vicisse domi:*  
recte haec explicat Gronovius: „Dicat sane aliquis, „primum esse, facile esse sub domesticis iudiciis, „coronas mereri: quid vero habebit invidia quo ad, „mordeat Achaicas victorias tuas? Sit est concedentis: ita apud Propertium Eleg. II, 7. v. 5,

*At magnus Caesar: sit magnus Caesar in armis;*

*Devictae gentes nil in amore valent:*  
ita legendum; vulgo, *sed magnus Caesar*. Sensus est: At, dicet aliquis, Caesar est magnus, O Propertii, et te cogere potest relinquere Cynthiam. Respondet Ille: SIT Caesar quantumvis magnus in armis; haec nihil ad amorem. Vide locum suavissimum. Mox, v. 144. *toties lassata*: recte: ut Silv. I, 5.

*Nec lassata voco toties mihi numina Musas.*  
v. 147. *mores et facta priorum Discere*: excidit conjunctio *QUE: moresque et facta priorum*, ut v. 61. *moresque et facta canentem*. Virgilius Aen. VIII. ad fin.

*Attollens humero famamque et fata nepotum.*  
Ita apud Nostrum Theb. II, 519.

*horrent vicina juveni*  
*Gramina, damnatisque avidum pecus abstinet herbis:*

Ita legendum puto, pro *damnatis avidum*, etc. Vide quae supra notavi ad II, 3. v. 43. Deinde, v. 150. *pios agrestes*, quos *simplices* vocat Maullius IV, 140. *extrema per illos Justitia excedens terris vestigia fecit*, ut de iis Virgilius. v. 151. *Siculusque venex*, Theocritus; quem tamen *Trinacriae juvenem* vocat Virgilius in Catalectis:

*Dulcia jactantes alterno carmina versu,*  
*Qualia Trinacriae doctus amat juvenis.*

Haec omnia, utpote parva, et parva *Μικρονα* congesti. Supra, v. 140. pro *plausere* Parm. *clausere*: et *Sin* pro *Sit*. Vers. 150. pro *dilatit* Parm. *dilatit*.



v. 152. *volucrumque preceptor OESITES.*] Ita ple-  
raeq. editiones. et Domitius interpretatur *volucrum*,  
*Amorum*; et *Oesitus*, *obscurus*. Parm. habet OESO-  
SITES. Non dubitandum est de emendatione Gul. Can-  
teri Nov. Lect. lib. II. ubi legit, *volucrumque prece-  
tor Ieycus*. Nota historia Ihyei poetae Lyrici, et  
grum: Ausonius Technopaegnia, p. 483. Ed. Toll.

Ihyeus ut peritit index fuit alticolans grus:  
ubi vide Accursium et Vinetum. pro Aleman Parm.  
alciam.

v. 154. SALTUSQUE INGRESSA viriles

*Haud formidata temeraria Leucade Sappho.*] Loc-  
us minime suspectus; immo, haec ipsa parte qua  
mendosam puto, laudatissima summo Viro Jos. Scaligero  
Lectio. Ausonianis: qui haec notat, ad Cupidinem  
Crucifixum v. 24.

*Et de nimbo saltum Leucade minatur*

*Mascula Lesbiae Sappho peritura sagittis:*

„Masculam vocat, quia, cum foemina esset praecipitem  
„se dedit ex illo saltu ex quo tantum solebant viri  
„sese impatientia amoris jaculari. Nam propterea di-  
„cebatur locus ille ἄλγε τὸν ἰσχυρὸν, non ἄλγε τὸν  
„ἰσχυρὸν. unde saltus viriles vocat Statius; et Ho-  
„rati, et Ausonius noster vocant eam masculam.“  
Haec Scaliger; qui tamen quasi sui oblitus statim sub-  
jicit ex Ptolemaco Hephaest. Catalogum ex Leucade  
se praecipitantium, in quo duae Foeminae comparent,  
*Artemisia* Mausoli regis uxor, et *Rhodope* quaedam  
Emissena: quibus ex Athenaeo Deipnos. XIV, 3. *Ca-  
lycen* quandam addit Tollius. Si igitur foeminae ae-  
que ac viri ex hac petra se praecipitarunt, et Autores  
qui hoc produnt nihil notant quasi nove aut inusita-  
te factum, quaero quare hi saltus appellentur viriles  
cum foeminini aequae vere audire possint. Immo Me-  
munder ap. Strabonem lib. X. p. 311. Ed. Casaub.  
dicit Sappho primam fuisse quae ex Leucade se praeci-  
pitaret. Necesse igitur est Statium scripsisse,

ACTUSQUE EGRESSA viriles,

id est, *superans fortitudinem virorum*: cui conjectu-  
rae ausam dedit locus Thebaid. VI, 33.

*Asperior contra, plauctusque EGRESSA VIRILES*

*Exemplo famulas premit hortaturque volentes*

*Orba parens:*

*egressa est superans, praestans, excedens.* Thebaid.  
X, 834.

*Seu virtus egressa modum, seu gloria praeceps.*

XI, 34.

*Pan illi genitor: tener hinc conatibus annos*

*Egreditur:*

quod *relinquere annos* vocat in Glaucia. Melioris v.  
109. Juvenalis VI, 634.

*et finem egressi legemque priorum*

*Grande Sophocleo carmen bacehamur hiatu.*

Lucanus VII, 593.

*nondum attigit arcem*

*Juris, et humanum culmen quo cuncta premun-  
tur*

*Egressus, mervit fati tam nobile letum:*

et IX, 797.

*Humanumque egressa modum super omnia mem-  
bra*

*Efflatur sanies.*

*transire mentes viriles* simili sensu Alcimus Avitus  
de Laud. Virginitat. v. 257.

*Foemineo sexu mentes transite viriles.*

Seneeca de Ira I, 1. *Non vides ut omnium anima-  
lium, simul ad nocendum insurrexerunt, procur-  
rant notae, ac tota corpora solitum quietumque egre-  
diantur habitum, et feritatem suam exasperent?* et  
de Brevitate Vitae c. XIV. *nullo nobis saeculo inter-  
dictum est: in omnia admittuntur: et si magnitudine  
animi egredi humanae imbecillitatis angustias libet,  
multum per quod spatium temporis est.* Ita Epist.  
41. *vetustis arboribus et solitam altitudinem egres-  
sis frequens lucus.* Sic *mensuram umbrarum egres-  
sae Pyramides*, Solinus c. 45. Tacitus Ann. XVI.  
modo muliebri ejulatu, aliquando SEXUM EGRESSA,  
*voce infensa clamitabat.* Mirus est hoc in loco Do-  
mitius, qui interpretatur *saltus viriles*, *carmen poe-  
ticum*: quod virorum est. et graviter eos insectatur  
qui pro *Chalcide* (quae erat antiqua et depravata  
lectio) substituerunt *Leucade*. Non opus est hoc com-  
mentum refutare. Olim restitnam hanc vocem Propertio  
IV, 6. v. 17.

*Actia Tuleue LEUCAS monumenta carinae:*

ubi vulgo legitur *PELAGUS monumenta*: sine sensu.  
[Pro *leucade* Ven. *Calchide*. EX ADD.]

v. 156. tu pandere DOCTUS

*Carmina Battiadae.*] Legendum, *tu pandere*  
*DOCTI Carmina Battiadae.* Singulos hos poetas suo  
epitheto donatos vides, *ATRI Lycophronis*, *Sophrona*  
*IMPLICITUM*, *TENUIS Corinnae*: quare non *DOCTI Bat-  
tiadae?* corruerunt locum qui nesciebant vocem *as-  
suetus* infra positam hinc accersendam esse; ut con-  
structio sit, *Tu assuetus pandere carmina DOCTI Bat-  
tiadae*, etc. *Sed quid parva loquor? tu assuetus*  
*ferre jugum par Homero.* Nihil verius. Similiter in  
hoc loco Manilii V, 163.

*Ille cito motu rigidus eludere caestus*

*Nunc exire levis missas, nunc mittere palmas,*

*Ille pilam celeri fugientem reddere planta,*

*Et pedibus pensare manus, et ludere saltu,*

*Mobilibusque citos ictus glomerare lacertis;*

*Ille POTENS turbam perfundere membra pilarum:*  
vides omnia ista infinitiva pendere a participio *potens*  
longe dissito. *Docti Battiadae*; propter quem *Cyre-  
nam* *DOCTAM* vocat supra v. 108. Pro *atri* Parm.  
*acri*: et pro *Corinnae* eadem *Cornnae*.

v. 160. senosque pedes aequare solatis

*VERSIBUS.*] Non de *scriptore* Patre hic agit Sta-  
tius, sed veterum poetarum *Enarratore* et *Interprete*:  
male igitur qui explicant haec verba *resolvere Hera-  
metra Homeri in alia genera carminum.* Sed decepti  
eos vox *Versibus*, pro qua clare legendum *Vocibus*:  
quod ille *senis pedibus* (carmine heroico) scribebat,  
*tu solatis vocibus* (prosa) aequabas, et *passibus aquis*  
comitaharis, nec prosa tua majestatem carminis Ho-  
merici minuebas. Optime haec explicat Rufinus, Car-  
mine de Compositione et Metris Oratorum, v. 9.



*Optimus Orator sequitur ratione poëtas,  
Cognatus virtute sua; metrumque recusans  
Ille quoque vult numeris voces fraenare vagantes:  
voces vagantes sunt quas noster solutas appellat.* Supra, x. 101.

*sive orsa libebat*

*Aoniis vincire modis, seu voce solutâ  
Spargere.*

Ita Geneth. Lucani, v. 22.

*Et vinclae pede vocis, et solutae.*

His contrariae voces in nodum adstrictae, apud Autorem Paneg. ad Pisonem, v. 59.

*Seu iuvat adstrictas in nodum cogere voces.*

Rem optimè exprimit Seneca Consol. ad Polybium c. XXX. *Agedum, illa quae multo ingenii tui labore celebrata sunt in manus sume, utriuslibet auctoris carmina: quae tu ita resolvisti, ut quævis structura illorum recesserit, permaneat tamen gratia. Sic enim illa ex alia lingua in aliam transtulisti ut (quod difficillimum erat) omnes virtutes in alienam te orationem secutae sint.* Vide ad Lyric. ad Sever. v. 67. ubi fasius dixi. Potes etiam legere *solutis Gressibus*. Mox, v. 164. *NEGLECTAQVE tellus Alcidae.* ita Editiones: et Domitius explicat: „Eum tractum Campaniae, intelligit qui est inter Misenum et Puteolos, terra, continenti, nam illac traducturus hoves Hercules, terram contiaentem neglexit, structo aggere in exteriori, pelago.“ Non mihi satisfacit haec interpretatio, quia non verosimile videtur Statium descripturum fuisse hunc locum (quicumque est) ex notis quae *vituperium* potius quam laudem illi adderent. Mihi videtur scripsisse, *DILECTAQVE tellus Alcidae*, et intellexisse *Baulos*, quos *Herculeos* vocat Sil. Italicus XII, 156. vide Symmachum Epist. I, 1. Illic *boun stabula* habuit Hercules: unde *Boaulia*, et postea *Bauli*. Nisi potius voluerit *Herculanum*, urbem Vesuvio monti vicinam, ab Hercule ita dictam.

§ v. 171. *et operta domos incendia servant.* Miraberis, Lector, quo sensu *incendia* dici possunt *servare domos*: magis forte miraberis hanc lectionem defensam esse duobus magnis viris Gronovio et Gevartio; quorum Ille ita scribit Diatr. c. 35. „*incendia* non proprie *servant domos* aut faciunt ut illae illaesae maneant: sed *inter incendia continua domus* illaesae manent et servantur: ideo *incendiis* ascribit poëta quod *existit una* et conjunctum est *cum incendiis*, nimirum *durationem* et *conservationem* aedium: more familiarissimo poëtis fugendi *αἰτίων τὸ μὴ αἰτίων*.“ Eruditè sanè: et ita saepe factum poëtis negari non potest. Vide tamen quanto praestet

*et operta ANIMOS incendia servant:*

quà *ignis* vivit *sub terris*, et *incendia*, licet *operta*, tamen *vigent* et *animos servant*. Ita scripsisse Statium evincit vox *operta*, quae miraculum augeat: quippe *operta* incendia *extingui* solent; hic vero, Baïis, quamquam *operta*, et *sub aquis*, aquis permista, tamen servant *animos* et vires suas. Si refueas *domos* vox *operta* minimè necessaria est, immo propositum poëtae destruit, et τὸ *Ὀυμνῶν* penitus tollit: quid enim

miram si *DOMUS SERVANTUR* cum *incendia* *OPERTA* sint? Scripsit ergo *ANIMOS*. Simili sensu de Aetna Justinus IV, 1. *Accedunt vicini et perpetui Aetnae montis ignes, et insularum Aeolidum, veluti ipsis undis alatur incendium. Neque enim in tam angustis terminis aliter durare tot saeculis tantum ignis potuisset, nisi et humoris nutrimentis aleretur.* Natus error ex eo quod prima litera τὸν *ANIMOS* amissa erat in ultima praecedentis vocis: inde ex *NIMOS*, quod non intelligendum erat, fecerunt *DOMOS*. Contrario modo peccatum apud Vel. Patereulum II, 27. ubi pro *vir ANIMI* bellique fortissimus, sine dubio legendum est, *vir DOMI* bellique fortissimus: quae phrasis saepissime apud bonos scriptores occurrit. In hac voce, pariter ac Statius, depravatus est Propertius III, 18.

*Fortunata NIMIS, modò sit tibi fidus amicus.*

*Fidus* EGO: in nostros curre, puella, sinus: ita legendum; vulgo, *Fortunata DOMUS*, et *Fidus ERO*. Sed de his aliàs. *Animos* vero rebus inanims saepe attribui notum iis qui poëtas etiam leviter attigerunt. Corn. Severus Aetna, v. 280.

*Unde repente quies et multo foedere pax sit,*

*Cur crescant animi penitus, seu forte cavernae  
Introitusque ipsi ferrent, seu, etc.*

supra v. 275. numero singulari:

*Nullum fallere opus, non mutos cernere sacros*

*Aetnaei montis fremitus*, animumque *parentis*: ubi pro *mutos* Vetus Editio habuit *multis*, pro quo substituit *mutos* Scaliger, et eum secutus Gorallus, quoniam, inquit, *metu et admiratione obmutescimus*. Atqui hoc non efficit vox *mutos* nisi simul addatur *causa* quae *mutos* reddit: non enim dicere potes *mutus sum* simpliciter, pro *dolore mutus sum* vel *metu mutus sum* vel *admiratione*. pessimè etiam Scaliger qui conjungit duo epitheta *non mutos sacros* fremitus Aetnae. pro *multis* non dubito quin legendum sit *ultu*: sed vocem *sacros* quam pariter corruptam puto, aliis relinquo qui huic poemati obscurissimo et depravatissimo manus admoturi sint. Idem supra v. 145.

*Nam quo liberior, quoque est animosior ignis, etc.* *animos* FLUVIIS passim assignat Noster: ita Theb. VII, 426. de Asopo flumine:

*forte et trepidantibus ingens*

*Descendebat agris: animos sive imbrifer arcus,*

*Seu montana dedit nubes, seu fluminis illa*

*Mens fuit, objectusque vado Pater arma retabat:*

ubi pro *nubes* scribendum puto *tabes*, ut *nivem* intelligat Statius ex montium verticibus resolutam: et pro *fluminis* clarè legendum *numinis*; modò enim praecessit *flumina*, et *fluvium*. Similiter Thebaid. III, 671.

*Ut rapidus torrens animos cui verna ministrant*

*Flumina et exuti concreto frigore montes:*

ubi eleganter *nives* vocat *concretum frigus*: hic locus confirmat meam conjecturam de τὸν *tabes* pro *nubes*. De HYEME Noster Theb. XII, 652.

*Longam indignata quietem*

*Tollit hyems animos, ventosaeque sibilat Arctos.* Ae VENTIS Virgilius X, 356.

*magno discordes aethere venti*

Ddd



*Praelia ceu tollunt animis et viribus aquis.*  
etiam TROCHO animos donat Idem Aen. VII, 383.

*Dant animos plagae.*  
servant animos ut Theb. VI, 711.

*Jamque procul meminit dextrae servatque tenorem*

*Discus.*

Sil. Italicus II, 287.

*super instrepat acer,*

*Et servat cursum perfractis ossibus axis.*

Vers. 167. pro Quos Parm. Quis: et Cyrne pro Cyme: et Ignis aquas pro aquis. Pro permistus Editi. antiquae habent *permistus*: quod si retinendum sit, legendum, quod medias alte permistus anhelat Ignis aquas: ut anhelat aquas sit anhelare facit aquas. Sed verius puto alterum.

v. 174. *Illā MINAS Divūm, Parcarumque acta canebat.* Suspiciari posses Statium scripsisse, illa ANIMOS Divūm, etc. ut apud Val. Flaccum III, 16.

*tibi enim Superūm data, Virgo, faculas*

Nosse ANIMOS.

et alios passim; (vid. Cl. Drakenborch. ad Sil. Ital. I, 124.) quippe tam bona quam mala canebat Sibylla, non minas solum. Similes quidem locutiones apud Nonnum et alios. Thebaid. II, 348.

*Me quoque nunc vates, nunc exta minantia Divos,*

*Aut avium lapsus, aut turbida noctis imago Territal.*

Val. Flaccus I, 26.

*Sed non ulla quies animo fratrisque parenti Progeniem Divūmque minas:*

et III, 354.

*Hoc volucrumque minae praesagaque fulmina longo*

*Acta mari tulerant.*

C. Severus Aetna v. 278.

*Non subito pallere sono, nec credere subter*

*Caelestes migrasse minas ad Tartara mundi.*

Claudianus in Eutrop. II. init.

*Serae, non augure falso,*

*Prodigiū patuere minae:*

ita legendum alibi monui; vulgo *certae*. Apuleius Miles. IX. numinum *caelestium* leniendis minis. Sed sensus loci videtur postulare ANIMOS Divūm. Nisi malis, *Illā Deūm mentes*, ut apud Ovid. Met. XV, 137. et alios passim.

v. 180.

*arma probare*

MONSTRATI SALIIS, praesagumque aethera certis

AUGURIIS.] Ita optime emendavit Lipsius Elect. I, 9. ante erat MONSTRATI ALIIS vel alis, Rom. hals, sine sensu aut constructione: et tamen explicare conatur Domitius, et tueri Cruceus; minimè refellendi. Deinde pro Auguriis credo legendum esse Auguribus, quia in toto hoc catalogo non officia, sed personas nominat. Ita Salii, Quindecimviri, Flamines, Luperici: ad quam formam etiam Augures, non Auguria, dicendum esset. et forte totus locus ita legendus,

praesagisque aethera certum

Auguribus:

certum aethera monstrasti praesagis Auguribus, id est, non fallacem aethera: Thebaid. VIII, 118.

*Nam tibi praesagi quisnam super auguris usus, Cum Parcae tua jussa trahant?*

et 204.

*Ipsē nihil certum sagis clangoribus aether Praecinet.*

Ita certis pennis de re eadem Val. Flaccus I, 233. Si retineas Auguriis, non satis patebit cui monstravit certum aethera Papinius pater. voluit verò Auguribus. ita certè legendum: et postquam haec scripsissem ita in Parmensi [et Ven. EX ADD.] inveni. Vide similes depravationes apud Gronovium ad Liv. XXI, 60. Pro probare Parm. probatque. Vers. 183. *Lanea cui Phrygiū est coma Flaminis.* Parmensis ita: *Cur Phrygiū lateat coma Flaminis:* Romana, *Cui Phrygiū lanea est coma Flaminis*, contra metrum. Vera est vulgata, *Lanea cui Phrygiū est coma Flaminis*: et ita habet Aldina an. 1502. Mox, v. 184. pro *succincti* Heinsius ad Ovid. Fast. V, 102. conjicit *cinctuli Luperici*, ut ibi,

*Semicaper coleris cinctutis, Faune, Luperici.*

[Sed non opus est ulla mutatione: *succincti* enim idem quod *cinctuli*. Ita *succincta Hebe* Silv. III, 1. *succinctis Laribus* Persius Sat. V, 31. et alii passim.

v. 188. *hi PONTICA frenant.* Parmensis [et Ven. EX ADD.] habet CONDITA. Et sane ultra quaerendum puto de τῇ PONTICA: hujusmodi enim nomina solent denotare Res ad Statum Civilem et Historiam nationum pertinentes; non ipsa Loca. Sic Καρχηδόνα et Τυρρηνία apud Athenaeum et alios significant Historiam Carthaginis et Tyrrhenorum, non Carthaginem et Etruriam. negotia Thespiaca dixit Arnobius lib. VI, p. 198. Τὰ Θεσπιακά: qui negotia Thespiaca scripturarunt, οἱ τὰ Θεσπιακά γράψαντες. Juvenalis VIII, 220.

*in scena nunquam cantavit Orestes;*

TROICA non scripsit.

Sic Punica suos libros inscripsit Sil. Italicus. Ad hanc igitur formam PONTICA esset Τὰ Ποντικά, ad Ponticum statum et Historiam spectantes, non ipse Pontus; quod tamen sensus loci hujus postulat. Quaerendum igitur puto. Vers. 187. pro Zeugmate: Parm. Zeugmate: et 189. pro emendant, emendat. [v. 192. Pro certasset Ven. certassent; bene. EX ADD.]

v. 194.

*alio frangebatur carmine Chiron.*

Pro frangebatur Parm. flagrabat, quod esset incendebatur, ut Protr. Crisp. v. 120.

*miseramque patri flagrabat Elisam:*

ubi vide quae notavi. Sed multo elegantius frangebatur, id est, mollicebatur: quod et Oppositio postulat. Sil. Italicus XI, 483.

*Sic tum Plerius bellis durata virorum*

*Pectora Castalio FRANGERAT CARMINE Tenthras.*

Pro Phlegraeaeque Parm. Phlegraeaeque.

v. 198. *Et Senonum furias Latiae SENSERE cohortes.* Ita vulgo editur. Vetustiores tamen Rom. et Venet. habent SUMSERE, notante et probante Gronovio



Diatr. c. LVII. et ita ego in Parmensi inveni. Optime et elegantissime. Noster Theb. XI, 627.

*Talia dequestus, paulatim sumserat iras  
Mortis.*

Sil. Italicus X, 45.

*neque enim, certamine sumto,*

*Tempestas tanta, et rabies impure fuissent.*

Arnobius lib. VI. initio: *Quas quidem nos cessamus non ideo vel exaedificare vel facere tanquam impias geramus et scelerosas mentes, aut aliquem sumserimus temeraria in Deos desperatione contemptum; sed quod etc.* Multus in usu hujus vocis Tacitus. Annal. II, 66. *occidi Cotyn jubet, mortemque sponte sumtam ementitur.* et ita passim. Annal. III, 7. *sumti exitii signa.* Annal. VI, 31. de Artabano rege Parthorum: *Is metu Germanici fidus Romanis, aequabilis in suos, mox superbiam in nos, saevitiam in populares sumsit.* Histor. III, 69. *Sed, quod in ejusmodi rebus accidit, consilium ab omnibus datum est, periculum pauci sumserunt.* Optime igitur *sumserunt furias.* Hae voces pariter commutantur apud Ovid. Amor. II, 5. v. 53.

*Torqueor infelix, ne tam bona SENSERIT alter:* ubi in aliis libris erat *SUMSERIT*; quod admisit Hein-  
sius.

v. 199. *ne dum rogos ille Deorum SEDERAT.*] Parmensis et Romana multo elegantior lectionem servarunt, *ne dum rogos ille Deorum SIDERAT.* Proprie. Sidon. Apollinaris Epist. III, 13. *Moxque sidente struē, torrem devolutum reddere pyrae fastidiosus pollinctor exhorret.* Propertius III, 7.

*Non flebo in cineres arcem disside paternos*

*Cadmi, nec fratrum praelia clade pari:*

ita legendum alias probabo, pro *semper praelia.* In vulgatis erat *SEDISSE paternos*; sed alterum recte vindicavit Broukhusius, quem vide, et Gronovium Observ. IV, 16.

v. 200. *excisis cum tu solatia templis*

*CONCINIS ore pio.*] *CONCINERE solatia* nihili est: lege, *CONCIPIS ore pio.* Ita Pietat. Abascant. init.

*Hinc, Priscilla, tuo SOLATIA grata marito  
CONCIPEREM.*

*concupere solatia* est *solari*, ut *concupere fugas*, *fugere* ap. Ovid. Fast. II, 286. *spem concupere, sperare*, Sabinus Epist. III, 79. et Lucanus III, 134. *concupere bella*, *bellare*, Sil. Ital. XIII, 745. *concupere preces*, *precari*, Ovidius Met. VIII.

Concupiunt *Baucisque preces trepidusque Philemon.* et innumera ejusmodi, quae non exseribo. *n* et *p* in MSS. saepe commutantur: ita supra v. 59. *praecinerem pro praeciperem.* Sic *onus* pro *opus* apud Ovid. Met. I, 47.

*Sic opus inclusum numero distinxit eodem*

*Cura Dei:*

vulgo *onus*, sine sensu. *opus* est *orbis*, *mundus*, quem infra v. 238. vocat *mundi molem operosam.* Lucanus VI, 483.

*Tantae molis opus percussus voce recessit:*

id est *mundus*; ita enim et ibi legendum, pro *onus.* Idem X, 197.

*Ast ego Caelicolis gratum reor, ire per omnes  
Hoc opus:*

id est, omnes notitiam habere *mundi* et *Naturae.* Vi-  
de Senecam de Provid. c. I. ubi *mundum* vocat *tan-  
tum opus.* pariter depravatus Idem Ovidius Met.  
XI, 257.

*Pronus erat Titan, inclinatoque tenebat*

*Hesperium temone fretum:*

atque quomodo Titan *tenere* potuit Hesperium fretum  
cum *pronus* tantum erat, non adhuc *occiderat*? Lege,  
*tepebat*; ut Met. I, 63.

*Vesper, et occiduo quae litora sole tepescunt.*

Sed hoc in Notis suis jam video occupasse Cl. Bur-  
mannum.

v. 202.

*captivaeque NUMINA defles.*] Tolerari  
potest: cum vero Gronovius Reliq. ad Silv. testetur  
in MS. Flor. esse *FLUMINA.* (quod et in Rom. legi)  
in Cod. Salisb. et Edit. Venet. *FULMINA,* (et ita Parm-  
ensis,) nemini dubium esse potest quin Statius scri-  
pserit,

*captivaeque FULMINA defles:*

quemadmodum etiam edidit Gronovius. De incendio  
Capitolii, Jovis sedis, agit. *Fulmina* pro *Jove* qui  
ea jacit: exempla ubique. Soter. Gallic. v. 64.

*nec FULMINIS atri*

*Sit metus: has ultro laudabit Iuppiter artes.*

v. 209.

*lustrataque Tempe*

*Pulsantem.*] *Tempe* sunt loca quaevis amoena:  
inde *tempe Theumesia* Theb. I, 485. *Heloria tempe*  
Ovid. Fastor. IV, 477. Nonnus Dionysiac. II.

*Δέλφος αὐδῆντα μετιέχο TEMITEA Πυθοῦς.*

Etiam absolute pro *nemora*: Theb. X, 119. in antro  
Somni:

*effulgent silvae, tenebrosaue Tempe*

*Adrisere deae:*

unde Hesychius *Τέμνη* explicat τὰ αὐδῆντα χωρία.  
Proprie, de *Thessalicis* scilicet, Virgilius Georg. II,  
486.

*O ubi Tempe*

*Spercheosque et virginibus bacchata Laeantis*

*Taygeta:*

ita enim legendum pro *campi* (praeter elegantiam le-  
ctionis et propria nomina *Spercheos* et *Taygeta*) e-  
vincit Claudianus de Bello Getico v. 181. ubi hunc  
locum alludit:

*gemit irrita Tempe*

*Thessalus, et domitis irrisan cautibus Oeten:*

*SPERCHEOSQUE ET VIRGINIBUS dilectus Enipeus*

*Barbaricas latere comas.*

Pariter corruptus Lucanus VI, 618. ubi pro *campi*  
*Rhodopaeaeque saxa*, legendum esse *Tempe*, probabit  
Magnus Bentleius. Quis verò explicabit quanam sint  
haec Statii *Tempe* *Lustrata*, aut quo sensu sumenda  
ista vox *lustrata*? mihi omnino non liquet. Intelligit  
proculdubio poeta *lucos* et *nemora* *Masis* et *Apollini*  
*dicata*. sed quare haec praeter caetera *lustrata* dicun-  
tur, aut quibus *Rithus* et *Ceremoniis lustrabantur*  
haec *nemora* nunquam legi. Placebitne haec conje-  
ctura?



*Me quoque vocales lucos monstrataque Tempe Pulsantem:*  
monstrata Tempe, a te scil. monstrata. Monstrare proprium in hac re verbum. Supra, *Monstrasti Sallis* etc. Ita infra v. 235.

*Tu cantus stimulare meos, Tu pandere facta Heroum, bellicae modos positusque locorum*  
Monstrabas:  
Protrept. ad Crispinum v. 125.  
Monstrabunt *acies Mavors Actaeaeque virgo.*  
Ita passim apud Nostrum et alios. *pulsantem Tempe* ut Achilleid. I, 10.

*neque enim Aonium nemus advena pulso,*

*Nec mea nunc primis albescent tempora vittis.*  
Non displicet haec conjectura: et eo magis quod facile est investigare causam depravationis: scriptum erat nempe *mōstrata*; inde *mustrata*, et ex eo non intellecto *lustrata*. Nihil in hoc mirum, cum frequentes sint vices litterarum M et L in libris antiquis. Ita supra v. 96. *domos pro dolos*. Sic apud Juvenalem Sat. VI, 604.

*stat Fortuna improba noctu*  
*Arridens nudis infantibus: hos fovet ULNIS*  
*Involuitque sinu: donibus tunc porrigit altis,*  
*Secretumque sibi nimum parat:*

ita legendum: vulgo, falsò. et sine sensu, *hos fovet* OMNES. scriptum erat OLNIS pro ULNIS: inde in OMNIS, id est OMNES, demigravit lectio. Plinius Epist. IX, 12. *Castigabat quidam filium suum quod paullo sumtuosius equos et canes EMERET*. Sic vulgo legitur; sed proculdubio scripsit Plinius *equos et canes ALERET*. Ita, *summa* pro *Sulla* apud Senecam Controv. II, 12. ut rectè restituit Gulielmius. Sensum loci Statiani egregie illustrat Ovidius Trist. III, 7. de Perillae ingenio  
*Hoc ego Pegasidas deduxi primus ad undas,*

*Ne male secundae vena periret aquae.*

Atque haec olim commentatus eram. Jam vero incidi in Conjecturam quae impense placet; nempe *Ascracae* pro *lustrata*:

*Me quoque vocales lucos Ascracaeque Tempe Pulsantem:*

ex Propertio II, 10.

*Hic me tam faciles vetuit contemnere Musas,*  
*Jussit et ASCRAEUM sic habitare NEMUS:*

*Ascræ* erat oppidum Boeotiae, patria Hesiodi, qui supra v. 151. vocatur *Ascræus senex*, ex Virgil. Ecl. VI, 70. Juxta hanc erat Helicon, et fons Aganippe, et luci Musis sacri: quos *vocales lucos* et *Ascracae Tempe* vocat Noster. *Ascræos fontes* Propertius II, 8, Symmachus Epist. I, 47. Nisi forte in *SILVIS Apollinem* continuaris, ut ille pastor Hesiodus, quem poetica lauru Camoenalis familia coronavit. Vides quænam fuerint hae *Silvae* et *Tempe Ascracae*; nempe quæ olim incoluit Hesiodus *Ascræus*, Musis et Apollini sacra: haec dicit Statius se pulsasse, et admissum fuisse. Optime omnia conveniunt: et unius tantum litterae l differentia est inter scripturam vocum *lustrata* et *ascracae*, in Characterè Longobardico; ex quo transcripta esse omnia quæ nunc habemus harum.

Silvarum exemplaria, nullus dubito. [Ven. *luctataque templa*. non mihi adhuc satisfacio de hoc loco. Ex ADD.] Vers. 208. pro *LATE dejecit*, posses conjicere, *miseras LATII dejecit in urbes*. Sed non opus est.

v. 211. *neque enim mihi sidera TANTUM*

*Aequoraque et terras QUAM VOS DEBERE parenti.*  
Ita libri vetusti: quæ Domitius, cum non intellexit, depravit hoc modo, *QUANTUM OSTENDERE parenti*. Et hunc secutæ sunt multæ editiones, et inter eas Gevartiana. Antiquam et veram lectionem restituit Gronovius Diatr. c. 57. et benè explicavit. Constructio est: *neque enim tantum est mihi debere parenti sidera aequoraque et terras, quam illi debere vos, O musæ: id est, non tanti existimo debere patri meo hanc lucem et caetera vitae beneficia, quanti quod ille Vos mihi primus monstravit: plus illi obligatus sum propter hos quàm propter vitam. De voce debere in hoc sensu dixi supra ad II, 3. tibi debet Hamadryas annos.* Sed multo melius, si quid video, legetur,

*neque enim mihi sidera TANTI*

*Aequoraque et terras, quàm vos debere, parenti: neque enim TANTI est mihi (id est, non tanti duco) debere parenti sidera et aequora et terras, QUAM (id est QUANTI) debere illi Vos, o Musæ. facilius hoc et usitatus; et Latinitas videtur hoc postulare.* Juvenalis Sat. III, 54.

TANTI tibi non sit opaci

*Omnis arena Tagi, quodque in mare voloitur aurum:*

et VI.

TANTI vocat ille pudicam.

Ovidius Rem. Amor. v. 751. exemplo appositissimo:

*At tibi sit TANTI non INDULGERE theatris.*  
quàm pro quantum vel quanti; omnibus enim casibus. et numeris servire potest. Petronius in Catalectis, de Neptuno marmoreo. aquas fundente:

*QUAM melior, Neptune, tuo sors ista tridentis!*

*Post pelagus dulces hic tibi dantur aquae.*

QUANTO melior est sors ista sorte tui tridentis! Mirae brevitas locutio est apud Manilium V, 466. de iis qui sub Aquilâ nati sunt:

*Illius in terris orientis tempore natus*

*Ad spolia et partas surget vel cadde rapinas:*

*QUAMQUE hominum dederit strages, dabit ille ferarum:*

ita legendum pro QUAMQUE: quàm i. e. quantum: quantum hominum. strages ille dederit, tantum dabit ferarum. Sosipater Charisius lib. I, p. 66. Hoc femur, hujus femoris: sed frequenter hujus feminis, huic femini dictum est; et pluraliter femina QUAM femora. id est, TAM femina QUAM femora.

v. 213. Sic decus hoc quodcunque lyrae etc.] Sic dedisti decus hoc: quomodo? nulla enim comparatio. Lege,

*Tu decus hoc, etc.*

Omissâ primâ litera T initio versus, vocalis u facilè dividebatur in ïc, cum inter has et illam nulla sit ductuum calami differentia. Pariter depravatus decantatissimus Tibulli locus. lib. IV, 13.



*Sic ego secretis possem bene vivere silvis  
Quâ nulla humano sit via trita pede.  
Tu mihi curarum requies, tu nocte vel atra  
Lumen, et in solis tu mihi turba locis.*

Ineptum istud Sic et sine ulla sensus connexionem.  
Lege,

*Tecum ego secretis, etc.*

ut apud Horatium Carm. III, 9. *Tecum vivere amem,  
tecum obeam libens: et* Martial. X, 20.

*Tecum ego vel sicci Gaetula mapalia Poeni,  
Et poteram Scythicas hospes amare casas.*

Scriptum erat, ommissa prima litera, *ecce*: ex quo fecerunt sic. Editiones habent *possum bene*; sed legendum *possem*, ut paulo ante, *Atque utinam posses uni mihi bella videri*. Locum jam suavissimus est. Pro primusque Parm. primumque: et pro Sic, Sed. [PRIMUSQUE dediti Non vulgare loqui. Ven. FENUSQUE. forte MUNUSQUE dediti; ut mox, felixque tui spectator adesses MUNERIS. EX ADD.]

v. 219. *QUAM TUUS ILLE dies, quâ non mihi gloria major!* Ita hunc locum verè restituit Politianus Epist. VI, 1. Ante fuit, *QUALIS ET ILLA dies*. Sed non ex toto restituit; repetendum enim erat *tò quàm*:

*Quàm tuus ille dies! quàm non mihi gloria major!*

elegans usus particulae *quàm*. *quàm non major ut quàm nullus* i. e. *quàm non ullus*, Kalend. Decemb. v. 98.

*Quos ibit procul hic dies per annos!*

*Quam nullo sacer exolescet aevol*

et Ovidio Amor. II, 11.

*Quid si concussas Triton exasperet undas!*

*Quàm tibi tunc toto nullus in ore color?*

vulgo nunc toto Martial. Epigr. VI, 10.

*At quàm non tetricus, quàm nullâ nubilus irâ,*

*Quàm placida nostras legerat ore preces!*

Seneca de Benef. VI, 23. *Vide quantum nobis permiserit*; quàm non intra homines humani imperii conditio sit. Sed verior est interpretatio, *QUAM non major*, id est, *QUANTO minor*: vide notam praecedentem, et ad Equ. Max. v. 82. Calpurnius Flaccus Declam. XLV. *QUAM PLUS ad vestra judicia cujusque, Judices, proficiunt merita privata quam publica!* ubi *tò quàm* non mutandum esse in *quanto* recte admonet Clariss. Burmannus: Dicit igitur Statius, *quanto minor fuit in istis Recitationibus mea quàm tua gloria!* tua scilicet, utpote qui talem filium genueras. Pro illa dies Parm. ille: et pro qua, quo. [Emendavit Politianus, *Quàm tuus ille dies*: recte; et huc adludit Ven. *Quamvis ille dies*. Ego addidi, *QUAM non mihi gloria major*: et ita Veneta. EX ADD.]

v. 222: *Spectatur ACETES Ille magis.* Immo ATHLETES, ut optime emendavit Salmasius. Tacet errores et commenta Domitii transcribere, qui tuebatur *Acetes*: quem e vestigio subsequitur Cruceus; nisi quòd legit *Acetes*, et pro quovis patre sumit: meritò ob hoc Gronovio notatus, Elench. Antidiatr. c. VII. Nec te terreat prima in *athletis* correpta: ita enim fieri solet. Ovidius Met. VI, 467.

*Jamque moras male fert; cupidoque revertitur ore*

*Ad mandata Procnes.*

ubi vide N. Heinsium. Petronius Satyrico:

*Et baccis redimita Daphne, tremulaeque cupressus:*

et statim,

*Atque urbana Procne.*

Sed haec a me notata prior occupavit Heinsius; qui ex Horatio addit *cygnus* prima brevi; et *Therapnaeus* secundâ, ex Sil. Italico XIII. vide Salmasium Epist. 92. Et ex eo Gronovium Diatr. c. 57. Martialis Epigr. V, 11.

*Sardonychas, smaragdos, adamantas, iaspidas uno*

*Versat in articulo Stella, Severe, meus.*

Ita Procnessus, primâ brevi, apud Val. Flaccum III, 34. *Cygnus* apud Auson. Epist. XX. et *magnetis*, Mosel. v. 316. *Atlanta* apud Sil. Italicum. Sensus verò est, pater qui ludis Olympicis filium *athletem* spectat, magis est *athletes* quàm ipse filius; magis *athletes spectatur*, sc. *ab aliis*; quippe eum attendunt *cunei*. Ita Pietat. Abascant. v. 216.

*sed toto spectatur in agmine conjunx*

*Solus; in hunc magnae flectuntur lumina Romae.*

Et in Glaucia Atedii, v. 173.

*erant illic genitor materque jacentis*

*Moesta; sed attoniti te spectavere parentes.*

Theb. VIII, 564.

*Nunc pedes ense vago, prensis nunc celsus habenis*

*Ceu spectetur, agit:*

ubi Vetus Scholiastes: CEU SPECTETUR: sic pugnabat quasi virtutis suae iudice spectante. ita legendum: vulgo implicatur haec nota cum altera, et pro *spectante* legitur *spectare*. Ovidius Pontic. III, 1.

*Quicquid ages igitur scena spectabere magna.*

Sil. Italicus IX, 453.

*laetus uterque*

*Spectari Superis, acuebant mentibus iras.*

ita forte legendum pro *addebant*. Haec adnoto quoniam Salmasius et eum secutus Gronovius legunt, *SPECTATOR athletes*. Non rectè: praecessit enim *spectator* initio sententiae,

*Talis Olympiaca juvenem cum spectat arena*

*Qui genuit:*

cum *spectat* juvenem, id est, cum *spectator* est juvenis. aequumne erat ut *spectator* iterum ingereretur idem pater, et in eadem sententia? Seneca de Providentia c. IV. *Militares viri gloriantur vulneribus, laeti fluentem meliori causa sanguinem ostendant. idem licet fecerint qui integri revertuntur ex acie, MAGIS SPECTATUR qui saucius redit*. Nihil magis appositum esse potuit. Gravia iis denuntiat qui hanc emendationem respuunt Salmasius, Epistola quae praefigit Elench. Antidiatrib. Gronovianae his verbis: „De emendatione mea, *SPECTATOR athletes Ille magis*, nec tu dubitasti, nec dubitari posse scio, nisi a.



„similibus illius hominis, cui neminem imperitiâ et „*ἀντιοί* similem esse iudico.“ Croceum intelligit. Et quidem nollem me Crucei esse similem; nec tamen Salmasii minas metuo, cum optimè sciam Statium scripsisse *spectatur non spectator*. Pro genuit Parm. *geniû*: et *Creditur pro Caeditur*: et *Acales pro Aces*. Vers. 223. *pro haustu Parm. hausti*.

v. 231. *Nam quòd me mixta quercus non pressit oliva,*

*Et fugit speratus honos, cum dulce parentis Invida Tarpeii caneret te nostra magistro*

*Thebais. Urgebant priscorum exordia vatum,*

*Tu cantus stimulare meos, tu,* etc.] Locus notabilis ob errores doctorum virorum, quos (Scaligerum scilicet, Casaubonum, Petavium et Domitium) redarguit Gronovius *Diatribæ* c. 58. Ipse in iis quae eo loci adfert (alibi enim melius) non minus redarguendus. Scribit igitur totum locum sic:

*cum dulce parenti*

*Invida Tarpeii caneret te nostra magistro*

*Thebais, (urgebant priscorum exordia vatum)*

*Tu cantus stimulare meos:*

quorum verborum constructio haec est: *cum, te magistro, Thebais nostra invida (exordia priscorum vatum urgebant) caneret dulce Tarpeio parenti*. Ubi quaeiro, quare *Thebais invida* vocatur, et cui *invida*? *Veterum poetarum gloriae*, inquit ille; „atque hoc „explicat Statius in parenthesi illâ, *urgebant priscorum exordia vatum*, id est, exagitabant Thebaida famam suam, quam illa parens sperabat, et apta est. Ad „dit dulce poëta propterea; quia conscius suae virtutis gloriosissimus vates, damnabat suos iudices, eorumque censuram designabatur, et vel invitis illis „bene se et scripsisse et recitasse confirmat.“ Atqui primum, si hoc voluit Statius, parenthesis illa poni debuit post vocem *Invida*; non Immedia illa (*Tarpeio caneret te nostra magistro Thebais*) quae totam sententiam pendentem, turbatam, et confusam reddunt, interposita admittere. Nec melior interpretes Gronovius in istis, *dulce parenti Tarpeio*: impossibile enim est Statium dicturum fuisse, se, vel Thebaida suam cecinisse *DULCE parenti Tarpeio*, cum in isto agone victus fuerit, et propterea Jovem vocat *saevum et ingratum*, Ad Uxor. v. 31. de hac re:

*Tu, cum Capitolia nostrae*

*Inscitata lyrae, saevum ingratumque dolebas Mecum victa, Jovem.*

Non igitur *DULCE Jovi cecinit*, sed omnia contra: nec tam absurdus fuerit Statius ut hoc affirmaret. Mitto quòd vocem *invida* (quae *malitiam* et *vitium* plerumque, Statio semper denotat) accepit Gronovius de *honestà illa aemulatione* quae alii ingenia. Sed et Ipse, credo, sententiam de hoc loco mutavit: quippe in Reliquis ad Silvas haec invenio: „*Cum dulce parentis*“ Potuit scripsisse:

*Nam quid me mixta querens non pressit oliva Et fugit speratus honos, cum luce parentis Irrita Tarpeii canerem? Te nostra magistro Thebais urgebat priscorum exordia vatum; Tu cantus stimulare meos, Tu pandere facta, etc.*

„*luce parentis Tarpeii*, die qui festus erat Jovi Capitolino, quoque agon ei committebatur. *irrita canerem*, quia, ut ait ad Uxorem, *Capitolia nostrae Inscitata lyrae. urgebat* autem Salisb. non *urgebant*. „et foret sensus: Cur enim tam infelix fui, quam „dicam fuisse causam, ut in agone Capitolino victus „non exhilarare te potuerim hac quoque palmâ occupatâ? Quae sequuntur nihil huc pertinent: sed pergit enarrare pietatem et officia parentis erga se, etc.“ Optima sane haec et Gronovio digniora: et licet ex omni parte vera non putem, tamen ea sunt ut neminem illorum pudeat. Dudum videram legendum esse *canerem*: et sententiam novam incipere debere ab istis, *Te nostro magistro*, et explicari eo modo quo eam explicavit Gronovius. *Thebais nostra urgebat exordia priscorum vatum*, id est *sequebatur, imitabatur scripta* et argumenta veterum poetarum; ad eorum exemplar exigebatur, *te magistro*, te monstrante. Hoc certissimum est: sed de priore sententiae parte et conjectura Gronovii *Nam quid me mixta* etc. meritò potes dubitare. non enim adeo insolens esse auderet Statius, ut cum Fortuna, seu Imperatore potius, disceptaret, et quereretur de malo eventu poematum suorum. deslere infortunium suum aequius et modestius erat, quàm arroganti superbia palmam poëticam sibi vindicare contra iudicium Domitiani, qui in eo agone a seipso instituto aut Ipse praesidebat, aut, quod idem est, Iudices constituebat, a quibus ad publicum provocare maximae esset et stultitiae et impudentiae argumentum. Istud igitur quid pro *cur locum non potest habere nisi summam arrogantiam et petulantiam Statio adfigas*. Supra querebatur,

Hei mihi quòd tantum patrias ego vertice frondes

*Solaque Chalcidicae Cerealia dona coronae Te sub teste tuli!*

jam pergit, in eadem quærela,

Heu quòd me mixta quercus non pressit oliva,

*Et fugit speratus honos, etc.*

paulisper hoc admittas et sana omnia et optimè hucusque cohaerentia praestabo. et quidem facile fuit ut vox *Heu* mutaretur in *Nam* initio versus, et literis minutis conscripta. *Heu quòd* ut ad Uxorem, v. 60.

Heu nunc illa tenet viduum quòd sola cubile.

Et nisi ita legas sensus imperfectus erit; cum nulla sit redditio, nihil quòd respondeat *toti*; *Nam quod*, et sententiam concludat. Deinde legit Gronovius,

*cum LUCE parentis*

*IRRITA Tarpeii canerem.*

speciosa sane haec: *LUX parentis Tarpeii*, id est *dies festus*, ut *DIES Triviae* Silv. III, 1.

*Da, parve, tuum trieteride multa*

*Instaurare diem:*

id est *festum tuum diem*. *Irrita canerem*, id est *frustra*, ut Theb. VI, 768. *irrita frendit*. Stare igitur posset haec conjectura si a MSO aut Varia Lectione faveretur. Vide enim: si retineas *irrita canerem*, his idem dicentem feceris Statium: quippe si *fugit speratus honos*, non opus est ut dicat se *irrita ce-*



*cinisse; cum ob hanc ipsam rationem irrita cecinit quod fugit speratus honos, vel fugit speratus honos quod irrita cecinit. Si dixisset poeta, Irritus fui sperati honoris cum irrita canerem, non ferres: atqui eò recidit Gronoviana lectio. Retinendum igitur rō Invida, et alibi quaerenda hujus loci depravatio, nempe in voce DULCE. Feliciter emendavi:*

*cum LUSTRA parentis*

*Invida Tarpeii canerem:*

*lustra parentis Tarpeii sunt quae supra Ad Uxorem v. 92. vocat Capitolina lustra,*

*Et Capitolinis quinquennia proxima LUSTRIS:*

*Surrentin. Pollii v. 6.*

*Huc me post patrii laetum quinquennia LUSTRI, etc.*

*et in Eucharist. ad Domitian. v. 62.*

*Saepe coronatis iteris quinquennia LUSTRAS.*

*Thebaid. I, 421.*

*Non aliter quam Pisaeo sua LUSTRA Tonanti Cum redeunt.*

*Ignotior paullo vox LUSTRA a Librariis in DULCE mutata fuit. ita Laetrim. Etrusc. v. 200. pro LUCIDA saxa Rom. Edit. habet DULCIA. Minime dubito quin veritatem eruerim: et mecum sentient aequi et boni harum rerum iudices. Lustra canerem, ut supra v. 113.*

*Cum stata laudato CANERET QUINQUENNIA versu: idem est canere lustra et quinquennia. et hoc emendationem meam confirmat. Recte etiam invida: invidere et invidium poetis dicitur quicquid rei alicui contrariatur, aut votis non respondet. in Arb. Ated.*

*Inmitem Brino, stogua invida et invida tellu.*

*Thebaid. X, 384.*

*Invida fata piis, et Fors ingentibus ausis Rara comes.*

*Seren. Sammonicus lib. de Medicina, c. XII.*

*Invida si maculat faciem lentigo decoram.*

*Val. Flaccus IV, 100.*

*Pingue solum, et duris regio non invida tauris: id est, quae taurorum laboribus respondet. Fugit igitur Statium speratus honos cum caneret LUSTRA Capitolina votis non respondentia, INVIDIA: ob quod Jovem vocat saevum et ingratum, Eclog. ad Uxor. v. 31. ut supra notavi. Nihil video quod hinc emendationi opponi possit.*

*Et jam patet quantum ii fallantur qui hinc colligunt Statium commisisse suam Thebaida in Agone Capitolino: inter quos sunt Casaubonus ad Suetonium, Gronovius in Diatribe, et Scaliger De Emend. Temp. et ad Ausonii Professor. V. ubi haec leguntur: „In „eo agone Statius post incredibile totius Urbis expectationem tandem Thebaidem suam recitavit. Sed „non placuit, et contra eum alii coronati fuerunt: id „quod ipse non uno loco in Silvis conqueritur, sed „inprimis in Epicedio Patris. unde locus Juvenalis „Grammaticis non bene perpensus explicatur:*

*sed cum fregit subsellia versu,*

*Esurit, intactam Paridi nisi vendat Agaren:*

*„Nam Satyricè dicit eum fregisse subsellia versu, „quod, ut Comici loquuntur, recitans non stetit, sed*

*„excidit, hoc est non placuit.“ Hic cogor queri de negligentia summi viri, et festinatione in scribendo: si enim rejecisset oculos ad versum Juvenalis abhinc secundum, certè vidisset ea verba Promisitque diem nihil minus quàm de Agone Capitolino intelligi posse. iste enim Agon stato et fixo die celebrabatur: atqui Statius eo Juvenalis loco dicitur promittere diem urbi quo recitaret: quae verba demonstrant rem esse arbitrii sui sive eo die recitaret sive non: quod in die Agonis Capitolini locum habere non potuit. Deinde ista explicatio verborum fregit subsellia versu per recitans non stetit, omnes Comicos superat: et miror unde in mentem viro maximo venire potuit ex istis verbis aliquid colligere de Statii infortunio in committenda Thebaidè sua Ludis Capitolinis: aut quomodo potuit esse tam securus sensus, qui, secundum interpretationem ejus, hic est, Cum NON PLACUIT, esurit nisi Paridi vendat intactam Agaren. Atqui Juvenalis omnia contraria dicit, scilicet, Cum MAXIME PLACUIT esurit, nisi, etc. adeo ut, si Scaliger ex isto Juvenalis loco aggressus fuisset probare Statium in Agone Capitolino coronatum esse, multo felicius ei cessisset. Et victum quidem esse Nostrum in eo agone Ipse testatur Silv. III, 5. ad Uxorem: sed in committenda Thebaidè victum, id verò ex hoc aut alio quovis loco quem adducit Scaliger, aut quisquam alius, colligi posse pernego. Sed nec ex rei Naturà verosimile est Ludis Capitolinis commissam esse Thebaida; utpote argumenti tam alieni, nec quidquam facientis aut ad Laudes Institutoris aut Numinis cui instituebantur: cujus rei in hujusmodi negotiis ratio praecipuè habebatur: unde Delphidius apud Ausonium loco supra memorato dicitur, puer celebrasse JOVEM, in his ludis: unde etiam magis probabile est Statium hoc loco scripsisse LUSTRA, ut simul forte adludat ad poematis sui titulum, qui foret, LUSTRA seu LUTRUM JOVIS CAPITOLINI, vel LUTRUM CAPITOLINUM: in quo tam Domitiani institutoris, quàm Jovis Laudes optimè conjungere potuit poeta. et Jovem quidem in eo poemate quod Ludis Capitolinis mittebat, Statium celebrasse inde probari potest, quòd, cum exciderat, vocat Jovem saevum et ingratum, Ecl. ad uxorem, prout supra monuimus. quare vero ingratus, nisi quod successum non attribuit poetæ Laudes ejus canenti? Imperatorem quoque suas laudis partes in hujusmodi ludicris habuisse patet ab exemplo illo apud Tacitum Annal. XVI, initio. Ac forte quinquennale ludicrum secundo LUSTRO celebrabatur: oratoribusque praecipua materia in LAUDEM PRINCIPIS adsumta est. Et ex Plinii Panegyrico: Et quis jam locus miseræ adulationis manebat, quum LAUDES IMPERATORUM LUDIS etiam et comensationibus celebrarentur? Sed clare probat Quintilianus Instit. III, 7. Laudes Jovis PERPETUAM fuisse hujus Capitolini certaminis materiam: An laudes Capitolini Jovis, perpetua sacri certaminis materia, vel dubiae sunt, vel non oratorio genere tractantur? Thebais igitur non committi potuit hoc Agone, in quo Jovis Laudes erant perpetua vatum materia. Sed aliud argumentum verissimum et firmissimum contra eos qui hoc de Thebaidè statunt:*



duci potest ex Ipsa, lib. XII. ad finem, ubi opus suum ita alloquitur Statius:

*Durabisne, precor, dominoque legere superstes,  
O mihi bisseos multum vigilata per annos  
Thebai? JAM certè PRAESENS tibi FAMA benignum  
Stravit iter, coepitque novam monstrare futuris.*

At qua fronte, quaeso, dicere potuit Statius famam JAM stravisse benignum iter huic poemati, si in Commissione ejus excidisset et non placuisset? Sed haec satis. Obiter tamen monendus es pro coepitque NOVAM monstrare futuris, legi debere, coepitque VIAM monstrare futuris: patet hoc tum ex sensu, (qui in altera lectione nullus est) tum ex istis Stravit iter. Scis, opinor, tò pressit in istis, Heu quod me mixta quercus non PRESSIT oliva, idem esse ac ciuxit, coronavit; de qua voce plenius ad Silv. II, l. v. 116. Et quercum seu coronam quernam praemium esse victoris in hoc agone, utpote Jovi sacro, cujus arbor est quercus. Haec corona ab ipso Imperatore iis imponi solita: unde Poetarum Laureatorum morem manasse putat Scaliger ad locum Ausonii. Enormem hujusce loci interpretationem commentus est Vir Doctus Annal. Statian. c. XVI. servatâ vulgari lectione. Parmensis et Rom. pro cum dulce habet qua dulce: et pro Invida Turpeii caneret Parm. Invidiu tarpei caperet. [Pro caneret Ven. raperet: et qua dulce pro cum dulce. EX ADD.]

v. 251. VINDEX cura Deum.] Romana et Veneta Editt. habent INDEX cura: et ita citat Heinsius ad Ovid. Fast. IV, 393. Recte. Ovidius ibi:

*Hi Cereris Ludi: non est opus indice causa:  
ubi habes satis exemplorum ab Heinsio congestorum.  
Ita etiam Parmensis. Deinde nescio quàm transpositionem heuistichiorum in duobus his versibus fingit Gronovius Diatrib. c. 59. ad hunc modum:*

*His tibi pro meritis nulloque e vulnere tristem  
Index cura Deum famam laudesque benignas  
Concessit.*

Atqui haec non est Compositio Statiana; nec tam operosa medicina indiget hic locus. Virum summum induxit in errorem vox tristem, quam ille quoquo modo perstravit coniungendam esse cum famam: non opus fuit; ecce enim verum:

*His tibi pro meritis famam laudesque benignas  
Index cura Deum, nulloque e vulnere TRISTES  
Concessit:*

index cura Deum concessit tibi famam laudesque BENIGNAS et TRISTES nullo e vulnere. Nihil simplicius aut usitatius.

v. 258.

*nec segnis LABE senili*

*Exitus instanti praemisit membra sepulcro.] Recte Gronovius Elench. Antidiatr. c. VII. pro LABE legit TABE. Arnobius lib. II. p. 54. Nos immunes malis ab his sumus, et non eadem ratione morborum incommoditatibus frangimur, et senectutis destruimur TABE? Plinius N. H. II, 63. ne mors lenta nos consumeret TABE. Sophocles Antigone v. 834.*

*Ὀὐτὲ ΦΘΙΝΑΣΙ πληγῶν ΝΟΣΟΙΣ:*

*Negue tabidis perculsa morbis.*

Elegia. Scriptoris Antiqui, edita Barthio Adversar. XI, 18.

*Nos voluit lenta TABE perire Deus.*

Ovidius Heroïd. XXI, 59.

*Aut tibi jam nulla est speratae cura puellae,*

*Quam ferus indigna TABE perire sinis.*

Ita recte emendarunt Scip. Gentilis et Heinsius, pro LABE. Auctor Ciris v. 253.

*Dulcia deinde genis rorantibus oscula figens*

*Persequitur miserae causas exquirere TABIS:*

ita legendum; vulgo, causas exquirere TALIS. Supra dixerat, amor noto te MACERAT igne: et, Nec levis hanc faciem (neque enim pote) cura SUBEDIT: ubi quoque vulgo inepte SUBEGIT. et versu proxime sequenti pro Rhannusia fallit, legendum, Amathusia fallar. Amathusia est Venus. Deinde, pro praemisit membra Gronovius vult promisit metaphora a debitoribus sumta, qui instantibus creditoribus promittunt. Acute et ingeniose. Sic Phaedrus IV, 25.

*Et mors vicina flagitabit debitum.*

Sed nihil mutandum puto. Eleganter dicuntur membra praemitti, quando aegrotus lento et diuturno morbo gradatim evanescit, et nil praeter cutem morti relinquit, ut de Tithono Horatius: cum consumta membra Ad minimum redigantur onus, secundum Ovidium Met. XIV, 149. Pro segnis Parm. segnes. Mox, v. 263. pro NOVIT Idem legit VOVIT: optime: et ita plane Parmensis. Vovit est optavit. Mater mea cernens qualia lamenta tibi contuli, optavit ut talia illi mortuae olim conferrem.

v. 270. Detulit infernae vates longaeva Dianae.]

Immo Rettulit; agere enim videtur de iis qui ab inferis reversi sunt, non descenderunt tantum. Descensus Aeneae satis notatur istis rivos molitum in Tartara gressus: deest Ascensus nisi legas Rettulit: ut mox, rettulit umbram. Sed Rettulit verum esse mox probabo. Miror verò Gronovium legere Depulit, Elench. Antidiatr. c. VII. nec satis perspicio quo sensu hunc locum aut hanc vocem intellexerit. Vates longaeva infernae Dianae est Silylla, quam lucis Hecate praefecit Avernis, ut de eâ Virgilius.

v. 272.

*si Thessalicis Admetus in oris*

*Silva una retro Phylaccida rettulit umbram.] Ita in antiquis editionibus legitur hic locus, quem per se satis depravatum, depravatiorem primus reddidit Domitius, (quem secutae sunt plures editiones, et inter ceteras Gevartiana) pro silva una retro, substituens silva una tetra, et novo commento inducens umbram Admeti referentem umbram Phylaccida i. e. Protesilai, ex inferis. Omnia falsa; et si vera essent, sensum Statio dignum non efficientia. Nihil igitur hunc moramur: ecce enim adest Heinsius, qui ad Ovid. Fast. I, 287. pro Thessalicis Admetus in oris legit Thessalicas Alcestin in oras, voce Alcestin absorptâ in praecedente alicis, propter similitudinem litterarum; cujus rei multa ibi et praecara sane exempla profert: et pro Silva una, ad Ovid. Heroïd. XIII, 35. legit, literâ mutata, Si lux una, quoniam unus dies Protesilao impetratus est quo ad superos rediret, nar-*



rante Luciano in Dialogis Mortuorum: ut totus locus hoc modo constituat:ur,

si Thessalicas Alcestin in oras,

Si lux una retro Phylaceida rettulit umbram.

Velles haec tam vera esse quam sunt ingeniosa et Heinsiana. Primum enim, etsi Protesilaus unam diem impetraverit quo uxorem Laodamiam reviseret, tamen cum nihil tale de Alcestide memoriae mandetur, fieri non potest ut verba lux una utrique, Protesilaos et Alcestidis, ex aequo convenient: quod tamen postulat Constructio, si lux una rettulit Alcestin, si lux una rettulit Protesilaum. Deinde, si utrique haec verba lux una aequae applicari possent, non tamen sensui satisfacerent, utpote Causam hujus redditus non designantia, quod factum est in prioribus exemplis descendit Aeneae et Orphei, illius ob Patrem, hujus ob Uxorem: ita etiam in his fieri oportuit, Alcestidis propter maritum Admetum, Protesilai propter uxorem Laodamiam. Stare igitur non potest Alcestin, et ad Umbras iterum detrudenda est Heröis rari exempli. Latet aliquid aliud, quod Gronovius hoc modo expedire conatur, Diatr. c. LIX.

si Thessalicis Admetus in oris,

Si lasciva retro Phylaceia rettulit Umbram:

„Ex silva una fecimus, inquit Vir Doctissimus, Si lasciva, non sane distorta apicum mutatione, et sensu exigente. Phylaceia est ipsa Laodamia, quam lascivam vocat quippe cujus amor et desiderium conjugalia gaudia nimis reminiscebatur.“ Sed nec haec possunt subsistere: quippe Admetus non rettulit umbram uxoris Alcestidis, sed Ipse ab ea referebatur, cum ea seipsam interfecerit ut ille ad vitam et superiores remitteretur. Deinde vide verba: Admetus Thessalicis in oris rettulit umbram. quid ad rem quae regione id fecerit Admetus, modò fecerit? satis fuisset dixisse, Si Admetus, si Laodamia umbram rettulit, Cur non mihi idem liceat? locus inepta et superflua circumstantia est, cum nihil sensui addat: ut mirer Gronovium non vidisse obvium hoc, si THESSALICAS Admetus in ORAS rettulit Umbram. Et sane scripsit Statius Thessalicas in oras: et ab hoc invento restitutionem hujus loci auspicabar: cujus restitutionis progressum vide: Cum notum sit Admetum ex inferis ab Alcestide reductum esse, non illam ab illo, patet legendum esse, si Thessalicas Admeton in oras rettulit. Quenam verò rettulit Admetum? uxor, Alcestis. atqui nulla in hoc loco vel uxoris vel Alcestidis vestigia. quaeramus igitur porro, quanam rettulit umbram Phylaceida seu Protesilaum. hunc quoque rettulit uxor, Laodamia. Uterque igitur, Admetus et Protesilaus hoc commune habent, quod uterque ab uxore ex inferis reducti fuerint. Jam ergo analysi certissimam pervenimus ad sensum loci: Si uxor rettulit Admetum in oras Thessalicas, si uxor retro rettulit Protesilaum, cur etc. Nihil ex his negari potest, omnia firmissima. Provisà re, verba minimum negotii tibi exhibebunt: ecce

si Thessalicas Admeton in oras,

Si conjunx retro Phylaceida rettulit umbram,

Cur nihil exoret, genitor, chelys aut tua, manes,  
Aut mea?

in voce una vides unx, ultimam partem τοῦ conjunx: I vero et c saepissime commutantur. Sententiam sensu et comparatione similem habes in Lacrim. Etrusc. v. 192.

Ergo et Thessalici CONJUNX pensare mariti  
Funus, et immitem potuit Styga vincere suppler  
Thracius? ah quanto melius pro patre liceret!  
Omnia eadem sunt. Ovidius Art. Amat. III, 19.

Fata Pheretidae CONJUNX Pagasaea redemit.

Si hoc in loco falsus sum, de Certitudine posthac desperabo. Admeton verò pro Admetum, terminatione Graeca; ut Cyllaron apud Virgil. Maenalon Nostro Theb. IX. Menelaon Ovidio, pro Cyllarum, Maenalon, Menelaum. innumera exempla, et ubique invenies. Ovidius Amor. III, 6.

Quid? non Alpheon diversas quaerere terras  
Virginis Arcadiae certus adegit amor?

In eadem Elegia habes Asopon, Inachon, Acheloon. Sic vocem Hymenaeon Claudiano restituit Heinsius, Rapt. Proserp. II, 230. ubi ante erat Hymenaeus. Umbram Phylaceida Protesilaum, quem Phyllacideum Heröa vocat Propertius Eleg. I, 19. in hac historia:

Illic Phyllacides jucundae conjugis heros

Non potuit caecis immemor esse locis:

Sed cupidus falsis attingere gaudia palmis

Thessalis antiquam venerat umbra domum.

conjugem Phylaceiam Laodamiam vocat Ovidius, Trist. V, 14. Vide autem artificium Get τὴν ἀρχαίαν Papiui in hac argumentatione: Si duo Viri, Aeneas et Orpheus, Ille ob patrem, Hic ob minorem causam, scil. uxorem, potuerunt vivi descendere ad Inferos, quare non mihi quoque hoc permissum sit, cum Aeneam causam aequam, Orphea superem? Cur non ad te, O pater, ego descendam? Hucusque ex sua parte. Jam ad Patrem: Si duae etiam mulieres (et quanto hoc minus quam viri!) potuerunt referre ex Inferis maritos suos, quanto justior est causa ut tu veniam redeundi obtineres, Pater nempe ad revisendum filium? Cur non ad me, O Pater, tu ascendas? Ex prior parte hujus argumentationis patet retinendum esse Detulit supra v. 270. cum de Descensu tantum agat. Retro rettulit ut apud Phaedrum II, 1. retro pedem rettulit: ubi vide Notas. Ita retro redire apud Ovid. Met. XV, 249. retro se recipere Eutrop. II. [Ven. Silva una retro phylacridis atulit umbram. Vers. 275. pro exoret Ven. et Parm. exhorret. Ex ADD.] Mox, v. 277. pro Aetnaeaeque recte Gronovius Ennaeaeque Perpetuò hae voces commutantur. Vide Heinsium a Claudian. de Rapt. Pros. I, 122. ubi hunc Statii locum pariter emendat, et docet scribendum esse Hennaeca non Ennaea. Vers. 278. pro laudanda Parm. blanda. 280. pro Centauros Parm. et Rom. Centaurusque. et pro greges Rom. graves. Pro Aversae celent Parm. Aversaeque cedat: Rom. Aversae cedat. Sumta haec ex Virgil. VI, 286. [Ven. et Parm. Centaurusque. et pro greges Ven. et Rom. graves: forte recte, modò legas, Centaurosque hydrasque graves. Vers. 282. pro su-

Eee



premis confeceram supremus sc. Vector, id est, Charon: et ita Venet. non ineganter. EX ADD.]

v. 283. et in mediū componat molliter ALGA.] Servius ad Virgilii Aen. VI, 416.

Informi limo glaucaeque exponit in ULVA, haec habet: ULVA] Herba palustri; cum marina dicatur alga; ut illisae cautibus algae. Si haec observatio vera sit, et perpetuo vera, pro ALGA hoc loco legendum est ULVA. Et sanè haec vox de fluviali herba saepenumero occurrit, ut Via Domitiana, de Vulturno:

Crinem mollibus impeditus ulvis:  
et Theb. IX, 418. de Ismeno, ut legendum esse locum supra monui,

stetit arduus alto  
Anne, simulque genas et nexa virentibus ulvis  
Cornua concutiens, etc.

et ita passim apud omnes, (non enim opus est exscribere quae ubique occurrunt.) Sed aliud suadet usus, qui potior est centum Grammaticorum autoritatibus. Noster Arb. Ated. v. 33.

stagnisque sub altis,  
Pana sequi credens, ima latus implicat alga:  
Theb. IX.

ruit omnis in imos  
Turba lacus, viridesque metu stipantur in algas:  
de fluvii, non mari, utroque loco agitur. Rutilius Iternario I, 385. loco notissimo de Judaeis:

Vexatos frutices pulsatas imputat algas,  
Dammaque libatae grandia clamat aquae:  
de fluvio loquitur. Recte igitur alga hoc loco.

v. 285. Illustremque animam Lethaeis SPARGITE sertis.] Recte: nec quidquam mutandum. Epithal. Stell. v. 21.

Floribus innumeris et olenti SPARGERE nimbo.  
Apuleius Miles. X. p. 234. Hinc Gratiae gratissimae, inde Horae pulcerrimae: quae jaculis floris serti et soluti Deam suam propitiantes, scitissimum

construxerunt chorum, dominae voluptatum Veneris coma blandientes Ita vulgo editur: et pro Veneris coma reponunt veris coma, et interpretantur flores: sed hoc ante dixerat Apuleius. Codex Bertin. habet corno. lege: dominae voluptatum Veneri como blandientes. como, κόμην, comensatione. Graecis vocibus libenter utitur Apuleius: ita paulo ante, bellicosum horum. Vers. 288. pro porta Parm. parte: et pro monstra, monstrat: et ita Domitii Codices: perperam. v. 287. In quo FALSA dies, caeloque simillimus aër.] Atqui Pluto, postquam Proserpinam rapuisset, illam solatur promissione purioris luminis, apud Claudian. de Rap. Pros. lib. II.

Amissum ne crede diem: sunt altera nobis  
Sidera, sunt orbes alii, lumenque videbis  
Purior, Elysiumque magis mirabere solem:  
et Val. Flaccus in descriptione sedis Beatorum I, 844.  
ubi Sol totumque per annum

Durat aprica dies, thiasique chorique virorum.  
Quoniam haec bene conveniunt cum epitheto falsa: nisi per falsam diem intelligat lucem quae simulat et imitatur hanc nostram superam; ut, caelo simillimus aër, huic nostro caelo simillimus. et hoc verum est: ita supra v. 261. falso somno, qui similitudinem habuit somni. [v. 288. pro porta Ven. parte. EX ADD.] Mox, Scipio sic plenos, etc. de eo, et hac opinione, Eutropius lib. III. Cui viro divinum quiddam inesse existimabatur: adeo ut putaretur etiam cum Numinibus habere sermonem. Aurelius Victor: in Capitolium intempesta nocte eunti nunquam canes allatraverunt: nec hic quidquam coepit quam in cella Jovis divitissime sedisset, quasi divinam mentem acciperes. Ridiculum istud Caligulae, de quo Suetonius c. 22. Et noctibus quidem plenam fulgentemque Lunam invitabat assidue in amplexus atque concubitum: interdum verò cum Capitolino Jove secreto fabulabatur, modò insurrexans ac praebens invicem aures; modò clarius, nec sine jurgiis.

## E C L O G. IV.

[v. 8. totidem Octaeae Paphiaeque REVISUNT Lampades] Ven. Otheae: et pro REVISUNT, RECUSENT, Non dubito quin Statius scripserit,  
totidem Octaeae Paphiaeque RECURSANT

Lampades: id est redeunt. Virgilius Aen. I, 662.

Urit atrox Juno, et sub noctem cura RECURSAT.  
Et ita alibi Ille, et alii. EX ADD.]

v. 10. et gelido SPARGIT miserata flagello.] Nescio quo sensu aliquis dici possit SPARGI flagello. Voluit opinor,

et gelido TANGIT miserata flagello.  
Sic infra, v. 18.  
extremo me TANGE cacumine virgae.  
Thebaid. IX, 150.

cum vero Acherontis operi  
Diva ter admoto TETIGIT thoraca FLAGELLO,  
Ardet inops animi.  
VII, 579.  
Has ubi vipereo TACTAS ter utramque FLAGELLO  
Eumenis in furias, etc.  
Horatius Carm. III, 26.  
Regina, sublimi FLAGELLO  
TANGE Chloënam semel arrogantem.  
Vers. 8. pro Octaeae Parm. Aetheae et revisit pro revisunt. De his Octaeis et Paphiis lampadibus vide Gronov. ad Senec. Herc. Fur. v. 132. et Gevartium Papin. Lect. V, 8.  
v. 14. AT nunc, HEUS, aliquis longa sub nocte, etc.] Inscitissime fecit Statius si huic loco inseruit interjectionem vocantis HEUS, quae nullae venustatis,



nullius usus est, nisi ut versum impleat: et ideo si eam omittas melius procedet sensus. Servius ad Virgil. Aen. I, 325. HEUS, inquit, juvenes, etc. haec notat: HEUS nunc adverbium vocantis est: aliàs interjectio dolentis est, ut HEUS etiam mentas consumimus! inquit Iulus. Atqui fallitur Servius: quippe HEUS eo loco (qui est Aen. VII, 116.) non dolentis est Iuli, sed ludentis et faceti et rem insolitam cum joco notantis: statim enim sequitur Nec plura ADLUDENS. Sed et si dolentis aliquando sit heus, huic tamen loco non congruit. Statii enim non erat dolere quod aliquis tenens brachia nexa puellae ultrò somnum repelleret: hoc omnem invidiam et malignitatem superaret, sine ullo inde fructu: unde Bernartii HEU aliquis refellitur. Nec si haec omnia concedamus, sanus adhuc erit locus. Unde enim scire potuit Statius, unde tam praefractè affirmare, aliquem tenentem puellam in brachiis ultrò somnum repellere? Conjicere quidem hoc potuit, sed non pro comperto affirmare. Ergo scripsisse debuit, ET nunc FORTE aliquis tenens, etc. et sane ita scripsit.

ET nunc FORS aliquis longa sub nocte, etc.  
est enim imitatio Virgilii Aen. XI, 50.

ET NUNC ille quidem spe multum captus inani  
FORS et vota facit.

Ita in Tiburtino Vopisci v. 62.

ET NUNC ignarae FORSAN vel lubrica Naïs  
Vel non abruptos tibi debet Hamadryas annos.

Quibus in locis si ejicias fors et forsan, facis Virgilium et Statium affirmantes res incertas, et de quibus conjectari tantum licuit; planè ut in hoc negotio. FORS, ut Coma Ear. v. 5.

FORS et de puppe timenda

Transferet:

et Herc. Surrent. v. 162.

(Da veniam, Alcide) FORS huic ET pensa tulisses.

Pro nexa forte legendum nixa. Propertius I, 16.

Nunc jacet alterius felici NIXA lacerto:

ubi tamen Codex Palat. habet NEXA. Versu proxime sequenti, pro TOTAS PENNAS Barthius Advers. XVIII, 17. proponit TOTIS PENNIS. Frustra: vide enim Theb. II, 208. de Fama:

Nec minus Ogygias eadem Dea curibida Thebas  
Insilit, et TOTIS perfundit moenia PENNIS:

ubi perfundere moenia TOTIS PENNIS, est infundere TOTAS PENNAS moenibus. Ita infundere PENNAS TOTAS luminibus, est idem quod perfundere lumina TOTIS PENNIS. Recte itaque PENNAS TOTAS. Deinde, v. 17. hoc turba PRECATUR Laetior: extremo, etc. Immo PRECETUR, ex sensu. Ita II, 2. v. 139.

illo alii rursus JACTANTUR in alto: ubi male erat JACTANTUR: vide quae ibi adnotavi. Supra v. 13. pro alterna TANTUM statione Barthius mavult alterna TAMEN IN statione. Iterum frustra: non enim opus est, cum constructio sit, statione tantum alterna; non continua, vicibus suis, ut de iis Ovidius, qui CENTUM tantum refert non MILLE. Heinsius ad Ovidii Heroïd. XVI, 314. hunc locum ita legit:

Quae VAFER alterna CAUTE IN statione tenebat  
Argus.

Et de priore parte emendationis VAFER pro SACER facile concedo: vide exempla quae ibi adducit: et ita profectò ego conjeceram antequam hoc Heinsii videram. De cetero, non opus est ulla mutatione; cum, ut dixi ante, Constructio sit, statione tantum alterna. Forte tamen inserenda praepositio,

alterna tantum in statione tenebat,  
elisa a praecedente litera m: quia Ovidius, quem Noster imitatur, dixit,

Cetera servabant, atque IN statione manebant?  
ob quam rationem suspicor quoque Statium scripsisse lumina CENTUM, non MILLE. Ille Met. I, 625.

CENTUM luminibus cinctum caput Argus habebat.  
licet numerum augeat Amor. III, 4.

CENTUM fronte oculos, CENTUM cervice gerebat  
Argus.

Claudianus in Pr. Cons. Stilich. I, 311.

Argum fama canit centeno LUMINE, CENTUM  
Corporis excubiis unam servasse juvencam.

Huic numero alludit Phaedrus Fab. II, 8. Apollodorus; Hyginus, et Val. Flaccus numerum non determinant. Imitatio tamen Ovidiana suspicioni meae favet. Vox mille forte debetur repetitioni similium syllabarum mina vocis praecedentis. Vers. 19. pro leviter Parm. et Rom. levior: et puto rectius. si enim retineas leviter, dictum fuisse oportuit leviter et suspensio poplite. [Veneta etiam levior: quod verum puto. EX ADD.]

## E C L O G. V.

EPICEDION IN FILIUM.] Ita vulgo editur Inscriptio misellae hujus Eclogae, ultimae inter Statiana tam Ordine quam Genio. Quomodo vero FILIUS? quam ipse dicat v. 10.

Non de stirpe quidem, nec qui mea nomina ferret

Oraque: NON FUERAM GENITOR.

Recte igitur conjeci PUERUM: cui addit Parmensis suum; et ita edidi. Sic v. 52.

ignosce, PUER: tu me caligine mersum

Obruiss.

et 79.

Nonne gemam te, care PUER? quo sospite, natos  
Non cupii.

Et ita lib. II, Eclog. VI. Consolatio ad Fl. Ursum de amissione PUERI delicati. Tota haec Ecloga corruptissima est: quamobrem plusculum mihi in illam



permisi libertatis; quam tamen. Eruditus me approbatum esse spero. Mihi videtur Statius imperfectam reliquisse. [Titulus hujus Eclogae in Venet. est, *Ad Musas. inepte. EX ADD.*]

v. 1. *neque enim verbis solennibus ulla*

*Incipiam, NEC Castaliae, etc.*] Recte monuerunt viri doctissimi Petr. Scriverius et Isacius Pontanus scribendum esse,

*neque enim verbis solennibus ulla*

*Incipiam NUNC, Castaliae, etc.*

referente Gronovio, Diatr. c. LX. ubi etiam notat artificium Papinii, quod in gravissimo luctu suspendit versum illo, *Incipiam nunc*, quasi singultu interstinguat. Verissimum hoc: et similis ars est lib. II, G. v. 12. ubi versus etiam singultit et frangitur:

*ne comprime fletus,*

*Ne pudeat: rumpat frenos dolor iste; (Deisne, Hei! tam dura placent?) hominem gemis, (hei mihi! subdo*

*Ipsae faces) hominem, Urse, tuum cui dulce volenti*

*Servitium.*

In his Affectibus exprimendis, nemini postarum, ut mihi videtur, cedit Statius. Pro *ulla* Barthius voluit *ultra*: sed refellitur a voce *nunc*. Vers. 8. pro *moevioribus* Parm. *morientibus*: et pro *lacertis* eadem *laccensis*: Rom. *laccensis*; quod placuit Barthio Adversar. XIII, 10. Sed *lacertis* bene defendit Gronovius, Diatr. c. 60. Primus ita emendavit Politianus Epist. VI, 1.

v. 9. *Viscera nostra tenens ANIMAEQUE avellitur infans.*] Ferri potest; ut Constructio sit: *Ecce infans, tenens viscera nostra, avellitur lacertis ANIMAEQUE*: et ita vult Heinsius ad Claudian. p. 37. qui ibidem testatur editiones quasdam vetustas habere *ANIMAEQUE*, quemadmodum ego conjeceram, et unice verum est *viscera ANIMAEQUE tenens*, propter conjunctionem *QUE*; quae ad proximum *viscera*, non ad remotius *lacertis*, referenda est. Ita Piet. Abasc. v. 47. loco simili:

*VISCERIBUS totis ANIMOQUE amplexa fovebat.*

v. 11. pro *Oraque* legendum *Orave*; *ne qui mea nomina ferret Orave*.

v. 13. *huc patres et aperto pectore matres*

*Convenient, CINERESQUE Oculis et CARMINA ferte.*] Corruptissimus locus. Et primum, pro *aperto pectore* forte legendum *apertae pectora*, ut apud Ovidium a quo haec sumta sunt, Met. XIII, 687.

*Ante urbem exsequiae, tumulique, ignesque, rogi- que,*

*Effusaeque comas, et APERTAE PECTORA MATRES.*

licet *aperto pectore* Idem dixerit Fast. III, 15.

*Fessa resedit humi, ventosque accepit APERTO PECTORE:*

et ita alibi saepe. Nihil igitur hic mutandum, contra omnia exemplaria. Monstra autem sunt quae sequuntur, *cineresque oculis et carmina ferte*. Quomodo enim ferrent cineres Oculis? an excaecare eos voluit

Statius? cineres quidem genis et capitibus gestare solitos Veteres in rebus luctuosius notissimum est; vide quae notavi ad Piet. Abasc. v. 219. sed quis unquam tulit cineres Oculis hac occasione? Nec melius istud CARMINA. Poetae quidem dici possent *ferre* vel *inferre* vel *conferre* CARMINA amicorum tumulis et Manibus: sed nihil hoc ad *Matres*, quae COMAS suas et DONA *ferre*, et injicere solebant PYRIS ardentibus, non CARMINA. Habes jam veritatem,

CRINESQUE ROGIS et MUNERA ferte.

Nihil certius puto hac emendatione. Et de CRINIBUS injectis rogo seu ROGIS norunt pueri. Noster Theb. VI, 193. in funere Opheltis:

*At genitor sceptrique decus, cultusque Tonantis  
Injicit ipse ROGIS, tergoque et pectore fusam  
Caesariem ferro minuit, sectisque jacentis  
Obnubit tenuia ora COMIS.*

Ovidius Met. XIII, 427.

*Hectoris in tumulo canum de vertice CRINEM,  
Inferias inopes CRINEM lacrimasque reliquit.*

Martialis Epigr. X, 50.

*Mulct Honor cultus, et iniquis MUNERA FLAM-  
MIS*

*Mitte coronatas, Gloria moesta, COMAS.*

Recte etiam et proprie *ferre munera rogis*. Ovidius Fast. II, 534.

*Parvaeque in extinctas MUNERA FERTE PYRAS.*

Noster Theb. VI, 168.

*quid DONA, duces, quid inania FER-  
TIS*

*Iusta ROGIS?*

Lacrim. Etrusc. v. 34.

*Tu messes Cilicumque Arabumque  
superbis*

Merge ROGIS: ——— nos non arsura FEREMUS

MUNERA.

JOvidius Trist. III, 3.

*Tu tamen extincto feralia MUNERA FERTO.*

Innumera huc pertinentia ex utriusque linguae Auctoribus exscribere possem, nisi rem per se satis claram putarem, etiam sine ulla exemplis. Voces autem *crines* et *cineres* perpetuo commutantur in MSS. Sic Epiced. Patr. v. 105. pro *crinemque* Parm. et Rom. ex MSS. expressae habent *cinerem*: et ita alibi non semel in his Silvis, et multis aliis aliorum Auctorum locis. Pro ROGIS scriptum fuisse videtur ROGIS, propter similitudinem litterarum g et c: inde OCIS, OCLIS, Oculis: quali fere errore ROGO et LOCO commutantur apud Propert. I, 19. v. 20. MUNERA vero et CARMINA saepe subierunt vices. sic Tibull. IV, 1. v. 7. pro MUNERA parva Ach. Statii Codd. habuerunt CARMINA. Passim in Criticorum scriptis et Variis Lectionibus invenies. Vers. 17. pro *restrinxit favillas* Parm. *restrinxit papillas*: et ita Domitii Codd. qui primus recte fecit *favillas*. Retinuit tamen *restrinxit*. et ita Edit. Gronovii. male: nisi sit operarum culpa. Sequitur, v. 9.

*primaeque jacentis*

*Serpere crudeles vidit lanugine MALAS:*



ita Parm. et sic Domitii Codices, sine sensu. Eidem debetur hujus quoque loci restitutio, *lanugine FLAMMAS*, de qua non est dubitandum.

v. 24. *Hoc quoque cum meditator ter dena luce peracta.*] Sic vulgo editur. Domitius vero fatetur se in suis Libris invenisse,

*Hoc quoque cum \*\* in terdena luce peracta*, unde se suggestisse dictionem *meditator*. In Parmensi plane est ut in Domitii exemplaribus, spatio relicto inter voces *cum* et *in*: [vox *meditator* deest Venetae quoque, quae, ut Parmensis, habet, *cum in terdena*; spatio relicto. EX ADD.] unde Gronovius Diatr. c. LX. (culpata hac sinistra Domitii liberalitate) ita scribit: „Si conjectura res expediri potest, scripsit Statius, *Hoc quoque dum nitor*. nam postrema syllaba „in frequentem vocem subsegit. *Niti carmen* dicitur, „qui magno labore velut e quercu exsculpsit. Atque „hoc si non placet, malo haec et quarti versus verba „*(orsa est atque ira tacendi)* cum lacunis ponere, ut „in MSS. codicibus habebantur, quàm pati, ut Domitius pro Papinio legatur. Quod et ipsi facturi sumus, cum edituri hunc poemam; et qui nos occupabunt aut secuturi sunt, eis idem ut faciant, consilium damus.“ Pareo monitis tuis, Vir doctissime: et ita edidi. Placet etiam conjectura tua, *Hoc quoque cum nitor*: quae *laboris* est vox: Ovidius Met. II.

*NITOR in adversum; nec me qui cetera vincit Impetus:*

Corn. Nepos Attico c. XV. *Idem in nitendo quod semel admisisset tanta erat curâ, ut non mandatum, sed suam rem videretur agere.* et huic bene respondet τὸ *Molior*, v. 27. pro quo Parm. *Mollior*: et, *orsa \*\*\* est: atque ira tacendi Impatiens*; quemadmodum edidi, rejecto Domitii figmento, *orsa DOLOR PROHIBET, atque ira*: licet ita citantem videam Heinsium ad Auctor. Consol. ad Liv. Aug. v. 210.

*Tristitia cum medius rumperet ORSA DOLOR*: quemadmodum recte emendat pro *ossa dolor*; adducto hoc Statii, seu potius Domitii loco ad confirmandam emendationem. *Orsa* sunt verba, ut Thebaïd. II, 451.

*Non ultra passus, et ORSA*

*Injecit Tydeus sermonibus obvia: Reddes, Ingeminans, Reddes:*

ita legendum; vulgo *Injecit mediis*, et *ingeminat*. [Vers. 26. pro *Discordesque* modos et *singultantia* verba, Ven. *Discordesque* in *singultantia* verba; spatio iterum relicto: ut et versu proxime sequenti, *Mollior orsa est atque ira tacendi Impatiens*. EX ADD.]

v. 30. *hilaesque ederas plorata cupressus*

*Excludit ramis.*] Totus locus in omnibus quas vidi ita habetur:

*en taxa marcet*

*Silva comis. hilaesque ederas plorata cupressus*

*Excludit RAMIS. ignavo pollice chordas*

*Pulso; sed incertam digitis errantibus amens*

*Scindo chelyn.*

Statium vero non ita scripsisse sum certus; quippe plane inepta est positio vocis *RAMIS, cupressus exclu-*

*dit ederas RAMIS*. Quid ad rem quo pacto *excludat ederas cupressus*, utrùm *ramis* vel *foliis*, vel quo alio modo, dummodò *excludat*? in Epiced. Patr. v. 8.

*funestamque ederis irreperere taxum*

*Extimui, trepidamque (nefas!) arescere laurum:* Ignon dicit, *extimui taxum RAMIS irreperere ederis*, et *laurum RAMIS arescere*: quippe otiosa et puerilis foret ea ingestio vocis *RAMIS*; quemadmodum in hoc loco. Scio istud Horatii Carm. II, 15.

*Tum spissa RAMIS laurea fervidos*

*EXCLUDET ictus.*

sed ibi constructio est *spissa ramis*, non *excludit ramis*. Imperitiae quoque argui potest Statius insequenti parte sententiae, *ignavo pollice chordas Pulso*: deest enim epitheton τῷ *chordas*, quod sensum adaugeat et diffundat; quale esset *moestas* vel *tacitas*, vel quid ejusmodi. Certum igitur est a Statio fuisse hanc distinctionem,

*hilaesque ederas plorata cupressus*

*Excludit. ramis ignavo pollice chordas*

*Pulso.*

Sub voce *ramis* latet epitheton τῷ *chordas*; quod jam quaerendum. Et Parmensis pro *Excludit* habet *Excludi*: unde verosimillimum est vocem proxime sequentem a litera *t* incipere debere, *TRAMIS ignavo pollice chordas*: unde exit,

*TREMULAS ignavo pollice chordas*

*Pulso:*

quod optime quidem huic loco convenit, et poetis usitatissimum est. Cum vero Noster alibi, Epist. ad Marcell. v. 52. haec habeat,

*ubi Ausonio se condidit hospita portu*

*Parthenope TENUES IGNAVO POLlice CHORDAS*

*PULSO;*

et hic quoque puto illum scripsisse,

*hilaesque ederas plorata cupressus*

*Excludit. TENUES IGNAVO POLlice CHORDAS*

*PULSO: sed etc.*

De quo judicent alii. hoc certum est, Statium saepe repetere solere sua hemistichia.

v. 32. *sed INCERTAM digitis errantibus amens*

*SCINDO chelyn.*] Dudum quaero quo sensu dicat Statius se *chelyn* SCINDERE: et nullus occurrit praeter dilacerare, divellere; qui hoc loco ferri non potest: statim enim sequitur, *juvat, heu juvat illaudabile carmen Fundere*: atqui si *chelyn* SCIDISSET, nullum carmen fundere potuit. Lege:

*sed INCERTUM digitis errantibus, amens*

*TENDO chelyn.*

*Digitis incertum errantibus*, ut Thebaïd. V.

*Turbidas, INCERTUMQUE oculis vigilantibus:*

quod alibi vocat *dubium mixtumque sopori*. Ovidius Heroïd. X, 9.

*INCERTUM vigi'ans, a somno languida, mori*

*Thesea pressu'as semisupina manus.*



Horatius:

*Et CERTUM vigilans, Quartae sit partis Ulises,  
Audieris, haeres.*

Noster Herc. Surrent. v. 163.

*Haec ego nascentes LAETUM bacchatus ad aras:*  
ubi vide quae notavi. Potes etiam legere et facile defendere *INSERTAM digitis errantibus*: sed verissimum puto *incertum errantibus*: per quod ostendit se huic uni cogitationi defixum esse; et digitos quidem habere in cithara, animum vero in Puero defuncto. Ob quod etiam dicit *amens TUNDO chelyn*: sine mente et proposito ullo digitos *infringo citharae*, ut loquitur alibi, Achilleid. I, 575. Propertius III, 15.

*Vertice turrigero juxta Dea magna Cybebe*

TUNDET ad Idacos cymbala rauca choros.

Prima litera vocis *Tundo*, utpote initio versûs, omittebatur. Deinde ex *undo* fecerunt *cindo*, cum *u* et *ci* vel *ic* ejusdem sint ductus, ut Epiced. Patr. v. 94. pro *cura* scriptum erat *cicla*. addiderunt tandem litteram *S*, et sic exiit *Scindo chelyn*.

v. 33.

*juvat hen, juvat ILLAUDABILE carmen*

*Fundere, et incommite miserum LAUDARE dolorem.*  
Vides *illaudabile carmen*, et statim *laudare dolorem*: quod per se suspicinem movet. Sed magis movebit si quaeras quid sit *laudare dolorem*, aut quomodo in idioma linguae tuae vertenda sit haec locutio, ut sensus constet. Gronovius ita, Diatr. c. L. „Epicedio „in puerum vernam *laudare dolorem* dixit, quia nimirum in dolore seu luctu laudabatur defunctus. *Laudare* verbum funebre. Glossarium: *Ἐπιδάφιος, epitaphium, naenia, laudatio*. Inde Statius: *incommite miserum laudare dolorem*, id est, incommite laudare defunctum in dolore, vel per dolorem miserum. Quare errat Vir Nobilissimus, (Barthius,) qui corrigit „*lacerare dolorem*, aut *laudare* compellare explicat „lib. XIV. adversar. c. VII. Nec placet quod P. Scrib. verius noster volebat, *cantare*.“ Non stare potest haec Gronovii explicatio. Primum enim, *laudare dolorem* non est *laudare PER dolorem* vel *IN dolore*; quod si voluisset Statius, dixisset *incommite miserum laudare DOLORE*, non *DOLOREM*. Nec de *Defuncto* hic loquitur Statius, sed de *Scipio* per totum locum: *laudare ergo dolorem*; est *summi dolorem*; quod tamen sensum nullum habet. proinde depravata est vox *LAUDARE*. Omnia sana tibi spondeo si minima mutatione legas,

*juvat hen, juvat illaudabile carmen*

*Fundere, et incommite miserum NUDARE dolorem*: id est, ultro ostendere, et profiteri, et cunctis notum facere dolorem meum duobus modis *illaudabili carmine* et *squalore*; unde sequitur

*Sic merui; sic me CANTUQUE HABITUQUE nefastum*

*Aspiciant Superi*:  
*nefastum CANTU* propter *illaudabile carmen*, *HABITU* propter *incommite*. Haec interpretatio verissima est; conjectura verosimillima. *Nudare* est ostendere, notum facere. Ovidius Amor. II, 5.

*Non mihi delatae NUDANT tua facta tabellae.*

Phaedrus Prolog. lib. III. v. 45.

*Suspicio si quis errabit sua,  
Et rapiet ad se, quod erit commune omnium,  
Stulle NUDABIT animi conscientiam:*

Ubi vide Burmannum. Nemesianus Eclog. IV, 11.

*Tum tandem fessi, quos lusus acederat ignis,  
Sic sua desertis NUDARUNT vulnera silvis.*

Contrario modo errarunt Librarii Capill. Earin. v. 13. ubi pro *NUBE rapinae* reposui *LAUDE rapinae*. Pro *incommite* Parm. *incommite*. Si novam vocem fingere liceret, optime hoc loco scripsisset Statius,

*et incommite miserum nudare dolorem.*

*comtus, tûs, vel comptus*, (de qua scriptura vide Priscianum lib. X. p. 897.) esset *ornatus*: ejus contrarium esset *incomtus*. Sed nihil sine exemplis admittere.

v. 37.

*nîl jam PLACIDUM manabit ab ore.]*

Immo *PLACITUM*: nîl quod ante *placuit*, posthac manabit ab ore. unde modò dixit, *pudeat Thebasque novumque Aeacidem*. Ita Theb. VII, 190.

*PLACITUSQUE vagae Nycteidôs ardor:*

ut recte ex Scriptis Gronovius, quem vide. Ovidius Heroïd. XIX, 208.

*Tum PLACITAS tuto pectore finde vias:*

ita Heinsius ex Cod. Scribe. pro *PLACIDAS*. vide cum fuse agentem ibi, et ad Art. Amat. I, 37, et alibi. et Cl. Drakenborch. ad Sil. Italic. I, 11.

v. 39.

*qui VIVOS potui mulcere dolores.]*

Nihil mutant editiones: et tamen, nisi fallor, scripsit Statius,

*qui VEROS potui mulcere dolores:*

non *fictos*, non *simulatos* dolores, sed *VEROS*, qui maximi sunt, et amarissimi, et mulceri difficillimi. Sic Praefat. lib. III. cum *luceret VERIS* (quod *amarissimum est*) *LACRIMIS senem patrem*. Ita *veros timores* Val. Flaccus VI, 459. et alibi: et Horat. Carm. I, 37. et Epist. I, 16.

*Nulla fides lacrimis, VERISQUE DOLORIBUS adsit.*  
*veros fletus* Ovid. Met. XI, 673. *vera gaudia* Heroïd. XIII, 108 *verus ignis* Propertius I, 9. Vide Burmannum ad Ovid. Art. Amat. I, 62. Contra apud Horat. Art. Poet. v. 318. pro *VIVAS voces* supposuerunt *VERAS*. Vide ad Val. Flaccum V, 395. *Vera*. 38. pro *blandus* Parm. *blando*.

v. 42.

*fomentaque quaero*

*Vulneribus (SED SUMMA) meis.]* Sumtum forte ex Ovidio Ponticor. II, 3 v. 94.

*FOMENTISQUE juvas VULNERA nostra tuis.*

Cujusnam autem usus sunt istae voces *SED SUMMA*? ego quidem nescio. Corruptas esse scio, sed non possum in praesens mederi. Viden eas tentasse Heinsium ad Ovid. Pontic. IV, 11. v. 20. hoc modo:

*fomentaque quaero*

*Vulneribus, sed VANA, meis:*

infeliciter: nemo enim *quaerit VANA fomenta vulneribus suis*. Nisi *to vana* adverbialiter et Graeco more pro *frustra*, sumi voluerit Vir summus: quo modo ta-



men Statius non scripsisset, propter Ambiguum. Latet epitheton τοῦ *fomenta*.

v. 45. reddite *opem*, *saevas* exsolvite *grates*.] Dudum emendaveram:

nunc tempus, amici,  
(*Quorum ego manantes oculos et saucia tersi*  
*Pectora*) reddere *opem saevasque* exsolvere *grates*:

ut apud Horatium,

nunc *Saliaribus*

Ornare *pulvinar Deorum*

Tempus erat *dapibus*, sodales:

et exempla ubique. Sed serò video Heinsium quoque ita castigasse hunc locum, ad Claudian. Praefat. lib. I, in Rufin. v. 4. Sensus quidem est in altera lectione; sed hanc postulat Poëtica. Pro amici Parm. amicam.

v. 46. Nimirum cum *vestra* domus *ego* funera moestos

Increpito, tunc *damna dolens* aliena, repono

*Infelix lacrimas, et tristia carmina* servo.]

Corruptissimus locus. Et sensus facile perspicitur: Ego, inquit poëta, qui olim medebat vestris vulneribus, nunc invicem vestras manus posco: qui olim scriptis meis vos consolabar, nunc carmina consolatoria a vobis postulo. Gronovius Diatr. c. LXI. ex Rom. Edit. quae pro domus habet domans, rescribit cum Lindenbergio,

cum *vestra* domans *ego* funera moestos

Increpito.

Verissimum istud domans, et moestos: pro quo Rom. questus; non male. Sed quomodo cum INCREPITO? dixisse debuit in Subiunctivo, cum INCREPITEM, vel INCREPITARIN in praeterito, ut supra tersi. Et quid est domare funera? vel quis huius loci sensus, si in prosam orationem resolves verba, cum *vestra* domans *ego* funera moestos Increpito? Lege minima mutatione:

Nimirum tunc *vestra* domans *ego* vulnera, moestos

Increpui.

Tunc, eo tempore, cum vos doluistis. Domans vulnera, id est, superans, vincens dolorem vestrorum vulnerum carminibus. Sic Glauc. Melior. v. 14.

satiare malis, aegrumque dolorem

Libertate DOMA,

Thebaid. II, 176.

O quàm te parcum in praeconia famae

Mens agitas matura tuae! quantumque ferentem Fortunam virtute DOMAS!

id est, superes Fortunam virtute. Seneca Troad. v. 350.

Compescere equidem verba, et audacem malo

Poteram DONARE; sed meus captis quoque

Scit parcere ensis.

Idem Hippol. v. 438.

Namque anxiam me cura sollicitat tui,

Quod te ipse gravibus poenis infestus DOMAS.

Et Medea v. 506.

Quin potius ira concitum pectus DOMA.  
Phoeniss. v. 77.

pectus antiquum advoca,

Victasque magno robore aerumnas DOMA.

ubi aerumnas doma, ut hic vulnera domans, et dolorem doma, loco Statii supra citato. Vulnera vero pro funera, quod sensum nullum habet. De commutatione harum vocum in MSS. vide Drakenborchium ad Sil. Italicum I, 399. et Heinsium ad Ovidium passim. Dixi aliquid ad Pietat. Abasc. v. 18. Deinde, moestos Increpui, id est corripui, et monui vos non nimium indulgere dolori vestro. Ovidius Fast. VI, 385.

Jam ducibus somnum dederat labor. increpat illos

Juppiter, et sacro, quid velit, ore docet.

Tacitus Annal. II, Neque tamen ob ea Parentis Patriae delatum et antea vocabulum adsumpsit; acerbeque increpuit eos, qui Divinas Occupationes, ipsumque Dominum dixerant. sic vehementer increpare apud Plin. Epist. VI, 5. rò Increpare simpliciter, lenioris est notionis, ut in hoc loco. Sequitur:

tunc damna dolens aliena, repono

Infelix lacrimas, et tristia carmina servo:

in quibus frustra sensum quaesiveris. Totum locum ita ex conjectura constitui:

Nimirum tunc *vestra* domans *ego* vulnera, moestos

Increpui; nunc damna dolens alterna, reposco

Infelix lacrimas, et mitia carmina quaero.

Omnia jam cohaerent et sibi respondent, minima et usitatissima mutatione. Alterna damna dolens, id est, alternis, vicissim, mea vice NUNC, ut vestra TUNC, seu olim. Supra v. 21. alterno mecum clamore fatiscat. Sic alterna pectora Theb. V, 721.

matremque avidis complexibus ambo

Diripiunt flentes, alternaque pectora mutant:

id est alternatim, modo hic, modo ille, pectora matri applicant. XI, 454.

alternaque murmura volunt

Mussantes.

Exempla obvia tam apud Nostrum quam alios: vide Gronov. ad Thebaid. XI, 43. Frequentes vices literarum i et t. Sic alia pro alta Tiburtin. Vopisc. v. 104. saltante pro saliente Juvenal. Sat. VI. et innumera ejusmodi quae ubique occurrunt. Deinde pro repono restitui reposco, sensu postulante. Martialis Epigr. VIII, 38.

Qui praestat pietate pertinaci

Sensuro bona liberalitatis,

Captet forsitan, aut vicem REPOSCAT.

Plinius Epist. II, 9. Te quoque obsecro ut aliquam oneris mei partem suscipere tanti pules. reddam vicem, si REPOSCES; reddam, et si non REPOSCES. No-ster Theb. V, 488.

fremat impia plebes

Sontibus accensae stimulis, facinusque REPOSCUNT.

Ovidius Metam. XIII, 178. in oratione Ulixis:

per me jacet inclytus Hector

Illis his armis quibus est inventus Achilles.

Arma peto: vivo dederam, post fata REPOSCO.



Ita legendum et distinguendum. Vulgo ponitur *velut* *cygni* post *Hector*; et sequens versus sic legitur,

*Illis haec armis, quibus est inventus Achilles,  
Arma peto. vivo etc.*

sine sensu. Infra eod. libr. v. 235.

*Amissamque mea virtutem voce REPOSCO*: ubi nonnulli codices habent *REPONO*, pariter ac in hoc Statii loco. Deinde, et *TRISTIA carmina SERVVO*. Nullus in his sensus. quid enim est *SERVARE TRISTIA carmina*? Recte puto me emendasse, et *MITIA carmina* *QUAERO*. Ipse in vestro dolore vos *INCREPUI*, fortis et animosus: sed nunc in propriis damnis, reposito *LACRIMAS molles*, et *MITIA carmina requiro*. Curtius IV, 10. *Crederes Alexandrum inter suas necessitudines fletu, et solatia non adhibere, sed quaerere*. Sumtum videtur ex Horatio Carm. I, 16.

NUNC ego *MITIBUS*

*Mutare* *QUAERO tristitia*.

Sic supra v. 40. *lugentum MITIS solator*. De hac voce vide quae notavi in Epist. ad Marcell. v. 49. nos *otia MITI* *Solamur CANTU*. Pariter commutari videntur *mitis* et *tristis* apud Lucanum IX, 1062.

*quàm magna remisit*

*Crimina Romano MITIS Fortuna pudori,  
Quod te non passa est misereri, perfide, Magni  
Viventis!*

vulgo legitur *TRISTIS fortuna*, sensu aliter postulante. Pro *Increpito*, tunc Parm. *Increpitans*, qui. Scriptum nempe erat *Increpui* ejus ultimam partem *pui* repetierunt in voce *qui*, ejecto *ui* nunc. [Vers. 46. pro cum *vestra Ven. cur.* Vers. 47. pro *Increpito tunc Ven. Increpitans qui*: et *repono*, non *repono*: et *serva* pro *servo*. Corruptissima haec sunt: vide Notas. EX ADD.] Sequitur, *Verum erat*: id est *aequum*, *justum erat* vos mihi conferre talia carmina, quia ego ante vobis dedi, et quia nunc meae vires absumtae sunt: ut recte Gronovius Diatr. c. LXI. ubi hanc significationem illustrat exemplis. Unde patet frustra esse Heinsium, qui ad Claudian. in Entrop. II, 155. voluit, *Verum eat*: et *Verum* accepit pro *Sed*. Mox, v. 50. pro *flumine*, quod habent plures editiones, recte Seriverius *fulmine*, ut Epiced. Glauc. v. 30.

*me fulmine in ipso*

*Audire patres.*

et ita saepe.

v. 52. *tu me caligine MOESTUM*

*Obruïs. A DURO viso sic vulnere etc.*] Legendum, *tu me caligine MERSUM Obruïs*. Thebaid. VI, 510.

*tandem caligine MERSUM*

*Erigit accursu comitum caput.*

X, 735.

*illi atra MERSUM caligine pectus*

*Confudit sensus.*

Sil. Italicus VIII, 45.

*Obtegitur densa caligine MERSA vetustas.*

XI, 122.

*Tantane, Omnipotens, caligine MERSA latere  
Fata placet?*

Virgilius Aen. VI, 267.

*Pandere res ultra nocte et caligine MERSAS.*  
Martialius IV, 396.

*Rursus et in magna MERGIS caligine mentem.*  
Claudianus in Entrop. I, 492.

*tantu caligine MERGI*

*Calcarique sinas.*

Plinius N. H. IV, 12. *densa MERSA caligine*. Sed nimis sum. *Mersum obruis*, ut Ovid. Met. XI, 569.

*et rupta MERSUM caput obruit  
unda.*

Similiter hae voces *moestus* et *mersus* a Librariis confusae sunt Ovid. Met. I, 380. ubi vide Burmannum. Hoc igitur certissimum sit. Sequitur difficillimus locus:

*A DURO viso sic vulnere carae  
Conjugis, invenit caneret quod Thracius Orpheus  
Dulce sibi: sic busta Lini complexus Apollo  
Non tacuit.*

Ita omnia exemplaria. Et Barthius Adversar. XIX, 7. tentabat, referente Gronovio,

*tu me caligine moestum*

*Obruïs, adjuro. viso sic etc.*  
frigidissime: Vel,

*tu me caligine moestum*

*Obruïs* ab dura! *viso etc.*  
melius hoc. Alius Gronovii amicus voluit,

*tu mi caligine merso*

*Obvius* adfer opem. *viso etc.*

admodum improbabiliiter et vage. Dan. Heinsius apud Gronov. Diatr. c. LI. corrigebat,

*tu me caligine moestum*

*Obruïs* arsurus. *viso etc.*

Non bene. non enim ex eo quod *arsurus* erat puer caligine obruebatur Statius, sed quia *mortuus* erat. et si ex eo tantum quod *arsurus* erat, doloit Statius, facile poterat huic dolori occurrere *condiendo* illum odoribus et aromatibus, et non permittendo illum *comburî*: quemadmodum Priscillae faciebat Abascantius, Eclog. I. hujus libri. Non igitur verum est *arsurus*. Gruterus in Schedis voluit, *Obruïs*, ah durus! *viso* si *vulnere*: et mox quoque, si *busta Lini*: quod explicatione et Oedipo indiget. Videamus jam quid adferat Ipse Gronovius Diatr. c. LXI. „Apparet hoc „maxime queri Statium, venam et verba se deficere. „In quo se cum Orpheo et Apolline comparat. Quid „est ergo: *Orpheus invenit, quod caneret. non inve-* „nit, erat dicendum. ut in Pietate Abascantii:

*qualis conspecta conjuge segnis*

*Odrysius rates positus ad Strymona plectris*

*Obstupuit, tristemque rogum sine carmine flevit.*

„Qui unicus locus docet quomodo hic scribendum sit. „nempe: *haud diro viso sic vulnere*. Sic Orpheus „viso diro vulnere carae conjugis, quod serpens talo „ejus infixerat, haud invenit dulce sibi, quod caneret. „Et mox: *sic busta Lini complexus Apollo Conticuit*. „Estque simile vitium a librariis commissum infra: „quo sospite Natos Non capui. nam ita recte Domi- „tius, cum MSS. haberent, *Concupui*. Totus ergo lo- „cus sic scribatur:



*ignosce puer; tu me caligine moestum*

*Obruīs. Haud, diro viso sic vulnere carae  
Conjugis, invenit caneret quod Thracius Orpheus  
Dulce sibi: sic busta Lini complexus Apollo  
Conticuit.*

Haec Vir summus, ceterorum conjecturis forte meliora, sed nequaquam Stadiana, si modò ego Genium et manum poëtae aliquatenus valeam distinguere. Certe si in omnibus exemplaribus ita scriptum hunc locum invenissem, non dubitasset corruptum pronuntiare. Primo enim, Statius non admisisset istum ordinem vel polius turbam et confusionem verborum,

*HAUD, diro viso sic vulnere carae  
Conjugis, INVENIT caneret quod Thracius Orpheus.*

Nec dixisset *DIRO viso vulnere*, sed *viso vulnere*, quod satis est sine *diro*. Nec verum est quod dicit Gronovius de Orpheo *non inveniente* quod caneret post visum vulnus conjugis: certe aliter Virgilius (quem Noster sequi solet) Georg. IV, 464. ubi inducitur *solans aegrum TESTUDINE amorem*: et, *Te veniente die, te decedente CANEBAT*, quod et de *Apolline* post mortem *Lini* affirmat Ovidius Amor. III, 9. v. 23. Sed (quod praecipuum est contra Gronovium) quomodo se comparare potuit Statius Apollini et Orpheo *silentibus*, quando ipse *NON sileat*? nonne enim *canit* hoc Epicedion? nonne dicit de Seipso, supra, v. 33.

*juvat heu, juvat illaudabile CARMEN*

FUNDERE?

Ergo, necesse est ut comparet seipsum, *canentem* hoc Epicedion post mortem Pueri, Apollini et Orpheo *canentibus*; huic, post mortem Eurydices; illi, post mortem Lini et proinde, omnino jam falsum est Gronovii *HAUD invenit quod caneret*, et, *CONTICUIT*. Dicit Statius: Quemadmodum Orpheus, viso vulnere Eurydices, *INVENIT* quod caneret, solito quidem carmine longe inferius, tamen *DULCE SIBI* saltem, utpote quod solaretur aegrum amorem: et quemadmodum Apollo post funus Lini *NON TACUIT*, id est, *cecinit* aliquid: sic ego, defuncto hoc Puero, *luctus in carmina verto, Discordesque modos et singultantia verba Molior*, et *voluptatem* quandam *capio* in fundendo ignobili et *ILLAUDABILI* carmine; *JUVAT heu, juvat ILLAUDABILE carmen Fundere*: hoc me consolatur illorum exemplo: meliora non possum, cum abierunt usitata *Copia* et *Inventio*, et nihil animo occurrat nisi humiles conceptiones et verba sordida et vulgaria. Hic est sensus, satis jam apertus: et hinc patet retinendum esse *Non tacuit*, et non verum esse *HAUD invenit*. Depravatio plane latet in vocibus a *DURO*, quae ad praecedentem sententiam reducendae sunt, cum sub illis occultetur epitheton *τῷ caligine: tu me caligine mersam Obruīs* *INDIGNA*, vel *INSOLITA*, vel quidpiam ejus sensus. Proximum erat *AH DIRA*: et ideo ita edidi, licet vix putem esse Statii. nec placet *ONSCURA*, quod obivium erat conjectanti. Viam aperui: ingrediatur aliquis felicius. caveat tamen: non enim cujusvis est Statium corrigere, prout summorum Virorum exemplis vides.

v. 56. *Nimius fortasse, avidusque doloris*  
DICOR.] Statim repone, DICAR, id est, *dici possim*. Hoc sensus postulat. Ovidius Art. Amat. III, 115.

*Adspice, quae nunc sunt Capitolia, quaeque fuerunt,*

*Alterius DICAS illa fuisse Jovis:*

id est *dicere possis*. Sic Cal. Dec. v. 55. prout legendum:

*CREDAS ad Tanaïm ferumve Phasin*

*Thermodontiacas calere turmas.*

Exempla ubique. Sic *devincas* infra v. 63. ubi male Parm. *devinces*.

[v. 58. *lamentaque nostra reprehendit*. Ven. *reprendis* pro *reprehendit*; quod verum esse potest; ut Philel. Ursi v. 1.

*Saepe nimis, lacrimis quisquis discrimina PONIS.*

EX ADD.]

v. 67. *Non ego mercatus Pharia de PUPPE loquaces*

*Delicias*.] N. Heinsius ad Ovid. Met. VIII, 56. pro PUPPE legit PUBE: verissime. *Pharia pubes* est *Aegyptia juvenus*. sic *pubes Achiva* isto Ovidii loco. *Graiam pubem*, Val. Flaccus VI, 5. ubi pariter erat *puppin*. Cicero de Finib. II, 6. aut, *si magis place-ret suo more loqui, quam*

*Omnes Danaï,*

*Mycenenses, Attica pubes,*

*reliquique Graeci, qui hoc anapaesto citantur*. ita legendum; vulgo, *quam ut Omnes Danaï* etc. *quam sc. voluptatem*: vide praecedentia. *Germana pubes* Persius Sat. VI, 44. et similia apud omnes. Pro *Delicias* [Ven. *Ede tuas*. EX ADD.] Parm. et Rom. *Aedituas*: quod explicat Domitius: „*Aedituas picas* appellat, quoniam in fastigio templorum frequenter insidere solent: *Aeditui* autem dicuntur templorum custodes.“ Ridiculam hanc interpretationem dudum notavit Gevartius Papin. Lect. V, 9. ubi defendit et explicat *Delicias*. quod confirmat Quintilianus Instit. I, 2. *Verba, ne Alexandrinis quidem permittenda DELICIAS, risu et osculo excipimus* ubi *deliciae* sunt *Pueri delicati*. De his Martialis Epigr. IV, 42.

*Si quis forte mihi posset praestare roganti,*

*Audi, quem puerum, Flacce, rogare velim.*

*Niliacis primum puer is nascatur in oris:*

*Nequitias tellus scit dare nulla magis.*

Ex quo loco aequè bene legere posses in Statio, *loquaces NEQUITIAS*, quod a *τῷ AEDITUAS* non longius abest quàm *τὸ DELICIAS*. Pro *ductumve* Parm. et Rom. *ductumque*: quod omnino verum est. *Fulnra nostrae causae*, versu praecedenti, sunt *nostra vulnera*, si locus recte habeat. *nostra causa* pro *nos*, ut *causa veneni* pro *venenum* apud Ovid. Met. IV, 19. et innumera ejus formae. Sed de loci sanitate dubito.

v. 68. *Infantem linguaque SIMUL, salibusque protervum.*] In MSS. est *lingua SIMUL*: et ita Editt. Parm. et Rom. Quod cum non intellexerint, fecerunt primo *lingua SIMUL*. deinde ad supplendum versum addiderunt *QUE: linguaque SIMUL*. quod et aliis Auctoribus saepe factum est. Domitius legebat *Simium*, et

Fff



intelligebat animal istud quod Graeci *πιδίον* vocant. „Ego, inquit, non habebam puerum emptum ex grege „et Catasta Aegyptiorum; qui a mangone eruditi lo- „quaces sunt tanquam picae, aut gestibus *simium* imi- „tantur; sed natum apud me adoptavi.“ Euge hunc Interpres, ad Phaedri Fabulas ablegande, ubi *arbores loquuntur, non tantum ferac.* T. Demsterus ad lib. V. Rosini Antiquitat. probat conjecturam viri docti le- gentis *lingua* SAMIUM, quod accepit pro *acuto*, ex No- nio Marcello. Sed hunc refutat Gronovius Diatr. c. I.XI. et legit *lingua* SIMILI; et fuse et erudite expli- cat de puero pantomimo, quem, inquit, *protervum lin- gua simili* dicit, quā nimirum sensus sermonemque ali- orum comode refert. Optime sane; nisi quod prop- rius est scripturae Codicum, unā tantum literā mutatā, *Infantem, lingua NIMIUM, salibusque protervum: nimium lingua; ob quod supra vocat LOQUACES Deli- cias.* Horatius Carm. II, 12.

*Nec saevos Lapithas, et NIMIUM MERO Hylaeum.*

Sic immodicae MERO rixae Carm. I, 13. immodicum DICTIS *Iāxartem* Val. Flaccus V, 597, ubi vide Burmannum, qui ex Tacito locum adducit Hist. I, 35. *ignavissimus quisque, et, ut res docuit, in periculo non ausurus, NIMI VERBIS, linguae feroces.* Sic *multus sile* N. H. XXXV, 11. de Mecophane pictore: *alius durus in coloribus, et sile multus.* ita recte e- mendaverunt Gronovius et Pintianus. *Sil* est pig- menti genus. *multus sile* qui eo pigmento multo utitur. Potes etiam legere *linguae nimium*, ut apud Sil. Ita- licum V, 232. *nimium pugnae, nimiumque cruoris.* Sed non opus est, cum *lingua nimium* sit aequè pro- bium. Vide Burmannum ad locum Val. Flacci. [Pro *linguaeque simul* Ven. *lingua summum.* Ex ADD.] Pro *Infantem* Parm. monstrose, *Infastate.* Vers. 70. Pro *Excepi et vincunt* Parm. et Rom. *Asperi: atque unctum.* Frustra. Epithal. Stell. v. 100.

*tellure cadentem*

*Excepi, fovique sinu.*

*recipere sinu* dicit Geneth. Lucan. v. 38. *suscipere gremio* Claudianus in Rufin. I, 94. Recte quoque et *vincunt.* Ovidius Ibide, de illo recens nato, v. 235.

Membraque VINXERUNT *unctis ferrugine pannis:* ubi vide Notas Burmanni. Plinius Prooem. lib. VII. Nat. Hist. de Homine: *Ab hoc lucis rudimento, quae ne feras quidem inter nos genitas, VINacula excipi- unt, et omnium membrorum nexu: itaque feliciter natus jacet, manibus pedibusque DEVINCTIS, flens ani- mal ceteris imperaturum.* Argute et eleganter.

v. 71. POSCENTEMQUE *novas tremulis ululatus auras.*] Nullus in his sensus. Infans enim modò natus non POSCIT *novas auras ululatus*, cum certe plus *aurae* jam habeat quam cum in matris utero in- clusus fuit. Quare igitur *posceret auras*, cum jam in *auram apertam* editus sit? aequius erat ut diceretur *poscere novum nutrimentum vel mammam* matris quā *auras.* Scripsit Statius,

*PULSANTEMQUE novas tremulis ululatus auras Inserui vilae.*

Asuonius Epigr. 108.

*Principio tremulis gannitibus aëra PULSAT.* Lucanus VI, 225.

*laetus fragor aethera PULSAT*

*Victorum.*

Sil. Italicus XVII, 136.

*Quadrupedem elatis PULSANTEM calcibus AURAS.*

Claudianus Praef. Lib. II. in Eutrop. v. 51.

*Improbe, quid PULSAS muliebribus astra querelis?* Ovidius Met. III, 706.

*¶ Penthea sic ICTUS longis ululatus aether Movit.*

Avienus Descr. Orb. v. 753.

*Producit noctem ludus sacer: aëra PULSAT Vocibus, et crebris late sola calcibus urgent.*

Idem v. 842. de Tauro monte:

*nunc autem subrigit idem*

*Obliquas arces, et flexilis aëra PULSAT:*

ubi forte scribendum *flexibus.* Impellere *auras* eodem sen- su Ovidius Met. III, 20. *mugitibus IMPULIT AURAS.* Con- trario modo mutatam a Librariis hanc vocem credo Proptere. Crispin. v. 125. ubi pro *PULSAT* puto Sta- tium scripsisse POSCIT. Pro *Inserui* Parm. *Inferni.* Vers. 73. pro *ortus* Parm. *artus:* Rom. *arctus.*

v. 74. *Uberibus tibi, parve, dedi. HEU munera nostra*

*Ridebas IGNARUS adhuc.*] Scio quid dici possit pro hac licentia poetica *dedi heu*, ubi vocalis ante vo- calem non eliditur. Sed Statius non tantum sibi per- misit in his Silvis; vix in Thebaide, nisi ubi turbate et praecipitanter oratio concipitur; vel ante nomina locorum aut Hominum, Graeco more. Unde recte e- mendavi, *Tu munera nostra Ridebas:* quod sermonis elegantia postulabat. Deinde, pro *IGNARUS adhuc* Parm. et Rom. *INGRATUS:* quemadmodum etiam habere MS. Senens. et Venet. Edit. notat Gronovius Diatr. c. XXXIII. quod comprobatur hac explicatione, „beneficium „meum nondum intelligebas, nec gratus esse poteras.“ Mihi multo potius videtur *IGNARUS:* Tu, inquit, risu excipiebas meum munus, *ignarus adhuc* quantum be- neficium tibi contuleram. Sic de Glaucia Melioris Martial. Epigr. VI, 29.

*Munera cum posset nondum sentire patroni, Glaucia libertus jam Melioris erat:*

hoc est, *ignarus adhuc* Glaucia libertus erat Melioris; non *ingratus.* Claudianus Laude Serenae Reginae, v. 82.

*alio tum parvus in axe*

*Crescebat Stilicho, votique ignarus agebat.*

De commutatione vocum *ignarus* et *ingratus* consulas Heinsium ad Ovid. Met. VII, 711.

v. 75. PROPERAVERAT ille

*Sed merito properabat, amor.*] Parmensis habet PROPERAVERIT: quod unice verum est. Obiectio est, et obiectiois solutio. Dicit aliquis, Satis festinus fui- sti, O Stati, in amore tuo erga hunc puerum, donando illi libertatem adhuc infanti. Respondet Statius: Sed meritò properavi et festinus fui in donando libertatem quae tam brevis futura fuit. *Properaverit* est *sit ut properaverit*, vel *licet properaverit*, concedo ut pro-



peraverit; tamen merito properavit. Horatius Serm. I, 10. v. 64.

FUERIT *Lucilius, inquam,*  
Comis et urbanus; FUERIT *linatior idem*  
Quam rudis et Graecis intacti carminis auctor,  
Quamque poetarum seniorum turba; SED ille,  
Si foret hoc nostrum fato dilatus in aevum  
Detereret sibi multa.

id est, Sit ut Lucilius fuerit comis et urbanus, tamen etc. Ovidius Art. Am. I, 53.

Andromedan Perseus nigris PORTARIT ab Indis etc. Vers. 80. pro Non cupii Parm. et Domitii codices Concupii: unde ille bene emendavit.

v. 80. primo gemitum qui protenus ortu  
Implicuit, fixitque mihi.] Mendosissimus locus: nec a Libris, aut Interpretibus quicquam auxilii. Vox GEMITUM sine dubio corrupta est: praecessit enim, Nonne GEMAM te, care puer? nec sensum ullum habet gemitum implicare alicui. Pro illa igitur primò substitui GREMIUM, memor similis harum vocum mutationis in Eleg. ad Liv. August. v. 115. Et pro qui, cui, ut mox, cui verba sonosque Monstravi: unde etiam apparet legi oportere, Implicui vel Adplicui fixique: de Seipso enim et suo affectu loquitur; sic cupii, Monstravi, Erexi: et pro mihi, meum, scil. gremium. Hae omnes sunt parvae mutationes, et quae a cautissimo Critico admitti possunt in loco desperato. Jam igitur exit,

primo gremium cui protenus ortu  
Adplicui fixique meum; cui verba, sonosque  
Monstravi.

sensu optimo, et sententia cohaerenti. Adplicui gremium est admovi, in caritate exprimendâ usitata vox. Lacrim. Etrusc. v. 17.

tenet ecce seniles

Leniter adplicitos vultus:

quemadmodum illic restitui pro implicitos: vide quae ibi notavi. Petronius Satirico: Ego Gitoni adplicitus cum clamore fleui. Recte etiam cui fixi gremium meum pro adfixi, (vide Lyric. ad Sever. v. 18.) quod teneriorem quoque affectum exprimit. Auctor Consolet. ad Liv. Aug. v. 91.

Adhucque suis moriens tua pectora sensit:  
ubi tamen Heinsius maluit Adfligi, quia sequitur, vultu lumina fixa tuo. Ego potius mutandam putarem vocem fixa, quia Adfligi violentius est quam ut conveniat morienti. Ibidem v. 95.

At miseranda parens suprema neque oscula fixit,

Frigida nec foris membra tepente sinu:

ita legendum; vulgo, tremente sinu. verum et elegans esse tepente ostendit Antitheton Frigida. Fixit ibi est adfixit; licet in ea quoque voce variant Codices. Si quis magis verosimilia proferre possit, vel haec verè refutare, libens ego vineta caedam mea.

v. 82. et VULNERA caeca RESOLVAM.] Totus locus in omnibus Editionibus ita legitur et distinguatur:

cui verba sonosque  
Monstravi, (questusque et VULNERA caeca RESOLVAM)

Reptantemque solo demissus ad oscula dextra Erexi.

Numquam intellexi sensum istius parentheses, questusque et vulnera caeca resolvam. Cuius questus resolves, O Papini! Tuos an Infantis? si Tuos, jam resolveisti per totum hoc Epicedion, quod vix aliquid habet praeter questus: si Pueri, dicere debuisti RESOLVI, ut monstravi, erexi. Atque hinc ad sensum loci aditus fiebat:

cui verba sonosque

Monstravi, questusque et vulnera caeca resolvi: loquitur de affectu suo et officiis erga Puerum: Monstravi illi, inquit, verba sonosque; et resolvei seu explicavi questus ejus, quos ego solus intellexi. Quae nam vero VULNERA caeca quae resolvit Noster? Facilis jam emendatio, percepto sensu,

cui verba sonosque

Monstravi, questusque et MURMURA caeca RESOLVENS;

Reptantemque solo demissus ad oscula dextra Erexi.

Murmura caeca: antequam loqui poterat et sonos articulatos proferre, ego questus ejus et ejulatus intellexi et aliis explicavi. Resolvete est explicare, aperire. Virgilius Aen. VI, 29.

ipse dolos tecti ambagesque RESOLVIT,

CAECA regens filo vestigia.

quem locum non dubito quin Statius in animo habuerit, et alium Aeneid. X, 97.

ceu flamina prima

Cum depressa gemunt silvis, et CAECA volutant MURMURA:

ita legendum esse alibi monui, pro deprensa fremunt. Recte vero murmura. Theb. V, 613.

Heu ubi siderei vultus? ubi verba ligatis

Imperfecta sonis? risusque et MURMURA soli

Intellecta mihi?

qui locus hunc egregie illustrat. Glaucia Melior. v. 104.

Tu tamen et motas etiam tum in MURMURA voces, Vagitumque rudem, fletumque infantis amabas.

Clare confirmat hanc emendationem Ausonius Protreptico v. 67.

Multos lactantibus annis

Ipsae alui: GREMIUMQUE fovens, et MURMURA SOLVENS,

Eripui tenerum blandis nutritibus aevum.

palam imitatur hunc Statii locum, quemadmodum saepe alibi facit: et hinc etiam stabilitur GREMIUM pro GEMITUM. Paulinus lib. de S<sup>to</sup> Joanne Bapt. v. 207. de puerili aetate loquens:

Blanditiae risusque silent, incertaque cessant MURMURA.

Eumenius Grat. Act. Constantino, c. X. Diu ventur hominis partus optatur; diu vagitus inconditi locutura differunt vocem. Noster Theb. VI, 164.

Illam tuos questus, lacrimososque impia risus  
Audii, et vocis decerpisit MURMURA primae.

Fff 2



Crebro commutantur hae voces a Librariis. Ita Theb. X, 440. pro *supremaque* MURMURA *volvens*, Codex Petrensis habet VULNERA. Et alibi passim invenies.

[v. 83. pro *dextra* Ven. nostra. Ex ADD.]

v. 84. *blandoque sinu jamjamque* natantes

Exercere *genas, dulcesque accersere somnos.*] In Parmensi et Romana Editionibus ita concipitur hic locus difficillimus:

*blandoque SINUS jam jamque NITEN-*  
TES

EXCEPERE *genas* etc.

nisi quod pro *nitentes* Rom. habet *nitantes*, quod ita explicat Domitius: „*nitare* est oculo et aliorum membrorum nisu conari; unde *nictus* dicitur. Papinius „*nitantes* dixit primâ quidem brevi. Sinus (inquit) „*meus excepit* *genas* pueri *nitantes*, hoc est palpitantes propter somnum quem ei accerseram.“ Legebat igitur *sinus excepere*. sed tunc oportuit *blandi sinus*; et *accersere*, penultimâ productâ; quod non admittit metrum. Tho. Reinesius Epist. ad Daumium legebat, (prout me monuit Amicus, liber enim non est ad manum)

*blandusque fui jam jamque* natantes

Exercere *genas*.

Sed haec conjectura difficultatem unam tollit, majorem relinquit; nempe quid sit *Exercere genas*. Omnia tentanti diu mihi videbatur locus mutilus; quod facile accidere potuit ad finem Carminis imperfecti: et ideo Asterisco locum insignivi in Contextu meo, moestus quod in ultima operis parte tam male mihi cessisset. Jam verò, perpenso sensu et MSS. lectione, nulla paene mutatione Statium sibi restitui:

*Reptantemque solo demissus ad oscula dextra*

*Erexi*; BLANDIQUE SINUS jam jamque NATANTES  
EXCEPISSE *genas, dulcesque accersere somnos.*  
et *blandi* fuerunt *sinus excepisse oculos jam jamque natantes*; et *accersere dulces somnos*. Tota hujus loci difficultas erat in defectu verbi Substantivi fuerunt: quae Ellipsis frequens Papinio, ad obscuritatem usque; ut alibi notat Gronovius: et exempla in qualibet pagina. *Blandi excepisse*, ut apud Horat. Carm. I, 12.

BLANDUM et auritas fidibus canoris

DUCERE *quercus*.

Vide exempla hujus Graecismi apud Bentleium ad Carm. I, 1. *Natantes genas* seu *oculos*: quae indubitata est lectio. Auctor Consol. ad Liv. Aug. v. 93.

*Lumina caerulea* JAM JAMQUE NATANTIA morte.

Ovidius Met. V, 71.

*Jam moriens, oculis sub nocte* NATANTIBUS *atra*. plura notavi ad Uxor. v. 39. *Blandi EXCEPISSE et ACCERSERE*: qua Temporum mutatione nihil frequentius. Eq. Max. v. 100.

*Apelleae* CUPERENT te scribere *ce-rae*,

OPTASSETQUE novo similem te ponere templo.

*Excepere* pro *Excepisse*, ut Theb. III, 355. pro *Explorasse* Cod. Petrensis *Explorare*. Tolle igitur Asteriscum ex Contextu, et in ejus locum admitte,

*blandoque sinus jam jamque natantes*

*Excepisse genas*;

et, siquid de Statio bene meruerim, Κρότον δός. [Ven. quoque *sinus*, et *Excepere*, sed deest vox *natantes*. et statim, *arescere* pro *accersere*, et *tenebo* pro *tenebo*. Plures sunt hic illic Varietates, ex quibus tamen nihil bonae frugis exsculpi posse puto: et taedet in hoc luto diutius haerere. Ex ADD.]

## A D D E N D U M.

Lib. I, 4. v. 83. *Nec PROMISSA SEMEL.*] Ven. PRAEMISSA. Omnino verum est,

*sed revocant fasti, majorque Curulis*

*Nec PERMISSA semel.*

Tò NEC, ut saepe dixi, resolvendum est in ET NON: major curulis *permissa*, ET NON semel, id est, ETIAM plus quam semel, BIS puta, vel pluries *permissus* Con-

*sulatus*; hoc enim vult per majorem Curulem. Recte vero *permissa*, sc. ab Imperatore. DONARE *summas curules* eodem sensu Juvenalis Sat. X, 91. Noster Epithal. Stell. v. 32.

*adhuc optas*, PERMISSAQUE numine dextro

*Vota paves*:

ubi similiter erat PROMISSA: vide Notae.

# INDICES

## IN NOTAS MARKLANDI \*)

### I. INDEX AUCTORUM.

#### A.

Alcimus Avitus 253. b. 275. b.  
 Anthologia Graeca 316. b.  
 Antipater 295. b.  
 Apollodori bibliotheca 257. b.  
 Appuleii Apologia 259. b.  
 — asinus aureus 200. sq. 234.  
 a. 256. a. 340. a. 363. b.  
 402. a. b.  
 — Florida 233. b. 328. a.  
 — de mundo 369. a. b.  
 Arnobius 161. a. 234. b.  
 Auctor Aetnae 167. b. 267. a. 288.  
 a. 323. a. 393. b.  
 — Consolat. ad Liviam 529. a.  
 341. b. 344. b. 345. b. 405.  
 a. 411. a. bis.  
 — dialogi de causis corruptae  
 eloqu. 159. b.  
 — Octaviae 278. b.  
 — panegyrici ad Messalam 268.  
 b. 328. a.  
 Aurelius Victor 285. a. 287. b.  
 Ausonii Caesares 163. a. 246. a.  
 — Cupido crucig. 351. b.  
 — Ephemerid. 278. b.  
 — Epigramm. 190. a. 384. b.  
 — Epistol. 330. a.  
 — Epitaph. 289. a. 351. b.  
 — Mosella 187. b. 189. b. 271.  
 a. 351. a.  
 — Parental. 289. a. 375. b.  
 — Perioch. 328. b.  
 — Professor. 198. b.  
 — Protrept. 247. b.  
 — tetrast. 327. a.  
 Avieni descriptio mundi 410. b.

#### C.

Calpurnii Flacci declam. 397. a.  
 Cassiodorus notatus 369. b.  
 Catalecta Pithoei 371. b.  
 Celsus 356. b.  
 Censorinus 236. b.  
 Charisius 380. b.  
 Cicero pro Archia 353. a.  
 — Divinat. 160. a.  
 — Finibus 282. b. 409. b.  
 — Nat. Deor. IX.  
 — Officiis 309. b.  
 — de Oratore 384. b.  
 — Paradox. 367. a. b.  
 Claudianus de Bello Getico 249. a.  
 290. a.  
 — de I. Consul. Stilich. 227.  
 a. 305. b.  
 — IV. — Honor. 162. b.  
 236. a. 340. a. 365. a.  
 — VI. — Honor. 237. b.  
 267. a. 282. a.  
 — Consul. Mallii Theodor.  
 232. a.  
 — — Probi et Olybrii  
 236. a.  
 — in Eutrop. 166. a. 248.  
 a. 356. b. 382. a. 394. a.  
 — Fescenn. 229. b.  
 — Laud. Seren. 292. a.  
 — — Stilichon. 204. a.  
 — de nuptiis Honor. et  
 Mar. 182. b. 245. b. 254. b.  
 — de Raptu Proserp. 401. b.  
 Curtius 246. b.

#### D.

Diomedes 223. a.  
 E.  
 Eumenius 180. b. 204. a. 332. a.  
 364. a. b.  
 Eutropius 296. b. 348. b.

#### F.

Festus 235. a.  
 Florus 177. b. 303. a. XII.  
 Frontinus de colon. 259. a.

#### G.

Gellius 251. b.  
 Gratii Cyneget. 201. b. 234. b.

#### H.

Horatii Carmina 185. b. 205. a. 308.  
 a. 352. a. 349. a. bis. 375. b.  
 — Epoda 196. a.  
 — Satirae 340. b. 350. a.  
 — Epistolae 236. b. 309. a. 349.  
 a. 362. a.  
 — Ars Poetica 337. a.  
 Hygini fab. 221. b.

#### I.

Inscriptio apud Gruterum 314. a.

\*) Numeri Arabici indicant ipsum commentarium, additis literis a et b, ut de utra columna paginae sermo sit, intelligatur; numeri Romani significant praefationem.



Juvenalis 164. b. 194. b. 213. b. 214. b. 223. b. 231. b. 238. a. b. 285. b. 298. b. 311. b. 334. a. 340. a. 357. a. 390. b.

## L.

Lucanus 172. b. 175. b. 179. b. 180. a. 203. a. 223. b. 227. a. b. 229. b. 246. a. 251. a. 261. a. 268. b. 270. a. 280. a. bis. 281. b. 284. b. 285. a. 295. a. 298. a. 299. b. 310. a. bis. 319. a. 343. a. 366. b. 370. a. 375. a. 395. a. b. 408. a. Lucretius 269. b. 274. b. 377. b.

## M.

Mamertinus 278. b. 332. a. Manilii Astronom. 167. a. bis. 191. a. bis. 216. b. 236. b. 239. b. 249. a. b. bis. 278. b. 299. a. b. 325. b. 334. a. 339. b. 353. b. 358. a. 377. a. 381. a. b. bis. 382. b. 384. a. 396. b. Marius Victorinus 220. b. Martialis 164. a. 165. b. 171. a. 202. a. 251. b. 253. a. 283. a. 290. b. 311. a. 351. b. 362. a. 381. a.

## N.

Nemesianus 202. b. 383. a.

## O.

Ovidii Amores 172. b. 186. b. 240. a. 269. a. b. 275. a. 280. a. 314. b. 319. b. 326. a. 352. a. 395. a. 397. a. — Ars Amatoria 237. a. 344. a. b. 363. a. 365. a. 381. b. 382. b. — Fasti 191. a. 205. b. 218. b. 226. a. 263. a. 276. b. 308. a. 329. a. 330. a. 346. b. 375. a. — Heroides 166. a. 169. b. 244. b. 275. a. 284. b. 306. b. sq. 332. b. 341. b. 356. b. 372. b. 375. a. 387. a. 400. b. 406. b. — Metamorphoses 160. a. 224. b. 226. a. 238. a. 241. b. 248. a. 250. a. 261. sq. 265. b. 266. b. 268. a. 280. a. 286. b. 292. a. bis. 294. b. 304. a. 312. b. 318. a. 332. b. 341. b. 344. b. 345. a. 383. b. bis. 395. a. b. 407. sq.

Ovidii Nux 377. a. — Pontica 226. a. 345. b. — Remedia Amoris 198. b. 357. a. 362. b. — Tristia 216. a. 237. a. 295. a. 330. a. 346. b. 352. a. 384. b.

## P.

Pauli ep. ad Ephes. 311. b. Persius 260. b. 328. b. 361. a. b. Petronius 190. a. 275. b. Phaedrus 344. b. Philargyrius 391. b. Plautus 260. a. Plinii Histor. Natur. 235. a. 259. a. 275. b. 316. b. 323. b. 410. a. Plinii Epistolae 234. a. 241. b. 340. a. 396. a. Pomponius Mela 186. b. Prisciani Periegesis 326. b. Propertius 190. b. 205. b. 220. b. 282. a. 291. b. 294. a. b. 295. a. b. 299. a. b. 317. b. 319. b. 321. a. 324. a. bis. 331. a. 338. b. 344. b. 345. b. 346. a. 361. b. 365. a. 370. a. 379. a. b. 380. a. 383. sq. 387. a. bis. 391. b. 392. b. 393. b. 395. a. 403. a. IX. XXI. Prudentius 165. b. 275. b.

## R.

Rutilii Itinerarium 319. a. IX.

## S.

Sabini Epistolae 353. a. 387. a. Scholiastes Horatii 243. a. — Statii 253. b. 261. a. 291. b. Seneca de Benef. 205. b. 332. a. — Clement. 362. a. — Consol. ad Marc. 196. b. 226. b. 235. b. — Quaest. Nat. 161. a. 310. a. — Agamemno 363. b. — Hercules Fur. 227. a. 279. a. 305. b. 309. b. 336. b. 343. a. — Hercules Oetaeus 267. b. — Hippolytus 170. b. 219. b. 275. b. — Medea 363. a. — Oedipus 349. b. 386. a. — Phoenissae 309. b. 363. b. — Thyestes 301. a. — Troades 335. b.

Seneca Controv. 345. b. 396. a. Servius ad Virgilium 191. a. 229. b. 299. b. 311. a. 350. a. 355. a. 362. a. 372. a. 376. a. 391. b. Sidonius Apollinaris 207. a. Silius Italicus 176. a. 187. a. 226. b. 229. b. 234. a. 269. b. 290. a. 294. b. 310. a. 314. b. 317. b. 342. a. 346. b. 368. a. 373. b. 397. b. IX. Statii Achilleis 245. a. 265. sq. — Thebais 159. a. 160. b. 167. b. 168. a. bis. 169. b. 171. b. 173. b. 174. b. 176. b. 179. a. 182. b. 189. a. bis. b. 193. a. 197. b. 200. b. bis. 204. b. 215. a. 217. b. 219. b. 220. b. 227. a. 230. a. 235. a. b. sq. 242. a. 246. b. 250. a. ter. 252. b. bis. 261. a. bis. 262. a. b. 266. b. bis. 272. b. 275. sq. 277. b. 278. b. 286. a. 290. a. bis. b. sq. 291. a. 293. a. 294. b. 304. b. bis. 306. a. 309. a. 310. b. 317. b. 319. a. 324. a. 332. b. 343. a. 343. b. bis. 349. a. 351. b. 354. a. 355. b. 357. a. 363. b. 366. b. 372. a. 376. a. 383. b. 386. b. 391. a. b. 393. b. 397. b. 400. a. 402. a. 405. a. 406. b. 412. a. b. Statius notatus 178. sq. 221. a. 305. b. Strabo 300. a. Suetonii Claudius 186. b. Sulpiciae Satira 314. a. Symmachus 289. a. Symposius 219. b. 284. b. 298. a.

## T.

Taciti Historiae 276. a. — Germania 172. b. Tibullus 202. a. 227. a. 275. a. b. 280. a. 368. b. 372. a. 396. sq. Tubero ap. Gellium 258. b.

## V.

Valerius Flaccus 173. a. 180. a. 181. a. 214. b. 215. b. 224. a. b. sq. 225. a. 232. a. 233. b. 260. a. 271. a. b. 274. b. 279. b. 280. b. 294. b. 304. a. 314. b. 319. a. 355. b. 372. b. X. Vegetius de arte veterin. 273. b. — re militari 369. a. Velleius Paterculus 292. b. 312. a. 346. b. 357. b. 393. b. Virgilii Eclogae 189. a. 241. a. 251. b.

Virgillii Georgica 177. b. 271. a.  
281. b. 299. b. 358. a. 372.  
a. 381. b. 391. a. 395. b. IX.  
— Aeneis 162. a. 164. a. b. 165.  
a. 167. a. 173. a. 174. a. 180.  
a. bis. 185. b. 191. c. 223. b.  
225. b. 226. b. 237. a. 241. a.  
242. a. 250. a. 256. a. 258.

b. 262. a. 272. a. b. 276. b.  
ter. 277. a. 298. b. 301. a.  
353. b. 341. b. 355. b. 358.  
a. 359. b. 360. a. 361. b. 363.  
b. 365. a. 366. a. 371. a. b.  
376. a. 377. b. 389. a. 391.  
a. 411. b. IX. X.

Virgillii spurii versus 374. b.  
— Culex 174. b. 228. b. 306. b.  
336. a. 352. sq. 356. b.  
375. b.  
— Ciris 212. a. 256. sq. 301. a.  
400. b. ter.  
— Catalecta 291. a.

## II. INDEX RERUM ET VERBORUM.

### A.

*a*, *ab* 242. a. 331. a.  
— *pro post* 178. a.  
Abascantius 342. a.  
ablativus 253. b. 314. b. *vocum geo-*  
*graphicarum pro adjectivis* 188. b.  
*abscindo et abscido* 270. a.  
*abstractum pro concreto* 225. a.  
228. b.  
*accio et adscisco conf.* 262. a.  
*accipe* 376. b.  
*Achillea sepulchra* 345. a.  
*acrius et altius conf.* 165. b.  
*activum et passivum eiusdem verbi*  
277. b.  
*acusativus absolutus* 236. a. *in in-*  
*terrogationibus* 180. a.  
*actus* 320. a. b.  
*adesus* 385. b.  
*adfigo* 411. a.  
*adfuno* 349. a.  
*adjectivorum usus proprius* 340. a.  
*pro adverbis* 386. b. *pro substan-*  
*tivis* 202. b. 214. a. — *in gena*  
*exeuntia* 369. a.  
*admonco* 362. a.  
*adolescit aetas* 247. a.  
*adplico* 411. a.  
*adscisco* 265. b. 388. b.  
— *et accio conf.* 262. a.  
*adscitus* 165. a.  
*adscribo* 258. a.  
*adsibilo* 350. b.  
*adspicio* 227. a.  
— *et prospicio conf.* 227. a.  
370. b.  
*adsum* 257. a. 372. b.  
*adsumo* 258. a.  
*adustus* 385. b.  
*adversari* 205. a.  
*ae diphthongus elisa* 228. b.  
*aeger* 343. a.  
*Aenaria* 302. b.

*aeneus* 165. b.  
*aequora ponti* 269. b.  
*aeripedes tauri* 165. b.  
*aes, aera* 369. b.  
*aetas adulta, prima etc.* 247. a.  
*aeterna Vesta* 164. a.  
*aether apertus* 310. b.  
*aetherius pater* 310. a.  
*Actnaei ignes montis Vesuvii* 266. a.  
— *et Ennaeus eqnf.* 401. b.  
*Africa dolosa* 327. a.  
*agmen* 182. a. *longum* 332. b.  
*agnosco* 265. b.  
— *et cognosco conf.* 329. a.  
*ago* 355. a.  
— *et alo conf. ibid.*  
*Albula* 195. a. b.  
*albus fons* 195. b.  
*alga* 402. a.  
*allocutio* 174. b.  
*alo* 355. a.  
— *et ago conf. ibid.*  
*almus pater* 351. a. *alma Venus*  
177. b.  
*alternus* 195. a. 407. b. *de versibus*  
*elegiacis* 169. a.  
*altius attollo* 165. a. b.  
— *et acrius conf.* 165. b.  
— *— amplius* — 161. b.  
*altus* 202. b.  
*ambiguus* 245. a.  
*amnis* 186. a.  
— *et omnis conf.* 314. b.  
*amo et habeo conf.* 343. a.  
*amor et honor conf.* 324. b.  
*Amoris tela* 175. b.  
*amplector* 161. a.  
*amplius et altius conf.* 161. b.  
*analogiae fines et de ea iudicium*  
173. a. 230. b. 382. b.  
*Anienus* 196. a.  
*anima visceraque* 404. a.  
*animantia* 270. b.  
*animatus* 236. a.

*animo* 208. b.  
*aninus sagax* 281. a.  
— *et vir conf.* 261. a.  
— *firmatur* 241. b.  
*animi* 243. b. 393. b.  
*annus* 185. a. 264. a. *celer etc.*  
343. a. *magnus, bonus* 212. b.  
*anni* 364. b. *annorum limen* 381.  
a. *anni circumscriptio* 357. b.  
*ante* 228. a.  
*antiquus* 321. b.  
*antistropha* 231. a.  
*antithesis* 196. b.  
*anus* 320. b.  
*aperio* 356. b.  
*apertus* 310. b. *apertum pectus*  
404. a.  
*Apollo patrius* 356. b.  
*apostrophe* 181. b. *poetica* 313. a.  
319. a.  
*appositio* 201. b.  
*aque* 216. b.  
*ara* 377. b. *aras testari* XI.  
*Arabicum gramen* 239. b.  
*arbores motae, mobiles* 317. a.  
*arbusta resonant cicadis* 356. a.  
*arces* 227. a.  
*ardeo* 234. a.  
*Argus; eius oculorum numerus*  
403. b.  
*arma et humeri iuncti* 368. a.  
*arma tracto, quatio* 369. a.  
*Ascræus* 396. a.  
*Asia potens* 360. b.  
*aspergo* 289. a.  
*aspides* 274. a. b.  
*assiduus* 286. a. 355. b.  
*astilio* 342. a.  
*astringo* 387. a.  
*at* 160. a.  
*athleta prima correpta* 397. a.  
*atque* 269. b.  
— *et ecce conf.* 305. a.



*atrium ingens* 193. b.  
*attractio nominativi* 380. b.  
*aucupor* 206. b.  
*aufero causam* 251. a.  
*Auge* 330. b.  
*augeo* 258. b.  
*aura* 350. b.  
*auratum caelum* 310. b.  
*auribus bibere* 361. a.  
*aurum* 355. a.  
 — *pro res aurea* 177. a.  
*Ausonium imitatur Statium* 187. b.  
 201. a.  
*Autumnus hominibus periculosus*  
 223. b.  
*auxilium* 350. b.  
*Aventinus mons Dianae sacer* 234. a.  
*aveo et habeo* conf. 187. a.  
*aversus* 375. a. *Deus* 215. b.  
*avide* 349. a.  
*avidus* 221. b.  
 — *et rabidus* conf. *ibid.*

## B.

*b et g* conf. 198. a.  
*b et m* conf. 194. b.  
*b et p* conf. 314. b.  
*b et v* conf. 203. a. 250. b.  
*Balae, Baius* 300. a.  
*balnea ubi exstructa* 194. b.  
*Bauli* 395. a.  
*bella fori* 364. a.  
*bene* 341. b.  
*biho auribus* 361. a.  
*blandus cum infinitivo* 412. b.  
*bonus annus* 212. b. *aetas de iu-*  
*venta* 199. b.  
*βραχυλογία* 218. a.  
*brevis et gravis* conf. 340. a.  
*breves artus, sim.* 213. a.  
*Brimo* 235. a. b.  
*bustum* 296. b.  
*burus* 382. a.

## C.

*c et f* conf. 350. a.  
*c et g* conf. 364. b.  
*c et qu* conf. 206. a. b. 220. b.  
*caeca cupido* 223. a.  
*caedo et scindo* conf. 340. a.  
*caelicus* 235. a.  
*caelum* 313. b.  
*caesura in verbis compositis* 325. a.  
*caligine mergo* 408. a.  
*campus* 378. a.  
*candidus* 260. a.  
*Canobus, Canopus* 254. a.  
*canorus* 299. a.  
*canto* 312. b.  
*capax* 176. b.  
*capiō* 176. b. 244. a.  
*Capitolini ludi* 399. b.  
*Capreae* 263. b.  
*cardo* 248. a.  
*caricae* 210. b.  
*carmina et munera* conf. 404. b.  
*carmina et tempora* conf. 334. b.  
*carpo* 289. a. *oscula* 220. b.  
*carus et clarus* conf. 288. b.  
*cari parentes* 377. b.  
*casei in donis Saturnaliis* 211. b.  
*casia* 238. a. b. 239. b.  
*Casius mons* 227. a.  
*cassus* 360. b.  
*catasta* 216. b.  
*castra et leges conjuncta* 184. a.  
*catonius* 255. b.  
*caunae* 210. b.  
*causa* 409. b.  
*caveo* 244. b.  
*cedo* 178. b. 207. b.  
*celeritas annorum* 343. a.  
*celsus* 285. a. *celsi equites* 253. a.  
*cenotaphia* 286. b.  
*centenus* 328. a.  
*cereus* 340. a.  
*certamine victus* 239. a.  
*certe* 348. b.  
 — *et ipse* conf. 375. a.  
*certo* 228. b.  
*certus* 353. a. 394. b.  
*cerva* 234. b.  
*cervi* 235. a.  
*Charon* 249. b.  
*chordae tenues* 405. b.  
*cinctus* 169. b.  
*cinctutus* 394. b.  
*cineres et crines* conf. 404. b.  
*cingo* 265. a.  
*circumundique* 241. a.  
*cl et d* conf. 253. a.  
*clamor magnus, longus* 270. a.  
*clarus et carus* conf. 288. b.  
*Claudianus imitatur Statium* 172. a.  
 176. b.  
*Cleonaeus leo* 359. a.  
*coenum* 314. b.  
*coeptus* 371. b. *labores, opus* 180. b.  
*coetus* 373. a.  
 — *et questus* conf. 206. a.  
*cognosco* 329. a.  
 — *et agnosco* conf. *ibid.*  
*cognitus* 387. a.  
*collectiva num. sing. iuncta verbis*  
*num. pl.* 212. b.

*color* 192. b.  
*colus* 267. a.  
*coma* 386. a. *nitida* 294. a.  
*cones* 331. b.  
*cono* 335. a.  
*comparationes* 161. b. 266. a.  
*complecti* 160. b.  
*compositiones verborum eiusdem ra-*  
*dicis vitantur* 188. a.  
*concipio* 395. a.  
*confero* 214. a. 284. b.  
*conjunctivi usus* 409. b. 410. b. sq.  
 tempus praesens 231. b.  
*consido* 268. a. 309. a.  
*consors* 171. b.  
*consortium* 171. b.  
*continguo* 216. a.  
*contractio plusquamperfecti conjunct.*  
 212. a.  
*contradictio in adjecto* 257. b.  
*corda et mentes iuncta* 179. b.  
*corono* 265. a.  
*correptio syllabarum longarum* 397. b.  
*corruptelarum in MSS. causae* 175.  
 a. 182. b. 191. a. VII. sqq.  
*Cous prima correpta* 183. b.  
*creber* 167. b. 345. b.  
 — *et crudus* conf. 167. b.  
*crinis* 386. a. *rogo injectus* 404. b.  
*crines et cineres* conf. 404. b.  
*crudus et creber* conf. 167. b.  
*cultus* 169. b. 209. a.  
*cura* 301. a. 330. b. 383. b.  
 — *et turba* conf. 227. b.  
*curia* 322. b.  
*curo* 217. a.  
*currus* 319. b. 348. a.  
*curtus* 330. b.  
*curvatus in rem* 232. b.

## D.

*d et cl* conf. 253. a.  
*d et p* conf. 178. b. 326. a.  
*d et g* conf. 304. a.  
*d et t* conf. 337. a.  
*damnosus* 347. b.  
*dativus pendens ab adjectivis* 166.  
 a. 316. a. a. *verbis* 325. a.  
*datur* 281. a.  
*de gente* 388. a. *pectore* 296. b.  
*debeo* 194. b.  
*decor lyrae* 231. a.  
*decoro* 326. b.  
*decus* 284. a. 361. b. *frontis* 267. b.  
 — *et genus* conf. 284. b.  
*defero* 260. a. *annos, gressus* 238. a.  
*deficio et deficior* 213. b.

degenero 266. a.  
 deicio 332. b.  
 deliciae 409. b.  
 demitto 251. b.  
 depono 255. b.  
 deprehendo 230. b.  
 deprimō 172. b.  
 deripio 350. a.  
 desidia 329. b.  
 detersum pectus, mens 198. b.  
 devinco 332. b.  
 dextrum numen 200. b.  
 Dicaearchia 228. b.  
 Dicarcheus 261. a.  
 dico 260. b.  
 dicor 344. b.  
 diduco 299. a. scopulos 256. b.  
 dies 252. b. 259. b.  
 diffusus 312. a.  
 digero 345. a.  
 — et dirigo conf. ibid.  
 dignum 197. a.  
 dignus 288. a.  
 — et magnus conf. 277. a.  
 Dii hominibus oppositi 309. a.  
 dimitto 251. b. 280. a.  
 dirigo et digero conf. 315. a.  
 diripio 390. a.  
 dirus 381. b.  
 — et durus conf. 249. b.  
 discissus 161. a.  
 dispello 188. a.  
 dispesco 188. a.  
 dissimulo 169. b.  
 divido 161. a. scopulos 256. b.  
 do 370. b. me 201. a.  
 doctus 286. b. Virgilius 380. a.  
 doli 384. a.  
 domini 279. a. b.  
 domo 407. a.  
 domus 355. b.  
 dubius 268. a. 297. b.  
 duco cantus 382. b. in carmina 381. b.  
 ducto 256. a.  
 duro 350. a.  
 durus senex 249. b.  
 — et dirus conf. ibid.  
 dux 307. b.  
 — et rex conf. 308. a.

## E.

e et i conf. 205. a.  
 — e terminatio primae declinationis 264. a. 385. b.  
 Eborea insula 210. b.  
 ebria nox 210. a.  
 ecce et atque conf. 305. a.  
 effulgeo 152. a.

egero 325. a.  
 egredior 592. a.  
 electus 375. b.  
 Elei equi 520. a.  
 eligo 246. a.  
 ellipses 168. a. 177. b. 203. a.  
 emensus 292. a.  
 — et emeritus conf. ibid.  
 emeritus 558. b.  
 — et emensus conf. 292. a.  
 emerita navis 252. a.  
 emetior labores 180. b.  
 emineo ante aliquem 228. a.  
 enixus 375. b.  
 Ennaeus et Aetnaeus conf. 401. b.  
 ense cinetus 372. a.  
 eo (verbum) 163. b. 168. b. 555. b. 580. a.  
 eo nomine 160. b.  
 Eos 210. b.  
 epexegesis 201. b.  
 epitheta 322. b. eorum ratio 360. a. translatio 217. a. 223. b. 306. b.  
 Epodos 251. a.  
 epos, huius vocis epitheta 183. b.  
 equites celsi 255. a.  
 erigo 325. a.  
 eripio 251. a.  
 errans digitus 230. b.  
 erro 351. a.  
 error et horror conf. 351. a.  
 escendo 309. a. b.  
 Erythraeus 528. b.  
 et 257. b. nunc 194. b.  
 euploea 265. a.  
 Eurysthei iussa 279. a.  
 eveho 280. a.  
 excido 252. a.  
 excipio 410. a.  
 excitus 285. a.  
 excubo 255. a. b.  
 excuso 352. b.  
 exequiae 296. a.  
 exertus 358. b.  
 exesus aliqua re et ab aliqua re 262. a.  
 exiens lius 226. a. b.  
 exigo 246. a.  
 exoro 258. b.  
 expello 187. b.  
 exterior opus 192. b.  
 exsto 160. b.  
 externus, extremus, hesternus conf. 176. a.  
 extorqueo 251. a.  
 extremus, externus, hesternus conf. 176. a.  
 exuo 315. b.

## F.

f et e conf. 550. a.  
 f et ph — 298. a. b.  
 f et r — 167. a.  
 faber, fabrico 511. b.  
 facilis 220. a.  
 — et fragilis conf. ibid.  
 facultas cum infinitivo 202. b.  
 falsus 177. a. 402. b.  
 — opponitur vero 345. b.  
 famosus 547. b.  
 fasces 305. a.  
 fasciatio per oculos 556. a.  
 fata 381. a.  
 faustus 254. b.  
 — torus 183. b.  
 fax festa 298. b.  
 felix 311. a. 322. b.  
 — curia 201. a.  
 ferio 298. b.  
 — et peto conf. ibid.  
 fero 221. b. 285. a.  
 feror 343. b. sq.  
 ferus 216. b.  
 fessus aetate, fessa aetas 276. a.  
 festa fax, laeda 298. b. festae mensae 330. a.  
 fides 226. b.  
 — et quies conf. 227. a.  
 fido, sisus 163. a.  
 firmo animum 241. b.  
 flammis mergo 277. b.  
 flammo 366. b.  
 flecto equum gyro 568. b.  
 fluidus 233. b.  
 fluo 311. a.  
 fores 260. a. praesagae 306. a.  
 fors 403. a.  
 fortuna 362. b. 577. b. melior 209. b.  
 fragilis aetas sim. 219. b.  
 — et facilis conf. 220. a.  
 fragor ingens, longus, magnus 166. b. 167. a.  
 frango 185. b.  
 fremens et frequens conf. 327. b.  
 fremo 285. b. 336. a.  
 — et gemo conf. 285. b.  
 frequens 359. b.  
 — et fremens conf. 327. b.  
 fucus et succus conf. 275. a.  
 fulmen 385. a. 395. b.  
 funus 296. a. b. 343. a.  
 — et vulnus conf. 343. a. 407. b.  
 furtum 175. a.  
 fusco 289. a.  
 fusus humi sim. 174. b.

## G g g



## G.

- g* et conf. 198. a.  
*g* et *e* — 364. b.  
*Galesus* 229. b.  
*gaudeo* 272. a. *facere* 193. a. 228. b.  
*gaudia* 289. a.  
*gemitum* et *gremium* conf. 411. a.  
*gemo* 240. b.  
 — et *freno* conf. 285. b.  
*genialis lux* 237. b.  
 — et *genitalis* conf. 237. a.  
*genitalis* 255. b. *lux* 237. a.  
 — et *genialis* conf. 237. a.  
*genitivus* 293. a.  
*genitor* et *senior* conf. 217. a.  
*gentes* et *mentes* — 179. b.  
*genus* et *deus* — 284. b.  
*genus* a *potiore* 229. b.  
*goerus* 368. b.  
*gracilis* 272. a.  
*Graeca* terminatio declinationum 310. b.  
*Grainum murus* etc. 295. a.  
*gramen* 221. a.  
*graminea ripa* 183. a.  
*gratia* 232. b.  
*gravor* 259. b.  
*gyrus* 366. b.

## H.

- habeo* 187. a. 214. b. 238. a. 343. a.  
 — *excusandum* sim. 213. a.  
 — et *amo* conf. 343. a.  
 — *aveo* — 187. a.  
*habilis* 312. b. 327. b.  
*habitus* 251. b. *moresque* 379. b.  
*hac* — *hac* 274. b.  
*haereo* 242. b.  
*haurio* 375. b.  
*halcyones* 297. a.  
*hei quod* 373. a.  
*herilis* 165. a.  
*hesternus, externus, extremus* conf. 176. a.  
*heu* 252. b. *ubi* 215. b.  
*heus* 403. a.  
*hiatus* apud *Statium* 410. b.  
*hic* adverb. 326. a.  
 — pronom. 290. b. *hic* — *hic* 331. b.  
*hilaris* et *ille* conf. 196. b.  
*hio, hiatus* 271. a.  
*hirundinum labor* 273. a. b.  
*hoc* — *hoc* 238. b. 274. b.  
*homines* *Diis* oppositi 309. b.  
*honor frontis* 276. b. *maior* 345. b.  
 — et *amor* conf. 324. b.

- horridus* 304. b.  
 — et *omnis* conf. *ibid.*  
*horror* et *error* — 351. a.  
*hospitus* 299. b.  
*huc* — *huc* 202. b.  
*huic* dissyllabe 177. a.  
*humco* 265. a.  
*humerus ingens* 257. a.  
*humeri* et *arma iuncta* 368. a.  
*hypallage* 290. a. 309. a.

## I.

- i* et *e* conf. 205. a.  
*iacens* 189. a.  
 — et *tacens* conf. *ibid.*  
*iaceo* 298. a.  
*ianque adeo* 361. b.  
*ianuae apertae* 306. a.  
 — *icus*, adiectiva ita terminata 394. b.  
*iectus* 258. b.  
*idus Augustae* 258. b.  
*ignarus* 410. b.  
 — et *ingratus* conf. *ibid.*  
*ignipedes equi Solis* 165. b.  
*ignis, ignes* 277. b. 283. a.  
*ignis vigil* 370. b.  
*ignivomorum montium descriptio* 385. a.

- ille* 227. b. *ego* 374. b.  
 — et *hilaris* conf. 196. b.  
*imago* 263. a.  
*imitor* 236. b.  
*immensus* 224. b.  
*imperium* 202. a.  
*impetus* 309. b.  
*in* 380. a.  
 — et *ut* conf. 365. a.  
 — *in* dativus pluralis 244. b.  
*inecertum* 425. b.  
*inclinio* 269. a.  
*increpo* 407. b.  
*inde* 270. a.  
*in dextrum, in laevum* 247. a.  
*indignor* 271. b.  
*indoles magna* 279. b.  
*infinitivi usus* 261. a. passivi post adiectiva 220. b.  
*ingens humerus* 257. a.  
*ingenuus* 245. b.  
*ingratus* et *ignarus* conf. 410. b.  
*iniectus* 315. a.  
*in laevum* 247. a.  
*in melius* 209. a.  
*insanus* 250. b.  
*insertus* 376. b.  
*in summa* 303. b.  
*intactus* 238. b.

- interior* 366. b.  
*intro* 279. b.  
*Inuus IX.*  
*invidia* 248. a. b. 249. a. 336. a.  
*invidus* 398. a. 399. a.  
*invila mors* 249. a.  
*invitatur somnus* 189. a.  
*ipse et certe* conf. 375. a.  
*ira* 258. a.  
*irrequietus* 352. a.  
*irritus* 398. b.  
*is, plures voces in hanc syllabam*  
*exeuntes* 181. b.  
*iubeo* 245. a. 352. a.  
*ingerum* 358. a.  
*inunctus* 329. a.  
 — et *vinculus* conf. 187. b.  
*Jupiter potior* 321. b.  
 — pro *Plutone* 205. b.  
*iuratus* 353. b.  
*iussus et visus* conf. 329. a.  
*iustus* 172. a. 204. a. *triumphus* 203. b. *iusta dare* 275. b. sq.  
 — et *tutus* conf. 172. a.  
*ivat et libet* conf. 362. b.  
*juvenens* 225. a.  
*juvenilis* 201. b.

## K.

- κακοφωνία* 239. b. 295. a. b.

## L.

- l* et *m* conf. 241. b. 396. a.  
 — *n* — 166. b.  
*labor* (verbum) 295. a.  
*labores* 338. b.  
*lacer* et *laetus* conf. 204. b. 347. b.  
*lacet* et *validus* 321. b.  
*lacerinae mixtae risu* 215. b.  
*lacerinis medeor* 378. b.  
 — et *oculi* conf. *ibid.*  
*lacunar* 311. a.  
*laetatus* 335. a.  
*laetus* 225. a. 283. b. 332. a. *ager* 212. a. *alicui* 337. b. *laetum* 267. a.  
 — et *lacer* conf. 204. b. 347. b.  
*lpidosus fluvius* 186. b.  
*laquear* 311. a.  
*lasso* et *laro* conf. 356. b.  
*Latii fascies* 305. b.  
*laudo* 312. b. 356. a.  
*laurus* in *hastis* 347. b.  
 — et *tempora conjuncta* 334. b.  
*laus* 287. a.  
*laro* 356. b.

*laxum et lasso* conf. *ibid.*  
*leacnae orbatae* 214. b.  
*Lechaeum* 316. a. b.  
*lego vestigia* 254. b.  
*lentus* 309. a.  
*leo saevus* 240. a.  
*Lernaea arma* 339. b.  
*Leucadius saltus* 392. a.  
*levo* 263. a. 315. b.  
*lex* 379. a.  
*liber* 310. a.  
*liberi parentibus similes* 322. a.  
*libet et iuvat* conf. 363. b.  
*libro* 234. b. 363. b.  
*— et libro* conf. 363. b.  
*liceat modo* 380. a.  
*ligo* 353. a.  
*limen vitae* 247. b. 381. a. *limina*  
*potentum* IX.  
*limina et moenia* conf. IX.  
*liquida palaestra* 266. a.  
*Liternum* 317. b.  
*litus* 226. a. epitheta *ibid.*  
*— et sanguis* conf. IX.  
*litora circum* 277. a.  
*liveo* 208. a. 299. a.  
*longus clamor* 167. a. *longa virtus*  
*356. b. longum agmen* 332. b.  
*— et magnus* conf. 332. b.  
*loquor* 241. a.  
*lucis et solis* conf. 278 b.  
*Lucani Orpheus Castachthonius* 253. b.  
*lucem ducere* 303. a.  
*lucunculi* 211. b.  
*ludi Capitolini* 399. b.  
*ludo* 191. b. 192. b.  
*lumina et orbis conjuncta* 215. b.  
*— — pectora* conf. 336. b. IX.  
*— — tempora* — IX.  
*lustrum* 248. b. 258. a. 399. a.  
*lusus et scia* 159. b.  
*lyre* 383. b.

## M.

*m et b* conf. 194. b.  
*— l —* 241. b. 396. a.  
*— r —* 205. a.  
*Maeceta* 334. b.  
*madeo lacrimis* 215. a. 378. b.  
*maior* 380. b.  
*magnus annus* 212. b. *indoles* 279. b.  
*— et dignus* conf. 277. a.  
*— — longus* — 332. b.  
*— — multus* — 280. b.  
*mala* 266. b. *aetas de senectute*  
*199. b.*  
*manus Mortis, Fatij* 219. b. *manu*  
*abundat* 290. a.

*margo* 234. a. *viridis* *ibid.*  
*maritus* 181. a.  
*Mars deprensus* 175. a. *Martis si-*  
*milis* 365. b.  
*media pax* 364. a.  
*mel orationis* 216. a.  
*melior fortuna* 209. b.  
*memini* 331. a.  
*memorabilis et venerabilis* conf. 331. b.  
*mendax et mordax* conf. 170. a.  
*mensae festae* 330. a.  
*mens* 333. b. sq.  
*mentes et corda conjuncta* 179. b.  
*— — gentes* conf. *ibid.*  
*Mentor* 190. a.  
*mergo* 274. b. *flammis* *ibid.* *caligine*  
*408. a.*  
*meritus* 286. b.  
*mersus et moestus* conf. 408. b.  
*mela* 176. a. 367. a.  
*metonymia* 382. b.  
*metuo* 281. a.  
*mihi in codd. pro mihi* 324. b.  
*mihi et tibi* conf. 381. a.  
*minae* 394. a.  
*Minerva deformata tibiis* 382. a.  
*minor* 286. a. 302. b.  
*miror* 193. b. 362. a.  
*misceo* 197. a.  
*misera animantia* 270. b.  
*mitis* 261. b. 321. a. 408. a.  
*mixtus* 201. b.  
*modestia et pudor conjunctus* 179. a.  
*modo* 294. b.  
*modus* 362. a.  
*moenia et limina* conf. IX.  
*— — tempora* — —  
*moestus et mersus* conf. 408. b.  
*molior* 361. b.  
*mollis* 321. a.  
*moltus pro multus* 166. b.  
*μολυβδῆς* 269. a.  
*Monichia* 386. b.  
*mons* 204. b.  
*monstro* 396. a.  
*mora* 160. b. 303. a. 329. b. *moras*  
*pati* 202. b.  
*— et via* conf. 357. a.  
*mordax de carmine* 170. b.  
*— et mendax* conf. 171. b.  
*mores ferre, pati, accipere* 272. b.  
*legibus potiores* 301. a. *et habitus*  
*379. b.*  
*moritur dies* 223. a.  
*mors invita* 249. a. *mortis color* 197.  
*b. ei somnus similis* 274. b.  
*mortuorum conclamationes* 354. b.  
*mos* 391. a.

*moreo* 270. a. *in aliquid* 294. a.  
*381. b. moventur arbores* 317. a.  
*mulceo* 283. b.  
*multisonus* 273. a.  
*multus et magnus* conf. 280. a.  
*munus* 219. b. 358. a. 377. a. *mu-*  
*nera rogis ferre* 404. b.  
*munus et nomen* conf. 282. a.  
*munera et carmina* — 403. b.  
*— — vulnere* — 377. a.  
*Munichia* 386. b.  
*murmur* 411. b.  
*— et vulnus* conf. 412. a.  
*murra* 288. b.  
*mutus* 239. b. *dolor* 352. b.  
*Myron* 190. a.  
*Mytilene* 227. b.

## N.

*n et l* conf. 166. b.  
*— p —* 395. a.  
*— r t —* 349. a.  
*nam* 303. a.  
*nascor* 334. b.  
*nato* 215. a. 294. b. 412. b.  
*natus clare, obscurus* 285. a.  
*natus* 346. b.  
*— et vanus* conf. *ibid.*  
*ne — ne* 320. a.  
*nec* 168. a. 206. b. 260. b. 363. a.  
*382. 412. a.*  
*— et* 315. a. 335. a.  
*— re* 257. a.  
*necto* 387. b.  
*nefas* 212. a.  
*nego* 263. a. 293. a. *negor* 314. b.  
*Nemee ludus* 378. a.  
*nemus et Venus* conf. 345. b.  
*nepotes et penates* conf. 178. a.  
*Nesis insula* 265. a.  
*neutrum adjectivi loco adverbij* 267.  
*a. 405. b.*  
*nidus* 297. a.  
*niger somnus* 189. a.  
*nigro* 360. a.  
*nilil* 317. a. 340. b.  
*nimbus* 170. a. b.  
*nimius* 410. a.  
*niteo de domo* 178. b.  
*nitida coma* 294. a. *palaestra* 181.  
*a. 266. a.*  
*nilor* 405. a.  
*nivei artus* 170. a.  
*niveus et vitreus* conf. 234. a.  
*— — viridis* — 233. b.  
*nobilitas* 243. a.  
*nodus arboris* 232. b.



*nodus, nodo* 265. b.  
*nomen* 161. a. 281. b. 384. a.  
 — et *munus* conf. 282. a.  
*nomina propria incertae prosodiae*  
 316. b.  
 — — loco adjectivorum  
 314. b.  
 — terrarum pro inarmore in iis  
 procreato 207. b.  
 — virorum pro eorum imagini-  
 bus 169. b.  
*nominativi usus* 380. b.  
*numior* 344. b.  
*non* 167. b.  
 — nec in comparationibus 161.  
 b.  
 — degener 266. b.  
 — indignans 205. a.  
 — solus 195. b.  
 — sponte 239. a.  
*nosco* 185. a. 301. a. 324. a.  
*noster et notus* conf. 232. a.  
*nota* 358. a.  
*notus* 324. a. 387. a.  
 — et *noster* conf. 232. a.  
*noverca de Junone* 311. b.  
*novus* 305. a.  
*nox* 353. b.  
 — ebria 210. a.  
 — et *nox* conf. 294. b.  
*nubigena* 369. a.  
*nubilo* 350. b.  
*nudo* 218. a. 337. a. 406. a.  
*numeri mutatio* 255. a.  
*Nympha* 195. a.

## O.

*o* interfectio 252. b.  
*obba* 340. b.  
*obco* 223. a.  
*obliquum carmen* 171. a.  
*oblitum vitae* 202. a.  
*obsibilo* 350. b.  
*obitus* 222. b. sq.  
*oculi* 288. a.  
 — et *lacrimae* conf. 378. b.  
*Oeta mons* 227. a.  
*officiosus* 342. a.  
*omnium capiendorum mos* 265. a.  
*omnis* 351. a.  
 — et *annis* conf. 314. b.  
 — et *horridus* — 304. b.  
*on, terminatio Graeca* 317. b. 401.  
 b.  
*opes Croesi* 198. b.  
*Opheltes* 221. a. b.  
*opimus* 332. a.  
*opobalsamum* 275. b.  
*opposita* 321. b.

*opus* 534. b.  
*ora hominis pro homo* 223. b.  
*orbatus* 293. a.  
*orbe paterae torquentur* 340. b.  
*orbes et lumina conj.* 215. b.  
*orbis* 290. b.  
*orbita solis* 278. a.  
*orbo* 214. b.  
*orno* 333. b.  
*orsum* 218. a. 387. b. 405. a.  
*otium* 320. b. sq.  
*oxygarum* 340. a.  
*oxymoron* 266. a. 330. b.  
*oxyporon* 340. a.

## P.

*p et b* conf. 314. b.  
 — *d* — 178. b. 326. a.  
 — *n* — 178. b.  
*paco* 286. a.  
 — et *placo* conf. ibid.  
*paetum* 279. b.  
*paluistra liquida, uncta etc.* 266. a.  
*pale* 583. b.  
*Palinurus* 389. a.  
*palma et pugna* conf. 391. a.  
*Panis cornua* IX.  
*παρά προσδουίαν oratio* 310. b.  
*Parcarum stamina* 380. a. sq.  
*parens* 217. a. *Roma* 305. b. *urbis*  
 et *orbis* 283. a. *parentes* gen.  
 mascul. de matribus 337. b.  
*cari* 377. b.  
 — et *potens* conf. 305. b.  
*pario* 281. b.  
*pariter* 216. b.  
*paro bellum* 371. b.  
*parricidarum poenae* 276. b.  
*pars* 341. a.  
*parta quies* 225. b.  
*Parthenope mitis* 261. b.  
*participium pro adverbio* 174. a.  
*praesentis pro plusquamperfecto*  
*conjunctivi* 168. a. cum pronomine  
*possessivo* 388. a. *partic praes-*  
*entis circumscriptio* 347. b.  
*partior* 223. a.  
*parvus cum dativo* 316. a.  
*passivum et activum eiusdem verbi*  
 277. b. *passiva pro activis* 217. b.  
*pater almus* 351. a.  
*paternus* 298. b. sq.  
*patrius Apollo* 336. b.  
*patulus* 252. b.  
*pax media* 364. a. *Pacis templum*  
 313. a.  
*pectus amicitiae* 325. a. *apertum*  
 404. a. *pectoris latitudo* 164. b.  
*pectora et lumina* conf. 336. b.  
*pede terere, tenere, premere* 166. a.  
*penates parvi* 178. a.  
 — et *nepotes* conf. ibid.  
*pendeo ab* 388. a. *in aliquid* 365. b.  
*peraro* 325. b.  
*pergo* 367. b.  
*pericula* 324. a.  
*permitto* 171. b.  
*perpetui fasti* 328. a.  
*personarum mutatio* 372. b.  
*perustae fruges* 211. b.  
*pes* 169. a.  
*peto et ferio* conf. 298. b.  
*petitus de conjuge* 171. b.  
*ph et f* conf. 298. a. b.  
*Philetus* 242. a.  
*pietas* 380. b.  
*pigra quies* 225. a.  
*Pimplea* 200. b.  
*pingo* 283. a.  
*pinnae in hastis* 347. b.  
*placitus* 406. b.  
*placo et paco* conf. 286. a.  
*plaudo* 204. b. *omen* 306. a.  
*plenus et pronus* conf. 358. b.  
*Plades, prosodia* 197. a.  
*plorans anima* 215. a.  
*ploratus* 356. a.  
*pluralis numerus* 287. b. *verbi ad*  
*plura substantiva in num. sing.*  
*posita* 182. a.  
*plusquamperfectum conj. contractum*  
 212. a.  
*Poenae* 276. b.  
*poetae faciunt quae facta describunt*  
 381. b.  
*poeticae orationis appellatio* 327. b.  
*Polycleteus* 329. a.  
*poma* 266. b.  
*porgo* 554. b.  
*posco* 367. b.  
*potens* 345. b. *Asia* 360. b. *Roma*  
 305. a.  
 — et *parens* conf. 305. b.  
*praecingo* 252. a.  
*praeclarus* 374. a.  
*praefulgeo* XXII.  
*preces, precor* 362. b. *preces et*  
*vota* 180. a.  
*prehendo* 172. b. *habenae* 173. a.  
*premo* 172. b. 228. a. 271. b. *eri-*  
*nem* 218. b. *iugo* 173. b.  
*pressus* 173. b.  
 — et *pressus* conf. 174. a.  
*pressus et pressus* conf. 174. a.  
*prior* 345. a. 351. b.  
*procellarum epitheta* 324. a.  
*procul* 244. b. *tibi* 325. b.

productio brevis syllabae in arsi  
198. b.  
*profero* 254. a. 390. a.  
*promereo* 203. b.  
pronomen demonstrativum omissum  
296. a. possessivum cum partici-  
pio praesentis 388. a.  
*pronus et plenus* conf. 338. b.  
*prope* 294. b.  
prosaie orationis appellatio 327. b.  
*prospicio* 227. a. 370. b.  
— et *adspicio* conf. *ibid.*  
*proximus* *Diis* 373. a.  
*pubes* 409. b.  
*pudenter* 337. a.  
*pudor* 318. a. cum *modestia* conj.  
179. a.  
*puer volucer* 290. a.  
*pugna et palma* conf. 391. a.  
*pugnae fori* 364. a.  
*pulsio* 208. b. 367. b. 396. a. *aera*  
410. b.  
*pulvere caput turpare* 354. a.  
*Punica fides* 327. a.  
*purpura dibapha* 275. b.  
*Puteoli* 228. b.  
*puter* 315. a.  
*Pyladis patria* 245. b.  
*Gylia senecta* 312. b.

Q.

*q* pro *c* 220. b.  
— et *d* conf. 304. a.  
*qu* et *c* conf. 220. b.  
*qua patet* 384. b. *qua* — *qua* 201. a.  
*quaero* 296. b. 342. b. 408. a.  
*qualitatis et quantitatis* voces con-  
fusae 212. a.  
*quam* 396. b. sq.  
*quantitatis et qualitatis* voces con-  
fusae 212. a.  
*quatio* 313. a. *arma* 369. a.  
*que* et 391. b.  
*questus* 206. a.  
— et *coctus* conf. *ibid.*  
*qui in fine hexametris* 228. a.  
— in parenthesis omissio verbo  
substantivo 179. b.  
*qui si* 291. b.  
*quid* 193. b. *erat* 261. b.  
*quies* 346. a. *parta* 225. b. *pelagi*  
226. b. sq. *pigra* 225. a.  
— et *fides* conf. 227. a.  
*quin* 251. b.  
*quique* 189. b.  
*quis* 377. b. in parenthesis 213. a.  
*quo nomine* 281. b.  
*quod* 176. b. 228. b. *si* 357. a.

*quos et quot* conf. 319. b.  
*quot et quos* — *ibid.*

R.

*rabidus* *fluvius*, *sim.* 229. b.  
— et *avidus* conf. 221. b.  
— — *rapidus* — 229. b.  
*rapidus et rabidus* — 229. b.  
*rapio* 251. a. 371. a.  
*rarus* homo 214. a.  
*raucus* 317. b.  
*recurso* 402. a.  
*reddo deum templo* 313. a.  
*redeo* 304. a. *redit pro redibit* 169. a.  
*refero* 253. b. 332. a.  
*refluus fluctus* 188. a.  
*refugi fluctus* 188. a.  
*regnum* 307. a. *regna horrida, pul-  
lida* *sim.* 304. b.  
*rego iura, forum etc.* 184. b.  
*relego* 375. b.  
*relinquo lac, ubera etc.* 326. b.  
*Remi nepotes* 358. a.  
*rependo* 346. a.  
*repetitiones* 170. b. 203. b. 222. b.  
228. a. 272. a.  
*repeto* 289. b.  
*reposco* 407. b.  
*rerum, abunda* 231. b.  
*resolvo* 411. b.  
*respiro* 239. b.  
*relexo* 292. b. 375. b.  
*retro refero* 401. b.  
*rex* 307. a.  
— et *dux* conf. 308. a.  
*Rhamnusia* 249. a.  
*ripa* 183. b. 234. a. *viridis* 233. b.  
*Stygis* 356. a.  
— et *rius* conf. 234. a.  
*rius et ripa* conf. 234. a.  
*robur* 232. a.  
*rogo et roco* conf. 212. b.  
*Roma potens* 305. a. *parens* h.  
*Romae septem montes singulis Diis*  
*sacri* 166. b.  
*rt et n* conf. 349. a.  
*rubicundus* 349. b.

*Sarranus* 366. a.  
*saevus leo* 240. a.  
*sagax* 282. a.  
*Saguntus* 333. a.  
*salutifer et salutiger* 187. b.  
*saluto vitam* 390. b.  
*salagax* 282. b.  
*Sauromata vagus* 335. b.  
*saxosus* 186. b.  
*saxosus fluvius* 186. b.  
*scando* 268. b.  
*scindo* 339. b.  
— et *caedo* conf. 340. a.  
*scombr* 339. a.  
*scribo* 283. a.  
*scrutor* 236. b.  
*secius* 250. a.  
*secretus et securus* conf. 257. b.  
*securus et secretus* conf. 237. b.  
*sed* 284. a. b.  
*sedeo de iudiciis* 174. a. b.  
*Sellae* 388. a.  
*Semeles interitus* 217. b.  
*semirutus* 385. a.  
*semitus* 385. a.  
*senectus* 199. a.  
*senior* 169. a.  
*senior et genitor* conf. 217. a.  
*septem colles Romae* 200. a.  
*sepulcrum* 287. a.  
*sequens* 339. b.  
*seria et lusus* 159. b.  
*servio* 227. b.  
*servo locum* 187. b.  
*si* 321. b. — *cur* 273. a.  
*sibilo* 350. b.  
*sic pro talis* 183. a.  
*sicubi* 376. b.  
*sicut erat* 235. a.  
*silea* 267. b.  
*Sidonius Apollinaria imitator* *Stilii*  
161. a. 175. a. 176. a. 177. a. 181.  
b. 182. b. 183. a. 208. a.  
*signo* 352. b.  
*simplex verbum pro composito* 325. a.  
*simul* 353. b.  
*singularis pro plurali* 261. b.  
*Sirenum muri* 259. a.  
*sit* 391. b.  
*situs* 291. a.  
*solidus* 350. b.  
— et *solitus* conf. 320. b.  
*solis cubile* 267. b. *orbis, rota* 278. a.  
*solis et lucis* conf. 278. b.  
*solitus* 320. b.  
— et *solidus* conf. *ibid.*  
*soluti modi* 327. b.  
*somnus* 187. a. *mortis similis* 274. b.  
*sordes* 354. a.

S.

*Sabinae mulieres* 238. b. 349. b.  
*sacerdos* 379. a.  
*sacra fortia, crudelia* 264. a. b.  
*sacrat* 552. b.  
*sacri vultus* 312. a.  
*sacrilegus* 333. a.  
*sacro* 332. b.



*sordidus* ibid.  
*sors* de matrimonio 171. b.  
*spargo* 289. a. *floribus* 40. a.  
*sparsus* 281. b.  
*specto* 397. b.  
*specula* 370. a.  
*spiro* 239. b. 354. b.  
*splendet domus* 178. b.  
*stagno* 273. b.  
*stamen* 381. a.  
*Statii aetas* 293. b.  
*stemma* 243. a.  
*strata lecti* 175. b.  
*stringo* 387. a.  
*Stropha* 231. a.  
*stupeo* 236. a.  
*subeo tectum* 179. a.  
*subigo* 347. a.  
*subnexus* 387. b.  
*subnixus* 387. b.  
*subrigo* 280. a. 354. b.  
*substantiva pro adjectivis* 196. b.  
 295. a. pro verbis 272. b. eorum,  
 quae animi affectum indicant, usus  
 singularis 250. b.  
*succinctus* 394. b.  
*succingo* 346. b.  
*succus et fucus* conf. 275. a.  
*sulphurea aqua* 195. b.  
*sum* 301. h.  
*summa astra* 178. a.  
*sumo* 387. b. 395. a.  
*super* 230. a.  
 — et *supra* conf. ibid.  
*Superi* 299. b.  
*superbus* 196. a.  
*supinum primum* 199. b.  
*supra* 230. a.  
 — et *super* conf. ibid.  
*surdus et tardus* conf. 375. a.  
*surgo* 354. b.  
*Surrentum* 259. a. eius vinum 301.  
 b. sq.  
*suscipio* 189. b.  
*suspiro* 239. b.  
*sustineo* 374. a.  
*suus* 186. b.

## T.

*t et d* conf. 337. a.  
*tabes* 400. a.  
*tacens et tacens* 189. a.  
*taeda festa* 298. b.  
*Taenariae columnae* 179. a.  
*tam* 297. b.  
*tamen omisum* 342. b.  
*tango* 402. a.  
*tanti est* 396. b.

*tantus omisum ante quantus* 204. a.  
*tardus* 375. a.  
 — et *surdus* conf. ibid.  
*taurus* 225. a.  
*Teate* 323. b.  
*tectum* 175. b. 261. b.  
*tecta et templa* conf. 164. a. 261. b.  
 — — *tigna* — 194. a.  
*tego* 343. b.  
*Teleboun regna* 263. b.  
*Temesaeus* 208. b.  
*tempe* 395. b.  
*tempero* 169. b.  
*templa* 263. a.  
 — et *tecta* conf. 164. a. 261. b.  
*tempora et carmina* conf. 334. b.  
 — — *laurus conjuncta* 334. b.  
*temporum mutatio* 169. a. 344. a.  
 412. b.  
*tendo* 248. a. *cursus* 365. a.  
*teneo* 203. a. 230. a. 267. a. 333. a.  
 387. a. *thalamum, torum* 298.  
 a. abundat 257. a.  
 — et *timeo* conf. 362. a.  
 — — *tumeo* — 387. a.  
*tener somnus* 189. a.  
*tenor* 233. a. 361. b.  
*tento* 324. a.  
*tenues chordae* 405. b.  
*tenuo* 355. a.  
*Terentium* 306. a.  
*tergo* 222. a.  
*tero otia* 297. b. *pedibus* 166. a.  
*tesca* 233. a.  
*testor aras* XI.  
*tero* 375. b.  
*Therapnaeus* 229. b.  
*Thestius et Thestiades* 257. b.  
*tholus* 355. a.  
*thymbra* 170. a.  
*tibi et mihi* conf. 381. a.  
*Tiburnus* 196. a.  
*tigna et tecta* conf. 194. a.  
*timeo pro aliquo* 364. b.  
 — et *teneo* conf. 362. a.  
*tingo* 216. a. *carmina* 198. a.  
*Titania* 174. a.  
*Tithonia* 174. a. 328. b.  
*toga* 364. b.  
*togatus* 253. a.  
*tonat* 385. a.  
*torus* 220. a.  
*torvus* 241. a.  
*trabea* 357. b. sq.  
*tracto arma* 369. a.  
*trador* 344. b.  
*traho vultum* 232. b.  
*trichora* 193. b.  
*Triptolemus* 311. a.

*trisyllabae voces saepe confusae* VII.  
 sqq.  
*triumphus iustus* 203. b.  
*tu repetitum* 253. b. *te repetitum*  
 272. a. 376. b. *tuque o* 207. a.  
*tum demum* 233. b.  
*tumeo* 386. b.  
 — et *teneo* conf. 387. a.  
*tundo* 405. a.  
*turba* 227. b.  
 — et *cura* conf. ibid.  
*turbo et turpo* conf. 197. b.  
*turgeo* 357. a.  
*turma* 367. a.  
*turpo* 197. b.  
 — et *turbo* conf. ibid.  
*tutum et iustum* conf. 172. a.

## U.

*uda Nais* 229. a.  
*udum litus* 226. a.  
*udus et unus* conf. ibid.  
*ulmus et ulva* conf. 317. b.  
*ulna* 224. b.  
*ulva* 317. b. 402. a.  
 — et *ulmus* conf. 317. b.  
*umbo* 262. b.  
*umbrae* 237. a.  
*umhrifer* 221. b.  
*undisonus* 370. a.  
*undo* 246. b.  
*undosus pater, conjux* etc. 370. a.  
*ungues Mortis* 219. b.  
*unquam pleonastice* 262. b.  
*unus et udus* conf. 226. a.  
*ut* 365. a. *ita dicam* 282. b.  
 — et *in* conf. ibid.  
*uteo* 265. a.

## V.

*v et b* conf. 203. a. 250. b.  
 — — *f* — 167. a.  
 — — *m* — 205. a.  
*vaccae pro reditu votae* 275. a.  
*vaco* 360. a.  
*vagus Sauromata* 335. b.  
*validus* 321. b.  
*vanus et navus* conf. 346. b.  
*ve* 257. a.  
*vel* 340. b.  
*Felia* 388. a.  
*vena* 188. b.  
*venerabilis et memorabilis* conf. 331.  
 b.  
*veniens Sol, Eos* etc. 210. a.

- ventorum descriptio 224. a.  
*Venus* et *nemus* conf. 345. b.  
*verba ἀπὸ νοῦνοῦ* intelliguntur 238.  
   a. intransitiva 386. b. sensu trans-  
   itivio 306. b. simplicia pro compo-  
   sitis 159. a. substantivum omis-  
   sum 412. b.  
*verber creber* 167. b.  
*vereor* 229. b.  
*verno* 325. a.  
*vernus* 325. a.  
*versus* 375. a.  
*verto* 215. b. 275. a.  
*verus* 297. a. 406. b. *verum* pro  
   aequum, iustum 172. a. oppositum  
   *false* 345. b. *verum erat* 408. a.  
*vesanus* 250. b.  
*Vesbius, Vestius* 385. a.  
*Vesta aeterna* 164. a.  
*vestigia certae* 234. b.  
*veternus* 274. a.  
*vetus* 288. a.  
*via palet* 384. b.  
   — et *mora* conf. 357. a.  
*viam et vicem* conf. 372. a.  
*vibro* 234. b. 363. b.  
*vibro et libro* conf. 363. b.  
*vicem et viam* conf. 372. a.  
*vices* 371. b.  
*vicinitas locorum* scriptores pertur-  
   bat 222. a.  
*victus certamine* 239. a.  
*video* 324. a.  
*videor* subintelligendum in descripti-  
   onibus poeticis 162. a. b.  
*vigil* 370. a. b.  
*vigilatus* 329. a.  
*vinctio* 410. a.  
*vinco* 167. a.  
*vinctus et iunctus* conf. 187. b.  
*vinorum aetas* definita 328. a.  
*Violantilla*, non *Violentilla* 169. a.  
*vir* 175. b.  
   — et *animus* conf. 261. a.  
*Virgilius doctus* 380. a. de Aeneide  
   iudicium. XVIII.  
*viridis ripa* 233. b.  
   — et *niveus* conf. 233. b.  
*virtus longa* 326. b.  
*virus* 205. b.  
*viscera animae* 404. a.  
*vise* 185. a.  
*visus* 312. a.  
   — et *iussus* conf. 329. a.  
   — *omisso est* 186. a.  
*vita matura* 247. b.  
*vitreus et niveus* conf. 234. a.  
*vire et virile* 232. a.  
*vivo* 162. a. de fluminibus 179. a.  
*voco* 371. a.  
   — et *rogo* conf. 212. b.  
*vocor* 344. b.  
*volentia* 234. a.  
*volvo curas pectore* 222. a.  
*votum* 172. a. *vota* 363. a. *precas-*  
   *que* 180. a.  
*vox soluta, vagans* sim. 395. a.  
   — et *nox* conf. 294. b.  
*vulnus et funus* — 343. a. 407. b.  
   — — *munus* — 377. a.  
   — — *murmur* — 412. a.  
*cultus*, plural. 311. b.

## Z.

Zeugma 168. b.



LECTORI BENEVOLO S. P. D. LIBRARIUS.


**S**i haec editio hominibus doctis probabitur, quod quo minus futurum sit, haud dubitamus, duo libri similis argumenti deinceps eam sequentur, de quorum pretio omnes consentiunt, dolentes, eos non saepius reperiri. Etenim SILII ITALICI EDITIO DRAKENEORCHIANA pariter atque OUDENDORPIANA LUCANI a nemine desiderari possunt, qui philologiae gnaviter vult operam dare, et votis orbis literarii satisfacturi esse videmur, si horum operum novas editiones eadem ratione, qua Statium nunc habes, imprimendas curamus. Prodibit igitur primo SILIUS ITALICUS, qualem eum editio DRAKENEORCHIANA exhibet, iisque, qui nomen suum apud nos profitentes opus illud se empturos esse promittunt, aliquanto minori pretio id accipient, quam post finitam impressionem prostabit.

---













**BINDING SECT. NOV 6 , 1967**

**PLEASE DO NOT REMOVE  
CARDS OR SLIPS FROM THIS POCKET**

---

**UNIVERSITY OF TORONTO LIBRARY**

---



